









BREVIARIUM

ROMANUM.

BREVIARIUM

ROMANUM.

BREVIARIUM

ROMANUM

EX DECRETO SACROSANCTI CONCILII TRIDENTINI RESTITUTUM,

S. PIL V. PONTIFICIS MAXIMI

JUSSU EDITUM


CLEMENTIS VIII. ET URBANI VIII.

AUCTORITATE RECOGNITUM.

CUM OFFICIIS SANCTORUM

NOVISSIME PER SUMMOS PONTIFICES USQUE AD HANC DIEM CONCESSIS.

PARS VERNAL.



MECHLINIAC

H. DESSAIN, SUCCESSOR P. J. HANICQ,
SUMMI PONTIFICIS, S. CONGREGATIONIS DE PROPAGANDA FIDE
ET ARCHIEP. MECVL. TYPOGRAPHUS.

M. D. CCC. XLV.

296048
30.1.34

EX DECRETORUM REGISTRO

S. RITUM CONGREGATIONIS

HEC AD BREVIARIUM ROMANUM ATTINENT.



SACRA Rituum Congregatio declaravit et decrevit, non potuisse post Bullam S. Pii V, de Breviario Romano, neque posse locorum Ordinarios, tam Sæculares quam Regulares, addere Kalendaris, etiam propriis, Sanctorum Officia, nisi ea duntaxat, quæ Breviarii Romani Rubricis, vel sacræ Rituum Congregationis, seu Sedis Apostolicæ licentia conceduntur: neque propria auctoritate, quovis prætextu, mutare ritum, qui habetur in Kalendario Romano, seu Rubricis Breviarii, in altiore ritum: neque extendere concessa Officia de loco ad locum.

Item vetuit et prohibuit celebrari per totam civitatem vel Diœcesim, etiam de cujuscumque Ordinarii auctoritate, Festum cum Officio, eo quod in loco adsit Ecclesia Parochialis, vel regularis, vel Abbatialis, aut aliqua Reliquia, sed tantum in ipsius Sancti Ecclesia titulari, seu ubi asservatur corpus aut insignis Reliquia, et non alibi.

Insignes autem Reliquias declaravit esse caput, brachium, crus, aut illam partem corporis, in qua passus est Martyr, modo sit integra, et non parva, et legitime ab Ordinariis approbata.

De sanctis Episcopis locorum, Martyribus, Civibus, et aliis Festis, de quibus in Kalendario Romano, seu Rubricis Breviarii nihil habetur, uti etiam de Beatis nondum canonizatis, nihil propria auctoritate constituatur, sed omnino consulatur Sacra Rit. Congr.

Decretum quoque nuper editum super electione Sanctorum in Patronos, et impressum, omnino servetur.

Et hæc omnia decrevit, statuit, et mandavit, innovando pœnas Constitutionis S. Pii V. respective.

Facta demum relatione horum Decretorum Sanctissimo D. N. Urbano Papæ VIII. ea laudavit et approbavit, atque ab omnibus ubique sub prædictis pœnis servari præcepit, necnon in novis Breviariis de mandato Sanctitatis suæ imprimendis apponi jussit.

Loco † Sigilli.

T. TEGRIMUS, *Episc. Assisiens. Secret.*

VERNA.

★

EJUSDEM PRO SANCTIS

AD LIBITUM.



EADEM Sacra Rituum Congregatio, habita die 2 Decembris 1673, statuit ex mandato Clementis X. Festa Sanctorum ad libitum in posterum non esse transferenda, si eorum festivitas incidat in diem Dominicam, vel aliquam diem Festorum mobilium; sed tunc illo anno eorum Officia esse omittenda. Quod ipsum postea Innocentius Papa XI. in Congreg. habita 24 Januarii 1682 generali Decreto confirmavit, et extendit insuper etiam ad Octavas et Natalitia Sanctorum, de præcepto in aliqua Religione vel Diœcesi, ex indulto Apostolico recitanda. Ita ut ne quidem dictis Festis, vel Octavis Festa ad libitum tunc incidentia possint recitari, sed omitti prorsus debeant.

Permisit tamen, ut Festum translatum quod alias eo die celebrandum foret, in alium diem non impeditum transferatur: item ut eodem die omitti possit Officium semel per hebdomadam, aut mensem recitandum ex indulto Apostolico, ut ita locus sit celebrando Officio ad libitum.

EJUSDEM PRO SANCTIS

IN MARTYROLOGIO NON DESCRIPTIS.



OFFICIA Sanctorum ratione Corporis, seu insignis Reliquiæ recitanda ex Decr. Sac. Rit. Cong. 11 Augusti 1691 intelligi debere de Sanctis duntaxat in Martyrologio Romano descriptis, et dummodo constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus: de ceteris autem Sanctis in prædicto Martyrologio non descriptis, aut quibus a S. Sede non fuerit specialiter concessum, Officia recitari, et Missas celebrari vetuerunt, non obstante quod ipsorum Corpora vel insignes Reliquiæ in Ecclesiis asserventur, quibus tamen ab Ordinariis locorum approbatis debitam Fidelium venerationem (prout hactenus servatum est) exhibendam esse censuerunt, sed absque Officio et Missa, sub pœnis de non satisfaciendo præcepto recitandi Officium, aliisque in Constitutione S. Pii V. contentis. Die 11 Augusti 1691, et Sanctissimus approbavit die 19 Octobris ejusdem anni 1691.

Loco † Sigilli.

J. VALLEMANUS, S. R. C. Secret.

DECRETA GENERALIA

CIRCA RUBRICAS.

Cum Sacrorum Rituum Congregationi demisse supplicatum fuisset sequentia dubia declarare :

Primum. An, cum multis Congregationibus, Religionibus, sive Ecclesiis, vel Nationibus concessum sit a Sancta Sede Apostolica, ut semel, vel pluries in singulis hebdomadis, vel mensibus celebrentur varia Officia per annum, verbi gratia de SS. Sacramento, vel de Sanctis, in diebus non impeditis aliquo Festo Duplici vel Semiduplici, liceat ejusmodi Officia facere etiam in diebus sanctæ Quadragesimæ, Adventus, Vigiliarum, et Quatuor Temporum, etiamsi de his diebus nulla sit facta specialis mentio in aliquibus Officiorum concessionibus.

Secundum. An dies impeditus Festo Duplici vel Semiduplici pro dictis Officiis recitandis, intelligantur etiam dies, in quibus ponendum est Officium de Festo Duplici, vel Semiduplici translato; quemadmodum dicitur responsum fuisse olim a Sacra Congregatione: Quod scilicet Festum Duplex, vel Semiduplex etiam translatum, nec non dies octavæ sit dies impeditus respectu talium Officiorum.

Tertium. An Regulares absque speciali privilegio, sed sola communicatione privilegiorum aliarum Religionum possint addere nomen Sancti Fundatoris in Litanis, et Confiteor, itemque recitare Officia et Missas concessas aliis Religionibus.

Sacrorum Rituum eadem Congregatio ad relationem Eminen- tissimi et Reverendissimi Domini Cardinalis Colloredo respon- dit:

Ad Primum. Negative, et hujusmodi indulta non habere locum in Feriis Adventus, Quadragesimæ, Quatuor Temporum, Vigiliarum, sive cum jejuniis, sive absque jejuniis, nec in Feria ij. Rogationum, nec in illa Feria, in qua secundum Rubricas sit reponendum Officium Dominicæ.

Ad Secundum. Affirmative.

Ad Tertium. Negative in omnibus.

Et ita declaravit, ac servari voluit, ac insuper ut Declarationes seu Decreta prædicta omnibus innotescant, typis ea imprimi mandavit. Die 20 Martii 1706.

Loco † Sigilli.

G. Card. CARPINEUS.

B. INCHIRAMI, Sac Rit. Congreg. Secret.

QUATUOR TEMPORA.

QUATUOR Tempora celebrantur quarta et sexta Feria, ac Sabbato post tertiam Dominicam Adventus, post primam Dominicam Quadragesimæ, post Ænicam Pentecostes, post festum Exaltationis S. Crucis.

NUPTIE

QUANDO CELEBRARI NON POSSINT,
JUNTA DECRETUM CONCILII
TRIDENTINI.

A Dominica prima Adventus usque in diem Epiphaniæ, et a Feria quarta Cinerum usque in octavam Paschatis inclusive, sancta Synodus solemnitates nuptiarum prohibet: in aliis vero temporibus nuptias solemniter celebrari permittit.

MODUS BREVIS

COGNOSCENDI AUREUM NUMERUM
CUIUSQUE ANNI.

Numero anni, de quo quæris, adde unicam unitatem 4. Exempli gratia 1854 adde 4; summam inde conflatam divide per 49; quod superest erit Aureus numerus ipsius anni: si nihil superest, erit Aureus numerus 49.

Tabella Litterarum Dominicalium ab Idibus Octobris anni correctionis 1582, (detractis prius decem diebus) usque ad annum 1700 exclusive.

c	b	A	f	e	d	c
		g				b

A	g	f	e	c	b	A
			d			

g	e	d	c	b	g	f
f				A		

e	d	b	A	g	f	d
	c				e	

Usus hujus tabellæ hic est. Anno correctionis 1582 post Idus Octobris, (detractis prius decem diebus) tribuatur littera c primæ cellulæ, et sequenti anno 1583 littera b secundæ cellulæ, et anno 1584 dentur litteræ A g tertiæ cellulæ, et sic deinceps aliis annis ordine aliæ cellulæ tribuantur, donec ad annum propositum perventum sit, redeundo ad principium tabellæ quotiescumque eam percurreris. Nam cellula, in quam annus propositus cadit, dummodo minor sit quam annus 1700, dabit Litteram Dominicalem propositi anni: quæ si unica occurrerit, annus erit communis: si vero duplex. Bissextilis; et tunc superior littera Dominicam diem ostendet in Calendario a principio anni usque ad festum sancti Mathiæ Apostoli: inferior autem ab hoc festo usque ad finem anni. Exempli gratia: Sit inveniendæ Litteræ Dominicalis anno 1587: numerâ ab anno 1582, quem tribue primæ litteræ c usque ad annum 1587,tribuendo singulis cellulis singulos annos, (computando geminas litteras quas-cumque superiorem et inferiorem, pro una cellula) cadetque annus 1587 in litteram d, quæ sextum locum in tabella occupat. Est ergo toto eo anno Littera Dominicalis d; annusque communis est, cum littera simplex occurrat. Rursus sit investigandæ Litteræ Dominicalis anno 1616: numerâ ab anno 1582, ut dictum est, usque ad annum 1616, redeundo ad principium tabellæ, postquam eam percurreris, perveniesque ad duas hasce litteras c b, septimo loco positas. Est ergo annus ille Bissextilis, cum duplex

littera occurrat, superiorque littera c Dominicam diem indicabit a principio anni illius usque ad festum sancti Matthiæ, inferior autem b in reliqua parte anni.

Alia tabella Litterarum Dominicalium ab anno 1834, usque ad annum 1900 exclusive.

e	d	c	A	g	f	e
		b				d
c	b	A	g	e	d	c
			f			
b	g	f	e	d	b	A
A				c		
g	f	d	c	b	A	f
	e				g	

Usus autem hujus tabellæ hic est. Anno 1834 tribuatur littera e primæ cellulæ, et sequenti anno 1835 littera d secundæ cellulæ, et sic deinceps ceteris annis ordine aliæ cellulæ tribuantur: donec ad annum propositum perventum sit, redeundo ad principium tabellæ, quotiescumque eam percurreris. Nam cellula, in quam annus propositus cadit, dabit Litteram Dominicalem propositi anni: quæ si unica occurrit, annus erit communis: si vero duplex, Bissextilis; et tunc superior lit-

tera Dominicalem diem ostendet in Calendario a principio anni usque ad festum sancti Matthiæ Apostoli, inferior autem ab hoc festo usque ad finem anni.

DE INDICTIONE.

INDICTIO est revolutio 15 annorum ab 1 usque ad 15; qua revolutione peracta, iterum reditur ad unitatem, initiumque sumit quilibet annus hujus Cycli a Januario in Bullis pontificiis. Et quoniam Indictionum frequens usus est in diplomatis, et scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est; initium tamen sumit ab anno correctionis 1582.

Tabella Indictionis ab anno correctionis 1582.

10.	11.	12.	13.	14.	15.	1.	
2.	3.	4.	5.	6.	7.	8.	9.

Nam si anno 1582 tribuas primum numerum, qui est 10; et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in Indictionem, quæ quæritur.

TABULA PASCHALIS

Anno num.		Cyclus Epact.	Littera Domin.	Septuag.	Dies Cinerum.
46 5		xxij xxij xxj xx xix	— d e f g	Jan. 48 49 20 21	Febr. 4 5 6 7
10 48 7		xviiij xviij xvj xv xiv	A b c d e	22 25 24 25 26	8 9 10 11 12
15 4 12		xij xi xj x ix	f g A b c	27 28 29 30 31	13 14 15 16 17
1 9 47		viiij viij vj v iv	d e f g A	1 Febr. 2 3 4 5	18 19 20 21 22
6 14 5		iiij ij j * xxix	b c d e f	6 7 8 9 10	23 24 25 26 27
11 49 8	25. xxx.	xxviiij xxviij xxvj xxv	g A b c d	11 12 13 14 15	28 1 Mart. 2 3 4
			e f g A b	16 17 18 19 20	5 6 7 8 9

ANTIQUA REFORMATA.

Pascha.	Ascens.	Pentec.	Corpus Christi.	Dom. p. P.	J. Dom. Adv.
Mart. 22 23 24 25	Apr. 50 1 Maii. 2 3	Maii. 40 41 42 43	Maii. 21 22 23 24	28 28 28 28	29. Nov. 30. 1. Dec. 2.
26 27 28 29 30	4 5 6 7 8	44 45 46 47 48	25 26 27 28 29	28 27 27 27 27	3. 27. Nov. 28. 29. 30.
31 1 Apr. 2 3 4	9 10 11 12 13	49 50 51 52 53	30 31 1 Jun. 2 3	27 27 27 26 26	4. Dec. 2. 3. 27. Nov. 28.
5 6 7 8 9	14 15 16 17 18	24 25 26 27 28	4 5 6 7 8	26 26 26 26 26	29. 30. 1. Dec. 2. 3.
10 11 12 13 14	19 20 21 22 23	29 30 31 1 Jun. 2	9 10 11 12 13	25 25 25 25 25	27. Nov. 28. 29. 30. 1. Dec.
15 16 17 18 19	24 25 26 27 28	3 4 5 6 7	14 15 16 17 18	25 25 24 24 24	2. 3. 27. Nov. 28. 29.
20 21 22 23 24	29 30 31 1 Jun. 2	8 9 10 11 12	19 20 21 22 23	24 24 24 24 25	30. 1. Dec. 2. 3. 27. Nov.

TABULA PASCHALIS

Lat. Dom.	Cyclus Epactarum.	Septuag.	Dies Cinerum
D	25. 22.21.20.19.18.17.16. 15.14.13.12.11.10.9. 8.7.6.5.4.3.2. 1.* 29.28.27.26.25.25.24.	18. Jan. 25. Jan. 1. Febr. 8. Febr. 15. Febr.	4. Jan. 11. Febr. 18. Febr. 25. Febr. 4. Mart.
E	23.22. 21.20.19.18.17.16.15. 14.13.12.11.10.9.8. 7.6.5.4.3.2.1. * 29.28.27.26.25.25.24.	19. Jan. 26. Jan. 2. Febr. 9. Febr. 16. Febr.	5. Febr. 12. Febr. 19. Febr. 26. Febr. 5. Mart.
F	23.22.21. 20.19.18.17.16.15.14. 13.12.11.10.9.8.7. 6.5.4.3.2.1.* 29.28.27.26.25.25.24.	20. Jan. 27. Jan. 3. Febr. 10. Febr. 17. Febr.	6. Febr. 13. Febr. 20. Febr. 27. Febr. 6. Mart.
G	23.22.21.20. 19.18.17.16.15.14.13. 12.11.10.9.8.7.6. 5.4.3.2.1.* 29. 28.27.26.25.25.24.	21. Jan. 28. Jan. 4. Febr. 11. Febr. 18. Febr.	7. Febr. 14. Febr. 21. Febr. 28. Febr. 7. Mart.
A	23.22.21.20.19. 18.17.16.15.14.13.12. 11.10.9.8.7.6.5. 4.3.2.1.* 29.28. 27.26.25.25.24.	22. Jan. 29. Jan. 5. Febr. 12. Febr. 19. Febr.	8. Febr. 15. Febr. 22. Febr. 1. Mart. 8. Mart.
B	23.22.21.20.19.18. 17.16.15.14.13.12.11. 10.9.8.7.6.5.4. 3.2.1.* 29.28.27. 26.25.25.24.	23. Jan. 30. Jan. 6. Febr. 13. Febr. 20. Febr.	9. Febr. 16. Febr. 23. Febr. 2. Mart. 9. Mart.
C	23.22.21.20.19.18.17. 16.15.14.13.12.11.10. 9.8.7.6.5.4.3. 2.1.* 29.28.27.26.25. 25.24.	24. Jan. 31. Jan. 7. Febr. 14. Febr. 21. Febr.	10. Febr. 17. Febr. 24. Febr. 3. Mart. 10. Mart.

NOVA REFORMATA.

Pascha.	Ascensio	Pentec.	Corpus Christi.	Dem. inter P. et Adv.	Prima Dñica Advent.
22. Mart.	50. Apr.	40. Maii	21. Maii	28	29. Nov.
29. Mart.	7. Maii	47. Maii	28. Maii	27	29.
5. Apr.	14. Maii	24. Maii	4. Junii	26	29.
12. Apr.	21. Maii	31. Maii	11. Junii	25	29.
19. Apr.	28. Maii	7. Junii	18. Junii	24	29.
23. Mart.	4. Maii	11. Maii	22. Maii	28	30. Nov.
30. Mart.	8. Maii	18. Maii	29. Maii	27	30.
6. Apr.	15. Maii	25. Maii	5. Junii	26	30.
13. Apr.	22. Maii	1. Junii	12. Junii	25	30.
20. Apr.	29. Maii	8. Junii	19. Junii	24	30.
24. Mart.	2. Maii	12. Maii	23. Maii	28	1. Dec.
31. Mart.	9. Maii	19. Maii	30. Maii	27	1.
7. Apr.	16. Maii	26. Maii	6. Junii	26	1.
14. Apr.	23. Maii	2. Junii	13. Junii	25	1.
21. Apr.	30. Maii	9. Junii	20. Junii	24	1.
25. Mart.	3. Maii	13. Maii	24. Maii	28	2. Dec.
1. Apr.	10. Maii	20. Maii	31. Maii	27	2.
8. Apr.	17. Maii	27. Maii	7. Junii	26	2.
15. Apr.	24. Maii	3. Junii	14. Junii	25	2.
22. Apr.	31. Maii	10. Junii	21. Junii	24	2.
26. Mart.	4. Maii	14. Maii	25. Maii	28	3. Dec.
2. Apr.	11. Maii	21. Maii	1. Junii	27	3.
9. Apr.	18. Maii	28. Maii	8. Junii	26	3.
16. Apr.	25. Maii	4. Junii	15. Junii	25	3.
23. Apr.	1. Junii	11. Junii	22. Junii	24	3.
27. Mart.	5. Maii	15. Maii	26. Maii	27	27. Nov.
3. Apr.	12. Maii	22. Maii	2. Junii	26	27.
10. Apr.	19. Maii	29. Maii	9. Junii	25	27.
17. Apr.	26. Maii	5. Junii	16. Junii	24	27.
24. Apr.	2. Junii	12. Junii	23. Junii	23	27.
28. Mart.	6. Maii	16. Maii	27. Maii	27	28. Nov.
4. Apr.	13. Maii	23. Maii	3. Junii	26	28.
11. Apr.	20. Maii	30. Maii	10. Junii	25	28.
18. Apr.	27. Maii	6. Junii	17. Junii	24	28.
25. Apr.	3. Junii	13. Junii	24. Junii	23	28.

TABELLA TEMPORALIA

An. Deli.	Lit. Dom.	Aur. num.	Epact	Septua- ges	Dies Ciner.	Pasch.
1864	c b	3	xxij	24 Jan.	10 Febr.	27 Mart.
1865	A	4	ij	12 Febr.	1 Mart.	16 Apr.
1866	g	5	xiv	28 Jan.	14 Febr.	1 Apr.
1867	f	6	xxv	17 Febr.	6 Mart.	21 Apr.
1868	e d	7	vj	9 Febr.	26 Febr.	12 Apr.
1869	c	8	xxvii	24 Jan.	10 Febr.	28 Mart.
1870	b	9	xxviii	13 Febr.	2 Mart.	17 Apr.
1871	A	10	ix	5 Febr.	22 Febr.	9 Apr.
1872	g f	11	xx	28 Jan.	14 Febr.	31 Mart.
1873	e	12	j	9 Febr.	26 Febr.	13 Apr.
1874	d	13	xij	1 Febr.	18 Febr.	5 Apr.
1875	c	14	xxiii	24 Jan.	10 Febr.	28 Mart.
1876	b A	15	iv	13 Febr.	1 Mart.	16 Apr.
1877	g	16	xv	28 Jan.	14 Febr.	1 Apr.
1878	f	17	xxvj	17 Febr.	6 Mart.	21 Apr.
1879	e	18	vi	9 Febr.	26 Febr.	13 Apr.
1880	d c	19	xvii	25 Jan.	11 Febr.	28 Mart.
1881	b	1	xviii	13 Febr.	2 Mart.	17 Apr.
1882	A	2	ix	5 Febr.	22 Febr.	9 Apr.
1883	g	3	xx	21 Jan.	7 Febr.	25 Mart.
1884	f e	4	xij	10 Febr.	27 Febr.	13 Apr.
1885	d	5	xiv	1 Febr.	18 Febr.	5 Apr.
1886	c	6	xxv	21 Febr.	10 Mart.	23 Apr.
1887	b	7	vj	6 Febr.	23 Febr.	10 Apr.
1888	A g	8	xxvi	29 Jan.	15 Febr.	1 Apr.
1889	f	9	xxvii	17 Febr.	6 Mart.	21 Apr.
1890	e	10	ix	2 Febr.	19 Febr.	6 Apr.
1891	d	11	xx	25 Jan.	11 Febr.	29 Mart.
1892	c b	12	j	14 Febr.	2 Mart.	17 Apr.
1893	A	13	xij	29 Jan.	15 Febr.	2 Apr.
1894	g	14	xxiii	21 Jan.	7 Febr.	25 Mart.
1895	f	15	iv	10 Febr.	27 Febr.	14 Apr.
1896	e d	16	xv	2 Febr.	19 Febr.	5 Apr.
1897	c	17	xxvi	14 Febr.	3 Mart.	18 Apr.
1898	b	18	vj	6 Febr.	23 Febr.	10 Apr.

FESTORUM MOBILIIUM.

Ascensio.	Penteco- stes.	Corpus Christi.	ind.	Dom. p. P.	Dom. 3 Advent.
5 Maii 25 Maii 40 Maii 30 Maii 21 Maii	15 Maii 4 Junii 20 Maii 9 Junii 31 Maii	26 Maii 15 Junii 31 Maii 20 Junii 11 Junii	7 8 9 10 11	27 25 27 24 25	27 Nov. 3 Dec. 2 Dec. 1 Dec. 29 Nov.
6 Maii 26 Maii 18 Maii 9 Maii 22 Maii	16 Maii 5 Junii 28 Maii 19 Maii 4 Junii	27 Maii 16 Junii 8 Junii 30 Maii 12 Junii	12 13 14 15 1	27 24 26 27 25	28 Nov. 27 Nov. 5 Dec. 1 Dec. 30 Nov.
14 Maii 6 Maii 25 Maii 10 Maii 30 Maii	24 Maii 16 Maii 4 Junii 20 Maii 9 Junii	4 Junii 27 Maii 15 Junii 31 Maii 20 Junii	2 3 4 5 6	26 27 25 27 24	29 Nov. 28 Nov. 5 Dec. 2 Dec. 1 Dec.
22 Maii 6 Maii 26 Maii 18 Maii 3 Maii	4 Junii 16 Maii 5 Junii 28 Maii 15 Maii	12 Junii 27 Maii 16 Junii 8 Junii 24 Maii	7 8 9 10 11	25 27 24 26 28	30 Nov. 28 Nov. 27 Nov. 3 Dec. 2 Dec.
22 Maii 14 Maii 3 Junii 19 Maii 10 Maii	4 Junii 24 Maii 15 Junii 29 Maii 20 Maii	12 Junii 4 Junii 24 Junii 9 Junii 31 Maii	12 13 14 15 1	25 26 25 25 27	30 Nov. 29 Nov. 28 Nov. 27 Nov. 2 Dec.
30 Maii 15 Maii 7 Maii 26 Maii 11 Maii	9 Junii 23 Maii 17 Maii 5 Junii 21 Maii	20 Junii 5 Junii 28 Maii 16 Junii 4 Junii	2 3 4 5 6	24 26 27 24 27	1 Dec. 30 Nov. 29 Nov. 27 Nov. 5 Dec.
5 Maii 23 Maii 14 Maii 27 Maii 19 Maii	15 Maii 2 Junii 24 Maii 6 Junii 29 Maii	24 Maii 17 Junii 4 Junii 17 Junii 9 Junii	7 8 9 10 11	28 25 26 24 25	2 Dec. 1 Dec. 29 Nov. 28 Nov. 27 Nov.

JANUARIUS.

C.E. L.D.

D.M.

	A	Kal.	1	Circumcisio Domini. dup. 2. cl.
29	b	iv	2	Octava S. Stephani. dupl.
28	c	iiij	3	Oct. S. Joannis Apost. dupl.
27	d	Prid.	4	Oct. SS. Innocentium. dupl.
26	e	Non.	5	Vigilia Epiph. semiduplex. Com. S. Telesphori Papæ Mart.
25.25	f	viiij	6	Epiphania Domini. dupl. 1. cl.
24	g	vij	7	De Octava Epiphaniæ.
23	A	vj	8	De Octava.
22	b	v	9	De Octava.
21	c	iv	10	De Octava.
20	d	iiij	11	De Oct. Com. S. Hygini P. M.
19	e	Prid.	12	De Octava.
18	f	Idib.	13	Octava Epiphaniæ. duplex. * Domin. ij. post Epiphan. Festum SS. Nominis Jesu. dupl. 2. cl.
17	g	xix	14	Hilarii Ep., Conf. et Doct. duplex. Com. S. Felicis Presb. et M.
16	A	xviiij	15	Pauli 1 Erem. dup. Com. S. Mauri A.
15	b	xvij	16	Marcelli Papæ Mart. semid.
14	c	xvj	17	Antonii Abbatis. duplex.
13	d	xv	18	Cathedra S. Petri Rom. dup. maj. Com. S. Priscæ V. et M.
12	e	xiv	19	Canuti Regis et Mart. semidup. ad lib. Com. SS. Marii, etc.
11	f	xiiij	20	Fabiani et Sebastiani MM. duplex.
10	g	xij	21	Agnētis Virg. et Mart. duplex.
9	A	xj	22	Vincentii et Anastasii M. semid.
8	b	x	23	Raymundi de Pennaf. Conf. semid. Com. S. Emerentianæ V. et M.
7	c	ix	24	Timothei Episc. et Mart. duplex.
6	d	viiij	25	Conversio S. Pauli Apost. duplex majus.
5	e	vij	26	Polycarpi Episc. et Mart. duplex.
4	f	vj	27	Joannis Chrys. Ep., C. et B. dupl.
3	g	v	28	Agnētis secundo.
2	A	iv	29	Francisci Salesii Ep. Conf. duplex
1	b	iiij	30	Martinæ Virg. et Mart. semid.
	c	Prid.	31	Petri Nolasci Conf. duplex

FEBRUARIUS.

C.E. L.D.

D.M.

29	d	Kal.	1	Ignatii Episc. et Mart. duplex.
28	e	iv	2	Purificatio B. M. V. dup. 2. cl.
27	f	iiij	3	Blasii Episcopi et Martyris.
25. 26	g	Prid.	4	Andreæ Corsini Episc. et Conf. duplex.
25. 24	A	Non.	5	Agathæ Virg. et Mart. duplex.
23	b	viiij	6	Titi Episc. et Conf. duplex. cum com. S. Dorotheæ V. et M.
22	c	vij	7	Romualdi Abbatis. duplex.
21	d	vj	8	Joannis de Matha Conf. duplex.
20	e	v	9	Apolloniæ Virg. et Mart.
19	f	iv	10	Scholasticæ Virginis. duplex.
18	g	iiij	11	
17	A	Prid.	12	
16	b	Idib.	13	
15	c	xvj	14	Valentini Presb. et Mart.
14	d	xv	15	Faustini et Jovitæ Mart.
13	e	xiv	16	
12	f	xiiij	17	
11	g	xij	18	Simeonis Episc. et Mart.
10	A	xj	19	
9	b	x	20	
8	c	ix	21	
7	d	viiij	22	Cath. S. Petri Antioch. dup maj.
6	e	vij	23	Petri Damiani Ep., Conf. et Doct. duplex. Com. Vig.
5	f	vj	24	Mathiæ Apostoli. dupl. 2. cl.
4	g	v	25	
3	A	iv	26	
2	b	iiij.	27	
1	c	Prid.	28	

In anno Bissextili Februarius est dierum 29, et Festum S. Mathiæ celebratur 25. Februarii, et bis dicitur Sexto Kalendas, id est, die 24 et die 23. et littera Dominicalis. quæ assumpta fuit in mense Januario, mutatur in præcedentem; ut, si in Januario Littera Dominicalis fuerit A. mutatur in præcedentem, quæ est g, etc. et littera f bis servit 24 et 25.

MARTIUS.

C.E. L.D.		D.M.	
*	d	Kal.	1
29	e	vj	2
28	f	v	3
27	g	iv	4
			Casimiri Conf. <i>semid.</i> Commem. S. Lucii Papæ et Mart.
26	A	iiij	5
25.25	b	Prid.	6
24	c	Non.	7
			Thomæ de Aquino Conf. et Doct. <i>duplex.</i> Com. SS. Perpetuæ et Felicitatis Mart.
23	d	viiij	8
22	e	vij	9
21	f	vj	10
20	g	v	11
19	A	iv	12
			Gregorii Papæ, Conf. et D. <i>dupl.</i> * Feria vj. post Domin. Passionis. <i>Festum septem Dolorum B.M.V.</i> <i>duplex maj.</i>
18	b	iiij	13
17	c	Prid.	14
16	d	Idib.	15
15	e	xvij	16
14	f	xvj	17
13	g	xv	18
12	A	xiv	19
11	b	xiiij	20
10	c	xij	21
9	d	xj	22
8	e	x	23
7	f	ix	24
6	g	viiij	25
5	A	vij	26
4	b	vj	27
3	c	v	28
2	d	iv	29
1	e	iiij	30
*	f	Prid.	31
			Joseph Confessoris. <i>dup.</i> 2. class. Benedicti Abbatis. <i>duplex.</i> Annunt. B. M. V. <i>duplex</i> 2. class.

APRILIS

C. E.	L. D.	D. M.
29	g Kal.	1
28	A iv	2 Francisci de Paula Conf. duplex.
27	b iij	3
25. 26	c Prid.	4 Isidori Ep., Conf. et Doct. duplex
25. 24	d Non.	5 Vincentii Ferr. Conf. duplex.
23	e viij	6
22	f vij	7
21	g vj	8
20	A v	9
19	b iv	10
18	c iij	11 Leonis Papæ, Conf. et Doct. Dupl. * Dom. iij. post Pascha. Festum Patrocinii S. Joseph. duplex 2. classis.
17	d Prid.	12
16	e Idib.	13 Hermenegildi Mart. semid.
15	f xvij	14 Tiburtii, Valeriani et Maximi, Mart.
14	g xvij	15
13	A xvj	16
12	b xv	17 Aniceti Papæ et Mart.
11	c xiv	18
10	d xij	19
9	e xij	20
8	f xj	21 Anselmi Episc., Confess. et Doct. duplex.
7	g x	22 Soteris et Caji PP. MM. semid.
6	A ix	23 Georgii Mart. semid.
5	b viij	24 Fidelis a Sigmaringa Mart. dupl.
4	c vij	25 Marci Evangelistæ. dup. 2. cl.
3	d vj	26 Cleti et Marcellini Pont. et Mart. semid.
2	e v	27
1	f iv	28 Vitalis Mart.
*	g iij	29 Petri Mart. duplex.
29	A Prid.	30 Catharinæ Senensis Virg. duplex.

C. E. L. D. D. M.

28	b	Kal.	1	Philippi et Jacobi Ap. dup. 2. cl.
27	c	vj	2	Athanasii Ep., Conf. et Doct. dupl.
26	d	v	3	Inv. S. Crucis. d. 2. cl. Com. S. Alexandri, etc. M. ac Juvenalis E. C.
25	e	iv	4	Monicæ Viduæ. duplex.
24	f	iiij	5	Pii V. Papæ et Conf. duplex.
23	g	Prid.	6	Joan. ante Port. Lat. dup. maj.
22	A	Non.	7	Stanislai Episc. et Mart. duplex.
21	b	viiij	8	App. S. Michaelis Arch. dup. maj.
20	c	vij	9	Gregorii Naz. Ep., C. et D. dup.
19	d	vj	10	Antonini Ep. et Conf. dupl. Com. SS. Gordiani et Epimachi Mart.
18	e	v	11	
17	f	iv	12	Nerei, Achillei, Domitillæ Virg. atque Pancratii MM. semid.
16	g	iiij	13	
15	A	Prid.	14	Bonifacii Mart.
14	b	Idib.	15	
13	c	xvij	16	Ubaldi Episc. Conf. semid.
12	d	xvj	17	Paschalis Baylon Conf. dupl.
11	e	xv	18	Venantii Mart. dupl.
10	f	xiv	19	Petri Cœlestini Pap. et Conf. dupl. Com. S. Pudencianæ Virg.
9	g	xiiij	20	Bernardini Senensis Conf. semid.
8	A	xij	21	
7	b	xj	22	
6	c	x	23	
5	d	ix	24	
4	e	viiij	25	Gregorii VII. Papæ et Conf. dupl. Com. S. Urbani Papæ et Mart.
3	f	vij	26	Philippi Nerii Conf. dupl. Com. S. Eleutherii Papæ et Mart.
2	g	vj	27	Mariæ Magd. de Pazz. Virg. semid. Com. S. Joannis Papæ Mart.
1	A	v	28	
•	b	iv	29	
29	c	iiij	30	Felicitis Papæ et Mart.
28	d	Prid.	31	Angelæ Mer. V. d. Com. Petronillæ.
				* Fer. vj. post Oct. Corp. Christi. Festum SS. Cordis Jesu dup. maj.

JUNIUS.

C. E. L. D.			D. M.	
	27	e	Kal.	4
25.	26	f	iv	2 Marcellini, Petri, atque Erasmi Mart.
25.	24	g	iiij	3
	23	A	Prid.	4 Francisci Caracc. Conf. dupl.
	22	b	Non.	5
	21	c	viiij	6 Norberti Ep. et Conf. dupl.
	20	d	vij	7
	19	e	vj	8
	18	f	v	9 Primi et Feliciani Mart.
	17	g	iv	10 Margaritæ Reg. Scot. semid.
	16	A	iiij	11 Barnabæ Apostoli. dup. maj.
	15	b	Prid.	12 Joannis a S. Facundo Conf. dup. Com. SS. Basilidis, etc.
	14	c	Idib.	13 Antonii de Padua Conf. dupl.
	13	d	xviiij	14 Basilii Magni E., C. et D. dupl.
	12	e	xvij	15 Viti, Modesti, atque Crescentii M.
	11	f	xvj	16
	10	g	xv	17
	9	A	xiv	18 Marci et Marcelliani Mart.
	8	b	xiiij	19 Julianæ de Falconeriis Virg. dup. Commem. SS. Gervasii et Protasii Mart.
	7	c	xij	20 Silverii Papæ et Mart.
	6	d	xj	21 Aloysii Gonzagæ Conf. dupl.
	5	e	x	22 Paulini Episc. et Conf.
	4	f	ix	23 Vigilia.
	3	g	viiij	24 Nativitas S. Joannis Baptistæ. dup. 4. cl.
	2	A	vij	25 Gulielmi Abb. dupl. Com. Oct.
	1	b	vj	26 Joannis et Pauli Mart. dupl. Com. Oct.
	*	c	v	27 De Oct. Nativ. S. Joannis.
29		d	iv	28 Leonis Papæ et Conf. semid. Com. Oct. et Vigiliæ.
28.		e	iiij	29 Petri et Pauli Ap. dupl. 4. cl.
27		f	Prid.	30 Com. S. Pauli Apost. dup. Com. S. Petri, et Oct. S. Joannis.

C. E. L. D.

D. M.

			* Dom. j. <i>Pret. Sang. D. N. J. C. d. 2. cl.</i>
26	g	Kal.	1 Oct. S. Joan. Bapt. <i>dup.</i> Com. Oct. Ap.
25	A	vj	2 <i>Visitatio B. M. V. d. 2. cl. Com.</i> SS. Processi et Martiniani MM.
24	b	v	3 De Octava.
23	c	iv	4 De Octava.
22	d	iiij	5 De Octava.
21	e	<i>Prid</i>	6 Oct. Ap. Petri et Pauli. <i>dup.</i>
20	f	<i>Non</i>	7
19	g	viiij	8 Elisabeth Reg. Portug. Vid. <i>semid</i>
18	A	vij	9
17	b	vj	10 7 Fratrum et SS. Rufinæ ac Secundæ Mart. <i>semid.</i>
16	c	v	11 Pii Papæ et Mart.
15	d	iv	12 Joannis Gualb. Abb. <i>dupl.</i> Com. SS. Naboris et Felicis Mart.
14	e	iiij	13 Anacleti Papæ et Mart. <i>semid.</i>
13	f	<i>Prid</i>	14 Bonaventuræ Ep., C. et Doct. <i>dupl.</i>
12	g	<i>Idib.</i>	15 Henrici Imper. Conf. <i>semid.</i>
11	A	xvij	16 <i>B. M. V. de Monte Carm.</i> <i>dup. maj.</i>
10	b	xvj	17 Alexii Conf. <i>semid.</i>
9	c	xv	18 Camilli de Lellis C. <i>dupl.</i> Com. S. Symphorosæ cum 7 filiis MM.
8	d	xiv	19 Vincentii a Paulo Conf. <i>dupl.</i>
7	e	xiiij	20 Hier. Emil. C. <i>Com. S. Marg. V. M.</i>
6	f	xij	21 Praxedis Virginis.
5	g	xj	22 Mariæ Magdalænæ. <i>dup.</i>
4	A	x	23 Apollinaris Episc. et Mart. <i>dup.</i> Com. S. Liborii Ep. et C.
3	b	ix	24 Vig. et Com. S. Christinæ V. et M.
2	c	viiij	25 <i>Jacobi Apost.</i> duplex 2. cl. Com. S. Christophori Mart.
1	d	vij	26 <i>Annæ Matris B. M. V.</i> <i>dup. maj.</i>
	e	vj	27 Pantaleonis Mart.
29	f	v	28 Nazarii, Celsi et Victoris Mart. ac Innocentii Papæ et Conf. <i>semid.</i>
28	g	iv	29 Marthæ Virg. <i>semid.</i> Com. SS. Felicis, Simplicii, etc. MM.
27	A	iiij	30 Abdon et Sennen Mart.
26	b	iii	31 Ignatii Conf. <i>duplex</i>

AUGUSTUS.

C. E. L. D.

D. M.

25, 24	c	Kal.	1	Petri ad Vincula. dup. maj. Com. SS. Machabæorum Mart.
23	d	iv	2	Alphonsi Mariæ de Lig. Ep. Conf. dup. Com. S. Stephani P. et M.
22	e	iiij	3	Inventio S. Stephani Protom. <i>semid.</i>
21	f	Prid.	4	Dominici Conf. duplex.
20	g	Non.	5	Dedic. S. Mariæ ad Nives. dup. maj.
19	A	viiij	6	Transfig. Domini. dupl. maj. Com. SS. Xysti, etc. Mart.
18	b	vij	7	Cajetani Thienæi Conf. duplex Com. S. Donati Episc. et Mart.
17	c	vj	8	Cyriaci, Largi et Smarag. M. <i>semid.</i>
16	d	v	9	Vigilia. Com. S. Romani M.
15	e	iv	10	Laurentii Mart. dupl. 2. cl.
14	f	iiij	11	De Oct. Com. SS. Tiburt. et Susan. M.
13	g	Prid.	12	Claræ Virg. dupl. Com. Oct.
12	A	Idus.	13	De Oct. Com. SS. Hipp. et Cass. M.
11	b	xix	14	De Oct. Com. Vig. et S. Eusebii Conf.
10	c	xviiij	15	Assumptio B. M. V. dupl. 1. cl. * Dom. inf. Oct. S. Joachin G. d. maj.
9	d	xvij	16	Hyacinthi Conf. dup. Com. Oct.
8	e	xvj	17	Oct. S. Laurentii. dupl. Com. Oct.
7	f	xv	18	De Oct. Com. S. Agapiti M.
6	g	xiv	19	De Octava.
5	A	xiiij	20	Bernardi Abb. et D. dup. Com. Oct.
4	b	xij	21	Joannæ Franc. dupl. Com. Oct.
3	c	xj	22	Oct. Assumpt. B. M. dupl. Com. SS. Timothei, etc. Mart.
2	d	x	23	Phil. Ben. Conf. dupl. Com. Vig.
1	e	ix	24	Bartholomæi Ap. d. 2. cl. Rom. 25.
*	f	viiij	25	Ludovici Regis Franc. Conf. <i>semid.</i> In Gallia. duplex. Romæ 26.
29	g	vij	26	Zephyrini Papæ et Mart.
28	A	vj	27	Josephi Calasanetii Conf. dupl.
27	b	v	28	Augustini Ep., Conf. et Doct. dupl. Com. S. Hermetis Mart.
26	c	iv	29	Decollatio S. Joannis Bapt. dup. maj. Com. S. Sabinæ M.
25, 25	d	iiij	30	Rosæ V. Lim. d. Com. S. Felic. etc. M.
24	e	Prid.	31	Raymundi Nonnati Conf. dupl.

SEPTEMBER

C. E. L. D.

D. M.

23	f	Kal.	1	Ægidii Abb. Com. SS. 12. Fr. MM.
22	g	iv	2	Stephani Regis Conf. <i>semid.</i>
21	A	iiij	3	
20	b	Prid.	4	
19	c	Non.	5	Laurentii Justin. Ep. C. <i>semid.</i>
18	d	viiij	6	
17	e	vij	7	
16	f	vj	8	Nativitatis B. M. V. duplex 2. cl. Com. S. Adriani Mart. * Dom. infra Oct. <i>Festum SS</i> <i>Nominis B. M. dupl. maj.</i>
15	g	v	9	De Oct. Com. S. Gorgonii Mart.
14	A	iv	10	Nicolai de Tol. C. <i>dup.</i> Com. Oct.
13	b	iiij	11	De Oct. Com. SS. Proti, etc. Mart.
12	c	Prid.	12	De Octava.
11	d	Idib.	13	De Octava.
10	e	xviiij	14	Exalt. S. Crucis. d. m. Com. Oct.
9	f	xvij	15	Octava Nativit. B. Mariæ. <i>duplex.</i> Com. S. Nicomedis Mart. * Dom. iiij. veliv. <i>Festum 7. Dolo-</i> <i>rum B. M. V. duplex majus.</i>
8	g	xvj	16	Cornelii et Cypriani P. et Mart. <i>semid.</i> Com. S. Euphemiæ, etc.
7	A	xv	17	Impress. Stigm. S. Franc. <i>dupl.</i>
6	b	xiv	18	Josephi a Cupert. Conf. <i>dupl.</i>
5	c	xiiij	19	Januarii Ep. et Soc. Mart. <i>dupl.</i>
4	d	xij	20	Eustachii et Soc. M. <i>dup.</i> Com. Vig.
3	e	xj	21	Matthæi Ap. et Ev. <i>dup.</i> 2. cl.
2	f	x	22	Thomæ a Villanova Ep. et C. <i>dup.</i> Com. SS. Mauritii et Soc. Mart.
1	g	ix	23	Linii Papæ et Mart. <i>semid.</i> Com. S. Theclæ Virg. et Mart.
	A	viiij	24	B. M. de Mercede. <i>dup.</i> maj.
29	b	vij	25	
28	c	vj	26	Cypriani et Justinæ Mart.
27	d	v	27	Cosmæ et Damiani MM. <i>semid.</i>
26	e	iv	28	Wenceslai Ducis et Mart. <i>semid.</i>
25	f	iiij	29	Dedic. S. Michaelis Arch. d. 2. cl.
24	g	Prid.	30	Hieronymi Presb. et Doct. <i>dup.</i>

OCTOBER

C. E. L. D.

D. M.

* Dominica j. SS. Rosarii B. M.
dup. maj.

22	A	kal.	1	Remigii Ep. et C. sem. ad lib. vel simpl. de præc. In Gallia, dup.
21	b	vj	2	Angelorum Custodum. dupl.
20	c	v	3	
19	d	iv	4	Francisci Conf. dupl.
18	e	iiij	5	Placidi et Sociorum Mart.
17	f	Prid.	6	Brunonis Conf. dupl.
16	g	Non.	7	Marci Papæ et Conf. Commemor. SS. Sergii, etc. Mart.
15	A	viiij	8	Birgittæ Viduæ. dupl.
14	b	vij	9	Dionysii, Rustici et Eleutherii MM. semid.
13	c	vj	10	Francisci Borgiæ Conf. semid.
12	d	v	11	
11	e	iv	12	
10	f	iiij	13	Eduardi Regis et Conf. semid.
9	g	Prid.	14	Callisti Papæ et Mart. duplex.
8	A	Idib.	15	Teresiæ Virginis. duplex.
7	b	xvij	16	
6	c	xvj	17	Hedwigis Viduæ. semid.
5	d	xv	18	Lucæ Evang. dup. 2. cl.
4	e	xiv	19	Petri de Alcant. Conf. duplex.
3	f	xiiij	20	Joannis Cantii Conf. duplex.
2	g	xij	21	Hilarionis Abb. Com. SS. Ursulæ et Soc. Virg. et Mart.
1	A	xj	22	
*	b	x	23	
29	c	ix	24	
28	d	viiij	25	Chrysanthi et Dariæ Mart.
27	e	vij	26	Evaristi Papæ et Mart.
26	f	vj	27	Vigilia.
25	g	v	28	Simonis et Judæ Ap. dup. 2. cl.
25.	A	iv	29	
23	b	iiij	30	
22	c	Prid.	31	Vigilia.

NOVEMBER.

C.E. L.D.

D.M.

24	d	Kal.	4	Festum omnium Sanct. dupl. 1. cl.
20	e	iv	2	Com. omnium Fidelium Defunct. dupl. et de Oct. omnium Sanct.
19	f	iiij	3	De Octava.
18	g	Prid.	4	Caroli Episc. Conf. dupl. Com. Oct. et S. Vitalis, etc. MM.
17	A	Non.	5	De Octava.
16	b	viiij	6	De Octava.
15	c	vij	7	De Octava.
14	d	vj	8	Oct. omnium Sanct. dupl. Com. SS. Quatuor Coronat. Mart.
13	e	v	9	Dedic. Basilicæ Salvatoris. dupl. Com. S. Theodori Mart.
12	f	iv	10	Andreæ Avellini Conf. semid. Com. SS. Tryphonis, etc. MM.
11	g	iiij	11	Martini Episc. et Conf. duplex. Com. S. Mennæ Mart.
10	A	Prid.	12	Martini Papæ et M. semid.
9	b	Idib.	13	Didaci Confessoris. semid.
8	c	xviiij	14	
7	d	xvij	15	Gertrudis Virginis. duplex.
6	e	xvj	16	
5	f	xv	17	Gregorii Thaum. Ep. et C. sem.
4	g	xiv	18	Ded. Basil. SS. Petri et Pauli. dupl.
3	A	xiiij	19	Elisabeth Viduæ. dupl. Comm. S. Pontiani Papæ et Mart.
2	b	xij	20	Felicis de Valois Conf. dupl.
1	c	xj	21	Præsentatio B. M. V. dupl. majus.
*	d	x	22	Cæcilie Virg. et Mart. dupl.
29	e	ix	23	Clementis Papæ et Mart. duplex. Com. S. Felicitatis Mart.
28	f	viiij	24	Joannis a Cruce Conf. duplex. Com. S. Chrysogoni Mart.
27	g	vij	25	Catharinæ Virg. et M. dupl.
25, 26	A	vj	26	Petri Alexandrini Ep. et Mart.
25, 24	b	v	27	
23	c	iv	28	
22	d	iiij	29	Vigilia. Com. S. Saturnini Mart.
21	e	Prid.	30	Andreæ Apostoli. dupl. 2. cl.

DECEMBER.

C. E. L. D.

D. M.

20	f	Kal.	4	
19	g	iv	2	Bibianæ Virg. et Mart. <i>semid.</i>
18	A	iiij	3	Francisci Xaverii Conf. <i>duplex.</i>
17	b	Prid.	4	Petri Chrysol. Ep., Conf. et Doct. <i>dupl.</i> Com. S. Barbaræ V. Mart.
16	c	Non.	5	Sabbæ Abbatis Com.
15	d	viiij	6	Nicolai Ep. et Conf. <i>duplex.</i>
14	e	vij	7	Ambrosii Ep., Conf. et Doct. <i>dupl.</i>
13	f	vj	8	Immac. Concept. B. M. V. d. 2. cl.
12	g	v	9	De Octava.
11	A	iv	10	De Oct. Com. S. Melchiadis.
10	b	iiij	11	Damasi P. C. <i>semid.</i> Com. Oct.
9	c	Prid.	12	De Octava.
8	d	Idib.	13	Luciæ V. M. <i>dupl.</i> Com. Oct.
7	e	xix	14	De Octava.
6	f	xviiij	15	Octava Imm. Conc. <i>Dupl.</i>
5	g	xvij	16	Eusebii Ep. et Mart. <i>semid.</i>
4	A	xvj	17	
3	b	xv	18	
2	c	xiv	19	
1	d	xiiij	20	Vigilia.
*	e	xij	21	Thomæ Apostoli. <i>dup.</i> 2. cl.
29	f	xj	22	
28	g	x	23	
27	A	ix	24	Vigilia.
26	b	viiij	25	Nativitas D. N. J. C. <i>dupl.</i> 4. cl.
25. 25	c	vij	26	Stephani Protomart. <i>dupl.</i> 2. cl. Com. Oct.
24	d	vj	27	Joannis Ap. et Evang. <i>dupl.</i> 2. cl. Com. Octavarum.
23	e	v	28	SS. Innocentium. <i>dupl.</i> 2. classis. Com. Octavarum.
22	f	iv	29	Thomæ Cantuariensis Episc. et Mart. <i>semid.</i> Com. Octavarum.
21	g	iiij	30	De Dom. infra Oct. Nativ. vel de Oct. cum Com. Octavarum.
19. 20	A	Prid.	31	Silvestri P. et C. <i>dup.</i> Com. Oct.

Hæc Epacta 19. nigra nunquam est in usu, nisi quando eodem anno concurrat cum Aureo numero xix.

DE TABELLÆ

EX SUPERIORIBUS RUBRICIS EXCERPTÆ.

In quantum prima statim videri poterit, de quo celebrandum erit Officium, si plura eodem die Festa occurrant.

In secunda vero, quomodo Officium præcedens concurrat in Vesp. cum Officio sequentis diei.

Ex utraque Tabellæ hoc ordine reperietur quod quaeritur.

Primum inveniatur numerus positus in quadrangulo illo, in quo Festa, de quibus est controversia, sibi invicem occurrunt, deinde legatur Regula juxta dictum numerum descripta, et ex ea clare videbitur, quid sit agendum.

Exempli gratia. Quadrangulus, in quo sibi invicem occurrunt Duplex j. classis, et Dñica j. cl., erit qui est in angulo superiori primæ Tabellæ, in quo signatus est numerus 1. quia si ad eum tam Duplex, quam Dñica prædicta ex eorum locis recto tramite pergerent, in eo sibi invicem occurrerent. Regula autem juxta dictum numerum apposita sic habet: 1. **Translatio de primo Officium de secundo.** Id est, Duplex j. classis prædictum transferatur, et Officium fiat de Dñica j. classis: quia cum in his Regulis dicitur, De primo, seu præcedenti, intelligitur de Festo in superiori parte Tabellæ appposito, ut Duplex prædictum, cum de secundo vel sequenti,

de Festo in inferiori parte sub numeris appposito ut Dominica prædicta.

In aliquibus autem quadrangulis nullus appositus est numerus, vel quia nullus concursus neque concursus esse potest, vel quia in propriis locis annotatur in Breviario quid sit agendum.

Scire tamen oportet, quæ sint Duplicia primæ et secundæ classis, et majora per annum, et quæ Dominicæ et Feriæ majores dicantur.

DUPLICIA PRIMÆ CLASSIS,

In quibus nulla fit commemoratio quorumcumque Festorum occurr. nisi prout supra in Rubricis

Nativitas Domini.

Epiphania Domini.

Pascha Resurrectionis, cum tribus anteced. et duobus sequent. diebus.

Ascensio Domini.

Pentec., cum duobus sequent. diebus.

Festum Corporis Christi.

Nativitas S. Joannis Baptistæ.

Festum SS. Apost. Petri et Pauli.

Assumptio B. Mariæ Virginis.

Festum Omnium Sanctorum.

Predicatio propriæ Ecclesiæ.

patronus, vel Titulus Ecclesiæ.

DUPLICIA SECUNDÆ CLASS.

In quibus de Simplicibus fit commemoratio in laudibus tantum.

Circumcisio Domini.

Festum sanctissimi Nominis
Jesu.
Festum sanctissimæ Trinita-
tis.
Festum Pretios. Sang. D. N.
J. C.

Purificatio
Annuntiatio
Visitatio
Nativitas
Conceptio Imm.
Natalitia duodecim Apostolo-
rum.

Festa Evangelistarum.
Festa S. Stephani Protomart.
et SS. Innocentium.

Festum S. Joseph.
Patrocinium S. Joseph.
Inventio sanctæ Crucis.
Festum Sancti Laurentii.
Dedicatio S. Michaelis Archangeli.

DOMINICÆ MAJORES

Dividuntur in duas classes.

DOMINICÆ PRIMÆ CLASSIS,

Quæ nunquam omittuntur.

Prima Adventus.
Prima Quadragesimæ.
Passionis.
Palmarum.
Paschæ.
In Albis.
Pentecostes.
Trinitatis.

DOMINICÆ SECUNDÆ CLASSIS,

*Quæ non omittuntur, nisi
occurrente Patrono vel Titu-
lari Ecclesiæ, et ejusdem De-
dicatione: et tunc de his fit
semper commem. in utrisque
Vesperis et Laudibus.*

Secunda
Tertia
Quarta } Adventus.

Dominicæ } Septuagesimæ.
} Sexagesimæ.
} Quinquagesimæ.

Secunda
Tertia
Quarta } Quadragesimæ.

DUPLICIA MAJORA PER ANNUM,

*Quæ aliis Duplicibus minori-
bus præferuntur.*

Transfiguratio Domini.

Exaltatio S. Crucis.

Festum vij. Dolorum

Fest. de Monte Carm.

Festum ad Nives

Festum SS. Nominis } B. Mariæ.

Festum de Mercede

Festum SS. Rosarii

Præsentatio

Conversio S. Pauli Apostoli.

Cathedra S. Petri utraque.

Festum S. Joannis ante Por-
tam Latinam.

Apparitio S. Michaelis Archang.

Festum SS. Cordis Jesu.

Festum S. Barnabæ Apostoli.

Festum S. Annæ Matris B. V.
Mariæ.

Festum S. Petri ad Vincula.

Festum S. Joachim Confes-
soris.

Festum Decollat. S. Joannis
Baptistæ.

Festum Patronorum minus
principalium.

FERIÆ MAJORES,

de quibus semper fit com.

Adventus.

Quadragesimæ.

Quatuor Temporum, et

Secunda Rogationum.

Notandum, quod Duplex quodcumque, etiam Patroni, et Tituli Ecclesiæ, vel Dedicationis ejusdem, occurrens in Vigiliis Nativitatis Domini et Pentecostes, in die Circumcisionis, in die octava Epiphaniæ, in Feria quarta Cinerum, ac in tota majori Hebdomada, et infra Octavas Paschæ et Pentecostes, in Ascensione Domini, in Festo Corporis Christi, in Festo Assumptionis B. Virginis, et omnium Sanctorum, transfertur.

Infra Octavam Epiphaniæ fit tantum de Patrono, vel Titulari Ecclesiæ, et ejusdem Dedicatione, cum commemoratione Octavæ: alia Festa transferuntur post Octavam.

Infra Octavam Corporis Christi Semiduplex transfertur, neque fit de Duplici translato, nisi sit j. vel ij. classis et de ea, quocumque adveniente Duplici, fit commemoratio.

Infra illas Octavas, in quibus fit de Festis occurrentibus, Semiduplex occurrens in Dominica, transfertur in proxime sequentem diem: quæ si fuerit impedita alio simili Festo, transfertur post Octavam.

De Octava Nativitatis Domini, Epiphaniæ et Corporis Christi, semper fit commemoratio, quocumque Festo in illis occurrente.

De aliis Octavis, quæ non sunt in Calendario, nihil fit a Feria v. Cinerum, usque ad Dominicam in Albis, et a Vigilia Pentecostes usque ad Festum SS. Trinitatis inclusive, et a die 17 Decembris usque ad Epiphaniam.

Dies Octavæ numquam transfertur: ideo quamquam Nativitas sancti Joannis Baptistæ occurrens in die Corporis Christi, transferatur in diem sequentem, non tamen transfertur Octava, sed de ea fit tantum commemoratio in Officio de Octava Corporis Christi.

Si occurrat, ut Patronus vel Titulus Ecclesiæ descriptus sit eodem die in Calendario cum aliis Sanctis, in ea Ecclesia fit tantum de Patrono vel Titulari absque commemoratione aliorum. Qui si in dicto Calendario descripti sint sub Officio Duplici, vel Semiduplici, transferuntur in primam diem simili Officio non impeditam, et de eis fiat Officium Semiduplex; nisi tamen sint de majoribus Festis, quia tunc de translato quoque fiet Officium Duplex, ac si proprio die celebraretur. Si vero in Calendario omnes sint tamquam Festum simplex, de aliis nihil fit.

De Feriis Adventus et Quadragesimæ, quando de eis non fit Officium, fit commemoratio in utrisque Vesperis et Laudibus cujuscumque Festi: de Quatuor Temporibus, de Feria secunda Rogationum, ac Vigiliis, in Laudibus tantum. Si vero aliqua Vigilia occurrat in Adventu, Quadragesima, et Quatuor Temporibus, vel in diebus Festorum Duplicium primæ classis, sive Patroni, vel Tituli, aut Dedicationis Ecclesiæ, de ea nihil fit, nec etiam in Laudibus.

Notandum, quod in primis Vesperis diei octavæ Ascensionis et Corporis Christi, totum Officium fit de Octava, cum commemoratione præcedentis Festi Duplicis, nisi fuerit Festum solemne principale, vel primæ, vel secundæ classis; quia tunc de Festo fieret Officium et commemoratio de Octava.

In secundis Vesperis diei Octavæ Epiphaniæ, Paschæ, Ascensionis, et Corporis Christi, de sequenti Duplici fit tantum commemoratio, nisi illud fuerit primæ vel secundæ classis seu Patronus vel Titulus, aut dedicatio Ecclesiæ, quia tunc de Festo fieret Officium, et de octava commemoratio. Et similiter die octava Corporis Christi in secundis Vesperis concurrente cum die octava S. Joannis Baptistæ, Vesperæ erunt de Octava Corporis Christi, cum commemoratione Octavæ S. Joannis.

In ij. Vesperis Duplicis secundæ classis non fit commem. de die infra Octavam, nisi quando de ea fieri debeat Officium die sequenti.

Cum plures sunt commemorationes, servetur hic ordo: De Duplici, de Dominica, de Semiduplici, de die infra Octavam, de Feria majori seu Vigilia, de sancta Maria in Sabbato, de Simplici.

SI OCCURRAT

Duplex primæ classis, et

Duplex secundæ classis.

Duplex per annum.

Dies infra Octavam.

Dies Octavæ.

Semiduplex.

Simplex.

S. Maria in Sabbato.

Feria major.

Vigilia.

1. Translatio de primo, Officium de secundo.
2. Officium de primo, translatio de secundo.
3. Commemoratio de primo, Officium de secundo.
4. Officium de primo, commemoratio de secundo.
5. Nihil de primo, Officium de secundo.
6. Officium de primo, nihil de secundo.
7. Officium de digniori, commemoratio de minus digno.
8. Officium de digniori, translatio de minus digno.

EODEM DIE.

6	4	0	6	2	4	6	2	2	8	4	4	1
4	4	0	4	2	4	6	2	8	1	4	1	1
4	4	0	4	2	1	4	8	1	1	4	1	1
4	4	0	4	3	3	7	3	5	5	3	3	3
4	4	0	4	2	7	4	2	3	3	4	3	3
4	4	0	4	8	1	4	1	1	1	1	1	1
3	3	3	0	3	3	3	3	3	5	3	3	3
5	5	0	4	0	0	0	0	0	0	0	0	0
6	0	6	4	3	3	3	3	3	3	0	0	0
0	5	6	4	3	3	3	3	3	5	0	0	0

Dominica primæ classis.

Dominica secundæ classis.

Dominica per annum.

Duplex primæ classis.

Duplex secundæ classis.

Duplex per annum.

Dies infra Octavam.

Dies Octavæ.

Semiduplex.

Simplex.

S. Maria in Sabato.

Feria major.

Vigilia.

QUANDO

Dominica major, seu j. et ij. classis cum

Dominica minor, seu per annum.

Duplex primæ classis.

Duplex secundæ classis.

Patronus seu Titulus Ecclesiæ.

Duplex per annum majus.

Duplex per annum minus.

Semiduplex.

Dies Octavæ.

Dies infra Octavam.

1. Totum de sequenti, nihil de præcedenti.
2. Totum de præcedenti, nihil de sequenti.
3. Totum de sequenti, commemoratio de præcedenti.
4. Totum de præcedenti, commemoratio de sequenti.
5. Capitulum de sequenti, commemoratio de præcedenti.
6. Totum de digniori, commemoratio de minus digno.
Simplex, et S. Maria in Sabbato, Feria, et
Vigilia non concurrunt.

CONCURRE.

0	4	3	4	4	3	3	3	3	3	0
0	4	3	4	4	3	3	4	4	4	0
2	2	4	2	4	4	4	0	4	6	4
4	4	4	4	4	4	4	3	6	3	4
2	2	4	2	4	4	4	0	4	0	4
4	4	4	4	4	4	6	4	3	4	4
4	4	5	4	4	5	3	4	3	4	4
4	5	3	4	5	3	3	4	4	4	5
4	4	5	4	4	5	3	4	3	4	4
0	0	3	4	5	3	3	4	4	4	5

Dominica quacunque .

Duplici primæ classis .

Duplici secundæ classis.

Patrono, seu Titulo Ecclesiæ.

Duplici per annum majore.

Duplici per annum minore.

Semiduplici.

Simplici.

Die Octavæ.

Die infra Octavam.

Sancta Maria in Sabbato.

ORATIO

Dicenda ante divinum Officium

APERI, Dómine, os meum ad benedicéndum nomen sanctum tuum : munda quoque cor meum ab ómnibus vanis, perversis, et aliénis cogitatióibus : intellectum illúmina, afféctum inflámma, ut digne, attén-te, ac devóte hoc Officium recitáre váleam, et exaudiri mérear ante conspéctum divinæ Majestátis tuæ. Per Christum Dóminum nostrum. *R.* Amen.


Dómine, in unióne illús divinæ intentiós, qua ipse in terris laudes Deo persolvísti, has tibi Horas persólvo.

*Orationem sequentem devote post Officium recitanti-
bus Leo Papa X. defectus et culpas in eo persolvendo ex
humana fragilitate contractas indulsit : et dicitur flexis
genibus :*

SACROSANCTÆ et individuæ Trinitáti, crucifíxi Dómini nostri Jesu Christi humanitáti, beatissimæ et gloriosíssimæ, sempérque Vírginis Mariæ fœcúndæ integritáti, et ómnium Sanctórum universitáti sit sempitérna laus, honor, virtus et glória ab omni creatúra, nobís-que remissió ómnium peccatórum, per infinita sæcula sæculórum.

R. Amen.

V. Beáta viscera Mariæ Vírginis, quæ portavérunt ætérni Patris Filium. *R.* Et beáta úbera, quæ lactavérunt Christum Dóminum. *Pater noster. Ave María.*



ABSOLUTIONES ET BENEDICTIONES

Dicendæ ante Lectiones in Officio novem et trium Lectionum.

In primo Nocturno, et pro
ij. et v. Feria.

Absolutio.

EXAUDI, Dómine Jesu Chri-
ste, preces servórum
tuórum, et miserére nobis :
qui cum Patre et Spíritu
sancto vivis et regnas in
sæcula sæculórum.

R. Amen.

Benedictiones.

1. Benedictióne perpétua
benedicat nos Pater æ-
térnus. *R.* Amen.
2. Unigénitus Dei Filius
nos benedicere et adju-
vare dignétur.
3. Spíritus sancti grátia il-
luminet sensus et corda
nostra.

In secundo Nocturno et pro
ij. et vj. Feria.

Absolutio.

PSIUS pietas et misericór-
dia nos ádjuvet, qui cum
Patre et Spíritu sancto vivit
et regnat in sæcula sæcu-
lórum.

R. Amen.

Benedictiones.

1. Deus Pater omnipotens

sit nobis propítius et
clemens. *R.* Amen.

Christus perpétuæ det
nobis gáudia vitæ.

Ignem sui amóris ac-
céndat Deus in córdibus
nostris.

In tertio Nocturno, et pro
Feria iv. et Sabbato.

Absolutio.

A vínculis peccatórum nó-
strórum absólvat nos
omnipotens et miséricors
Dóminus. *R.* Amen.

Benedictiones.

7. Evangélica léctio sit no-
bis salus et protéctio.
R. Amen.

8. Divínium auxílium má-
neat semper nobíscum.

9. Ad societátem cívium
supernórum perdúcat
nos Rex Angelórum.

Si Officium fit de Sancto ix.
Lect., octava Benedictio
erit :

Cujus Festum cólimus
ipse, vel ipsa intereédant pro
nobis ad Dóminum.

Quando sunt plures, dici-
tur, Quorum, vel Quarum

Festum cōlimus, ipsi, vel ipsæ intercedant pro nobis ad Dōminum.

Si Officium sit de sancta Maria, octava Benedictio erit:

Cujus Festum cōlimus, ipsa Virgo virginum intercedat pro nobis ad Dōminum.

Si in ultima Lectione legendum sit aliud Evangelium cum Homilia, nona Benedictio erit:

Per evangélica dicta deleantur nostra delicta.

In Officio iij. Lect. dicuntur Absolutiones et Benedictiones prædictæ, ordine superius in Rubricis generalibus, et in prima Dominica de Adventu descripto, et in eo, quando non legitur Homilia cum Evangelio, et Benedictiones sumendæ sunt ex iij. Noct., prima Benedictio erit:

1. Ille nos benedicat, qui sine fine vivit et regnat.

2. Divinum auxilium.

3. Ad societatem.

In Officio trium Lectionum, quando legitur Homilia cum Evangelio, prima Benedictio erit:

1. Evangélica lectio.

2. Divinum auxilium.

3. Ad societatem.

Si Officium sit de Sancto trium Lectionum, prima Benedictio erit:

1. Ille nos benedicat, qui sine fine vivit et regnat.

2. Cujus, vel Quorum.

3. Ad societatem.

In Officio de sancta Maria in Sabbato, Absolutio, et Benedictiones quæ ibidem ponuntur.

PSALTERIUM

DISPOSITUM

PER HEBDOMADAM

COM ORDINARIO OFFICII DE TEMPORE.

DOMINICA AD MATUTINUM.

Ante Matutinum, et omnes Horas, præterquam ad Completorium, dicitur secreto :

PATER noster, qui es in cœlis, sanctificetur nomen tuum : advéniat regnum tuum : fiat volúntas tua, sicut in cœlo, et in terra. Patrem nostrum quotidianum da nobis hódie : et dimitte nobis débita nostra, sicut et nos dimittimus debitóribus nostris : et ne nos inducas in tentatióem ; sed libera nos a malo. Amen.

AVE María, grátia plena : Dóminus tecum : benedicta tu in muliéribus, et benedictus fructus ventris tui Jesus. Sancta María, Mater Dei, ora pro nobis

peccatóribus, nunc et in hora mortis nostræ. Amen.

In principis Matutini, et Primæ, ac in fine Completorii, dicitur etiam Symbolum Apostolorum.

CREDO in Deum, Patrem omnipoténtem, Creatórem cœli et terræ. Et in Jesum Christum Filium ejus únicum, Dóminum nostrum ; qui concéptus est de Spíritu sancto, natus ex María Virgine ; passus sub Póntio Piláto, crucifixus, mórtuus, et sepúltus ; descendit ad inferos ; tértia die resurrexit a mórtuis ; ascendit ad cœlos, sedet ad dextram Dei Patris omnipoténtis ; inde ventúrus est judicare

vivos et mórtuos. Credo in Spiritum sanctum, sanctam Ecclesiám catholicam, Sanctórum communionem, remissionem peccatórum, carnis resurrectionem, vitam ætérnam. Amen.

Deinde clara voce dicitur V.

DOMINE, lábia mea apéries. *R.* Et os meum annuntiábit laudem tuam. *V.* Deus in adjutórium meum inténde. *R.* Dómine, ad adjuvándum me festina. *glória Patri, et Filio, et Spiritui sancto.* Sicut erat in principio, et nunc, et semper, et in sæcula sæculórum, Amen.

Laus tibi, Dómine, Rex ætérnæ glóriæ.

Sic dicitur Laus tibi, Dómine, etc. ad omnes Horas per totam Quadrag. usque ad Feriam v. in Cena Domini; et a Sabbato Sancto dicitur Allelúia.

Invitatorium sequens dicitur in Dñicis tantum, a prima Dñica Quadrag. usque ad Dñicam Passionis.

Invitatorium. Non sit vobis vanum mane súrgere ante lucem : Quia promísit Dóminus corónam vigilántibus. *Repetitur.* Non sit vobis vanum mane súrgere ante lucem : quia promísit Dóminus corónam vigilántibus.

Psalmus 94.

VENITE, exultémus Dómino, jubilémus Deo salutári nostro : præoccupémus

faciem ejus in confessióne, et in psalmis jubilémus ei. Non sit vobis vanum mane súrgere ante lucem : quia promísit Dóminus corónam vigilántibus.

Quóniam Deus magnus Dóminus, et Rex magnus super omnes deos : quóniam non repéllet Dóminus plebem suam, quia in manu ejus sunt omnes fines terræ, et altitúdines móntium ipse cónspicit.

Quia promísit Dóminus corónam vigilántibus.

Quóniam ipsius est mare, et ipse fecit illud, et áridam fundavérunt manus ejus : veníte adorémus, et procidámus ante Deum : plorémus coram Dómino, qui fecit nos, quia ipse est Dóminus Deus noster : nos autem pópulus ejus, et oves pásuæ ejus.

Non sit vobis vanum mane súrgere ante lucem : quia promísit Dóminus corónam vigilántibus.

Hódie si vocem ejus audiéritis, nolíte obduráre corda vestra, sicut in exacerbatióne secúndum diem tentatiónis in desérto : ubi tentavérunt me patres vestri, probavérunt, et vidérunt ópera mea.

Quia promísit Dóminus corónam vigilántibus.

Quadraginta annis próximus fui generatióni huic, et dixi : Semper hi errant corde : ipsi vero non cogno-

verunt vias meas, quibus
juravi in ira mea, si introi-
bunt in requiem meam.

Non sit vobis vanum mane
surgere ante lucem : quia
promisit Dominus coronam
vigilantibus.

Glória Patri, et Filio, et
Spirítui sancto.

Sicut erat in principio,
et nunc, et semper, et in
saecula saeculorum. Amen.

Quia promisit Dominus co-
ronam vigilantibus.

Non sit vobis vanum mane
surgere ante lucem : quia
promisit Dominus coronam
vigilantibus.

Hymnus sequens dicitur
in Dñicis et Feriis usque ad
Dñicam Passionis exclusive.

Hymnus.

EX more docti mystico
Servemus hoc jejúnium,
Deno diérum círculo
Ducto quater notíssimo.
Lex et Prophétæ primitus
Hoc prætulérunt, póstmodum
Christus sacrávit, ómnium
Rex atque Factor téporum.
Et tamur ergo párcius
Verbis, cibis, et pótibus,
Somno, jocis, et árcius
Perstémus in custódia.
Vitémus autem nóxia,
Quæ súbruunt mentes vagas,
Nullúmque demus cállidi
Hostis locum tyránnidi.
Flectámus iram víndicem,
Plorémus ante Júdicem,
Clamémus ore súplici,
Dicámus omnes cernui :

Nostris malis offéndimus
Tuam, Deus, eleméntiam :
Effúnde nobis désuper
Remíssor indulgéntiam.

Meménto quod sumus tui,
Licet cadúci, plásmatis :
Ne des honórem nóminis
Tui, precámur, álteri.

Laxa malum, quod fécimus,
Auge bonum, quod póscimus.
Placére quo tandem tibi
Possímus hic, et pérpetim.

Præsta, beáta Trínitas,
Concéde, simplex Unitas :
Ut fructuósa sint tuis
Jejuniórum múnera. Amen.

Tempore Paschali.

Ad Matutinum. Invitat.

Surréxit Dóminus vere, *
Allelúia. Ps. Veníte. 2.

Hymnus.

REX sempitérne Cœlitum,
Rerum Créator ómnium,
Æquális ante saecula
Semper parénti Fílius.
Nascénte qui mundo Faber
Imáginem vultus tui
Tradens Adámo, nóbilem
Limo jugásti spíritum.
Cum livor et fraus dæmonis
Fœdásset humánum genus :
Tu carne amictus, pérditam
Formam refórmas Artifex.
Qui natus olim e Virgine,
Nunc e sepúlcro násceris,
Tecúmque nos a mórtuis
Jubes sepúltos súrgere.
Qui Pastor ætérmus gregem
Aqua lavas Baptísmatis :
Hæc est lavácrum méntium:
Hæc est sepúlcrum crimi-
num.

Nobis diu qui débitæ
Redemptor affixus Cruci,
Nostræ dedisti pródigus
Prétium salútis sánguinem.

Ut sis perénne méntibus
Paschále, Jesu, gáudium :
A morte dira criminum
Vitæ renátos libera.

Deo Patri sit glória,
Et Filio, qui a mórtuis
Surréxit, ac Paráclito,
In sempitérna sæcula. Am.

Sic terminantur omnes
Hymni tam in Dominicis, et
Feriis, quam in Festis temp.
Pasch. occurrentibus, dum-
modo Hymni sint ejusdem
metri, ut Hymnus prædictus.

IN I. NOCTURNO.

Per Annun, Añá. Servíte
Dómino.

Temp. Pasch. Añá. Allel.

Asteriscus* notat pausam
cantus in Choro.

Psalmus I.

BEATUS vir, qui non ábiit
in consílio impiórum, et
in via peccatórum non ste-
tit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in tém-
pore suo :

Et fólium ejus non dé-
fluet : * et ómnia quæcúm-
que faciet, prosperabúntur.

Non sic impii, non sic : *

sed tamquam pulvis, quem
próicit ventus a fácie terræ.
Ideo non resúrgent impii
in judicio : * neque peccató-
res in concílio justórum.

Quóniam novit Dóminus
viam justórum : * et iter im-
piórum períbit.

Glória Patri, et Filio, * et
Spirítui sancto.

Sicut erat in princípio, et
nunc, et semper, * et in
sæcula sæculórum. Amen.

Hic versus G ória Patri,
semper dicitur in fine om-
nium Psalmorum, nisi aliter
notetur.

Psalmus 2.

QUARE fremuérunt gentes :
* et pópli meditáti sunt
inánia?

Astitérunt reges terræ, et
príncipes convenérunt in
unum : * advérsus Dómi-
num, et advérsus Christum
ejus.

Dirumpámus víncula eo-
rum : * et projiciámus a no-
bis jugum ipsórum.

Qui hábitat in cœlis, irri-
débit eos : * et Dóminus
subsannábit eos.

Tunc loquétur ad eos in
ira sua : * et in furóre suo
conturbábit eos.

Ego autem constitútus sum
Rex ab eo super Sion mon-
tem sanctum ejus, * præ-
dicáns præcéptum ejus.

Dóminus dixit ad me : *
Filius meus es tu, ego hódie
génui te.

Postula a me, et dabo tibi
Gentes hereditatem tuam, *
et possessionem tuam tér-
minos terræ.

Reges eos in virga férrea,
* et tamquam vas figuli con-
fringes eos.

Et nunc reges intelligite : *
erudimini qui iudicátis ter-
ram.

Servite Dómino in timóre :
* et exultáte ei cum tremóre.

Apprehéndite disciplinam,
nequándo irascátur Dómi-
nus, * et pereátis de via
justa.

Cum exárserit in brevi
ira ejus, * beáti omnes, qui
confidunt in eo.

Psalmus 3.

DOMINE, quid multiplicáti
sunt qui tribulant me?
* multi insúrgunt advérsus
me.

Multi dicunt animæ meæ :
* Non est salus ipsi in Deo
ejus.

Tu autem, Dómine, suscé-
ptor meus es, * glória mea,
et exáltans caput meum.

Voce mea ad Dóminum
clamávi : * et exaudivit me
de monte sancto suo.

Ego dormívi, et soporá-
tus sum : * et exurréxi, quia
Dóminus suscepit me.

Non timébo millia pópuli
circumdántis me : * exúrge,
Dómine, salvum me fac,
Deus meus.

Quóniam tu percussísti
omnes adversátes mihi sine

causa : * dentes peccatórum
contrivísti.

Dómini est salus : * et su-
per pópulum tuum benedi-
ctio tua.

Psalmus 6.

DOMINE, ne in furóre tuo
árguas me : * neque in
ira tua corripias me.

Miserére mei, Dómine,
quóniam infirmus sum ; *
sana me, Dómine, quóniam
conturbáta sunt ossa mea.

Et ánima mea turbáta est
valde : * sed tu, Dómine,
úsquequo?

Convértete, Dómine, et
éripe ánimam meam : * sal-
vum me fac propter miseri-
córdiam tuam.

Quóniam non est in morte
qui memor sit tui : * in in-
férno autem quis confitébi-
tur tibi?

Laborávi in gémitu meo,
lavábo per singulas noctes
lectum meum : * lácrymis
meis stratum meum rigábo.

Turbátus est a furóre ócu-
lus meus : * inveterávi inter
omnes inimícos meos.

Discédite a me omnes qui
operámini iniquitatem : *
quóniam exaudivit Dóminus
vocem fletus mei.

Exaudivit Dóminus depre-
cationem meam, * Dñs
orationem meam suscepit.

Erubéscant, et conturbén-
tur veheménter omnes inimi-
ci mei : * convertántur et
erubéscant valde velóciter.

Per Annum, Añā. Servite Dómino in timóre, et exultáte ei cum tremóre.

Añā. Deus iudex justus.

Psalmus 7.

DOMINE Deus meus in te sperávi : * saluum me fac ex ómnibus sequén-tibus me, et libera me.

Nequándo rápiat ut leo ánimam meam, * dum non est qui rédimat, neque qui saluum fáciat.

Dómine Deus meus, si feci istud, * si est iniquitas in mánibus meis :

Si réddidi retribuéntibus mihi mala, * decídā mérito ab inimícis meis inánis.

Persequátur inimicus ánimam meam, et comprehéndat, et concúleet in terra vitam meam, * et glóriam meam in púlverem dedúcat.

Exúrge, Dómine, in ira tua : * et exaltáre in finibus inimicórum meórum.

Et exúrge, Dómine Deus meus, in præcépto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdica me, Dómine, secúndum justítiam meam, * et secúndum innocéntiam meā super me.

Consumétur nequítia peccatórum, et diriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus iudex justus, fortis, et pátiens : * numquid irascitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis, * sagittas suas ardéntibus effécit.

Ecce partúriit injustítiam : * concépit dolórem, et péperit iniquitátem.

Lacum apérui, et effódit eum : * et incidit in fóveam, quam fecit.

Convertétur dolor ejus in caput ejus : * et in vérticem ipsíus iniquitas ejus descéndet.

Confitébor Dómino secúndum justítiam ejus : * et psallam nómini Dómini altíssimi.

Psalmus 8.

DOMINE Dóminus noster, * quam admirábile est nomen tuum in univérſa terra ! Quóniam eleváta est magnificéntia tua, * super cœlos.

Ex ore infántium, et lacténtium perfecísti laudem propter inimicos tuos, * ut destruas inimícum et ultórem.

Quóniam vidébo cœlos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hominis, quoniam visitas eum?

Vinuisti eum paulo minus ab Angelis, gloria et honore coronasti eum: * et constituisti eum super opera manuum tuarum.

Omnia subjecisti sub pedibus ejus, * oves et boves universas: insuper et pecora campi.

Volucres coeli, et pisces maris, * qui perambulant semitas maris.

Domine Dominus noster, * quam admirabile est nomen tuum in universa terra!

Psalmus 9.

CONFITEBOR tibi, Domine, in toto corde meo: * narabo omnia mirabilia tua.

Laetabor et exultabo in te: * psallam nomini tuo, Altissime.

In convertendo inimicum meum retrorsum: * infirmabuntur, et peribunt a facie tua.

Quoniam fecisti iudicium meum et causam meam: * sedisti super thronum qui iudicas iustitiam.

Incepisti Gentes, et perii impius: * nomen eorum delisti in aeternum, et in saeculum saeculi.

Inimici defecerunt frumina in finem, * et civitates eorum destruxisti.

Perii memoria eorum cum

sonitu: * et Dominus in aeternum permanet.

Paravit in iudicio thronum suum: * et ipse iudicabit orbem terrae in aequitate, iudicabit populos in iustitia.

Et factus est Dominus refugium pauperi: * adiutor in opportunitatibus, in tribulatione.

Et sperent in te qui novērunt nomen tuum: * quoniam non dereliquisti quaerentes te, Domine.

Psallite Domino, qui habitat in Sion: * annuntiāte inter Gentes studia ejus:

Quoniam requirens sanguinem eorum recordatus est: * non est oblitus clamorem pauperum.

Viserere mei, Domine: * vide humilitatem meam de inimicis meis.

Qui exaltas me de portis mortis, * ut annuntiem omnes laudationes tuas in portis filiae Sion.

Exultabo in salutari tuo, * infixae sunt Gentes in interitu, quem fecerunt.

In laqueo isto, quem absconderunt, * comprehensus est pes eorum.

Cognoscetur Dominus iudicia faciens: * in operibus manuum suarum comprehensus est peccator.

Convertantur peccatores in infernum: * omnes gentes quae obliviscuntur Deum.

Quóniam non in finem obli-
vio erit páuperis : * pa-
tiéntia páuperum non per-
ibit in finem.

Exúrge, Dómine, non con-
fortétur homo : * judicéntur
Gentes in conspéctu tuo.

Constitue, Dómine, legisla-
torem super eos : * ut
sciant Gentes quóniam hó-
mines sunt.

Et quid, Dómine, recessisti
longe, * déspicis in oppor-
tunitátibus, in tribulatióne?

Num supérbit impius, in-
cénditur pauper : * compre-
hendúntur in consiliis qui-
bus cógitant.

Quóniam laudátur peccá-
tor in desidériis animæ suæ :
* et iniquus benedícitur.

Exacerbávit Dóminum pec-
cátor : * secúndum multítu-
dinem iræ suæ non quæret.

Non est Deus in conspéctu
ejus : * inquinatæ sunt viæ
illius in omni témpore.

Auferúntur júdicia tua a fá-
cie ejus : * ómnium inimicó-
rum suórum dominábitur.

Dixit enim in corde suo :
* Non movébor a generatióne
in generatióne sine malo.

Ujus maledictiόne os ple-
num est, et amaritúdine ;
et dolo : * sub lingua ejus
labor et dolor.

Edet in insidiis cum di-
vitibus in occúltis, * ut in-
terficiat innocéntem.

Oculi ejus in páuperem
respiciunt : * insidiátur in

abscóndito, quasi leo in spe-
lunca sua.

Insidiátur ut rápiat páu-
perem : * rápere páuperem,
dum attrahit eum.

In láqueo suo humiliábit
eum, * inclinábit se, et
cadet cum dominátus fúerit
páuperum.

Dixit enim in corde suo :
Oblítus est Deus : * avértit
faciem suam, ne vídeat in
finem.

Exúrge ; Dómine Deus,
exaltétur manus tua : * ne
obliviscáris páuperum.

Propter quid irritávit im-
pius Deum ? * dixit enim in
corde suo : Non requirét.

Vides quóniam tu labórem
et dolórem consíderas : * ut
tradas eos in manus tuas.

Ibi derelictus est pauper :
* órphano tu eris adjútor.

Contere bráchium pecca-
tórís et maligni : * quæré-
tur peccátum illius, et non
inveniétur.

Dóminus regnábit in ætér-
num, et in sæculum sæ-
culi : * peribitis Gentes de
terra illius.

Desidérium páuperum ex-
audivit Dóminus ; * præpa-
ratióne cordis eórum au-
divit auris tua.

Judicáre pupillo et húmili,
* ut non appónat ultra magni-
ficáre se homo super terram.

Psalmus 10.

In Dómino confido ; quó-
modo dicitis animæ meæ :

* Trásmigra in montem sicut passer?

Quóniam ecce peccatóres intendérunt arcum, paráverunt sagittas suas in pháretra, * ut sagittent in obscúro rectos corde.

Quóniam quæ perfecisti, destruxérunt : * justus autem quid fecit?

Dóminus in templo sancto suo, * Dóminus in cœlo sedes ejus :

Oculi ejus in páuperem respíciunt : * pálpebræ ejus intérogant filios hóminum.

Dóminus intérogat justum et ímpium : * qui autem diligit iniquitatem, odit ánimam suam.

Pluet super peccatóres láqueos : * ignis et sulphur, et spíritus procellárum pars cálicis eórum.

Quóniam justus Dóminus, et justitias diléxit : * æquitatem vidit vultus ejus.

Per Annum. Aññ. Deus judex justus, fortis et longánimis, numquid irascétur per singulos dies?

Aññ. Tu, Dómine.

Psalmus 11.

SALVUM me fac, Dómine, quóniam defécit sanctus : * quóniam diminútæ sunt veritátes a filiis hóminum.

Vana locúti sunt unusquisque ad próximum suum : * lábia dolósa, in corde et corde locúti sunt.

Dispérdat Dóminus uni-

versa lábia dolósa, * et linguam magniloquam.

Qui dixerunt : Linguam nostram magnificábimus, lábia nostra a nobis sunt, * quis noster Dóminus est?

Propter misériam inopum et gémitum páuperum * nunc exúrgam, dicit Dñs.

Ponam in salutári : * fiduciáliter agam in eo.

Elóquia Dómini, elóquia casta : * argéntum igne examinátum, probátum terræ, purgátum séptuplum.

Tu, Dómine, servábis nos, et custódies nos * a generatióne hac in ætérnum.

In circúitu ípii ámbulant : * secúndū altitúdinem tuam multiplicásti filios hóminum.

Psalmus 12.

USQUEQUO, Dómine, oblivi- scéris me in finem : * Usquequo avértis faciém tuam a me?

Quámdiu ponam consília in ánima mea, * dolórem in corde meo per diem?

Usquequo exaltábitur inimícus meus super me ? * réspice, et exáudi me, Dómine Deus meus.

Illúmina óculos meos, ne umquam obdórmiam in morte : * nequándo dicat inimícus meus : Præválui advérsum eum.

Qui tribulant me, exultábunt si motus fuero : * ego autem in misericórdia tua sperávi.

Exultabit cor meum in salutari tuo : cantabo Dómino qui bona tríbuit mihi : * et psallam nómini Dómini altissimi.

Psalmus 13.

DIXIT insipiens in corde suo : * Non est Deus.

Corrúpti sunt, et abominábiles facti sunt in stúdiis suis : * non est qui fáciat bonum, non est usque ad unum.

Dóminus de cælo prospexit super filios hóminum, * ut vídeat si est intélligens, aut requírens Deum.

Omnes declinavérunt, simul inútiles facti sunt : * non est qui fáciat bonum, non est usque ad unum.

Sepúlchrum patens est guttur eórum : linguis suis dolóse agébant, * venenum áspidum sub lábiis eórum.

Quorum os maledictióne et amaritúdine plenum est : * velóces pedes eórum ad effundéndum sánguinem.

Contritio et infelicitas in viis eórum, et viam pacis non cognovérunt : * non est timor Dei ante óculos eórum.

Nonne cognóscant omnes qui operántur iniquitatem, * qui dévorant plebem meam sicut escam panis ?

Dóminum non invocavérunt, * illic trepidavérunt timóre, ubi non erat timor.

Quóniam Dóminus in ge-

neratióne justa est, consílium inopis confudístis : * quóniam Dóminus spes ejus est.

Quis dabit ex Sion salutáre Israel ? * cum avérterit Dóminus captivitatem plebis suæ, exultábit Jacob, et lætábitur Israel.

Psalmus 14.

DOMINE, quis habitábit in tabernáculo tuo : * aut quis requiescet in monte sancto tuo ?

Qui ingreditur sine mácula, * et operátur justítiam :

Qui lóquitur veritatem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes autem Dóminum glorificat :

Qui jurat próximo suo, et non decipit, * qui pecúniám suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

Per Annum. Añã. Tu, Dómine, servábis nos, et custódies nos.

In Quadrag. V. Ipse liberávit me de láqueo venántium. *ñ.* Et a verbo áspero.

Tempore Passionis V. Erue a frámea, Deus, ani-

mam meam. **R.** Et de manu canis unicam meam.

Temp. Pasch., Añā. Allelúia, Lapis revolutus est, allel. ab óstio monuménti, allelúia, allel. **V.** Surréxit Dóminus de sepúlculo, allelúia. **R.** Qui pro nobis pépéndit in ligno, allelúia.

Post **V.** cujushbet Noct. die. Pater noster, secreto. **V.** Et ne nos inducas in tentatióem. **R.** Sed libera nos a malo.

Absolutio.

EXAUDI, Dómine Jesu Christe, preces servórum tuórum, et miserére nobis, qui cum Patre et Spíritu sancto vivis et regnas in sæcula sæculórum. **R.** Amen.

V. Jube, domne, benedicere.

Bened. Benedictióne perpétua benedicat nos Pater ætérnus. **R.** Amen.

Deinde leguntur Lectiões cum Resp., ut in Proprio de Temp. assignantur.

Pro ij. Lectione, **Bened.** Unigénitus Dei Fílius nos benedicere et adjuvare dignétur. **R.** Amen.

Pro iij. Lectione. **Bened.** Spíritus sancti grátia illúminet sensus et corda nostra. **R.** Amen.

IN II. NOCTURNO.

Per Annum. Añā. Bonórum meórum.

Temp. Pasch., Añā. Allel.

Psalmus 13.

CONSERVA me, Dómine, quóniam sperávi in te.

* Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceperavérunt.

Non congregábo conventicula eórum de sanguínibus : * nec memor ero nóminum eórum per lábia mea.

Dóminus pars hereditátis meæ, et cálicis mei ; * tu es qui restitues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedícam Dóminum, qui tribuit mihi intelléctum : * insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exultávit lingua mea : * insuper et caro mea requiescet in spe.

Quóniam non derelínques ánimam meam in inférno : * nec dabis sanctum tuum vidére corruptiόem.

Notas mihi fecisti vias vitæ, adimplébis me lætítia cum vultu tuo : * delectatiόes in dextera tua usque in finem.

Per Annum. Añā. Bonórum meórum non indiges, in te sperávi, consérva me, Dómine.

Añā. Propter verba.

Psalmus 16.

EXAUDI, Dómine, justítiam meam : * inténde deprecationem meam.

Auribus pércipe orationem meam, * non in lábiis dolósis.

De vultu tuo iudícium meum pródeat : * óculi tui vídeant æquitates.

Probásti cor meum, et visitásti nocte : * igne me examinásti, et non est inuenta in me iníquitas.

Ut non loquátur os meum ópera hóminum : * propter verba labiórum tuórum ego custodívi vias duras.

Pérfice gressus meos in sémitis tuis : * ut non moveántur vestigia mea.

Ego clamávi, quóniam exaudísti me, Deus : * inclina aurem tuam mihi, et exáudi verba mea.

Mirífica misericórdias tuas, * qui salvos facis sperántes in te.

A resisténtibus délixteræ tuæ custódi me, * ut pupíllam óculi.

Sub umbra alárum tuárum prótege me : * a fácie impiórum qui me afflixérunt.

Inimíci mei ánimam meam circumdedérunt, adipem suum conclusérunt : * os eórum locútum est supérbiam.

Projiciéntes me nunc circumdedérunt me : * óculos suos statuérunt declináre in terram.

Suscepérunt me sicut leo parátus ad prædam : * et sicut cátulus leónis hábitans in ábditis.

Exúrge, Dómine, præveni eum, et supplánta eum : * éripe ánimam meam ab impio, frámeam tuam ab inimícis manus tuæ.

Dómine, a paucis de terra dívide eos in vita eórum : * de absconditis tuis adimplétus est venter eórum.

Saturáti sunt filiis : * et dimisérunt reliquias suas párvulis suis.

Ego autem in justitiá aparébo conspéctui tuo : * satiábor cum apparúerit glória tua.

Per Annum, Añā. Propter verba labiórum tuórum ego custodívi vias duras.

Añā. Diligam te.

Et non repetitur in Psalmo : quod semper fit, quando Añā incipit a primo Versu Psalmi, et Psalmus tunc incipitur ab eo verbo. in quo desinit Añā, sive integra dicatur, sive tantum inchoata; si tamen eadem sint verba, et continuetur Añā cum Psalmo.

Psalmus 17.

DILIGAM te, Dómine, fortitúdo mea : * Dóminus firmaméntum meum, et re-

fugium meum, et liberator meus.

Deus meus adjutor meus :
* et sperabo in eum.

Protector meus, et cornu salutis meae, * et susceptor meus.

Laudans invocabo Dominum : * et ab inimicis meis salvus ero.

Circumdedérunt me dolores mortis : * et torréntes iniquitatis conturbavérunt me.

Dolores inférni circumdedérunt me : * praecupavérunt me laquei mortis.

In tribulatione mea invocavi Dominum, * et ad Deum meum clamavi :

Et exaudivit de templo sancto suo vocem meam : * et clamor meus in conspectu ejus introivit in aures ejus.

Commota est, et contrémuit terra : * fundamenta montium conturbata sunt, et commota sunt, quoniam iratus est eis.

Ascendit fumus in ira ejus, et ignis a facie ejus exarsit : * carbones succensunt ab eo.

Inclinavit coelos et descendit : * et caligo sub pedibus ejus.

Et ascendit super Cherubim, et volavit : * volavit super pennas ventorum.

Et posuit tenebras latibulum suum, in circuitu ejus tabernaculum ejus : * tenebrosa aqua in nubibus aeris.

Præ fulgore in conspectu ejus nubes transiérunt, * grando et carbones ignis.

Et intónuit de coelo Dominus, et Altissimus dedit vocem suam : * grando et carbones ignis.

Et misit sagittas suas, et dissipavit eos ; * fulgura multiplicavit, et conturbavit eos.

Et apparuerunt fontes aquarum : * et revelata sunt fundamenta orbis terrarum.

Ab increpatione tua, Domine, * ab inspiratione spiritus irae tuae.

Misit de summo et accepit me ; * et assumpsit me de aquis multis.

Eripuit me de inimicis meis fortissimis, et ab iis qui odérunt me : * quoniam confortati sunt super me.

Prævenérunt me in die afflictionis meae : * et factus est Dominus protector meus.

Et eduxit me in latitudinem : * salvum me fecit, quoniam voluit me.

Et retribuet mihi Dominus secundum justitiam meam : * et secundum puritatem manuum mearum retribuet mihi :

Quia custodivi vias Domini, * nec impie gessi a Deo meo.

Quoniam omnia judicia ejus in conspectu meo : * et justitias ejus non repuli a me.

Et ero immaculatus cum eo : * et observabo me ab iniquitate mea.

Et retribuet mihi Dóminus secúndum justítiam meam : * et secúndum puritátem mánuum meárum in conspéctu oculórum ejus.

Cum sancto sanctus eris : * et cum viro innocénte innocens eris.

Et cum elécto eléctus eris : * et cum perverso perverseris.

Quóniam tu pópulum húmitem salvum fácies : * et óculos superbórum humiliabis.

Quóniam tu illúminas lucérnam meam, Dómine : * Deus meus illúmina ténebras meas.

Quóniam in te erípiar a tentatióne , * et in Deo meo transgrédiar murum.

Deus meus impollúta via ejus : elóquia Dómini igne examináta : * protéctor est ómnium sperántium in se.

Quóniam quis Deus præter Dóminum ? * aut quis Deus præter Deum nostrum ?

Deus qui præcinxit me virtúte : * et pósuit immaculátam viam meam.

Qui perfécit pedes meos tamquam cervórum , * et super excélsa státuens me.

Qui docet manus meas ad prælium : * et posuísti, ut arcum æreum, bráchia mea.

Et dedísti mihi protectiÓNem salútis tuæ : * et dextera tua suscepit me :

Et disciplína tua corréxit

me in finem : * et disciplína tua ipsa me docébit.

Dilatásti gressus meos subtus me : * et non sunt infirmáta vestígia mea.

Pérsequar inimícos meos , et comprehéndam illos : * et non convértar donec deficiant.

Confríngam illos , nec póterunt stare : * cadent subtus pedes meos.

Et præcinxísti me virtúte ad bellum : * et supplantásti insurgéntes in me subtus me.

Et inimícos meos dedísti mihi dorsum , * et odiéntes me disperdidísti.

Clamavérunt, nec erat qui salvos fáceret , ad Dóminum : * nec exaudivit eos.

Et commínuam eos ut pulverem ante faciém venti : * ut lutum plateárum delébo eos.

Eripies me de contradiCTIONIBUS pópuli : * constitues me in caput géntium.

Pópulus, quem non cognóvi , servívit mihi : * in audítu auris obedívit mihi.

Fílii aliéni mentíti sunt mihi , * fílii aliéni inveteráti sunt, et claudicavérunt a sémitis suis.

Vívit Dóminus, et benedíctus Deus meus, * et exaltétur Deus salútis meæ.

Deus, qui das vindíctas mihi, et subdis pópulos sub me , * liberátor meus de inimícis meis iracúndis.

Et ab insurgéntibus in

me exaltábis me : * a viro iniquo eripies me.

Propterea confitébor tibi in nationibus, Dómine : * et nómini tuo psalmum dicam.

Magnificans salutes Regis ejus, et faciens misericórdiam christo suo David, * et sémini ejus usque in sæculum.

Per Annum, Añã. Díligam te, Dómine, virtus mea.

In Quadrag., V. Scápulis suis obumbrábit tibi. R. Et sub pennis ejus sperábis.

Tempore Passiónis, V. De ore leónis libera me, Dómine. R. Et a cornibus unicórnium humilitátem meam.

Tempore Paschali, Añã. Allelúia. Quem quæris mulier ? allelúia : vivéntem cum mórtuis ? allelúia, allelúia. V. Surréxit Dóminus vere, allelúia. R. Et apparuit Simóni, allelúia. Pater noster, secreto. V. Et ne nos indúcas in tentatióem. R. Sed libera nos a malo.

Absolutio.

IPSUS píetas et misericórdia nos ádjuvet, qui cum Patre et Spiritu sancto vivit et regnat in sæcula sæculórum. R. Amen.

V. Jube, domne, benedícere.

Bened. Deus Pater omnipotens sit nobis propítius et clemens. R. Amen.

Pro V. Lectione. Bened. Christus perpétuæ det nobis gáudia vitæ. R. Amen.

Pro vj. Lectione. Bened. Ignem sui amóris accéndat Deus in córdibus nostris. R. Amen.

IN III. NOCTURNO.

Per Annum, Añã. Non sunt loquélæ.

Temp. Pasch., Añã. Allel.

Psalmus 18.

COELI enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum. In sole pósuit tabernáculum suum : * et ipse tamquam sponsus procedens de thálamo suo.

Exultávit ut gigas ad curréndam viam : * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans párvulis. Justitiæ Dómini rectæ, lætificántes corda : * præcéptum Dómini lúcidum, illuminans óculos.

Timor Dómini sanctus, pérmanens in sæculum sæ-

culi : * iudicia Dómini vera, justificáta in semetipsa.

Desiderabilia super aurum et lápidem pretiósum multum : * et dulcióra super mel et favum.

Etenim servus tuus custódit ea : * in custodiéndis illis retribútio multa.

Delicta quis intélligit ? ab occúltis meis munda me ; * et ab aliénis parce servo tuo.

Si mei non fúerint domínati, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjútor meus, * et redémptor meus.

Per Annum, Ana. Non sunt loquélæ, neque sermónes, quorum non audiántur voces eórum.

Aña. Exáudiat.

Psalmus 19.

EXAUDIAT te Dóminus in die tribulatiónis : * prótegat te nomen Dei Jacob.

Mittat tibi auxílium de sancto : * et de Sion tueátur te.

Memor sit omnis sacrificii tui : * et holocáustum tuum pingue fiat.

Tribuat tibi secúndum cor tuum : * et omne consílium tuum confírmes.

Lætábimur in salutári tuo : * et in nómine Dei nostri magnificábimur.

Impleat Dóminus omnes petitiónes tuas : * nunc cognóvi quóniam salvum fecit Dóminus Christum suum.

Exáudiet illum de cœlo sancto suo : * in potentátibus salus dexteræ ejus.

Hi in curribus, et hi in equis : * nos autem in nómine Dómini Dei nostri invocábimus.

Ipsi obligáti sunt et ceciderunt : * nos autem surréximus et erécti sumus.

Dómine, salvum fac regem, * et exáudi nos in die, qua invocavérimus te.

Per Annum. Aña. Exáudiat te Dóminus in die tribulatiónis.

Aña. Dómine.

Psalmus 20.

DOMINE, in virtúte tua lætábitur rex : * et super salutáre tuum exultábit vehementer.

Desidérium cordis ejus tribuísti ei : * et voluntáte labiórum ejus non fraudásti eum.

Quóniam prævenísti eum in benedictiônibus dulcedinis : * posuísti in cápite ejus corónam de lápide pretióso.

Vitam pétiit a te : * et tribuísti ei longitudinem dierum in sæculum, et in sæculum sæculi :

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictionem in sæculum sæculi : * lætificabis eum in gaudio cum vultu tuo.

Quóniam rex sperat in Domino : * et in misericordia Altissimi non commovébitur.

Inveniatur manus tua omnibus inimicis tuis : * dextera tua invéniat omnes , qui te odérunt.

Pones eos ut elibanum ignis in témpore vultus tui : * Dominus in ira sua conturbábit eos , et devorábit eos ignis.

Fructum eorum de terra perdes : * et semen eorum a filiis hóminum.

Quóniam declinavérunt in te mala : * cogitavérunt consilia , quæ non potuérunt stabilíre.

Quóniam pones eos dorsum : * in reliquiis tuis præparabis vultum eorum.

Exaltare, Domine, in virtute tua : * cantábitus et psallémus virtutes tuas.

Per Annum. *Añs.* Domine, in virtute tua lætábitur rex.

In Quadrages. . *v.* Scuto circúmdabit te veritas ejus.

R. Non timébis a timóre noctúrno.

Tempore Passionis. . v. Ne perdas cum impiis Deus animam meam. *R.* Et cum viris sanguinum vitam meam.

Tempore Paschali. . Ant. Allelúia, noli flere Maria, allelúia : resurrexit Domi-

nus, allelúia, allelúia. *v.* Gavisí sunt discipuli, allelúia.

R. Viso Domino, allelúia.

Pater noster. secreto. v. Et ne nos indúcas in tentationem. *R.* Sed libera nos a malo.

Absolutio.

A vínculis peccatórum nostrórum absólvat nos omnipotens et miséricors Dominus. *R.* Amen.

v. Jube, domne, benedicere.

Bened. Evangélica lectio sit nobis salus et protéctio. *R.* Amen.

Pro viij. Lectione, Bened.

Divinum auxilium máneat semper nobiscum. *R.* Amen.

Pro ix. Lectione, Bened.

Ad societátem civium supernórum perdúcat nos Rex Angelórum. *R.* Amen.

Sequens Hymnus a Septuag. usque ad Pascha non dicitur nisi in Festis : a Paschate vero usque ad Pentec. dicitur etiam in feriali Officio, excepta Feria ij. Rogat. Quando vero non dicitur, ejus loco ponitur ix. aut iij. Resp.

Hymnus SS. Ambrosii et Augustini.

TE Deum laudámus : te Dóminum confitémur : Te ætérnum Patrem : omnis terra venerátur.

Tibi omnes Angeli, tibi cœli et univérsæ potestates.

Tibi Chérubim et Séraphim, incessábili voce proclamant :

Sanctus, Sanctus, Sanctus
Dóminus Deus Sábaoth.

Pleni sunt cœli et terra :
majestátis glóriæ tuæ.

Te gloriósus Apostolórum
chorus,

Te Prophetárum laudábi-
lis númerus,

Te Mártyrum candidatus
laudat exércitus.

Te per orbem terrárum,
sancta confitétur Ecclésia,

Patrem imménsæ maje-
státis,

Venerándum tuum verum
et únicum Filium.

Sanctum quoque Parácli-
tum Spiritum.

In Rex glóriæ, Christe.

Tu Patris sempitérnus es
Filius.

Tu ad liberándum susce-
ptúrus hóminem : non hor-
ruisti Virginitis úterum.

Tu devicto mortis acúleo:
aperuisti credéntibus regna
cœlórum.

Tu ad dexteram Dei sedes :
in glória Patris.

Judex créderis esse ventúrus.

Te ergo quæsumus, tuis
fámulis súbveni : quos pre-
tioso ságuine redemísti.

Æterna fac cum Sanctis
tuis in glória numerári.

Salvum fac pópulum tuum,
Dómine : et bénedic heredi-
táti tuæ.

Et rege eos, et extólle
illos usque in ætérnum.

Per singulos dies bene-
dicimus te.

Et laudámus nomen tuum
in sæculum : et in sæculum
sæculi.

Dignare, Dómine, die isto
sine peccáto nos custodire.

Miserére nostri, Dómine :
miserére nostri.

Fiat misericórdia tua, Dó-
mine, super nos : quemad-
modum sperávimus in te.

In te, Dómine, sperávi :
non confundar in ætérnum.

AD LAUDES, V.

DEUS, in adjutórium meum
inténde. **R.** Dómine, ad
adjuvándum me festina.

Glória Patri, et Filio, et
Spiritui sancto.

Sicut erat in princípio,
et nunc, et semper, et in
sæcula sæculórum. Amen.

Laus tibi Dómine, Rex ætér-
næ glóriæ, *vel Allelúia, pro
temporis diversitate.*

Temp. Pasch., Añña. Allel.

Psalmus 92.

DOMINUS regnávít, decó-
rem indútus est : * in-
dútus est Dóminus fortitú-
dinem, et præcínxit se.

Etenim firmávit orbem ter-
ræ, * qui non commovébitur.

Paráta sedes tua ex tunc :
* a sæculo tu es.

Elevavérunt flúmina, Dó-
mine : * elevavérunt flúmi-
na vocem suam.

Elevavérunt flúmina flu-
ctus suos : * a vóci-
bus aquárum multárum.

Mirábiles elatiónes maris, *
mirábilis in altis Dóminus.

testimónia tua credibilia
facta sunt nimis : * domum
tuam decet sanctitúdo, Dñe,
in longitúdinem diérum.

Psalmus 99.

JUBILATE Deo, omnis terra :
* servíte Dómino in læ-
títia.

Introíte in conspéctu ejus,
* in exultatióne.

Scitóte, quóniam Dóminus
ipse est Deus : * ipse fecit
nos, et non ipsi nos.

Pópulus ejus, et oves pá-
scuæ ejus : * introíte portas
ejus in confessiône, átria
ejus in hymnis : confitémini
illi.

Laudáte nomen ejus : quón-
iam suávis est Dóminus,
in ætérnum misericórdia
ejus : * et usque in gene-
rationem et generationem
véritas ejus.

Psalmus 62.

DEUS, Deus meus, * ad te
de luce vígilo.

Sitívit in te ánima mea, *
quam multipliciter tibi caro
mea.

In terra desérta, et ínvia, et
inaquósa : * sic in sancto
appáruí tibi, ut vidérem vir-
tútem tuam, et glóriam tuam.

Quóniam mélior est mise-
ricórdia tua super vitas :
* lábia mea laudábunt te.

Sic benedicam te in vita
mea : * et in nómine tuo
levábo manus meas.

Sicut ádipe et pinguédine
repleátur ánima mea : * et

lábiis exultatiónis laudábit
os meum.

Si memor fui tui super
stratum meum, in matutí-
nis meditábor in te : * quia
fuísti adjutor meus.

Et in velaménto alárum
tuarum exultábo, adhæsit
ánima mea post te : * me
suscepit délixtera tua.

Ipsi vero in vanum quæ-
siérunt ánimam meam,
introíbunt in inferióra ter-
ræ : * tradéntur in manus
gládii, partes vûlpium erunt.

Rex vero lætábitur in
Deo, laudabúntur omnes qui
jurant in eo : * quia ob-
strúctum est os loquéntium
iníqua.

Hic non dic. Glória Patri.

Psalmus 66.

DEUS misereátur nostri,
et benedicat nobis : * il-
lúminet vultum suum super
nos, et misereátur nostri.

Ut cognoscámus in terra
viam tuam : * in ómnibus
géntibus salutáre tuum.

Confiteántur tibi pópuli
Deus : * confiteántur tibi
pópuli omnes.

Læténtur et exúltent gen-
tes : * quóniam júdicas pó-
pulos in æquitáte, et gentes
in terra dirígis.

Confiteántur tibi pópuli
Deus : confiteántur tibi pó-
puli omnes : * terra dedit
fructum suum.

Benedícat nos Deus, Deus
noster, benedicat nos Deus : *

et metuant eum omnes fines terræ.

Gloria Patri, et Filio.

Tempore Paschali. Ant.

Allelúia, allelúia, allelúia, allelúia, allelúia, allelúia, allelúia.

Ant. Surréxit Christus.

Canticum trium Puerorum.

Danielis 3. e

BENEDICITE, ómnia ópera Dómini, Dómino, * laudáte et superexaltáte eum in sæcula.

Benedicite, Angeli Dómini, Dómino : * benedicite, cœli, Dómino.

Benedicite, aquæ omnes, quæ super cœlos sunt, Dómino : * benedicite, omnes virtutes Dómini, Dómino.

Benedicite, sol et luna, Dómino : * benedicite, stellæ cœli, Dómino.

Benedicite, omnis imber et ros, Dómino : * benedicite, omnes spiritus Dei, Dómino.

Benedicite, ignis et æstus, Dómino : * benedicite, frigus et æstus, Dómino.

Benedicite, rores et pruina, Dómino : * benedicite, gelu et frigus, Dómino.

Benedicite, glacies et nives, Dómino : * benedicite, noctes et dies, Dómino.

Benedicite, lux et tenebræ, Dómino : * benedicite, fulgura et nubes, Dómino.

Benedicat terra Dóminum : * laudet et superexaltet eum in sæcula.

Benedicite, montes et colles, Dómino : * benedicite, univérſa germinántia in terra, Dómino.

Benedicite, fontes, Dómino : * benedicite, mária et flúmina, Dómino.

Benedicite, cete et ómnia quæ movéntur in aquis, Dómino : * benedicite, omnes vólucres cœli, Dómino.

Benedicite, omnes béstiæ et pécora, Dómino : * benedicite, filii hóminum, Dómino.

Benedicat Israel Dóminum : * laudet et superexaltet eum in sæcula.

Benedicite, sacerdótes Dómini, Dómino : * benedicite, servi Dómini, Dómino.

Benedicite, spíritus et ánimæ justórum, Dómino : * benedicite, sancti et húmiles corde, Dómino.

Benedicite, Ananía, Azaría, Mísael, Dómino : * laudáte et superexaltáte eum in sæcula.

Benedicámus Patrem et Filium cum sancto Spíritu : * laudémus et superexaltémus eum in sæcula.

Benedíctus es, Dómine, in firmaménto cœli : * et laudábilis, et gloriósus, et superexaltátus in sæcula.

Hic non dicitur Gloria Patri, neque Amen. In aliis Canticis dicuntur.

Temp. Paschali. Ant. Surréxit Christus de sepúlchro, qui liberávit tres púeros de camino ignis ardéntis, allelúia.

Añā. Allelúia.

Psalmus 148.

LAUDATE Dóminum de cœ-
lis : * laudáte eum in
excélsis.

Laudáte eum, omnes An-
geli ejus : * laudáte eum,
omnes virtútes ejus.

Laudáte eum, sol et luna :
* laudáte eum, omnes stellæ
et lumen.

Laudáte eum, cœli cœló-
rum : * et aquæ omnes, quæ
super cœlos sunt, laudent
nomen Dómini.

Quia ipse dixit, et facta
sunt : * ipse mandávit, et
creáta sunt.

Statuit ea in ætérnum, et
in sæculum sæculi : * præ-
céptum pósuit, et non præ-
teribit.

Laudáte Dóminum de terra,
* dracones et omnes abyssi.

Ignis, grando, nix, glá-
cies, spiritus procellarum :
* quæ faciunt verbum ejus.

Montes et omnes colles : *
ligna fructífera, et omnes
cedri.

Béstia, et univérſa pécora : *
serpéntes et volucres pennatæ :

Reges terræ, et omnes
pópuli : * principes et om-
nes júdices terræ.

Júvenes et virgines : senes
cum junióribus laudent no-
men Dómini : * quia exaltá-
tum est nomen ejus solius.

Conféssio ejus super cœ-
lum et terram : * et exaltá-
vit cornu pópuli sui.

Hymnus ómnibus sanctis
ejus : * filiis Israel, pópulo
appropinquánti sibi.

Hic non dic. Glória Patri.

Psalmus 149.

CANTATE Dómino cānti-
cum novum : * laus ejus
in ecclésia Sanctórum.

Lætétur Israel in eo, qui
fecit eum : * et filii Sion
exúltent in rege suo.

Laudent nomen ejus in
choro : * in tympano et psal-
tério psallant ei :

Quia beneplácitum est Dó-
mino in pópulo suo : * et
exaltábit mansuétos in sa-
lútem.

Exultábunt sancti in glória, *
lætábuntur incubílibus suis.

Exaltatiónes Dei in gút-
ture eórum : * et gládii
ancípites in mánibus eórum :

Ad faciéndam vindictam
in natió nibus : * increpatió-
nes in pópulis.

Ad alligándos reges eórum
in compédibus : * et nóbiles
eórum in mánicis férreis.

Ut faciant in eis judicium
conscriptum : * glória hæc
est ómnibus sanctis ejus.

Hic non dic. Glória Patri.

Psalmus 150.

LAUDATE Dóminum in san-
ctis ejus : * laudáte eum
in firmaménto virtútis ejus.

Laudáte eum in virtútibus
ejus : * laudáte eum secún-
dum multitudinem magni-
túdinis ejus.

Laudáte eum in sono tu-

bæ : * laudate eum in psalterio, et cithara.

Laudate eum in tympano, et choro : * laudate eum in chordis et órgano.

Laudate eum in cymbalis benesonantibus : laudate eum in cymbalis jubilationis : * omnis spiritus laudet Dóminum.

Glória Patri, et Filio, et Spiritui sancto.

Temp. Pasche. Añ. Allelúia, allelúia, allelúia.

Capit. prop. in Quadrag.

Hymnus.

O sol salutis, intimis, Jesu, refulge mentibus,

Dum nocte pulsa, grátior Orbi dies renascitur.

Dans tempus acceptabile,

Da lacrymarum rivulis

Lavare cordis victimam,

Quam læta adurat charitas.

Quo fonte manavit nefas,

Fluent perennes lacrymæ,

Si virga pœnitentiæ

Cordis rigorem cõterat.

Dies venit, dies tua,

In qua reflórent ómnia :

Lætémur et nos in viam

Tua redúcti dextera.

Te prona mundi máchina,

Clemens, adóret, Trínitas,

Et nos novi per grátiam

Novum canámus canticum.

Amen.

Angelis suis Deus mandávit de te. *R.* Ut custódiant te in ómnibus viis tuis.

Añ. ad Benedictus, et Oratio propria.

Temp. Passionis. Hymnus.

Lustra sex.

V. Eripeme de inimicis meis, Deus meus. *R.* Et ab insurgéntibus in me libera me.

Tempore Paschali, sequens Capit. dicitur in feriali Officio tantum : Hymnus autem etiam in Dominicis.

Capitulum. Rom. 6. b

CHRISTUS resurgens ex mórtuis, jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

Hymnus.

AURORA cœlum púrpurat, **A**Æther resultat laudibus, Mundus triúmphans jubilat, Horrens avérnus infremit.

Rex ille dum fortíssimus De mortis inférno specu Patrum senátum liberum Edúcit ad vitæ jubar.

Cujus sepúlchrum plúrimo Custóde signábat lapis, Victor triúmphat, et suo Mortem sepúlchro fúnerat.

Sat fúneri, sat lacrymis, Sat est datum doloribus : Surréxit extíctor necis, Clamat corúscans Angelus.

Ut sis perénne mentibus Paschále, Jesu, gáudium, A morte dira criminum Vitæ renátos libera.

Deo Patri sit glória, Et Filio qui a mórtuis Surréxit, ac Paráclito, In sempitérna sæcula. Amen.

Y. In resurrectione tua, Christe, alleluia. **R.** Coeli et terra læténtur, alleluia.

Ad Benedictus Añña propria.

Canticum Zachariæ.

Luce 1. g

BENEDICTUS Dóminus Deus Israel, * quia visitávit, et fecit redemptionem plebis suæ :

Et eréxit cornu salutis nobis : * in domo David púeri sui : Sicut locútus est per os sanctórum, * qui a sæculo sunt, prophetárum ejus :

Salutem ex inimicis nostris, * et de manu ómnium, qui odérunt nos :

Ad faciéndam misericórdiam cum pátribus nostris : * et memorári testaménti sui sancti.

Iusjurándum, quod jurávit ad Abraham patrem nostrum, * datúrum se nobis :

Ut sine timóre, de manu inimicórum nostrórum liberáti, * serviámus illi :

In sanctitáte et justítia coram ipso, * ómnibus diebus nostris.

Et tu, puer, Prophéta Altíssimi vocáberis : * præíbis enim ante faciém Dómini paráre vias ejus.

Ad dandam sciéntiam salutis plebi ejus : * in remissionem peccatórum eórum :

Per viscera misericórdiæ Dei nostri : * in quibus visitávit nos, óriens ex alto :

Illumináre his, qui in té-

nebris, et in umbra mortis sedent : * ad dirigéndonos in viam pacis.

Glória Patri. Sicut erat.

Deínde dicitur Añña et Oratio propria : et post eam, si occurrat eo die aliquod Festum Simplex, fit de eo commem. Postremo (si id tempus requirat) fiunt Commem. de S. Maria, de Apostolis, et de Patrono Ecclesiæ in ordine aliárum Commem. secundum illius dignitatem, et ultimo loco de Pace, ut infra in Vesperis Sabbati.

In fine, si discedendum sit a Choro, dicitur una ex Aññis B. Mariæ, ut habetur infra post Completorium.

DOMINICA AD PRIMAM.

Pater noster. Ave Maria. Credo. **Y.** Deus, in adjutórium, ut supra. 18.

Hymnus.

IAM lucis orto sidere, Deum precémur súpplices, Ut in diúrnis áctibus Nos servet a nocéntibus.

Linguam refrénans témperet,

Ne litis horror insonet : Visum fovéndo cóntegat, Ne vanitátes háuriat.

Sint pura cordis íntima, Absístat et vecórdia :

Carnis terat supérbiam Potus cibique párcitas.

Et cum dies abscésserit, Noctémque sors redúxerit, Mundi per abstinentiam Ipsi canámus glóriam.

Deo Patri sit glória,
Ejusque soli Filio,
Cum Spíritu Paráclito,
Nunc, et per omne sæculum.
Amen.

In Dominicis Quadrage-
simæ Añæ propria.

Temp. Pasch. Añæ. Allel.

Psalmus 53.

DEUS, in nómine tuo salvum
me fac : * et in virtute
tua júdica me.

Deus , exáudi oratióem
meam : * áuribus pécipe
verba oris mei.

Quóniam aliéni insurrexé-
runt advérsuñ me : et fortes
quæsiérunt ánimam meam :
* et non proposuérunt
Deñ ante conspéctum suum.

Ece enim Deus ádjuvat
me : * et Dóminus suscep-
tor est ánimæ meæ.

Avérte mala inimícis meis :
* et in veritate tua dis-
pérde illos.

Voluntárie sacrificábo tibi : *
et confitébor nómini tuo, Dó-
mine : quóniam bonum est :

quóniam ex omni tribu-
latiône eripuísti me : * et
super inimícos meos despé-
xit óculus meus.

Sequens Ps. Confitémini,
etc. tantum in Dñicis, quan-
do fit Offic. de Dñica, ut in
Psalt. præterquam in Dñicis
a Pascha usque ad Pentec.

A Septuag. vero usque ad
Pascha. ejus loco dicitur Ps.
Dóminus regnávít, ut supra
in Laud. 48.

Psalmus 117.

CONFITEMINI Dómino quó-
niam bonus : * quóniam
in sæculum misericórdia
ejus.

Dicat nunc Israel , quó-
niam bonus : * quóniam in
sæculum misericórdia ejus.

Dicat nunc domus Aaron :
* quóniam in sæculum mi-
sericórdia ejus.

Dicant nunc qui timent
Dóminum : * quóniam in
sæculum misericórdia ejus.

De tribulatiône invocávi
Dóminum : * et exaudivit
me in latitúdine Dóminus.

Dóminus mihi adjutor : *
non timébo quid fáciat mihi
homo.

Dóminus mihi adjutor : *
et ego despiciam inimícos
meos.

Bonum est confidere in
Dómino, * quam confidere
in hómine.

Bonum est speráre in
Dómino, * quam speráre in
principibus.

Omnes gentes circuíerunt
me : * et in nómine Dómini
quia ultus sum in eos.

Circumdántes circumdedé-
runt me : * et in nómine
Dómini quia ultus sum in
eos.

Circumdedérunt me sicut
apes, et exarsérunt sicut
ignis in spinis : * et in nó-
mine Dómini quia ultus
sum in eos.

Impúlsus evérsus sum ut

céderem : * et Dóminus suscepit me.

Fortitúdo mea , et laus mea Dóminus : * et factus est mihi in salútem.

Vox exultatiónis , et salutis : * in tabernáculis iustórum.

Déxtera Dómini fecit virtutem : dextera Dómini exaltávit me , * dextera Dómini fecit virtutem.

Non móriar , sed vivam ; * et narrábo ópera Dómini.

Castigans castigávit me Dóminus : * et morti non trádidit me.

Aperite mihi portas iustitiæ , ingressus in eas confitébor Dómino : * hæc porta Dómini , iusti intrábunt in eam.

Confitébor tibi quóniam exaudísti me : * et factus es mihi in salútem.

Lápidem , quem reprobavérunt ædificántes : * hic factus est in caput ánguli.

A Dómino factum est istud : * et est mirábile in óculis nostris.

Hæc est dies , quam fecit Dóminus : * exultémus , et lætémur in ea.

O Dómine , salvum me fac , o Dómine , bene prosperáre : * benedictus qui venit in nómine Dómini.

Benediximus vobis de domo Dómini : * Deus Dóminus , et illúxit nobis.

Constituíte diem solémnem

in condénsis , * usque ad cornu altáris.

Deus meus es tu , et confitébor tibi : * Deus meus es tu , et exaltábo te.

Confitébor tibi quóniam exaudísti me : * et factus es mihi in salútem.

Confitémini Dómino quóniam bonus : * quóniam in sæculum misericórdia ejus.

Psalmus 118.

BEATI immaculáti in via , * qui ámbulant in lege Dómini.

Beáti , qui scrutántur testimónia ejus : * in toto corde exquirunt eum.

Non enim qui opérantur iniquitatem , * in viis ejus ambulavérunt.

Tu mandásti * mandata tua custodíri nimis.

Utinam dirigántur viæ meæ , * ad custodiéndas justificatiónes tuas !

Tunc non confúndar , * cum perspéxero in ómnibus mandátis tuis.

Confitébor tibi in directiône cordis : * in eo quod didici judícia iustitiæ tuæ.

Justificatiónes tuas custodiám : * non me derelinquas usquequaque.

In quo córrigit adolescéntior viam suam ? * in custodiéndo sermónes tuos.

In toto corde meo exquisivi te : * ne repéllas me a mandátis tuis.

In corde meo abscondi

elóquia tua : * ut non peccem tibi.

Benedictus es, Dómine : * doce me justificationes tuas.

In lábiis meis, * pronuntiávi ómnia iudicia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor : * et considerábo vias tuas.

In justificatióibus tuis meditábor : * non oblivíscar sermónes tuos.

RETRIBUE servo tuo, vivifica me : * et custódiam sermónes tuos.

Revéla óculos meos : * et considerábo mirabilia de lege tua.

Incolá ego sum in terra : * non abscondas a me mandata tua.

Concupívit ánima mea considerare justificationes tuas, * in omni témpore.

Increpásti supérbos, * maledicti qui declinant a mandátis tuis.

Aufer a me oppróbrium, et contéptum : * quia testimónia tua exquisívi.

Itenim sedérunt príncipes, et advérsus me loquebantur : * servus autem tuus exercebátur in justificatióibus tuis.

Nam et testimónia tua meditatio mea est, * et consílium meum justificationes tuæ.

Adhæsit paviménto ani-

ma mea : * vivifica me scóndum verbum tuum.

Vias meas enuntiávi, et exaudisti me : * doce me justificationes tuas.

Viam justificatiónum tuárum instrue me : * et exercébor in mirabilibus tuis.

Dormitávit ánima mea præ tædio : * confirma me in verbis tuis.

Viam iniquitátis ámove a me : * et de lege tua miserére mei.

Viam veritátis elégi : * iudicia tua non sum oblítus.

Adhæsi testimoniis tuis, Dómine : * noli me confundere.

Viam mandatórum tuórum cucúrri, * cum dilatásti cor meum.

Sequens Symbolum dicitur in Dominicis tantum, quando fit Officium de Dominica, ut in Psalterio.

Symbolum S. Athanasii.

QUICUMQUE vult salvus esse, * ante ómnia opus est, ut téneat catholicam Fidem.

Quam nisi quisque íntegram, inviolatámque serváverit, * absque dúbio in ætérnum peribit.

Fides autem cathólica hæc est : * ut unum Deum in Trinitáte, et Trinitátem in unitáte venerémur.

Neque confundéntes personas, * neque substántiam separántes.

Alia est enim persóna Patris, ália Filii, * ália Spíritus sancti.

Sed Patris, et Filii, et Spiritus sancti una est divinitas, * æqualis glória, coætérna majéstas.

Qualis Pater, talis Filius, * talis Spiritus sanctus.

Increátus Pater, increátus Filius, * increátus Spiritus sanctus.

Imménsus Pater, imménsus Filius, * imménsus Spiritus sanctus.

Ætérnus Pater, ætérnus Filius, * ætérnus Spiritus sanctus.

Et tamen non tres ætérni : * sed unus ætérnus.

Sicut non tres increáti, nec tres imménsi, * sed unus increátus, et unus imménsus.

Simíliter omnípotens Pater, omnípotens Filius, * omnípotens Spiritus sanctus.

Et tamen non tres omnípoténtes : * sed unus omnípotens.

Ita Deus Pater, Deus Filius, * Deus Spiritus sanctus.

Et tamen non tres Dii : * sed unus est Deus.

Ita Dóminus Pater, Dóminus Filius, * Dóminus Spiritus sanctus.

Et tamen non tres Dómini : * sed unus est Dóminus.

Quia sicut singillátim unamquámque persónam, Deum ac Dóminum confitéri christiána veritáte compéllimur : * ita tres Deos aut Dóminos dicere cathólica religióne prohibémur.

Pater a nullo est factus, * nec creátus, nec génitus.

Filius a Patre solo est : * non factus, nec creátus, sed génitus.

Spiritus sanctus a Patre et Filio ; * non factus, nec creátus, nec génitus, sed procédens.

Unus ergo Pater, non tres Patres; unus Filius, non tres Filii, * unus Spiritus sanctus, non tres Spiritus sancti.

Et in hac Trinitáte nihil prius aut postérius, nihil majus aut minus, * sed totæ tres persónæ coætérnæ sibi sunt, et coæquales.

Ita ut per ómnia, sicut jam supra dictum est, * et únititas in Trinitáte, et Trínitas in unitáte veneránda sit.

Qui vult ergo salvus esse, * ita de Trinitáte séntiat.

Sed necessárium est ad ætérnam salútem, * ut Incarnatióem quoque Dómini nostri Jesu Christi fidéliter credat.

Est ergo fides recta, ut credámus et confiteámur, * quia Dóminus noster Jesus Christus Dei Filius, Deus et homo est.

Deus est ex substántia Patris ante sæcula génitus : * et homo est ex substántia matris in sæculo natus.

Perféctus Deus, perféctus homo, * ex ánima rationali, et humána carne subsistens.

Equális Patri secúndum divinitátem; * minor Patre secúndum humanitátem.

Qui licet Deus sit, et homo : * non duo tamen, sed unus est Christus.

Unus autem, non conversióne divinitátis in carnem; * sed assumptióne humanitátis in Deum.

Unus omnino, non confusióne substantiæ, * sed unitáte persónæ.

Nam sicut ánima rationalis et caro unus est homo : * ita Deus et homo unus est Christus.

Qui passus est pro salute nostra : descendit ad inferos : * tértia die resurrexit a mórtuis.

Ascendit ad cœlos : sedet ad dexteram Dei Patris omnipoténtis : * inde ventúrus est judicáre vivos et mórtuos.

Ad cujus advéntum omnes hómines resúrgere habent cum corpóribus suis : * et redditúri sunt de factis propriis ratióem.

Et qui bona egérunt, ibunt in vitam ætérnam : * qui vero mala, in ignem ætérnum.

Hæc est fides cathólica, * quam nisi quisque fidéliter firmitérque crediderit, salvus esse non póterit.

Gloria Patri, et Filio.

In Dominicis Quadragesimæ, Ant. propria.

Temp. Pasch. Ant. Allelúia, allelúia, allel., allel.

Capitulum. 1. Tim. 1. d

Regi sæculórum immortalí et invisibili, soli Deo honor et glória in sæcula sæculórum. Amen. **R.** Deo grátias.

ñ. br. Christe, Fili Dei vivi, * Miserére nobis. **Et repetitur** Christe, Fili Dei vivi, miserére nobis. **ñ.** Qui sedes ad dexteram Patris. **R.** Miserére nobis. **v.** Glória Patri, et Filio, et Spirítui sancto. **R.** Christe, Fili Dei vivi, miserére nobis. **ñ.** Exúrge, Christe, ádjuva nos. **R.** Et libera nos propter nomen tuum.

Prædictum ñ. br. dicitur per totam Quadrag., et per Annum.

Temp. Pasch. vero, id est. a Dom. in Albis, usque ad Sabbatum post Pent. tam in Dñicis, quam in Feriis, ac etiam in Festis eo tempore occur., dicitur idem ñ. modo seq., videlicet : Christe, Fili Dei vivi, miserére nobis. * Allelúia, allelúia. Repet. Christe, Fili Dei vivi, miserére nobis. * Allelúia, allelúia. ñ. Qui surrexisti a mórtuis. R. Allelúia, allelúia. ñ. Glória Patri, et Filio, et Spirítui sancto. R. Christe, Fili Dei vivi, miserére nobis, allelúia, allelúia. v. Exúrge, Christe, ádjuva nos, allel. R. Et libera nos propter nomen tuum, allel.

¶ Sed in Festo Ascensio-

nis, et per totam Octavam. ac etiam Feria vj. et Sab-
bato post Octavam, ubi di-
citur **V.** Qui surrexisti a mór-
tuis. Allelúia, allelúia, dica-
tur **V.** Qui scandis super
sídera. Allelúia, allelúia.

¶ Similiter in Festo Pen-
tecostes usque ad Sabba-
tum sequens dicitur **V.** Qui
sedes ad dexteram Patris.
Allelúia, allelúia.

Sequentes Preces non di-
cuntur in Duplicibus, nec
infra Octavas, sed tunc dicto
R. brevi, dicitur Dóminus
vobíscum, et Oratio. Dómine
Deus, ut infra. 30.

KYRIE, eléison. Christe,
eléison. Kyrie, eléison.
Pater noster, secreto usque
ad **V.** Et ne nos indúcas in
tentationem. **R.** Sed libera
nos a malo. Credo in Deum,
secreto usque ad **V.** Carnis
resurrectionem. **R.** Vitam
æternam. Amen. **V.** Et ego
ad te, Dómine, clamávi. **R.**
Et mane oratio mea prævé-
niet te. **V.** Repleátur os
meum laude. **R.** Ut cantem
glóriam tuam, tota die ma-
gnitudinem tuam. **V.** Dómi-
ne, avérte fáciem tuam a
peccátis meis. **R.** Et omnes
iniquitátes meas dele. **V.**
Cor mundum crea in me,
Deus. **R.** Et spíritum re-
ctum innova in viscéribus
meis. **V.** Ne projicias me a
fácie tua. **R.** Et spíritum
sanctum tuum ne áuferas a

me. **V.** Redde mihi lætítiam
salutáris tui. **R.** Et spíritu
principáli confírma me. **V.**
Adjutórium nostrum in nó-
mine Dómini. **R.** Qui fecit
cælum et terram.

Deinde Hebdomad. facit Cont.

CONFITEOR Deo omnipo-
ténti, beátæ Mariæ sem-
per Virgini, beáto Michaéli
Archángelo, beáto Joánni
Baptístæ, sanctis Apóstolis
Petro et Paulo, ómnibus
Sanctis, et vobis, fratres :
quia peccávi nimis cogita-
tione, verbo, et ópere : mea
culpa, mea culpa, mea
máxima culpa. Ideo precor
beátam Mariám semper Vir-
ginem, beátum Michaélem
Archángelum, beátum Joán-
nem Baptístam, sanctos Apó-
stolos Petrum et Paulum,
omnes Sanctos, et vos, fra-
tres, oráre pro me ad Dó-
minum Deum nostrum.

Chorus respondet :

MISEREATUR tui omnipo-
tens Deus, et dimíssis
peccátis tuis, perdúcat te ad
vitam æternam. **R.** Amen.

Deinde repetit Confessio-
nem, et ubi dicitur vobis,
fratres, et vos, fratres, di-
cat tibi, pater, et te, pater,
Facta Confessione a Choro.

Hebdomadarius dicit :

MISEREATUR vestri omni-
potens Deus, et dimís-
sis peccátis vestris, perdú-
cat vos ad vitam æternam.
R. Amen.

INDULGENTIAM, absolutiōnem, et remissiōnem peccatōrum nostrōrum tribuat nobis omnipotens et misēricors Dōminus. *℟.* Amen.

Et prosequitur: V. Dignāre, Dōmine, die isto. *℟.* Sine peccāto nos custodire. *V.* Miserere nostri, Dōmine. *℟.* Miserere nostri. *V.* Fiat misericōrdia tua, Dōmine, super nos. *℟.* Quemādmodū sperāvimus in te. *V.* Dōmine, exāudi oratiōnem meam. *℟.* Et clamor meus ad te vēniat. *V.* Dōminus vobiscum. *℟.* Et cum spīritu tuo.

Orémus. Oratio.

DOMINE Deus omnipotens, qui ad principium hujus diēi nos pervenire fecisti: tua nos hodie salva virtute; ut in hac die ad nullum declinēmus peccatum, sed semper ad tuam justitiam faciendam nostra procedant elōquia, dirigantur cogitationes, et ōpera. Per Dōminum nostrum Jesum Christum Filium tuum: qui tecum vivit et regnat in unitate Spīritus sancti Deus per ōmnia sæcula sæculōrum. *℟.* Amen.

V. Dōminus vobiscum. *℟.* Et cum spīritu tuo. *V.* Benedicāmus Dōmino. *℟.* Deo grācias.

Deinde in Choro legitur Martyrologium. Et quando dicenda est prima de beata Maria, præponitur lectio

Martyrologii. Postea Hebdomadarius dicit *V.* Pretiōsa in conspēctu Dōmini. *℟.* Mors Sanctorum ejus.

Et absolute sine Orémus.

Oratio.

SANCTA Mariā, et omnes Sancti intercēdant pro nobis ad Dōminum: ut nos mereāmur ab eo adjuvāri et salvāri, qui vivit et regnat in sæcula sæculōrum. *℟.* Amen.

V. Deus, in adiutorium meum intēde. *℟.* Dōmine, ad adiuvandum me festina.

Et dicitur ter, ultimo additur Glória Patri. Sicut erat. Kyrie, eléison. Christe, eléison. Kyrie, eléison. Pater noster, secreto. V. Et ne nos inducas in tentationem. *℟.* Sed libera nos a malo. *V.* Respice in servos tuos, Dōmine, et in ōpera tua, et dirige filios eōrum. *℟.* Et sit splendor Dōmini Dei nostri super nos, et ōpera manuum nostrarum dirige super nos, et opus manuum nostrarum dirige. *V.* Glória Patri. *℟.* Sicut erat.

Orémus. Oratio.

DIRIGERE et sanctificāre, Régere et gubernāre dignāre, Dōmine Deus, Rex cœli et terræ, hodie corda et cōpora nostra, sensus, sermōnes, et actus nostros in lege tua et in opēribus mandatōrum tuōrum: ut hic, et in ætēnum, te au-

xiliante, salvi et liberi esse mereamur, Salvator mundi. Qui vivis et regnas in sæcula sæculorum. *R.* Amen.

V. Jube, domne, benedicere.

Ben. Dies et actus nostros in sua pace dispónat Dóminus omnipotens. *R.* Amen.

Ad Absolutionem Capituli in Dñicis et Feriali a Dñica j. Quadrag. usque ad Dom. Passionis exclusive.

Isaie 55. b

QUÆRITE Dóminum, dum inveniri potest: invocáte eum, dum prope est. Tu autem, Dómine, miserere nobis. *R.* Deo grátias.

A Dñica Passionis usque ad Feriam v. in Cœna Domini exclusive.

Isaie 50. c

FACIEM meam non avérti ab increpántibus, et conspuéntibus in me. Dóminus Deus auxiliátor meus: ideo non sum confusus. Tu autem, Dómine.

A Dñica Resurrectionis usque ad Ascens. exclusive.

Coloss. 3.

SI consurrexistis cum Christo, quæ sursum sunt quærite, ubi Christus est in dextera Dei sedens: quæ sursum sunt sápite, non quæ super terram. Tu autem.

Post Lectionem brevem dicitur V. Adjutorium nostrum in nómine Dómini. R. Qui fecit cœlum et terram. V. Benedicite. R. Deus. Bened.

Dóminus nos benedicat, et ab omni malo deféndat, et ad vitam perducát ætérnam: et Fidélium animæ per misericórdiam Dei requiescant in pace. *R.* Amen.

IN FERALI OFFICIO

Extra tempus Paschale.

AD PRIMAM.

Pater noster. Ave María. Credo. V. Deus, in adjutorium, ut supra. 48.

Hymnus.

JAM lucis orto sidere,
JDeum precémur supplices,
Ut in diurnis actibus
Nos servet a nocéntibus.

Linguâ refrénans téperet,
Né litis horror insonet:
Visum fovéndo cótegat,
Ne vanitátes háuriat.

Sint pura cordis íntima,
Absístat et vecórdia:

Carnis terat supérbiam
Potus cibique párcitas.

Ut, cum dies abscésserit,
Noctémque sors redúxerit,
Mundi per abstinentiam

Ipsi canámus glóriam.

Deo Patri sit glória,

Ejúsque soli Filio,

Cum Spiritu Paráclito,

Nunc, et per omne sæculum. Amen.

Tempore Quadragesimæ.

Añá. Vivo ego.

Tempore Passionis. Añá.

Líbera me, Dómine.

Psalmus 53.

DEUS in nómine tuo salvum me fac: * et in virtute tua júdica me.

Deus, exaudi orationem meam : * auribus percipe verba oris mei.

Quoniam alieni insurrexerunt adversum me, et fortes quaesierunt animam meam : * et non proposuerunt Deum ante conspectum suum.

Ece enim Deus adjuvat me : * et Dominus susceptor est animae meae.

Averte mala inimicis meis : * et in veritate tua disperde illos.

Voluntarie sacrificabo tibi : * et confitebor nomini tuo, Domine, quoniam bonum est.

Quoniam ex omni tribulatione eripuisti me : * et super inimicos meos despexit oculus meus.

Post Ps. Deus in nomine, loco Ps. Confitemini, dicitur unus ex infrascriptis Psalmis, secundum Ferias distinctis : Sabbato autem dicuntur tantum tres Psalmi, sicut in Festis.

FERIA SECUNDA.

Psalmus 23.

DOMINI est terra, et plenitudo ejus : * orbis terrarum, et universi, qui habitant in eo.

Quia ipse super maria fundavit eum : * et super flumina praeparavit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non accipit

in vano animam suam, nec juravit in dolo proximo suo.

Hic accipiet benedictionem a Domino : * et misericordiam a Deo salutari suo.

Haec est generatio quaerentium eum, * quaerentium faciem Dei Jacob.

Attollite portas, principes, vestras, et elevamini portae aeternales : * et introibit rex gloriae.

Quis est iste rex gloriae, * Dominus fortis et potens? Dominus potens in praelio.

Attollite portas, principes, vestras, et elevamini portae aeternales : * et introibit rex gloriae.

Quis est iste rex gloriae? * Dominus virtutum ipse est rex gloriae.

FERIA TERTIA.

Psalmus 24.

AD te, Domine, levavi animam meam : * Deus meus in te confido, non erubescam :

Neque irrideant me inimici mei : * etenim universi, qui sustinent te, non confundentur.

Confundantur omnes iniqua agentes * supervacue.

Vias tuas, Domine, demonstra mihi : * et semitas tuas edoce me.

Dirige me in veritate tua, et doce me : * quia tu es Deus salvator meus, et te sustinui tota die.

Reminiscere miserationum

tuarum, Dómine, * et misericordiárum tuarum, quæ a sæculo sunt.

Delicta juventutis meæ, * et ignorántias meas ne memineras.

Secúndum misericórdiam tuam meménto mei tu : * propter bonitátem tuam, Dómine.

Dulcis et rectus Dóminus : * propter hoc legem dabit delinquentibus in via.

Díriget mansuétos in iudicio : * docébit mites vias suas.

Univérsæ viæ Dómini, misericórdia et véritas, * requiréntibus testaméntum ejus, et testimónia ejus.

Propter nomen tuum, Dómine, propitiáberis peccáto meo : * multum est enim.

Quis est homo qui timet Dóminum ? * legem státuit ei in via, quam elégit.

Anima ejus in bonis demorábitur : * et semen ejus hereditábit terram.

Firmaméntum est Dóminus timéntibus eum : * et testaméntum ipsius ut manifestétur illis.

Oculi mei semper ad Dóminum : * quóniam ipse évéllet de láqueo pedes meos.

Réspice in me, et miserere mei : * quia únicus et pauper sum ego.

Tribulatiónes cordis mei multiplicatæ sunt : * de necessitatibus meis érue me.

Vide humilitátem meam,

et labórem meum : * et dímítte univérsa delicta mea.

Réspice inimícos meos, quóniam multiplicati sunt, * et ódio iníquo odérunt me.

Custódi ánimam meam, et érue me : * non erubescam, quóniam sperávi in te.

Innocéntes et recti adhæsérunt mihi : * quia sustinui te.

Líbera Deus Israel, * ex omnibus tribulatióibus suis.

FERIA QUARTA.

Psalmus 23.

JUDICA me, Dómine, quóniam ego in innocentia mea ingressus sum : * et in Dómino sperans non infirmabor.

Proba me, Dómine, et tenta me : * ure renes meos et cor meum.

Quóniam misericórdia tua ante óculos meos est : * et complácuí in veritate tua.

Non sedi cum concílio vanitátis : * et cum iniqua geréntibus non introibo.

Odívi ecclésiám malignántium : * et cum impiis non sedébo.

Lavábo inter innocentés manus meas : * et circúmdabo altáre tuum, Dómine :

Ut áudiam vocem laudis, * et enárrem univérsa mirabilia tua.

Dómine, diléxi decórem domus tuæ : * et locum habitatiónis glóriæ tuæ.

Ne perdas cum impiis, Deus, ánimam meam, *

et cum viris sánguinem vitam meam :

In quorum mánibus iniquitátes sunt : * dextera eórum repléta est munéribus.

Ego autem in innocéntia mea ingrèssus sum : * rédime me, et miserére mei.

Pes meus stetit in dirécto : * in ecclesiis benedicam te, Dómine.

FERIA QUINTA.

Psalmus 22.

DOMINUS regit me, et nihil mihi déerit, * in loco páscuæ ibi me collocávit.

Super aquam refectionis educávit me : * ánimam meam convértit.

Dedúxit me super sémitas iustitiæ, * propter nomen suū.

Nam et si ambulávero in médio umbræ mortis, non timébo mala : * quóniam tu mecum es.

Virga tua, et báculus tuus : * ipsa me consoláta sunt.

Parásti in conspéctu meo mensam, * advérsus eos, qui tribulant me.

Impinguásti in óleo caput meum : * et calix meus inebrians quam præclárus est !

Et misericórdia tua subsequétur me * ómnibus diébus vitæ meæ.

Ut inhábitem in domo Dñi, * in longitudinem diérum.

FERIA SEXTA.

Psalmus 21.

DEUS, Deus meus, respice in me : quare me dereli-

quisti ? * longe a salute mea verba delictórum meórum.

Deus meus clamábo per diem, et non exáudies : * et nocte, et non ad insipiéntiam mihi.

Tu autem in sancto hábitas, * laus Israel.

In te speravérunt patres nostri : * speravérunt, et liberásti eos.

Ad te clamavérunt, et salvi facti sunt : * in te speravérunt, et non sunt confúsi.

Ego autem sum vermis, et non homo : * oppróbrium hóminum, et abjéctio plebis.

Omnes vidéntes me derisérunt me : * locúti sunt lábiis, et movérunt caput.

Sperávit in Dómino, eripiat eum : * salvum fáciat eum, quóniam vult eum.

Quóniam tu es, qui extraxisti me de ventre : * spes mea ab ubéribus matris meæ. In te proyéctus sum ex útero.

De ventre matris meæ Deus meus es tu, * ne discesseris a me.

Quóniam tribulatio próxima est : * quóniam non est qui adjuvet.

Circumdedérunt me vítuli multi : * tauri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum : * et dispérsa sunt ómnia ossa mea.

Factum est cor meum
tamquam cera liquescens : *
in médio ventris mei.

Aruit tamquam testa virtus
mea, et lingua mea adhæsit
fauçibus meis : * et in pul-
verem mortis deduxisti me.

Quoniam circumdedérunt
me canes multi : * concilium
malignantium obsedit
me.

Foderunt manus meas, et
pedes meos : * dinumeravé-
runt omnia ossa mea.

Ipsi vero consideravérunt
et inspexérunt me : * divi-
sérunt sibi vestiménta mea,
et super vestem meam mi-
sérunt sortem.

Tu autem , Dómine , ne
elongáveris auxílium tuum
a me : * ad defensionem
meam cónspice.

Erue a frámea, Deus, áni-
mam meam : * et de manu
canis únicam meam :

Salva me ex ore leónis :
* et a cór nibus unicórnium
humilitatem meam.

Narrábo nomen tuum frá-
tribus meis : * in médio
Ecclésiæ laudábo te.

Qui timétis Dóminum , lau-
dáte eum : * univérsum se-
men Jacob glorificáte eum.

Timeat eum omne semen
Israel : * quoniam non
sprevit, neque despéxit de-
precationem páuperis :

Nec avértit faciém suam a
me : * et cum clamárem ad
eum, exaudivit me.

Apud te laus mea in Ec-
clésia magna : * vota mea
reddam in conspéctu timén-
tium eum.

Edent páuperes et satu-
rabúntur : et laudábunt Dó-
minum qui requírunť eum :
* vivent corda eórum in sæ-
culum sæculi.

Reminiscéntur et conver-
téntur ad Dóminum * uni-
vérsi fines terræ.

Et adorábunt in conspé-
ctu ejus * univérsæ familiæ
géntium.

Quoniam Dómini est re-
gnum : * et ipse dominábi-
tur géntium.

Manducavérunt et adora-
vérunt omnes pingues ter-
ræ : * in conspéctu ejus ca-
dent omnes qui descéndunt
in terram.

Et ánima mea illi vivet : *
et semen meum sérviet ipsi.

Annuntiábitur Dómino gene-
rátio ventúra : * et annun-
tiábunt cœli justítiam ejus
pópulo qui nascétur, quem
fecit Dóminus.

**Sabbato nihil additur, ut
supra in Rubrica. 32.**

Deinde dicitur Psalm. 118.

BEATI immaculáti in via :
* qui ámbulant in lege
Dómini.

Beáti, qui scrutántur te-
stimónia ejus : * in toto
corde exquírunť eum.

Non enim qui operántur
iniquitatem, * in viis ejus
ambulavérunt.

In mandásti : * mandata tua custodiri nimis.

Utinam dirigántur viæ meæ : * ad custodiéndas justificationes tuas !

Nunc non confúndar , * cum perspéxero in omnibus mandátis tuis.

Confitebor tibi in directione cordis : * in eo quod didici iudicia justitiæ tuæ.

Justificationes tuas custodiam : * non me derelinquas usquequaque.

In quo córrigit adolescéntior viam suam ? * in custodiendo sermónes tuos.

In toto corde meo exquisivi te : * ne repéllas me a mandátis tuis.

In corde meo abscondi eloquia tua : * ut non peccem tibi.

Benedictus es , Dómine : * doce me justificationes tuas.

In lábiis meis , * pronuntiávi omnia iudicia oris tui.

In via testimoniórum tuórum delectátus sum , * sicut in omnibus divítiis.

In mandátis tuis exercébor : * et considerábo vias tuas.

In justificationibus tuis meditábor : * non oblivíscar sermónes tuos.

RETRIBUE servo tuo , vivifica me : * et custodiam sermónes tuos.

Revéla óculos meos , * et considerábo mirabilia de lege tua.

Incola ego sum in terra :

* non abscondas a me mandata tua.

Concupívit ánima mea desideráre justificationes tuas , * in omni témpore.

Inrepásti supérbos : * maledicti qui declinant a mandátis tuis.

Aufer a me oppróbrium , et contéptum : * quia testimónia tua exquisivi.

Etenim sedérunt príncipes , et advérsus me loquebántur : * servus autem tuus exercebátur in justificationibus tuis.

Nam et testimónia tua meditatio mea est : * et consílium meum justificationes tuæ.

Adhæsit paviménto ánima mea : * vivifica me secundum verbum tuum.

Vias meas enuntiávi , et exaudísti me : * doce me justificationes tuas.

Viam justificationum tuarum instrue me : * et exercébor in mirabilibus tuis.

Dormitávit ánima mea præ tædio : * confirma me in verbis tuis.

Viam iniquitátis ámove a me : * et de lege tua miserere mei.

Viam veritátis elégi : * iudicia tua non sum oblítus.

Adhæsi testimoniis tuis , Dómine : * nolime confundere.

Viam mandatórum tuórum cucúrri , * cum dilatásti cor meum.

Temp. Quadr. Añã. Vivo ego, dicit Dóminus : nolo mortem peccatóris, sed ut magis convertátur, et vivat.

Tempore Passionis, Añã. Libera me, Dómine, et pone me juxta te : et cujúsvis manus pugnet contra me.

Capitulum. Zach. 8. d

PACEM et veritatem diligite, ait Dóminus omnipotens. **R.** Deo grátias.

R. br. Christe, Fili Dei vivi, * Miserére nobis. **Et repetitur.** Christe, Fili Dei vivi, miserére nobis. **V.** Qui sedes ad dexteram Patris. **R.** Miserére nobis. **V.** Glória Patri, et Filio, et Spiritui sancto. **R.** Christe, Fili Dei vivi, miserére nobis. **V.** Exúrge, Christe, adjuva nos. **R.** Et libera nos propter nomen tuum.

KYRIE, eléison. Christe, eléison. **Kyrie, eléison.** Pater noster, **secreto.** **V.** Et ne nos inducas in tentationem. **R.** Sed libera nos a malo. **Credo in Deum, secreto.** **V.** Carnis resurrectionem. **R.** Vitam æternam, Amen. **V.** Et ego ad te, Dómine, clamávi. **R.** Et mane oratio mea præveniet te. **V.** Repleátur os meum laude. **R.** Ut cantem glóriam tuam, tota die magnitudinem tuam. **V.** Dómine, avérte faciem tuam a peccátis meis. **R.** Et omnes iniquitates meas dele. **V.** Cor mundum crea in

me Deus. **R.** Et spiritum rectum innova in visceribus meis. **V.** Ne projicias me a facie tua. **R.** Et Spíritum sanctum tuum ne áuferas a me. **V.** Redde mihi lætítiam salutáris tui. **R.** Et Spíritu principáli confirma me.

Quando ad Laudes non sunt dictæ Preces feriales. statim dicitur Adjutórium. et Confíteor Deo, etc. ut infr.

Quando autem ad Laudes dictæ sunt Preces feriales inferius positæ post Laudes Feriæ ij., tunc ad Primam prædictæ Preces et sequentes dicuntur flexis genibus. **V.** Eripe me, Dómine, ab hómine malo. **R.** A viro iniquo éripe me. **V.** Eripe me de inimicis meis, Deus meus. **R.** Et ab insurgéntibus in me libera me. **V.** Eripe me de operántibus iniquitatem. **R.** Et de viris sanguínum salva me. **V.** Sic psalmum dicam nómini tuo in sæculum sæculi. **R.** Ut reddam vota mea de die in diem. **V.** Exáudi nos, Deus salutáris noster. **R.** Spes ómnium finium terræ, et in mari longe. **V.** Deus, in adjutórium meum inténde. **R.** Dómine, ad adjuvándum me festína. **V.** Sanctus Deus, Sanctus fortis, Sanctus immortalis. **R.** Miserére nobis. **V.** Bénedic, ánima mea, Dómino. **R.** Et ómnia, quæ intra me sunt,

nómini sancto ejus. **V.** Benedic, ánima mea, Dómino. **R.** Et noli oblivisci omnes retributiónes ejus. **V.** Qui propitiátur ómnibus iniquitatibus tuis. **R.** Qui sanat omnes infirmitates tuas. **V.** Qui rédimit de intéritu vitam tuam. **R.** Qui coronat te in misericórdia et miserationibus. **V.** Qui replet in bonis desidérium tuum. **R.** Renovábitur ut áquilæ juvenútus tua. **V.** Adjutórium nostrum in nómine Dómini. **R.** Qui fecit cœlum et terram.

Deinde Hebdom. facit Conf.

CONFITEOR Deo omnipoténti, beátæ Mariæ semper Vírgini, beáto Michaéli Archángelo, beáto Joánni Baptistæ, sanctis Apóstolis Petro et Paulo, ómnibus Sanctis, et vobis, fratres : quia peccávi nimis cogitatione, verbo, et ópere, mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem Baptistam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum Deum nostrum.

Chorus respondet :

MISEREATUR tui omnipotens Deus, et dimíssis peccátis tuis, perdúcat te ad vitam ætérnam. **R.** Amen.

Deinde repetit Confessio nem : et ubi dicitur vobis, fratres, et vos, fratres, dicitur tibi, pater, et te, pater.

Facta Confessione a Choro.

Hebdomadarius dicit :

MISEREATUR vestri omnipotens Deus, et dimíssis peccátis vestris, perdúcat vos ad vitam ætérnam.

R. Amen.

INDULGENTIAM, absolutiónem, et remissionem peccatórum nostrórum tribuat nobis omnipotens et miséricors Dóminus. **R.** Amen.

Et prosequitur, V. Dignáre, Dómine, die isto. R. Sine peccáto nos custodire. V. Miserére nostri, Dómine. R. Miserére nostri. V. Fiat misericórdia tua, Dómine, super nos. R. Quemádmódum sperávimus in te. V. Dómine, exáudi orationem meam. R. Et clamor meus ad te véniat. V. Dóminus vobiscum. R. Et cum spíritu tuo.

O rémus. Oratio.

DOMINE Deus omnipotens, qui ad princípium hujus diéi nos pervenire fecisti : tua nos hódie salva virtúte, ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitationes, et ópera. Per Dóminum nostrum Jesum Christum Fílium tuum : qui te-

cum vivit et regnat in unitate Spiritus sancti Deus, per omnia sæcula sæculorum. *R.* Amen. *V.* Dominus vobiscum. *R.* Et cum spiritu tuo. *V.* Benedicamus Domino. *R.* Deo grátias.

Deinde in Choro legitur Martyrologium. Et quando dicenda est Prima de B. Maria, præponitur Lectioni Martyrologii. Postea Hebdomadarius dicit *V.* Pretiosa in conspectu Domini. *R.* Mors Sanctorum ejus.

Et absolute sine Orémus.

Oratio.

SANCTA Maria; et omnes Sancti intercedant pro nobis ad Dominum: ut nos mereamur ab eo adjuvari et salvari, qui vivit et regnat in sæcula sæculorum. *R.* Amen. *V.* Deus, in adiutorium meum intende. *R.* Domine, ad adjuvandum me festina. Et dicitur ter; ultimo additur, Glória Patri. Sicut erat. Kyrie, eléison. Christe, eléison. Kyrie, eléison. Pater noster, *secreto.* *V.* Et ne nos inducas in tentationem. *R.* Sed libera nos a malo. *V.* Respice in servos tuos, Domine; et in opera tua, et dirige filios eorum. *R.* Et sit splendor Domini Dei nostri super nos, et opera manuum nostrarum dirige super nos, et opus manuum nostrarum dirige. *V.* Glória Patri. *R.* Sicut erat.

Orémus. Oratio.

DIRIGERE et sanctificare, Régere et gubernare dignare, Domine Deus Rex cœli et terræ, hodie corda et corpora nostra, sensus, sermones, et actus nostros in lege tua, et in operibus mandatorum tuorum; ut hic, et in æternum, te auxiliante, salvi et liberi esse mereamur, Salvator mundi: Qui vivis et regnas in sæcula sæculorum. *R.* Amen.

V. Jube, domne, benedicere. *Bened.* Dies et actus nostros in sua pace disponat Dominus omnipotens. *R.* Amen.

Ad Absolut. Capit. in Dominicis et Feriis a Dñica j. Quadrag. usque ad Dñicam Passionis exclusive.

Isaïæ 55. b

QUERITE Dominum, dum inveniri potest: invocate eum, dum prope est. Tu autem, Domine.

A Dominica Passionis usque ad Feriam v. in Cœna Domini exclusive.

Isaïæ 50. c

FACIEM meam non averti ab increpantibus et conspuentibus in me. Dominus Deus auxiliator meus: ideo non sum confusus. Tu autem, Domine.

A Dñica Resurrectionis usque ad Ascens. exclusive.

Coloss. 3.

SI consurrexistis cum Christo, quæ sursum sunt

quærite, ubi Christus est in dextera Dei sedens : quæ sursum sunt sâpите, non quæ super terram. Tu autem, Dómine.

Post Lect. brevem dicitur **ŷ.** Adjutórium nostrum in nómine Dómini. **Ŕ.** Qui fecit cœlum et terram. **ŷ.** Benedícite. **Ŕ.** Deus. **Bened.** Dóminus nos benedicat, et ab omni malo deféndat, et ad vitam perdúcat ætérnam : et Fidélium ánimæ per misericórdiam Dei requiéscant in pace. **Ŕ.** Amen.

IN FIERALI OFFICIO

Tempore Paschali et in Festis per Annum.

Post Ps. Deus in nómine, dicuntur tantum Ps. Beátí; et Retribue. 25. **Deinde Aña competens, et reliqua ut supra in Dñica. 28. Sed in Duplicibus et infra Octavas non dicuntur Preces. Dicto Benedicámus Dómino. dicitur Prima de B. Maria. si dicenda est : postea legitur Martyrologium in Choro.**

Deinde dicitur ŷ. Pretiósá, cum reliquis ut supra. 30.

Ad Absolutionem Capituli in Festis dicitur Capit. Nonæ.

AD TERTIAM.

Pater noster. Ave María. Deus, in adjutórium. 18.

Hymnus

NUNC sancte nobis Spíritus, Unum Patri cum Filio, Dignare promptus ingeri Nostro refusus pectori.

Œ, lingua, mens, sensus, vigor,

Confessionem pèrsonent, Flamméscat igne cháritas, Accéndat ardor próximos. **Præsta,** Pater piissime, Patrique compar Unice, Cum Spíritu Paráclito Regnans per omne sæculum. Amen.

In Dñicis Quadragesimæ Aña propria.

Tempore Quadragesimæ, in feriali Officio, Aña Advenérunt nobis.

Tempore Passionis, Aña. Judicásti, Dómine.

In Dñicis temp. Pasch. et in feriali Offic. Aña. Allelúia. Psalmus.

LEGEM pone mihi, Dómine, viam justificationum tuarum : * et exquiram eam semper.

Da mihi intelléctum, et scrutabor legem tuam : * et custódiam illam in toto corde meo.

Ieduc me in sémitam mandatorum tuorum : * quia ipsam volui.

Inclina cor meum in testimónia tua : * et non in avaritiam.

Avérte óculos meos ne videant vanitatem : * in via tua vivifica me.

Statue servo tuo elóquium tuum, * in timóre tuo.

Amputa oppróbrium meum, quod suspicátus sum : * quia iudícia tua jucúnda.

Ecce concupivi mandata tua : * in æquitate tua vivifica me.

Et veniat super me misericordia tua, Domine : * salutare tuum secundum eloquium tuum.

Et respondebo exprobrantibus mihi verbum : * quia speravi in sermonibus tuis.

Et ne auferas de ore meo verbum veritatis usquequaque : * quia in judiciis tuis supersperavi.

Et custodiam legem tuam semper : * in sæculum et in sæculum sæculi.

Et ambulabam in latitudine : * quia mandata tua exquisivi.

Et loquebar in testimoniis tuis in conspectu regum : * et non confundabar.

Et meditabar in mandatis tuis, * quæ diléxi.

Et levavi manus meas ad mandata tua, quæ diléxi : * et exercebar in justificationibus tuis.

Memor esto verbi tui sermo tuo, * in quo mihi spem dedisti.

Hæc me consolata est in humilitate mea : * quia eloquium tuum vivificabit me.

Superbi inique agebant usquequaque : * a lege autem tua non declinavi.

Memor fui iudiciorum tuorum a sæculo, Domine : * et consolatus sum.

Defectio tenuit me, * pro

peccatoribus derelinquentibus legem tuam.

Cantabiles mihi erant justificationes tuæ, * in loco peregrinationis meæ.

Memor fui nocte nominis tui, Domine : * et custodivi legem tuam.

Hæc facta est mihi : * quia justificationes tuas exquisivi.

Portio mea, Domine, * dixi custodire legem tuam.

Deprecatus sum faciem tuam in toto corde meo : * miserere mei secundum eloquium tuum.

Cogitavi vias meas : * et converti pedes meos in testimonia tua.

Paratus sum, et non sum turbatus : * ut custodiam mandata tua.

Funes peccatorum circumplexi sunt me : * et legem tuam non sum oblitus.

Media nocte surgebam ad confitendum tibi, * super iudicia justificationis tuæ.

Particeps ego sum omnium timantium te : * et custodiientium mandata tua.

Misericordia tua, Domine, plena est terra : * justificationes tuas doce me.

BONITATEM fecisti cum sermo tuo, Domine : * secundum verbum tuum.

Bonitatem, et disciplinam et scientiam doce me : * quia mandatis tuis credidi.

Priusquam humiliarer ego

deliqui : * propterea elóquium tuum custodivi.

Bonus es tu : * et in bonitate tua doce me justificatiónes tuas.

Multiplicata est super me iniquitas superbórum : * ego autem in toto corde meo scrutabor mandata tua.

Coagulatum est sicut lac cor eórum : * ego vero legem tuam meditatus sum.

Bonum mihi quia humiliasti me : * ut discam justificatiónes tuas.

Bonum mihi lex oris tui, * super millia auri, et argénti.

Manus tuæ fecerunt me, et plasmaverunt me : * da mihi intelléctum, ut discam mandata tua.

Qui timent te vidébunt me, et lætabúntur : * quia in verba tua supersperávi.

Cognóvi, Dómine, quia æquitas júdicia tua : * et in veritate tua humiliasti me.

Fiat misericórdia tua ut consolétur me : * secundum elóquium tuum servo tuo.

Véniant mihi miseratiónes tuæ, et vivam : * quia lex tua meditatio mea est.

Confundántur supérbi, quia injúste iniquitatem fecerunt in me : * ego autem exercébor in mandátis tuis.

Convertántur mihi timéntes te : * et qui novérunt testimónia tua.

Fiat cor meum immacu-

latum in justificatióibus tuis, * ut non confundar.

In Dñcis Quadr. *Añs* prop Tempore Quadrag. in *feriali Officio*, *Añs*. Advenérunt nobis dies pœnitentiæ, ad rediménda peccáta, ad salvándas ánimas.

Capitulum. *Joelis* 2. c

CONVERTIMINI ad me in toto corde vestro, in jejúnio, et fletu, et planetu. Et scíndite corda vestra, et non vestiménta vestra : ait Dóminus omnipotens.

R. br. Ipse liberávit me. * De láqueo venántium. Ipse. *V.* Et a verbo áspero. De. Glória Patri. Ipse. *V.* Scápolis suis obumbrábit tibi. *R.* Et sub pennis ejus sperábis.

Ad Tertiam, Sextam et Nonam, flexis genibus dic. : Kyrie, eléison. Christe, eléison. Kyrie, eléison. Pater noster, secreto. *V.* Et ne nos inducas in tentatióem. *R.* Sed libera nos a malo. *V.* Dómine Deus virtútum, convérte nos. *R.* Et osténde faciém tuam, et salvi érimus. *V.* Exúrge, Christe, adjuva nos. *R.* Et libera nos propter nomen tuum. *V.* Dómine, exáudi oratióem meam. *R.* Et clamor meus ad te véniat. *V.* Dóminus vobiscum. *R.* Et cum spíritu tuo. Orémus.

Oratio conveniens.

Temp. Passiõis. *inferiali Officio*, *Añs*. Judicásti, Dómine, causam ánimæ meæ,

defensor vitæ meæ, Dómine
Deus meus.

Capitulum. *Jerem. 17. b*

DOMINE, omnes qui te de-
relinquunt, confundén-
tur : recedéntes a te, in
terra scribéntur : quóniam
dereliquérunt venam aquá-
rum vivéntium Dóminum.

R. br. Erue a frámea, *

Deus, ánimam meam. Erue.

ŷ. Et de manu canis únicam
meam. Deus. **Erue.** **ŷ.** De ore

leónis libera me, Dómine.

R. Et a cór nibus unicór-

nium humilitátem meam.

Kyrie, eléison.

Oratio conveniens

In Dñicis temp. Pasch.,

Añã. Allelúia, allelúia, al-

lelúia, allelúia.

Capit. prop. de temp.

Tempore Paschali. in fe-

riali Officio, Añã. Allelúia,

allelúia, allelúia, allelúia.

Capitulum. *Rom. 6. b*

CHRISTUS resúr gens ex

mórtuis, jam non mó-

ritur, mors illi ultra non

dominábitur. Quod enim

mórtuus est peccáto, mó-

rtuus est semel : quod autem

vivit, vivit Deo.

R. br. Surréxit Dóminus de

sepúlchro. * Allelúia, alle-

lúia. Surréxit. **ŷ.** Qui pro

nobis pepéndit in ligno. Al-

lelúia, allelúia. Glória Patri.

Surréxit. **ŷ.** Surréxit Dómi-

nus vere, allelúia. **R.** Et ap-

páruit Simóni, allelúia.

Oratio conveniens.

AD SEXTAM.

Pater noster. Ave María.

Deus, in adjutórium. 18.

Hymnus.

RECTOR potens, verax
Deus,

Qui témperas rerum vices,

Splendóre mane illúminas,

Et ignibus merídiem.

Extingue flammam litium,

Aufer calórem nóxium,

Confer salútem córporum,

Verámque pacem córdium.

Præsta, Pater piíssime,

Patrique compar Unice,

Cum Spíritu Paráclito

Regnans per omne sæculum.

Amen.

In Dñicis Quadr. Añã prop.

Tempore Quadrages., in

feriali Officio, Añã. Com-

mendémus nosmetípsos.

Tempore Passlonis, Añã.

Pópule meus.

In Dñicis temp. Pasch., et

in feriali Offic. Añã. Allelúia.

Psalmus.

DEFEKIT in salutáre tuum

ánima mea : * et in ver-

bum tuum supersperávi.

Defecérunt óculi mei in

elóquium tuum, * dicéntes:

Quando consoláberis me?

Quia factus sum sicut uter

in pruína : * justificatiónes

tuas non sum oblitus.

Quot sunt dies servi tui :

* quando fácies de perse-

quéntibus me iudícium?

Narravérunt mihi iníqui

fabulatiónes : * sed non ut

lex tua.

Omnia mandata tua veritas : * inique persecuti sunt me, adjuva me.

Paulo minus consummaverunt me in terra : * ego autem non dereliqui mandata tua.

Secundum misericordiam tuam vivifica me ; * et custodiam testimonia oris tui.

In æternum, Domine : * verbum tuum permanet in cœlo.

In generationem et generationem veritas tua : * fundasti terram, et permanet.

Ordinatione tua perseverat dies : * quoniam omnia serviunt tibi.

Nisi quod lex tua meditatio mea est : * tunc forte periissem in humilitate mea.

In æternum non obliviscar justificationes tuas : * quia in ipsis vivificasti me.

Tuus sum ego, salvum me fac : * quoniam justificationes tuas exquisivi.

Me expectaverunt peccatores ut perderent me : * testimonia tua intellexi.

Omnis consummationis vendi finem : * latum mandatum tuum nimis.

QUOMODO dilexi legem tuam, Domine ? * tota die meditatio mea est.

Super inimicos meos prudentem me fecisti mandato tuo : * quia in æternum mihi est.

Super omnes docentes me

intellexi : * quia testimonia tua meditatio mea est.

Super senes intellexi : * quia mandata tua quaesivi.

Ab omni via mala prohibui pedes meos ; * ut custodiam verba tua.

A judiciis tuis non declinavi : * quia tu legem posuisti mihi.

Quam dulcia faucibus meis eloquia tua, * super mel ori meo !

A mandatis tuis intellexi : * propterea odivi omnem viam iniquitatis.

Lucerna pedibus meis verbum tuum, * et lumen semitis meis.

Juravi, et statui * custodire judicia justitiæ tuæ.

Humiliatus sum usquequaque, Domine : * vivifica me secundum verbum tuum.

Voluntaria oris mei beneplacita fac, Domine : * et judicia tua doce me.

Anima mea in manibus meis semper : * et legem tuam non sum oblitus.

Posuérunt peccatores laqueum mihi : * et de mandatis tuis non erravi.

Hereditate acquisivi testimonia tua in æternum : * quia exultatio cordis mei sunt.

Inelinavi cor meum ad faciendas justificationes tuas in æternum : * propter retributionem.

INQUOS odio habui : * et legem tuam dilexi.

Adjutor et susceptor meus
es tu : * et in verbum tuum
supersperavi.

Declinate a me maligni : * et
scrutabor mandata Dei mei.

Suscipe me secundum elo-
quium tuum, et vivam : * et
non confundas me ab ex-
pectatione mea.

Adjuva me , et salvus
ero : * et meditabor in ju-
stificationibus tuis semper.

Sprevisti omnes disceden-
tes a judiciis tuis : * quia
injusta cogitatio eorum.

Prævaricantes reputavi om-
nes peccatores terræ ; *
ideo dilexi testimonia tua.

Confige timore tuo carnes
meas : * a judiciis enim tuis
timui.

Feci iudicium et justitiam :
* non tradas me calumniân-
tibus me.

Suscipe servum tuum in
bonum : * non calumniên-
tur me superbi.

Oculi mei defecerunt in
salutare tuum : * et in elo-
quium justitiæ tuæ.

Fac cum servo tuo secun-
dum misericordiam tuam :
* et justificationes tuas do-
ce me.

Servus tuus sum ego : *
da mihi intellectum , ut
sciam testimonia tua.

Tempus faciendi, Domine :
* dissipaverunt legem tuam.

Ideo dilexi mandata tua ,
* super aurum et topazion.
Propterea ad omnia mandâ-

ta tua dirigébar : * omnem
viam iniquam odio habui.

In Dñicis Quadrag. Añā.
propria.

Tempore Quadrages., in
feriali Officio, Añā. Com-
mendemus nosmetipsos in
multa patientia, in jejuniis
multis, per arma justitiæ.

Capitulum. Isaia 55. b

DERELINQUAT impius viam
suam, et vir iniquus co-
gitationes suas, et revertâ-
tur ad Dominum, et miseré-
bitur ejus, et ad Deum no-
strum; quoniam multus est
ad ignoscendum.

R. br. Scâpulis suis * Obum-
brabit tibi. Scâpulis. **Y.** Et
sub pennis ejus sperabis.
Obumbrabit. Glória Patri.
Scâpulis. **Y.** Scuto circûnda-
bit te veritas ejus. **R.** Non
timébis a timóre nocturno.

Kyrie, eléison Christe, eléi-
son. **Kyrie, eléison.** Pater no-
ster, **secreto.** **Y.** Et ne nos
inducas in tentationem. **R.**
Sed libera nos a malo. **Y.**
Domine Deus virtutum, con-
verte nos. **R.** Et ostende fá-
ciem tuam, et salvi érimus.
V. Exurge, Christe, adjuva
nos. **R.** Et libera nos propter
nomen tuum. **Y.** Domine, ex-
audi orationem meam. **R.** Et
clamor meus ad te véniat.
Y. Dominus vobiscum. **R.** Et
cum spiritu tuo. **Orémus.**

Oratio conveniens.

Temp. Passionis, in feriali
Officio. Añā. Pópale meus,

quid feci tibi : aut quid molestus fui ? Respónde mihi.

Capitulum. Jerem. 17. c

CONFUNDANTUR, qui me persequuntur, et non confundar ego : páveant illi, et non páveam ego : induc super eos diem afflictiónis, et dúplici contritióne cónterre eos, Dómine Deus noster. **R. br.** De ore leónis * Libera me, Dómine. **De. V.** Et a córnibus unicórnium humilitatem meam. Libera. **De. V.** De perdas cum impiis, Deus, ánimam meam. **R.** Et cum viris sánguinem vitam meam. **Kyrie,** eléison.

Oratio conveniens.

In Dñicistemp. Pasch. Aña.

Allelúia, allel., allel., allel.

Capit. proprium de Temp.

Tempore Paschali, in feriali Officio, Aña. Allelúia, allelúia, allelúia, allelúia.

Capitulum. 1. Cor. 15. c

CHRISTUS resurréxit a mórtuis primitiæ dormiéntium : quóniam quidem per hóminem mors, et per hóminem resurréctio mortuórum. Et sicut in Adam omnes moriúntur, ita et in Christo omnes vivificabúntur.

R. br. Surréxit Dóminus vere. * Allelúia, allelúia. Surréxit. **V.** Et apparuit Simóni. Allelúia, allelúia. **Gloria Patri.** Surréxit. **V.** Gavisi sunt discipuli, allel.

R. Viso Dómino, allelúia.

Oratio conveniens.

AD NONAM.

Pater noster. Ave Maria.
Deus, in adjutórium. 18.

Hymnus.

RERUM Deus tenax vigor,
Immótus in te pérmanens,
Lucis diúrnæ témpora
Succéssibus detérminans.
Largire lumen vésperæ,
Quo vita nusquam décidat,
Sed præmium mortis sacræ
Perénis instet glória.
Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum. Amen.

In Dñicis Quadrag. Aña propria.

Temp. Quadr. in feriali Offic. Aña. Per arma justitiæ.

Tempore Passionis, Aña. Numquid rédditur.

In Dñicis temp. Pasch. et in feriali Officio, Aña. Allelúia.

Psalmus.

MIRABILIA testimónia tua :
* ideo scrutáta est ea
ánima mea.

Declarátio sermónum tuórum
illúminat : * et intel-
léctum dat párvulis.

Os meum apérui, et at-
tráxi spíritum : * quia man-
dáta tua desiderábam.

Aspice in me, et miserére
mei, * secúndum iudici-
um diligéntium nomen tuum.

Gressus meos dirige se-
cúndum elóquium tuum : *

et non dominétur mei omnis injustitia.

Rédime me a calúnniis hominum : * ut custodiam mandata tua.

Faciem tuam illúmina super servum tuum : * et doce me justificatiónes tuas.

Exitus aquarum deduxérunt óculi mei : * quia non custodiérunt legem tuam.

Justus es , Dómine : * et rectum judícium tuum.

Mandásti justitiam testimónia tua : * et veritatem tuam nimis.

Tabéscere me fecit zelus meus : * quia obliti sunt verba tua inimíci mei.

Ignitum elóquium tuum vehementer : * et servus tuus diléxit illud.

Adolescéntulus sum ego , et contéptus : * justificatiónes tuas non sum oblitus.

Justitia tua, justitia in ætérnum : * et lex tua veritas.

Tribulatio et angústia invenérunt me : * mandata tua meditatio mea est.

Equitas testimónia tua in ætérnum : * intelléctum da mihi, et vivam.

CLAMAVI in toto corde meo, Lexáudi me, Dómine : * justificatiónes tuas requíram.

Clamávi ad te, salvum me fac : * ut custodiam mandata tua.

Præveni in maturitáte, et clamávi : * quia in verba tua supersperávi.

Prævenérunt óculi mei ad

te dilúculo : * ut meditárer elóquia tua.

Vocem meam audi secúndum misericórdiam tuam, Dómine : * et secúndum judícium tuum vivífica me.

Appropinquavérunt persequéntes me iniquitati : * a lege autem tua longe facti sunt.

Prope es tu, Dómine : * et omnes viæ tuæ veritas.

Inítio cognóvi de testimóniis tuis : * quia in ætérnum fundásti ea.

Vide humilitatem meam, et éripe me : * quia legem tuam non sum oblitus.

Júdica judícium meum, et rédime me : * propter elóquium tuum vivífica me.

Longe a peccatóribus salus : * quia justificatiónes tuas non exquisiérunt.

Misericórdiæ tuæ multæ, Dómine : * secúndum judícium tuum vivífica me.

Multi qui persequúntur me, et tribulant me : * a testimóniis tuis non declinávi.

Vidi prævaricántes, et tabescébam : * quia elóquia tua non custodiérunt.

Vide quóniam mandata tua diléxi, Dómine : * in misericórdia tua vivífica me.

Príncipium verbórum tuórum, veritas : * in ætérnum ómnia judícia justitiæ tuæ.

PRINCIPES persecúti sunt me gratis : * et a verbis tuis formidávit cor meum.

Lætabor ego super eló-
quia tua : * sicut qui in-
venit spólia multa.

Iniquitatem ódio hábui ,
et abominátus sum : * legem
autem tuam diléxi.

Sépties in die laudem di-
xi tibi : * super iudicia ju-
stitiæ tuæ.

Pax multa diligéntibus
legem tuam : * et non est
illis scándalum.

Expectábam salutáre tuum,
Dómine : * et mandáta tua
diléxi.

Custodívit ánima mea te-
stimónia tua : * et diléxit
ea veheménter.

Servávi mandáta tua , et te-
stimónia tua : * quia omnes
viæ meæ in conspéctu tuo.

Appropínquet deprecátio
mea in conspéctu tuo, Dó-
mine : * juxta elóquium
tuum da mihi intelléctum.

Intret postulátio mea in
conspéctu tuo : * secúndum
elóquium tuum éripe me.

Fructábunt lábia mea hy-
mnum , * cum docúeris me
justificatiónes tuas.

Pronuntiábit lingua mea eló-
quium tuum : * quia ómnia
mandáta tua æquitas..

Fiat manus tua, ut salvet me:
* quóniam mandáta tua elégi.

Concupívi salutáre tuum ,
Dómine : * et lex tua me-
ditátio mea est.

Vivet ánima mea, et lau-
dábít te , * et iudicia tua
adjuvábunt me.

Errávi, sicut ovis quæ périit:
* quære servum tuum , quia
mandáta tua non sū oblítus.

In Dñicis Quadrag. Añā
propria.

Tempore Quadragesimæ.
in feriali Officio. Añā. Per
arma justitiæ virtútis Dei
commendémus nosmetipsos
in multa patiéntia.

Capitulum. Isaia 58. c

FRANGE esuriénti panem
tuum, et egénos vagósque
induc in domum tuam : cum
videris nudum, óperi eum, et
carnem tuam ne despéxeris.

℞. br. Scuto circúmdabit
te * Véritas ejus. Scuto. ŷ.
Non timébis a timóre no-
ctúrno. Véritas. Glória Pa-
tri. Scuto. ŷ. Angelis suis
Deus mandávit de te. ℞. Ut
custódiant te in ómnibus
viis tuis.

Kyrie, eléison. Christe, eléi-
son. Kyrie, eléison. Pater no-
ster , secreto. ŷ. Et ne nos
indúcas in tentatióem. ℞.
Sed libera nos a malo. ŷ.
Dómine Deus virtútum, con-
vérté nos. ℞. Et osténde fá-
ciem tuam, et salvi érimus. ŷ.
Exúrge, Christe, adjuva nos.
℞. Et libera nos propter no-
men tuum. ŷ. Dómine, exáu-
di oratióem meam. ℞. Et
clamor meus ad te véniat.
ŷ. Dóminus vobiscum. ℞.
Et cum spíritu tuo. Orémus.

Oratio conveniens.

Temp. Passionis. in feriali
Officio. Añā. Numquid réddi-

tur pro bono malum, quia foderunt foveam animæ meæ?

Capitulum. *Jerem. 18. d*

RECORDARE quod steterim in conspectu tuo, ut loquerer pro eis bonum, et averterem indignationem tuam ab eis.

R. br. De perdas cum impiis, * Deus, animam meam. De perdas. **V.** Et cum viris sanguinum vitam meam. Deus. Ne perdas. **V.** Eripe me, Domine, ab homine malo. **R.** A viro iniquo eripe me. **Kyrie**, eléison.

Oratio conveniens.

In Dominicis, tempore Paschali. **Añā.** Allelúia, allelúia, allelúia, allelúia.

Capit. proprium de Temp.

Tempore Paschali, in feriali Officio, **Añā.** Allelúia, allelúia, allelúia, allelúia.

Capitulum. *1. Pet. 3. d*

CHRISTUS semel pro peccatis nostris mortuus est, justus pro injústis, ut nos offerret Deo, mortificátus quidem carne, vivificátus autem spiritu.

R. br. Gavisi sunt discipuli. * Allelúia, allelúia. Gavisi. **V.** Viso Domino. Allelúia, allelúia. **G**loria Patri. Gavisi. **V.** Mane nobiscum, Domine, allel. **R.** Quoniam advesperáscit, allelúia.

Oratio conveniens.

Vesperæ in Dñica, et in Feriis, habentur inferius post Laudes Sabbati.

VERNA.

FERIA SECUNDA.

Ad Matutinum.

Pater noster. **Ave María.** **Credo.** **V.** Domine, labia mea aperies, ut supra. 2.

In Quadrag. **Invit.** Venite, * Exultémus Domino. **Psalm.** Jubilémus Deo, ut supra. 2.

Hym. Ex more, ut 3.

Temp. Pasch., **Invitat.** Allelúia, allelúia, * Allelúia. **Psalm.** Venite, exultémus.

Hym. Rex sempitérne. 3.

Añā Nocturn. per totum Annum dicuntur ut infra.

Añā. Dominus defensor.

Tempore Paschali, **Añā.** Allelúia. Sub qua una **Añā** dicuntur omnes **Ps.** Noct.

Psalmus 26.

DOMINUS illuminatio mea et salus mea, * quem timebo?

Domine protector vitæ meæ, * a quo trepidabo?

Dum appropiant super me nocentes, * ut edant carnes meas:

Qui tribulant me inimici mei, * ipsi infirmati sunt, et ceciderunt.

Si consistant adversum me castra, * non timebit cor meum.

Si exurgat adversum me prælium, * in hoc ego sperabo. Unam petii a Domino, hanc requiram, * ut inhabitem in domo Domini, omnibus diebus vitæ meæ.

Ut videam voluptatem Domini, * et visitem templum ejus.

Quóniam abscondit me in tabernáculo suo : * in die malórum protéxit me in abscondito tabernáculi sui.

In petra exaltávit me : * et nunc exaltávit caput meum super inimícos meos.

Circuívi , et immolávi in tabernáculo ejus hóstiam vociferatiónis : * cantábo , et psalmum dicam Dómino.

Exáudi , Dómine , vocem meam qua clamávi ad te : * miserére mei , et exáudi me.

Tibi dixit cor meum , exquisívit te fácies mea : * fáciem tuam , Dómine , requíram.

Ne avértas fáciem tuam a me : * ne declínes in ira a servo tuo.

Adjútor meus esto : * ne derelinquas me , neque despicias me , Deus salutáris meus.

Quóniam pater meus , et mater mea dereliquerunt me : * Dóminus autem assumpsit me.

Legem pone mihi , Dómine , in via tua : * et dirige me in sémitam rectam propter inimícos meos.

Ne tradíderis me in ánimas tribulántium me : * quóniam insurrexérunt in me testes iníqui , et mentita est iniquitas sibi.

Credo vidére bona Dómini : * in terra vivéntium.

Expécta Dóminum , viriliter age : * et confortétur cor tuum , et sústine Dñum.

Psalmus 27.

Ad te , Dómine , clamábo , Deus meus ne síleas a me : * nequándo táceas a me , et assimilábor descendentibus in lacum.

Exáudi , Dómine , vocem deprecatiónis meæ dum oro ad te : * dum extóllo manus meas ad templum sanctum tuum.

Ne simul trahas me cum peccatóribus : * et cum operántibus iniquitatem ne perdas me.

Qui loquúntur pacem cum próximo suo , * mala autem in córdibus eórum.

Da illis secúndum ópera eórum , * et secúndum nequítiam adinventiόνum ipsórum.

Secúndum ópera mánuum eórum tribue illis : * redde retributiónem eórum ipsis.

Quóniam non intellexérunt ópera Dómini , et in ópera mánuum ejus * destrues illos , et non ædificabis eos.

Benedictus Dóminus : * quóniam exaudivit vocem deprecatiónis meæ.

Dóminus adjútor meus , et protéctor meus : * in ipso sperávit cor meum , et adjútus sum.

Et reflóruit caro mea : * et ex voluntáte mea confitébor ei.

Dóminus fortitúdo plebis suæ : * et protéctor salvatiónum Christi sui est.

Salvum fac pópulum tuum ,

Dómine, et bédic hæreditati tuæ: * et rege eos, et extolle illos usque in ætérnum.

Añá. Dóminus defénsor vitæ meæ.

Añá. Adoráte.

Psalmus 28.

AFFERTE Dómino, filii Dei: * afférte Dómino filios arietum:

Afférte Dómino glóriam et honórem, afférte Dómino glóriam nómini ejus: * adoráte Dóminum in átrio sancto ejus.

Vox Dómini super aquas, Deus majestátis intónuit: * Dñs super aquas multas.

Vox Dómini in virtúte, * vox Dómini in magnificéntia.

Vox Dómini confringéntis cedros: * et confrínget Dóminus cedros Líbani:

Et commínuet eas tamquam vítulum Líbani: * et diléctus quemádmódum filius unicórnium.

Vox Dómini intercidéntis flammam ignis: * vox Dómini concutiéntis desértum, et commovébit Dóminus desértum Cades.

Vox Dómini præparántis cervos, et revelábit condénsa: * et in templo ejus omnes dicent glóriam.

Dóminus dilúvium inhabitáre facit: * et sedébit Dóminus rex in ætérnum.

Dóminus virtútem pópulo suo dabit: * Dóminus benedicet pópulo suo in pace.

Psalmus 29.

EXALTABO te, Dómine, quóniam suscepisti me: * nec delectásti inimícos meos super me.

Dómine Deus meus, clamávi ad te, * et sanásti me.

Dómine, eduxisti ab inférno ánimam meam: * salvásti me a descendéntibus in lacum.

Psállite Dómino sancti ejus: * et confitémini memóriæ sanctitátis ejus.

Quóniam ira in indignatióne ejus: * et vita in voluntáte ejus.

Ad vésperum demorábitur fletus: * et ad matutínium lætítia.

Ego autem dixi in abundantia mea: * Non movébor in ætérnum.

Dómine, in voluntáte tua, * præstitisti decóri meo virtútem.

Avértisti fáciem tuam a me: * et factus sum conturbátus.

Ad te, Dómine, clamábo, * et ad Deum meum deprecábor.

Quæ utilitas in ságuine meo, * dum descéndo in corruptiõem?

Numquid confitébitur tibi pulvis, * aut annuntiábit veritátem tuam?

Audívit Dóminus et míserus est mei: * Dóminus factus est adjutor meus.

Convertísti planctum meum

in gáudium mihi : * consci-
disti saccum meum, et cir-
cumdediti me lætitia :

Ut cantet tibi glória mea,
et non compúngar : * Dó-
mine Deus meus, in ætér-
num confitébor tibi.

Añs. Adoráte Dóminum in
aula sancta ejus.

Añs. In tua justitia.

Psalmus 30.

In te, Dómine, sperávi, non
confúndar in ætérnum : *
in justitia tua libera me.

Inclína ad me áurem tuam,
* accélera ut éruas me.

Esto mihi in Deum prote-
ctórem : et in domum refú-
gii, * ut salvum me fácias.

Quóniam fortitúdo mea,
et refúgium meum es tu : *
et propter nomen tuum de-
dúces me, et enútries me.

Educes me de láqueo hoc,
quem abscondérunt mihi : *
quóniã tu es protéctor meus.

In manus tuas comméndo
spíritum meum : * redemísti
me, Dómine Deus veritátis.

Odísti observátes vani-
tátes, * supervácue.

Ego autem in Dómino spe-
rávi : * exultábo, et lætá-
bor in misericórdia tua.

Quóniam respexisti humi-
litátem meam, * salvásti de
necessitátibus ánimã meam.

Nec conclusísti me in má-
nibus inimíci : * statuísti in
loco spatióso pedes meos.

Miserére mei, Dómine, quó-
niam tribulor : * conturbá-

tus est in ira óculus meus,
ánima mea, et venter meus:
Quóniam defécit in dolore
vita mea ; * et anni mei in
gemítibus.

Infirmáta est in paupertá-
te virtus mea : * et ossa mea
conturbáta sunt.

Super omnes inimícos
meos factus sum oppróbrium
et vicínis meis valde : * et
timor notis meis.

Qui vidébant me, foras
fugérunt a me : * obliuioni
datus sum, tamquam mór-
tuus a corde.

Factus sum tamquam vas
pérditum : * quóniam audí-
vi vituperatióem multórum
commorántium in circúitu :

In eo dum convenirent si-
mul advérsus me, * accípere
ánimã meam consiliáti sunt.

Ego autem in te sperávi,
Dómine : * dixi : Deus meus
es tu : in mánibus tuis sor-
tes meæ.

Eripe me de manu ini-
micórum meórum, * et a
persequéntibus me.

Illústra faciẽm tuam su-
per servum tuum, salvum
me fac in misericórdia tua :
* Dómine, non confúndar,
quóniam invocávi te.

Erubéscant impíi, et de-
ducántur in inférnum : *
muta fiant lábia dolósa.

Quæ loquúntur advérsus
justum iniquitátem, * in su-
pérbia, et in abusióne.

Quam magna multitúdo

dulcedinis tuæ, Dñe, * quam abscondisti timéntibus te !

Perfecisti eis, qui sperant in te, * in conspéctu filiòrum hóminum.

Abscóndes eos in abscondito facièi tuæ * a conturbatióne hóminum.

Próteges eos in tabernáculo tuo * a contradicióne linguárum.

Benedíctus Dóminus : * quóniam mirificávit misericórdiam suam mihi in civitate munita.

Ego autem dixi in excéssu mentis meæ : * Projéctus sum a fácie oculórũ tuórum.

Ideo exaudísti vocem oratiónis meæ, * dum clamárem ad te.

Diligite Dóminum omnes sancti ejus : * quóniam veritatem requíret Dóminus, et retribuet abundanter faciéntibus supérbiam.

Viriliter ágite, et confortétur cor vestrum, * omnes qui sperátis in Dómino.

Psálmus 31.

BEATI, quorum remissæ sunt iniquitates : * et quorum tecta sunt peccáta.

Beátus vir, cui non imputávit Dóminus peccátum; * nec est in spíritu ejus dolus.

Quóniam tácui, inveteráverunt ossa mea, * dum clamárem tota die.

Quóniam die ac nocte gravata est super me manus tua : * convérsus sum in

ærúmna mea, dum confígitur spina.

Delictum meum cógnitum tibi feci : * et injustítiam meam non abscondi.

Dixi : Confitébor advérsus me injustítiam meam Dómino : * et tu remisisti impietátem peccáti mei.

Pro hac orábit ad te omnis sanctus, * in témpore opportúno.

Verúm tamen in dilúvio aquárum multárum * ad eum non approximábunt.

Tu es refúgium meum a tribulatióne, quæ circumdedit me : * exultátió mea, érue me a circumdántibus me.

Intelléctum tibi dabo, et instruam te in via hac, qua gradiéris : * firmábo super te óculos meos.

Nolíte fieri sicut equus et mulus, * quibus non est intelléctus.

In camo et freno maxillas eórum constringe, * qui non appróximant ad te.

Multa flagélla peccatóris, * sperántem autem in Dño misericórdia circumdabit.

Lætámini in Dómino, et exultáte justí, * et gloriámini omnes recti corde.

Añã. In tua justítia libera me, Dómine.

Añã. Rectos.

Psálmus 32.

EXULTATE, justí, in Dómino : * rectos decet colaudátió.

Confitémini Dómino in ci-
thara : * in psaltério decem
chordarum psállite illi.

Cantáte ei canticum no-
vum : * bene psállite ei in
vociferatióne.

Quia rectum est verbum
Dómini, * et ómnia ópera
ejus in fide.

Díligit misericórdiam et
iudícium : * misericórdia
Dómini plena est terra.

Verbo Dómini cœli firmáti
sunt : * et spíritu oris ejus
omnis virtus eórum.

Cóngregans sicut in utre
aquas maris : * ponens in
thesáuris abyssos.

Tímeat Dóminum omnis
terra : * ab eo autem com-
moveántur omnes inhabi-
tantes orbem.

Quóniam ipse dixit, et
facta sunt : * ipse mandávit
et creáta sunt.

Dóminus díssipat consília
Géntium : * réprobat autem
cogitatiónes populórum, et
réprobat consília princípum.

Consílium autem Dómini
in ætérnum manet : * cogi-
tatiónes cordis ejus in gene-
ratióne et generatióne.

Beáta gens, cujus est Dó-
minus Deus ejus, * pópu-
lus, quem elégit in hæredi-
tátem sibi.

De cœlo respéxit Dóminus:
* vidit omnes filios hóminum.

De præparáto habitáculo
suo : * respéxit super omnes
qui hábitant terram.

Qui finxit singillátim cor-
da eórum : * qui intélligit
ómnia ópera eórum.

Non salvátur rex per mul-
tam virtútem : * et gigas
non salvábitur in multítu-
dine virtútis suæ.

Fallax equus ad salútem :
* in abundántia autem vir-
tútis suæ non salvábitur.

Ecece óculi Dómini super
metuéntes eum : * et in eis,
qui sperant super miseri-
córdia ejus.

Ut éruat a morte ánimas
eórum : * et alate eos in fame.

Anima nostra sústinet Dó-
minum : * quóniam adjú-
tor et protéctor noster est.

Quia in eo lætábitur cor
nostrum : * et in nómine
sancto ejus sperávimus.

Fiat misericórdia tua, Dó-
mine, super nos : * quemád-
modum sperávimus in te.

Psalmus 33.

BENEDICAM Dóminum in
omni témpore : * sem-
per laus ejus in ore meo.

In Dómino laudábitur áni-
ma mea : * áudiant man-
suéti, et læténtur.

Magnificáte Dóminum me-
cum, * et exaltémus nomen
ejus in idípsum.

Exquisívi Dóminum, et ex-
audívit me : * et ex ómni-
bus tribulatióibus meis
erípuit me.

Accédite ad eum, et illu-
minámini : * et fácies vestràe
non confundéntur.

Iste pauper clamavit, et Dominus exaudivit eum : * et de omnibus tribulationibus ejus salvavit eum.

Immittet Angelus Domini in circuitu timéntium eum : * et eripiet eos.

Gustáte, et vidéte quóniam suávis est Dominus : * beátus vir, qui sperat in eo.

Timéte Dominum omnes sancti ejus : * quóniam non est inópia timéntibus eum.

Divites eguérunt et esuriérunt : * inquirentes autem Dominum non minuéntur omni bono.

Venite, filii, audite me : * timórem Domini docébo vos.

Quis est homo qui vult vitam : * diligit dies vidére bonos ?

Próhibe linguam tuam a malo : * et lábia tua ne loquantur dolum.

Divérte a malo, et fac bonum : * inquire pacem, et perséquare eam.

Oculi Domini super justos : * et aures ejus in preces eórum.

Vultus autem Domini super faciéntes mala : * ut perdat de terra memóriam eórum.

Clamavérunt justí, et Dominus exaudivit eos : * et ex omnibus tribulationibus eórum liberávit eos.

Iuxta est Dominus iis qui tribuláto sunt corde : * et húmiles spíritu salvábit.

Multæ tribulatiónes ju-

stórum : * et de omnibus his liberábit eos Dominus.

Custódit Dominus omnia ossa eórum : * unum ex his non conterétur.

Mors peccatórum péssima : * et qui odérunt justum delínquent.

Rédimet Dominus ánimas servórum suórum : * et non delínquent omnes qui sperant in eo.

Ana. Rectos decet collaudatio.

Aña. Expúgna.

Psalmus 34.

JUDICA, Dómine, nocéntes me, * expúgna impugnántes me.

Apprehénde arma et scutum : * et exúrge in adiutoriúm mihi.

Effúnde frámeam, et conclúde advérsus eos, qui persequúntur me : * dic animæ meæ : Salus tua ego sum.

Confundántur et reve-reántur, * quæréntes animam meam.

Avertántur retrórsus, et confundántur * cogitántes mihi mala.

Fiant tamquam pulvis ante faciém venti : * et Angelus Domini coáretans eos.

Fiat via illórum ténebræ et lúbricum : * et Angelus Domini pérsequens eos.

Quóniam gratis abscondérunt mihi intéritum láquei sui : * supervácue exprobravérunt ánimam meam.

Véniat illi láqueus, quem ignorat : et cáptio, quam abscondit, apprehéndat eum : * et in láqueũ cadat in ipsum.

Anima autem mea exultábit in Dómino : * et delectábitur super salutári suo.

Omnia ossa mea dicent : * Dómine, quis similis tibi?

Erípiens inopem de manu fortiórum ejus : * egénium et páuperem a diripiéntibus eum.

Surgéntes testes iníqui, * quæ ignorábam, interrogábant me.

Retribuébant mihi mala pro bonis : * sterilitátem ánimæ meæ.

Ego autem cum mihi mólesti essent, * induébar cillicio.

Humiliábam in jejúnio ánimam meam : * et orátio mea in sinu meo convertétur.

Quasi próximum, et quasi fratrem nostrum, sic complacébam : * quasi lugens et contristátus sic humiliábar.

Et advérsus me lætáti sunt, et convenérunt : * congregáta sunt super me flagélla, et ignorávi.

Dissipáti sunt, nec compuncti, tentavérunt me, subsannavérunt me subsannatióne : * frenduérunt super me déntibus suis.

Dómine, quando respicies? * restitue ánimam meam a

malignitaté eórum, a leónibus únicam meam.

Confitébor tibi in ecclesiá magna, * in pópulo gravi laudábo te.

Non supergáudeant mihi, qui adversántur mihi iniique : * qui odérunt me gratis, et ánnuunt óculis.

Quóniam mihi quidem pacífice loquebántur : * et in iracúndia terræ loquéntes, dolos cogitábant.

Et dilatavérunt super me os suum : * dixerunt : Euge, euge, vidérunt óculi nostri.

Vidísti, Dómine, ne sileas : * Dómine, ne discédas a me.

Exúrge et inténde iudicio meo : * Deus meus, et Dóminus meus in causam meam.

Júdica me secúndum justítiam tuam, Dómine Deus meus, * et non supergáudeant mihi.

Non dicant in córdibus suis : Euge, euge, ánimæ nostræ : * nec dicant : Devorávimus eum.

Erubéscant et revereántur simul, * qui gratulántur malis meis.

Induántur confusióne et reveréntia * qui magna loquúntur super me.

Exúltent et læténtur qui volunt justítiam meam : * et dicant semper : Magnificétur Dóminus, qui volunt pacem servi ejus.

Et lingua mea meditábitur

justitiam tuam, * tota die laudem tuam.

Psalmus 35.

DIXIT iníustus, ut delínquat in semetipso : * Non est timor Dei ante óculos ejus.

Quóniam dolóse egit in conspéctu ejus : * ut inve-niátur iníquitas ejus ad ódium.

Verba oris ejus iníquitas, et dolus : * nóluit intelligere ut bene ágeret.

Iniquitatem meditátus est in cubili suo : * ástitit om-ni viæ non bonæ, malítiam autem non odivit.

Dómine, in cœlo misericórdia tua : * et véritas tua usque ad nubes.

Justitia tua sicut montes Dei : * judicia tua abyssus multa.

Hómines, et juménta salvábis, *Dómine* : * quem-ádmódum multiplicásti mi-sericórdiam tuam Deus.

Filii autem hóminum, * in tégmine alárum tuárum sperábunt.

Inebriabúntur ab ubertáte domus tuæ : * et torrén-te voluptátis tuæ potábis eos.

Quóniam apud te est fons vitæ : * et in lumine tuo vi-débimus lumen.

Prætende misericórdiam tuam sciéntibus te, * et ju-stitiam tuam his, qui recto sunt corde.

Non véniat mihi pes su-

pérbiæ, * et manus pecca-tóris non móveat me.

Ibi cecidérunt qui operán-tur iniquitatem : * expúl-si sunt, nec potuérunt stare.

Añã. Expúgna impugnán-tes me.

Añã. Revéla.

Psalmus 36.

NOLI æmulári in mali-gnántibus : * neque ze-láveris faciéntes iniquitá-tem.

Quóniam tamquam fœnum velóciter aréscent : * et quemádmódum ólera herbá-rum cito decident.

Spera in Dómino, et fac bonitatem : * et inhábita terram, et pascéris in divítiis ejus.

Delectáre in Dómino : * et dabit tibi petitiónes cor-dis tui.

Revéla Dómino viam tuam, et spera in eo : * et ipse faciet.

Et edúcet quasi lumen justitiam tuam : et júdicium tuum tamquam merídiem, * súbditus esto Dómino, et ora cum.

Noli æmulári in eo, qui prosperátur in via sua : * in hómine faciénte injustítias. *Desine* ab ira, et dere-línque furórem : * noli æmu-lári ut malignéris.

Quóniam qui malignántur, exterminabúntur : * susti-néntes autem Dóminum, ipsi hereditábunt terram.

Et adhuc pusillum, et non erit peccator : * et quæres locum ejus, et non invénies.

Mansuëti autem hereditabunt terram, * et delectabuntur in multitudine pacis.

Observabit peccator justum : * et stridëbit super eum dëntibus suis.

Dóminus autem irridëbit eum : * quóniam próspectit quod véniet dies ejus.

Gládius evaginavérunt peccatóres : * intendérunt arcum suum.

Ut deiciant páuperem et inopem : * ut trucident rectos corde.

Gládius eórum intret in corda ipsórum : * et arcus eórum confringátur.

Mélius est módicum justo, * super divítias peccatórum multas.

Quóniam bráchia peccatórum conteréntur : * confirmat autem justos Dóminus.

Novit Dóminus dies immaculatórum : * et heréditas eórum in ætérnum erit.

Non confundéntur in tëm-pore malo, et in diëbus famis saturabúntur : * quia peccatóres peribunt.

Inimici vero Dómini mox ut honorificáti fúerint et exaltáti : * deficientes, quemádmódum fumus deficiënt.

Mutuábitur peccator, et non solvet : * justus autem miserétur et tribuet.

Quia benedicéntes ei hereditábunt terram : * maledicéntes autem ei disperibunt.

Apud Dóminum gressus hóminis dirigéntur : * et viam ejus volet.

Cum ceciderit, non collidétur : * quia Dóminus supponit manum suam.

Júnior fui, étenim senui : * et non vidi justum derelictum, nec semen ejus quærens panem.

Tota die miserétur et cômmodat : * et semen illius in benedictióne erit.

Decлина a malo, et fac bonum : * et inhábita in sæculum sæculi.

Quia Dóminus amat judícium, et non derelinquet sanctos suos : * in ætérnum conservabúntur.

Injusti puniéntur : * et semen impiórum peribit.

Justi autem hæreditábunt terram : * et inhabitábunt in sæculum sæculi super eam.

Os justi meditábitur sapiéntiam, * et lingua ejus loquétur judícium.

Lex Dei ejus in corde ipsius : * et non supplantabúntur gressus ejus.

Considerat peccator justum : * et quærit mortificáre eum.

Dóminus autem non derelinquet eum in mánibus ejus : * nec damnábit eum cum judicábitur illi.

Expécta Dóminum, et custódi viam ejus : et exaltábit te, ut hereditáte cápias terram : * cum perierint peccatóres, vidébis.

Vidi ímpium superexaltátum : * et elevátum sicut cedros Libani.

Et transívi, et ecce non erat : * et quæsívi eum, et non est invéntus locus ejus.

Custódi innocéntiam, et vide æquitátem : * quóniam sunt reliquiæ hómini pacífico.

Injústi autem disperíbunt simul : * reliquiæ impiórum interíbunt.

Salus autem justórum a Dómino : * et protéctor eórum in témpore tribulatiónis.

Et adjuvábít eos Dóminus, et liberábit eos : * et éruet eos a peccatóribus, et salvábit eos : quia speravérunt in eo.

Psalmus 37.

DOMINE, ne in furóre tuo árguas me, * neque in ira tua corrípias me.

Quóniam sagíttæ tuæ infixæ sunt mihi : * et confirmásti super me manum tuam.

Non est sánitas in carne mea a fácie iræ tuæ : * non est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum : * et sicut onus grave gravátæ sunt super me.

Putruérunt, et corrúptæ sunt cicatríces meæ, * a fácie insipiéntiæ meæ.

Miser factus sum, et curvátus sum usque in finem : * tota die contristátus ingrediébar.

Quóniam lumbi mei impléti sunt illusiónibus : * et non est sánitas in carne mea.

Afflictus sum, et humiliátus sum nimis : * rugiébam a gémitu cordis mei.

Dómine, ante te omne desidérium meum : * et gémitus meus a te non est abscónditus.

Cor meum conturbátum est, dereliquit me virtus mea : * et lumen oculórum meórum, et ipsum non est mecum.

Amíci mei, et próximi mei * advérsus me appropinquavérunt, et steterunt.

Et qui juxta me erant, de longe steterunt : * et vim faciébant qui quærébant ánimam meam.

Et qui inquirébant mala mihi, locúti sunt vanitátes ; * et dolos tota die meditábantur.

Ego autem tamquam surdus non audiébam : * et sicut mutus non apériens os suum. *

Et factus sum sicut homo non áudiens : * et non habens in ore suo redargutiónes.

Quóniam in te, Dómine,

speravi : * tu exáudies me,
Dómine Deus meus.

Quia dixi : Nequándo supergáudeant mihi inimici mei : * et dum commovéntur pedes mei, super me magna locúti sunt.

Quóniam ego in flagélla parátus sum : * et dolor meus in conspéctu meo semper.

Quóniam iniquitátem meam annuntiábo : * et cogitábo pro peccáto meo.

Inimici autem mei vivunt, et confirmáti sunt super me : * et multiplicáti sunt qui odérunt me iníque.

Qui retribuunt mala pro bonis, detrahébant mihi : * quóniam sequébar bonitátem.

Ne derelinquas me, Dómine Deus meus : * ne discéseris a me.

Inténde in adjutóriũ meum, * Dómine Deus salutis meæ.

Añã. Revéla Dómino viam tuam.

In Quadrag., ŷ. Ipse liberávit me de láqueo venántium. R̃. Et a verbo áspero.

Tempore Passionis, - ŷ. Erue a frámea, Deus, ánimam meam. R̃. Et de manu canis únicam meam.

Temp. Pasch., Añã. Allelúia, allelúia, allelúia. ŷ. Surrexit Dóminus de sepúlchro, allelúia. R̃. Qui pro nobis pepéndit in ligno, allel.

Pro uno, vel plur. Mart. temp. Pasch., ŷ. Sancti et iusti in Dómino gaudéte, allelúia. R̃. Vos elégit Deus in hereditátem sibi, allelúia.

Pro Conf. Pont., et non Pont., temp. Pasch., ŷ. Amávit cum Dóminus, et ornavit eum, allelúia. R̃. Stollam glóriæ induit eum, allelúia.

Pro una Sancta, ŷ. Spécie tua, et pulchritúdine tua, allelúia. R̃. Inténde, prospere procéde, et regna, allelúia.

AD LAUDES.

ŷ. Deus, in adjutórium. 18.

Tempore Pasch. dicuntur Psalmi et Añæ de Dñica. 18.

Capit. vero Hymnus, ŷ. et Añã ad Benedictus, ut in Proprio de Temp. Aliis temporibus per Annum, quando non assignantur propriæ Añæ, dicitur Añã. Miserére.

Psalmus 50.

MISERERE mei, Deus, * secundum magnam misericórdiam tuam.

Et secundum multitudinem miserationum tuarum, * dele iniquitátem meam.

Amplius lava me ab iniquitate mea : * et a peccáto meo munda me.

Quóniam iniquitátem meam ego cognósco : * et peccátum meum contra me est semper.

Tibi soli peccávi, et malum coram te feci : * ut justificé-

ris in sermónibus tuis, et vineas cum iudicáris.

Ecce enim in iniquitatibus concéptus sum: * et in peccátis concépit me mater mea.

Ecce enim veritatem dilexisti: * incérta et occulta sapiéntiæ tuæ manifestásti mihi.

Aspérges me hyssópo, et mundábor: * lavábis me, et super nivem dealbábor.

Auditui meo dabis gáudium et lætítiam: * et exultábunt ossa humiliáta.

Avérte faciém tuam a peccátis meis, * et omnes iniquitates meas dele.

Cor mundum crea in me Deus: * et spíritum rectum innova in viscéribus meis. **N**e projicias me a faciē tua: * et spíritum sanctum tuum ne áuferas a me.

Redde mihi lætítiam salutáris tui: * et spíritu principáli confírma me.

Docébo iníquos vias tuas: * et impíi ad te converténtur.

Libera me de sanguinibus Deus, Deus salutis meæ: * et exultábit lingua mea justitiam tuam.

Dómine, lábia mea apéries: * et os meum annuntiábit laudem tuam.

Quóniam si voluisses sacrificium, dedissem útique: * holocáustis non delectáberis.

Sacrificium Deo spíritus contribulátus: * cor con-

tritum, et humiliátum Deus non despíciēs.

Benigne fac, Dómine, in bona voluntáte tua Sion: * ut ædificéntur muri Jerúsalem.

Tunc acceptábis sacrificium justítiæ, oblatiões, et holocáusta: * tunc impónent super altáre tuum vítulos.

Ana. Miserére mei, Deus.

Añm. Intéllige.

Psalmus 5.

VERBA mea áuribus pércipe, Dómine, * intéllige clamórem meum.

Inténde voci oratiónis meæ: * Rex meus, et Deus meus.

Quóniam ad te orábo: * Dómine, mane exáudies vocem meam.

Mane astábo tibi, et vidébo: * quóniam non Deus volens iniquitatem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniquitatem: * perdes omnes, qui loquúntur mendácium.

Virum sánguinem et dolósum abominábitur Dóminus: * ego autem in multítudine misericórdiæ tuæ,

Introibo in domum tuam: * adorábo ad templum sanctum tuum in timóre tuo.

Dómine, deduc me in justitia tua: * propter inimicos meos dirige in conspéctu tuo viam meam.

Quóniam non est in ore

eórum véritas : * cor eórum vanum est.

Sepúlchrum patens est gutture eórum, linguis suis dolóse agébant : * júdica illos Deus.

Décidant a cogitátionibus suis, secúndum multitudinem impietátum eórum expélle eos : * quóniam irritavérunt te, Dómine.

Et læténtur omnes, qui sperant in te, * in ætérnum exultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine, ut scuto bonæ voluntátis tuæ * coronásti nos.

Añs. Intéllige clamórem meum, Dómine.

Añs. Deus Deus meus, * ad te de luce vígilo. *Ps. idem.* 19.

Añs. Convérsus est.

Canticum Isaíæ Prophetæ. Cap. 12.

CONFITEBOR tibi, Dómine, quóniam irátus es mihi : * convérsus est furor tuus, et consolátus es me.

Ecce Deus salvátor meus, * fiduciáliter agam, et non timébo.

Quia fortitúdo mea, et laus mea Dóminus, * et factus est mihi in salutem.

Hauriétis aquas in gáudio de fóntibus salvatóris : * et dicétis in die illa : Confitémini Dómino, et invocáte nomen ejus.

Notas fácite in pópulis

adinventiónes ejus : * mentóte quóniam excélsus est nomen ejus.

Cantáte Dómino, quóniam magnífice fecit : * annuntiáte hoc in univérsta terra.

Exúlta et lauda habitatio Sion : * quia magnus in médio tui sanctus Israel.

Añs. Convérsus est furor tuus, Dómine, et consolátus es me.

Añs. Laudáte * Dóminum de cœlis. *Psalm. idem.* 21.

In Quadrag. Capit. Isaíæ 38.

Q UAMA, ne cesses : quasi tuba exálta vocem tuam, et annúntia pópulo meo scélera eórum, et dómui Jacob peccáta eórum.

Hymnus.

sol salutis, íntimis, Jesu, refúlge méntibus, Dum nocte pulsa, grátior Orbi dies renáscitur.

Dans tempus acceptábile, Da lacrymárum rívlis Lavare cordis víctimam, Quam læta adúrat cháritas. Quo fonte manávit nefas, Fluent perénnes lácrymæ, Si virga pœniténtiæ Cordis rigórem cónterat.

Dies venit, dies tua, In qua reflórent ómnia : Lætémur et nos in viam Tua redúcti délixera.

Te prona mundi máchina, Clemens, adóret, Trínitas, Et nos novi per grátiam Novum canámus cánticum.

Amen.

ŷ. Angelis suis Deus mandavit de te. **R.** Ut custodiant te in ómnibus viis tuis.

Ad Benedictus, Añña propria, ut in Feriis Quadrag., in quibus post Añnam ad Benedictus, et in Vesp. ad Magnificat, dicuntur seq. Preces flexis genibus.

KYRIE, eléison. **Christe,** **K**eléison. **Kyrie,** eléison. **Pater noster, totum dicitur clara voce ŷ.** Et ne nos inducas in tentationem. **R.** Sed libera nos a malo. **ŷ.** Ego dixi, Dómine, miserere mei. **R.** Sana ánimam meam, quia peccávi tibi. **ŷ.** Convértere, Dómine, úsquequo. **R.** Et deprecábilis esto super servos tuos. **ŷ.** Fiat misericórdia tua, Dómine, super nos. **R.** Quemádmódum sperávimus in te. **ŷ.** Sacerdotes tui induántur justitiam. **R.** Et sancti tui exúltent. **ŷ.** Dómine, salvum fac Regem. **R.** Et exáudi nos in die, qua invocáverimus te. **ŷ.** Salvum fac pópulum tuum, Dómine, et bédedic hereditáti tuæ. **R.** Et rege eos, et extólle illos usque in ætérnum. **ŷ.** Meménto congregatiónis tuæ. **R.** Quam possedisti ab initio. **ŷ.** Fiat pax in virtúte tua. **R.** Et abundantia in túrribus tuis. **ŷ.** Orémus pro fidélibus defúctis. **R.** Réquiem ætérnam dona eis, Dómine, et lux perpétua luceat eis. **ŷ.** Re-

quiescant in pace. **R.** Amen. **ŷ.** Pro fratribus nostris abséntibus. **R.** Salvos fac servos tuos, Deus meus, sperántes in te. **ŷ.** Pro afflictis et captívis. **R.** Libera eos, Deus Israel, ex ómnibus tribulationibus suis. **ŷ.** Mitte eis, Dómine, auxílium de sancto. **R.** Et de Sion tuére eos. **ŷ.** Dómine, exáudi orationem meam. **R.** Et clamor meus ad te véniat.

Deinde dic. **Ps.** De profundis. ut in Vesp. Feriæ iv.

Finito **Psalmo,** dicitur **ŷ.** Dómine Deus virtútum, convérte nos. **R.** Et osténde faciém tuam, et salvi érimus. **ŷ.** Exúrge, **Christe,** ádjuva nos. **R.** Et libera nos propter nomen tuum. **ŷ.** Dómine, exáudi orationem meam. **R.** Et clamor meus ad te véniat. **ŷ.** Dóminus vobíscum. **R.** Et cum spírиту tuo.

Deinde dicitur **Oratio propria.** Et quando in feriali Officio fiunt **Comm.** communes de S. Maria, de Apostolis, et de Pace, ante eas tam in Laud. quam in Vesp. fit sequens **Comm.** de Cruce. Añña. Per signum Crucis de inimicis nostris libera nos, Deus noster. **ŷ.** Omnis terra adóret te, et psallat tibi. **R.** Psalmum dicat nómini tuo, Dómine.

Orémus. **Oratio.**

PERPETUA nos, quæsumus Dómine, pace custodi :

quos per lignum sanctæ Crucis redimere dignatus es.

Quæ Commem. de Cruce fit etiam, quando non dicuntur Preces in feriali tantum Officio.

¶ *Tempore Paschali fit alia Commem. de Cruce, quæ habetur Feria ij. post Dñicam in Albis, omissis aliis Commem. ut supra.*

FERIA TERTIA.

Ad Matutinum.

*In Quadragesima, Invitat. Jubilémus Deo, *. Salutári nostro. Ps. Venite. 2.*

Hym. Ex more docti. 3.

*Temp. Pasch. Invit. Allelúia, allelúia, *. Allelúia.*

Hym. Rex sempitérne. 3.

Añã. Ut non delinquam.

Temp. Pasch., Añã. Allel.

Psalmus 38.

DIXI : Custódiam vias meas : * ut non delinquam in lingua mea.

*P*ósui ori meo custódiam, * cum consisteret peccátor advérsus me.

*O*bmútui, et humiliátus sum, et sílui a bonis : * et dolor meus renovátus est.

*C*oncáluit cor meum intra me : * et in meditatióne mea exardéscet ignis.

*L*ocútus sum in lingua mea : * Notum fac mihi, Dómine, finem meum :

*E*t númerum diérum meórum quis est : * ut sciam quid desit mihi.

*E*cce mensurábiles po-

suisti dies meos : * et substantia mea tamquam nihilum ante te.

*V*erúmtamen univérſa vānitas, * omnis homo vivens. Verúmtamen in imágine pertránsit homo : * sed et frustra conturbátur.

*T*hesaurizat : * et ignorat cui congregábit ea.

*E*t nunc quæ est expectatió mea? nonne Dóminus? * et substantia mea apud te est.

*A*b ómnibus iniquitatibus meis érue me : * opprobrium insipiénti dedisti me.

*O*bmútui, et non apérui os meum, quóniam tu fecisti : * ámove a me plagas tuas.

A fortitúdine manus tuæ ego deféci in increpationibus : * propter iniquitatem corripuisti hóminem.

*E*t tabéscere fecisti sicut aráneam ánimam ejus : * verúmtamen vane conturbátur omnis homo.

*E*xáudi orationem meam, Dómine, et deprecationem meam : * áuribus pécipe lácrymas meas.

*N*e síleas : quóniam ádvena ego sum apud te, et peregrínus, * sicut omnes patres mei.

*R*emítte mihi, ut refrígerrer priúsquam ábeam, * et ámplius non ero.

Psalmus 39.

EXPECTANS expectávi Dóminum, * et inténdit mihi.

Et exaudivit preces meas :
* et eduxit me de lacu miseriae, et de luto facis.

Et statuit super petram pedes meos : * et direxit gressus meos.

Et immisit in os meum canticum novum, * carmen Deo nostro.

Vidébunt multi, et timebunt : * et sperábunt in Dño.

Beátus vir, cujus est nomen Dómini spes ejus : * et non respexit in vanitates et insánias falsas.

Multa fecisti tu, Dómine, Deus meus, mirabilia tua : * et cogitationibus tuis non est qui similis sit tibi.

Annuntiávi, et locútus sum : * multiplicáti sunt super númerum.

Sacrificium et oblationem noluisti : * aures autem perfecisti mihi.

Holocáustum et pro peccato non postulasti : * tunc dixi : Ecce vénio.

In capite libri scriptum est de me, ut facerem voluntatem tuam : * Deus meus volui, et legem tuam in médio cordis mei.

Annuntiávi justitiam tuam in ecclesia magna, * ecce labia mea non prohibebo : Dómine, tu scisti.

Justitiam tuam non abscondi in corde meo : * veritatem tuam, et salutare tuum dixi.

Non abscondi misericór-

diam tuam et veritatem tuam : * a concilio multo.

Tu autem, Dómine, ne longe facias miserationes tuas a me : * misericórdia tua et veritas tua semper suscepérunt me.

Quóniam circumdederunt me mala, quorum non est númerus : * comprehendérunt me iniquitates meae, et non pótui ut vidérem.

Multiplicatae sunt super capillos capitis mei : * et cor meum dereliquit me.

Compláceat tibi, Dómine, ut éruas me : * Dómine, ad adjuvandum me respice.

Confundántur et reveréántur simul, qui quærunt animam meam, * ut auferant eam.

Convertántur retrórsus, et reveréántur * qui volunt mihi mala.

Ferant confestim confusionem suam, * qui dicunt mihi : Euge, euge.

Exúltent et læténtur super te omnes quæréntes te : * et dicant semper : Magnificétur Dóminus : qui diligunt salutare tuum.

Ego autem mendicus sum, et pauper : * Dóminus sollicitus est mei.

Adjutor meus, et protector meus tu es : * Deus meus ne tardáveris.

Aññ. Ut non delinquam in lingua mea.

Aññ. Sana.

Psalmus 40.

BEATUS qui intélligit super
Regénium et páuperem : *
in die mala liberábit eum
Dóminus.

Dóminus consérvet eum ,
et vivíficet eum , et beátum
fáciat eum in terra : * et
non tradat eum in ánimam
inimicórum ejus.

Dóminus opem ferat illi
super lectum dolóris ejus : *
univérsum stratum ejus
versásti in infirmitáte ejus.

Ego dixi : Dómine , mise-
rère mei : * sana ánimam
meam , quia peccávi tibi.
Inimíci mei dixerunt ma-
la mihi : * Quando moriét-
tur , et peribit nomen ejus?

Et si ingrediebátur ut
vidéret , vana loquebátur , *
cor ejus congregávit iniqui-
tátem sibi.

Egrediebátur foras , * et
loquebátur in idípsum.

Advérsus me susurrá-
bant omnes inimíci mei : *
advérsus me cogitábant
mala mihi.

Verbum iníquum consti-
tuérunt advérsus me : *
Numquid qui dormit , non
adjiçiet ut resúrgat?

Etenim homo pacis meæ , in
quo sperávi : * qui edébat
panes meos , magnificávit
super me supplantatióem.

Tu autem , Dómine , mi-
serere mei , et resúscita
me : * et retribuam eis.

In hoc cognóvi , quóniam

voluísti me : * quóniam non
gaudébit inimicus meus su-
per me.

Me autem propter inno-
céntiam suscepisti : * et
confirmásti me in conspé-
ctu tuo in ætérnum.

Benedíctus Dóminus Deus
Israel a sæculo , et usque
in sæculum : * fiat , fiat.

Psalmus 41.

QUOMODUM desíderat
cervus ad fontes aquá-
rum : * ita desíderat áni-
ma mea ad te Deus.

Sitívit ánima mea ad
Deum fortem vivum : *
quando véniam , et appa-
rébo ante faciém Dei?

Fuérunt mihi lácrymæ
meæ panes die ac nocte : *
dum dicitur mihi quotidie :
Ubi est Deus tuus?

Hæc recordátus sum , et
effúdi in me ánimam meam : *
quóniam transíbo in locum
tabernáculi admirábilis ,
usque ad domum Dei.

In voce exultatiónis , et con-
fessiónis : * sonus epulántis.
Quare tristis es ánima mea ?
* et quare contúrbas me ?

Spera in Deo , quóniam
adhuc confitébor illi : * sa-
lutáre vultus mei , et Deus
meus.

Ad meípsum ánima mea
conturbáta est : * propterea
memor ero tui de terra Jor-
dánis , et Hermóniim a
monte módico.

Abysus abyssum invo-

cat, * in voce cataractarum
tuarum.

Omnia excelsa tua, et
fluctus tui * super me trans-
ierunt.

In die mandavit Dominus
misericordiam suam : * et
nocte canticum ejus.

Apud me oratio Deo vitæ
meæ, * dicam Deo : Suscep-
tor meus es.

Quare oblitus es mei ? * et
quare contristatus incedo ,
dum affligit me inimicus ?

Dum confringuntur ossa
mea, * exprobraverunt mihi
qui tribulant me inimici
mei :

Dum dicunt mihi per sín-
gulos dies : Ubi est Deus
tuus ? * quare tristis es ani-
ma mea, et quare contur-
bas me ?

Spera in Deo , quoniam
adhuc confitebor illi : * sa-
lutare vultus mei, et Deus
meus.

Añã. Sana, Dñe, animam
meam : quia peccavi tibi.

Añã. Eructavit.

Psalmus 43.

DEUS auribus nostris au-
divimus , * patres no-
stri annuntiaverunt nobis,

Opus, quod operatus es
in diebus eorum, * et in
diebus antiquis.

Manus tua gentes disperdi-
dit, et plantasti eos : * afflix-
isti populos, et expulisti eos :
Nec enim in gladio suo
possederunt terram, * et

brachium eorum non salva-
vit eos :

Sed dextera tua, et brá-
chium tuum, et illuminatio
vultus tui : * quoniam com-
placuisti in eis.

Tu es ipse Rex meus et
Deus meus : * qui mandas
salutes Jacob.

In te inimicos nostros
ventilabimus cornu, * et in
nómine tuo spernemus in-
surgentes in nobis.

Non enim in arcu meo
sperabo : * et gladius meus
non salvabit me.

Salvast enim nos de af-
fligentibus nos : * et odién-
tes nos confudisti.

In Deo laudabimur tota
die : * et in nómine tuo con-
fitebimur in sæculum.

Nunc autem repulisti et
confudisti nos : * et non
egrediéris Deus in virtuti-
bus nostris.

Avertisti nos retrórsus
post inimicos nostros : * et
qui odérunt nos, diripiébant
sibi.

Dedisti nos tamquam oves
escarum : * et in Gén-
tibus dispersisti nos.

Vendidisti populum tuum
sine pretio : * et non fuit
multitudo in commutatióni-
bus eorum.

Posuisti nos opprobrium
vicinis nostris, * subsanna-
tionem et derisum his, qui
sunt in circúitu nostro.

Posuisti nos in similitu-

dinem Géntibus : * commo-
tiónem cápitis in pópulis.
Tota die verecúndia mea
contra me est , * et confusio
faciei meæ coopérui me.

A voce exprobrántis , et
obloquéntis : * a fácie ini-
míci , et persecuéntis.

Hæc ómnia venérunt su-
per nos , nec obliti sumus
te : * et inique non égimus
in testaménto tuo.

Et non recéssit retro cor
nostrum : * et declinásti
sémitas nostras a via tua :
Quóniam humiliásti nos in
loco afflictiónis , * et coo-
pérui nos umbra mortis.

Si obliti sumus nomen
Dei nostri , * et si expándi-
mus manus nostras ad deum
aliénium :

Nonne Deus requíret ista ?
* ipse enim novit abscón-
dita cordis.

Quóniam propter te mor-
tificámur tota die : * æsti-
máti sumus sicut oves occi-
sionis.

Exúrge , quare obdórmis ,
Dómine ? * exúrge , et ne
repéllas in finem.

Quare fáciem tuam avér-
tis : * oblivísceris inópiæ no-
stræ , et tribulatiónis nostræ ?

Quóniam humiliáta est in
púlvere ánima nostra : *
conglutinátus est in terra
venter noster.

Exúrge , Dómine , ádjuva
nos ; * et rédime nos pro-
pter nomen tuum.

Psalmus 44.

ERUCTAVIT cor meum ver-
bum bonum : * dico ego
ópera mea Regi.

Lingua mea cálamus scri-
bæ , * velócitèr scribéntis.

Speciósus forma præ filiis
hóminum , diffusa est grátia
in lábiis tuis : * proptérea
benedixit te Deus in ætér-
num.

Accingere gládio tuo su-
per femur tuum , * poten-
tissime.

Spécie tua et pulchritúdi-
ne tua * inténde , prospere
procéde , et regna.

Propter veritátem , et
mansuetúdinem , et justí-
tiam : * et dedúcet te mi-
rabíliter délixtera tua.

Sagittæ tuæ acútæ , pó-
puli sub te cadent : * in
corda inimicórum regis.

Sedes tua , Deus , in sæcu-
lum sæculi : * virga dire-
ctiόνis virga regni tui.

Dilexisti justítiam , et
odisti iniquitátem : * pro-
ptérea unxit te Deus , Deus
tuus , óleo lætitiæ præ con-
sórtibus tuis.

Myrrha , et gutta , et cásia
a vestiméntis tuis , a dómi-
bus ebúrneis : * ex quibus
delectavérunt te filiæ regum
in honóre tuo.

Astitit regína a dextris
tuis in vestítu deauráto : *
circúmdata varietáte.

Audi , filia , et vide , et in-
clína aurem tuam : * et obli-

viscere pópulum tuum , et domum patris tui.

Et concupiscet Rex decórem tuum : * quóniam ipse est Dóminus Deus tuus , et adorábunt eum.

Et filiæ Tyri in munéribus * vultum tuum deprecabúntur : omnes dívites plebis.

Omnis glória ejus filiæ Regis ab intus , * in fimbriis áureis circumamícta varietátibus.

Adducéntur Regi vírgines post eam : * próximæ ejus afferéntur tibi.

Afferéntur in lætítia et exultatióne : * adducéntur in templum Regis.

Pro pátribus tuis nati sunt tibi filii : * constitues eos príncipes super omnem terram.

Mémores erunt nóminis tui : * in omni generatióne et generatiónem.

Proptérea pópuli confitebúntur tibi in ætérnum : * et in sæculum sæculi.

Añs. Eructávit cor meum verbum bonum.

Añs. Adjutor.

Psalmus 45.

DEUS noster refúgium , et virtus : * adjutor in tribulatió nibus , quæ invenérunt nos nimis.

Proptérea non timébimus , dum turbábitur terra : * et transferéntur montes in cor maris.

Sonuérunt , et turbátæ

sunt aquæ eórum : * conturbáti sunt montes in fortitúdine ejus.

Flúminis impetus lætíficat civitátem Dei : * sanctificávit tabernáculum suum Altíssimus.

Deus in médio ejus , non commovébitur : * adjuvábít eam Deus mane dilúculo.

Conturbátæ sunt Gentes , et inclináta sunt regna : * dedit vocem suam , mota est terra.

Dóminus virtútum nobiscum : * suscep tor noster Deus Jacob.

Veníte , et vidéte ópera Dómini , quæ pósuit prodígia super terram : * áuferens bella usque ad finem terræ.

Arcum cónteret , et confrínget arma : * et scuta combúret igni.

Vacáte , et vidéte quóniam ego sum Deus : * exaltábor in Géntibus , et exaltábor in terra.

Dóminus virtútum nobiscum : * suscep tor noster Deus Jacob.

Psalmus 46.

OMNES gentes , pláudite má nibus : * jubiláte Deo in voce exultatió nis.

Quóniam Dóminus excéllsus , terríbilis : * Rex magnus super omnem terram.

Subjécit pópulos nobis : * et Gentes sub pédibus nostris.

Elégit nobis hereditátem suam , * spéciem Jacob , quam diléxit.

Ascéndit Deus in júbilo : *
et Dóminus in voce tubæ.

Psállite Deo nostro , psál-
lite : * psállite Regi nostro ,
psállite.

Quóniam Rex omnis terræ
Deus : * psállite sapiéter.
Regnabit Deus super Gen-
tes : * Deus sedet super
sedem sanctam suam.

Principes populórum congre-
gáti sunt cum Deo Abraham :
* quóniam dii fortes terræ
veheménter eleváti sunt.

Aññ. Adjutor in tribulatió-
nibus.

Aññ. Magnus Dóminus.

Psalmus 47.

MAGNUS Dóminus , et lau-
dábilis nimis : * in ci-
vitáte Dei nostri , in monte
sancto ejus.

Fundátur exultatióne uni-
vérsæ terræ mons Sion , * lá-
tera Aquilónis , civitas Re-
gis magni.

Deus in dómibus ejus cog-
noscétur , * cum suscipiet
eam.

Quóniam ecce reges ter-
ræ congregáti sunt : * con-
venérunt in unum.

Ipsi vidéntes sic admiráti
sunt , conturbáti sunt , com-
móti sunt : * tremor apprehé-
ndit eos.

Ibi dolóres ut parturiéntis ,
* in spíritu veheménti
cónteres naves Tharsis.

Sicut audívimus , sic ví-
dimus in civitáte Dómini
virtutum , in civitáte Dei

nostri : * Deus fundávit eam
in ætérnum.

Suscévimus Deus miseri-
córdiam tuam , * in médio
templi tui.

Secúndum nomen tuum
Deus , sic et laus tua in fi-
nes terræ : * justitia plena
est dextera tua.

Lætétur mons Sion , et
exúltent filiæ Judæ , * pro-
pter judícia tua , Dómine.

Circúmdate Sion , et com-
plectimini eam : * narráte
in túrribus ejus.

Pónite corda vestra in
virtúte ejus : * et distribúite
domos ejus : ut enarrétis in
progénie áltera.

Quóniam hic est Deus ,
Deus noster in ætérnum , et
in sæculum sæculi : * ipse
reget nos in sæcula.

Psalmus 48.

AUDITE hæc omnes gentes :
* áuribus percípите om-
nes , qui habitátis orbem.
Quique terrígenæ , et filii
hóminum : * simul in unum
dives et pauper.

Os meum loquétur sa-
piéntiam : * et meditatio
cordis mei prudéntiam.

Inclinábo in parábolam au-
rem meam : * apériam in
psaltério propositiōē meam.
Cur timébo in die mala ? *
iniquitas calcanei mei cir-
cúmdabit me :

Qui confidunt in virtúte sua :
* et in multitudīne divitiá-
rum suárum gloriántur.

Pater non redimit, redimet homo : * non dabit Deo placationem suam.

Et pretium redemptionis animæ suæ : * et laborabit in ætérnum, et vivet adhuc in finem.

Non videbit interitum, cum viderit sapientes morientes : * simul insipiens, et stultus peribunt.

Et relinquent aliénis divitias suas : * et sepúlchra eórum domus illórum in ætérnum.

Tabernacula eórum in progénie, et progénie : * vocaverunt nómina sua in terris suis.

Et homo, cum in honóre esset, non intelléxit : * comparátus est juméntis insipientibus, et similis factus est illis.

Hæc via illórum scándalum ipsis : * et póstea in ore suo complacébunt.

Sicut oves in inférno pòsiti sunt : * mors depascet eos.

Et dominabúntur eórum justí in matutíno : * et auxílium eórum veteráscet in inférno a glória eórum.

Verúmtamen Deus redimet animam meam de manu inferi, * cum accéperit me.

Ne timúeris cum dives factus fúerit homo : * et cum multiplicáta fúerit glória domus ejus.

Quóniam cum interférit,

non sumet ómnia : * neque descéndet cum eo glória ejus.

Quia ánima ejus in vita ipsius benedicétur : * confitébitur tibi cum benefeceris ei.

Introibit usque in progénies patrum suórum : * et usque in ætérnum non videbit lumen.

Homo, cum in honóre esset, non intelléxit : * comparátus est juméntis insipientibus, et similis factus est illis.

Añs. Magnus Dóminus, et laudábilis nimis.

Añs. Deus deórum.

Psalmus 49.

DEUS deórum Dóminus locútus est : * et vocávit terram.

A solis ortu usque ad occásum : * ex Sion spécies decóris ejus.

Deus manifeste véniet : * Deus noster et non silébit.

Ignis in conspéctu ejus exardéscet : * et in circúitu ejus tempésta válida.

Advocábit cælum desúrsus : * et terram discernere pópulum suum.

Congregáte illi sanctos ejus : * qui ordinant testaméntum ejus super sacrificia.

Et annuntiábunt cœli justítiam ejus : * quóniam Deus judex est.

Audi pópulus meus, et loquar : Israel, et testificá-

bor tibi : * Deus Deus tuus ego sum.

Non in sacrificiis tuis arguam te : * holocáusta autem tua in conspéctu meo sunt semper.

Non accipiam de domo tua vitulos : * neque de grégibus tuis hircos.

Quóniam meæ sunt omnes feræ silvárum, * juménta in móntibus et boves.

Cognóvi ómnia volatília cœli : * et pulchritúdo agri mecum est.

Si esuriero , non dicam tibi : * meus est enim orbis terræ, et plenitúdo ejus.

Numquid manducábo carnes taurórum? * aut sanguinem hircórum potábo?

Immola Deo sacrificium laudis : * et redde Altíssimo vota tua.

Et invoca me in die tribulatiónis : * éruam te , et honorificábis me.

Peccatóri autem dixit Deus : * Quare tu enárras justítias meas, et assúmis testaméntum meum per os tuum?

Tu vero odísti disciplinam : * et projecisti sermónes meos retrórsus.

Si vidébas furem, currébas cum eo : * et cum adúlteris portiónem tuam ponébas.

Os tuum abundávit malítia : * et lingua tua concinnábat dolos.

Sedens advérsus fratrem

tuum loquebáris, et advérsus filium matris tuæ ponébas scándalum : * hæc fecisti, et tácui.

Existimásti inique quod ero tui símilis : * arguam te, et státuam contra faciém tuam.

Intelligite hæc qui obliviscimini Deum : * nequándo rápiat, et non sit qui erípiat.

Sacrificium laudis honorificábit me : * et illic iter, quo osténdam illi salutáre Dei.

Psalms 51.

QUID gloriáris in malítia, * qui potens es in iniquitáte?

Tota die injustítiam cogitávit lingua tua : * sicut novácula acúta fecisti dolum.

Dilexísti malítiam super benignitátem : * iniquitátem magis, quam loqui æquitátem.

Dilexísti ómnia verba præcipitatiónis, * lingua dolósa.

Proptérea Deus destruet te in finem : * evéllat te, et emigrábit te de tabernáculo tuo : et radicem tuam de terra vivéntium.

Vidébunt justí, et timébunt, et super eum ridébunt, et dicent : * Ecce homo, qui non pósuit Deum adjutórem suum.

Sed sperávit in multitudine divitiárum suárum : * et præváluit in vanitáte sua.

Ego autem, sicut olíva fructí-

fera in domo Dei, * sperávi in misericórdia Dei in ætérnum : et in sæculum sæculi. Confitébor tibi in sæculum quia fecisti : * et expectábo nomen tuum, quóniam bonum est in conspéctu sanctórum tuórum.

Añá. Deus deórum Dóminus locútus est.

In Quadrag., ŷ. Scápolis suis obumbrábit tibi. *R.* Et sub pennis ejus sperábis.

Temp. Passionis. V. De ore leónis libera me, Dñe. *R.* Et a cónibus unicórnium humilitatem meam.

Tempore Paschali. Añá. Allelúia, allelúia, allelúia. *ŷ.* Surréxit Dóminus vere, allelúia. *R.* Et apparuit Simóni, allelúia.

Pro uno, vel plur. Mart. temp. Paschali. ŷ. Lux perpétua lucébit Sanctis tuis, Dómine, allelúia. *R.* Et ætérnitas téporum, allelúia.

Pro Conf. Pont. temp. Pasch., ŷ. Elégit eum Dóminus sacerdotem sibi, allelúia. *R.* Ad sacrificándum ei hóstiam laudis, allelúia.

Pro Conf. non Pont. V. Os justi meditábitur sapiéntiam, allelúia. *R.* Et lingua ejus loquétur iudicium, allelúia.

Pro una Sancta, ŷ. Adjuvábít eam Deus vultu suo, allel. *R.* Deus in médio ejus, non commovébitur, allelúia.

AD LAUDES,

Añá. Dele, Dómine, iniquitatem meam. *Ps.* Miserére. 60.

Añá. Salutare.

Psalmus 42.

JUDICA me, Deus, et discérne causam meam de gente non sancta, * ab hómine iníquo et dolóso érue me.

Quia tu es, Deus, fortitúdo mea : * quare me repulisti ? et quare tristis incédo, dum affligit me inimícus ?

Emitte lucem tuam et veritatem tuam : * ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei : * ad Deum, qui lætíficat juventútem meam.

Confitébor tibi in cíthara Deus, Deus meus : * quare tristis es ánima mea ? et quare contúrbas me ?

Spera in Deo, quóniam adhuc confitébor illi : * salutare vultus mei, et Deus meus.

Añá. Salutare vultus mei, et Deus meus.

Añá. Ad te de luce vígilo, Deus. *Ps.* Deus Deus 49.

Añá. Cunctis diébus.

Cant. Ezechiae. Is. 38. b

EGO dixi : In dimídio diérum meórum * vadam ad portas inferi.

Quæsivi residuum annórum meórum, * dixi : Non vidébo Dóminum Deum in terra vivéntium.

Non aspiciam hominem ultra, * et habitatorem quietis.
 Generatio mea ablata est, et convoluta est a me, * quasi tabernaculum pastorum :

Præcisa est velut a texente, vita mea: dum adhuc ordirer, succidit me : * de mane usque ad vesperam finies me.
 Sperabam usque ad mane, * quasi leo sic contrivit omnia ossa mea :

De mane usque ad vesperam finies me : * sicut pulvis hirundinis sic clamabo, meditabor ut columba.

Attenuati sunt oculi mei, * suspicientes in excelsum.
 Domine, vim patior, responde pro me. * Quid dicam, aut quid respondebit mihi, cum ipse fecerit ?

Recogitabo tibi omnes annos meos * in amaritudine animæ meæ.

Domine, si sic vivitur, et in talibus vita spiritus mei, corripies me, et vivificabis me. * Ecce in pace amaritudo mea amarissima :

Tu autem eruisti animam meam ut non periret, * projecisti post tergum tuum omnia peccata mea.

Quia non infernus confitebitur tibi, neque mors laudabit te : * non expectabunt qui descendunt in lacum veritatem tuam.

Vivens vivens ipse confitebitur tibi, sicut et ego homo

die : * pater filiis notam faciet veritatem tuam.

Domine, salvum me fac, * et psalmos nostros cantabimus cunctis diebus vitæ nostræ in domo Domini.

Ana. Cunctis diebus vitæ nostræ salvos nos fac, Dñe.

Ana. Omnes Angeli ejus, laudate Dominum de cœlis.

Psalm. Laudate Dñum. 21.

In Quadrag. Capit. Is. 58.

CLAMA, ne cesses : quasi tuba exalta vocem tuam, et annuntia populo meo scelera eorum, et domui Jacob peccata eorum.

Hymnus.

O sol salutis, intimis, Jesu, refulge mentibus, Dum nocte pulsa, gravior Orbi dies renascitur.

Dans tempus acceptabile, Da lacrymarum rivulis, Lavare cordis victimam, Quam læta adurat charitas.

Quo fonte manavit nefas, Fluent perennes lacrymæ, Si virga poenitentiae Cordis rigorem conterat.

Dies venit, dies tua, In qua reflorent omnia : Lætémur et nos in viam Tua reducti dextera.

Le prona mundi machina, Clemens, adoret, Trinitas, Et nos novi per gratiam Novum canamus canticum.

Amen.

Angelis suis Deus mandavit de te. *R.* Ut custodiant te in omnibus viis tuis.

Ad Benedictus, Añā propria, ut in Feriis Quadrag.
Preces, quando dicuntur,
habemur 63.

FERIA QUARTA.

Ad Matutinum.

In Quadrag. Invitator. In
manu tua, Dómine, * Om-
nes fines terræ. Ps. Venite
exultémus. 2.

Hymnus. Ex more. 3.

Temp. Pasch., Invitator.
A lleluia, alleluia, * Alleluia.

Hymn. Rex sempitérne. 3.
Añā. Avértit Dóminus.

Temp. Pasch., Añā. Allel.

Psalmus 52.

DIXIT insipiens in corde
suo : * Non est Deus.
Corrupti sunt, et abomi-
nábiles facti sunt in iniqui-
tátibus : * non est qui fá-
ciat bonum.

Deus de cælo prospéxit
super filios hóminum : * ut
videat si est intélligens, aut
requírens Deum.

Omnes declinavérunt, si-
mul inútiles facti sunt : *
non est qui fáciat bonum,
non est usque ad unum.

Nonne scient omnes qui
operántur iniquitatem, *
qui dévorant plebem meam
ut cibum panis?

Deum non invocavérunt :
* illic trepidavérunt timóre,
ubi non erat timor.

Quóniam Deus dissipávit
ossa eórum qui homínibus
placent : * confúsi sunt,
quóniam Deus sprevit eos.

Quis dabit ex Sion salu-
táre Israel? * cum convér-
terit Deus captivitatem ple-
bis suæ, exultábit Jacob,
et lætábitur Israel.

Psalmus 54.

EXAUDI, Deus, oratióem
meam, et ne despéxeris
deprecationem meam : * in-
ténde mihi, et exáudi me.
Contristátus sum in ex-
ercitatióne mea : * et con-
turbátus sum a voce inimíci,
et a tribulatióne peccatóris.
Quóniam declinavérunt in
me iniquitátes : * et in
ira molésti erant mihi.

Gor meum conturbátum
est in me : * et formído
mortis cécidit super me.

Timor et tremor venérunt
super me : * et contexérunt
me ténebræ.

Et dixi : Quis dabit mihi
pennas sicut colúmbæ, * et
volábo, et requiéscam?

Ecce elongávi fúgiens : *
et mansi in solitúdine.

Expectábam eum, qui sal-
vum me fecit * a pusillani-
mitáte spíritus et tempe-
státe.

Præcípita, Dómine, divide
linguas eórum : * quóniam
vidi iniquitatem, et contra-
dictiõem in civitáte.

Die ac nocte circúmdabit
eam super muros ejus ini-
quitas : * et labor in médio
ejus, et injustítia.

Et non defécit de platéis
ejus * usúra, et dolus.

Quóniam si inimicus meus maledixisset mihi, * sustinuissem útique.

Et si is, qui óderat me, super me magna locútus fuisset : * abscondissem me fòrsitan ab eo.

Tu vero homo unánimis, * dux meus, et notus meus :

Qui simul mecum dulces capiébas cibos : * in domo Dei ambulávimus cum consensu.

Véniat mors super illos : * et descéndant in inférnum vivéntes :

Quóniam nequitiæ in habitáculis eórum, * in médio eórum.

Ego autem ad Deum clamávi : * et Dñus salvábit me.

Véspere, et mane, et meridie narrábo et annuntiábo : * et exáudiet vocem meam.

Rédimet in pace ánimam meam ab his qui appropínquant mihi : * quóniam inter multos erant mecum.

Exáudiet Deus, et humiliábit illos, * qui est ante sæcula.

Non enim est illis commutatio, et non timuérunt Deum : * exténdit manum suam in retribuendo.

Contaminavérunt testaméntum ejus, divisi sunt ab ira vultus ejus, * et appropinquávit cor illius.

Molliti sunt sermónes ejus super óleum : * et ipsi sunt jácula.

Lacta super Dóminum cu-

ram tuam, et ipse te enútriet : * non dabit in ætérnum fluctuatióem justo.

Tu vero, Deus, dedúces eos, * in púteum intéritus.

Viri sánguinem et dolósi non dimidiábunt dies suos : * ego autem sperábo in te, Dómine.

Añã. Avértit Dóminus captivitátem plebis suæ.

Añã. Quóniam.

Psalmus 55.

MISERERE mei, Deus, quóniam conculcávit me homo : * tota die impúgnans tribulávit me.

Conculcavérunt me inimíci mei tota die : * quóniam multi bellántes advérsus me.

Ab altitúdine diéi timébo : * ego vero in te sperábo.

In Deo laudábo sermónes meos, in Deo sperávi : * non timébo quid fáciat mihi caro.

Tota die verba mea execrabántur : * advérsus me omnes cogitatióes eórum in malum.

Inhabitábunt et abscondent : * ipsi calcáneum meum observábunt.

Sicut sustinuérunt ánimam meam, pro níhilo salvos fácies illos : * in ira pópu-los confrínges.

Deus, vitam meam annuntiávi tibi : * posuisti lácrymas meas in conspéctu tuo.

Sicut et in promissione

tua : * tunc converténtur
inimici mei retrórsus :

In quacúmque die invo-
cávero te : * ecce cognóvi
quóniam Deus meus es.

In Deo laudábo verbum , in
Dómino laudábo sermónem :
* in Deo sperávi , non timébo
quid fáciat mihi homo.

In me sunt , Deus , vota
tua , * quæ reddam , lauda-
tiones tibi.

Quóniam eripuísti ánimam
meam de morte , et pedes
meos de lapsu : * ut plá-
ceam coram Deo in lúmine
vivéntium.

Psalmus 56.

MISERERE mei , Deus , mi-
serére mei : * quóniam
in te confidit ánimá mea.

Et in umbra alárum tuá-
rum sperábo , * donec trans-
eat iniquitas.

Clamábo ad Deum altíssi-
mum : * Deum qui benefécit
mihi.

Misit de cœlo , et liberávit
me : * dedit in oppróbrium
conculcantes me.

Misit Deus misericórdiam
suam , et veritátem suam , *
et erípuit ánimam meam de
medio catulórum leónum :
dormívi conturbátus.

Filii hóminum dentes eó-
rum arma et sagittæ : * et
lingua eórū gládius acútus.

Exaltáre super cœlos Deus :
* et in omnem terram gló-
ria tua.

Laqueum paravérunt pé-

dibus meis : * et incurvavé-
runt ánimam meam.

Foderunt ante faciém meam
fóveam : * et incidérunt
in eam.

Parátum cor meum , Deus ,
parátum cor meum : * can-
tábo , et psalmum dicam.

Exúrge glória mea , exúr-
ge psaltérium et cithara : *
exúrgam dilúculo.

Confitébor tibi in pópulis ,
Dómine : * et psalmum di-
cam tibi in géntibus :

Quóniam magnificáta est us-
que ad cœlos misericórdia
tua , * et usque ad nubes
véritas tua.

Exaltáre super cœlos , Deus :
* et super omnem terram
glória tua.

Añá. Quóniam in te con-
fidit ánimá mea.

Añá. Justa judicáte.

Psalmus 57.

SI vere útique justítiam
loquimini : * recta ju-
dicáte filii hóminum.

Etenim in corde iniquitá-
tes óperámini : * in terra
injustítias manus vestræ
concinnant.

Alienáti sunt peccatóres
a vulva , erravérunt ab úte-
ro : * locúti sunt falsa.

Furor illis secúndum si-
militúdinem serpéntis : *
sicut áspidis surdæ , et ob-
turántis aures suas.

Quæ non exáudiet vocem
incantántium : * et venéfici
incantántis sapiénter.

Deus cónteret dentes eórum in ore ipsórum : * molas leónum confringet Dóminus.

Ad nihilum devénient tamquam aqua decúrrens : * inténdit arcum suum donec infirméntur.

Sicut cera , quæ fluit , auferéntur : * supercécidit ignis, et non vidérunt solem.

Priusquam intelligerent spinæ vestræ rhamnum : * sicut vivéntes, sic in ira absórbet eos.

Lætábitur justus cum viderit vindictam : * manus suas lavábit in ságuine peccatóris.

Et dicet homo : Si útique est fructus justo : * útique est Deus júdicans eos in terra.

Psalmus 58.

ERIPE me de inimicis meis, Deus meus : * et ab insurgéntibus in me libera me.

Eripe me de operántibus iniquitatem : * et de viris sánguinem salva me.

Quia ecce cepérunt animam meam : * irruérunt in me fortes.

Neque iniquitas mea , neque peccátum meum, Dómine : * sine iniquitate cucúrri, et diréxi.

Exúrge in occúrsum meum, et vide : * et tu, Dómine Deus virtútum, Deus Israel. Inténde ad visitándas om-

nes gentes ; * non misereáris ómnibus, qui operántur iniquitatem.

Converténtur ad vésperam : et famem patiéntur ut canes, * et circuibunt civitatem.

Ecce loquéntur in ore suo, et gládius in lábiis eórum : * quóniam quis audívit ?

Et tu , Dómine , deridébis eos : * ad nihilum dedúces omnes gentes.

Fortitúdinem meam ad te custódiam , quia Deus suscepátor meus es : * Deus meus, misericórdia ejus præveníet me.

Deus osténdet mihi super inimicos meos, ne occidas eos : * nequándo oblivi-scántur pópuli mei.

Dispérge illos in virtúte tua : * et depóne eos protectór meus , Dómine.

Delictum oris eórum , sermónem labiórum ipsórum : * et comprehendántur in supérbia sua.

Et de execratíone et mendácio annuntiabúntur in consummatíone : * in ira consummatiónis , et non erunt.

Et scient quia Deus dominábitur Jacob, * et finium terræ.

Converténtur ad vésperam, et famem patiéntur ut canes : * et circuibunt civitatem.

Ipsi dispergéntur ad manducándum : * si vero non

fuerint saturati, et murmurabunt.

Ego autem cantabo fortitudinem tuam : * et exultabo mane misericordiam tuam.

Quia factus es susceptor meus * et refugium meum, in die tribulationis meae.

Adjutor meus tibi psallam, quia Deus susceptor meus es : * Deus meus, misericordia mea.

Añā. Justa judicāte, filii hominum.

Añā. Da nobis.

Psalmus 59.

DEUS, repulisti nos, et destruxisti nos : * iratus es, et misertus es nobis.

Commovisti terram, et conturbasti eam : * sana contritiones ejus, quia commota est.

Ostendisti populo tuo dura : * potasti nos vino commotionis.

Dedisti metuētibz te significationem : * ut fugiant a facie arcus.

Ut liberentur dilecti tui : * saluum fac dextera tua, et exaudi me.

Deus locutus est in sancto suo : * Lætabor, et partabor Sichimam : et convālem tabernaculorum metabor.

Meus est Galaad, et meus est Manasses : * et Ephraim fortitudo capitis mei.

Juda rex meus : * Moab olla spei meae.

In Idumæam extendam cal-

ceamentum meum : * mihi alienigenæ subditi sunt.

Quis deducet me in civitatem munitam? * quis deducet me usque in Idumæam?

Nonne tu, Deus, qui repulisti nos : * et non egrediēris, Deus, in virtutibus nostris?

Da nobis auxilium de tribulatione : * quia vana salus hominis.

In Deo faciēmus virtutem : * et ipse ad nihilum deducet tribulantes nos.

Psalmus 60.

EXAUDI, Deus, deprecationem meam : * intēde orationi meae.

A finibus terræ ad te clamavi : * dum anxiaretur cor meum, in petra exaltasti me.

Deduxisti me, quia factus es spes mea : * turris fortitudinis a facie inimici.

Inhabitabo in tabernaculo tuo in sæcula : * protégar in velamento alarum tuarum.

Quoniam tu, Deus meus, exaudisti orationem meam : * dedisti hereditatem timētibz nomen tuum.

Dies super dies regis adjicies : * annos ejus usque in diem generationis et generationis.

Permanet in ætēnum in conspectu Dei : * misericordiam et veritatem ejus quis requirēt?

Sic psalmum dicam nōmini tuo in sæculum sæcu-

li : * ut reddam vota mea de die in diem.

Añā. Da nobis, Dómine, auxilium de tribulatióne.

Añā. Nonne Deo.

Psalmus 61.

NONNE Deo subjécta erit ánima mea? * ab ipso enim salutáre meum.

Nam et ipse Deus meus, et salutáris meus : * suscep-
tor meus, non movébor ámplius.

Quóusque irrúitis in hóminem? * interficitis universi vos : tamquam parieti inclináto et macériæ depúlsæ.

Verúmtamen prétium meum cogitavérunt repéllere, cucúrri in siti : * ore suo benedicébant, et corde suo maledicébant.

Verúmtamen Deo subjécta esto ánima mea : * quóniam ab ipso patiéntia mea.

Quia ipse Deus meus, et salvátor meus : * adjutor meus non emigrábo.

In Deo salutáre meum, et glória mea : * Deus auxilií mei, et spes mea in Deo est.

Speráte in eo omnis congregatió pópuli, effúndite coram illo corda vestra : * Deus adjutor noster in ætérnum.

Verúmtamen vani filii hóminum, mendáces filii hóminum in statéris : * ut decipiant ipsi de vanitáte in idipsum.

Nolite speráre in iniquitáte, et rapinas nolite concupiscere : * divitiæ si affluant, nolite cor appónere. Semel locútus est Deus, duo hæc audiui, quia potestas Dei est, et tibi, Dómine, misericórdia : * quia tu reddes unicuique juxta ópera sua.

Psalmus 62.

EXAUDI, Deus, oratióem meam cum déprecor : * a timóre inimici éripe ánimam meam.

Protexisti me a convéntu malignántium : * a multitudine operántiū iniquitátem.

Quia exacuérunť ut gládium linguas suas : * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitátes : * defecérunt scrutántes scrútínio.

Accédet homo ad cor altum : * et exaltábitur Deus. Sagittæ parvulórum factæ sunt plagæ eórum : * et infirmátæ sunt contra eos linguæ eórum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera Dei : * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Ana. Nonne Deo subjécta erit ánima mea?

Aña. Benedicite.

Psalmus 65.

JUBILATE Deo omnis terra, * psalmum dicite nómini ejus : * date glóriã laudi ejus.

Dicite Deo : quam terribilia sunt ópera tua, Dómine ! * in multitudine virtútis tuæ mentiéntur tibi inimici tui.

Omnis terra adóret te, et psallat tibi : * psalmum dicat nómini tuo.

Venite, et vidéte ópera Dei : * terribilis in consiliis super filios hóminum.

Qui convértit mare in áridam, in flúmine pertransibunt pede : * ibi lætábimur in ipso.

Qui dominátur in virtúte sua in ætérnum, óculi ejus super gentes respiciunt : * qui exásperant, non exalténtur in semetipsis.

Benedícite Gentes Deum nostrum : * et auditam fácite vocem laudis ejus.

Qui pósuit ánimam meam ad vitam : * et non dedit in commotióem pedes meos.

Quóniam probásti nos Deus : * igne nos examinásti, sicut examinátur argéntum.

Induxísti nos in láqueum, posuísti tribulatiónes in dorso nostro : * imposuísti hómines super cápita nostra.

Transivimus per ignem et aquam : * et eduxísti nos in refrigerium.

Introibo in domum tuam in holocáustis : * reddam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocáusta medulláta offeram tibi cum incénso arietum : * offeram tibi boves cum hircis.

Venite, audíte, et narrábo, omnes qui timétis Deum, * quanta fecit ánimæ meæ.

Ad ipsum ore meo clamávi, * et exaltávi sub lingua mea.

Iniquitatem si aspéxi in corde meo, * non exáudiet Dóminus.

Proptérea exaudivit Deus, * et atténdit voci deprecatiónis meæ.

Benedictus Deus, * qui non amóvit oratióem meam, et misericórdiam suam a me.

Psalmus 67.

EXURGAT Deus, et dissipéntur inimici ejus, * et fugiant qui odérunt eum, a fácie ejus.

Sicut déficit fumus, deficient : * sicut fluit cera a fácie ignis, sic péreant peccatóres a fácie Dei.

Et justi epuléntur, et

exultent in conspéctu Dei :
* et delecténtur in lætítia.

Cantáte Deo, psalmum dí-
cite nómini ejus : * iter fáci-
te ei, qui ascéndit super oc-
cásus : Dóminus nomen illi.

Exultáte in conspéctu
ejus : * turbabúntur a fácie
ejus, patris orphanórum, et
júdicis viduárum :

Deus in loco sancto suo :
* Deus, qui inhabítare facit
unius moris in domo.

Qui edúcit vinctos in for-
títudine, * similiter eos, qui
exásperant, qui hábitant in
sepúlchris.

Deus, cum egrederéris in
conspéctu pópuli tui, * cum
pertransíres in desérto :

Terra mota est, étenim cœ-
li distillavérunt a fácie Dei
Sínai, * a fácie Dei Israel.

Flúviam voluntáriam se-
gregábis, Deus, hereditáti
tuæ : * et infirmáta est, tu
vero perfecísti eam.

Animália tua habitábunt
in ea : * parásti in dulcé-
dine tua páuperi, Deus.

Dóminus dabit verbum
evangelizántibus, * virtúte
multa.

Rex virtútum dilécti dilé-
cti : * et speciéi domus di-
videre spólia.

Si dormiátis inter médios
cleros, pennæ columbæ dear-
gentátæ, * et posterióra
dorsi ejus in pallóre auri.

Illum discérnit cœléstis re-
ges super eam, nive deal-

babúntur in Selmon : *
mons Dei, mons pinguis.

Mons coagulátus, mons pin-
guis : * utquid suspicámini
montes coagulátos?

Mons, in quo benepláci-
tum est Deo habitáre in
eo : * étenim Dóminus ha-
bitábit in finem.

Currus Dei decem milli-
bus múltiplex, míllia læ-
tántium : * Dóminus in eis
in Sina in sancto.

Ascendisti in altum, ce-
písti captivitátem : * acce-
písti dona in homínibus :

Etenim non credéntes, *
inhabitáre Dóminum Deum.

Benedictus Dóminus die
quotidie : * prósperum iter
faciet nobis Deus salutárium
nostrórum.

Deus noster, Deus salvos
faciéndi : * et Dómini Dó-
mini éxitus mortis.

Verúmtamen Deus confrín-
get cápita inimicórum suó-
rum : * vérticem capilli per-
ambulántium in delictis suis.

Dixit Dóminus : Ex Ba-
san convértam, * convér-
tam in profúndum maris,

Ut intingátur pes tuus in
sánguine : * lingua canum
tuórum ex inimícis ab ipso.

Vidérunt ingrédus tuos,
Deus, * ingrédus Dei mei,
Regis mei qui est in sancto.

Prævenérunt principes con-
júcti psalléntibus, * in
medio juveniculárum tympa-
nistriárum.

In ecclésiis benedicite Deo
Dómino, * de fountibus Is-
rael.

Ibi Bénjamin adolescén-
tulus, * in mentis ex-
césu.

Principes Juda, duces
eórum : * principes Zabu-
lon, príncipes Néphthali.

Manda, Deus, virtúti tuæ :
* confirma hoc Deus, quod
operátus es in nobis.

A templo tuo in Jerúsalem,
* tibi offerent reges múnera.

Increpa feras arúndinis,
congregatio taurórum in
vaccis populórum : * ut ex-
cludant eos, qui probáti
sunt argento.

Dissipa gentes, quæ bella
volunt : vénient legáti ex
Ægypto : * Æthiopia præ-
véniet manus ejus Deo.

Regna terræ, cantáte Deo :
* psállite Dómino :

Psállite Deo, qui ascén-
dit super cælum cœli, * ad
Oriéntem.

Ecece dabit voci suæ vo-
cem virtútis, date glóriam
Deo super Israel, * magni-
ficéntia ejus, et virtus ejus
in núbibus.

Mirábilis Deus in sanctis
suis, Deus Israel ipse da-
bit virtútem, et fortitudinem
plebi suæ, * benedictus Deus.

Aña. Benedicite, gentes,
Deum nostrum.

In Quad. . v. Scuto circúm-
dabit te véritas ejus. R. Non
timébis a timóre noctúrno.

Tempore Passionis, y. Ne
perdas cum impiis, Deus,
ánimam meam. R. Et cum vi-
ris sánguinum vitam meam.

Temp. Pasch. . Aña. Alle-
lúia, allelúia, allelúia. y. Ga-
visi sunt discípuli, allelúia.
R. Viso Dómino, allelúia.

Pro uno. vel plur. Mart. .
temp. Pasch. y. Lætítia sem-
pitérna super cápita eórum,
allelúia. R. Gáudium et exul-
tationem obtinébunt, alle-
lúia.

Pro Conf. Pont. . temp.
Pasch. y. Tu es sacérdos in
ætérnum, allelúia. R. Secún-
dum, órđinem Melchisedech,
allelúia.

Pro Conf. non Pont. . y.
Lex Dei ejus in corde ipsíus,
allelúia. R. Et non sup-
plantabúntur gressus ejus,
allelúia.

Pro una Sancta. y. Elé-
git eam Deus, et prælégit
eam, allelúia. R. In taberná-
culo suo habitare facit eam,
allelúia.

AD LAUDES,

Aña. Amplius lava me,
Dómine, ab injustítia mea.
Ps. Miserére. 60.

Aña. Te decet.

Psalmus 61.

TE decet hymnus, Deus,
in Sion : * et tibi reddé-
tur votum in Jerúsalem.

Exáudi orationem meam :
* ad te omnis caro véniet.
Verba iniquórum præva-
luérunt super nos : * et

impietátibus nostris tu propitiaberis.

Beátus, quem elegisti, et assumpsisti : * inhabitabit in átriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos, Deus salutáris noster, * spes ómnium finium terræ, et in mari longe.

Præparans montes in virtute tua, accinctus poténtia : * qui contúrbas profundum maris, sonum fluctuum ejus.

Turbabúntur Gentes, et timébunt qui hábitant terminos a signis tuis : * éxitus matutini et vespere delectábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparátio ejus.

Rivos ejus inébria, multiplica genimina ejus : * in stillicidiis ejus lætábitur gérmians.

Benedices coronæ anni benignitátis tuæ : * et campi tui replebúntur ubertáte.

Inguéscent speciosa déserti : * et exultatióne colles accingéntur.

Indúti sunt arietes óvium, et valles abundábunt fru-

ménto : * clamábunt, étenim hymnum dicent.

Añs. Te decet hymnus, Deus, in Sion.

Añs. Lábia mea laudábunt te in vita mea, Deus meus.

Ps. Deus, Deus meus. 19.

Añs. Dóminus judicábit.

Cant. Annæ. 1. Reg. 2.

EXULTAVIT cor meum in Dómino, * et exaltátum est cornu meum in Deo meo :

Dilatátum est os meum super inimicos meos : * quia lætata sum in salutári tuo.

Non est sanctus, ut est Dóminus ; neque enim est álius extra te, * et non est fortis sicut Deus noster.

Nolite multiplicáre loqui sublimia, * gloriántes :

Recédant vétera de ore vestro : quia Deus scientiarum Dóminus est, * et ipsi præparántur cogitatiónes.

Arcus fórtium superátus est, * et infirmi accincti sunt róbre.

Repléti prius, pro pámbus se locavérunt : * et famélici saturáti sunt.

Donec stérilis péperit plúrimos : * et quæ multos habébat filios, infirmáta est.

Dóminus mortificat et vivificat, * dedúcit ad inferos et redúcit.

Dóminus páuperem facit, et ditat, * humiliat, et súblevat.

Eúscitat de pulvere egé-

num, * et de stercore elevat
pauperem :

Ut sédeat cum principibus,
* et sólium glóriæ téneat.

Dómini enim sunt cárdi-
nes terræ, * et pósuit su-
per eos orbem.

Sedes sanctórum suórum
servábit, et impíi in téne-
bris conticéscunt : * quia
non in fortitúdine sua robo-
rábitur vir.

Dóminum formidábunt ad-
versárii ejus : * et super
ipsos in cœlis tonábit :

Dóminus judicábit fines
terræ, et dabit impérium
regi suo, * et sublimábit
cornu Christi sui.

Añ. Dóminus judicábit
fines terræ.

Añ. Cœli cœlórum, lau-
dáte Deum. *Ps.* Laudáte
Dóminum de cœlis, *ut* 24.

In Quadrag. Cap. Isa. 58.

CLAMA, ne cesses : quasi
tuba exálta vocem tuam,
et annúntia pópulo meo scé-
lera eórum, et dómui Ja-
cob peccáta eórum.

Hymnus.

(I) sol salútis, íntimis,
Jesu, refúlge méntibus,
Dum nocte pulsa, grátior
Orbi dies renáscitur.

Sans tempus acceptábile,
Da lacrymárum rívlis
Lavare cordis víctimam,
Quam læta adúrat cháritas.

Quo fonte manávit nefas,
Fluent perénnes lácrymæ,
Si virga pœniténtiæ

Cordis rigórem cónterat.

Dies venit, dies tua,
In qua reflórent ómnia :

Lætémur et nos in viam
Tua redúcti délixera.

Te prona mundi máchina,
Clemens, adóret, Trínitas,
Et nos novi per grátiam
Novum canámus cánticum.

Amen.

Ÿ. Angelis suis Deus man-
dávít de te. *R.* Ut custódi-
ant te in ómnibus viis tuis.

Ad Benedictus, Añ. pro-
pria, *ut in Feriis Quadrag.*
Preces, quando dicuntur,
habentur 63.

FERIA QUINTA.

Ad Matutinum.

In Quadrag., Invitator.
Dóminum, qui fecit nos, *
Veníte adorémus. *Ps.* Veníte,
exultémus. 2.

Hymnus. Ex more docti,
ut in Dñica. 3.

Temp. Pasch. Invitat. Al-
lelúia, allelúia, * Allelúia.

Hymn. Rex sempitérne. 3.
Añ. Dómine Deus.

Temp. Pasch. Añ. Allel.
Psalmus 68.

SALVUM me fac, Deus, *
Squóniam intravérunt aquæ
usque ad ánimam meam.
Infixus sum in limo profún-
di : * et non est substántia.
Veni in altitúdinem maris :
* et tempésta demérsit me.
Laborávi clamans, raucæ
factæ sunt fauces meæ : *
defecérunt óculi mei, dum
spero in Deum meum.

Multiplicati sunt super capillos capitis mei, * qui odérunt me gratis.

Confortati sunt qui persecuti sunt me inimici mei iniuste: * quæ non rapui, tunc exolvebam.

Deus tu scis insipientiam meam: * et delicta mea a te non sunt abscondita.

Non erubescant in me, qui expéctant te, Dómine, * Dómine virtutum.

Non confundantur super me, * qui quærun't te, Deus Israel.

Quóniam propter te sustinui opprobrium: * operuit confusio faciem meam.

Extraneus factus sum fratribus meis, * et peregrinus filiis matris meæ.

Quóniam zelus domus tuæ comédit me: * et opprobria exprobrantium tibi ceciderunt super me.

Et operui in jejúnio animam meam: * et factum est in opprobrium mihi.

Et posui vestimentum meum cilicium: * et factus sum illis in parabolam.

Adversum me loquebantur qui sedebant in porta: * et in me psallébant qui bibébant vinum.

Ego vero orationem meam ad te, Dómine: * tempus beneplaciti Deus.

In multitúdine misericordiæ tuæ exáudi me, * in veritate salutis tuæ:

Eripe me de luto, ut non infligat: * libera me ab iis, qui odérunt me, et de profundis aquarum.

Non me demérgat tempésta aquæ, neque absorbeat me profundum: * neque urgeat super me puteus os suum.

Exáudi me, Dómine, quóniam benígna est misericórdia tua: * secúndum multitudinem miserationum tuarum respice in me.

Et ne avértas faciem tuam a púero tuo: * quóniam tribulor, velociter exáudi me.

Inténde animæ meæ, et libera eam: * propter inimicos meos éripe me.

Tu scis impropérium meum, et confusionem meam, * et reveréntiam meam.

In conspéctu tuo sunt omnes qui tribulant me: * impropérium expectávit cor meum, et misériam.

Et sustinui qui simul contristarétur, et non fuit: * et qui consolarétur, et non invéni.

Et dedérunt in escam meam fel: * et in siti mea potavérunt me acéto.

Fiat mensa eórum coram ipsis in láqueum: * et in retributiónes, et in scándalum.

Obscuréntur óculi eórum ne vídeant: * et dorsum eórum semper incurva.

Effunde super eos iram tuam: * et furor iræ tuæ comprehéndat eos.

Fiat habitatio eorum deserta : * et in tabernaculis eorum non sit qui inhabitet.

Quoniam quem tu percussisti persecuti sunt : * et super dolorem vulneryum meorum addiderunt.

Appone iniquitatem super iniquitatem eorum : * et non intrent in justitiam tuam.

Deleantur de libro viventium : * et cum justis non scribantur.

Ego sum pauper et dolens : * salus tua , Deus , suscepit me.

Laudabo nomen Dei cum cantico : * et magnificabo eum in laude :

Et placebit Deo super vitulum novellum : * cornua producentem et ungulas.

Videant pauperes , et lætentur : * quærite Deum , et vivet anima vestra :

Quoniam exaudivit pauperes Dominus : * et vinctos suos non despexit.

Laudent illum cœli et terra , * mare , et omnia reptilia in eis.

Quoniam Deus salvam faciet Sion : * et ædificabuntur civitates Juda.

Et inhabitabunt ibi , * et hereditate acquirant eam.

Et semen servorum ejus possidebit eam : * et qui diligunt nomen ejus , habitabunt in ea.

Psalmus 69.

DEUS, in adiutorium meum intende : * Domine , ad adjuvandum me festina.

Confundantur , et revereantur : * qui quærunt animam meam :

Avertantur retrorsum , et erubescant , * qui volunt mihi mala.

Avertantur statim erubescētes : * qui dicunt mihi : Euge , euge.

Exultent et lætentur in te omnes qui quærunt te , * et dicant semper : Magnificetur Dominus : qui diligunt salutare tuum.

Ego vero egenus , et pauper sum : * Deus adjuva me.

Adjutor meus , et liberator meus es tu : * Domine , ne moreris.

Añā. Domine Deus , in adiutorium meum intende.

Añā. Esto mihi.

Psalmus 70.

IN te, Domine, speravi, non confundar in æternum : * in justitia tua libera me , et eripe me.

Inclina ad me aurem tuam , * et salva me.

Esto mihi in Deum protectorem , et in locum munitum : * ut salvum me facias.

Quoniam firmamentum meum , * et refugium meum es tu.

Deus meus , eripe me de manu peccatoris , * et de manu contra legem agentis et iniqui :

Quóniam tu es patiéntia mea, Dómine : * Dómine, spes mea a juventúte mea.

In te confirmátus sum ex útero : * de ventre matris meæ tu es protéctor meus.

In te cantátio mea semper : * tamquam prodígium factus sum multis : et tu adjútor fortis.

Repleátur os meum laude, ut cantem glóriam tuam : * tota die magnitúdinē tuam.

Ne projicias me in témpore senectútis : * cum defécerit virtus mea, ne derelinquas me.

Quia dixerunt inimíci mei mihi : * et qui custodiébant ánimam meam, consílium fecerunt in unum.

Sicéntes : Deus derelíquit eum, persequímini, et comprehéndite eum : * quia non est qui erípiat.

Deus, ne elongéris a me : * Deus meus, in auxílium meum réspice.

Confundántur, et deficiant detrahéntes ánimæ meæ : * operiántur confusiónē, et pudóre qui quærunt mala mihi.

Ego autem semper sperábo : * et adjiciam super omnem laudem tuam.

Os meum annuntiábit justítiam tuam : * tota die salutáre tuum.

Quóniam non cognóvi literatúram, introibo in poténtias Dómini : * Dómine,

memorábor justítiae tuæ solius.

Deus docuísti me a juventúte mea : * et usque nunc pronuntiábo mirabilia tua.

Et usque in senéctam et sénium : * Deus ne derelinquas me.

Donec annúntiem bráchium tuum * generatióni omni, quæ ventúra est.

Poténtiam tuam, et justítiam tuam Deus usque in altíssima, quæ fecísti magnália : * Deus quis símilis tibi?

Quantas ostendísti mihi tribulatiónes multas, et malas : et convérsus vivificásti me : * et de abyssis terræ iterum reduxísti me :

Multiplicásti magnificéntiam tuam : * et convérsus consolátus es me.

Nam et ego confitébor tibi in vasis psalmi veritatem tuam : * Deus, psallam tibi in cithara, sanctus Israel.

Exultábunt lábia mea cum cantávero tibi : * et ánimæ mea, quam redemísti.

Sed et lingua mea tota die meditábitur justítiam tuam : * cum confusi et revériti fuerint qui quærunt mala mihi.

Psalmus 71.

DEUS judícium tuum regida : * et justítiam tuam filio regis :

judicáre pópulum tuum in justítia, * et páuperes tuos in judício.

suscipiant montes pacem
pópulo : * et colles justitiam.

Judicabit páuperes pópuli,
et salvos faciet filios páuperum : * et humiliabit calumniatórem.

Et permanébit cum sole,
et ante lunam, * in generatione et generationem.

Rescéndet sicut pluvia in vellus : * et sicut stillicidia stillántia super terram.

Triétur in diébus ejus justitia, et abundántia pacis : * donec auferátur luna.

Et dominábitur a mari usque ad mare : * et a flumine usque ad términos orbis terrarum.

Coram illo prócident Æthiopes : * et inimici ejus terram lingent.

Reges Tharsis, et insulæ múnera ófferent : * reges Arabum, et Saba dona addúcent.

Et adorábunt eum omnes reges terræ : * omnes gentes sérvient ei :

quia liberábit páuperem a poténte : * et páuperem cui non erat adjutor.

Marcet páuperi et inopi : * et ánimas páuperum salvas faciet.

Ex usúris et iniquitate rédimet ánimas eórum : * et honorábile nomen eórum coram illo.

Et vivet, et dábitur ei de auro Arábiæ, et adorábunt

de ipso semper : * tota die benedicent ei.

Et erit firmaméntum in terra in summis móntium, superextollétur super Libanum fructus ejus : * et florébunt de civitate sicut fœnum terræ.

Sit nomen ejus benedictum in sæcula : * ante solem permanet nomen ejus.

Et benedicéntur in ipso omnes tribus terræ : * omnes gentes magnificábunt eum.

Benedictus Dóminus Deus Israel, * qui facit mirabilia solus :

Et benedictum nomen majestátis ejus in ætérnum : * et replébitur majestate ejus omnis terra : fiat, fiat.

Añã. Esto mihi, Dómine, in Deum protectórem.

Añã. Liberásti virgam.

Psalmus 72

QUAM bonus Israel Deus *
His, qui recto sunt corde !
Mei autem pene moti sunt pedes : * pene effusi sunt gressus mei.

quia zelavi super iníquos, * pacem peccatórum videns.
quia non est respéctus mortis eórum ; * et firmaméntum in plaga eórum.

In labóre hóminum non sunt, * et cum hominibus non flagellabúntur :

Ideo ténuit eos supérbia, * opérti sunt iniquitate et impietate sua.

Pródiit quasi ex adipē iniquitas eórum : * transiérunt in afféctum cordis.

Cogitavérunt, et locúti sunt nequitiam : * iniquitatem in excélsio locúti sunt.

Posuérunt in cælum os suum : * et lingua eórum transívit in terra.

Ideo convertétur pópulus meus hic : * et dies pleni inveniéntur in eis.

Et dixerunt : Quómodo scít Deus, * et sí est sciéntia in excélsio?

Eccē ipsi peccatóres, et abundántes in sæculo, * obtinuérunt divítias.

Et dixi : Ergo sine causa justificávi cor meum, * et lavi inter innocéntes manus meas :

Et fui flagellátus tota die, * et castigátio mea in matutinis.

Si dicébam : Narrábo sic : * ecce natióem filiórum tuórum reprobávi.

Existimábam ut cognóscerem hoc, * labor est ante me :

Ponec intrem in Sanctuárium Dei : * et intélligam in novíssimis eórum.

Verúmtamen propter dolos posuísti eis : * deiecísti eos dum allevaréntur.

Quómodo facti sunt in desolatióem, súbito defecérunt : * periérunt propter iniquitatem suam.

Velut sómnum surgéntium, Dómine, * in civitáte tua

imáginem ipsórum ad níhilum rédiges.

Quia inflammátum est cor meum, et renes mei commutáti sunt : * et ego ad níhilum redáctus sum, et nescívi.

Ut juméntum factus sum apud te : * et ego semper tecum.

Tenuísti manum dexteram meam : et in voluntáte tua deduxísti me, * et cum glória suscepísti me.

Quid enim mihi est in cælo? * et a te quid vólui super terram?

Defécit caro mea, et cor meum : * Deus cordis mei, et pars mea, Deus, in ætérnum.

Quia ecce, qui elóngant se a te, peribunt : * perdidísti omnes, qui fornicántur abs te.

Mihi autem adhærere Deo bonum est : * pónere in Dómino Deo spem meam :

Ut annúntiem omnes prædicationes tuas, * in portis filiæ Sion.

Psalmus 73.

UT quid, Deus, repulísti in finem : * irátus est furor tuus super oves páscuæ tuæ?

Memor esto congregatiónis tuæ, * quam possedísti ab initio.

Redemísti virgam hereditátis tuæ : * mons Sion, in quo habitásti in eo.

Leva manus tuas in super-
bias eorum in finem : * quan-
ta malignatus est inimicus
in sancto !

Et gloriati sunt qui odé-
runt te : * in médio sole-
mnitatis tuæ.

Posuérunt signa sua, signa :
* et non cognovérunt sicut
in éxitu super summum.

Quasi in silva lignorum
secúribus excidérunt jánuas
ejus in idipsum : * in secú-
ri, et áscia dejecérunt eam.
Incendérunt igni Sanctuá-
rium tuum : * in terra pol-
luérunt tabernáculum nómi-
nis tui.

Dixerunt in corde suo cogná-
tio eorum simul : * quiéscere
faciámus omnes dies festos
Dei a terra.

Signa nostra non vidimus,
jam non est Prophéta : * et
nos non cognóscet ámplius.

Usquequo, Deus, imprope-
rábit inimicus : * irritat
adversárius nomen tuum in
finem ?

Ut quid avértis manum
tuam, et dexteram tuam, *
de médio sinu tuo in fi-
nem ?

Deus autem Rex noster
ante sæcula : * operátus est
salútem in médio terræ.

Tu confirmásti in virtúte
tua mare : * contribulásti
cápita draconum in aquis.

Tu confregisti cápita dra-
cónis : * dedisti eum escam
pópulis Æthiopum.

Tu dirupísti fontes, et
torréntes : * tu siccásti flú-
vios Ethan.

Tuus est dies, et tua est
nox : * tu fabricátus es au-
róram et solem.

Tu fecísti omnes términos
terræ, * æstátem et ver tu
plasmásti ea.

Memor esto hujus, inimi-
cus improperávit Dómino :
* et pópulus insípiens in-
citávit nomen tuum.

Ne tradas béstiis ánimas
confiténtes tibi, * et ánimas
páuperum tuórum ne obli-
viscáris in finem.

Réspice in testaméntum
tuum : * quia repléti sunt,
qui obscuráti sunt, terræ
dómibus iniquitátum.

Ne avertátur húmilis fa-
ctus confúsus : * pauper et
inops laudábunt nomen
tuum.

Exúrge, Deus, júdica causam
tuam : * memor esto im-
properiórum tuórum, eórum
quæ ab insipiente sunt tota
die.

Ne obliviscáris voces ini-
micórum tuórum : * super-
bia eórum, qui te odérunt,
ascéndit semper.

Añá. Liberásti virgam here-
ditátis tuæ.

Añá. Et invocábimus.

Psalmus 74.

CONFITEBIMUR tibi, Deus, *
confitébimur, et invocá-
bimus nomen tuum.

Narrábimus mirabilia tua :

* cum accépero tempus ,
ego justítias judicábo.

Liquefacta est terra , et
omnes qui hábitant in ea :
* ego confirmávi colúmna
ejus.

Dixi iníquis : Nolíte iní-
que ágere : * et delinquén-
tibus: Nolíte exaltáre cornu.
Nolíte extóllere in altum
cornu vestrum : * nolíte
loqui advérsus Deum ini-
quitátem.

Quia neque ab Oriénte ,
neque ab Occidénte , neque
a désértis móntibus : *
quóniam Deus judex est.

Nunc humiliat , et hunc
exáltat : * quia calix in
manu Dómini vini meri ple-
nus misto.

Et inclinávit ex hoc in
hoc : verúmtamen sæx ejus
non est exinaníta : * bibent
omnes peccatóres terræ.

Ego autem annuntiábo in
sæculum : * cantábo Deo
Jacob.

Et ómnia córnua pecca-
tórum confríngam : * et
exaltabúntur córnua justi.

Psalmus 73.

NOTUS in Judæa Deus : *
in Israel magnum no-
men ejus.

Et factus est in pace locus
ejus : * et habitatio ejus in
Sion.

Ibi confrégit poténtias ár-
cuum , * scutum , gládium
et bellum.

Illuminans tu mirabiliter

a móntibus ætéris : * tur-
báti sunt omnes insipientes
corde.

Dormiérunt somnum suum:
* et nihil invenérunt omnes
viri divitiárum in máribus
suis.

Ab increpatióne tua , Deus
Jacob , * dormitavérunt qui
ascendérunt equos.

Tu terribilis es , et quis
résistet tibi ? * ex tunc ira
tua.

De cœlo auditum fecísti
judícium : * terra trémuit
et quiévit ,

Cum exúrgeret in judí-
cium Deus , * ut salvos fá-
ceret omnes mansuétos ter-
ræ.

Quóniam cogitatio hóminis
confitébitur tibi : * et reli-
quix cogitátionis diem fe-
stum agent tibi.

Novéte , et réddite Dómino
Deo vestro : * omnes qui
in circúitu ejus affértis mú-
nera.

Terribili et ei qui aufert
spíritum princípum , * ter-
ribili apud reges terræ.

Aññ. Et invocábimus no-
men tuum , Dómine.

Aññ. Tu es Deus.

Psalmus 76.

VOCE mea ad Dóminum
clamávi : * voce mea ad
Deum , et inténdit mihi.

In die tribulátionis meæ
Deum exquisivi , máribus
meis nocte contra eum : *
et non sum decéptus.

Venit consolari anima mea, * memor fui Dei, et delectatus sum, et exercitatus sum, et defecit spiritus meus.

Anticipaverunt vigilias oculi mei : * turbatus sum, et non sum locutus.

Cogitavi dies antiquos : * et annos æternos in mente habui.

Et meditatus sum nocte cum corde meo, * et exercitabar, et scopëbam spiritum meum.

Numquid in æternum projiciet Deus : * aut non apponet ut complacitior sit adhuc ?

Aut in finem misericordiam suam abscindet, * a generatione in generationem ?

Aut obliviscetur misereri Deus ? * aut continëbit in ira sua misericordias suas ?

Et dixi, Nunc coëpi : * hæc mutatio dexteræ Excelsi.

Memor fui operum Domini : * quia memor ero ab initio mirabilium tuorum.

Et meditabor in omnibus operibus tuis : * et in adinventionibus tuis exercëbor.

Deus in sancto via tua : quis Deus magnus sicut Deus noster ? * tu es Deus qui facis mirabilia.

Notam fecisti in populis virtutem tuam : * redemisti in brachio tuo populum tuum, filios Jacob, et Joseph.

Viderunt te aquæ, Deus, viderunt te aquæ : * et timuerunt, et turbatæ sunt abyssi.

Multitudo sonitus aquarum : * vocem dederunt nubes.

Etenim sagittæ tuæ transeunt : * vox tonitruï tui in rota.

Illuxerunt coruscationes tuæ orbi terræ : * commota est et contrémuit terra.

In mari via tua, et semitæ tuæ in aquis multis : * et vestigia tua non cognoscuntur.

Deduxisti sicut oves populum tuum, * in manu Moysi et Aaron.

Psalmus 77.

ATTENDITE, pópule meus, legem meam : * inclinâte aurem vestram in verba oris mei.

Apëriam in parabolis os meum : * loquar propositiones ab initio.

Quanta audivimus, et cognovimus ea : * et patres nostri narraverunt nobis.

Non sunt occultata a filiis eorum, * in generatione altera.

Narrâtes laudes Domini, et virtutes ejus, * et mirabilia ejus quæ fecit.

Et suscitavit testimónium in Jacob : * et legem pósuit in Israel.

Quanta mandavit patribus nostris nota facere ea filiis

suis : * ut cognóscat generatio áltera.

Filii qui nascéntur , et exúrgent , * et narrábunt filiis suis :

Ut ponant in Deo spem suam , et non obliviscántur óperum Dei : * et mandáta ejus exquirant.

Ne fiant sicut patres eórum : * generatio prava et exásperans :

Generatio , quæ non diréxit cor suum : * et non est créditus cum Deo spiritus ejus.

Filii Ephrem intendéntes et mitténtes arcum : * conversi sunt in die belli.

Non custodiérunt testaméntum Dei : * et in lege ejus noluérunt ambuláre.

Et obliti sunt benefactorum ejus , * et mirábiliū ejus , quæ osténdit eis.

Goram pátribus eórum fecit mirabilia in terra Ægypti , * in campo Táneos :

Interrúpit mare , et perdúxit eos : * et státuit aquas quasi in utre.

Et dedúxit eos in nube diéi : * et tota nocte in illuminatione ignis.

Interrúpit petram in erémo : * et adaquávit eos velut in abyssō multa.

Et edúxit aquam de petra : * et dedúxit tamquam flúmina aquas.

Et apposuérunt adhuc peccáre ei : * in iram exci-

tavérunt Excélsū in inaquóso.

Et tentavérunt Deum in córdibus suis : * ut péterent escas animábus suis.

Et male locúti sunt de Deo : * dixerunt : Numquid póterit Deus paráre mensam in desérto?

Quóniam percússit petram , et fluxérunt aquæ , * et torréntes inundavérunt.

Numquid et panem póterit dare , * aut paráre mensam pópulo suo?

Ideo audívit Dóminus , et distulit : * et ignis accénsus est in Jacob , et ira ascéndit in Israel.

Quia non credidérunt in Deo , * nec speravérunt in salutári ejus :

Et mandávit núbibus désuper , * et jánuas cœli apérui.

Et pluit illis manna ad manducándum , * et panem cœli dedit eis.

Panem Angelórum manducávit homo : * cibária misit eis in abundántia.

Tránstulit Austrum de cœlo : * et indúxit in virtúte sua Africum.

Et pluit super eos sicut púlverem carnes : * et sicut arénam maris volatília penána.

Et cecidérunt in médio castrórum eórum : * circa tabernácula eórum.

Et manducavérunt et saturáti sunt nimis , et desidé-

rium eórum áttulit eis : * non sunt fraudáti a desidério suo.

Adhuc escæ eórum erant in ore ipsórum : * et ira Dei ascéndit super eos.

Et occídit pingues eórum, * et eléctos Israel impedivit.

In ómnibus his peccavérunt adhuc ; * et non credidérunt in mirabilibus ejus.

Et defecérunt in vanitate dies eórum : * et anni eórum cum festinatione.

Cum occíderet eos, quærebant eum : * et revertébantur, et dilúculo veniébant ad eum.

Et rememoráti sunt quia Deus adjutor est eórum : * et Deus excélsus redemptor eórum est.

Et dilexérunt eum in ore suo, * et lingua sua mentiti sunt ei.

Cor autem eórum non erat rectum cum eo : * nec fideles hábíti sunt in testaménto ejus.

Ipse autem est miséricors, et propítius fiet peccátis eórum ; * et non dispédet eos.

Et abundávit ut avérteret iram suam : * et non accéndit omnem iram suam :

Et recordátus est quia caro sunt : * spiritus vadens, et non rédiens.

Quóties exacerbavérunt eum in desérto, * in iram concitavérunt eum in iniquosó ?

Et convérsi sunt, et tentavérunt Deum : * et sanctum Israel exacerbavérunt.

Non sunt recordáti manus ejus, * die qua redémit eos de manu tribulántis.

Sicut pósuit in Ægypto signa sua ; * et prodigia sua in campo Táneos.

Et convértit in ságuinem flúmina eórum, * et imbres eórum, ne biberent.

Misit in eos cœnomyiam, et comédit eos : * et ranam, et dispédidit eos.

Et dedit ærugini fructus eórum : * et labóres eórum locústæ.

Et occídit in grándine vineas eórum : * et moros eórum in pruina.

Et trádidit grándini juménta eórum : * et possessionem eórum igni.

Misit in eos iram indignationis suæ : * indignationem, et iram, et tribulationem, immissiones per ángelos malos.

Viam fecit sémitæ iræ suæ, non pepércit a morte animábus eórum : * et juménta eórum in morte conclúsit.

Et percússit omne primogénitum in terra Ægypti : * primitias omnis labóris eórum in tabernáculis Cham.

Et ábstulit sicut oves populum suum : * et perdúxit eos tamquam gregem in desérto.

Et deduxit eos in spe, et non timuerunt : * et inimicos eorum operuit mare.

Et induxit eos in montem sanctificationis suae, * montem, quem acquisivit dextera ejus.

Et eiecit a facie eorum gentes : * et sorte divisit eis terram in funiculo distributionis.

Et habitare fecit in tabernaculis eorum * tribus Israel.

Et tentaverunt, et exacerbarerunt Deum excelsum : * et testimonia ejus non custodierunt.

Et avertérunt se, et non servaverunt pactum : * quemadmodum patres eorum conversi sunt in arcum pravam.

In iram concitaverunt eum in collibus suis : * et in sculptilibus suis ad emulationem eum provocaverunt.

Audivit Deus, et sprexit : * et ad nihilum redégit valde Israel.

Et repulit tabernaculum Silo : * tabernaculum suum, ubi habitavit in hominibus.

Et tradidit in captivitatem virtutem eorum : * et pulchritudinem eorum in manus inimici.

Et conclusit in gladio populum suum : * et hereditatem suam sprexit.

Invenerunt eorum comedit

ignis : * et virgines eorum non sunt lamentatae.

Sacerdotes eorum in gladio ceciderunt : * et viduae eorum non plorabuntur.

Et excitatus est tamquam dormiens Dominus, * tamquam potens crapulatus a vino.

Et percussit inimicos suos in posteriora : * opprobrium sempiternum dedit illis.

Et repulit tabernaculum Joseph : * et tribum Ephraim non elegit.

Sed elegit tribum Juda, * montem Sion quem dilexit.

Et aedificavit sicut unicor-nium sanctificium suum in terra, * quam fundavit in saecula.

Et elegit David servum suum, et sustulit eum de gregibus ovium : * de post foetantes accepit eum.

Pascere Jacob servum suum : * et Israel hereditatem suam:

Et pavit eos in innocentia cordis sui : * et in intellectibus manuum suarum deduxit eos.

Ana. Tu es Deus, qui facis mirabilia.

Ana. Propitius esto.

Psalmus 78.

DEUS venerunt gentes in hereditatem tuam, polluerunt templum sanctum tuum : * posuerunt Jerusalem in pomorum custodiam.

Posuerunt morticina ser-

vórum tuórum, escas volatilibus cœli : * carnes sanctórum tuórum béstiis terræ.

Effuderunt sanguinem eórum tamquam aquam in circúitu Jerúsalem : * et non erat qui sepeliret.

Facti sumus opprobrium vicinis nostris : * subsannatio et illusio his, qui in circúitu nostro sunt.

Usquequo, Dómine, irascéris in finem : * accendetur velut ignis zelus tuus?

Effunde iram tuam in gentes, quæ te non novérunt : * et in regna, quæ nomen tuum non invocavérunt.

Quia comedérunt Jacob : * et locum ejus desolavérunt.

Ne memineris iniquitatum nostrárum antiquárum, cito anticipent nos misericordiæ tuæ : * quia páuperes facti sumus nimis.

Adjuva nos, Deus salutáris noster : et propter glóriam nóminis tui, Dómine, libera nos : * et propitius esto peccátis nostris, propter nomen tuum :

Ne forte dicant in géntibus : Ubi est Deus eórum ? * et innotéscat in nátióibus coram óculis nostris.

Ultio sanguinis servórum tuórum, qui effusus est : * intróeat in conspéctu tuo gémitus compeditórum.

Secundum magnitudinem bráchii tui, * pösside filios mortificatórum.

Et redde vicinis nostris séptuplum in sinu eórum : * impropérium ipsórum, quod exprobravérunt tibi, Dómine.

Nos autem pópulus tuus, et oves pásuæ tuæ, * confitébimur tibi in sæculum. In generatióem et generatióem * annuntiábitur laudem tuam.

Psalmus 79.

QUI regis Israel, inténde : * qui dedúcis velut ovem Joseph.

Qui sedes super Chérubim, * manifestáre coram Ephraim, Bénjamin, et Manásse.

Excita poténtiam tuam, et veni, * ut salvos fácias nos.

Deus, convérte nos : * et osténde fáciem tuam, et salvi érimus.

Dómine Deus virtútum, * quousque irascéris super oratióem servi tui ?

Libábis nos pane lacrymárum : * et potum dabis nobis in lácrymis in mensúra ?

Posuisti nos in contradiçãoem vicinis nostris : * et inimíci nostri subsannavérunt nos.

Deus virtútum, convérte nos : * et osténde fáciem tuam, et salvi érimus.

Vineam de Ægypto transullisti : * ejecísti gentes, et plantásti eam.

Lux itíneris fuísti in conspéctu ejus : * plantásti radices ejus, et implévit terram.

Opéruiť montes umbra ejus :
 * et arbústa ejus cedros Dei.
 Exténdit pálmities suos us-
 que ad mare : * et usque
 ad flumen propágines ejus.
 Et quid destruxísti macé-
 riam ejus : * et vindémiant
 eam, omnes, qui prætergre-
 diúntur viam?

Exterminávit eam aper de
 silva : * et singuláris ferus
 depástus est eam.

Deus virtútum, convérte-
 re : * réspice de cœlo, et
 vide, et visita vineam istam.
 Et pérŕice eam, quam plan-
 távit dextera tua : * et su-
 per filium hóminis, quem
 confirmásti tibi.

Incénsa igni, et suffóssa
 * ab increpatióne vultus tui
 peribunt.

Fiat manus tua super vi-
 rum dexterae tuæ : * et su-
 per filium hóminis, quem
 confirmásti tibi.

Et non discédimus a te,
 vivificábis nos : * et nomen
 tuum invocábimus.

Dómine Deus virtútum,
 convérte nos : * et osténde
 faciém tuam, et salvi éri-
 mus.

Añã. Propítius esto pec-
 cáts nostris, Dómine.

In Quadragesima. **ŷ.** Ipse
 liberávit me de láqueo venán-
 tium. **Ŕ.** Et a verbo áspero.

Tempore Passionis. **ŷ.**
 Erue a frámea Deus ánimam
 meam. **Ŕ.** Et de manu canis
 únicam meam.

Tempore Paschali, Añã.
 Allelúia, allelúia, alleluia.
ŷ. Surréxit Dóminus de se-
 púlchro, allelúia. **Ŕ.** Qui pro
 nobis pepéndit in ligno,
 allelúia.

Pro uno, vel plur. Mari.
temp. Pasch. **ŷ.** Sancti et ju-
 sti in Dómino gaudéte, alle-
 lúia. **Ŕ.** Vos elégit Deus in
 hereditátem sibi, allelúia.

Pro Conf. Pont., et non
Pont. temp. Pasch. **ŷ.** Amá-
 vit eum Dóminus, et orná-
 vit eum, allelúia. **Ŕ.** Stola
 glóriæ induit eum, allelúia.

Pro una Sancta. **ŷ.** Spé-
 cie tua, et pulchritúdine tua,
 allel. **Ŕ.** Inténde, prósperé
 procéde, et regna, allelúia.

AD LAUDES,

Añã. Tibi soli peccávi,
 Dómine, miserére mei. **Ps.**
 Miserére mei. 60.

Añã. Dómine.

Psalmus 89.

DOMINE, refúgium factus
 es nobis : * a genera-
 tióne in generatióem.

Priúsqvam montes fierent,
 aut formarétur terra, et
 orbis : * a sæculo et usque
 in sæculum tu es, Deus.

Ne avértas hóminem in
 humilitátem : * et dixísti :
 Convertimini, filii hóminum.
 Quóniam mille anni ante
 óculos tuos, * tamquam dies
 hestérna, quæ præteriit ;
 Et custódia in nocte, *
 quæ pro nihilo habéntur,
 eórum anni erunt.

Mane sicut herba tráns-
eat, mane flóreat, et tráns-
eat : * véspere décidat, in-
dúret, et aréscat.

Quia defécimus in ira tua,
* et in furóre tuo turbáti
sumus.

Posuisti iniquitátes nostras
in conspéctu tuo : * sæcu-
lum nostrum in illumina-
tíone vultus tui.

Quóniam omnes dies no-
stri defecérunt : * et in ira
tua defécimus.

Anni nostri sicut aránea
meditabúntur : * dies an-
nórum nostrórum in ipsis ,
septuaginta anni.

Si autem in potentátibus,
octogínta anni : * et ám-
plius eórum, labor et dolor.

Quóniam supervénit man-
suetúdo : * et corripiémur.

Quis novit potestátem iræ
tuæ, * et præ timóre tuo
iram tuam dinumeráre?

Déxteram tuam sic notam
fac, * et eruditós corde in
sapientia.

Convértere , Dómine , ús-
quequo? * et deprecábilis
esto super servos tuos.

Repléti sumus mane mi-
sericórdia tua : * et exultá-
vimus, et delectáti sumus
ómnibus diébus nostris.

Lætáti sumus pro diébus,
quibus nos humiliásti : * an-
nis, quibus vídimus mala.

Réspice in servos tuos ,
et in ópera tua : * et dirige
filios eórum.

Et sit splendor Dómini
Dei nostri super nos, et
ópera mánuum nostrárum
dirige super nos : * et opus
mánuum nostrárum dirige.

Añá. Dómine, refúgium fa-
ctus es nobis.

Añá. In matutínis meditá-
bor in te. **Psalm.** Deus,
Deus meus. 19.

Añá. Cantémus.

Cant. Moysi. Exodi 15.

CANTEMUS Dómino : glo-
rióse enim magnificá-
tus est, * equum et ascen-
sórem dejécit in mare.

Fortitúdo mea, et laus
mea Dóminus, * et factus
est mihi in salutem.

Iste Deus meus, et glori-
ficábo eum : * Deus patris
mei, et exaltábo eum.

Dóminus quasi vir pu-
gnátor, omnipotens nomen
ejus. * Currus Pharaónis et
exércitum ejus projécit in
mare :

Elécti principes ejus sub-
mersi sunt in mari Rubro.
* Abyssi operuérunt eos,
descendérunt in profúndum
quasi lapis.

Déxtera tua, Dómine, ma-
gnificáta est in fortitúdine :
déxtera tua, Dómine, per-
cússit inimicum. * Et in
multitúdine glóriæ tuæ de-
posuisti adversários tuos :

Misisti iram tuam, quæ
devorávit eos sicut stipu-
lam. * Et in spíritu furóris
tui congregatæ sunt aquæ :

Stetit unda fluens, * congregatæ sunt abyssi in medio mari.

Dixit inimicus : Persequar et comprehendam, * dividam spolia, implébitur anima mea.

Evaginabo gladium meum, * interficiet eos manus mea.

Flavit spiritus tuus, et operuit eos mare : * submersi sunt quasi plumbum in aquis vehémentibus.

Quis similis tui in fortibus, Domine? * quis similis tui, magnificus in sanctitate, terribilis atque laudabilis, faciens mirabilia?

Extendisti manum tuam, et devoravit eos terra. * Dux fuisti in misericordia tua populo quem redemisti: Et portasti eum in fortitudine tua, * ad habitaculum sanctum tuum.

Ascenderunt populi, et irati sunt : * dolores obtinuerunt habitatores Philistiim.

Tunc conturbati sunt principes Edom, robustos Moab obtinuit tremor : * obriuerunt omnes habitatores Chanaan.

Irruat super eos formido et pavor, * in magnitudine brachii tui :

Fiant immobiles quasi lapides, donec pertranseat populus tuus, Domine, * donec pertranseat populus tuus iste, quem possedisti.

Introduces eos, et plantabis in monte hereditatus tuæ, * firmissimo habitaculo tuo, quod operatus es, Domine :

Sanctuarium tuum, Domine, quod firmaverunt manus tuæ, * Dominus regnabit in æternum, et ultra.

Ingressus est enim eques Pharaon cum curribus et equitibus ejus in mare : * et reduxit super eos Dominus aquas maris.

Filii autem Israel ambulaverunt per siccum * in medio ejus.

Ant. Cantemus Domino gloriose.

Ant. In sanctis ejus laudate Deum. *Ps.* Laudate Dominum de cœlis. 21.

In Quadrag. Capitulum.

Isaiæ 58.

CLAMA, ne cesses : quasi tuba exalta vocem tuam, et annuntia populo meo scelera eorum, et domui Jacob peccata eorum.

Hymnus.

O sol salutis, intimis, Jesu, refulge mentibus, Dum nocte pulsa, gravior Orbi dies renascitur.

Dans tempus acceptabile, Da lacrymarum rivulis Lavare cordis victimam, Quam læta adurat charitas. Quo fonte manavit nefas, Fluent perennes lacrymæ, Si virga pœnitentiæ Cordis rigorem conterat.

Dies venit, dies tua,
In qua reflórent ómnia :
Lætémur et nos in viam
Tua redúcti délixera.

Te prona mundi máchina,
Clemens, adóret, Trinitas,
Et nos novi per grátiam
Novum canámus cánticum.

Amen.

✠ Angelis suis Deus mandávit de te. **R.** Ut custódiant te in ómnibus viis tuis.

Ad Benedictus, Añña propria, ut in Feriis Quadrag.

Preces, quando dicendæ sunt, habentur 63.

FERIA SEXTA.

Ad Matutinum.

In Quadragesima. Invitat.

Adorémus Dóminum, *
Quóniam ipse fecit nos.

Ps. Veníte, exultémus. 2.

Hymn. Ex more docti. 3.

Tempore Pasch. Invitat.

Allelúia, allelúia, * Allelúia.

Hymn. Rex sempitérne. 3.

Añña. Exultáte.

Temp. Pasch. Añña. Allel.

Psalmus 80.

EXULTATE Deo adjutóri
nostro : * jubiláte Deo
Jacob.

Súmíte psalmum, et date
tympanum : * psaltérium
jucúndum cum cithara.

Ruccináte in Neoménia tuba,
* in insígni die sole-
mnitátis vestræ :

Quia præcéptum in Israel
est : * et iudícium Deo Jacob.
Testimónium in Joseph pó-
suit illud, cum exíret de

terra Ægypti : * linguam,
quam non nóverat, audivit.
Divértit ab onéribus dor-
sum ejus : * manus ejus in
cóphino serviérunt.

In tribulatióne invocásti me,
et liberávi te : * exaudívi
te in abscondito tempestá-
tis : probávi te apud aquam
contradictiónis.

Audi pópulus meus, et
contestabor te : * Israel si
audieris me, non erit in te
deus recens, neque adorá-
bis deum aliénium.

Ego enim sum Dóminus
Deus tuus, qui edúxi te de
terra Ægypti : * diláta os
tuum, et implébo illud.

Et non audivit pópulus
meus vocem meam : * et
Israel non inténdit mihi.

Et dimísi eos secúndum de-
sidéria cordis eórū, * ibunt
in adinventiόνibus suis.

Si pópulus meus audísset
me : * Israel si in viis meis
ambuláset :

Pro nihilo fórsitan inimí-
cos eórum humiliássem : *
et super tribulántes eos mi-
síssem manum meam.

Inimíci Dómini mentíti sunt
ei : * et erit tempus eórum
in sæcula.

Et cibávit eos ex ádipe fru-
ménti : * et de petra, melle
saturávit eos.

Psalmus 81.

DEUS stetit in synagóga deó-
rum : * in médio autem
deos dijúdicat.

Usquequo judicatis iniquitatem : * et facies peccatorum sumitis ?

Judicate egéno , et pupillo : * húmilem , et páuperem justificáte.

Eripite páuperem : * et egénium de manu peccatoris liberáte.

Nesciérunt , neque intellexérunt , in ténebris ámbulant : * movebúntur ómnia fundaménta terræ.

Ego dixi : Dii estis , * et filii Excélsi omnes.

Vos autem sicut hómines moriémini : * et sicut unus de princípibus cadétis.

Surge , Deus , júdica terram : * quóniam tu hereditábis in ómnibus géntibus.

Añá. Exultáte Deo adjutóri nostro.

Añá. Tu solus.

Psalmus 82.

DEUS , quis similis erit tibi ? * ne táceas , neque compescáris , Deus :

Quóniam ecce inimíci tui sonuérunť : * et qui odérunt te , extulérunt caput.

Super pópulum tuum malignavérunt consílium : * et cogitavérunt advérsus sanctos tuos.

Dixerunt : Veníte , et disperdámus eos de gente : * et non memorétur nomen Israel ultra.

Quóniam cogitavérunt unanimiter , * simul advérsus te testaméntum dispo-

suérunt , tabernácula Idu-mæórum et Ismahelitæ :

Moab , et Agaréni , Gebal , et Ammon , et Amalec : * alienígenæ cum habitántibus Tyrum.

Etenim Assur venit cum illis : * facti sunt in adjutórium filiis Lot.

Fac illis sicut Mádian , et Sísaræ : * sicut Jabin in torrénťe Cisson.

Disperiérunt in Endor : * facti sunt ut stercus terræ.

Pone príncipes eórum sicut Oreb , et Zeb ; * et Zébee , et Sálmana :

Omnes príncipes eórum , * qui dixerunt : Hereditáte possideámus Sanctuárium Dei.

Deus meus pone illos ut rotam : * et sicut stípulam ante faciém venti.

Sicut ignis , qui combúrit silvam : * et sicut flamma combúrens montes :

Ita persequéris illos in tempestáte tua : * et in ira tua turbábis eos.

Imple facies eórum ignominia : * et quærent nomen tuum , Dómine.

Erubéscant et conturbéntur in sæculum sæculi : * et confundántur , et péreant.

Et cognóscant quia nomen tibi Dóminus : * tu solus Altíssimus in omni terra.

Psalmus 83.

QUAM dilécta tabernácula tua , Dómine virtútum ! *

concupiscit, et déficit anima mea in átria Dómini.

Cor meum, et caro mea * exultavérunt in Deum vivum.

Et enim passer invénit sibi domum : * et turtur nidum sibi, ubi ponat pullos suos.

Altária tua, Dómine virtutum : * Rex meus, et Deus meus.

Beáti, qui hábitant in domo tua, Dómine : * in sæcula sæculórum laudábunt te.

Beátus vir, cujus est auxilium abs te : * ascensiones in corde suo dispósuit, in valle lacrymárum, in loco quem pósuit.

Et enim benedictiónem dabit legislátor, ibunt de virtute in virtutem : * vidébitur Deus deórum in Sion.

Dómine Deus virtutum, exáudi oratióem meam : * áuribus pèrcepe, Deus Jacob.

Protéctor noster aspice, Deus : * et réspice in faciém Christi tui.

Quia mélior est dies una in átriis tuis * super míllia.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritatem diligit Deus : * grátiam, et glóriam dabit Dóminus.

Non privábit bonis eos, qui ámbulant in innocéntia : *

Dómine virtutum, beátus homo, qui sperat in te.

Añs. Tu solus Altíssimus super omnem terram.

Añs. Benedixísti.

Psalmus 84.

BENEDIXISTI, Dómine, terram tuam : * avertísti captivitátem Jacob.

Remisísti iniquitátem plebis tuæ : * operuísti ómnia peccáta eórum.

Mitigásti omnem iram tuam : * avertísti ab ira indignatiónis tuæ.

Convérte nos, Deus salutaris noster : * et avérte iram tuam a nobis.

Numquid in ætérnum irascéris nobis? * aut exténdes iram tuam a generatióne in generatióne?

Deus, tu convérsus vivificábis nos : * et plebs tua lætábitur in te.

Osténde nobis, Dómine, misericórdiam tuam : * et salutáre tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos, * et in eos, qui convertúntur ad eor.

Verúmtamen prope timéntes eum salutáre ipsíus : * ut inhábitet glória in terra nostra.

Misericórdia, et véritas obviavérunt sibi : * justítia, et pax osculatæ sunt.

Veritas de terra orta est :
* et iustitia de cœlo pro-
spexit.

Etenim Dóminus dabit be-
nignitatem : * et terra no-
stra dabit fructum suum.

Iustitia ante eum ambu-
lâbit : * et ponet in via
gressus suos.

Psalmus 85.

INCLINA, Dómine, aurem
tuam et exâudi me : *
quóniam inops, et pauper
sum ego.

Gustódi ánimam meam,
quóniam sanctus sum : *
salvum fac servum tuum,
Deus meus, sperántem in te.

Miserére mei, Dómine,
quóniam ad te clamávi tota
die : * lætifica ánimam ser-
vi tui, quóniam ad te, Dó-
mine, ánimam meam levávi.

Quóniam tu, Dómine, suá-
vis, et mitis : * et multæ
misericórdiæ ómnibus in-
vocántibus te,

Auribus pèrcepe, Dómine,
oratióem meam : * et in-
tènde voci deprecationis
meæ.

In die tribulatiónis meæ
clamávi ad te : * quia ex-
audísti me.

Non est similis tui in diis,
Dómine : * et non est se-
cundum ópera tua.

Omnes gentes quascúmque
fecisti, vénient, et adorábunt
coram te, Dómine : * et
glorificábunt nomen tuum.

Quóniam magnus es tu, et

fáciens mirabilia : * tu es
Deus solus.

Educ me, Dómine, in via
tua et ingrédia in veritate
tua : * lætétur cor meum ut
timeat nomen tuum.

Confitébor tibi, Dómine
Deus meus, in toto corde
meo, * et glorificábo nomen
tuum in ætérnum.

Quia misericórdia tua ma-
gna est super me : * et crui-
sti ánimam meam ex infér-
no inferióri.

Deus, iníqui insurrexérunt
super me, et synagoga po-
téntium quæsiérunt áni-
mam meam, * et non pro-
posuérunt te in conspéctu
suo.

Et tu, Dómine Deus, mi-
serátor et miséricors, * pá-
tiens, et multæ misericór-
diæ, et verax.

Respice in me, et mise-
rère mei, * da impérium
tuum púero tuo : et salvum
fac filium ancillæ tuæ.

Fac mecum signum in bo-
num, ut videant qui odé-
runt me, et confundântur :
* quóniam tu, Dómine, ad-
juvísti me, et consolátus
es me.

Añ. Benedixísti, Dómine,
terram tuam.

Añ. Fundaménta ejus.

Psalmus 86.

FUNDAMENTA ejus in món-
tibus sanctis : * diligit
Dóminus portas Sion super
omnia tabernacula Jacob.

Gloriosa dicta sunt de te, *
civitas Dei.

Memor ero Rahab, et Baby-
lonis * scientium me.

Ece alienigenae, et Tyrus,
et populus Aethiopum, * hi
fuerunt illic.

Numquid Sion dicet: Ho-
mo, et homo natus est in
ea, * et ipse fundavit eam
Altissimus?

Dominus narrabit in scri-
pturis populorum, et prin-
cipum: * horum qui fuerunt
in ea.

Sicut laetantium omnium *
habitatio est in te.

Psalms 87.

DOMINE Deus salutis meae:
* in die clamavi, et no-
cte coram te.

Intret in conspectu tuo ora-
tio mea: * inclina aurem
tuam ad precem meam.

Quia repleta est malis ani-
ma mea: * et vita mea in-
ferno appropinquavit.

Astimatus sum cum de-
scendentibus in lacum: *
factus sum sicut homo sine
adjutorio, inter mortuos
liber.

Sicut vulnerati dormientes
in sepulchris, quorum non
es memor amplius: * et ipsi
de manu tua repulsi sunt.

Posuerunt me in lacu infe-
riori: * in tenebris, et
in umbra mortis.

Super me confirmatus est
furor tuus, * et omnes flu-
ctus tuos induxisti super me.

Longe fecisti notos meos a
me: * posuerunt me abo-
minationem sibi.

Traditus sum, et non egre-
diebar: * oculi mei lan-
guerunt praenopia.

Clamavi ad te, Domine,
tota die: * expandi ad te
manus meas.

Numquid mortuis facies mi-
rabilia: * aut medici susci-
tabunt et confitebuntur tibi?

Numquid narrabit aliquis
in sepulchro misericordiam
tuam, * et veritatem tuam
in perditione?

Numquid cognoscuntur in
tenebris mirabilia tua: * et
justitia tua in terra obli-
vionis?

Et ego ad te, Domine, cla-
mavi: * et mane oratio
mea praevieniet te.

Ut quid, Domine, repellis
orationem meam: * avertis
faciem tuam a me?

Pauper sum ego, et in la-
boribus a juventute mea: *
exaltatus autem, humiliatus
sum et conturbatus.

In me transierunt irae tuae:
* et terrores tui conturba-
verunt me.

Circumdederunt me sicut
aqua tota die: * circumde-
derunt me simul.

Elongasti a me amicum,
et proximum: * et notos
meos a miseria.

Aññ Fundamenta ejus in
montibus sanctis.

Aññ Benedictus.

Psalmus 88.

MISERICORDIAS Dómini *
in ætérnum cantábo.

In generatióem et gene-
ratióem * annuntiábo ve-
ritátem tuam in ore meo.

Quóniam dixisti : In ætér-
num misericórdia aedificá-
bitur in cœlis : * præpará-
bitur véritas tua in eis.

Dispósui testaméntum elé-
ctis meis, jurávi David ser-
vo meo : * usque in ætér-
num præparábo semen tuum.

Et aedificábo in generatió-
nem, et generatióem * se-
dem tuam :

Confitebúntur cœli mira-
bilia tua, Dómine : * étenim
veritátem tuam in ecclésia
sanctórum.

Quóniam quis in núbibus
æquábitur Dómino : * sími-
lis erit Deo in fíliis Dei ?

Deus, qui gloriificátur in
consilio sanctórum : * ma-
gnus et terribilis super om-
nes, qui in circúitu ejus
sunt.

Dómine Deus virtútum, quis
similis tibi ? * potens es,
Dómine, et véritas tua in
circúitu tuo.

Tu domináris potestáti ma-
ris : * motum autem flú-
etuum ejus tu mítigas.

Tu humiliásti sicut vulne-
rátum, supérbum : * in
bráchio virtútis tuæ disper-
sísti inimicos tuos.

Iui sunt cœli, et tua est
terra, orbem terræ et pleni-

túdinem ejus tu fundásti :
* Aquilónem, et mare tu
creásti.

Ithabor et Hermon in nó-
mine tuo exultábunt : * tuū
bráchium cum poténtia.

Firmétur manus tua, et
exaltétur délixtera tua : * ju-
stítia et judícium præpará-
tio sedis tuæ.

Misericórdia et véritas præ-
cédent faciém tuam : *
beátus pópulus, qui scit ju-
bilatióem.

Dómine, in lúmine vul-
tus tui ambulábunt, et in
nómine tuo exultábunt tota
die : * et in justítia tua ex-
altabúntur.

Quóniam glória virtútis eo-
rum tu es : * et in beneplá-
cito tuo exaltábitur cornu
nostrum.

Quia Dómini est assúm-
ptio nostra : * et sancti Is-
rael Regis nostri.

Tunc locútus es in visió-
ne sanctis tuis, et dixísti :
* Pósui adjutórium in potén-
te : et exaltávi eléctum de
plebe mea.

Inveni David servum meum :
* óleo sancto meo unxi eum.

Manus enim mea auxiliá-
bitur ei : * et bráchium
meum confortábit eum.

Nihil proficiet inimicus in
eo, * et fílius iniquitátis
non appónet nocére ei.

Et concidam a faciē ipsius
inimicos ejus ; * et odiētes
eum in fugam convértam.

Et v́eritas mea, et misericórdia mea cum ipso : * et in nómine meo exaltábitur cornu ejus.

Et ponam in mari manum ejus : * et in fluminibus d́exteram ejus.

Ipse invocábit me : Pater meus es tu : * Deus meus, et suscéptor salútis meæ.

Et ego primogénitum ponam illum * excélsam præ régibus terræ.

In ætérnum servábo illi misericórdiam meam : * et testaméntum meum fidéle ipsi.

Et ponam in sæculum sæculi semen ejus : * et thronum ejus sicut dies cœli.

Si autem dereliquerint filii ejus legem meam : * et in judiciis meis non ambuláverint :

Si justitias meas profanáverint : * et mandáta mea non custodierint :

Visitábo in virga iniquitates eórum : * et in verbéribus peccáta eórum.

Misericórdiam autem meam non dispérgam ab eo : * neque nocébo in veritate mea:

Neque profanábo testaméntum meum : * et quæ procédunt de lábiis meis, non fáciam irrita.

Semel jurávi in sancto meo, si David méntiar : * semen ejus in ætérnum manébit.

Et thronus ejus sicut sol in conspéctu meo : * et sic-

ut luna perfécta in ætérnum : et testis in cœlo fidélis.

Tu vero repulisti et despexisti : * distulisti Christum tuum.

Evertisti testaméntum servi tui : * profanásti in terra sanctuárium ejus.

Destruxisti omnes sepes ejus : * posuisti firmaméntum ejus formídinem.

Diripuérunt eum omnes transeúntes viam : * factus est oppróbrium vicinis suis.

Exaltásti d́exteram depri-méntium eum : * lætificásti omnes inimícos ejus.

Avertisti adjutórium gládii ejus : * et non es auxiliátus ei in bello:

Destruxisti eum ab emundatióne : * et sedem ejus in terram collisísti.

Minorásti dies témporis ejus : * perfudísti eum confusióne.

Usquequo, Dómine, avértis in finem : * exardéscet sicut ignis ira tua?

Memoráre quæ mea sub-stántia ; * numquid enim vane constituísti omnes filios hóminum ?

Quis est homo, qui vivet, et non vidébit mortem : * éruet ánimam suam de manu inferi?

Ubi sunt misericórdiæ tuæ antiquæ, Dómine, * sicut jurásti David in veritate tua?

Memor esto, Dómine, opprobrii servórum tuórum : * (quod continui in sinu meo,) multárum géntium.

Quod exprobravérunt inimici tui, Dómine, * quod exprobravérunt commutatióem Christi tui.

Benedictus Dóminus in ætérnum : * fiat, fiat.

Psalmus 93.

DEUS ultiónum Dóminus : * Deus ultiónum libere egit.

Exaltáre qui júdeas terram : * redde retributióem supérbis.

Usquequo peccatóres, Dómine : * úsquequo peccatóres gloriabúntur :

Effabúntur, et loquéntur iniquitatem : * loquéntur omnes, qui operántur injustítiam ?

Pópulum tuum, Dómine, humiliavérunt : * et hereditatem tuam vexavérunt.

Víduam, et ádvenam interfecérunt : * et pupillos occidérunt.

Et dixerunt : Non vidébit Dóminus, * nec intélliget Deus Jacob.

Intélligite insipientes in pópulo : * et stulti aliquándo sápite.

Qui plantávit aurem, non áudiet ? * aut qui finxit óculum, non considerat ?

Qui córripit gentes, non árguet : * qui docet hóminem sciéntiam ?

Dóminus scit cogitatióes hóminum * quóniam vanæ sunt.

Beátus homo, quem tu erudieris, Dómine : * et de lege tua docúeris eum.

Et mitiges ei a diébus malis : * donec fodiátur peccatóri fóvea.

Quia non repéllet Dóminus plebem suam : * et hereditatem suam non derelínquet :

Quoadúsque justítia convertátur in júdicium : * et qui juxta illam omnes qui recto sunt corde.

Quis consúrget mihi advérsus malignántes ? * aut quis stabit mecum advérsus operántes iniquitatem ? Nisi quia Dóminus adjúvit me : * paulo minus habitáset in inférno ánima mea.

Si dicébam : Motus est pes meus : * misericórdia tua, Dómine, adjuvábat me.

Secúndum multitudinem dólorum meórum in corde meo : * consolatióes tuæ lætificavérunt ánimam meam.

Numquid adhæret tibi sedes iniquitátis : * qui fingis labórem in præcepto ?

Captábunt in ánimam justí : * et sánguinem innocéntem condemnábunt.

Et factus est mihi Dóminus in refúgium : * et Deus meus in adjutórium spei meæ.

Et reddet illis iniquitatem ipsorum : et in malitia eorum disperdet eos : * disperdet illos Dominus Deus noster .

Añã. Benedictus Dominus in ætërnũm.

Añã. Cantate.

Psalmus 95.

CANTATE Dómino cánticum novum : * cantate Dómino , omnis terra.

Cantate Dómino , et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus , * in ómnibus pópulis mirabilia ejus.

Quóniam magnus Dominus et laudábilis nimis : * terribilis est super omnes deos.

Quóniam omnes dii géntium dæmónia : * Dominus autem cœlos fecit.

Conféssio , et pulchritúdo in conspéctu ejus : * sanctimónia , et magnificéntia in sanctificatióne ejus.

Afférte Dómino , pátriæ géntium , afférte Dómino glóriam et honórem : * afférte Dónino glóriam nómini ejus.

Póllite hóstias , et introíte in átria ejus : * adoráte Dóminum in átrio sancto ejus. Commoveátur a fácie ejus univérſa terra : * dicite in Géntibus quia Dominus regnávít.

Etenim corréxit orbem terræ , qui non commovébi-

tur : * judicábit pópulos in æquitáte.

Læténtur cœli , et exúltet terra , commoveátur mare , et plenitúdo ejus : * gaudébunt campi , et ómnia , quæ in eis sunt.

Tunc exultábunt ómnia ligna silvárum a fácie Dómini , quia venit : * quóniam venit judicáre terram. Judicábit orbem terræ in æquitáte , * et pópulos in veritate sua.

Psalmus 96.

DOMINUS regnávít , exúltet terra : * læténtur insulæ multæ.

Nubes , et calígo in circúitu ejus : * justítia , et judícium corréctio sedis ejus. Ignis ante ipsum præcédet , * et inflammábit in circúitu inimícos ejus.

Illuxérunt fúlgura ejus orbi terræ : * vidit , et commóta est terra.

Montes sicut cera fluxérunt a fácie Dómini : * a fácie Dómini omnis terra.

Annuntiavérunt cœli justítiam ejus : * et vidérunt omnes pópuli glóriam ejus. Confundántur omnes qui adorant sculptilia : * et qui gloriántur in simulácris suis. Adoráte eum , omnes Angeli ejus : * audivit , et lætáta est Sion.

Et exultavérunt filiæ Judæ , * propter judícia tua , Dómine :

Quóniam tu Dóminus altíssimus super omnem terram, * nimis exaltátus es super omnes deos.

Qui diligitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini iusti in Dómino : * et confitémini memóriæ sanctificatiónis ejus.

Añá. Cantáte Dómino, et benedicíte nómini ejus.

In Quadrag., **ŷ.** Scápolis suis obumbrábit tibi. **R.** Et sub pennis ejus sperábis.

Temp. Passionis, ŷ. De ore leónis libera me, Dómine. **R.** Et a cór nibus unicór nium humilitátem meam.

Tempore Paschali, Añá. Allelúia, allelúia, allelúia. **ŷ.** Surréxit Dóminus vere, allelúia. **R.** Et apparuit Simóni, allelúia.

Pro uno, vel pluribus Mart. temp. Pasch., ŷ. Lux perpétua lucébit Sanctis tuis, Dómine, allelúia. **R.** Et æté r nitas témporum, allel.

Pro Conf. Pont., temp. Pasch., ŷ. Elégit eum Dóminus sacerdotem sibi, allelúia. **R.** Ad sacrificándum ei hóstiam laudis, allelúia.

Pro Conf. non Pont., ŷ. Os iusti meditábitur sapiéntiam, allelúia. **R.** Et lingua ejus loqué tur iudicium, allel.

Pro una Sancta, ŷ. Adjuvábit eam Deus vultu suo, allelúia. **R.** Deus in médio ejus, non commovébitur, allelúia.

AD LAUDES,

Añá. Spíritu principáli confirma cor meum, Deus. **Ps.** Miserére mei. 60.

Añá. In veritáte.

Psalmus 142.

DOMINE, exáudi oratió nem meam, áuribus pércipe obsecratió nem meam in veritáte tua : * exáudi me in tua justítia.

Et non intres in iudícium cum servo tuo : * quia non justificábitur in conspéctu tuo omnis vivens.

Quia persecútus est inimícus ánimam meam : * humiliávit in terra vitam meam.

Collocávit me in obscúris sicut mórtuos sæculi : * et anxiátus est super me spíritus meus, in me turbátum est cor meum.

Memor fui diérum anti quórum, meditátus sum in ómnibus opéribus tuis : * in factis mánuum tuárum meditábar.

Expándi manus meas ad te : * ánima mea sicut terra sine aqua tibi.

Velóciter exáudi me, Dómine : * defécit spíritus meus.

Non avértas faciém tuam a me : * et símilis ero descendéntibus in lacum.

Auditam fac mihi mane misericórdiam tuam : * quia in te sperávi.

Notam fac mihi viam , in qua ámbulem : * quia ad te levávi ánimam meam.

Eripe me de inimícis meis , Dómine , ad te confúgi : * doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam : * propter nomen tuum , Dómine , vivificábis me in æquitáte tua.

Edúces de tribulatióne ánimam meam : * et in misericórdia tua dispérdes inimicos meos.

Et perdes omnes , qui tribulant ánimam meam : * quóniam ego servus tuus sum.

Ans. In veritáte tua exáudi me, Dómine.

Añs. Illúmina , Dómine , vultum tuum super nos. **Ps.** Deus, Deus meus. 19.

Añs. Dómine.

Canticum Habacuc. Cap. 3.

DOMINE, audi vi auditióem tuam , * et tímui.

Dómine, opus tuum, * in médio annórum vivifica illud.

In médio annórum notum fácies : * cum irátus fúeris, misericórdiæ recordáberis.

Deus ab Austro véniet , * et sanctus de monte Pharan :

Opéruiit cœlos glória ejus : * et laudis ejus plena est terra.

Splendor ejus ut lux erit : * cónua in mánibus ejus.

Ibi abscondita est fortitúdo ejus : * ante faciém ejus ibit mors.

Et egrediétur diábolus ante pedes ejus : * Stetit, et mensus est terram.

Aspéxit, et dissólvit Gentes : * et contríti sunt montes sæculi.

Incurváti sunt colles mundi , * ab itinéribus æternitátis ejus.

Pro iniquitáte vidi tentória Æthiopiæ , * turbabúntur pelles terræ Máidian.

Numquid in fluminibus irátus es , Dómine ? * aut in fluminibus furor tuus , vel in mari indignátio tua ?

Qui ascéndes super equos tuos : * et quadrigæ tuæ salvátio.

Súscitans suscitábis arcum tuum : * juraménta tribubus quæ locútus es :

Flúvios scindes terræ : vidé-runt te, et doluérunt montes : * gurges aquárum tránsiit.

Dedit abyssus vocem suam : * altitúdo manus suas levávit.

Sol et luna steterunt in habitáculo suo , * in luce sagittárum tuárum , ibunt in splendóre fulgurántis hastæ tuæ.

In frémitu conculcábis terram : * in furóre obstupe-fácies gentes.

Igréssus es in salútem pó-

puli tui : * in salutem eum
Christo tuo :

Percussisti caput de domo
impii : * denudasti funda-
mentum ejus usque ad col-
lum.

Maledixisti sceptris ejus ,
capiti bellatorum ejus , *
venientibus ut turbo ad dis-
pergendum me.

Exultatio eorum * sicut
ejus , qui devorat pauperem
in abscondito.

Viam fecisti in mari equis
tuis , * in luto aquarum
multarum.

Audivi , et conturbatus est
venter meus : * a voce con-
tremuerunt labia mea.

Ingradiatur putredo in os-
sibus meis , * et subter me
seateat.

Ut requiescam in die tri-
bulationis : * ut ascendam
ad populum accinctum no-
strum.

Ficus enim non florebit :
* et non erit germen in vi-
neis.

Mentietur opus olivae : *
et arva non afferent cibum.

Abscindetur de ovili pecus :
* et non erit armamentum in
praesepibus.

Ego autem in Dño gaudébo :
* et exultabo in Deo Jesu meo.

Deus Dominus fortitudo
mea : * et ponet pedes meos
quasi cervorum.

Et super excelsa mea de-
ducet me victor * in psal-
mis canentem.

Añs. Dómine , audivi audi-
tum tuum , et tímui.

Añs. In tympano et choro ,
in chordis et órgano laudá-
te Deum. *Ps.* Laudáte Dó-
minum de cœlis. 24.

In Quadragesima.

Capit. Isaiae 58.

CLAMA , ne cesses : quasi
tuba exalta vocem tuam ,
et annuntiá pópulo meo
scélera eorum , et dómui
Jacob peccáta eorum.

Hymnus.

O sol salutis , íntimis ,
Jesu , refúlge méntibus ,
Dum nocte pulsa , grátior
Orbi dies renáscitur.
Dans tempus acceptábile ,
Da lacrymarum rívilis
Lavare cordis víctimam ,
Quam læta adúrat cháritas.
Quo fonte manávit nefas ,
Fluent perénnes lácrymæ ,
Si virga pœniténtiæ
Cordis rigórem cónterat.
Dies venit , dies tua ,
In qua reflórent ómnia :
Lætémur et nos in viam
Tua redúcti délixera.

Te prona mundi máchina ,
Clemens , adóret , Trínitas ,
Et nos novi per grátiam
Novum canámus cánticum.

Amen.

Ÿ. Angelis suis Deus man-
davit de te. *R.* Ut custódiant
te in ómnibus viis tuis.

Ad Benedictus. *Añs* pro-
pria , ut in *Feriis Quadrag.*

Preces. quando dicendæ
sunt. habentur 63.

SABBATO.

Ad Matutinum.

In Quadrages. . Invitato-

rium. Dóminum Deum no-

strum, * Veníte, adorémus.

Psalm. Veníte, exultémus. 2.

Hymnus. Ex more docti,

ut in Dñica. 3.

Tempore Paschali. Invitat.

Allelúia, allelúia. * Allelúia.

Hymn. Rex sempitérne. 3.

Ana. Quia mirabilia.

Temp. Pasch., Ana Allel.

Psalmus 97.

CANTATE Dómino cánticum
novum : * quia mirabi-
lia fecit.

Salvavit sibi dextera ejus,
* et bráchium sanctum ejus.

Notum fecit Dóminus sal-
utare suum : * in conspé-
ctu géntium revelávit justí-
tiam suam.

Recordátus est misericór-
diæ suæ, * et veritátis suæ
dómuí Israel.

Vidérunt omnes términi ter-
ræ * salutare Dei nostri.

Jubiláte Deo, omnis terra :
* cantáte, et exultáte, et
psállite.

Psállite Dómino in cítha-
ra, in cíthara et voce psal-
mi : * in tubis ductilibus,
et voce tubæ córneæ.

Jubiláte in conspéctu Re-
gis Dómini : * moveátur
mare, et plenitúdo ejus :
orbis terrárum, et qui há-
bitant in eo.

Flúmina plaudent manu,
simul montes exultábunt a

conspéctu Dómini : * quó-
niam venit judicáre ter-
ram.

Judicábit orbem terrárum
in justitia, * et pópulos in
æquitáte.

Psalmus 98.

DOMINUS regnávit, irascán-
tur pópuli : * qui sedet
super Chérubim, moveátur
terra.

Dóminus in Sion magnus,
* et excélsus super omnes
pópulos.

Confiteántur nómini tuo
magno : quóniam terribile,
et sanctum est : * et honor
regis judícium diligit.

Tu parásti directiónes : *
judícium et justítiam in Ja-
cob tu fecísti.

Exaltáte Dóminum Deum
nostrum, et adoráte sca-
béllum pedum ejus : * quó-
niam sanctum est.

Moyses, et Aaron in sa-
cerdótibus ejus : * et Sá-
muel inter eos, qui invo-
cant nomen ejus.

Invocábant Dóminum, et
ipse exaudiébat eos : * in
columna nubis loquebátur
ad eos.

Custodiébant testimónia
ejus : * et præcéptum quod
dedit illis.

Dómine Deus noster, tu
exaudiébas eos : * Deus tu
propítius fuísti eis, et ul-
císcens in omnes adinven-
tiónes eórum.

Exaltáte Dóminum Deum

nostrum, et adoráte in monte sancto ejus : * quóniam sanctus Dóminus Deus noster.

Añá. Quia mirabilia fecit Dóminus.

Sequens **Añá**, et **Psalm.** **Jubiláte**, hic prætermittitur, quando dicitur in **Laudibus** ut in **Sabbatis**, in quibus fit **Officium de S. Maria** : et ejus loco dicitur **Añá**, et **Ps.** Bonum est confitéri Dómino, ut **infra**.

Añá. Jubiláte.

Psalmus 99.

JUBILATE Deo omnis terra : * servíte Dómino in lætítia.

Introíte in conspéctu ejus : * in exultatióne.

Scitóte quóniam Dóminus ipse est Deus : * ipse fecit nos, et non ipsi nos.

Pópulus ejus, et oves páscuæ ejus : * introíte portas ejus in confessióne átria ejus in hymnis : confitémini illi.

Laudáte nomen ejus, quóniam suávis est Dóminus, in ætérnum misericórdia ejus, * et usque in generatióne et generatióne veritas ejus.

Vel Psalmus 91.

BONUM est confitéri Dómino : * et psállere nómini tuo, Altissime.

Ad annuntiándum mane misericórdiam tuam : * et veritátem tuam per noctem.

In decachórdo psaltério : * cum cântico, in cithara. **Q**uia delectásti me, Dñe, in factúra tua : * et in opéribus mánuum tuárum exultábo. Quam magnificáta sunt ópera tua, Dómine ! * nimis profundæ factæ sunt cogitatiónes tuæ :

Vir insípiens non cognóscet : * et stultus non intéliget hæc.

Cum exórti fúerint peccátóres sicut fœnum : * et apparúerint omnes, qui operántur iniquitátem :

Ut intéreant in sæculum sæculi : * tu autem Altíssimus in ætérnum, Dómine.

Quóniam ecce inimíci tui, Dómine, quóniam ecce inimíci tui peribunt : * et dispergéntur omnes, qui operántur iniquitátem.

Et exaltábitur sicut uncórnis cornu meum : * et senéctus mea in misericórdia úberi.

Et despéxit óculus meus inimícos meos : * et in insurgéntibus in me malignántibus áudiet auris mea.

Justus ut palma florébit : * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi : * et bene patiéntes erunt, ut annúntient.

Quóniam rectus Dóminus
Deus noster, * et non est
iniquitas in eo.

Psalmus 100.

MISERICORDIAM et iudicium
* cantábo tibi, Dómine.

Psallam, et intélligam in
via immaculáta, * quando
veníes ad me.

Perambulábam in innocén-
tia cordis mei, * in médio
domus meæ.

Non proponébam ante ócu-
los meos rem injústam : *
faciéntes prævaricatiónes
odivi.

Non adhæsit mihi cor pra-
vum : * declinántem a me
malignum non cognoscé-
bam.

Detrahéntem secréto pró-
ximo suo, * hunc persequé-
bar.

Supérbo óculo, et insatiá-
bili corde, * cum hoc non
edébam.

Oculi mei ad fidéles terræ
ut sédeant mecum : * ám-
bulans in via immaculáta,
hic mihi ministrábat.

Non habitábit in médio
domus meæ qui facit su-
pérbiam : * qui lóquitur
iniqua, non diréxit in con-
spéctu oculórum meórum.

In matutino interficiébam
omnes peccatóres terræ : *
ut dispérderem de civitáte
Dómini omnes operántes ini-
quitátem.

Añá. Jubiláte Deo omnis
terra.

Vel Añá. Bonum est confi-
téri Dómino.

Añá. Clamor meus.

Psalmus 101.

DOMINE, exáudi oratióem
meam : * et clamor meus
ad te véniat.

Non avértas faciém tuam a
me : * in quacúmque die
tribulor, inclína ad me au-
rem tuam.

In quacúmque die invocá-
vero te, * velóciter exáudime.

Quia defecérunt sicut fu-
mus dies mei : * et ossa mea
sicut crémium aruérunt.

Percússus sum ut fœnum,
et áruit cor meum : * quia
oblítus sum comédere pa-
nem meum.

A voce gémitus mei * ad-
hæsit os meum carni meæ.

Símilis factus sum pelli-
cáno solitudinis : * factus
sum sicut nycticorax in do-
micilio.

Vigilávi, * et factus sum sic-
ut passer solitárius in tecto.

Tota die exprobrábant mihi
inimici mei : * et qui lau-
dábant me advérsus me
jurábant.

Quia cinerem tamquam
panem manducábam, * et
potum meum cum fletu mi-
scébam.

A facie iræ et indignatió-
nis tuæ : * quia élevans al-
lisisti me.

Dies mei sicut umbra de-
clinavérunt : * et ego sicut
fœnum áruí.

Tu autem, Dómine, in ætérnum pérmanes : * et memoriále tuum in generatió-nem et generatió-nem.

Tu exúrgens miseréberis Sion : * quia tempus miseré-ndi ejus, quia venit tempus.

Quóniam placuérunt servis tuis lápides ejus : * et terræ ejus miserebúntur.

Et timébunt Gentes nomen tuum, Dómine, * et omnes reges terræ glóriam tuam.

Quia ædificávit Dñs Sion : * et vidébitur in glória sua.

Respéxit in oratió-nem humílium : * et non spre- vit precem eórum.

Scribántur hæc in genera- tió-ne áltera : * et pópulus, qui creábitur, laudábit Dó- minum.

Quia prospéxit de excélso sancto suo : * Dóminus de cœlo in terram aspéxit :

Ut audíret gémitus compe- ditórum : * ut sólveret filios interemptórum ;

Ut annúntient in Sion no- men Dómini : * et laudem ejus in Jerúsalem.

In conveniéndo pópulos in unum * et reges ut sérviant Dómino.

Respóndit ei in via virtú- tis suæ : * Paucitátem dié- rum meórum núntia mihi.

Ne révoces me in dimídio diérum meórum : * in ge- neratió-nem et generatió-nem anni tui.

Initio tu, Dómine, terram fundásti : * et ópera mánuum tuárum sunt cœli.

Ipsi peribunt, tu autem pérmanes : * et omnes sicut vestiméntum veteráscent.

Et sicut opertórium mutá- bis eos, et mutabúntur : * tu autem idem ipse es, et anni tui non deficient.

Filii servórum tuórum habitábunt : * et semen eórum in sæculum dirigé- tur.

Psalmus 102.

BENEDIC, ánima mea, Dó- mino : * et ómnia, quæ intra me sunt, nómini san- cto ejus.

Bénedic, ánima mea, Dó- mino : * et noli oblivisci omnes retributiónes ejus.

Qui propitiátur ómnibus iniquitatibus tuis : * qui sa- nat omnes infirmitátes tuas.

Qui rédimít de intéritu vi- tam tuam : * qui coronat te in misericórdia et mise- ratió-nibus.

Qui replet in bonis desidé- rium tuum : * renovábitur ut áquilæ juvéntus tua.

Fáciens misericórdias Dó- minus : * et júdicium ómni- bus injúriam patiéntibus.

Notas fecit vias suas Moysi, * filiis Israel voluntátes suas.

Miserátor, et miséricors Dóminus ; * longánimis, et multum miséricors.

Non in perpétuum irascé-

tur : * neque in ætérnum comminabitur.

Non secúndum peccáta nostra fecit nobis : * neque secúndum iniquitátes nostras retribuit nobis.

Quóniam secúndum altitúdinem cœli a terra : * corroborávit misericórdiam suam super timéntes se.

Quantum distat ortus ab occidénte ; * longe fecit a nobis iniquitátes nostras.

Quómodo miserétur pater filiórum , misértus est Dóminus timéntibus se : * quóniam ipse cognóvit figméntum nostrum.

Recordátus est quóniam pulvis sumus : * homo, sicut fœnum dies ejus , tamquam flos agri sic efflorebit.

Quóniam spíritus pertransibit in illo, et non subsistet : * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illíus in filios filiórum, * his qui servant testaméntum ejus :

Et mémores sunt mandatorum ipsíus, * ad faciéndum ea.

Dóminus in cœlo parávit sedem suam : * et regnum ipsíus ómnibus dominábitur.

Benedícite Dómino, omnes Angeli ejus : * poténtes virtúte, faciéntes verbum

illíus, ad audiéndam vocem sermónum ejus.

Benedícite, Dómino, omnes virtútes ejus : * ministri ejus, qui fácitis voluntátem ejus.

Benedícite Dómino, ómnia ópera ejus : * in omni loco dominationis ejus, bédedic, ánima mea, Dómino.

Añs. Clamor meus ad te véniat, Deus.

Añs. Bédedic.

Psalmus 103.

BENEDIC, ánima mea, Dómino : * Dómine Deus meus, magnificátus es veheménter.

Confessióem, et decórem induísti : * amictus lúmine sicut vestiménto :

Exténdens cœlum sicut pellem : * qui tegis aquis superiora ejus.

Qui ponis nubem ascénsu tuum : * qui ámbulas super pennas ventórum.

Qui facis ángelos tuos spíritus : * et ministros tuos, ignem uréntem.

Qui fundásti terram super stabilitátem suam : * non inclinábitur in sæculum sæculi.

Abýssus, sicut vestiméntum, amictus ejus : * super montes stabunt aquæ.

Ab increpatione tua fúgient : * a voce tonitruí tui formidábunt.

Ascéndunt montes, et descéndunt campi * in locum quem fundásti eis.

Terminum posuisti, quem non transgrediéntur: * neque converténtur operire terram.

Qui emittis fontes in convál-libus: * inter médium món-tium pertransíbunt aquæ.

Potábunt: omnes béstiaë agri: * expectábunt ónagri in siti sua.

Super ea avólucres cœli habitábunt: * de médio pe-trárarum dabunt voces.

Rigans montes de superióri-bus suis: * de fructu ópe-rum tuórum satiábitur terra.

Producens fœnum jumén-tis, * et herbam servitúti hóminum:

Ut edúcas panem de terra: * et vinum lætíficet cor hó-minis:

Ut exhilaret faciém in óleo: * et panis cor hóminis con-firmet.

Saturabúntur ligna cam-pi, et cedri Libani, quas plantávit: * illic pásseres nidificábunt.

Heródii domus dux est eó-rum: * montes excélsi cervis: petra refúgium herináciis.

Fecit lunam in témpora: * sol cognóvit occásu suum.

Posuisti ténebras, et facta est nox: * in ipsa pertrans-íbunt omnes béstiaë silvæ.

Catuli leónum rugiéntes, ut rápíant, * et quærant a Deo escam sibi.

Ortus est sol, et congre-gáti sunt: * et in cubilibus suis collocabúntur.

Exíbit homo ad opus suum: * et ad operatióem suam usque ad vésperum.

Quam magnificáta sunt ópera tua, Dómine! * ómnia in sapiéntia fecisti: impléta est terra possessióne tua.

Hoc mare magnum, et spatiósum má nibus: * illic reptília, quorum non est númerus.

Animália pusilla cum ma-gnis: * illic naves per-transíbunt.

Draco iste, quem formá-sti ad illudéndum ei: * ómnia a te expéctant, ut des illis escam in témpore.

Dante te illis, cólligent: * aperiénte te manum tuam, ómnia implebúntur boni-táte.

Averténte autem te fá-ciém, turbabúntur: * áu-feres spíritum eórum, et deficient, et in púlverem suum reverténtur.

Emittes spíritum tuum, et creabúntur: * et renová-bis faciém terræ.

Sit glória Dómini in sæ-culum: * lætábitur Dómi-nus in opéribus suis:

Qui respicit terram, et facit eam trémere: * qui tangit montes, et fúmigant.

Cantábo Dómino in vita mea: * psallam Deo meo quámdiu sum.

Iucúndum sit ei elóquium meum: * ego vero delectá-bor in Dómino.

Deficient peccatores a terra, et iniqui ita ut non sint: * benedic, anima mea, Dómino.

Psalmus 104.

CONFITEMINI Dómino, et invocáte nomen ejus: * annuntiáte inter Gentes ópera ejus.

Cantáte ei, et psállite ei: * narráte ómnia mirabilia ejus.

Laudámini in nómine sancto ejus: * lætétur cor quærentium Dóminum.

Quærite Dóminum, et confirmámini: * quærite faciém ejus semper.

Meméntóte mirabilium ejus, quæ fecit: * prodigia ejus, et judícia oris ejus.

Semen Abraham, servi ejus: * filii Jacob elécti ejus.

Ipse Dóminus Deus noster: * in univérſa terra judícia ejus.

Memor fuit in sæculum testaménti sui: * verbi, quod mandávit in mille generatiónes:

Quod dispósuit ad Abraham: * et juraménti sui ad Isaac:

Et státuit illud Jacob in præcéptum: * et Israel in testaméntum tetérnum:

Dicens: Tibi dabo terram Chánaan, * funiculum hereditátis vestræ.

Eum essent número brevi, * paucíſſimi et incolæ ejus:

Et pertransiérunt de gen-

te in gentem, * et de regno ad pópulum álterum.

Non reliquit hóminem nocére eis: * et corripuit pro eis reges.

Nolíte tângere christos meos: * et in prophétis meis nolite malignári.

Et vocávit famem super terram: * et omne firmaméntum panis contrívit.

Misit ante eos virum: * in servum venúmdatus est Joseph.

Humiliavérunt in compédibus pedes ejus, ferrum pertránsiit ánimam ejus, * donec veníret verbum ejus.

Elóquium Dómini inflam mávit eum: * misit rex, et solvit eum; princeps populórum, et dimísit eum.

Constituit eum dóminum domus suæ: * et principem omnis possessionis suæ:

Ut erudiret príncipes ejus sicut semetípsum: * et senes ejus prudéntiam doceret.

Et intrávit Israel in Ægyptum: * et Jacob áccola fuit in terra Cham.

Et auxit pópulum suum veheménter: * et firmávit eum super inimicos ejus.

Convértit cor eórum ut odírent pópulum ejus: * et dolum fácerent in servos ejus.

Misit Moysen servum suum: * Aaron quem elégit ipsum.

Posuit in eis verba signórum suórum, * et prodigiórum in terra Cham.

Misit ténebras, et obscurávit : * et non exacerbávit sermónes suos.

Convértit aquas eórum in sanguínem : * et occídit pisces eórum.

Edidit terra eórum ranas * in penetrálibus regum ipsórum.

Dixit, et venit cœnomyia : * et cinifes in ómnibus finibus eórum.

Pósuit plúvias eórum grándinem : * ignem comburéntem in terra ipsórum.

Et percússit véneas eórum, et ficúlneas eórum : * et contrívit lignum finium eórum.

Dixit, et venit locústa, et bruchus, * cujus non erat número :

Et comédit omne fœnum in terra eórum : * et comédit omnem fructum terræ eórum.

Et percússit omne primogénitum in terra eórum : * primitias omnis labóris eórum.

Et edúxit eos cum argénto et auro : * et non erat in tribubus eórum infirmus.

Lætata est Ægyptus in profectione eórum : * quia incúbuit timor eórum super eos.

Expándit nubem in protectionem eórum, * et ignem ut lucéret eis per noctem.

Petiérunt, et venit cotúrnix : * et pane cœli saturávit eos.

Dirúpit petram, et fluxé-

runt aquæ : * abiérunt in sicco flúmina.

Quóniam memor fuit verbi sancti sui, * quod hábuit ad Abraham púerum suum.

Et edúxit pópulum suum in exultatióne, * et eléctos suos in lætítia.

Et dedit illis regiónes Géntium : * et labóres populórum possederunt :

Ut custódiant justificatiónes ejus, * et legem ejus requirant.

Ana. Bénedic, ánima mea, Dómino.

Ana. Visita nos.

Psalmus 103.

CONFITEMINI Dómino quóniam bonus : * quóniam in sæculum misericórdia ejus.

Quis loquétur poténtias Dómini, * audítas fáciat omnes laudes ejus ?

Beáti, qui custódiunt iudicium, * et faciunt justitiam in omni témpore.

Memento nostri, Dómine, in beneplácito pópuli tui : * visita nos in salutári tuo.

Ad vidéndum in bonitáte electórum tuórum, ad lætándum in lætítia gentis tuæ : * ut laudéris cum hereditáte tua.

Peccávimus cum pátribus nostris : * injúste égimus, iniquitátem fécimus.

Patres nostri in Ægypto non intellexérunt mirabilia tua : * non fuérunt mémo-

res multitudinis misericordiæ tuæ.

Et irritavérunt ascendéntes in mare, * mare Rubrum.

Et salvávit eos propter nomen suum : * ut notam fáceret poténtiam suam.

Et incrépuit mare Rubrum, et exsiccátum est : * et dedúxit eos in abyssis sicut in desérto.

Et salvávit eos de manu odiéntium : * et redémit eos de manu inimici.

Et opéruit aqua tribulántes eos : * unus ex eis non remánsit.

Et credidérunt verbis ejus : * et laudavérunt laudem ejus.

Cito fecérunt, obliti sunt óperum ejus : * et non sustinuérent consílium ejus.

Et concupiérunt concupiscéntiã in desérto : * et tentavérunt Deum in inaquóso.

Et dedit eis petitionem ipsórum : * et misit saturitátem in ánimas eórum.

Et irritavérunt Moysen in castris : * Aaron sanctum Dómini.

Apérta est terra, et deglutivit Dathan : * et opéruit super congregatióem Abíron.

Et exársit ignis in synagóga eórum : * flamma combussit peccátóres.

Et fecérunt vítulū in Horeb : * et adoravérunt scúlptile.

Et mutavérunt glóriam suam

* in similitúdinem vítuli comedéntis fœnum.

Obliti sunt Deum, qui salvávit eos, * qui fecit magnália in Ægypto, mirabilia in terra Cham : terribília in mari Rubro.

Et dixit ut dispérderet eos : * si non Moyses eléctus ejus stetisset in confractiône in conspéctu ejus :

Ut avérteret iram ejus, ne dispérderet eos : * et pro níhilo habuérunt terram desiderábilem :

Non credidérunt verbo ejus, et murmuravérunt in tabernáculis suis : * non exau-diérunt vocem Dómini.

Et elevávit manum suam super eos ; * ut prostérneret eos in desérto :

Et ut dejíceret semen eórum in natióibus : * et dispérgeret eos in regiónibus.

Et initiáti sunt Beélphegor : * et comedérunt sacrificia mortuórum.

Et irritavérunt eum in adinventiõibus suis : * et multiplicáta est in eis ruína.

Et stetit Phínees, et placávit : * et cessávit quassatio.

Et reputátum est ei in justitiam, * in generatióem et generatióem usque in sempitérnum.

Et irritavérunt eum ad aquas contradiciónis : * et vexátus est Moyses propter eos : quia exacerbavérunt spíritum ejus.

Et distinxit in lábiis suis :
* non disperdidérunt Gen-
tes, quas dixit Dóminus illis.

Et commísti sunt inter Gen-
tes, et didicérunt ópera eó-
rum : et serviérunt sculptí-
libus eórum : * et factum
est illis in scándalum.

Et immolavérunt filios suos,
* et filias suas dæmóniis.

Et effudérunt sánguinem
innocéntem : * sánguinem
filiórum suórum et filiá-
rum suárum, quas sacri-
ficavérunt sculptílibus Chá-
naan.

Et infécta est terra in san-
guínibus, et contamináta
est in opéribus eórum : * et
fornicáti sunt in adinven-
tiónibus suis.

Et irátus est furóre Dó-
minus in pópulum suum : *
et abominátus est hereditá-
tem suam.

Et trádedit eos in manus
Géntium, * et domináti sunt
eórum qui odérunt eos.

Et tribulavérunt eos ini-
míci eórum, et humiliáti
sunt sub mánibus eórum : *
sæpe liberávit eos.

Ipsi autem exacerbavérunt
eum in consílio suo : * et
humiliáti sunt in iniquitáti-
bus suis.

Et vidit cum tribularéntur : *
et audívit orationem eórum.

Et memor fuit testaménti
sui : * et pœnítuit eum se-
cúndum multitudínem mise-
ricórdiæ suæ.

Et dedit eos in misericór-
dias * in conspéctu ómnium
qui céperant eos.

Salvos nos fac, Dómine
Deus noster : * et cóngrega
nos de natióibus.

Et confiteámur nómini san-
cto tuo : * et gloriémur in
laude tua.

Benedictus Dóminus Deus
Israel a sæculo et usque in
sæculum : * et dicet omnis
pópulus : Fiat, fiat.

Psalmus 106.

CONFITEMINI Dómino quó-
niam bonus : * quóniam
in sæculū misericórdia ejus.

Dicant qui redémpti sunt
a Dómino, quos redémit de
manu inimíci ; * et de regió-
nibus congregávit eos :

A solis ortu, et occásu :
* ab Aquilóne, et mari.

Erravérunt in solitúdine in
inaquóso : * viam civitátis
habitáculi non invenérunt.

Esuriéntes, et sitiéntes :
* ánima eórum in ipsis de-
fécit.

Et clamavérunt ad Dómi-
num cum tribularéntur : *
et de necessitatibus eórum
erípuit eos.

Et dedúxit eos in viam
rectam : * ut irent in civi-
tátem habitatióis.

Confiteántur Dómino mise-
ricórdiæ ejus : * et mirábilia
ejus filiis hóminum.

Quia satiávit ánimam iná-
nem : * et ánimam esurién-
tem satiávit bonis.

Sedéntes in ténebris , et umbra mortis : * vinctos in mendicitáte , et ferro.

Quia exacerbavérunt elóquia Dei : * et consílium Altissimi irritavérunt.

Et humiliátum est in labóribus cor eórum : * infirmáti sunt , nec fuit qui adjuvaret.

Et clamavérunt ad Dóminum cum tribularéntur : * et de necessitatibus eórum liberávit eos.

Et edúxit eos de ténebris et umbra mortis : * et vincula eórum dirúpit.

Confiteántur Dómino misericórdiæ ejus : * et mirabilia ejus filiis hóminum.

Quia contrívit portas æreas : * et vectes férreos confrégit.

Suscépit eos de via iniquitátis eórum : * propter injustítias enim suas humiliáti sunt.

Omnem escam abomináta est ánima eórum : * et appropinquavérunt usque ad portas mortis.

Et clamavérunt ad Dóminum cum tribularéntur : * et de necessitatibus eórum liberávit eos.

Misit verbum suum , et salvávit eos : * et erípuit eos de interitiónibus eórum.

Confiteántur Dómino misericórdiæ ejus : * et mirabilia ejus filiis hóminum.

Et sacrificent sacrificium

laudis : * et annúntient ópera ejus in exultatióne.

Qui descendunt mare in návimus , * faciéntes operatió-nem in aquis multis.

Ipsi vidérunt ópera Dómini , * et mirabilia ejus in profundo.

Dixit , et stetit spíritus procéllæ : * et exaltáti sunt fluctus ejus.

Ascéndunt usque ad cœlos , et descendunt usque ad abyssos : * ánima eórum in malis tabescébat.

Furbáti sunt , et moti sunt sicut ébrius : * et omnis sapiéntia eórum devoráta est.

Et clamavérunt ad Dóminum cum tribularéntur : * et de necessitatibus eórum edúxit eos.

Et státuit procéllam ejus in auram : * et siluérunt fluctus ejus.

Et lætáti sunt quia siluérunt : * et dedúxit eos in portum voluntátis eórum.

Confiteántur Dómino misericórdiæ ejus : * et mirabilia ejus filiis hóminum.

Et exáltent eum in ecclésia plebis : * et in cáthedra seniórum laudent eum.

Pósuit flúmina in désertum , * et éxitus aquárum in sitim.

Terram fructíferam in salúginem , * a malítia inhábítantium in ea.

Pósuit désertum in stagna aquárum : * et terram

sine aqua in éxitus aquárum.

Et collocávit illic esuriéntes : * et constituérunt civitátem habitatiónis.

Et seminavérunt agros, et plantavérunt víneas : * et fecérunt fructum nativitátis.

Et benedíxit eis, et multiplicáti sunt nimis : * et juménta eórum non minorávit.

Et pauci facti sunt : * et vexáti sunt a tribulatióne malórum, et dolóre.

Effusa est contéptio super príncipes : * et erráre fecit eos in invio, et non in via.

Et adjúvit páuperem de inópia : * et pósuit sicut oves famílias.

Vidébunt recti, et lætabúntur : * et omnis iníquitas oppilábit os suum.

Quis sápiens, et custódiét hæc, * et intélliget misericórdias Dómini ?

Ana. Vísita nos, Dómine, in salutári tuo.

Ana. Confitébor Dómino.

Psalmus 107.

PARATUM cor meum, Deus, parátum cor meum : * cantábo, et psallam in glória mea.

Exúrge glória mea, exúrge psaltérium, et cíthara : * exúrgam dilúculo.

Confitébor tibi in pópulis, Dómine : * et psallam tibi in natióibus.

Quia magna est super cœ-

los misericórdia tua : * et usque ad nubes véritas tua.

Exaltáre super cœlos, Deus, et super omnem terram glória tua : * ut liberéntur dilecti tui.

Salvum fac dextera tua, et exáudi me : * Deus locútus est in sancto suo.

Exultábo, et dividam Síchimam ; * et convállem tabernaculórum dimétiar.

Meus est Gálaad, et meus est Manásses : * et Ephraim suscéptio capitis mei.

Juda rex meus : * Moab lebes spei meæ.

In Idumæam exténdam calceaméntum meum : * mihi alienigenæ amíci facti sunt.

Quis dedúcet me in civitátem munitam ? * quis dedúcet me usque in Idumæam ?

Nonne tu Deus, qui repulisti nos, * et non exíbis Deus in virtútibus nostris ?

Da nobis auxílium de tribulatióne : * quia vana salus hóminis.

In Deo faciémus virtútem : * et ipse ad nihilum dedúcet inimícos nostros.

Psalmus 108.

DEUS laudem meam ne tacúeris : * quia os peccatóris, et os dolósi super me apértum est.

Locúti sunt advérsus me lingua dolósa, et sermónibus ódii circumdedérunt me : * et expugnavérunt me gratis.

Pro eo ut me diligenter, detrahébant mihi : * ego autem orábam.

Et posuérunt advérsus me mala pro bonis : * et ódium pro dilectióne mea.

Constitue super eum peccatórem : * et diábolus stet a dextris ejus.

Cum judicátur, éxeat condemnátus : * et orátio ejus fiat in peccátum.

Fiant dies ejus pauci, * et episcopátum ejus accipiat alter.

Fiant filii ejus órphani, * et uxor ejus vídua.

Utántes transferántur filii ejus, et mendicent : * et ejiciántur de habitatióibus suis.

Scrutétur scœnerátor omnem substantiam ejus : * et diripiant aliéni labóres ejus.

Non sit illi adjútor : * nec sit qui misereátur pupillis ejus.

Fiant nati ejus in intéritum : * in generatióne una deleátur nomen ejus.

In memóriam rédeat iniquitas patrum ejus in conspéctu Dómini : * et peccátum matris ejus non deleátur.

Fiant contra Dóminum semper, et dispéreat de terra memória eórum : * pro eo quod non est recordátus facere misericórdiam.

Et persecútus est hóminem inopem, et mendicum, *

et compúctum corde mortificáre.

Et diléxit maledictiõem, et véniet ei : * et nóluit benedictiõem, et elongábitur ab eo.

Et induit maledictiõem sicut vestiméntum, * et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum, quo operitur : * et sicut zona, qua semper præcingitur.

Hoc opus eórum, qui détrahunt mihi apud Dóminum : * et qui loquúntur mala advérsus ánimam meam.

Et tu, Dómine, Dómine, fac mecum propter nomen tuum : * quia suávis est misericórdia tua.

Líbera me, quia egénus et pauper ego sum : * et cor meum conturbátum est intra me.

Sicut umbra cum declinat, ablátus sum : * et excúsus sum sicut locústæ.

Génua mea infirmáta sunt a jejúnio : * et caro mea immutáta est propter óleum.

Et ego factus sum opprobrium illis : * vidérunt me, et movérunt cápita sua.

Adjuva me, Dómine Deus meus : * salvum me fac secúndum misericórdiã tuam.

Et sciant quia manus tua hæc : * et tu, Dómine, fecisti eam.

Maledicent illi, et tu benedices : * qui insurgunt in me, confundantur : servus autem tuus lætabitur.

Induantur, qui detrahunt mihi, pudore : * et operiantur sicut diplóide confusione sua.

Confitebor Dómino nimis in ore meo : * et in médio multórum laudábo eum.

Quia ástitit a dextris páuperis, * ut salvam fáceret a persecúentibus ánimam meam.

Añs. Confitebor Dómino nimis in ore meo.

In Quadragesima. *ŷ.* Scuto circúmdabit te véritas ejus. *Ŕ.* Non timébis a timóre noctúrno.

Tempore Passionis. *ŷ.* Ne perdas cum impiis Deus ánimam meam. *Ŕ.* Et cum viris sánguínū vitam meam.

Tempore Paschali. *Añs.* Allelúia, allelúia, allelúia.

Pro beata Maria. *ŷ.* Diffusa est grátia in lábiis tuis, allelúia. *Ŕ.* Propterea benedixit te Deus in ætérnum, allelúia.

AD LAUDES,

Añs. Benigne fac in bona voluntáte tua, Dómine. **Ps.** Miserére mei, Deus. 60.

Añs. Bonum.

Psalmus 91.

BONUM est confitéri Dómino : * et psállere nómini tuo, Altíssime.

Ad annuntiándum mane mi-

sericórdiam tuam : * et veritátem tuam per noctem.

In decachórho, psaltério : * cum cántico, in cithara.

Quia delectásti me, Dómine, in factúra tua : * et in opéribus mánuum tuárum exultábo.

Quam magnificáta sunt ópera tua, Dómine ! * nimis profúndæ factæ sunt cogitationes tuæ.

Vir insipiens non cognóscet : * et stultus non intélliget hæc.

Cum exórti fúerint peccatóres sicut fœnum : * et apparúerint omnes, qui operántur iniquitátem :

Ut intéreant in sæculum sæculi : * tu autem Altíssimus in ætérnum, Dómine.

Quóniam ecce inimíci tui, Dómine, quóniam ecce inimíci tui peribunt : * et dispergéntur omnes, qui operántur iniquitátem.

Et exaltábitur sicut unicórnis cornu meum : * et senéctus mea in misericórdia úberi.

Et despéxit óculus meus inimícos meos : * et in insurgéntibus in me malignántibus áudiet auris mea.

Iustus ut palma florébit : * sicut cedrus Libani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in

senecta úberi : * et bene patientes erunt, ut annuntient :
Quoniam rectus Dóminus Deus noster : * et non est iniquitas in eo.

Añs. Bonum est confitéri Dómino.

Añs. Méтуant. Dóminum omnes fines terræ. *Psalm.*

Deus, Deus meus. 19.

Añs. Date magnitudinem.

Cant. Moysi. Deut. 32.

AUDITE, cœli, quæ loquor, * áudiat terra verba oris mei.

Concréscat ut plúvia doctрина mea, * fluat ut ros elóquium meum.

Quasi imber super herbam, et quasi stillæ super grámina. * Quia nomen Dómini invocábo :

Deus magnificéntiam Deo nostro : * Dei perfécta sunt ópera, et omnes viæ ejus judícia :
 Deus fidélis, et absque ulla iniquitate, justus et rectus.
 * Peccavérunt ei, et non filii ejus in sórdibus :

Generátio prava atque perversa. * Hæccine reddis Dómino, pópule stulte et insipiens?

Numquid non ipse est pater tuus, * qui possédit te, et fecit, et creávit te?

Meménto diérum antiquórum, * cógita generatiónes singulas :

Intérroga patrem tuum, et annuntiábit tibi : * majóres tuos, et dicent tibi.

Quando dividébat Altíssimus gentes : * quando separábat filios Adam.

Constituit términos populórum * juxta númerum filiórum Israel.

Pars autem Dómini, pópulus ejus : * Jacob funiculus hæreditátis ejus.

Invenit eum in terra déserta, * in loco horróris, et vastæ solitudinis :

Circumdúxit eum, et dócuit : * et custodívit quasi pupillam óculi sui.

Sicut áquila próvocans ad volándum pullos suos, * et super eos vólitans,

Expándit alas suas, et assúmpsit eum, * atque portávit in húmeris suis.

Dóminus solus dux ejus fuit : * et non erat cum eo deus aliénus.

Constituit eum super excélsam terram : * ut coméderet fructus agrórum,

Et súgeret mel de petra, * oleúmque de saxo duríssimo:

Butyrum de arménto, et lac de óvibus * cum ádipe agnórum, et aríetum filiórum Basan :

Et hircos cum medúlla tritici, * et sánguinem uvæ biberet meracíssimum.

Incrassátus est diléctus, et recalcitrávit : * incrassátus, impinguátus, dilatátus.

Dereliquit Deum factórem suum, * et recéssit a Deo salutári suo.

Provocavérunt eum in diis aliénis, * et in abominatiónibus ad iracúndiam concitavérunt.

Immolavérunt dæmóniis et non Deo, * diis, quos ignorábant :

Novi recentésque venérunt, * quos non coluérunt patres eórum.

Deum, qui te génuit, dereliquísti, * et oblitus es Dómini creatóris tui.

Vidit Dóminus, et ad iracúndiam concitátus est : * quia provocavérunt eum filii sui et filiaë.

Et ait : Abscóndam fáciem meam ab eis, * et considerábo novíssima eórum :

Generátio enim perversa est, * et infidéles filii.

Ipsi me provocavérunt in eo qui non erat deus, * et irritavérunt in vanitatibus suis :

Et ego provocábo eos in eo, qui non est pópulus, * et in gente stulta irritábo illos.

Ignis succénsus est in furóre meo, * et ardébit usque ad inférni novíssima :

Devorabítque terram cum gérmine suo, * et móntium fundaménta combúret.

Congregábo super eos mala, * et sagittas meas complébo in eis.

Consuméntur fame, * et devorábunt eos aves morsu amaríssimo :

Dentes bestiárum immítam in eos, * cum furóre trahéntium super terram, atque serpéntium.

Foris vastábit eos gládus, et intus pavor, * júvenem simul ac vírginem, lacténtem cum hómine sene.

Dixi, Ubinam sunt? * cessáre fáciam ex homínibus memóriam eórum.

Sed propter iram inimicórum distuli : * ne forte superbírent hostes eórum :

Et dicerent : Manus nostra excélsa, et non Dóminus, * fecit hæc ómnia.

Gens absque consílio est, et sine prudéntia. * Utinam sáperent, et intellígerent, ac novíssima providérent !

Quómodo persecuátur unus mille, * et duo fugent decem millia?

Nonne ídeo, quia Deus suos véndidit eos, * et Dóminus conclúsit illos?

Non enim est Deus noster ut dii eórum : * et inimíci nostri sunt júdices.

De vínea Sodomórum, vínea eórum, * et de suburbánis Gomórrhæ :

Uva eórum uva fellis, * et botri amaríssimi.

Fel dracónum vinum eórum, * et venénus áspidum insanábile.

Nonne hæc cóndita sunt apud me, * et signáta in thesáuris meis?

Hea est últio, et ego re-

tribuam in tēpore , * ut
labātur pes eórum :

Juxta est dies perditionis , *
et adesse festinant tēpora.

Judicābit Dóminus pópulum
suum , * et in servis suis
miserēbitur :

Vidēbit quod infirmāta sit
manus , * et clausi quoque
defecerunt , residuūque con-
sumpti sunt.

Et dicet : Ubi sunt dii eó-
rum , * in quibus habēbant
fidūciam ?

De quorum vīctimis com-
edēbant adipēs , * et bibē-
bant vinum libāminum :

Surgant , et opituléntur vo-
bis , * et in necessitate vos
prótegant.

Vidēte quod ego sim solus * et
non sit aliū deus prāter me :

Ego occīdam , et ego vivere
faciam : percūtiam , et ego
sanābo , * et non est qui de
manu mea possit erūere.

Elevābo ad cōelum manum
meam , et dicam : * Vivo
ego in aeternum.

Si acūero ut fulgur glādiū
meum , * et arripuerit judi-
cium manus mea :

Reddāam ultiónem hóstibus
meis , * et his , qui odē-
runt me , retrībuam.

Inebriābo sagittas meas
sanguine , * et glādius meus
devorābit carnes ,

De cruóre occisórum , * et
de captivitate , nudāti inī-
micórum capitis.

Laudáte , gentes , pópulum

ejus , * quia ságuinem ser-
vórum suórum ulciscétur :

Et vindictam retribuet in
hostes eórum , * et propi-
tius erit terræ pópuli sui.

Aññ. Date magnitudinem
Deo nostro.

Aññ. In cymbalis beneso-
nántibus laudáte Deum **Psal-
mus.** Laudáte Dóminum de
cœlis. 21.

In Quadrag. Capit. Is. 58.

CLAMA , ne cesses : quasi
tuba exálta vocem tuam ,
et annúntia pópulo meo scé-
lera eórum , et dómui Ja-
cob peccáta eórum.

Hymnus.

O sol salútis íntimis ,
Jesu , refúlge méntibus ,
Dum nocte pulsa , grátior
Orbi dies renāscitur.

Dans tempus acceptābile ,
Da lacrymárum rívilis
Laváre cordis vīctimam ,
Quam læta adúrat chāritas.

Quo fonte manávit nefas ,
Fluent perénnes lácrymæ ,
Si virga pœniténtiæ
Cordis rigórem cōterat.

Dies venít , dies tua ,
In qua reflórent ómnia :
Lætémur et nos in viam
Tua redúcti dēxtera.

Te prona mundi máchina ,
Clemens , adóret , Trínitas ,
Et nōs novi per grátiam
Novum canāmus cānticum.

Amen.

V. Angelis suis Deus mandá-
vit de te. **R.** Ut custódiant
te in ómnibus viis tuis.

Ad Benedictus, Añā pro-
pera, ut in Feriis Quadrag.
Preces, quando dicendæ
sunt, habentur 64.

DOMINICA

Ad Vesperas.

Pater noster. Ave Maria.
V. Deus, in adiutorium, ut
supra. 48.

Añā. Dixit Dóminus.

Temp. Pasch., Añā. Allel.

Sub qua sola Añā dicun-
tur omnes Psalmi Vespera-
rum, tam in Dñicis, quam
in Feriis.

Psalmus 109.

DIXIT Dóminus Dómino
meo : * Sede a dextris
meis :

Donec ponam inimicos tuos,
* scabellum pedum tuó-
rum.

Virgam virtutis tuæ emít-
tet Dóminus ex Sion : *
domināre in médio inimicó-
rum tuórum.

Iecum principium in die
virtutis tuæ in splendóribus
sanctorum : * ex útero ante
luíferum génui te.

Jurávit Dóminus, et non pœ-
nitébit eum : * Tu es sacér-
dos in ætérnum secúndum
órdinem Melchisedech.

Dóminus a dextris tuis, * con-
frégit in die iræ suæ reges.

Judicábit in natióibus,
implébit ruínas : * con-
quassábit cápita in terra
multórum.

De torrénite in via bibet : *
proptérea exaltábit caput.

Añā. Dixit Dóminus Dómino
meo : Sede a dextris meis.

Añā. Fidélia.

Psalmus 110.

CONFITEBOR tibi, Dómine,
in toto corde meo : * in
consilio justórum, et con-
gregatióne.

Magna ópera Dómini : * ex-
quisita in omnes voluntates
ejus.

Conféssio et magnificéntia
opus ejus : * et justítia ejus
manet in sæculum sæculi.

Memóriam fecit mirabilium
suórum miséricors et mise-
rátor Dóminus : * escam
dedit timéntibus se.

Memor erit in sæculum te-
staménti sui : * virtutem
óperum suórum annuntiábit
pópulo suo :

Ut det illis hereditátem gén-
tium : * ópera mánuum ejus
véritas, et judícium.

Fidélia ómnia mandáta ejus:
confirmáta in sæculum sæ-
culi, * facta in veritáte et
æquitáte.

Redemptiόνem misit pópulo
suo : * mandávit in ætérnum
testaméntum suum.

Sanctum, et terribile no-
men ejus : * initium sapién-
tiæ timor Dómini.

Intelléctus bonus ómnibus
faciéntibus eum : * laudá-
tio ejus manet in sæculum
sæculi.

Añā. Fidélia ómnia mandáta
ejus, confirmáta in sæcu-
lum sæculi.

Añā. In mandātis.

Psalmus 111.

BEATUS vir, qui timet Dóminum : * in mandātis ejus volet nimis.

Potens in terra erit semen ejus : * generatio rectórum benedicétur.

Glória, et divítiæ in domo ejus, * et justítia ejus manet in sæculum sæculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in judicio : * quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despiciat inimicos suos.

Dispérsit, dedit paupéribus : justítia ejus manet in sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet : * desidérium peccatórum peribit.

Añā. In mandātis ejus cupit nimis.

Añā. Sit nomen Dómini.

Psalmus 112.

LAUDATE, púeri, Dóminum : * laudáte nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humilia respicit in cœlo et in terra ?

Súscitans a terra ínopem, * et de stércore érigens páuperem.

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Añā. Sit nomen Dómini benedictum in sæcula.

Añā. Noš qui vivimus.

Psalmus 113.

IN éxitu Israel de Ægypto, * domus Jacob de pópulo bárbaro.

Facta est Judæa sanctificatio ejus, * Israel potéstas ejus.

Mare vidit, et fugit : * Jordánis convérsus est retrórsus.

Montes exultavérunt ut arietes : * et colles sicut agni óvium.

Quid est tibi mare, quod fugisti : * et tu Jordánis, quia convérsus es retrórsus ?

Montes exultástis sicut arie-

tes, * et colles sicut agni ovium.

A facie Dómini mota est terra, * a facie Dei Jacob.

Qui convértit petram in stagna aquárum, * et rupem in fontes aquárum.

Non nobis, Dñe, non nobis: * sed nómini tuo da glóriam.

Super misericórdia tua, et veritáte tua: * nequándo dicant gentes: Ubi est Deus eórum?

Deus autem noster in cœlo: * ómnia quaecúmque vóluit, fecit.

Simulácra géntium argéntum, et aurum, * ópera mánuum hóminum.

Os habent, et non loquéntur: * óculos habent, et non vidébunt.

Aures habent, et non audient: * nares habent, et non odorábunt.

Manus habent, et non palpábunt: pedes habent, et non ambulábunt: * non clamábunt in gútture suo.

Similes illis fiant qui faciunt ea: * et omnes qui confidunt in eis.

Domus Israel sperávit in Dómino: * adjútor eórum et protéctor eórum est.

Domus Aaron sperávit in Dómino: * adjútor eórum et protéctor eórum est.

Qui timent Dóminum, speravérunt in Dómino: * adjútor eórum et protéctor eórum est.

Dóminus memor fuit nostri: * et benedíxit nobis.

Benedíxit dómui Israel, * benedíxit dómui Aaron.

Benedíxit ómnibus, qui timent Dóminum, * pusillis cum majóribus.

Adíciat Dóminus super vos: * super vos, et super filios vestros.

Benedícti vos a Dómino: * qui fecit cœlum, et terram.

Cœlum cœli Dómino: * terram autem dedit filiis hóminum.

Non mórtui laudábunt te, Dómine: * neque omnes, qui descéndunt in inférnum.

Sed nos qui vívimus, benedicimus Dómino, * ex hoc nunc et usque in sæculum.

Aññ. Nos qui vívimus, benedicimus Dómino.

Tempore Paschali. Aññ.

Allelúia, allelúia, allelúia.

Capitulum ut in Proprio de Tempore.

In Quadrag. Hymnus.

AUDI, benigne Cónditor, Nostras preces cum flé-
tibus,

In hoc sacro jejúnio
Fusas quadragenário.

Scrutátor alme córdium,
Infirma tu scis vírium:

Ad te revérsis éxhibe
Remissiónis grátiam.

Multum quidem peccávimus,
Sed parce confiténtibus:

Ad nóminis laudem tui
Confer medélam lánguidis.

Concède nostrum cónteri

Dominica ad Vesperas.

Corpus per abstinéntiam :
Culpæ ut relinquant pábulum ,

Jejuna corda criminum.

Træsta , beáta Trinitas ,
Concéde , simplex Unitas :
Ut fructuósa sint tuis

Jejuniórum múnera.

Amen.

Y. Angelis suis Deus mandávit de te. *R.* Ut custódiant te in ómnibus viis tuis.

Ad Magnificat, Ana propria.

Temp. Pasch. Hymnus.

*A*d régias Agni dapes
Stolis amicti cándidis ,
Post tránsitum maris Rubri,
Christo canámus Príncipi.

*V*ivina cujus cháritas
Sacrum propínat sánguinem,
Almíque membra córporis
Amor sacérdos immolat.

*S*parsum cruórem póstibus
Vastátor horret ángelus ;
Fugitque divisum mare :
Mergúntur hostes flúctibus.

*I*am Pascha nostrum Christus est

Paschális idem Víctima ,
Et pura puris méntibus
Sinceritátis ázyma.

O vera cœli Víctima ,
Subjécta cui sunt tártara ,
Solúta mortis víncula ,
Recépta vitæ præmia.

*V*ictor subáctis inferis ,
Trophæa Christus éxplicat ,
Cœlóque apérto, súbditum
Regem tenebrárum trahit.

*E*t sis perénne méntibus
Paschále, Jesu, gáudium ,

A morte dira criminum
Vitæ renátos libera.

*I*eo Patri sit glória ,
Et Filio, qui a mórtuis
Surréxit, ac Paráclito,
In sempitérna sæcula.

Amen.

V. Mane nobíscum, Dómine,
allelúia. *R.* Quóniam ad-
vesperáscit, allelúia.

Ad Magnificat, Ana propria.
Cant. B. M. V. Lucæ 1. c

MAGNIFICAT * ánima mea
Dóminum :

*E*t exultávit spíritus meus *
in Deo salutári meo.

*Q*uia respéxit humilitátem
ancillæ suæ : * ecce enim
ex hoc beátam me dicent
omnes generatiónes.

*Q*uia fecit mihi magna qui
potens est : * et sanctum
nomen ejus.

*E*t misericórdia ejus a pro-
génie in progénies * timén-
tibus eum.

*F*ecit poténtiam in bráchio
suo : * dispérsit superbos
mente cordis sui.

*D*epósuit poténtes de sede ,
* et exaltávit húmiles.

*E*surientes implévit bonis :
* et dívites dimísit inánes.

*S*uscépit Israel púerum
suum , * recordátus miseri-
córdiæ suæ.

*S*icut locútus est ad patres
nostros , * Abraham , et
sémini ejus in sæcula.

*G*lória Patri, et Filio.

Deinde dicitur Ana et
Oratio propria.

FERIA SECUNDA.

Ad Vesperas.

Añā. Inclínāvit.

Temp. Pasch., Añā. Allel.

Psalmus 114.

DILEXI, quóniam exáudiet
Dóminus * vocem ora-
tiónis meæ.

Quia inclināvit aurem suam
mihi : * et in diébus meis
invocabo.

Circumdedérunt me dolóres
mortis : * et perícula infér-
ni invénérunt me.

Tribulatióem et dolórem
invéni : * et nomen Dómini
invocavi.

O Dómine, libera ánimam
meam, * miséricors Dómi-
nus, et justus, et Deus no-
ster miserétur.

Gustódiens párvulos Dómi-
nus : * humiliátus sum, et
liberávit me.

Convértere ánima mea in
réquiem tuam : * quia Dó-
minus benefécit tibi.

Quia erípuit ánimam meam
de morte, * óculos meos a lá-
crymis, pedes meos a lapsu.

Placébo Dómino * in regió-
ne vivórum.

Añā. Inclínāvit Dóminus
aurem suam mihi.

Añā. Crédidi.

Psalmus 115.

CREDIDI, propter quod lo-
cútus sum : * ego autem
humiliátus sum nimis.

Ego dixi in excéssu meo :
* Omnis homo mendax.

Quid retribuam Dómino : *

pro ómnibus, quæ retribuit
mihi?

Cálicē salutáris accipiam,
* et nomen Dómini invo-
cábo.

Vota mea Dómino reddam
coram omni pópulo ejus : *
pretiósā in conspéctu Dó-
mini mors sanctórum ejus.

O Dómine, quia ego servus
tuus : * ego servus tuus
et filius ancillæ tuæ.

Dirupísti víncula mea : * tibi
sacrificábo hóstiam laudis,
et nomen Dómini invocábo.

Vota mea Dómino reddam
in conspéctu omnis pópuli
ejus : * in átriis domus Dñi,
in médio tui Jerúsalem.

Añā. Crédidi propter quod
locútus sum.

Añā. Laudáte.

Psalmus 116.

LAUDATE Dóminum, omnes
gentes : * laudáte eum,
omnes pópuli.

Quóniam confirmáta est su-
per nos miséricórdia ejus :
* et véritas Dómini manet
in ætérnum.

Añā. Laudáte Dóminum,
omnes gentes.

Añā. Clamávi.

Canticum Graduum.

Psalmus 119.

AD Dóminum cum tribu-
lárer clamávi : * et ex-
audivit me.

Dómine, libera ánimam
meam a lábiis iníquis, *
et a lingua dolósa.

Quid detur tibi, aut quid

apponátur tibi, * ad linguam dolosam?

Sagittæ poténtis acútæ : * cum carbónibus desolatóriis.

Ane mihi, quia incolátus meus prolongátus est : habitávi cum habitántibus Cedar : * multum incola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Añá. Clamávi, et exaudivit me.

Añá. Unde véniet.

Psalmus 120.

LEVAVI óculos meos in montes, * unde véniet auxilium mihi.

Auxilium meum a Dómino, * qui fecit cælum et terram.

Non det in commotióem pedem tuum : * neque dormitet qui custódit te.

Ecce non dormitábit, neque dórmiet, * qui custódit Israel.

Dóminus custódit te, Dóminus protéctio tua * super manum dexteram tuam.

Per diem sol non uret te, * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat introítū tuum, et éxitū tuum * ex hoc nunc, et usque in sæculum.

Añá. Unde véniet auxilium mihi.

Tempore Paschali. Añá. Allelúia, allelúia, allelúia. In Quadrages. Capitulum.

Joelis 2. d

INTER vestibulum et altáre plorábunt sacerdótes ministri Dómini, et dicent : Parce, Dómine, parce pópulo tuo : et ne des hereditátem tuam in oppróbrium, ut dominéntur eis nátiónes.

Hymn. Audi, benigne. 132.

V. Angelis suis Deus mandávit de te. **R.** Ut custódiant te in ómnibus viis tuis.

Añá ad Magnificat. et Oratio propria.

Temp. Pasch. Capitulum.

Rom. 6. b

CHRISTUS resúrgens ex mórtuis, jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

Hymn. Ad régias. 133.

V. Mane nobíscum, Dómine, allelúia. **R.** Quóniam advesperáscit, allelúia.

Ad Magnificat. Añá propr.

Oratio dic. de Dñica præc.

In Feriis Quadrag. post Añam ad Magnificat, dic. seq. Preces flexis genibus.

KYRIE, eléison. Christe, eléison. Kyrie, eléison. Pater noster, totum dicitur clara voce. **V.** Et ne nos indúcas in tentatióem. **R.** Sed libera nos a malo. **V.**

Ego dixi, Dómine, misere-
rere mei. *R.* Sana animam
meam, quia peccávi tibi. *V.*
Convértere, Dómine, usque-
quo. *R.* Et deprecábilis esto
super servos tuos. *V.* Fiat
misericórdia tua, Dómine,
super nos. *R.* Quemádmo-
dum sperávimus in te. *V.*
Sacerdótes tui induántur ju-
stitiam. *R.* Et sancti tui
exúltent. *V.* Dómine, sal-
vum fac Regem. *R.* Et ex-
áudi nos in die, qua invo-
cáverimus te. *V.* Salvum
fac pópulum tuum, Dómi-
ne, et bénedic hæreditati
tuæ. *R.* Et rege eos, et extól-
le illos usque in ætérnum.
V. Meménto congregatiónis
tuæ. *R.* Quam possedisti ab
inítió. *V.* Fiat pax in virtúte
tua. *R.* Et abundantia in
túrribus tuis. *V.* Oremus
pro fidélibus defúctis. *R.*
Réquiem ætérnam dona eis,
Dómine, et lux perpétua lú-
ceat eis. *V.* Requiéscant in
pace. *R.* Amen. *V.* Pro frá-
tribus nostris abséntibus. *R.*
Salvos fac servos tuos, Deus
meus, sperántes in te. *V.*
Pro afflíctis et captívis. *R.*
Líbera eos, Deus Israel,
ex ómnibus tribulatióibus
suis. *V.* Mitte eis, Dómine,
auxílium de sancto. *R.* Et
de Sion tuére eos. *V.* Dó-
mine, exáudi oratióem
meam. *R.* Et clamor meus
ad te véniat.

Deinde dicitur

Psalmus 50.

MISERERE mei, Deus, * se-
cúndum magnam mi-
sericórdiam tuam.

Et secúndum multitudínem
miseratiónum tuárum, *
dele iniquitátem meam.

Amplius lava me ab ini-
quitáte mea : * et a peccáto
meo munda me.

Quóniam iniquitátem meam
ego cognósco : * et peccátum
meum contra me est semper.

Tibi soli peccávi, et malum
coram te feci : * ut justi-
ficéris in sermónibus tuis,
et vincas cum judicáris.

Ecce enim in iniquitatibus
concéptus sum : * et in peccá-
tis concépit me mater mea.

Ecce enim veritátem dile-
xisti : * incérta et occulta
sapientiæ tuæ manifestásti
mihi.

Aspérges me hyssópo, et
mundabor : * lavábis me,
et super nivem dealbabor.

Auditui meo dabis gáudium
et lætítiam : * et exultá-
bunt ossa humiliáta.

Avérte fáciem tuam a pec-
catis meis, * et omnes ini-
quitátes meas dele.

Cor mundum crea in me
Deus : * et spíritum rectum
innova in viscéribus meis.

Ne projicias me a fácie tua :
* et spíritum sanctum tuum
ne áuferas a me.

Redde mihi lætítiam salu-
táris tui : * et spíritu prin-
cipáli confirma me.

Docébo iníquos vias tuas : *
et impii ad te converténtur.
Libera me de sanguinibus
Deus, Deus salutis meæ :
* et exultábit lingua mea
justitiam tuam.

Dómine, lábia mea apéries :
* et os meum annuntiábit
laudem tuam.

Quóniam si voluisses sacri-
ficium, dedissem útique :
* holocáustis non delectá-
beris.

sacrificium Deo spíritus
contribulátus : * cor contri-
tum, et humiliátum, Deus,
non despicies.

Benigne fac, Dómine, in
bona voluntáte tua Sion : *
ut ædificéntur muri Jerúsa-
lem.

Tunc acceptábis sacrificium
justitiæ, oblatiões, et ho-
locáusta : * tunc impónent
super altáre tuum vitulos.

Gloria Patri, et Fílio.

Finis. *Psalmus*. dicitur
V. Dómine Deus virtútum,
convérte nos. R. Et osténde
faciē tuam, et salvi érimus.

V. Exúrge, Christe, ádjuva
nos. R. Et libera nos propter
nomen tuum. V. Dómine, ex-
áudi oratióem meam. R. Et
clamor meus ad te véniat.

V. Dóminus vobiscum. R. Et
cum spíritu tuo.

Deinde dicatur Oratio
propria, et quando propria
non assignatur, dicitur de
Dñica præc., ut habetur in
Proprio de Temp.

FERIA TERTIA.

Ad Vesperas.

Aña. In domum Dómini.

Temp. Pasch. Aña. Allel.

Psalmus 121.

LÆTATUS sum in his, quæ
dicta sunt mihi : * In do-
mum Dómini ibimus.

Stantes erant pedes nostri,
* in átriis tuis Jerúsalem.

Jerúsalem, quæ ædificátur
ut civitas : * ejus partici-
pátio ejus in idipsum.

Illuc enim ascendérunt tri-
bus, tribus Dómini : * testi-
mónium Israel ad confitén-
dum nómini Dómini.

Quia illic sedérunt sedes in
judicio, * sedes super do-
mum David.

Rogáte quæ ad pacem sunt
Jerúsalem : * et abundántia
diligéntibus te.

Fiat pax in virtúte tua : * et
abundántia in túrribus tuis.

Propter fratres meos, et
próximos meos, * loquébar
pacem de te.

Propter domum Dómini Dei
nostri, * quæsívi bona tibi.

Aña. In domum Dómini læ-
tántes ibimus.

Aña. Qui hábitas.

Psalmus 122

Ad te levávi óculos meos,
* qui hábitas in cœlis.

Eccē sicut óculi servórum,
* in mánibus dominórum
suórum.

Sicut óculi ancillæ in má-
nibus dómínæ suæ : * ita
óculi nostri ad Dóminum

Deum nostrum, donec miserereatur nostri.

Miserere nostri, Domine, miserere nostri, * quia multum repléti sumus despectiône :

Quia multum repléta est ánima nostra : * opprobrium abundantibus, et despéctio superbis.

Añã. Qui hábitas in cœlis, miserere nobis.

Añã. Adjutórium.

Psalmus 123.

NISI quia Dóminus erat in nobis, dicat nunc Israel : * nisi quia Dóminus erat in nobis.

Cum exúrgerent hómines in nos, * forte vivos deglutissent nos :

Cum irascerétur furor eórum in nos, * fòrsitan aqua absorbuisset nos.

Torréntem pertransiuit ánima nostra : * fòrsitan pertransisset ánima nostra aquam intolerábilem.

Benedictus Dóminus, * qui non dedit nos in captiónem déntibus eórum.

Anima nostra sicut passer erepta est * de láqueo venántium.

Láqueus contrítus est, * et nos liberáti sumus.

Adjutórium nostrum in nómine Dómini, * qui fecit cœlum et terram.

Añã. Adjutórium nostrum in nómine Dómini.

Añã. Bénefac.

Psalmus 124.

QUI confidunt in Dómino, sicut mons Sion : * non commovébitur in ætérnum, qui hábitat in Jerúsalem.

Montes in circúitu ejus, * et Dóminus in circúitu pópuli sui, ex hoc nunc, et usque in sæculum.

Quia non relínquet Dóminus virgam peccatórum super sortem justórum : * ut non exténdant justi ad iniquitátem manus suas.

Bénefac, Domine, bonis, * et rectis corde.

Declinántes autem in obligationes, addúcet Dóminus cum operántibus iniquitátem : * pax super Israel.

Añã. Bénefac, Domine, bonis et rectis corde

Añã. Facti sumus.

Psalmus 125.

IN converténdo Dóminus captivitátem Sion : * facti sumus sicut consoláti.

Tunc replétum est gáudio os nostrum : * et lingua nostra exultatiône.

Tunc dicent inter gentes : * Magnificávit Dóminus fácere cum eis.

Magnificávit Dóminus fácere nobiscum : * facti sumus lætántes.

Convérte, Domine, captivitátem nostram, * sicut torrens in Austro.

Qui sémant in lácrymis, * in exultatiône metent.

Eúntes ibant et flebant, *
mitténtes sémina sua.

Veniéntes autem vénient
cum exultatióne, * portán-
tes manipulos suos.

Ana. Facti sumus sicut con-
soláti.

Tempore Paschali. Ana.
Allelúia, allelúia, allelúia.

In Quadrages. Capitulum.

Joelis 2. d

INTER vestibulum et altáre
plorábunt sacerdótes mi-
nistri Dómini, et dicent :
Parce, Dómine, parce pó-
pulo tuo : et ne des heredi-
tatem tuam in oppróbrium,
ut dominéntur eis nátióes.

Hymnus. Audi, benigne.
132.

V. Angelis suis Deus man-
dávít de te. *R.* Ut custódi-
ant te in ómnibus viis tuis.

Ana ad Magnificat. et
Oratio propria.

Temp. Pasch. Capitulum.

Rom. 6. b

CHRISTUS resúrgens ex
mórtuis, jam non mó-
ritur, mors illi ultra non
dominábitur. Quod enim
mórtuus est peccáto, mórt-
uus est semel : quod autem
vivit, vivit Deo.

Hymnus. Ad régias. 133.

V. Mane nobíscum, Dómi-
ne, allelúia. *R.* Quóniam
advesperáscit, allelúia.

Ad Magnificat, Ana propr.

Oratio dic. de Dñica præc.

Preces, si dicendæ sint,
habentur 135.

FERIA QUARTA.

Ad Vesperas.

Ana. Non confundétur.

Temp. Pasch. Ana. Allel.

Psalms 126.

NISI Dóminus ædificáve-
rit domum, * in vanum
laboravérunt qui ædíficant
eam.

Nisi Dóminus custodierit ci-
vitatem, * frustra vígilat qui
custódit eam.

Vanum est vobis ante lucem
súrgere : * súrgite postquam
sedéritis, qui manducátis
panem dolóris.

Cum déderit diléctis suis
somnum : * ecce heréditas
Dómini, filii : merces, fru-
ctus ventris.

Sicut sagittæ in manu po-
téntis : * ita filii excussórum.

Beátus vir qui implévit de-
sidérium suum ex ipsis : *
non confundétur cum loqué-
tur inimícis suis in porta.

Ana. Non confundétur cum
loquétur inimícis suis in
porta.

Ana. Beáti.

Psalms 127.

BEATI omnes, qui timent
Dóminum, * qui ámbu-
lant in viis ejus.

Labóres mánuum tuárum
quia manducábis : * beátus
es, et bene tibi erit.

Uxor tua sicut vitis abún-
dans, * in latéribus domus
tuæ.

Filii tui sicut novéllæ olivá-
rum, * in circúitu mensæ tuæ.

Ecce sic benedicétur homo,
* qui timet Dóminum.

Benedicat tibi Dóminus ex
Sion : * et videas bona Je-
rúsalem ómnibus diébus vi-
tæ tuæ.

Et videas filios filiórum tuó-
rum, * pacem super Israel.

Añá. Beáti omnes, qui ti-
ment Dóminum.

Añá. Sæpe.

Psalmus 128.

SÆPE expugnávérunt me a
juventúte mea, * dicat
nunc Israel.

Sæpe expugnávérunt me a
juventúte mea : * étenim
non potuérunt mihi.

Supra dorsum meum fa-
bricávérunt peccatóres : *
prolongávérunt iniquitatem
suam.

Dóminus justus concédit cer-
vices peccatórum : * con-
fundántur, et convertántur
retrórsum omnes, qui odé-
runt Sion.

Sicut sicut fœnum tectó-
rum, * quod priúsqvam
evellátur, exáruit :

De quo non implévit ma-
num suam qui metit, * et
sinum suum qui manipulos
cólligit :

Et non dixerunt qui præ-
teribant : Benedictio Dó-
mini super vos : * bene-
diximus vobis in nómine
Dómini.

Añá. Sæpe expugnávérunt
me a juventúte mea.

Añá. De profundis.

Psalmus 129.

DE profundis clamávi ad
te, Dómine : * Dómine,
exáudi vocem meam.

Fiant aures tuæ intendén-
tes, * in vocem deprecatió-
nis meæ.

Si iniquitátes observáveris,
Dómine ! * Dómine, quis
sustinébit?

Quia apud te propitiatio
est : * et propter legem
tuam sustinui te, Dómine.

Sustínuit ánima mea in ver-
bo ejus : * sperávit ánima
mea in Dómino.

A custódia matutina usque
ad noctem : * speret Israel
in Dómino.

Quia apud Dóminum mi-
sericórdia : * et copiósa
apud eum redemptio.

Et ipse rédimet Israel, * ex
ómnibus iniquitatibus ejus.

Añá. De profundis clamávi
ad te, Dómine.

Añá. Speret.

Psalmus 130.

DÓMINE, non est exaltátum
cor meum : * neque
eláti sunt óculi mei.

Neque ambulávi in magnis :
* neque in mirábilibus su-
per me.

Si non humíliter sentiébam :
* sed exaltávi animā meam.
Sicut ablactátus est super
matre sua, * ita retribúto
in ánima mea.

Speret Israel in Dño * ex hoc
nunc, et usque in sæculum.

Añá. Speret Israel in Dño.

Tempore Paschali. Añā.
Allelúia, allelúia, allelúia.
In Quadrag. Capitulum.

Joelis 2. d

INTER vestibulum et altāre
plorābunt sacerdōtes mi-
nistri Dómini, et dicent :
Parce, Dómine, parce pópulo
tuo : et ne des hereditātem
tuam in oppróbrium, ut do-
minéntur eis nátiōes.

Hymn. A udi, benigne. 132.

V. Angelis suis Deus man-
dāvit de te. R̃. Ut custó-
diant te in ómnibus viis tuis.

Añā ad Magnificat. et
Oratio propria.

Temp. Pasch., Capit.

Rom. 6. b

CHRISTUS resurgens ex
mórtuis, jam non mó-
ritur, mors illi ultra non
dominábitur. Quod enim
mórtuus est peccátō, mór-
tuus est semel : quod autem
vivit, vivit Deo.

Hymn. Ad régias. 133.

V. Mane nobiscum, Dómi-
ne, allelúia. R̃. Quóniam
advesperāscit, allelúia.

Ad Magnificat, Añā propr.

Oratio, dic. de Dñica præc.

Preces, si dicendæ sint.
habentur 135.

FERIA QUINTA.

Ad Vesperas

Añā. Et omnis.

Temp. Pasch. Añā. Allel.

Psalmus 131.

MEMENTO, Dómine, David,
* et omnis mansuetudi-
nis ejus :

Sicut jurávit Dómino, * vo-
tum vovit Deo Jacob.

Si introfero in tabernácu-
lum domus meæ, * si ascén-
dero in lectum strati mei :
Si dédero somnum óculis
meis, * et pálpebris meis
dormitátionem,

Et réquiem tempóribus meis:
donec invéniam locum Dó-
mino, * tabernáculum Deo
Jacob.

Eccē audívimus eam in E-
phrata : * invénimus eam
in campis silvæ.

Introibimus in tabernácu-
lum ejus : * adorábitus in
loco, ubi stetérunt pedes
ejus.

Surge, Dómine, in réquiem
tuam, * tu et arca sanctifi-
cátionis tuæ.

Sacerdōtes tui induántur
justitiam : * et sancti tui
exúltent.

Propter David servum tuum,
* non avértas fáciem Chri-
sti tui.

Jurávit Dóminus David ve-
ritātem, et non frustrábitur
eam : * De fructu ventris tui
ponam super sedem tuam.

Si custodierint filii tui te-
staméntum meum, * et te-
stimónia mea hæc, quæ
docébo eos :

Et filii eórum usque in sæ-
culum, * sedébunt super se-
dem tuam.

Quóniam elégit Dóminus
Sion : * elégit eam in habi-
tátionem sibi.

Hæc réquies mea in sæculum sæculi : * hic habitábo, quóniam elégi eam.

Viduam ejus benedicens benedicam : * páuperes ejus saturábo pánibus.

Sacerdótes ejus induam salutári : * et sancti ejus exultatióne exultábunt.

Illuc producam cornu David, * parávi lucérnam Christo meo.

Inimícos ejus induam confusióne : * super ipsum autem efflorébit sanctificatió mea.

Añs. Et omnis mansuetúdinis ejus.

Añs. Ecce.

Psalmus 132.

ECCE quam bonum, et quam jucúndum * habitáre fratres in unum !

Sicut unguéntum in cápite, * quod descéndit in barbam, barbam Aaron.

Quod descéndit in oram vestiménti ejus : * sicut ros Hermon, qui descéndit in montem Sion.

Quóniam illic mandávit Dóminus benedictiόnem, * et vitam usque in sæculum.

Añs. Ecce quam bonum, et quam jucúndum habitáre fratres in unum !

Añs. Omnia.

Psalmus 134.

LAUDATE nomen Dómini, * Laudáte, servi, Dóminum.

Qui statis in domo Dómini, * in átriis domus Dei nostri.

Laudáte Dóminum, quia bonus Dóminus : * psállite nómini ejus, quóniam suáve.

Quóniam Jacob elégit sibi Dóminus, * Israel in possessionem sibi.

Quia ego cognóvi quod magnus est Dóminus, * et Deus noster præ ómnibus diis.

Omnia quæcúmque vóluit, Dóminus fecit in cœlo, et in terra, * in mari, et in ómnibus abyssis.

Educens nubes ab extrémó terræ : * fúlgura in plúviam fecit.

Qui producit ventos de thesáuris suis : * qui percússit primogénita Ægypti ab hómine usque ad pecus.

Et misit signa, et prodigia in médio tui, Ægypte : * in Pharaónem, et in omnes servos ejus.

Qui percússit gentes multas : * et occídit reges fortes.

Sehon regem Amorrhæórum, et Og regem Basan, * et ómnia regna Chánaan.

Et dedit terram eórum hereditatem, * hereditatem Israel pópulo suo.

Dómine, nomen tuum in ætérnum : * Dómine, memoriále tuum in generatióem et generatióem.

Quia judicábit Dóminus pópulum suum : * et in servis suis deprecábitur.

Simulácerá Géntium argéntum, et aurum, * ópera mánuum hóminum.

Os habent, et non loquéntur:
* oculos habent, et non vi-
debunt.

Aures habent, et non au-
dient: * neque enim est
spiritus in ore ipsórum.

Similes illis fiant qui fá-
ciunt ea: * et omnes, qui
confidunt in eis.

Domus Israel, benedicite
Dómino: * domus Aaron,
benedicite Dómino.

Domus Levi, benedicite
Dómino: * qui timétis Dó-
minum, benedicite Dómino.

Benedictus Dóminus ex
Sion: * qui hábitat in Je-
rúsalem.

Ana. Omnia quæcúmque vó-
luit, Dóminus fecit.

Ana. Quóniam in ætérnum.

Psalmus 135.

CONFITEMINI Dómino quó-
niam bonus; * quóniam
in ætérnum misericórdia
ejus.

Confitémini Deo deórum: *
quóniam in ætérnum mise-
ricórdia ejus.

Confitémini Dómino domi-
nórum: * quóniam in ætér-
num misericórdia ejus.

Qui facit mirabilia magna
solus: * quóniam in ætér-
num misericórdia ejus.

Qui fecit cælos in intellé-
ctu: * quóniam in ætérnum
misericórdia ejus.

Qui firmávit terram super
aquas: * quóniam in ætér-
num misericórdia ejus.

Qui fecit luminária magna:

* quóniam in ætérnum mi-
sericórdia ejus.

Solem in potestátem diéi:

* quóniam in ætérnum mi-
sericórdia ejus.

Lunam, et stellas in pote-
státem noctis: * quóniam in
ætérnum misericórdia ejus.

Qui percússit Ægyptum cum
primogénitis eórum: * quó-
niam in ætérnum miseri-
córdia ejus.

Qui edúxit Israel de mé-
dio eórum: * quóniam in
ætérnum misericórdia ejus.

In manu poténti, et bráchio
excélso: * quóniam in æ-
térnum misericórdia ejus.

Qui divisit mare Rubrum
in divisiónes: * quóniam in
ætérnum misericórdia ejus.

Et edúxit Israel per médium
ejus: * quóniam in ætér-
num misericórdia ejus.

Et excússit Pharaónem, et
virtútem ejus in mari Ru-
bro: * quóniam in ætérnum
misericórdia ejus.

Qui tradúxit pópulum suum
per desértum: * quóniam
in ætérnum misericórdia
ejus.

Qui percússit reges ma-
gnos: * quóniam in ætér-
num misericórdia ejus.

Et occidit reges fortes: *
quóniam in ætérnum mise-
ricórdia ejus.

Sehon regem Amorrhæó-
rum: * quóniam in ætér-
num misericórdia ejus.

Et Og regem Basan: * quó-

niam in ætérnum misericórdia ejus.

Et dedit terram eórum hereditátem : * quóniam in ætérnum misericórdia ejus.

Hereditátem Israel servo suo : * quóniam in ætérnum misericórdia ejus.

Quia in humilitáte nostra memor fuit nostrí : * quóniam in ætérnum misericórdia ejus.

Et redémit nos ab inimícis nostris : * quóniam in ætérnum misericórdia ejus.

Qui dat escam omni carni : * quóniam in ætérnum misericórdia ejus.

Confitémini Deo coeli : * quóniam in ætérnum misericórdia ejus.

Confitémini Dómino dominórum : * quóniam in ætérnum misericórdia ejus.

Añā. Quóniam in ætérnum misericórdia ejus.

Añā. Hymnum cantáte.

Psalmus 136.

SUPER flúmina Babylónis ,
illie sédimus et flévimus :
* cum recordarémur Sion :

In salicibus in médio ejus , *
suspendimus órgana nostra.
Quia illic interrogavérunt

nos , qui captivos duxérunt
nos , * verba cantiónum.

Et qui abduxérunt nos : *
Hymnum cantáte nobis de
cánticis Sion.

Quómodo cantábimus cán-
ticum Dómini * in terra
aliéna ?

Si oblítus fúero tui Jerúsa-
lem : * oblivióni detur dé-
xtera mea.

Adhaereat lingua mea fáu-
cibus meis , * si non memí-
nero tui :

Si non proposúero Jerúsalē ,
* in princípío lætítiæ meæ.

Memor esto , Dómine , filió-
rum Edom , * in die Jerúsa-
lem :

Qui dicunt : Exinaníte , ex-
inaníte * usque ad funda-
méntum in ea.

Filia Babylónis mísera : *
beátus , qui retribuet tibi
retributióem tuam , quam
retribuísti nobis.

Beátus , qui tenébit , * et allí-
det párvulos tuos ad petram.

Añā Hymnum cantáte no-
bis de cánticis Sion.

Tempore Paschali . Añā.

Allelúia , allelúia , allelúia.

In Quadr. , Cap. Joel. 2. d

INTER vestibulum et altáre
plorábunt sacerdótes mí-
nistri Dómini , et dicent :
Parce , Dómine , parce pópu-
lo tuo : et ne des hereditá-
tem tuam in oppróbrium , ut
dominéntur eis nátióes.

Hymn. Audi , benigne. 132.

Ų. Angelis suis Deus man-
dávít de te . **R̃.** Ut custódi-
ant te in ómnibus viis tuis.

Añā ad Magnificat . et
Oratio própria.

Temp. Pasch. Capitulum

Rom. 6. b

CHRISTUS resúrgens ex
mórtuis , jam non mó-

ritur, mors illi ultra non dominabitur. Quod enim mortuus est peccato, mortuus est semel: quod autem vivit, vivit Deo.

Hymnus. Ad régias. 133.

Y. Mane nobiscum, Domine, alleluia. *R.* Quoniam advesperascit, alleluia.

Ad Magnificat. Ana. propr.

Oratio dicitur de Dñica precedenti.

Preces, si dicendae sint, habentur 135.

FERIA SEXTA.

Ad Vesperas.

Ana. In conspectu.

Temp. Pasch. Ana. Allel.

Psalmus 137.

CONFITEBOR tibi, Domine, in toto corde meo: * quoniam audisti verba oris mei. In conspectu Angelorum psallam tibi: * adorabo ad templum sanctum tuum, et confitebor nomini tuo.

Super misericordia tua, et veritate tua: * quoniam magnificasti super omne, nomen sanctum tuum.

In quacumque die invocavero te, exaudi me: * multiplicabis in anima mea virtutem.

Confiteantur tibi, Domine, omnes reges terrae: * quia audierunt omnia verba oris tui.

Et cantent in viis Domini: * quoniam magna est gloria Domini.

Quoniam excelsus Dominus,

VERNA.

et humilia respicit: * et alta a longe cognoscit.

Si ambulavero in medio tribulationis, vivificabis me: * et super iram inimicorum meorum extendisti manum tuam, et salvum me fecit dextera tua.

Dominus retribuet pro me: Domine, misericordia tua in saeculum: * opera manuum tuarum ne despicias.

Ana. In conspectu Angelorum psallam tibi, Deus meus.

Ana. Domine.

Psalmus 138.

DOMINE, probasti me, et cognovisti me: * tu cognovisti sessionem meam, et resurrectionem meam.

Intellexisti cogitationes meas de longe: * semitam meam, et funiculum meum investigasti.

Et omnes vias meas praevidisti: * quia non est sermo in lingua mea.

Ecce, Domine, tu cognovisti omnia; novissima, et antiqua: * tu formasti me, et posuisti super me manum tuam.

Mirabilis facta est scientia tua ex me: * confortata est, et non potero ad eam.

Quo ibo a spiritu tuo? * et quo a facie tua fugiam?

Si ascendero in caelum, tu illic es; * si descendero in infernum, ades.

Si sumpsero pennas meas diluculo, * et habitavero in extrémis maris:

Etenim illuc manus tua deducet me : * et tenébit me dextera tua.

Et dixi : Fórsitan ténebræ conculcábunt me : * et nox illuminátio mea in deliciis meis.

Quia ténebræ non obscurabuntur a te , et nox sicut dies illuminábitur : * sicut ténebræ ejus , ita et lumen ejus.

Quia tu possedisti renes meos : * suscepisti me de útero matris meæ.

Confitebór tibi quia terribiliter magnificátus es : * mirabilia ópera tua , et ánima mea cognóscit nimis.

Non est occultátum os meum a te , quod fecisti in occulto : * et substantia mea in inferioribus terræ.

Imparféctū meum vidérunt óculi tui , et in libro tuo omnes scribéntur : * dies forinabuntur , et nemo in eis.

Mihi autem nimis honorificáti sunt amíci tui , Deus : * nimis confortátus est princípatus eórum.

Pinumerábo eos , et super arénam multiplicabuntur : * exsurrexi , et adhuc sum tecum.

Si occideris Deus peccatóres : * viri sánguinem declínate a me :

Quia dicitis in cogitatíone : * Accipient in vanitáte civitates tuas.

Nonne qui odérunt te , Dó-

mine , óderam : * et super inimícos tuos tabescébam ?

Parfécto ódio óderam illos : * et inimíci facti sunt mihi. **P**roba me , Deus , et scito cor meum : * intérroga me , et cognósce sémitas meas.

Et vide , si via iniquitátis in me est : * et deduc me in via ætérna.

Añá. Dómine , probásti me , et cognovísti me.

Añá. A viro iníquo.

Psalmus 139.

ERIPE me , Dómine , ab hómine malo : * a viro iníquo éripe me.

Qui cogitavérunt iniquitátes in corde : * tota die constituébant prælia.

Acuerunt linguas suas sicut serpéntis : * venénium áspidum sub lábiis eórum.

Custódi me , Dómine , de manu peccatóris : * et ab hominibus iníquis éripe me.

Qui cogitavérunt supplantáre gressus meos : * abscondérunt supérbi láqueum mihi :

Et funes extendérunt in láqueum : * juxta iter scándalum posuérunt mihi.

Dixi Dómino : Deus meus es tu : * exáudi , Dómine , vocem deprecationis meæ.

Dómine , Dómine , virtus salútis meæ : * obumbrásti super caput meum in die belli :

Ne tradas me , Dómine , a desidério meo peccatóri : *

cogitavérunt contra me, ne derelinquas me, ne forte exalténtur.

Caput circúitus eórum, * labor labiórum ipsórum opé-riet eos.

Cadent super eos carbónes, in ignem dejicies eos : * in misériis non subsistent.

Vir linguósus non dirigétur in terra : * virum injústum mala cápiént in intéritu.

Cognóvi quia fáciét Dóminus júdicium ínopis : * et vindictam páuperum.

Verúntamen justí confitebúntur nómini tuo : * et habitábunt recti cum vultu tuo.

Añá. A viro iníquo libera me, Dómine.

Ans. Dómine.

Psalmus 140.

DÓMINE, clamávi ad te, exáudi me : * inténde voci meæ, cum clamávero ad te.

Dirigátur orátio mea sicut incénsus in conspéctu tuo : * elevátio mánuum meárum sacrificium vespertínus.

Pone, Dómine, custódiam ori meo : * et óstium circumstántiæ lábiis meis.

Non declínes cor meum in verba malitiæ, * ad excusándas excusatiónes in peccátis.

Cum homínibus operántibus iniquitátem : * et non comunicábo cum eléctis eórum.

Corripiet me justus in misericórdia, et increpábit me :

* óleum autem peccatóris non impínguet caput meum.

Quóniam adhuc et orátio mea in beneplácitis eórum : * absórpti sunt juncti petráe júdices eórum.

Audient verba mea quóniam potuérunt : * sicut crassitúdo terræ erúpta est super terram.

Dissipáta sunt ossa nostra secus inférnum : * quia ad te, Dómine, Dómine, óculi mei : in te sperávi, non áufferas ánimam meam.

Custódi me a láqueo, quem statuérunt mihi : * et a scándalis operántium iniquitátem.

Cadent in retiáculo ejus peccatóres : * singuláriter sum ego donec transeam.

Añá. Dómine, clamávi ad te, exáudi me.

Añá. Pórtio mea.

Psalmus 141.

VOCE mea ad Dóminum clamávi * voce mea ad Dóminum deprecátus sum : Effúndo in conspéctu ejus oratióem meam, * et tribulatióem meam ante ipsum pronúntio.

In deficiéndo ex me spíritum meum, * et tu cognovísti sémitas meas.

In via hac, qua ambulábam, * abscondérunt láqueum mihi.

Considerábam ad dexteram et vidébam : * et non erat qui cognósceret me.

Périit fuga a me, * et non est qui requírat ánimam meam.

Clamávi ad te, Dómine, * dixi : Tu es spes mea, pór-
tio mea in terra vivéntium.
Inténde ad deprecationem
meam : * quia humiliátus
sum nimis.

Libera me a persecuénti-
bus me : * quia confortáti
sunt super me.

Educ de custódia ánimam
meam ad confiténdum nó-
mini tuo : * me expéctant
justi, donec retribuas mihi.

Ana. Pórtio mea, Dómine,
sit in terra vivéntium.

Tempore Paschali. Ana.
Alleluia, alleluia, alleluia.

In Quadrag., Capitulum.
Joelis 2. d

INTER vestibulum et altáre
plorábunt sacerdótes mi-
nistri Dómini, et dicent :
Parce, Dómine, parce pópulo
tuo : et ne des hereditátem
tuam in oppróbrium, ut do-
minéntur eis nátiónes.

Hymn. Audi, benigne. 132.
V. Angelis suis Deus man-
davit de te. **R.** Ut custódi-
ant te in ómnibus viis tuis.

Ana ad Magnificat, et
Oratio propria.

Temp. Pasch. Capitulum.
Rom. 6. b

CH RISTUS resúrgens ex
mórtuis, jam non mó-
ritur, mors illi ultra non
dominábitur. Quod enim
mórtuus est peccáto, mór-

tuus est semel : quod autem
vivit, vivit Deo.

Hymnus. Ad régias. 133.
V. Mane nobíscum ; Dómi-
ne, alleluia. **R.** Quóniam
advesperáscit, alleluia.

Ad Magnificat, Ana propr.

Oratio dic. de Dñica præc.

Preces, quando dicendæ
sunt, habentur supra. 135.

SABBATO

Ad Vesperas.

Ana. Benedictus.

Temp. Pasch. Ana. Allel.

Psalmus 143.

BENEDICTUS Dóminus Deus
meus, qui docet manus
meas ad prælium, * et dígi-
tos meos ad bellum.

Misericórdia mea, et refú-
gium meum : * suscéptor
meus, et liberátor meus :

Protéctor meus, et in ipso
sperávi : * qui subdit pópulo
meum sub me.

Dómine, quid est homo,
quia innotuísti ei? * aut
filius hóminis, quia réputas
eum?

Homo vanitáti similis fa-
ctus est : * dies ejus sicut
umbra prætereant.

Dómine, inclina cœlos tuos,
et descénde : * tange mon-
tes, et fumigábunt.

Fulgura coruscationem, et
dissipábis eos : * emítte sagit-
tas tuas, et conturbábis eos :

Emitte manum tuam de
alto, éripe me, et libera
me de aquis multis : * de
manu filiórum alienórum.

Quorum os locutum est vanitatem : * et dextera eorum, dextera iniquitatis.

Deus canticum novum cantabo tibi : * in psalterio decachordo psallam tibi.

Qui das salutem regibus : * qui redemisti David servum tuum, de gladio maligno eripe me.

Et erue me de manu filiorum alienorum, quorum os locutum est vanitatem : * et dextera eorum, dextera iniquitatis :

Quorum filii, sicut novellae plantationes * in juventute sua.

Filiae eorum compositae : * circumornatae ut similitudo templi.

Promptuaria eorum plena, * eructantia ex hoc in illud.

Oves eorum foetosa, abundantes in egressibus suis : * boves eorum crassae :

Non est ruina maceriae, neque transitus : * neque clamor in plateis eorum.

Beatum dixerunt populum, cui haec sunt : * beatus populus, cujus Dominus Deus ejus.

Amen. Benedictus Dominus Deus meus.

Amen. Per singulos dies.

Psalmus 144.

EXALTABO te, Deus meus Rex : * et benedicam nomini tuo in saeculum, et in saeculum saeculi.

Per singulos dies benedicam tibi : * et laudabo

nomen tuum in saeculum, et in saeculum saeculi.

Magnus Dominus et laudabilis nimis : * et magnitudinis ejus non est finis.

Generatio et generatio laudabit opera tua : * et potentiam tuam pronuntiabunt.

Magnificentiam gloriae sanctitatis tuae loquentur : * et mirabilia tua narrabunt.

Et virtutem terribilium tuorum dicent : * et magnitudinem tuam narrabunt.

Memoriam abundantiae suavitatis tuae eructabunt : * et justitia tua exultabunt.

Miserator et misericors Dominus : * pateriens, et multum misericors.

Suavis Dominus universis : * et miserationes ejus super omnia opera ejus.

Confiteantur tibi, Domine, omnia opera tua : * et sancti tui benedicant tibi.

Gloriam regni tui dicent : * et potentiam tuam loquentur.

Ut notam faciant filiis hominum potentiam tuam : * et gloriam magnificentiae regni tui.

Regnum tuum, regnum omnium saeculorum : * et dominatio tua in omni generatione et generationem.

Fidelis Dominus in omnibus verbis suis : * et sanctus in omnibus operibus suis.

Allevat Dominus omnes, qui corruunt : * et erigit omnes elisos.

Oculi ómnium in te sperant, Dómine : * et tu das escam illórum in témpore opportúno.

Aperis tu manum tuam : * et imples omne ánimam benedictióne.

Iustus Dóminus in ómnibus viis suis : * et sanctus in ómnibus opéribus suis.

Prope est Dóminus ómnibus invocántibus eum : * ómnibus invocántibus eum in veritate.

Voluntátem tíméntium se faciet : * et deprecationem eórum exáudiet : et salvos faciet eos.

Custódit Dóminus omnes diligéntes se : * et omnes peccátóres dispédet.

Laudatióem Dómini loquétur os meum : * et benedicat omnis caro nómini sancto ejus in sæculum , et in sæculum sæculi.

Añá. Per singulos dies benedicam te, Dómine.

Añá. Laudábo.

Psalmus 145.

LAUDA, ánima mea, Dóminum, laudábo Dóminum in vita mea : * psallam Deo meo quámdiu fúero.

Nolíte confidere in principibus : * in fíliis hóminum, in quibus non est salus.

Exíbit spíritus ejus , et re-vertétur in terram suam : * in illa die peribunt omnes cogitatióes eórum.

Beátus, cujus Deus Jacob ad-

jútor ejus , spes ejus in Dómino Deo ipsíus : * qui fecit cælum et terram , mare, et ómnia, quæ in eis sunt.

Qui custódit veritátem in sæculum, facit judícium injúriam patiéntibus : * dat escam esuriéntibus.

Dóminus solvit compeditos : * Dóminus illúminat cæcos.

Dóminus érigit elisos , * Dóminus diligit justos.

Dóminus custódit ádvenas , pupillum , et víduam suscipiet : * et vias peccátórum dispédet.

Regnabit Dóminus in sæcula Deus tuus Sion, * in generatióem et generatióem.

Añá. Laudábo Deum meum in vita mea.

Añá. Deo nostro.

Psalmus 146.

LAUDATE Dóminum quóniam bonus est psalmus : * Deo nostro sit jucúnda, decóraque laudatio. Edificans Jerúsalem Dóminus : * dispersiões Israélis congregábit.

Qui sanat contritos corde : * et alligat contritióes eórum.

Qui. númerat multitudinem stellárum : * et ómnibus eis nómina vocat.

Magnus Dóminus noster , et magna virtus ejus : * et sapiéntiæ ejus non est númerus.

Suscípiens mansuétos Dó-

minus : * humilians autem peccatores usque ad terram. Præcinite Dómino in confessione : * psállite Deo nostro in cithara.

Qui operit cælum núbibus : * et parat terræ pluviam.

Qui producit in montibus fœnum : * et herbam servituti hóminum.

Qui dat juméntis escam ipsórum : * et pullis corvórum invocántibus eum.

Non in fortitúdine equi voluntátem habébit : * nec in tibiis viri beneplácitum erit ei.

Beneplácitum est Dómino super timéntes eum : * et in eis , qui sperant super misericórdia ejus.

Añã. Deo nostro jucúnda sit laudátio.

Añã. Lauda.

Psalmus 147.

LAUDA, Jerúsalem, Dóminum : * lauda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruméntisátia te.

Qui emíttit elóquium suum terræ : * velocíter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frígoris ejus quis sustinébit?

Emíttet verbum suum , et

liquefáciét ea : * flabit spíritus ejus , et fluent aquæ. Qui annúntiat verbum suum Jacob : * justítias et judícia sua Israel.

Non fecit táliter omni nátióni : * et judícia sua non manifestávit eis.

Añã. Lauda , Jerúsalem , Dóminum.

Temp. Pasch. Añã. Allelúia, allelúia, allelúia. *Capit. Hymnus, V. Añã ad Magnificat, et Oratio pro Temp.*

Deinde fiunt sequentes *Commem. Communes, seu Suffragia Sanctorum* , quæ dicuntur etiam ad Laudes.

COMMEMORATIO

DE CRUCE.

In feriali tantum Officio.

Ad Vesp. et Laud. Añã.

Per signum Crucis de inimicis nostris libera nos , Deus noster. *V.* Omnis terra adóret te , et psallat tibi. *R.* Psalmum dicat nómini tuo , Dómine.

Orémus. Oratio.

PERPETUA nos , quæsumus Dómine , pace custódi : quos per lignum sanctæ Crucis redímere dignátus es.

COMMEM. COMMUNES, SIVE SUFFRAGIA SANCTORUM.

De sancta María , quando non dicitur ejus Officium parvum.

Ad Vesperas , et Laudes.

Añã. Sancta María , succurre miseris , juva pusillánimes , réfove flébiles , ora pro

pópulo, intérvēni pro clero, intercēde pro devóto femíneo sexu : sēntiant omnes tuum juvāmen , quicúmque célebrant tuam sanctam commemoratióem. *Ÿ.* Ora pro nobis , sancta Dei Génitrix. *R.* Ut digni efficiámur promissionibus Christi.

Orémus. Oratio.

CONCEDE nos sámulos tuos, quæsumus Dómine Deus, perpétua mentis et córporis sanitate gaudere : et gloriósa beátæ Mariæ semper Virginis intercessióne, a præsēnti liberári tristitia , et ætérna pérfrui lætitia.

De Apostolis.

Ad Vesperas. Añā. Petrus Apóstolus, et Paulus Doctor Géntium, ipsi nos docuérunt legem tuam, Dómine. *Ÿ.* Constitues eos príncipes super omnem terram. *R.* Mémores erunt nóminis tui, Dómine.

Ad Laudes. Añā. Gloriósi príncipes terræ quómodo in vita sua dilexérunt se, ita et in morte non sunt separáti. *Ÿ.* In omnem terram exivit sonus eórum. *R.* Et in fines orbis terræ verba eórum.

Orémus. Oratio.

DEUS, cujus dextera beátum Petrum, ambulántem in flúctibus, ne mergerétur, eréxit : et coapóstolum ejus Paulum tértio naufragántem de profúndo pélagi liberávit : exáudi nos

propitius, et concēde ; ut ambórum méritis, æternitátis glóriam consequámur.

De Patrono, vel Titulari Ecclesie fit Commemoratio consueta ante vel post Commemorationes prædictas, pro dignitate illius, et ultimo loco de Pace.

Ad Vesp. , et Laud. Añā.

Da pacem, Dómine, in diébus nostris, quia non est álius qui pugnet pro nobis, nisi tu Deus noster. *Ÿ.* Fiat pax in virtúte tua. *R.* Et abundantia in túrribus tuis.

Orémus. Oratio.

DEUS, a quo sancta desidéria, recta consília, et iusta sunt ópera: da servis tuis illam, quam mundus dare non potest pacem: ut et corda nostra mandátis tuis dedita, et hóstium sublata formidine, témpora sint tua protectióne tranquilla. Per Dóminum. *R.* Amen.

Ÿ. Dóminus vobiscum. *R.* Et cum spíritu tuo. *Ÿ.* Benedicámus Dómino. *R.* Deo grátias. *Ÿ.* Fidélium animæ per misericórdiam Dei requiescant in pace. *R.* Amen.

Deinde dicitur secretó Pater noster.

Sic terminatur Offic. ubi alia non sequatur Hora, ut dicitur in Rubr. de Orat. Dñica.

Dietæ Commemorationes, seu Suffragia, dicuntur ab Octava Epiph. usque ad

Dominicam Passionis, exceptis Duplicibus, et infra Octavas.

Quando dicitur Officium B. M. non fit alia commemoratio de ea.

COMMEMORATIO

de Cruce, temp. Pasch.

Quæ fit quotidie in Laudibus et Vesperis usque ad Ascensionem tam in Officio de Tempore, quam de Sanctis, nisi sit Duplex, aut infra Octavas. Aliæ Commemorationes de S. Maria, de Apostolis, et de Pace, non dicuntur tempore Paschali.

In Vesperis. Añã.

Crucem sanctam subiit, qui infèrnum confrégit, accinctus est potèntia : surrèxit die tértia, allelúia. *V.* Dicite in nationibus, allelúia. *R.* Quia Dóminus regnàvit a ligno, allelúia.

Oratio.

DEUS, qui pro nobis Filium tuum crucis patibulum subire voluisti, ut inimici a nobis expelleres potestatem : concède nobis famulis tuis ; ut resurrectionis grátiam consequámur. Per eúmdem Dóminum.

In Laudibus. Ant. de Cruce. Crucifixus surrèxit a mórtuis, et redémit nos ; allelúia, allelúia.

V. et Oratio, ut supra.

AD COMPLETORIUM.

Lector incipit *V.* Jube, domne, benedicere. *Bened.*

Noctem quiétam, et finem perfèctum concédât nobis Dóminus omnipotens. *R.* Am.

Lectio brev. 1. *Pet.* 5. c

FRATRES, Sóbrii estóte et vigiláte : quia adversarius vester diabolus tamquam leo rúgiens circuit, quærens quem devoret : cui resistite fortes in fide. Tu autem, Dómine, miserere nobis. *R.* Deo grátias.

V. Adjutórium nostrum in nómine Dómini. *R.* Qui fecit cælum et terram. Pater noster, dicitur totum secreto. Deinde Hebdomadarius facit Confessionem.

CONFITEOR Deo omnipotenti, beátæ Mariæ semper Virgini, beáto Michaéli Archángelo, beáto Joánni Baptístæ, sanctis Apóstolis Petro et Paulo, ómnibus Sanctis, et vobis, fratres : quia peccávi nimis cogitatione, verbo, et ópere : mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum Deum nostrum.

Chorus respondet :

MISEREATUR tui omnipotens Deus, et dimissis peccátis tuis, perdúcat te ad vitam ætérnam. *R.* Amen.

Deinde repetit Conf. et ubi dicitur vobis, fratres, et vos, fratres, dicatur tibi, pater, et te, pater.

Facta Confess. a Choro.

Hebdomadarius dicit

MISEREATUR vestri omnipotens Deus, et dimissis peccatis vestris, perducat vos ad vitam æternam. **R.** Amen.

INDULGENTIAM, absolutiōnem, et remissionem peccatorum nostrorum tribuat nobis omnipotens et misericors Dóminus. **R.** Amen.

Et facta Absolutione, dicitur V.

CONVERTE nos Deus salutaris noster. **R.** Et averte iram tuam a nobis.

V. Deus, in adiutorium meum inténde. **R.** Dómine, ad adiuvandum me festína. Glória Patri. Sicut erat.

Añs. Miserére.

Temp. Pasch. **Añs.** Allel.

Psalmus 4.

CUM invocarem, exaudivit me Deus iustitiæ meæ : * in tribulatione dilatasti mihi.

Miserére mei, * et exáudi orationem meam.

Filii hóminum úsquequo gravi corde ? * ut quid diligitis vanitatem, et quæritis mendacium ?

Et scitote quóniam mirificavit Dóminus sanctum suum : * Dóminus exáudiet me, cum clamávero ad eum.

Irascimini, et nolite peccare : * quæ dicitis in cordibus vestris, in cubilibus vestris compungimini.

Sacrificáte sacrificium iustitiæ, et speráte in Dómino, * Multi dicunt : Quis osténdit nobis bona ?

Signatum est super nos lumen vultus tui, Dómine : * dedisti lætitiā in corde meo.

A fructu frumenti, vini et olei sui : * multiplicati sunt.

In pace in idípsum * dormiam, et requiescam.

Quóniam tu, Dómine, singulariter in spē * constituisti me.

Psalmus 30.

In te, Dómine, speravi, non confundar in ætérnum : * in iustitia tuā libera me.

Inclina : ad me aurem tuam, * accélera ut éruas me.

Esto mihi in Deum protectorem, et in domum refúgii, * ut salvum me fácias.

Quóniam fortitúdo mea et refúgium meum es tu : * et propter nomen tuum deduces me, et enútries me.

Educes me de láqueo hoc, quem absconderunt mihi : * quóniam tu es protector meus.

In manus tuas commendo spiritum meum : * redemisti me, Dómine, Deus veritatis.

Psalmus 90.

QUI hábitat in adjutório
Altissimi, * in prote-
ctiōe Dei cœli commorábi-
tur.

Dicet Dómino : Suscéptor
meus es tu, et refúgium
meum : * Deus meus spe-
rábo in eum.

Quóniam ipse liberávit me
de láqueo venántium, * et
a verbo áspero.

Scápulis suis obumbrábit
tibi : * et sub pennis ejus
sperábis.

Scuto circúmdabit te vé-
ritas ejus : * non timébis a
timóre noctúrno.

Asagítta volánte in die, a
negótio perambulánte in té-
nebris, * ab incúrsu, et
dæmónio meridiáno.

Cadent a látere tuo mille,
et decem millia a dextris
tuis : * ad te autem non
appropinquábit.

Verúmtamen óculis tuis
considerábis : * et retribu-
tiōnem peccatórum vidébis.

Quóniam tu es, Dómine,
spes mea : * altíssimum
posuísti refúgium tuum.

Non accédet ad te malum :
* et flagéllum non appro-
pinquábit tabernáculo tuo.

Quóniam Angelis suis man-
dávít de te : * ut custódiant
te in ómnibus viis tuis.

In mánibus portábunt te : *
ne forte offéndas ad lápidem
pedem tuum.

Super áspidem et basiliscum

ambulábis : * et conculeá-
bis leónem et draconem.

Quóniam in me sperávit, li-
berábo eum : * prótegam
eum, quóniam cognóvit no-
men meum.

Clamábit ad me, et ego ex-
áudiam eum : * cum ipso sum
in tribulatiōe : erípiam
eum : et glorificábo eum.

Longitúdine diérum replé-
bo eum : * et osténdam illi
salutáre meum.

Psalmus 133.

ECCE nunc benedicite Dó-
minum, * omnes servi
Dómini.

Qui statis in domo Dómi-
ni, * in átriis Domus Dei
nostri.

In nóctibus extóllite manus
vestras in sancta, * et bene-
dicite Dóminum.

Benedícat te Dóminus ex
Sion, * qui fecit cœlum et
terram.

Añá. Miserére mihi, Dó-
mine, et exáudi oratiōnem
meam.

Tempore Paschali, Añá.
Allelúia, allelúia, allelúia.

Hymnus.

TE lucis ante términum,
Rerum Creátor, póscimus,
Ut pro tua cleméntia
Sis præsul, et custódia.

Procul recédant sómnia,
Et nóctium phantásmata ;
Hostémque nostrum cóm-
prime,

Ne polluantur córpora.

Præsta, Pater piíssime,

Patrique compar Unice,
Cum Spíritu Paráclito,
Regnans per omne sæcu-
lum. Amen.

Sic terminandus est Hy-
mnus prædictus tempore
Quadragesimæ, et per an-
num, nisi aliter notetur.

¶ Temp. Paschali, id est,
a Completorio ante Dñicam
in Albis, usque ad Ascen-
sionem exclusive, tam in
Dñicis, quam in Feriis ac
etiam in Festis eodem tem-
pore occurrentibus, nisi ali-
ter notetur, in fine Hymni
prædicti dicitur seq. Versus.

Deo Patri sit glória,
Et Filio, qui a mórtuis
Surréxit, ac Paráclito,
In sempitérna sæcula. Amen.

¶ Ab Ascensione autem
usque ad Festum Penteco-
stes exclusive, terminandus
est sic :

Jesu, tibi sit glória,
Qui victor in cælum redis,
Cum Patre, et almo Spíritu,
In sempitérna sæcula. Am.

Capitulum. Jerem. 14. b

TU autem in nobis es, Dó-
mine, et nomen san-
ctum tuum invocátum est
super nos : ne derelinquas
nos, Dómine Deus noster.

R. Deo grátias.

R. br. In manus tuas,
Dómine, * Comméndo spí-
ritum meum. In. *V.* Rede-
místi nos, Dómine, Deus
veritátis. Comméndo spí-
ritum. Glória Patri. In. *V.*

Custódi nos, Dómine, ut
pupillam óculi. *R.* Sub
umbra alárum tuárum próte-
ge nos.

¶ A Completorio Sabbati
ante Dñicam in Albis inclu-
sive, usque ad Sabbatum
post Festum Pentecostes ex-
clusive, dicitur sequens

R. br. In manus tuas, Dó-
mine, comméndo spíritum
meum. * Allelúia, allelúia.
In manus. *V.* Redemísti nos,
Dómine Deus veritátis. Al-
lelúia, allelúia. Glória Pa-
tri. In manus. *V.* Custódi
nos, Dómine, ut pupillam
óculi, allelúia. *R.* Sub um-
bra alárum tuárum prótege
nos, allelúia.

Añá. Salva nos.

Canticum Simeonis.

Luce 2. c

NUNC dimittis servum
tuum, Dómine, * se-
cúndum verbum tuum in
pace :

Quia vidérunt óculi mei
* salutáre tuum.

Quod parásti * ante fáciem
ómnium populórum ;

Lumen ad revelatióem
Géntium, * et glóriam ple-
bis tuæ Israel.

Glória Patri, et Filio.

Añá. Salva nos, Dómine,
vigilántes, custódi nos dor-
miéntes : ut vigilémus cum
Christo, et requiescámus in
pace.

Tempore Paschali, additur.
Allelúia.

Sequentes Preces semper

dicuntur, præterquam in Officio Dupl., et infra Octavas : quæ in feriali Offic., temp. Quadr., et in Quat. Temp. quando dictæ sunt Preces in Vesp., dic. flexis genibus.

KYRIE, eléison. Christe, eléison. Kyrie, eléison. Pater noster, *secreto* *ŷ*. Et ne nos indúcas in tentatió-
nem. *R*. Sed libera nos a malo. Credo in Deum, *secreto*. *V*. Carnis resurre-
ctiódinem. *R*. Vitam ætérnam. Amen. *ŷ*. Benedictus es, Dómine Deus patrum no-
strórum. *R*. Et laudábilis, et gloriósus in sæcula. *V*. Benedicámus Patrem, et Fi-
lium, cum sancto Spíritu. *R*. Laudémus, et superexal-
témus eum in sæcula. *ŷ*. Benedictus es, Dómine, in firmaménto cœli. *R*. Et lau-
dábilis, et gloriósus, et superexaltátus in sæcula. *V*. Benedicat et custódiat
nos omnipotens et miséri-
cors Dóminus. *R*. Amen. *ŷ*. Dignáre, Dómine, nocte
ista. *R*. Sine peccáto nos
custodíre. *V*. Miserére no-
stri, Dómine. *R*. Miserére
nostri. *V*. Fiat misericórdia
tua, Dómine, super nos. *R*.
Quemádmodum sperávimus
in te. *V*. Dómine exáudi
oratiódinem meam. *R*. Et cla-
mor meus ad te véniat. *V*.
Dóminus vobiscum. *R*. Et
cum spiritu tuo.

Orémus. Oratio.

VISITA, quæsumus Dómi-
ne, habitatiódinem istam,
et omnes insídias inimici
ab ea longe repélle : Angeli
tui sancti hábitent in ea,
qui nos in pace custódiant ;
et benedictio tua sit super
nos semper. Per Dóminum.
ŷ. Dómius vobiscum. *R*.
Et cum spíritu tuo. *V*. Be-
nedicámus Dómino. *R*. Deo
grátias. *Bened.* Benedicat
et custódiat nos omnipotens
et miséricors Dóminus, Pa-
ter, et Fílius, et Spíritus
sanctus. *R*. Amen. *Et non
dicitur Fidélium animæ,
sed immediate dicitur una
ex infrascriptis Anis pro
temp.*

Post Purificat., id est,
a fine Complet. illius diei
ij. Febr. inclus., usque ad
Fer. v. in Cena Dñi exclu-
sive, Ana.

AVE, Regína cœlórum,
Ave, Dómina Angeló-
rum :

Salve radix, salve porta,
Ex qua mundo lux est orta :
gaude, Virgo gloriósa,
Super omnes speciósa :
Vale, o valde decóra,
Et pro nobis Christum ex-
óra.

ŷ. Dignáre me laudáre te,
Virgo sacrata. *R*. Da mihi
virtútem contra hostes tuos.

Orémus. Oratio.

CONCEDE, miséricors Deus,
fragilitáti nostræ præsi-

dium : ut, qui sanctæ Dei Genitriceis memoriâ agimus, intercessionis ejus auxilio, a nostris iniquitatibus resurgamus. Per eundem Christum Dominum nostrum. *R.* Amen.

A Complet. Sabbati sancti usque ad Nonam Sabbati post Pentec. inclus., Añâ.

REGINA cœli, lætare, allelûia.

Quia quem meruisti portare, allelûia.

Resurrexit sicut dixit, allelûia.

Ora pro nobis Deum, allelûia.

V. Gaude et lætare, Virgo Mariâ, allelûia. *R.* Quia surrexit Dominus vere, allelûia.

Orémus. Oratio.

DEUS, qui per resurrectionem Filii tui Domini nostri Jesu Christi mundum lætificare dignatus es : præsta quæsumus ; ut per ejus Genitricem Virginem Mariam, perpétuæ capiâmus gaudia vitæ. Per eundem Christum Dñum nostrum. *R.* Amen.

V. Divinum auxilium mâneat semper nobiscum. *R.* Amen.

Deinde dicitur secreto *Pater noster*, *Ave Mariâ*, et *Credo*.

Sic dicitur Complet. per

totum Annum, præterquam in triduo majoris Hebdomadæ, et per Oct. Paschæ, ut suo loco dicitur.

Si post Complet. immediate sequatur Matut., tunc bis dicatur *Pater noster*, *Ave Mariâ*, et *Credo*, quia Completor., quod est finis Officii, sic terminari debet : et ante Matut. iterum repetitur pro principio Officii sequentis diei.

Añæ prædictæ dicuntur etiam in fine Laudum, quando discedendum est a Choro : sed si immediate post Matut. subsequatur Prima, vel alia Hora, dicuntur in fine ult. Horæ, ita ut dicantur semper, quando, terminata aliqua Hora, discedendum est a Choro : et tunc post *ŷ.* Fidélium animæ, et *Pater noster*, secreto dicitur *V.* Dominus det nobis suam pacem. *R.* Et vitam æternam. Amen.

Deinde una ex prædictis Añis, et in fine, Divinum auxilium mâneat semper nobiscum. *R.* Amen.

Extra Chorum autem dicuntur in fine Laud., si tunc terminandum sit Officium, alioquin in fine ultimæ Horæ. Post alias vero Horas, quando terminatur Offic., dicitur tantum *Pater noster* secreto.

PROPRIUM

DE TEMPORE.

SABBATO PRIMO IN QUADRAGESIMA.

Hodie, et deinceps usque ad Pascha, dicuntur **Vesperæ** ante comestionem, tam in Festis, quam in Feriis, exceptis Dñicis, in quibus dicuntur hora consueta.

Ad Vesperas.

Capitulum. 2. Cor. 6.

FRATRES: Hortámur vos, ne in vácuum grátiam Dei recipiátis. Ait enim: Témpore accépto exaudivi te, et in die salútis adjuvi te.

Hymn. Audi, benigne. 132.
¶ Angelis suis Deus mandávit de te. **℟.** Ut custódiant te in ómnibus viis tuis.

Ad Magnificat. **Añs.**
Tunc invocábis, * et Dóminus exáudiet, clamábis, et dicet: Ecce adsum.

Oratio.

DEUS, qui Ecclesiám tuam ánnua quadragesimáli observatióne purificas: præsta familiæ tuæ; ut, quod a te obtinére abstinéndo nítitur, hoc bonis opéribus exequátur. Per Dóminum.

DOMINICA PRIMA IN QUADRAGESIMA.

Si hac die, et in aliis Dñicis Quadrage. occurrat Festum Duplex, transfertur in seq. diem similiter non impeditam, ut dicitur in Rubrica de Translat. Festorum. Aliis diebus Quadrage. usque ad maiorem Hebdom. si occurrat Festum Duplex, vel Semid., fit de eo cum commem. et ix. Lect. de Homilia Feriæ. De Simplicibus fit tantum commem.

Per totam Quadrage. in feriali Officio, Feria ij. dicitur Officium Defunct. Feria iv. dicuntur Psalmi Grad. Feria vj. Septem Psalmi Pœnit. cum Litanis, præterquam in Feriis majoris Hebdom.: quæ omnia habentur in fine Brev.

Ad Matutinum. Invitat. Hymnus, Añæ. Psalmi et vv. ut in Psalterio.

In primo Nocturno.
De Epístola secúnda beáti Pauli Apóstoli ad Corínthios.

Lectio. Cap. 6.

ADJUVANTES autem exhortámur, ne in vácuum

gratiam Dei recipiatis. Ait enim : Tém-pore accépto ex-audivi te , et in die salutis adjúvi te. Ecce nunc tem-pus acceptá-bile , ecce nunc dies salutis. Ném-ini dantes ullam offensiónem , ut non vituperétur ministéri-um nostrum : sed in ómnibus ex-hibeámus nosmetípsos sic-ut Dei ministros , in multa paciéntia , in tribulatió-nibus , in necessitatibus , in an-gúst-iis , in plagis , in carcéri-bus , in sediti-ónibus , in labó-ribus , in vigíliis , in jejúniis , in castitá-te , in sciéntia , in longanimitá-te , in suavité , in Spírítu sancto , in cha-ritá-te non ficta , in verbo veritátis , in virtúte Dei , per arma justitiæ a dextris , et a sinístris ; per glóriam et ignobilitátem ; per infá-miam , et bonam famam : ut seductóres , et veráces : sicut qui ignóti , et c-ogniti : quasi moriéntes , et ecce ví-vimus : ut castigáti , et non mortificáti : quasi tristes : semper autem gaudéntes : sicut egéntes , multos au-tem locupletántes : tamquam nihil habéntes , et ómnia possidéntes.

R. Ecce nunc tempus ac-ceptá-bile , ecce nunc dies salutis : commendémus nos-metípsos in multa paciéntia , in jejúniis multis : • Per arma justitiæ virtútis Dei.

V. In ómnibus exhibeámus

nosmetípsos sicut Dei mi-nistros in multa paciéntia , in jejúniis multis. Per.

Lectio ij.

Os nostrum patet ad vos , o Corinthii , cor nostrum dilatátum est. Non angustia-mini in nobis : angustia-mini autem in viscéribus vestris : eámdem autem ha-béntes remunerati-ónem , tamquam filiis dico , dila-támini et vos. Nolite jugum dúcere cum infidélibus. Quæ enim participati-ó justitiæ cum iniquitá-te ? Aut quæ societas luci ad ténebras ? Quæ autem convéntio Chri-sti ad Bélial ? Aut quæ pars fidéli cum infidéli ? Qui au-tem consénsus templo Dei cum idólis ? Vos enim estis templum Dei vivi , sicut dicit Deus : Quóniam inha-bitábo in illis , et inambu-lábo inter eos , et ero illó-rum Deus , et ipsi erunt mihi pópulus.

R. In ómnibus exhibeá-mus nosmetípsos sicut Dei ministros in multa pacién-tia : • Ut non vituperétur ministéri-um nostrum. **V.** Ecce nunc tempus acceptá-bile , ecce nunc dies salutis : commendémus nosmetípsos in multa paciéntia. Ut.

Lectio iij. Cap. 7.

REPLETUS sum consolati-ó-ne , superabúndo gáudio in omni tribulati-ó-ne nostra. Nam et cum venissémus in

Macedóniam, nullam ré-
quiem hábuit caro nostra,
sed omnem tribulatióem
passi sumus : foris pugnae,
intus timóres. Sed qui con-
solátur húmiles, consolátus
est nos Deus in advéntu
Titi. Non solum autem in
advéntu ejus, sed étiam in
consolatióne, qua consolá-
tus est in vobis, réferens
nobis vestrum desidérium,
vestrum fletum, vestram
æmulatióem pro me, ita ut
magis gaudérem. Quóniam
etsi contristávi vos in epí-
stola, non me pœnitet : et
si pœnitétet, videns quod
epístola illa (etsi ad hórâ-
m) vos contristávit : nunc gáu-
deo, non quia contristáti
estis, sed quia contristáti
estis ad pœniténtiam.

R. In jejúnio et fletu orá-
bunt sacerdótes, dicéntes :
* Parce, Dómine, parce pó-
pulo tuo; et ne des heredi-
tatem tuam in perditionem.

V. Inter vestibulum et al-
táre plorábunt sacerdótes,
dicéntes. Parce. **G**loria Pa-
tri. Parce.

In secundo Nocturno.

Sermo S. Leónis Papæ.

Lectio iv.

Serm. 4. de Quadrag.

PRÆDICATURUS vobis, di-
lectíssimi, sacratíssimum
maximúmque jejúnium, quo
áptius utar exórdio, quam
ut verbis Apóstoli, in quo
Christus loquebátur, inci-

piam, dicámque quod lectum
est : Ecce nunc tempus ac-
ceptábile, ecce nunc dies
salútis ! Quamvis enim nul-
la sint témpora, quæ divínis
non sint plena munéribus,
et semper nobis ad miseri-
córdiam Dei per ipsíus grá-
tiam præstétur accéssus :
nunc tamen ómnium mentes
majóri stúdio ad spiritáles
proféctus movéri, et ampli-
ori fidúcia opórtet animári,
quando ad univérsa pietátis
officia, illius nos diéi, in
quo redémpti sumus, recúr-
sus invitat : ut excéllens
super ómnia passióis Do-
minicæ sacraméntum puri-
ficátis et corpóribus et áni-
mis celebrémus.

R. Emendémus in mélius
quæ ignoránter peccávimus:
ne súbito præoccupáti die
mortis, quærámus spátium
pœniténtiæ, et inveníre non
possimus : * Atténde, Dómi-
ne, et miserére, quia peccá-
vimus tibi. **V.** Adjuva nos,
Deus salutáris noster, et pro-
pter honórem nóminis tui,
Dómine, libera nos. Atténde.

Lectio v.

DEBEBATUR quidem tantis
mystériis ita incessábi-
lis devótió, et continuáta re-
veréntia, ut tales permane-
rémus in conspéctu Dei,
quales nos in ipso pascháli
festo dignum est inveníri.
Sed quia hæc fortitúdo pau-
córûm est, et dum carnis

fragilitate austerior observantia relaxatur, dumque per varias actiones vite hujus sollicitudo distenditur, necesse est de mundano pulvere etiam religiosa corda sordescere: magna divinæ institutionis salubritate provisum est, ut ad reparandam mentium puritatem, quadraginta nobis dierum exercitatio mederetur, in quibus aliorum temporum culpas et pia opera redimerent, et jejunia casta decóquerent.

R. Derelinquat impius viam suam, et vir iniquus cogitationes suas, et revertatur ad Dóminum, et miserébitur ejus: * Quia benignus et miséricors est, et præstabilis super malitia Dóminus Deus noster. **Y.** Non vult Dóminus mortem peccatoris, sed ut convertatur et vivat. Quia.

Lectio vj.

INGRESSURI igitur, dilectissimi, dies mysticos, et purificandis animis atque corpóribus sacratius institutos, præceptis Apostólicis obedire curémus, emundantes nos ab omni inquinamento carnis ac spiritus: ut castigatis colluctationibus, quæ sunt inter utramque substantiam, animus, quem sub Dei gubernaculis constitutum, corpóris sui decet esse rectorem, dominationis suæ obtineat di-

gnitatem: ut nemini dantes ullam offensionem, vituperationibus obloquentium non simus obnoxii. Digna enim ab infidelibus reprehensione carpémur, et nostro vitio linguæ impiæ in injuriam se religionis armabunt, si jejunantium mores a puritate perfectæ continentiae discrepant. Non enim in sola abstinencia cibi stat nostri summa jejunii, aut fructuose corpóri esca subtrahitur, nisi mens ab iniquitate revocetur.

R. Paradisi portas aperuit nobis jejunii tempus: suscipiamus illud orantes, et deprecantes: * Ut in die resurrectionis cum Dómino gloriémur. **Y.** In ómnibus exhibeamus nosmetipsos sicut Dei ministros, in multa patientia. Ut. Glória Patri. Ut.

In tertio Nocturno.

Lectio sancti Evangélíi secundum Matthæum.

Lectio vij. Cap. 4.

IN illo tempore: Ductus est Jesus in desertum a Spiritu, ut tentaretur a diabolo. Et cum jejunasset quadraginta diebus et quadraginta noctibus, postea esuriit. Et reliqua.

Homilia S. Gregórii Papæ.

Hom. 16. in Evang.

DUBITARI a quibusdam solet, a quo spiritu sit Jesus ductus in desertum,

propter hoc quod súbditur : Assúmpsit eum diábolus in sanctam civitátem : et rursum : Assúmpsit eum in montem excélsu valde. Sed vere et absque ulla quæstióne conveniénter accípitur , ut a sancto Spírítu in desértum ductus credátur : ut illuc eum suus Spírítus dúceret , ubi hunc ad tentándum málinus spírítus inveníret. Sed ecce , cum dicitur Deus homo vel in excélsu montem , vel in sanctam civitátem a diábolo assúptus mens réfugit crédere , humanæ hoc audire aures expavéscunt. Qui tamen non esse incredibília ista cognóscimus , si in illo et ália facta pensámus.

R. Scíndite corda vestra , et non vestiménta vestra : et convertímini ad Dóminum Deum vestrum : * Quia benignus et miséricors est. **V.** Derelinquat impius viam suam , et vir iníquus cogitationes suas , et revertátur ad Dóminum , et miserébitur ejus. Quia.

Lectio viij.

CERTE iniquórum ómnium caput diábolus est : et hujus cápitis membra sunt omnes iníqui. An non diáboli membrum fuit Pilátus? An non diáboli membra Judæi persecúentes , et mílites crucifigéntes Christum fuérunt? Quid ergo mirum , si

se ab illo permisit in montem duci , qui se pértulit étiam a membris illius crucifigi? Non est ergo indignum Redemptóri nostro quod tentári vóluit , qui vénerat occídi. Justum quippe erat , ut sic tentatiónes nostras suis tentatió nibus vinceret , sicut mortem nostram vénerat sua morté superáre.

R. Frange esuriénti panem tuum , et egénos vagósque induc in domum tuam :

* Tunc erúmpet quasi mane lumen tuum , et anteíbit fáciem tuam justítia tua. **V.** Cum víderis nudum , óperi eum , et carnem tuam ne despéxeris. Tunc.

Lectio ix.

SED sciéndum nobis est , quia tribus modis tentatio ágitur : suggestiόne , delectatiόne , et consénsu. Et nos cum tentámur , plerúmque in delectatiόnem , aut étiam in consénsu lábi-mur ; quia de carnis peccáto propagáti , in nobis ipsis étiam gérimus , unde certamina tolerámus. Deus vero , qui in útero Vírginis incarnátus , in mundum sine peccáto vénerat , nihil contradictiόnis in semetípso tolerábat. Tentári ergo per suggestiόnem pótuít : sed ejus mentem peccáti delectatiό non momórdit. Atque ideo omnis diabólica illa tentatiό foris , non intus fuit.

R. Angelis suis Deus mandavit de te, ut custodiant te in omnibus viis tuis: * In manibus portabunt te, ne unquam offendas ad lapidem pedem tuum. **V.** Super aspitem et basiliscum ambulabis, et conculcabis leonem et draconem. In. Glória Patri. In.

Per Hebdom. ejus loco dicitur **R.** Abscondite eleemosynam in sinu pauperum, et ipsa orabit pro vobis ad Dominum * Quia sicut aqua extinguit ignem, ita eleemosyna extinguit peccatum. **V.** Date eleemosynam, et ecce omnia munda sunt vobis. Quia. Glória Patri. Quia.

AD LAUDES.

Añā. Cor mundum.

Psalmus 50.

MISERERE mei Deus, * secundum magnam misericordiam tuam.

Et secundum multitudinem miserationum tuarum, * dele iniquitatem meam.

Amplius lava me ab iniquitate mea: * et a peccato meo munda me.

Quoniam iniquitatem meam ego cognosco: * et peccatum meum contra me est semper.

Tibi soli peccavi, et malum coram te feci: * ut justificeris in sermonibus tuis, et vincas cum judicaris.

Ecce enim in iniquitatibus conceptus sum: * et in peccatis concepit me mater mea.

Ecce enim veritatem dilexisti: * incerta et occulta sapientiæ tuæ manifestasti mihi.

Asperges me hyssopo, et mundabor: * lavabis me, et super nivem dealbabor.

Auditui meo dabis gaudium et lætitiā: * et exultabunt ossa humiliata.

Averte faciem tuam a peccatis meis, * et omnes iniquitates meas dele.

Cor mundum crea in me Deus: * et spiritum rectum innova in visceribus meis.

Ne projicias me a facie tua: * et spiritum sanctum tuum ne auferas a me.

Redde mihi lætitiā salutāris tui: * et spiritu principali confirma me.

Docēbo iniquos vias tuas: * et impii ad te convertentur.

Libera me de sanguinibus Deus, Deus salutis meæ: * et exultabit lingua mea justitiam tuam.

Dōmine, labia mea apéries: * et os meum annuntiabit laudem tuam.

Quoniam si voluisses sacrificium, dedissem utique: * holocaustis non delectaberis.

Sacrificium Deo spiritus contribulatus: * cor contritum, et humiliatum Deus non despicias.

Benigne fac, Dōmine, in bona voluntate tua, Sion: *

ut ædificéntur muri Jerúsalem.

Tunc acceptábis sacrificium justitiæ, oblatiões, et holocáusta : * tunc impónent super altáre tuum vitulos.

Añs. Cor mundum crea in me Deus, et spíritum rectum innova in visceribus meis.

Añs. O Dómine.

Psalmus 117.

CONFITEMINI Dómino quóniam bonus : * quóniam in sæculum misericórdia ejus.

Dícat nunc Israel, quóniam bonus : * quóniam in sæculum misericórdia ejus.

Dícat nunc domus Aaron : * quóniam in sæculum misericórdia ejus.

Dícant nunc qui timent Dóminum, * quóniam in sæculum misericórdia ejus.

De tribulatiõe invocávi Dóminum : * et exaudivit me in latitúdine Dóminus.

Dóminus mihi adjútor : * non timébo quid fáciat mihi homo.

Dóminus mihi adjútor : * et ego despíciám inimícos meos.

Bonum est confídere in Dómino, * quam confídere in hómine.

Bonum est speráre in Dómino, * quam speráre in princípibus.

Omnes gentes circuiérunt me : * et in nómine Dómini quia ultus sum in eos.

Circumdántes circumdedérunt me : * et in nómine Dómini quia ultus sum in eos.

Circumdedérunt me sicut apes, et exarsérunt sicut ignis in spinis : * et in nómine Dómini quia ultus sum in eos.

Impúlsus evérsus sum ut cáderem : * et Dóminus suscepit me.

Fortitúdo mea, et laus mea Dóminus : * et factus est mihi in salutem.

Vox exultatiõis, et salutis : * in tabernáculis justórum.

Déxtera Dómini fecit virtutem : déxtera Dómini exaltávit me, * déxtera Dómini fecit virtutem.

Non móriar, sed vivam : * et narrábo ópera Dómini.

Castigans castigávit me Dóminus : * et morti non trádidit me.

Aperite mihi portas justitiæ, ingréssus in eas confitébor Dómino : * hæc porta Dómini, justi intrábunt in eam.

Confitébor tibi quóniam exaudisti me : * et factus es mihi in salutem.

Lápidem, quem reprobarérunt ædificántes : * hic factus est in caput ánguli.

A Dómino factum est istud : * et est mirábile in óculis nostris.

Hæc est dies, quam fecit Dóminus : * exultémus, et lætémur in ea.

O Dómine, salvum me fac,
o Dómine, bene prosperáre:
* benedictus qui venit in
nómine Dómini.

Benediximus vobis de domo
Dómini : * Deus Dóminus ,
et illúxit nobis.

Constituíte diem solémnem
in condénsis , * usque ad
cornu altáris.

Deus meus es tu, et confité-
bor tibi : * Deus meus es
tu , et exaltábo te.

Confitebor tibi quóniam
exaudísti me : * et factus es
mihi in salutem.

Confitemini Dómino quón-
iam bonus : * quóniam in
sæculum misericórdia ejus.

Añs. O Dómine, salvum me
fac : o Dómine, bene pro-
speráre.

Añs. Sic benedicam.

Psalmus 62.

DEUS Deus meus , * ad te
de luce vígilo.

Sitívit in te ánima mea ,
* quam multipliciter tibi
caro mea.

In terra desérta , et ínvia ,
et inaquósa : * sic in sancto
appáruí tibi , ut vidérem
virtútem tuam , et glóriam
tuam.

Quóniam mélior est mise-
ricórdia tua super vitas : *
lábia mea laudábunt te.

Sic benedicam te in vita
mea : * et in nómine tuo
levábo manus meas.

Sicut ádipe et pinguédine
repleátur ánima mea : * et

lábiis exultatiónis laudábit
os meum.

Si memor fui tui super
stratum meum, in matutínis
meditábor in te : * quia
fuísti adjútor meus.

Et in velaménto alárum
tuarum exultábo , adhæsit
ánima mea post te : * me
suscepit délixtera tua.

Ipsi vero in vanum quæsié-
runt ánimam meam, introi-
bunt in inferióra terræ : *
tradéntur in manus gládii,
partes vúlpium erunt.

Rex vero lætábitur in Deo ,
laudabúntur omnes qui ju-
rant in eo : * quia obstrú-
ctum est os loquéntium
iniqua.

Hic non dic, Glória Patri.

Psalmus 66.

DEUS misereátur nostri, et
benedicat nobis : * illú-
minet vultum suum super
nos, et misereátur nostri.

Ut cognoscámus in terra
viam tuam : * in ómnibus
géntibus salutáre tuum.

Confiteántur tibi pópuli
Deus : * Confiteántur tibi
pópuli omnes.

Læténtur et exúltent gen-
tes ; * quóniam júdicas pó-
pulos in æquitáte, et gen-
tes in terra dirígis.

Confiteántur tibi pópuli
Deus : confiteántur tibi pó-
puli omnes : * terra dedit
fructum suum.

Benedicat nos Deus , Deus
noster, benedicat nos Deus :

* et métuant eum omnes
fines terræ.

Glória Patri, et Filio.

Ana. Sic benedicam te in vita
mea, Dómine; et in nómine
tuo levábo manus meas.

Ana. In spíritu.

Canticum trium Puerorum.

Danielis 3. e

BENEDICITE, ómnia ópera
Dómini, Dómino, * lau-
dáte et superexaltáte eum
in sæcula.

Benedícite, Angeli Dómini,
Dómino : * benedicíte, cœli,
Dómino.

Benedícite, aquæ omnes,
quæ super cœlos sunt, Dó-
mino : * benedicíte, omnes
virtútes Dómini, Dómino.

Benedícite, sol et luna, Dó-
mino : * benedicíte, stellæ
cœli, Dómino.

Benedícite, omnis imber et
ros, Dño : * benedicíte, om-
nes spíritus Dei, Dómino.

Benedícite, ignis et æstus,
Dómino : * benedicíte, fri-
gus et æstus, Dómino.

Benedícite, rores et pruina,
Dómino : * benedicíte, gelu
et frigus, Dómino.

Benedícite, glacies et ni-
ves, Dómino : * benedicíte,
noctes et dies, Dómino.

Benedícite, lux et ténebræ,
Dómino : * benedicíte, fúl-
gura et nubes, Dómino.

Benedícat terra Dóminum :
* laudet et superexáltet
eum in sæcula.

Benedícite, montes et col-

les, Dómino : * benedicíte,
univérſa germinántia in
terra, Dómino.

Benedícite, fontes, Dómi-
no : * benedicíte, mária et
flúmina, Dómino.

Benedícite cete, et ómnia
quæ movéntur in aquis, Dó-
mino : * benedicíte, omnes
vólucres cœli, Dómino.

Benedícite, omnes béstiæ
et pécora, Dómino : * bene-
dicíte, filii hóminum, Dó-
mino.

Benedícat Israel Dóminum :
* laudet et superexáltet
eum in sæcula.

Benedícite, sacerdótes Dó-
mini, Dómino : * benedicíte,
servi Dómini, Dómino.

Benedícite, spíritus et áni-
mæ justórum, Dómino : *
benedicíte, sancti et húmi-
les corde, Dómino.

Benedícite, Ananía, Aza-
ría, Misael, Dómino : * lau-
dáte et superexaltáte eum in
sæcula.

Benedicámus Patrem et Fi-
lium cum sancto Spíritu : *
* laudémus et superexalté-
mus eum in sæcula.

Benedíctus es, Dómine, in
firmaménto cœli : * et lau-
dábilis, et gloriósus, et
superexaltátus in sæcula.

*Hic non dicitur Glória
Patri neque Amen.*

Ana. In spíritu humilitátis,
et in ánimo contrito susci-
piámur, Dómine, a te : et sic
fiat sacrificium nostrum, ut

a te suscipiatur hódie, et placeat tibi, Dómine Deus.

Ana. Laudáte Deum.

Psalmus 148.

LAUDATE Dóminum de cœlis : * laudáte eum in excelsis.

Laudáte eum, omnes Angeli ejus : * laudáte eum, omnes Virtutes ejus.

Laudáte eum, sol et luna : * laudáte eum, omnes stellæ et lumen.

Laudáte eum, cœli cœlorum : * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt : * ipse mandávit, et creáta sunt.

Statuit ea in ætérnum, et in sæculum sæculi : * præcéptum pósuit, et non præteribit.

Laudáte Dóminum de terra, * dracones, et omnes abyssi. Ignis, grando, nix, glacies, spiritus procellarum : * quæ faciunt verbum ejus.

Montes, et omnes colles : * ligna fructifera, et omnes cedri.

Béstiæ et univérsa pécora : * serpéntes, et volucres pennatæ :

Reges terræ, et omnes populi : * principes et omnes júdices terræ.

Júvenes et vírgines : senes cum junióribus laudent nomen Dómini : * quia exaltatum est nomen ejus solius.

Conféssio ejus super cœlum et terram : * et exaltávit cornu pópuli sui.

Hymnus ómnibus sanctis ejus : * filiis Israel, pópulo appropinquánti sibi.

Hic non dic. Glória Patri.

Psalmus 149.

CANTATE Dómino cánticum novum : * laus ejus in ecclésia Sanctórum.

Lætétur Israel in eo, qui fecit eum : * et filii Sion exúltent in rege suo.

Laudent nomen ejus in choro : * in tympano et psalterio psallant ei :

Quia beneplácitum est Dómino in pópulo suo : * et exaltábit mansuétos in salutem.

Exultábunt sancti in glória, * lætabúntur in cubilibus suis.

Exaltatiónes Dei in gútture eórum : * et gládii ancípites in mánibus eórum.

Ad faciéndam vindictam in natióibus : * increpationes in pópulis.

Ad alligándos reges eórum in compédibus : * et nóbiles eórum in mánicis férreis.

Ut faciant in eis júdicium conscriptum : * glória hæc est ómnibus sanctis ejus.

Hic non dic. Glória Patri.

Psalmus 150.

LAUDATE Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secundum multitudinem magnitudinis ejus.

Laudáte eum in sono tubæ : * laudáte eum in psaltério, et cithara.

Laudáte eum in tympano, et choro : * laudáte eum in chordis, et órgano.

Laudáte eum in cymbalis benesonántibus : laudáte eum in cymbalis jubilatiónis : * omnis spíritus laudet Dóminum.

Glória Patri, et Filio.

Añã. Laudáte Deum cœli cœlórum, et aquæ omnes.

Capitulum. 2. Cor. 6.

FRATRES, Hortámur vos, ne in vácuum grátiam Dei recipiátis. Ait enim : Tépore accépto exaudivi te, et in die salútis adjúvi te.

Hymnus.

O sol salútis, íntimis,
Jesu, refúlge méntibus,
Dum nocte pulsa, grátior
Orbi dies renáscitur.

Dans tempus acceptáble,
Da lacrymárum rivulis
Laváre cordis víctimam,
Quam læta adúrat cháritas.
Quo fonte manávit nefas,
Fluent perénnes lácrymæ,
Si virga pœniténtiæ
Cordis rigórem cónterat.

Dies venit, dies tua,
In qua reflórent ómnia :
Lætémur et nos in viam
Tua redúcti délixera.

Te prona mundi máchina,
Clemens, adóret, Trinitas,
Et nos novi per grátiam
Novum canámus cánticum.
Amen.

¶. Angelis suis Deus mandávit de te. *ñ.* Ut custódiant te in ómnibus viis tuis.

Ad Benedictus. Añã.

Ductus est Jesus * in désertum a Spíritu, ut tentarétur a diábolo : et cum jejúnasset quadraginta diébus et quadraginta nóctibus, póstea esúriit.

Oratio

DEUS, qui Ecclesiám tuam ánnua quadragesimáli observatióne purificas : præsta familiæ tuæ ; ut, quod a te obtinére abstinéndo nítitur, hoc bonis opéribus exequátur. Per Dóminum.

Ad Primam, Añã.

Jesus autem * cum jejúnasset quadraginta diébus et quadraginta nóctibus, póstea esúriit.

Ps. Deus in nómine tuo, cum reliq. ut in Psalt. 24.

Ad Absolut. Capit. Lectio brevis. Quærite Dóminum, ut in Psalt. 31. Et dicitur in Dñicis, et Feriis usque ad Dñicam Passionis exclusive.

Ad Tertiam, Añã.

Tunc assúpsit * eum diábolus in sanctam civitátem, et stáuit eum supra pinnáculum templi, et dixit ei : Si Filius Dei es, mitte te deórsum.

Capit. Fratres, Hortamur, ut supra. 169.

R. br. Ipse liberávit me * De láqueo venántium. Ipse. *Y.* Et a verbo áspero. De. Glória Patri. Ipse. *Y.* Scápolis suis obumbrábit tibi. *R.* Et sub pennis ejus sperábis.

Ad Sextam. Añæ.

Non in solo * pane vivit homo, sed in omni verbo, quod procédit de ore Dei.

Capit. 2. Cor. 6.

ECCE nunc tempus acceptábile, ecce nunc dies salutis : némini dantes ullam offensióem, ut non vituperétur ministérium nostrum.

R. br. Scápolis suis * Obumbrábit tibi. Scápolis. *Y.* Et sub pennis ejus sperábis. Obumbrábit. Glória Patri. Scápolis. *Y.* Scuto circúmdabit te véritas ejus. *R.* Non timébis a timóre noctúrno.

Ad Nonam. Añæ.

Dóminum Deum tuum * adorábis, et illi soli sérvies.

Capit. 2. Cor. 6. b

UT castigáti, et non mortificáti : quasi tristes, semper autem gaudéntes : sicut egéntes, multos autem locupletántes, tamquam nihil habéntes, et ómnia possidéntes.

R. br. Scuto circúmdabit te * Véritas ejus. Scuto. *Y.* Non timébis a timóre no-

ctúrno. Véritas. Glória Patri. Scuto. *Y.* Angelis suis Deus mandávit de te. *R.* Ut custódiant te in ómnibus viis tuis.

Ad Vesperas. Añæ et Psalmi de Dominica. 130.

Capitulum. Fratres, Hortamur. 169.

Hymn. Audi, benigne. 132.

Y. Angelis suis Deus mandávit de te. *R.* Ut custódiant te in ómnibus viis tuis.

Ad Magnificat, Añæ.

Ecce nunc tempus * acceptábile, ecce nunc dies salutis : in his ergo diébus exhibeamus nosmetipsos sicut Dei ministros, in multa patientia, in jejúniis, in vigiliis, et in charitate non ficta.

Oratio ut supra.

Hymni, YV. et RUS. br. supradicta dicuntur in Dominicis et Feriis, usque ad Dñicam Passionis exclusive.

Post Vesp. diei dicuntur Vesp. Defunct.

FERIA SECUNDA.

Ad Matutinum. Invitat. de Psalt. 49. Hymnus. Ex more. 3. Añæ et Psalmi Nocturnorum de Psalt.

Et sic dicitur etiam in aliis sequentibus Feriis usque ad Dñicam Passionis.

Lectio sancti Evangélii secundum Matthæum.

Lectio j. Cip. 25. c

In illo témpore : Dixit Jesus discipulis suis : Cum vénerit Fílius hóminis in

majestâte sua, et omnes Angeli cum eo, tunc sedébit super sedem majestâtis suæ: et congregabûntur ante eum omnes gentes. Et réliqua.

Homilia sancti Augustini
Episcopi.

L. de Fide et op. c. 15.

Si mandâtis non servâtis, ad vitam veniri potest per solam fidem, quæ sine opéribus mórtua est: illud deinde quómodo verum erit, quod eis, quos ad sinistram positûrus est, dicet: *Ite in ignem ætérnum, qui parâ-tus est diábolo, et ángelis ejus: nec increpat, quia in eum non credidérunt; sed quia bona ópera non fecé-runt? Nam profécto, ne sibi quisquam de fide, quæ sine opéribus mórtua est, promittat ætérnam vitam: proptérea omnes gentes segregatûrum se dixit, quæ permixtæ eisdem páscuis utebántur: ut appareat eos illi dictûros: Dómine, quando te vidimus illa et illa patientem, et non ministrá-vimus tibi? qui in eum crediderant, sed bona operári non curáverant, tamquam de ipsa fide mórtua ad vitam pervenirétur ætérnam.*

R. Ecce nunc. 160.

Lectio ij.

N forte ibunt in ignem ætérnum, qui ópera misericórdiæ non fecérunt, et non ibunt, qui aliéna ra-

puérunt? vel corrupéndo in se templum Dei, in se ipsos immisericórdes fuérunt: quasi ópera misericórdiæ prosint áliquid sine dilectiône, dicénte Apóstolo: Si distribuam ómnia mea paupéribus, charitátem autem non hábeam, nihil mihi prodest? Aut diligat quisquam próximum sicut seipsum, qui non diligit seipsum? Qui enim diligit iniquitátem, odit ánimam suam.

R. In ómnibus. 160.

Lectio iij.

NEQUE illud dici hic póterit, in quo nonnulli se ipsos sedúcunt, ignem ætérnum dictum, non ipsam combustiônem ætérnam. Per ignem quippe, qui ætérnus erit, transitûros arbitrántur eos, quibus propter fidem mórtuam per ignem promittunt salutem: ut videlicet ipse ignis ætérnus sit, combustio vero eórum, hoc est, operátio ignis, non sit in eos ætérna: cum et hoc prævidens Dóminus senténtiam suam conclúsit, ita dicens: Sic ibunt illi in combustiônem ætérnam, justi autem in vitam ætérnam. Erit ergo ætérna combustio, sicut ignis; et eos in illam itûros VÉRITAS dicit, quorum non fidem, sed bona ópera defuisse declarávit.

R. In jejûnio. 161.

Ad Laudes. *Añæ et Psalmi de Psalterio. 60.*

Capit. Clama, ne cesses.

Hymnus. O sol. 62.

ſ. Angelis suis Deus mandavit de te. R. Ut custodiant te in omnibus viis tuis.

Ad Benedictus. Añæ.

Venite, benedicti * Patris mei, percipite regnum, quod vobis paratum est ab origine mundi.

In feriali Officio per Quad. dicuntur Preces ut 63.

Oratio.

CONVERTE nos, Deus salutaris noster: et ut nobis jejünium quadragesimale proficiat, mentes nostras cœlestibus instrue disciplinis. Per Dñm.

Post Laudes dicitur Officium Defunctorum.

Ad Horas, omnia dicuntur ut in Feriali Officio tempore Quadrag., in Psalterio.

Et dicuntur Preces.

Ad Vesperas. Añæ. et Psalmi de Psalterio. 134.

Cap. Inter vestibulum. 135. Hym. Audi. 132.

ſ. Angelis suis Deus mandavit de te. R. Ut custodiant te in omnibus viis tuis.

Añæ et Capit. supradicta dicuntur in feriali Officio usque ad Dñicam Passionis.

Ad Magnificat. Añæ.

Quod uni * ex minimis meis fecistis, mihi fecistis, dicit Dñus.

Deinde Preces ut 135.

Oratio.

ABSOLVE, quæsumus Dñmine, nostrorum vincula peccatorum, et quidquid pro eis meremur, propitiatus averte. Per Dñm.

FERIA TERTIA.

Lectio sancti Evangelii secundum Matthæum.

Lectio j. Cap. 21. b

IN illo tempore: Cum intrasset Jesus Jerosolymam, commota est universa civitas, dicens: Quis est hic? Et reliqua.

Homilia venerabilis Bedæ Presbyteri.

Hom. 7. in Quadr. tom. 7.

QUOD maledicendo sicum infructuosam per figuram fecit Dñus, hoc idem mox apertius ostendit, ejiciendo improbos e templo. Neque enim aliquid peccavit arbor, quod, esuriēte Dñino, poma non habuit, quorum necdum tempus advenerat: sed peccavere sacerdotes, qui in domo Dñini negotia sæcularia gerēbant, et fructum pietatis, quem debuerant, quemque in eis Dñus esuriēbat, ferre supersederant. Arefecit Dñus arborem maledicto, ut homines hæc vidētes, sive audiētes, multo magis intelligerent sese divino condemnandos esse iudicio, si absque operum fructu de plausu tantum sibi religiōsi

sermónis, velut de sónitu et teguménto blandiréntur viridántium foliórum.

R. Emendémus. 161.

Lectio ij.

VERUM quia non intellexérunt, in ipsos consequénter districtiónem méritæ ultiónis exércuit : et ejécit commérchia rerum humanárum de domo illa, in qua divinas tantum res agi, hóstias et oratiónes Deo offerri, verbum Dei legi, audiri et decantári præcéptum erat. Et quidem credéndum est, quia ea tantum vendi, vel emi repérerit in templo, quæ ad ministérium necessaria essent ejúsdem templi, juxta hoc quod álias factum légimus, cum idem templum ingrédians, invénit in eo vendéntes et eméntes oves, et boves, et colúmbas : quia nimirum hæc ómnia, non nisi ut offeréntur in domo Dómini, eos qui de longe vénerant, ab indigenis comparáre credéndum est.

R. Derelinquat. 162.

Lectio iij.

SI ergo Dóminus nec ea volébat venúmdari in templo, quæ in templo volébat offerri, vidélicet propter stúdiúm avaritiæ, sive fraudis, quod próprium solet esse negotiántium faci-nus : quanta, putas, animadversióne puniret, si in-

venisset ibi áliquos risui vel vanilóquio vacántes, aut álii cuilibet vítio mancípá-tos ? Si enim ea quæ álibi libere geri póterant, Dóminus in domo sua temporália negótia geri non pátitur : quanto magis ea quæ nusquam fieri licet, plus cœléstis iræ meréntur, si in ædibus Deo sacrátis agúntur ? Verum quia Spíritus sanctus in colúmba super Dóminum appáruit, recte per colúmbas sancti Spíritus charismata signántur. Qui autem sunt in templo Dei hódie qui colúmbas vendunt, nisi qui in Ecclesiá prétium de impositione manus accipiunt, per quam vidélicet impositionem Spíritus sanctus cœlitus datur ?

R. Paradisi. 162.

Ad Benedictus. Añá.

Intrávit Jesús * in templum Dei, et ejiciébat omnes vendéntes et eméntes : et meas nummulariórum, et cáthedras vendéntium colúmbas evértit.

Oratio.

RESPICE, Dómine, familiam tuam, et præsta ; ut apud te mens nostra tuo desidério fúlgeat, quæ se carnis maceratióne castígat. Per Dóminum.

Ad Magnificat. Añá.

Scriptum est enim, * quia domus mea, domus oratiónis est cunctis géntibus :

vos autem fecistis illam speculneam latronum : et erat quotidie docens in templo.

Oratio.

ASCENDANT ad te, Dómine, preces nostræ : et ab Ecclesiâ tua cunctam repelle nequitiam. Per Dóminum.

FERIA QUARTA

QUATUOR TEMPORUM.

Hodie Psalmi Graduales.

Lectio sancti Evangelii
secundum Matthæum.

Lectio j. Cap. 12. c

In illo tempore : Responderunt Jesu quidam de Scribis et Phariseis, dicentes : Magister, volumus a te signum videre. Et reliqua.

Homilia sancti Ambrósii
Episcopi.

Lib. 7. in Luc. cap. 11.

JUDEORUM plebe damnata, Ecclesiæ mystérium evidenter exprimitur, quæ in Ninivitis per pœnitentiam, et in Regina Austri per studium percipiendæ sapientiæ, de totius orbis finibus congregatur, ut pacifici Salomonis verba cognoscat. Regina plane, cujus regnum est indivisum, de diversis et distantibus populis in unum corpus assurgens.

R. Seindite. 163.

Lectio ij.

ITAQUE sacramentum illud magnum est de Christo, et Ecclesiâ. Sed tamen hoc majus est, quia illud in figura ante præcessit, nunc

autem plenum in veritate mystérium est. Illic enim Salomon typus, hic autem Christus in suo corpore est. Ex duobus igitur constat Ecclesiâ : ut aut peccare nesciat, aut peccare desinat. Pœnitentia enim delictum abolet, sapientia cavet.

R. Frange esuriénti. 163.

Lectio iij.

CETERUM Jonæ signum ut typus Dominicæ passionis, ita etiam gravium, quæ Judæi commiserint, testificatio peccatorum est. Simul advertere licet et majestatis oraculum, et pietatis indicium. Namque Ninivitarum exemplo, et denuntiatur supplicium, et remedium demonstratur. Unde etiam Judæi debent non desperare indulgentiam, si velint agere pœnitentiam.

R. Abscondite. 164.

Ad Benedictus. Ant.

Generatio * hæc prava et perversa signum quærit : et signum non dabitur ei, nisi signum Jonæ Prophætæ.

Oratio.

PRECES nostras, quæsumus Dómine, clementer exaudi : et contra cuncta nobis adversantia dexteram tuæ majestatis extende. Per Dñm.

Ad Magnificat. Ant.

Sicut fuit Jonas * in ventre ceti tribus diebus et tribus noctibus, ita erit Filius hominis in corde terræ.

Oratio.

MENTES nostras, quæsumus Dómine, lumine tuæ claritátis illústra : ut vidére possimus quæ agénda sunt, et quæ recta sunt, ágere valeámus. Per Dñum.

FERIA QUINTA.

*Lectio sancti Evangelii
secúndum Matthæum.*

Lectio j. Cap. 15. c

IN illo témpore : Egréssus Jesus, secéssit in partes Tyri et Sidónis. Et réliqua. Homília sancti Hierónymi Presbyteri.

L. 2. Com. in c. 15. Matth.

SCRIBIS et Pharisæis calumniatóribus derelictis, transgreditur in partes Tyri et Sidónis, ut Tyrios Sidoniósque curáret. Múlier autem Chananæa egréditur de finibus prístinis, ut clamans filiæ impetret sanitátem. Obsérva quod in quintodécimo loco filia Chananæa sanétur. Miserére mei, Dómine, fili David. Inde novit vocáre filium David, quia egréssajam fúerat de finibus suis, et errórem Tyriórum ac Sidoniórum loci ac fidei commutatióne dimiserat.

R. Tribulárer, si nescírem misericórdias tuas, Dómine; tu dixísti : Nolo mortem peccatóris; sed ut magis convertátur, et vivat; Qui Chananæam et Publicánum vocásti ad pœniténtiam. **¶** Secúndum multitudinem do-

lórum meórum in corde meo, consolatiónes tuæ lætificavérunt ánimam meam. Qui.

Lectio ij.

FILIA mea male a dæmónio vexátur. Ego filiam Chananæa puto ánimas esse credéntium, quæ male a dæmónio vexabántur, ignorántes Creatórem, et adorántes lápidem. Qui non respóndit ei verbum : non de supérbia Pharisáica, nec de Scribárum supercílio : sed ne ipse senténtiæ suæ viderétur esse contrárius, per quam jússerat : In viam Géntium ne abiéritis, et in civitátes Samaritanórum ne intravéritis. Nolébat enim occasiónem calumniatóribus dare : perfectámque salutem Géntium passiónis et resurrectiÓnis témpori reservábat.

R. In ómnibus. 160.

Lectio iij.

ET accedéntes discipuli ejus, rogábant eum, dicéntes : Dimitte eam, quia clamat post nos. Discipuli illo adhuc témpore mystéria Dómini nesciéntes, vel misericórdia commóti, rogábant pro Chananæa muliere, quam alter Evangelista Syrophœníssam appéllat : vel importunitáte ejus carére cupiéntes, quia non ut cleméntem, sed ut durum médicum crébrius inclamáret. Ipse autem re-

spóndens, ait : Non sum missus, nisi ad oves quæ periérunt domus Israel. Non quod et ad Gentes non missus sit, sed quod primum missus sit ad Israel : ut illis non recipiéntibus Evangélium, justa fieret ad Gentes transmigratio.

R. In jejúnio. 161.

Ad Benedictus. Añã.

Egréssus Jesus, * secéssit in partes Tyri et Sidónis. Et ecce mûlier Chananæa a finibus illis egréssa, clamábat, dicens : Miserére mei, Fili David.

Oratio.

DEVOTIONEM pópuli tui, quæsumus Dómine, benignus inténde : ut, qui per abstinéntiam macerántur in corpore, per fructum boni óperis reficiántur in mente. Per Dóminum.

Ad Magnificat, Añã.

O mûlier, * magna est fides tua : fiat tibi sicut petísti.

Oratio.

DA, quæsumus Dómine, pópulis christiánis, et quæ profiténtur agnóscere, et cœléste munus diligere, quod frequéntant. Per Dóminum.

FERIA SEXTA

QUATUOR TEMPORUM.

Lectio sancti Evangélii secúndum Joánnem.

Lectio 1. Cap. 5.

In illo témpore : Erat dies festus Judæórum, et as-

céndit Jesus Jerosólymam. Et reliqua.

Homília sancti Augustini Episcopi.

Tr. 17. in Joan., post init.

VIDEAMUS quid volúerit significáre in illo uno, quem étiam ipse servans unitátis mystérium, de tot languéntibus unum sanáre dignátus est. Invénit in annis ejus númerum quemdam languóris. Trigínta et octo annos habébat in infirmitáte. Hic númerus quómodo magis ad languórem pertíneat, quam ad sanitátem, paulo diligentius exponéndum est. Inténtos vos volo : áderit Dóminus, ut cóngrue loquar, et sufficiénter audiátis. Quadragenárius númerus sacrátus nobis in quadam perfectione commendátur : notum esse árbitror charitatí vestræ : testántur sæpissime divínæ Scriptúræ : jejúnium hoc númeró consecrátum esse, bene nóstis. Nam et Moyses quadraginta diébus jejunávit, et Elias tótidem : et ipse Dóminus noster et Salvátor Jesus Christus hunc jejúnii númerum implévit. Per Moysen significátur Lex, per Eliam significántur Prophétæ, per Dóminum significátur Evangélium. Ideo in illo monte tres apparuérunt, ubi se discipulis osténdit in claritáte vultus et vestis suæ : ap-

paruit enim médius inter Moysen et Ellam, tamquam Evangélium testimónium habéret a Lege et Prophétis.

R. Emendémus. 161.

Lectio ij.

SIVE ergo in Lege, sive in Prophétis, sive in Evangélio, quadragenarius número nobis in jejúnio commendátur. Jejúnium autem magnum et generále est; abstinére ab iniquitatibus et illicitis voluptatibus sæculi, quod est perfectum jejúnium : ut abnegantes impietatem et sæculares cupiditates, temperanter, et juste, et pie vivamus in hoc sæculo. Huic jejúnio quam mercédem addit Apóstolus? Séquitur, et dicit : Expectantes illam beátam spem, et manifestationem glóriæ beáti Dei et Salvatóris nostri Jesu Christi. In hoc ergo sæculo quasi quadragésimam abstinéntiæ celebrámus, cum bene vivimus, cum ab iniquitatibus, et ab illicitis voluptatibus abstinémus : sed quia hæc abstinéntia sine mercéde non erit, expectámus beátam illam spem, et revelationem glóriæ magni Dei et Salvatóris nostri Jesu Christi. In illa spe, cum fúerit de spe facta res, acceptúri sumus mercédem denárium. Ipsa enim merces rédditur operariis in vinca laboránti-

VERNA.

bus, secúndum Evangélium, quod vos credo reminisci : neque enim ómnia commemoránda sunt tamquam rúribus et imperitis. Denárius ergo, qui accépit nomen a número decem, rédditur, et conjunctus quadragenário fit quinquagenárius : unde cum labóre celebrámus Quadragésimam ante Pascha ; cum lætitia vero, tamquam accépta mercéde, Quinquagésimam post Pascha.

R. Derelinquat. 162.

Lectio ij.

MEMENTOTE quod proposuerim número triginta octo annórum in illo lánguido. Volo expónere, quare número ille trigésimus et octávus, languóris sit pótius quam sanitátis. Ergo, ut dicébam, cháritas implet legem : ad plenitudinem legis in ómnibus operibus pértinet quadragenarius número. In charitate autem duo præcépta nobis commendántur : Díliges Dóminum Deum tuum ex toto corde tuo, et ex tota ánima tua, et ex tota mente tua : et, Díliges próximum tuum sicut teípsum. In his duóbus præcéptis tota lex pendet, et Prophétæ. Mérito et illa vidua omnes facultates suas, duo minúta misit in dona Dei : mérito et pro illo lánguido a latrónibus sauciato stabulárius duos nummos

accepit, unde sanaretur : mérito apud Samaritanos bíduum fecit Jesus, ut eos charitáte firmáret. Binário ergo isto número cum aliquid boni significáetur, máxime bipartita charitas commendáetur. Si ergo quadragenárius número habet perfectionem legis, et lex non implétur nisi in gémino præcepto charitátis : quid miráris, quia languébat : qui ad quadraginta, duo minus habébat ? *R.* Paradisi. 162.

Ad Benedictus. Añs.

Angelus Dómini * descendébat de cœlo, et movebátur aqua, et sanabátur unus.

Oratio.

ESTO, Dómine, propítius plebi tuæ : et quam tibi facis esse devótam, benigno réfove miserátus auxílio. Per Dóminum nostrum.

Hodie Psalmi Pœnit.

Ad Magnificat, Añs.

Qui me sanum fecit, * ille mihi præcepit : Tolle grabátum tuum, et ámbula in pace.

Oratio.

EXAUDI nos, miséricors Deus : et méntibus nostris grátiae tuæ lumen osténde. Per Dóminum.

SABBATO

QUATUOR TEMPORUM.

Lectio sancti Evangélíi secúndum Matthæum.

Lectio j. Cap. 17.

IN illo témpore : Assúmpsit Jesus Petrum, et Jacó-

bum, et Joánnem fratrem ejus, et duxit illos in montem excélsu seórsum : et transfigurátus est ante eos. Et réliqua.

Homilia S. Leónis Papæ.

Hom. de Transfig. Domini.

EVANGELICA léctio, dilectissimi, quæ per aures cörperis interiorem méntium nostrárum pulsávit auditum, ad magni sacraménti nos intelligéntiam vocat : quam, aspiránte grátia Dei, facilius assequémur, si consideratióem nostram ad ea, quæ paulo supérius sunt narráta, referámus. Salvátor enim humáni géneris Jesus Christus, condens eamfidem, quæ et ímpios ad justítiam, et mórtuos révocat ad vitam, ad hoc discipulos suos doctrínæ mónitis, et óperum miráculis imbuébat, ut idem Christus et Unigénitus Dei, et hóminis Filius crederétur. Nam unum horum sine áltero non próderat ad salutem : et æquális erat perículi, Dóminum Jesum Christum aut Deum tantúmmodo sine hómine, aut sine Deo solum hóminem credidisse ; cum utrúmque esset páriter confiténdum : quia sicut Deo vera humanitas, ita hómini ínerat vera divínitas.

R. Scíndite. 163.

Lectio ij.

AD confirmándam ergo hujus fidei salubérrimam

cognitióem, interrogáverat discipulòs suos Dóminus, inter diversas aliórum opi-
niónes quid ipsi de eo cré-
derent, quidve sentirent. Ubi
Petrus Apóstolus per reve-
latiόem summi Patris cor-
pórea súperans, et humaná
transcéndens, vidit mentis
óculis Filium Dei vivi, et
conféssus est glóriam Deitá-
tis; quia non ad solam re-
spéxit substantiam carnis et
sánguinis: tantúmque in
hac fidei sublimitáte com-
plácuit, ut beatitúdinis fe-
licitáte donátus, sacram in-
violábilis petræ accíperet
firmitátem, super quam
fundáta Ecclesiá, portis ín-
feri et mortis légibus præ-
valéret: nec in solvéndis
aut ligándis quorumcúmque
causis áliud ratum esset in
cœlis, quam quod Petri se-
disset arbitrio.

R. Frange esuriénti. 163.

Lectio III.

HÆC autem, dilectíssimi,
laudátæ intelligéntiæ
celsitúdo instruéndæ erat de
inferióri substantiæ sacra-
ménto: ne Apostólica fides
ad glóriam confiténdæ in
Christo Deitátis evécta, in-
firmitátis nostræ receptiό-
nem indignam impassibili
Deo atque incóngruam judi-
cáret: et ita jam in Christo
humanam créderet glorifi-
cátam esse natúram, ut nec
supplício posset áffici, nec

morte dissólvi. Et ideo di-
cénte Dómino, quod oporté-
ret eum ire Jerosólymam, et
multa pati a senióri-
bus, et Scribis, ac princípibus sa-
cerdótum, et occídi, et tértia
die resúrgere: cum beátus
Petrus, qui supérno illustrá-
tus lúmine, de ardentíssima
Filii Dei confessiόne fervé-
bat, contumélias illusiόnum
et crudelíssimæ mortis op-
próbrum religiόso, ut putá-
bat, et libero fastídio respuís-
set, benigna a Jesu increpa-
tiόne corréptus, et ad cu-
piditátem participándæ cum
eo passiόnis animátus est.
R. Abscóndite. 164.

Ad Benedictus. Añna.

Assúmpsit Jesus * discipu-
los suos, et ascéndit in
montem, et transfigurátus
est ante eos.

Oratio.

POPULUM tuum, quæsumus
Dómine, propítius ré-
spice: atque ab eo flagélla
tuæ iracúndiæ eleménter
avérte. Per Dóminum.

Ad Vesp. Capit. 1. Thess. 4.

FRATRES, Rogámus vos et
obsecrámus in Dómino
Jesu, ut quemádmodum ac-
cepistis a nobis, quómodo
vos opórteat ambuláre, et
placére Deo, sic et ambulé-
tis, ut abundétis magis.

Hym. Audi, benigne. 132.

Ÿ. Angelis suis Deus man-
dávít de te. **R.** Ut custódi-
ant te in ómnibus viis tuis.

Ad Magnificat. Añña

Visionem quam vidistis, * nēmini dixēritis, donec a mōrtuis resūrgat Filius hōminis.

Oratio.

DEUS, qui cōspicis omni nos virtūte destitui : intērius extēriusque custōdi ; ut ab omnibus adversitātibus muniāmur in corpore, et a pravis cogitationibus mundēmur in mente. Per Dōminum.

DOM. II. QUADRAG.

Ad Matut., Invitat., Hym..

Aññæ. Ps. et yŷ. ut in Psalt.

In primo Nocturno.

De libro Génesis.

Lectio j. Cap. 27.

SENVIT autem Isaac, et caligavērunt oculi ejus, et vidēre non pōterat : vocavitque Esau filium suum majōrem, et dixit ei : Fili mi ? Qui respōdit : Adsum. Cui pater : Vides, inquit, quod senūerim, et ignōrem diem mortis meæ. Sume arma tua, phāretram, et arcum, et egrēdere foras : cumque venātu āliquid apprehēderis, fac mihi inde pulmētum sicut velle me nosti, et affer ut cōmedam, et benedicat tibi ānima mea āntequam mōriar. Quod cum audisset Rebēcca, et ille abiisset in agrum ut jussiōnem patris implēret, dixit filio suo Jacob : Audivi patrem tuum loquētem cum Esau fratre tuo, et dicē-

tem ei : Affer mihi de venatiōne tua, et fac cibos ut cōmedam, et benedicam tibi coram Dōmino āntequam mōriar. Nunc ergo, fili mi, acquiesce consiliis meis, et pergens ad gregem, affer mihi duos hāedos optimos, ut faciā ex eis escas patri tuo, quibus libēter vēscitur : quas cum intūleris, et comēderit, benedicat tibi priūsquam moriātur.

R. Tolle arma tua, phāretram, et arcum, et affer de venatiōne tua, ut cōmedam :

* Et benedicat tibi ānima mea. *ŷ.* Cumque venātu āliquid attūleris, fac mihi inde pulmētum, ut cōmedam. Et benedicat.

Lectio ij.

CUI ille respōdit : Nosti quod Esau frater meus homo pilōsus sit, et ego lenis : si attrectāverit me pater meus, et sēnserit, tīmeo ne putet me sibi voluisse illūdere, et indūcam super me maledictiōnem pro benedictiōne. Ad quem mater : In me sit, ait, ista maledictio, fili mi : tantum audi vocem meam, et pergens affer quæ dixi. Abiit, et attulit, deditque matri. Parāvit illa cibos, sicut velle nōverat patrem illius. Et vēstibus Esau valde bonis, quas apud se habēbat domi, induit eum : pelliculāsque hāedorum circūdedit mā-

nibus, et colli nuda protexit. Deditque pulmentum, et panes, quos cõxerat, tradidit. Quibus illatis, dixit: Pater mi? At ille respondit: Audio. Quis es tu, fili mi? Dixitque Jacob: Ego sum primogénitus tuus Esau: feci sicut præcepisti mihi: surge, sede, et cõmede de venatione mea, ut benedicat mihi anima tua. Rursumque Isaac ad filium suum: Quomodo, inquit, tam cito invenire potuisti, fili mi? Qui respondit: Voluntas Dei fuit ut cito occurreret mihi quod volëbam.

R. Ecce odor filii mei sicut odor agri pleni, cui benedixit Dóminus: crescere te faciat Deus meus sicut arénam maris: * Et donet tibi de rore cœli benedictionem. **V.** Deus autem omnipotens benedicat tibi, atque multiplicet. Et.

LECTIO IIJ.

DIXITQUE Isaac: Accède huc, ut tangam te, fili mi, et probem utrum tu sis filius meus Esau, an non. Accéssit ille ad patrem, et palpato eo, dixit Isaac: Vox quidem, vox Jacob est: sed manus, manus sunt Esau. Et non cognóvit eum: quia pilosæ manus similitudinem majóris exprésserant. Benedicens ergo illi, ait: Tu es filius meus Esau? Respondit: Ego sum. At ille: Affer

mihi, inquit, cibos de venatione tua, fili mi, ut benedicat tibi anima mea. Quos cum oblátos comedisset, obtulit ei étiam vinum. Quo hausto, dixit ad eum: Accède ad me, et da mihi osculum, fili mi. Accéssit, et osculátus est eum. Statimque ut sensit vestimentórum illius fragrantiam, benedicens illi, ait: Ecce odor filii mei sicut odor agri pleni, cui benedixit Dóminus. Det tibi Deus de rore cœli, et de pinguédine terræ, abundantiam fruménti et vini. Et sérviant tibi pópuli, et adórent te tribus: esto dóminus fratrum tuórum, et incurvéntur ante te filii matris tuæ. Qui maledíxerit tibi, sit ille maledictus: et qui benedíxerit tibi, benedictiónibus repleátur.

R. Det tibi Deus de rore cœli, et de pinguédine terræ abundantiam: sérviant tibi tribus et pópuli: * Esto dóminus fratrum tuórum. **V.** Et incurvéntur ante te filii matris tuæ. Esto. **Gloria Patri.** Esto.

IN secundo Nocturno.

Ex libro S. Augustini Episcopi contra mendácium.

LECTIO IV Cap. 10.

JACOB quod matre fecit autóre, ut patrem fallere viderétur, si diligénter et fidéliter attendátur, non est mendácium, sed mystérium.

Quæ si mendácia dixérimus, omnes étiam parábolæ ac figuræ significandarum quarumcúmque rerum, quæ non ad proprietatem accipiendæ sunt, sed in eis aliud ex alio est intelligéndum, dicéntur esse mendácia : quod absit omníno. Nam qui hoc putat, trópiceis étiam tam multis locutióibus ómnibus potest hanc importáre calúmniam: ita ut hæc ipsa, quæ appellátur metáphora, hoc est, de re própria ad rem non própriam verbi alicújus usurpáta translátio, possit ista ratióne mendácium nuncupári.

R. Dum exíret Jacob de terra sua, vidit glóriam Dei, et ait : Quam terribilis est locus iste ! * Non est hic aliud, nisi domus Dei, et porta cœli. **V.** Vere Deus est in loco isto, et ego nesciébam. Non.

Lectio v.

QUÆ significantur enim, útique ipsa dicúntur : putántur autem mendácia, quóniam non ea, quæ vere significantur, dicta intelligúntur ; sed ea, quæ falsa sunt, dicta esse credúntur. Hoc ut exémpis fiat plánius, idípsum quod Jacob fecit, atténde. Hædinis certe pél-libus membra contéxit. Si causam próximam requirámus, mentítum putábimus : hoc enim fecit, ut putarétur esse qui non erat. Si autem

hoc factum ad illud, propter quod significándum revéra factum est, referátur : per hædinas pelles, peccáta : per eum vero, qui eis se opérui, ille significátus est, qui non sua, sed aliéna peccáta portávit.

R. Si Dóminus Deus meus fúerit mecum in via ista, per quam ego ámbulo, et custodierit me, et déderit mihi panem ad edéndum, et vestiméntum quo opériar, et revocáverit me cum salute : * Erit mihi Dóminus in refúgium, et lapis iste in signum.

V. Surgens ergo mane Jacob, tulit lápidem quem supposúerat capiti suo, et eréxit in título, fundénsque óleum désuper, dixit. Erit.

Lectio vj.

VERAX ergo significatio nullo modo mendácium recte dici potest : ut autem in facto, ita et in verbo. Nam cum ei pater dixisset : Quis es tu, fili ? Ille respóndit : Ego sum Esau primogénitus tuus. Hoc si referátur ad duos illos géminos, mendácium vidébitur : si autem ad illud, propter quod significándum ista gesta dictaque conscripta sunt, ille est hic intelligéndus in corpore suo, quod est ejus Ecclésia, qui de hac re loquens, ait : Cum vidéritis Abraham, et Isaac, et Jacob, et omnes Prophétas in regno Dei,

vos autem expelli foras. Et, Vénient ab Oriente, et Occidente, et Aquilone, et Austro, et accumbent in regno Dei. Et, Ecce sunt novissimi, qui erant primi: et sunt primi, qui erant novissimi. Sic enim quodammodo minor majoris primatum frater abstulit, atque in se transtulit fratris.

R. Erit mihi Dominus in Deum, et lapis iste, quem eréxi in titulum, vocabitur domus Dei: et de universis quæ dederis mihi, * Décimas et hostias pacificas offeram tibi. **V.** Si reversus fuero prospere ad domum patris mei. Décimas. **Gloria Patri. Décimas.**

In tertio Nocturno.

Lectio sancti Evangelii secundum Matthæum.

Lectio vij. Cap. 17.

In illo tempore: Assumpsit Jesus Petrum, et Jacobum, et Joannem fratrem ejus, et duxit illos in montem excelsum seorsum, et transfiguratus est ante eos. Et reliqua.

De Homilia S. Leonis Papæ.
Ex Hom. de Transfig. Dñi.

ASSUMPSIT Jesus Petrum, et Jacobum, et fratrem ejus Joannem, et conscenso cum eis seorsum monte præcelso, claritatem suæ gloriæ demonstravit: quia licet intellexissent in eo maiestatem Dei, ipsius tamen

corporis, quo divinitas tegebatur, potentiam nesciebant. Et ideo propriè signanterque promiserat, quosdam destantibus discipulis non prius gustare mortem quam viderent Filium hominis venientem in regno suo, id est, in régia claritate, quam spiritaliter ad naturam suscepti hominis pertinentem his tribus viris voluit esse conspicuam. Nam illam ipsius Deitatis ineffabilem et inaccessibilem visionem, quæ in æternam vitam mundis corde servatur, nullo modo mortali adhuc carne circumdati, intueri poterant et videre.

R. Dixit Angelus ad Jacob: * Dimitte me, aurora est. Respondit ei: Non dimittam te, nisi benedixeris mihi. Et benedixit ei in eodem loco. **V.** Cumque surrexisset Jacob, ecce vir luctabatur cum eo usque mane: et cum videret quod cum superare non posset, dixit ad eum. Dimitte.

Lectio viij.

DICENTE Patre: Hic est Filius meus dilectus, in quo mihi bene complacui, ipsum audite: nonne evidenter auditum est: Hic est Filius meus, cui ex me et mecum esse sine tempore est? quia nec genitor genito prior, nec genitus est genitore posterior. Hic est Fi-

lius meus, quem a me non séparat Déitas, non dividit potéstas, non discérnit ætérnitas. Hic est Filius meus, non adoptívus, sed próprius: non aliúnde créatus, sed ex me génitus: nec de ália natúra mihi factus comparábilis, sed de mea esséntia mihi natus æquá-lis

R. Vidi Dóminum fácie ad fáciem: * Et salva facta est ánima mea. **V.** Et dixit mihi: Nequáquam vocáberis Jacob, sed Israel erit nomen tuum. Et.

LECTIO IX.

Hic est Filius meus, per quem ómnia facta sunt, et sine quo factum est nihil: qui ómnia quæ fácio, simí-liter facit, et quidquid óperor, inseparabiliter mecum atque indifferénter operátur. Hic est Filius meus, qui eam, quam mecum habet æqualitátem, non rapína ap-pétiit, nec usurpatióne præ-súmpsit: sed manens in forma glóriæ meæ, ut ad reparándum genus humánum exequerétur commúne consílium, usque ad formam servilem inclinávit incom-mutábilem Deitátem. Hunc ergo, in quo mihi per ómnia bene compláceo, et cujus prædicatióne maniféstor, cujus humilitáte clarificor, incunctánter audíte: quia ipse est véritas et vita,

ipse virtus mea atque sapiéntia.

R. Cum audísset Jacob quod Esau veníret contra eum, divisit filios suos et uxóres, dicens: Si percúserit Esau unam turmam, salvábitur ália. * Líbera me, Dómine, qui dixísti mihi: * Multiplicábo semen tuum sicut stellas cœli, et sicut arénam maris, quæ præ multitudíne numerári non potest. **V.** Dómine, qui dixísti mihi: Revértere in terram nativitátis tuæ: Dómine, qui pascis me a juventúte mea. Líbera. Glória Patri. Multiplicábo.

Ad Laudes, Antæ.

1. Dómine, * lábia mea apéries, et os meum annuntiábit laudem tuam. **Psalm.** Miserére, cum reliq. 164.

2. Déxtera Dómini * fecit virtútem: déxtera Dómini exaltávit me.

3. Factus est * adjútor meus Deus meus.

4. Trium puerórum * cantémus hymnum, quem cantábant in camíno ignis, benedicéntes Dóminum.

5. Státuit ea * in ætérnum, et in sæculum sæculi: præcéptum pósuit, et non præteríbit.

Capit. 4. Thess. 4.

FRATRES, Rogámus vos et obsecrámus in Dómino Jesu, ut quemádmódum accepístis a nobis, quómodo

vos opórteat ambuláre, et placére Deo, sic et ambulétis, ut abundétis magis.

Hymnus. O sol. 169.

Ÿ. Angelis suis Deus mandávit de te. *R.* Ut custódiant te in ómnibus viis tuis.

Ad Benedictus. Añs.

Assúmpsit Jesus * discípu-
los suos, et ascéndit in mon-
tem, et transfigurátus est
ante eos.

Oratio

DEUS, qui cóspicis omni
nos virtúte destítui : in-
térius exteriúsque custódi;
ut ab ómnibus adversitáti-
bus muniámur in córpore,
et a pravis cogitátionibus
mundémur in mente. Per
Dóminum.

*Ad Primam et ad Ter-
tiam. Añs.* Dómine, * bo-
num est nos hic esse : si
vis, faciámus hic tria ta-
bernácula; tibi unum, Moy-
si unum, et Eliæ unum.

*Ad Tertiam, Capit. Fra-
tres, Rogámus, ut supra.*

R. br. Ipse liberávit me *
De láqueo venántium. Ipse.
Ÿ. Et a verbo áspero. De.
Glória Patri. Ipse. Ÿ. Scápu-
lis suis obumbrábit tibi. *R.*
Et sub pennis ejus sperábis.

Ad Sextam. Añs.

Faciámus hic * tria taber-
nacula : tibi unum, Moysi
unum, et Eliæ unum.

Capit. 1. Thess. 4. b

IEC est enim volúntas Dei,
sanctificátio vestra : ut

abstineátis vos a fornicatió-
ne; ut sciat unusquísque ve-
strum vas suum possidére
in sanctificatióne, et honóre.

R. br. Scápolis suis *Obum-
brábit tibi. Scápolis. Ÿ. Et
sub pennis ejus sperábis.
Obumbrábit. Glória Patri.
Scápolis. Ÿ. Scuto circúm-
dabit te véritas ejus. *R.* Non
timébis a timóre noctúrno.

Ad Nonam. Añs.

Visióne[m] quam vidistis, *
némini dixéritis, donec a
mórtuis resúrgat Fílius hó-
minis.

Capit. 1. Thess. 4. b

NON enim vocávit nos Deus
in immundítiam, sed in
sanctificatióne[m] in Christo
Jesu Dómino nostro.

R. br. Scuto circúmdabit
te * Véritas ejus. Scuto. *v.*
Non timébis a timóre no-
ctúrno. Véritas. Glória Pa-
tri. Scuto. Ÿ. Angelis suis
Deus mandávit de te. *R.* Ut
custódiant te in ómnibus
viis tuis.

*Ad Vesperas, Añs et
Psalmi de Dominica. 130.*

Capit. Fratres, Rogámus.

Hym. Audi, benígne. 132.

Ÿ. Angelis suis Deus man-
dávit de te. *R.* Ut custódiant
te in ómnibus viis tuis.

Ad Magnificat, Añs.

Visióne[m] quam vidistis, *
némini dixéritis, donec a
mórtuis resúrgat Fílius hó-
minis.

Deinde Vesperæ Defunct

FERIA SECUNDA.

Lectio sancti Evangelii
secundum Joannem.

Lectio j. Cap. 8. c

In illo tempore : Dixit Jesus turbis Judaeorum : Ego vado , et quaerétis me , et in peccato vestro moriemini. Et reliqua.

Homilia sancti Augustini
Episcopi.

Tract. 38. in Joan.

LOCUTUS est Dominus Judaeis dicens : Ego vado. Christo enim Domino mors profectio fuit illo , unde venerat , et unde non discesserat. Ego, inquit, vado, et quaerétis me, non desiderio, sed odio. Nam illum posteaquam absecessit ab oculis hominum , inquisierunt et qui oderant, et qui amabant: illi persequendo, isti habere cupiendo. In Psalmis ait ipse Dominus per Prophetam : Periit fuga a me , et non est qui requirat animam meam. Et iterum ait alio loco in Psalmo : Confundantur et revereantur requiréntes animam meam.

R. Dum iret Jacob de Bersabée, et pergeret Haran , locutus est ei Dominus , dicens : * Terram , in qua dormis , tibi dabo , et sémini tuo. **V.** Aedificavit ex lapidibus altare in honorem Domini , fundens oleum desuper : et benedixit eum Deus dicens. Terram.

Lectio ij.

CULPAVIT qui non requirerent : damnavit requiréntes. Bonum est enim quaerere animam Christi , sed quo modo eam quaesierunt discipuli : et malum est quaerere animam Christi , sed quo modo eam Judaei quaesierunt : illi enim ut haberent , isti ut perderent. Denique istis , quia sic quaerebant more malo , corde perverso , quid secutus adjunxit? Quaerétis me ; et, ne putétis, quia bene me quaerétis , in peccato vestro moriemini. Hoc est Christum male quaerere, in peccato suo mori : hoc est illum odisse, per quem possit solum salvus esse.

R. Apparuit Deus Jacob , et benedixit eum , et dixit : Ego sum Deus Bethel , ubi unxisti lapidem , et votum novisti mihi : * Crescere te faciam , et multiplicabo te. **V.** Vere Dominus est in loco isto , et ego nesciebam. Crescere.

Lectio iij.

CUM enim homines , quorum spes in Deo est , non debeant mala reddere nec pro malis : reddébant isti mala pro bonis. Praenuntiavit ergo illis Dominus , dixitque sententiam praescius , quod in suo peccato moreréntur. Deinde adjunxit : Quo ego vado , vos non

potéstis veníre. Hoc et discípulis suis álio loco dixit : nec tamen eis dixit , In peccáto vestro moriémíni. Quid autem dixit ? quod et istis : Quo ego vado , vos non potéstis veníre. Non ábstulit spem , sed prædixit dilatióem. Quando enim hoc discípulis Dóminus loquebátur , tunc non póterant veníre quo ille ibat , sed póstea ventúri erant : isti autem nunquam , quibus præsciús dixit : In peccáto vestro moriémíni.

R. Det tibi Deus de rore cæli et de pinguédine terræ abundántiam ; sérviant tibi tribus et pópuli : * Esto dóminus fratrum tuórum. **V.** Et incurvéntur ante te filii matris tuæ. Esto. **Gloria Patri.** Esto.

Ad Benedictus. **Añá.** Ego princípium , * qui et loquor vobis.

Deinde Preces. 63.

Oratio.

PRÆSTA, quæsumus omnipotens Deus : ut familia tua, quæ se, affligéndo carnem, ab aliméntis ábstinet, sectándo justítiam, a culpa jejúnet. Per Dóminum.

Hodie Officium Defunct.

Ad Magnificat. **Añá**

Qui me misit , mecum est , * et non reliquit me solum : quia quæ plácita sunt ei , fácio semper.

Deinde Preces. 135.

Oratio.

AD ESTO supplicatióibus nostris , omnipotens Deus : et quibus fidúciam sperándæ pietátis indúlges , consuétæ misericórdiæ tribue benignus efféctum. Per Dóminum.

FERIA TERTIA.

Lectio sancti Evangelíi secundum Matthæum.

Lectio j. Cap. 23. b

IN illo témpore : Locútus est Jesus ad turbas , et ad discípulos suos , dicens : Super cáthedram Moysi sedérunt Scribæ et Pharisæi. Omnia ergo quæcúmque dixerint vobis , serváte , et fácite : secúndum ópera vero eórum nolíte fácere. Et reliqua.

Homilia S. Hierónymi Presbyteri.

L. 4. Com. in c. 23. Matth.

QUID mansuétius, quid benignius Dómino ? Tentátur a Pharisæis , confringúntur insidiæ eórum , et secúndum Psalmístam : Saggiæ parvulórum factæ sunt plagæ eórum : et nihilóminus propter sacerdotíi et nóminis dignitátem , hortátur pópulos ut subjiçiántur eis , non ópera , sed doctrinam considerátes. Quod autem ait , Super cáthedram Moysi sedérunt Scribæ et Pharisæi : per cáthedram , doctrinam legis osténdit. Ergo et illud quod dicitur in Psal-

mo : In cāthedra pestiléntiæ non sedit ; et , Cāthedras vendéntium columbas evértit , doctrinam debémus accipere.

R. Dum exíret. 182.

Lectio ij.

ALLIGANT enim ónera grávia et importabilia , et impónunt in húmeros hóminum , dígitó autem suo nolunt ea movére. Hoc generalíter advérsus omnes magistros , qui grávia jubent , et minóra non faciunt. Notándum autem , quod et húmeri , et dígitus , et ónera , et víncula quibus alligántur ónera , spiritalíter intelligénda sunt. Omnia vero ópera sua faciunt , ut videántur ab homínibus. Quicúmque igitur ita facit quódlíbet , ut videátur ab homínibus , Scriba et Pharisæus est.

R. Si Dóminus. 182.

Lectio iij.

DILATANT enim phylactéria sua , et magnificant fimbrias. Amant quoque primos recúbitus in cœnis , et primas cāthedras in synagógis , et salutatiónes in foro , et vocári ab homínibus Rabbi. Væ nobis miseris , ad quos Pharisæórum vítia transiérunt ! Dóminus cum dedisset mandata legis per Moysen , ad extrémum intulit : Ligábis ea in manu tua , et erunt immóta ante óculos tuos. Et est sensus :

Præcépta mea sint in manu tua , ut ópere compleántur : sint ante óculos tuos , ut die ac nocte meditéris in eis. Hoc Pharisæi male interpretántes , scribébant in membránis Decálogum Moysi , id est , decem verba legis , complicántes ea , et ligántes in fronte , et quasi corónam cápiti faciéntes : ut semper ante óculos moveréntur.

R. Erit mihi. 183.

Ad Benedictus. Añs.

Unus est * enim magister vester , qui in cœlis est , Christus Dóminus.

Oratio.

PERFICE , quæsumus Dómine , benígnus in nobis observántiæ sanctæ subsidium : ut , quæ te auctóre faciénda cognóvimus , te operánte impleámus. Per Dóminum.

Ad Magnificat. Añs.

Omnes autem * vos fratres estis : et patrem nolite vocáre vobis super terram : unus est enim Pater vester , qui in cœlis est : nec vocémini magistri , quia magister vester unus est Christus.

Oratio.

PROPITIARE , Dómine , supplicatió nibus nostris , et animárum nostrárum medére languóribus : ut , remissióne perecépta , in tua semper benedictióne lætémur. Per Dóminum.

FERIA QUARTA.

Hodie Psalmi Graduales.

Lectio sancti Evangélíi
secúndum Matthæum.

Lectio j. Cap. 20. b

In illo témpore : Ascéndens
Jesus Jerosólymam , as-
súmpsit duódecim discipu-
los secréto, et ait illis : Ecce
ascéndimus Jerosólymam ,
et Fílius hóminis tradétur
principibus sacerdotum, et
Scribis , et condemnábunt
eum morte. Et réliqua.

Homília sancti Ambrósii
Episcopi.

L. 3. de Fide ad Gratian. c. 2.

CONSIDERATE, quæ mater
filiórum Zebedæi cum fi-
liis, et pro filiis petat : ma-
ter est útique , cui pro fi-
liórum honóre sollicitæ,
immoderátior quidem, sed
tamen ignoscénda mensúra
votórum est. Atque mater
ætate longæva, stúdio re-
ligiósa, solátio destitúta ,
quæ tunc témporis, quando
vel juvánda, vel alénda fo-
ret válidæ prolis auxilio,
abesse sibi liberos patiebá-
tur, et voluptáti suæ mercé-
dem sequéntium Christum
prætulerat filiórum. Qui
prima voce vocáti a Dómino
(ut légimus) relictis rétibus
et patre, secúti sunt eum.

R. Dixit Angelus. 183.

Lectio ij.

NEC igitur stúdio matr-
næ sedulitátis indulgén-
tior obsecrábat Salvatórem,

dicens : Ut sédeant hi duo
filii mei, unus ad dexteram
tuam, et alter ad sinistram
in regno tuo. Etsi error,
pietátis tamen error est.
Nésciunt enim matrerna ví-
scera patiéntiam : et si voti
avára, tamen veniábilis cu-
píditas, quæ non pecúniæ
est ávida, sed grátiae. Nec
inverecúnda petítio, quæ
non sibi, sed liberis consu-
lébat. Matrem consideráte,
matrem cogitáte.

R. Vidi Dóminum. 184.

Lectio iij.

CONSIDERABAT Christus ma-
tris dilectiónem , quæ
filiórum mercéde grandæ-
vam solabátur senéctam :
et desidériis licet fessa ma-
térnis, charissimórum pi-
gnorum tolerábat absén-
tiam. Consideráte étiam
féminam, hoc est, sexum
fragiliórem, quem Dóminus
 própria nondum confirmá-
verat passióne. Considerá-
te, inquam, Hevæ illius
primæ mulieris hærédem,
transfusa in omnes immo-
deratæ cupiditátis succes-
sióne labéntem : quam
Dóminus adhuc próprio
sánguine non redémerat ,
nondum inólitam afféctibus
ómnium immódicti contra
fas honóris appeténtiam suo
Christus cruóre dilúerat.
Hereditário igitur mulier
delinquébat erróre.

R. Cum audisset. 184.

Ad Benedictus, Añs.

Ecce ascēdimus * Jerosólymam : et Fílius hóminis tradétur ad crucifigéndum.

Oratio.

POPULUM tuum, quæsumus Dómine, propítius respice : et quos ab escis carnálibus præcipis abstinére, a nóxiis quoque vítiis cessáre concéde. Per Dóminum.

Ad Magnificat, Añs.

Tradétur enim Géntibus * ad illudéndum, et flagellándum, et crucifigéndum.

Oratio.

DEUS, innocéntiæ restitutor et amátor, dirige ad te tuórum corda servórum : ut spíritus tui fervóre concepto, et in fide inveniántur stábiles, et in ópere efflicáces. Per Dóminum.

FERIA QUINTA.

Lectio sancti Evangelii secundum Lucam.

Lectio j. Cap. 16.

IN illo témpore : Dixit Jesus Pharisæis : Homo quidam erat dives, qui induebátur púrpura et bysso : et epulabátur quotidie spléndide. Et réliqua.

Homília S. Gregórii Papæ.

Hom. 40. in Evang.

QUEM, fratres charíssimi, quem dives iste, qui induebátur púrpura et bysso, et epulabátur quotidie spléndide, nisi Judáicum pópulum signat : qui cultum vitæ extérius hábuit, qui

accéptæ legis deliciis ad nitórem usus est, non ad utilitatem? Quem vero Lázarus ulcéribus plenus, nisi Gentílem pópulum figuráliter exprimit? Qui dum convérsus ad Deum peccáta confitéri sua non erúbuit, huic vulnus in cute fuit. In cutis quippe vulnere virus a viscéribus tráhitur, et foras erumpit.

R. Tolle arma tua. 180.

Lectio ij.

QUID est ergo peccatórum conféssio, nisi quædam vulnerym rúptio? Quia peccáti virus salúbriter aperí-tur in confessione, quod pestífere latébat in mente. Vúlnera etenim cutis in superficie trahunt humórem putrédinis. Et confitendo peccáta, quid aliud ágimus, nisi malum, quod in nobis latébat, aperimus? Sed Lázarus vulnerátus cupiébat saturári de micis quæ cadébant de mensa divitis, et nemo illi dabat; quia Gentilium quemque ad cognitióem legis admíttere supérbus ille pópulus despiciébat.

R. Ecce odor. 181.

Lectio iij.

QUI dum doctrinam legis non ad charitatem hábuit, sed ad elatióem, quasi de accéptis ópibus túmuit : et quia ei verba defluébant de sciéntia, quasi micæ cadébant de mensa.

At contra, jacéntis páuperis vúlnera lingébant canes. Nonnúnquam solent in sacro elóquio per canes prædicatóres intélligi. Canum etenim lingua, vulnus dum lingit, curat : quia et doctóres sancti, dum in cónfessione peccáti nostri nos instruunt, quasi vulnus mentis per linguam tangunt.

R. Det tibi Deus. 181.

Ad Benedictus, Añá.

Fili recordáre, * quia recepisti bona in vita tua, et Lázarus similiter mala.

Oratio.

PRÆSTA nobis, quæsumus Dómine, auxílium grátiae tuæ : ut jejúniis et oratióibus conveniénter inténti, liberémur ab hóstibus mentis et cörperis. Per Dóminum.

Ad Magnificat, Añá.

Dives ille * guttam aquæ pétiit, qui micas panis Lázaro negávit.

Oratio.

ADESTO, Dómine, fámulis tuis, et perpétuam benignitátem largíre poscéntibus : ut iis, qui te auctóre et gubernatóre gloriántur, et congregáta restáures, et restauráta consérves. Per Dóminum.

FERIA SEXTA.

Lectio sancti Evangélíi secúndum Matthæum.

Lectio i. Cap. 21. d

In illo témpore : Dixit Jesus turbis Judæórum, et

principibus sacerdotum parabolam hanc : Homo erat paterfamilias, qui plantávit vineam, et sepem circúmdedit ei. Et réliqua.

Homilía sancti Ambrósii Episcopi.

Lib. 9. In c. 20. Lucæ.

PLERIQUE várias significatiónes de vineæ appellatióne derivant ; sed evidénter Isaías vineam Dómini Sábaoth, domum Israel esse memorávit. Hanc vineam quis álius, nisi Deus, cóndidit? Hic est ergo qui eam locávit colónis, et ipse péregre fuit : non quia ex loco ad locum proféctus est Dóminus, qui ubique semper præsens est : sed quia est præsentior diligéntibus, negligéntibus abest. Multis tempóribus ábfuit, ne præprópera viderétur exáctio. Nam quo indulgéntior liberalitas, eo inexcusabilior pervicácia.

R. Dum exíret. 182.

Lectio ij.

UNDE bene secúndum Matthæum habes, quia et sepe circúmdedit : hoc est, divinæ custodiæ munitióne vallávit, ne fácte spiritalium patéret incúrsibus bestiárum. Et fodit in ea torcular. Quómodo intellígimus quid sit torcular, nisi forte quia Psalmi pro torcularibus inscribúntur : eo quod in his mystéria Domí-

nicæ passionis, modo musti sancto ferventis Spiritu, redundantius aestuaverint? Unde ebrii putabantur, quibus Spiritus sanctus inundabat. Ergo et hic fodit torcular, in quod uvæ rationabilis fructus interior spiritali infusione deflueret.

R. Si Dominus. 182.

Lectio 11j.

EDIFICAVIT turrim, verticem scilicet legis attollens: atque ita hanc vineam munitam, instructam, ornata, locavit Judæis. Et tempore fructuum servulos misit. Bene tempus fructuum posuit, non proventum. Nullus enim fructus extitit Judæorum, nullus vineæ hujus proventus, de qua Dominus ait: Expectavi ut faceret uvas, fecit autem spinas. Itaque non lætitiæ vino, non spiritali musto, sed cruento Prophetarum sanguine torcularia redundant.

R. Erit mihi. 183.

Ad Benedictus. Ant.

Malos male perdet, * et vineam suam locabit aliis agricolis, qui reddant ei fructum temporibus suis.

Oratio.

DA, quæsumus omnipotens Deus; ut, sacro nos purificante jejunio, sinceris mentibus ad sancta ventura facias pervenire. Per Dñm.

Hodie Psalmi Penit.

Ad Magnificat. Ant.

Quærentes eum tenere, * timuerunt turbam, quia sicut Prophetam eum habebant.

Oratio.

DA, quæsumus Domine, populo tuo salutem mentis, et corporis: ut bonis operibus inhærendo, tuæ semper virtutis mereatur protectione defendi. Per Dominum.

SABBATO.

Lectio sancti Evangelii secundum Lucam.

Lectio j. Cap. 13.

IN illo tempore: Dixit Jesus Pharisæis et Scribis parabolam istam: Homo quidam habuit duos filios: et dixit adolescētiō ex illis patri: Pater, da mihi portionem substantiæ quæ me contingit. Et reliqua. Homilia S. Ambrōsii Episc. L. 7. Com. in c. 13. Lucæ.

VIDES, quod divinum patrimonium petentibus datur. Nec putes culpam patris, quod adolescentiōri dedit. Nulla Dei regno infirma ætas: nec fides gravatur annis. Ipse certe se judicavit idoneum, qui poposcit. Atque utinam non recessisset a patre, impedimentum nescisset ætatis: sed posteaquam domum patriam derelinquens peregre profectus est, cepit egere. Mérito ergo prodégit pa-

trimonium, qui recessit ab Ecclesia.

R. Pater, peccavi in coelum, et coram te, jam non sum dignus vocari filius tuus: * Fac me sicut unum ex mercenariis tuis. **V.** Quanti mercenarii in domo patris mei abundant panibus, ego autem hic fame pereor! surgam et ibo ad patrem meum, et dicam ei. Fac.

Lectio ij.

PEREGRE profectus est in regionem longinquam. Quid longinquius quam a se recedere; nec regionibus; sed moribus separari: studiis discretum esse, non terribis: et quasi interfuso luxurie secularis aestu, divortia habere sanctorum? Etenim qui se a Christo separat, exul est patriae, civis est mundi. Sed nos non sumus advenae atque peregrini, sed cives sumus sanctorum, et domestici Dei. Qui enim eramus longe, facti sumus prope in sanguine Christi. Non invidemus de longinqua regione remeantibus: quia et nos fuimus in regione longinqua, sicut Isaias docet. Sic enim habes: Qui sedebant in regione umbræ mortis, lux orta est illis. Regio ergo longinqua umbra est mortis.

R. Vidi Dominum facie. 184.

Lectio iij.

Nos autem, quibus spiritus ante faciem Christus est Dominus, in umbra vivimus Christi. Et ideo dicit Ecclesia: In umbra ejus concupivi, et sedi. Ille igitur vivendo luxuriose, consumpsit omnia ornamenta naturæ. Unde tu, qui accepisti imaginem Dei, qui habes similitudinem ejus, noli eam irrationabili feditate consumere. Opus Dei es: noli ligno dicere, Pater meus es tu: ne accipias similitudinem ligni, quia scriptum est: Similes illis fiant qui faciunt ea.

R. Cum audisset. 184.

Ad Benedictus, Añna.

Vadam ad patrem meum, * et dicam ei: Pater, fac me sicut unum ex mercenariis tuis.

Oratio.

DA, quæsumus Domine, nostris effectum jejuniis salutarem: ut castigatio carnis assumpta, ad nostrarum vegetationem transeat animarum. Per Dominum.

Ad Vesperas, Capitulum.

FRATRES, Estote imitatores Dei, sicut filii charissimi: et ambulâte in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis.

Hym. Audi, benigne. 132.

ſ. Angelis suis Deus mandavit de te. *R.* Ut custodiant te in ómnibus viis tuis.

Ad Magnificat, Añã.

Dixit autem pater ad servos suos : * Cito proferte stolam primam, et induite illum, et datè ánnulum in manu ejus, et calceaménta in pédibus ejus.

Oratio.

QUÆSUMUS, omnipotens Deus, vota humilium respice : atque ad defensíonem nostram, dexteram tuæ majestátis exténde. Per Dóminum.

DOM. III. QUADRAG.

Ad Matutinum, Invitat.

Hymnus, Añæ, Psalmi et ſ. ut in Psalterio.

In primo Nocturno.

De libro Génesis.

Lectio j. Cap. 37.

JOSEPH cum sédecim esset annórum, pascébat gregem cum fratribus suis adhuc puer : et erat cum filiis Balæ et Zelfhæ uxórum patris sui : accusavitque fratres suos apud patrem crimine péssimo. Israel autem diligébat Joseph super omnes filios suos, eo quod in senectúte genuisset eum : fecitque ei tunicam polymitam. Vidéntes autem fratres ejus, quod a patre plus eunctis filiis amarétur, óderant eum, nec póterant ei quidquam pacífice loqui. Accidit quoque ut visum sómni-um

reférret fratribus suis : quæ causa majóris ódii seminárium fuit. Dixitque ad eos : Audíte sómni-um meum quod vidi : Putábam nos ligáre manipulos in agro : et quasi consúrgere manipulum meum, et stare, vestrosque manipulos circumstántes adoráre manipulum meum. Respondérunt fratres ejus : Numquid rex noster eris ? aut subji-émur ditióni tuæ ? Hæc ergo causa somniórum atque sermónum, invidiæ et ódii fómitem ministrávit. Aliud quoque vidit sómni-um quod narrans fratribus, ait : Vidi per sómni-um, quasi solem, et lunam, et stellas undecim, adoráre me. Quod cum patri suo et fratribus retulisset, increpávit eum pater suus, et dixit : Quid sibi vult hoc sómni-um, quod vidisti ? num ego, et mater tua, et fratres tui adorá-ábimus te super terram ?

R. Vidéntes Joseph a longe, loquebántur mútuo fratres, dicéntes : Ecce somniátor venit : * Veníte, occidámus eum, et videámus si prosint illi sómnia sua. *V.* Cumque vidissent Joseph fratres sui, quod a patre cunctis fratribus plus amarétur, óderant eum, nec póterant ei quidquam pacífice loqui, unde et dicébant. Veníte.

Lectio ij.

INVIDEBANT ei igitur fratres sui : pater vero rem tacitus considerabat. Cumque fratres illius in pascendis grégibus patris morarentur in Sichem , dixit ad eum Israel : Fratres tui pascunt oves in Sichimis : veni, mittam te ad eos. Quo respondente, Præsto sum , ait ei : Vade , et vide si cuncta próspera sint erga fratres tuos , et pécora : et renúntia mihi quid agátur. Missus de valle Hebron, venit in Sichem : invenitque eum vir errantem in agro , et interrogávit quid quæreret. At ille respóndit : Fratres meos quæro , indica mihi ubi pascant greges. Dixitque ei vir : Recesserunt de loco isto : audívi autem eos dicentes : Eamus in Dóthain. Perréxit ergo Joseph post fratres suos, et invenit eos in Dóthain. Qui cum vidissent eum procul , antequam accéderet ad eos, cogitavérunt illum occidere : et mútuo loquebantur : Ecce somniátor venit : veníte , occidamus eum , et mittamus in cistérnam veterem , dicemusque : Fera péssima devorávit eum : et tunc apparébit quid illi prosint sómnia sua.

ii. Dixit Judas fratribus suis : Ecce Ismaelítæ tráscunt : veníte , venúndetur,

et manus nostræ non polluantur : * Caro enim et frater noster est. **ÿ.** Quid enim prodest, si occidérimus fratrem nostrum , et celavérimus sánguinem ipsius ? mélius est ut venúndetur. Caro enim.

Lectio iij.

AUDIENS autem hoc Ruben , nitebátur liberare eum de manibus eórum , et dicebat : Non interficiátis ánimam ejus , nec effundátis sánguinem : sed projicite eum in cistérnam hanc , quæ est in solitúdine , manusque vestras serváte innóxias : hoc autem dicebat , volens eripere eum de manibus eórum : et réddere patri suo. Confestim igitur ut pervénit ad fratres suos, nudavérunt eum túnica talári , et polymita : miserúntque eum in cistérnam veterem , quæ non habébat aquam. Et sedéntes ut coméderent panem, vidérunt Ismaelítas viatóres venire de Gálaad , et camélos eórum , portántes arómata , et resínam , et stacten in Ægyptum. Dixit ergo Judas fratribus suis : Quid nobis prodest , si occidérimus fratrem nostrum , et celavérimus sánguinem ipsius ? Mélius est ut venúndetur Ismaelítis , et manus nostræ non polluantur : frater enim et caro nostra est. Acquivérunt fratres sermónibus

illius. Et prætereuntibus Madianitis negotiatoribus, extrahentes eum de cisterna vendiderunt eum Ismaelitis viginti argenteis : qui duxerunt eum in Ægyptum.

R. Extrahentes Joseph de lacu, vendiderunt Ismaelitis viginti argenteis : * Reversusque Ruben ad puteum, cum non invenisset eum, scidit vestimenta sua cum fletu, et dixit : * Puer non comparet, et ego quo ibo ?

Y. At illi, intincta tunica Joseph in sanguine hædi, miserunt qui ferret eam ad patrem, et diceret : Vide, si tunica filii tui sit, an non. Reversusque. **Gloria Patri.** Puer.

In secundo Nocturno.

Ex libro sancti Ambrósii
Episcopi de S. Joseph.

Lectio iv. G. 1.

SANCTORUM vita ceteris norma vivendi est. Ideoque digestam plenius accipimus seriem Scripturarum : ut dum Abraham, Isaac, et Jacob, ceterosque justos legendo cognoscimus, velut quemdam nobis innocentie tramitem virtute eorum reseratum imitantibus vestigiis persequamur. De quibus mihi cum frequens tractatus fuerit, hodie sancti Joseph historia occurrat : in quo cum plurima fuerint genera virtutum, præcipue tamen insigne effulsit ca-

stimonia. Justum est igitur, ut cum in Abraham didiceritis impigram fidei devotionem, in Isaac sinceræ mentis puritatem, in Jacob singularem animi laborumque patientiam, ex illa generalitate virtutum in ipsas species disciplinarum intendatis animum.

R. Videns Jacob vestimenta Joseph, scidit vestimenta sua cum fletu, et dixit : * Fera pessima devoravit filium meum Joseph. **Y.** Tulerunt autem fratres ejus tunicam illius, mittentes ad patrem; quam cum cognovisset pater, ait. Fera.

Lectio v.

SIT igitur nobis propositus sanctus Joseph tamquam speculum castitatis. In ejus enim moribus, in ejus actibus lucet pudicitia, et quidam splendet castimonie comes, nitor gratiae. Unde etiam a parentibus plus quam ceteri filii diligebatur. Sed ea res invidie fuit : quod silentio prætereundum non fuit : hinc enim argumentum totius historiae processit : simul ut cognoscamus, perfectum virum non moveri ulciscendi doloris invidia, nec malorum rependere vicem. Unde et David ait : Si reddidi retribuëntibus mihi mala.

R. Joseph dum intraret

in terram Ægypti, linguam quam non nóverat; audívit: manus ejus in labóribus serviérunt: * Et lingua ejus inter príncipes loquebátur sapiéntiam. ¶ Humiliavérunt in compédibus pedes ejus: ferrum pertránsiit ánimam ejus, donec veníret verbum ejus. Et.

Lectio vj.

QUID autem esset, quod præférri Joseph mererétur céteris, si aut lædéntes læsisset, aut diligéntes dilexisset? Hoc enim plerique faciunt. Sed illud mirabile, si diligas inimicum tuum: quod Salvátor docet. Jure ergo mirándus, qui hoc fecit ante Evangélium, ut læsus párceret, appetitus ignósceret, vénditus non reférret injúriam, sed grátiam pro contumélia sólveret: quod post Evangélium omnes didícimus, et serváre non póssumus. Discámus ergo et sanctórum invídiam, ut imitémur patiéntiam: et cognoscámus, illos non natúræ præstantiórís fuisse, sed observantiórís: nec vítia nescisse, sed emendásse. Quod si invidia étiam sanctos adússit, quanto magis cavéndum est, ne inflámmet peccatóres?

R. Meménto mei, dum bene tibi fúerit: * Ut súggeras Pharaóni, ut edúcat me de isto cárcere: * Quia

furtim sublátus sum, et hic innocens in lacum missus sum. ¶ Tres enim adhuc dies sunt, post quos recordábitur Phárao ministérii tui, et restituet te in gradum prístinum: tunc meménto mei. Ut. Glória Patri. Quia.

In tertio Nocturno.

*Lectio sancti Evangélii
secúndum Lucam.*

Lectio vij Cap. 11. b

In illo témpore: Erat Jesus ejiciens dæmónium, et illud erat mutum. Et cum ejecísset dæmónium, locútus est mutus, et admirátæ sunt turbæ. Et réliqua.

Homilia venerábilis Bedæ
Presbyteri.

L. 4. c. 48. in Luc. 11.

DÆMONIACUS iste apud Matthæum non solum mutus, sed et cæcus fuisse narrátur: curátusque dicitur a Dómino, ita ut loquerétur, et vidéret. Tria ergo signa simul in uno hómine perpetrata sunt: cæcus videt, mutus lóquitur, posséssus a dæmone liberátur. Quod et tunc quidem carnáliter factum est, sed et quotidie complétur in conversiône credéntium: ut, expúlso primum dæmone, fidei lumen aspiciant: deínde ad laudes Dei tacéntia prius ora laxéntur. Quidam autem ex eis dixerunt: In Beélzebub príncipe dæmoniórú ejicit

dæmónia. Non hæc aliqui de turba, sed Pharisei calumniabantur et Scribæ, sicut alii Evangelistæ testantur.

II. Mérito hæc patimur, quia peccavimus in fratrem nostrum, videntes angustias animæ ejus, dum deprecaretur nos, et non audivimus : * Idcirco venit super nos tribulatio. **III.** Dixit Ruben fratribus suis : Numquid non dixi vobis : Nolite peccare in puerum, et non audistis me? Idcirco.

Lectio viij.

TURBIS quippe, quæ minus eruditæ videbantur, Domini semper facta mirantibus, illi contra, vel negare hæc, vel quæ negare nequiverant, sinistra interpretatione pervertere laborabant : quasi non hæc divinitatis, sed immundi spiritus opera fuissent. Et alii tentantes, signum de cælo quærebant ab eo. Vel in morem Eliæ ignem de sublimi venire cupiebant : vel in similitudinem Samuëlis tempore æstivo mugire tonitrua, coruscare fulgura, imbres ruerent : quasi non possent et illa calumniari, et dicere, ex occultis et variis aeris passionibus accidisse. At tu, qui calumniaris ea quæ oculis vides, manu tenes, utilitate sentis, quid feceris de iis, quæ

de cælo venerint? Utique respondēbis, et magos in Egypto multa signa fecisse de cælo.

II. Dixit Ruben fratribus suis : Numquid non dixi vobis : Nolite peccare in puerum, et non audistis me? * En sanguis ejus exquiritur.

III. Mérito hæc patimur, quia peccavimus in fratrem nostrum, videntes angustias animæ ejus, dum deprecaretur nos, et non audivimus. Et sanguis.

Lectio ix.

IPSE autem, ut vidit cogitationes eorum, dixit eis : Omne regnum in seipsum divisum desolabitur, et domus supra domum cadet. Non ad dicta, sed ad cogitata respondit, ut vel sic compellerentur credere potentiae ejus, qui cordis videbat occulta. Si autem omne regnum in seipsum divisum desolatur, ergo Patris, et Filii, et Spiritus sancti regnum non est divisum : quod sine ulla contradictione, non aliquo impulsu desolandum, sed æterna est stabilitate mansurum. Si autem sathanas in seipsum divisus est, quomodo stabit regnum ipsius? quia dicitis in Beelzebub ejicere me dæmónia. Hoc dicens, ex ipsorum confessione volebat intelligi, quod in eum non credendo, in regno diaboli

esse elegissent, quod utique adversum se divisum stare non posset.

R. Lamentabatur Jacob de duobus filiis suis : Heu me, dolens sum de Joseph perduto, et tristis nimis de Benjamin ducto pro alimoniis! * Precor cœlestem Regem, ut me dolentem nimium faciat eos cernere.

Ÿ. Prosternens se Jacob vehementer cum lacrymis pronus in terram, et adorans ait. Precor. **G**loria Patri. Precor.

Ad Laudes, Ana.

1. Fac benigne * in bona voluntate tua, ut ædificentur, Domine, muri Jerusalem.

Ps. Miserere, cum reliq. 164.

2. Dominus * mihi adiutor est, non timebo quid faciat mihi homo.

3. Deus misereatur nostri, * et benedicat nos.

4. Vim virtutis suæ * oblitus est ignis : ut pueri tui liberarentur illæsi.

5. Sol et luna * laudate Deum : quia exaltatum est nomen ejus solius.

Capitulum. Ephes. 5.

PRATRES, Estote imitatores Dei, sicut filii charissimi : et ambulæte in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis.

Hymnus. O sol. 169.

Ÿ. Angelis suis Deus mandavit de te. **R.** Ut custodiant te in omnibus viis tuis.

Ad Benedictus, Ana.

Cum fortis armatus * custodit atrium suum, in pace sunt omnia quæ possidet.

Oratio.

QUÆSUMUS, omnipotens Deus, vota humilium respice : atque ad defensionem nostram, dexteram tuæ majestatis extende. Per Dominum.

Ad Primam, Ana.

Et cum eiecisset Jesus * dæmonium, locutus est mutus, et admiratæ sunt turbæ.

Ad Tertiam, Ana.

Si in digito Dei, * ejicio dæmonia, profecto pervenit in vos regnum Dei.

Capit. Fratres, Estote.

R. br. Ipse liberavit me * De lqueo venantium. Ipse.

Ÿ. Et a verbo áspero. De. **G**loria Patri. Ipse. **Ÿ.** Scapulæ suis obumbrabit tibi.

R. Et sub pennis ejus sperabis.

Ad Sextam, Ana.

Qui non colligit mecum, * dispérgit : et qui non est mecum, contra me est.

Capitulum. Ephes. 5. b

HOC enim scitote intelligentes, quod omnis fornicator, aut immundus, aut avarus, quod est idolorum servitus, non habet hereditatem in regno Christi et Dei.

R. br. Scápolis suis *
Obumbrábit tibi. Scápolis.

V. Et sub pennis ejus sperábis. Obumbrábit. Glória Patri. Scápolis. **V.** Scuto circúmdabit te véritas ejus.

R. Non timébis a timóre noctúrno.

Ad Nonam. Añs.

Cum immúndus spíritus *
exierit ab hómine, ámbulat
per loca inaquósa, quærens
réquiem, et non invenit.

Capitulum. Ephes. 5. b

LERATIS enim aliquándo té-
nebræ; nunc autem lux
in Dómino. Ut filii lucis am-
buláte: fructus enim lucis
est in omni bonitáte, et ju-
stítia, et veritáte.

R. br. Scuto circúmdabit
te * Véritas ejus. Scuto. **V.**
Non timébis a timóre no-
ctúrno. Véritas ejus. Glória
Patri. Scuto. **V.** Angelis suis
Deus mandávit de te. **R.** Ut
custódiant te in ómnibus
viis tuis.

*Ad Vesperas, Añs. et
Psalmi de Dñica. 130.*

Capit. Fratres, Estóte.

*Hymnus. Audi, benigne.
132.*

V. Angelis suis Deus mandá-
vit de te. **R.** Ut custódiant
te in ómnibus viis tuis.

Ad Magnificat. Añs.

Extóllens vocem * quædam
múlter de turba, dixit: Beá-
tus venter qui te portávit,
et úbera quæ suxisti. At Je-
sus ait illi: Quinimmo beáti

qui audiunt verbum Dei, et
custódiunt illud.

*Post Vesperas diei dicun-
tur Vesperæ Defunct.*

FERIA SECUNDA.

Lectio sancti Evangélii
secúndum Lucam.

Lectio j. Cap. 4. d

IN illo témpore: Dixit Je-
sus Pharisæis: Utique
dicétis mihi hanc similitú-
nem: Médice, cura teipsum:
quanta audivimus facta in
Caphárnaum, fac et hic in
pátria tua. Et réliqua.

Homilia sancti Ambrósii
Epíscopi.

L. 4. in c. 4. Lucæ.

NON mediócris invídia pró-
ditur, quæ civicæ cha-
ritátis oblita, in acérba ódia
causas amóris infléctit. Si-
mul hoc exémplo páriter et
oráculo declarátur; quod
frustra opem misericórdiæ
coeléstis expéctes, si aliénæ
fructibus virtútis invídeas.
Aspernátor enim Dóminus
invidórum est: et ab iis qui
divína beneficia in áliis per-
sequúntur, mirácula suæ
potestátis avértit. Domínicæ
quippe carnis actus, divini-
tátis exémplum est, et in-
visibilia nobis ejus, per ea,
quæ sunt visibilia, demon-
strántur.

R. Tóllite hinc vobíscum
múnera, et ite ad dóminum
terræ: et cum invenéritis,
adoráte eum super terram:
* Deus autem meus fáciat

eum vobis placabilem, et remittat et hunc fratrem vestrum vobiscum, et eum quem tenet in vinculis. ¶ Sumite de optimis terræ frugibus in vasis vestris, et deferite viro munera. Deus.

Lectio ij.

NON otiose itaque Salvator excusat, quod nulla in patria sua miracula virtutis operatus sit: ne fortassis aliquis viliorem patriæ nobis esse debere putaret affectum. Neque enim cives poterat non amare, qui amaret omnes: sed ipsi se charitate patriæ, dum invident, abdicarunt. In veritate dico vobis: Multæ viduæ fuerunt in diebus Eliæ. Non quia Eliæ dies fuerunt, sed in quibus Elias operatus est: aut quia Elias dies faciebat illis, qui in ejus operibus lucem videbant gratiæ spiritalis, et convertebantur ad Dominum. Et ideo aperiebatur cælum videntibus æterna et divina mysteria: clauderetur, et fames erat, quando nulla erat cognoscendæ divinitatis ubertas. Sed de hoc plenius diximus, cum de viduis scriberemus.

℞. Iste est frater vester minimus, de quo dixeratis mihi? Deus misereatur tibi, fili mi. * Festinavitque in domum, et ploravit: quia erumpébant lacrymæ, et non poterat se continere. ¶

Attollens autem Joseph oculos, vidit Benjamin stantem: et commota sunt omnia viscera ejus super fratre suo. Festinavitque.

Lectio iij.

ET multi leprosi erant in Judæa temporibus Elisæi Prophætæ: et nemo eorum mundatus est, nisi Náaman Syrus. Evidenter hic sermo nos Domini salutaris informat, et ad studium venerandæ divinitatis hortatur: quod nemo sanatus ostenditur, et maculosi morbo corporis absolutus, nisi qui religioso officio studuit sanitati. Non enim dormientibus divina beneficia, sed observantibus deferuntur. Diximus in libro alio, in vidua illa, ad quam Elias directus est, typum Ecclesiæ præmissum Pópulus Ecclesiam congregavit, ut sequatur pópulus ille ex alienigenis congregatus. Pópulus ille ante leprosus, pópulus ille ante maculosus, priusquam mystico baptizaretur in flumine, idem post sacramenta baptismatis maculis corporis et mentis ablutus, jam non lepra, sed immaculata virgo cœpit esse sine ruga.

℞. Dixit Joseph undecim fratribus suis: Ego sum Joseph, quem vendidistis in Ægyptum: adhuc vivit pater noster senior de quo

dixeratis mihi? * Ite, adducite eum ad me, ut possit vivere. *Ÿ.* Biennium enim est quod cœpit esse fames in terra : et adhuc restant anni quinque, quibus nec arari poterit, nec meti. Ite. *Gloria Patri. Ite.*

Ad Benedictus, Ana.

Amen dico vobis, * quia nemo Propheta acceptus est in patria sua.

Hodie dicuntur Preces. 63.

Oratio.

CORDIBUS nostris, quæsumus Domine, gratiam tuam benignus infunde : ut, sicut ab escis carnalibus abstinemus, ita sensus quoque nostros a noxiis retrahamus excelsibus. Per Dominum.

Hodie Offic. Defunct.

Ad Magnificat, Ana.

Jesus autem transiens * per medium illorum ibat.

Deinde Preces. 135.

Oratio.

SUBVENIAT nobis, Domine, misericordia tua : ut ab imminentibus peccatorum nostrorum periculis te mereamur protegente eripi, te liberante salvari. Per Dominum.

FERIA TERTIA.

Lectio sancti Evangelii secundum Matthæum.

Lectio j. Cap. 18.

In illo tempore : Dixit Jesus discipulis suis : Si peccaverit in te frater tuus,

vade, et corripe eum inter te et ipsum solum. Et reliqua.

Homilia sancti Augustini Episcopi.

Serm. 16 de verb. Domini.

QUARE illum corripis? Quia tu doles, quod peccaverit in te? Absit. Si amore tui id facis, nihil facis : si amore illius facis, optime facis. Denique in ipsis verbis attende, ejus amore id facere debeas, utrum tui, an illius. Si te audierit, inquit, lucratus es fratrem tuum. Ergo propter illum fac, ut lucreris illum. Sic faciêdo lucraris : nisi fecisses, perierat. Quid est ergo, quod plerique homines ista peccata contemnunt, et dicunt : Quid magnum feci? in hominem peccavi. Noli contemnere. In hominem peccasti.

ŕ. Nuntiaverunt Jacob dicentes : Joseph filius tuus vivit, et ipse dominatur in tota terra Ægypti : quo audito, revixit spiritus ejus, et dixit : * Sufficit mihi, vadam et videbo eum antequam moriar. *Ÿ.* Cumque audisset Jacob quod filius ejus viveret, quasi de gravi somno evigilans, ait. Sufficit.

Lectio ij.

Vis nosse, quia in hominem peccando, periisti? Si te ille, in quem peccasti,

corripuerit inter te et ipsum solum, et audieris illum, lucratus est te. Quid est, Lucratus est te: nisi quia perieras, si non lucraretur te? Nam si non perieras, quomodo te lucratus est? Nemo ergo contemnat, quando peccat in fratrem. Ait enim quodam loco Apostolus: Sic autem peccantes in fratres, et percutientes conscientiam eorum infirmam, in Christum peccatis: ideo quia membra Christi omnes facti sumus. Quomodo non peccas in Christum, qui peccas in membrum Christi?

R. Joseph dum. 196.

Lectio iij.

NEMO ergo dicat, quia non peccavi in Deum, sed peccavi in fratrem: in hominem peccavi, leve, vel nullum peccatum est. Forte inde dicis: Leve est, quia cito curatur. Peccasti in fratrem: fac satis, et sanatus es. Cito fecisti mortiferam rem, sed remedium cito invenisti. Quis nostrum speret regnum celorum, fratres mei, quando dicit Evangelium: Qui dixerit fratri suo, fatue, reus erit gehennae ignis? Magnus terror: sed vide ibi remedium. Si obtuleris munus tuum ad altare, et ibi recordatus fueris, quia frater tuus habet aliquid adversum

te, relinque ibi munus tuum ante altare. Non irascitur Deus, quia differs imponere munus tuum: te quaerit Deus magis, quam munus tuum.

R. Meménto mei. 197.

Ad Benedictus, Añā.

Si duo ex vobis * consenserint super terram, de omni re quaecumque petierint, fiet illis a Patre meo, dicit Dominus.

Oratio.

EXAUDI nos, omnipotens et misericors Deus: et continentiae salutaris propitius nobis dona concede. Per Dominum.

Ad Magnificat, Añā.

Ubi duo, vel tres * congregati fuerint in nomine meo, in medio eorum sum, dicit Dominus.

Oratio.

TUA nos, Domine, protectione defende: et ab omni semper iniquitate custodi. Per Dominum.

FERIA QUARTA.

Hodie dicuntur Psalmi Graduales.

Lectio sancti Evangelii secundum Matthæum.

Lectio j. Cap. 13.

IN illo tempore: Accesserunt ad Jesum ab Jerosolymis Scribae et Pharisei, dicentes: Quare discipuli tui transgrediuntur traditionem seniorum? Et reliqua.

Homilia sancti Hierónymi
Presbyteri.

L. 2. Com. in Matth. 13.

MIRA Pharisæorum Scribarumque stultitia ! Dei Filium arguunt, quare hominum traditiones et præcepta non servet. Non enim lavant manus suas, cum panem manducant. Manus, id est opera, non corporis utique, sed animæ lavandæ sunt, ut fiat in illis verbum Dei. Ipse autem respondens ait illis : Quare et vos transgredimini mandatum Dei propter traditionem vestram ? Falsam calumniam vera responsione confutat. Cum, inquit, vos propter traditionem hominum præcepta Domini negligatis, quare discipulos meos arguendos putatis, quod seniorum jussa parvipendant, ut Dei scita custodiant ?

¶ Mérito hæc. 198.

Lectio ij.

NAM Deus dixit, Honóra patrem et matrem : et, Qui maledíxerit patri, vel matri, morte moriátur. Vos autem dicitis : Quicumque dixerit patri, vel matri : Munus quodcumque est ex me, tibi próderit : et non honorificábit patrem suum, aut matrem suam. Honor in Scriptúris non tantum in salutationibus et officiis deferendis, quantum in eleemósynis, ac mune-

rum oblatióne sentitur. Honóra, inquit Apóstolus, víduas quæ vere víduæ sunt. Hic honor donum intelligitur. Et in alio loco : Presbyteri dúplici honóre honorandi sunt, máxime qui labórant in verbo et doctrina Dei. Et per hoc mandatum jubémur bovi trituránti os non cláudere : et dignus sit operárius mercéde sua. ¶ Dixit Ruben. 198.

Lectio iij.

PRÆCEPERAT Dóminus, vel imbecillitátes, vel ætates, vel penúrias paréntum considerans, ut filii honorarent, étiam in vitæ necessariis ministrándis, paréntes suos. Hanc providentíssimam Dei legem voléntes Scribæ et Pharisæi subvertere, ut impietátem sub nómine pietátis inducerent, docuerunt péssimos filios, ut si quis ea, quæ paréntibus offerénda sunt, Deo vovére volúerit, qui verus est pater, oblatio Dómini præponátur paréntum muneribus : vel certe ipsi paréntes, quæ Deo consecrata cernébant, ne sacrilégii crimen incurrerent, declinantes, egestáte conficiebantur. Atque ita fiébat, ut oblatio liberórum sub occasione templi et Dei, in sacerdotum lucra céderet.

¶ Lamentabátur. 199.

Ad Benedictus. Añs. Au-

dite et intelligite * tradi-
tiones, quas Dominus dedit
nobis.

Oratio.

PRÆSTA nobis, quæsumus
Dómine : ut salutáribus
jejúniis eruditi , a nóxiis
quoque vitiis abstinéntes ,
propitiatióem tuam facilius
impetrémus. Per Dóminum.

Ad Magnificat. Añã.

Non lotis mânibus * man-
ducáre, non coínquinat hó-
minem.

Oratio.

CONCEDE, quæsumus omni-
potens Deus : ut , qui
protectiõnis tuæ grátiam
quærimus, liberáti a malis
ómnibus, secúra tibi mente
serviámus. Per Dóminum.

FERIA QUINTA.

*Lectio sancti Evangelii
secundum Lucam.*

Lectio j. Cap. 4. f

IN illo témpore : Surgens
Jesus de synagóga , in-
troiit in domum Simónis.
Soerus autem Simónis te-
nebátur magnis fébribus.
Et réliqua.

Homilia sancti Ambrósii
Episcopi.

Lib 4. in Lucæ 4.

VIDE cleméntiam Dómini
Salvatóris : nec indigna-
tióne commótus, nec scélere
offénsus, nec injúria violá-
tus, Judæam désérit : quin
étiam ímmemor injúriæ ,
memor cleméntiæ, nunc do-
céndó , nunc liberándó ,

nunc sanándó , infidæ ple-
bis corda demúlcet. Et bene
sanctus Lucas virum ab
spíritu nequitiae liberátum
ante præmisit , et subdit
feminae sanitátem. Utrúm-
que enim sexum Dóminus
curatúrus advénerat : sed
prior sanári débuit , qui
prior creátus est : nec præ-
termitti illa , quæ mobili-
tate magis ánimi , quam
pravitate, peccáverat.

R̃. Videntes Joseph. 194.

Lectio ij

SABBATO medicinae Domi-
nicæ ópera cœpta signi-
ficat, ut inde nova creatúra
cœperit, ubi vetus creatúra
ante desívit : nec sub lege
esse Dei Fílium, sed supra
legem in ipsò princípío de-
signáret : nec solvi legem ,
sed impléri. Neque enim
per legem, sed verbo factus
est mundus, sicut légimus :
Verbo Dómini cœli firmáti
sunt. Non sólvitur ergo lex,
sed implétur : ut fiat reno-
vatio hóminis jam labéntis.
Unde et Apóstolus ait : Ex-
poliántes vos véterem hó-
minem , indúite novum ,
qui secúndum Deum creá-
tus est.

R̃. Dixit Judas. 195.

Lectio iij.

ET bene sabbato cœpit ,
ut ipsum se osténderet
Creatórem, qui ópera opé-
ribus intéxeret, et prose-
querétur opus , quod ipse

jam coeperat : ut si domum faber renovare disponat, non a fundamentis, sed a culminibus incipitolvere vetustatem. Itaque ibi prius manum admovet, ubi ante desierat : deinde a minoribus incipit, ut ad majora perveniat. Liberare a dæmone et homines, sed in verbo Dei possunt : resurrectionem mortuis imperare, divinæ solius est potestatis. Fortassis etiam in typo mulieris illius socrus Simónis et Andréæ, variis criminum febribus caro nostra languēbat, et diversarum cupiditatum immódicis æstuābat illécebris. Nec minorem febrem amoris esse dixerim, quam calorís. Itaque illa ánimum, hæc corpus inflāmmat. Febris enim nostra, avaritia est : febris nostra, libido est : febris nostra, luxúria est : febris nostra, ambitio est : febris nostra, iracúndia est.

iv. Extrahentes. 196.

Ad Benedictus, Añā.

Exibant autem dæmónia * a multis, clamántia et dicéntia, Quia tu es Christus Fílius Dei : et increpans non sinébat ea loqui, quia sciébanť ipsum esse Christum.

Oratio.

MAGNIFICET te, Dómine, sanctórum tuórum Cosmæ et Damiáni beáta solémnitas : qua et illis glóriam

sempitérnam, et opem nobis ineffábili providéntia contulisti. Per Dóminum.

Ad Magnificat, Añā.

Omnes qui habébant infirmos, * ducébant illos ad Jesum, et sanabántur.

Oratio.

SUBJECTUM tibi pópulum, quæsumus Dómine, propitiatio cœléstis amplifícet ; et tuis semper fáciat servire mandátis. Per Dóminum.

FERIA SEXTA.

Lectio sancti Evangélíi secúndum Joánnem.

Lectio j. Cap. 4.

IN illo témpore : Venit Jesus in civitátem Samariæ, quæ dicitur Sichar, juxta prædium, quod dedit Jacob Joseph filio suo. Et reliqua.

Homília sancti Augustíni
Episcopi.

Tr. 15. in Joann. post init.

JAM incépiunt mystéria. Non enim frustra fatigátur Jesus : non enim frustra fatigátur virtus Dei : non enim frustra fatigátur, per quem fatigáti recreántur : non enim frustra fatigátur, quo deserénte fatigámur, quo præsente firmámur. Fatigátur tamen Jesus, et fatigátur ab itinere, et sedet, et juxta púteum sedet, et hora sexta fatigátus sedet. Omnia ista innuunt áliquíd, indicáre volunt áliquíd : inténtos nos faciunt ; ut pulsé-

mus, hortantur. Ipse ergo aperiat et nobis et vobis, qui dignatus est ita hortari, ut diceret: Pulsate, et aperiatur vobis.

R. Videns Jacob. 196.

Lectio ij.

TIBI fatigatus est ab itinere Jesus. Invenimus virtutem Jesum: et invenimus infirmum Jesum: fortem, et infirmum. Fortem, quia in principio erat Verbum, et Verbum erat apud Deum, et Deus erat Verbum: hoc erat in principio apud Deum. Vis videre quam iste Filius Dei fortis sit? Omnia per ipsum facta sunt, et sine ipso factum est nihil: et sine labore facta sunt. Quid ergo illo fortius, per quem sine labore facta sunt omnia? Infirmum vis nosse? Verbum caro factum est, et habitavit in nobis. Fortitudo Christi te creavit: infirmitas Christi te recreavit. Fortitudo Christi fecit, ut quod non erat, esset: infirmitas Christi fecit, ut quod erat, non periret. Condidit nos fortitudine sua, quæsit nos infirmitate sua.

R. Joseph dum. 196.

Lectio iij.

NUTRIT ergo ipse infirmus infirmos, tamquam gallina pullos suos: huic enim se similem fecit. Quoties volui, inquit ad Jerusalem, congregare filios tuos sub

alas, tamquam gallina pullos suos, et noluisti? Videtis autem, fratres, quemadmodum gallina infirmetur cum pullis suis. Nulla enim alia avis, quod sit mater, agnoscitur. Videmus nidificare passerem quolibet ante oculos nostros: hirundines, cicónias, columbas quotidie videmus nidificare: quos, nisi quando in nidis videmus, parentes esse non agnoscimus. Gallina vero sic infirmatur in pullis suis, ut etiam si ipsi pulli non sequantur, filios non videas, matrem tamen intelligas.

R. Meménto mei. 197.

Ad Benedictus, Añs.

Aquam quam ego dederó, * si quis biberit ex ea, non sitiet in ætérnum.

Oratio.

JEJUNIA nostra, quæsumus Dómine, benigno favóre proséquere: ut, sicut ab alimentis abstinémus in corpore, ita a vitiis jejunémus in mente. Per Dóminum.

Hodie Psalmi Penitent.

Ad Magnificat, Añs.

Dómine, ut vídeo, Prophéta es tu: patres nostri in monte hoc adoravérunt.

Oratio.

PRÆSTA, quæsumus omnipotens Deus: ut qui in tua protectione confidimus, cuncta nobis adversántia, te adjuvante, vincámus. Per Dóminum.

SABBATO.

Lectio sancti Evangelii
secundum Joannem.

Lectio j. Cap. 8. f

IN illo tempore : Perréxit
Jesus in montem Olivéti ,
et dilúculo iterum venit in
templum. Et reliqua.

Homilia sancti Augustini
Episcopi.

Tr. 33. in Joannem.

JESUS perréxit in montem
Olivéti , in montem fru-
ctuósum , in montem un-
guénti, in montem chrísma-
tis. Ubi enim decébat docére
Christum, nisi in monte Oli-
vétí? Christi enim nomen a
chrísmate dictum est : chris-
ma autem græce , latine
unctio nomináture. Ideo au-
tem nos unxit, quia luctató-
res contra diábolum fecit.
Et dilúculo iterum venit in
templum, et omnis pópulus
venit ad eum : et sedens
docébat eos, et non tenebá-
tur , quia nondum pati di-
gnabáture. Nunc jam atténde-
te, ubi ab inimicis tentáta
sit Dómini mansuetúdo.

ñ. Mérito. 198.

Lectio ij.

ADDUCUNT autem illi Scri-
bæ et Pharisæi mulierem
in adultério deprehénsam ,
et statuérunt eam in médio,
et dixerunt ei : Magister ,
hæc mulier modo deprehén-
sa est in adultério , in lege
autem Moyses mandávit no-
bis hujúsmodi lapidáre : tu

ergo quid dicis ? Hæc autem
dicebant tentántes eum , ut
possent accusáre eum. Unde
accusáre? Numquid ipsum
in áliquo facínore deprehén-
derant, aut illa mulier ad
eum áliquo modo perti-
nuisse dicebátur?

ñ. Dixit Ruben. 198.

Lectio iij.

INTELLIGAMUS, fratres, ad-
miráblem mansuetúdi-
nem in Dómino fuisse.
Animadvertérunt eum ní-
mium esse mitem , nímium
esse mansuétum. De illo
quippe fúerat ante prædí-
ctum : Accíngere gládio tuo
circa femur tuum , poten-
tíssime. Spécie tua , et pul-
chritúdine tua inténde, pró-
spere procéde et regna :
propter veritátem , et man-
suetúdinem , et justitiam
Ergo áttulit veritátem ut
doctor , mansuetúdinem ut
liberátor, justitiam ut cóg-
nitor. Propter hæc eum
esse regnatúrum in Spíritu
sancto Prophéta prædixerat.
Cum loquerétur , véritas
agnoscebátur : cum advér-
sus inimicos non moverétur ,
mansuetúdo laudabá-
tur. Cum ergo de duóbus
istis, id est, de veritáte et
mansuetúdine ejus, inimici
livóre et invídia torquerén-
tur, in tértio, id est ju-
stitia , scándalum posué-
runt.

ñ. Lamentabátur. 199.

Ad Benedictus, Añã.

Inclinavit se Jesus, * et scribēbat in terra : Si quis sine peccato est, mittat in eam lapidem.

Oratio.

PRÆSTA, quæsumus omnipotens Deus : ut qui se, affligēdo carnem, ab aliementis abstinent, sectādo justitiam, a culpa jejūnent. Per Dñm.

Ad Vesperas, Capit.

FRATRES, Scriptum est : Quoniam Abraham duos filios habuit : unum de ancilla, et unum de libera. Sed qui de ancilla, secundum carnem natus est : qui autem de libera, per reprobationem : quæ sunt per allegoriam dicta.

Hymn. Audi, benigne. 132.

Ÿ. Angelis suis Deus mandavit de te. **Ŗ.** Ut custodiant te in omnibus viis tuis.

Ad Magnificat, Ana.

Nemo te condemnavit, mulier ? * Nemo, Domine. Nec ego te condemnabo : jam amplius noli peccare.

Oratio.

CONCEDE, quæsumus omnipotens Deus : ut qui ex merito nostræ actionis affligimur, tuæ gratiæ consolatione respirēmus. Per Dñm.

DOM. IV. QUADRAG.

Ad Matutinum, Invitat.
Hymnus, Añæ, Psalmi et
Ÿ. ut in Psalterio.

VERNA.

In primo Nocturno.

De libro Exodi.

Lectio j. Cap. 3.

MOYSES autem pascēbat oves Jethro sóceri sui sacerdotis Mádian : cumque minasset gregem ad interiōra desérti, venit ad montem Dei Horeb. Apparuitque ei Dñus in flamma ignis de médio rubi : et vidēbat quod rubus ardēret, et non combureretur. Dixit ergo Moyses : Vadam, et vidēbo visionem hanc magnam, quare non comburatur rubus. Cernens autem Dñus quod pēgeret ad vidēdum, vocavit eum de médio rubi, et ait : Moyses, Moyses. Qui respondit : Adsum. At ille : Ne appropies, inquit, huc : solve calceamentum de pedibus tuis : locus enim, in quo stas, terra sancta est. Et ait : Ego sum Deus patris tui, Deus Abraham, Deus Isaac, et Deus Jacob. Abscondit Moyses faciē suam : non enim audēbat aspīcere contra Deum. **Ŗ.** Locutus est Dñus ad Moysen, dicens : Descēde in Ægyptum, et dic Pharaóni, * Ut dimittat populum meum : induratum est cor Pharaónis : non vult dimittere populum meum, nisi in manu forti. **Ÿ.** Clamor filiorum Israel venit ad me, vidique afflictionem eorum : sed veni, mittam te ad Pharaónem. Ut.

Lectio ij.

Ait Dóminus : Vidi afflictiónem pópuli mei in Ægypto, et clamórem ejus audiui propter durítiam eórum qui præsunt opéribus : et sciens dolórem ejus, descénderé, ut liberem eum de manibus Ægyptiórum, et edúcam de terra illa in terram bonam, et spatiósam : in terram quæ fluit lacte et melle, ad loca Chananæi, et Hethæi, et Amorrhæi, et Phe-rezæi, et Hevæi, et Jebusæi. Clamor ergo filiórum Israel venit ad me: vidique afflictiónem eórum, qua ab Ægyptiis opprimúntur. Sed veni, et mittam te ad Pharaónem, ut edúcas pópulum meum, filios Israel, de Ægypto.

R Stetit Moyses coram Pharaóne, et dixit : Hæc dicit Dóminus : * Dimítte pópulum meum, ut sacrificet mihi in desérto. **V** Dóminus Deus Hebræórum misit me ad te, dicens. Dimítte.

Lectio iij.

DIXITQUE Moyses ad Deum : Quis sum ego, ut vadam ad Pharaónem, et edúcam filios Israel de Ægypto ? Qui dixit ei : Ego ero tecum : et hoc habébis signum, quod miserim te. Cum edúxeris pópulum meum de Ægypto, immolábis Deo super montem istum. Ait Moyses ad Deum : Ecce ego vadam ad filios Israel, et

dicam eis : Deus patrum vestrórum misit me ad vos. Si dixerint mihi : Quod est nomen ejus ? quid dicam eis : Dixit Deus ad Moysen : Ego sum qui sum. Ait : Sic dices filiis Israel : Qui est, misit me ad vos. Dixitque iterum Deus ad Moysen : Hæc dices filiis Israel : Dóminus Deus patrum vestrórum, Deus Abraham, Deus Isaac, et Deus Jacob, misit me ad vos : hoc nomen mihi est in ætérnum, et hoc memoriále meum in generatió-nem et generatió-nem.

R. Cantémus Dómino : glorióse enim honorificátus est : equum et ascensórem projécit in mare : * Adjútor et protéctor factus est mihi Dóminus in salutem. **V**. Dóminus quasi vir pugnátor, omnípotens nomen ejus. Adjútor. Glória Patri. Adjútor.

In secundo Nocturno

Sermo sancti Basilli Magni.

Lectio iv.

Hom. 1. de Jejun.

MOYSEN per jejunium nó-vimus in montem ascen-disse : neque enim áliter ausus esset vérticem fumántem adíre, atque in caliginem ingredi, nisi jejunio munitus. Per jejunium mandata dígito Dei in tábulis conscripta suscepit. Item supra montem jejunium legis latæ conciliator fuit, in-

férius vero, gula ad idololatriam pópulum deduxit, ac contaminávit. Sedit, inquit, pópulus manducáre et bibere, et surrexérunt lúdere. Quadraginta diérum labórem ac perseverántiam, Dei servo continuo jejunánte ac oránte, una tantum pópuli ebrietas cassam irritámque reddidit. Quas enim tábulas Dei digito conscriptas jejúnium accépit, has ebrietas contrivit : Prophéta sanctíssimo indignum existimánte, vinoléntum pópulum a Deo legem accipere.

R. In mari viæ tuæ, et sémitæ tuæ in aquis multis.

+ Deduxisti sicut oves pópulum tuum in manu Moysi et Aaron. **Y.** Transtulisti illos per mare Rubrum, et transvexisti eos per aquam nimiam. Deduxisti.

Lectio v.

IN O témporis moménto ob gulam pópulus ille per máxima prodigia Dei cultum edóctus, in Ægyptíacam idololatriam turpissime devolútus est. Ex quo si utrúmque simul cónferas, vidére licet, jejúnium ad Deum dúcere, delicias vero salútem pérdere. Quid Esau inquinávit, servúmque fratris reddidit? nonne esca una, propter quam primogénita véndidit? Samuélem vero nonne per jejúnium orátio largita est matri?

Quid fortíssimum Samsónem inexpugnábilem reddidit? Nonne jejúnium, cum quo in matris ventre concéptus est? Jejúnium concépit, jejúnium nutrit, jejúnium virum effécit. Quod sane Angelus matri præcépit, monens, quæcúmque ex vite procédèrent, ne attingeret, non vinum, non siceram biberet. Jejúnium Prophétas génuit, poténtes confirmat atque róborat.

R. Qui persequébantur pópulum tuum, Dómine, demersisti eos in profúndum : ***** Et in columna nubis ductor eórum fuisti. **Y.** Deduxisti sicut oves pópulum tuum in manu Moysi, et Aaron. Et.

Lectio vj.

J EJUNIUM legislatóres sapiéntes facit : animæ óptima custódia, córporis sócius secúrus, fórtibus viris muniméntum et arma, athlétis et certántibus exercitátio. Hoc prætérea tentatiónes propúlsat, ad pietátem armat, cum sobrietáte hábitat, temperántiæ ópifex est : in bellis fortitúdinem affert, in pace quiétem docet; Nazaræum sanctificat, sacerdótem pérficit : neque enim fas est sine jejúnio sacrificium attingere, non solum in mystica nunc et vera Dei adoratióne, sed nec in illa, in qua sacrificium secúndum legem in fi-

gura offerebatur. Jejûnium Eliam magnæ visiônis spectatorem fecit: quadraginta namque diêrum jejûnio cum animam purgasset, in spelunca mœruit, quantum fas est homini, Deum videre. Moyses iterum legem accipiens, iterum jejûnia secutus est. Ninivitæ, nisi cum illis et bruta jejunassent, ruinæ minas nequâquam evasisent. In desérto autem quorûmnam membra ceciderunt? nonne illorum, qui carnes appetivére?

R. Moyses famulus Dei jejunavit quadraginta diébus et quadraginta noctibus: * Ut legem Domini mereretur accipere. **V.** Ascendens Moyses in montem Sinai ad Dominum, fuit ibi quadraginta diébus et quadraginta noctibus. Ut. Glória Patri. Ut.

In tertio Nocturno.

Lectio sancti Evangélii
secundum Joannem.

Lectio vij. Cap. 6.

In illo tempore: Abiit Jesus trans mare Galilææ, quod est Tiberiædis: et sequebatur eum multitudo magna, quia videbant signa, quæ faciebat super his qui infirmabantur. Et reliqua.

Homilia sancti Augustini
Episcopi.

Tract. 24. in Joan.

MIRACULA, quæ fecit Dominus noster Jesus Christus, sunt quidem di-

vina ópera, et ad intelligendum Deum de visibilibus admonent humanam mentem. Quia enim ille non est talis substantia, quæ videri oculis possit: et miracula ejus, quibus totum mundum regit, universamque creaturam administrat, assiduitate viluerunt, ita ut pene nemo dignetur attendere ópera Dei mira et stupenda in quolibet seminis grano: secundum ipsam suam misericordiam servavit sibi quædam, quæ faceret opportuno tempore præter usitatum cursum ordinemque naturæ: ut non majóra, sed insolita videndo stupèrent, quibus quotidiana viluerant.

R. Splendida facta est facies Moysi, dum respiceret in eum Dominus: * Videntes seniôres claritatem vultus ejus, admirantes timebunt valde. **V.** Cumque descendisset de monte Sinai, portabat duas tabulas testimoniî, ignorans quod cornuta esset facies ejus ex consortio sermonis Dei. Videntes.

Lectio viij.

MAJUS enim miraculum est gubernatio totius mundi, quam saturatio quinque millium hominum de quinque panibus. Et tamen hoc nemo miratur: illud mirantur homines,

non quia majus est, sed quia rarum est. Quis enim et nunc pascit univérsum mundum, nisi ille, qui de paucis granis ségetes creat? Fecit ergo quo modo Deus. Unde enim multiplicat de paucis granis ségetes, inde in mánibus suis multiplicávit quinque panes: potéstas enim erat in mánibus Christi. Panes autem illi quinque, quasi sémina erant, non quidem terræ mandáta, sed ab eo, qui terram fecit, multiplicáta.

R. Ecce mitto Angelum meum, qui præcedat te, et custódiat semper: * Obsérva et audi vocem meam, et inimicus ero inimicis tuis, et affligéntes te affligam: et præcedet te Angelus meus. **Y.** Israel, si me audieris, non erit in te Deus recens, neque adorábis Deum aliénium: ego enim Dóminus. Obsérva.

Lectio ix

HOC ergo admótum est sénsibus, quo erigerétur mens: et exhibitum óculis, ubi exerce rétur intelléctus: ut invisibilem Deum per visibilia ópera mirarémur, et erécti ad fidem, et purgáti per fidem, étiam ipsum invisibilem vidére cuperémus, quem de rebus visibilibus invisibilem noscerémus. Nec tamen súfficit hæc intuéri in miráculis Christi. Interrogé-

mus ipsa mirácula, quid nobis loquántur de Christo: habent enim, si intelligántur, linguam suam. Nam quia ipse Christus Verbum Dei est, étiam factum Verbi, verbum nobis est.

R. Atténdite, pópule meus, legem meam: * Inclínate aurem vestram in verba oris mei. **Y.** Apériam in parábolis os meum: loquar propósições ab initio sæculi. Inclínate. **Gloria Patri.** Inclínate.

Ad Laudes. Ant.

1. Tunc acceptábis * sacrificium justitiæ, si avérteris faciém tuam a peccátis meis. **Ps.** Miserére mei, cum reliq. 164.

2. Bonum est * speráre in Dómino, quam speráre in princípibus.

3. Benedícat nos Deus, * Deus noster, benedícat nos Deus.

4. Potens es, Dómine, * erípere nos de manu forti: libera nos, Deus noster.

5. Reges terræ, * et omnes pópuli laudáte Deum.

Capitulum. Galat. 4. c

FRATRES, Scriptum est: Quóniam Abraham duos filios hábuit: unum de ancilla, et unum de libera. Sed qui de ancilla, secúndum carnem natus est: qui autem de libera, per repromissió-nem: quæ sunt per allegoríam dicta.

Hymn. O sol salutis. 169.

ŷ. Angelis suis Deus mandavit de te. *ŕ.* Ut custodiant te in omnibus viis tuis.

Ad Benedictus, Añā. Cum sublevasset oculos * Jesus, et vidisset maximam multitudinem venientem ad se, dixit ad Philippum : Unde ememus panes, ut manducent hi ? Hoc autem dicebat tentans eum : ipse enim sciebat quid esset factururus.

Oratio.

CONCEDE, quæsumus omnipotens Deus : ut, qui ex merito nostræ actionis affligimur, tuæ gratiæ consolatione respicemur. Per Dóminum.

Ad Primam.

Añā. Accépit ergo * Jesus panes, et cum grátias egisset, distribuit discumbéntibus.

Ad Tertiam.

Añā. De quinque pánibus * et duóbus piscibus satiávit Dóminus quinque millia hóminum.

Capit. Fratres, Scriptum.

ŕ. *br.* Ipse liberávit me * De laqueo venántium. Ipse. *ŷ.* Et a verbo áspero. De. *Glória Patri.* Ipse. *ŷ.* Scápulis suis obumbrábit tibi. *ŕ.* Et sub pennis ejus sperábis.

Ad Sextam.

Añā. Satiávit Dóminus * quinque millia hóminum de quinque pánibus et duóbus piscibus.

Capitulum. Galat. 4.

LÆTARE stérilis, quæ non paris : erúmpe, et clama, quæ non párturis : quia multi filii desértæ, magis quam ejus quæ habet virum.

ŕ. *br.* Scápulis suis * Obumbrábit tibi. Scápulis. *ŷ.* Et sub pennis ejus sperábis. Obumbrábit. *Glória Patri.* Scápulis. *ŷ.* Scuto circúmdabit te véritas ejus. *ŕ.* Non timébis a timóre noctúrno.

Ad Nonam.

Añā. Illi ergo * hómines cum vidissent quod fécerat Jesus signum, intra se dicebant : Quia hic est vere Prophéta, qui ventúrus est in mundum.

Capitulum. Galat. 4.

ITAQUE, fratres, non sumus ancillæ filii, sed liberæ : qua libertáte Christus nos liberávit.

ŕ. *br.* Scuto circúmdabit te * Véritas ejus. Scuto. *ŷ.* Non timébis a timóre noctúrno. Véritas. *Glória Patri.* Scuto. *ŷ.* Angelis suis Deus mandavit de te. *ŕ.* Ut custodiant te in ómnibus viis tuis.

Ad Vesperas, Añæ et Psalmi de Dominica. 130.

Capit. Fratres, Scriptum.

Hym. Audi, benigne. 132.

ŷ. Angelis suis Deus mandavit de te. *ŕ.* Ut custodiant te in ómnibus viis tuis.

Ad Magnificat. Aññ.

Súbiit ergo * in montem
Jesus, et ibi sedébat cum
discípulis suis.

Deinde Vesp. Defunct.

FERIA SECUNDA.

*Lectio sancti Evangélíi
secúndum Joánnem.*

Lectio j. Cap. 2. c

IN illo témpore : Prope erat
Pascha Judæórum, et
ascéndit Jesus Jerosóly-
mam : et invénit in templo
vendéntes boves, et oves,
et colúmbas. Et réliqua.

Homília sancti Augustini
Episcopi.

Tr. 10. in Joannem.

QUID audivimus, fratres?
Ecce templum illud fi-
gúra adhuc erat, et ejécit
inde Dóminus omnes qui
sua quærébant, qui ad nún-
dinas vénerant. Et quæ ibi
vendébant illi? Quæ opus
habébant hómines in sacri-
ficiis illíus témporis. Novit
enim cháritas vestra, quod
sacrificia illi pópulo pro
ejus carnalitáte, et corde
adhuc lapídeo, tália data
sunt, quibus tenerétur, ne
in idóla deflúeret : et im-
molábant ibi sacrificia, bo-
ves, oves, et colúmbas.
Nostis, quia legistis.

R. Vos, qui transitóri
estis Jordánem, ædificáte
altáre Dómino * De lapídi-
bus quos ferrum non téti-
git : et offérte super illud
holocáusta, et hóstias paci-

scas Deo vestro. *v.* Cum-
que intravéritis terram,
quam Dóminus datúrus est
vobis, ædificáte ibi altáre
Dómino. *De.*

Lectio ij.

NON ergo magnum peccà-
tum, si hoc vendébant in
templo, quod emebátur ut
offerrétur in templo : et ta-
men ejécit inde illos. Quid
si ibi ebriósos inveníret,
quid fáceret Dóminus, si
vendéntes ea quæ licita
sunt, et contra justítiam
non sunt (quæ enim honéste
emúntur, non illicite ven-
dúntur) expulit tamen, et
non est passus domum ora-
tiónis fieri domum nego-
tiationis.

R. Audi, Israel, præcépta
Dómini, et ea in corde tuo
quasi in libro scribe : * Et
dabo tibi terram fluéntem
lac et mel. *v.* Obsérva ígi-
tur, et audi vocem meam :
et inimícus ero inimícis
tuis. Et.

Lectio iij.

Si negotiatiónis domus non
debet fieri domus Dei,
potatiónis debet fieri? Nos
autem quando ista dicimus,
strident déntibus suis ad-
vérsus nos : et consolátur
nos Psalmus, quem audi-
stis : Stridérunt in me dén-
tibus suis. Nóvimus et nos
audire unde curémur : etsi
ingeminántur flagélla Chri-
sto, quia flagellátur sermo

ipsius. Congregata sunt, inquit, in me flagella, et nesciebant. Flagellatus est flagellis Judæorum, flagellatur blasphemis falsorum Christianorum: multiplicant flagella Domino Deo suo, et nesciunt. Faciamus nos, quantum ipse adjuvat. Ego autem, cum mihi melésti essent, induēbam me cilicio, et humiliābam in jejūnio animam meam.

R. Sicut fui cum Moyse, ita ero tecum, dicit Dominus: * Confortare, et esto robustus: introduces populum meum ad terram lacte et melle manantem. **V.** Noli timere, quoniam tecum sum: ad quaecumque perrixeris, non dimittam te, neque derelinquam. Confortare. **Gloria Patri. Confortare.**

Ad Benedictus, Añā.

Auferte ista hinc, * dicit Dominus: et nolite facere domum Patris mei, domum negotiationis.

Deinde Preces. 63.

Oratio.

PRÆSTA, quæsumus omnipotens Deus: ut observationes sacras annua devotione recolentes, et corpore tibi placeamus, et mente. Per Dominum.

Hodie Officium Defunct.

Ad Magnificat, Añā.

Solvite templum hoc, * dicit Dominus, et post tri-duum reedificabo illud: hoc

autem dicebat de templo corporis sui.

Deinde Preces. 135.

Oratio.

DEPRECACTIONEM nostram, quæsumus Domine, benignus exaudi: et quibus supplicandi præstas affectum, tribue defensionis auxilium. Per Dominum.

FERIA TERTIA.

Lectio sancti Evangelii secundum Joannem.

Lectio j. Cap. 7. b

IN illo tempore: Jam die festo mediante, ascendit Jesus in templum, et docebat. Et mirabantur Judæi. Et reliqua.

Homilia sancti Augustini
Episcopi.

Tract. 29. in Joann.

ILLE qui latebat, docebat, et palam loquebatur, et non tenebatur. Illud enim ut latéret, erat causa exempli, hoc potestatis. Sed cum doceret, mirabantur Judæi. Omnes quidem, quantum arbitror, mirabantur, sed non omnes convertébantur. Et unde admiratio? Quia multi nóverant ubi natus, quemadmodum fuerit educatus. Numquam eum viderant litteras discéntem: audiébant autem de lege disputántem, legis testimonia proferéntem, quæ nemo posset proferre, nisi legisset; nemo légere, nisi litteras didicisset: et ideo

mirabántur. Eórum autem admirátio magistro facta est insinuándæ áltius veritátis occásio.

R. Quid me quæritis interficere, hóminem qui vera locútus sum vobis? * Si male locútus sum, testimónium pérhibe de malo : si autem bene, cur me cædis? **V.** Multa bona ópera operátus sum vobis : propter quod opus vultis me occidere? Si male.

Lectio ij.

Ex eórum quippe admiratíone et verbis, dixit Dóminus profúndum aliquid, et diligéntius inspicí et discuti dignum. Quid ergo Dóminus respóndit eis, admirántibus quómo-
modo sciret litteras, quas non didicerat? Mea, inquit, doctrina non est mea, sed ejus qui misit me. Hæc est profúnditas prima : vidétur enim paucis verbis quasi contrária locútus. Non enim ait : Ista doctrína non est mea : sed, Mea doctrina non est mea. Si non tua, quómo-
modo tua? si tua, quómo-
modo non tua? Tu enim dicis utrúmque : et mea doctrína, et non mea.

R. Addúxi vos per désertum quadraginta annis ego Dóminus, et non sunt attrita vestiménta vestra : * Manna de cælo plui vobis : et obliti estis me, dicit Dóminus. **V.** Ego edúxi vos de

terra Ægypti, et de domo servitútis liberávi vos. Manna.

Lectio iij.

Si ergo intueámur diligénter quod ipse in exórdio dicit sanctus Evangelísta : In princípí-
pio erat Verbum, et Verbum erat apud Deum, et Deus erat Verbum : inde pendet hujus solútio quæstiónis. Quæ est doctrína Patris, nisi Verbum Patris? Ipse ergo Christus doctrína Patris, si Verbum Patris? Sed quia verbum non potest esse nullius, sed alicújus, et suam doctrínam dixit seípsum, et non suam, quia Patris est Verbum. Quid enim tam tuum, quam tu? et quid tam non tuum, quam tu, si alicújus est, quod es?

R. Moyses famulus Dei jejunávit quadraginta diébus et quadraginta nóctibus : * Ut legem Dómini mererétur accipere. **V.** Ascéndens Moyses in montem Sinai ad Dóminum, fuit ibi quadraginta diébus et quadraginta nóctibus. Ut. Glória Patri. Ut.

Ad Benedictus. Añã.

Quid me quæritis * interficere, hóminem qui vera locútus sum vobis?

Oratio.

SACRÆ nobis, quæsumus Dómine, observatiónis jejúnia, et piæ conversatiónis augmentum, et tuæ propitiatiónis continuum præstent auxílium. Per Dñum.

Ad Magnificat . Ana.

Nemo in eum misit manum :
* quia nondum vénerat hora ejus.

Oratio.

MISERERE , Dómine , pópulo tuo : et contínuis tribulatióibus laborántem propítius respiráre concéde. Per Dóminum.

FERIA QUARTA.

Hodie Psalmi Graduales.

*Lectio sancti Evangélíi
secúndum Joánnem.*

Lectio j. Cap. 9.

IN illo témpore : Prætériens Jesus vidit hóminem cæcum a nativité : et interrogavérunt eum discipuli ejus : Rabbi , quis peccávit hic , aut paréntes ejus , ut cæcus nascerétur ? Et réliqua.

*Homilia sancti Augustíni
Episcopi.*

Tract. 44. in Joann.

EA , quæ fecit Dóminus noster Jesus Christus , stupénda atque miránda , et ópera , et verba sunt : ópera , quia facta sunt ; verba , quia signa sunt. Si ergo quid significet hoc quod factum est , cogitémus : genus húmanum est iste cæcus. Hæc enim cæcitas cóntigit in primo hómine per peccátum , de quo omnes originem dúximus , non solum mortis , sed étiam iniquitátis. Si enim cæcitas est infidélitas , et illuminátio fides : quem fidélem , quando

venit Christus , invénit ? Quandóquidem Apóstolus natus in gente Prophetárum dicit : Fúimus et nos aliquándó natúra filii iræ , sicut et céteri. Si filii iræ , filii vindictæ , filii pœnæ , filii gehénnæ : quómodo natúra , nisi quia peccánte primo hómine , vítiū pro natúra inolévít ? Si vítiū pro natúra inolévít , secúndum mentem omnis homo cæcus natus est.

Á. Spléndida facta. 212.

Lectio ij.

VENIT Dóminus : quid fecit ? Magnum mystérium commendávit. Expuit in terram , de salíva sua lutum fecit ; quia Verbum caro factum est ; et inúnxit óculos cæci. Inúnctus erat , et nondum vidébat. Misit illum ad piscinam , quæ vocátur Sílœ. Pertínuit autem ad Evangelistam commendáre nobis nomen hujus piscinæ , et ait : Quod interpretátur Missus. Jam quis sit missus agnóscitis. Nisi enim ille fuisset missus , nemo nostrum esset ab iniquitate dimissus. Lavit ergo óculos in ea piscina , quæ interpretátur Missus : baptizátus est in Christo. Si ergo quando eum in seípso quodámodo baptizávit , tunc illuminávit : quando inúnxit , fortásse catechúmenum fecit.

Á. Ecce mitto. 213.

Lectio iij.

AUDISTIS grande mystérium. Interroga hominem : Christiánus es ? Respondet tibi : Non sum. Si pagánus es , aut Judæus ? Si autem dixerit , Non sum : adhuc quæris ab eo : Catechúmenus , an fidélis ? Si responderit tibi : Catechúmenus : inúctus est , nondum lotus. Sed unde inúctus ? Quære , et respondet. Quære ab illo , in quem credat ; eo ipso quo catechúmenus est , dicit , In Christum. Ecce modo loquor et fidélibus et catechúmenis Quid dixi de sputo et luto ? Quia verbum caro factum est ; hoc catechúmeni áudiunt : sed non eis sufficit ad quod inúcti sunt ; festinent ad lavácerum , si lumen inquirunt.

Ŕ. Atténdite. 213.

Ad Benedictus , Añã.

Rabbi , quid peccávit * homo iste , quod cæcus natus est ? Respondit Jesus , et dixit : Neque hic peccávit , neque paréntes ejus : sed ut manifesténtur ópera Dei in illo.

Oratio.

DEUS , qui et justis præmia meritórum , et peccatóribus per jejúnium véniam præbes : miserére supplicibus tuis ; ut reátus nostri conféssio indulgéntiam váleat percípere delictórum. Per Dóminum.

Ad Magnificat , Añã.

Ille homo * qui dicitur Jesus , lutum fecit ex sputo , et linívit óculos meos , et modo video.

Oratio.

PATEANT aures misericórdiæ tuæ , Dómine , préci-bus supplicántium : et , ut peténtibus desideráta concédas , fac eos , quæ tibi sunt plácita , postuláre. Per Dñm.

FERIA QUINTA.

*Léctio sancti Evangélii
secúndum Lucam.*

Lectio j. Cap. 7.

IN illo témpore : Ibat Jesus in civitátem , quæ vocátur Naim : et ibant cum eo discípuli ejus , et turba copíosa. Et réliqua.

Homília sancti Ambrósii
Episcopi.

Lib. 5. Com. in Luc. c. 7.

ET hic locus ad utrámque redúndat grátiam : et ut cito flecti divínam misericórdiam matris víduæ lamentatióne credámus , ejus præcipue , quæ únici filii vel labóre , vel morte frangátur ; cui tamen víduæ gravitátis méritum exequiárum turba concíliet : et ut hanc víduam populórum turba septam , plus vidéri esse quam féminam , quæ resurrectionem únici et adolescéntis filii suis lácrymis merúerit impetráre : eo quod sancta Ecclésia pópulum juniórem a pompa funeris , atque a su-

prémis sepúlchri, suárum révocet ad vitam contempla-
tione lacrymarum : quæ flere
prohibétur eum, cui resur-
réctio debebátur.

ñ. Locútus. 209.

Lectio ij.

QUI quidem mórtuus in
lóculo materialibus quá-
tuor ad sepúlchrum ferebá-
tur eleméntis : sed spem
resurgéndi habébat, quia fe-
rebátur in ligno. Quod etsi
nobis ante non próderat,
tamen posteaquam Jesus id
tétigit, proficere cœpit ad
vitam : ut esset indicio sa-
lútem pópulo per crucis
patibulum refundendam.
Audito igitur Dei verbo,
stetérunt acérbi illi fúneris
portitóres, qui corpus hu-
mánum letháli fluxu natúræ
materialis urgébant. Quid
enim áliud, nisi quasi in
quodam féretro, hoc est,
suprémi fúneris instrumén-
to, jacémus exánimes cum
vel ignis immódicæ cupidi-
tátis exæstuat, vel frigidus
humor exúndat, vel pigra
quadam terréni córporis
habítudine vigor hebetátur
animórum, vel concréta
noster spíritus labe, puræ
lucis vácuus mentem alit ?
Hi sunt nostri fúneris por-
titóres.

ñ. Stetit Moyses. 240.

Lectio ij.

SED quamvis supréma mor-
tis spem vitæ omnis abo-

léverint, et tímulo próxima
córpora jáceant defunctó-
rum ; verbo tamen Dei jam
mórtua resúrgunt cadáverá :
vox redit, rédditur filius ma-
tri, revocátur a tímulo, eri-
pitur a sepúlchro. Quis iste
est tímulus tuus, nisi mali
mores ? Tímulus tuus per-
fidia est : sepúlchrum tuum
guttur est. Sepúlchrum enim
patens est guttur eórum,
unde verba mórtua profe-
rúntur. Ab hoc sepúlchro te
liberat Christus : ab hoc tí-
mulo surges, si áudias ver-
bum Dei. Et si grave peccá-
tum est, quod pœniténtiæ
lácrymis ipse laváre non pos-
sis, fleat pro te mater Ecclé-
sia, quæ pro singulis tam-
quam pro úniceis filiis vídua
mater intérvenit : compáti-
tur enim quodam spiritali
dolóre natúræ, cum suos
liberos lethálibus vitiis ad
mortem cernit urgéri.

ñ. Cantémus. 240.

Ad Benedictus. Añá.

Ibat Jesus * in civitatem,
quæ vocátur Naim : et ecce
defunctus efferebátur filius
únicus matris suæ.

Oratio.

PRÆSTA, quæsumus omni-
potens Deus : ut, quos
jejúnia votíva castígant,
ipsa quoque devótio sancta
lætíficet ; ut terrénis affé-
ctibus mitigátis, facilius
cœléstia capiámus. Per Dó-
minum.

Ad Magnificat. Antiphona.

Propheta magnus * surrexit in nobis, et quia Deus visitavit plebem suam.

Oratio.

POPULI tui, Deus, institutor et rector, peccata, quibus impugnatur, expelle; ut semper tibi placitus, et tuo munimine sit securus. Per Dominum.

FERIA SEXTA.

Lectio sancti Evangelii secundum Joannem.

Lectio j. Cap. 11.

IN illo tempore: Erat quidam languens Lazarus a Bethania, de castello Mariae, et Marthae sororis ejus. Et reliqua.

Homilia sancti Augustini Episcopi.

Tract. 49. in Joannem.

IN superiori lectione meministis, quod Dominus exiit de manibus eorum qui lapidare illum voluerant, et discessit trans Jordanem, ubi Joannes baptizabat. Ibi ergo Domino constituto, infirmabatur in Bethania Lazarus: quod castellum erat proximum Jerosolymis. Maria autem erat, quae unxit Dominum unguento, et extersit pedes ejus capillis suis, cujus frater Lazarus infirmabatur. Misérunt ergo sorores ejus ad eum. Jam intelligimus quo misérunt, ubi erat Jesus: quoniam absenserat, trans Jordanem

scilicet. Misérunt ad Dominum, nuntiantes quod ægrota-ret frater eorum, ut si dignaretur, veniret, et eum ab ægritudine liberaret. Ille distulit sanare, ut posset resuscitare.

R. In mari via. 211.

Lectio ij.

QUID ergo nuntiaverunt sorores ejus? Domine, ecce quem amas, infirmatur. Non dixerunt, Veni: amanti enim tantummodo nuntiandum fuit. Non ausae sunt dicere, Veni, et sana: non ausae sunt dicere, Ibi jube, et hic fiet. Cur enim non et istae, si fides illius Centurionis inde laudatur? Ait enim: Non sum dignus ut intres sub tectum meum; sed tantum dic verbo, et sanabitur puer meus. Nihil horum istae, sed tantummodo: Domine, ecce quem amas, infirmatur. Sufficit ut noveris: non enim amas, et deseris.

R. Qui persequébantur. 211.

Lectio iij.

DICIT aliquis: Quomodo per Lazarum peccator significabatur, et a Domino sic amabatur? Audiat eum dicentem: Non veni vocare justos, sed peccatores. Si enim peccatores Deus non amaret, de coelo ad terram non descenderet. Audiens autem Jesus, dixit eis: Infirmitas haec non est ad

mortem, sed pro glória Dei, ut glorificétur Filius Dei. Talis glorificatio ipsius, non ipsum auxit, sed nobis proufuit. Hoc est ergo quod ait, Non est ad mortem : quia et ipsa mors non erat ad mortem, sed potius ad miraculum : quo facto crederent homines in Christum, et vitarent veram mortem. Sane videte, quemadmodum tamquam ex obliquo Dominus Deum se dixit : propter quosdam qui negant Filium Dei Deum esse.

R. Moyses. 212.

Ad Benedictus, Añs.

Lázarus amicus noster * dormit : eamus, et a somno excitemus eum.

Oratio.

DEUS, qui ineffabilibus mundum renouas sacramentis : præsta quæsumus ; ut Ecclesia tua et æternis proficiat institutis, et temporalibus non destituatur auxiliis. Per Dominum.

Hodie Psalmi Ponit.

Ad Magnificat, Añs.

Domine, * si fuisses hic, Lázarus non esset mortuus : ecce jam foetet quadriduanus in monumento.

Oratio.

DA nobis, quæsumus omnipotens Deus : ut, qui infirmitatis nostræ conscii, de tua virtute confidimus, sub tua semper pietate gaudeamus. Per Dominum.

SABBATO.

Lectio sancti Evangelii secundum Joannem.

Lectio j. Cap. 8. b

In illo tempore : Locutus est Jesus turbis Judæorum, dicens : Ego sum lux mundi : qui sequitur me, non ambulat in tenebris, sed habebit lumen vitæ. Et reliqua.

Homilia sancti Augustini Episcopi.

Tract. 34. in Joan.

QUOD ait Dominus, Ego sum lux mundi ; clarum puto esse eis, qui habent oculos, unde hujus lucis participes fiant ; qui autem non habent oculos, nisi in sola carne, mirantur quod dictum est a Domino Jesu Christo, Ego sum mundi. Et forte non desit qui dicat apud semetipsum : Numquid forte Dominus Christus est sol iste, qui ortu et occasu peragit diem ? Non enim defuerunt hæretici, qui ista senserunt. Manichæi solem istum oculis carnis visibilem, expositum et publicum non tantum hominibus, sed etiam pecoribus ad videndum, Christum Dominum esse putaverunt.

R. Splendida. 212.

Lectio ij.

SED catholicæ Ecclesiæ recta fides improbat tale commentum, et diabolicam doctrinam esse cognoscit : nec solum agnoscit creden-

do, sed in quibus potest, convincit étiam disputando. Improbémus Itaque hujusmodi errórem, quem sancta ab initio anathematizávit Ecclésia. Non arbitrémur Dóminum Jesum Christum hunc esse solem, quem vidémus oríri ab Oriénte, occidere in Occidénté; cujus cúsui nox succédit, cujus rádii nube obumbrántur: qui certa de loco in locum motióne cómmigrat. Non est hoc Dóminus Christus. Non est Dóminus Christus sol factus sed per quem sol factus est. Omnia enim per ipsum facta sunt, et sine ipso factum est nihil.

¶ Ecce mitto. 213.

Lectio iii.

EST ergo lux, quæ fecit hanc lucem. Hanc amómus, hanc intelligere cupiámus: ipsam sitiámus, ut ad ipsam duce ipsa aliquándo veniámus: et in illa ita vivámus, ut nunquam omníno moriámur. Ista enim lux est, de qua prophetia olim præmissa, ita in Psalmo cécinít: Quóniam apud te est fons vitæ, et in lúmine tuo vidébimus lumen. Advértite quid de tali luce antiquus sanctórum hóminum Dei sermo præmiserit. Hómines, inquit, et juménta salvos fácies, Dómine: sicut multiplicáta est misericórdia tua, Deus.

¶ Atténdite. 213.

Ad Benedictus. Ant.

Qui séquitur me, * non ambulat in ténebris: sed habébit lumen vitæ, dicit Dóminus.

Oratio.

FIAT, Dómine quæsumus, per grátiam tuam fructuósus nostræ devotiónis afféctus; quia tunc nobis próderunt suscepta jejúnia, si tuæ sint plácita pietáti. Per Dóminum.

SABBATO

ANTE DOM. PASSIONIS.

Ad Vesperas, Capitulum.

Fratres: Christus assístens. 229.

Hymnus

VEXILLA Regis pródeunt,
Fulget Crucis mystérium,

Qua vita mortem pértulit,
Et morte vitam prótulit.

Quæ vulneráta lanceæ
Mucróné diro, críminum
Ut nos laváret sórdibus,
Manávit unda, et sáanguine.
Impléta sunt, quæ cóncinit
David fidéli cármine,
Dicéndo natió nibus:
Regnávit a ligno Deus.

Arbor decóra, et fúlgida,
Ornáta Regis púrpura,
Elécta digno stípíte
Tam sancta membra tângere.

Beáta cujus bráchiis
Prétium pepéndit sæculi,
Statéra facta córporis,
Tulítque prædam tártari.

¶ Crux, ave spes única,
Hoc Passiόνis témpore,

Piis adáuge grátiam ,
Reisque dele crimina.
Te, fons salutis Trinitas,
Colláudet omnis spíritus :
Quibus Crucis victóriam
Largiris, adde præmium.

Amen.

V. Eripe me , Dómine , ab
hómine malo. **R.** A viro in-
quo éripe me.

Ad Magnificat. **Aua.**

Ego sum , qui testimónium
* perhíbeo de me ipso : et
testimónium pérhibet de
me, qui misit me Pater.

Oratio.

QUÆSUMUS omnipotens
Deus , familiam tuam
propítius réspice : ut , te
largiénte, regátur in córpo-
re : et, te servánte, custo-
diátur in mente. Per Dómi-
num.

Ab hoc Sabbato usque ad
Fer. ij. post Oct. Pent. non
fiunt commem. consuetæ de
Cruce. de S. Maria et aliæ
in Psalterio positæ.

Ad Completor. in **R.** br.
non dicitur Glória Patri, in
Offic. Feriali, usque ad Fe-
riam v. in Cœna Domini.

DOM. DE PASSIONE.

Ad Matutinum. **Invitat.**
Hódie si vocem Dómini au-
diéritis , * Nolite obduráre
corda vestra. **Ps. Veníte. 2.**

Hoc **Invitat.** dicitur usque
ad Fer. v. in Cœna Domini.
etiam in Feriali Officio. In
Ps. Hódie si vocem , omit-
titur. et repetitur a Choro

Invitat. : deinde sequitur ,
Sicut in exacerbatióne.

In fine hujus Psalmi non
dicitur Glória Patri, hoc
temp. Passionis, nisi in Fe-
stis , sed repetitur **Invitat.** ,
ut alias, in fine. Quod etiam
servatur in **R.R.** ad Matut. ,
et in **R.R.** br. Horarum, ubi
similiter repetitur **Resp.**

Hymnus.

PANGE, lingua, gloriósi
Láuream certáminis ,
Et super Crucis trophæo
Dic triúmphum nóbilem :
Quáliter Redémptor orbis
Immolátus vicerit.

De Paréntis protoplásti
Fraude Factor cóndolens ,
Quando pomi noxiális
In necem morsu ruit :
Ipse lignum tunc notávit,
Damna ligni ut sólveret.
Hoc opus nostræ salutis
Ordo depopóscerat,
Multifórmis proditóris
Ars ut artem fálleret :
Et medélam ferret inde,
Hostis unde læserat.

Quando venit ergo sacri
Plenitúdo témporis ,
Missus est ab arce Patris
Natus, orbis Cónditor ;
Atque ventre virgináli
Carne amíctus pródiit.
Vagit infans inter arcta
Cónditus præsépia :
Membra pannis involúta
Virgo Mater álligat :
Et Dei manus, pedésque
Stricta cingit fáscia.
Sempitérna sit beátæ

Trinitáti glória,
 Æqua Patri, Filióque;
 Par decus Paráclito:
 Unius, Triníque nomen
 Laudet univérſitas. Amen.

Ad Nocturnos omnia ut
 in Psalterio, cum *ŷŷ.* ut
 tempore Passionis.

In primo Nocturno.

Incipit liber Jeremiæ Pro-
 phétæ.

Lectio j. Cap. 1.

VERBA Jeremiæ filii Hel-
 ciæ, de sacerdotibus
 qui fuérunt in Anathoth, in
 terra Bénjamin. Quod fa-
 ctum est verbum Dómini ad
 eum in diébus Josiæ filii
 Amon regis Juda, in tertio-
 décimo anno regni ejus. Et
 factum est in diébus Jóakim
 filii Josiæ regis Juda, usque
 ad consummationem undé-
 cimi anni Sedeciæ filii Jo-
 siæ regis Juda, usque ad
 transmigratióem Jerúsa-
 lem, in mense quinto. Et
 factum est verbum Dómini
 ad me, dicens: Priúsqvam
 te formárem in útero, novi
 te: et ántequam exíres de
 vulva, sanctificávi te, et
 Prophétam in Géntibus dedi
 te. Et dixi: A a a, Dómine
 Deus: ecce nésceo loqui,
 quia puer ego sum.

R. Isti sunt dies, quos
 observáre debétis tempóri-
 bus suis: * Quartadécima
 die ad vésperum Pascha
 Dómini est: et in quinta-
 décima solemnitátem cele-

brábitis altissimo Dómino.
V. Locútus est Dóminus ad
 Moysen, dicens: Lóquere
 filiis Israel, et dices ad eos.
 Quartadécima.

Lectio ij.

ET dixit Dóminus ad me:
 Noli dicere: Puer sum:
 quóniam ad ómnia, quæ
 mittam te, ibis: et univér-
 sa, quæcúmque mandávero
 tibi, loqueris. Ne timeas a
 fácie eórum, quia tecum ego
 sum, ut éruam te, dicit Dó-
 minus. Et misit Dóminus
 manum suam, et tétigit os
 meum: et dixit Dóminus ad
 me: Ecce dedi verba mea in
 ore tuo: ecce constitui te
 hódie super Gentes, et super
 regna, ut evéllas, et dé-
 struas, et dispérdas, et dis-
 sipes, et ædífices, et plan-
 tes. Et factum est verbum
 Dómini ad me, dicens: Quid
 tu vides Jeremía? Et dixi:
 Virgam vigilántem ego ví-
 deo. Et dixit Dóminus ad
 me: Bene vidisti, quia vi-
 gilábo ego super verbo meo
 ut fáciam illud. Et factum
 est verbum Dómini secúndo
 ad me, dicens: Quid tu
 vides? Et dixi: Ollam suc-
 cénsam ego vídeo, et fáciem
 ejus a fácie Aquilónis.

R. Multiplicáti sunt qui
 tribulant me, et dicunt:
 Non est salus illi in Deo
 ejus. * Exúrge, Dómine,
 salvum me fac, Deus meus.
V. Nequándo dicat inimicus

meus : Prævalui advérsus eum. Exúrge.

Lectio iij.

ET dixit Dóminus ad me ; Ab Aquilóne pandétur malum super omnes habitatóres terræ. Quia ecce ego convocábo omnes cognationes regnórum Aquilónis , ait Dóminus : et vénient, et ponent unusquisque sólum suum in intróitu portárum Jerúsalem ; et super omnes muros ejus in circúitu , et super univérsas urbes Juda. Et loquar judícia mea cum eis, super omnem malítiam eórum qui dereliquerunt me, et libavérunt diis aliénis, et adoravérunt opus mánuum suárum. Tu ergo accinge lumbos tuos, et surge, et lóquere ad eos ómnia quæ ego præcipio tibi. Ne formídes a fácie eórum : nec enim timére te fáciam vultum eórum. Ego quippe dedi te hódie in civitátem munitam, et in columnam férream, et in murum æreum , super omnem terram, régibus Juda, principibus ejus, et sacerdotibus, et pópulo terræ. Et bellábunt advérsus te , et non prævalébunt : quia ego tecum sum , ait Dóminus, ut liberem te.

R. Usquequo exaltábitur inimicus meus super me ? * Réspice et exáudi me , Dómine Deus meus. *V.* Qui tribulant me , exultábunt si

motus fuéro : ego autem in misericórdia tua sperábo. Réspice. *Usquequo.*

In secundo Nocturno.

Sermo S. Leónis Papæ.

Lectio iv.

Serm. 9. de Quadrag.

IN ómnibus , dilectissimi , solemnitátibus christiánis, non ignorámus Paschále sacraméntum esse præcipuum : cui condigne et cóngrue suscipiéndó , totius quidem nos témporis instituta refórmant : sed devotiónem nostram præséntes vel máxime dies éxigunt , quos illi sublimíssimo divínæ misericórdiæ sacraménto scimus esse contíguos. In quibus mérito a sanctis Apóstolis per doctrinam Spiritus sancti majóra sunt ordináta jejúnia : ut per commúne consórtium crucis Christi , étiam nos áliquíd in eo , quod propter nos gessit , agerémus , sicut Apóstolus ait : Si compátimur, et conglorificábimur. Certa atque secúra est expectátio promíssæ beatitúdinis, ubi est participátio Dóminicæ passiónis.

R. Deus meus es tu, ne discédas a me : * Quóniam tribulátio próxima est , et non est qui adjuvet. *V.* Tu autem , Dómine, ne elongáveris auxílium tuum a me : ad defensiónem meam aspice. Quóniam.

Lectio v.

NEMO est, dilectissimi, cui per conditionem temporis societas hujus gloriæ denegetur, tamquam tranquillitas pacis vacua sit occasione virtutis. Apostolus enim prædicat, dicens: Omnes qui pie volunt vivere in Christo, persecutionem patientur: et ideo nunquam deest tribulatio persecutionis, si nunquam desit observantia pietatis. Dominus enim in exhortationibus suis dicit: Qui non accipit crucem suam, et sequitur me, non est me dignus. Nec dubitare debemus, hanc vocem non solum ad discipulos Christi, sed ad cunctos fideles, totamque Ecclesiam pertinere, quæ salutare suum in his, qui aderant, universaliter audiebat.

R. In te jactatus sum ex utero, de ventre matris meæ Deus meus es tu, ne discedas a me: * Quoniam tribulatio proxima est, et non est qui adjuvet. **V.** Salva me ex ore leónis, et a cornibus unicornium humilitatem meam. Quoniam.

Lectio vj.

SICUT ergo totius est corporis pie vivere, ita totius est temporis crucem ferre: quæ merito ferri unicuique suadetur, quia propriis modis atque mensuris ab unoquoque toleratur.

Unum nomen est persecutionis, sed non una est causa certaminis: et plus plerumque periculi est in insidiatore occulto, quam in hoste manifesto. Beatus Job, alternantibus bonis ac malis mundi hujus eruditus, pie veraciterque dicebat: Nonne tentatio est vita hominis super terram? Quoniam non solis doloribus corporis atque suppliciis anima fidelis impetitur, verum etiam, salva incolumitate membrorum, gravi morbo urgetur, si carnis voluptate molitur. Sed cum caro concupiscit adversus spiritum, spiritus autem adversus carnem: præsidio crucis Christi mens rationalis instruitur: nec cupiditatibus noxiis illécta consentit; quoniam continentiae clavis, et Dei timore transfigitur.

R. In proximo est tribulatio mea, Domine, et non est qui adjuvet: ut fodiant manus meas et pedes meos: libera me de ore leónis, * Ut enarrem nomen tuum fratribus meis. **V.** Erue a fratre meo, Deus, animam meam, et de manu canis unicam meam. Ut. In.

In tertio Nocturno.

Lectio sancti Evangelii secundum Joannem.

Lectio vij. Cap. 8. f

IN illo tempore: Dicebat Jesus turbis Judæorum:

Quis ex vobis arguet me de peccato? Si veritatem dico vobis, quare non creditis mihi? Et reliqua.

Homilia S. Gregorii Papæ.

Homilia 18. in Evang.

PENSATE, fratres charissimi, mansuetudinem Dei. Relaxare peccata venerat, et dicebat: Quis ex vobis arguet me de peccato? Non dedignatur ex ratione ostendere se peccatorem non esse, qui ex virtute divinitatis poterat peccatores justificare. Sed terribile est valde quod subditur: Qui ex Deo est, verba Dei audit: propterea vos non auditis, quia ex Deo non estis. Si enim ipse verba Dei audit qui ex Deo est, et audire verba ejus non potest quisquis ex illo non est: interroget se unusquisque, si verba Dei in aure cordis percipit; et intelliget unde sit. Coelestem patriam desiderare Veritas jubet, carnis desideria conteri, mundi gloriam declinare, aliena non appetere, propria largiri.

℟. Tota dñe contristatus ingrediebar, Domine: quoniam anima mea completa est illusionibus: * Et vim faciebant, qui quaerebant animam meam. **℣.** Amici mei et proximi mei adversum me appropinquaverunt, et steterunt: et qui juxta

me erant, de longe steterunt. Et vim.

Lectio viij.

PENSET ergo apud se unusquisque vestrum, si hæc vox Dei in cordis ejus aure convuluit, et quia jam ex Deo sit, agnoscit. Nam sunt nonnulli, qui præcepta Dei nec aure corporis percipere dignantur. Et sunt nonnulli, qui hæc quidem corporis aure percipiunt, sed nullo ea mentis desiderio completuntur. Et sunt nonnulli, qui libenter verba Dei suscipiunt, ita ut etiam in flētibus compungantur, sed post lacrymarum tempus ad iniquitatem redeunt. Hi profecto verba Dei non audiunt, qui hæc exercere in opere contemnunt. Vitam ergo vestram, fratres charissimi, ante mentis oculos revocate, et alta consideratione pertimescite hoc quod ex ore Veritatis sonat: Propterea vos non auditis, quia ex Deo non estis.

℟. Ne avertas faciem tuam a pūero tuo, Domine: * Quoniam tribulor, velociter exaudi me. **℣.** Intende animæ meæ, et libera eam: propter inimicos meos eripe me. Quoniam.

Lectio ix.

SED hoc quod de reprobis Veritas loquitur, ipsi hoc de semetipsis reprobi iniquis suis operibus

osténdunt : nam séquitur : Respondérunt igitur Judæi , et dixerunt ei : Nonne benedicimus nos , quia Samaritánus es tu , et dæmónium habes? Accépta autem tanta contumélia , quid Dóminus respóndeat , audiámus : Ego dæmónium non hábeo , sed honorífico Patrem meum , et vos inhonorástis me. Quia enim Samaritánus interpretátur custos : et ipse veráciter custos est , de quo Psalmísta ait : Nisi Dóminus custodíerit civitátem , in vanum vigilant qui custódiunt eam : et cui per Isaiam dicitur : Custos quid de nocte? custos quid de nocte? respondére nóluit Dóminus : Samaritánus non sum , sed , Ego dæmónium non hábeo. Duo quippe ei illáta fuérunt : unum negávit , áliud tacéndo consénsit.

R Quis dabit cápiti meo aquam , et óculis meis fontem lacrymárum , et plorábo die ac nocte? quia frater propínquus supplantávit me: * Et omnis amícus fraudulénter incéssit in me. **V.** Fiant viæ eórum ténebræ et lúbricum : et Angelus Dómini pérsequens eos. Et. Quis.

Ad Laudes . Ant.

1. Vide , Dómine , * afflictiónem meam , quóniam eréctus est inimícus meus. **Ps.** Miserére , cum reliq. 164.

2. In tribulatióne * invocávi Dóminum , et exaudivit me in latitúdine.

3. Judicásti , Dómine , * causam ánimæ meæ , defénsor vitæ meæ , Dómine Deus meus.

4. Pópule meus , * quid feci tibi , aut quid moléstus fui? résponde mihi.

5. Numquid rédditur * pro bono malum , quia fodérunt fóveam ánimæ meæ?

Capitulum. *Hebr. 9. c*

FRATRES , Christus assístens Póntifex futurórum bonórum , per ámplius et perféctius tabernáculum non manufactum , id est , non hujus creatiόνis : neque per sánguinem hircórum aut vitulórum , sed per próprium sánguinem , introívit semel in sancta , æténa redemptiône invénta.

Hymnus.

LUSTRA sex qui jam perlégit,

Tempus implens córporis ,
Sponte líbera Redémptor
Passióni déditus ,
Agnus in Crucis levátur
Immolándus stípите.

Felle potus ecce languet ;
Spina , clavi , lancea
Mite corpus perforárant :
Unda manat , et cruor :

Terra , pontus , astra , mundus ,

Quo lavántur flúmine!

Crux fidélis , inter omnes
Arbor una nóbilis :

Silva talem nulla profert
 Fronde, flore, gérmine :
 Dulce ferrum , dulce li-
 gnum,
 Dulce pondus sústinent.
 Flecte ramos, arbor alta,
 Tensa laxa viscera,
 Et rigor lentéscat ille,
 Quem dedit natívtas ;
 Et supérni membra Regis
 Tende miti stípíte.

Sola digna tu fuísti
 Ferre mundi víctimam ;
 Atque portum præparáre
 Arca mundo náufrago,
 Quam sacer cruor perúnxít,
 Fusus Agni córpore.

Sempitérna sit beátæ
 Trinitáti glória ;
 Æqua Patri, Filióque ;
 Par decus Paráclito :
 Unius triníque nomen
 Laudet univérstas. Amen.

Y Eripeme de inimícis meis,
 Deus meus. R. Et ab insur-
 géntibus in me libera me.

Ad Benedictus. Añá.

Dicébat Jesus * turbis Ju-
 dæórum, et princípibus sa-
 cerdótum : Qui ex Deo est,
 verba Dei audit : proptérea
 vos non auditis , quia ex
 Deo non estis.

Oratio.

QUÆSUMUS omnipotens
 Deus, familiam tuam
 propítius réspice : ut, te lar-
 giénte, regátur in córpore,
 et te servánte custodiátur
 in mente. Per Dóminum.

Ad Primam. Añá.

Ego * dæmónium non há-

beo, sed honorífico Patrem
 meum, dicit Dóminus.

R. br. Christe Fili Dei vivi,
 * Misérére nobis. Christe.

V. Qui sedes ad déxteram
 Patris. Misérére nobis
 Repetit. Christe Fili Dei
 vivi , misérére nobis. V.
 Exúrge , Christe , adjuva
 nos. R. Et libera nos pro-
 pter nomen tuum.

Sic dicitur in Dom. et
 Feriis usque ad Feriam v.
 in Cœna Domini exclusive.

Ad Absolut. Capit., Lect.
 br., Páciem, ut in Psalt. 31.

Ad Tertiam, Añá.

Ego * glóriam meam non
 quæro : est qui quærat, et
 júdicet.

Capit. Fratres, Christus.

R. br. Erue a frámea, *
 Deus, ánimam meam. Erue.
 V. Et de manu canis únicam
 meam. Deus. Erue. V. De
 ore leónis libera me, Dómi-
 ne. R. Et a córnibus unicór-
 nium humilitátem meam.

Ad Sextam. Añá.

Amen amen dico vobis : *
 si quis sermónem meum
 serváverit , mortem non
 gustábit in ætérnum.

Capitulum. Hebr. 9. c

SI enim sanguis hircórum
 et taurórum, et cinis ví-
 tulæ aspérsus, inquinátos
 sanctificat ad emundatióem
 carnis : quanto magis san-
 guis Christi, qui per Spíri-
 tum sanctum semetípsum
 obtulit immaculátum Deo ,

emundabit consciéntiam nostram ab opéribus mórtuis, ad serviéndum Deo vivénti?

R. br. De ore leónis * Libera me, Dómine. De ore. *V.* Et a cónibus unicórnium humilitátem meam. Libera. De ore. *V.* Ne perdas cum impiis, Deus, ánimam meam. *R.* Et cum viris sanguínum vitam meam.

Ad Nonam, Añæ.

Tulérunt lápidés Judæi * ut jácerent in eum : Jesus autem abscondit se, et exívit de templo.

Capitulum. Hebr. 9. d

ET Ideo novi Testaménti mediátor est, ut morte intercedénte, in redemptiónem eárum prævaricatiónum quæ erant sub prióri testaménto, repromissiónem accipiant, qui vocáti sunt æternæ hæreditátis, in Christo Jesu Dómino nostro.

R. br. Ne perdas cum impiis, * Deus, ánimam meam. Ne. *V.* Et cum viris sanguínum vitam meam. Deus. Ne. *V.* Eripe me, Dómine, ab hómine malo. *R.* A viro in quo éripe me.

Ad Vesperas, Añæ. et Psalmi de Dominica. 130.

Capit. Fratres, Christus, ut supra. 229.

Hymnus. V exillant supra. 223.

V. Eripe me, Dómine, ab hómine malo. *R.* A viro in quo éripe me.

Ad Magnificat. Añæ.

Abraham pater vester * exultávit ut vidéret diem meum : vidit, et gávisus est.

Hymni, VV. et IV. br. supradicta dicuntur etiam in Dom. Palmarum et in feria Officio usque ad Feriam iv. majoris Hebd.

Post Vesperas diei dicuntur Vesperæ Defunctorum.

FERIA SECUNDA.

Invitat. Hódie, et Hymnus. Pange lingua. 224.

Añæ et Psalmi hujus Fer. 49. cum V. ut temp. Passionis.

Lectio sancti Evangélii secúndum Joánnem.

Lectio j. Cap. 7. c

IN illo témpore : Misérunt principes et Pharisæi ministros, ut apprehénderent Jesum. Et réliqua.

Homilla sancti Augustíni Epíscopi.

Tract. 31. in Joann.

QUOMODO apprehénderent adhuc noléntem? Quia ergo non póterant apprehéndere noléntem, missi sunt ut adfrent docéntem. Quid docéntem? Dicit ergo Jesus : Adhuc módicum tempus vobíscum sum. Quod modo vultis fácere, factúri estis, sed non modo, quia modo nolo. Quare adhuc modo nolo? Quia adhuc módicum tempus vobíscum sum, et tunc vado ad eum qui me misit. Implére débeo dispen-

sationem meam, et sic pervenire ad passionem meam.

R. Deus meus, eripe me de manu peccatoris, et de manu contra legem agentis, et iniqui : * Quoniam tu es patientia mea. **V.** Deus meus, ne elongeris a me : Deus meus, in auxilium meum respice. Quoniam.

Lectio ij.

QUÆRETIS me, et non invenietis, et ubi sum ego, vos non potestis venire. Hic jam resurrectionem suam prædixit : noluérunt enim agnoscere præsentem, et postea quæsiérunt, cum viderent in eum multitudinem jam credentem. Magna enim signa facta sunt, etiam cum Dominus resurrexit, et ascendit in cælum. Tunc per discipulos facta sunt magna : sed ille per illos, qui et per seipsum. Ipse quippe illis dixerat : Sine me nihil potestis facere. Quando claudus ille, qui sedebat ad portam, ad vocem Petri surrexit, et suis pedibus ambulavit, ita ut homines mirarentur, sic eos allocutus est Petrus, quia non in sua potestate ista fecit, sed in virtute illius, quem ipsi occiderunt. Multi compuncti dixerunt : Quid faciemus?

R. Qui custodiébant animam meam, consilium fecerunt in unum, dicentes : Deus dereliquit eum : *

Persequimini et comprehendite eum : quia non est qui liberet eum : Deus meus, ne elongeris a me : Deus meus, in adiutorium meum intende. **V.** Omnes inimici mei adversum me cogitabant mala mihi : verbum iniquum mandaverunt adversum me, dicentes. Persequimini.

Lectio iij.

VIDERUNT enim se ingenti crimine impietatis astrictos, quando illum occiderunt, quem venerari et adorare debuérunt : et hoc putabant esse inexpiabile. Magnum enim facinus erat, cujus consideratio illos faceret desperare : sed non debébant desperare, pro quibus in cruce pendens Dominus est dignatus orare. Dixerat enim : Pater, ignosce illis, quia nesciunt quid faciunt. Videbat quosdam suos inter multos alienos : illis jam petebat veniam, a quibus adhuc accipiebat injuriam. Non enim attendebat quod ab ipsis moriebatur, sed quia pro ipsis moriebatur.

R. Pacifice loquebantur mihi inimici mei, et in ira molesti erant mihi : * Vidisti Domine, ne sileas, ne discedas a me. **V.** Ego autem cum mihi molesti essent, induébam me cilicio, et humiliabam in jejúnio animam meam. Vidisti. Pacifice.

Ad Laudes, Añæ et Psalmi de Psalterio. 60.

Capitulum. Jerem. 41. d
VENITE, mittamus lignum in panem ejus, et eradamus eum de terra viventium, et nomen ejus non memorétur amplius.

Hymnus. Lustrasex. 229.
V. Eripe me de inimicis meis, Deus meus. **R.** Et ab insurgéntibus in me libera me.

Ad Benedictus. Añæ.
 In die magno * festivitátis stabat Jesus, et clamabat dicens: Si quis sitit, véniat ad me, et bibat.

Deinde Preees. 63.

Oratio.

SANCTIFICA, quæsumus Dómine, nostra jejúnia: et cunctárum nobis indulgéntiam propítius largire culpárum. Per Dóminum.

Hodie Officium Defunct.

Ad Horas, omnia ut in feriali Officio tempore Passionis, in Psalterio.

Ad Vesperas, Añæ et Psalmi de Psalterio. 134.

Capit. Jerem. 41. d

Tu autem, Dómine Sábaoth, qui júdicas juste; et probas renes et corda, vídeam ultiónem tuam ex eis: tibi enim revelávi causam meam, Dómine Deus meus.

Hymn. Vexilla Regis. 223.

V. Eripe me, Dómine, ab hómine malo. **R.** A viro iniquo éripe me.

Ad Magnificat, Añæ.

Si quis sitit,* véniat ad me, et bibat; et de ventre ejus fluent aquæ vivæ, dicit Dóminus.

Deinde Preees. 135.

Oratio.

DA, quæsumus Dómine, pópulo tuo salutem mentis et córporis: ut bonis opéribus inhæréndo, tua semper mereátur protectióne deféndi. Per Dóminum.

Capitula prædicta dicuntur in feriali Officio usque ad Fer. iv. majoris Hebdom. Añæ vero per Horas usque ad Dom. in Palmis.

FERIA TERTIA.

Lectio sancti Evangélii secundum Joánnem.

Lectio j. Cap. 7.

In illo témpore: Ambulábat Jesus in Galilæam: non enim volébat in Judæam ambuláre, quia quærébant eum Judæi interficere. Et reliqua.

Homilia S. Augustíni Episc.

Tract. 28. in Joannem.

In isto Evangélii capítulo, fratres, Dóminus noster Jesus Christus secundum hóminem se plúrimum commendávit fidei nostræ. Et enim semper hoc egit et dictis et factis suis, ut Deus credáturet homo: Deus qui nos fecit, homo qui nos quæsívit: Deus cum Patre semper, homo nobíscum ex témpore. Non enim quære-

ret quem fécerat, nisi fíeret ipse quod fécerat. Verum hoc mementóte, et de córdibus vestris nolite dimittere, sic esse Christum hóminem factum, ut non destiterit Deus esse. Manens Deus accépit hóminem, qui fecit hóminem.

iv. Adjutor et suscéptor meus es tu, Dómine : et in verbum tuum sperávi. * Declínate a me maligni : et scrutábor mandáta Dei mei.

v. Iniquos ódio hábui, et legem tuam diléxi. Declínate.

Lectio ij.

QUANDO ergo látuit ut homo, non poténtiam perdidisse putándus est, sed exéplum infirmitáti præbuisse. Ille enim quando vóluit, deténtus est : quando vóluit, occísus est. Sed quóniam futúra erant membra ejus, id est, fidéles ejus, qui non habérent illam potestátem, quam habébat ipse Deus noster, quod latébat, quod se, tamquam ne occiderétur, occultábat ; hoc indicábat factúra esse membra sua, in quibus útique membris suis ipse erat.

ii. Docébo iníquos vias tuas, et impíi ad te converténtur. * Libera me de sanguínibus, Deus Deus salútis meæ. **v.** Dómine, lábia mea apéries : et os meum annuntiábit laudem tuam. Libera.

Lectio iij.

NON enim Christus in cápite, et non in córpore : sed Christus totus in cápite, et in córpore. Quod ergo membra ejus, ipse : quod autem ipse, non continuo membra ejus. Nam si non ipsi essent membra ejus, non díceret Saulo : Quid me perséqueris? Non enim Saulus ipsum, sed membra ejus, id est, fidéles ejus, in terra persequebátur. Nóluit tamen dicere sanctos meos, servos meos, postrémo honorabílius, fratres meos ; sed me, hoc est, membra mea, quibus ego sum caput.

ii. Ne perdas cum impiis, Deus, ánimam meam, et cum viris sánguinem vitam meam : * Rédime me, Dómine. **ij.** Eripe me, Dómine, ab hómine malo, a viro iníquo libera me. Rédime. **Ne.**

Ad Benedictus, Añá.

Tempus meum * nondum advénit, tempus autem vestrum semper est parátum.

Oratio.

NOSTRA tibi, Dómine, quæsumus, sint accépta jéjúnia : quæ nos et expiándo, grátia tua dignos effícient, et ad remédia perdúcant ætérna. Per Dóminum.

Ad Magnificat, Añá.

Vos ascéndite * ad diem festum hunc : ego autem non ascéndam, quia tempus meum nondum advénit.

Oratio.

DA, nobis, quæsumus Dómine, perseverántem in tua voluntáte famulátum : ut in diébus nostris et mérito et número pópulus tibi sérvians augeátur. Per Dñum.

FERIA QUARTA.

Hodie Psalmi Graduales.

Lectio sancti Evangélíi secúndum Joánnem.

Lectio j. Cap. 10. d

In illo témpore : Facta sunt Encænia in Jerosólymis, et hiems erat. Et ambulábat Jesus in templo, in pórticu Salomónis. Et réliqua.

Homilia sancti Augustíni
Episcopi.

Tract. 48. in Joannem.

ENCÆNIA festívitás erat dedicatiónis templi. Græce enim cænon dicitur novum. Quandocúmque novum áliquid fúerit dedicátum, encænia vocántur. Jam et usus habet hoc verbum. Si quis nova túnica induátur, encæniare dicitur. Illum enim diem, quo templum dedicátum est, Judæi solémniter celebrábant : ipse dies festus agebátur, cum ea quæ lecta sunt, locútus est Dóminus.

ñ. Tota die ut in ij. Noct. Dom. præc. 228.

Lectio ij.

HIEMS erat, et ambulábat Jesus in templo, in pórticu Salomónis. Circumderunt ergo eum Judæi, et

dicébant ei : Quóúsque ánimam nostram tollis? Si tu es Christus, dic nobis palam. Non veritátem desiderábant, sed calúnniam præparábant. Hiems erat, et frígidi erant : ad illum enim divínium ignem accédere pigri erant. Si accédere est credere : qui credit, accédit : qui negat, recédit. Non movétur ánima pédibus, sed affectibus.

ñ. Ne avértas. 228.

Lectio iij.

FRIGUERANT diligéndi charitáte, et ardébant nocéndi cupiditáte. Longe áberant, et ibi erant : non accedébant credéndo, et premébant persecuéndo. Quærébant audire a Dómino, Ego sum Christus : et fortásse de Christo secúndum hóminem sapiébant. Prædicavérunt enim Prophétæ Christum : sed divinitátem Christi et in Prophétis et in ipso Evangélio nec hærétici intélligunt : quanto minus Judæi, quámduo velámen est super cor eórum?

ñ. Quis dabit. 229.

Ad Benedictus, Añá.

Oves meæ * vocem meam áudiunt, et ego Dóminus agnósco eas.

Oratio.

SANCTIFICATO hoc jejúnio, Deus, tuórum corda fidélium miserátor illústra : et quibus devotiónis præstas

afflictum, præbe supplicanti-
bus pium benignus auditum.
Per Dominum.

Ad Magnificat, Ana.

Multa bona opera * operatus
sum vobis : propter quod
opus vultis me occidere ?

Oratio.

ADESTO supplicationibus
nostris, omnipotens Deus:
et quibus fiduciam speran-
dae pietatis indulges, consu-
etae misericordiae tribue be-
nignus effectum. Per Dñum.

FERIA QUINTA.

*Lectio sancti Evangelii
secundum Lucam.*

Lectio j. Cap. 7. f

IN illo tempore : Rogabat
Iesum quidam de Phari-
sæis ut manducaret cum
illo. Et ingressus domum
Pharisæi, discubuit. Et ré-
liqua.

Homilia S. Gregorii Papæ.

Hom. 33. in Evang.

COGITANTI mihi de Mariæ
Magdalænæ poenitentia,
flere magis libet, quam
aliquid dicere. Cujus enim
vel saxeum pectus illæ hu-
jus peccatricis lacrymæ ad
exemplum, poenitendi non
emolliant ? Consideravit
namque quid fecit, et noluit
moderari quid faceret. Su-
per convivantes ingressa
est, non jussa venit, inter
epulas lacrymas obtulit.
Discite quo dolore ardet,
quæ flere et inter epulas
non erubescit.

R. Deus meus, eripe me
de manu peccatoris, et de
manu contra legem agentis
et iniqui : * Quoniam tu es
patientia mea. **V.** Deus meus,
ne elongeris a me : Deus
meus, in auxilium meum
respice. Quoniam.

Lectio ij.

HANC vero, quam Lucas
peccatricem mulierem,
Joannes Mariam nominat,
illam esse Mariam credimus,
de qua Marcus septem dæ-
monia ejecta fuisse testatur.
Et quid per septem dæmo-
nia, nisi universa vitia de-
signantur ? Quia enim se-
ptem diebus omne tempus
comprehenditur, recte se-
ptenario numero universitas
figuratur. Septem ergo dæ-
monia Maria habuit, quæ
universis vitiis plena fuit.

R. Multiplicati. 225.

Lectio iij.

SED ecce quia turpitudinis
sue maculas aspexit,
lavanda ad fontem miseri-
cordiæ cucurrit, convivantes
non erubuit. Nam quia se-
metipsam graviter erubescé-
bat intus, nihil esse cré-
didit, quod verecundaretur
foris. Quid ergo miramur,
fratres ? Mariam venientem,
an Dominum susipientem ?
Susipientem dicam, an tra-
hentem ? Sed melius trahén-
tem dicam et susipientem :
quia nimis ipse eam per misericordiam tra-

xit intus, qui per mansuetudinem suscepit foris.

R. Usquequo. 226.

Ad Benedictus. Añs.

Magister dicit : * Tempus meum prope est, apud te facio Pascha cum discipulis meis.

Oratio.

PRÆSTA, quæsumus omnipotens Deus : ut dignitas conditionis humanæ per immoderantiam sauciata, medicinalis parsimoniæ studio reformetur. Per Dóminum.

Ad Magnificat. Añs.

Desiderio desideravi * hoc Pascha manducare vobiscum, antequam patiar.

Oratio.

ESTO, quæsumus Dómine, propitius plebi tuæ : ut, quæ tibi non placent, respuentes, tuorum potius repleantur delectationibus mandatorum. Per Dóminum.

FERIA SEXTA.

Lectio sancti Evangélíi secundum Joánnem.

Lectio j. Cap. 11. f

IN illo tempore : Collegérunt Pontífices et Pharisæi concilium adversus Jesum, et dicebant : Quid facimus, quia hic homo multa signa facit? Et reliqua.

Homília sancti Augustini Episcopi.

Tract. 49. in Joann.

PONTÍFICES et Pharisæi sibi consulébant : nec tamen

dicebant, Credámus. Plus enim pérditi hómines cogitábant quómodo nocérent, ut pérderent, quam quómodo sibi consúlerent, ne périrent: et tamen timébant, et quasi consulébant. Dicebant enim : Quid facimus, quia hic homo multa signa facit? Si dimíttimus eum sic, omnes credent in eum; et vénient Románi, et tollent nostrum locum, et gentem. Temporália pérdere timuérunt, et vitam ætérnam non cogitavérunt, ac sic utrúmque amisérunt.

R. Deus meus. 226.

Lectio ij.

NAM et Románi post Dómini passionem et glorificationem tulérunt eis et locum, et gentem, expugnando, et transferendo : et illud eos séquitur, quod álibi dictum est : Filii autem regni hujus ibunt in ténebras exterióres. Hoc autem timuérunt, ne si omnes in Christum créderent, nemo remanéret, qui adversus Romános civitatem Dei templúmque defénderet : quóniam contra ipsum templum, et contra suas paternas leges doctrinam Christi esse sentiébant.

R. In te. 227.

Lectio iij.

UNUS autem ex ipsis Caiaphas, cum esset Póntifex anni illius, dixit eis : Vos

nescitis quidquam, nec cogitatis quia expedit vobis ut unus moriatur homo pro populo, et non tota gens pereat. Hoc autem a semetipso non dixit; sed cum esset Pontifex anni illius, prophetavit. Hic docemur, etiam homines malos prophetiae spiritu futura praedicere: quod tamen Evangelista divino tribuit sacramento, quia Pontifex fuit, id est, summus sacerdos.

Id. In proximo. 227.

Ad Benedictus, Añs.

Appropinquabat * autem dies festus Judaeorum: et quaerebant principes sacerdotum quomodo Jesum interficerent, sed timebant plebem.

Oratio.

CORDIBUS nostris, quaesumus Domine, gratiam tuam benignus infunde: ut peccata nostra castigatione voluntaria cohibentes, temporaliter potius maceremur, quam suppliciis deputemur aeternis. Per Dominum.

Hodie Psalmi Poenit.

Ad Magnificat, Añs.

Principes sacerdotum * concilium fecerunt ut Jesum occiderent; dicebant autem: Non in die festo, ne forte tumultus fieret in populo.

Oratio.

CONCEDE, quaesumus omnipotens Deus: ut, qui

protectionis tuae gratiam quaerimus, liberati a malis omnibus, secura tibi mente serviamus. Per Dominum.

SABBATO.

Lectio sancti Evangelii secundum Joannem.

Lectio j. Cap. 12.

IN illo tempore: Cogitaverunt principes sacerdotum, ut et Lazari interficerent: quia multi propter illum abibant ex Judaeis, et credebant in Jesum. Et reliqua.

Homilia sancti Augustini Episcopi.

Tract. 50. in Joann.

VISO Lazaro resuscitato, quia tantum miraculum Domini tanta erat evidētia diffamatum, tanta manifestatione declaratum, ut non possent vel occultare quod factum est, vel negare: quid invenērunt, videte. Cogitaverunt autem principes sacerdotum ut et Lazari interficerent. O stulta cogitatio, et caeca saevitia! Dominus Christus qui suscitare potuit mortuum, non posset occisum? Quando Lazaro inferebātis necem, numquid auferebātis Domino potestatem? Si aliud vobis videtur mortuus, aliud occisus: ecce Dominus utrumque fecit, et Lazari mortuum, et seipsum suscitavit occisum.

R Tota die. 228.

Lectio ij. Tract. 51.

IN crāstinum autem turba multa, quæ vënerat ad diem festum, cum audissent quia venit Jesus Jerosólymam, accepérunt ramos palmárum, et processérunt óbviā ei, et clamábant: Hosánna, benedictus qui venit in nómine Dómini, Rex Israel. Rami palmárum laudes sunt, significántes victóriam: quia erat Dóminus mortem moriéndō superatúrū, et trophæo crucis de diábolo mortis príncipe triumphatúrū. Vox autem obsecrántis est, Hosánna, sicut nonnúllo dicunt, qui hebræam linguam novérunt, magis afféctum indicans, quam rem áliquam significans, sicut sunt in lingua latína, quas interjectiones vocant: velut cum doléntes dicimus, heu, vel cum delectámur, vah dicimus.

R. Ne avértas. 228.

Lectio iij.

HAS ei laudes turba dicébat: Hosánna, benedictus qui venit in nómine Dómini, Rex Israel. Quam crucem mentis invidéntia príncipum Judæórum perpéti potúerat, quando regem suum Christum tanta multitúdo clamábat? Sed quid fuit Dómino Regem esse Israel? Quid magnum fuit Regi sæculórum, Regem

fieri hóminum? Non enim Rex Israel Christus ad exigéndum tribútum, vel exercitum ferro armándum, hostésque visibilibiter debellándos: sed Rex Israel, quod mentes regat, quod in ætérnum cónsulat, quod in regnum cœlórum credéntes, sperántes, amantésque perducát.

R. Quis dabit. 229.

Ad Benedictus, Añā.

Clarífica me, Pater, * apud temetípsum claritáte, quam hábui priúsq̃am mundus fieret.

Oratio.

PROFICIAT, quæsumus Dómine, plebs tibi dicata piæ devotiōnis afféctu: ut sacris actiōnibus erudita, quanto majestáti tuæ fit grátior, tanto donis potióribus augeátur. Per Dóminum.

Ad Vesp. Capit. Philip. 2.

FRATRES, Hoc enim sentíte in vobis, quod et in Christo Jesu: qui cum in forma Dei esset, non rapinam arbitrátus est esse se æquálem Deo: sed semetípsum exinanívit formam servi accípiens, in similitúdinem hóminum factus, et hábitu invéntus ut homo.

Hymn. Vexilla Regis. 223.

V. Eripe me, Dómine, ab hómine malo. **R.** A viro iníquo eripe me.

Ad Magnificat, Añā

Pater juste, * mundus te nōn

cognóvit : ego autem novi te , quia tu me misisti.

Oratio.

OMNIPOTENS sempitérne Deus , qui humano géneri , ad imitándum humilitátis exémpulum , Salvatórem nostrum carnem sùmere , et crucem subire fecisti : concede propítius ; ut et patiéntiæ ipsíus habére documénta , et resurrectionis consórtia mereámur. Per eúmdem Dóminum.

DOMINICA IN PALMIS.

Ad Matutinum , Invitat. Hódie. Hymnus. Pange lingua. 224.

Ad Noct. omnia ut in Psalt. cum ŷŷ. ut temp. Pass.

In primo Nocturno.

De Jeremia Prophéta.

Lectio j. Cap. 2. c

OBSTUPESCITE cœli super hoc , et portæ ejus desolâmini veheménter , dicit Dóminus. Duo enim mala fecit pópulus meus : Me dereliquérunt fontem aquæ vivæ , et fodérunt sibi cistérnas , quæ continére non valent aquas. Numquid servus est Israel , aut vernáculus ? quare ergo factus est in prædam ? Super eum rugiérunt leónes , et dedérunt vocem suam , posuérunt terram ejus in solitudinem : civitâtes ejus exústæ sunt , et non est qui hábitet in eis. Filii quoque Mémpheos et

Taphnes constupravérunt te usque ad vérticem. Numquid non istud factum est tibi , quia dereliquísti Dóminum Deum tuum eo témpore , quo ducébat te per viam ?

R. In die qua invocâvi te , Dómine , dixisti : Noli timére :

* Judicásti causam meam , et liberásti me , Dómine Deus meus. **V.** In die tribulationis meæ clamâvi ad te , quia exaudísti me. Judicásti.

Lectio ij.

ET nunc quid tibi vis in via Ægypti , ut bibas aquam túrbidam ? et quid tibi cum via Assyriórum , ut bibas aquam flúminis ? Arguet te malitia tua , et aversio tua increpábit te. Scito , et vide , quia malum et amárum est reliquisse te Dóminum Deum tuum , et non esse timórem mei apud te , dicit Dóminus Deus exercituum. A sæculo confregisti jugum meum , rupísti vincula mea , et dixísti : Non sérviam. In omni enim colle sublími , et sub omni ligno frondóso , tu prosternebáris méretrix. Ego autem plantâvi te vineam eléctam , omne semen verum : quómodo ergo convérta es mihi in pravum vinea aliéna ? Si láveris te nitro , et multiplicáveris tibi herbam borith , maculâta es in iniquitâte tua coram me , dicit Dóminus Deus.

R. Fratres mei elongavé-

runt se a me : et noti mei
Quasi aliéni recessérunt a
me. **v.** Dereliquerunt me
proximi mei, et qui me no-
vérunt. Quasi.

Lectio III

QUID vultis mecum iudicio
conténdere? omnes dere-
liquistis me, dicit Dóminus.
Frustra percússi filios ve-
stros, disciplinam non rece-
pérunt : devorávit gládus
vester Prophétas vestros,
quasi leo vastátor generatio
vestra. Vidéte verbum Dó-
mini : Numquid solitúdo fa-
ctus sum Israël, aut terra
serótina? Quare ergo dixit
pópulus meus : Recéssimus,
non veniémus ultra ad te?
Numquid obliviscétur virgo
ornaménti sui, aut sponsa
fasciæ pectorális suæ? pó-
pulus vero meus oblitus est
mei diébus innúmeris.

R. Atténde, Dómine, ad me,
et audi voces adversariórum
meórum : * Numquid réddi-
tur pro bono malum, quia
foderunt foveam animæ
meæ : **ꝑ.** Recordáre quod
stéterim in conspéctu tuo,
ut lóquerer pro eis bonum,
et avérterem indignatióem
tuam ab eis. Numquid. **A**t-
ténde.

In secundo Nocturno.

Sermo sancti Leónis Papæ.

Lectio IV

Serm. 11. de Pass. Dom.

DESIDERATA nobis, dile-
ctissimi, et univérso

optabilis mundo adest festi-
vitas Dominicæ passiónis,
quæ nos inter exultatióes
spiritalium gaudiórum silé-
re non pátitur. Quia etsi dif-
ficile est, de eadém solemni-
tate sæpius digne aptéque
dissérere, non est tamen
liberum sacerdoti in tanto
divinæ misericórdiæ sacra-
ménto fidélibus pópulis sub-
tráhere sermónis officium :
cum ipsa matéria ex eo quod
est ineffábilis, fandi tríbuat
facultátem : nec possit defi-
cere quod dicátur, dum
nunquam potest satis esse
quod dicitur. Succúmbat
ergo humana infirmitas gló-
riæ Dei, et in explicándis
opéribus misericórdiæ ejus,
imparem se semper invé-
niat. Laborémus sensu,
hæreámus ingénio, deficiá-
mus elóquio : bonum est ut
nobis parum sit, quod étiam
recte de Dómini majestáte
sentimus.

R. Conclúsit vias meas ini-
micus, insidiátor factus est
mihi sicut leo in abscondi-
to, replévit et inebriávit
me amaritúdine : deduxé-
runt in lacum mortis vitam
meam, et posuérunt lápidem
contra me. * Vide, Dómine,
iniquitates illórum : et júdi-
ca causam animæ meæ, de-
fénsor vitæ meæ. **ꝑ.** Factus
sum in derisum omni pó-
pulo meo, cánticum eórum
tota die. Vide.

Lectio v.

DICENTE enim Prophéta : Quærite Dóminum, et confirmámini, quærite faciém ejus semper : némini præsuméndum est, quod totum quod quærit, invénierit, ne désinat propinquare, qui cessárit accédere. Quid autem inter ómnia ópera Dei, in quibus humanæ admiratiónis fatigátur inténtio, ita contemplatióne mentis nostræ et oblétat et súperat, sicut pássio Salvatóris? Qui ut humanum genus vñculis mortiferæ prævaricatiónis absolveret, et sæviénti diábolo poténtiam suæ majestátis occúluit, et infirmitátem nostræ humilitátis objécit. Si enim crudélis et superbus inimícus consilium misericórdiæ Dei nosse potuisset, Judæórum ánimos mansuetúdine pótius temperáre, quam injústis ódiis studuisset accéndere : ne ómnium captivórum amitteret servitútem, dum nihil sibi debéntis perséquitur libertátem.

R. Salvum me fac, Deus, quóniam intravérunt aquæ usque ad ánimam meam : ne avértas faciém tuam a me :
 * Quóniam tribulor, exáudi me, Dómine Deus meus. **V.** Inténde ánimæ meæ, et libera eam : propter inimicos meos éripe me, Quóniam.

Lectio vj.

FEFELLIT ergo illum malignitas sua : intulit supplicium Filio Dei, quod cunctis filiis hóminum in remédium verterétur. Fudit sanguinem justum, qui reconciliándo mundo et prétium esset, et póculum. Suscépit Dóminus, quod secúndum propósitum suæ voluntátis elégit. Admisit in se impias manus furéntium : quæ dum próprio incumbunt scéleri, famulátæ sunt Redemptóri. Cujus étiam circa interfectóres suos tanta erat pietátis afféctio, ut de cruce supplicans Patri, non se vindicári, sed illis postuláret ignósci.

R. Noli esse mihi, Dómine, aliénus : parce mihi in die mala : Confundántur omnes qui me persequúntur,
 * Et non confundar ego. **V.** Confundántur omnes inimíci mei, qui quærunť ánimam meam. Et. **Noli.**

In tertio Nocturno.

Léctio sancti Evangélii secúndum Matthæum.

Lectio vij. Cap. 21.

IN illo témpore : Cum appropinquáset Jesus Jerosólymis, et venisset Béthphage ad montem Olivéti : tunc misit duos discipulos, dicens eis. Et réliqua.

Homília S. Ambrósii Episc.

Lib. 9. in Lucam.

PULCHRE, relictis Judæis, habitatúrus in afféctibus

Géntium, templum Dóminus ascéndit. Hoc enim templum est verum, in quo non in littera, sed in spíritu Dóminus adorátur. Hoc Dei templum est, quod fidei séries, non lápidum structúra fundávit. Deserúntur ergo qui óderant : eligúntur qui amáturi erant. Et ideo ad montem venit Olivéti, ut novéllas óleas in sublímí virtúte plantáret, quarum mater est illa, quæ sursum est, Jerúsalem. In hoc monte est ille cœléstis agrícola : ut plantáti omnes in domo Dei, possint virítim dícere : Ego autem sicut olíva fructífera in domo Dómini.

R. Dóminus mecum est tamquam bellátor fortis : proptérea persecúti sunt me, et intelligere non potuérunt : Dómine, probas renes et corda : * Tibi revelávi causam meam. **Y.** Vidísti, Dómine, iniquitátes eorum advérsus me : júdica judícium meum. Tibi.

Lectio viij.

ET fortásse ipse mons Christus est. Quis enim álius tales fructus ferret oleárum, non curvescéntium ubertáte baccárum, sed spíritus plenítudine Géntium fœcundárum ? Ipse est, per quem ascéndimus, et ad quem ascéndimus. Ipse est jánuá, ipse est vía, qui aperítur, et qui áperit :

qui pulsátur ab ingrediéntibus, et ab eméritis adorátur. Ergo in castélló erat, et ligátus erat pullus cum ásina : non póterat solvi nisi jussu Dómini. Solvit eum manus Apostólica. Talis actus, talis víta, talis grátia. Esto talis et tu, ut possis ligátos sólvere.

R. Dixérunt impíi apud se, non recte cogitántes : Circumveniámus justum, quóniam contrárius est opéribus nostris : promíttit se sciéntiam Dei habére, Fílium Dei se nóminat, et gloriátur Patrem se habére Deum : Videámus si sermónes illius veri sunt : et si est vere Fílius Dei, liberet eum de mánibus nostris : morte turpíssima condemnémus eum. **Y.** Tamquam nugáces aestimáti sumus ab illo, et ábs-tinet se a viis nostris tamquam ab immundítiis : et præfert novíssima justórum. Videámus.

Lectio ix.

NUNC considerémus qui fúerint illi, qui erróre detécto, de paradíso ejécti, in castéllum sint relegáti. Et vides, quemádmódum quos mors expúlerat, víta revocáverit. Et ideo secúndum Matthæum, et ásinam et pullum légimus : ut quia in duóbus homínibus utérque fúerat sexus expúlsus, in duóbus animálibus sexus

utérque revocétur. Ergo illic in ásina matrem quasi Hevam figurávit erróris : hic autem in pullo generalitatem pópuli Gentílis expréssit : et ideo pullo sedétur ásinæ. Et bene , in quo nemo sedit : quia nullus , ántequam Christus , Natiónum pópulos vocávit ad Ecclesiám. Dénique secúndum Marcum sic habes : Quem nemo adhuc sedit hóminum.

R. Circumdedérunt me viri mendáces : sine causa flagéllis cecidérunt me : * Sed tu Dómine defénsor víndica me.

V. Quóniam tribulátio próxima est , et non est qui ádjuvet. Sed. **C**ircumdedérunt.

Ad Laudes. Aña.

1. Dóminus Deus * auxiliátor meus : et ideo non sum confúsus. **Ps.** Miserére mei, cum reliq. 164.

2. Circumdántes * circumdedérunt me : et in nómine Dómini vindicábor in eis.

3. Júdica causam meam : * defénde , quia potens es , Dómine.

4. Cum Angelis * et púeris fidéles inveniámur , triumphatóri mortis clamántes ; Hosánna in excélsis.

5. Confundántur * qui me persequúntur , et non confundar ego, Dómine Deus meus.

Capítulum Philipp. 2.

FRATRES , Hoc enim sentite in vobis , quod et in

Christo Jesu : qui cum in forma Dei esset , non rapinam arbitrátus est esse se æquálem Deo : sed semetipsum exinanívit , formam servi accípiens , in similitúdinem hóminum factus , et hábitu invéntus ut homo.

Hymn. Lustra sex. 229.

V. Eripe me de inimícis meis, Deus meus. **R.** Et ab insurgéntibus in me libera me.

Ad Benedictus. Aña.

Turba multa , * quæ convénierat ad diem festum , clamábat Dómino : Benedictus qui venit in nómine Dómini, Hosánna in excélsis.

Oratio.

OMNIPOTENS sempitérne Deus , qui humano géneri , ad imitándum humilitátis exémplum , Salvatórem nostrum carnem súmere , et crucem subire fecisti : concede propítius ; ut et patiéntiæ ipsíus habére documénta , et resurrectionis consórtia mereámur. Per eúndem Dóminum.

Ad Primam. Aña.

Púeri Hebræórum * tolléntes ramos olivárum , obviáverunt Dómino , clamántes et dicétes : Hosánna in excélsis.

Ad Tertiam. Aña.

Púeri Hebræórum * vestiménta prosternébant in via , et clamábant , dicétes : Hosánna filio David : benedictus qui venit in nómine Dómini.

Capit. Fratres, Hoc.

R. br. Erue a fræmea, * Deus, ánimam meam. Erue. **V.** Et de manu canis únicam meam. Deus. **Frue.** **Ÿ.** De ore leónis libera me, Dómine. **R.** Et a córnibus unicórnium humilitátem meam.

Ad Sextam, Añã.

Tibi revelávi * causam meam, defénsor vitæ meæ, Dómine Deus meus.

Capitulum. Philipp. 2.

IUMILIAVIT semetípsum factus obédiens usque ad mortem, mortem autem crúcis. Propter quod et Deus exaltávit illum, et donávit illi nomen, quod est super omne nomen.

R. br. De ore leónis * Libera me, Dómine. De ore. **V.** Et a córnibus unicórnium humilitátem meam. Libera. De ore. **V.** Ne perdas cum ímpiis, Deus, ánimam meam. **R.** Et cum viris sánguinem vitam meam.

Ad Nonam, Añã.

Invocábo * nomen tuum, Dómine : ne avértas faciém tuam a clamóre meo.

Capitulum. Philipp. 2.

IN nómine Jesu omne genu flectátur cœléstium, teréstrium, et inférnórum : et omnis lingua confiteátur, quia Dóminus Jesus Christus in glória est Dei Patris.

R. br. Ne perdas cum ímpiis, * Deus, ánimam

meam. Ne. **Ÿ.** Et cum viris sánguinem vitam meam. Deus, ánimam meam. Ne. **V.** Eripe me, Dómine, ab hómine malo. **R.** A viro iníquo éripe me.

Ad Vesperas, Añã et Psalmi de Dominica. 130

Capit. Fratres, Hoc.

Hým. Vexilla Regis. 223.

V. Eripe me, Dómine, ab hómine malo. **R.** A viro iníquo éripe me.

Ad Magnificat, Añã.

Scriptum est enim : * Percútiám pastórem, et dispergéntur oves gregis : postquam autem resurréxero, præcédam vos in Galilæam : ibi me vidébitis, dicit Dóminus.

Ab hac die usque ad Oct. Paschæ, si occurrat aliquod Festum ix. Lect., transferatur post Octavam. Trium vero Lect., a Feria v. in Cœna Dñi, usque ad Fer. iij. Paschæ nulla sit commem.

FERIA SECUNDA.

Invitat. Hódie. Hymnus. Iange lingua. 224.

Añã, et Psalmi hujus Ferie 49. cum VŸ. ut temp. Passionis.

Lectio sancti Evangélii secundum Joánnem.

Lectio j. Cap. 12.

ANTE sex dies Paschæ venit Jesus Bethániam, ubi Lázarus fúerat mórtuus, quem suscitávit Jesus. Et réliqua.

Homilia sancti Augustini
Episcopi.

Tract. 80. in Joann.

NE putarent homines phantasma esse factum, quia mortuus resurrexit, Lázarus unus erat ex recumbentibus : vivebat, loquebatur, epulabatur, veritas ostendebatur, infidelitas Judæorum confundebatur. Discumbebat ergo Jesus cum Lázaro, et ceteris : ministrabat Martha, una ex sororibus Lázari. María vero, altera soror Lázari, accepit libram unguenti nardi pistici pretiosi, et unxit pedes Jesu, et extersit capillis suis pedes ejus, et domus impléta est ex odóre unguenti. Factum audivimus : mysterium requiramus.

R. Viri impii dixerunt : Opprimamus virum justum injuste, et deglutiamus eum tamquam infernus vivum : auferamus memoriam illius de terra : et de spoliis ejus sortem mittamus inter nos : ipsi enim homicidæ thesaurizaverunt sibi mala. * Insuperantes et maligni oderunt sapientiam : et rei facti sunt in cogitationibus suis. **V.** Hæc cogitaverunt, et erraverunt : et excæcavit illos malitia eorum. Insipientes.

Lectio ij.

QUÆCUMQUE anima fidelis vis esse, cum María unge pedes Domini pretioso un-

guento. Unguentum illud justitia fuit, ideo libra fuit : erat autem unguentum nardi pistici pretiosi. Quod ait pistici, locum aliquem credere debemus, unde hoc erat unguentum pretiosum : nec tamen hoc vacat, et sacraménto optime consonat. Pistis græce, fides latine dicitur. Quæreas operari justitiam. Justus ex fide vivit. Unge pedes Jesu bene vivendo : Dominica sectare vestigia. Capillis terge : si habes superflua, da pauperibus, et Domini pedes tersisti : capilli enim superflua corporis videntur. Habes quod agas de superfluis tuis : tibi superflua sunt, sed Domini pedibus necessaria sunt. Forte in terra Domini pedes indigent.

R. Opprobrium factus sum nimis inimicis meis : viderunt me, et moverunt capita sua : * Adjuva me, Domine Deus meus. **V.** Locuti sunt adversum me lingua dolosa, et sermonibus odii circumdederunt me. Adjuva.

Lectio iij.

DE quibus enim, nisi de membris suis in fine dicturus est : Cum uni ex minimis meis fecistis, mihi fecistis ? Superflua vestra impendistis : sed pedibus meis obsecuti estis. Domus autem impléta est odóre : mundus implétus est fama

bona : nam odor bonus fama bona est. Qui male vivunt, et Christiáni vocántur, injúriam Christo faciunt : de quálibus dictum est, quod per eos nomen Dómini blasphemátur. Si per tales nomen Dei blasphemátur, per bonos nomen Dómini laudátur. Audi Apóstolum : Christi bonus odor sumus, inquit, in omni loco.

R. Insurrexérunt in me viri iníqui absque misericórdia : quæsiérunt me interficere, et non pepercérent in faciém meam spúere ; et lanceis suis vulneravérunt me : et concússa sunt ómnia ossa mea : * Ego autem existimábam me tamquam mórtuum super terram. **V.** Effuderunt furórem suum in me : fremuérunt contra me déntibus suis. **Ego.** Insurrexérunt.

AD LAUDES,

et per Horas, Añæ.

1. Faciém meam * non avérti ab increpántibus, et conspuéntibus in me. **Psalmi de Feria ij.** 60.

2. Frámea suscitáre * advérsus eos, qui dispérgunt gregem meum.

3. Appendérunt * mercédem meam triginta argenteis, quibus appretiátus sum ab eis.

4. Inundavérunt aquæ * super caput meum ; dixi, Péríi : invocábo nomen tuum, Dómine Deus.

5. Lábía insurgéntium, * et cogitatiónes eórum vide, Dómine.

Capitulum. Jerem. 11.

VENITE, mittámus lignum in panem ejus, et eradámus eum de terra vivéntium, et nomen ejus non memorétur ámplius.

Hymn. Lustra sex. 229.

V. Éripe me de inimicis meis, Deus meus. **R.** Et ab insurgéntibus in me libera me.

Ad Benedictus, Añæ.

Clarifica me, Pater, * apud temetípsium claritáte, quam hábui priúsqvam mundus fieret.

Deinde Preces. 63.

Oratio.

DA, quæsumus omnipotens Deus ; ut, qui in tot advérsis ex nostra infirmitáte defícimus, intercedénte unigéniti Filii tui passióne respirémus. Qui tecum vivit.

Ad Horas, Añæ de Laud. reliqua ut in Psalterio.

Ad Vesperas, Añæ et Psalmi de Psalterio. 134.

Capitulum. Jerem. 11.

TU autem, Dómine Sábaoth, qui júdicas justo, et probas renes et corda, vídeam ultiónem tuam ex eis : tibi enim revelávi causam meam, Dómine Deus meus.

Hymnus Vexilla Regis. 223.

¶ Eripe me, Dómine, ab homine malo. *R.* A viro iniquo eripe me.

Ad Magnificat, Ant.

Non haberes * in me potestatem, nisi desuper tibi datum fuisset.

Deinde Preces. 133.

Oratio.

ADJUVa nos, Deus salutáris noster : et ad beneficia recolenda, quibus nos instaurare dignatus es, tribue ventre gaudentes. Per Dñum.

FERIA TERTIA.

De Jeremia Propheta.

Lectio j. Cap. 41.

QUID est, quod diléctus meus in domo mea fecit scélera multa? Numquid carnes sanctæ auferent a te malitias tuas, in quibus gloriata es? Olsavam úberem, pulchram, fructíferam, speciósam vocávit Dóminus nomen tuum : ad vocem loquelæ, grandis exarsit ignis in ea, et combústa sunt fructéta ejus. Et Dóminus exercituum qui plantávit te, locútus est super te malum, pro malis domus Israel, et domus Juda, quæ fecerunt sibi ad irritandum me, libantes Báalim. Tu autem, Dómine, demonstrásti mihi, et cognóvi : tunc ostendísti mihi stúdia eórum. Et ego quasi agnus mansuétus, qui portátur ad victimam : et non cognóvi quia cogitaverunt super me consilia, di-

céntes : Mittámus lignum in panem ejus, et eradámus eum de terra vivéntium, et nomen ejus non memorétur amplius. Tu autem, Dómine Sábaoth, qui júdicas juste, et probas renes et corda, videam ultiónem tuam ex eis : tibi enim revelávi causam meam.

¶ Contumélias et terróres passus sum ab eis, qui erant pacífici mei ; et custodiéntes latus meum, dicéntes : Decipiámus eum, et prævaleámus illi : sed tu, Dómine, mecum es tamquam bellátor fortis. * Cadant in oppróbrium sempitérnum, ut videam vindictam in eis, quia tibi revelávi causam meam. ¶ Júdica, Dómine, causam animæ meæ, defensor vitæ meæ. Cadant.

Lectio ij. Cap. 42.

JUSTUS quidem tu es, Dómine, si disputem tecum : verúmtamen justa loquar ad te : Quare via impiórum prosperátur : bene est ómnibus qui prævaricántur, et inique agunt? Plantásti eos, et radicem misérunt : proficiunt et faciunt fructum ; prope es tu ori eórum, et longe a rénibus eórum. Et tu, Dómine, nosti me, vidísti me, et probásti cor meum tecum : cóngrega eos quasi gregem ad victimam, et sanctifica eos in die occisiónis. Usquequo lugébit terra, et

herba omnis regiónis siccat-
bitur propter malitiam ha-
bitantium in ea? consum-
ptum est animal et volucre,
quóniam dixerunt: Non vi-
debit novissima nostra.

R. Deus Israel, propter te
sustinui improperium, opé-
ruit reverentia faciem meā,
extraneus factus sum fratri-
bus meis, et hospes filiis
matris meae: * Quóniam
zelus domus tuae comedit
me. **V.** Intende animae meae
et libera eam, propter ini-
micos meos eripe me. Quón-
iam.

Lectio iij.

RELIQUI domum meam, di-
misi hereditatem meam:
dedi dilectam animam meam
in manu inimicorum ejus.
Facta est mihi hereditas mea
quasi leo in silva: dedit
contra me vocem, ideo odivi
eam. Numquid avis discolor
hereditas mea mihi? num-
quid avis tincta per totum?
venite, congregamini omnes
bestiae terrae, properate ad
devorandum. Pastores multi
demoliti sunt vineam meam,
conculcaverunt partem meam:
dederunt portionem meam
desiderabilem in desertum
solitudinis: Posuerunt eam
in dissipationem, luxitque
super me: desolatione de-
solata est omnis terra, quia
nullus est qui recogitet
corde.

R. Synagoga populorum

circumdedérunt me: et non
reddidi retribuéntibus mihi
mala; * Consumetur, Dómi-
ne, nequitia peccatorum, et
diriges justum. **V.** Júdica
me, Dómine, secundum justi-
tiam meam, et secundum
innocentiam meam super
me. Consumetur. **Synagoga.**

AD LAUDES,

et per Horas. **Añae.**

1. Vide, Dómine, * et con-
sidera, quóniam tribulor:
velociter exaudi me. **Psalmi**
de Feria iij. 73.

2. Discerne causam meam,
* Dómine: ab hómine ini-
quo et doloso eripe me.

3. Dum tribulárer, * cla-
mavi ad Dóminum de ventre
infern, et exaudivit me.

4. Dómine, vim patior, * re-
spónde pro me: quia nescio
quid dicam inimicis meis.

5. Dixerunt impii: * Op-
primamus virum justum,
quóniam contrarius est opó-
ribus nostris.

Capitulum. Jerem. 44.

VENITE mittamus lignum
in panem ejus, et era-
damus eum de terra vivén-
tium, et nomen ejus non
memorétur amplius.

Hymn Iustra. 229.

6. Eripe me de inimicis
meis, Deus meus. **R.** Et ab
insurgéntibus in me libera
me.

Ad Benedictus. Añae.

Ante diem festum * Paschæ,
sciens Jesus quia venit hora

ejus, cum dilexisset suos, in finem diléxit eos.

Deinde Preces. 63.

Oratio.

OMNIPOTENS sempitérne Deus, da nobis ita Domínicæ passiónis sacraménta perágere : ut indulgéntiam percípere mereámur. Per eúndem Dóminum.

Ad Horas, Añæ de Laud. reliqua ut in Psalterio.

Ad Vesperas, Añæ et Psalmi de Psalterio. 137.

Capitulum. Jerem. 11.

TU autem, Dómine Sábaoth, qui júdicas juste, et probas renes et corda, vídeam ultiónem tuam ex eis : tibi enim revelávi causam meam, Dómine Deus meus.

Hymn. Vexilla. 223.

ÿ. Éripe me, Dómine, ab hómine malo. **R.** A viro iníquo éripe me.

Ad Magnificat, Aña.

Potestátem hábeo * ponéndi ánimam meam, et iterum suméndi eam.

Deinde Preces. 135.

Oratio.

TUA nos misericórdia, Deus, et ab omni subreptióne vetustátis expúrget, et capaces sanctæ novitátis efficiat. Per Dóminum.

FERIA QUARTA.

De Jeremía Prophéta.

Lectio j. Cap. 17. b

EXPECTATIO Israel, Dómine : omnes, qui te derelinquunt, confundéntur :

recedéntes a te, in terra scribéntur : quóniam dereliquerunt venam aquárum vivéntium Dóminum. Sana me, Dómine, et sanabor : salvum me fac, et salvus ero, quóniam laus mea tu es. Ecce ipsi dicunt ad me : Ubi est verbum Dómini ? véniat. Et ego non sum turbátus, te pastórem sequens : et diem hóminis non desiderávi, tu scis. Quod egréssum est de lábiis meis rectum in conspéctu tuo fuit. Non sis tu mihi formídini, spes mea tu in die afflictiónis. Confundántur qui me persequúntur, et non confundar ego : páveant illi, et non páveam ego : induc super eos diem afflictiónis, et dúplici contritióne cóntere eos.

R. Locúti sunt advérsus me lingua dolósa, et sermónibus ódii circumdedérunt me : pro eo ut me diligerent, detrahébant mihi : * Ego autem orábam, et exaudisti me. Dómine Deus meus. **ÿ.** Et posuérent advérsus me mala pro bonis, et ódium pro dilectióne mea. Ego.

Lectio ij. Cap. 18. b

QUIS audívit talia horribilia, quæ fecit nimis virgo Israel ? Numquid deficiet de petra agri nix Líbani ? aut evélli possunt aquæ erumpéntes frigidæ,

et defluéntes? Quia oblitus est mei pópulus meus, frustra libántes, et impingéntes in viis suis, in sémitis sæculi, ut ambulárent per eas in itinere non trito : ut fieret terra eórum in desolatiónem, et in sibilum sempitérnum : omnis qui præterierit per eam obstupéscet, et movébit caput suum. Sicut ventus urens dispérgam eos coram inimico : dorsum, et non faciém osténdam eis in die perditionis eórum. Et dixerunt : Veníte, et cogitémus contra Jeremíam cogitationes : non enim peribit lex a sacerdote, neque consilium a sapiente, nec sermo a Prophéta : veníte, percutiámus eum lingua, et non attendámus ad univérsos sermónes ejus.

R. Dixerunt impii apud se, non recte cogitantes : Circumveniámus justum quóniam contrárius est opéribus nostris : promíttit se sciéntiam Dei habére, Fílium Dei se nóminat, et gloriátur Patrem se habére Deum : * Videámus si sermónes illius veri sunt : et si est vere Fílius Dei, liberet eum de mánibus nostris : morte turpíssima condemnémus eum. **Y.** Tamquam nugáces æstimáti sumus ab illo, et ábstinet se a viis nostris tamquam ab immun-

ditiis : et præfert novíssima justórum. Videámus.

Lectio iij.

ATENDE, Dómine, ad me, et audi vocem adversariórum meórum. Numquid rédditur pro bono malum, quia fodérunt fóveam ánimæ meæ? Recordáre quod steterim in conspéctu tuo, ut loquerer pro eis bonum, et avérterem indignatiónem tuam ab eis. Proptérea da filios eórum in famem, et deduc eos in manus gládii : fiant uxóres eórum absque liberis, et víduæ : et viri eárum interficiántur morte : júvenes eórum confodiántur gládio in prælio. Audiátur clamor de dómibus eórum : addúces enim super eos latrónem repénte, quia fodérunt fóveam ut cáperent me, et láqueos abscondérunt pédibus meis. Tu autem, Dómine, scis omne consilium eórum advérsus me in mortem : ne propitiéris iniquitati eórum, et peccátum eórum a fácie tua non deleátur : fiant corruéntes in conspéctu tuo, in témpore furóris tui abútere eis.

R. Circumdedérunt me viri mendáces : sine causa flagéllis cecidérunt me : * Sed tu, Dómine, defénsor vindica me. **Y.** Quóniam tribulatio próxima est, et non est qui adjuvet. Sed, Circumdedérunt.

AD LAUDES ,

et per Horas, Añæ.

1. Libera me * de sanguinibus Deus, Deus meus : et exultabit lingua mea iustitiam tuam. Psalmi de Feria iv 83.

2. Contumélias * et terrores passus sum ab eis : et Dóminus mecum est tamquam bellátor fortis.

3. Ipsi vero * in vanum quæsiérunt ánimam meam , introibunt in inferióra terræ.

4. Omnes inimici mei *, audiérunt malum meum : Dómine , lætáti sunt , quóniam tu fecisti.

5. Alliga, Dómine, * in vinculis nátiónes Géntium , et reges eárum in compédibus.

Capitulum. Jerem. 11.

VENITE , mittámus lignum in panem ejus , et eradámus eum de terra vivéntium , et nomen ejus non memorétur ámplius.

Hymn. Lustra sex. 229.

1. Eripe me de inimicis meis, Deus meus. *R.* Et ab insurgéntibus in me libera me.

Ad Benedicens, Añæ.

Simon , dormis ? * non potuisti una hora vigiláre mecum ?

Deinde Preces. 63.

Oratio.

PRÆSTA, quæsumus omnipotens Deus : ut, qui nostris excéssibus incessánte affligimur, per unigéniti Fi-

lii tui passióem liberémur. Qui tecum vivit.

Ad Horas, Añæ de Laud. reliquis ut in Psalterio.

Ad Vesperas, Añæ, et Psalmi de Psalterio. 139.

Capit. Tu autem. 250.

Hymn. Vexilla. 223.

Y. Eripe me , Dómine , ab hómine malo. *R.* A viro iniquo éripe me.

Ad Magnificat, Añæ.

Ancilla dixit Petro : * Vere tu ex illis es : nam et loquela tua manifestum te facit.

Deinde Preces. 135.

Oratio.

RESPICE , quæsumus Dómine, super hanc familiam tuam, pro qua Dóminus noster Jesus Christus non dubitávit mánibus tradi nocéntium , et crucis subíre tormentum. Qui tecum vivit.

Tribus sequentibus diebus, dicto secreto, Pater noster, Ave María, et ad Matut. et in principio Primæ, Credo, omnibus aliis prætermisissis, absolute incipitur Officium, ad Matut. et Vesperas ab Añæ primi Psalmi : et Añæ duplicantur , sicut in Festo duplici.

In fine Psalm. non dicitur Glória Patri, per omnes Horas, nec in Resp. : et in fine cujuslibet Psalmi ad Matut. extinguitur una ex quindecim candelis positis in candelabro triangulari ante Altare.

FERIA QUINTA

IN

CÆNA DOMINI.

AD MATUTINUM.

In primo Nocturne.

Ant. Zelus domus tuæ com-
édit me, et oppróbria ex-
probrántium tibi cecidérunt
super me. *Ps.* Salvum me
fac, cum reliq. in *Psalt.*
Fert. v. 85.

Ant. Avertántur retrórsum,
et erubéscant, qui cógitant
mihi mala. *Ps.* Deus, in
adjutórium. 87.

Ant. Deus meus, éripe me
de manu peccatóris. *Ps.* In
te, Dómine, sperávi. 87.

V. Avertántur retrórsum, et
erubéscant. *R.* Qui cógitant
mihi mala.

Hoc triduo post Versículos
Nocturn. dicitur secreto, Pa-
ter noster, nec pronuntiatur.
Et ne nos, nec dicitur Ab-
soluto, neque dantur bene-
dictiones ante Lectiones. In
fine Lect. non dicitur Tu au-
tem, sed primæ iij. Lect. Je-
remie terminantur ut infra.
Incipit Lamentatio Jeremiæ
Prophætæ.

Lectio 1. Cap. 1. Aleph.

QUOMODO sedet sola civi-
tas plena pópulo : facta

est quasi vídua dómina Gén-
tium : princeps provinciá-
rum facta est sub tribúto.

Beth. Plorans plorávit in
nocte, et lácrymæ ejus in
maxíllis ejus : non est qui
consolétur eam ex ómnibus
charis ejus : omnes amici
ejus spreverunt eam, et facti
sunt ei inimíci.

Ghimel. Migrávit Judas
propter afflictiónem, et mul-
titudinem servitútis : habitá-
vit inter Gentes, nec invé-
nit réquiem : omnes persecu-
tóres ejus apprehendérunt
eam inter angústias.

Daleth. Viæ Sion lugent, eo
quod non sint qui véniant
ad solemnitátem : omnes
portæ ejus destrúctæ : sacer-
dótes ejus geméntes : vír-
gines ejus squálidæ, et ipsa
oppressa amaritúdine.

He. Facti sunt hostes ejus
in cápite, inimíci ejus locu-
pletáti sunt : quia Dóminus
locútus est super eam pro-
pter multitudinem iniquitá-
tum ejus : párvuli ejus ducti
sunt in captivitátem ante fá-
ciem tribulántis.

Jerusalem, Jerusalem, convertere ad Dominum Deum tuum.

Sic terminantur Lectiones de Lamentationibus in hoc triduo.

R. In monte Oliveti oravit ad Patrem : Pater, si fieri potest, transeat a me calix iste : * Spiritus quidem promptus est, caro autem infirma. **V.** Vigilate, et orate, ut non intratis in tentationem. Spiritus.

Leccio ij, Nau.

ET egressus est a filia Sion omnis decor ejus : facti sunt principes ejus velut arietes non inveniētes pascua : et abiērunt absque fortitudine ante faciem subsequēntis.

Zain. Recordata est Jerusalem dierum afflictionis suae, et praevaricationis omnium desiderabilium suorum, quae habuerat a diebus antiquis, cum caderet populus ejus in manu hostili, et non esset auxiliator : viderunt eam hostes, et deriserunt sabbata ejus.

Heth. Peccatum peccavit Jerusalem, propterea instabilis facta est : omnes qui glorificabant eam, spreverunt illam, quia viderunt ignominiam ejus : ipsa autem gemens conversa est retrorsum.

Teth. Sordes ejus in pedibus ejus, nec recordata est

finis sui : deposita est vehementer, non habens consolatorem : vide, Domine, afflictionem meam, quoniam erectus est inimicus. Jerusalem, Jerusalem, convertere ad Dominum Deum tuum.

R. Tristis est anima mea usque ad mortem : sustinete hic, et vigilate mecum : nunc videbitis turbam, quae circumdabit me : * Vos fugam capietis, et ego vadam immolari pro vobis. **V.** Ecce appropinquat hora, et Filius hominis tradetur in manus peccatorum. Vos.

Leccio iij, Jod.

MANUM suam misit hostis ad omnia desiderabilia ejus : quia vidit Gentes ingressas Sanctuarium suum, de quibus praeciperas ne intrarent in ecclesiam tuam. **Caph.** Omnis populus ejus gemens, et quaerens panem : deriderunt pretiosa quaeque pro cibo ad refocillandam animam. Vide, Domine, et considera, quoniam facta sum vilis.

Lamed. O vos omnes, qui transitis per viam, attendite, et videte si est dolor sicut dolor meus : quoniam vindemiavit me, ut locutus est Dominus in die irae furoris sui.

Mem. De excelsis misit ignem in ossibus meis, et erudivit me : expandit rete pedibus meis, convertit me

retrórsum : pòsuit me desolàtam, tota die mœróre confectam.

Nun. Vigilàvit jugum iniquitatum mearum : in manu ejus convolutæ sunt ; et impositæ collo meo : infirmata est virtus mea : dedit me Dóminus in manu , de qua non pótero surgere.

Jerusalem, Jerusalem, convertere ad Dóminum Deum tuum.

R. Ecce vidimus eum non habentem spéciem, neque decorem : aspéctus ejus in eo non est : hic peccata nostra portávit, et pro nobis dolet : ipse autem vulnerátus est propter iniquitates nostras : * Cujus livóre sanáti sumus. **V.** Vere languóres nostros ipse tulit, et dolóres nostros ipse portávit. Cujus. **Ecce.**

In secundo Nocturno.

Aña. Liberávit Dóminus páuperem a poténate, et inopem, cui non erat adjutor.

Ps. Deus judícium. 88.

Aña. Cogitavérunt impíi, et locúti sunt nequitiam : iniquitatem in excélsis locúti eunt. **Ps.** Quam bonus. 89.

Aña. Exúrge, Dómine, et júdica causam meam. **Ps.**

Ut quid Deus repulisti. 90.

V. Deus meus, éripe me de manu peccatóris. **R.** Et de manu contra legem agéntis et iniqui. **Pater noster,**
secreto.

Ex Tractátu S. Augustini
Epíscopi super Psalmos.

Lectio iv.

In Psal. 54. ad 1. Vers.

EXAUDI, Deus, orationem meam, et ne despéxeris deprecationem meam : inténde, mihi, et exáudi me. Satagéntis, solliciti, in tribulatione pòsiti, verba sunt ista. Orat multa pátiens, de malo liberári desíderans. Súperest ut videámus in quo malo sit : et cum dicere cœperit, agnoscámus ibi nos esse : ut communicata tribulatione, jungámus orationem. Contristátus sum, inquit, in exercitacione mea, et conturbátus sum. Ubi contristátus? ubi conturbátus? In exercitacione mea, inquit. Hómines malos, quos pátitur, commemorátus est, eamdémque passionem malórum hóminum exercitacionem suam dixit. Ne putétis gratis esse malos in hoc mundo, et nihil boni de illis ágere Deum. Omnis malus aut ídeo vivit, ut corrigátur : aut ídeo vivit, ut per illum bonus exerceatur.

R. Amícus meus ósculi me trádedit signo : quem osculátus fúero, ipse est, tenéte eum : hoc malum fecit signum, qui per ósculum adimplévit homicídium. * Infélix prætermisit prétium ságuinis, et in

sine laqueo se suspendit. **V.** Bonum erat ei, si natus non fuisset homo ille. Infelix.

Lectio v.

ITEM ergo qui nos modo exercent, convertantur, et nobiscum exerceantur: tamen quamdiu ita sunt ut exerceant, non eos odérimus: quia in eo quod malus est quis eorum, utrum usque in finem perseveratúrus sit, ignoramus. Et plerúmque cum tibi videris odísse inimicum, fratrem odísti, et nescis. Diabolus, et ángeli ejus in Scriptúris sanctis manifestati sunt nobis, quod ad ignem ætérnum sint destinati. Ipsórum tantum desperanda est corrèctio, contra quos habemus occultam luctam: ad quam luctam nos armat Apóstolus, dicens: Non est nobis colluctatio advérsus carnem et sánguinem: id est, non advérsus hómines quos vidétis; sed advérsus principes, et potestates, et rectóres mundi, tenebrárum harum. Ne forte cum dixisset, mundi, intelligeres dæmones esse rectóres cœli et terræ. Mundi dixit, tenebrárum harum: mundi dixit, amatórum mundi: mundi dixit, impiórum et iniquórum: mundi dixit, de quo dicit Evangélium: Et mundus eum non cognóvit.

R. Judas mercator pessimus osculo petiit Dóminum: ille ut agnus innocens non negávit Judæ osculum, Denariórum número Christum Judæis tradidit. **V.** Mélius illi erat, si natus non fuisset. Denariórum.

Lectio vj.

QUONIAM vidi iniquitatem et contradictionem in civitate. Atténde glóriam crucis ipsíus. Jam in fronte regum crux illa fixa est, cui inimici insultavérunt. Effectus probávit virtutem: dómuit orbem non ferro, sed ligno. Lignum crucis contuméliis dignum visum est inimicis, et ante ipsum lignum stantes caput agitabant, et dicébant: Si filius Dei est, descendat de cruce. Extendébat ille manus suas ad pópulum non credéntem et contradicéntem. Si enim justus est qui ex fide vivit, iniquus est qui non habet fidem. Quod ergo hic ait iniquitatem, perfídiam intéllige. Vidébat ergo Dóminus in civitate iniquitatem et contradictionem, et extendébat manus suas ad pópulum non credéntem, et contradicéntem: et tamen et ipsos expéctans dicébat: Pater, ignósce illis, quia nesciunt quid faciunt.

R. Unus ex discipulis meis tradet me hódie. Væ illi per quem tradar ego.

Mélius illi erat, si natus non fuisset. *Ÿ.* Qui intingit mecum manum in parópside, hic me traditúrus est in manus peccatórum. Mélius. Unus.

In tertio Nocturno.

Ant. Dixi iniquis : Nolite loqui advérsus Deum iniquitatem. *Ps.* Confitébimur. 91.

Ant. Terra trémuit et quíevit, dum exúrgeret in iudicio Deus. *Ps.* Notus in Judæa. 92.

Ant. In die tribulatiónis meæ Deum exquisívi máni-bus meis. *Ps.* Voce mea. 92.

V. Exúrge, Dómine. *R.*

Et iudica causam meam.

Pater noster secreto.

De Epístola j. beáti Pauli Apóstoli ad Corinthios.

Lectio vij. Cap. 11. d

HOC autem præcipio : non laudans, quod non in mélius, sed in detérius convenitis. Primum quidem conveniéntibus vobis in Ecclésiám, áudio scissúras esse inter vos, et ex parte credo. Nam opórtet et hæreses esse, ut et qui probáti sunt, manifesti fiant in vobis. Conveniéntibus ergo vobis in unum, jam non est Domínicam cœnam manducáre. Unusquisque enim suam cœnam præsumit ad manducándum. Et álius quidem ésurit, álius autem ébrius est. Numquid domos non habétis ad manducándum et bibéndum? aut Ec-

clésiám Dei contémnitis, et confunditis eos, qui non habent? Quid dicam vobis? Laudo vos? in hoc non laudo.

R. Eram quasi agnus innocens : ductus sum ad immolándum, et nesciébam : consílium fecérunt inimici mei advérsus me dicétes :

* Veníte, mittámus lignum in panem ejus, et eradámus eum de terra vivéntium. *V.* Omnes inimici mei advérsus me cogitábant mala mihi : verbum iníquum mandavérunt advérsus me, dicétes. Veníte.

Lectio viij.

EGO enim accépi a Dómino quod et tráddidi vobis, quóniam Dóminus Jesus in qua nocte tradébatur, accépit panem, et grátias agens fregit, et dixit : Accípите, et manducáte : hoc est corpus meum, quod pro vobis tradétur : hoc facite in meam commemoratiónem. Similiter et cálicem, postquam cœnavit, dicens : Hic calix novum testaméntum est in meo ságuine. Hoc facite quotiescúmque bibétis, in meam commemoratiónem. Quotiescúmque enim manducábitis panem hunc et cálicem bibétis, mortem Dómini annuntiábitis donec véniat.

R. Una hora non potuístis vigiláre mecum, qui ex-

hortabámini mori pro me?

* Vel Judam non vidétis, quómodo non dormit, sed festinat trádere me Judæis?

Ÿ. Quid dormitis? súrgite, et oráte, ne intrétis in tentatióem. Vel Judam.

Lectio ix.

ITAQUE quicúmque manducáverit panem hunc, vel biberit cálicem Dómini indigne, reus erit córporis, et sanguíinis Dómini. Probet autem seípsum homo: et sic de pane illo edat, et de cálice bibat. Qui enim manducat et bibit indigne, iudícium sibi mandúcat, et bibít, non dijudicans corpus Dómini. Ideo inter vos multi infirmi et imbecílles, et dórmunt multi. Quod si nosmetípsos dijudicáremus, non útique judicáremur. Dum judicámur autem, a Dómino corripimur, ut non eum hoc mundo damnémur. Itaque, fratres mei, cum convenítis ad manducándum, invicem expectáte. Si quis ésurit, domi mandúcet: ut non in iudícium conveniátis. Cétera autem, cum vénero, dispónam.

Ÿ. Senióres pópuli consílium fecérunt, * Ut Jesum dolo tenérent, et occiderent: cum gládiis et fústibus exiérunt tamquam ad latrónem. Ÿ. Collegérunt Pontífices et Pharisæi concílium. Ut. Senióres.

Ad Laudès. Afæ.

1. Justificéris, Dómine, in sermónibus tuis, et vincas cum iudicáris. *Ps. Miserére. 60.*

2. Dóminus tamquam ovis ad víctimam ductus est, et non apéruit os suum. *Ps. Dómine, refúgium. 98.*

3. Contritum est cor meum in médio mei, contremuérunt ómnia ossa mea. *Ps. Deus, Deus meus. 19.*

4. Exhortátus es in virtúte tua, et in refectione sancta tua, Dómine. *Cant. Cantemus Dómino. 99.*

5. Oblátus est quia ipse vóluit, et peccáta nostra ipse portávit. *Ps. Laudáte Dóminum de cœlis. 21.*

Capitulum. et Hymnus non dicuntur.

Ÿ. Homo pacis meæ, in quo sperávi. Ÿ. Qui edébat panes meos, ampliávit advérsum me supplantatióem.

Ad Benedictus. Afæ.

Tráditor autem dedit eis signum, dicens: Quem osculátus fuero, ipse est, tenéte eum.

Interim dum dicitur Canticum. Benedictus, extinctis prius omnibus candelis in candelabro triangulari, præter unam, quæ posita est in summitate candelabri, extinguuntur paulatim sex candelæ positæ a principio supra Altare, ita ut in ultimo Versu extinguatur ultima candela: similiter extin-

guuntur lampades et luminaria per Ecclesiam. Cum repetitur **Añã Tráditor**, accipitur suprema candelabro, et absconditur sub Altari in cornu Epistolæ. Repetita **Añã post Benedictus**, dicitur **Ÿ**. Christus factus est pro nobis obédiens usque ad mortem. **Secunda nocte additur** : Mortem autem crucis **Tertia nocte additur** : Propter quod et Deus exaltávit illum, et dedit illi nomen, quod est super omne nomen.

Et sic dicitur etiam per omnes Horas diei.

Cum incipitur Ÿ. Christus factus est, omnes genuflectunt, et eo finito, dicitur Pater noster, totum sub silentio. Postea aliquantulum altius :

Psalmus 50.

MISERERE mei, Deus, * secundum magnam misericórdiam tuam.

Et secundum multitudinem miserationum tuarum, * dele iniquitatem meam.

Amplius lava me ab iniquitate mea : * et a peccato meo munda me.

Quóniam iniquitatem meam ego cognósco : * et peccatum meum contra me est semper.

Tibi soli peccávi, et malum coram te feci : * ut justificeris in sermónibus tuis, et vincas cum iudicáris.

Ecce enim in iniquitatibus concéptus sum : * et in peccátis concépit me mater mea.

Ecce enim veritatem dilexisti : * incérta et occulta sapiéntiæ tuæ manifestásti mihi.

Aspérge me hyssópo, et mundabor : * lavábis me, et super nivem dealbabor.

Auditui meo dabis gáudium et lætitiám : * et exultábunt ossa humiliáta.

Avérte faciém tuam a peccátis meis, * et omnes iniquitátes meas dele.

Cor mundum crea in me Deus : * et spíritum rectum innova in viscéribus meis.

Ne projicias me a faciē tua : * et spíritum sanctum tuum ne áuferas a me.

Redde mihi lætitiám salutaris tui : * et spíritu principáli confirma me.

Docébo iníquos vias tuas : * et impii ad te converténtur.

Libera me de sanguinibus Deus, Deus salutis meæ : * et exultábit lingua mea iustitiám tuam.

Dómine, lábia mea apéries : * et os meum annuntiábit laudem tuam.

Quóniam si voluisses sacrificium, dedissem útique : * holocáustis non delectaberis.

sacrificium Deo spíritus contribulátus : * cor con-

tritum, et humiliatum Deus non despiciet.

Benigne fac, Dómine, in bona voluntate tua Sion : * ut ædificentur muri Jerúsalem.

Tunc acceptabis sacrificium justitiæ, oblationes, et holocausta : * tunc imponent super altare tuum vitulos.

Quo finito, sine Orémus, dicitur simili voce.

Oratio.

RESPICE, quæsumus Dómine, super hanc familiam tuam, pro qua Dóminus noster Jesus Christus non dubitavit manibus tradi nocentium, et crucis subire tormentum. **Sed Qui tecum vivit, dicitur sub silentio.**

Finita Oratione, fit fragor et strepitus aliquantulum : mox profertur candela accensa de sub Altari, et omnes surgunt, et cum silentio discedunt.

AD HORAS,

Prima, Tertia, Sexta et Nona, dictis secreto Pater noster, Ave María, et ad Primam, Credo, absolute inchoantur a Psalmis consuetis, qui ad Primam sunt, ut in Festis : quibus finitis, dicitur Ÿ. Christus factus est, etc. flexis genibus : et dicitur secreto. Pater noster. Psalm. Miserere mei, Deus. 259. et Oratio. Respice, quæsumus, ut in Laudibus.

In hoc triduo non annuntiatur aliquid de Martyrologio, nec dicitur Pretiosa.

AD VESPERAS.

Vesperæ, dicto secreto. Pater noster, Ave María, inchoantur absolute a prima Aña sine cantu.

Aña. Cálicem salutáris accipiam, et nomen Dómini invocábo.

Psalmus 115.

CREDIDI, propter quod locutus sum : * ego autem humiliatus sum nimis.

Ego dixi in excéssu meo : * Omnis homo mendax.

Quid retribuam Dómino, * pro ómnibus, quæ retribuit mihi ?

Cálicem salutáris accipiam : * et nomen Dómini invocábo.

Vota mea Dómino reddam coram omni pópulo ejus : * pretiosa in conspéctu Dómini mors sanctórum ejus. O Dómine, quia ego servus tuus : * ego servus tuus, et filius ancillæ tuæ.

Dirupisti víncula mea : * tibi sacrificábo hóstiam laudis : et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui Jerúsalem.

Aña. Cálicem salutáris accipiam, et nomen Dómini invocábo.

Aña. Cum his qui odérunt

pacem, eram pacificus: dum loquébar illis, impugnábant me gratis.

Psalmus 119.

Ad Dóminum cum tribulárer clamávi: * et exaudivit me.

Dómine, libera ánimã meam a lábiis iníquis, * et a lingua dolósa.

Quid detur tibi, aut quid apponátur tibi, * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum incola fuit ánima mea.

Cum his, qui odérunt pacem, eram pacificus? * cum loquébar illis, impugnábant me gratis.

Añs. Cum his qui odérunt pacem, eram pacificus: dum loquébar illis, impugnábant me gratis.

Añs. Ab homínibus iníquis libera me, Dómine.

Psalmus 139.

Eripe me, Dómine, ab hómine malo, * a viro iníquo éripe me.

Qui cogitavérunt iniquitátes in corde: * tota die constituébant prælia.

Acuérunt linguas suas sicut serpéntis: * venénium áspidum sub lábiis eórum.

Custódi me, Dómine, de ma-

nu peccatóris: * et ab homínibus iníquis éripe me.

Qui cogitavérunt supplantáre gressus meos: * abscondérunt supérbi láqueum mihi:

Et funes extendérunt in láqueum: * juxta iter scándalum posuérunt mihi.

Dixi Dómino: Deus meus es tu: * exáudi, Dómine, vocem deprecationis meæ.

Dómine, Dómine virtus salutis meæ: * obumbrásti super caput meum in die belli:

Ne tradas me, Dómine, a desidério meo peccatóri: * cogitavérunt contra me, ne derelínquas me, ne forte exalténtur.

Caput circúitus eórum, * labor labiórum ipsórum opériet eos.

Cadent super eos carbónes, in ignem deícies eos: * in misériis non subsístent.

Vir linguósus non dirigétur in terra: * virum injústum mala cápiunt in intéritu.

Cognóvi quia fáciat Dóminus júdicium inopis: * et vindictam páuperum.

Verúmtamen justí confitebúntur nómini tuo: * et habitábunt recti cum vultu tuo.

Añs. Ab homínibus iníquis libera me, Dómine.

Añs. Custódi me a láqueo, quem statuérunt mihi, et a scándalis operántium iniquitátem.

Psalmus 140.

DOMINE, clamávi ad te, ex-
 áudi me : * inténde voci
 meæ, cum clamávero ad te.

Dirigátur orátio mea sicut
 incénsus in conspéctu tuo :
 * elevátio mánuum meárum
 sacrificium vespertinum.

Pone, Dómine, custódiam
 ori meo : * et óstium circum-
 stántiæ lábiis meis.

Non declínes cor meum in
 verba malítiæ, * ad excu-
 sándas excusatiónes in pec-
 cátis.

Cum homínibus operántibus
 iniquitatem : * et non com-
 municábo cum eléctis eórū.

Corrípiet me justus in mi-
 sericórdia, et increpábit me :
 * óleum autem peccatóris
 non impínguet caput meum.

Quóniam adhuc et orátio
 mea in beneplácitis eórum :
 * absórpti sunt juncti petræ
 júdices eórum.

Audient verba mea quón-
 iam potuérunt : * sicut
 crassitúdo terræ erúpta est
 super terram.

Dissipáta sunt ossa nostra
 secus inférnum : * quia ad
 te, Dómine, Dómine, óculi
 mei : in te sperávi, non
 áuferas ánimam meam.

Custódi me a láqueo, quem
 statuérunt mihi : * et a
 scándalis operántium ini-
 quitatem.

Cadent in retiáculo ejus pec-
 catóres : * singuláriter sum
 ego donec tránseam.

Aña. Custódi me a láqueo,
 quem statuérunt mihi, et a
 scándalis operántium ini-
 quitatem.

Aña. Considerábam ad dé-
 xteram, et vidébam, et non
 erat qui cognósceret me.

Psalmus 141.

VOCÉ mea ad Dóminum
 clamávi : * voce mea ad
 Dóminum deprecátus sum :
 Effúndo in conspéctu ejus
 oratióem meam, * et tri-
 bulatióem meam ante ip-
 sum pronúntio.

In deficiéndo ex me spíri-
 tum meum, * et tu cognóvi-
 sti sémitas meas.

In via hac, qua ambulá-
 bam, * abscondérunt lá-
 queum mihi.

Considerábam ad dexteram,
 et vidébam : * et non erat
 qui cognósceret me.

Périit fuga a me, * et non est
 qui requirat ánimam meam.

Clamávi ad te, Dómine, *
 dixi : Tu es spes mea, pórt-
 tio mea in terra vivéntium.

Inténde ad deprecatióem
 meam : * quia humiliátus
 sum nimis.

Libera me a persecuéntibus
 me : * quia confortáti sunt
 super me.

Educe de custódia ánimam
 meam ad confiténdum nó-
 mini tuo : * me expéctant
 justí, donec retribuas mihi.

Aña. Considerábam ad dé-
 xteram, et vidébam, et non
 erat qui cognósceret me.

Capit. Hymnus et ꝥ. non dicuntur in hoc triduo.

Ad Magnificat, Añā.

Cœnantibus autem illis, accepit Jesus panem, et benedixit, ac fregit, deditque discipulis suis. ꝥ. Christus factus est, cum reliquis ut in Laud. 259.

Ad Completorium non dicitur Jube, domne, nec Lectio br., nec Adjutorium, neque Oratio Dominica: sed facta Confessione et Absolutione, incipitur a Ps. Cum invocarem. Dictis Psalmis, dicitur Nunc dimittis. Deinde ꝥ. Christus factus est, cum reliq. ut ad Laud. 259.

Sic terminantur omnes Horæ in hoc triduo, usque ad Vesperas Sabbati sancti. FER. VI. IN PARASCEVE.

Ad Matutinum.

In primo Nocturno.

Añā. Astiterunt reges terræ, et principes convenérunt in unum, advérsus Dóminum, et advérsus Christum ejus.

Ps. Quare fremuérunt. 4.

Añā. Divisérunt sibi vestiménta mea, et super vestem meam misérunt sortem. **Ps.**

Deus, Deus meus, respice. 34.

Añā. Insurrexérunt in me testes iniqui, et mentita est iniquitas sibi. **Ps. D**óminus illuminatio. 49.

ꝥ. Divisérunt sibi vestiménta mea. **R.** Et super vestem meam misérunt sortem. **P**ater noster, *secreto.*

De Lamentatióne Jeremiæ Prophætæ.

Lectio j. Cap. 2. Ieth.

COGITAVIT Dóminus dissipare murum filię Sion: teténdit funiculum suum, et non avértit manum suam a perditione: luxítque antemurále, et murus páriter dissipátus est.

Ieth. Defixæ sunt in terra portæ ejus: pérdidit, et contrívit vectes ejus: regem ejus et príncipes ejus in géntibus: non est lex, et prophætæ ejus non invenérunt visiónem a Dómino.

Jod. Sedérunt in terra, contricuérunt senes filię Sion: conspersérunt cinere cápita sua, accíncti sunt ciliciis, abjecérunt in terram cápita sua vírgines Jerúsalem.

Caph. Defecérunt præ lácrymis óculi mei, conturbáta sunt viscera mea: effúsum est in terra jecur meum super contritióne filię pópuli mei, cum deficeret párvulus, et lactens in platéis óppidi.

Jerúsalem, Jerúsalem, contrétere ad Dóminum Deum tuum.

R. Omnes amici mei dereliquérunt me, et prævaluérunt insidiántes mihi: trádidit me quem diligébam: * Et terribílibus óculis plaga crudéli percutiéntes: acéto potábant me. **V.** Inter iniquos projecérunt me, et non pepercérunt animæ meæ. Et.

Lectio ij. Iamed.

MATRIBUS suis dixerunt :
Ubi est triticum et vinum? cum deficerent quasi vulnerati in plateis civitatis : cum exhalarent animas suas in sinu matrum suarum.

Mem. Cui comparabo te? vel cui assimilabo te, filia Jerusaleme? cui exaequabo te, et consolabor te, virgo filia Sion? magna est enim velut mare contritio tua : quis medebitur tui?

Nun. Prophetæ tui viderunt tibi falsa, et stulta, nec aperiébant iniquitatem tuam, ut te ad poenitentiam provocarent : viderunt autem tibi assumptiones falsas, et ejectiones.

Samech. Plausérunt super te manibus omnes transeúntes per viam : sibilavérunt, et movérunt caput suum super filiam Jerusaleme : Hæccine est urbs, dicentes, perfecti decóris, gaudium universæ terræ?

Jerusalem, Jerusalem, convertere ad Dóminum Deum tuum.

R. Velum templi scissum est : * Et omnis terra tremuit : latro de cruce clamabat, dicens : Meménto mei, Dómine, dum véneris in regnum tuum. **V.** Petrae scissæ sunt, et monuménta apérta sunt, et multa corpora sanctórum, qui dormierant, surrexérunt. Et.

Lectio iij. Cap. 3. Aleph.

EGO vir videns paupertatem meam in virga indignationis ejus.

Aleph. Me minávit, et adduxit in ténebras, et non in lucem.

Aleph. Tantum in me vertit, et convertit manum suam tota die.

Beth. Vetústam fecit pellem meam, et carnem meam, contrivit ossa mea.

Beth. Aedificávit in gyro meo, et circumdedit me felle, et labóre.

Beth. In tenebrósis collocávit me, quasi mórtuos sempiternos.

Ghimel. Circumnædificávit adversum me ut non egrédiar : aggravávit cómpedem meum.

Ghimel. Sed et cum clamávero, et rogávero, exclusit orationem meam.

Ghimel. Conclusit vias meas lapídis quadris, sémitas meas subvertit.

Jerusalem, Jerusalem, convertere ad Dóminum Deum tuum.

R. Vinea mea elécta, ego te plantávi : * Quómodo conversas es in amaritudinem, ut me crucifigeres, et Barábbam dimitteres? **V.** Sepivi te, et lapides elégi ex te, et ædificávi turrim. Quómodo. **Vinea.**

In secundo Nocturno.

Ana. Vim faciébant, qui quærébant animam meam. **Ps.** Dómine, ne in furóre.

Añā. Confundāntur et revereāntur, qui quærunť animam meam, ut auferant eam. **Ps.** Expéctans. 64.

Añā. Aliení insurrexérunt in me, et fortes quæsiérunt animam meam. **Ps.** Deus in nómine tuo. 31.

ŷ. Insurrexérunt in me testes iniqui. **R̃.** Et mentita est iniquitas sibi. **Pater noster, secreto.**

Ex Tractātu S. Augustíni Episcopi super Psalmos.

Lectio iv. In Ps. 63.

PROTEXISTI me, Deus, a convéntu malignántium, a multitudine operántium iniquitatem. Jam ipsum caput nostrum intueámur. Multi mártýres tália passi sunt; sed nihil sic elúcet, quómodo caput mártýrum: ibi mélius intuémur, quod illi expérti sunt. Protéctus est a multitudine malignántium, protegénte se Deo, protegénte carnem suam ipso Filio, et hómine; quem gerébat: quia filius hóminis est, et Filius Dei est. Filius Dei, propter formam Dei: filius hóminis, propter formam servi, habens in potestáte pónere animam suam, et recipere eam. Quid ei potuérunt fácere inimíci? Occidérunt corpus, animam non occidérunt. Inténdite. Parum ergo erat Dóminum hortári mártýres verbo, nisi firmáret exémplo.

R̃. Tamquam ad latrónem existis cum gládiis et fústibus comprehendere me: * Quotidie apud vos eram in templo docens, et non me tenuístis: et ecce flagellátum dúcitis ad crucifigéndum. **ŷ.** Cumque iniecissent manus in Jesum, et tenuissent eum, dixit ad eos. Quotidie.

Lectio v

NOSTIS qui convéntus erat malignántium Judæórum, et quæ multitúdo erat operántium iniquitatem. Quam iniquitatem? Quia voluérunt occidere Dóminum Jesum Christum. Tanta ópera bona, inquit, osténdi vobis: propter quod horum me vultis occidere? Pértulít omnes infirmos eórum, curávit omnes lánguidos eórum, prædicávit regnum cœlórum, non tácuit vitia eórum; ut ipsa pótius eis displicérent, non médicus a quo sanabántur. His ómnibus curatióibus ejus ingrátí, tamquam multa febre phrenétici, insaniéntes in médicum qui vénerat curáre eos, excogitavérunt consiliū perdéndi eum: tamquam ibi voléntes probáre, utrum vere homo sit, qui mori possit, an áliquid super hómines sit, et mori se non permittat. Verbum ipsórum agnóscimus in Sapientiá Salomónis: Morte turpíssima, inquit, con-

dennémus eum. Interrogé-
mus eum : erit enim respé-
ctus in sermónibus illius.
Si enim vere Filius Dei est,
liberet eum.

¶ Ténabræ factæ sunt,
dum crucifixissent Jesum
Judæi : et circa horam no-
nam exclamavit Jesus voce
magna : Deus meus , ut
quid me dereliquisti ? * Et
inclinato cápite emisit spi-
ritum. **¶** Exclamans Jesus
voce magna , ait : Pater , in
manus tuas comméndo spi-
ritum meum. Et.

Lectio vi.

EXACUERUNT tamquam glá-
dium linguas suas. Non
dicant Judæi : Non occídi-
mus Christum. Etenim pro-
ptérea eum dedérunt júdici
Piláto , ut quasi ipsi a mor-
te ejus videréntur immúnes.
Nam cum dixisset eis Pilá-
tus : Vos eum occídite : re-
spondérunt : Nobis non licet
occidere quemquam. Ini-
quitátem facínoris sui in
júdicem hóminem refundere
volébant : sed numquid
Deum júdicem fallébant ?
Quod fecit Pilátus , in eo
ipso quod fecit , aliquán-
tum párticeps fuit : sed in
comparatióne illórum multo
ipse innocéntior. Institit
enim quantum pótuít , ut
illum ex eórum mánibus
liberáret : nam proptérea
flagellátum prodúxit ad eos.
Non persequéndo Dóminum

flagellávit , sed eórum fu-
róri satisfácere volens : ut
vel sic jam mitéscerent , et
desínerent velle occidere ,
cum flagellátum vidérent.
Fecit et hoc. At ubi perse-
veravérunt , nostis illum
lavisse manus , et dixisse ,
quod ipse non fecisset ,
mundum se esse a morte
illius. Fecit tamen. Sed si
reus , quia fecit vel invítus :
illi innocéntes , qui coegé-
runt ut fáceret ? Nullo modo.
Sed ille dixit in eum sen-
téntiam , et jussit eum cruci-
figi , et quasi ipse occídít ;
et vos , o Judæi , occidístis.
Unde occidístis ? Gládio lin-
guæ : acuístis enim linguas
vestras. Et quando percus-
sistis , nisi quando clamá-
stis : Crucifige , crucifige.
¶ Animam meam dilé-
ctam trádidi in manus ini-
quórum , et facta est mihi
heréditas mea sicut leo in
silva : dedit contra me vo-
ces adversárius , dicens :
Congregámini , et prope-
ráte ad devorándum illum :
posuérunt me in desérto so-
litúdinis , et luxit super me
omnis terra : * Quia non
est invéntus qui me agnó-
sceret et fáceret bene. **¶**
Insurrexérunt in me viri
absque misericórdia , et non
pepercérunt ánimæ meæ.
Quia. Animam.

In tertio Nocturno.

Añá. Ab insurgéntibus in

me libera me, Dómine, quia occupavérunt ánimam meam. **Ps.** Eripe me. 78.

Ana. Longe fecisti notos meos a me : tráditus sum, et non egrediébar. **Ps.** Dómine Deus salutis. 103.

Ana. Captábunt in ánimam justí, et sánguinem innocentem condemnábunt. **Ps.** Deus ultiónum. 108.

Ÿ. Locúti sunt advérsus me lingua dolósa. **R.** Et sermónibus ódii circumdedérunt me, et expugnavérunt me gratis. **Pater noster, secreto.**

De Epístola beáti Pauli Apóstoli ad Hebræos.

Lectio vij. Cap. 4. et 5.

FESTINEMUS ingredi in illam réquiem : ut ne in idípsum quis incidat incredulitátis exéplum. Vivus est enim sermo Dei, et éfficax, et penetrabílior omni gládio ancípiti : et pertíngens usque ad divisióem ánimæ ac spíritus, compágum quoque ac medullárum, et discrétor cogitátionum et intentiónum cordis. Et non est ulla creatúra invisibilis in conspéctu ejus : ómnia autem nuda et apérta sunt óculis ejus, ad quem nobis sermo. Habéntes ergo Pontíficem magnum, qui penetrávit cœlos, Jesum Filium Dei, teneámus confessiónem. Non enim habémus Pontíficem, qui non possit cómpati infirmitati-

bus nostris : tentátum autem per ómnia pro similitúdine absque peccáto.

R. Tradidérunt me in manus impiórum, et inter iníquos projecérunt me, et non pepercérunt ánimæ meæ : congregáti sunt advérsus me fortes : * Et sicut gigántes stetérunt contra me. **Ÿ.** Aliéni insurrexérunt advérsus me, et fortes quæsiérunt ánimam meam. Et.

Lectio viij.

ADEAMUS ergo cum fidúcia ad thronum grátiae : ut misericórdiam consequámur, et grátiam inveniámus in auxilio opportúno. Omnis namque Póntifex ex homínibus assúptus, pro homínibus constitúitur in iis, quæ sunt ad Deum, ut offerat dona et sacrificia pro peccátis : qui condolére possit iis, qui ignorant, et errant : quóniam et ipse circúmdatus est infirmitate : et proptérea debet, quemádmódum pro pópulo, ita étiam et pro semetípso offerre pro peccátis.

R. Jesum trádidit impius summis princípibus sacerdotum, et senióribus pópuli : * Petrus autem sequebátur eum a longe, ut vidéret finem. **Ÿ.** Adduxérunt autem eum ad Cáipham principem sacerdotum, ubi Scribæ et Pharisæi convénérant. Petrus.

Lectio ix.

NEC quisquam sumit sibi honórem, sed qui vocá-tur a Deo, tamquam Aaron. Sic et Christus non semet-ípsium clarificávit ut Póntifex fieret : sed qui locútus est ad eum : Fílius meus es tu , ego hódie génui te. Quemádmódum et in álio loco dicit : Tu es sacérdos in ætérnum secúndum ór-dinem Melchisedech. Qui in diébus carnis suæ preces supplicationésque ad eum , qui possit illum salvum fá-cere a morte , cum clamóre válido , et lácrymis óffe-rens, exauditus est pro sua reveréntia. Et quidem cum esset Fílius Dei , didicit ex iis quæ passus est , obe-diéntiam : et consummátus, factus est ómnibus obtem-perántibus sibi , causa sa-lútis ætérnæ , appellátus a Deo Póntifex juxta ór-dinem Melchisedech.

It. Caligavérunt óculi mei a fletu meo : quia elongátus est a me , qui consolabá-tur me. Vidéte, omnes pópuli, * Si est dolor símilis sicut dolor meus. **Y.** O vos omnes, qui transítis per viam , at-téndite et vidéte. Si. Cali-gavérunt.

Ad Laudes. Añæ.

1. Próprio Filio suo non pépercit Deus, sed pro nobis ómnibus trádidit illum. **Ps.** Miserére. 60.

2. Anxiátus est super me spíritus meus, in me turbá-tum est cor meum. **Ps.** Dó-mine, exáudi oratióem. 410.

3. Ait latro ad latrónem : Nos quidem digna factis re-cipimus, hic autem quid fecit ? Meménto mei, Dómi-ne, dum véneris in regnum tuum. **Ps.** Deus Deus. 49.

4. Cum conturbáta fúerit ánima mea, Dómine, mise-ricórdiæ memor eris. **Cant.** Dómine, audívi auditióem. 441.

5. Meménto mei, Dómine , dum véneris in regnum tuú. **Ps.** Laudáte Dóminum de cœlis. 21.

Y. Collocávit me in obscu-ris. **R.** Sicut mórtuos sæculi.

Ad Benedictus, Añæ.

Posuérunt super caput ejus causam ipsíus scriptam : Jesus Nazarénus , Rex Ju-dæórum.

Y. Christus factus est pro nobis obédiens usque ad mortem, mortem autem crucis. **Pater noster, secre-ta.** **Ps.** Miserére, et **Oratio.** **Réspice.** 259.

Ad Vesperas. Añæ et Psal-mi præteriti diei dicuntur sine cantu. 260.

Ad Magnificat. Añæ.

Cum accepísset acétum, di-xit : Consummátum est : et inclináto cápite emísit spi-ritum.

Y. Christus factus est , et alia ut supra ad Laudes.

SABBATO SANCTO.

Ad Matutinum.

In primo Nocturno.

Añã. In pace in idipsum dormiam, et requiescam.**Psal.** Cum invocarem. 154.**Añã.** Habitabit in tabernaculo tuo, requiescet in monte sancto tuo. **Ps.** Dómine, quis habitabit. 10.**Añã.** Caro mea requiescet in spe. **Ps.** Consérva me. 11.**V.** In pace in idipsum. **R.** Dormiam, et requiescam.**Pater noster, secreto.**

De Lamentatione Jeremiæ Prophætæ.

Lectio. j. Cap. 3. Heth.**M**ISERICORDIÆ Dómini quia non sumus consumpti : quia non defecerunt miserationes ejus.**Heth.** Novi dilúculo, multa est fides tua.**Heth.** Pars mea Dóminus, dixit ánima mea : propterea expectabo eum.**Teth.** Bonus est Dóminus sperantibus in eum, animæ quærenti illum.**Teth.** Bonum est præstolari cum siléntio salutáre Dei.**Teth.** Bonum est virò, cum portáverit jugum ab adolescentia sua.**Iod.** Sedébit solitarius, et tacébit : quia levávit super se.**Iod.** Ponet in pulvere os suum, si forte sit spes.**Iod.** Dabit percutiénti se maxillam, saturábitur opprobriis.

Jerúsalem, Jerúsalem, convertere ad Dóminum Deum tuum.

R. Sicut ovis ad occisionem ductus est, et dum male tractarétur, non apérui os suum : tráditus est ad mortem, * Ut vivificáret pópulum suum. **R.** Trádidit in mortem ánimam suam, et inter scelerátos reputátus est. Ut.**Lectio ij. C. 4. Aleph.****Q**UOMODO obscurátum est aurum, mutátus est color óptimus, dispérsi sunt lápides sanctuárii in cápite ómnium plateárum?**Beth.** Fílii Sion inclyti, et amícti auro primo : quómodo reputáti sunt in vasa téstea, opus mánuum figuli?**Ghimel.** Sed et Lámiæ nudavérunt mammam, lactavérunt catulos suos : filia pópuli mei crudélis, quasi strúthio in desérto.**Daleth.** Adhæsit lingua lacténtis ad palátum ejus in siti : párvuli petiérunt panem, et non erat qui frangeret eis.**He.** Qui vescebántur voluptuóse, interiérunt in viis : qui nutríebántur in cróceis, amplexáti sunt stércora.**Vau.** Et major effécta est iniquitas filiæ pópuli mei peccáto Sodomórum, quæ subvérta est in moménto, et non cepérunt in ea manus.**J**erúsalem, Jerúsalem, con-

vertere ad Dóminum Deum tuum.

R. Jerúsalem surge, et éxue te véstibus jucunditátis : indüere cinere, et cilicio : * Quia in te occísus est Salvátor Israel. **Ÿ.** Deduc quasi torréntem lácrymas per diem et noctem, et non táceat pupilla óculi tui. Quia.

Incipit Orátio Jeremiæ
Prophétæ.

Lectio iij. Cap. 5.

RECORDARE, Dómine, quid accidit nobis : intuere et réspice oppróbrium nostrum. Heréditas nostra versa est ad aliénos : domus nostræ ad extráneos. Pupilli facti sumus absque patre, matres nostræ quasi víduæ. Aquam nostram pecúnia bibimus, ligna nostra prétio comparávimus. Cervicibus nostris minabámur, lassissimis non dabátur réquies. Ægypto dédimus manum, et Assyriis, ut saturarémur pane. Patres nostri peccavérunt, et non sunt : et nos iniquitátes eórum portávimus. Servi domináti sunt nostri : non fuit qui redimeret de manu eórum. In animábus nostris afferebámus panem nobis a fácie gládii in desérto. Pellis nostra, quasi clíbanus exústa est a fácie tempestátum famis. Mulieres in Sion humiliavérunt, et vírgines in civitatibus Juda.

Jerúsalem, Jerúsalem, con-

vertere ad Dóminum Deum tuum.

R. Plange quasi virgo, plebs mea : ululáte pastóres in cinere et cilicio : * Quia venit dies Dómini magna, et amára valde. **Ÿ.** Accíngite vos sacerdótes, et plángite ministri altáris, aspérgite vos cinere. Quia. Plange.

In secundo Nocturno.

Aña. Elevámini portæ æternáles, et introíbit Rex glóriæ. **Ps.** Dñi est terra. 32.

Aña. Credo vidére bona Dómini in terra vivéntium. **Ps.** Dóminus illuminátio. 49.

Aña. Dómine, abstraxisti ab inferis ánimam meam. **Ps.** Exaltábo te, Dómine. 51

Ÿ. Tu autem, Dómine, miserére mei. **R.** Et resúscita me, et retríbuam eis. **Pater**

noster, **secreto.**

Ex Tractátu S. Augustini
Episcopi super Psalmos.

Lectio iv.

In Psalm. 63. vers. 7.

ACCEDET homo ad cor altum, et exaltábitur Deus. Illi dixerunt : Quis nos vidébit ? Defecerunt scrutántes scrutatiónes, consília mala. Accéssit homo ad ipsa consília, passus est se teneri ut homo. Non enim tenerétur nisi homo, aut viderétur nisi homo, aut caderétur nisi homo, aut crucifigerétur, aut morerétur nisi homo. Accéssit ergo homo ad illas omnes pas-

siones, quæ in illo nihil valerent, nisi esset homo. Sed si ille non esset homo, non liberaretur homo. Accessit homo ad cor altum, id est, cor secretum, obiciens aspectibus humanis hominem, servans intus Deum: celans formam Dei, in qua æqualis est Patri, et offerens formam servi, qua minor est Patre.

¶ Recessit pastor noster, fons aquæ vivæ, ad cujus transitum sol obscuratus est: * Nam et ille captus est, qui captivum tenebat primum hominem: hodie portas mortis, et seras pariter Salvator noster dirupit. ¶ Destruxit quidem claustra inferni, et subvertit potentias diaboli. Nam.

Lectio v.

QUO perduxerunt illas scrutationes suas, quas perscrutantes defecerunt, ut etiam mortuo Domino et sepulto, custodes ponerent ad sepulchrum? Dixerunt enim Pilato: Seductor ille: hoc appellabatur nomine Dominus Jesus Christus, ad solatium servorum suorum, quando dicuntur seductores. Ergo illi Pilato: Seductor ille, inquit, dixit adhuc vivens: Post tres dies resurgam. Jube itaque custodiri sepulchrum usque in diem tertium, ne forte veniant discipuli ejus, et fu-

rentur eum, et dicant plebi: Surréxit a mortuis: et erit novissimus error peior priore. Ait illis Pilatus: Habetis custodiam, ite, custodite sicut scitis. Illi autem abeuntes, muniérunt sepulchrum, signantes lapidem cum custodibus.

¶ O vos omnes, qui transitis per viam, attendite et videte, * Si est dolor similis sicut dolor meus. ¶ At tendite, universi populi, et videte dolorem meum. Si.

Lectio vj.

POSUERUNT custodes milites ad sepulchrum. Concussa terra Dominus resurrexit: miracula facta sunt talia circa sepulchrum, ut et ipsi milites, qui custodes advenerant, testes fierent, si vellent vera nuntiare. Sed avaritia illa, quæ captivavit discipulum comitem Christi, captivavit et militem custodem sepulchri. Damus, inquit, vobis pecuniam: et dicite, quia vobis dormientibus venerunt discipuli ejus, et abstulerunt eum. Vere defecerunt scrutantes scrutationes. Quid est quod dixisti, o infelix astutia? Tantumne deseris lucem consilii pietatis, et in profunda versutiae demergeris, ut hoc dicas: Dicite, quia vobis dormientibus venerunt discipuli ejus, et abstulerunt eum? Dormientes testes adhibes:

vere tu ipse obdormisti, qui scrutando talia defecisti.

R. Ecce quomodo moritur justus, et nemo percipit corde: et viri justi tolluntur, et nemo considerat: a facie iniquitatis sublatus est justus: * Et erit in pace memoria ejus. **V.** Tamquam agnus coram tondente se obmutuit, et non aperuit os suum: de angustia, et de judicio sublatus est. Et. **Ecce.**

In tertio Nocturno.

Añā. Deus adjuvat me, et Dominus susceptor est animæ meæ. **Ps.** Deus in nomine tuo. 31.

Añā. In pace factus est locus ejus, et in Sion habitatio ejus. **Ps.** Notus in Judæa. 92.

Añā. Factus sum sicut homo sine adiutorio, inter mortuos liber. **Ps.** Domine Deus salutis. 103.

V. In pace factus est locus ejus. **R.** Et in Sion habitatio ejus. **Pater noster, secreto.**

De Epistola beati Pauli Apostoli ad Hebræos.

Lectio vij. Cap. 9.

CHRISTUS assistens Pontifex futurorum bonorum, per amplius et perfectius tabernaculum non manufactum, id est, non hujus creationis; neque per sanguinem hircorum, aut vitulorum, sed per proprium sanguinem introivit semel in sancta; æterna redemptione inventa. Si enim san-

guis hircorum et taurorum, et cinis vitulæ aspersus, inquinatos sanctificat ad emundationem carnis: quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi?

R. Astiterunt reges terræ, et principes convenérunt in unum, * Adversus Dominum, et adversus Christum ejus. **V.** Quare fremuerunt gentes, et populi meditati sunt inania? Adversus.

Lectio viij.

ET ideo novi testamenti mediator est: ut morte intercedente, in redemptionem earum prævaricationum, quæ erant sub priori testamento, repromissionem accipiant, qui vocati sunt æternæ hereditatis. Ubi enim testamentum est, mors necesse est intercedat testatoris. Testamentum enim in mortuis confirmatum est: alioquin nondum valet, dum vivit qui testatus est. Unde nec primum quidem sine sanguine dedicatum est.

R. Estimatus sum cum descendéntibus in lacum: * Factus sum sicut homo sine adiutorio, inter mortuos liber. **V.** Posuerunt me in lacu inferiori, in tenebris, et in umbra mortis. Factus.

Lectio IX.

LECTO enim omni mandato legis a Moyse universo populo; accipiens sanguinem vitulorum, et hircorum, cum aqua et lana coelestina, et hyssopo; ipsum quoque librum, et omnem populum aspersionem, dicens; Hic sanguis testamenti, quod mandavit ad vos Deus. Etiam tabernaculum, et omnia vasa ministerii sanguine similiter aspersionem. Et omnia pene in sanguine secundum legem mundantur: et sine sanguinis effusione non fit remissio.

R. Sepulto Domino, signatum est monumentum, volventes lapidem ad ostium monumenti: * Ponentes milites, qui custodirent illum. **Y.** Accedentes principes sacerdotum ad Pilatum, petierunt illum. Ponentes. Sepulto.

Ad Laudes, Antiphona.

1. O mors, ero mors tua, morsus tuus ero, inferne.

Ps. Miserere. 60.

2. Plangent eum quasi unigenitum, quia innocens Dominus occisus est. **Ps.** Iudica me, Deus. 73.

3. Attendite, universi populi, et videte dolorem meum.

Ps. Deus Deus meus. 49.

4. A porta inferi erue, Domine, animam meam. **Cant.**

Ego dixi: In dimidio. 73.

5. O vos omnes qui trans-

itis per viam, attendite et videte, si est dolor sicut dolor meus. **Ps.** Laudate Dominum de coelis. 21.

Y. Caro mea requiescet in spe. **R.** Et non dabis sanctum tuum videre corruptionem.

Ad Benedictus. Antiphona.

Mulieres sedentes ad monumentum lamentabantur, flentes Dominum.

Y. Christus factus est pro nobis obediens usque ad mortem, mortem autem crucis: propter quod et Deus exaltavit illum, et dedit illi nomen, quod est super omne nomen.

Pater noster, secreto. Ps. Miserere, et **Oratio.** Respice. 259.

Et sic dicitur usque ad Nonam.

Dietis Horis, ut 260. dicitur Missa ut in Ordinario; et facta Communionem Sacerdotis, statim pro Vesperis dicitur.

Antiphona. Alleluia, alleluia, alleluia. **Ps.** Laudate Dominum, omnes gentes. 134.

Gloria Patri. Sicut erat.

Et repetitur Antiphona. Alleluia, alleluia, alleluia.

Capitulum, Hymnus et Y. non dicuntur.

Ad Magnificat. Antiphona.

Vespere autem sabbati, quae lucescit in prima sabbati, venit Maria Magdalena, et altera Maria videre sepulchrum, alleluia.

Canticum Magnificat. 133.
cum Glória Patri.

Et repetitur *Ana.* Vespere autem sabbati.

Deinde Sacerdos dicit :
Dóminus vobiscum.

Orémus. Oratio.

SPIRITUM nobis, Dómine,
tuæ charitátis infunde :
ut quos sacraméntis Pa-
schálibus satiasti, tua facias
pietáte concórdes. Per Dó-
minum. In unitáte ejúdem
Spíritus sancti.

Deinde Dóminus vobis-
cum.

Postea Diaconus dicit : Ite
missa est, allelúia, allelúia.
ñ. Deo grátias, allelúia,
allelúia.

Extra Chorum. dicto Pa-
ter noster, et Ave María,
Vesperæ inchoantur ab-
solute ab *Ana.* Allelúia, cum
reliquis ut supra. et loco
Ite missa est, allelúia, alle-
lúia, dicitur *ñ.* Benedicámus
Dómino, allelúia, allelúia.
ñ. Deo grátias, allelúia, al-
lelúia.

Deinde additur Pater no-
ster, et nihil aliud.

Ad Completorium. *ñ.*
Tube, domne. Lectio brevis
Fratres, Sóbrii estóte. *ñ.*
Adjutórium nostrum. Pater
noster, et facta Confessione

et Absolutione. dicitur *ñ.*
Convérte nos, Deus. *ñ.* Deus,
in adjutóriū meum inténde.
Glória Patri, et amplius non
dicitur. Laus tibi, Dómine,
Rex ætérnæ glóriæ, sed
ejus loco deinceps dicitur
Allelúia.

Deinde sine *Ana* dicuntur
Psalmi consueti.

Capitulum, *ñ.* et Hymnus
non dicuntur.

Ad Nunc dimittis. *Ana.*
Vespere autem sabbati. *ñ.*
Dóminus vobiscum. *ñ.* Et
cum spíritu tuo.

Oratio.

VISITA, quæsumus Dómi-
ne, habitatióem istam;
et omnes insídias inimíci ab
ea longe repélle : Angeli tui
sancti hábitent in ea, qui nos
in pace custódiant : et bene-
dictio tua sit super nos
semper. Per Dóminum.
ñ. Dóminus vobiscum. *ñ.*
Et cum spíritu tuo. *ñ.* Be-
nedicámus Dómino. *ñ.* Deo
grátias.

Benedictio. Benedicat, et
custódiat nos omnípotens et
miséricors Dóminus, Pater,
et Fílius, et Spíritus san-
ctus. *ñ.* Amen.

Ana. Regina cœli. 138.

Et non flectuntur genua
toto tempore Paschali.

DOMINICA

RESURRECTIONIS.

Ad Matutinum.

Pater noster. **A**ve María. **C**redo. **Ÿ** Dómine, lábia mea apéries. Deus in adiutorium meum. **G**loria Patri. Allelúia.

Invitatorium.

SURREXIT Dóminus vere, *
Allelúia. **P**s. Veníte. 2.

Hymni et Capitula non dicuntur in aliqua Horarum, usque ad Vesp. Sabbati in Albis, nec Versiculi, nisi in Nocturno.

Ad Nocturnum.

Añá. Ego sum qui sum, *
et consilium meum non est
cum impiis, sed in lege
Dómini volúntas mea est,
allelúia.

Psalmus 1.

BEATUS vir, qui non ábiit
in consilio impiórum, et
in via peccatórum non stetit, *
et in cáthedra pestiléntiæ non sedit :

sed in lege Dómini volúntas ejus, *
et in lege ejus meditábitur die ac nocte.

Et erit tamquam lignum,
quod plantátum est secus
decúrsus aquárum, * quod

fructum suum dabit in
témpace suo :

Et fólium ejus non défluet : *
et ómnia quæcúmque fáciat,
prosperabúntur.

Non sic impii, non sic : *
sed tamquam pulvis, quem
próicit ventus a fácie terræ.

Ideo non resúrgent impii
in iudicio : * neque peccatóres
in concílio justórum.
Quóniam novit Dóminus
viam justórum : * et iter
impiórum peribit.

Gloria Patri.

Añá. Ego sum qui sum, et
consilium meum non est cum
impiis, sed in lege Dómini
volúntas mea est, allelúia.

Añá. Postulávi * Patrem
meum, allelúia : dedit mihi
gentes, allelúia, in hereditátem,
allelúia.

Psalmus 2.

QUARE fremuérunt Gentes,
* et pópuli meditáti
sunt inánia ?

Astiterunt reges terræ, et
príncipes convenérunt in
unum * advérsus Dóminum,
et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cœlis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi Gentes hereditátem tuam, * et possessionem tuam términos terræ.

Reges eos in virga férrea, * et tamquam vas figuli confringes eos.

Et nunc, reges, intelligite : * crudimini qui judicátis terram.

Servite Dómino in timóre : * et exultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Añá. Postulávi Patrem meum, allelúia : dedit mihi gentes, allelúia, in hereditátem, allelúia.

Añá. Ego dormívi, * et somnum cépi : et exurréxi,

quóniam Dóminus suscepit me, allelúia, allelúia.

Psalms 138.

DOMINE, quid multiplicáti sunt qui tribulant me ? * multi insúrgunt adversum me.

Multi dicunt animæ meæ : * Non est salus ipsi in Deo ejus.

Tu autem, Dómine, susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exurréxi, quia Dóminus suscepit me.

Non timébo millia pópuli circumdántis me : * exúrge Dómine, salvum me fac, Deus meus.

Quóniam tu percussísti omnes adversántes mihi sine causa : * déntes peccatórum contrivísti.

Dómini est salus : * et super pópulum tuum benedictio tua.

Añá. Ego dormívi, et somnum cepi : et exurréxi, quóniam Dóminus suscepit me, allelúia, allelúia.

V. Surréxit Dóminus de sepúlchro, allelúia. **R.** Qui pro nobis pepéndit in ligno, allelúia.

Pater noster. **Absol.** Exaudi. **V.** Jube, domne. **Bened.** Evangélica léctio sit nobis salus et protéctio. **R.** Amen.

Lectio sancti Evangelii
secundum Marcum.

Lectio j. Cap. 16.

IN illo tempore : Maria
Magdalene, et Maria Ja-
cobi, et Salome emerunt
aromata, ut venientes un-
gerent Jesum. Et reliqua.

Homilia S. Gregorii Papæ.

Hom. 21. in Evang.

AUDISTIS, fratres charissi-
mi, quod sanctæ mulie-
res, quæ Dominum fuerant
secutæ, cum aromatibus ad
monumentum venerunt, et
ei, quem viventem dilixe-
rant, etiam mortuo, studio
humanitatis obsequuntur.
Sed res gesta aliquid in san-
cta Ecclesia signat geren-
dum. Sic quippe necesse est
ut audiamus quæ facta sunt,
quatenus cogitemus etiam
quæ nobis sint ex eorum
imitatione facienda. Et nos
ergo in eum, qui est mor-
tuus, credentes, si odore
virtutum referti, cum opi-
nionem bonorum operum Do-
minum quærimus, ad mo-
numentum profecto illius
cum aromatibus venimus.
Illæ autem mulieres Ange-
los vident, quæ cum aro-
matibus venerunt : quia vi-
delicet illæ mentes super-
nos cives aspiciunt, quæ cum
virtutum odoribus ad Domi-
num per sancta desideria
proficiscuntur.

R. Angelus Domini de-
scendit de cælo, et accé-

dens revolvit lapidem, et
super eum sedit, et dixit
mulieribus : * Nolite timé-
re : scio enim quia crucifi-
xum quæritis : jam surrexit :
venite, et videte locum,
ubi positus erat Dominus,
alleluia. **Ÿ.** Et introeúntes
in monumentum, viderunt
juvenem sedentem in dex-
tris, coopertum stola cân-
dida, et obstupuérunt : qui
dixit illis. Nolite. **Glória**
Patri, et Filio, et Spiritui
santo. Et repetitur R̃. An-
gelus Domini. **usque ad Ÿ.**
Deinde dicitur Ÿ. Jube, do-
mne, benedicere. **Benedictio.**
Divinum auxilium.

Lectio ij.

NOTANDUM vero nobis est,
quidnam sit, quod in
dextris sedere Angelus cér-
nitur. Quid namque per si-
nistram, nisi vita præsens :
quid vero per dexteram, nisi
perpétua vita designatur ?
Unde in Canticis Canticó-
rum scriptum est : Læva ejus
sub capite meo, et dextera
illius amplexabitur me. Quia
ergo Redemptor noster jam
præsentis vitæ corruptionem
transierat, recte Angelus,
qui nuntiare perpennem ejus
vitam venerat, in dextera
sedebat. Qui stola cándida
coopertus apparuit : quia
festivitatis nostræ gaudia
nuntiavit. Candor etenim
vestis, splendorem nostræ
denúntiat solemnitatis. No-

stræ dicâmus, an suæ? Sed ut fateâmur vèrius, et suæ dicâmus, et nostræ. Illa quippe Redemptôris nostri resurréctio et nostra festivitas fuit; quia nos ad immortalitatem redûxit: et Angelôrum festivitas éxtitit, quia nos revocâdo ad cœlestia, eôrum nûmerum implévit.

R. Cum transisset sabbatum, Mariâ Magdaléne, et Mariâ Jacôbi, et Salôme emérunt arómata, * Ut veniéntes úngerent Jesum, allelúia, allelúia. **Y.** Et valde mane una sabbatôrum véniunt ad monuméntum, orto jam sole. Ut. **Glória Patri.** Ut. **Y.** Jube, domne. **Bened.** Ad societâtem.

Lectio iij.

IN sua ergo ac nostra festivitâte Angelus in albis vèstibus apparuit: quia dum nos per resurrectionem Dôminicam ad supérna redûcimur, cœlestis pátriæ damna reparântur. Sed quid adveniéntes féminas affâtur, audiâmus. Nolite expavescere. Ac si apérte dicat: Paveant illi, qui non amant advéntum supernôrum civium: pertiméscant, qui carnalibus desidériis pressi, ad eôrum se societâtem pertinere posse despérant. Vos autem cur pertiméscitis, quæ vestros concíves vidé-

tis? Unde et Matthæus Angelum apparuisse describens, ait: Erat aspéctus ejus sicut fulgur, et vestiménta ejus sicut nix. In fulgure étenim terror timôris est, in nive autem blandiméntum candôris.

Post iij. Lectionem dicitur
Te Deum laudâmus. 47.

Ad Laudes. Anâ.

1. Angelus autem Dómini * descéndit de cœlo, et accédens revólvit lápidem, et sedébat super eum, allelúia, allelúia. **Ps.** Dóminus regnâvit, **cum reliq.** 48.

2. Et ecce terrémôtus * factus est magnus: Angelus enim Dómini descéndit de cœlo, allelúia.

3. Erat autem * aspéctus ejus sicut fulgur, vestiménta autem ejus sicut nix, allelúia, allelúia.

4. Præ timóre autem ejus * extérriti sunt custódes et facti sunt velut mórtui, allelúia.

5. Respóndens autem Angelus, * dixit muliéribus: Nolite timére: scio enim quod Jesum quæritis, allelúia.

Capitulum. **Hymnus.** et **Y.** non dicuntur, sed eorum loco dicitur **Anâ.**

HEC dies, quam fecit Dóminus: exultémus et lætémur in ea.

Ad Benedictus. Anâ.

Et valde mane una sabbatôrum véniunt ad monuméntum, orto jam sole, allelúia.

Oratio.

DEUS, qui hodierna die per Unigenitum tuum æternitatis nobis aditum devicta morte reserasti : vota nostra, quæ præveniēdo aspirans, etiā adjuvādo proséquere. Per eūdem Dóminum.

Ÿ. Dóminus vobiscum.

Ŕ. Et cum spiritu tuo.

Ÿ. Benedicāmus Dómino, allelúia, allelúia. **Ŕ.** Deo grátias, allelúia, allelúia.

Sic dicitur in Vesp. et Laud. tantum usque ad Vesp. Sabbati in Albis exclusive.

Ad Primam, Tertiam, Sextam, et Nonam, post Deus, in adiutorium, et Glória Patri, dicuntur Psalmi consueti : ad Primam tamen ut in Festis, scilicet, Deus in nómine, Beáti immaculáti, et Retribue. Quibus finitis, dicitur **Añā.** Hæc dies, Postea Oratio, quæ ad Primam dicitur, ut in Psalt. **Dómine Deus.** 30. Pretiósā, cum reliq., et ad Absolut. Capit., Lectio br. Si consurrexistis, ut in Psalt. 31.

Ad alias autem Horas, post Anam, Hæc dies, dic. Oratio, quæ ponitur in Laud.

Ad Vesperas, **Añā.** Angelus autem, cum reliq. de Laud. et Ps. Dixit Dóminus, cum reliq. de Dñica. 130.

Et sic dicitur usque ad Vesperas Sabbati. Postea **Añā.** Hæc dies, quam fecit

Dóminus : exultémus, et lætémur in ea.

Ad Magnificat, Añā.

Et respiciētes vidérunt revolutum lápidem : erat quippe magnus valde, allelúia.

Ad Completorium, dicto

Ÿ. Jube, domne. **Fratres,** Sóbrii estóte. **Ÿ.** Adiutorium nostrum. **Pater noster,** et facta Confess., et Absolut., post **Ÿ.** Convérte nos, Deus.

Ÿ. Deus, in adiutorium. **Glória Patri.** Allelúia, dicuntur Psalmi consueti : quibus finitis, dicitur Allelúia, allelúia, allelúia, allelúia.

Deinde Canticum Simeonis. Nunc dimittis. 156. Postea **Añā.** Hæc dies. Oratio. Visita. 157.

Prædictus modus Horarum servatur usque ad Vesperas Sabbati in Albis.

FERIA SECUNDA.

Ad Matut., Invitat., **Añā** et Psalmi ad Nocturnum, et Laudes dicuntur ut supra in die Paschæ, per iotam Oct. **Ÿ.** Surrexit Dóminus de sepulchro, allelúia. **Ŕ.** Qui pro nobis pepéndit in ligno, allelúia.

Pater noster. Absol. Exaudi. **Bened** Evangélica lectio.

Lectio sancti Evangelii secundum Lucam.

Lectio j. Cap. 24. b

In illo témpore : Duo ex discipulis Jesu ibant ipsa die in castellum, quod erat

in spatio stadiorum sexaginta ab Jerusaleme, nomine Emmaus. Et reliqua.

Homilia sancti Gregorii
Papæ.

Homil. 23. in Evang.

AUDISTIS, fratres charissimi, quia duobus discipulis ambulantibus in via, non quidem credentibus, sed tamen de se loquentibus, Dominus apparuit: sed eis speciem, quam recognoscerent, non ostendit. Hoc ergo egit foris Dominus in oculis corporis, quod apud ipsos agebatur intus in oculis cordis. Ipsi namque apud semetipsos intus et amabant, et dubitabant: eis autem Dominus foris et præsens aderat, et quis esset non ostendebat. De se ergo loquentibus præsentiam exhibuit: sed de se dubitantibus cognitionis suæ speciem abscondit.

R. Maria Magdalene, et altera Maria, ibant diluculo ad monumentum. * Jesum quem queritis, non est hic: surrexit sicut locutus est, præcedet vos in Galilæam; ibi eum videbitis, alleluia. alleluia. **V.** Et valde mane una sabbatorum veniunt ad monumentum, orto jam sole: et introeuntes viderunt juvenem sedentem in dextris, qui dixit illis. Jesum. **Bened.** Divinum auxilium.

Lectio ij.

VERBA quidem contulit, duritiam intellectus increpavit, sacræ Scripturæ mysteria; quæ de se ipso erant, aperuit: et tamen quia adhuc in eorum cordibus peregrinus erat a fide, se ire longius finxit. Fingere namque componere dicimus: unde et compositores luti, figulos vocamus. Nihil ergo simplex Veritas per duplicitatem fecit: sed talem se eis exhibuit in corpore, qualis apud illos erat in mente. Probandi autem erant, si hi, qui eum etsi necdum ut Deum diligerent, saltem ut peregrinum amare potuissent.

R. Surrexit pastor bonus, qui animam suam posuit pro ovibus suis, et pro grege suo mori dignatus est. * Alleluia, alleluia, alleluia.

V. Etenim Pascha nostrum immolatus est Christus. Alleluia. Glória Patri. Alleluia.

Bened. Ad societatem.

Lectio iij.

SED quia esse extranei a charitate non poterant hi cum quibus Veritas gratiebatur, eum ad hospitium quasi peregrinum vocant, Cur autem dicimus, vocant, cum illic scriptum sit: Et coegerunt eum? Ex quo nimirum exemplo colligitur, quia peregrini ad hospitium non solum invitandi sunt,

sed étiam trahéndi. Mensam igitur ponunt, panes cibós-que offerunt : et Deum, quem in Scripturæ sacræ expositione non cognóverant, in panis fractione cognóscunt. Audiéndo ergo præcépta Dei illumináti non sunt, faciéndó illumináti sunt : quia scriptum est : Non auditóres legis justí sunt apud Deum, sed factóres legis justificábuntur. Quisquis ergo vult audíta intelligere, festinet ea, quæ jam audíre pótuit, ópere implére. Ecce Dóminus non est cónitus dum loquerétur, et dignátus est cognósci dum páscitur.

Te Deum laudámus. 17.

Ad Benedictus, Añá.

Jesus junxit se discipulis suis in via, et ibat cum illis : óculi autem eórum tenebántur, ne eum agnóscerent : et increpávit eos dicens : O stulti et tardi corde ad credéndum in his, quæ locúti sunt Prophétæ ! allelúia.

Oratio.

DEUS, qui solemnitáte pascháli mundo remédia contulisti : pópulum tuum, quæsumus, cœlésti dono proséquere ; ut et perféctam libertátem cónsequi mereátur, et ad vitam proficiat sempitérnam. Per Dóminum.

Ad Magnificat, Añá.

Qui sunt hi sermónes, quos confértis ad invicem ambulátes, et estis tristes? allel.

FERIA TERTIA.

Ÿ. Surrexit Dóminus vere, allelúia. *Ŕ.* Et apparuit Simóni, allelúia. *Iater noster. Absol.* Ipsius pietas. *Bened.* Evangélica léctio.

Léctio sancti Evangélíi secúndum Lucam.

Lectio j. Cap. 24. e

IN illo témpore : Stetit Jesus in médio discipulórum suórum, et dicit eis : Pax vobis : ego sum, nolite timére. Et réliqua.

Homília sancti Ambrósii
Episcopi.

Lib. 10. Comment. in Luc. cap. 24. ante finem.

MIRUM, quo modo se nátura corpórea per impenetrábile corpus infúderit invisibili áditu, visibili conspéctu, tangi fácilis, difficilis æstimári. Dénique conturbáti discipuli æstimábant se spíritum vidére. Et ideo Dóminus, ut spéciem nobis resurrectionis osténderet, Palpáte, inquit, et vidéte, quia spíritus carnem et ossa non habet, sicut me vidétis habére. Non ergo per incorpóream náturam, sed per resurrectionis qualitátem, impérvia usu clausa penetrávit. Nam quod tángitur, corpus est : quod palpátur, corpus est.

Ŕ. Virtúte magna reddébant Apóstoli * Testimónium resurrectionis Jesu Christi Dómini nostri, al-

alleluia, alleluia. *Ÿ.* Repléti quidem Spiritu sancto loquebantur cum fiducia verbum Dei. Testimónium.

Bened. Divinum auxilium.

Lectio ij.

IN corpore autem resurgemus. Seminatur enim corpus animale, surgit corpus spiritale : sed illud subtilius, hoc crassius, utpote adhuc terrænæ labis qualitate concretum. Nam quomodo non corpus, in quo manebant insignia vulnerum, vestigia cicatricum, quæ Dominus palpanda obtulit? In quo non solum fidem firmat, sed etiam devotionem acuit, quod vulnera suscepta pro nobis cælo inferre maluit, abolere noluit; ut Deo Patri nostræ prætia libertatis ostenderet. Talem sibi Pater ad dexteram locat, trophæum nostræ salutis amplectens : tales illic martyres nobis circatricis suæ coróna monstravit.

ij. De ore prudentis proccedit mel, alleluia : dulcedo mellis est sub lingua ejus, alleluia : *✱* Favus distillans labia ejus, alleluia, alleluia.

Ÿ. Sapientia requiescit in corde ejus, et prudentia in sermone oris illius. Favus. *Gloria Patri. Favus. Bened.* Ad societatem.

Lectio iij.

ET quoniam sermo huc noster evasit, conside-

remus qua grátia secundum Joannem crediderint Apostoli, qui gavisi sunt; secundum Lucam quasi increduli redarguantur : ibi Spiritum sanctum accéperint, hic sedere in civitate jubentur, quoadusque induantur virtute ex alto. Et videtur mihi ille quasi Apostolus majóra et altióra tetigisse, hic sequéntia, et humanis próxima : hic histórico usus circúitu, ille compéndio : quia et de illo dubitari non potest, qui testimónium pérhibet de iis, quibus ipse interfuit, et verum est testimónium ejus : et ab hoc quoque, qui Evangelista esse méruit, vel negligéntiæ, vel mendácii suspicióem æquum est propulsári. Et ideo verum putamus utrúmque, non sentiéntiarum varietate, nec personarum diversitate distinctum. Nam etsi primo Lucas eos non credidisse dicat, póstea tamen credidisse démonstrat : et si prima consideremus, contrária sunt : si sequéntia, certum est convenire.

Te Deum laudamus. 17.

Ad Benedictus. Añs.

Stetit Jesus in médio discipulórum suórum, et dixit eis : Pax vobis, alleluia, allel.

Oratio.

DEUS, qui Ecclesiám tuam novo semper foetu mul-

típlicas : concéde fámulis tuis ; ut sacraméntum vivéndo téneant , quod fide percepérunt. Per Dóminum.

Ad Magnificat. Añã.

Vidéte manus meas et pedes meos , quia ego ipse sum , allelúia , allelúia.

FERIA QUARTA

Y. Gavisi sunt discipuli , allelúia. *R.* Viso Dómino , allelúia.

Pater noster. *Absol. A* vinctulis. *Bened.* Evangélica léctio.

Léctio sancti Evangélíi
secúndum Joánnem.

Lectio j. Cap. 21.

IN illo témpore , Manifestávit se iterum Jesus discipulis ad mare Tiberíadis. Manifestávit autem sic : Erant simul Simon Petrus , et Thomas , qui dicitur Didymus. Et réliqua.

Homilia S. Gregórii Papæ.

Homilia 24. in Evang.

LECTIO sancti Evangélíi , Quæ modo in áuribus vestris lecta est , fratres mei , quæstiône ánimu pulsatur , sed pulsatióne sua vim discretiónis indicat. Quæri étenim potest , cur Petrus , qui piscátor ante conversiõem fuit , post conversiõem ad piscatiõem rédiit : et cum Véritas dicat : Nemo mittens manum suam ad arátrum , et aspiciens retro , aptus est regno Dei : cur repétiit quod

dereliquit ? Sed si virtus discretiónis inspícutur , citius vidétur : quia nimirum négótium , quod ante conversiõem sine peccáto éxitit , hoc étiam post conversiõem repétere culpa non fuit.

R. Ecce vicit leo de tribu Juda , radix David , aperíre librum , et sólvare septem signácula ejus. * Allelúia , allelúia , allelúia. *Y.* Dignus est Agnus , qui occisus est , accipere virtútem , et divinitátem , et sapiéntiam , et fortitudinem , et honórem , et glóriam , et benedictiõem. Allelúia. *Bened.* Divinum auxílium.

Lectio ij.

NAM piscátorem Petrum , Matthæum vero teloneárium scimus : et post conversiõem suam ad piscatiõem Petrus rédiit , Matthæus vero ad telónei négótium non resédit : quia áliud est , victum per piscatiõem quærere , áliud autem telónei lucris pecúnias augére. Sunt enim pléraque négótia , quæ sine peccátis exhibéri aut vix , aut nullátenu possunt. Quæ ergo ad peccátum implicant , ad hæc necesse est , ut post conversiõem ánimus non recúrrat.

R. Ego sum vitis vera , et vos pálmities : * Qui manet in me , et ego in eo , hic fert fructum multum ,

allelúia, allelúia. *V.* Sicut dilexit me Pater, et ego dilexi vos. Qui. *Gloria Patri. Qui. Bened.* Ad societatem.

Lectio iij.

QUÆRI étiam potest, cur discipulis in mari laborantibus, post resurrectionem suam Dóminus in littore stetit, qui ante resurrectionem suam coram discipulis in fluctibus maris ambulávit. Cujus rei ratio festine cognóscitur, si ipsa, quæ tunc inerat, causa pensétur. Quid enim mare, nisi præsens sæculum signat, quod se cásuum tumultibus, et undis vitæ corruptibilis illidit! Quid per soliditatem littoris, nisi illa perpetuitas quiétis æternæ figurátur? Quia ergo discipuli adhuc fluctibus mortális vitæ inerant, in mari laborábant. Quia autem Redemptor noster jam corruptionem carnis excésserat, post resurrectionem suam in littore stabat.

Ite Deum laudámus. 47.

Ad Benedictus. Añã.

Mittite in dexteram * navigii rete, et inveniétis, allelúia.

Oratio.

DEUS, qui nos resurrectionis Dominicæ annua solemnitáte lætificas: concede propítius; ut per temporalia festa, quæ ágimus,

pervenire ad gáudia ætérna mereámur. Per eúndem Dóminum.

Ad Magnificat. Añã.

Dixit Jesus * discipulis suis: afférte de piscibus, quos prenidistis nunc. Ascéndit autem Simon Petrus, et traxit rete in terram plenum magnis piscibus, allelúia.

FERIA QUINTA.

V. Surréxit Dóminus de sepúlchro, allelúia. *R.* Qui pro nobis pepéndit in ligno, allelúia.

Pater noster. Absol. Exáudi. Bened. Evangélica léctio.

Léctio sancti Evangélii secundum Joánnem.

Lectio j. Cap. 20. c

IN illo témpore: María stabat ad monuméntum foris, plorans. Dum ergo fleret, inclinávit se, et prospéxit in monuméntum: et vidit duos Angelos in albis, sedéntes. Et reliqua.

Homilia S. Gregórii Papæ.

Homilia 25. in Evang.

MARIA Magdaléne, quæ fúerat in civitate peccátrix, amándo veritatem, lavit lácrymis máculas criminis: et vox Veritátis implétur, qua dicitur: Dimissa sunt ei peccáta multa, quia dilexit multum. Quæ enim prius frigida peccándo remánserat, póstmodum amándo fórtiter ardébat. Nam postquam venit ad monu-

méntum, ibique corpus Domínicum non invénit, sublátum crédidit, atque discipulis nuntiávit : qui veniéntes vidérunt, atque ita esse, ut múlter dixerat, credidérunt. Et de eis prótinus scriptum est : Abiérunt ergo discipuli ad semetipsos ; ac deinde subjúngitur : María autem stabat ad monuméntum foris, plorans.

R. Tulérunt Dóminū meum, et nescio ubi posuérunt eum. Dicunt ei Angeli : Múlter, quid ploras? Surrexit sicut dixit. * Præcédet vos in Galilæam : ibi eum vidébitis, alleluia, alleluia. **V.** Cum ergo fleret, inclinávit se, et prospéxit in monuméntum : et vidit duos Angelos in albis, sedéntes, qui dicunt ei. Præcédet. **Bened.** Divinum auxilium.

Lectio ij.

QUA in re pensándum est, hujus mulieris mentem quanta vis amoris accéndérat, quæ a monuménto Dómini, étiam discipulis recedéntibus, non recedébat. Exquirébat quem non invénérat : flebat inquiréndo, et amoris sui igne succénsa, ejus, quem ablátum crédidit, ardébat desidério. Unde cóntigit, ut eum sola tunc vidéret, quæ remánserat ut quæreret : quia nimirum virtus boni óperis, perseverántia est : et voce Veritátis

dicatur : Qui autem perseveráverit usque in finem, hic salvus erit.

R. Congratulámini mihi omnes qui diligitis Dóminum : quia quem quærébam, apparuit mihi : * Et dum flerem ad monuméntum, vidi Dóminum, alleluia, alleluia. **V.** Recedéntibus discipulis, non recedébam, et amoris ejus igne succénsa, ardébam desidério. Et. **Glória Patri. Et. Bened.** Ad societátem.

Lectio iij.

MARIA ergo cum fleret, inclinávit se, et prospéxit in monuméntum. Certe jam monuméntum vácuum viderat, jam sublátum Dóminum nuntiáverat : quid est quod se iterum inclinát, iterum vidére desiderat? Sed amánti semel aspexisse non súfficit : quia vis amoris intentiónem multiplicat inquisitionis. Quæsivit ergo prius, et mínime invénit, perseverávit ut quæreret ; unde et cóntigit, ut inveníret : actúmque est, ut desideria diláta créscerent, et crescéntia cáperent quod invenissent.

Te Deum laudámus. 17.

Ad Benedictus, Añá.

María stabat* ad monuméntum plorans, et vidit duos Angelos in albis, sedéntes, et sudárium quod fúerat super caput Jesu, alleluia.

Oratio.

DEUS, qui diversitatem gentium in confessione tui nominis adunasti: da, ut renatis fonte baptismatis una sit fides mentium, et pietas actionum. Per Dñum.

Ad Magnificat. Ana.

Tulerunt Dominum meum, * et nescio ubi posuerunt eum: si tu sustulisti eum, dicito mihi, allelúia: et ego eum tollam, allelúia.

FERIA SEXTA.

ŷ. Surrexit Dominus vere, allelúia. *ŷ.* Et apparuit Simóni, allelúia.

Pater noster. *Absol.* Ipsius pietas. *Bened.* Evangelica lectio.

Lectio sancti Evangelii secundum Matthæum.

Lectio j. Cap. 28. d

IN illo tempore: Undecim discipuli abiérunt in Galilæam, in montem, ubi constituerat illis Jesus. Et reliqua.

Homilia sancti Hierónymi Presbyteri.

Lib. 4. Com. in Matth. in fine.

POST resurrectionem Jesus in monte Galilææ conspicitur, ibique adoratur: licet quidam dubitent, et dubitatio eorum nostram augeat fidem. Tunc manifestius ostenditur Thomæ, et latus lancea vulneratum, et manus fixas demonstrat clavus. Accedens Jesus locutus est eis, dicens: Data est

mihi omnis potestas in cœlo et in terra. Illi potestas data est, qui paulo ante crucifixus, qui sepultus in tumulo, qui mortuus jacuerat, qui postea resurrexit. In cœlo autem et in terra potestas data est: ut qui ante regnabat in cœlo, per fidem credentium regnet et in terris.

ŷ. Surgens Jesus Dominus noster, stans in medio discipulorum suorum, dixit: * Pax vobis, allelúia: gavisi sunt discipuli viso Domino, allelúia. *ŷ.* Una ergo sabbatorum, cum fores essent clausæ, ubi erant discipuli congregati, venit Jesus, et stetit in medio eorum, et dixit eis. Pax. *Bened.* Divinum auxilium.

Lectio ij.

EUNTES autem docete omnes gentes, baptizantes eos in nomine Patris, et Filii, et Spiritus sancti. Primum docent omnes gentes, deinde doctas intingunt aqua. Non enim potest fieri, ut corpus baptismi recipiat sacramentum, nisi ante anima fidei suscepit veritatem. Baptizantur autem in nomine Patris, et Filii, et Spiritus sancti: ut quorum una est divinitas, una sit largitio; noménque Trinitatis, unus Deus est.

ŷ. Expurgate vetus fermentum, ut sitis nova conspersio: etenim Pascha no-

strum immolatus est Christus : * Itaque epulémur in Dómino, allelúia. *ŷ.* Mórtuus est propter delicta nostra, et resurrexit propter justificaciónem nostram. Itaque. Glória Patri. Itaque. *Bened.* Ad societátem.

Lectio iij.

DOCENTES eos servare ómnia, quaecúmque mandávi vobis. Ordo præcipuus: Jussit Apóstolis, ut primum docerent univérsas gentes, deinde fidei intíngerent sacraménto : et post fidem ac baptisma, quæ éssent observánda, præciperent. Ac ne putémus lévia esse, quæ jussa sunt, et pauca, addidit : Omnia quaecúmque mandávi vobis : ut quicúmque crediderint, qui in Trinitáte fúerint baptizáti, ómnia fácient, quæ præcépta sunt. Et ecce ego vobíscum sum usque ad consummationem sæculi. Qui usque ad consummationem sæculi cum discipulis se futúrum esse promittit, et illos osténdit semper esse victúros, et se nunquam a credéntibus recessúrum.

Te Deum laudámus. 17.

Ad Benedictus. Ana.

Undecim discipuli * in Galilæa vidéntes Dóminum adoravérunt, allelúia.

Oratio.

OMNIPOTENS sempitérne Deus, qui Paschále sa-

craméntum in reconciliatiónis humanæ foedere contulisti : da méntibus nostris ; ut, quod professione celebrámus, imitémur efféctu. Per Dóminum.

Ad Magnificat. Ana.

Data est mihi * omnis potestas in cælo et in terra, allelúia.

SABBATO IN ALBIS.

ŷ. Gavisi sunt discipuli allelúia. *ŕ.* Viso Dómino, allelúia.

Pater noster. Absol. A vinctulis. *Ben.* Evangélica lécio.

*L*écio sancti Evangélii secundum Joánnem.

Lectio j. Cap. 20.

IN illo témpore : Una sábbati, María Magdaléne venit mane, cum adhuc ténebræ essent, ad monuméntum. Et réliqua.

Homilia S. Gregórii Papæ.

Hom. 22. in Evang.

LECTIO sancti Evangélii, quam modo fratres audistis, valde in superficie histórica est apérta : sed ejus nobis sunt mystéria sub brevitate requirénda. María Magdaléne, cum adhuc ténebræ essent, venit ad monuméntum. Juxta históriam notátur hora : juxta intelléctum vero mysticum, requiréntis signáturintelligéntia. María étenim auctórem ómnium, quem in carne viderat mórtuum, quærébat in monuménto : et quia hunc

mínime invénit, furátum credidit. Adhuc ergo erant ténebræ, cum venit ad monuméntum. Cucúrrit citius, discipulis nuntiávit : sed illi præ céteris cucurrerunt, qui præ céteris amaverunt, videlicet Petrus et Joánnes.

R. Christus resúrgens ex mórtuis, jam non móritur, mors illi ultra non dominábitur : quod enim mórtuus est peccáto, mórtuus est semel : * Quod autem vivit, vivit Deo, allelúia, allelúia.

V. Mórtuus est semel propter delicta nostra, et resurrexit propter justificatióem nostram. Quod. **Bened.** Divinum auxilium.

Lectio ij.

CURREBANT autem duo simul : sed Joánnes præcucúrrit citius Petro. Venit prior ad monuméntum, et ingredi non præsumpsit. Venit ergo postérieur Petrus, et intrávit. Quid, fratres, quid cursus significat? Numquid hæc tam subtilis Evangelistæ descriptio a mystériis vacáre credénda est? Mínime. Neque enim se Joánnes et præisse, et non intrásse diceret, si in ipsa sui trepidatióne mystérium defuisse credidisset. Quid ergo per Joánnem, nisi Synagóga : quid per Petrum, nisi Ecclésia designátur?

R. Isti sunt agni novélli, qui annuntiavérunt, alle-

lúia : modo venérunt ad fontes, * Repléti sunt claritáte, allelúia, allelúia. **V.** In conspéctu Agni amicti sunt stolis albis, et palmæ in mánibus eórum. Repléti. **Gloria Patri.** Repléti. **Bened.** Ad societátem.

Lectio iij.

NEC mirum esse videátur, quod per juniórem Synagóga, per seniórem vero Ecclésia signári perhibétur : quia etsi ad Dei cultum prior est Synagóga, quam Ecclésia Géntium, ad usum tamen sæculi prior est multitúdo Géntium, quam Synagóga, Paulo attestánte, qui ait : Quia non prius quod spiritalé est, sed quod animále. Per seniórem ergo Petrum significátur Ecclésia Géntium : per juniórem vero Joánnem Synagóga Judæórum. Currunt ambo simul : quia ab ortus sui témpore usque ad occásum, pari et commúni via, etsi non pari et commúni sensu, Gentilitas cum Synagóga cucúrrit. Venit Synagóga prior ad monuméntum, sed mínime intrávit : quia legis quidem mandáta percépit, prophetías de incarnatióne ac passióne Dominica audivit, sed crédere in mórtuum nóluit. **T**e Deum laudámus. 17.

Ad Benedictus. Añá.

Currébant duo * simul, et ille álius discipulus præcu-

cúrrit citius Petro, et venit prior ad monuméntum, allelúia.

Oratio.

CONCEDE, quæsumus omnipotens Deus : ut, qui festa Paschália venerádo égimus, per hæc contingere ad gáudia ætérna mereámur. Per Dóminum.

Ad Vesp. Offic. sit Dupl.

Añã. Allelúia, allelúia, allelúia. *Ps.* Benedictus, cum reliq. de *Psalt.* 148.

Capitulum. 1. *Joan.* 5.

CHARISSIMI, Omne quod natum est ex Deo, vincit mundum : et hæc est victória, quæ vincit mundum, fides nostra.

Hymnus. Ad régias. 133.

ŷ. Mane nobiscum, Dómine, allelúia. *R̃.* Quóniam advesperáscit, allelúia.

Ad Magnificat, Añã.

Cum esset sero die illa una sabbatórum, et fores essent clausæ, ubi erant discipuli congregáti in unum, stetit Jesus in médio, et dixit eis: Pax vobis, allelúia.

Oratio.

PRÆSTA, quæsumus omnipotens Deus : ut, qui Paschália festa perégimus : hæc, te largiénte, móribus et vita teneámus. Per Dóminum.

v. Benedicámus Dómino, deinceps die, sine Allelúia.

Completor. dicitur ut in *Psalt.* temp. Pasch. usque

VERNA.

ad Dom. SS. Trinitatis exclusivé : et quando non est Duplex; nec infra Octavam dicuntur Preces, ut in *Psalt.*

Ad R̃R̃. brevia et ŷŷ. per omnes Horas, jungitur Allelúia, usque ad Sabbatum post Pentecosten, præterquam in ŷ. ad Preces Primæ et Completorii, quando dicuntur. Et quandocumque Allelúia jungitur *R̃.* br. duplicatur : sed in Versiculis dicitur semel.

DOMINICA IN ALBIS.

In Octava Paschæ.

Duplex.

Ad Matutinum, Invitat. Surréxit Dóminus. *Ps.* Veníte. 2. *Hymnus.* Rex sempitérne, ut in *Psalt.* 3.

Psalmi de Dominica, ut in Psalt. 4. qui dicuntur in quolibet Noct. sub una Añã. *ŷ.* Surréxit Dóminus de sepúlchro, allelúia. *R̃.* Qui pro nobis pepéndit in ligno, allelúia.

In primo Nocturno.

Añã. Allelúia, Lapis revolutus est, allelúia, ab óstio monuménti, allelúia, allelúia.

De Epístola beáti Pauli Apóstoli ad Colossénses.

Lectio. j. Cap. 3.

SI consurrexistis cum Christo, quæ sursum sunt quærite, ubi Christus est in dextera Dei sedens : quæ sursum sunt sápite, non quæ super terram. Mórtui enim estis, et vita vestra

est abscondita cum Christo in Deo. Cum Christus apparuerit, vita vestra, tunc et vos apparebitis cum ipso in gloria. Mortificate ergo membra vestra, quæ sunt super terram, fornicationem, immunditiam, libidinem, concupiscentiam malam, et avaritiam, quæ est simulacrum servitus: propter quæ venit ira Dei super filios incredulitatis: in quibus et vos ambulastis aliquando, cum viveretis in illis.

R. Angelus Domini descendit de cælo, et accedens revolvit lapidem, et super eum sedit, et dixit mulieribus: * Nolite timere: scio enim quia crucifixum queritis: jam surrexit: venite, et videte locum, ubi positus erat Dominus, alleluia. **V.** Et introeuntes in monumentum, viderunt juvenem sedentem in dextris, coopertum stola candida, et obstupuērunt: qui dixit illis. Nolite.

Lectio ij.

NUNC autem depōnite et vos omnia: iram, indignationem, malitiam, blasphemiam, turpem sermonem de ore vestro. Nolite mentiri invicem, expoliantes vos veterem hominem cum actibus suis, et induentes novum, eum, qui renovatur in agnitionem, secundum imaginem ejus, qui

creavit illum. Ubi non est Gentilis, et Judæus, circumcisio, et præputium, Barbarus, et Scythæ, servus, et liber: sed omnia, et in omnibus Christus. Induite vos ergo sicut electi Dei, sancti et dilecti, viscera misericordiæ, benignitatem, humilitatem, modestiam; patientiam: supportantes invicem, et donantes vobismetipsis, si quis adversus aliquem habet querelam: sicut et Dominus donavit vobis, ita et vos.

R. Angelus Domini locutus est mulieribus, dicens: Quem queritis? An Jesum queritis? jam surrexit: * Venite et videte, alleluia, alleluia. **V.** Jesum queritis Nazarenum crucifixum? Surrexit, non est hic. Venite.

Lectio iij.

SUPER omnia autem hæc, charitatem habete, quod est vinculum perfectionis: et pax Christi exultet in cordibus vestris, in qua et vocati estis in uno corpore: et grati estote. Verbum Christi habitet in vobis abundanter, in omni sapientia, docentes, et commonentes vosmetipsos psalmis, hymnis, et canticis spiritualibus, in gratia cantantes in cordibus vestris Deo. Omne quodcumque facitis in verbo aut in opere, omnia in nomine Domini Jesu Christi,

grátias ágéntes Deo et Patri per ipsum.

U. Cum transisset sabbatum, María Magdaléne, et María Jacóbi, et Salóme emérunt arómata, * Ut veniéntes úngerent Jesum, allelúia, allelúia. *V.* Et valde mane una sabbatorum véniunt ad monuméntum, orto jam sole. Ut. Glória Patri. Ut.

In secundo Nocturno.

Añá. Allelúia, Quem quæris, mûlier? allelúia : vivéntem cum mórtuis? allelúia, allelúia. *Ps. ut in Psalt. 44.*

V. Surréxit Dóminus vere, allelúia. *R.* Et apparuit Simóni, allelúia.

Sermo sancti Augustíni Episcopi.

Lectio iv.

Serm. 1. in Oct. Paschæ, qui est 157. de Tempore.

PASCHALIS solémnitas hodiérna festivitáte concluditur, et ideo hódie Neophytórum hábitus commutátur : ita tamen, ut candor, qui de hábitu depónitur, semper in corde teneátur. In qua quidem primum nobis agéndum est, ut quia Pascháles dies sunt, id est, indulgéntiæ ac remissionis, ita a nobis sanctórum diérum festívitás agátur, ut relaxatione córporum púritas non obfuscétur : sed pótius abstinentes ab omni luxu, ebrietáte, lascívia, demus

óperam sóbriæ remissioni, ac sanctæ sinceritáti : ut quidquid modo corporáli abstinentia non acquirimus, méntium puritáte quæramus.

R. María Magdaléne, et áltera María ibant dilúculo ad monuméntum. * Jesum quem quæritis, non est hic, surréxit, sicut locútus est, præcedat vos in Galilæam, ibi eum vidébitis, allelúia, allelúia. *V.* Et valde mane una sabbatorum véniunt ad monuméntum, orto jam sole : et introeúntes vidérunt júvenem sedéntem in dextris, qui dixit illis. Jesum.

Lectio v.

Ad omnes quidem pértinet sermo, quos cura nostra compléctitur : verúmtamen hódie termináta Sacramentórum solemnitate, vos alóquimur novélla gérmina sanctitátis regeneráta ex aqua et Spíritu sancto : germen pium, exámen novellum, flos nostri honóris, et fructus labóris, gáudium et coróna mea, omnes qui statis in Dómino. Apostólicis verbis vos álloquor : Ecce nox præcéssit, dies autem appropinquávit : abjícite ópera tenebrárum, et induíte vos arma lucis. Sicut in die honéste ambulémus : non in comessationibus et ebrietátibus, non in cubilibus et impudiciis, non in

contentiōne et æmulatiōne : sed induimini Dóminum Jesum Christum.

R. Surréxit pastor bonus , qui ánimam suam pósuit pro óvibus suis , et pro grege suo mori dignátus est. * Allelúia, allelúia, allelúia. **Y.** Etenim Pascha nostrum immolátus est Christus. Allelúia.

Lectio.vj.

HABEMUS , inquit , certiorem prophéticum sermónem : cui bene fácitis intendentes tamquam lucernæ in obscúro loco , donec dies lucéscat , et lúcifer oriátur in córdibus vestris. Sint ergo lumbi vestri accincti , et lucernæ ardentes in mánibus vestris : et vos símiles homínibus expectántibus dóminum suum , quando revertátur a nuptiis. Ecce dies advéniunt , in quibus Dóminus dicit : Pusillum , inquit , et non vidébitis me : et iterum pusillum , et vidébitis me. Hæc est hora , de qua dixit : Vos tristes éritis , sæculum autem gaudébit : id est , vita ista tentatióibus plena , in qua peregrinámur ab eo. Sed iterum , inquit , vidébo vos , et gaudébit cor vestrum , et gáudium vestrum nemo tollet a vobis.

R. Virtute magna reddébant Apóstoli * Testimónium resurrectionis Jesu Christi

Dómini nostri , allelúia , allelúia. **Y.** Repléti quidem Spiritu sancto loquebantur cum fidúcia verbum Dei. Testimónium. Glória Patri. Testimónium.

In tertio Nocturno.

Añs. Allelúia , Noli flere , María , allelúia : resurréxit Dóminus , allelúia , allelúia. **Psalmi ut in Psalterio.** 45. **Y.** Gavisi sunt discipuli , allelúia. **R.** Viso Dómino , allel.

Lectio sancti Evangélii
secúndum Joánnem.

Lectio vij. Cap. 20. e

IN illo témpore : Cum sero esset die illo , una sabbatorum , et fores essent clausæ , ubi erant discipuli congregáti propter metum Judæórum , venit Jesus , et stetit in médio , et dixit eis : Pax vobis. Et réliqua.

Homilia sancti Gregórii
Papæ.

Homilia 26. in Evang.

PRIMA lectionis hujus evangélicæ quæstio ánimumpulsat : quómodo post resurrectionem corpus Domini-cum verum fuit , quod clausis jánuis ad discipulos ingredi pótuit ? Sed sciéndum nobis est , quod divína operatio , si ratióne comprehenditur , non est admirábilis : nec fides habet méritum , cui humana ratió præbet experimentum. Sed hæc ipsa nostri Redemptóris ópera , quæ ex semetipsis comprehendí

nequâquam possunt, ex alia ejus operatiône pensânda sunt : ut rebus mirabilibus fidem præbeant facta mirabiliôra. Illud enim corpus Dómini intrávit ad discipulos jánuis clausis, quod videlicet ad humános óculos per nativitátem suam clauso exívit útero Vírginis. Quid ergo mirum, si clausis jánuis post resurrectionem suam in ætérnum jam victûrus intrávit, qui moritûrus véniens, non apérto útero Vírginis exívit?

R. De ore prudéntis procédit mel, allelúia : dulcédo mellis est sub lingua ejus, allelúia : * Favus distillans lábia ejus, allelúia, allelúia. **Y.** Sapiéntia requiêscit in corde ejus, et prudéntia in sermóne orís illius. Favus.

Lectio viij.

SED quia ad illud corpus quod vidéri póterat, fides intuéntium dubitábat, osténdit eis prótinus manus et latus : palpándam carnem præbuit, quam clausis jánuis introduxit. Qua in re duo mira, et juxta humanam ratiómem sibi valde contrária osténdit : dum post resurrectionem suam corpus suum incorruptibile, et tamen palpábile demonstrávit. Nam et corrúmpi necesse est quod palpáturet : et palpári non potest quod non corrumpitur. Sed miro modo

atque inæstimabili Redemptor noster et incorruptibile post resurrectionem, et palpábile corpus exhibuit : ut monstrádo incorruptibile, invitáret ad præmium : et præbéndo palpábile, firmáret ad fidem. Et incorruptibilem se ergo, et palpáblem demonstrávit : ut profecto esse post resurrectionem osténderet corpus suum et ejúsdem natúræ, et altérius glóriæ.

R. Surgens Jesus Dóminus noster, stans in médio discipulórum suórum, dixit : * Pax vobis, allelúia : gavisi sunt discipuli viso Dómino, allelúia. **Y.** Una ergo sabbatórum, cum fores essent clausæ, ubi erant discipuli congregáti, venit Jesus, et stetit in médio eórum, et dixit eis. Pax. Glória Patri. Pax.

Lectio ix.

DIXIT eis : Pax vobis. Sicut misit me Pater, et ego mitto vos : id est, sicut misit me Pater Deus Deum, et ego mitto vos homo hómines. Pater Filium misit, qui hunc pro redemptione generis humani incarnári constituit. Quem videlicet in mundum venire ad passionem voluit : sed tamen amavit Filium, quem ad passionem misit. Eléctos vero Apóstolos Dóminus non ad mundi gáudia, sed sicut ipse

missus est, ad passiones in mundum mittit. Quia ergo et Filius amatur a Patre, et tamen ad passionem mittitur: ita et discipuli a Domino amantur, qui tamen ad passionem mittuntur in mundum. Itaque recte dicitur: Sicut misit me Pater, et ego mitto vos: id est, ea vos charitate diligo cum inter scandala persecutorum mitto, qua me charitate Pater diligit, quem venire ad tolerandas passiones fecit.

Te Deum laudamus. 17.

Ad Laudes. Añæ.

ALLELUIA, allelúia, allel., allelúia, allelúia, allelúia, allelúia, allelúia, allelúia. *Psalmi.* Dominus regnavit. *Jubiláte Deo.* Deus Deus meus. 18.

Añæ. Surrexit Christus de sepúlchro, qui liberávit tres púeros de camino ignis ardéntis, allelúia. *Canticum.* Benedicite. 20.

Añæ. Allelúia, allelúia, allelúia. *Ps.* Laudáte Dóminum de cœlis. 21.

Capitulum. 1. *Joan.* 3.

CHARISSIMI, Omne quod natum est ex Deo, vincit mundum: et hæc est victória quæ vincit mundum, fides nostra.

Hymn. Auróra. 22.

v. In resurrectione tua, Christe, allelúia. *ñ.* Cœli et terra læténtur, allelúia.

Ad Benedictus. Añæ.

Cum esset sero die illa una sabbatorum, et fores essent clausæ, ubi erant discipuli congregati in unum, stetit Jesus in médio, et dixit eis: Pax vobis, allelúia.

Oratio.

PRÆSTA, quæsumus omnipotens Deus: ut, qui Paschalia festa perégimus, hæc, te largiente, moribus et vita teneamus. Per Dñm.

Ad Primam. Hymnus.

Jam lucis. 23.

Añæ. Allelúia, allelúia, allelúia, allelúia. *Psalmi.* Deus in nómine tuo. 24. Beati immaculati. 25. Retribue. et Quicumque. 26.

Prædicti Psalmi dicuntur Dominicis diebus usque ad Ascensionem.

Capit. Regi sæculorū. 28.

ñ. br. Christe, Fili Dei vivi, miserere nobis. * Allelúia, allelúia. Christe. *ñ.* Qui surrexisti a mortuis. Allelúia, allelúia. Glória Patri. Christe. *ñ.* Exúrge, Christe, adjuva nos, allelúia. *ñ.* Et libera nos propter nomen tuum, allelúia.

Et sic dicitur ñ. breve usque ad Ascensionem.

Et quando non est Dupl., aut infra Octavas, dicuntur Preces de Dominica ut in Psalterio.

Ad Absolutionem Capituli

LECTIO br. Si consurrexistis, ut in *Psalt.* 31.

Ad Tertiam, et alias Horas. *Ana.* Allelúia, allelúia, allelúia, allelúia.

Capit. Charíssimi, ut 294.

R. br. Surréxit Dóminus de sepúlchro. * Allelúia, allelúia. Surréxit. *Ÿ.* Qui pro nobis pepéndit in ligno. Allelúia, allelúia. Glória Patri. Surréxit. *Ÿ.* Surréxit Dóminus vere, allelúia. *R.* Et apparuit Simóni, allel.

Ad Sextam. Capitulum.

1. *Joan. 5. b*

QUIS est autem qui vincit mundum, nisi qui credit quóniam Jesus est Filius Dei? Hic est qui venit per aquam et sanguinem, Jesus Christus: non in aqua solum, sed in aqua et sanguine.

n. br. Surréxit Dóminus vere. * Allelúia, allelúia. Surréxit. *Ÿ.* Et apparuit Simóni. Allelúia, allelúia. Glória Patri. Surréxit. *Ÿ.* Gavisi sunt discipuli, allelúia. *R.* Viso Dómino, allel.

Ad Nonam. Capitulum.

1. *Joan. 5. b*

SI testimonium hóminum accípinus, testimonium Dei majus est: quóniam hoc est testimonium Dei, quod majus est, quóniam testificátus est de Filio suo. Qui credit in Filium Dei. habet testimonium Dei in se.

n. br. Gavisi sunt discipuli * Allelúia, allelúia. Gavisi. *Ÿ.* Viso Dómino. Allelúia,

allelúia. Glória Patri. Gavisi. *Ÿ.* Mane nobiscum, Dómine, allelúia. *R.* Quóniam advesperáscit, allel.

Ad Vesperas, Ana. Allelúia, allelúia, allelúia.

Psalmi de Dñica. 130. qui sub una tantum Ana dicuntur.

Capit. Charíssimi, ut 294.

Hymn. Ad régias. 133.

Ÿ. Mane nobiscum, Dómine, allelúia. *R.* Quóniam advesperáscit, allelúia.

Ad Magnificat, Ana.

Post dies octo jánuis clausis ingréssus Dóminus, dixit eis: Pax vobis, allelúia, allelúia.

Hymni, ŸŸ. et R. br. hujus Dominiæ dicuntur usque ad Ascensionem, etiam in feriali Officio.

FERIA SECUNDA.

Invitat. Hymnus, Ana, Psalmi et Ÿ. ut in Psalterio temp. Pasch. 49.

Incipit liber Actuum Apostolorum.

Lectio j. Cap. 1.

PPRIMUM quidem sermónem feci de ómnibus, o Theóphile, quæ cœpit Jesus facere, et docere, usque in diem, qua præcípiens Apóstolis per Spíritum sanctum, quos elégit, assumptus est: quibus et præbuit seípsum vivum post passionem suam in multis argumentis, per dies quadraginta appárens eis, et

loquens de regno Dei. Et convalescens, præcepit eis ab Jerosolymis ne discederent, sed expectarent promissionem Patris, quam audistis (inquit) per os meum: quia Joannes quidem baptizavit aqua, vos autem baptizabimini Spiritu sancto, non post multos hos dies. Igitur qui convenerant, interrogabant eum, dicentes: Domine, si in tempore hoc restitues regnum Israel? Dixit autem eis: Non est vestrum nosse tempora vel momenta, quæ Pater posuit in sua potestate; sed accipietis virtutem superveniētis Spiritus sancti in vos, et eritis mihi testes in Jerúsalem, et in omni Judæa, et Samaria, et usque ad ultimum terræ.

R. Virtute magna reddēbant Apóstoli * Testimonium resurrectionis Jesu Christi Domini nostri, alleluia, alleluia. **V.** Replēti quidem Spiritu sancto loquebantur cum fiducia verbum Dei. Testimonium.

Lectio ij.

ET cum hæc dixisset, vidētibz illis, elevatus est: et nubes suscepit eum ab oculis eorum. Cumque intuerentur in cælum euntem illum, ecce duo viri astiterunt juxta illos in vestibus albis, qui et dixerunt: Viri Galilæi, quid

statis aspicientes in cælum? Hic Jesus, qui assumptus est a vobis in cælum, sie veniet, quemadmodum vidistis eum euntem in cælum. Tunc reversi sunt Jerosolymam a monte, qui vocatur Oliveti, qui est juxta Jerúsalem, sabbati habens iter. Et cum introissent in cœnāculum, ascēderunt ubi manebant Petrus et Joānes, Jacōbus et Andrēas, Philippus et Thomas, Bartholomæus et Matthæus, Jacōbus Alphæi, et Simon Zelotes, et Judas Jacobi. Hi omnes erant perseverantes unanimiter in oratione cum mulieribus, et Maria Matre Jesu, et fratribus ejus.

R. De ore prudentis procedit mel, alleluia, dulcedo mellis est sub lingua ejus, alleluia: * Favus distillans labia ejus, alleluia, alleluia. **V.** Sapientia requiescit in corde ejus, et prudentia in sermone oris illius. Favus. Glória Patri. Favus.

Lectio iij.

IN diebus illis exurgens Petrus in medio fratrum dixit: (erat autem turba hominum simul, fere centum viginti.) Viri fratres, oportet impleri Scripturam, quam prædixit Spiritus sanctus per os David de Juda, qui fuit dux eorum, qui comprehendērent Jesum: qui connumeratus erat in no-

bis, et sortitus est sortem ministérii hujus. Et hic quidem possédit agrum de mercéde iniquitátis, et suspensus crépuit médius : et diffúsa sunt ómnia viscera ejus. Et notum factum est ómnibus habitántibus Jerúsalem, ita ut appellarétur ager ille lingua eórum, Haccéldama, hoc est, ager sanguinis. Scriptum est enim in libro Psalmórum : Fiat commorátio eórum desérta, et non sit qui inhábitet in ea : et episcopátum ejus accípiat alter. Opórtet ergo ex his viris qui nobíscum sunt congregáti in omni témpore, quo intrávit et exívit inter nos Dóminus Jesus, incípiens a baptísmate Joánnis usque in diem qua assumptus est a nobis, testem resurrectionis ejus nobíscum fieri unum ex istis. Et statuérunt duos, Joseph, qui vocabátur Bársabas, qui cognominátus est Justus, et Mathíam. Et orántes dixerunt : Tu Dómine, qui corda nosti ómnium, osténde quem elégeris ex his duóbus unum, accípere locum ministérii hujus, et Apostolátus, de quo prævaricátus est Judas ; ut abíret in locum suum. Et dedérunt sortes eis, et cécidit sors super Mathíam, et annumerátus est cum úndecim Apóstolis.

Hoc temp. Paschali non dicitur tertium R̃. in feriali Officio, sed Hymnus. Te Deum laudámus. 17.

Ad Laudes, Añæ, Psalmi. Capitulum, Hymnus et Y. de Psalt. temp. Paschali, ut in Laud. Dñicæ. 18.

Ad Benedictus, Añæ. Surgens Jesus * mane prima sabbati, apparuit primo Mariæ Magdalénæ, de qua ejécerat septem dæmónia, allelúia.

Oratio Dñicæ præced.

Postea fit commem. de Cruce, ut infra vel ut in Psalt. 153. quæ fit quotidie in Laud. et Vesp. usque ad Ascens., tam in Officio de Temp. quam de Sanctis, nisi sit Duplex, aut infra Octavas. Aliæ commem. de S. Maria, de Apostolis, et de Pace, non dicuntur temp. Pasch.

In Laud., Añæ de Cruce. Crucifixus surrêxit a mortuis, et redêmit nos, allelúia, allelúia.

Y. Dicite in nationibus, allelúia. R̃. Quia Dóminus regnâvit a ligno, allelúia.

Oratio.

DEUS, qui pro nobis Fílium tuum crucis patíbulum subíre voluísti, ut inimici a nobis expélleres potestátem : concéde nobis famulis tuis ; ut resurrectionis grátiam consequámur. Per eúndem Dñum.

In Vesperis, Añæ.

Crucem sanctam súbiit, qui inférnum confrégit, accinctus est poténtia, surréxit die tértia, allelúia.

Ÿ. et Oratio ut supra.

Ad Horas omnia ut in Psalterio temp. Pasch.

In feriali Officio Prima dicitur sicut in Festis Simplic. toto temp. Pasch.

Ad Vesperas Añæ, Psalmi, Capit. Hymnus et Ÿ. ut in Psalt. temp. Pasch. 434.

Ad Magnificat, Añæ.

Pax vobis, * ego sum, allelúia : nolite timére, allelúia.

FERIA TERTIA.

De Actibus Apostolorum.

Lectio j. Cap. 2.

ET cum compleréntur dies Pentecóstes, erant omnes páriter in eódem loco : et factus est repénite de cœlo sonus, tamquam adveniéntis spíritus veheméntis, et replévit totam domum ubi erant sedéntes. Et apparué-runt illis dispertítæ linguæ tamquam ignis, seditque supra singulos eórum : et repléti sunt omnes Spíritu sancto, et cœpérunt loqui váriis linguis, prout Spíritus sanctus dabat éloqui illis. Erant autem in Jerúsalem habitántes Judæi, viri religiósi ex omni natione quæ sub cœlo est. Facta autem hac voce, convénit multitúdo, et mente confúsa est, quóniam au-

diébat unusquisque lingua sua illos loquéntes. Stupébant autem omnes, et mirabántur, dicéntes : Nonne ecce omnes isti qui loquúntur, Galilæi sunt, et quómodo nos audívimus unusquisque linguam nostram, in qua nati sumus ?

ñ. Ecce vicit leo de tribu Juda, radix David, aperire librum, et sólvare septem signácula ejus. * Allelúia, allelúia, allelúia. †. Dignus est Agnus qui occisus est, accipere virtútem, et divinitátem, et sapiéntiam, et fortitudinem, et honórem, et glóriam, et benedictiónem. Allelúia.

Lectio ij.

STANS autem Petrus cum undecim, levávit vocem suam, et locútus est eis : Viri Judæi, et qui habitátis Jerúsalem univérsi, hoc vobis notum sit, et áuribus percípите verba mea. Non enim, sicut vos aestimátis, hi ébrii sunt, cum sit hora diéi tértia : sed hoc est, quod dictum est per Prophétam Joel : Et erit in novíssimis diébus (dicit Dóminus) efúndam de Spíritu meo super omnem carnem : et prophétábunt filii vestri, et filiæ vestræ, et júvenes vestri visiones vidébunt, et senióres vestri sómnia somniábunt. Et quidem super servos meos, et super ancillas

meas, in diébus illis effúndam de Spiritu meo, et prophetábunt: et dabo prodigia in cœlo sursum, et signa in terra deórsum, sânguinem, et ignem, et vapórem fumi. Sol convertétur in ténebras, et luna in sânguinem, ántequam véniat dies Dómini magnus et manifestus. Et erit: Omnis quicúmque invocáverit nomen Dómini, salvus erit.

✠. Ego sum vitis vera, et vos pálmities: * Qui manet in me, et ego in eo, hic fert fructum multum, allelúia., allelúia. ✠. Sicut diléxit me Pater, et ego diléxi vos. Qui. Glória Patri. Qui.

Lectio iij.

VIRI Israelítæ, audíte verba hæc: Jesum Nazarénum, virum approbátum a Deo in vobis, virtútibus, et prodigiis, et signis, quæ fecit Deus per illum in médio vestri, sicut et vos scitis: hunc definito consilio et præsciéntia Dei tráditum, per manus iniquórum affligéntes interemístis: quem Deus suscitávit, solútis dolóribus inférni, juxta quod impossibile erat tenéri illum ab eo. David enim dicit in eum: Providébam Dóminum in conspéctu meo semper; quóniam a dextris est mihi, ne commóvear: Propter hoc lætátum est cor meum, et exultávit lingua mea, insu-

per et caro mea requiéscet in spe: Quóniam non derelinques ánimam meam in inférno, nec dabis Sanctum tuum vidére corruptionem. Te Deum laudámus. 17.

Ad Benedictus, Añã.

Præcédam vos * in Galilæam, ibi me vidébitis, sicut dixi vobis, allelúia, allelúia.

Ad Magnificat, Añã.

Mitte manum tuam, * et cognósce loca clavórum, allelúia: et noli esse incrédulus, sed fidélis, allelúia.

FERIA QUARTA.

De Actibus Apostolorum.

Lectio j. Cap. 3.

PETRUS autem et Joánnes ascendébant in templum, ad horam oratiónis nonam. Et quidam vir, qui erat claudus ex útero matris suæ, bajulabátur: quem ponébant quotidie ad portam templi, quæ dicitur Speciósã, ut pèteret eleemósynam ab introeúntibus in templum. Is cum vidisset Petrum et Joánnem incipiéntes introíre in templum, rogábat ut eleemósynam acciperet. Intuens autem in eum Petrus cum Joánnē, dixit: Réspice in nos. At ille intendébat in eos sperans se áliquíd acceptúrum ab eis. Petrus autem dixit: Argéntum et aurum non est mihi: quod autem hábeo, hoc tibi do: In nómine Jesu Christi Nazaréni surge, et ámbula.

R. Surgens Jesus Dóminus noster, stans in médio discipulórum suórum, dixit :

* Pax vobis, alleluia : gavísi sunt discipuli viso Dño, allel.

V. Una ergo sabbatórum, cum fores essent clausæ, ubi erant discipuli congregáti, venit Jesus, et stetit in médio eórum, et dixit eis. Pax.

Lectio ij.

ET apprehénsa manu ejus délixera, allevávit eum, et prótinus consolidátæ sunt bases ejus et plantæ. Et exiliens stetit, et ambulábat : et intrávit cum illis in templum ámbulans, et exiliens, et laudans Deum. Et vidit omnis pópulus eum ambulátem, et laudátem Deum. Cognoscébant autem illum, quod ipse erat, qui ad elemósynam sedébat ad Speciósam portam templi : et impléti sunt stupóre et éxtasi, in eo quod contígerat illi. Cum tenéret autem Petrum et Joánnem, cucúrrit omnis pópulus ad eos, ad pórticum quæ appellátur Salomónis, stupéntes.

R. Expurgáte vetus ferméntum, ut sitis nova conspér-sio : étenim Pascha nostrum immolátus est Christus : * Itaque epulémur in Dómino, allel. **V.** Mórtuus est propter delicta nostra, et resurrexit propter justificatióem nostram. Itaque. Glória Patri. Itaque.

Lectio iij.

VIDENS autem Petrus, respóndit ad pópulum : Viri Israelitæ, quid mirámini in hoc, aut nos quid intuémini, quasi nostra virtúte aut potestáte fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum, glorificávit Fílium suum Jesum, quem vos quidem tradidistis, et negástis ante fáciem Piláti, judicánte illo dimitti. Vos autem sanctum et justum negástis, et petistis virum homicídæ donári vobis : auctórem vero vitæ interfecístis, quem Deus suscitávit a mórtuis, cujus nos testes sumus. Et in fide nóminis ejus, hunc quem vos vidistis, et nostis, confirmávit nomen ejus : et fides, quæ per eum est, dedit íntegram sanitátem istam in conspéctu ómnium vestrum.

Te Deum laudámus. 47.

Ad Benedictus, Añá.

Ego sum vitis vera, * allel. : et vos pálmities veri, allel.

Ad Magnificat, Añá.

Quia vidísti me, * Thoma, credidísti : beáti qui non viderunt, et crediderunt, alleluia.

FERIA QUINTA.

De Actibus Apostolórum.

Lectio j. Cap. 5.

VIR autem quidam nómine Ananías, cum Sa-

phíra uxóre sua, véndidit agrum, et fraudávit de pretio agri, cónsencia uxóre sua : et áfferens partem quamdam, ad pedes Apostolorum pósuit. Dixit autem Petrus : Ananía, cur tentávit sátanas cor tuum, mentíri te Spirítui sancto, et fraudáre de pretio agri? Nonne manens tibi manébat, et venúndatum in tua erat potestáte? Quare posuisti in corde tuo hanc rem? Non es mentítus homínibus, sed Deo. Audiens autem Ananías hæc verba, cécidit et expirávit. Et factus est timor magnus super omnes qui audiérunt. Surgéntes autem júvenes amovérunt eum, et efferéntes sepeliérunt.

¶ Christus resúrgens ex mórtuis, jam non móritur, mors illi ultra non dominábitur : quod enim mórtuus est peccáto, mórtuus est semel : * Quod autem vivit, vivit Deo, allelúia, allelúia. ¶ Mórtuus est semel propter delicta nostra, et resurrexit propter justificatióem nostram. Quod.

Lectio ij.

FACTUM est autem quasi horarum trium spátium, et uxor ipsius, nésiciens quod factum fúerat, introívit. Dixit autem ei Petrus : Dic mihi mulier, si tanti agrum vendidisti? At illa dixit : Etiam tanti. Petrus autem ad eam :

Quid útique convénit vobis tentáre Spirítum Dómini? Ecce pedes eórum, qui sepeliérunt virum tuum, ad óstium, et éfferent te. Conféstim cécidit ante pedes ejus, et expirávit. Intrántes autem júvenes invenérunt illam mórtuam, et extulérunt, et sepeliérunt ad virum suum. Et factus est timor magnus in univérsa ecclésia, et in omnes qui audiérunt hæc.

¶ Surréxit pastor bonus, qui ánimam suam pósuit pro óvibus suis, et pro grege suo mori dignátus est. * Allelúia, allelúia, allelúia.

¶ Etenim Pascha nostrum immolátus est Christus. Allelúia. Glória Patri. Allel.

Lectio iij.

PER manus autem Apostolorum fiébant signa, et prodigia multa in plebe. Et erant unanimiter omnes in pórticu Salomónis. Ceterórum autem nemo audébat se conjúngere illis : sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejícerent infirmos, et pónerent in léctulis ac grabátis, ut, veniénte Petro, saltem umbra illius obumbráret, quemquam illórum, et liberaréntur ab infirmitátibus suis. Concurrébat autem et multitúdo vici-

narum civitatum Jerusalemem, afferentes ægros, et vexatos a spiritibus immundis : qui curabantur omnes.

Te Deum laudamus. 17.

Ad Benedictus. Ant.

Ardens est cor meum, * desidero videre Dominum meum : quæro, et non invenio ubi posuerunt eum, allelúia, allelúia.

Ad Magnificat. Ant.

Misi digitum meum * in fœderas clavorum, et manum meam in latus ejus, et dixi : Dominus meus, et Deus meus, allelúia.

FERIA SEXTA.

De Actibus Apostolorum.

Lectio j. Cap. 8. b

VIR autem quidam nomine Simon, qui ante fuerat in civitate magus, seducens gentem Samariæ, dicens se esse aliquem magnum : cui auscultabant omnes a minimo usque ad maximum, dicentes : Hic est virtus Dei, quæ vocatur magna. Attendebant autem eum, propter quod multo tempore magis suis dementasset eos. Cum vero credidissent Philippo evangelizanti de regno Dei, in nomine Jesu Christi baptizabantur viri ac mulieres. Tunc Simon et ipse credidit : et cum baptizatus esset, adhærebat Philippo. Videns etiam signa, et virtutes maximas fieri, stupens admirabatur.

R. Virtute magna reddebant Apostoli * Testimonium resurrectionis Jesu Christi Domini nostri, allelúia, allelúia. **V.** Repleti quidem Spiritu sancto loquebantur cum fiducia verbum Dei. Testimonium.

Lectio ij.

CUM autem audissent Apostoli, qui erant Jerosolymis, quod recepisset Samaria verbum Dei, miserunt ad eos Petrum et Joannem. Qui cum venissent, oraverunt pro ipsis ut acciperent Spiritum sanctum : nondum enim in quemquam illorum venerat, sed baptizati tantum erant in nomine Domini Jesu. Tunc imponebant manus super illos, et accipiebant Spiritum sanctum. Cum vidisset autem Simon, quia per impositionem manus Apostolorum daretur Spiritus sanctus, obtulit eis pecuniam, dicens : Date et mihi hanc potestatem, ut cuicumque imposuero manus, accipiat Spiritum sanctum.

R. De ore prudentis procedit mel, allelúia : dulcedo mellis est sub lingua ejus, allelúia : * Favus distillans labia ejus, allelúia, allelúia. **V.** Sapientia requiescit in corde ejus, et prudentia in sermone oris illius. Favus. **Gloria Patri.** Favus.

Lectio iij.

PETRUS autem dixit ad eum: Pecunia tua tecum sit in perditionem: quoniam donum Dei existimasti pecunia possideri. Non est tibi pars, neque sors in sermone isto. Cor enim tuum non est rectum coram Deo. Penitentiam itaque age ab hac nequitia tua: et roga Deum, si forte remittatur tibi haec cogitatio cordis tui. In felle enim amaritudinis, et obligatione iniquitatis video te esse. Respondens autem Simon, dixit: Precamini vos pro me ad Dominum, ut nihil veniat super me horum, quae dixistis.

1e Deum laudamus. 17.

Ad Benedictus, Añā.

Venerunt ad monumentum * Maria Magdalena, et altera Maria, videre sepulchrum, alleluia.

Ad Vesp., nisi occurrat Festum ix. Lect. a Capitulo de S. Maria.

SABBATO.

De Actibus Apostolorum.

Lectio j. Cap. 10.

VIR autem quidam erat in Caesarea, nomine Cornelius, Centurio cohortis quae dicitur Italica, religiosus ac timens Deum cum omni domo sua, faciens eleemosynas multas plebi, et deprecans Deum semper: is vidit in visu manifeste, quasi hora diei nona, An-

gelum Dei introeuntem ad se, et dicentem sibi: Cornelii. At ille intuens eum, timore correptus, dixit: Quid est, Domine? Dixit autem illi: Orationes tuae, et eleemosynae tuae ascenderunt in memoriam in conspectu Dei. Et nunc mitte viros in Joppen, et accersi Simonem quemdam, qui cognominatur Petrus: hic hospitatur apud Simonem quemdam coriarium, cujus est domus juxta mare: hic dicet tibi quid te oporteat facere. Et cum discessisset Angelus, qui loquebatur illi, vocavit duos domesticos suos: et militem metuentem Dominum, ex his qui illi parabant. Quibus cum narrasset omnia, misit illos in Joppen.

Lectio ij.

POSTERA autem die iter illis facientibus, et appropinquantibus civitati, ascendit Petrus in superiora, ut oraret circa horam sextam. Et cum esuriret, voluit gustare. Parantibus autem illis, cecidit super eum mentis excessus: et vidit caelum apertum, et descendens vas quoddam, velut linteam magnum, quatuor initiis submitti de caelo in terram, in quo erant omnia quadrupedia, et serpentina terrae, et volatilia caeli. Et facta est vox

ad eum : Surge Petre , occide et manduca. Ait autem Petrus : Absit, Dómine , quia nunquam manducavi omne commune et immundum. Et vox iterum secundo ad eum : Quod Deus purificávit , tu commune ne dixeris. Hoc autem factum est per te : et statim receptum est vas in cœlum. Et dum intra se hæsitaret Petrus quidnam esset visio quam vidisset , ecce viri , qui missi erant a Cornélio , inquirentes domum Simónis , astiterunt ad januam.

Lectio iij.

APERIENS autem Petrus os suum, dixit : In veritate cõperì , quia non est personarum acceptor Deus : sed in omni gente , qui timet eum , et operatur justitiam , acceptus est illi. Verbum misit Deus filiis Israel , annuntians pacem per Jesum Christum : (hic est ómnium Dóminus.) Vos scitis quod factum est verbum per universam Judæam : incipiens enim a Galilæa : post baptismum quod prædicávit Joánnes , Jesum a Nazareth , quómodo unxit eum Deus Spíritu sancto , et virtute , qui pertransiit benefaciendo , et sanando omnes oppressos a diabolo , quóniam Deus erat cum illo. Et nos testes sumus ómnium , quæ

fecit in regione Judæorum , et Jerúsalem , quem occiderunt suspendentes in ligno. Hunc Deus suscitávit tertia die , et dedit eum manifestum fieri , non omni populo , sed téstibus præordinátis a Deo : nobis , qui manducávimus , et bibimus cum illo , postquam resurrexit a mórtuis.

Ad Vesperas. Capit.

1. Pet. 2. d

CHARISSIMI , Christus passus est pro nobis , vobis relinquens exéplum , ut sequámini vestigia ejus : qui peccátum non fecit , nec inventus est dolus in ore ejus.

Hymn. Ad régias. 133.

Ÿ. Mane nobiscum , Dómine , allelúia. **R.** Quóniam advesperáscit , allelúia.

Ad Magnificat , Aña.

Ego sum pastor óvium : * ego sum via , véritas et vita : ego sum pastor bonus , et cognóscō oves meas , et cognóscunt me meæ , allelúia , allelúia.

Oratio.

DEUS , qui in Filii tui humilitate jacéntem mundum erexisti : fidélibus tuis perpétuam concède lætitiā ; ut , quos perpétuæ mortis eripuisti cásibus , gaudiis fácias pérfrui sempitérnis. Per eundem Dóminum.

Deinde de Cruce , ut 153.

DOM. II. POST PASCHA.

Ad Matutinum, Invitat.

Hymn. Añæ. Psalmi et Yŷ.

ut in Psalt. temp., Pasch.

In primo Nocturno.

De Actibus Apostolorum.

Lectio j. Cap. 13. b

Cum a Papho navigassent Paulus, et qui cum eo erant, venerunt Pergen Pamphyliae. Joannes autem discédens ab eis, revérsum est Jerosólymam. Illi vero pertranseúntes Pergen, vénérent Antiochiam Pisídiæ: et ingressi synagógam die Sabbatorum, sedérunt. Post lectionem autem legis et Prophetarum, misérunt príncipes synagógæ ad eos, dicéntes: Viri fratres, si quis est in vobis sermo exhortatiónis ad plebem, dicite. Surgens autem Paulus, et manu siléntium indicens, ait: Viri Israelitæ, et qui timétis Deum, audíte: Deus plebis Israel elégit patres nostros, et plebem exaltávit, cum essent incolæ in terra Ægypti, et in bráchio excélso edúxit eos ex ea, et per quadragínta annórum tempus mores eórum sustínuit in desérto. Et déstruens gentes septem in terra Chánaan, sorte distribuit eis terram eórum, quasi postquadringéntos et quinquagínta annos: et post hæc dedit júdices, usque ad Sámuel Prophétam.

¶ Virtúte magna reddébant Apóstoli * Testimónium resurrectionis Jesu Christi Dómini nostri, allelúia, allelúia. ¶ Repléti quidem Spíritu sancto loquebántur cum fidúcia verbum Dei. Testimónium.

Lectio ij.

ET exínde postulavérunt regem: et dedit illis Deus Saul filium Cis, virum de tribu Bénjamin, annis quadragínta. Et amóto illo, suscitávit illis David regem: cui testimónium pérhibens, dixit: Inveni David filium Jesse, virum secúndum cor meum, qui fáciat omnes voluntátes meas. Hujus Deus ex sémine secúndum promissionem edúxit Israel Salvatórem Jesum, prædicánte Joánnē ante fáciem advéntus ejus: baptismum poeniténtiæ omni pópulo Israel. Cum impléret autem Joannes cursum suum, dicébat: Quem me arbitrámini esse, non sum ego, sed ecce, venit post me, cujus non sum dignus calceaménta pedum sólvare. ¶ De ore prudéntis procédit mel, allelúia: dulcédo mellis est sub lingua ejus, allelúia: * Favus distillans lábia ejus, allelúia, allelúia. ¶ Sapiéntia requiescit in corde ejus, et prudéntia in sermóne oris illius. Favus.

Lectio iij.

VIDI fratres, filii géneris Abraham, et qui in vobis timent Deum, vobis verbum salutis hujus missum est. Qui enim habitabant Jerúsalem, et principes ejus, hunc ignorantes, et voces Prophetarum, quæ per omne sabbatum leguntur, judicantes impleverunt: et nullam causam mortis inveniéntes in eo, petierunt a Pilato ut interficerent eum. Cumque consummassent omnia, quæ de eo scripta erant, deponentes eum de ligno, posuerunt eum in monumento. Deus vero suscitavit eum a mortuis tertia die: qui visus est per dies multos his, qui simul ascenderant cum eo de Galilæa in Jerúsalem: qui usque nunc sunt testes ejus ad plebem. Et nos vobis annuntiâmus eam, quæ ad patres nostros re promissio facta est: quoniam hanc Deus adimplévit filiis nostris, resuscitans Jesum, sicut et in Psalmo secundo scriptum est: Filius meus es tu, ego hodie genui te. **R.** Ecce vicit leo de tribu Juda, radix David, aperire librum, et solvere septem signacula ejus. * Allelúia, allelúia, allelúia. **V.** Dignus est Agnus qui occisus est, accipere virtutem, et divinitatem, et sapiéntiam, et

fortitudinem, et honorem, et glóriam, et benedictionem. Allelúia. **G**loria Patri. Allelúia.

In secundo Nocturno.

Sermo S. Leónis Papæ.

Lectio iv.

Serm. 1. de Ascens. Domini.

HI dies, dilectissimi, qui inter resurrectionem Domini, ascensionemque fluxerunt, non otioso transiére decursu, sed magna in eis confirmata sacramenta, magna sunt revelata mystéria. In iis metus diræ mortis aufertur, et non solum animæ, sed etiam carnis immortalitas declaratur. In iis per insufflationem Domini infunditur Apóstolis omnibus Spiritus sanctus: et beato Apóstolo Petro supra ceteros, post regni claves, ovilis Domínici cura mandatur.

R. Ego sum vitis vera, et vos palmites: * Qui manet in me, et ego in eo, hic fert fructum multum, allelúia, allelúia. **V.** Sicut dilexit me Pater, et ego dilexi vos. Qui.

Lectio v.

IN iis diebus, duobus discipulis tertius in via Dominus comes jungitur; et ad omnem nostræ ambiguitatis caliginem detergendam, pavéntium ac trepidantium tarditas increpatur. Fiammam fidei il-

lumináta corda concipiunt : et quæ erant tépida, reseránte Scriptúras Dómino, efficiúntur ardéntia. In fractiône quoque panis, convescéntium aperiúntur obtútus : multo felicius eórum óculis patefactis, quibus natúræ suæ manifestáta est gloriificátió, quam illórum géneris nostri princípum, quibus prævaricatiónis suæ est ingésta confúsió.

Ŕ. Surgens Jesus Dóminus noster, stans in médio discipulórum suórum, dixit : * Pax vobis, allelúia : gavisí sunt discipuli viso Dómino, allelúia. Ÿ. Una ergo sabbatórum, cum fores essent clausæ, ubi erant discipuli congregáti, venit Jesus, et stetit in médio eórum, et dixit eis. Pax.

Lectio vj.

INTER hæc autem aliaque mirácula, cum discipuli trépidis cogitatióibus æstuárent, et apparuisset in médio eórum Dóminus, dixissétque, Pax vobis : ne hoc remaneret in eórum opinióibus, quod volvebátur in córdibus (putábant enim se spíritum vidére, non carnem), redárguit cogitatióes a veritatē discórdes : ingerit dubitántium óculis manéntia in manibus suis et pédibus crucis signa ; et ut diligéntius pertracténtur, invitát. Quia

ad sanánda infidélium córdium vúlnera, clavórum et lanceæ erant serváta vestigia : ut non dúbia fide, sed constantíssima sciéntia tenerétur, eam natúrám in Dei Patris consessúram throno, quæ jacúerat in sepúlchro.

Ŕ. Expurgáte vetus ferméntum, ut sitis nova conspersio : étenim Pascha nostrum immolátus est Christus : * Itaque epulémur in Dómino, allelúia. Ÿ. Mór-tuus est propter delícta nostra, et resurréxit propter justificatióem nostram. Itaque. Glória Patri. Itaque.

In tertio Nocturno.

Lectio sancti Evangélíi secúndum Joánnem.

Lectio vij. Cap. 10. b

IN illo témpore : Dixit Jesus Pharisæis : Ego sum Pastor bonus. Bonus pastor ánimam suam dat pro óvibus suis. Et réliqua.

Homilia S. Gregórii Papæ.
Homilia 14. in Evangelia.

AUDISTIS, fratres charissími, ex lectiône evangélica eruditiónem vestram : audistis et periculum nostrum. Ecce enim is, qui non ex accidénti dono, sed essentialiter bonus est, dicit : Ego sum pastor bonus. Atque ejúsdem bonitátis formam, quam nos imitémur, adjúngit, dicens : Bonus pastor ánimam suam

ponit pro óvibus suis. Fecit quod mónuit : osténdit quod jussit. Bonus pastor pro óvibus suis ánimam suam pòsuit, ut in sacraménto nostro corpus suum et sánguinem véteret, et oves, quas redémerat, carnis suæ aliménto satiáret.

R. Christus resúrgens ex mórtuis, jam non móritur, mors illi ultra non dominábitur : quod enim mórtuus est peccáto, mórtuus est semel : * Quod autem vivit, vivit Deo, allelúia, allelúia. **V.** Mórtuus est semel propter delicta nostra, et resurréxit propter justificatióem nostram. Quod.

Lectio viij.

OSTENSA nobis est de cóntemptu mortis via, quam sequámur : appósita est forma, cui imprimámur. Primum nobis est exterióra nostra misericórditer óvibus ejus impéndere : postréum vero, si necesse sit, étiam mortem nostram pro eisdem óvibus ministráre. A primo autem hoc mínimo pervénitur ad postrémo majus. Sed cum incomparabiliter longe sit mélior ánimá, qua vivimus, quam terréna substántia, quam extérius possidémus : qui non dat pro óvibus substántiam suam, quando pro his datúrus est ánimam suam ?

R. Surréxit pastor bonus, qui ánimam suam pòsuit pro óvibus suis, et pro grege suo mori dignátus est. * Allelúia, allelúia, allelúia. **V.** Etenim Pascha nostrum immolátus est Christus. Allelúia. Glória Patri. Allelúia.

Lectio ix.

ET sunt nonnólli, qui dum plus terrénam substántiam, quam oves diligunt, mérito nomen pastóris perdunt : de quibus prótinus súbditur : Mercenárius autem, et qui non est pastor, ejus non sunt oves própriæ, videt lupum veniéntem, et dimittit oves, et fugit. Non pastor, sed mercenárius vocátur, qui non pro amóre íntimo oves Dominicas, sed ad temporáles mercédes pascit. Mercenárius quippe est, qui locum quidem pastóris tenet, sed lucra animárum non quærit : terrénis cómodis inhíat, honóre prælatióis gaudet, temporálibus lucris páscitur, impénsa sibi ab homínibus reveréntia lætátur.

Te Deum laudámu. 17.

Ad Laudes, Anáct Psalmi de Psalterio. 48.

Capit. 1. Pet. 2. d

CHARISSIMI, Christus passus est pro nobis, vobis relinquens exéplum, ut sequámini vestigia ejus :

qui peccatum non fecit ,
nec inventus est dolus in
ore ejus.

Hymnus. Auróra. 22.

V. In resurrectione tua ,
Christe, allelúia. *R.* Coeli
et terra læténtur, allelúia.

Ad Benedictus, Ana.

Ego sum pastor óvium : *
ego sum via, véritas, et
vita : ego sum pastor bonus,
et cognóscō oves meas, et
cognóscunt me meæ, alle-
lúia, allelúia.

Oratio.

DEUS. qui in Filii tui hu-
militate jacéntem mun-
dum erexisti : fidélibus tuis
perpétuam concéde læti-
tiam ; ut, quos perpétuæ
mortis eripuisti cásibus,
gáudiis fácias pérfrui sem-
pitérnis. Per eúndem Dó-
minum.

Com. de Cruce, ut 153.

Ad Tertiam. Capitulum.

Charíssimi, Christus, sup.
R. br. Surréxit Dóminus
de sepúlchro. * Allelúia, al-
lelúia. Surréxit. *V.* Qui pro
nobis pepéndit in ligno.
Allelúia, allelúia. Glória
Patri. Surréxit. *V.* Surréxit
Dóminus vere, allelúia. *R.*
Et apparuit Simóni, allel.

Ad Sextam. Capitulum.

1. Pet. 2. d

TRADERAT autem judicánti
se injuste : qui peccata
nostra ipse pertulit in cór-
pore suo super lignum : ut
peccátis mórtui, justitiæ

vivámus : ejus livóre sa-
nati sumus.

R. br. Surréxit Dóminus
vere. * Allelúia, allelúia.
Surréxit. *V.* Et apparuit
Simóni. Allelúia, allelúia.
Glória Patri. Surréxit. *V.*
Gavísi sunt discípuli, al-
lelúia. *R.* Viso Dómino, al-
lelúia.

Ad Nonam, Capitulum.

1. Pet. 2. d

ERATIS enim sicut oves
errantes ; sed conversi
estis nunc ad pastórem, et
episcopum animárum ve-
strárum.

R. br. Gavísi sunt disci-
puli. * Allelúia, allelúia.
Gavísi. *V.* Viso Dómino,
Allelúia, allelúia. Glória
Patri. Gavísi. *V.* Mane no-
biscum, Dómine, allelúia.
R. Quóniam advesperáscit,
allelúia.

Ad Vesperas, Anæ et
Psalmi de Dominica. 130.

Capit. Charíssimi. 308.

Hymnus. Ad régias. 133.
V. Mane nobiscum, Dómi-
ne, allelúia. *R.* Quóniam
advesperáscit, allelúia.

Ad Magnificat, Ana.

Ego sum pastor bonus, *
qui pascō oves meas, et pro
óvibus meis pono ánimam
meam, allelúia.

Deinde de Cruce. 153.

FERIA SECUNDA.

Invitat. Hymnus, Anæ et
Psalmi ut in Psalterio.
temp. Paschali.

De Actibus Apostolorum.

Lectio j. Cap. 15. b

SURREXERUNT autem quidam de hæresi Pharisæorum, qui crediderunt, dicentes : Quia oportet circumcidi eos, præcipere quoque servare legem Moysi. Conveneruntque Apostoli, et seniores videre de verbo hoc. Cum autem magna conquisitio fieret, surgens Petrus dixit ad eos : Viri fratres, vos scitis quoniam ab antiquis diebus Deus in nobis elegit, per os meum audire Gentes verbum Evangelii, et credere. Et qui novit corda Deus, testimonium perhibuit, dans illis Spiritum sanctum, sicut et nobis. Et nihil discretum inter nos et illos, fide purificans corda eorum. Nunc ergo quid tentatis Deum, imponere jugum super cervices discipulorum, quod neque patres nostri, neque nos portare potuimus? Sed per gratiam Domini Jesu Christi credimus salvari, quemadmodum et illi. Tacuit autem omnis multitudo : et audiebant Barnabam et Paulum, narrantes quanta Deus fecisset signa et prodigia in Gentibus per eos.

ñ. Virtute magna reddébant Apostoli * Testimonium resurrectionis Jesu Christi Domini nostri, alle-

luia, alleluia. *V.* Repleti quidem Spiritu sancto loquebantur cum fiducia verbum Dei. Testimonium.

Lectio ij.

ET postquam tacuerunt, respondit Jacobus, dicens : Viri fratres, audite me. Simon narravit quemadmodum primum Deus visitavit sumere ex Gentibus populum nomini suo. Et huic concordant verba Prophetarum, sicut scriptum est : Post hæc revertar, et reedificabo tabernaculum David, quod decidit : et diruta ejus reedificabo, et erigam illud ; ut requirant ceteri hominum Dominum, et omnes Gentes, super quas invocatum est nomen meum, dicit Dominus, faciens hæc. Notum a sæculo est Domino opus suum. Propter quod ego iudico, non inquietari eos, qui ex Gentibus convertuntur ad Deum, sed scribere ad eos, ut abstineant se a contaminationibus simulacrorum, et fornicatione, et suffocatis, et sanguine. Moyses enim a temporibus antiquis habet in singulis civitatibus qui eum prædicent in synagogis : ubi per omne sabbatum legitur.

ñ. De ore prudentis procedit mel, alleluia : dulcedo mellis est sub lingua ejus, alleluia : * Favus distillans

lâbia ejus, allelûia, allelûia.

Y. Sapiëntia requiescit in corde ejus, et prudëntia in sermone oris illius. Favus.

Gloria Patri. Favus.

Lectio iij.

TUNC placuit Apóstolis, et senióribus cum omni Ecclesiâ, eligere viros ex eis, et mittere Antiochiâ cum Paulo et Bárnaba, Judam, qui cognominabatur Bársabas, et Silam, viros primos in fratribus: scribentes per manus eorum: Apóstoli et seniôres fratres, his, qui sunt Antiochiæ, et Syriæ, et Ciliciæ, fratribus ex Géntibus, salutem. Quoniam audivimus quia quidam ex nobis exeuntes turbaverunt vos verbis, evertentes ánimas vestras, quibus non mandavimus: placuit nobis colléctis in unum, eligere viros, et mittere ad vos, cum charíssimis nostris Bárnaba et Paulo, homínibus, qui tradiderunt ánimas suas pro nómine Dómini nostri Jesu Christi. Misimus ergo Judam et Silam, qui et ipsi vobis verbis réferent éadem. Visum est enim Spiritui sancto, et nobis, nihil ultra impónere vobis óneris, quam hæc necessariâ: ut abstineátis vos ab immolâtis simulacrórum, et sânguine, et suffocato, et fornicatióne: a quibus custo-

diétes vos, bene agétiſ. Valéte.

Te Deum laudámus. 17.

Ad Laudes, Añæ, Psalmi, Capit. Hymnus et Y. de Psalt. temp. Pasch., ut in Dñica.

Ad Benedictus, Aña.

Euntes in mundum, * allelûia, docéte omnes gentes, allelûia.

Ad Magnificat, Aña.

Pastor bonus * ánimam suam ponit pro óvibus suis, allel.

FERIA TERTIA.

De Actibus Apostolorum.

Lectio j. Cap. 17. c et 18.

STANS autem Paulus in S médio Areopági, ait: Viri Athenienses, per ómnia quasi superstitiosiores vos video. Præteritus enim, et videns simulácra vestra, invéni et aram, in qua scriptum erat: Ignóto Deo. Quod ergo ignorantes cólitis, hoc ego annúntio vobis. Deus, qui fecit mundum, et ómnia quæ in eo sunt, hic cœli et terræ cum sit Dóminus, non in manufactis templis hábitat, nec mânibus humanis cólitur, indigens aliquo, cum ipse det ómnibus vitam, et inspiratió-nem, et ómnia: fecitque ex uno omne genus homínium inhabitare super univérsam faciém terræ, definiens statúta témpora, et términos habitatiónis eorum: quærere Deum, si forte attréctent eum, aut invéniant,

quamvis non longe sit ab unoquoque nostrum.

R. Ecce vicit leo de tribu Juda, radix David, aperire librum, et solverere septem signacula ejus. * Allelúia, allelúia, allelúia. **Ÿ.** Dignus est Agnus qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem. Allelúia.

Lectio ij.

IN ipso enim vivimus, et movémur, et sumus: sicut et quidam vestrorum potarum dixerunt: Ipsius enim et genus sumus. Genus ergo cum simus Dei, non debemus æstimare auro; aut argento, aut lapidi, sculpturæ artis, et cogitationis hominis, divinum esse simile. Et tempora quidem hujus ignorantie despiciens Deus, nunc annuntiat hominibus, ut omnes ubique pœnitentiam agant, eo quod statuit diem, in quo judicaturus est orbem in æquitate, in viro, in quo statuit, fidem præbens omnibus, suscitans eum a mortuis. Cum audissent autem resurrectionem mortuorum, quidam quidem irridébant, quidam vero dixerunt: Audiemus te de hoc iterum. Sic Paulus exivit de medio eorum.

Ŗ. Ego sum vitis vera, et vos palmites: * Qui manet

in me, et ego in eo, hic fert fructum multum, allelúia, allelúia. **Ÿ.** Sicut diléxit me Pater, et ego diléxi vos. Qui. **G**loria Patri. Qui.

Lectio iij.

QUIDAM vero viri adhærentes ei, crediderunt: in quibus et Dionysius Areopagita, et mulier nomine Damaris, et alii cum eis. Post hæc egressus ab Athénis venit Corinthus: et inveniens quemdam Judæum nomine Aquilam, Ponticum genere, qui nuper venerat ab Italia, et Priscillam uxorem ejus (eo quod præcepisset Claudi discedere omnes Judæos a Roma), accessit ad eos. Et quia ejusdem erat artis, manebat apud eos, et operabatur: (erant autem scenofactoriæ artis.) Et disputabat in synagoga per omne sabbatum, interpônens nomen Domini Jesu, suadebatque Judæis et Græcis.

Te Deum laudamus. 17.

Ad Benedictus, Ana.

Eúntes in mundum, * docete omnes gentes, baptizantes eos in nomine Patris, et Filii, et Spiritus sancti, allelúia.

Ad Magnificat, Ana.

Mercenarius autem, * cujus non sunt oves propriæ, videt lupum venientem, et dimittit oves, et fugit: et lupus rapit, et dispergit oves, allelúia.

FERIA QUARTA.

De Actibus Apostolorum.

Lectio j. Cap. 20. d

A Miléto Paulus mittens Ephesum vocávit Majóres natu Ecclésiæ. Qui cum venissent ad eum, et simul essent, dixit eis : Vos scitis a prima die, qua ingressus sum in Asiam, quáliter vobiscum per omne tempus fúerim, sérviens Dómino cum omni humilitáte, et lácrymis, et tentatióibus quæ mihi accidérunt ex insidiis Judæórum : quómodo nihil subtráxerim utilium, quo minus annuntiárem vobis, et docérem vos públice, et per domos, testificans Judæis, atque Gentilibus in Deum pœniténtiam, et fidem in Dóminum nostrum Jesum Christum. Et nunc ecce alligátus ego Spiritu, vado in Jerúsalem, quæ in ea ventúra sint mihi ignórans : nisi quod Spiritus sanctus per omnes civitátes mihi protestátur, dicens : Quóniam vincula et tribulatiónes Jerosólymis me manent. Sed nihil horum véreor : nec fácio ánimam meam pretiosiórem quam me, dúmmodo consummem cursum meum, et ministérium verbi, quod accépi a Dómino Jesu, testificári Evangélium grátia Dei.

R. Surgens Jesus Dóminus noster, stans in médio discipulórum suórum, di-

xit : * Pax vobis, allelúia : gavisi sunt discipuli viso Dómino, allelúia. **V.** Una ergo Sabbatórum, cum fores essent clausæ, ubi erant discipuli congregáti, venit Jesus, et stetit in médio eórum, et dixit eis. Pax.

Lectio ij.

ET nunc ecce ego scio, quia ámplius non vidébitis faciém meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a sángwine ómnium. Non enim subterfúgi, quo minus annuntiárem omne consilium Dei vobis. Atténdite vobis, et univérso gregi, in quo vos Spíritus sanctus pósuit episcopos, régere Ecclésiám Dei, quam acquisívit sángwine suo. Ego scio quóniam intrábunt post discessiÓNem meam lupi rapáces in vos, non parcéntes gregi. Et ex vobis ipsis exúrgent viri loquéntes perversa, ut abducant discipulos post se. Propter quod vigiláte, memória retinéntes, quóniam per triénnium nocte et die non cessávi, cum lácrymis monens unumquémque vestrum.

R. Expurgáte vetus fermentum, ut sitis nova conspersio : etenim Pascha nostrum immolátus est Christus : * Itaque epulémur in

Dómino, allelúia. *V.* Mór-
tuus est propter delicta no-
stra, et resurrexit propter
justificatióem nostram. Ita-
que. *Gloria Patri.* Itaque.

Lectio iij.

ET nunc comméndo vos
Deo, et verbo grátiae ip-
sius, qui potens est ædi-
ficare, et dare hæreditatem
in sanctificáti omnibus. Ar-
géntum et aurum, aut ve-
stem nullius concupívi, sic-
ut ipsi scitis: quóniam ad
ea, quæ mihi opus erant,
et his qui mecum sunt, mi-
nistravérunt manus istæ.
Omnia osténdi vobis, quó-
niam sic laborántes, opórtet
suscipere infirmos, ac me-
minisse verbi Dómini Jesu,
quóniam ipse dixit: Beá-
tius est magis dare, quam
accípere. Et cum hæc dixís-
set, pósitis génibus suis orá-
vit cum omnibus illis. Ma-
gnus autem fletus factus est
omnium: et procumbéntes
super collum Pauli, oscula-
bántur eum, doléntes máxi-
me in verbo, quod díxerat,
quóniam ámplius faciém ejus
non essent visúri. Et dedu-
cébant eum ad navem.

Te Deum laudamus. 17.

Ad Benedictus, Ana.

Ite, nuntiáte* frátribus meis,
allelúia: ut eant in Gali-
læam, allelúia: ibi me vi-
debunt, allelúia, allel., allel.

Ad Magnificat, Ana.

Sicut novit me Pater, * et

ego cognóscó Patrem, et
ánimam meam pono pro óvi-
bus meis, allelúia.

FERIA QUINTA.

De Actibus Apostolorum.

Lectio j. Cap. 24. c

RESPONDIT autem Paulus
(annuente sibi Præsede
dicere): Ex multis annis te
esse júdicem genti huic
sciens, bono ánimo pro me
satisfáciam. Potes enim cog-
nóscere, quia non plus sunt
mihi dies quam duódecim,
ex quo ascéndi adorare in
Jerúsalem: et neque in tem-
plo invenérunt me cum áli-
quo disputántem, aut con-
cúrsum faciéntem turbæ,
neque in synagógis, neque
in civitate: neque probare
possunt tibi de quibus nunc
me accúsant. Confíteor au-
tem hoc tibi, quod secún-
dum sectam, quam dicunt
hæresim, sic desérvio Patri
et Deo meo, credens omni-
bus, quæ in Lege et Pro-
phétis scripta sunt: spem
habens in Deum, quam et
hi ipsi expéctant, resurre-
ctiónem futúram justórum
et iniquórum. In hoc et
ipse stúdeo sine offendículo
consciéntiam habere ad
Deum, et ad hómines sem-
per.

v. Christus. 308.

Lectio ij.

POST annos autem plures
eleemósynas factúrus in
gentem meam, veni, et obla-

tiões et vota. In quibus invenérunt me purificátum in templo; non cum turba, neque cum tumultu. Quidam autem ex Asia Judæi, quos oportébat apud te præsto esse, et accusáre si quid haberent advérsus me: aut hi ipsi dicant si quid invenérunt in me iniquitátis, cum stem in concílio: nisi de una hac sólúmodo voce, qua clamávi inter eos stans: Quóniam de resurrectione mortuórum ego júdicor hódie a vobis.

R. Surréxit pastor. 308.

Lectio iij.

DISTULIT autem illos Felix, certíssime sciens de via hac, dicens: Cum Tribúnus Lysias descénderit, áudiam vos. Jussítque Centurióni custodíre eum, et habére réquiem, nec quemquam de suis prohibére ministráre ei. Post áliquot autem dies véniens Felix cum Drusilla uxóre sua, quæ erat Judæa, vocávit Paulum, et audívit ab eo fidem quæ est in Christum Jesum. Disputánte autem illo de justítia, et castitáte, et de judicio futuro, tremefáctus Felix respóndit: Quod nunc áttinet, vade: témpore autem opportúno accérsam te: simul et sperans, quod pecúnia ei darétur a Paulo; propter quod et fréquénter accérsens eum, loquebátur cum eo. Biénio

autem expléto, accépit successórem Felix Pórtium Festum. Volens autem grátiam præstáre Judæis Felix, reliquit Paulum vinctum.

Te Deum laudámus. 17.

Ad Benedictus, Ana.

Tu solus peregrínus es, * et non audísti de Jesu, quómodo tradidérunt eum in damnatióem mortis? allelúia.

Ad Magnificat, Ana.

Alias oves hábeo, * quæ non sunt ex hoc ovili: et illas opórtet me addúcere, et vocem meam áudient: et fiet unum ovile, et unus pastor, allelúia.

FERIA SEXTA.

De Actibus Apostolórum.

Lectio j. Cap. 25.

FESTUS ergo cum venisset in provinciam, post tri-duum ascéndit Jerosólymam a Cæsaréa. Adierúntque eum principes sacerdotum, et primí Judæórum advérsus Paulum, et rogábant eum, postulántes grátiam advérsus eum, ut jubéret perdúci eum in Jerúsalem, insidias tendéntes, ut interficerent eum in via. Festus autem respóndit, servári Paulum in Cæsaréa, se autem mátiúsius profectúrum. Qui ergo in vobis (ait) poténtes sunt, descendéntes simul, si quod est in viro crimen, accúsent eum.

V. Virtúte magna. 310.

Lectio ij.

DEMORATUS autem inter eos dies non amplius quam octo, aut decem, descendit Cæsaream, et altera die sedit pro tribunali, et iussit Paulum adduci. Qui cum perductus esset, circumsteterunt eum qui ab Jerosolyma descenderant Judæi, multas et graves causas obijcientes, quas non poterant probare, Paulo rationem reddente: Quoniam neque in legem Judæorum, neque in templum, neque in Cæsarem quidquam peccavi.

R. De ore prudentis. 310.

Lectio iij.

FESTUS autem volens gratiam præstare Judæis, respondens Paulo, dixit: Vis Jerosolymam ascendere, et ibi de his judicari apud me? Dixit autem Paulus: Ad tribunal Cæsaris sto, ibi me oportet judicari: Judæis non nocui, sicut tu melius nosti. Si enim nocui, aut dignum morte aliquid feci, non recuso mori: si vero nihil est eorum, quæ hi accusant me, nemo potest me illis donare. Cæsarem appello. Tunc Festus cum concilio locutus, respondit: Cæsarem appellasti? ad Cæsarem ibis.

Ie Deum laudamus. 17.

Ad Benedictus. Ana.

Nonne sic oportuit pati * Christum, et ita intrare in gloriam suam? alleluia.

Ad Vesp., nisi occurrat Festum ix. Lect., a Capitulo sit de S. Maria.

SABBATO.

De Actibus Apostolorum.

Lectio j. Cap. 28. d

CUM autem venissemus Romam, permissum est Paulo manere sibi met cum custodiente se milite. Post tertium autem diem convocavit primos Judæorum. Cumque convenissent, dicebat eis: Ego, viri fratres, nihil adversus plebem faciens, aut morem patrum, vinctus ab Jerosolymis traditus sum in manus Romanorum: qui cum interrogationem de me habuissent, voluerunt me dimittere, eo quod nulla esset causa mortis in me. Contradicientibus autem Judæis, coactus sum appellare Cæsarem, non quasi gentem meam habens aliquid accusare. Propter hanc igitur causam, rogavi vos videre, et alloqui. Propter spem enim Israel catena hac circumdatus sum.

Lectio ij.

AT illi dixerunt ad eum: Nos neque litteras accepimus de te a Judæa, neque adveniens aliquis fratrum nuntiavit, aut locutus est quid de te malum. Rogamus autem a te audire quæ sentis: nam de secta hac notum est nobis, quia ubique ei contradicitur. Cum con-

stituissent autem illi diem
venérunt ad eum in hospi-
tium plúrimi, quibus expo-
nébat testificans regnū Dei,
suadénsque eis de Jesu ex
lege Moysi et Prophétis, a
mane usque ad vésperam.
Et quidam credébant his
quæ dicebantur : quidam
vero non credébant.

Lectio iij.

CUMQUE invicem non es-
sent consentiéntes, dis-
cedébant, dicénte Paulo
unum verbum : Quia bene
Spíritus sanctus locútus est
per Isaiam Prophétam ad
patres nostros, dicens : Vade
ad pópulum istum, et dic ad
eos : Aure audiétis, et non
intelligétis : et vidéntes vi-
débitis, et non perspiciétis.
Incrassátum est enim cor
pópuli hujus, et áuribus
grávitèr audierunt, et ócu-
los suos compressérunt : ne
forte videant óculis, et áu-
ribus áudiant, et corde in-
telligant, et convertántur,
et sanem eos. Notum ergo
sit vobis, quóniam Géntibus
missum est hoc salutáre
Dei, et ipsi áudient. Et
cum hæc dixisset, exiérunt
ab eo Judæi, multam ha-
béntes inter se quæstiónem.
Mansit autem biénio toto
in suo condúcto : et susci-
piébat omnes qui ingredie-
bantur ad eum, prædicans
regnum Dei, et docens quæ
sunt de Dómino Jesu Chri-

sto cum omni fidúcia, sine
prohibitíone.

Ad Vesperas, Capitulum.

CHARISSIMI, Obsecro vos
tamquam ádvenas et per-
egrinos abstinére vos a
carnálibus desidériis, quæ
militant advérsus ánimam,

Hymnus. Ad régias. 133.

V. Mane nobiscum, Dómine,
allelúia. *R.* Quóniam ad-
vesperáscit, allelúia.

Ad Magnificat. Ant.

Módicum, et non vidébitis
me, * dicit Dóminus : iterum
módicum, et vidébitis me :
quia vado ad Patrem, alle-
lúia, allelúia.

Oratio.

DEUS, qui errántibus, ut
in viam possint redire
justitiæ, veritátis tuæ lumen
osténdis : da cunctis, qui
christiána professióne cen-
séntur, et illa respúere,
quæ huic inimica sunt nó-
mini, et ea quæ sunt apta,
sectári. Per Dóminum.

Deinde de Cruce. 153.

DOM. III. POST PASCHA.

Ad Matutinum, Invitat.

Hymn., Antæ, Psalmi et V.
ut in Psalt., temp. Pasch.

In primo Nocturno.

Incipit liber Apocalypsis
beáti Joánnis Apóstoli.

Lectio j. Cap. 1.

APOCALYPSIS Jesu Christi,
quam dedit illi Deus
palam fácere servis suis,
quæ opórtet fieri cito : et
significávit, mittens per An-

gelum suum servo suo Joánni, qui testimónium perhibuit verbo Dei, et testimónium Jesu Christi, quæcúmque vidit. Beátus qui legit, et audit verba prophetiæ hujus : et servat ea quæ in ea scripta sunt : tempus enim prope est. Joánnes septem Ecclesiis quæ sunt in Asia. Grátia vobis, et pax ab eo, qui est, et qui erat, et qui ventúrus est : et a septem spirítibus qui in conspéctu throni ejus sunt : et a Jesu Christo, qui est testis fidélis, primogénitus mortuórum, et princeps regum terræ, qui diléxit nos, et lavit nos a peccátis nostris in sángxine suo, et fecit nos regnum et sacerdótes Deo et Patri suo : ipsi glória, et impérium in sæcula sæculórum. Amen

ñ. Dignus es, Dómine, accípere librum, et aperíre signácula ejus, allelúia : quóniam occísus es, et redimisti nos Deo * In sángxine tuo, allelúia. **ŷ.** Fecisti enim nos Deo nostro regnum et sacerdótium. In.

Lectio ij.

ECCE venit cum núbibus, et vidébit eum omnis óculus, et qui eum pupugérunt. Et plangent se super eum omnes tribus terræ : Etiam : Amen. Ego sum alfa et oméga, princípium et finis, dicit Dóminus Deus,

qui est, et qui erat, et qui ventúrus est, omnípotens. Ego Joánnes frater vester, et párticeps in tribulatióne, et regno, et patiéntia in Christo Jesu : fui in insula quæ appellátur Pathmos, propter verbum Dei, et testimónium Jesu. Fui in spirítu in Dominica die, et audívi post me vocem magnam tamquam tubæ, dicéntis : Quod vides, scribe in libro : et mitte septem Ecclesiis, quæ sunt in Asia, Epheso, et Smyrnæ, et Pér-gamo, et Thyatírae, et Sardis, et Philadelphíæ, et Laodiciæ.

ñ. Ego sicut vitis fructificávi suavitátem odóris, allelúia : * Transíte ad me omnes qui concupísцитis me, et a generatióibus meis adimplémini, allelúia, allelúia. **ŷ.** In me omnis grátia viæ et veritátis : in me omnis spes vitæ et virtútis. Transíte.

Lectio iij.

ET convérsus sum, ut vidérem vocem quæ loquebátur mecum : et convérsus vidi septem candelábra áurea : et in médio septem candelabrórum aureórum símilem filio hóminis, vestitum podére, et præcinctum ad mamillas zona áurea : caput autem ejus, et capilli erant cándidi tamquam lana alba, et tam-

quam nix, et oculi ejus tamquam flamma ignis : et pedes ejus similes aurichálco, sicut in camino ardénti, et vox illius tamquam vox aquárum multárum : et habébat in dextera sua stellas septem : et de ore ejus gladius utrâque parte acútus exibat : et fácies ejus sicut sol lucet in virtúte sua. Et cum vidissem eum, cécidi ad pedes ejus tamquam mórtuus. Et pósuit dexteram suam super me, dicens : Noli timére : ego sum primus, et novissimus : et vivus, et fui mórtuus, et ecce sum vivens in sæcula sæculórum : et hábeo claves mortis et inférni. Scribe ergo quæ vidisti, et quæ sunt, et quæ opórtet fieri post hæc.

R. Audívi vocem de cœlo tamquam vocem tonítrui magni, allelúia : regnábit Deus noster in ætérnum, allelúia : * Quia facta est salus, et virtus, et potéstas Christi ejus, allelúia, allelúia. **V.** Et vox de throno exívit, dicens : Laudem dícite Deo nostro, omnes sancti ejus, et qui timétis Deum pusilli et magni. Quia. **G**loria Patri. Quia.

In secundo Nocturno.

Sermo S. Augustini Episc.

Lectio iv.

Serm. 147. de Temp.

DIEBUS his sanctis resurrectioni Dómini dedicá-

tis, quantum donánte ipso pòssumus, de carnis resurrectione tractémus. Hæc enim est fides nostra : hoc donum in Dómini nostri Jesu Christi nobis carne promíssum est, et in ipso præcéssit exémplum. Vóluit enim nobis, quod promísit in fine, non solum prænuntiáre, sed étiam demonstráre. Illi quidem, qui tunc fuérunt, cum illum vidérent, et cum expavéscerent, et spíritum se vidére créderent, soliditátem córporis tenuérunt. Locútus est enim non solum verbis ad aures eórum, sed étiam spécie ad óculos eórum : parúmque erat se præbére cernéndum, nisi étiam offérret pertractándum, atque palpándum.

R. Locútus est ad me unus ex septem Angelis, dicens : Veni, osténdam tibi novam nuptam, sponsam Agni. * Et vidi Jerúsalem descendéntem de cœlo, ornátam monilibus suis, allelúia, allelúia, allelúia. **V.** Et sústulit me in spíritu in montem magnum et altum. Et.

Lectio v.

AIT enim : Quid turbáti estis, et cogitatiónes ascéndunt in cor vestrum? Putavérunt enim se spíritum vidére. Quid turbáti estis, inquit, et cogitatiónes ascéndunt in cor vestrum? Vidéte manus meas,

et pedes meos : palpáte , et vidéte : quia spiritus ossa et carnem non habet, sicut me vidétis habére. Contra istam evidéntiam disputábant hómines. Quid enim áliud fácerent hómines, quicquid, quæ sunt hóminum, sapiunt, quam sic disputáre de Deo contra Deum? Ille enim Deus est, isti hómines sunt. Sed Deus novit cogitationes hóminum, quóniam vanæ sunt.

R. Audívi vocem in cœlo Angelórum multórum dicéntium : * Timéte Dóminum, et date claritátem illi, et adoráte eum qui fecit cœlum et terram, mare et fontes aquárum, allelúia, allelúia. **V.** Vidi Angelum Dei fortem, volántem per médium cœli, voce magna clamántem et dicéntem. Timéte.

Lectio vj.

IN hómine carnáli tota régula intelligéndi est consuetúdo cernéndi. Quod solent vidére, credunt : quod non solent, non credunt. Præter consuetúdinem facit Deus mirácula, quia Deus est. Majóra quidem mirácula sunt, tot quotidie hómines nasci qui non erant, quam paucos resurrexisse qui erant : et tamen ista mirácula non consideratione comprehénsa sunt, sed assiduitáte viluérunt. Re-

surrexit Christus : absoluta est res. Corpus erat, caro erat : pepéndit in cruce, emisit ánimam, pòsita est caro in sepúlchro. Exhibuit illam vivam, qui vivébat in illa. Quare mirámur? quare non crédimus? Deus est, qui fecit.

R. Véniens a Libano quam pulchra facta est, allelúia : * Et odor vestimentórum ejus super ómnia arómata, allelúia, allelúia. **V.** Favus distillans lábia ejus, mel et lac sub lingua ejus. Et. Glória Patri. Et.

In tertio Nocturno.

Lectio sancti Evangélii secúndum Joánnem.

Lectio vj Cap. 16. b

IN illo témpore : Dixit Jesus discíplis suis : Módicum, et jam non vidébitis me : et iterum módicum, et vidébitis me : quia vado ad Patrem. Et réliqua.

Homília sancti Augustíni Epíscopi.

Tr. 101. in Joan. sub fin.

MODICUM est hoc totum spátium, quo præsens pérvolatsæculum. Unde dicit idem ipse Evangelista in Epístola sua : Novíssima hora est. Ideo namque áddidit : Quia vado ad Patrem : quod ad priórem senténtiam referéndum est, ubi ait : Módicum, et jam non vidébitis me : non ad posteriorem, ubi ait : Et iterum

módicum, et vidébitis me. Eúndo quippe ad Patrem, factúrus erat ut eum non vidérent. Ac per hoc non ídeo dictum est, quia fúerat moriturus, et donec resúrgeret, ab eórum aspéctibus recessúrus : sed quod esset itúrus ad Patrem, quod fecit posteaquam resurrexit, et cum eis per quadraginta dies conversátus, ascéndit in cælum.

R. Decantábat pópulus Israel, allelúia : et univérsa multitúdo Jacob canébat legitime : * Et David cum cantóribus cítharam percutiébat in domo Dómini, et laudes Deo canébat, allelúia, allelúia. **V.** Sanctificati sunt ergo sacerdotes et Levítæ : et univérsus Israel deducébat arcam fœderis Dómini in júbilo. Et David.

Lectio viij.

ILLIS ergo ait : Módicum, et jam non vidébitis me ; qui eum corporáliter tunc vidébant, quia itúrus erat ad Patrem, et eum deinceps mortálem visúri non erant, qualem, cum ista loquerétur, vidébant. Quod vero áddidit : Et iterum módicum, et vidébitis me, univérse promísit Ecclesiæ, sicut univérse promísit : Ecce ego vobíscum sum usque ad consummationem sæculi. Non tardat Dóminus promissum. Módicum, et vi-

débimus eum : ubi jam nihil rogémus, nihil interrogémus, quia nihil desiderándum remanébit, nihil quæréndum latébit.

R. Tristítia vestra, allelúia, * Convertétur in gáudium, allelúia, allelúia. **V.** Mundus autem gaudébit, vos vero contristabimini : sed tristítia vestra. Convertétur. Glória Patri. Convertétur.

Lectio ix.

HOC módicum longum nobis vidétur, quóniam adhuc ágitur : cum finitum fúerit, tunc sentiémus quam módicum fúerit. Non ergo sit gáudium nostrum quale habet mundus, de quo dictum est : Mundus autem gaudébit. Nec tamen in hujus desidérii parturitíone sine gáudio tristes simus : sed, sicut ait Apóstolus : Spe gaudéntes : in tribulatione patiéntes : quia et ipsa partúriens, cui comparáti sumus, plus gaudet de mox futúra prole, quam tristis est de præsentí dolore. Sed hujus sermónis iste sit finis : habent enim quæstiónem molestissimam, quæ sequúntur : nec brevitate coaretánda sunt, ut possint commódus, si Dóminus volúerit, explicári. Te Deum laudámus. 17.

Ad Laudes, Añæ et Psalmi de Psalterio. 18.

Capitulum. 1. Pet. 2. c

CHARISSIMI, Obsecro vos tamquam advenas et peregrinos abstinere vos a carnalibus desideriis, quæ militant adversus animam.

Hymnus. Auróra. 22.

Ÿ. In resurrectione tua, Christe, allelúia. *Ŕ.* Cæli et terra læténtur, allelúia.

Ad Benedictus. Añã.

Módicum et non vidébitis me, * dicit Dóminus : iterum módicum, et vidébitis me : quia vado ad Patrem, allelúia, allelúia.

Oratio.

DEUS, qui errantibus, ut in viam possint redire justitiæ, veritatis tuæ lumen ostendis : da cunctis, qui christiana professione censéntur, et illa respuere, quæ huic inimica sunt nómini, et ea quæ sunt apta, sectári. Per Dóminum.

Deinde de Cruce. 153.

Ad Tertiam, Capit. Charissimi, Obsecro, supra.

Ŕ. br. Surréxit Dóminus de sepúlchro. * Allelúia, allelúia. Surréxit. *Ÿ.* Qui pro nobis pepéndit in ligno. Allelúia, allelúia. Glória Patri. Surréxit. *Ÿ.* Surréxit Dóminus vere, allelúia. *Ŕ.* Et appáruit Simóni, allel.

*Ad Sextam. Capitulum.**1. Pet. 2. c*

SUBJECTI igitur estóte omni humanæ creaturæ propter Deum : sive regi,

quasi præcellénti : sive ducibus, tamquam ab eo missis ad vindictam malefactorum, laudem vero bonorum.

Ŕ. br. Surréxit Dóminus vere.

* Allelúia, allelúia. Surréxit. *Ÿ.* Et appáruit Simóni. Allelúia, allelúia. Glória Patri. Surréxit. *Ÿ.* Gavisi sunt discipuli, allelúia. *Ŕ.* Viso Dómino, allelúia.

*Ad Nonam. Capitulum.**1. Pet. 2. c*

SERVI súditi estóte in omni timóre dómínis, non tantum bonis et modéstiis, sed étiam dyscolis. Hæc est enim grátia in Christo Jesu Dómino nostro.

Ŕ. br. Gavisi sunt discipuli.

* Allelúia, allelúia. Gavisi. *Ÿ.* Viso Dómino. Allelúia, allelúia. Glória Patri. Gavisi. *Ÿ.* Mane nobíscum, Dómine, allelúia. *Ŕ.* Quóniam advesperáscit, allelúia.

Ad Vesperas, Añã, et Psalmi de Dominica. 130.

Capit. Charissimi. supra.

Hymnus. Ad régias. 133.

Ÿ. Mane nobíscum, Dómine, allelúia. *Ŕ.* Quóniam advesperáscit, allelúia.

Ad Magnificat. Añã.

Amen dico vobis, * quia plorábitis et flébitis vos : mundus autem gaudébit, vos vero contristabimini : sed tristitia vestra vertétur in gaudium, allel.

Deinde de Cruce. 153.

FERIA SECUNDA.

De libro Apocalypsis beati
Joannis Apóstoli.

Lectio j. Cap. 2.

ANGELO Ephesi Ecclésiæ
scribe: Hæc dicit, qui
tenet septem stellas in dé-
xtera sua, qui ámbulat in
medio septem candelabró-
rum aureórum: Scio ópera
tua, et labórem, et patién-
tiam tuam, et quia non po-
tes sustinére malos: et ten-
tásti eos qui se dicunt Apó-
stolos esse, et non sunt:
et invenísti eos mendáces,
et patiéntiam habes, et sus-
tinuísti propter nomen
meum, et non defecísti.
Sed hábeo advérsus te,
quod charitátem tuam pri-
mam reliquísti. Memor esto
ítaque unde excideris, et
age pœniténtiam, et prima
ópera fac. Sin autem, vén-
io tibi; et movébo cande-
lábrum tuum de loco suo,
nisi pœniténtiam égeris.
Sed hoc habes, quia odísti
facta Nicolaitárum, quæ et
ego odi. Qui habet aurem,
áudiat quid Spíritus dicat
Ecclésiis: Vincénti dabo
édere de ligno vitæ, quod
est in Paradiso Dei mei.

R. Vidi portam civitátis ad
Oriéntem pósitam, et Apo-
stolorum nómina et Agni
super eam scripta: * Et su-
per muros ejus Angelórum
custódiam, allelúia. **V.** Vidi
cælum novum, et terram

novam, et civitátem novam
descendéntem de cælo. Et.

Lectio ij.

ET Angelo Smyrnæ Ecclé-
siæ scribe: Hæc dicit
primus et novíssimus, qui
fuit mórtuus, et vivit: Scio
tribulatióem tuam, et pau-
pertátem tuam, sed dives
es: et blasphemáris ab his,
qui se dicunt Judæos esse,
et non sunt: sed sunt syna-
goga sátanæ. Nihil horum
timeas quæ passurus es.
Ecce missurus est diábolus
áliquos ex vobis in cárce-
rem, ut tentémini: et habé-
bitis tribulatióem diébus
decem. Esto fidélis usque ad
mortem, et dabo tibi coró-
nam vitæ. Qui habet aurem,
áudiat quid Spíritus dicat
Ecclésiis: Qui vicerit, non
lædétur a morte secúnda.

R. Osténdit mihi Angelus
fontem aquæ vivæ, et dixit
ad me, allelúia: * Hic Deum
adóra, allelúia, allelúia, al-
lelúia. **V.** Postquam audis-
sem et vidíssem, cécidi ut
adorárem ante pedes Ange-
li, qui mihi hæc ostendébat,
et dixit mihi. Hic. Glória
Patri. Hic.

Lectio iij.

ET Angelo Pérgami Ecclé-
siæ scribe: Hæc dicit
qui habet rhomphæam utrâ-
que parte acútam: Scio ubi
hábitas, ubi sedes est sá-
tanæ: et tenes nomen meum,
et non negásti fidem meam.

Et in diébus illis Antipas testis meus fidélis, qui occisus est apud vos, ubi sá-tanas hábitat. Sed hábeo advérsus te pauca : quia habes illic tenétes doctrinam Bálaam, qui docébat Balac mittere scándalum coram filiis Israel, édere, et fornicári : ita habes et tu tenétes doctrinam Nicolaitárum. Similiter pœniténtiam age : si quo minus véniam tibi cito, et pugnábo cum illis in gládio oris mei. Qui habet aurem, áudiat quid Spíritus dicat Ecclésiis : Vincénti dabo manna absconditum, et dabo illi cálculum cándidum : et in cálculo nomen novum scriptum, quod nemo scit, nisi qui áccipit.

Te Deum laudámus. 17.

Ad Benedictus, Añá.

Et incípiens * a Moyse et ómnibus Prophétis, interpretabátur illis Scriptúras, quæ de ipso erant, allelúia.

Ad Magnificat, Añá.

Tristítia vestra * vertétur in gáudium, allelúia : et gáudium vestrum nemo tollet a vobis, allelúia, allel.

FERIA TERTIA.

De libro Apocalypsis beáti Joánnis Apóstoli.

Lectio j. Cap. 4.

POST hæc vidi : et ecce óstium apértum in cœlo, et vox prima, quam audivi, tamquam tubæ loquéntis mecum, dicens : Ascénde

huc, et osténdam tibi quæ opórtet fieri post hæc. Et statim fui in spíritu : et ecce sedes pósita erat in cœlo, et supra sedem sedens. Et qui sedébat, símilis erat aspéctui lápidis jáspidis, et sárdinis : et iris erat in circúitu sedis símilis visióni smarágdinæ. Et in circúitu sedis sedília vigintiquátuor : et super thronos vigintiquátuor seniôres sedéntes, circumamicti vestiméntis albis, et in capítibus eórum corónæ áureæ. Et de throno procedébant fúlgura, et voces, et tonítrea : et septem lámpades ardéntes ante thronum, qui sunt septem spíritus Dei.

ii. Vidi Jerúsalem descendéntem de cœlo, ornátam auro mundo, et lapídibus pretiósus intéxtam. * Allelúia, allelúia. *ÿ.* Et erat structúra muri ejus ex lapide jáspide, ipsa vero aurum mundum, símile vitro mundo. Allelúia, allelúia.

Lectio ij.

ET in conspéctu sedis tamquam mare vitreum símile crystallo : et in médio sedis, et in circúitu sedis quátuor animalia plena óculis ante et retro. Et ánimál primum símile leóni, et secúndum ánimál símile vitulo, et tértium ánimál hábens faciém quasi hóminis, et quartum ánimál símile

âquilæ volânti. Et quâtuor animália , singula eórum habébant alas senas : et in circûitu, et intus plena sunt oculis : et réquiem non habébant die ac nocte, dicéntia : Sanctus, Sanctus, Sanctus, Dóminus Deus omnipotens, qui erat, et qui est, et qui ventûrus est.

¶ In diadémate cápitis Aaron magnificéntia Dómini sculpta erat, * Dum perficerétur opus Dei, allelúia , allelúia, allelúia. **¶** In veste enim podéris quam habébat, totus erat orbis terrárum , et paréntum magnália in quâtuor ordinibus lápidum sculpta erant. Dum. Glória Patri. Dum.

Lectio iij.

ET cum darent illa animália glóriam, et honórem, et benedictiónem sedénti super thronum, vivénti in sæcula sæculórum, procidébant vigintiquâtuor seniôres ante sedéntem in throno, et adorábant vivéntem in sæcula sæculórum, et mittébant coronas suas ante thronum, dicéntes : Dignus es, Dómine Deus noster , accípere glóriam, et honórem, et virtútem : quia tu creásti ómnia, et propter voluntátem tuam erant, et creáta sunt. **Te Deum laudámus. 17.**

Ad Benedictus. Ána.

Et coegérunt illum, * dicéntes : Mane nobiscum , Dó-

mine , quóniam advesperáscit, allelúia.

Ad Magnificat. Ána.

Tristítia implévit * cor vestrum : et gáudium vestrum nemo tollet a vobis , allelúia, allelúia.

FERIA QUARTA.

De libro Apocalypsis beáti Joánnis Apóstoli.

Lectio j. Cap. 5.

ET vidi in dextera sedéntis supra thronum , librum scriptum intus et foris , signátum sigillis septem. Et vidi Angelum fortem, prædicántem voce magna : Quis est dignus aperire librum , et sólvare signácula ejus ? Et nemo póterat neque in cælo, neque in terra, neque subtus terram aperire librum , neque respícere illum. Et ego flebam multum, quóniam nemo dignus inventus est aperire librum , nec vidére eum. Et unus de senióribus dixit mihi : Ne fléveris : ecce vicit leo de tribu Juda , radix David, aperire librum , et sólvare septem signácula ejus. **Et** vidi : et ecce in médio throni et quâtuor animálium, et in médio seniórum , Agnum stantem tamquam occísus , habéntem cónua septem , et óculos septem , qui sunt septem spíritus Dei , missi in omnem terram. Et venit, et accépit de dextera sedéntis in throno librum.

R. Platææ tuæ Jerúsalem sternéntur auro mundo, allelúia : et cantábitur in te cánticum lætitiæ, allelúia :
 * Et per omnes vicos tuos ab univérſis dicétur, allelúia, allelúia. **V.** Luce spléndida fulgébis, et omnes fines terræ adorábunt te. Et.

Lectio ij.

ET cum aperuisset librum, quátuor animália, et vigintiquátuor seniôres cecidérunt coram Agno, habéntes singuli cítharas, et phíalas áureas plenas odoraméntórum, quæ sunt oratiónes sanctórum : et cantábant cánticum novum, dicéntes : Dignus es Dómine accíperere librum, et aperíre signácula ejus : quóniam occísus es, et redemísti nos Deo in ságuine tuo ex omni tribu, et lingua, et pópulo, et natióne : et fecísti nos Deo nostro regnum et sacerdótes : et regnábimus super terram.

R. Decantábat pópulus Israel, allelúia : et univérſa multitúdo Jacob canébat legitime : * Et David cum cantóribus cítharam percutiébat in domo Dómini, et laudes Deo canébat, allelúia, allelúia. **V.** Sanctificáti sunt ergo sacerdótes et Levítæ : et univérſus Israel deducébat arcam fœderis Dómini in júbilo. Et. Glória Patri. Et.

Lectio iij.

ET vidi, et audívi vocem Angelórum multórum in circúitu thróni, et animálium, et seniórum : et erat númerus eórum míllia míllium, dicéntium voce magna : Dignus est Agnus, qui occísus est, accíperere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. Et omnem creatúram, quæ in cœlo est, et super terram, et sub terra, et quæ sunt in mari, et quæ in eo : omnes audívi dicéntes : Sedénti in thróno et Agno, benedictio, et honor, et glória, et potéstas in sæcula sæculórum. Et quátuor animália dicébant : Amen. Et vigintiquátuor seniôres cecidérunt in fácies suas : et adoravérunt vivéntem in sæcula sæculórum.

Te Deum laudámus. 17.

Ad Benedictus. Añs.

Mane nobíscum, * quóniam advesperáscit, et inclináta est jam dies, allelúia.

Ad Magnificat. Añs.

Tristítia vestra, * allelúia, vertétur in gáudium, allel.

FERIA QUINTA.

De libro Apocalypsis beáti Joánnis Apóstoli.

Lectio j. Cap. 15.

ET vidi áliud signum in cœlo magnum, et mirá-bile, Angelos septem, habéntes plagas septem novís-

simas. quóniam in illis consummata est ira Dei. Et vidi tamquam mare vítreum mistum igne, et eos qui vicérunt béstiam, et imáginem ejus, et númerum nóminis ejus, stantes super mare vítreum, habéntes cítharas Dei, et cantántes cánticum Moysi servi Dei, et cánticum Agni, dicéntes: Magna et mirabilia sunt ópera tua, Dómine Deus omnípotens: justæ et veræ sunt viæ tuæ, Rex sæculórum. Quis non timébit te, Dómine, et magnificábit nomen tuum? quia solus pius es: quóniam omnes gentes vénient, et adorábunt in conspéctu tuo, quóniam júdicia tua manifestata sunt.

II. Dignus es, Dómine, accípere librum, et aperíre signácula ejus, allelúia: quóniam occisus es, et redemísti nos Deo, * In sanguine tuo, allelúia. **Y.** Fecísti enim nos Deo nostro regnum et sacerdotium. In.

Lectio ij.

ET post hæc vidi, et ecce apértum est templum tabernáculi testimónii in cœlò: et exiérunt septem Angeli habéntes septem plagas de templo, vestíti lino mundo et cándido, et præcincti circa pectora zonis áureis. Et unum de quátuor animalibus dedit septem Angelis septem phíalas áureas,

plenas iracúndiæ Dei vivéntis in sæcula sæculórum. Et implétum est templum fumo a majestáte Dei, et de virtúte ejus: et nemo póterat introíre in templum, donec consummaréntur septem plagæ septem Angelórum.

II. Ego sicut vitis fructificávi suavitátem odóris, allelúia: * Transíte ad me omnes qui concupísцитis me, et a generatióibus meis adimplémini, allelúia, allelúia. **Y.** In me omnis grátia viæ et veritátis: in me omnis spes vitæ et virtútis. Transíte. Glória Patri. Transíte.

Lectio iij. Cap. 16.

ET audívi vocem magnam de templo, dicéntem septem Angelis: Ite, et effúndite septem phíalas iræ Dei in terram. Et ábiit primus, et effúdit phíalam suam in terram: et factum est vulnus sævum et péssimum in hómines, qui habébant caractérem béstię; et in eos qui adoravérunt imáginem ejus. Et secúndus Angelus effúdit phíalam suam in mare, et factus est sanguis tamquam mórtui: et omnis ánima vivens mórtua est in mari. Et tértius effúdit phíalam suam super flúmina, et super fontes aquárum, et factus est sanguis. Et audívi Angelum aquárum dicéntem: Justus es, Dómine, qui es, et qui eras: sanctus,

qui hæc judicásti. Quia sanguinem Sanctórum, et Prophetárum effuderunt, et sanguinem eis dedisti bibere : digni enim sunt.

Te Deum laudámus. 17.

Ad Benedictus. Añá.

Et intrávit * cum illis : et factum est, dum recumberet cum illis, accépit panem, et benedixit, ac fregit, et porrigébat illis, allelúia, allelúia.

Ad Magnificat, Añá.

Amen, amen dico vobis, * iterum vidébo vos, et gaudébit cor vestrum, et gaudium vestrum nemo tollet a vobis, allelúia.

FERIA SEXTA.

De libro Apocalypsis beáti Joánnis Apóstoli.

Lectio j, Cap. 19.

POST hæc audívi quasi vocem turbárum multárum in cælo dicéntium : Allelúia : Salus, et glória, et virtus Deo nostro est : quia vera et justa judícia sunt ejus, qui judicávit de meretrice magna, quæ corrúpit terram in prostitutióne sua, et vindicávit sanguinem servórum suórum, de manibus ejus. Et iterum dixerunt : Allelúia. Et fumus ejus ascéndit in sæcula sæculórum. Et ceciderunt senióres vigintiquátuor, et quátuor animalia, et adoravérunt Deum sedéntem super thronum, dicéntes : Amen, Allelúia. Et vox de throno ex-

ívit, dicens : Laudem dicite Deo nostro, omnes servi ejus : et qui timétis eum, pusilli et magni.

R. Locútus est ad me unus ex septem Angelis, dicens : Veni, osténdam tibi novam nuptam, sponsam Agni. * Et vídi Jerúsalem descendentem de cælo, ornátam monilibus suis, allelúia, allel., allel. **V.** Et sústulit me in spíritu in montem magnum et altum. Et.

Lectio ij

ET audívi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium : Allelúia ! quóniam regnávit Dóminus Deus noster omnipotens. Gaudeámus, et exultémus, et demus glóriam ei : quia venérunt nuptiæ Agni, et uxor ejus præparávit se. Et datum est illi ut coopériat se byssino splendénti et cándido. Byssinum enim justificationes sunt Sanctórum. Et dixit mihi : Scribe : Beáti qui ad cœnam nuptiarum Agni vocáti sunt. Et dixit mihi : Hæc verba Dei vera sunt. Et cécidi ante pedes ejus, ut adorárem eum. Et dicit mihi : Vide ne féceris, consérvus tuus sum, et frátrum tuórum habéntium testimóniũ Jesu. Deum adóra. Testimónium enim Jesu est spíritus prophetiæ.

R. Audívi vocem in cœlo Angelórum multórum dicéntium : * Timéte Dóminum, et date claritátem illi, et adoráte eum qui fecit cœlum et terram, mare et fontes aquárum, allelúia, allelúia. **Ÿ.** Vidi Angelum Dei fortem, volántem per médium cœli, voce magna clamántem et dicéntem. Timéte. Glória Patri. Timéte.

Lectio iij.

Et vidi cœlum apértum, et ecce equus albus, et qui sedébat super eum, vocabá-tur Fidélis, et Verax, et cum justítia júdicat et pugnat. Oculi autem ejus sicut flamma ignis, et in cápite ejus diadémata multa, habens nomen scriptum, quod nemo novit nisi ipse. Et vestítus erat veste aspér-sa sáanguine : et vocátur nomen ejus, Verbum Dei. Et exér-citus qui sunt in cœlo, se-quebántur eum in equis al-bis, vestíti byssino albo et mundo. Et de ore ejus pro-cédit gládius ex utrâque parte acútus, ut in ipso per-cútiat gentes. Et ipse reget eas in virga férrea : et ipse calcat torcúlar vini furóris iræ Dei omnipoténtis. Et habet in vestiménto et in fémore suo scriptum : Rex regum, et Dóminus domi-nántium.

Te Deum laudámus. 17.

Ad Benedictus, Añã.

Cognovérunt Dóminum Je-sum, * allelúia, in fractióne panis, allelúia.

Ad Vesp., nisi occurrat Festum ix. Lect. a Capitulo fit de S. Maria.

SABBATO.

De libro Apocalypsis beáti Joánnis Apóstoli.

Lectio j. Cap. 22.

Et osténdit mihi flúvium aquæ vitæ, spléndidum tamquam crystállum, proce-déntem de sede Dei et Agni. In médio platæe ejus, et ex utrâque parte flúminis lignum vitæ, áfferens fructus duódecim, per menses singulos reddens fructum suum : et fólia ligni ad san-itátem Géntium. Et omne maledíctum non erit ámp-lius ; sed sedes Dei et Agni in illa erunt, et servi ejus sérvient illi. Et vidébunt faciém ejus : et nomen ejus in fróntibus eórum. Et nox ultra non erit : et non egé-bunt lúmine lucérnæ, neque lúmine solis, quóniam Dó-minus Deus illuminábit il-los, et regnábunt in sæcula sæculórum. Et dixit mihi : Hæc verba fidelíssima sunt et vera. Et Dóminus Deus spirituum Prophetárum mi-sit Angelum suum osténdere servis suis quæ opórtet fieri cito. Et ecce vénio velóci-ter. Beátus qui custódit ver-ba prophetiæ libri hujus.

Lectio ij.

ET ego Joannes, qui audivi, et vidi hæc. Et postquam audissem, et vidissem, cecidi ut adorarem ante pedes Angeli, qui mihi hæc ostendebat : et dixit mihi : Vide ne feceris : conservus enim tuus sum, et fratrum tuorum Prophetarum, et eorum qui servant verba prophetiae libri hujus : Deum adora. Et dicit mihi : Ne signaveris verba prophetiae libri hujus : tempus enim prope est. Qui nocet, noceat adhuc : et qui in sordibus est, sordescat adhuc : et qui justus est, justificetur adhuc : et sanctus sanctificetur adhuc. Ecce venio cito, et merces mea mecum est, reddere unicuique secundum opera sua.

Lectio iij.

EGO sum alpha et omega, primus et novissimus, principium et finis. Beati qui lavant stolas suas in sanguine Agni : ut sit potestas eorum in ligno vitae, et per portas intrent in civitatem. Foris canes, et venefici, et impudici, et homicidae, et idolis serviētes, et omnis qui amat et facit mendacium. Ego Jesus misi Angelum meum, testificari vobis hæc in Ecclesiis. Ego sum radix et genus David, stella splendida et matutina. Et spiritus, et sponsa

dicunt : Veni. Et qui audit, dicat : Veni. Et qui sitit, veniat : et qui vult, accipiat aquam vitae gratis. Contestor enim omni audienti verba prophetiae libri hujus : Si quis apposuerit ad hæc, apponet Deus super illum plagas scriptas in libro isto. Et si quis diminuerit de verbis libri prophetiae hujus, auferet Deus partem ejus de libro vitae, et de civitate sancta, et de his quae scripta sunt in libro isto. Dicit qui testimonium perhibet istorum : Etiam venio cito. Amen. Veni, Domine Jesu. Gratia Domini nostri Jesu Christi cum omnibus vobis. Amen.

Ad Vesperas, Capitulum
Jacobi 1. c

CHARISSIMI, Omne datum optimum, et omne donum perfectum desursum est, descendens a Patre luminum, apud quem non est transmutatio, nec vicissitudinis obumbratio.

Hymn. Ad regias. 133.

Ÿ. Mane nobiscum, Domine, alleluia. **Ź.** Quoniam advesperascit, alleluia.

Ad Magnificat. Ant.

Vado ad eum qui misit me :
* et nemo ex vobis interrogat me : Quo vadis? alleluia, alleluia.

Oratio.

DEUS, qui fidelium mentes unus efficit voluntatis :

da pópulis tuis id amàre quod pràecipis, id desideràre quod promíttis; ut inter mundànas varietàtes ibi nostra fixa sint corda, ubi vera sunt gaudia. Per Dñum.

Deinde de Cruce. 153.

DOM. IV. POST PASCHA.

Ad Matut. Invitat. Hymnus, Añæ, Psalmi et ẏẏ. ut in Psalt. temp. Pasch.

Si Lect. j. Noct. lectæ sunt pridie, quando scilicet in Sabbato præc. occurrit Festum SS. Apost. Philippi et Jacobi, in Dñica legantur Lect. Feriæ ij. seq.

In primo Nocturno.

Incipit Epístola cathólica beáti Jacobi Apóstoli.

Lectio j. Cap. 1.

JACOBUS Dei et Dómini nostri Jesu Christi servus, duódecim tribubus, quæ sunt in dispersióne, salutem. Omne gáudium existimáte, fratres mei, cum in tentatiónes várias incidéritis, sciéntes quod probatio fidei vestræ patiéntiam operátur. Patiéntia autem opus perféctum habet: ut sitis perfécti et integri, in nullo deficientes. Si quis autem vestrum indiget sapiéntia, póstulet a Deo, qui dat ómnibus affluénter, et non impropérat: et dábitur ei. Póstulet autem in fide nihil hæsitans.

ñ Si oblitus fúero tui, allelúia. obliviscátur mei

déxtera mea: * Adhæreat lingua mea fáucibus meis, si non memínero tui, allelúia, allelúia. ẏ Super flúmina Babylónis illic sédimus, et flévimus, dum recordarémur tui Sion. Adhæreat.

Lectio ij.

QUI enim hæsitat, símilis est flúctui maris, qui a vento movétur, et circumfértur. Non ergo æstimet homo ille quod accípiat áliquid a Dómino. Vir duplex ánimo incónstans est in ómnibus viis suis. Gloriétur autem frater húmilis in exaltatióne sua: dives autem in humilitáte sua, quóniam sicut flos fœni transíbit: exórtus est enim sol cum ardóre, et arefécit fœnum, et flos ejus décidit, et decor vultus ejus depériit: ita et dives in itinéribus suis marcéscet.

ñ. Vidérunt te aquæ, Deus, vidérunt te aquæ, et timué-runt: * Multitúdo sónitus aquárum, vocem dedérunt nubes, allelúia, allelúia, allelúia. ẏ Illuxérunt coruscationes tuæ orbi terræ: vidit et commóta est terra. Multitúdo.

Lectio iij.

BEATUS vir qui suffert tentatióne: quóniam cum probátus fúerit: accípiet coronam vitæ, quam repromisit Deus diligéntibus se. Nemo cum tentátur, dicat quóniam a Deo tentátur, Deus

enim intentátor malórum est : ipse autem néminem tentat. Unusquisque vero tentátur a concupiscéntia sua abstráctus, et illéctus. Deínde concupiscéntia cum concéperit, parit peccátum : peccátum vero cum consummátum fúerit, génerat mortem. Nolite itaque erráre, fratres mei dilectíssimi.

R. Narrábo nomen tuum frátribus meis, allelúia : * In médio Ecclésiæ laudábo te, allel., allel. *V.* Confitébor tibi in pópulis, Dómine, et psalmum dicam tibi in Génitibus. In. Glória Patri. In.

In secundo Nocturno.

Ex Tractátu S. Cypriáni Episc. et Mart., de bono patiéntiæ.

Lectio iv. Serm. 3.

DE patiéntia locutúrus, fratres dilectíssimi, et utilitatés ejus et cómoda prædicatúrus, unde pótius incípiam, quam quod nunc quoque ad audiéntiam, vestram patiéntiam vídeo esse necessariam : ut nec hoc ipsum, quod auditis et discitis, sine patiéntia fácere possitis? Tunc enim demum sermo et rátió salutáris effícaciter discitur, si paciénter quod díscitur, audiátur. Nec invénio, fratres dilectíssimi, inter cæteras cœléstis disciplinæ vias, quibus ad consequénda divínitus præmia spei ac fidei nostræ secta diri-

gitur, quid magis sit vel útilius ad vitam, vel majus ad glóriam, quam ut qui præcéptis domínicis obséquio timóris ac devotiónis innitimur, patiéntiam máxime tota observatióne tueámur. Hanc se sectári philósophi quoque profiténtur; sed tam illic patiéntia falsa est, quam et falsa sapiéntia est. Unde enim vel sápiens esse, vel pátiens possit, qui nec sapiéntiam, nec patiéntiam Dei novit?

R. In Ecclésiis benedicite Deo, allelúia, * Dómino de fóntibus Israel, allelúia, allelúia. *V.* Psalmum dícite nómini ejus, date glóriam laudi ejus. Dómino.

Lectio v. Cap. 2. 3. et 8.

Nos autem, fratres dilectíssimi, qui philósophi non verbis, sed factis sumus; nec vestítu sapiéntiam, sed veritaté præferimus : qui virtútum consciéntiam magis quam jactántiam nóvimus : qui non lóquimur magna, sed vívimus quasi servi et cultóres Dei : patiéntiam, quam magistéris cœléstibus discimus, obséquiiis spiritalibus præbeámus. Est enim nobíscum Deo virtus ista commúnis : inde patiéntia incipit, inde cláritas ejus et dígnitas caput sumit. Origo et magnitúdo patiéntiæ Deo auctóre procédit. Diligénda res hó

mini, quæ Deo chara est. Bonum quod amat, májestas divina comméndat. Si Dóminus nobis et Pater Deus est, sectémur patientiam Dómini páriter et Patris; quia et servos opórtet esse obsequéntes, et filios non decet esse degeneres.

R. In toto corde meo, allelúia, exquisívi te, allelúia. * Ne repéllas me a mandátis tuis, allelúia, allelúia. **V.** Benedíctus es tu, Dómine, doce me justificatiónes tuas. Ne.

Lectio vj.

PATIENTIA est, quæ nos Deo et comméndat et servat; ipsa est, quæ iram témporat, quæ linguam frenat, quæ mentem gubérnat, pacem custódit, disciplinam regit, libídinis ímpetum frangit, tumóris violéntiam cómprimit, incéndium simultátis extínguit, coércet poténtiam divitum, inópiam páuperum réfovet, tuétur in virginibus beátam integritátem, in víduis laboriósam castitátem, in conjúctis et maritátis indivíduam charitátem: facit húmiles in prósperis, in advérsis fortes, contra injúrias et contumélias mites: docet delinquentibus cito ignóscere: si ipse delinquas, diu et multum rogáre: tentatiónes expúgnat, persecutiónes tó-

lerat, passiónes et martyria consúmmat. Ipsa est, quæ fidei nostræ fundaménta firmiter munit.

R. Hymnum cantáte nobis, allelúia. * Quómodo cantábimus cánticum Dómini in terra aliéna? allelúia, allel.

V. Illic interrogavérunt nos, qui captivos duxérunt nos, verba cantiónum. Quómodo.

Glória Patri. Quómodo.

In tertio Nocturno.

Lectio sancti Evangelíi
secúndum Joánnem.

Lectio vij. Cap. 16.

IN illo témpore. Dixit Jesus discipulis suis: Vado ad eum, qui misit me; et nemo ex vobis intérogat me: Quo vadis? Et réliqua.

Homília sancti Augustíni
Epíscopi.

Tract. 94. in Joannem.

CUM Dóminus Jesus prædixisset discipulis suis persecutiónes, quas passúri erant post ejus abscéssum, subjúnxit atque ait: Hæc autem vobis ab iníto non dixi, quia vobíscum eram: nunc autem vado ad eum, qui me misit. Ubi primum vidéndum est, utrum eis futúras non prædixerit ante passiónes. Sed álíi tres Evangelistæ satis eum prædixisse ista demónstrant, ántequam ventum esset ad cœnam: qua perácta, secúndum Joánnem ista locútus est, ubi ait: Hæc autem

vobis ab initio non dixi, quia vobiscum eram.

R. Deus, canticum novum cantabo tibi, allelúia : * In psalterio decem chordarum psallam tibi, allelúia, allel.

V. Deus meus es tu, et confitebor tibi : Deus meus es tu, et exaltabo te. In psalterio.

Lectio viij.

AN forte hinc ista solvitur quæstio, quia et illi eum narrant passioni proximum fuisse cum hæc diceret? Non ergo ab initio, quando cum illis erat : quia jam discessurus, jamque ad Patrem perrecturus hæc dixit. Et ideo etiam secundum illos Evangelistas verum est, quod hic dictum est : Hæc autem vobis ab initio non dixi. Sed quid agimus de fide Evangelii secundum Matthæum, qui hæc eis a Domino non solum cum jam Pascha esset cum discipulis cœnaturus, imminente passionē, verum et ab initio denuntiata esse commemorat, ubi primum nominatim duodecim exprimuntur Apostoli, et ad opera divina mittuntur?

R. Bonum est confiteri Dño, allelúia : * Et psallere, allelúia. **V.** In decachordo psalterio, cum canticis et cithara. Et. **Gloria Patri.** Et.

Lectio ix.

QUID sibi ergo vult, quod hic ait : Hæc autem vo-

bis ab initio non dixi, quia vobiscum eram : nisi quia ea, quæ hic dicit de Spiritu sancto, quod sit venturus ad eos, et testimonium perhibiturus, quando mala illa passuri sunt, hæc ab initio eis non dixit, quia cum ipsis erat? Consolator ergo ille, vel advocatus, (utrumque enim interpretatur, quod est græce Paráclitus) Christo abscedente fuerat necessarius : et ideo de illo non dixerat ab initio, quando cum illis erat, quia ejus præsentia consolabantur.

Te Deum laudamus. 17.

Ad Laudes, Añæ et Psalmi de Psalterio. 18.

Capitulum. Jac. 1. c

CHARISSIMI, Omne datum optimum, et omne donum perfectum desursum est, descendens a Patre luminum, apud quem non est transmutatio, nec vicissitudinis obumbratio.

Hymnus. Auróra. 22.

V. In resurrectione tua, Christe, allelúia. **R.** Cœli et terra læténtur, allelúia.

Ad Benedictus, Añæ.

Vado ad eum qui misit me : * et nemo ex vobis interrogat me : Quo vadis? allelúia, allelúia.

Oratio.

DEUS, qui fidelium mentes unius efficeis voluntatis : da populis tuis id amare quod præcipis. id deside-

rare quod promittis ; ut inter mundanas varietates ibi nostra fixa sint corda , ubi vera sunt gaudia. Per Dominum.

Deinde de Cruce , ut 453.

Ad Tertiam , Capit. Charissimi, Omne, *supra*. 334.

R. br. Surréxit Dominus de sepulchro. * Alleluia, alleluia. Surréxit. *V.* Qui pro nobis pepéndit in ligno. Alleluia, alleluia. Glória Patri. Surréxit. *Y.* Surréxit Dominus vere, alleluia.

R. Et apparuit Simóni , alleluia.

Ad Sextam. Capitulum.

Jacobi 1. c

SCITIS, fratres mei dilectissimi. Sit autem omnis homo velox ad audiendum : tardus autem ad loquendum , et tardus ad iram. Ira enim viri justitiam Dei non operatur.

R. br. Surréxit Dominus vere. * Alleluia, alleluia. Surréxit. *Y.* Et apparuit Simóni. Alleluia, alleluia. Glória Patri. Surréxit. *V.* Gavisi sunt discipuli , alleluia. *R.* Viso Domino, allel.

Ad Nonam. Capit. *Ibid.*

PROPTER quod abjicientes omnem immunditiam , et abundantiam malitiæ , in mansuetudine suscipite insitum verbum , quod potest salvare animas vestras.

R. br. Gavisi sunt discipuli. * Alleluia, alleluia. Gavisi.

Y. Viso Domino. Alleluia, alleluia. Glória Patri. Gavisi. *Y.* Mane nobiscum , Domine , alleluia. *R.* Quoniam advesperascit, alleluia.

Ad Vesperas , *Añæ*. et Psalmi de Dominica. 130.

Capit. Charissimi. 334.

Hymnus. Ad régias. 133.

Y. Mane nobiscum , Domine , alleluia. *R.* Quoniam advesperascit, alleluia.

Ad Magnificat, *Aña*.

Vado ad eum qui misit me : * sed quia hæc locutus sum vobis , tristitia implévit cor vestrum , alleluia.

Deinde de Cruce. 453.

FERIA SECUNDA.

De Epístola beati Jacobi Apóstoli.

Lectio j. Cap. 1. c

OMNE datum optimum et omne donum perfectum desursum est, descendens a Patre luminum, apud quem non est transmutatio, nec vicissitudinis obumbratio. Voluntarie enim genuit nos verbo veritatis , ut simus initium aliquod creaturæ ejus. Scitis, fratres mei dilectissimi. Sit autem omnis homo velox ad audiendum : tardus autem ad loquendum , et tardus ad iram. Ira enim viri justitiam Dei non operatur.

R. Dicant nunc , qui redempti sunt , alleluia. * A Domino , alleluia , alleluia. *V.* Quos redemit de manu

inimici, et de regiõibus congregavit eos. A Dõmino.

Lectio ij.

PROPTER quod abjiciẽtes omnem immunditiã, et abundantiam malitiæ, in mansuetudine suscipite insitum verbum, quod potest salvare animas vestras. Estote autem factores verbi, et non auditores tantum, fallentes vosmetipsos. Quia si quis auditor est verbi, et non factor : hic comparabitur viro consideranti vultum nativitatis suæ in speculo : consideravit enim se, et abiit, et statim oblitus est qualis fuerit.

R. Cantate Dõmino, alleluia : * Psalmum dicite ei, alleluia. *V.* Afferte Dõmino gloriã et honorem, afferte Dõmino gloriã nòmini ejus. Psalmum. Glòria Patri. Psalmum.

Lectio iij.

QUI autem perspexerit in legem perfectam libertatis, et permanserit in ea, non auditor obliuõsus factus, sed factor operis, hic beatus in facto suo erit. Si quis autem putat se religiosum esse, non refrẽnans linguam suam, sed seducens cor suum, hujus vana est religio. Religio munda et immaculata apud Deum et Patrem, hæc est : Visitare pupillos et viduas in tribulatione eorum, et immacu-

latum se custodire ab hoc sæculo.

Te Deum laudamus. 17.

Ad Benedictus, Añn.

Nonne cor nostrum * ardens erat in nobis de Jesu, dum loqueretur nobis in via? alleluia.

Ad Magnificat, Añn.

Ego veritatem dico vobis : * expedit vobis ut ego vadam : si enim non abiero, Paraclitus non veniet ad vos, allel.

FERIA TERTIA.

De Epistola beati Jacobi Apóstoli.

Lectio j. Cap. 2.

FRATRES mei, nolite in personarum acceptiõne habere fidem Dõmini nostri Jesu Christi gloriæ. Etenim si introierit in convẽtum vestrum vir aureum annulum habens in veste candida; introierit autem et pauper in sordido habitu, et intendatis in eum qui indutus est veste præclara, et dixeritis ei : Tu sede hic bene : pauperi autem dicatis : Tu sta illic, aut sede sub scabello pedum meorum : nonne judicatis apud vosmetipsos, et facti estis iudices cogitationum iniquarum?

R. In Ecclesiis benedicite Deo, alleluia : * Dõmino de fontibus Israel, alleluia, alleluia. *V.* Psalmum dicite nòmini ejus, date gloriã laudis ejus. Dõmino.

Lectio ij.

AUDITE, fratres mei dilectissimi, nonne Deus elégit páuperes in hoc mundo, dívites in fide, et herédes regni, quod repromisit Deus diligéntibus se? Vos autem exhonorástis páuperem. Nonne dívites per poténtiam ópprimunt vos, et ipsi trahunt vos ad judicia? Nonne ipsi blasphémant bonum nomen quod invocátum est super vos? Si tamen legem perficitis regálem secúndum Scriptúras: Díliges próximum tuum sicut teípsum: bene fácitis: si autem personas accípitis, peccátum operámini, redargúti a lege quasi transgressóres.

R. In toto corde meo, allelúia, exquisívi te, allelúia.

***** Ne repéllas me a mandátis tuis, allelúia, allelúia.

Y. Benedictus es tu, Dómine, doce me justificatiónes tuas.

Ne. Glória Patri. Ne.

Lectio iij.

QUICUNQUE autem totam legem serváverit, offéndat autem in uno, factus est ómnium reus. Qui enim dixit, Non mœcháberis, dixit et, Non occides. Quod si non mœcháberis, occides autem, factus es transgressor legis. Sic loquimini, et sic fácite, sicut per legem libertátis incipiéntes judicári. Judícium enim sine misericórdia illi, qui non fecit mise-

VERNA.

ricórdiam: superexáltat autem misericórdia judícium. Te Deum laudámus. 47.

Ad Benedictus, Añna.

Pax vobis, * ego sum, allelúia: nolite timére, allelúia.

Ad Magnificat, Añna.

Cum vénerit * Paráclitus Spíritus veritátis, ille árguet mundum de peccáto, et de justítia, et de judício, allel.

FERIA QUARTA.

De Epístola beáti Jacóbi Apóstoli.

Lectio j. Cap. 2. c

QUID próderit, fratres mei, si fidem quis dicat se habére, ópera autem non hábeat? Numquid póterit fides salváre eum? Si autem frater et soror nudi sint, et indígeant victu quotidiáno, dicat autem áliquis ex vobis illis: Ite in pace, calefacimini et saturámini: non déderitis autem eis quæ necessária sunt córpori, quid próderit? Sic et fides, si non hábeat ópera, mórtua est in semetípssa.

R. Deus cánticum. 334.

Lectio ij.

SED dicet quis: Tu' fidem habes, et ego ópera hábeo. Osténde mihi fidem tuam sine opéribus: et ego osténdam tibi ex opéribus fidem meam. Tu credis quóniam unus est Deus: bene facis: et dæmones credunt, et contremiscunt. Vis autem scire, o homo inánis, quó-

niam fides sine opéribus mórtua est? Abraham pater noster nonne ex opéribus justificátus est, offerens Isaac filium suum super altáre? Vides quóniam fides cooperabátur opéribus illius: et ex opéribus fides consummáta est. *R.* Bonum. 334.

Lectio iij.

Et suppléta est Scriptúra, edicens: Crédidit Abraham Deo; et reputátum est illi ad justitiam, et amicus Dei appellátus est. Vidétis quóniam ex opéribus justificátur homo, et non ex fide tantum. Simíliter et Rahab méretrix, nonne ex opéribus justificáta est, suscipiens nuntios, et ália via ejiciens? Sicut ením corpus sine spiritu mórtuum est, ita et fides sine opéribus mórtua est.

Te Deum laudámus. 17.

Ad Benedictus, Añá.

Spiritus * carnem et ossa non habet, sicut me vidétis habére; jam crédite, allel.

Ad Magnificat, Añá.

Adhuc multa hábeo * vobis dicere, sed non potéstis portáre modo: cum autem vénerit ille Spiritus veritátis, docébit vos omnem veritátem, allelúia.

FERIA QUINTA.

De Epístola beáti Jacóbi Apóstoli.

Lectio j. Cap. 3.

NOLITE plures magistri fieri, fratres mei, scién-

tes quóniam magis iudicium súmitis. In multis enim offéndimus omnes. Si quis in verbo non offéndit, hic perfectus est vir. Potest étiam freno circumducere totum corpus. Si autem equis freno in ora míttimus ad consentiéndum nobis, et omne corpus illórum circumféri-

R. Si oblítus fuero tui, allelúia, obliviscátur mei dextera mea: * Adhæreat lingua mea fáucibus meis, si non memínero tui, allelúia, allelúia. *Y.* Super flúmina Babilónis illic sédimus, et flévimus, dum recordarémur tui, Sion. Adhæreat.

Lectio ij.

ECCE et naves, cum magnæ sint, et a ventis válidis minéntur, circumferúntur a módico gubernáculo, ubi ímpetus dirigéntis volúerit. Ita et lingua módicum quidem membrum est, et magna exáltat. Ecce quantus ignis quam magnam silvam incéndit! Et lingua ignis est, univérsitas iniquitátis.

R. Vidérunt te aquæ, Deus, vidérunt te aquæ, et timué-runt: * Multitúdo sónitus aquárum, vocem dedérunt nubes, allel., allelúia, allelúia. *Y.* Illuxérunt coruscatiónes tuæ orbi terræ: vidit et commóta est terra. Multitúdo Glória Patri. Multitúdo.

Lectio iij.

LINGUA constituitur in membris nostris, quæ maculat totum corpus, et inflâmmat rotam nativitatis nostræ, inflammâta a gehénna. Omnis enim natura bestiârum, et volucrum, et serpéntium, et ceterórum domântur, et dómita sunt a natura humana : linguam autem nullus hóminum domâre potest : inquiétum malum, plena venéno mortífero. In ipsa benedicimus Deum et Patrem : et in ipsa maledicimus hómines, qui ad similitudinem Dei facti sunt. Ex ipso ore procédit benedictio et maledictio. *Re* Deum laudâmus. 17.

Ad Benedictus, Aña.

Obtulérunt discipuli * Dómino partem piscis assi, et favum mellis, allelúia, allelúia.

Ad Magnificat, Aña.

Non enim loquétur * a semetípso : sed quæcúmque áudiet, loquétur : et quæ ventúra sunt, annuntiábit vobis, allelúia.

FERIA SEXTA.

De Epístola beáti Jacóbi Apóstoli.

Lectio j. Cap. 4.

UNDE bella, et lites in vobis? Nonne hinc? ex concupiscéntiis vestris, quæ militant in membris vestris? Concupiscitis, et non habétis : occiditis, et zelátis, et

non potéstis adipisci : litigátis, et belligerátis, et non habétis, propter quod non postulátis. Pétitis, et non accipitis, eo quod male petátis : ut in concupiscéntiis vestris insumátis. Adúlteri, nescitis quia amicítia hujus mundi, inimica est Dei? Quicúmque ergo volúerit amicus esse sæculi hujus, inimicus Dei constituitur.

Re. In Ecclesiis. 336.

Lectio ij.

AN putátis quia inániter Scriptúra dicat : Ad invidiam concupiscit spiritus qui hábitat in vobis? Majórem autem dat grátiam. Propter quod dicit : Deus superbis résistit, humilibus autem dat grátiam. Súbditi ergo estóte Deo, résistite autem diabolo, et fugiet a vobis. Appropinquáte Deo, et appropinquábit vobis. Emundáte manus, peccatóres, et purificáte corda dúplices ánimo. Miseri estóte, et lugéte, et ploráte : risus vester in luctum convertá-tur, et gáudium in mœrórem. Humiliámini in conspéctu Dómini, et exaltábit vos.

Re. In toto corde. 337.

Lectio iij.

NOLITE detráhere altérum, fratres. Qui detráhit fratri, aut qui júdicat fratrem suum, detráhit legi, et júdicat legem. Si autem

júdicas legem : non es factor legis, sed judex. Unus est legislátor et judex, qui potest pérdere, et liberáre. Tu autem quis es, qui júdicas próximum? Ecce nunc qui dicitis : Hódie aut crástino íbimus in illam civitátem, et faciémus ibi quidem annum, et mercábimur, et lucrum faciémus : qui ignorátis quid erit in crástino. Quæ est enim vita vestra? vapor est ad módicum parens, et deinceps exterminábitur. Pro eo ut dicátis : Si Dóminus volúerit; et : Si vixerimus, faciémus hoc, aut illud.

Te Deum laudámus. 17.

Ad Benedictus, Añã.

Istí sunt sermónes, * quos dicébam vobis, cum essem vobiscum, allelúia, allel.

Ad Vesperas, nisi occurrat Festum ix. Lect., a Capit. fit de S. Maria.

SABBATO.

De Epístola beáti Jacóbi Apóstoli.

Lectio j. Cap. 5.

AGITE nunc, dívites, ploráte ululántes in misériis vestris, quæ advénient vobis. Divítiæ vestræ putrefactæ sunt, et vestiménta vestra a tineis comésta sunt. Aurum et argéntum vestrum æruginávit : et ærúgo eórum in testimónium vobis erit, et manducábit carnes vestras sicut ignis. Thesau-

rizástis vobis iram in novísimis diébus. Ecce merces operariórum, qui messuérunt regiónés vestras, quæ fraudáta est a vobis, clamat: et clamor eórum in aures Dómini Sábaoth introivit. Epuláti estis super terram, et in luxúriis enutristis corda vestra in die occisiónis. Addixístis, et occidístis justum, et non réstitit vobis.

Lectio ij.

PATIENTES igitur estóte, fratres, usque ad advéntum Dómini. Ecce agricola expéctat pretiósus fructum terræ, patienter ferens donec accípiat temporáneum et serótinum. Patiéntes igitur estóte et vos, et confirmáte corda vestra : quóniam advéntus Dómini appropinquávit. Nolite ingemiscere fratres in altérutrum, ut non judicémini. Ecce judex ante jánuam assistit. Exémplum accípite, fratres, éxitus mali, labóris, et patiéntiæ, Prophétas, qui locúti sunt in nómine Dómini. Ecce beatificámus eos, qui sustinuerunt. Sufferéntiam Job audístis, et finem Dómini vidístis, quóniam miséricors Dñus est, et miserátor.

Lectio iij.

ANTE ómnia autem, fratres mei, nolite juráre, neque per cælum, neque per terram, neque áliud quodcúmque juraméntum. Sit au-

tem sermo vester, Est, est : Non, non : ut non sub iudicio decidatis. Tristatur aliquis vestrum ? oret. Æquo animo est ? psallat. Infirmatur quis in vobis ? inducat presbyteros Ecclesiæ, et orent super eum, ungentes eum oleo in nomine Domini : et oratio fidei salvabit infirmum, et alleviabit eum Dominus : et si in peccatis sit, remittentur ei. Confitemini ergo alterutrum peccata vestra, et orate pro invicem, ut salvemini : multum enim valet deprecatio iusti assidua.

Ad Vesperas. Capitulum.

CHARISSIMI, Estote factores verbi, et non auditores tantum, fallentes vosmetipsos. Quia si quis auditor est verbi, et non factor: hic comparabitur viro consideranti vultum nativitatis suæ in speculo; consideravit enim se, et abiit, et statim oblitus est qualis fuerit.

Hymn. Ad regias. 133.

V. Mane nobiscum, Domine, alleluia. **R.** Quoniam advesperascit, alleluia.

Ad Magnificat, Aña.

Usque modo * non petistis quidquam in nomine meo : petite, et accipietis, allel.

Oratio.

DEUS, a quo bona cuncta procedunt : largire supplicibus tuis ; ut cogitemus, te inspirante, quæ recta

sunt, et te gubernante, eadem faciamus. Per Dñum.

Deinde de Cruce. 153.

DOM. V. POST PASCHA.

Ad Matutinum, Invitat. Hymnus, Añæ, Psalmi et yŷ. ut in Psalt. temp. Pasch.

In primo Nocturno.

Incipit Epistola prima beati Petri Apóstoli.

Lectio j. Cap. 1.

PETRUS Apóstolus Jesu Christi, electis advenis dispersionis Ponti, Galatiæ, Cappadociæ, Asiæ, et Bithyniæ, secundum præscientiam Dei Patris, in sanctificationem Spiritus, in obedientiam, et aspersionem sanguinis Jesu Christi : Grátia vobis et pax multiplicetur. Benedictus Deus et Pater Domini nostri Jesu Christi, qui secundum misericordiam suam magnam regeneravit nos in spem vivam per resurrectionem Jesu Christi ex mortuis, in hereditatem incorruptibilem, et incontaminatam, et immarcescibilem, conservatam in cœlis in vobis, qui in virtute Dei custodimini per fidem in salutem, paratam revelari in tempore novissimo.

R. Si oblitus fuero tui, alleluia, obliviscatur mei dextera mea : * Adhæreat lingua mea faucibus meis, si non meminero tui, alleluia, alleluia. **V.** Super flumina Ba-

bylónis illic sédimus et flé-
vimus, dum recordarémur
tui Sion. Adhæreat.

Lectio ij.

IN quo exultábitis, módi-
cum nunc si opórtet con-
tristári in váriis tentatió-
nibus : ut probátio vestræ
fidei multo pretiósior auro
(quod per ignem probátur)
inveniátur in laudem, et
glóriam, et honórem, in
revelatióne Jesu Christi :
quem cum non vidéritis,
diligitis : in quem nunc
quoque non vidéntes crédi-
tis : credéntes autem exul-
tábitis lætítia inenarrábili,
et gloriificáta : reportátes
finem fidei vestræ, salutem
animárum. De qua salute
exquisiérunt, atque scru-
táti sunt Prophétæ, qui de
futúra in vobis grátia pro-
phetavérunt : scrutántes in
quod vel quale tempus si-
gnificáret in eis Spíritus
Christi : prænúntians eas
quæ in Christo sunt passió-
nes, et posteriôres glórias :
quibus revelátum est, quia
non sibimetipsis, vobis au-
tem ministrábant ea quæ
nunc nuntiáta sunt vobis
per eos qui evangelizavé-
runt vobis, Spíritu sancto
misso de cœlo, in quem de-
siderant Angeli prospícere.

R. Vidérunt te aquæ, Deus,
vidérunt te aquæ, et ti-
muérunt : * Multitúdo só-
nitus aquárum, vocem de-

dérunt nubes, allelúia,
allelúia, allelúia. *V.* Illu-
xérunt coruscationes tuæ
orbi terræ : vidit et com-
móta est terra. Multitúdo.

Lectio iij.

PROPTER quod succincti
lumbos mentis vestræ,
sóbrii perfécte speráte in
eam, quæ offértur vobis,
grátiam, in revelatióne
Jesu Christi : quasi filii obe-
diéntiæ, non configuráti
prióribus ignorántiæ vestræ
desidériis : sed secúndum
eum, qui vocávit vos, San-
ctum : et ipsi in omni con-
versatióne sancti sitis : quó-
niam scriptum est : Sancti
éritis, quóniam ego sanctus
sum. Et si patrem invocátis
eum qui sine acceptiône per-
sonárum júdicat secúndum
uniuseujúsque opus, in ti-
móre incolátus vestri tém-
pore conversámini : sciéntes
quod non corruptibílibus
auro vel argénto redémpti
estis de vana vestra conver-
satióne patérnæ traditiónis :
sed pretióso ságuine quasi
agni immaculáti Christi, et
incontamináti : præcóginiti
quidem ante mundi consti-
tutióne, manifestáti autem
novíssimis tempóribus pro-
pter vos, qui per ipsum
fidéles estis in Deo, qui
suscitávit eum a mórtuis,
et dedit ei glóriam, ut fides
vestra et spes esset in Deo.

R. Narrábo nomen tuum frá-

tribus meis, allelúia : * In
 médio Ecclésiæ laudábo te,
 allelúia, allelúia. *ŷ.* Confi-
 tébortibi in pópulis, Dómine,
 et psalmum dicam tibi in
 Géntibus. In. Glória Pa-
 tri. In.

In secundo Nocturno.

Ex libro S. Ambrósii Episc.
 de fide resurrectionis.

Lectio iv. Post med.

QUONIAM Dei mori non pó-
 terat sapiéntia, resúrge-
 re autem non póterat quod
 mórtuum non erat ; assú-
 mitur caro , quæ mori pos-
 set : ut dum móritur quod
 solet , quod mórtuum fúe-
 rat , hoc resúrgeret. Neque
 enim póterat esse , nisi per
 hóminem resurréctio ; quón-
 iam sicut per hóminem
 mors , ita et per hóminem
 resurréctio mortuórum. Er-
 go resurréxit homo , quón-
 iam homo mórtuus est :
 resuscitátus homo , sed re-
 súscitans Deus. Tunc secún-
 dum carnem homo, nunc per
 ómnia Deus. Nunc enim se-
 cúndum carnem jam non
 nóvimus Christum, sed car-
 nis grátiam tenémus , ut
 ipsum primítias quiescén-
 tium , ipsum primogénitum
 ex mórtuis novérimus.

R. In Ecclésiis benedicite
 Deo, allelúia : * Dómino de
 fóntibus Israel , allelúia ,
 allelúia. *ŷ.* Psalmum dicite
 nómini ejus, date glóriam
 laudi ejus. Dómino.

Lectio v.

PRIMITIÆ útique ejúsdem
 sunt géneris atque natú-
 ræ, cujus et réliqui fructus:
 quorum pro lætióre provén-
 tu primitiva Deo múnera
 deferúntur : sacrum munus
 pro ómnibus, et quasi repa-
 rátæ quædam liba natúræ.
 Primítia ergo quiescéntium
 Christus. Sed utrum suó-
 rum quiescéntium , qui
 quâsi mórtis éxsórtes, dulci
 quodam sopóre tenéntur, an
 ómnium mortuórum ? Sed
 sicut in Adam omnes mo-
 riúntur, ita et in Christo
 omnes vivificabúntur. Ita-
 que sicut primítia mortis
 in Adam, ita étiám primi-
 tiæ resurrectionis in Chri-
 sto omnes resúrgent. Sed
 nemo despéret, neque ju-
 stus dóleat commúne con-
 sórtium resurgéndi, cum
 præcipuúm fructum virtútis
 expéctet. Omnes quidem re-
 súrgent, sed unusquisque ,
 ut ait Apóstolus , in suo ór-
 dine. Commúnis est divinæ
 fructus cleméntiæ, sed di-
 stinctus órdo meritórum.

R. In toto corde meo, al-
 lelúia, exquisívi te, allelúia.

* Ne repéllas me a mandátis
 tuis, allelúia, allelúia. *ŷ.*
 Benedictus es tu , Dómine,
 doce me justificatiónes tuas.
 Ne.

Lectio vj.

ADVERTIMUS, quam grave
 sit sacrilégium, resurre-

etionem non credere. Si enim non resurgemus, ergo Christus gratis mortuus est, ergo Christus non resurrexit. Si enim nobis non resurrexit, utique non resurrexit, qui sibi cur resurgeret, non habebat. Resurrexit in eo mundus, resurrexit in eo coelum, resurrexit in eo terra. Erit enim coelum novum, et terra nova. Sibi autem non erat necessaria resurrectio, quem mortis vincula non tenebant. Nam etsi secundum hominem mortuus, in ipsis tamen erat liber infernis. Vis scire quam liber? Factus sum sicut homo sine adiutorio, inter mortuos liber. Et bene liber, qui se poterat suscitare, juxta quod scriptum est: Solvite hoc templum, et in triduo resuscitabo illud. Et bene liber, qui alios descendere redempturus.

R. Hymnum cantate nobis, alleluia. * Quomodo cantabimus canticum Domini in terra aliena? alleluia, allel.

V. Illic interrogaverunt nos, qui captivos duxerunt nos, verba cantionum. Quomodo.

Glória Patri. Quomodo.

In tertio Nocturno.

Lectio sancti Evangelii secundum Joannem.

Lectio vij. Cap. 16. c

IN illo tempore: Dixit Jesus discipulis suis: Amen, amen dico vobis: si quid pe-

tiéritis Patrem in nómine meo, dabit vobis. Etréliqua. Homilia sancti Augustini Episcopi.

Tract. 102. in Joannem.

DOMINI verba nunc ista tractanda sunt: Amen, amen dico vobis: si quid petiéritis Patrem in nómine meo, dabit vobis. Jam dictum est in superiöribus hujus Domínici sermónis pártibus, propter eos, qui nonnulla petunt a Patre in Christi nómine, nec accipiunt: non peti in nómine Salvatóris, quidquid pétitur contra ratióem salutis. Non enim sonum litterarum, ac syllabarum, sed quod sonus ipse significat, et quod eo sono recte ac veraciter intelligitur, hoc accipiendus est dicere, cum dicit: In nómine meo.

R. Deus, canticum novum cantabo tibi, alleluia: * In psalterio decem chordarum psallam tibi, alleluia, allel.

V. Deus meus es tu, et confitebor tibi: Deus meus es tu, et exaltabo te. In.

Lectio vij

UNDE qui hoc sentit de Christo, quod non est de único Dei Fílio sentiendum, non petit in ejus nómine, etiámsi non táceat litteris ac syllabis Christum: quóniam in ejus nómine petit, quem cogitat, cum petit. Qui vero quod

est de illo sentiéndum sentit, ipse in ejus nómine petit: et accipit quod petit, si non contra suam salutem sempiternam petit: accipit autem quando debet accipere. Quædam enim non negántur, sed ut congruo dentur tẽpore, differuntur. Ita sane intelligéndum est quod ait: Dabit vobis: ut ea beneficia significata sciántur his verbis, quæ ad eos qui petunt, prõprie pertinent. Exaudiántur quippe omnes sancti pro seipsis, non autem pro omnibus exaudiuntur vel amicis, vel inimicis suis, vel quibúslibet aliis: quia non utcúmque dictum est, Dabit: sed, Dabit vobis.

R. Bonum est confitèri Dómino, allelúia, * Et psállere, allelúia. *V.* In decachórdó psaltério, cum cântico et cithara. Et. Glória Patri Et.

Lectio ix.

USQUE modo, inquit, non petistis quidquam in nómine meo. Pétite, et accipiétis, ut gáudium vestrum sit plenum. Hoc quod dicit, Gáudium plenum, profecto non carnále, sed spiritále gáudium est: et quando tantum erit, ut áliquíd ei jam non sit addéndum, precul dubio tunc erit plenum. Quidquid ergo pétitur, quod pertíneat ad hoc gáudium consequéndum, hoc est in

nómine Christi peténdum, si divínam intelligimus grátiam, si vere beátam póscimus vitam. Quidquid autem áliud pétitur, nihil pétitur: non quia nulla omníno res est, sed quia in tantæ rei comparatióne quidquid áliud concupiscitur, nihil est.

Te Deum laudámus. 17.

Ad Laudes. Añæ et Psalmi de Psalterio. 18.

Capitulum. Jac. 1. d

CHARISSIMI, Estóte factóres verbi, et non auditóres tantum, falléntes vosmetipsos. Quia si quis auditor est verbi, et non factor, hic comparábitur viro consideránti vultum nativitátis suæ in spéculo: considerávit enim se, et ábiit, et statim oblitus est qualis fúerit.

Hymnus. Auróra. 22.

V. In resurrectione tua, Christe, allelúia. *R.* Cœli et terra læténtur, allelúia.

Ad Benedictus. Añæ.

Usque modo * non petistis quidquam in nómine meo: pétite, et accipiétis, allelúia.

Oratio.

DEUS, a quo bona cuncta procédunt: largire supplicibus tuis; ut cogitémus te inspiránte, quæ recta sunt, et te gubernánte, eadem faciámus. Per Dñum.

Deinde de Cruce. 153.

Ad Tertiam. Capitulum.

Charíssimi, Estóte. *supra.*

R. br. Surréxit Dóminus de sepúlchro. * Allelúia, allelúia. Surréxit. **V.** Qui pro nobis pepéndit in ligno. Allelúia, allelúia. Glória Patri. Surréxit. **V.** Surréxit Dóminus vere, allelúia. **R.** Et apparuit Simóni, allel.

Ad Sextam. Capitulum.

Jacobi 1. d

QUI autem perspéxerit in legem perféctam libertátis, et permánserit in ea, non auditor obliuiósus factus, sed factor óperis : hic beátus in facto suo erit.

R. br. Surréxit Dóminus vere. * Allelúia, allelúia. Surréxit. **V.** Et apparuit Simóni. Allelúia, allelúia. Glória Patri. Surréxit. **V.** Gavisi sunt discipuli, allelúia. **R.** Viso Dómino, allel.

Ad Nonam. Capitulum.

Jacobi 1. d

RELIGIO munda et immaculáta apud Deum et Patrem, hæc est: Visitáre pupillos, et víduas in tribulatióne eórum, et immaculátum se custodire ab hoc sæculo.

R. br. Gavisi sunt discipuli, * Allelúia, allelúia. Gavisi. **V.** Viso Dómino. Allelúia, allelúia. Glória Patri. Gavisi. **V.** Mane nobíscum, Dómine, allelúia. **R.** Quóniam advesperáscit, allelúia.

Ad Vesperas, Anæ et Psalmi de Dominica. 130.

Capit. Charíssimi. 345.

Hymnus. Ad régias. 133.

V. Mane nobíscum, Dómine, allelúia. **R.** Quóniam advesperáscit, allelúia.

Ad Magnificat, Anæ.

Pétite, * et accipiétis, ut gáudium vestrum sit plenum : ipse enim Pater amat vos, quia vos me amástis, et credidístis, allelúia.

Deinde de Cruce. 133.

FERIA SECUNDA

IN ROGATIONIBUS.

Si hodie occurrat Festum ix. Lect., fit de eo, cum ix. Lect. de seq. Homilia, et com. de Feria ad Laudes tantum, ut 348. De Festo autem trium Lect., fit tantum com.

Lectio sancti Evangelii secúndum Lucam.

Lectio j. Cap. 11.

IN illo témpore : Dixit Jesus discipulis suis : Quis vestrum habébit amicum, et ibit ad illum média nocte, et dicet illi : Amice, comoda mihi tres panes? Et réliqua.

Homilia sancti Ambrósii Episcopi.

Lib. 7. in Lucam, c. 11.

ALIIUS præcépti locus est, ut ómnibus moméntis, non solum diébus, sed étiam nóctibus orátio deferátur. Vides enim, quod iste qui média nocte perréxit, tres panes ab amico suo póstulans, et in ipsa peténdi intentióne persístens, non defraudétur orátis. Qui sunt isti tres panes, nisi mysté-

rii cœlestis alimentum? Quod si diligas Dñm Deum tuum, non solum tibi, sed etiam aliis poteris emereri. Quis autem amicio- nobis, quam qui pro nobis corpus suum tradidit?

R. Dicant nunc, qui redempti sunt, alleluia, * A Dño, alleluia, alleluia.

V. Quos redemit de manu inimici, et de regionibus congregavit eos. A Dño.

Lectio ij.

AB hoc media nocte panes Dauid petiit, et accepit. Petiit enim, quando dicebat: Media nocte surgebam ad confitendum tibi. Ideo meruit hos panes, quos apposuit nobis edendos. Petiit cum dicit: Lavabo per singulas noctes lectum meum. Neque enim timuit, ne excitaret dormientem, quem scit semper vigilantem. Et ideo scriptorum memores, noctibus ac diebus orationi instantes, peccatis nostris veniam postulamus.

R. Cantate Dño, alleluia: * Psalmum dicite ei, alleluia. **V.** Afferte Dño gloriam et honorem, afferte Dño gloriam nomini ejus. Psalmum.

Lectio iij.

NAM si ille tam sanctus, et qui regni erat necessitatibus occupatus, septies in die laudem Dño dicebat, matutinis, et vespertinis

sacrificiis semper intentus: quid nos facere oportet, qui eo amplius rogare debemus, quo frequentius carnis, ac mentis fragilitate delinquimus, ut de via lassis, et istius ævi cursu, ac vitæ hujus anfractu graviter fatigatis, panis refectionis deesse non possit, qui hominis corda confirmet? Nec solum media nocte Dñus, sed omnibus prope docet vigilandum esse momentis. Venit enim et vespertina, et secunda, et tertia vigilia: et pulsare consuevit. Beati itaque servi illi, quos, cum venerit Dñus, invenerit vigilantes.

Hac nocte dicitur tertium R. quia non dicitur Te Deum. In duabus vero sequentibus Feriis dicitur:

R. Narrabo nomen tuum fratribus meis, alleluia: * In medio Ecclesiæ laudabo te, alleluia, allel. **V.** Confitebor tibi in populis, Domine, et psalmum dicam tibi in Gentibus. In. Gloria Patri. In.

Ad Laudes, Añs. Alleluia. Ps. Dominus regnavit, cum reliquis Añis et Psalmis de Psalterio. 18.

Capit. Christus resurgens, Hymn. Aurora cœlum. 22. V. In resurrectione tua, Christe, alleluia, **R.** Cœli et terra lætentur, alleluia.

Ad Benedictus, Añs. Petite, * et accipietis: quæ-

rite, et inveniétis : pulsáte, et aperiétur vobis, allel.

Oratio.

PRÆSTA, quæsumus omnipotens Deus : ut, qui in afflictione nostra de tua pietate confidimus, contra adversa omnia, tua semper protectione muniámur. Per Dóminum.

Hæc Oratio dicitur ad Laudes, et per Horas, præter Vesp., et hodie tantum. Duobus vero sequent. Feriis dicitur Oratio Dñicæ præc.

Deus, a quo bona, ut 343.

Hoc triduo, qui non intersunt Processionibus Rogationum, privatim post Laudes dicant Litanias cum suis Precibus et Orationibus sine Psalmis Penit.

Ad Horas omnia dicuntur ut in fer. Offic. temp. Pasch.

Vesperæ, nisi occurrat Festum ix. Lect., dicuntur de Psalt., cum Oratione Dñicæ præc. Si vero sequatur Festum simplex, a Capitulo fit de Festo. cum commem. de Cruce tantum, ut 153.

Ad Magnificat, Añia.

Ipse enim Pater * amat vos, quia vos me amástis, et credidistis, allelúia.

Oratio. Deus, a quo. 343.

FERIA TERTIA

IN ROGATIONIBUS.

Si hodie occurrat Festum Simplex, fit de eo. sine commem. de Feria. sed tantum de Cruce.

De Epístola prima beati Petri Apóstoli.

Lectio j. Cap. 4.

CHRISTO igitur passo in carne, et vos eadem cogitatione armámini : quia qui passus est in carne, desiit a peccátis : ut jam non desidériis hóminum, sed voluntáti Dei, quod reliquum est in carne, vivat témporis. Súfficit enim præteritum tempus ad voluntátem Géntium consummándam his qui ambulavérunt in luxúriis, desidériis, vinoléntiis, comessationibus, potationibus, et illicitis idolórum cultibus. In quo admirántur non concurréntibus vobis in eámdem luxúriæ confusiónem, blasphemántes. Qui reddent ratiómem ei, qui parátus est judicáre vivos et mórtuos. Propter hoc enim et mórtuis evangelizátum est : ut judicéntur quidem secúndum hómines in carne, vivant autem secúndum Deum in spíritu. Omnium autem finis appropinquávit. **R.** In Ecclésiis benedicite Deo, allelúia : * Dómino de fóntibus Israel, allelúia, allelúia. **V.** Psalmum dicite nómini ejus, date glóriam laudi ejus. Dómino.

Lectio ij.

ESTOTE itaque prudéntes, et vigiláte in orationibus. Ante ómnia autem, mú-

tuam in vobismetipsis charitatem continuam habentes : quia charitas operit multitudinem peccatorum. Hospitaliter invicem sine murmuratione. Unusquisque, sicut accepit gratiam, in alterutrum illam administrantes, sicut boni dispensatores multiformis gratiae Dei. Si quis loquitur, quasi sermones Dei : si quis ministrat, tamquam ex virtute quam administrat Deus, ut in omnibus honorificetur Deus per Jesum Christum : cui est gloria, et imperium in saecula saeculorum. Amen.

R. In toto corde meo, alleluia, exquisivi te, alleluia.

*** Ne repellas me a mandatis tuis, alleluia, allel.** **V.** Benedictus es tu, Domine, doce me justificationes tuas. Ne gloria Patri. Ne

Lectio iij.

CHARRISSIMI, nolite peregrinari in fervore, qui ad tentationem vobis fit, quasi novi aliquid vobis contingat : sed communicantes Christi passionibus gaudente, ut et in revelatione gloriae ejus gaudeatis exultantes. Si exprobramini in nomine Christi, beati eritis : quoniam quod est honoris, gloriae et virtutis Dei, et qui est ejus Spiritus, super vos requiescit. Nemo autem vestrum patiatur ut homicida, aut fur, aut ma-

ledicus, aut alienorum appetitor. Si autem ut Christianus, non erubescat : glorificet autem Deum in isto nomine. Quoniam tempus est ut incipiat iudicium a domo Dei.

Te Deum laudamus. 17.

Ad Benedictus, Ant.

Oportebat * pati Christum, et resurgere a mortuis, alleluia.

Oratio. Deus, a quo. 345.

Ad Magnificat, Ant.

Exivi a Patre, * et veni in mundum : iterum relinquo mundum, et vado ad Patrem, alleluia.

FERIA QUARTA

IN ROGATIONIBUS.

Vigilia Ascensionis.

Si hodie occurrat Festum ix. Lect., fit de eo, cum ix. **Lect. de Homilia Vigiliae, et commem. ad Laud., ut infra. De Festo autem trium Lect. fit tantum commem.**

Lectio sancti Evangelii secundum Joannem.

Lectio j. Cap. 17.

IN illo tempore : Sublevatis Jesus oculis in caelum, dixit : Pater, venit hora, clarifica Filium tuum. Et reliqua.

Homilia sancti Augustini Episcopi.

Tr. 104. in Joan., sub med.

POTERAT Dominus noster, unigenitus et coaeternus Patri, in forma servi, et ex forma servi, si hoc opus esset, orare silentio : sed ita

se Patri exhibere voluit precatorem, ut meminisset nostrum se esse doctorem. Proinde eam, quam fecit orationem pro nobis, notam fecit et nobis : quoniam tanti magistri non solum ad ipsos sermocinatio, sed etiam pro ipsis ad Patrem oratio, discipulorum est ædificatio : et si illorum, qui hæc dicta audierant audituri, profecto et nostra, qui fueramus conscripta lecturi.

R. Deus canticum. 344.

Lectio ij.

QUAPROPTER hoc quod ait : Pater, venit hora, clarifica Filium tuum; ostendit omne tempus, et quid, quando faceret, vel fieri sineret, ab illo esse dispositum, qui temporis subditus non est : quoniam quæ futura erant per singula tempora, in Dei sapientia causas efficiētes habent, in qua nulla sunt tempora. Non ergo credatur hæc hora fato urgente venisse, sed Deo potius ordinante. Nec sideræa necessitas Christi connexit passionem : absit enim ut sidera mori cogerent siderum Conditorem.

R. Bonum est. 345.

Lectio iij.

CLARIFICATUM a Patre Filium nonnulli accipiunt

in hoc, quod ei non pepercit, sed pro nobis omnibus tradidit eum. Sed si passione clarificatus dicitur, quanto magis resurrectione? Nam in passione magis ejus humilitas, quam claritas commendatur, Apostolo teste, qui dicit : Humiliavit semetipsum, factus obediens usque ad mortem, mortem autem crucis. Deinde sequitur, et de ejus clarificatione jam dicit : Propter quod et Deus illum exaltavit, et donavit ei nomen quod est super omne nomen : ut in nomine Jesu omne genu flectatur, cœlestium, terrestrium, et infernorum : et omnis lingua confiteatur, quia Dominus Jesus Christus in gloria est Dei Patris. Hæc est clarificatio Domini nostri Jesu Christi, quæ ab ejus resurrectione sumpsit exordium.

Te Deum laudamus. 17.

Ad Benedictus. Ant.

Pater, venit hora, * clarifica Filium tuum claritate quam habui, priusquam mundus esset, apud te, alleluia.

Oratio

DEUS, a quo bona cuncta procedunt : largire supplicibus tuis ; ut cogitemus te inspirante, quæ recta sunt, et te gubernante, eadem faciamus. Per Dominum.

IN ASCENSIONE

DOMINI.

Ad Vesp. . *Añæ de Laud. .*
Psalmi de Dñica. 430. et
loco ult. . Ps. Laudate Dómi-
num, omnes gentes. 134.

Capitulum. Act. 1.

PRIMUM quidem sermónem
feci de ómnibus, o Theó-
phile, quæ cœpit Jesus fáce-
re, et docére, usque in diem,
qua præcipiens Apóstolis per
Spíritum sanctum, quos
elégit, assúptus est.

Hymnus.

SALUTIS humanæ Sator,
Jesu, volúptas córdium,
Orbis redépti Cónditor,
Et casta lux amántium :
Qua victus es cleméntia,
Ut nostra ferres crimina ?
Mortem subíres ínnocens,
A morte nos ut tólleres ?
Perrúmpis inférnum chaos,
Vinctis caténas détrahis ;
Victor triúmpho nóbili
Ad dexteram Patris sedes.
Te cogat indulgéntia,
Et damna nostra sárCIAS,
Tuique vultus cómpotes
Dites beáto lúmine.
Tu dux ad astra, et sémita,
Sis meta nostris córdibus,
Sis lacrymárum gáudium,
Sis dulce vitæ præmium. Am.

Ÿ. Ascéndit Deus in jubila-
tíone, allelúia. R. Et Dómi-
nus in voce tubæ, allelúia.

Ad Magnificat. Añæ.

Pater, manifestávi nomen
tuum homínibus quos dedi-
sti mihi : nunc autem pro
eis rogo, non pro mundo,
quia ad te vénio, allelúia.

Oratio.

CONCEDE, quæsumus om-
nípotens Deus : ut qui
hodiérna die Unigénitum
tuum Redemptórem no-
strum ad cœlos ascendisse
crédimus, ipsi quoque men-
te in cœléstibus habitémus.
Per eúndem Dóminum.

Ad Matutinum, Invitat.

Allelúia, Christum Dómi-
num ascendéntem in cœ-
lum, * Veníte, adorémus,
allelúia. *Ps. Venite. 2.*

Hymnus.

ETERNE Rex altíssime,
Redemptor et fidé-
lium,
Cui mors perémpta détulit
Summæ triúmphum glóriæ ;
Ascéndis orbes síderum
Quo te vocábat cœlitus
Colláta, non humanitus,
Rerum potéstas ómnium.

Ut trina rerum máquina,
Cœléstium, terréstrium,
Et inferórum cóndita,
Flectat genu jam súbdita.
Tremunt vidéntes Angeli
Versam vicem mortálium,
Peccat caro, mundat caro,
Regnat Deus Dei caro.

Sis ipse nostrum gáudium,
Manens olympto præmium,
Mundi regis qui fábricam,
Mundána vincens gáudia.

Hinc te precántes quæsumus,

Ignósce culpis ómnibus,
Et corda sursum súbleva
Ad te supérna grátia.

Ut cum repénite cœperis
Clarére nube Júdicis,
Pœnas repéllas débitas,
Reddas corónas pérditas.

Jesu tibi sit glória,
Qui victor in cœlum redis,
Cum Patre, et almo Spíritu,
In sempitérna sæcula. Am.

Sic dicitur in aliis Hymnis
eiusdem metri usque ad Pentecosten, excepto Hymno :
Salútis humanæ.

In primo Nocturno.

Añã. Eleváta est * magnificéntia tua super cœlos Deus, allelúia.

Psalmus 8.

DOMINE Dóminus noster,
* quam admirábile est
nomen tuum in univérsa
terra!

Quóniam eleváta est magnificéntia tua, * super cœlos.

Ex ore infántium et lacténtium perfecisti laudem pro-

pter inimícos tuos, * ut
détruas inimícum et uirórem.

Quóniam vidébo cœlos tuos,
ópera digitórum tuórum :
* lunam et stellas, quæ tu
fundásti.

Quid est homo, quod memor
es ejus? * aut filius hóminis,
quóniam visitas eum?

Minuísti eum paulo minus
ab Angelis, glória et honóre coronásti eum : * et
constituísti eum super ópera mánuum tuárum.

Omnia subjecísti sub pédibus ejus, * oves et boves
univérsas : insuper et pécora campi.

Volucres cœli, et pisces
maris, * qui perámbulant
sémitas maris.

Dómine Dóminus noster, *
quam admirábile est nomen
tuum in univérsa terra!

Añã. Eleváta est magnificéntia tua super cœlos Deus, allelúia.

Añã. Dóminus in templo
* sancto suo, Dóminus in
cœlo, allelúia.

Psalmus 40.

IN Dómino confido : quómo-
do dicitis ánimæ meæ : *
Trásmigra in montem sic-
ut passer?

Quóniam ecce peccatóres
intendérunt arcum, para-
vérunt sagittas suas in phá-
retra, * ut sagittent in ob-
scúro rectos corde.

Quóniam quæ perfecísti,

destruxérunt : * justus autem quid fecit?

Dóminus in templo sancto suo, * Dóminus in cœlo sedes ejus.

Oculi ejus in páuperem respiciunt, * pálpebræ ejus interrogant filios hóminum.

Dóminus interrogat justum et impium : * qui autem diligit iniquitatem, odit animam suam.

Pluet super peccatóres láqueos : * ignis, et sulphur, et spíritus procellarum pars cálicis eórum.

Quóniam justus Dóminus et justitias diléxit, * æquitatem vidit vultus ejus.

Añs. Dóminus in templo sancto suo, Dóminus in cœlo, allelúia.

Añs. A summo cœlo * egressio ejus, et occúrsus ejus usque ad summum ejus, allel.

Psalmus 48.

CŒLI enarrant glóriã Dei, * et ópera mánuum ejus annúnciat firmaméntum.

Dies diéi erúctat verbum, * et nox nocti indicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thámo suo :

Exultávit ut gigas ad curréndam viam, * a summo cœlo egréssio ejus :

Et occúrsus ejus usque ad summum ejus : * nec est qui se abscondat a calore ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans párvulis. Justitiæ Dómini rectæ, lætificántes corda : * præceptum Dómini lúcidum, illuminans óculos.

Timor Dómini sanctus, permanens in sæculum sæculi : * judícia Dómini vera, justificáta in semetipsa.

Desiderabilia super aurum et lápidem pretiósus mulum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occultis meis munda me : * et ab aliénis parce servo tuo. Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjutor meus, * et redémptor meus.

Añs. A summo cœlo egressio ejus, et occúrsus ejus usque ad summum ejus, allel.

V. Ascéndit Deus in jubi-

latione, allelúia. *R.* Et Dóminus in voce tubæ, allelúia.

Incipit liber Actuum
Apostolorum.

Lectio j. Cap. 1.

PIMUM quidem sermónem feci de ómnibus, o Theophile, quæ cœpit Jesus facere, et docere, usque in diem, qua præcipiens Apóstolis per Spíritum sanctum, quos elégit, assumptus est: quibus et præbuit seípsum vivum post passionem suam in multis argumentis, per dies quadraginta appárens eis, et loquens de regno Dei. Et convéscens, præcepit eis ab Jerosólymis ne discéderent; sed expectárent promissionem Patris, quam audistis (inquit) per os meum: quia Joánnes quidem baptizávit aqua, vos autem baptizabimini Spíritu sancto non post multos hos dies.

R. Post passionem suam per dies quadraginta appárens eis, et loquens de regno Dei, allelúia: * Et vidéntibus illis elevátus est, allelúia: et nubes suscepit eum ab óculis eórum, allel.

V. Et convéscens præcepit eis, ab Jerosólymis ne discéderent, sed expectárent promissionem Patris. Et.

Lectio ij.

IGITUR qui convénerant, interrogábant eum, dicentes: Dómine, si in témpore

hoc restitues regnum Israel? Dixit autem eis: Non est vestrum nosse témpora vel moménta, quæ Pater pósuit in sua potestáte: sed accipiétis virtutem superveniéntis Spíritus sancti in vos, et éritis mihi testes in Jerúsalem, et in omni Judæa, et Samaria, et usque ad últimum terræ. Et cum hæc dixisset, vidéntibus illis, elevátus est: et nubes suscepit eum ab óculis eórum.

R. Omnis pulchritúdo Dómini exaltáta est super sîdera:

* Spécies ejus in núbibus cœli, et nomen ejus in ætérnum pérmanet, allelúia. *V.* A summo cœlo egréssio ejus, et occûrsus ejus usque ad summum ejus. Spécies.

Lectio iij.

CUMQUE intueréntur in cœlum eúntem illum, ecce duo viri astitérunt juxta illos in véstibus albis, qui et dixerunt: Viri Galilæi, quid statis aspiciéntes in cœlum? Hic Jesus, qui assumptus est a vobis in cœlum, sic véniet, quemádmódum vidistis eum eúntem in cœlum. Tunc revérsi sunt Jerosólymam a monte, qui vocátur Olivéti, qui est juxta Jerúsalem, sabbati habens iter. Et cum introissent in cœnáculum, ascendérunt ubi manébant Petrus et Joánnes, Jacóbus et Andréas, Phillppus et

Thomas, Bartholomæus et Matthæus, Jacôbus Alphæi, et Simon Zelôtes, et Judas Jacôbi. Hi omnes erant perseverantes unanimiter in oratione cum mulieribus, et Maria matre Jesu, et fratribus ejus.

R. Exaltâre, Dómine, allelûia. * In virtute tua, allelûia. **V.** Elevata est magnificentia tua super cœlos, Deus. In. Glória Patri. In.

In secundo Nocturno.

Añã. Exaltâre, Dómine, * in virtute tua : cantâbimus et psallémus, allelûia.

Psalmus 20.

DOMINE, in virtute tua lætâbitur rex : * et super salutare tuum exultâbit vehementer.

Desiderium cordis ejus tribuisti ei : * et voluntate labiorum ejus non fraudasti eum.

Quóniam prævenisti eum in benedictionibus dulcédinis, * posuisti in capite ejus coronam de lapide pretioso.

Vitam petiit a te : * et tribuisti ei longitudinem dierum in sæculum, et in sæculum sæculi.

Magna est glória ejus in salutari tuo : * glóriam et magnum decorem impónes super eum.

Quóniam dabis eum in benedictionem in sæculum sæculi : * lætificabis eum in gaudio cum vultu tuo.

Quóniam rex sperat in Dómino : * et in misericordia Altíssimi non commovébitur.

Inveniâtur manus tua ómnibus inimicis tuis : * dextera tua invéniat omnes, qui te odérunt.

Pones eos ut clibanum ignis in tempore vultus tui : * Dóminus in ira sua conturbabit eos, et devorabit eos ignis. Fructum eorum de terra perdes : * et semen eorum a filiis hóminum.

Quóniam declinavérunt in te mala : * cogitavérunt consília, quæ non potuérunt stabilíre.

Quóniam pones eos dorsum : * in reliquiis tuis præparabis vultum eorum.

Exaltâre, Dómine, in virtute tua : * cantâbimus et psallémus virtutes tuas.

Añã. Exaltâre, Dómine, in virtute tua : cantâbimus, et psallémus, allelûia.

Añã. Exaltâbo te, Dómine, * quóniam suscepisti me, allelûia.

Psalmus 29.

EXALTABO te, Dómine, quóniam suscepisti me : * nec delectasti inimicos meos super me.

Dómine Deus meus, clamavi ad te, * et sanasti me.

Dómine, eduxisti ab inférno animam meam : * salvasti me a descendéntibus in lacum.

Psállite Dómino sancti ejus:
* et confitémini memóriæ
sanctitátis ejus.

Quóniam ira in indignatióne
ejus : * et vita in voluntáte
ejus.

Ad vésperum demorábitur
fletus : * et ad matutínium
lætítia.

Ego autem dixi in abundán-
tia mea : * Non movébor in
ætérum.

Dómine, in voluntáte tua , *
præstitisti decóri meo vir-
tutem.

Avertisti faciém tuam a me,
* et factus sum conturbátus.

Ad te, Dñe, clamábo : * et
ad Deum meum deprecábor.

Quæ utilitas in ságuine
meo , * dum descéndo in
corruptiõem ?

Numquid confitébitur tibi
pulvis , * aut annuntiábit
veritatem tuam ?

Audívit Dóminus, et misér-
tus est mei : * Dóminus fa-
ctus est adjutor meus.

Convertisti planctum meum
in gáudium mihi : * consci-
disti saccum meum, et cir-
cumedidisti me lætítia :

Ut cantet tibi glória mea ,
et non compúngar : * Dó-
mine Deus meus , in æté-
rum confitébor tibi.

Añá. Exaltábo te, Dómine,
quóniam suscepisti me, al-
lelúia.

Añá. Ascéndit Deus * in
jubilatione, et Dóminus in
voce tubæ, allelúia.

Psalmus 46.

OMNES gentes, pláudite má-
nibus , * jubiláte Deo
in voce exultatióis.

Quóniam Dóminus excél-
sus , terríbilis : * Rex ma-
gnus super omnem terram.
Subjécit pópulos nobis : * et
gentes sub pédibus nostris.

Elégit nobis hereditátem
suam : * spéciem Jacob ,
quam diléxit.

Ascéndit Deus in júbilo : *
et Dóminus in voce tubæ.

Psállite Deo nostro , psál-
lite : * psállite Regi nostro,
psállite.

Quóniam Rex omnis terræ
Deus : * psállite sapiénter.

Regnabit Deus super Gen-
tes : * Deus sedet super se-
dem sanctam suam.

Príncipes populórum con-
gregáti sunt cum Deo Abra-
ham : * quóniam dii fortes ter-
ræ veheménter eleváti sunt.

Añá. Ascéndit Deus in jubi-
latione, et Dóminus in voce
tubæ, allelúia.

V. Ascéndens Christus in
altum, allelúia. **R. Captívam**
duxit captivitátem, allelúia.
Sermo sancti Leónis Papæ.

Lectio iv.

Serm. 1. de Ascens. Domini.

POST beátam et gloriósam
resurrectiõem Dómini
nostri Jesu Christi , qua ve-
rum Dei templum Judáica
impietáte resolutum, divína
in trídúo poténtia suscitá-
vit : quadragenárius hódie ,

dilectissimi, sanctorum dierum expletus est numerus, sacratissima ordinatione dispositus, et ad utilitatem nostrae eruditionis impensus: ut, dum a Domino in hoc spatio mora praesentiae corporalis extenditur, fides resurrectionis documentis necessariis muniretur. Mors enim Christi multum discipulorum corda turbaverat: et de supplicio crucis, de emissionem spiritus, de examinationi corporis sepultura gravatis molestitudine mentibus, quidam diffidentiae torpor obréperat.

R. Tempus est, ut revértar ad eum qui me misit, dicit Dominus: nolite contristari, nec turbétur cor vestrum; * Rogo pro vobis Patrem ut ipse vos custódiat, allelúia, allelúia. **Ÿ.** Nisi ego abiero, Paráclitus non véniet: cum assumptus fuero, mittam vobis eum. Rogo.

Lectio v.

UNDE beatissimi Apóstoli, omnesque discípuli, qui et de exitu crucis fuerant trépidi, et de fide resurrectionis ambigui, ita sunt veritate perspicua roborati, ut Domino in caelorum eunte sublimia, non solum nulla afficerentur tristitia, sed etiam magno gaudio repleverentur. Et revéra magna et ineffabilis erat causa gaudendi, cum in conspectu

sanctae multitudinis super omnium creaturarum celestium dignitatem, humani generis natura conscenderet, supergressura Angelicos ordines, et ultra Archangelorum altitudines elevanda: nec ullis sublimitatibus modum suae profectionis habitura, nisi aeterni Patris recepta consessu, illius gloria sociaretur in throno, cujus naturae copulabatur in Filio.

R. Non turbétur cor vestrum: ego vado ad Patrem: et cum assumptus fuero a vobis, mittam vobis, allelúia. * Spiritum veritatis, et gaudébit cor vestrum, allelúia. **Ÿ.** Ego rogabo Patrem, et alium Paráclitum dabit vobis. Spiritum.

Lectio vj.

QUIA igitur Christi ascensio, nostra provectio est: et quo praecessit gloria capitis, eo spes vocatur et corporis: dignis, dilectissimi, exultemus gaudiis, et pia gratiarum actione laetémur. Hodie enim non solum paradisi possessores firmati sumus, sed etiam caelorum in Christo supérna penetravimus; amplióra adépti per ineffabilem Christi gratiam, quam per diaboli amiseramus invidiam. Nam quos virulentus inimicus primi habitaculi felicitate dejecit, eos sibi concorporatos Dei

Filius ad dexteram Patris collocavit : cum quo vivit et regnat in unitate Spiritus sancti Deus, per omnia sæcula sæculorum. Amen.

R. Ascendens Christus in altum, captivam duxit captivitatem, * Dedit dona hominibus, allelúia, allelúia, allelúia. **V.** Ascendit Deus in jubilatione, et Dominus in voce tubæ. Dedit. Glória Patri. Dedit.

In tertio Nocturno.

Añs. Nimis exaltatus est, * allelúia, super omnes deos, allelúia.

Psalmus 96.

DOMINUS regnavit, exultet terra : * læténtur insulæ multæ.

Nubes, et caligo in circúitu ejus : * justitia, et judicium correctio sedis ejus.

Ignis ante ipsum præcedet, * et inflammabit in circúitu inimicos ejus.

Illuxerunt fulgura ejus orbi terræ : * vidit, et commóta est terra.

Montes sicut cera fluxerunt a facie Domini : * a facie Domini omnis terra.

Annuntiaverunt cœli justitiam ejus : * et viderunt omnes populi glóriam ejus.

Confundántur omnes qui adorant sculptília, * et qui gloriántur in simulácris suis.

Adorate eum omnes Angeli ejus : * audivit, et lætata est Sion.

Et exultaverunt filiæ Judæ, * propter judícia tua, Dñe : Quóniam tu Dominus altissimus super omnem terram : * nimis exaltatus es super omnes deos.

Qui diligitis Dominum, odite malum : * custodit Dominus animas sanctorum suorum, de manu peccatoris liberabit eos.

Lux orta est justo, * et retis corde lætitia.

Lætámini, justí, in Dómino : * et confitémini memóriæ sanctificatiónis ejus.

Añs. Nimis exaltatus est, allelúia : super omnes deos, allelúia.

Añs. Dominus in Sion, * allelúia : magnus et excelsus, allelúia.

Psalmus 98.

DOMINUS regnavit, irascántur populi, * qui sedet super Chérubim, moveátur terra.

Dominus in Sion magnus : * et excelsus super omnes populos.

Confiteántur nómini tuo magno : quóniam terribile et sanctum est : * et honor regis judicium diligit.

Tu parásti directiões : * judicium et justitiam in Jacob tu fecísti.

Exaltáte Dominum Deum nostrum, et adoráte scabellum pedum ejus : * quóniam sanctum est.

Moyses et Aaron in sacer-

dótribus ejus : * et Sámuel
inter eos, qui invocant no-
men ejus :

Invocabant Dñum, et ipse
exaudiébat eos : * in columna
nubis loquebátur ad eos.

Custodiébant testimónia
ejus : * et præcéptum quod
dedit illis.

Dómine Deus noster tu exau-
diébas eos : * Deus tu pro-
pitiu fuísti eis, et ulciscens
in omnes adinventiões
eórum.

Exaltáte Dóminum Deum
nostrum, et adoráte in mon-
te sancto ejus : * quóniam
sanctus Dóminus Deus no-
ster.

Ana. Dóminus in Sion, allel. :
magnus et excélsus, allelúia.

Ana. Dóminus in cœlo, *
allelúia : parávit sedem
suam, allelúia.

Psalmus 102.

BENEDIC, ánima mea, Dó-
mino : * et ómnia quæ
intra me sunt, nómini san-
cto ejus.

Benedic, ánima mea, Dó-
mino : * et noli oblivisci
omnes retributiões ejus.

Qui propitiátur ómnibus ini-
quitátibus tuis : * qui san-
nat omnes infirmitates tuas.

Qui rédimít de intéritu vi-
tam tuam : * qui corónat
te in misericórdia et mise-
rationibus.

Qui replet in bonis desi-
derium tuum : * renovábi-
tur ut áquilæ juvéntus tua.

Faciens misericórdias Dó-
minus, * et judicium ómni-
bus injúriam patiéntibus.

Notas fecit vias suas Moysi,
* filiis Israel voluntates suas.

Miserátor et miséricors Dó-
minus : * longánimis, et
multum miséricors.

Non in perpétuum irascétur :
* neque in ætérnum com-
minábitur.

Non secúndum peccáta no-
stra fécit nobis : * neque
secúndum iniquitátes no-
stras retribuit nobis.

Quóniam secúndum altitú-
dinem cœli a terra, * corro-
borávit misericórdiam suam
super timéntes se.

Quántum distat ortus ab
occidente : * longe fécit a
nobis iniquitátes nostras.

Quómodo miserétur patér
filiórum, misértus est Dó-
minus timéntibus se : *
quóniam ipse cognóvit fig-
mémentum nostrum.

Recordátus est quóniam pul-
vis sumus : * homo sicut
fœnum dies ejus, tamquam
flos agri sic efflorébit.

Quóniam spíritus pertrans-
ibit in illo, et non subsistet :
* et non cognóscet ámplius
locum suum.

Misericórdia autem Dómini
ab ætérno, * et usque in
ætérnum super timéntes
eum.

Et justitia illius in filios
filiórum, * his qui servant
testaméntum ejus :

Et mēiores sunt mandatō-
rum ipsius, * ad faciēn-
dum ea.

Dóminus in cœlo parávit se-
dem suam : * et regnum ip-
sius ómnibus dominábitur.

Benedicite Dómino, omnes
Angeli ejus : * potētes vir-
tute, faciētes verbum il-
lius, ad audiēdam vocem
sermónum ejus.

Benedicite Dómino, omnes
virtutes ejus : * ministri ejus,
qui faciēt voluntatem ejus.

Benedicite Dómino, ómnia
ópera ejus : * in omni loco
dominatiónis ejus, bēdic,
ánima mea, Dómino.

Ána. Dóminus in cœlo, al-
lelúia : parávit sedem suam,
allelúia.

ŷ. Ascēdo ad Patrem
meum, et Patrem vestrum,
allelúia. *ñ.* Deum meum,
et Deum vestrum, allelúia.

Lectio sancti Evangélíi
secúndum Marcum.

Lectio vij. Cap. 16. c

IN illo témpore : Recumbén-
tibus úndecim discipulis,
appáruit illis Jesus : et ex-
probrávit incredulitatem eó-
rum, et durítiam cordis :
quia iis, qui víderant eum
resurrexisse, non credidé-
runt. Et réliqua.

Homília S. Gregórii Papæ.

Homilia 29. in Evang.

QUOD resurrectionem Do-
minicam discipuli tarde
credidérunt, non tam illó-
rum infirmitas, quam no-

stra, ut ita dicam, futúra
firmitas fuit. Ipsa namque
resurrectio illis dubitánti-
bus per multa arguménta
monstráta est : quæ dum
nos legētes agnóscimus,
quid áliud quam de illórum
dubitatióne solidámur? Mi-
nus enim mihi María Mag-
daléne præstitit, quæ citius
credidit, quam Thomas, qui
diu dubitávit. Ille étenim
dubitádo, vúlnerum cicat-
trices tétigit, et de nostro
péctore dubitatiónis vulnus
amputávit.

ñ. Ego rogábo Patrem, et
álium Paráclitum dabit vo-
bis, * Ut máneat vobiscum
in ætérnum, Spíritum veri-
tátis, allelúia. *ŷ.* Si enim non
abiero, Paráclitus non vé-
niet ad vos : si autem abiero,
mittam eum ad vos. Ut. *Be-
ned.* Divínium auxílium.

Lectio viij.

AD insinuándam quoque
veritatem Domínicæ re-
surrectionis, notándum no-
bis est quid Lucas réferat,
dicens : Convéscens præcé-
pit eis ab Jerosólymis ne
discéderent. Et post pauca :
Vidéntibus illis elevátus
est, et nubes suscepit eum
ab óculis eórum. Notáte
verba, signáte mystéria.
Convéscens elevátus est.
Comédit, et ascéndit : ut
vidélicet per efféctum com-
estiónis, véritas patésce-
ret carnis. Marcus vero,

priusquam cœlum Dóminus ascéndat, cum de cordis atque infidelitátis duritia increpasse discipulos mémorat. Qua in re quid considerándum est, nisi quod idcirco Dóminus tunc discipulos increpávit, cum eos corporáliter reliquit, ut verba, quæ recédens diceret, in corde audiéntium áctius impréssa remanérent?

R. Ponis nubem ascénsum tuum, Dómine: * Qui ámbulas super pennas ventórum, allelúia. **V.** Confessionem et decórem induisti, amíctus lumen sicut vestiméntum. Qui. **Gloria Patri.** Qui.

Lectio ix.

INCREPATA igitur eórum duritia, quid admonéndo dicat, audiámus: Eúntes in mundum univérsum prædicáte Evangélium omni creatúræ. Numquid, fratres mei, sanctum Evangélium vel insensátis rebus, vel brutis animálibus fúerat prædicándum, ut de eo discipulis dicátur: Prædicáte omni creatúræ? Sed omnis creatúræ nómine signátur homo. Omnis autem creatúræ áliquid habet homo. Habet namque commúne esse cum lapídibus, vívere cum arbóribus, sentire cum animálibus, intelligere cum Angelis. Si ergo commúne habet áliquid cum omni creatúra

homo, juxta áliquid omnis creatúra est homo. Omni ergo creatúræ prædicátur Evangélium, cum soli hómini prædicátur.

Te Deum laudámus. 17.

AD LAUDES,

et per Horas, Añæ.

1. Viri Galilæi, * quid aspíctis in cœlum? Hic Jesus, qui assúptus est a vobis in cœlum, sic véniet, allelúia. **Ps.** Dóminus regnávít, **cum reliquis. 18.**

2. Cumque intueréntur * in cœlum eúntem illum, dixerunt, allelúia.

3. Elevátis mánibus, * benedixit eis, et ferebátur in cœlum, allelúia.

4. Exaltáte Regem regum, * et hymnum dícite Deo, allelúia.

5. Vidéntibus illis, * elevátus est, et nubes suscepit eum in cœlo, allelúia.

Capitulum. Act. 1.

PRIMUM quidem sermónem feci de ómnibus, o Theóphile, quæ cœpit Jesus fácere, et docére, usque in diem, qua præcípíens Apóstolis per Spíritum sanctum, quos elégit, assúptus est.

Hymn. Salútis humánæ, **ut in j. Vesperis. 351.**

V. Dóminus in cœlo, allelúia. **R.** Parávit sedem suam, allelúia.

Ad Benedictus. Ana
Ascéndo ad Patrem meum,
* et Patrem vestrum: Deum,

meum, et Deum vestrum, allelúia.

Oratio.

CONCEDE, quæsumus omnípotens Deus : ut qui hodiérna die Unigénitum tuum Redemptórem nostrum ad cœlos ascendisse crédimus, ipsi quoque mente in cœlestibus habitémus. Per eúndem Dóminum.

Ad Primam. R. br. Christe, Fili Dei vivi, miserére nobis. * Allelúia, allelúia. Christe. V. Qui scandis super sidera. Allelúia, allelúia. Glória Patri. Christe. V. Exúrge, Christe, adjuva nos, allelúia. R. Et libera nos propter nomen tuum, allel.

Sic dicitur quotidie usque ad Pentecosten.

Ad Absolutionem Capituli, Lectio brevis. Viri Galilæi, ut infra ad Nonam.

Ad Tertiam. Ana.

Cumque intueréntur.

Capit. Primum quidem.

R. br. Ascéndit Deus in jubilatione. * Allelúia, allelúia. Ascéndit. V. Et Dóminus in voce tubæ. Allelúia, allelúia. Glória Patri. Ascéndit. V. Ascéndens Christus in altum, allelúia. R. Captívam duxit captivitatem, allelúia.

Ad Sextam. Ana.

Elevátis mánibus.

Capitulum. Act. 1.

ET convéscens, præcépit eis ab Jerosólymis ne

discéderent, sed expectárent promissionem Patris, quam audístis (inquit) per os meum: quia Joánnes quidem baptizávit aqua, vos autem baptizabimini Spíritu sancto non post multos hos dies.

R. br. Ascéndens Christus in altum. * Allelúia, allel. Ascéndens. V. Captívam duxit captivitatem. Allelúia, allel. Glória Patri. Ascéndens. V. Ascéndo ad Patrem meum, et Patrem vestrum, allelúia. R. Deum meum, et Deum vestrum, allelúia.

Ad Nonam, Ana.

Videntibus illis.

Capitulum. Act. 1. b

VIRI Galilæi, quid statis aspicientes in cœlum? Hic Jesus, qui assúptus est a vobis in cœlum, sic veniet, quemádmódum vidístis eum euntem in cœlum. R. br. Ascéndo ad Patrem meum, et Patrem vestrum. * Allelúia, allelúia. Ascéndo. V. Deum meum, et Deum vestrum. Allelúia, allelúia. Glória Patri. Ascéndo. V. Dóminus in cœlo, allel. R. Parávit sedem suam, allel.

Ad Vesp., Anæ et Capit. de Laud. Ps. de Dñica. 130. et loco ult., Ps. Laudáte Dóminum, omnes gentes. 134.

Hymnus. Salútis. 351.

V. Dóminus in cœlo, allel. R. Parávit sedem suam, allel.

Ad Magnificat. Ana.

O Rex glóriæ, Dómine vir-

tutum, qui triumphátor hodie super omnes cœlos ascendisti, ne derelinquas nos órphanos : sed mitte promissum Patris in nos, Spíritum veritátis, alleluia.

Infra Octavam Ascens. usque ad Pentec. quotidie fit Offic. de Ascens. nisi occurrat Festum ix. Lect. De Festis vero trium Lect. fit tantum com., cum ix. Lectione de eis.

FERIA SEXTA.

In primo Nocturno.

Incipit Epístola secúnda
beáti Petri Apóstoli.

Lectio j. Cap. 1.

SIMON Petrus, servus et Apóstolus Jesu Christi, iis qui coæquálem nobiscum sortíti sunt fidem in justítia Dei nostri, et Salvatóris Jesu Christi. Grátia vobis et pax adimpleátur in cognitióne Dei, et Christi Jesu Dómini nostri : quómodo ómnia nobis divínæ virtútis suæ, quæ ad vitam et pietátem donáta sunt, per cognitió- nem ejus, qui vocávit nos própria glória, et virtúte, per quem máxima et pretiósa nobis promissa donávit : ut per hæc efficiámini divínæ consórtes naturæ : fugiéntes ejus, quæ in mundo est, concupiscéntiæ corruptiõem.

ñ. Post passiõem. 354.

Lectio ij.

VOS autem curam omnem subinferéntes, ministrá- te in fide vestra virtútem,

in virtúte autem sciéntiam, in sciéntia autem abstinéntiam, in abstinéntia autem paciéntiam, in paciéntia autem pietátem, in pietáte autem amórem fraternitátis, in amóre autem fraternitátis charitátem. Hæc enim si vobiscum adsint, et súperent, non vácuos, nec sine fructu vos constituent in Dómini nostri Jesu Christi cognitióne. Cui enim non præsto sunt hæc, cæcus est, et manu tentans, obliviõem accipiens purgatióis véterum suórum delictórum.

ñ. Omnis pulchritúdo. 354.

Lectio iij.

QUAPROPTER fratres magis satágite, ut per bona ópera certam vestram vocatiõem et electiõem faciátis : hæc enim faciéntes, non peccábitis aliquándo. Sic enim abundánter ministrábitur vobis intróitus in ætérnum regnum Dómini nostri, et Salvatóris Jesu Christi. Propter quod incípiam vos semper commonére de his : et quidem sciéntes et confirmátos vos in præsénti veritáte. Justum autem árbitor quámdiu sum in hoc tabernáculo, suscitáre vos in communi- tióne : certus quod velox est depositio tabernáculi mei, secúndum quod et Dóminus noster Jesus Christus significávit mihi. Dabo autem

óperam et frequenter habere vos post óbitum meum, ut horum memóriam faciátis.

R. Exaltare. 355.

In secundo Nocturno.

Sermo sancti Leónis Papæ.

Lectio iv.

Serm. 2. de Ascens.

SACRAMENTUM, dilectissimi mi, salutis nostræ, quam pretio sanguinis sui universitatis Cónditor æstimavit, a die corporális ortus usque ad éxitum passiónis, per dispensationem humilitátis implétum est. Et licet multa, étiam in forma servi, divinitátis signa radiáverint: próprie tamen illius témporis áctio ad demonstrándam suscepti hóminis pertínuit veritatem. Post passionem vero, ruptis mortis vínculis, quæ vim suam in eum, qui peccáti erat néscius, incedéndo perdiderrat: infirmitas in virtutem, mortalitas in immortalitatem, contumélia transivit in glóriam: quam Dóminus Jesus Christus in multis manifestisque documéntis multórum, declarávit aspéctibus, donec triúmphum victóriæ, quem reportárat a mórtuis, inférret et cœlis.

R. Tempus est. 357.

Lectio v.

SICUT ergo in solemnitáte Pascháli resurréctio Dómini fuit nobis causa lætándi: ita ascénsio ejus in

cœlos præsentium nobis est matéria gaudiórum, recólentibus illum diem, et rite venerántibus, quò natúræ nostræ humílitas in Christo super omnem cœli militiam, super omnes órdenes Angelórum et ultra ómnium altitúdinem potestátum, ad Dei Patris est provécta consésus. Quo órde operum divinórum nos fundáti, nos ædificáti sumus: ut mirabílior fieret grátia Dei, cum remóti a conspéctu hóminum, quæ mérito reveréntiam sui sentiebántur indicere, fides non deficeret, spes non fluctuáret, cháritas non tepéret.

R. Non turbétur. 357.

Lectio vj.

MAGNARUM hic vigor est méntium, et valde fidélium lumen est animárum, incunctánte credere quæ corpóreo non videntur intuitu, et ibi figere desidérium, quo néqueas inférre conspéctum. Hæc autem píetas unde in nostris córdibus nascerétur, aut quómodo quisquam justificarétur per fidem, si in iis tantum salus nostra consisteret, quæ obtútibus subjacerent? Unde et illi viro, qui de resurrectione Christi videbátur ambígere, nisi in ipsíus carne vestigia passiónis et visu explorásset et tactu: Quia vidisti me, in-

quit Dóminus, credidisti : beati qui non vidérunt, et credidérunt.

ñ. Ascéndens. 358.

In tertio Nocturno.

*Lectio sancti Evangélíi
secúndum Marcum.*

Lectio vij. Cap. 16. c

IN illo témpore : Recumbéntibus undecim discipulis, apparuit illis Jesus : et exprobrávit incredulitátem eórum et durítiam cordis : quia iis, qui viderant eum resurrexisse, non credidérunt. Et réliqua.

De Homilia S. Gregórii
Papæ.

Ex eadem Hom. 29.

QUI crediderit, et baptizátus fúerit, salvus erit : qui vero non crediderit, condemnábitur. Fortásse unusquisque apud semetípsum dicat : Ego jam crédi-di, salvus ero. Verum dicit, si fidem opéribus tenet. Vera étenim fides est, quæ in hoc quod verbis dicit, móribus non contradícit. Hinc est enim quod de quibúsdam falsis fidélibus Paulus dicit : Qui confiténtur se nosse Deum, factis autem negant. Hinc Joánnes ait : Qui dicit se nosse Deum, et mandáta ejus non custódit, mendax est.

ñ. Ego rogábo. 360.

Lectio viij.

QUOD cum ita sit, fidei nostræ veritátem in vitæ

nostræ consideratióne debémus agnóscere. Tunc enim veráciter fidéles sumus, si quod verbis promíttimus, opéribus complémus. In die quippe baptismatis, ómnibus nos antíqui hostis opéribus, atque ómnibus pompis abrenúntiáre promísimus. Itaque unusquisque vestrum ad consideratiónem suam mentis óculos redúcat, et si servat post baptismum, quod ante baptismum spopóndit, certus jam quia fidélis est, gáudeat.

ñ. Ponis nubem. 361.

Lectio ix.

SED ecce, si quod promísit, mínime servávit, si ad exercénda prava ópera, ad concupiscéndas mundi pompas dilápsus est : videámus si jam scit plángere quod errávit. Apud misericórdem namque júdicem nec ille fallax habétur, qui ad veritátem revértitur, étiam postquam mentitur ; quia omnipotens Deus, dum libénter nostram pœniténtiam súscipit, ipse suo júdicio, hoc quod errávimus, abscóndit.

Te Deum laudámus. 17.

SABBATO.

In primo Nocturno.

De Epístola secúnda beáti
Petri Apóstoli.

Lectio j. Cap. 3.

HANC ecce vobis, charíssimi, secúndam scribo

epistolam, in quibus vestram éxcito in commonitione sincéram mentem : ut mémores sitis eórum, quæ prædixi, verbórum a sanctis Prophétis, et Apostolorum vestrórum, præceptórum Dómini et Salvatoris. Hoc primum sciéntes, quod vénient in novíssimis diébus in deceptione illusóres, juxta próprias concupiscéntias ambulántes, dicéntes : Ubi est promissio, aut advéntus ejus? ex quo enim patres dormiérunt, ómnia sic perseveránt ab initio creatúræ. Latet enim eos hoc voléntes, quod cœli erant prius, et terra, de aqua et per aquam consistens Dei verbo : per quæ ille tunc mundus aqua inundátus périit. Cœli autem qui nunc sunt, et terra, eódem verbo repósi sunt, igni reserváti in diem judicii, et perditionis impiórum hóminum.

R. Post passióem. 354.

Lectio ij.

UNUM vero hoc non láteat vos, charíssimi, quia unus dies apud Dóminum sicut mille anni, et mille anni sicut dies unus. Non tardat Dóminus promissionem suam, sicut quídam existimant : sed patiénter agit propter vos, nolens aliquos períre, sed omnes ad pœniténtiam revérti. Advé-

niet autem dies Dómini ut fur : in quo cœli magno impetu tránsient, eleménta vero calóre solvéntur, terra autem, et quæ in ipsa sunt ópera, exuréntur. Cum igitur hæc ómnia dissolvénda sint, quales opórtet vos esse in sanctis conversatióibus et pietátibus, expectántes et properántes in advéntum diéi Dómini, per quem cœli ardéntes solvéntur, et eleménta ignis⁶ ardóre tabéscant? Novos vero cœlos, et novam terram secúndum promissa ipsius expectámus, in quibus justítia hábitat.

R. Omnis pulchritúdo. 354.

Lectio iij.

PROPTER quod, charíssimi, hæc expectántes, satágitte immaculáti et invioláti ei inveníri in pace. Et Dómini nostri longanimitátem, salutem arbitrémini : sicut et charíssimus frater noster Paulus secúndum datam sibi sapiéntiam scripsit vobis, sicut et in ómnibus epístolis, loquens in eis de his : in quibus sunt quædam difficiília intelléctu, quæ indócti et instábiles deprávant, sicut et céteras Scriptúras, ad suam ipsórum perditionem. Vos igitur fratres præsciéntes, custodíte : ne insipiéntium errore traducti excidátis a própria firmitate. Créscite vero in grátia, et in cognitióne

Dómini nostri , et Salvatóris Jesu Christi. Ipsi glória et nunc , et in diem æternitátis. Amen.

ñ. Exaltáre. 355.

In secundo Nocturno.

De Sermóne S. Leónis Papæ.

Lectio iv.

Ex Serm. 2. de Asc. Dñi.

QUOD itaque Redemptóris nostri conspicuum fuit in sacraménta transívit : et ut fides excelléntior esset ac firmior , visióni doctrína succéssit , cujus auctoritátem supérnis illumináta rádiis credéntium corda sequeréntur. Hanc fidem , ascensióne Dómini auctam , et Spíritus sancti múnere roborátam , non víncula , non cárceres , non exília , non fames , non ignis , non laniátus ferárum , nec exquisita persecuéntium crudelitátibus supplicia teruerunt. Pro hac fide per univérsum mundum non solum viri , sed étiam féminæ : nec tantum impúbes púeri , sed étiam téneræ vírgines usque ad effusiónem sui sanguinis decertáru[n]t. Hæc fides dæmónia ejécit , ægritúdines depulit , mórtuos suscitávit.

ñ. Tempus est ut. 357.

Lectio v.

UNDE et ipsi beáti Apóstoli , qui tot miráculis confirmáti , tot sermónibus erudití , atrocitátem tamen dominicæ passiónis expá-

verant , et veritátem resurrectionis ejus non sine hæsitatióne suscepérant , tantum de ascensióne Dómini profecérunt , ut quidquid illis prius intúlerat metum , verterétur in gáudium. Totam enim contemplatiónem ánimi in divinitátem ad Patris dexteram considéntis eréxerant : nec jam corpóreæ visiónis tardabántur objéctu , quo minus in id áciem mentis inténdèrent , quod nec a Patre descendéndo abfúerat , nec a discípulis ascendéndo discésserat. Tunc igitur , dilectíssimi , Fílius hóminis , Dei Fílius excelléntius sacratiúsque innótuít , cum in patérnæ majestátis glóriam se recépít : et ineffábili modo cœpit esse divinitáte præsentior , qui factus est humanitáte longinquior.

ñ. Non turbétur. 357.

Lectio vj.

TUNC ad æquálem Patri Fílium crudítior fides gressu mentis cœpit accédere , et contrectatióne in Christo corpóreæ substantiæ , qua Patre minor est , non egére : quóniam gloriificáti córporis manénte natura , eo fides credéntium vocabátur , ubi non carnáli manu , sed spiritali intellectu par genitóri unigénitus tangerétur. Hinc illud est , quod post resurrectionem

suam Dóminus Mariæ Magdalénæ persónam Ecclésiæ gerénti, cum ad contactum ipsius properáret accédere, dicit : Noli me tângere : nondum enim ascéndi ad Patrem meum : hoc est : Nolo ut ad me corporáliter vénias, nec ut me sensu carnis agnóscas; ad sublimióra te differo, majóra tibi præparo: cum ad Patrem ascéndero, tunc me perféctius veriúsque palpábis, apprehensúra quod non tangis, et creditúra quod non cernis.

R. Ascéndens. 358.

In tertio Nocturno.

Lectio sancti Evangélii secúndum Marcum.

Lectio vij. Cap. 16. c

IN illo témpore : Recumbéntibus undecim discipulis, apparuit illis Jesus : et exprobrávit incredulitatem eórum et durítiam cordis : quia iis, qui víderant eum resurrexisse, non credidérunt. Et reliqua.

De Homilia sancti Gregórii Papæ.

Ex eadem Homilia 29.

SIGNA autem eos qui creditóri sunt, hæc sequéntur : In nómine meo dæmónia ejicient, linguis loquéntur novis, serpéntes tollent : et si mortíferum quid bíberint, non eis nocébit : super ægros manus impónent, et bene habébunt. Numquidnam, fratres

mei, quia ista signa non fáctis, mínime créditis ? Sed hæc necessária in exórdio Ecclésiæ fuérunt. Ut enim ad fidem crésceret multitúdo credéntium, miráculis fuerat nutriénda : quia et nos, cum arbústa plantámus, támdiu eis aquam infúndimus, quousque ea in terra jam coaluisse videámus : et si semel radicem fixerint, irrigátio cessábit. Hinc est enim quod Paulus dicit : Linguæ in signum sunt non fidélibus, sed infidélibus.

R. Ego rogábo. 360.

Lectio viij.

HABEMUS de his signis atque virtútibus, quæ adhuc subtilius consideráre debeámus. Sancta quippe Ecclésia quotidie spiritaliter facit, quod tunc per Apóstolos corporáliter faciébat. Nam sacerdótes ejus cum per exorcismi grátiam manum credéntibus impónunt, et habitáre malignos spíritus in eórum mente contradicunt, quid áliud faciunt, nisi dæmónia ejiciunt ? Et fidéles quique, qui jam vitæ vétéris sæculária verba derelinquunt, sancta autem mystéria insonant, Conditóris sui laudes et poténtiam, quantum prævalent, narrant : quid áliud faciunt, nisi novis linguis loquúntur ? Qui dum bonis suis exhortatióibus malítiam

de aliénis còrdibus áuferunt, serpéntes tollunt.

R. Ponis nubem. 361.

Lectio ix.

ET dum pestíferas suasiones áudiunt, sed tamen ad operationem pravam minime pertrahúntur : mortíferum quidem est quod bibunt, sed non eis nocébit. Qui quóties próximos suos in bono ópere infirmári conspíciunt, dum eis tota virtúte concúrrunt, et exémplo suæ operationis illórum vitam róborant, qui in própria actióne titubant : quid áliud faciunt, nisi super ægros manus impónunt, ut bene hábeant? Quæ nimírum mirácula tanto majóra sunt, quanto spiritalia : tanto majóra sunt, quanto per hæc non còrpora, sed ánimæ suscitántur.

Te Deum laudámus. 17.

Ad Vesperas. Capitulum.

1. Pet. 4. b

CHARISSIMI, Estóte prudentes, et vigiláte in orationibus. Ante ómnia autem, mútuam in vobismetipsis charitátem continuam habéntes : quia cháritas óperit multitudinem peccatórum.

Hymnus. Salútis. 351.

V. Dóminus in cælo, allelúia. *R.* Parávit sedem suam, allelúia.

Ad Magnificat. Ana.

Cum vénerit Paráclitus, *

VERNA.

quem ego mittam vobis Spíritum veritátis, qui a Patre procédit, ille testimónium perhibébit de me, alleluia.

Oratio.

OMNIPOTENS sempitérne Deus, fac nos tibi semper et devótam gérere voluntátem, et majestáti tuæ sincéro corde servíre. Per Dóminum.

Et sit com. Ascensionis.

Ana. O rex glóriæ, Dómine virtútum, qui triumphátor hódie super omnes cælós ascendisti, ne derelinquas nos órphanos : sed mitte promissum Patris in nos, Spíritum veritátis, allelúia.

V. Ascéndit Deus in jubilatione, allelúia. *R.* Et Dóminus in voce tubæ, allelúia.

Oratio.

CONCEDE, quæsumus omnipotens Deus : ut, qui hodiérna die Unigénitum tuum Redemptórem nostrum ad cælós ascendisse crédimus, ipsi quoque mente in cœléstibus habitémus. Per eúmdem Dóminum.

DOMINICA

INFRA OCTAVAM ASCENSIONIS.

Totum Officium fit de Ascensione, exceptis his quæ hic habentur propria.

Si Lectiones j. Noct. lectæ sunt pridie, quando scilicet in Sabbato præced. occurrit Festum S. Joannis ante Portam Latinam, in Dñica legantur Lect. Ferie ij. seq.

In primo Nocturno.

Incipit Epistola prima beati
Joánnis Apóstoli.

Lectio j. Cap. 1.

QUOD fuit ab initio, quod
audívimus, quod vídi-
mus óculis nostris; quod
perspéximus, et manus no-
stræ contrectavérunt de ver-
bo vitæ: et vita manifestáta
est, et vídimus, et testámur,
et annuntiámus nobis vitam
ætérrnam, quæ erat apud
Patrem, et apparuit nobis:
quod vídimus et audívimus,
annuntiámus vobis, ut et
vos societátem habeátis no-
biscum, et societas nostra sit
cum Patre, et cum Filio ejus
Jesu Christo. Et hæc scrí-
bimus vobis, ut gaudeátis,
et gáudium vestrum sit ple-
num. Et hæc est annuntiá-
tio, quam audívimus ab eo
et annuntiámus vobis: Quó-
niam Deus lux est, et téne-
bræ in eo non sunt ullæ.

℟. Post passiónem. 354.

Lectio ij.

SI dixérimus quóniam so-
cietátem habémus cum
eo, et in ténebris ambu-
lámus, mentimur, et veritá-
tem non fácimus. Si autem
in luce ambulámus, sicut
et ipse est in luce, societá-
tem habémus ad invicem,
et sanguis Jesu Christi,
Fílii ejus, emúndat nos ab
omni peccáto. Si dixérimus
quóniam peccátum non ha-
bémus, ipsi nos sedúcimur,

et véritas in nobis non est.
Si confiteámur peccáta no-
stra, fidélis est et justus ut
remíttat nobis peccáta no-
stra, et emúndet nos ab om-
ni iniquitáte. Si dixérimus
quóniam non peccávimus,
mendácem fácimus eum, et
verbum ejus non est in nobis.

℟. Omnis pulchritúdo. 354.

Lectio iij. Cap. 2.

FILIOLI mei, hæc scribo
vobis, ut non peccétis.
Sed et si quis peccáverit,
advocátum habémus apud
Patrem, Jesum Christum
justum: et ipse est propi-
tiatio pro peccátis nostris:
non pro nostris autem tan-
tum, sed étiam pro totíus
mundi. Et in hoc scimus
quóniam cognóvimus eum,
si mandáta ejus observé-
mus. Qui dicit se nosse
eum, et mandáta ejus non
custódit, mendax est, et
in hoc véritas non est. Qui
autem servat verbum ejus,
vere in hoc cháritas Dei per-
fécta est: et in hoc scimus
quóniam in ipso sumus. Qui
dicit se in ipso manére,
debet, sicut ille ambulávit,
et ipse ambuláre.

℟. Exaltáre, Dómine. 355.

In secundo Nocturno.

Sermo S. Augustíni Episc.

Lectio iv.

*Serm. 2. de Ascens. Domini,
qui est 175. de Tempore.*

SALVATOR noster, dilectis-
simi fratres, ascéndit in

cælum : non ergo turbémur in terra. Ibi sit mens, et hic erit réquies. Ascendámus cum Christo interim corde : cum dies ejus promíssus advénerit, sequémur et corpore. Scire tamen debémus, fratres, quia cum Christo non ascéndit supérbia, non avarítia, non luxúria : nullum vítium nostrum ascéndit cum médico nostro. Et ideo si post médicum desiderámus ascéndere, debémus vítia et peccáta depónere. Omnes enim quasi quibúsdam compédi-bus nos premunt, et peccatórum nos rétibús ligáre conténdunt : et ideo cum Dei adjutório, secúndum quod ait Psalmísta : Dirumpámus víncula eórum : ut secúri possímus dicere Dómino : Dirupísti víncula mea, tibi sacrificábo hóstiam laudis.

R. Tempus est. 357.

Lectio v.

RESURRECTIO Dómini spes nostra est : ascénsio Dómini gloriificátio nostra est. Ascensionis hódie solémnia celebrámus. Si ergo recte, si fidéliter, si devóte, si sancte, si pie ascensionem Dómini celebrámus, ascendámus cum illo, et sursum corda habeamus. Ascendéntes autem non extollámur, nec de nostris quasi de própriis méritis præsumá-

mus. Sursum autem corda habére debémus ad Dóminum. Sursum enim cor non ad Dóminum, supérbia vocátur : sursum autem cor ad Dóminum, refúgium vocátur. Vidéte, fratres, magnum miráculum. Altus est Deus, érigis te, et fugit a te : humilias te, et descéndit ad te. Quare hoc ? Quia excélsus est, et humilia réspicit, et alta de longé cognóscit. Humilia de próximo réspicit, ut attóllat : alta, id est, supérba, de longé cognóscit, ut depri-mat.

R. Non turbétur. 357.

Lectio vj.

RESURREXIT enim Christus, ut spem nobis daret, quia surgit homo qui móritur ; ne moriéndó desperarémus, et vitam nostram in morte finítam putarémus, secúros nos fecit. Solliciti enim erámus de ipsa ánima : et ille nobis resurgéndo, de carnis resurrectione fidúciam dedit. Crede ergo, ut mundéris. Prius te opórtet credere, ut póstea per fidem Deum mereáris aspícere. Deum enim vidére vis ? Audi ipsum : Beáti mundo corde, quóniam ipsi Deum vidébunt. Prius ergo cógita de corde mundádo : quidquid ibi vides quod displicet Deo, tolle.

R. Ascéndens. 358.

In tertio Nocturno.

Lectio sancti Evangelii
secundum Joannem.

Lectio vij. Cap. 15. d

IN illo tempore : Dixit Jesus discipulis suis : Cum venerit Paráclitus , quem ego mittam vobis a Patre , Spíritum veritatis , qui a Patre procedit , ille testimonium perhibebit de me . Et reliqua .

Homilia sancti Augustini
Episcopi.

Tract. 92. in Joannem.

DOMINUS Jesus in sermone quem locutus est discipulis suis post cenam , proximus passioni , tamquam iturus , et relicturus eos presentia corporali , cum omnibus autem suis usque in consummationem sæculi futurus presentia spiritali , exhortatus est eos ad perferendas persecutiones impiorum , quos mundi nomine nuncupavit : ex quo tamen mundo etiam ipsos discipulos se elegisse dixit , ut scirent se Dei gratia esse , quod sunt ; suis autem vitiis fuisse , quod fuerunt .

℟. Ego rogabo. 360.

Lectio viij.

DEINDE persecutores et suos et ipsorum , Judæos evidenter expressit , ut omnino appareret , etiam ipsos mundi damnabilis appellatione conclusos , qui persequuntur sanctos . Cumque

de illis diceret , quod ignorarent eum a quo missus est ; et tamen odissent et Filium , et Patrem , hoc est , et eum qui missus est , et eum a quo missus est ; (de quibus omnibus in aliis sermonibus jam disseruimus) ad hoc pervenit , ubi ait : Ut adimpleatur sermo qui in lege eorum scriptus est : Quia odio habuerunt me gratis .

℟. Si enim non abiero , Paráclitus non veniet ad vos : si autem abiero , mittam eum ad vos : * Cum autem venerit ille , docebit vos omnem veritatem , allel. ℣. Non enim loquetur a semetipso : sed quaecumque audiet , loquetur : et quæ ventura sunt , annuntiabit vobis . Cum. Glória Patri. Cum.

Lectio ix.

DEINDE tamquam consequenter adjunxit , unde modo disputare suscepimus . Cum autem venerit Paráclitus , quem ego mittam vobis a Patre , Spíritum veritatis , qui a Patre procedit , ille testimonium perhibebit de me : et vos testimonium perhibebitis , quia ab initio mecum estis . Quid hoc pertinet ad illud quod dixerat : Nunc autem et viderunt , et oderunt et me , et Patrem meum : sed ut impleatur sermo , qui in lege eorum scriptus est : Quia odio

habuerunt me gratis? An quia Paráclitus quando venit Spíritus veritátis, eos qui vidérunt et odérunt, testimonio manifestióre convicit? Immo vero étiam áliquos ex illis qui vidérunt, et adhuc óderant, ad fidem, quæ per dilectionem operá-tur, sui manifestatióne convertit.

Te Deum laudámus. 17.

AD LAUDES,

et per Horas, *Ana.*

1. Viri Galilæi, * quid aspici-tis in cœlum? Hic Jesus, qui assumptus est a vobis in cœlum, sic véniet, alle-lúia. *Ps.* Dóminus regnávít, cum reliquis. 18.

2. Cumque intueréntur * in cœlum eúntem illum, dixérunt, allelúia.

3. Elevátis mánibus, * benedixit eis, et ferebátur in cœlum, allelúia.

4. Exaltáte Regem regum, * et hymnum dicite Deo, allelúia.

5. Vidéntibus illis, * elevátus est, et nubes suscepit eum in cœlo, allelúia.

Capitulum. 1. *Pet.* 4. b

CHARISSIMI, Estóte prudéntes, et vigiláte in oratióibus. Ante ómnia autem, mútuam in vobismetipsis charitátem conti-nuam habéntes: quia cháritas óperit multitudinem peccatórum.

Hymnus. Salútis. 351.

ŷ. Dóminus in cœlo, al-lelúia. *Ŕ.* Parávit sedem suam, allelúia.

Ad Benedictus. Ana.

Cum vénerit Paráclitus, * quem ego mittam vobis Spí-ritum veritátis, qui a Patre procédit, ille testimonium perhibébit de me, allelúia.

Oratio.

OMNIPOTENS sempitérne Deus, fac nos tibi sem-per et devótam gérere vo-luntátem, et majestáti tuæ sincéro corde servíre. Per Dóminum.

Et sit com. de Ascens.

Ana. Ascéndo ad Patrem meum, et Patrem vestrum, Deum meum, et Deum ve-strum, allelúia. *ŷ.* Ascéndit Deus, et *Orat.* Concéde. 369.

Ad Absolut. Capit. ad Primam, Lectio br. Si quis, ut infra ad Nonam.

Ad Tertiam, Ana.

Cumque intueréntur.

Capit. Charissimi, Estóte.

Ŕ. br. Ascéndit Deus in ju-bilatióne. * Allelúia, alle-lúia. Ascéndit. *ŷ.* Et Dómi-nus in voce tubæ. Allelúia, allelúia. Glória Patri. As-céndit. *ŷ.* Ascéndens Chri-stus in altum, allelúia. *Ŕ.* Captívam duxit captivitá-tem, allelúia.

Ad Sextam, Ana.

Elevátis mánibus.

Capitulum. 1. *Pet.* 4. b

HOSPITALES invicem sine murmuratióne. Unus-

quisque, sicut accépit grátiam, in altérutrum illam administrántes, sicut boni dispensatóres multifórmis grátiae Dei.

R. br. Ascéndens Christus in altum. * Allelúia, allelúia. Ascéndens. **Ÿ.** Captivam duxit captivitátem. Allelúia, allelúia. **G**lória Patri. Ascéndens. **Ÿ.** Ascéndo ad Patrem meum, et Patrem vestrum, allelúia. **ñ.** Deum meum, et Deum vestrum, allelúia.

Ad Nonam, Añæ.

Vidéntibus illis.

Capitulum. 1. Pet. 4. c

SI quis loquitur, quasi sermónes Dei: si quis ministrat, tamquam ex virtute, quam administrat Deus: ut in ómnibus honorificétur Deus per Jesum Christum Dóminum nostrum.

R. br. Ascéndo ad Patrem meum, et Patrem vestrum.

* Allel., allelúia. Ascéndo.

Ÿ. Deum meum, et Deum vestrum. Allelúia, allel. **G**lória Patri. Ascéndo. **Ÿ.** Dóminus in cœlo, allelúia. **R.** Parávit sedem suam, allelúia.

Ad Vesperas, Añæ et Psalmi ut in Ascensione.

Capitulum et Hymnus ut in j. Vesperis. 354.

Ÿ. Dóminus in cœlo, allel.

R. Parávit sedem suam, allel.

Ad Magnificat, Añæ.

Hæc locútus sum vobis, * ut cum vénerit hora eórum,

reminiscámini quia ego dixi vobis, allelúia.

Et fit commemor. de Ascensione, Añæ. O Rex glóriæ, cum Ÿ. Ascéndit, et Oratione Concède. 369.

FERIA SECUNDA

POST DOM. INFRA OCT. ASCENS.

In primo Nocturno.

De Epístola prima beáti Joánnis Apóstoli.

Lectio j. Cap. 3.

VIDETE qualem charitátem dedit nobis Pater, ut filii Dei nominémur et simus. Propter hoc mundus non novit nos: quia non novit eum. Charíssimi, nunc filii Dei sumus: et nondum appáruit quid érimus. Sci-mus quóniam cum apparúerit, similes ei érimus: quóniam vidébimus eum sicuti est. Et omnis qui habet hanc spem in eo, sanctificat se; sicut et ille sanctus est. Omnis qui facit peccátum, et iniquitátem facit: et peccátum est iniquitas. Et scitis quia ille appáruit ut peccáta nostra tólleret, et peccátum in eo non est. Omnis qui in eo manet, non peccat: et omnis qui peccat, non vidit eum, nec cognóvit eum.

R. Post passiónem. 354.

Lectio ij.

FILIOLI, nemo vos seducat. Qui facit justítiam, justus est, sicut et ille justus est. Qui facit peccátum, ex diabolo est: quóniam ab initio

diabolus peccat. In hoc apparuit Filius Dei, ut dissolveret opera diaboli. Omnis qui natus est ex Deo, peccatum non facit : quoniam semen ipsius in eo manet, et non potest peccare, quoniam ex Deo natus est. In hoc manifesti sunt filii Dei, et filii diaboli. Omnis qui non est justus, non est ex Deo, et qui non diligit fratrem suum : quoniam hæc est annuntiatio, quam audistis ab initio, ut diligatis alterutrum. Non sicut Cain qui ex maligno erat, et occidit fratrem suum. Et propter quid occidit eum? Quoniam opera ejus maligna erant : fratris autem ejus justa.

R. Omnis pulchritudo. 354.

Lectio iij.

NOLITE mirari fratres, si odit vos mundus. Nos scimus quoniam translatus sumus de morte ad vitam, quoniam diligimus fratres. Qui non diligit, manet in morte : omnis qui odit fratrem suum, homicida est. Et scitis quoniam omnis homicida non habet vitam æternam in semetipso manentem. In hoc cognovimus charitatem Dei, quoniam ille animam suam pro nobis posuit : et nos debemus pro fratribus animas ponere. Qui habuerit substantiam hujus mundi, et viderit fra-

trem suum necessitatem habere, et clauserit viscera sua ab eo : quomodo charitas Dei manet in eo? Filioli mei, non diligamus verbo, neque lingua, sed opere et veritate.

R. Exaltare. 355.

In secundo Nocturno.

Sermo sancti Joannis

Chrysostomi.

Lectio iv.

Serm. de Asc. Dñi, t. 3.

CHRISTUS ascendens in celum, nostræ naturæ primitias obtulit Patri, et oblatum donum miratus est Pater, quod et tanta dignitas offerēbat, et quod offerebatur, nulla macula fœdabatur. Nam et suis manibus suscepit oblatum, et suæ sedis fecit esse participem, et quod plus est, ad partem suæ dexteræ collocavit. Cognoscāmus, quis est ille qui audivit : Sede ad dexteram meam : quæ natura est, cui Deus dixit : Esto meæ particeps sedis. Illa natura est quæ audivit : Terra es, et in terram ibis.

R. Tempus est. 357.

Lectio v.

NON enim ad omnem gloriam celos transisse suffecerat, non cum Angelis stare : sed celos transivit, supra Chérubim ascendit, ultra Séraphim elevatur, nec ante stetit, nisi sedem Dominicam meruisset. Vide

quo spatio cœlum separatur a terra, immo terra quanto ab inferis abest, et ipsum cœlum quanto ab altiore cœlo separatur, et de altiore cœlo ad Angelos quantum spatii est, ad superiores etiam potestates, ad ipsam quoque Dominicam sedem. Super hæc omnia natura nostra elevata est, ut homo, qui loco tam humili tenebatur, ut descendere non posset ulterius, ad tam excelsam sedem elevaretur, ut altius non posset ascendere.

R. Non turbetur. 357.

Lectio vij.

ET hæc ostendens Paulus dicebat: Qui descendit, ipse est qui ascendit. Et iterum: Descendit ad inferiora terræ, et ascendit super omnes cœlos. Discite igitur quisnam ascendit, et quæ natura elevata est. In hoc enim cupio remorari sermone, ut humani generis commemoratione, divinam clementiam cum omni admiratione discamus, quæ summum honorem, magnamque gloriam nostræ naturæ largita est, quæ omnibus hodierna die meruit excelsior reperiri. Hodie Angeli atque Archangeli naturam nostram in sede Dominica immortalis gloriæ fulgentem viderunt.

R. Ascendens. 358.

In tertio Nocturno

Lectio sancti Evangelii secundum Marcum.

Lectio vij. Cap. 16. c

IN illo tempore: Recumbentibus undecim discipulis, apparuit illis Jesus: et exprobravit incredulitatem eorum et duritiam cordis: quia iis, qui viderant eum resurrexisse, non crediderunt. Et reliqua.

De Homil. S. Gregorii Papæ.

Ex eadem Homilia 29.

ET Dominus quidem Jesus postquam locutus est eis, assumptus est in cœlum, et sedet a dextris Dei. In veteri testamento cognovimus, quod Elías sit raptus in cœlum. Sed aliud est cœlum aereum, aliud æthereum. Cœlum quippe aereum terræ est proximum: unde et aves cœli dicimus, quia eas volitare in ære videmus. In cœlum itaque æereum Elías sublevatus est. ut in secretam quamdam terræ regionem repente duceretur, ubi in magna jam carnis et spiritus quiete viveret, quousque ad finem mundi redeat, et mortis debitum solvat. Ille etenim mortem distulit, non evasit: Redemptor autem noster, quia non distulit, superavit, eamque resurgendo consumpsit, et resurrectionis suæ gloriam ascendendo declaravit.

R. Ego rogabo. 360.

Lectio viij.

NOTANDUM quoque est, quod Elías in curru légitur ascendisse : ut videlicet apérte demonstrarétur quia homo purus adjutório indigebat aliéno. Per Angelos quippe facta illa et osténsa sunt adjuménta : quia nec in cœlum quidem aéreum per se ascéndere póterat, quem natúræ suæ infirmitas gravábat. Redemptor autē noster, non curru, non Angelis sublevátus légitur : quia is, qui fécerat ómnia, nimirum super ómnia sua virtúte ferebátur. Illo étenim revertébatur, ubi erat : et inde redíbat, ubi remanébat : quia cum per humanitatem ascénderet in cœlum, per divinitatem suam et terram páriter continébat et cœlum.

R. Ponis nubem. 361.

Lectio ix.

SICUT autem Joseph a fratribus vénditus venditió-nem Redemptóris nostri figurávit : sic Henoch translátus, atque ad cœlum aéreum Elías sublevátus, ascensionem Dominicam utérque designávit. Ascensionis ergo suæ Dóminus prænúntios et testes hábuit, unum ante legem álium sub lege : ut quandóque veníret ipse, qui veráciter cœlos penetráre potuisset. Unde et ipse ordo in eórum quoque utrorúm-

que sublevatióne per quædam increménta distinguitur. Nam Henoch translátus, Elías vero ad cœlum subvéctus esse memorátur : ut veníret póstmodum, qui nec translátus, nec subvéctus, cœlum æthéreum sua virtúte penetráret.

Te Deum laudámus. 17.

FERIA TERTIA.

In primo Nocturno.

De Epístola prima beáti
Joánnis Apóstoli.

Lectio j. Cap. 4.

CHARISSIMI, nolite omni spíritui crédere, sed probáte spíritus si ex Deo sint: quóniam multi pseudoprophétæ exiérunt in mundum. In hoc cognóscitur Spíritus Dei : omnis spíritus qui confitétur Jesum Christum in carne venisse, ex Deo est : et omnis spíritus, qui solvit Jesum, ex Deo non est ; et hic est antichrístus, de quo audistis quóniam venit, et nunc jam in mundo est. Vos ex Deo estis, filioli, et vicistis eum, quóniam major est qui in vobis est, quam qui in mundo. Ipsi de mundo sunt : ideo de mundo loquúntur, et mundus eos audit. Nos ex Deo sumus. Qui novit Deum, audit nos : qui non est ex Deo, non audit nos : in hoc cognóscimus spíritum veritátis, et spíritum erróris.

n Post passióem. 354.

Lectio ij.

CHARISSIMI, diligamus nos invicem : quia charitas ex Deo est. Et omnis qui diligit, ex Deo natus est, et cognoscit Deum. Qui non diligit, non novit Deum : quoniam Deus charitas est. In hoc apparuit charitas Dei in nobis, quoniam Filium suum unigenitum misit Deus in mundum : ut vivamus per eum. In hoc est charitas : non quasi nos dilexerimus Deum, sed quoniam ipse prior dilexit nos, et misit Filium suum propitiationem pro peccatis nostris. Charissimi, si sic Deus dilexit nos : et nos debemus alterutrum diligere. Deum nemo vidit unquam. Si diligamus invicem, Deus in nobis manet, et charitas ejus in nobis perfecta est. In hoc cognoscimus quoniam in eo manemus, et ipse in nobis : quoniam de Spiritu suo dedit nobis. Et nos vidimus, et testificamur, quoniam Pater misit Filium suum Salvatorem mundi.

R. Omnis pulchritudo. 354.

Lectio iij.

QUISQUIS confessus fuerit quoniam Jesus est Filius Dei, Deus in eo manet, et ipse in Deo. Et nos cognovimus, et credidimus charitati, quam habet Deus in nobis. Deus charitas est :

et qui manet in charitate, in Deo manet, et Deus in eo. In hoc perfecta est charitas Dei nobiscum, ut fiduciam habeamus in die judicii, quia sicut ille est, et nos sumus in hoc mundo. Timor non est in charitate : sed perfecta charitas foras mittit timorem, quoniam timor poenam habet. Qui autem timet, non est perfectus in charitate. Nos ergo diligamus Deum, quoniam Deus prior dilexit nos. Si quis dixerit, quoniam diligo Deum, et fratrem suum oderit, mendax est. Qui enim non diligit fratrem suum quem videt, Deum, quem non videt, quomodo potest diligere? Et hoc mandatum habemus a Deo : ut qui diligit Deum, diligat et fratrem suum.

R. Exaltare, Domine. 355.

In secundo Nocturno.

Sermo S. Maximi Episcopi.

Lectio iv.

Homilia 43. quæ est 2. de Pentecoste, ante med.

MEMINIT sanctitas vestra, quod aquilæ illi de Psalterio, ejus innovatam juventutem legimus, comparaverim Salvatorem. Est enim similitudo non parva. Sicut enim aquila humilia deserit, alta petit, cœlorum vicina conscendit : ita et Salvator humilia inférni deseruit, paradisi altiora petiit, cœ-

lorum fastigia penetravit. Et sicut áquila, relictis terrénis sórdibus, sublime volans, puriôris áeris salubritate perfruitur : ita et Dóminus terrenorum fæcem déserens peccatorum, in Sanctis suis volitans, puriôris vitæ simplicitate lætatur.

R. Tempus est. 357.

Lectio v.

PER ómnia igitur áquilæ comparatio cónvenit Salvatori. Sed quid facimus, quod áquila prædam frequenter diripit, tollit frequenter aliénium? Nec in hoc tamen dissimilis est Salvator. Prædam enim quodámmodo sústulit, cum hóminem quem suscepit, inférni raptum faucibus portavit ad cælum, et aliénæ dominationis, id est, diabólicæ potestátis servum de captivitate érutum, duxit ad altióra captivum; sicut scriptum est in Prophéta : Ascéndens in altum, captivam duxit captivitatem, dedit dona hominibus.

R. Non turbétur. 357.

Lectio vij.

ASCENDIT, inquit, in altum, captivam duxit captivitatem. Quam bene triumphum Dómini Prophéta describit! Solébat, sicut dicunt, regum triumphantium currus captivorum pompa præcedere. Ecce Dó-

minum eúntem ad cælos non præcédit, sed comitatur gloriósa captivitas; non ante vehículum ducitur, sed ipsa évehit Salvatorem. Quodam enim mystério, dum Filius Dei filium hóminis sústulit ad cælum, ipsa captivitas portatur et portat.

R. Ascéndens. 358.

In tertio Nocturno.

Lectio sancti Evangélii secundum Marcum.

Lectio vij. Cap. 16. c

IN illo témpore : Recumbéntibus undecim discipulis, apparuit illis Jesus : et exprobravit incredulitatem eórum et duritiam cordis : quia iis, qui viderant eum resurrexisse, non crediderunt. Et reliqua.

De Hom. S. Gregórii Papæ.

Ex eadem Homilia 29.

CONSIDERANDUM vero nobis est, quid est, quod Marcus ait : Sedet a dextris Dei; et Stéphanus dicit : Video cælos apértos, et Filium hóminis stantem a dextris Dei, Quid est quod hunc Marcus sedéntem, Stéphanus vero stantem se videre testatur? Sed scitis, fratres, quia sedere judicántis est, stare vero pugnántis, vel adjuvántis.

R. Ego rogábo. 360.

Lectio viij.

QUIA ergo Redemptor noster assumptus in cælum, et nunc ómnia júdicat,

et ad extrémum iudex ómnium véniet: hunc post assumptionem Marcus sedere describit, quia post ascensionis suæ glóriam iudex in fine vidébitur. Stéphanus vero hunc in labóre certáminis pósitus stantem vidit, quem adjutórem hábuit: quia ut iste in terra persecutórum infidelitatem vince-ret, pro illo de cœlo illius grátia pugnávit.

R. Ponis nubem. 361.

Lectio ix.

S EQUITUR: Illi autem profécti prædicavérunt ubique, Dómino cooperánte, et sermónem confirmánte sequéntibus signis. Quid in his considerándum est, quid memóriæ commendándum, nisi quod præcéptum obediéntiæ, obediéntiam vero signa secúta sunt? Sed quia auctóre Deo breviter lectiónem evangélicam exponéndo transcurrimus: restat, ut áliquíd de ipsa tantæ solémnitátis consideratióne dicámus.

Te Deum laudámus. 17.

FERIA QUARTA.

In primo Nocturno.

Incipit Epístola secúnda beáti Joánnis Apóstoli.

Lectio j.

S ENIOR Eléctæ dómínæ, et natis ejus, quos ego diligo in veritatē, et non ego solus, sed et omnes qui cognóverunt veritatē, propter

veritatē quæ pórmanet in nobis, et nobiscum erit in ætérnum. Sit vobiscum grátia, misericórdia, pax a Deo Patre, et a Christo Jesu Fílio Patris in veritatē et charitatē. Gávisus sum valde, quóniam invéni de filiis tuis ambulántes in veritatē, sicut mandátum accépimus a Patre. Et nunc rogo te, dómínæ, non tamquam mandátum novum scribens tibi, sed quod habúimus ab inítio, ut diligámus altérutrum.

R. Post passiónem. 354.

Lectio ij.

E T hæc est charitas, ut ambulémus secúndum mandata ejus. Hoc est enim mandátum, ut quemádmódum audístis ab inítio, in eo ambulétis: quóniam multi seductóres exiérunt in mundum, qui non confiténtur Jesum Christum venisse in carnem: hic est sedúctor, et antichristus. Vidéte vosmetipsos, ne perdátis quæ operáti estis: sed ut mercédem plenam accipiátis. Omnis qui recédit, et non pórmanet in doctrína Christi, Deum non habet: qui pórmanet in doctrína, hic et Patrem et Filium habet.

R. Omnis pulchritúdo. 354.

Lectio iij.

S I quis venit ad vos, et hanc doctrinam non affert, nolíte recípere eum in domum, nec Ave ei dixéri-

tis. Qui enim dicit illi Ave, communicat opéribus ejus malígnis. Plura habens vobis scribere, nolui per charitam et atramentum : spero enim me futurum apud vos, et os ad os loqui : ut gáudium vestrum plenum sit. Salútant te filii soróris tuæ Eléctæ.

R. Exaltáre, Dómine. 355.

In secundo Nocturno.

Sermo sancti Gregórii Nysséni.

Lectio iv.

Orat. de Ascensione Domini.

HODIERNAM celebritátem satis per se magnam, Prophéta David majórem efficit, dum illi gáudium e Psalmis adjúngit. Hic enim excélsus Prophéta supra seipsum egrédiens, tamquam córporis ónere nihil premáture, infert se cœlestibus potestátibus, et voces eárum nobis expónit, cum in cœlum redeúntem Dóminum ipsæ comitántes, Angelis qui versántur in terris, quibúsque in humanam vitam ingressis commissus est, imperant ad hunc modum : Tóllite portas, príncipes, vestras, et elevámini portæ æternáles, et introíbit Rex glóriæ.

R. Tempus est. 357.

Lectio v.

UT quóniam ubicúmque fúerit ille, qui in seipso ómnia contémnet, pro susci-

piéntium captu seipsum dimelítur, (neque enim solum inter hómines homo fit, verum étiam dum inter Angelos versátur, ad illórum vocem sese demíttit) ideirco janitóres intérogant : Quis est iste Rex glóriæ? Respóndent ipsis, demonstrántque fortem et poténtem in prælio, qui pugnatúrus erat contra illum qui natúram humanam in servitúte captivam detinébat, et eversúrus eum qui mortis habébat impérium, ut gravíssimo hoste superáto, genus hóminum in libertátem et pacem vindicáret.

R. Non turbétur. 357.

Lectio vj.

OCCURRUNT ei custódes, et portas jubent reclúdi, ut in ipsis rursum glóriam assequátur. Verum non agnóscunt eum, qui sórdidam vitæ nostræ stolam indútus est : cujus rubra sunt vestiménta ex humanórum malórum torculári. Itaque rursus cómites ejus vócebus illis intérogántur : Quis est iste Rex glóriæ? Respondétur autem non ámplius, Fortis et potens in prælio ; sed, Dóminus virtútum, qui mundi principátum obtinuit, qui summátim ómnia in se colégit, qui prístinum in statum cuncta restítuit : ipse est Rex glóriæ.

R. Ascéndens. 358.

In tertio Nocturno.

*Lectio sancti Evangelii
secundum Mareum.*

Lectio vij. Cap. 16. c.

IN illo tempore : Recumbentibus undecim discipulis , apparuit illis Jesus : et exprobravit incredulitatem eorum et duritiam cordis : quia iis , qui viderant eum resurrexisse , non crediderunt. Et reliqua.

De Homilia sancti Gregorii
Papae.

Ex eadem Homilia 29.

HOC autem nobis primum quærendum est , quidnam sit , quod nato Domino apparuerunt Angeli , et tamen non leguntur in albis vestibus apparuisse : ascendente autem Domino missi Angeli in albis leguntur vestibus apparuisse. Sic etenim scriptum est : Videntibus illis elevatus est , et nubes suscepit eum ab oculis eorum. Cumque intuerentur in cælum euntem illum , ecce duo viri steterunt juxta illos in vestibus albis. In albis autem vestibus gaudium et sollemnitas mentis ostenditur. Quid est ergo , quod nato Domino , non in albis vestibus , ascendente autem Domino , in albis vestibus Angeli apparent : nisi quod tunc magna sollemnitas Angelis facta est , cum cælum Deus homo penetravit ? Quia nascente

Domino , videbatur divinitas humiliata : ascendente vero Domino , est humanitas exaltata. Albæ etenim vestes exaltationi magis congruunt quam humiliationi.

ñ. Ego rogabo. 360.

Lectio viij.

IN ascensione ergo ejus Angeli in albis vestibus videri debuérunt : quia qui in nativitate sua apparuit Deus humilis , in ascensione sua ostensus est homo sublimis. Sed hoc nobis magnopere , fratres charissimi , in hac sollemnitate pensandum est : quia delétum est hodierna die chirógraphum damnationis nostræ , mutata est sententia corruptionis nostræ. Illa enim natura , cui dictum est : Terra es , et in terram ibis : hodie in cælum ivit. Pro hac ipsa namque carnis nostræ sublevatione , per figuram beatus Job Dominum avem vocat. Quia enim ascensionis ejus mysterium Judæam non intelligere conspexit , de infidelitate ejus per figuram beatus Job sententiam protulit , dicens : Sémítā ignorávit avis. *ñ. Ponis nubem. 361.*

Lectio ix.

AVIS enim recte appellatus est Dominus , quia corpus carneum ad æthera libravit. Cujus avis sémítam ignorávit quisquis eum ad cælum ascendisse non crédi-

dit. De hac solemnitate per Psalmistam dicitur: Elevata est magnificentia tua super cœlos. De hac rursus ait: Ascendit Deus in jubilatione, et Dominus in voce tubæ. De hac iterum dicit: Ascendens in altum, captivam duxit captivitatem, dedit dona hominibus. Ascendens quippe in altum, captivam duxit captivitatem: quia corruptionem nostram virtute suæ incorruptionis absorbit. Dedit vero dona hominibus, quia misso desuper Spiritu, alii sermonem sapientiæ, alii sermonem scientiæ, alii gratiam virtutum, alii gratiam curationum, alii genera linguarum, alii interpretationem tribuit sermonum.

Te Deum laudamus. 17.

Ad Vesperas, Duplex.

Omnia ut in primis Vesperis Festi. 351.

IN OCT. ASCENSIONIS.

Omnia sicut in die, præter Lectiones, quæ leguntur ut infra.

In primo Nocturno.

De Epistola beati Pauli

Apóstoli ad Ephésios.

Lectio j. Cap. 4.

OBSECO itaque vos ego vinctus in Domino, ut digne ambulétis vocatione qua vocati estis, cum omni humilitate, et mansuetudine, cum patientia, supportantes invicem in charitate,

solliciti servare unitatem Spiritus in vínculo pacis. Unum corpus, et unus Spiritus, sicut vocati estis in una spe vocationis vestræ. Unus Dominus, una fides, unum baptisma. Unus Deus et Pater omnium, qui est super omnes, et per omnia, et in omnibus nobis. Unicuique autem nostrum data est gratia secundum mensuram donationis Christi. Propter quod dicit: Ascendens in altum, captivam duxit captivitatem, dedit dona hominibus.

R. Post passionem. 354.

Lectio ij.

QUOD autem ascendit, quid est, nisi quia et descendit primum in inferiores partes terræ? Qui descendit, ipse est et qui ascendit super omnes cœlos, ut impleret omnia. Et ipse dedit quosdam quidem Apóstolos, quosdam autem Prophétas, alios vero Evangelistas, alios autem pastores, et doctores, ad consummationem sanctorum in opus ministerii, in ædificationem corporis Christi: donec occurramus omnes in unitatem fidei, et agnitionis Filii Dei, in virum perfectum, in mensuram ætatis plenitudinis Christi: ut jam non simus parvuli fluctuantes, et circumferamur omnivento doctrinæ in nequi-

tia hóminum , in astútia ad circumventiónem erróris.

ii. Omnis pulchritúdo. 354.

Lectio iij.

VERITATEM autem faciéntes in charitáte , crescámus in illo per ómnia , qui est caput Christus : ex quo totum corpus compáctum , et connéxum per omnem junctúram subministratiónis , secúndum operatióem in mensúram uniuscujúsque membri , augméntum córporis facit in ædificatióem sui in charitáte. Hoc igitur dico , et testificor in Dómino , ut jam non ambulétis , sicut et Gentes ámbulant in vanitáte sensus sui , ténebris obscurátum habéntes intellectum , alienáti a vita Dei per ignorántiam quæ est in illis , propter cæcitátem cordis ipsórum , qui desperántes , semetipsos tradidérunt impudicitíæ , in operatióem immunditíæ omnis , in avarítiam. Vos autem non ita didicístis Christum , si tamen illum audistis , et in ipso edócti estis.

iii. Exaltáre. 355.

In secundo Nocturno.

Sermo sancti Augustíni
Epíscopi.

Lectio iv.

*Serm. 3. de Ascens. , qui est
176. de Tempore.*

OMNIA , charíssimi , quæ Dóminus Jesus Christus

in hoc mundo sub fragilitáte nostra mirácula édedit , nobis proficiunt : qui dum humanam conditióem sidéribus importávit , credéntibus cœlum patére posse monstrávit : et dum victórem mortis in cœlestia elevávit , victóribus quo sequántur , osténdit. Ascénsio ergo Dómini cathólicæ fidei confirmatió fuit : ut secúri in pósterum crederémus miráculi illius donum , cujus jam in præsentí percepissémus effectum : et fidélis quisque cum jam tanta percéperit , per ea quæ cognóscit præstita , discat speráre promissa , ac Dei sui præteritam præsentémque bonitátem , quasi futurórum téneat cautióem.

iv. Tempus est. 357.

Lectio v.

SUPER excélsa ergo cœli terrénium corpus impónitur : ossa intra sepúlchri angústias paulo ante conclusa , Angelórum cœtibus inferúntur : in grémium immortalitátis mortális nátúra transfúnditur : et ideo sacra apostólicæ lectiόnis testátur história : Cum hæc dixisset , inquit , vidéntibus illis , elevátus est. Dum audis elevátum , agnósce militíæ cœlestis obséquium : unde hodiérna festivitas , hóminis nobis et Dei sacraménta manifestávit. Sub

una eadémque persóna , in eo qui élevat , divínam poténtiam ; in eo autem qui elevátur , humánam cognóscere substántiam.

R. Non turbétur. 357.

Lectio vj.

IDEOQUE omnimodis detestándam sunt venéna Orientalis erroris , qui impia novitate præsumit assérere , Filium Dei ac filium hóminis unius esse naturæ. In alterutra enim parte , vel qui solum hóminem fuisse dixerit , negábit Conditoris glóriam , vel qui solum Deum , negábit misericórdiã Redemptoris. Quo in génere non fácte Ariánus evangélicam póterit habére veritatem , ubi Filium Dei nunc æqualem légimus , nunc minórem. Qui enim unius naturæ Salvátorem nostrum mortífera persuasíone crediderit , solum hóminem , aut solum Deum cogétur dicere crucifixum. Sed non ita est. Mortem enim nec solus Deus sentire , nec solus homo superáre potuisset.

R. Ascéndens. 358.

In vertice Nocturno.

Lectio sancti Evangélíi secúndum Marcum.

Lectio vij. Cap. 16. c

IN illo témpore : Recumbéntibus undecim discipulis , apparuit illis Jesus : et exprobrávit incredulitatem eórum et duritiam cordis : quia iis , qui viderant eum

resurrexisse , non crediderunt. Et reliqua.

Homilia S. Gregórii Papæ.

Ex eadem Homilia 29.

DE hac Ascensiónis ejus glória étiam Hábacuc ait : Elevátus est sol , et luna stetit in órđine suo. Quis enim solis nómine , nisi Dóminus ; et quæ lunæ nómine , nisi Ecclésia designátur ? Quoúsque enim Dóminus ascéndit ad cœlos , sancta ejus Ecclésia advérsa mundi omnímodo formidávit : at postquam ejus ascensíone robórata est , apérte prædicávit quod occúlte crédidit. Elevátus est ergo sol , et luna stetit in órđine suo : quia cum Dñus cœlum pétíit , sancta ejus Ecclésia in auctoritaté prædicatiónis excrevit.

R. Ego rogábo. 360.

Lectio viij.

HINC ejúsdem Ecclésiæ voce per Salomónem dicitur : Ecce iste venit sáliens in móntibus , transíliens colles. Considerávit namque tantórum óperum cúlmina , et ait : Ecce iste venit sáliens in móntibus. Veniéndum quippe ad redemptionem nostram , quosdam , ut ita dicam , saltus dedit. Vultis , fratres charíssimi , ipsos ejus saltus agnóscere ? De cœlo venit in úterum , de útero venit in præsépe , de præsépe venit in crucem , de cruce venit in sepúlchrum ,

de sepúlchro rédiit in cœlū. Ecce ut nos post se currere faceret, quosdam pro nobis saltus manifestata per carnem Veritas dedit : quia exultavit ut gigas ad currendam viam suam, ut nos ei diceremus ex corde ; Trahe nos post te : currémus in odorem unguentorum tuorum.

R. Ponis nubem 361.

Lectio ix.

UNDE, fratres charissimi, oportet ut illuc sequamur corde, ubi eum corpore ascendisse credimus. Desideria terréna fugiamus : nihil nos jam deléctet in infimis, qui patrem habemus in cœlis. Et hoc nobis est magnopere perpendendum : quia is qui placidus ascendit, terribilis redibit : et quidquid nobis cum mansuetudine præcepit, hoc a nobis cum districtiōe exiget. Nemo ergo indulta poenitentiæ témpora parvipendat, nemo curam sui, dum valet, ágere négligat : quia Redemptor noster tanto tunc in iudicium districtior véniet, quanto nobis ante iudicium magnam patientiam prærogávit.

Te Deum laudamus. 47.

In ij. Vesp. non fit com. Officii seq. diei. Duobus seq. diebus Offic. fit sicut infra Oct. Ascens. exceptis Lect. quæ habentur propriæ, et id. viij. Capitulis. Añis ad

Benedictus, et Magnificat, et Oratione', quæ dicuntur de Dñica infra Oct. Ascens., supra. 369. Et non dicuntur Preces ad Primam et Compl.

Si vero Feria vj. occurrat Festum ix. Lect. fit de Festo cum com. Officii ejusdem diei, nisi illud Festum fuerit ex solemnioribus, ut dicitur in Rubrica de Commem.

FERIA SEXTA

POST OCTAVAM ASCENSIONIS.

In primo Nocturno.

Incipit Epístola tértia beati Joánnis Apóstoli.

Lectio j.

SENIOR Gajo charissimo, quem ego diligo in veritate. Charissime, de ómnibus orationem facio prospere te ingredi, et valére, sicut prospere agit ánima tua. Gavisus sum valde venientibus fratribus, et testimonium perhibéntibus veritati tuæ, sicut tu in veritate ámbulas. Majórem horum non hábeo grátiam, quam ut áudiam filios meos in veritate ambuláre.

R. Post passionem. 354.

Lectio ij.

CHARISSIME, fidéliter facis quidquid operáris in fratres, et hoc in peregrinos, qui testimonium reddiderunt charitati tuæ in conspectu Ecclesiæ : quos, benefaciens, deduces digne Deo. Pro nómine enim ejus profecti sunt, nihil acci-

piéntes a Géntibus. Nos ergo debémus suscépere hujusmodi, ut cooperatóres simus veritátis. Scripsissem fórsitan Ecclésiæ: sed is, qui amat primátum génerere in eis, Diótrophes, non récipit nos. Propter hoc si vénero, commonébo ejus ópera, quæ facit, verbis malignis gárriens in nos: et quasi non ei ista sufficiant; neque ipse súscipit fratres; et eos, qui súscipiunt, próhibet, et de Ecclésia éjicit.

R. Omnis pulchritúdo. 354.

Lectio iij.

CHARRISIME, noli imitári malum, sed quod bonum est. Qui benéfacit, ex Deo est: qui maléfacit, non vidit Deum. Demétrio testimónium rédditur ab ómnibus, et ab ipsa veritáte, sed et nos testimónium perhibémus: et nosti quóniam testimónium nostrum verum est. Multa habui tibi scribere: sed nólui per atraméntum et calamum scribere tibi. Spero autem prótinus te vidére, et os ad os loquémur. Pax tibi. Salútant te amíci. Salúta amícos nominátim.

R. Exaltáre, Dómine. 355.

In secundo Nocturno.

De Sermóne S. Augustíni
Epíscopi.

Lectio iv.

Ex eod. Serm. 176. in fin.

SALVATOR noster, charissími, si non in nostra

carne diábolum triumphávit, se exércuit, non nobis vicit. Si non in nostro corpore resurréxit, conditióni nostræ resurgéndo nihil cóntulit. Hæc qui dicit, suscéptæ et assumptæ carnis non intélligit ratiómem, confúndit órđinem, évacuat utilitátem. Si non in nostra carne perégit medicinam, solam ergo ex hómine nascéndi elégit injúriam. Recédât a sénsibus nostris tam periculósa persuásio. De nostro est quod appéndit, de suo est quod donávit. Meum testor esse quod cécidit, ut meum sit quod resurréxit. Meum testor esse quod jácuit intra túmulum, ut meum sit quod ascéndit in cælum.

R. Tempus est. 357.

Lectio v.

IN illo itaque nostri géneris corpore nos Christi mors vivificávit, nos resurréctio eréxit, nos ascénsio consecrávit. In illo nostræ originis corpore cœléstibus regnis arrham nostræ conditiónis impósuit. Elaborémus ergo, charissími, ut quemádmodum Dóminus in hac die nostro cum corpore ad supérna conscéndit, ita nos post illum quómodo possumus, spe ascendámus, et corde sequámur. Ipso afféctu páriter et proféctu ascendámus post illum: étiam per

vítia ac passiónes nostras. Si útique unusquisque nostrum súbdere eas sibi stúdeat, ac super eas stare consuéscať, ex ipsis sibi gradum cónstruit, quo possit ad superióra conscéndere. Elevábunt nos, si fúerint infra nos.

R. Non turbétur. 357.

Lectio vj.

DE vítiis nostris scalam nobis fácimus, si vítia ipsa calcámus. Nam cum bonitátis auctóre non ascéndit malítia, nec cum Filio Virginis libído atque luxúria. Non, inquam, ascéndunt vítia post virtútum paréntem, peccáta post justum, nec infirmitátes ac morbi possunt ire post médicum. Igitur si intráre ipsíus médici regnum vólumus, prius vúlnera nostra curémus. Ordinémus et custodiámus in nobis statum utriúsque substántiæ; ne ánimam, nobiliórem útique hóminis portiónem, tártaro pars devólvat inférior: sed secum pótius cœlo sanctificátam corpus acquirat nátura gloriósior: ipso adjuvánte, qui vivit et regnat in sæcula sæculórum. Amen.

R. Ascéndens. 358.

In tertio Nocturno.

Lectio sancti Evangélíi secúndum Joánnem.

Lectio vij. Cap. 15. d

IN illo témpore: Dixit Jesus discipulis suis: Cum

vénerit Paráclitus, quem ego mittam vobis a Patre, Spíritum veritátis, qui a Patre procédit, ille testimoniúm perhibébit de me. Et réliqua.

De Homilia sancti Augustini Epíscopi.

Tr. 92. in Joan. circa med.

VENIT die Pentecóstes Spíritus sanctus in centum vigínti hómines congregátos, in quibus et Apóstoli omnes erant: qui illo adimpléti, cum linguis ómnium géntium loqueréntur, plures ex his qui áderant, tanto miráculo stupefacti (quandóquidem vidérunt, loquente Petro, tam magnúm atque divínus testimoniúm perhibéri de Christo, ut ille, qui occísus ab eis inter mórtuos deputabátur, resurrexísse, et vivere probarétur): compúnc̃ti corde convérsi sunt; et tanti ságuinis, tam ímpie atque immániter fusi, indulgéntiam percepérunt, ipso redempti ságuine quem fuderunt.

R. Ego rogábo. 360.

Lectio viij.

CHRISTI enim sanguis sic in remissionem peccatórum ómnium fusus est, ut ipsum étiam peccátum posset delére, quo fusus est. Hoc ergo íntuens Dóminus dicébat: Odio habuérumt me gratis: cum autem vé-

nerit Paráclitus, ille testimonium perhibebit de me. Tamquam diceret : Odio me habuerunt, et occiderunt videntes : sed tale de me Paráclitus testimonium perhibebit, ut eos faciat in me credere non videntes. Et vos, inquit, testimonium perhibebitis, quia ab initio mecum estis. Perhibebit Spiritus sanctus, perhibebitis et vos. Quia enim ab initio mecum estis, potestis predicare quod nostis : quod ut modo non faciatis, illius Spiritus plenitudo nondum adest vobis.

R. Si enim non abiero, Paráclitus non veniet ad vos, si autem abiero, mittam eum ad vos : * Cum autem venerit ille, docebit vos omnem veritatem, alleluia.

V. Non enim loquetur a semetipso : sed quaecumque audiet, loquetur : et quæ ventura sunt, annuntiabit vobis. Cum. Glória Patri. Cum.

Lectio ix.

ILLI ergo testimonium perhibebit de me, et vos testimonium perhibebitis : dabit enim vobis fiduciam testimonium perhibendi charitas Dei, diffusa in cordibus vestris per Spiritum sanctum, qui dabitur vobis. Quæ utique Petro adhuc defuit, quando mulieris ancillæ interrogatione pertér-

ritus, non potuit verum testimonium perhibere ; sed contra suam pollicitationem timore magno compulsus est ter negare. Timor autem iste non est in charitate : sed perfecta charitas foras mittit timorem. Denique ante passionem Domini, servilis timor ejus interrogatus est a femina servitutis : post resurrectionem vero Domini, liberalis ejus amor ab ipso principe libertatis : et ideo ibi turbabatur, hic tranquillabatur : ibi quem dillexerat, negabat : hic quem negaverat, diligebat. Sed adhuc etiam tunc amor ipse infirmus fuerat et angustus, donec eum roboraret, et dilataret Spiritus sanctus.

Te Deum laudamus. 17.

SABBATO

IN VIGILIA PENTECOSTES.

Ab hac die usque ad Festum SS. Trinitatis inclusive, si occurrat Festum ix. Lect., transfertur post prædictum Festum SS. Trinitatis.

In primo Nocturno.

Incipit Epistola catholica beati Judæ Apóstoli.

Lectio j.

JUDAS Jesu Christi servus. frater autem Jacóbi, his qui sunt in Deo Patre dilectis, et Christo Jesu conservatis et vocatis. Misericordia vobis, et pax, et

châritas adimpleatur. Charissimi, omnem sollicitudinem faciens scribendi vobis de communi vestra salute, necesse habui scribere vobis: deprecans supercertari semel traditæ Sanctis fidei. Subintroierunt enim quidam homines (qui olim præscripti sunt in hoc iudicium) impii, Dei nostri gratiam transferentes in luxuriam, et solum Dominatorem et Dominum nostrum Jesum Christum negantes.

R. Post passionem. 354.

Lectio ij.

COMMONERE autem vos volo, scientes semel omnia, quoniam Jesus populum de terra Ægypti salvans, secundo eos, qui non crediderunt, perdidit: angelos vero, qui non servaverunt suum principatum, sed dereliquerunt suum domicilium, in iudicium magni diei vinculis æternis sub caligine reservavit. Sicut Sódoma, et Gomórrha, et finitimæ civitates simili modo exfornicatæ, et abeuntes post carnem alteram, factæ sunt exemplum, ignis æterni poenam sustinentes. Similiter et hi carnem quidem maculant, dominationem autem spernunt, majestatem autem blasphemant.

R. Omnis pulchritudo. 354.

Lectio iij.

CUM Michael Archangelus cum diabolo disputans altercarétur de Moysi corpore, non est ausus iudicium inferre blasphemiae: sed dixit: Imperet tibi Dominus. Hi autem, quaecumque quidem ignorant, blasphemant: quaecumque autem naturaliter, tamquam muta animalia, norunt, in his corrumpuntur. Vae illis, quia in via Cain abierunt, et errore Bálaam mercede effusi sunt, et in contradictione Core perierunt. Hi sunt in epulis suis maculae, convivantes sine timore, semetipsos pascentes, nubes sine aqua, quæ a ventis circumferuntur, arbores autumnales, infructuosæ, his mortuæ, eradicatæ, fluctus feri maris, despumantes suas confusiones, sidera errantia: quibus procélla tenebrarum servata est in æternum.

R. Exaltare, Domine. 355.

In secundo Nocturno.

Ex Tractatu S. Augustini
Episcopi de Symbolo ad
Catechúmenos.

Lectio iv. Lib. 4. c. 1. t. 9.

DUM per sacratissimum crucis signum vos suscepit in útero sancta mater Ecclesia, quæ sicut et fratres vestros cum summa lætitia spiritaliter pariet, nova proles futura tantæ

matris, quousque per lavacrum sanctum regeneratos, veræ luci restituat, congruis alimentis eos, quos portat, pascat in útero, et ad diem partus sui lætos læta perducatur: quoniam non tenetur hæc sententia Hevæ, quæ in tristitia et gemitu parit filios; nec ipsos gaudentes, sed potius flentes. Hæc enim solvit, quod illa ligaverat: ut prolem, quam per inobedientiam sui, morti donavit, hæc per obedientiam restituat vitæ. Omnia sacramenta, quæ acta sunt et aguntur in vobis per ministerium servorum Dei, exorcismis, orationibus, canticis spiritalibus, insufflationibus, cilicio, inclinatione cervicis, humilitate pedum, pavor ipse omni securitate appetendus: hæc omnia, ut dixi, escæ sunt, quæ vos reficiunt in útero, ut renatos ex baptismo hilares vos mater exhibeat Christo.

¶ Tempus est. 337.

Lectio v.

ACCEPISTIS et symbolum, protectionem parturientis contra venena serpentis. In Apocalypsi Joannis Apostoli scriptum est hoc, quod staret draco in conspectu mulieris, quæ paritura erat, ut cum peperisset, natum ejus comederet. Dracónem

diabolum esse nullus vestrum ignorat: mulierem illam, Virginem Mariam significasse; quæ caput nostrum integra integrum peperit, quæ etiam ipsa figuram in se sanctæ Ecclesiæ demonstravit; ut quomodo filium pariens, virgo permansit, ita et hæc omni tempore membra ejus pariat, et virginitatem non amittat. Ipsas sententias sacratissimi Symboli, adjuvante Domino, exponendas suscepimus, ut, quid singulæ contineant, vestris sensibus intimemus. Parata sunt corda vestra, quia exclusus est inimicus de cordibus vestris.

¶ Non turbetur. 337.

Lectio vj.

HUIC vos renuntiare professi estis, in qua professione, non hominibus, sed Deo et Angelis ejus conscribentibus dixistis: Renuntio. Renuntiæ non solum vocibus, sed etiam moribus: non tantum sono linguæ, sed et actu vitæ: nec tantum labiis sonantibus, sed operibus pronuntiantibus. Scitote vos cum callido, antiquo et veterinoso inimico suscepisse certamen: non in vobis post renuntiationem inveniat opera sua, non jure vos attrahat in servitutem suam. Deprehenderis enim et de-

tégeris, Christiáne, quando áliud agis, et áliud profitéris : fidélis in nómine, áliud demónstrans in ópere, non tenens promissiónis tuæ fidem : modo ingrédienti Ecclésiám oratiónes fúndere, post módicum in spectáculis cum histriónibus impudíce clamáre. Quid tibi cum pompis diabóli, quibus renuntiásti?

A. Ascéndens. 358.

In tertio Nocturno.

Lectio sancti Evangélii
secúndum Joánnem.

Lectio vij. Cap. 14. b

IN illo témpore : Dixit Jesus discipulis suis : Si diligitis me, mandata mea serváte. Et ego rogábo Patrem, et álium Paráclitum dabit vobis. Et reliqua.

Homilia sancti Augustíni
Epíscopi.

Tract. 74. et 75. in Joann.

QUOD ait, Rogábo Patrem, et álium Paráclitum dabit vobis : osténdit et seipsum esse paráclitum. Paráclitus enim latíne dicitur advocátus : et dictum est de Christo : Advocátum habémus ad Patrem, Jesum Christum justum. Sic autem mundum dixit non posse accípere Spíritum sanctum, sicut étiam dictum est : Prudentia carnis inimica est Deo : legi enim Dei non est subjécta, nec enim potest : velut si dicámus : Injusti-

tia justitia esse non potest. Mundum quippe ait hoc loco, mundi significans dilectóres : quæ diléctio non est a Patre. Et ideo diléctiōni hujus mundi, de qua satágimus ut minuátur et consumátur in nobis, contrária est diléctio Dei, quæ diffúnditur in córdibus nostris per Spíritum sanctum, qui datus est nobis.

R. Ego rogábo Patrem, et álium Paráclitum dabit vobis, * Ut máneat vobiscum in ætérnum, Spíritum veritátis, allelúia. **V.** Si enim non abiero, Paráclitus non véniet ad vos : si autem abiero, mittam eum ad vos. Ut. **Bened.** Divinum auxiliū.

Lectio viij.

MUNDUS ergo eum accípere non potest, quia non videt eum, neque scit eum. Non enim habet invisibiles óculos mundána diléctio, per quos vidéri Spiritus sanctus potest, qui vidéri nisi invisibiliter non potest Vos autem, inquit, cognoscétis eum : quia apud vos manébit, et in vobis erit. Erit in eis, ut máneat ; non manébit, ut sit : prius est enim esse alicubi, quam manére. Sed ne putárent quod dictum est, Apud vos manébit ; ita dictum, quemádmódum apud hóminem hospes visibiliter manére consuét-

vit, expósuit quid díxerit : Apud vos manébit, cum adjúnxit, et dixit, in vobis erit.

R. Si enim non abíero, Paráclitus non véniet ad vos : si autem abíero, mittameum ad vos : * Cum autem vénerit ille, docébit vos omnem veritátem, alleluia. **V.** Non enim loquétur a semetípso : sed quæcúmque áudiet, loquétur : et quæ ventúra sunt, annuntiábit vobis. Cum. Glória Patri. Cum.

Lectio ix.

ERGO invisibiliter vidétur. Nec, si non sit in nobis, Potest esse in nobis ejus sciéntia : sic enim a nobis vidétur in nobis et nostra consciéntia. Nam fáciem vidémus altérius, nostram vidére non póssumus : consciéntiam vero nostram vidémus, altérius non vidémus. Sed consciéntia nunquam

est nisi in nobis : Spíritus autem sanctus potest esse étiam sine nobis. Datur quippe ut sit et in nobis : sed vidéri et sciri, quemádmódum vidéndus et sciéndus est, non potest a nobis, si non sit in nobis. Post promissiónem Spíritus sancti, ne quisquam putáret, quod ita eum Dóminus datúrus fúerit velut pro seípso, ut non et ipse cum eis esset futúrus, adjécit atque ait : Non relinquam vos órphanos, véniam ad vos. Quamvis ergo nos Filius Dei suo Patri adoptáverit filios, et eúmdem Patrem nos volúerit habére per grátiam, qui ejus Pater est per natúram : tamen étiam ipse circa nos patérnum afféctum quodámmodo démonstrat, cum dicit : Non relinquam vos órphanos. **T**e Deum laudámus. 17.

IN FESTO PENTECOSTES.

Ad Vesp., Anæ de Laud.
Psalmi de Dñica. 130. *et*
loco ult., Ps. laudate Dó-
minum, omnes gentes. 134.

Capitulum. Act. 2.

CUM compleréntur dies
Pentecóstes, erant omnes
discípuli páriter in eódem
loco : et factus est repén-
te de cœlo sonus, tamquam
adveniéntis spíritus vehe-
méntis, et replévit totam
domum ubi erant sedéntes.

Hymnus.

VENI, Créator Spíritus,
Mentes tuórum visita,
Imple supérna grátia,
Quæ tu creásti, pectora.
Qui diceris Paráclitus,
Altíssimi donum Dei,
Fons vivus, ignis, cháritas
Et spiritalis únctio.

Tu septifórmis múnere,
Dígitus patérnæ dexteræ,
Tu rite promíssum Patris,
Sermóne ditans gúttura.

Accénde lumen sénsibus :
Infúnde anórem córdibus :
Infirma nostri córporis
Virtúte firmans pérpeti.

Hostem repéllas lóngius,
Pacémque dones prótinus :
Ductóre sic te prævio
Vitémus omne nóxium.

Per te sciámus da Patrem,
Noscámus atque Filium :
Teque utriúsque Spíritum
Credámus omni témpore.
Deo Patri sit glória,
Et Filio, qui a mórtuis
Surréxit, ac Paráclito,
In sæculórum sæcula.

Amen.

Sic terminantur Hymni
usque ad Vesp. Sabbati seq.
¶ Repléti sunt omnes Spí-
ritu sancto, allelúia. **¶** Et
cœpérunt loqui, allelúia.

Ad Magnificat, Ana.

Non vos relínquam órpha-
nos, allelúia : vado et vénio
ad vos, allelúia : et gaudé-
bit cor vestrum, allelúia.

Oratio.

DEUS, qui hodiérna die
corda fidélium sancti
Spíritus illustratióne docuí-
sti : da nobis in eódem Spí-
ritu recta sápere, et de ejus
semper consolatióne gau-
dère. Per Dóminum. In
unitáte ejúsdem.

DOM. PENTECOSTES.

Ad Matutinum. Invitat.

A LLELUIA, Spíritus Dómini
replévit orbem terrá-
rum. * Veníte, adorémus,
allelúia. **Ps.** Veníte. 2.

Hymnus.

IAM Christus astra ascén-
derat,
Revérsum unde vénerat,
Patris fruéndum múnere
Sanctum datúrus Spíritum.
Solémnis urgébat dies,
Quo mystico septémplici
Orbis volútus sépties,
Signat beáta témpora.
Cum lucis hora tértia
Repénite mundus intonat,
Apóstolis orántibus,
Deum veníre núntiat.
De Patris ergo lúmine
Decórus ignis almus est,
Qui fida Christi péctora
Calóre Verbi cómpleat.
Impléta gaudent víscera,
Affláta sancto Spíritu.
Vocésque dívérzas sonant,
Fantur Dei magnália.
Notíque cunctis géntibus
Græcis, Latinis, Bárbaris,
Simúlque demirántibus,
Linguis loquúntur ómnium.
Judæa tunc incrédula,
Vesána torvo spíritu,
Madére musto sóbrios
Christi fidéles increpat.
Sed éditis miráculis
Occúrrit, et docet Petrus,
Falsum profári pérfidus,
Joéle teste cómprobans.
Deo Patri sit glória,
Et Filio, qui a mórtuis
Surréxit, ac Paráclito,
In sæculórum sæcula. Amen.

Ad Nocturnum.

Ant Factus est repénite de cœ-
lo sonus * adveniéntis spíri-
tus veheméntis, allel., allel.

Psalmus 47.

MAGNUS Dóminus, et lau-
dábilis nimis, * in civi-
táte Dei nostri, in monte
sancto ejus.

Fundátur exultatióne uni-
vérsæ terræ mons Sion, *
látera Aquilónis, civitas Re-
gis magni.

Deus in dómibus ejus cogno-
scétur, * cum suscépiet eam.

Quóniam ecce reges terræ
congregáti sunt : * conve-
nérunt in unum.

Ipsi vidéntes sic admiráti
sunt, conturbáti sunt, com-
móti sunt : * tremor appre-
héndit eos.

Ibi dolóres ut parturién-
tis : * in spíritu veheménti
cónteres naves Tharsis.

Sicut audívimus, sic vidi-
mus in civitáte Dñi virtútum,
in civitáte Dei nostri : * Deus
fundávit eam in ætérnum.

Suscépiimus Deus miseri-
córdiam tuam, * in médio
templi tui.

Secúndum nomen tuum
Deus, sic et laus tua in fi-
nes terræ : * justítia plena
est dextera tua.

Lætétur mons Sion, et
exúltent filiæ Judæ, * pro-
pter judícia tua, Dómine.

Circúmdate Sion, et com-
plectimini eam : * narráte
in túrribus ejus.

Pónite corda vestra in vir-
tute ejus : * et distribúite
domos ejus, ut enarrétis
in progénie áltera.

Quóniam hic est Deus, Deus noster in ætérnum, et in sæculum sæculi : * ipse reget nos in sæcula.

Añā. Factus est repén-te de cœlo sonus adveniéntis spíritus veheméntis, allelúia, allelúia.

Añā. Confirma hoc Deus * quod operátus es in nobis : a templo sancto tuo, quod est in Jerúsalem, allelúia, allelúia.

Psalmus 67.

EXURGAT Deus, et dissipéntur inimíci ejus : * et fúgiant qui odérunt eum, a fácie ejus.

Sicut déficit fumus, deficiant : * sicut fluit cera a fácie ignis, sic péreant peccatóres a fácie Dei.

Et justí epuléntur, et exúltent in conspéctu Dei : * et delecténtur in lætitia.

Cantáte Deo, psalmum dicite nómini ejus : * iter fácite ei, qui ascéndit super occásus : Dóminus nomen illi.

Exultáte in conspéctu ejus, * turbabúntur a fácie ejus, patris orphanórum, et júdicis viduárum.

Deus in loco sancto suo : * Deus qui inhabitáre facit uníus moris in domo :

Qui edúcit vinctos in fortítudine, * simíliter eos qui exásperant, qui hábitant in sepúlchris.

Deus cum egrederéris in

conspéctu pópuli tui, * cum pertransíres in desérto :

Terra mota est, étenim cœli distillavérunt a fácie Dei Sínai, * a fácie Dei Israel.

Plúviam voluntáriam segregábis Deus hereditáti tuæ : * et infirmáta est, tu vero perfecisti eam.

Animália tua habitábunt in ea : * parásti in dulcédine tua páuperi, Deus.

Dóminus dabit verbum evangelizántibus, * virtúte multa.

Rex virtútum dilécti dilécti : * et speciéi domus dividere spólia.

Si dormiátis inter médios cleros, pennæ colúmbæ deargentatæ, * et posterióra dorsi ejus in pallóre auri.

Dum discérnit cœléstis reges super eam, nive dealbabúntur in Selmon : * mons Dei, mons pinguis.

Mons coagulátus, mons pinguis : * ut quid suspicámini montes coagulátos ?

Mons, in quo beneplácitum est Deo habitáre in eo : * étenim Dóminus habitábit in finem.

Currus Dei decem millibus múltiplex, millia lætántium : * Dóminus in eis, in Sina in sancto.

Ascendísti in altum, cepísti captivitátem : * accepísti dona in homínibus :

Étenim non credéntes, * inhabitáre Dóminum Deum.

Benedíctus Dóminus die quo-

tidie: * prósperum iter faci-
ciet nobis Deus salutárium
nostrórum.

Deus noster, Deus salvos
faciéndi: * et Dómini Dó-
mini éxitus mortis.

Verúmtamen Deus confrín-
get cápita inimicórum suó-
rum: * vérticem capilli
perambulántium in delictis
suis.

Ixit Dóminus: Ex Basan
convértam, * convértam in
profúndum maris:

Ut intingátur pes tuus in sân-
guine: * lingua canum tuó-
rum ex inimícis, ab ipso.

Vidérunt ingrédus tuos
Deus, * ingrédus Dei mei:
Regis mei qui est in sancto.

Prævenérunt principes con-
juncti psalléntibus, * in
medio juvenulárum tympa-
nistriárum.

In ecclésiis benedicite Deo
Dómino, * de fóntibus Israel.

Ibi Bénjamin adolescéntu-
lus, * in mentis excéssu.

Principes Juda, duces eo-
rum: * principes Zábulon,
principes Néphthali.

Manda Deus virtúti tuæ:
* confirma hoc Deus quod
operátus es in nobis.

A templo tuo in Jerúsalem
* tibi ófferent reges múnera.

Increpa feras arúndinis, con-
gregátio taurórum in vaccis
populórum: * ut exclúdent
eos, qui probáti sunt ar-
génto.

Dissipa gentes quæ bella

volunt: vénient legáti ex
Ægypto: * Æthiopia præ-
véniet manus ejus Deo.

Regna terræ, cantáte Deo:
* psállite Dómino.

Psállite Deo, qui ascéndit
super cælum cœli, * ad
Oriéntem.

Ecce dabit voci suæ vocem
virtútis, date glóriam Deo
super Israel, * magnificéntia
ejus, et virtus ejus in núbibus.

Mirabilis Deus in sanctis
suis, Deus Israel ipse dabit
virtútem et fortitudinem ple-
bi suæ, * benedictus Deus.

Aññ. Confirma hoc Deus quod
operátus es in nobis: a tem-
plo sancto tuo, quod est in
Jerúsalem, allelúia, allelúia.

Aññ. Emítte Spíritum tuum,
* et creabúntur: et renovábis
fáciem terræ, allelúia, alle-
lúia.

Psalmus 103.

BENEDIC, ánima mea, Dó-
mino: * Dómine Deus
meus magnificátus es vehe-
ménter.

Confessióem, et decórem
induísti: * amíctus lumíne
sicut vestiménto:

Exténdens cælum sicut pel-
lem: * qui tegis aquis su-
perióra ejus.

Qui ponis nubem ascénsus
tuum: * qui ámbulas super
pennas ventórum.

Qui facis ángelos tuos, spí-
ritus: * et minístros tuos,
ignem uréntem.

Qui fundásti terram super stabilitátem suam : * non inclinábitur in sæculum sæculi.

Abyssus, sicut vestiméntum, amíctus ejus : * super montes stabunt aquæ.

Ab increpatione tua fugient : * a voce tonitruí tui formidábunt.

Ascéndunt montes : et descendunt campi, * in locum quem fundásti eis.

Términum posuísti quem non transgrediéntur : * neque converténtur operire terram.

Qui emíttis fontes in convál-libus : * inter médium món-tium pertransibunt aquæ.

Potábunt omnes béstiae agri : * expectábunt ónagri in siti sua.

Super eá vólucres cœli habitábunt : * de médio petrárum dabunt voces.

Rigans montes de superióribus suis : * de fructu óperum tuórum satiábitur terra :

Producens fœnum juméntis, * et herbam servitúti hó-minum :

Ut edúcas panem de terra : * et vinū lætificet cor hóminis :

Ut exhílalet faciē in óleo : * et panis cor hóminis confirmet.

Saturabúntur ligna campi , et cedri Libani , quas plantávit : * illic pásseres nificábunt.

Heródii domus dux est eórum : * montes excélsi cervis : petra refúgium herináciis.

Fecit lunam in témpora : * sol cognóvit occásu suum. Posuísti ténebras , et facta est nox : * in ipsa pertransibunt omnes béstiae silvæ.

Cátuli leónum rugiéntes , ut rápíant , * et quærant a Deo escam sibi.

Ortus est sol , et congregáti sunt : * et in cubilibus suis collocabúntur.

Exíbit homo ad opus suum : * et ad operatióem suam usque ad vésperum.

Quam magnificáta sunt ópera tua, Dómine ! * ómnia in sapiéntia fecísti : impléta est terra possessione tua.

Hoc mare magnum , et spatiósum mánibus : * illic reptília , quorum non est númerus.

Animália pusilla cum magnis : * illic naves pertransibunt.

Draco iste , quem formásti ad illudéndum ei : * ómnia a te expéctant , ut des illis escam in témpore.

Dante te illis , colligent : * aperiénte te manum tuam , ómnia implebúntur bonitate.

Averténte autem te faciē , turbabúntur : * áuferes spíritū eórum , et deficient , et in pulverem suum reverténtur.

Emíttes spíritum tuum , et creabúntur : * et renovábis faciē terræ.

Sit glória Dómini in sæculum : * lætábitur Dóminus in opéribus suis :

Qui respicit terram, et facit eam tremere : * qui tangit montes, et fumigant.

Cantabo Domino in vita mea : * psallam Deo meo quamdiu sum.

Lucundum sit ei eloquium meum : * ego vero delectabor in Domino.

Deficiant peccatores a terra, et iniqui ita ut non sint : * benedic, anima mea, Domino.

Aññ. Emitte Spiritum tuum, et creabuntur : et renovabis faciem terræ, allelúia, allel.

Ÿ. Spiritus Domini replévit orbem terrarum, allel. **R̃.** Et hoc quod continet omnia, scientiam habet vocis, allel.

Pater noster. **Absol.** Exaudi, Domine. **Ÿ.** Jube, domne.

Bened. Evangélica lectio.

Lectio sancti Evangelii secundum Joannem.

Lectio j. Cap. 14. c

In illo tempore : Dixit Jesus discipulis suis : Si quis diligit me, sermonem meum servabit, et Pater meus diligit eum, et ad eum veniemus, et mansionem apud eum faciemus. Et reliqua.

Homilia sancti Gregorii Papæ.

Hom. 30. in Evang.

LIBET, fratres charissimi, Evangelicæ verba lectionis sub brevitate transcurrere, ut post diutius liceat in contemplatione tantæ solemnitatis immorari. Hódie namque Spiritus sanctus re-

pentino sonitu super discipulos venit, mentesque carnalium in sui amorem permutavit, et foris apparentibus linguis igneis, intus facta sunt corda flammantia : quia dum Deum in ignis visione suscepérunt, per amorem suáriter arsérunt. Ipse namque Spiritus sanctus amor est ; unde et Joannes dicit : Deus charitas est. Qui ergo mente integra Deum desiderat, profecto jam habet, quem amat. Neque enim quisquam posset Deum diligere, si eum quem diligit, non haberet.

R̃. Cum compleréntur dies Pentecostes, erant omnes pariter in eodem loco, allel. : et subito factus est sonus de coelo, allelúia. * Tamquam spiritus veheméntis, et replévit totam domum, allelúia, allelúia. **Ÿ** Dum ergo essent in unum discipuli congregati propter metum Judæorum, sonus repente de coelo venit super eos. Tamquam. **Bened.** Divinum auxilium.

Lectio ij.

SED ecce, si unusquisque vestrum requiratur, an diligit Deum : tota fiducia, et secúra mente respóndet, Diligo. In ipso autem lectionis exordio audístis quid Veritas dicit : Si quis diligit me, sermonem meum servabit. Probatio ergo dilectionis, exhibitio est operis.

Hinc in Epistola sua idem Joannes dicit : Qui dicit , Dīligo Deum , et mandāta ejus non custōdit , mendax est. Vere etenim Deum dīligimus , et mandāta ejus custodimus , si nos a nostris voluptātibus coarctāmus. Nam qui adhuc per illicita desidēria dīffluit , profecto Deum non amat : quia ei in sua voluntāte contradīcit.

R. Replēti sunt omnes Spīritu sancto , et cōpērunt loqui , prout Spīritus sanctus dabat ēloqui illis : * Et convēnit multitūdo dicēntium , allelūia. **V.** Loquebāntur vāriis linguis Apōstoli magnālia Dei. Et. Glōria Patri. Et. **Bened.** Ad societātem.

Lectio iij.

ET Pater meus diliget eum , et ad eum veniēmus , et mansiōnem apud eum faciēmus. Pensāte , fratres charissimi , quanta sit ista dignitas , habēre in cordis hospitio advēntum Dei. Certe si domum nostram quisquam dives , aut præpotens amicus intrāret , omni festināntia domus tota munderetur , ne quid fortāsse esset quod ōculos amīci intrāntis offēnderet. Tergat ergo sordes pravi ōperis , qui Deo præparat domum mentis. Sed vidēte quid Vēritas dicat : Veniēmus , et mansiōnem apud eum faciēmus. In quorūdam etenim corda venit , et

mansiōnem non facit : quia per compunctiōnem quidem Dei respēctum percipiunt ; sed tentatiōnis tēpore hoc ipsum quo compūcti fuerant , obliviscūntur : sicque ad perpetrānda peccāta redeunt , ac si hęc minime planxissent.

Te Deum laudāmus. 17.

AD LAUDES ,

et per Horas , Anae.

1. Cum complerētur * dies Pentecōstes , erant omnes pāriter in eōdem loco , allelūia. **Ps.** Dōminus regnāvit , cum reliq. 18.

2. Spīritus Dōmini * replēvit orbem terrārum , allelūia.

3. Replēti sunt omnes * Spīritu sancto , et cōpērunt loqui , allelūia , allelūia.

4. Fontes , et ōmnia * quæ movēntur in aquis , hymnum dicite Deo , allelūia.

5. Loquebāntur * vāriis linguis Apōstoli magnālia Dei , allelūia , allelūia , allelūia.

Capitulum. Act. 2.

CUM complerētur dies Pentecōstes , erant omnes discipuli pāriter in eōdem loco : et factus est repēnte de cœlo sonus , tamquam adveniēntis spīritus vehemētis , et replēvit totam domum ubi erant sedēntes.

Hymnus.

BEATA nobis gāudia
Anni redūxit ōrbita ,
Cum Spīritus Parāclitus
Illāpsus est Apōstolis.

Ignis vibrante lumine
Linguae figuram detulit,
Verbis ut essent proflui,
Et charitate fervidi.

Linguis loquuntur omnium;
Turbæ pavent Gentilium:
Musto madere deputant
Quos Spiritus repléverat.

Patrata sunt hæc mystice,
Paschæ peractio tempore,
Sacro dierum circulo,
Quo lege fit remissio.

Te nunc, Deus piissime,
Vultu precamur cernuo,
Illapsa nobis coelitus
Largire dona Spiritus.

Dudum sacrata pectora
Tua replésti gratia:
Dimitte nostra crimina,
Et da quæta tempora.
Deo Patri sit gloria,
Et Filio qui a mortuis
Surrexit, ac Paráclito,
In sæculorum sæcula. Am.

R. Repléti sunt omnes Spiritu sancto, allelúia. *R.* Et cœperunt loqui, allelúia.

Ad Benedictus, Ana.
Accipite Spiritum sanctum:
quorum remiséritis peccata,
remittantur eis, allelúia.

Oratio.

DEUS, qui hodierna die
Corda fidelium sancti
Spiritus illustratione docuisti:
da nobis in eodem Spiritu
recta sapere, et de ejus
semper consolatione gaudere.
Per Dominum. In unitate
ejusdem Spiritus.

Ad Primam.

R. In, Christe, Fili Dei
VERNA.

vivi, miserere nobis. *A.* Allelúia, allelúia. Christe. *R.* Qui sedes ad dexteram Patris. Allelúia, allelúia. Glória Patri. Christe. *R.* Exurge, Christe, adjuva nos, allelúia. *R.* Et libera nos propter nomen tuum, allelúia.

Ad Tertiam, Hymnus.

VENI, Creátor Spiritus,
Mentes tuorum visita,
Imple supérna grátia,
Quæ tu creásti, pectora.
Qui diceris Paráclitus,
Altíssimi donum Dei,
Fons vivus, ignis, charitas,
Et spiritalis unctio.

Tu septiformis múnere,
Dígitus patrænæ dexteræ,
Tu rite promissum Patris,
Sermóne ditans gúttura.

Accénde lumen sénsibus:
Infúnde amórem córdibus:
Infirma nostri córporis
Virtúte firmans pérpeti.

Hostem repéllas lóngius,
Pacémque dones prótinus:
Ductóre sic te prævio
Vitémus omne nóxium.

Per te sciámus da Patrem,
Noscámus atque Filium;
Teque utriúsque Spíritum
Credámus omni témpore.

Deo Patri sit glória,
Et Filio, qui a mortuis
Surrexit, ac Paráclito,
In sæculorum sæcula. Amen.

Qui Hymnus dicitur ad Tertiam per totam Octavam loco Hymni, Nunc sancte. Ana. Spiritus Domini.

Cap. cum complerentur.

R. br. Spíritus Dómini replévit orbem terrárum. * Allelúia, allelúia. Spíritus. **Y.** Et hoc quod contémnet omnia sciéntiam habet vocis. Allelúia, allelúia. Glória Patri. Spíritus. **Y.** Spíritus Paráclitus, allelúia. **R.** Docébit vos omnia, allelúia.

Ad Sextam, Añs.

Repléti sunt omnes.

Capitulum. Act. 2.

FACTA autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes.

R. br. Spíritus Paráclitus. * Allelúia, allelúia. Spíritus. **Y.** Docébit vos omnia. Allelúia, allelúia. Glória Patri. Spíritus. **Y.** Repléti sunt omnes Spíritu sancto, allelúia. **R.** Et coépérunt loqui, allelúia.

Ad Nonam, Añs.

Loquebántur.

Capitulum. Act. 2. b

JUDÆI quoque, et Prosélyti, Cretes, et Arabes, audivimus eos loquéntes nostris linguis magnália Dei.

R. br. Repléti sunt omnes Spíritu sancto. * Allelúia, allelúia. Repléti. **Y.** Et coépérunt loqui. Allelúia, allelúia. Glória Patri. Repléti. **Y.** Loquebántur váriis linguis Apóstoli, allelúia. **R.** Magnália Dei, allelúia.

Ad Vesp., Añs. Cum compleréntur, **cum reliq. de Laud.**

P. Dixit Dóminus, **cum**

reliq. de Dñica. 130. Qui dicuntur quotidie per Octavam.

Capit. Cum compleréntur.

Hymn. Veni, Creátor. 401.

Y. Loquebántur váriis linguis Apóstoli, allelúia. **R.** Magnália Dei, allelúia.

Ad Magnificat, Añs.

Hódie compléti sunt dies Pentecóstes, allelúia : hódie Spíritus sanctus in igne discípulis appáruit, et tríbuit eis charismatum dona : misit eos in univérsum mundum prædicáre, et testificári : Qui crediderit, et baptizátus fúerit, salvus erit, allelúia.

Infra Octavam Pentec. fit Officium sicut in die, exceptis Y. ad Nocturnum, Lctionibus, Responsoriis, Añis ad Benedictus, et ad Magnificat, et Orationibus.

Si infra Oct. occurrat Festū ix. Lect., transfertur post Oct. De Simplici autem in hoc triduo nulla fit com.

FERIA SECUNDA.

Y. Spíritus Dómini replévit orbem terrárum, allelúia. **R.** Et hoc quod contémnet omnia, sciéntiam habet vocis, allelúia. **Pater noster. Absolutio. Exáudi. Bened. Evangélica lécio.**

Lécio sancti Evangélii secundum Joánnem.

Lectio. j. Cap. 3. b

IN illo témpore : Dixit Jesus Nicodémo : Sic Deus diléxit mundum, ut Filium

suum unigénitum daret : ut omnis qui credit in eum, non péreat, sed hábeat vitam ætérnam. Et réliqua.

Homilia sancti Augustíni
Episcopi.

Tr. 12. in Joann. sub fin.

QUANTUM in médico est, sanáre venit ægrórum. Ipse se intérimít, qui præcépta médici observáre non vult. Venit Salvátor in mundum. Quare Salvátor dictus est mundi, nisi ut salvet mundum, non ut júdicet mundum? Salvári non vis ab ipso? ex te judicáberis. Et quid dicam, judicáberis? Vide quid ait : Qui credit in eum, non judicátur. Qui autem non credit, quid dictúrur sperábas, nisi, Judicátur? Quod addit, Jam, inquit, judicátus est : nondum appáruit júdícium, et jam factum est júdícium.

R. Jam non dicam vos servos, sed amícos meos : quia ómnia cognovístis, quæ operátus sum in médio vestri, allelúia : **A.** Accípíte Spíritum sanctum in vobis Paráclitum : ille est, quem Pater mittet vobis, allelúia. **R.** Vos amíci mei estis, si fecérítis, quæ ego præcipio vobis. Accípíte.

Bened. Divínium auxílium.

Lectio ij.

NOVIT enim Dóminus, qui sunt ejus : novit qui permáneant ad corónam, qui permáneant ad flammam.

Novit in área sua tríticum, novit et páleam : novit ségetem, novit et zizánia : Jam judicátus est, qui non credit. Quare judicátus? Quia non crédidit in nómine unigéniti Filii Dei. Hoc est autem júdícium : quia lux venit in mundum, et dilexérunt hómines magis ténebras quam lucem : erant enim mala ópera eórum. Fratres mei, quorum ópera bona invénit Dóminus? Nullórum. Omnia ópera mala invénit. Quómodo ergo quidam fecérunt veritátem, et venérunt ad lucem? Et hoc enim séquitur : Qui autem facit veritátem, venit ad lucem.

R. Spíritus sanctus procedens a throno, Apostolórum pectora invisibíliter penetrávit novo sanctificatiónis signo : **A.** Ut in ore eórum ómnium génera nasceréntur linguárum, allelúia. **R.** Advénit ignis divínus, non combúrens, sed illúminans, et tribuit eis charismatum dona. Ut. Glória Patri. Ut. **Bened.** Ad societátem.

Lectio iij.

SED dilexérunt, inquit, ténebras magis quam lucem. Ibi pósuit vim. Multi enim dilexérunt peccáta sua, multi conféssi sunt peccáta sua : quia qui confitétur peccáta sua, et accúsat peccáta sua, jam cum Deo facit. Accúsat Deus peccáta tua : si et

tu accúsas, conjúngeris Deo. Quasi duæ res sunt, homo, et peccátor. Quod audis, Homo, Deus fecit: quod audis, Peccátor, ipse homo fecit. Dele quod fecisti, ut Deus salvet quod fecit. Opórtet ut óderis in te opus tuum, et ames in te opus Dei. Cum autem cœperit tibi displicere quod fecisti, inde incipiunt bona ópera tua, quia accúsas mala ópera tua. Initium óperum bonórum, confessio est óperum malórum. **Te Deum laudámus. 17.**

Ad Benedictus. Ant.

Sic Deus diléxit mundum, ut Filium suum unigénitum daret: ut omnis qui credit in ipsum, non péreat, sed habeat vitam ætérnam, allel.

Oratio.

DEUS, qui Apóstolis tuis sanctum dedisti Spíritum: concéde plebi tuæ piæ petitionis efféctum; ut, quibus dedisti fidem, largiáris et pacem. Per Dóminum. In unitate ejúsdem.

Ad Magnificat. Ant.

Si quis diligit me, sermónem meum servábit: et Pater meus diliget eum, et ad eum veniémus, et mansiónem apud eum faciémus, allel.

FERIA TERTIA.

V. Spíritus Paráclitus, allelúia. **R.** Docébit vos ómnia, allelúia. **Pater noster.** **Abol.** ipsius píetas. **Bened.** Evangelica léctio.

Léctio sancti Evangélíi secúndum Joánnem.

Lectio j. Cap. 10.

IN illo témpore: Dixit Jesus Pharisæis: Amen, amen dico vobis: qui non intrat per óstium in ovile óvium, sed ascéndit aliunde, ille fur est, et latro. Qui autem intrat per óstium, pastor est óvium. Et réliqua.

Homília sancti Augustíni Epíscopi.

Tr. 43. in Joan., post init.

DOMINUS de grege suo, et de óstio quo intrátur ad ovile, similitúdinem propósuit in hodiérna lectióne. Dicant ergo pagáni: Bene vivimus. Si per óstium non intrant, quid prodest eis unde gloriántur? Ad hoc enim debet unicuique prodésse bene vivere, ut detur illi semper vivere: nam cui non datur semper vivere, quid prodest bene vivere? Quia nec bene vivere dicéndi sunt, qui finem bene vivéndi vel cæcitáte nésciunt, vel inflatióne contémnunt. Non est autem cuiquam spes vera et certa semper vivéndi, nisi agnóscat vitam, quod est Christus, et per jánuam intret in ovile.

ñ. Apparuérunť Apóstolis dispertitæ linguæ tamquam ignis, allelúia: **†** Seditque supra singulos eórum Spíritus sanctus, allelúia, allelúia. **†** Et cœpérunt loqui

váriis linguis, prout Spíritus sanctus dabat éloqui illis. Seditque. **Bened.** Divinum auxílium.

Lectio ij.

QUÆRUNT ergo plerúmque tales hómines étiam persuadére homínibus, ut bene vivant, et Christiáni non sint. Per áliam partem volunt ascéndere, rápere et occidere: non ut bonus pastor, conserváre atque salváre. Fuérunt ergo quidam philósophi de virtútibus et vítiis subtília multa tractántes, dividéntes, definiéntes, ratiocinatiónes acutíssimas concludéntes, libros impléntes, suam sapiéntiam buccis crepántibus ventilántes, qui étiam dicere audérent homínibus: Nos sequímini, sectam nostram tenéte, si vultis beáte vivere. Sed non intrábant per óstium: pérdere volébant, mactáre et occidere.

R. Loquebántur váriis linguis Apóstoli magnália Dei, Prout Spíritus sanctus dabat éloqui illis, allelúia.

V. Repléti sunt omnes Spíritu sancto, et cœpérunt loqui. Prout. **Gloria Patri.** Prout.

Bened. Ad societátem.

Lectio iij.

QUID de istis dicam? Ecce ipsi Pharisæi legébant, et in eo quod legébant, Christum sonábant; ventúrum sperábant, et præsentem non

agnoscébant. Jactábant se étiam ipsi inter Vidéntes, hoc est, inter sapiéntes, et negábant Christum, et non intrábant per óstium. Ergo et ipsi, si quos forte sedúcèrent, mactándos et occidéndos, non liberándos sedúcèrent. Et hos dimittámus. Videámus illos, si forte ipsi intrant per óstium, qui ipsius Christi nómine gloriántur. Innumerábiles enim sunt, qui se Vidéntes non solum jactant, sed a Christo illuminátos vidéri volunt: sunt autem hærétici.

Te Deum laudámus. 17.

Ad Benedictus, Añsa.

Ego sum óstium, dicit Dóminus: per me si quis introierit, salvábitur, et páscua invéniet, allelúia.

Oratio.

ADSIT nobis, quæsumus Dómine, virtus Spíritus sancti: quæ et corda nostra cleménter expúrget, et ab ómnibus tueátur advérsis. Per Dñum. In unitáte ejúsdem.

Ad Magnificat, Añsa.

Pacem relínquo vobis, pacem meam do vobis, non quómodo mundus dat, ego do vobis, allelúia.

FERIA QUARTA

QUATUOR TEMPORUM.

V. Repléti sunt omnes Spíritu sancto, allelúia. **R.** Et cœpérunt loqui, allelúia. **Pater noster.** **Absol.** **A** vinculis **Bened.** Evangélica lécio.

Lectio sancti Evangélíi
secúndum Joánnem.

Lectio j. Cap. 6. c

IN illo témpore : Dixit Je-
sus turbis Judæórum :
Nemo potest veníre ad me ,
nisi Pater , qui misit me ,
tráxerit eum. Et réliqua.

Homília sancti Augustíni
Epíscopi.

Tr. 26. in Joann. post init.

NOLI cogitare te invitum
trahi : tráhitur ánimus
et amóre. Nec timére debé-
mus, ne ab homínibus , qui
verba perpéndunt, et a rebus
máxime divínis intelligén-
dis longe remóti sunt , in
hoc Scripturárum sanctá-
rum evangélico verbo fórsi-
tan reprehendámur , et di-
cátur nobis : Quómodo vo-
luntáte credo , si trahor ?
Ego dico : Parum est vo-
luntáte : étiam voluptáte
tráheris. Quid est , trahi
voluptáte ? Delectáre in Dó-
mino : et dabit tibi petitiónes
cordis tui. Est quædam vo-
lúptas cordis , cui panis
dulcis est ille cœléstis. Por-
ro si poétæ dicere licuit :
Trahit sua quemque volú-
ptas ; non necéssitas , sed
volúptas ; non obligatio sed
delectatio : quanto fórtius
nos dicere debémus , trahi
hóminem ad Christum , qui
delectátur veritate , dele-
ctátur beatitúdine , delectátur
justítia, delectátur sem-
pitérna vita , quod totum

Christus est ? An vero ha-
bent córporis sensus volu-
ptates suas , et ánimus de-
séritur a voluptátibus suis ?
Si ánimus non habet volu-
ptates suas , unde dicitur :
Filii autem hóminum sub
tégmine alárum tuárum spe-
rábunt : Inebriabúntur ab
ubertáte domus tuæ , et tor-
rénte voluptátis tuæ potá-
bis eos : Quóniam apud te
est fons vitæ , et in lúmine
tuo vidébimus lumen ?

R. Disciplinam et sapién-
tiam dócuit eos Dóminus ,
allelúia , firmávit in illis
grátiam Spíritus sui , * Et
intelléctu implévit corda eó-
rum , allelúia. **R.** Repentíno
namque sónitu Spíritus san-
ctus super eos venit. Et.
Bened. Divínium auxilium.

Lectio ij.

DA amántem , et sentit
quod dico : da deside-
rántem , da esuriéntem , da
in ista solitúdine pereгри-
nántem atque sitiéntem , et
fontem ætérnæ pátriæ sus-
pirántem : da talem , et scit
quid dicam. Si autem frí-
gido loquor , nescit quid lo-
quor. Tales erant isti qui
invicem murmurábant. Pa-
ter , inquit , quem tráxerit ,
venit ad me. Quid est au-
tem , Pater quem tráxerit ,
cum ipse Christus trahat ?
Quare voluit dicere , Pater
quem tráxerit ? Si trahéndi
sumus , ab illo trahámur ,

cui dicit quædam, quæ diligit : Post odorem unguentorum tuorum currémus. Sed quid intélligi vóluit, advertámus, fratres, et quantum póssumus capiámus. Trahit Pater ad Filium eos, qui propterea credunt in Filium, quia eum cógitant Patrem habére Deum. Deus enim Pater æquálem sibi génuit Filium : et qui cógitat, atque in fide sua sentit et rúminat, æquálem esse Patri eum, in quem crédidit, ipsum trahit Pater ad Filium.

R. Ite in univérsum orbem, et prædicáte Evangélium, allelúia. * Qui credíderit, et baptizátus fúerit, salvus erit, allelúia, allelúia, allelúia. **Ÿ.** In nómine meo dæmónia ejicient, linguis loquéntur novis, serpéntes tollent. Qui. **Glória Patri. Qui.**

Bened. Ad societátem.

Lectio iij.

ARIUS crédidit creatúram : non eum traxit Pater : quia non considerat Patrem, qui Filium non credit æquálem. Quid dicis, o Ari? Quid dicis, hærétice? quid lóqueris? Quid est Christus? Non, inquit, Deus verus, sed quem fecit Deus verus. Non te traxit Pater : non enim intellexísti Patrem, ejus Filium negas. Aliud cógitas, non est ipse Filius : nec a Patre tráheris,

nec ad Filium tráheris. Aliud est enim Filius, áliud quod tu dicis. Photínus dicit : Homo solum est Christus, non est et Deus. Qui sic credit, non Pater eum traxit. Quem traxit Pater? illum qui dicit : Tu es Christus Filius Dei vivi. Ramum viridem osténdis ovi, et trahis illam. Nuces púero demonstrántur, et tráhitur : et quod currit, tráhitur, amándo tráhitur, sine læsióne córporis tráhitur, cordis vínculo tráhitur. Si ergo ista, quæ inter delicias et voluptátes terrenas revelántur amántibus, trahunt, quóniam verum est, Trahit sua quemque voluptas : non trahit revelátus Christus a Patre? quid enim fórtius desiderat ánima, quam veritátem?

Te Deum laudámus. 17.

Ad Benedictus. Añã.

Ego sum panis vivus, * dicit Dóminus, qui de cœlo descéendi, allelúia, allelúia.

Oratio.

MENTES nostras, quæsumus Dómine, Paráclitus, qui a te procédit, illúminet : et inducat in omnem, sicut tuus promísit Filius, veritátem. Qui tecum vivit et regnat in unitáte ejúsdem Spíritus sancti Deus, per ómnia sæcula sæculórum.

Ad Magnificat. Añã.

Ego sum panis vivus, * qui de cœlo descéendi : si quis

manducáverit ex hoc pane ,
vivet in ætérnum ; et panis ,
quem ego dabo , caro mea
est pro mundi víta , allelúia .

FERIA QUINTA.

V. Spíritus Dómini replé-
vit orbem terrárum , alle-
lúia . **R.** Et hoc quod cón-
tinet ómnia , sciéntiam habet
vocis , allelúia . **Pater no-**
ster. **Absol.** **E**xáudi , Dómi-
ne . **Bened.** Evangélica lécio .

Lécio sancti Evangélii
secúndum Lucam .

Lectio j. Cap. 9.

In illo témpore : Convocá-
tis Jesus duódecim Apó-
stolis , dedit illis virtútem
et potestátem super ómnia
dæmónia , et ut languóres
curárent . Et réliqua .

Homília sancti Ambrósii
Episcopi .

Lib. 6. in c. 9. Lucæ.

QUALIS débeat esse qui
evangelízat regnum Dei ,
præcéptis evangélicis desi-
gnáture : ut sine virga , sine
pera , sine calceaménto , sine
pane , sine pecúnia , hoc
est , subsidii sæculáris ad-
minícula non requírens , fi-
déque tutus , putet sibi ,
quo minus ea requírat , ma-
gis posse suppétere . Quæ
possunt , qui volunt , ad eum
deriváre tractátum , ut spi-
ritálem tantúmmodo locus
iste formáre videáture affé-
ctum : qui velut indumén-
tum quoddam videáture cór-
poris exuísse , non solum

potestáte rejécta , contem-
ptisque divítiis , sed étiam
carnis ipsíus illécebris abdi-
cátis . Quibus primo ómnium
datur pacis atque constántiæ
generále mandátum , ut pa-
cem ferant , constántiam ser-
vent , hospitális necessitú-
dinis jura custódiant : alié-
num a prædicatóre regni
cœléstis ástruens cursitare
per domos , et inviolábilis
hospítii jura mutáre .

R. Advénit ignis divínus ,
non combúrens , sed illúmi-
nans : non consúmens , sed
lucens : et invénit corda
discipulórum receptácula
munda : **¶** Et tribuit eis
charísmatum dona , allelúia ,
allelúia . **V.** Invénit eos con-
córdes charitáte , et collu-
strávit eos inúndans grátia
Deitátis . Et . **Bened.** Diví-
num auxílium .

Lectio ij.

SED ut hospítii grátia de-
ferénda censétur : ita
étiam , si non recipiántur ,
executiéndum púlverem , et
egrediéndum de civitáte
mandátur . Quo non medió-
cris boni remunerátio docé-
tur hospítii , ut non solum
pacem tribuámus hospíti-
bus , verum étiam , si qua
eos terrénæ obúmbra de-
lícta levitátis , recéptis apo-
stólicæ prædicatiónis vesti-
giis auferántur . Nec otiose
secúndum Matthæum , do-
mus , quam ingrediántur

Apóstoli, eligenda decernitur: ut mutandi hospitii, necessitudinisque violandæ causa non suppetat. Non tamen eadem cautio receptori mandatur hospitii: ne, dum hospes eligitur, hospitalitas ipsa minuatur.

R. Spíritus sanctus replévit totam domum ubi erant Apóstoli: et apparuerunt illis dispertitæ linguæ tamquam ignis, seditque supra singulos eorum: * Et repléti sunt omnes Spíritu sancto: et cœperunt loqui váriis linguis, prout Spíritus sanctus dabat éloqui illis, allelúia, allelúia, allelúia. **V.** Dum ergo essent in unum discipuli congregáti propter metum Judæorum, sonus repente de cœlo venit super eos. Et. Glória Patri. Et. **Bened.** Ad societátem.

Lectio iij.

SED hæc, ut secúndum litteram de hospitii religione venerabilis est forma præcepti; ita étiam de mystério senténtia cœlestis arridet. Etenim cum domus eligitur, dignus hospes inquiritur. Videámus igitur, ne forte Ecclésia præferenda designétur et Christus. Quæ enim dignior domus apostolicæ prædicatiónis ingrèssu, quam sancta Ecclésia? Aut quis præferendus magis ómnibus vidétur esse, quam Christus, qui pedes suis la-

vare consuévit hospitibus: et quoscúmque sua recéperit domo, pollútis non patiátur habitare vestigiis; sed maculósos licet vitæ prióris, in réliquum tamen dignétur mundare procéssus: Hic est igitur solus, quem nemo debet desérere, nemo mutare. Cui bene dicitur: Dómine, ad quem ibimus? verba vitæ æternæ habes, et nos crédimus.

Te Deum laudámus. 17.

Ad Benedictus. Añá.

Convocátis Jesus * duódecim discipulis suis, dedit illis virtutem et potestatem super ómnia dæmónia, et ut languóres curarent: et misit illos prædicare regnum Dei, et sanare infirmos, allelúia.

Oratio

DEUS, qui hodiérna die corda fidélium sancti Spíritus illustratione docuisti: da nobis in eódem Spíritu recta sápere, et de ejus semper consolatione gaudere. Per Dóminum. In unitáte ejúsdem.

Ad Magnificat. Añá.

Spíritus * qui a Patre procedit, allelúia, ille me clarificábit, allelúia, allelúia.

FERIA SEXTA

QUATUOR TEMPORUM.

V. Spíritus Paráclitus, allelúia. **R.** Docébit vos ómnia, allelúia. **Pater noster.** **Absol.** Ipsius pietas. **Bened.** Evangélica lécitio.

Lectio sancti Evangélii
secúndum Lucam.

Lectio j. Cap. 5. d

In illo témpore: Factum est
in una diérum, et Jesus
sedébat docens. Et erant
Pharisæi sedéntes, et legis
doctóres, qui vénerant ex
omni castélló Galilææ, et
Judææ, et Jerúsalem: et
virtus Dómini erat ad sanán-
dum eos. Et réliqua.

Homília sancti Ambrósii
Episcopi.

L. 5. in c. 5. Luc., post init.

NON otíosa hujus paraly-
tici, nec angústa medi-
cína est, quando Dóminus
et orásse præmittitur: non
útique propter suffrágium,
sed propter exémplum. Imi-
tándi enim spécimen dedit,
non precándi ámbitum re-
quisívit. Et conveniéntibus
ex omni Galilæa, et Judæa,
et Jerúsalem legis doctóri-
bus, inter ceterórum remé-
dia debílium, paralytici
istíus medicína describitur.
Primum ómnium, quod ante
diximus, unusquísque æger
peténdæ precatóres salutis
debet adhibére, per quos
nostræ vitæ compágo reso-
lúta, actuúmque nostrórum
clauda vestígia, verbi cœ-
léstis remédio reforméntur.

ñ. Non vos me elegistis, sed
ego elégi vos, et pósui vos,
* Ut eátis, et fructum afferá-
tis, et fructus vester máneat,
allelúia, allel. **ꝛ.** Sicut misit

me Pater, et ego mitto vos.
Ut. **Ben.** Divinum auxiliúm.

Lectio ij.

SINT igitur áliqui monitó-
res mentis, qui ánimum
hóminis, quamvis exterióris
córporis debilitáte torpén-
tem, ad superióra érigant.
Quorum rursus adminículis
et attóllere et humiliáre se
fácilis ante Jesum locétur,
Domínico vidéri dignus as-
péctu. Humilitátem enim ré-
spicit Dóminus: quia respé-
xit humilitátem ancillæ suæ.
Quorum fidem ut vidit, di-
xit: Homo, remittúntur tibi
peccáta tua. Magnus Dñus,
qui aliórum mérito ignóscit
áliis: et dum álios probat,
áliis reláxat erráta. Cur apud
te homo, colléga non váleat,
cum apud Deum servus et in-
terveniéndi méritum, et jus
hábeat impetrándi?

ñ. Spíritus Dómini replé-
vit orbem terrárum: * Et
hoc quod cóninet ómnia,
sciéntiam habet vocis, al-
lelúia, allelúia. **ꝛ.** Omnium
est enim ártifex, omnem ha-
bens virtútem, ómnia pro-
spiciens. Et. **Glória Patri.**
Et. **Bened.** Ad societátem.

Lectio iij.

DISCE, qui júdicas, ignó-
scere: disce qui æger es,
impetráre. Si grávium pec-
catórum diffidis véniam, ad-
hibe precatóres, ádhibe Ec-
clésiam, quæ pro te precétur,
cujus contemplatióne quod

tibi Dóminus negáre posset, ignóscat. Et quamvis históriæ fidem non debeámus omítere, ut vere paralytici istius corpus credámus esse sanátum: cognósce tamen interiórís hóminis sanitátem, cui peccáta donántur. Cum Judæi ásserunt peccáta a solo Deo posse concédi, Deum útique eum confiténtur: suoque iudicio perfídiam suam produnt, qui opus ástruunt, ut persónam negent.

Te Deum laudámus. 17.

Ad Benedictus. Añá.

Dixit Jesus: * Ut sciátis autem, quia Filius hóminis habet potestátem in terra dimitténdi peccáta, ait paralytico: Tibi dico, surge, tolle lectum tuum, et vade in domum tuam, allelúia.

Oratio.

DA, quæsumus, Ecclésiæ tuæ, miséricors Deus, ut sancto Spíritu congregáta, hostili nullátenus incursióne turbétur. Per Dóminum. In unitáte ejúsdem.

Ad Magnificat. Añá.

Paráclitus autem * Spíritus sanctus, quem mittet Pater in nómine meo, ille vos docebit ómnia, et súggeret vobis ómnia quæcúmque dixeró vobis, allelúia.

SABBATO

QUATUOR TEMPORUM.

Ÿ. Repléti sunt omnes Spíritu sancto, allelúia. **R.** Et cœpérunt loqui, allelúia. **Pater**

noster. **Absol.** A vînculis. **Bened.** Evangélica lécitio.

Lécitio sancti Evangélii secundum Lucam.

Lectio j. Cap. 4. g

IN illo témpore: Surgens Jesus de synagóga, introiit in domum Simónis. Socrus autem Simónis tenebátur magnis fébribus. Et réliqua.

Homília sancti Ambrósii
Episcopi.

Lib 4. in Lucæ 4.

VIDE cleméntiam Dómini Salvatóris: nec indignatíone commótus, nec scélere offénsus, nec injúria violátus, Judæam désérit: quin étiam immemor injúriæ, memor cleméntiæ, nunc docéndo, nunc liberándo, nunc sanádo, infidæ plebis corda demúlcet. Et bene sanctus Lucas virum ab spíritu nequitiæ liberátum ante præmísit, et subdit féminæ sanitátem. Utrúmque enim sexum Dñus curáturus advénerat: sed prior sanári débuit, qui prior créatus est; nec prætermítti illa, quæ mobilitáte magis ánimi, quam pravitate, peccáverat.

R. Repléti sunt omnes Spíritus sancto, et cœpérunt loqui, prout Spíritus sanctus dabat éloqui illis: * Et convénit multitúdo dicéntium, allel. **Ÿ.** Loquebántur váriis linguis Apóstoli magnália Dei. Et. **Bened.** Divinum auxílium.

Lectio ij.

SABBATO medicínæ Domí-
nicæ ópera cœpta signi-
ficat, ut inde nova creatúra
cœperit, ubi vetus creatúra
ante desívit : nec sub lege
esse Dei Fílium, sed supra
legem in ipso princípío desi-
gnáret : nec solvi legem, sed
impléri. Neque enim per le-
gem, sed verbo factus est
mundus, sicut légimus :
Verbo Dómini cœli firmáti
sunt. Non sólvitur ergo lex,
sed implétur : ut fiat reno-
vátio hóminis jam labéntis.
Unde et Apóstolus ait : Ex-
poliántes vos vétorem hómi-
nem, indúite novum, qui
secúndum Deum créatus est.

R. Jam non dicam vos ser-
vos, sed amícos meos : quia
ómnia cognovistis, quæ ope-
rátus sum in médio vestri,
allelúia. * Accípite Spíri-
tum sanctum in vobis Pará-
clitum : ille est, quem Pater
mittet vobis, allelúia. † Vos
amíci mei estis, si fecéritis
quæ ego præcípio vobis. Ac-
cípite. **G**lória Patri. Acci-
pite. **B**ened. Ad societátem.

Lectio iij.

ET bene sabbato cœpit, ut
ipsum se osténderet
Creatórem, qui ópera opé-
ribus intéxeret, et prose-
querétur opus, quod ipse
jam cœperat : ut si domum
faber renováre dispónat,
non a fundaméntis, sed a
culmínibus incipit sólvare

vetustátem. Itaque ibi prius
manum ádmovet, ubi ante
desíerat : deinde a minóri-
bus incipit, ut ad majóra
pervéniat. Liberáre a dæ-
mone et hómines, sed in
verbo Dei possunt : resur-
rectiónem mórtuis imperá-
re, divinæ solíus est pote-
státis. Fortáassis étiam in
typo mulieris illíus socrus
Simónis et Andréæ, váriis
críminum fébribus caro no-
stra languébat, et diversá-
rum cupiditátum immódicis
æstuábat illécebris. Nec mi-
nórem febrem amóris esse
dixerim, quam calóris. Ita-
que illa ánimum, hæc cor-
pus inflámmat. Febris enim
nostra, avarítia est : febris
nostra, libído est : febris
nostra, luxúria est : fe-
bris nostra, ambítio est :
febris nostra, iracúndia est.
Te Deum laudámus. 17.

Ad Benedictus. Añña.

Cháritas Dei diffúsa est in
córdibus nostris, per inha-
bitántem Spíritum ejus in
nobis, allelúia.

Oratio.

MENTIBUS nostris, quæsu-
mus Dómine, Spíritum
sanctum benígnus infúnde :
eujus et sapiéntia cónđiti
sumus, et providéntia gu-
bernámur. Per Dóminum.
In unitáte ejúsdem.

Post Nonam, celebrata
Missa terminatur tempus
Paschale.

PROPRIUM

SANCTORUM.

DIE VI. FEBRUARIJ.

In Feste S. Titi. Episcopi
et Confessoris.

Duplex.

Omnia de Communi Cont.
Pont. lxiv. præter seq.

In Hymno, Iste Confessor,
mutatur tertius versus.

Oratio.

DEUS, qui beátum Titum,
Confessórem tuum at-
que Pontíficem, apostólicis
virtútibus decorásti : ejus
méritis, et intercessióne
concéde ; ut juste, et pie
vivéntes in hoc sæculo, ad
coeléstem pátriam perveníre
mereámur. Per Dóminum.

In j. Nocturno Lectiones
de Scriptura occurrente.

In secundo Nocturno

Lectio iv.

TITUM Creténsium Epi-
scopum vix Pauli Apó-
stoli verbo christiánæ fidei
Sacraméntis, mysteriisque
excúltum, ea sanctitátis luce
Ecclésiæ tunc vagiénti efful-
sisse compértum est, ut
inter ejusdem Doctóris Gén-
tium discipulos merúerit
cooptári. Adscítus in partem
óneris prædicatiónis, ádeo

evangelizándi ardóre, et fi-
delitáte Paulo éxitit cha-
rus, ut ipse cum venisset
Tróadem propter Evangé-
lium Christi, testátus sit,
non habuisse réquiem spi-
rítui suo, eo quod Titum
fratrem suum ibi non invé-
nerit. Et paulo post Mace-
dóniam petens, rursus
suam in eum charitátem ita
éxprimit : Sed qui consolá-
tur húmiles, consolátus est
nos Deus in advéntu Titi.

℞. Invéni David.

Lectio v.

QUAMOBREM Corínthum ab
Apóstolo missus, ea sa-
piéntia, et lenitáte legatiónis
hujus múnere fuctus est,
quæ præsertim de Fidélium
pietáte eleemósynas colli-
gendas ad sublevándam Ec-
clésiæ Hebræórum inópiam
spectábat, ut Corínthios
non solum in Christi fide
continúerit, sed étiam desi-
dérium, fletum, æmulatió-
nem inter eos pro Paulo,
qui illos primus instituit,
excitáverit. Ad effundén-
dum interim inter gentes,
linguis, locisque distinctas,

divini verbi semen, plúribus terra marique itinéribus reléctis, magnáque ánimí firmitáte pro Crucis trophæo curis laboribúsq; exantlátis, una cum duce Paulo Cretæ ínsulam áppulit. Cum porro huic Ecclésiæ Episcopus ab ipso Apóstolo deléctus esset, dubitándum non est, quín in eo múnere ita versátus sit, ut, juxta ipsíus Pauli præceptóris mónita, seípsum præbúerit exéplum bonórum óperum in doctrína, in integritáte, in gravitáte.

℞. Pósum adjutórium.

Lectio vj.

ITAQUE tamquam lucérna inter eos, qui in idololatriæ et mendaciórum ténebris, véluti in umbra mortis, sedébant, religiónis jubar diffúdit. Tráditur eum inter Dálmatas ut Crucis vexillum explicáret, strénue consudásse. Tandem meritórum et diérum plenus, quarto supra nonagésimum anno, pridie Nonas Januárii, pretiósa justórum morte obdormívit in Dómino, et sepúltus est in Ecclésia, ubi ab Apóstolo múnister fúerat constitútus. Hujus nomen a sancto Joánnē Chrysóstomo et a sancto Hierónymo præcipue commendátum, Martyrológio Románo eádem die inscriptum légitur; verum pro

ejus die festo cum Officio et Missa in Cathólico orbe recoléndo ab utróque clero, primam insequéntem diem liberam Summus Póntifex Pius Nonus assignávit.

℞. Iste est.

In ij. Noct. Hom. in Ev. Designávit Dóminus, de Comm. Evang. xix. cum ℞. de Comm. Conf. Pont. lxxij.

DIE VIII. FEBRUARII.

In Festo sancti Joannis de Matha, Confessoris.

Duplex.

Omnia de Comm. Conf. non Pont. lxxxiv. præter seq.

In Hymno, Iste Conféssor, mutatur tertius versus.

Oratio.

DEUS, qui per sanctum Joánnem Ordinem sanctissimæ Trinitátis ad rediméndum de potestáte Sarra cenórum captivos cœlitus institúere dignátus es: præsta, quæsumus; ut, ejus suffragántibus méritis, a captivitáte córporis et animæ, te adjuvántē, liberémur. Per Dóminum.

Et sit com. Feriæ.

In j. Noct. Lect. Beátus vir, de Comm. ij. loco. xcvj.

In secundo Nocturno.

Lectio iv.

JOANNES de Matha, Ordinis sanctissimæ Trinitátis Redemptionis Captivórum Institútor, Falcóne in Provinciá natus est paréntibus pietáte et nobilitáte

conspicuis. Studiôrum causa Aquas Séxtias, mox Parísios profectus, confectoque theologiæ currîculo, magistérii lâuream adéptus, doctrinæ et virtûtum splendóre enî-tuit. Quibus motus Parisiënsis Antistes, ad sacrum Presbyterátus órînem præ humilitate reluctântem promóvit, eo consilio, ut in ea civitate cómmorans, sapiëntia et mórîbus studiósæ juventúti prælucéret. Cum autem in sacéllo ejúsdem Episcopi, ipso cum áliis ad-stânte, primum Deo Sacrum offérret, cœlésti favóre méruit recreári. Nam Angelus cándida et fulgénti veste indútus, cui in pectore crux rúbei et cœrúlei colóris as-sûta erat, bráchiis cancellá-tis, et super duos captivos ad látera pósitos, Christiá-num unum, álterum Mau-rum, exténsis apparuit. Qua visione in éxtasim raptus, intelléxit prótinus vir Dei, se ad rediméndum ab infi-délîbus captivos destinári.

¶ Honéstum fecit.

Lectio v.

QUO vero matúrius in re tanti moménti procédere-t, in solitudinem secéssit, ibique divino nutu factum est, ut Felicem Valésium in ipsa erémo jam multis an-nis degéntem repérerit: cum quo inîta societâte, se per triénnium in oratione et

contemplatióne, omniúm-que virtûtum stúdio exér-cuit. Cántigit autem, ut, dum secum de rebus divinis prope fontem colloquerén-tur, cervus ad eos accésse-rit, crucem inter córnuâ gerens, rúbei et cœrúlei co-lóris. Cumque Felix ob rei novitatem mirarétur, nar-rávit ei Joánnes visionem in prima Missa hábitam; et exínde fervéntius oratióni incumbéntes, ter in somnis admóniti, Romam proficisci decrevérunt, ut a Summo Pontifice novi Ordinis pro rediméndis captivis institu-tiónem impetrarent. Elé-ctus fúerat eo témpore In-nocéntius Tértius, qui, illis benígne accéptis, dum se-cum de re propósita delíbe-rat, in festo sanctæ Agnétis secúndo, Lateráni, intra Missárum solémnia ad sa-cræ Hóstiæ elevatiónem, Angelus ei cándida veste, cruce bicolóri, spécie redi-méntis captivos apparuit. Quo viso, Póntifex Institú-tum approbávit, et novum Ordinem sanctíssimæ Tri-nitátis Redemptiônis Capti-vórum vocári jussit, ejús-que professoribus albas ve-stes cum cruce rúbei et cœrúlei colóris præbuit.

¶ Amávit eum.

Lectio vj.

SIC stabilito Ordine, san-cti Fundatóres in Gál-

liam rediérunt, primóque cœnóbio Cervi frigidi in diœcési Meldénsi constrúcto, ad ejus régimen Felix remánsit, et Joánnes Romam cum áliquot sóciis revérsus est, ubi Innocéntius domum, Ecclésiám, et hospitále sancti Thomæ de Formis in monte Cœlio eis donávit, cum multis redditibus et possessionibus. Datís quoque lîtteris ad Miramolinum regem Maróchii, opus redemptionis felici auspicio inchoátum fuit. Tum ad Hispánias, sub jugo Sarracenórum magna ex parte oppréssas, Joánnes profectus est, Regúmque, Principum, atque aliórum fídelium ánimos ad captivórum et páuperum commiserationem commóvit. Monastéria ædificávit, hospitalia eréxit, magnóque lucro animárum plures captivos redémit. Romam tandem revérsus, sanctisque opéribus incumbens, assíduis labóribus attrítus, et morbo confectus, ardentíssimo Dei, et próximi amore exæstuans, ad extrémum devénit. Quare frátribus convocátis, eisque ad opus redemptionis cœlitus præmonstrátum effícaciter cohortátis, obdormívit in Dómino sextodécimo Kaléndas Januárii, anno salutis millésimo ducentésimo décimo tértio, ejúsque cor-

pus in ipsa Ecclésia sancti Thomæ de Formis condígnó honóre tumulátum fuit.

R. Iste homo.

In iij. Noct. Homilia in Evang. Sint lumbi xcij.

Lectio ix. legitur de Homilia Feriæ occurr., et de exitu com. in Laud. et Vesp.

In ij. Vesp. fit com. Feriæ, ac S. Apolloniæ Virg. et Mart.

DIE IX. FEBRUARII.

S. Apolloniæ, Virg. et Mart. Ana. Veni, sponsa. V. Spécie tua.

Oratio.

DEUS, qui inter cétera potentíæ tuæ miracula étiam in sexu frágili victóriam martyrii contulisti: concéde propítius; ut, qui beátæ Apollóniæ, Virginis et Mártýris tuæ, natalitia cólimus, per ejus ad te exéempla gradiámur. Per Dóminum.

Ad laudes, Ana. Símile est. V. Diffusa.

DIE X. FEBRUARII.

In Festo S. Scholasticæ, Virginis. Duplex.

Omnia de Comm. Virg. ej. præter sequentia.

Oratio.

DEUS, qui ánimam beátæ Virginis tuæ Scholásticæ, ad ostendéndam innocéntiæ viam, in colúmbæ spécie cœlum penetráre fecisti: da nobis, ejus méritis et préciis, ita innocénter vívere,

ut ad ætérna mereámur gáudia pervenire. Per Dñum.

Et fit com. Feriæ.

In j. Noct. Lectiones, De virginibus, de Comm. cvij.

In secundo Nocturno.

Ex libro secúndo Dialogórum S. Gregórii Papæ.

Lectio iv. Cap. 33.

SCHOLASTICA, venerábilis patris Benedicti soror, omnipoténti Dómino ab ipso infántiæ témpore dedicáta, ad eum semel per annum venire consuéverat: ad quam vir Dei non longe extra jánuam in possessione monastérii descendébat. Quadam vero die venit ex more, atque ad eam cum discipulis venerábilis ejus descendit frater, qui totum diem in Dei láudibus, sacrisque collóquiis ducéntes, incumbéntibus jam noctis ténebris, simul accepérunt cibum. Cumque adhuc ad mensam sedérent, et inter sacra collóquia tárdior se hora protráheret, éadem sanctimoniális fémína soror ejus cum rogávit, dicens: Quæso te, ut ista nocte me non déseras, ut usque mane de cœléstis vitæ gáudiis loquámur. Cui ille respóndit: Quid est quod lóqueris, soror? manére extra cellam nullátenus possum. Tanta vero erat cœli serénitas, ut nulla in áere nubes apparéret. Sanctimoniális au-

tem fémína, cum verba fratris negántis audivisset, insértas dígitis manus super mensam pósuit, et caput in mánibus omnipoténtem Dóminum rogátúra declinávit. Cumque leváret de mensa caput, tanta coruscationis et tonítrui virtus, tantaque inundátio plúviæ erúpit, ut neque venerábilis Benedictus, neque fratres, qui cum eo áderant, extra loci limen, quo conséderant, pedem movére potúerint.

ñ. Propter veritátem.

Lectio v.

SANCTIMONIALIS quippe fémína caput in mánibus declinans, lacrymárum flúvium in mensam fúderat, per quas serenitátem áeris ad plúviam traxit. Nec paulo tárdius post oratiónem inundátio illa secúta est: sed tanta fuit conveniéntia oratiónis et inundatiónis, ut de mensa caput jam cum tonítruo leváret: quátenus unum, idémque esset mómentum, et leváre caput, et plúviam depónere. Tunc vir Dei inter corúscos, et tonítruos, atque ingéntis plúviæ inundatiónem, videns se ad monastérium non posse remeáre, cœpit cónqueri contristátus, dicens: Parcat tibi omnipotens Deus, soror; quid est quod fecisti? Cui illa re-

spóndit : Ecce rogávi te , et audire me noluísti ; rogávi Deum meum , et audívit me : modo ergo , si potes , egrédere , et , me dimíssa , ad monastérium recéde. Ipse autem exíre extra tectum non valens , qui remanére sponte nóluit in loco , mansit invítus. Sicque factum est , ut totam noctem pervigilem dúcerent , atque per sacra spiritalis vitæ collóquia , sese vicária relatióne satiarent.

R. Dilexísti justítiam.

Lectio vj.

CUMQUE die áltero éadem venerábilis fémina ad cellam própriam recessisset , vir Dei ad monastérium rédiit. Cum ecce , post tríduum in cella consistens , elevátis in áera óculis , vidit ejúsdem soróris suæ ánimam de corpore egréssam , in colúmbæ spécie cœli secréta penetráre. Qui tantæ ejus glóriæ congáudens , omnipoténti Deo in hymnis et láudibus grátias réddidit , ejúsque óbitum frátribus denuntiávit. Quos étiam prótinus misit , ut ejus corpus ad monastérium deférrent , atque in sepúlchro , quod sibi ipsi paráverat , pónerent. Quo facto cóntigit , ut quorum mens una semper in Deo fúerat , eórum quoque cörpera nec sepultúra separáret.

R. Afferéntur Regi.

In iij. Noct. Homilia in Evang. Símile erit.... decem virgínibus. cxv.

Lectio ix. de Homilia Feriæ , ac de ea sit com. in Laudibus et Vesperis.

DIE XIV. FEBRUARII.

S. Valentini , Presbyteri et Martyris.

Añã. Iste Sanctus. V. Glória. Oratio.

PRÆSTA , quæsumus omnipotens Deus : ut qui beáti Valentini Mátyris tui natalítia cólimus , a cunctis malis imminéntibus , ejus intercessióne , liberémur. Per Dóminum.

In Laud. Añã. Qui odit. V. Justus.

DIE XV. FEBRUARII.

SS. Faustini et Jovitæ. Mart. Añã. Istórum. V. Lætámini.

Oratio.

DEUS , qui nos ánnua sanctorum Mátyrum tuorum Faustini et Jovitæ solemnitáte lætíficas : concéde propítius ; ut quorum gaudémus méritis , accendámur exémpis. Per Dóminum.

In Laud. Añã. Vestri capilli. V. Exultábunt.

DIE XVIII. FEBRUARII.

S. Simeonis , Ep. et Mart. Añã. Iste Sanctus. V. Glória.

Oratio.

INFIRMITATEM nostram respice , omnipotens Deus : et quia pondus própriæ actiόνis gravat , beáti Simeónis , Mátyris tui atque Pon-

tificis, intercēssio gloriōsa
nos protégat. Per Dóminum.

In Laud. Añā. Qui odit.

ſ. Justus.

DIE XXII. FEBRUARII.

In Cathedra S. Petri

Antiochiæ.

Duplex majus.

Omnia de Communi Conf.

Pont. Ixiv. præter seq.

Ad Vesperas, Hymnus.

QUODCUMQUE in orbe nexi-
bus revínxeris,

Erit revínctum, Petre, in
arce siderum :

Et quod resólvit hic poté-
stas tráditá

Erit solútum cœli in alto
vértice :

In fine mundi judicábis sæ-
culum.

Patri perénne sit per ævum
glória,

Tibique laudes concinámus
ínclytas,

Ætérne Nate; sit, supérne
Spíritus,

Honor tibi decúsque : san-
cta jùgiter

Laudétur omne Trínitas per
sæculum. Amen.

*ſ. Tu es Petrus. R. Et su-
per hanc petram ædificábo
Ecclésiám meam.*

Ad Magnificat, Añā.

Tu es pastor óvium, prin-
ceps Apostolórum, tibi trá-
ditæ sunt claves regni cœ-
lórum.

Oratio.

DEUS, qui beáto Petro Apó-
stolo tuo, collátis clávi-

bus regni cœléstis, ligándi
atque solvéndi pontificium
tradidisti : concéde ; ut, in-
tercessiónis ejus auxílio, a
peccatórum nostrórum nexi-
bus liberémur. Qui vivis.

*Deinde fit com. S. Pauli
ante alias quascumque com-
mem., etiam Festi Duplicis.
aut Dñicæ. Quod et servatur
in com. S. Petri, quæ fit in
Festis S. Pauli, Añā. Sancte
Paule Apóstole, prædicátor
veritátis, et Doctor Géntium,
intercéde pro nobis ad
Deum, qui te elégit. ſ. Tu es
vas electiónis, sancte Paule
Apóstole. R. Prædicátor ve-
ritátis in univérso mundo.*

Oratio.

DEUS, qui multitudinem
Géntium beáti Pauli
Apóstoli prædicatióne do-
cuisti : da nobis, quæsu-
mus ; ut, cujus commemo-
ratióem cólimus, ejus apud
te patrocínia sentiámus.

Deinde de Feria occurr.

Ad Matutinum. Invitat.

Tu es pastor óvium, prin-
ceps Apostolórum : * Tibi
trádidit Deus claves regni
cœlórum. Ps. Veníte. 2.

Hym. Quodcúmque.

In primo Nocturno.

Incipit Epístola prima beáti
Petri Apóstoli.

Lectio j. Cap. 1.

PETRUS Apóstolus Jesu
Christi, eléctis ádvenis
dispersiόνis Ponti, Galá-
tiæ, Cappadóciæ, Asiæ, et

Bithyniæ, secundum præscientiam Dei Patris, in sanctificationem Spiritus, in obedientiam, et aspersionem sanguinis Jesu Christi: Grátia vobis et pax multiplicétur. Benedictus Deus et Pater Dómini nostri Jesu Christi, qui secundum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditatem incorruptibilem, et incontaminátam, et immarcescibilem, conservátam in cœlis in vobis, qui in virtute Dei custodimini per fidem in salutem, parátam revelári in témpore novíssimo.

℞. Simon Petre, ántequam de navi vocárem te, novi te, et super plebem meam princípem te constitui, * Et claves regni cœlórum trádidi tibi. ✠. Quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. Et.

Lectio ij.

IN quo exultábitis, módicum nunc si opórtet contristári in váriis tentationibus: ut probátio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatione Jesu Christi: quem cum non vidéritis, diligitis:

in quem nunc quoque non vidéntes créditis: credéntes autem exultábitis lætítia inenarrábili, et glorificáta: reportántes finem fidei vestræ, salutem animárum. ℞. Si diligis me, Simon Petre, pasce oves meas. Dómine, tu nosti, quia amo te, * Et ánimam meam pono pro te. ✠. Si oportúerit me mori tecum, non te negábo. Et.

Lectio iij.

DE qua salutē exquisiérunt, atque scrutáti sunt Prophétæ, qui de futura in vobis grátia prophetavérunt: scrutántes in quod vel quale tempus significáret in eis Spíritus Christi: prænúntians eas quæ in Christo sunt passiones, et posteriôres glórias: quibus revelátum est, quia non sibi metípsis, vobis autem ministrábant ea, quæ nunc nuntiáta sunt vobis per eos qui evangelizavérunt vobis, Spíritu sancto misso de cœlo, in quem désiderant Angeli prospicere.

℞. Tu es Petrus, et super hanc petram ædificábo Ecclesiám meam, et portæ inferi non prævalébunt advérsus eam: * Et tibi dabo claves regni cœlórum. ✠. Quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. Et. Gloria Patri. Et.

In secundo Nocturno.

Sermo S. Augustini Episc.

Lectio iv. Serm. 15. de SS.

INSTITUTIO solemnitätis hodiernæ a senioribus nostris Cathedræ nomen accepit, ideo quod primus Apostolorum Petrus hodie Episcopatus cathedram suscepisse referatur. Recte ergo Ecclesiæ natalem sedis illius colunt, quam Apostolus pro Ecclesiarum salute suscepit, dicente Domino: Tu es Petrus, et super hanc petram ædificabo Ecclesiam meam.

ñ. Tu es pastor ovium, princeps Apostolorum: tibi tradidit Deus omnia regna mundi: * Et ideo tibi traditæ sunt claves regni cœlorum. *ŷ.* Quodcunque ligaveris super terram, erit ligatum et in cœlis: et quodcunque solveris super terram: erit solutum et in cœlis. Et.

Lectio v.

PETRUM itaque fundamentum Ecclesiæ Dominus nominavit: et ideo digne fundamentum hoc Ecclesia colit, supra quod ecclesiastici ædificii altitudo consurgit. Unde convenienter Psalmus, qui lectus est, dicit: Exaltent eum in Ecclesia plebis, et in cathedra seniorum laudent eum. Benedictus Deus, qui beatum Petrum Apostolum in Ecclesia exaltari præcepit: quia dignum est, ut funda-

mentum hoc in Ecclesia honoretur, per quod ad cœlum conscenditur.

ñ. Ego pro te rogavi, Petre, ut non deficiat fides tua: * Et tu aliquando conversus confirma fratres tuos. *ŷ.* Caro et sanguis non revelavit tibi, sed Pater meus, qui in cœlis est. Et.

Lectio vj.

QUOD natalis ergo Cathedræ hodie colitur, sacerdotale honoratur officium. Sibi hoc Ecclesiæ invicem præstant, quia tanto necesse plus habet Ecclesia dignitatis, quanto sacerdotale officium plus honoris. Cum solemnitatem hanc Ecclesiis merito religiosa observatio introduxerit, miror, cur apud quosdam infideles hodie tam perniciosus error increverit, ut super tumulos defunctorum cibos et vina conferant, quasi egressæ de corporibus animæ carnales cibos requirant.

ñ. Petre, amas me? tu scis, Domine, quia amo te. * Pasce oves meas. *ŷ.* Simon Joannis, diligis me plus his? tu scis, Domine, quia amo te. Pasce. Glória Patri. Pasce.

In tertio Nocturno.

Lectio sancti Evangelii secundum Matthæum.

Lectio vij. Cap. 16. b

In illo tempore: Venit Jesus in partes Cæsariæ

Philippi, et interrogabat discipulos suos, dicens: Quem dicunt homines esse Filium hominis? Et reliqua.

Homilia S. Leónis Papæ.

Serm. 3. in anniversario
as:u npt. suæ, post init.

APOSTOLOS Dóminus, quid de se homines opinentur, interogat: et tamdiu sermo respondentium communis est, quamdiu humanæ intelligentiæ ambiguitas explicatur. At ubi quid habeat sensus discipulorum exigitur, primus est in Dómini confessione, qui primus est in apostólica dignitate. Qui cum dixisset: Tu es Christus Filius Dei vivi: respondit ei Jesus: Beatus es, Simon Bar-Jona, quia caro et sanguis non revelavit tibi, sed Pater meus qui in cœlis est. Id est, ideo beatus es, quia Pater meus te docuit: nec terræ opinio te fefellit, sed inspiratio cœlestis instruxit: et non caro et sanguis, sed ille me tibi, cujus sum unigenitus Filius, indicavit.

R. Quem dicunt homines esse Filium hominis? dixit Jesus discipulis suis. Respondens Petrus, dixit: Tu es Christus Filius Dei vivi.

* Et ego dico tibi, quia tu es Petrus, et super hanc petram ædificabo Ecclesiam meam. **V.** Beatus es, Simon Bar Jona, quia caro et san-

guis non revelavit tibi, sed Pater meus qui est in cœlis. Et.

Lectio viij.

ET ego, inquit, dico tibi: hoc est, sicut Pater meus tibi manifestavit divinitatem meam, ita et ego tibi notam facio excellentiam tuam, quia tu es Petrus, id est, cum ego sim inviolabilis petra, ego lapis angularis, qui facio utraque unum, ego fundamentum præter quod nemo potest aliud pōnere; tamen tu quoque petra es; quia mea virtute solidaris, ut, quæ mihi potestate sunt propria, sint tibi mecum participatione communia. Et super hanc petram ædificabo Ecclesiam meam, et portæ inferi non prævalēbunt adversus eam. Super hanc, inquit, fortitudinem æternum extruam templum: et Ecclesiæ meæ cœlo inserenda sublimitas, in hujus fidei firmitate consurget.

R. Elēgit te Dóminus sacerdotem sibi, ad sacrificandum ei * Hóstiam laudis. **V.** Immola Deo sacrificium laudis, et redde Altíssimo vota tua. Hóstiam. Glória Patri. Hóstiam.

Lectio ix. de Hom. Feria occurrentis.

Ad Laudes. Hymnus.

BEATE Pastor Petre, clemens accipe

Voces precantum, criminum-
que vincula

Verbo resolve, cui potestas
tradita

Aperire terris cœlum, apër-
tum claudere.

Sit Trinitati sempiterna
glória,

Honor, potestas, atque ju-
bilatio,

In unitate, quæ gubernat
omnia,

Per universa æternitatis
sæcula. Amen.

¶ Exaltent eum in ecclé-
sia plebis. *R.* Et in cathé-
dra seniorum laudent eum.

Ad Benedictus. Ant.

Quodcumque ligaveris super
terram, erit ligatum et in
cœlis; et quodcumque sol-
veris super terram, erit so-
lutum et in cœlis; dicit
Dóminus Simóni Petro.

Oratio.

DEUS, qui beato Petro
Apóstolo tuo, collatis
clávibus regni cœlestis, li-
gandi atque solvendi ponti-
ficium tradidisti: concede;
ut, intercessiónis ejus auxí-
lio, a peccatorum nostrorum
néxibus liberémur. Qui vivis.

*Deinde sit com. S. Pauli,
ut 419. et Ferie occurr.*

In ij. Vesp. Hymn. ut in j.

¶ Elégit te Dóminus sa-
cerdotem sibi. *R.* Ad sacri-
ficandum ei hóstiam laudis.

Ad Magnificat, Ant.

Dum esset summus Póntifex,
terréna non méuit, sed ad

cœlestia regna gloriósus mi-
grávit.

*Et sit com. S. Pauli, ut
419. Deinde seq. et Fer.*

DIE XXIII. FEBRUARII.

In Festo S. Petri Damiani.

Episc., Conf. et Eccl. Doct.

Duplex.

*Ad Magnificat in utrisque
Vesp., Ant.* O Doctor ópti-
me, Ecclésiæ sanctæ lumen,
beáte Petre, divínæ legis
amátor, deprecáre pro nobis
Fílium Dei.

Oratio

CONCEDE nos, quæsumus
Omnípotens Deus, beáti
Petri, Confessóris tui atque
Pontíficis, mónita et exém-
pla sectári; ut per terré-
strium rerum contéptum
ætérna gáudia consequá-
mur. Per Dóminum.

Deinde sit com. Ferie.

In j. Nocturno Lectiones.

Fidélis sermo. lxxj.

In secundo Nocturno.

Lectio iv.

PETRUS, Ravénnæ honéstis
paréntibus natus, adhuc
lactens a matre, numerosæ
prolis pertæsa, abjicitur, sed
domésticæ mulieris ópera
semivivus excéptus ac re-
creátus, genitríci ad huma-
nitátis sensum revocatæ
rédditur. Utróque orbátus
parénte, tamquam vile man-
cípium sub áspera fratris
tutéla duram servitútem
exércuit. Religiónis in Deum,
ac pietátis erga patrem egré-

gium tunc spécimen dedit : inventum siquidem forte nummum, non propriæ indiciæ sublevandæ, sed Sacerdoti, qui divinum Sacrificium ad illius expiationem offerret erogavit. A Damiáno Fratre, a quo, uti fertur, cognomentum accepit, benigne receptus, ejus cura litteris eruditur, in quibus brevi tantum profecit, ut magistris admirationi esset. Quum autem liberalibus scientiis floreret et nomine, eas cum laude docuit. Interim, ut corpus rationi subderet, sub mollibus vestibus cilicium adhibuit, jejuniis, vigiliis, et orationibus solenter insistens. Calente juvenita, dum carnis stimulis acriter urgeretur, insultantium libidinum faces rigentibus fluvii mersus aquis noctu extinguébat ; tum venerabilia quæque loca obire, totumque Psalterium recitare consueverat. Ope assidua pauperes levabat, quibus frequenter pastis convivio, propriis ipse manibus ministrabat.

¶. *Invéni David.*

Lectio v.

PERFICIENDÆ magis vitæ causa, in Avellanénsi Eugubinæ diocesis cœnobio, Ordini Monachorum sanctæ Crucis Fontis Avellanæ, a beato Ludolpho sancti Romuáldi discipulo fundato, nomen dedit. Non ita multo

post in monasterium Poinposiánum, mox in cœnobium sancti Vincéntii Petræ Pertúsæ ab Abbate suo missus, utrumque asceterium verbo sacro, præclaris institutionibus, et moribus excóluit. Ad suos revocatus, post Præsidis obitum, Avellanitarum Familiæ præficitur, quam novis variis in locis extructis domiciliis, et sanctissimis institutis ita auxit : ut alter ejus Ordinis Parens, ac præcipuum ornámentum jure sit hábitus. Salutárem Petri sollicitudinem ália quoque diversi instituti cœnobia, Canonicorum Convéntus, et pópuli sunt expérti. Urbínati diocési non uno nomine profuit : Theuzóni Episcopo in causa gravissima assédit, ipsúmque in recte administrádo Episcopátu consílio et ópera juvit. Divinorum contemplatione, corporis macerationibus, cæterisque spectatæ sanctimoniæ extrémis excélluit. His motus Stéphanus Nonus Póntifex Máximus eum, licet invitum et reluctántem, sanctæ Románæ Ecclesiæ Cardinalem creávit, et Ostiensem Episcopum. Quas Petrus dignitates splendidissimis virtutibus, et consentáneis episcopáli ministerio opéribus géssit.

¶. *Pósui adjutórium.*

Lectio vj.

DIFFICILLIMO tempore Romane Ecclesiæ, Summisque Pontificibus doctrina, legationibus, aliisque susceptis laboribus mirifice adfuit. Adværsus Nicolaitarum et Simoniacam hæreses ad mortem usque strénue decertavit. Hujusmodi depulsis malis, Mediolanensem Ecclesiæ Romane conciliavit. Benedicto, et Cadáloo falsis Pontificibus fórtiter réstitit. Henricum Quartum Germaniæ Regem ab iníquo uxóris divórtio deterruit: Ravennates ad débita Romano Pontífici obséquia revocatos sacris restituit. Canónicos Veliternos ad sanctiõris vitæ leges compósuit. In Provincia præsertim Urbinate vix ulla fuit episcopális Ecclesiá, de qua Petrus non sit bene méritus; Eugubínam, quam aliquándó créditoam hábuit, multis levávit incómmodis; álias álibi, quando opórtuit, perinde curávit, ac si suæ essent tutelæ commíssæ. Cardinalátu, et episcopáli dignitaté depósitis, nihil de pristina juvándi próximos sedulitaté remisit. Junium sextæ Fériæ in honorem sanctæ Crucis Jesu Christi, horárias beátæ Dei Genitricis preces, ejusque die Sábbato cultum propagávit. Inferéndæ quoque

sibi verberatiõnis morem ad patratórum scélerum expiatiõnem provéxit. Demum sanctitaté, doctrina, miráculis, et præclære actis illústris, dum e Ravennate legatiõne rediret, Favéntiæ, octávo Kaléndas Mártii, migrávit ad Christum. Ejus corpus ibídem apud Cistercienses multis miráculis clarum frequénti populórum veneratiõne cólitur. Ipsum Faventini non semel in præsénti discrimine propítium expérti, Patrónum apud Deum delegérunt: Leo vero Duodécimus Póntifex Máximus Officium Missámque in ejus honórem tamquam Confessóris Pontíficis, quæ aliquibus in diocésibus, atque in Ordine Camaldulénsium jam celebrabántur, ex Sacrórum Rítuum Congregatiõnis consúlto, áddita Doctóris qualitaté, ad universam exténdit Ecclesiám.

R. Iste est qui ante.

In iij. Nocturno Homilia in Evang. Vos estis sal terræ, de Comm. Doct. j. loco lxxxj.

Lectio ix. de Hom. Feriæ.

Vesperæ, si non sit bissextilis, de seq., cum com. S. Petri, et Feriæ.

DIE XXIV. VEL XXV.

FEBRUARII ANNO BISSEXTILI.

In Festo S. Mathiæ, Apost.

Duplex ij. classis.

Omnia de Comm. Apost.

j. præter seq.

Oratio.

DEUS, qui beátum Mathíam Apostolorum tuorum collégio sociásti : tribue quæsumus ; ut, ejus interventióne, tuæ circa nos pietátis semper viscera sentiámus. Per Dóminum.

Deinde sit com. Feriæ.

In primo Nocturno.

De Actibus Apostolorum.

Lectio j. Cap. 1. c

IN diébus illis exúrgens Petrus in médio fratrum dixit : (erat autem turba héminum simul, fere centum viginti) Viri fratres, opórtet impléri Scriptúram, quam prædixit Spíritus sanctus per os David de Juda, qui fuit dux eórum qui comprehendérunt Jesum : qui connumerátus erat in nobis, et sortítus est sortem ministérii hujus. Et hic quidem possédit agrum de mercéde iniquitátis, et suspénsus crépuit médius : et diffusa sunt ómnia viscera ejus.

R. Ecce ego mitto vos sicut oves in médio lupórum, dicit Dóminus : * Estóte ergo prudentes sicut serpéntes, et simplices sicut columbæ. **V.** Dum lucem habétis, créдите in lucem, ut filii lucis sitis. Estóte.

Lectio ij.

ET notum factum est ómnibus habitántibus Jerúsalem, ita ut appellarétur ager ille, lingua eórum, Hacélda-

ma, hoc est, ager sanguinis. Scriptum est enim in libro Psalmórum : Fiat commorátio eórum desérta, et non sit qui inhábitet in ea : et episcopátum ejus accípiat alter. Opórtet ergo ex his viris qui nobíscum sunt congregáti in omni témpore, quo intrávit et exívit inter nos Dóminus Jesus, incípiens a baptísmate Joánnis usque in diem qua assúptus est a nobis, testem resurrectiónis ejus nobíscum fieri unum ex istis.

R. Tóllite jugum meum super vos, dicit Dóminus, et discite a me, quia mitis sum, et húmilis corde : * Jugum enim meum suáve est, et onus meum leve. **V.** Et inveniétis réquiem animábus vestris. Jugum.

Lectio iij.

ET statuérunt duos, Joseph, qui vocabátur Bár-sabas, qui cognominátus est Justus, et Mathíam. Et orántes dixerunt : Tu Dómine, qui corda nosti ómnium, osténde, quem elégeris ex his duóbis unum, accipere locum ministérii hujus, et Apostolátus, de quo prævaricátus est Judas, ut abíret in locum suum. Et dedérunt sortes eis, et cécidit sors super Mathíam, et annumerátus est cum úndecim Apóstolis.

R. Dum stetéritis ante

reges et præsides, nolite cogitare quomodo aut quid loquàmini : * Dabitur enim vobis in illa hora, quid loquàmini. *V.* Non enim vos estis qui loquimini, sed Spiritus Patris vestri, quid loquitur in vobis. Dabitur. *Gloria Patri. Dabitur.*

In ij. Noct. Lect. Fundamenta ejus, de Comm. Apost. ij. loco. xvj.

In iij. Noct. Homilia in Evang. Confiteor, de Comm. Abbat. ij. loco. cj. cum RRR. de Comm. Apost. xj.

Lectio ix. de Hom. Feriæ occurr. et de ea fit commemoratio.

DIE IV. MARTII

In Festo S. Casimiri. Conf. Semiduplex.

Omnia de Communi Conf. non Pont. lxxxiv. præter sequentia.

Oratio.

DEUS, qui inter regales delicias, et mundi illcebras, sanctum Casimírum virtute constantiæ roborasti : quæsumus ; ut, ejus intercessióne, fideles tui terrena despiciant, et ad cœlestia semper aspirent. Per Dóminum.

Deinde fit com. Feriæ.

Postea S. Lucii, Papæ et Mart., Aña. Iste Sanctus. V. Gloria.

Oratio.

DEUS, qui nos beati Lucii, Mártiris tui atque Pon-

tificis, ánnua solemnitate lætificas : concéde propítius ; ut ejus natalitia cólimus, de ejusdem étiam protectióne gaudeámus. Per Dñum.

In j. Nocturno Lectiones. Justus si morte, de Comm. lxxxvij.

In secundo Nocturno.

Lectio iv.

CASIMIRUS, patre Casimíro, matre Elisabéthâ Austriaca, Polóniæ régibus ortus, a puerítia sub óptimis magistris, pietáte et bonis artibus instrúctus, juveniles artus áspero domábat cilicio, et assiduís extenuábat jejúniis. Régii spreta lecti mollitie, dura cubábat humo, et clam intempésta nocte præ fóribus templórum pronus in terra divínâ exorábat cleméntiam. In Christi contemplánda passióne assíduus, Missárum solémniis ádeo crécta in Deum mente solébat adesse, ut extra se rapi viderétur.

R. Honéstum fecit.

Lectio v.

CATHOLICAM promovére fidem summópere stúduit, et Ruthenórum schisma abolére : quaprópter Casimírum patrem indúxit, ut legem ferret, ne schismáticos nova templa construerent, nec vétera collabéntia restaurarent. Erga páuperes et calamitatibus opprésos benéficus et miséricors,

patris et defensóris egenórum nomen obtinuit. Virginitatem , quam ab incubulis servávit illæsam , sub extrémó vitæ término fórtiter asséruiť, dum gravi pressus infirmitate , mori pótius , quam castitátis jactúram ex medicórum consílio subire , constánter decrevíť.

R. Amávit eum.

Lectio vij.

CONSUMMATUS in brevi, virtutibus et méritis plenus, prænuntiáto mortis die, inter Sacerdótum et Religiosórum choros spíritum Deo réddidit, anno ætátis vigésimo quinto. Corpus Vilnam delátum multis claret miráculis. Etenim , præterquam quod puélla defúncta vitam, cæci visum, claudi gressum, et várii infirmi sanitátem ad ejus sepúlchrum recuperáruť : Lithuánis exíguo número ad potentíssimi hostis insperátam irruptionem trepidántibus in áere appárens, insígnem tribuit victóriam. Quibus permótus Leo Décimus, eúndem Sanctórum catálogo adscrípsit.

R. Iste homo.

In iij. Noct. Homilia in Evang., Sint lumbi. xcij.

Lectio ix. de Homilia Feriæ occurr., et de ea fit com.

Postea de S. Lucio, Añu. Qui odit. V. Justus. Oratio. Deus, qui nos. 427.

DIE VII. MARTII.

In Festo S. Thomæ de Aquino. Conf. et Eccl. Doct.

Duplex.

Omnia de Comm. Conf. non Pont. lxxxiv. præter seq.

Ad Magnificat in utrisque Vesp., Añu. O Doctor optime, Ecclésiæ sanctæ lumen, beáte Thoma , divinæ legis amátor, deprecáre pro nobis Fílium Dei.

Oratio.

DEUS, qui Ecclésiám tuam beáti Thomæ, Confessoris tui, mira eruditíone claríficas, et sancta operatíone fœcúndas : da nobis , quæsumus , et quæ dócuit , intelléctu conspícere , et quæ egit , imitatíone complére. Per Dóminum.

Deinde fit com. Feriæ.

Postea SS. Martyrum Perpetuæ et Felicitatis.

Ad Vesperas et Laudes.

Añu. Istárum est enim regnum cœlórum , quæ contempsérunt vitam mundi , et pervenérunt ad præmia regni , et lavérunt stolas suas in ságuine Agni.

V. Glória et honóre coronásti eas, Dómine. **R.** Et constituísti eas super ópera mánuum tuárum.

Oratio.

DA nobis , quæsumus Dómine Deus noster , sanctárum Mártýrum tuárum Perpetuæ et Felicitátis palmas incessábili devotíone

venerari: ut quas dignamente non possumus celebrare, humilibus saltem frequentemus obsequiis. Per Dñum.

In j. Noct. Lect. Sapiéntiam, de Comm. Doct. lxxvij.

In secundo Nocturno.

Lectio iv.

THOMAS, Landúlphe, Cómitate Aquinate, et Theodóra Neapolitána, nobilibus paréntibus natus, quintum annum agens, monachis sancti Benedicti Cassinati custodiendus traditur. Inde Neápolim studiòrum causa missus, jam adolescens Fratrum Prædicatórum Ordinem suscepit. Sed matre ac fratribus id indigne feréntibus, Lutétiam Parisiòrum mittitur. Quem fratres in itinere per vim raptum in arcem castri sancti Joánnis perdúcunt: ubi varie exagitatus, ut sanctum propòsitum muláret, mulierem étiam, quæ ad labefactándam ejus constantiam introducta fúerat, titiòne fugávit. Mox beátus júvenis flexis génibus ante signum Crucis orans, ibique somno corréptus, per quietem sentire visus est, sibi ab Angelis constríngi lumbos: quo ex témpore omni póstea libidinis sensu caruit. Soróribus, quæ, ut eum a pio consílio removérant, in castrum vénerant, persuásit, ut, contéptis

curis sæculáribus, ad exercitaciònem cœléstis vitæ se conférrent.

R̃. Honéstum fecit.

Lectio v.

EMISSUS e castro per fenestram, Neápolim redúcitur, unde Romam, póstea Parísium a fratre Joánnē Theutónico, Ordinis Prædicatórum Generáli Magistro ductus, Albérto Magno doctóre, philosophiæ ac theologiæ óperam dedit: viginti quinque annos natus, magister est appellátus, publicéque philósophos ac theólogos summa cum laude est interpretátus. Nunquam se lectiòni aut scriptiòni dedit, nisi post oratiònem. In difficultátibus locòrum sacrae Scripturæ, ad oratiònem jejúnium adhibébat. Quin étiam sodáli suo fratri Regináldo dicere solébat, quidquid sciret, non tam stúdio aut labóre suo peperisse, quam divinitus tráditum accepisse. Neápoli cum ad imáginem Crucifixi veheméntius oráret, hanc vocem audivit: Bene scripsísti de me, Thomas: quam ergo mercédem accípies? Cui ille: Non ália, Dómine, nisi teípsum.

R̃. Amávit eum.

Lectio vij.

NULLUM fuit scriptórum genus, in quibus non esset diligentissime versá-

tus. Collatiões Patrum assidue pervolutabat : nec tamen a prædicatione divini verbi desistebat, Quod cum faceret per Octavam Paschæ in Basilica sancti Petri, mulierem, quæ ejus fimbriam tetigerat, a fluxu sanguinis liberavit. Scripta ejus et multitudine, et varietate, et facilitate explicandi res difficiles, adeo excellunt, ut ob eam causam etiam nomen Doctoris Angélici jure sit adeptus. Ab Urbano Quarto Romam vocatus, adduci non potuit ut honores acciperet. Archiepiscopatum Neapolitanum, etiam deferente Clemente Quarto Pontifice, recusavit. Missus a Gregorio Décimo ad Concilium Lugdunense, in monasterio Fossæ novæ in morbum incidit, ubi ægrôtus Cántica Canticorum explanavit. Ibidem obiit quinquagenarius, anno salutis millésimo ducentésimo septuagésimo quarto, Nonis Martii. Miraculis et vivus et mortuus floruit. A Joanne Vigésimo secundo in Sanctorum numerum relatus est, anno millésimo trecentésimo vigésimo tertio : cujus corpus postea, Urbano Quinto Summo Pontifice, Tolosam translatus est.

It. Iste homo.

In iij. Noct. Homilia in Evang. Vos estis sal terræ,

de Comm. Doct. j. loco. lxxxj.

Lectio ix. dicitur de Homilia Feriæ occurr.

In Laud. fit com. Feriæ, et Sanctorum, ut 428.

Vesp. a Capitulo de seq., com. præc. et Feriæ.

DIE VIII. MARTII.

In Festo S. Joannis de Deo. Confessoris.

Duplex.

Omnia de Comm. Conf. non Pont. lxxxiv. præter seq.

Oratio.

DEUS, qui beatum Joannem, tuo amore succensum, inter flammam incendere fecisti, et per eum Ecclesiam tuam nova prole fecundasti : præsta, ipsius suffragantibus meritis ; ut igne charitatis tuæ vitia nostra curentur, et remedia nobis æterna proveniant. Per Dominum.

Deinde fit com. S. Thomæ. Añ. O Doctor. ŷ. Justum. Oratio. Deus, qui. 428.

Postea Feriæ occurr.

In j. Nocturno Lectiones, Beatus vir, de Comm. Conf. non Pont. ij. loco. xvj.

In secundo Nocturno.

Lectio iv.

JOANNES de Deo, ex catholicis piisque parentibus in oppido Montis Majoris, junioris regni Lusitaniæ natus, quam sublimiter in sortem Domini fuerit electus, insuetus splendor su-

per ejus Domo refūlgens, sonitūque æris campāni sua sponte emissus, ab ipso ejus nativitātis tēpore non obscurē prænuntiārent. A laxiōri vivēdi ratiōe, divina operāte virtūte, revocātus, magnæ sanctitātis exhibēre spēcimen cœpit, et ob audītā prædicationem verbi Dei sic ad meliōra se excitātum sensit, ut jam ab ipso sanctiōris vitæ rudimēto consummātum āliquid, perfectūque visus sit attigisse. Bonis omnibus in pāuperes carcēribus inclūsos erogātis, admirābilis pœnitētiæ, suique ipsius contēptus cuncto pōpulo spectāculum factus, a plerisque ceu demens graviter afflictus, in carcerem amēntibus destinātum conjicitur. At Joānes cœlesti charitatē magis incensus, gémīno atque amplo valetudinārio ex piōrum eleemōsynis in civitatē Granatēsi extructo, jactoque novi Ordinis fundamēto, Ecclesiā novā prole fecundāvit Fratrum Hospitalitātis, infirmis præclāro animarū corporūque perfectu inserviētiū, et longe latēque per orbem diffusōrum.

℞. Honēstum fecit.

Lectio v

PAUPERIBUS ægrōtis, quos propriis quandōque hū-

meris domum deferēbat, nulla re ad animæ corporisque salutē proficua dēerat. Effusa quoque extra nosocōmium charitatē, indigētibz muliēribz, viduis, et præcipue virgīnibz periclitāntibz clam alimēta subministrābat, curāque indefessā adhibēbat, ut carnis concupiscētiā a prōximis hujūsmodi vitio inquinātis extermināret. Cum autem māximum in régio Granatēsi valetudinārio excitātum fuisset incēndium, Joānes impāvīdus prosiliit in ignem, huc illuc discurrens, quousque tum infirmos hūmeris exportātos, tum lēctulos e fenēstris projēctos ab igne vindicāvit, ac per dimīdiam horā inter flammās jam in immēnsū succrescētes versātus, exinde divinitus incolumis, universis civibz admirāntibz, exivit, in schola charitātis edocens, signiōrem in eum fuisse ignem qui foris usserat, quam qui intus accēderat. ℞. Amāvit eum.

Lectio vj.

MULTIPLICI asperitātum gēnere, demississima obediētiā, extrēma paupertatē, orāndi stūdio, rerū divinārum contemplatiōne, ac in beatā Virgīnem pietatē mirifice excēlluit, et lacrymarū dono enituit. Dēnique gravi morbo corrē-

ptus, omnibus Ecclesiæ Sacraméntis rite sanctèque refectus, viribus licet destitutus, propriis indutus vestibus, e lectulo surgens, ac provolutus in gœna, manu et corde Christum Dóminum e cruce pendéntem perstringens, octávo Idus Mártij, anno millésimo quingentésimo quinquagésimo, obiit in ósculo Dómini: quem étiam mórtuus ténuit, nec dimísit, et in eádem corpóris constitutióne sex circiter horas, quóusque inde dimótus fuisset, tota civitate inspectánte, mirabiliter permánsit, odórem mire fragrántem diffúndens. Quem ante et post óbítum plúrimis miráculis clarum Alexander Octávus Póntifex Máximus in Sanctórum número rétulit.

ii. Iste homo.

In tertio Nocturno.

*Lectio sancti Evangélii
secúndum Matthæum.*

Lectio viij. Cap. 22. d

IN illo témpore: Accessérunt ad Jesum Pharisei, et interrogávit eum unus ex eis Legis doctor, tentans eum: Magister, quod est mandátum magnum in lege? Et réliqua.

Homilia sancti Joánnis
Chrysóstomi.

Homilia 72. in Math.

SADDUCÆIS confúsus, Pharisei rursus aggrediún-

tur; eumque quiéscere oportéret, decertáre voluérunt; et Legis perítiam profiténtem præmittunt, non disce-re, sed tentáre cupiéntes: ac ita intérogant: Quodnam primum mandátum in Lege sit. Nam cum primum illud sit, Díliges Dóminum Deum tuum; putántes causas sibi allatúrum ad mandátum hoc corrigéndum, áliquid addéndo, quóniam Deum se faciébat, hoc modó intérogant. Quid igitur Christus? Ut osténdat idcirco ad hæc eos devenisse, quia nulla in eis esset cháritas; sed invidiæ livóre tabéscerent; Díliges, inquit, Dóminum Deum tuum: hoc primum et magnum mandátum est. Secúndum autem simile huic: Díliges próximum tuum sicut te-ípsum.

*ii. Iste est qui ante Deū magnas virtútes operátus est, et de omni corde suo laudávit Dóminum: * Ipse intercédat pro peccátis ómnium populórum. §. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.*

Lectio viij.

QUAMOBREM simile est huic? quóniam hoc illud inducit, et ab illo rursus munítur. Quicúmque enim male agit, ódio habet lu-

cem, et non venit ad lucem. Et rursus : Dixit insípiens in corde suo : Non est Deus. Deinde séquitur : Corrupti sunt, et abominábiles facti sunt in stúdiis suis. Et iterum : Radix ómnium malórum avarítia est : quam quidam appeténtes, erravérunt a fide. Et, Qui diligit me, mandáta mea servábit : quorum caput et radix est, Díliges Dóminum Deum tuum, et próximum tuum sicut teípsum.

R. Sint lumbi vestri præcincti, et lucérnæ ardéntes in mánibus vestris : * Et vos similes homínibus expectántibus dóminum suum, quando revertátur a núptiis. **Ÿ.** Vigilate ergo, quia nescitis qua hora Dóminus vester ventúrus sit. Et. **Gloria Patri.** Et.

Lectio ix. de Homilia Fer. occurr. et com. in Laud.

Vesperæ a Capit. de seq., com. præc. et Fer.

DIE IX. MARTII.

In Festo S. Franciscæ, Viduæ Romanæ

Duplex.

Omnia de Comm. nec Virg. nec Mart. cxxj. præter seq. Oratio.

DEUS, qui beátam Franciscam famulam tuam, inter cetera grátie tuæ dona, familiári Angeli consuetudine decorásti : concéde quæsumus ; ut, intercessió-

nis ejus auxilio, Angelórum consórtium cónsequi mereámur. Per Dóminum.

Deinde lit. com. S. Joannis de Deo, Aña. Hic vir. Ÿ. Justum. Orat. Deus, qui. 430.

Postea Feriæ occurr.

In j. Noct. Lect. Mulierem fortem. cxxij.

In secundo Nocturno.

Lectio iv.

FRANCISCA nóbilis matróna Romána, ab ineúnte ætate illústria dedit virtútum exémpa : étenim pueriles ludos, et illécebras mundi réspuens, solitúdine et oratione magnópere delectabátur. Undecim annos nata, virginitatem suam Deo consecráre, et monastérium ingredi propósuit : paréntum tamen voluntáti humiliter obtémperans. Lauréntio de Pontíanis júveni æque díviti ac nóbili nupsit. In matrimónio arctiórís vitæ propósitum, quantum licuit, semper retínuit : a spectáculis, convíviis, aliisque hujúsmodi oblectaméntis abhórrens, lánea ac vulgári veste utens, et quidquid a domésticis curis supérerat témporis, orationi aut proximórum utilitáti tríbuens : in id vero máxima solícitudine incumbens, ut matrónas Románas a pompis sæculi et ornátus vanitáte revocáret. Quaprópter domum Oblatárum sub régula san-

eti Benedicti, Congregati-
onis montis Oliveti, adhuc
viro alligata, in Urbe insti-
tuit. Viri exilium, bonorum
jacturam, ac universæ do-
mus moerorem non modo
constantissime toleravit;
sed grátias agens cum beá-
to Job, illud frequenter
usurpabat: Dóminus dedit,
Dóminus abstulit: sit no-
men Dómini benedictum.

¶. Propter veritatem.

Lectio v.

VIRO defuncto, ad prædi-
ctam Oblatarum domum
cónvolans, nudis pédibus,
fune ad collum alligato, hu-
mi prostrata, multis cum
lácrymis earum número ad-
scribi suppliciter postulavit.
Voti compos facta, licet es-
set ómnium mater, non alio
tamen quam ancillæ, vilis-
simæque féminæ, et immun-
ditiæ vasculi titulo gloriabá-
tur. Quam vilem sui existi-
mationem et verbo declará-
vit, et exémplo: sæpe enim
e suburbána vínea revér-
tens, et lignorum fascem
próprio cápiti impósitum
déferens, vel eisdem onú-
stum agens per Urbem asél-
lum, paupéribus subveniéb-
at, in quos étiam largas
eleemósynas erogabat: æ-
grotantesque in xenodóchiis
visitans, non corporáli tan-
tum cibo, sed salutáribus
mónitis recreábat. Corpus

heio, férreo cingulo, cre-
brisque flagéllis in servitu-
tem redigere júgiter sata-
gébat. Cibus illi semel in
die herbæ et legúmina,
aqua potum præbuit. Hos ta-
men córporis cruciátus ali-
quándo confessárii mandá-
to a cujus ore nutúque pen-
debat, módice temperávit.

¶. Dilexisti justitiam.

Lectio vi.

DIVINA mystéria, præser-
tim vero Christi Dómini
passiónem, tanto mentis ar-
dóre, tantæque lacrymarum
vi contemplabatur, ut præ-
dolóris magnitudine pene
cónfici viderétur. Sæpe étiam
cum oráret, máxime sumpto
sanctíssimæ Eucharistiæ
Sacraménto, spíritu in Deum
elevata, ac cœléstium con-
templatióne rapta, immóbi-
lis permanébat. Quaprópter
humáni géneris hostis váriis
eam contuméliis ac verbéri-
bus a propósito dimovére
conabatur: quem tamen illa
impertérrita semper elúsit,
Angeli præsertim præsidio,
cujus familiári consuetúdine
gloriósum de eo triúmphum
reportávit. Grátia curatió-
num, et prophetiæ dono
enituit, quo et futura præ-
dixit, et córdium secréta
penetrávit. Non semel aquæ,
vel per rivum decurréntes,
vel e cœlo labéntes, intá-
ctam prorsus, dum Deo va-
cáret, reliquérunt. Módice

panis fragmenta, quæ vix tribus sororibus reficiendis fuissent satis, sic ejus precibus Dominus multiplicavit, ut quindecim inde exsaturatis, tantum superfuisset, ut canistrum impleret: et aliquando earumdem sororum, extra Urbem mense Januarii ligna parantium, sitim recentis uvæ racemis ex vite in arbore pendentibus mirabiliter obtentis, abunde expleret. Denique meritis et miraculis clara, migravit ad Dominum, anno ætatis suæ quinquagesimo sexto: quam Paulus Quintus Pontifex Maximus in Sanctorum numerum retulit.

ñ. Fallax grátia.

In iij. Nocturno Homilia in Evang. Símile est regnum cælorum thesauro. cxxv.

Lectio ix. de Homilia Feriæ occurr., et de ea fit com.

In ij. Vesp. fit com. seq. et Feriæ.

DIE X. MARTII.

In Festo sanctorum Quadraginta Martyrum.

Semiduplex.

Ana. Istórum. V. Lætámini.

Oratio.

PRESTA, quæsumus omnipotens Deus: ut qui gloriosos Martyres fortes in sua confessione cognovimus, pios apud te in nostra intercessione sentiamus. Per Dominum.

Deinde fit com. Feriæ.

Inj. Noct. Lectiones, Fratres, Debitores. Ij.

In secundo Nocturno.

Lectio iv.

LICINIO Imperatore, et Agricola Præsidente, ad Sebásten Arménie urbem, quadraginta militum fides in Jesum Christum, et fortitudo in cruciatibus perfrendis enituit. Qui sæpius in horribilem carcerem detrusi, vinculisque constricti, cum ora ipsorum lapidibus contusa fuissent, hiemis tempore frigidissimo nudi sub aperto aere supra stagnum rigens pernoctare jussi sunt, ut frigore congelati necarentur. Una autem erat omnium oratio: Quadraginta in stadium ingressi sumus, quadraginta item, Domine, corona donemur; ne una quidem huic numero desit. Est in honore hic numerus, quem tu quadraginta dierum jejúnio decorasti, per quem divina lex ingressa est in orbem terrarum. Elías quadraginta dierum jejúnio Deum quærens, ejus visionem consecutus est. Et hæc quidem illorum erat oratio.

ñ. Sancti tui.

Lectio v.

CETERIS autem custodibus somno deditis, solus vigilabat janitor, qui et illos orantes, et luce circumfusus,

et quosdam e cœlo descendentes Angelos tamquam a Rege missos, qui coronas triginta novem militibus distribuerent, intuens, ita secum loquebatur: Quadraginta hi sunt, quadragésimi corona ubi est? Quæ dum cogitaret, unus ex illo numero, cui animus ad frigus ferendum defecerat, in proximum tepefactum balneum desiliens, Sanctos illos summo dolore affecit. Verum Deus illorum preces irritas esse non est passus: nam rei eventum admiratus janitor, mox custodibus e somno excitatis, detractisque sibi vestibus, ac se Christianum esse clara voce professus, Martyribus se adjunxit. Cum vero præsidis satellites janitorem quoque Christianum esse cognovissent, bacillis comminuta omnium eorum crura fregerunt.

ii. Vërbera carnificum.

Lectio vj.

In eo supplicio mortui sunt omnes, præter Melithonem, natu minimum. Quem cum præsens mater ejus, fractis cruribus, adhuc viventem vidisset, sic cohortata est: Fili, paulisper sustine; ecce Christus ad januam stat adjuvans te. Cum vero reliquorum corpora plaustris imponi cerneret, ut in rogum infer-

rentur, ac filium suum relinqui, quod speraret impia turba puerum, si vixisset, ad idolorum cultum revocari posse: ipso in humeros sublato, sancta mater vehicula Martyrum corporibus onusta strenue prosequeretur: in cujus ampléxu Mélithon spiritum Deo reddidit, ejusque corpus in eundem illum ceterorum Martyrum rogum pia mater injecit: ut, qui fide et virtute conjunctissimi fuerant, funeris etiam societate copulati, una in cœlum pervenirent. Combustis illis, eorum reliquiae projectæ in profluentem, cum mirabiliter in unum confluxissent locum, salvæ et integræ repectæ, honorifico sepulchro conditæ sunt.

iii. Tamquam aurum.

In iij. Nocturno Homilia in Evang. Descendens Jesus, ij. loco. lxij.

Lectio ix. de Hom. Feriæ occur. et de ea fit com.

DIE XII. MARTII.

In Festo S. Gregorii, Papæ, Conf. et Eccl. Doct.

Duplex.

Omnia de Comm. Conf. Pont. lxiv. præter-seq.

Ad Magnificat in utrisque Vesp., Añs. O Doctor optime, Ecclesiæ sanctæ lumen, beate Gregori, divinæ legis amator, deprecare pro nobis Filium Dei.

Oratio.

DEUS, qui animæ famuli tui Gregórii æternæ beatitudinis præmia contulisti : concède propitius ; ut, qui peccatorum nostrorum pondere premimur, ejus apud te precibus sublevemur.

Per Dóminum.

Deinde fit con. Fer.

In j. Noct. Lect., Sapiéntiam, de Comm. Doct. lxxviij.

In secundo Nocturno.

Lectio iv.

GREGORIUS Magnus, Romanus, Gordiani senatoris filius, adolescens philosophiæ operam dedit, et prætorio officio functus, patre mortuo, sex monasteria in Sicilia ædificavit, Romæ septimum sancti Andréæ nomine in suis ædibus, prope Basilicam sanctorum Joannis et Pauli ad Clivum Seauri : ubi, Hilariône ac Maximiano magistris, monachi vitam professus, postea Abbas fuit. Mox Diaconus Cardinalis creatus, Constantinópolis a Pelágio Pontifice ad Tibérium Constantinum Imperátorem Legátus mittitur : apud quem memorabile étiam illud effecit, quod Eutychium Patriarcham, qui scripserat contra veram ac tractabilem corporum resurrectionem, ita convicit, ut ejus librum Imperátor in ignem injiceret. Quare Eutychius paulo

post, cum in morbum incidisset, instante morte, pellem manus suæ tenébat multis præsentibus, dicens : Confiteor quia omnes in hac carne resurgemus.

¶. Inveni David.

Lectio v.

ROMAM rédiens, Pelágio pestilentia sublato, summo ómnium consensu Pontifex eligitur : quem honorem ne acciperet, quamdiu pótuit, recusávit. Nam aliéno vestitu in spelunca delituit : ubi deprehensus indicio igneæ columænæ, ad sanctum Petrum consecratur. In Pontificatu multa successoribus doctrinæ ac sanctitatis exempla reliquit. Peregrinos quotidie ad mensam adhibebat : in quibus et Angelum et Dóminum Angelorum peregrini facie accépit. Páuperes et urbanos et extérnos, quorum numerum descriptum habebat, benigne sustentabat. Catholicam fidem multis locis labefactatam restituit. Nam Donatistas in Africa, Ariános in Hispânia représsit : Agnoítas Alexandria ejecit. Pállium Syágrio Augustodunénsi Episcopo dare nóluit, nisi Neóphytos hæreticos expelleret ex Gallia. Gothos hæresim Ariánam relinquere coégit. Missis in Británniam doctis et sanctis viris Augustino et aliis

mónachis, insulam ad Jesu Christi fidem convértit, vere a Beda presbytero Angliæ vocátus Apóstolus, Joánnis Patriarchæ Constantinopolitáni audáciám fregit, qui sibi universális Ecclésiæ Episcopi nomen arrogábat. Mauritium Imperátorem, eos qui mílites fuissent, mónachos fieri prohibéntem a senténtia deterruit.

R. Pósui adjutórium.

Lectio vj.

ECCLESIAM ornávit sanctissimis institútis et légibus. Apud sanctum Petrum coácta Synodo, multa constituit : in iis, Ut in Missa Kyrie eléison nóvies repeterétur : Ut extra id tempus, quod continétur Septuagésima et Pascha, Alleluia dicerétur : Ut adderétur in Cánone, Diésque nostros in tua pace dispónas. Litanías, Statiónes, et ecclesiásticum Officiúm auxit. Quátuor Conciliis, Nicæno, Constantinopolitáno, Ephesíno, et Chalcedonénsi, tamquam quátuor Evangéliis, honórem habéri voluit. Episcopis Siciliæ, qui ex antiqua Ecclesiárum consuetúdine Romam singulis triénniis conveniebant, quinto quoque anno semel venire indúlsit. Multos libros confécit : quos cum dictáret, testátus est Petrus Diáconus, se Spíritum sanctum

colúmbæ spécié in ejus cápite sæpe vidísse. Admirabilia sunt quæ dixit, fecit, scripsit, decrevit, præsertim infirma semper et ægra valetúdine. Qui dénique, multis éditis miráculis, Pontificátus anno décimo tértio, mense sexto, die décimo quarto Idus Mártii, qui dies festus a Græcis étiam propter insígnem hujus Pontificis sapiéntiam ac sanctitátem præcipuo honóre celebrátur, ad cœlestem beatitúdinem evocátus est. Cujus corpus sepúltum est in Basílica sancti Petri, prope Secretárium.

R. Iste est qui.

In tertio Nocturno.

Lectio sancti Evangélii secúndum Matthæum.

Lectio vij. Cap. 5. b

IN illo témpore : Dixit Jesus discipulis suis : Vos estis sal terræ. Quod si sal evanuérít, in quo saliétur ? Et reliqua.

Homilia S. Gregórii Papæ.
Ex Hom. 17. in Lucæ 10.

ante medium.

CONSIDERANDUM nobis est, Ut, qui una eadémque exhortatiónis voce non sufficit simul cunctos admonére, stúdeat singulos, in quantum valet, instrúere, privátis locutió nibus ædificáre. Debémus namque pensáre contínuo, quod sanctis Apóstolis dicitur, et per

Apóstolos nobis : Vos estis sal terræ. Si ergo sal sumus, condire mentes fidélium debémus. Vos igitur, qui pastóres estis, pensáte, quia Dei animália páscitis, de quibus profécto animálibus Deo per Psalmístam dicitur : Animália tua habitábunt in ea. • Et sæpe vidémus, quod petra salis brutis animálibus antepónitur, ut ex eádem salis petra lámbere débeant, et meliorári. Quasi ergo inter bruta animália petra salis, debet esse sacerdos in pópulis. Curáre namque sacerdotem necesse est, quæ singulis dicat, unumquémque quáliter admóneat : ut, quisquis sacerdoti júngitur, quasi ex salis tactu æternæ vitæ sapóre condiátur.

R. Amávit eum Dóminus, et ornávit eum, stolam glóriæ induit eum : * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

Lectio viij.

SAL etenim terræ non sumus, si corda audiéntium non condimus : quod profécto condiméntum ille veraciter próximo impéndit, qui prædicatiónis verbum non subtrahit. Sed tunc vere áliis recta prædicámus, si dicta rebus et exémpis osténdimus. • Nullum puto, fratres

charíssimi, ab áliis majus præjudiciúm, quam a sacerdotibus tólerat Deus : quando eos, quos ad aliórum correctiónem pósuit, dare de se exémpa pravitatís cernit : quando ipsi peccámus, qui compescere peccáta debúimus : nulla animárum lucra quærimus, ad nostra quotidie stúdia vacámus, terréna concupiscimus, humanam glóriam inténta mente captámus. Et quia eo ipso quo céteris prælati sumus, ad agénda quælibet majórem licéntiam habémus, susceptæ benedictiónis ministérium vértimus ad ambitiónis arguméntum : Dei causam relinquimus, ad terréna negótia vacámus : locum sanctitátis accípiamus, et terrénis áctibus implicámur.

R. In médio Ecclésiæ aperuit os ejus, * Et implévit eum Dóminus spíritu sapiéntiæ et intelléctus. **V.** Jucunditatem et exultatiónem thesaurizávit super eum. Et. **Gloria Patri. Et.**

Lectio ix. de Homilia Fer.

occurr. et de ea fit com.

DIE XVII. MARTII.

In Festo S. Patritii. Episc. et Conf.

Duplex.

Omnia de Comm. Conf.

Pont. lxi. præter seq.

Oratio.

DEUS, qui ad prædicándam Géntibus glóriam tuam

beátum Patrítium, Confessórem atque Pontificem, mittere dignátus es : ejus méritis, et intercessióne concede ; ut, quæ nobis agénda præcipis, te miseránte, adimplére possimus. Per Dñm.

In Quadrag. fit com. Fer.

Lect. j. Noct. in Quadrag.

Fidélis sermo. lxxvj. Alias de Scriptura occur.

In secundo Nocturno.

Lectio iv.

PATRITIUS Hibérniæ dictus Apóstolus, Calphúrnio patre, matre Conchéssa, sancti Martini Turonénsis Episcopi, ut pérhibent, consanguínea, majóri in Británnia natus, puer in Barbarórum sæpius incidit captivitátem. Eo in statu pascédis grégibus præpósitus, jam tum futúre sanctitátis spécimen præbuit. Fidei namque, diviníque timóris et amóris spíritu replétus, antelucáno témpore per nives, gelu, ac plúvias, ad preces Deo fundédas, impiger consurgébat: sólitus cénties intérdiu, centiésque noctu Deum oráre. A servitúte tértio exémpus, et inter Cléricos relátus, in divínis lectionibus longo se témpore exércuit. Gállis, Itália, insulisque Tyrrhéni maris labóre summo peragrátis, divíno tandem mónitu ad Hibernórum salutem advocátur : et facta a beáto Cœlestíno Papa Evan-

gélii nuntiándi potestáte, consecratúsque Episcopus, in Hibérniam perréxit.

R. Invéni David.

Lectio v.

EO in múnere mirum quot vir apostólicus mala, quot ærúmnas et labóres, quot pertúlerit adversários. Verum Dei afflánte benignitáte, terra illa, idolórum ántea cultrix, eum mox, prædicánte Patrítio, fructum dedit, ut Sanctórum ínsula deínde fúerit appelláta. Frequentíssimi ab eo pópuli sacro sunt regeneráti lavácro : Episcopi, Clericique plúrimi ordináti : vírgines ac víduæ ad continéntiæ leges institútæ. Armachánam Sedem, Románi Pontificis auctoritáte, totíus ínsulæ príncipem Metrópolim constituit, Sanctorúmque reliquiis ab Urbe relátis decorávit. Supérnis visiõibus, prophetiæ dono, ingentibúsque signis, et prodigiis a Deo exornátus ádeo refúlsit, ut longe latéque célebrior Patrítii se fama difúderit.

R. Pósui adjutórium.

Lectio vj.

PRÆTER quotidíanam Ecclesiárum sollicitúdinem, invictum ab oratióne spíritum nunquam relaxábat. Ajunt enim íntegrum quotidie Psaltérium una cum Cánticis et Hymnis, ducen-

tisque orationibus consuevisse recitare, ter centies per dies singulos flexis genibus Deum adorare, ac in quolibet Hora diei canonica centies se Crucis signo munire. Noctem tria in spatia distribuens, primum in centum Psalmis percurrendis, et bis centies genuflectendo, alterum in reliquis quinquaginta Psalmis, algidis aquis immersus, ac corde, oculis, manibusque ad cælum erectus, absolvendis insumebat: tertium vero super nudum lapidem stratus tenui dabat quieti. Humilitatis eximius cultor, apostolico more a manuum suarum labore non abstinuit. Assiduus tandem curis pro Ecclesia consumptus, verbo et opere clarus, in extrema senectute, divinis Mystèriis refectus, obdormivit in Domino, sepultusque est apud Dunum in Ultonia, a christiana salute sæculo quinto.

R. Iste est qui ante.

In iij. Noct. Homilia in Evang. Homo peregre. lxxij.

Lect. ix. de Hom. Feria: occurr., et com. in Laud.

DIE XIX. MARTII.

In Festo S. Joseph Sponsi B. M. V. Confessoris.

Duplex ij. Classis.

Si hoc Festum venerit in majori Hebdomada, vel infra Oct. Paschæ, transfertur post

Octavam, juxta Rubr. de Transl. Festorum: et tunc in fine Añarum, y. et R. additur Alleluia, et tres Psalmi dicuntur per singulos Noct. sub prima Aña illius Noct. quod etiam fit in omnibus Festis quæ celebr. temp. Pasch.

Ad Vesperas. Añæ.

1. Jacob autem genuit Joseph virum Mariæ, de qua natus est Jesus, qui vocatur Christus. Psalmi de Dominica. 130.

et loco ult. Ps. Laudate Dominum, omnes gentes. 134.

2. Missus est Angelus Gabriel a Deo ad Virginem desponsatam viro, cui nomen erat Joseph, de domo David, et nomen Virginis Maria.

3. Cum esset desponsata Mater Jesu Maria Joseph, antequam convenirent, inventa est in utero habens de Spiritu sancto.

4. Joseph vir ejus, cum esset justus, et nollet eam traducere, voluit occulte dimittere eam.

5. Angelus Domini apparuit Joseph, dicens: Joseph, fili David, noli timere accipere Mariam conjugem tuam: quod enim in ea natum est, de Spiritu sancto est: pariet autem filium, et vocabis nomen ejus Jesum.

Capit. Prov. 23. et 27.

VIR fidelis multum laudabitur; et qui custos est Domini sui, glorificabitur.

Hymnus.

TE, Joseph, cœlebrent
 Ægmina Cœlitum,
 Te cuncti résonent Christia-
 dum chori,
 Qui clarus méritis, junctus
 es inclytæ
 Casto fœdere Virgini.

Almo cum túmidam gérmine
 cónjugeni

Admírans, dúbio tängeris
 anxius,

Afflátu súperi Fláminis An-
 gelus

Concéptum púerum do-
 cet.

Tu natum Dóminum strin-
 gis, ad éxteras

Ægypti prófugum tu séque-
 ris plagas,

Amíssum Sólymis quæris, et
 invenis,

Miscens gáudia flétibus.

Post mortem réliquos mors
 pia cónsecrat,

Palmámque eméritos glória
 súscipit :

Tu vivens, Súperis par,
 frúeris Deo,

Mira sorte beátior.

Nobis, summa Trias, parce
 precántibus,

Da Joseph méritis sídera
 scándere :

Ut tandem liceat nos tibi
 pépsetim

Gratum prómere cán-
 ticum. Amen.

V. Constituit eum dómi-
 num domus suæ. **R.** Et
 princípem omnis possessi-
 onis suæ.

Ad Magnificat. Ana.

Exurgens Joseph a somno
 fecit sicut præcépit ei Ange-
 lus Dómini, et accépit cón-
 jugem suam.

Oratio.

SANCTISSIMÆ Genitrícis
 tuæ Sponsi, quæsumus
 Dñe, méritis adjuvémur : ut,
 quod possibilitas nostra non
 obtinet, ejus nobis inter-
 cessióne donétur. Qui vivis.

In Quadrag. fit com. Fer.

Ad Matutinum, Invitat.

Christum Dei Filium, qui
 putári dignátus est filius
 Joseph, * Venite, adorémus.
Ps. Venite. 2.

Hymnus.

CŒLITUM, Joseph, decus
 atque nostræ
 Certa spes vitæ, columénque
 mundi,

Quas tibi læti cānimus, be-
 nignus

Súscipe laudes.

Te Sator rerum státuit
 pudicæ

Virginis sponsum, voluitque
 Verbi

Te patrem dici, dedit et mi-
 nistrum

Esse salútis.

Tu Redemptórem stábulo
 jacéntem,

Quem chorus Vatum cécinit
 futúrum,

Aspicias gaudens, humilis-
 que natum

Numen adóras.

Rex Deus regum, Dominá-
 tor orbis,

Cujus ad nutum tremunt in-
ferorum

Turba, cui pronus famulá-
tur æther,

Se tibi subdit.

Laud sit excelsæ Triadi
perennis,

Quæ tibi præbens superiores
honores,

Det tuis nobis meritis bea-
tæ

Gaudia vitæ. Amen.

In primo Nocturno.

Ant. Ascendit Joseph a
Galilæa, de civitate Naza-
reth in Judæam, in civita-
tem David, quæ vocatur
Bethlehem, ut profiteretur
cum Maria. **Ps. de Comm.**

Conf. non Pont. lxxxv.

Ant. Venérunt pastores fe-
stinantes: et invénérunt Ma-
riam et Joseph, et infántem
positum in præsepio.

Ant. Ecce Angelus Domini
apparuit in somnis Joseph,
dicens: Surge, et accipe
puerum et matrem ejus, et
fuge in Ægyptum.

V. Constituit eum dominum
domus suæ. **R.** Et princi-
pem omnis possessionis suæ.

De libro Génesis.

Lectio j. Cap. 39.

IGITUR Joseph ductus est in
Ægyptum, emittitque eum
Putiphar eunuchus Pharaó-
nis. Princeps exercitus, vir
Ægyptius, de manu Ismae-
litarum, a quibus perductus
erat. Fuitque Dominus cum
eo, et erat vir in cunctis

prosperè agens: habitavit-
que in domo domini sui, qui
optime noverat Dominum
esse cum eo, et omnia quæ
gereret, ab eo dirigi in ma-
nu illius. Invenitque Joseph
gratiam coram domino suo,
et ministrabat ei, a quo
præpositus omnibus, gu-
bernabat creditam sibi do-
mum et universa quæ ei
tradita fuerant: benedixit-
que Dominus domui Ægy-
ptii propter Joseph.

R. Fuit Dominus cum Jo-
seph, et dedit ei gratiam in
conspéctu principis carce-
ris: * Qui tradidit in manu
illius universos vinctos. **V.**
Quidquid fiebat, sub ipso
erat: Dominus enim erat
cum illo, et omnia opera
ejus dirigebat. Qui.

Lectio ij. Cap. 41. e

PLACUIT Pharaóni consi-
lium et cunctis ministris
ejus, locutusque est ad eos:
Num invenire poterimus ta-
lem virum, qui Spiritu Dei
plenus sit? Dixit ergo ad
Joseph: Quia ostendit tibi
Deus omnia quæ locutus es,
numquid sapientiorum et
consimilem tui invenire po-
tero? Tu eris super domum
meam, et ad tui oris impé-
rium cunctus populus obé-
diet: uno tantum regni sólo
te præcedam.

R. Esuriente terra Ægy-
pti, clamavit populus ad
regem alimenta petens. Qui-

bus ille respondit : * Ite ad Joseph , et quidquid vobis dixerit , facite. *Ÿ.* Crescébat quotidie fames in omni terra : aperuitque Joseph univérſa hórrea , et vendébat Ægyptiis. Ite.

Lectio iij.

DIXITQUE rursus Phárao ad Joseph : Ecce constitui te super univérſam terram Ægypti. Tulitque ánnulum de manu sua , et dedit eum in manu ejus : vestivitque eum stola byssina , et collo torquem áuream circumpósuit. Fecitque eum ascéndere super currum suum secúndum , clamánte præcône , ut omnes coram eo genuflécterent , et præpósitum esse scirent univérſæ terræ Ægypti. Dixit quoque rex ad Joseph : Ego sum Phárao : absque tuo império non movébit quisquam manum aut pedem in omni terra Ægypti.

Ŕ. Fecit me Dóminus quasi patrem regis , et dóminum univérſæ domus ejus : nolite pavére : * Pro salute enim vestra misit me Deus ante vos in Ægyptum. *Ÿ.* Veníte ad me , et ego dabo vobis ómnia bona Ægypti , et comedétis medúllam terræ. Pro. Glória Patri. Pro.

In secundo Nocturno.

Ána. Consúrgens Joseph , accépit púerum et matrem ejus nocte , et secéssit in

Ægyptum : et erat ibi usque ad óbitum Heródis.

Ána. Defúnc̃to Hérode , Angelus Dómini appáruit in somnis Joseph in Ægypto , dicens : Surge , et áccipe púerum et matrem ejus , et vade in terram Israel : defúnc̃ti sunt enim qui quærébant ánimam púeri.

Ána. Accépit Joseph púerum et matrem ejus , et venit in terram Israel.

Ÿ. Magna est glória ejus in salutári tuo. *Ŕ.* Glóriam et magnum decórem impónes super eum.

Sermo S. Bernárdi Abbátis.

Lectio iv.

Hom. 2. super Missus.

QUIS , et qualis homo fuerit beátus Joseph , cónjice ex appellatíone , qua , licet dispensatória , méruit honorári ádeo , ut pater Dei et dictus et créditus sit : cónjice et ex próprio vocabulo , quod augméntum non dúbitas interpretári. Simul et meménto magni illíus quondam Patriárchæ véñditi in Ægypto , et scito ipsíus istum non solum vocabulum fuisse sortitum , sed et castimóniam adéptum , innocentiam assecútum et grátiam.

Ŕ. Ascéndit Joseph a Galilæa de civitatē Názareth in Judæam , in civitatē David , quæ vocátur Bétlehem : * Eo quod esset de

domo, et familia David. *ŷ.* Ut profiteretur cum Maria desponsata sibi uxore. Eo.

Lectio v.

SIQUIDEM ille Joseph fraterna ex invidia venditus, et ductus in Ægyptum, Christi venditionem præfiguravit: iste Joseph Herodianam invidiam fugiens, Christum in Ægyptum portavit. Ille domino suo fidem servans, dominæ noluit commisceri: iste dominam suam, Domini sui matrem, virginem agnoscens, et ipse continens fideliter custodivit. Illi data est intelligentia in mysteriis somniorum: Isti datum est consilium fieri atque participem coelestium Sacramentorum.

R. Surge, et accipe puerum et matrem ejus, et fuge in Ægyptum: * Et esto ibi, usque dum dicam tibi. *ŷ.* Ut adimpleretur quod dictum est a Domino per Prophetam dicentem: Ex Ægypto vocavi Filium meum. Et.

Lectio vj.

ILLE frumenta servavit non sibi, sed omni populo: iste panem vivum e coelo servandum accepit tam sibi, quam toti mundo. Non est dubium, quin bonus et fidelis homo fuerit iste Joseph, cui mater desponsata est Salvatoris. Fidelis, inquam, servus et prudens, quem constituit Dominus

suae matris solatium, suae carnis nutrimentum, solum denique in terris magni consilii coadjutorem fidissimum.

R. Cum inducerent puerum Jesum parentes ejus, ut facerent secundum consuetudinem legis pro eo: * Accipit eum Simeon in ulnas suas, et benedixit Deum. *ŷ.* Et erat pater ejus, et mater mirantes super his quae dicebantur de illo. Accipit. *Gloria Patri.* Accipit.

In tertio Nocturno.

Añs. Audiens Joseph quod Archelaus regnaret in Judæa pro Herode patre suo, timuit illo ire.

Añs. Admonitus in somnis Joseph secessit in partes Galilææ, et veniens habitavit in civitate quae vocatur Nazareth: ut adimpleretur quod dictum est per Prophetas: Quoniam Nazaraeus vocabitur.

Añs. Erat pater Jesu et mater mirantes super his quae dicebantur de illo; et benedixit illis Simeon.

ŷ. Justus germinabit sicut liliū. *R.* Et florēbit in ætēnum ante Dōminum.

*I*ectio sancti Evangelii secundum Matthæum.

Lectio vij. Cap. 1. c

CUM esset desponsata mater Jesu Maria Joseph, antequam convenirent, inventa est in utero habens de Spiritu sancto. Et reliqua.

Homilia sancti Hierónymi
Presbyteri.

L. 1. Com. in c. 1. Matth.

QUARE non de simplici virgine, sed de desponsata concipitur? Primum, ut per generationem Joseph origo Mariæ monstrarétur: secundo, ne lapidarétur a Judæis ut adultera: tertio, ut in Ægyptum fugiens haberet solatium. Martyr Ignatius etiam quartam addidit causam, cur a desponsata conceptus sit: Ut partus, inquam, ejus colarétur diabolo, dum eum putat non de virgine, sed de uxore generatum.

R. Dicit Mater Jesu ad illum: Fili, quid fecisti nobis sic? * Ecce pater tuus, et ego dolentes quærebamus te. **V.** Et ait ad illos: Quid est quod me quærebatis? nesciebatis quia in his, quæ Patris mei sunt, oportet me esse? Ecce.

Lectio viij.

ANTEQUAM convenirent, inventa est in utero habens de Spiritu sancto. Non ab alio inventa est, nisi a Joseph, qui pene licentia maritali futuræ uxoris omnia nóverat. Quod autem dicitur, Antequam convenirent, non sequitur ut postea convenerint: sed Scriptura, quod factum non sit, ostendit.

R. Descendit Jesus cum eis, et venit Nazareth: * Et

erat subditus illis. **V.** Proficiebat sapientia, et ætate, et grátia apud Deum et homines. Et. **Gloria Patri.** Et.

In Quadrag. Lectio ix.
dicitur de Homilia Feriæ occurrentis. Alias

Lectio ix.

JOSEPH autem vir ejus, cum esset justus, et nollet eam tradúcere, voluit occulte dimittere eam. Si quis fornicariæ conjungitur, unum corpus efficitur: et in lege præceptum est, non solum reos, sed et conscios criminum obnoxios esse peccati: quomodo Joseph, cum crimen celaret uxoris, justus scribitur? Sed hoc testimonium Mariæ est, quod Joseph sciens illius castitatem, et admirans quod evenerat, celat silentio, cujus mysterium nesciebat.

Te Deum laudamus. 17.

AD LAUDES,

et per Horas. Anñ.

1. Ibant parentes Jesu per omnes annos in Jerúsalem, in die solémni Paschæ. **Ps.** Dominus regnavit, **cum reliq. 18.**

2. Cum redirent, remansit puer Jesus in Jerúsalem, et non cognoverunt parentes ejus.

3. Non inveniéntes Jesum, regressi sunt in Jerúsalem. requiréntes eum; et post triduum invenérunt illum in templo sedéntem in mé-

dio Doctórum , audiéntem ,
et interrogántem eos.

4. Dixit Mater ejus ad illum:
Fili, quid fecisti nobis sic ?
Ecce pater tuus et ego do-
léntes quærebámus te.

5. Descéndit Jesus cum eis,
et venit Názareth , et erat
súbditus illis.

Capit. Prov. 28. et 27.

VIR fidélis multum laudá-
bitur ; et qui custos est
Dómini sui, glorificábitur.

Hymnus.

ISTE, quem læti cólimus fi-
déles ,

Cujus excélsos cánimus tri-
úmphos ,

Hac die Joseph méruit
perénis

Gáudia vitæ.

O nimis felix, nimis o beá-
tus ,

Cujus extrémam vigiles ad
horam

Christus et Virgo simul
astitérunt

Ore seréno.

Hinc stygis victor, láqueo
solútus

Carnis, ad sedes plácido so-
póre

Migrat ætérras, rutilisque
cingit

Témpora sertis.

Ergo regnántem flagitémus
omnes ,

Adsit ut nobis ; veniámque
nostris

Obtinens culpis, tribuat su-
pérnæ

Múnera pacis.

Sint tibi plausus , tibi sint
honóres ,

Trine ; qui regnas , Deus ,
et coronás

Aureas servo tríbuis fidéli
Omne per ævum. Amen.

Ÿ. Os justí meditábitur sa-
piéntiam, **R.** Et lingua ejus
loquétur judícium.

Ad Benedictus, Añs.

Ipsé Jesus erat incípiens
quasi annórum triginta , ut
putabátur, filius Joseph.

Oratio.

SANCTISSIME Genitríceis tuæ
Sponsi, quæsumus Dó-
mine, méritis adjuvémur :
ut, quod possibilitas nostra
non óbtinet, ejus nobis inter-
cessióne donétur. Qui vivis.

In Quadrag. com. Ferie.

Ad Tertiam, Añs.

Cum redírent.

Capit. Vir fidélis.

R. br. Constituit eum * Dó-
minum domus suæ. Consti-
tuit. Ÿ. Et principem omnis

possessiósni suæ. Dómi-
num. **G**lória Patri. Consti-
tuit. Ÿ. Magna est glória

ejus in salutári tuo. **R.**
Glóriam et magnum decó-
rem impónes super eum.

Ad Sextam, Añs.

Non inveniéntes.

Capitulum. Eccli. 43.

DILECTUS Deo et homíni-
bus, ejus memória in
benedictióne est. In fide et
lenitáte ipsíus sanctum fecit
illum, et elégit eum ex omni
carne.

ñ. br. Magna est glória ejus

* In salutári tuo. Magna.

ŷ. Glóriam et magnum decórem impónes super eum.

In. Glória Patri. Magna. *ŷ.*

Justus germinábit sicut lí-

limum. *ñ.* Et florébit in æ-

térnum ante Dóminum.

Ad Nonam. Aña.

Descéndit Jesus.

Capitulum. Sap. 10.

PROFUGUM justum dedúxit
Sapiéntia per vias rectas,
et osténdit illi regnum Dei;
et dedit illi sciéntiam sanctórum : honestávit illum
in labóribus, et complévit
labóres illius.

ñ. br. Justus germinábit *

Sicut lílimum. Justus. *ŷ.* Et

florébit in ætérnum ante

Dóminum. Sicut. Glória

Patri. Justus. *ŷ.* Plantátus

in domo Dómini. *ñ.* In átriis

domus Dei nostri.

*In ij. Vesp. Añæ et Capit.
de Laud. Psalmi et Hymnus
ut in j. Vesperis. 441.*

ŷ. Glória et divitiæ in domo

ejus. *ñ.* Et justitia ejus ma-

net in sæculum sæculi.

Ad Magnificat, Aña.

Ecce fidélis servus, et pru-
dens, quem constituit Dómi-
nus super familiam suam.

In Quadrag. com. Feriæ.

DIE XXI. MARTII.

In Festo S. Benedicti

Abbatis.

Duplex.

*Omnia de Comm. Conf.
non Pont. lxxxiv. præter seq.*

Oratio.

INTERCESSIO nos, quæsu-
mus Dómine, beáti Bene-
dicti Abbátis comméndet :
ut, quod nostris méritis non
valémus, ejus patrocínio
assequámur. Per Dóminum.

In Quadr. fit com. Feriæ.

*In j. Noct. Lect., Laudé-
mus viros, de Comm. plur.
Conf. Pont. lxxvj. cum ññ.
de Conf. non Pont. lxxxvj.*

In secundo Nocturno.

Lectio iv.

BENEDICTUS, Núrsiæ nóbili
génere ortus, Romæ li-
berálibus disciplínis erudi-
tus, ut totum se Jesu Chri-
sto daret, ad eum locum,
qui Sublæcus dicitur, in
altíssimam spelúncam pene-
trávit : in qua sic per trién-
nium delítuit, ut unus id
sciret RománuS, mónachus,
quo ad vitæ necessitatem
minístro utebátur. Dum ígi-
tur ei quodam die ardéntes
ad libídinem faces a diáboló
subjiceréntur, se in vépri-
bus tándiu volutávit, dum
lacerató corpore, voluptátis
sensus dolóre opprimérétur.
Sed jam erumpénte ex illis
látebris fama ejus sanctitá-
tis, quidam mónachi se illi
instituéndos tradidérunt :
quorum vivéndi licéntia cum
ejus objurgatiónes ferre non
posset, venénium in potióne
ei dare constituunt. Verum
póculum ei præbéntibus,
Crucis signo vas confrégit,

ac, relicto monasterio, in solitudinem se recepit.

R. Honestum fecit.

Lectio v.

SED cum multi ad eum quotidie discipuli convenirent, duodecim monasteria edificavit; eaque sanctissimis legibus communivit. Postea Cassinum migravit, ubi simulacrum Apollinis, qui adhuc ibi colebatur, comminuit, aram evertit, et lucos succendit: ibique sancti Martini sacellum, et sancti Joannis aediculam extruxit: oppidanos autem et incolas christianis praeceptis imbuunt. Quare agebatur in dies magis divina gratia Benedictus, ut etiam prophetico spiritu ventura praediceret. Quod ubi accepit Totila Gothorum rex, exploraturus an res ita esset, spatharium suum regio ornatu et comitatu praemittit, qui se regem simularet. Quem ut ille vidit, Depone, inquit, fili, depone quod geris: nam tuum non est. Totilae vero praedixit adventum ejus in Urbem, maris transmissionem, et post novem annos mortem.

R. Amavit eum.

Lectio vi.

QUI aliquot mensibus antequam e vita migraret, praemonuit discipulos quod die esset moriturus; ac sepulchrum in quo suum cor-

pus condi vellet, sex diebus antequam eo inferretur, aperiri jussit: sextoque die deferri voluit in Ecclesiam: ubi sumpta Eucharistia, sublatis in caelum oculis orans, inter manus discipulorum efflavit animam; quam duo monachi euntem in caelum viderunt pallio ornatum pretiosissimo, circum eam fulgentibus lampadibus; et clarissima et gravissima specie virum stantem supra caput ipsius dicentem audierunt: Haec est via, qua dilectus Domini Benedictus in caelum ascendit.

R. Iste homo.

In iij. Noct. Homilia in Evang. Ecce nos reliquimus, de Comm. Abb. j. loco. c.

In Quadrag. Lectio ix. de Homilia Ferie occurrit.

DIE XXV. MARTII.

In Festo Annuntiationis

B. Mariae Virginis.

Duplex ij. classis.

¶ Si hoc Festum venerit in Dominica-privilegio, transferendum erit in Fer. ij. immediate sequ., quocumque Festo etiam aequalis, non tamen altioris ritus, in eam incidente. Si vero occurrerit in Hebdomada, vel Paschali, transferendum erit pari cum privilegio in Fer. ij. post Dom. in Albis, servato ritu Paschali.

Ad Vesperas, Antiphona de Laud. Psalmi ut in Festis B. M. clv.

Capitulum. Isaïæ 7. c

ECCE virgo concipiet, et pariet filium, et vocabitur nomen ejus Emmánuel. Butyrum et mel cómedet, ut sciat reprobáre malum, et eligere bonum.

Hymn. Ave maris. clviij.

Ÿ. Ave María, grátia plena.

Ŕ. Dóminus tecum.

Ad Magnificat. Ana.

Spiritus sanctus in te descéndet, María, et virtus Altíssimi obumbrábit tibi.

Oratio.

DEUS, qui de beátæ Mariæ Virginis útero Verbum tuum, Angelo nuntiánte, carnem suscipere voluisti: præsta supplicibus tuis; ut, qui vere eam Genitricem Dei crédimus, ejus apud te intercessiõnibus adjuvémur. Per eúmdem Dóminum.

In Quadr. fit com. Feriæ.

Ad Complet. et per Horas

(etiam si fuerit intra tempus Pasch.) in fine Hymn. dic.:

Jesu, tibi sit glória,

Qui natus es de Virgine.

Ad Matutinum. Invitat.

*Ave María, grátia plena: **

Dñus tecum. Ps. Venite. 2.

Hymnus, Añæ, Psalmi.

et ŸŸ. Noct., ut in Festis

B. M. clviij. cum nona Añæ.

Angelus Dómini, ut ibidem.

In primo Nocturno.

De Isaia Prophéta.

Lectio j. Cap. 7. b

ET adjécit Dóminus loqui ad Achaz, dicens: Pete

tibi signum a Dómino Deo tuo in profúndum inférni, sive in excélsu supra. Et dixit Achaz: Non petam, et non tentábo Dóminum. Et dixit: Audite ergo domus David: Numquid parum vobis est, moléstos esse hominibus, quia molésti estis et Deo meo? Propter hoc dabit Dóminus ipse vobis signum. Ecce virgo concipiet, et pariet filium, et vocabitur nomen ejus Emmánuel. Butyrum et mel cómedet, ut sciat reprobáre malum, et eligere bonum.

*Ŕ. Missus est Gábriel Angelus ad Mariám Virginem desponsátam Joseph, nuntians ei verbum: et expavéscit Virgo de lúmine. Ne timeas, María: invenisti grátiam apud Dóminum: **

Ecce concipies, et paries, et vocabitur Altíssimi Fílius.

Ÿ. Dabit ei Dóminus Deus sedem David patris ejus, et regnabit in domo Jacob in ætérnum. Ecce.

Lectio ij. Cap. 11.

ET egrediétur virga de radice ejus ascéndet. Et requiescet super eum spíritus Dómini: spíritus sapiéntiæ et intelléctus, spíritus consilii et fortitúdinis, spíritus sciéntiæ et pietátis, et replébit eum spíritus timóris Dómini: non secúndum visiõnem oculórum judicábit, ne-

que secundum auditum aurium arguet : sed iudicabit in iustitia pauperes , et arguet in æquitate pro mansuetis terræ : et percutiet terram virga oris sui , et spiritu labiorum suorum interficiet impium. Et erit iustitia cingulum lumborum ejus : et fides cinctorium renum ejus.

R. Ave Maria , grátia plena : Dóminus tecum : * Spíritus sanctus supervéniet in te , et virtus Altissimi obumbrábit tibi : quod enim ex te nascétur Sanctum , vocábitur Filius Dei. **ŷ.** Quómodo fiet istud , quóniam virum non cognóscó ? Et respóndens Angelus dixit ei. Spíritus.

Lectio iij. Cap. 35.

LÆTAEITUR desérta et in-
via , et exultábit solitúdo , et florébit quasi lílium. Germinans germinábit , et exultábit lætabúnda et laudans : glória Libani data est ei : decor Carméli , et Saron : ipsi vidébunt glóriam Dómini , et decórem Dei nostri. Confortáte manus dissolutas , et gēna debília roboráte. Dicite pusillánimis : Confortámini , et nolite timére : ecce Deus vester ultiónem addúcet retributiónis : Deus ipse véniet , et salvábit vos. Tunc aperiéntur óculi cæcorum , et aures surdórum patébunt.

Tunc sáliet sicut cervus claudus , et apérta erit lingua mutórum : quia scissæ sunt in desérto aquæ , et torréntes in solitúdine. Et quæ erat árida , erit in stagnum , et sitiens in fontes aquarum.

R. Súscipe verbum , Virgo Maria , quod tibi a Dómino per Angelum transmissum est : concípies et páries Deum páriter et hóminem : * Ut benedicta dicáris inter omnes mulieres.

ŷ. Páries quidem filium , et virginitátis non patiéris detriméntum : efficiéris grávida , et eris mater semper intácta. Ut. **Glória Patri.** Ut.

In secundo Nocturno.

De Sermóne S. Leónis
Papæ.

Lectio iv. Serm. 2. de Nat.

DEUS omnipotens et clemens , cujus natura bonitas , cujus voluntas potentia , cujus opus misericordia est ; statim ut nos diabólica malignitas veneno suæ mortificávit invidiæ , prædestinata renovándis mortalibus suæ pietátis remédia , inter ipsa mundi primórdia præsignávit , denúntians serpénti , futurum semen mulieris , quod nóxii cápitis elationem sua virtute contéreret , Christum scilicet in carne venturum : Deum hominémque signans , qui natus ex Virgine , violatórem

humânæ propâginis incorrûpta nativité damnâret.

R. Ecce virgo concipiet, et pariet filium, dicit Dóminus : * Et vocâbitur nomen ejus Admirâbilis, Deus, Fortis. **ſ.** Super sólum David, et super regnum ejus sedébit in ætérnum. Et.

Lectio v.

NAM quia gloriabâtur diabolus, hóminem sua fraude decéptum divinis caruisse munéribus, et immortalitátis dote nudâtum, duram mortis subiisse senténtiam, seque in malis suis quoddam de prævaricatoris consórtio invenisse solátium : Deum quoque, justæ severitátis exigente ratióne, erga hóminem, quem in tanto honóre condiderat, antiquam mutasse senténtiam : opus fuit, dilectissimi, secréti dispensatióne consilii, ut incommutâbilis Deus (cujus voluntas non potest sua benignitáte privâri) primam pietátis suæ dispositiõem sacraménto occultióre compleret : et homo diabólicæ iniquitátis versûtia actus in culpam, contra Dei propósitum non perlret.

R. Egrediétur virga de radíce Jesse, et flos de radíce ejus ascéndet : * Et erit justitia cingulum lumbórum ejus, et fides cinetórium renum ejus. **V.** Et requiescet

super eum Spíritus Dómini, spíritus sapiéntiæ et intelléctus, spíritus consilii et fortitúdinis. Et erit.

Lectio vj.

ADVENIENTIBUS ergo temporibus, dilectissimi, quæ redemptióri hóminum fúerant præstituta, ingreditur hæc ínfima Jesus Christus Dóminus noster, de cœlésti sede descéndens, et a patérna glória non recédens, novo órdine, nova nativité generátus; novo órdine, quia invisibilis in suis, visibilis factus est in nostris : incomprehensibilis, vóluit comprehendí : ante témpora manens, esse cœpit ex témpore : universitátis Dóminus, servílem formam, obumbrata majestátis suæ dignitate, suscepit : impassibilis Deus, non dedignátus est homo esse passibilis : et immortalis, mortis légibus subjacere.

R. Sancta et immaculata virginitas, quibus te láudibus éfferam, néscio : * Quia quem cœli cåpere non póterant, tuo grémio contulisti. **ſ.** Benedicta tu in mulieribus, et benedictus fructus ventris tui. Quia. Glória Patri. Quia.

In tertio Nocturno.

Lectio sancti Evangélii secundum Lucam.

Lectio vij. Cap. 1. c

IN illo témpore : Missus est Angelus Gábriel a

Deo in civitatem Galilææ, cui nomen Názareth, ad virginem desponsatam viro, cui nomen erat Joseph, de domo David, et nomen virginis María. Et reliqua.

Homilia sancti Ambrósii
Episcopi.

Lib. 2. in Lucam.

LATENT quidem divina mysteria, nec facile, juxta propheticum dictum, quisquam hominum potest scire consilium Dei. Sed tamen ex ceteris factis atque præceptis Domini Salvatoris possumus intelligere et hoc propensioris fuisse consilii, quod ea potissimum electa est ut Dominum pareret, quæ erat desponsata viro. Cur autem non antequam desponsaretur, impleta est? Fortasse ne diceretur, quod conciperat ex adultério.

¶ Congratulamini mihi omnes, qui diligitis Dominum, quia cum essem parvula, placui Altissimo : * Et de meis visceribus genui Deum et hominem. **¶** Beata me dicent omnes generationes, quia ancillam humilem respexit Deus. Et. **Bened.** Cujus festum colimus, ipsa Virgo virginum.

Lectio viij.

ET ingressus ad eam Angelus. Disce virginem moribus, disce virginem verecundia, disce oraculo, disce mysterio. Trepidare

virginum est, et ad omnes viri ingressus pavere, omnes viri affatus vereri. Disce mulieres propositum pudoris imitari. Sola in penetrabilibus, quam nemo virorum viderit, solus Angelus repererit : sola sine comite, sola sine teste, ne quo degenerate depravaretur affatu, ab Angelo salutatur.

¶ Gaude, María Virgo, cunctas hæreses sola interemisti, quæ Gabriëlis Archangeli dictis credidisti : * Dum virgo Deum et hominem genuisti, et post partum virgo inviolata permansisti. **¶** Beata es quæ credidisti : quia perfecta sunt ea quæ dicta sunt tibi a Domino. Dum. **Gloria Patri.** Dum.

In Quadrag. Lectio ix. de Hom. Feriæ. occur. Alias Lectio ix.

TANTI namque mandati mysterium non hominis fuit, sed Angeli ore promendum. Hodie primum auditur : Spiritus sanctus superveniet in te. Et auditur, et creditur. Denique, Ecce, inquit, ancilla Domini : contingat mihi secundum verbum tuum. Vide humilitatem, vide devotionem. Ancillam se dicit Domini, quæ mater eligitur, nec repentino exaltata promisso est.

Ic Deum laudamus. 17.

AD LAUDES ,

et per Horas , Anæ.

1. Missus est Gábriel Angelus ad Mariám Virginem desponsátam Joseph. Ps. Dóminus regnávít , cum reliquis. 18.

2. Ave Mariá , grátia plena : Dóminus tecum : benedícta tu in muliéribus.

3. Ne timeas , Mariá : invenisti grátiam apud Dóminum : ecce concípies et páries filium.

4. Dabit ei Dóminus sedem David patris ejus , et regnabit in ætérnum.

5. Ecce ancilla Dómini : fiat mihi secúndum verbum tuum.

Capitulum. Isaíæ 7. c

ECCE virgo concípíet , et páriet filium , et vocábitur nomen ejus Emmánuel. Butyrum et mel cómedet , ut sciat reprobáre malum , et eligere bonum.

Hymn. O gloriósa. clxvij.

Ÿ. Ave Mariá , grátia plena.

Ů. Dóminus tecum.

Ad Benedictus. Ana.

Quómodo fiet istud , Angele Dei , quóniam virum non cognóscó ? Audi , Mariá Virgo : Spíritus sanctus supervéniet in te , et virtus Altíssimi obumbrábit tibi.

Oratio.

DEUS , qui de beátæ Mariæ Virginis útero Verbum tuum , Angelo nuntiánte , carnem suscépere voluisti :

præsta supplicibus tuis ; ut , qui vere eam Genitrícem Dei crédimus , ejus apud te intercessiónibus adjuvémur. Per eúmdem Dóminum.

In Quadrag. , com. Feriæ.

Ad Prim. in R. br. etiam intra tempus Pasch. Ÿ. Qui natus es de Mariá Virgine.

Ad Tertiam , Ana.

Ave Mariá.

Capit. Ecce virgo.

Ů. br. Spécie tua , * Et pulchritúdine tua. Spécie. Ÿ. Inténde , prósperè procéde , et regna. Et. Glória Patri. Spécie. Ÿ. Adjuvábít eam Deus vultu suo. Ů. Deus in médio ejus , non commovébitur.

Ad Sextam , Ana.

Ne timeas , Mariá.

Capitulum. Lucæ 1. c

DABIT illi Dóminus Deus sedem David patris ejus : et regnabit in domo Jacob in ætérnum , et regni ejus non erit finis.

Ů. br. Adjuvábít eam * Deus vultu suo. Adjuvábít.

Ÿ. Deus in médio ejus , non commovébitur. Deus. Glória Patri. Adjuvábít. Ÿ. Elégít eam Deus , et prælégit eam. Ů. In tabernáculo suo habitáre facit eam.

Ad Nonam , Ana.

Ecce ancilla Dómini.

Capitulum. Isaíæ 41.

EGREDIETUR virga de radice Jesse , et flos de radice ejus ascéndet. Et requiescet super eum Spíritus Dómini.

R. br. Elégit eam Deus, * Et
prælégit eam. Elégit. *V.* In
tabernáculo suo habitare
facit eam. Et. Glória Patri.
Elégit. *Y.* Diffusa est grátia
in lábiis tuis. *R.* Propterea
benedixit te Deus in ætérnum.

In ij. Vesperis. omnia ut
in primis. 449.

V. Ave María, grátia plena.

R. Dóminus tecum.

Ad Magnificat, *Añá.*

Gábel Angelus locútus est
Mariæ, dicens : Ave grátia
plena : Dóminus tecum : Be-
nedicta tu in mulieribus.

In Quadr. sit com. Feriæ.

FERIA SEXTA

POST DOM. PASSIONIS.

In Festo Septem Dolorum

B. Mariæ Virginis.

Duplex majus.

¶ Si hoc Festum cele-
brari nequit, hac Feria
transferendum erit in Sab-
batum immediate sequens,
quocumque Festo æqualis.
non tamen altioris ritus
in eo occurrente. Quod si
nec sequenti Sabbato cele-
brari possit, omittatur.

¶ Notandum quod, si ob
aliquam causam primæ Ve-
speræ hujus Festi omittendæ
sint, tunc sequens Hymnus.
Stabat Mater, ponatur ad
Matut. et post Versum Ut
sibi compláceam, subjun-
gatur Hymnus, Sancta Ma-
ter, istud agas, usque in
finem. Alias ut sequitur.

Ad Vesp. Añæ de Laud.

Ps. C redidi, cum reliq. ut
in Coena Domini. 260.

Capitulum. *Isaie* 53.

QUIS CRÉDIDIT auditui no-
stro? et bráchium Dó-
mini cui revelátum est? Et
ascéndet sicut virgúltum co-
ram eo, et sicut radix de
terra sitiénti.

Hymnus.

STABAT Mater dolorósa
Juxta Crucem lacry-
mósa,

Dum pendébat Filius,
Cujus ánimam geméntem,
Contristátam, et doléntem,
Pertransívit gládius.

O quam tristis et afflícta

Fuit illa benedícta

Mater Unigéniti!

Quæ mœrébat, et dolébat,
Pia Mater, dum vidébat
Nati pœnas ínclýti.

Quis est homo, qui non fleret,
Matrem Christi si vidéret
In tanto supplicio?

Quis non posset contristári,
Christi Matrem contemplári
Doléntem cum Fílio?

P ro peccátis suæ gentis
Vidit Jesum in torméntis,
Et flagéllis súbditum.

Vidit suum dulcem Natum
Moriéndo desolátum,
Dum emísit spíritum.

Eja, Mater, fons amóris,
Me sentíre vim dolóris
Fac, ut tecum lúgeam.

Fac, ut árdeat cor meum
In amándo Christum Deum,
Ut sibi compláceam. Amen.

Y. Ora pro nobis, Virgo dolo-

rosissima. *R.* Ut digni efficiamur promissionibus Christi.

Ad Magnificat, Ana.

Tuam ipsius animam (ait ad Mariam Simeon) pertransibit gladius.

Oratio.

DEUS, in cujus passione, secundum Simeonis prophetiam, dulcissimam animam gloriosæ Virginis et Matris Mariæ doloris gladius pertransiuit : concede propitius ; ut qui Transfixionem ejus et passionem venerando recolimus, gloriosis meritis et precibus omnium Sanctorum Cruci fideliter assistantium intercedentibus, passionis tuæ effectum felicem consequamur. Qui vivis.

Et sit commemor. Feriæ.

Ad Complet. et per Horas in fine Hymn. dicitur :

Jesu, tibi sit gloria,
Qui natus es de Virgine.

Ad Matutinum, Invitat.

Dolores gloriosæ recolentes Virginis, Dominum pro nobis passum, * Venite, adoremus. *Ps. Venite. 2.*

Hymnus.

SANCTA Mater, istud agas,
Crucifixi fige plagas
Cordi meo valide.

Iui Nati vulnerati,
Tam dignati pro me pati,
Pœnas mecum divide.

Fac me tecum pie flere,
Crucifixo condolere,
Donec ego vixero.

Juxta Crucem tecum stare,
Et me tibi sociare
In planctu desidero. Amen.

In primo Nocturno.

Aña. Astiterunt reges terræ,
et principes convenérunt
in unum adversus Dominum,
et adversus Christum ejus.

Ps. Quare fremuerunt. 4.

Aña. Voce mea ad Dominum
clamavi, et exaudivit me de
monte sancto suo. *Ps. Dó-*
mine, quid multiplicati. 5.

Aña. Factum est cor meum
tamquam cera liquescens in
medio ventris mei. *Ps. Us-*
quequo. 9.

V. Pósuit me desolatam. *R.*
Tota die mœrore confectam.

De Isaia Prophéta.

Lectio j. Cap. 53.

QUIS credidit auditui nostro? et brachium Domini cui revelatum est? Et ascendet sicut virgultum coram eo, et sicut radix de terra sitiénti : non est species ei neque decor : et vidimus eum, et non erat aspectus, et desideravimus eum : Despectum, et novissimum virorum, virum dolorum, et scientem infirmitatem : et quasi absconditus vultus ejus et despectus, unde nec reputavimus eum. Vere languores nostros ipse tulit, et dolores nostros ipse portavit : et nos putavimus eum quasi leprosum, et percussum a Deo, et humiliatum. Ipse autem vul-

neratus est propter iniquitates nostras, attritus est propter scelera nostra: disciplina pacis nostrae super eum, et livore ejus sanati sumus.

R. Dilēctus meus cādidus et rubicūndus, et totus considerābilis: * Omnis enim figura ejus amorem spirat, et ad redamandum provocat, caput inclinatum, manus expansae, pectus apertum. **V.** Piis, o Virgo, spectas eum oculis, contēmplans in eo non tam vūlnerum livorem, quam mundisalutem. Omnis.

Lectio ij.

OMNES nos quasi oves erravimus, unusquisque in viam suam declinavit: et posuit Dominus in eo iniquitatem omnium nostrum. Oblatus est, quia ipse voluit, et non aperuit os suum: sicut ovis ad occisionem ducetur, et quasi agnus coram tondente se obmutescet, et non aperiet os suum. De angustia et de iudicio sublatus est: generationem ejus quis enarrabit? quia abscissus est de terra viventium: propter scelus populi mei percussus eum. Et dabit impios pro sepultura, et divitem pro morte sua: eo quod iniquitatem non fecerit, neque dolus fuerit in ore ejus.

R. Manus ejus tornatiles, clavorum cuspide terebratae, Humanae salutis pretio

quasi hyacinthis refertae. **V.** Cornua in manibus ejus: ibi abscondita est fortitudo ejus; sunt enim manus ejus. Humanae salutis.

Lectio iij.

ET Dominus voluit contēdere eum in infirmitate: si posuerit pro peccato animam suam, videbit semen longævum, et voluntas Domini in manu ejus dirigetur: Pro eo quod laboravit anima ejus, videbit, et saturabitur: in scientia sua justificabit ipse justus servus meus multos, et iniquitates eorum ipse portabit. Ideo disperitiam ei plurimos, et fortium dividet spolia; pro eo quod tradidit in mortem animam suam, et cum sceleratis reputatus est, et ipse peccata multorum tulit, et pro transgressoribus rogavit.

R. Diligebat Jesus Joannem, quoniam specialis prerogativa castitatis ampliori dilectione eum fecerat dignum: * Quia virgo electus ab ipso; virgo in ævum permansit. **V.** In Cruce denique moriturus, huic Matrem Virginem virgini commendavit. Quia. Glória Patri. Quia.

In secundo Nocturno.

Añā. Inimici mei dixerunt mala mihi: Quando morietur, et peribit nomen ejus?

Ps. Beatus qui intelligit. 66.

Añā. Deus, vitam meam annuntiavi tibi: posuisti lacry-

mas meas in conspectu tuo.

Ps. Miserere, ... quoniam. 76.

Añs. Filii hominum, dentes eorum arma et sagittæ : et lingua eorum gladius acutus.

Ps. Miserere, ... miserere. 77.

Ÿ. Facies mea intumuit a fletu. **R.** Et palpebræ meæ cœligaverunt.

Sermo S. Bernárdi Abbátis.

Lectio iv.

Ex Serm. de 12. Stellis.

MARTYRIUM Virginitatis tam in Simeónis prophetia quam in ipsa Dominicæ passionis historia commendatur. Pósitus est hic (ait sanctus senex de púero Jesu) in signum cui contradicétur : et tuam ipsius animam (ad Mariam autem dicebat) pertransibit gladius. Vere tuam, o beáta Mater, animam pertransívit : alióquin non nisi eam pertransiens, carnem Filii tui penetráret. Et quidem posteaquam emisit spíritum tuus ille Jesus, ipsius plane non attigit animam crudélis lancea, quæ ipsius apéruiť latus, sed tuam útiq̃ue animam pertransívit. Ipsius nimirum anima jam ibi non erat, sed tua plane inde nequibat avélli.

R. Tenebræ factæ sunt cum crucifixissent Jesum Judæi, et circa horam nonam exclamávit Jesus voce magna: Deus meus, ut quid dereliquísti me? * Et inclinátocapite emisit spíritum. **v.**

Quis tibi nunc sensus, dum cernis talia, Virgo? Et.

Lectio v.

TUAM ergo pertransívit animam vis doloris, et plusquam mártýrem non inmérito prædicémus, in qua nimirum corpóreæ sensum passionis excésserit compassiónis afféctus. An non tibi plusquam gladius fuit sermo ille, revéra pertransiens animam, et pertíngens usque ad divisiónem animæ et spíritus : Mulier, ecce filius tuus? O commutationem! Joánnes tibi pro Jesu tráditur, servus pro Dómino, discípulus pro magistro, filius Zebedæi pro Filio Dei, homo purus pro Deo vero. Quómodo non tuam affectuosissimam animam pertransíret hæc audítio, quando et nostra, licet sáxea, licet férrea pectora, sola recordátio scindit?

R. Passio Dómini * Ipsam ejus Matrem, carnáli orbitate grávitèr percússam, vehementissime contristávit. **v.** Ferrum lanceæ militáris latus quidem Salvatóris, animam vero transívit Virginitatis Matris. Ipsam.

Lectio vj.

NON mirémini, fratres, quod María martyr in anima fuisse dicátur. Mirétur qui non meminerit se audivisse Paulum inter máxima Géntium crimina memo-

rāntem, quod sine affectiōe fuissent. Longe id fuit a Mariæ viscēribus, longe sit a sērvulis ejus. Sed forte quis dicat : Numquid non eum præsclerat moritūrum? Et indubitāter. Numquid non sperābat continuo resurrectūrum? Et fidēliter. Super hēc dōluit crucifixum? Et vehemēter. Alióquin quisnam tu, frater, aut unde tibi hēc sapiētia, ut mirēris plus Mariām compatiētem, quam Mariæ Filium patiētem? Ille etiā mori corpore pōtuit : ista cōmmori corde non pōtuit? Fecit illud chāritas, qua majōrem nemo hābuit : fecit et hoc chāritas, cui post illam similis altera non fuit.

ñ. Quis mihi det te fratrem meum sugētem ūbera matris meæ, et inhærēdo lāteri tuo, ut sanguis tuus sanguinem meum tangat, et tergat : * Ut fons aquæ tuæ de scaturigine recti cordis, per venas boni óperis, in finem æternæ felicitātis exiliat? **†.** Filii tui de longe venient, et filiæ tuæ de latere surgent. Ut Glória Patri. Ut.

In tertio Nocturno.

Añā. Intendērent arcum, rem amāram, ut sagittent in occūltis immaculātum. **Ps.** Exāudi, Deus, oratiōnem. 80.

Añā. Factus sum sicut homo sine adjutório, inter mór-

tuos liber. **Psalm.** Dómine Deus salutis meæ. 103.

Añā. Replēvit me amaritudine, inebriāvit me absinthio. **Ps.** Deus, laudem meam ne tacueris. 124.

†. Deus, vitam meam annuntiāvi tibi. **ñ.** Posuisti lārymas meas in conspēctu tuo.

Lectio sancti Evangelii
secūndum Joānnem.

Lectio vij. Cap. 19. c

IN illo tēpore : Stabant juxta Crucem Jesu mater ejus, et soror matris ejus Maria Cléophæ, et Maria Magdaléne. Et reliqua.

Homilia sancti Augustini
Episcopi.

Tract. 119. in Joannem.

HÆC nimirum est illa hora, de qua Jesus aquam conversurus in vinum, dixerat Matri : Quid mihi et tibi est, mulier? nondum venit hora mea. Hanc itaque horam prædixerat, quæ tunc nondum vénerat, in qua debéret agnóscere moritūrus, de qua fúerat mortáliter natus. Tunc ergo divina facturus, non divinitátis, sed infirmitátis matrem velut incógnitam repellébat. Nunc autem humana jam pátiens, ex qua fúerat factus homo, afféctu comméndat humano. Morális igitur insinuatur locus. Facit quod faciéndum admonet, et exémplo suo suos ministros instrúxit præcéptor bonus.

ut a filiis piis impendatur cura paréntibus, tamquam lignum illud, ubi fixa erant membra moriéntis, étiam cathédra fúerit Magistri docéntis.

R. Dóleo super te, fili mi Jesu, decórus nimis, et amábilis: super amórem mulierum: * Sicut enim mater únicum diligit filium, ita ego te diligébam. **V.** Defécit in dolóre vita mea, et anni mei in gemítibus. Sicut. **Bened.** Cujus Festum cólimus, ipsa Virgo víginum.

Lectio viij.

Ex hac sana doctrína didícerat Paulus Apóstolus quod docébat, quando dicébat: Si quis autem suis, et máxime domésticis non próvidet, fidem negávit, et est infidéli detérior. Quid autem tam cuique domésticum, quam paréntes filiis, aut paréntibus filii? Hujus itaque salubérrimi præcépti ipse Magíster sanctórum de seípso constituébat exémpulum, quando non ut fámulæ Deus, quam creáverat, et regébat, sed ut matri homo, de qua creátus fúerat, et quam relinquébat, álterum pro se quodámmo- do filium providébat.

R. Eja, Mater, fons amóris, fac nos sentire vim dolóris, ut tecum lugeámus, * Et Dominicæ passiónis fructum sentiámus. **V.** Et

sicut Fílius tuus Jesus pro nobis mórtuus ést, et resurréxit, ita et nos comórtui cum eódem resurgámus. Et. Glória Patri. Et.

Lectio ix. de Hom. Feriæ.

AD LAUDES,

et per Horas. **Ant.**

1. Vadam ad montem myrrhæ, et ad collem thuris.

Ps. D óminus regnávit, cum reliq. 18.

2. Diléctus meus cándidus, et rubicúndus: comæ cápitis ejus sicut púrpura Regis vineta canálibus.

3. Quo ábiit diléctus tuus, o pulchérissima mulierum? Quo diléctus tuus declinávit?

4. Fascículus myrrhæ diléctus meus mihi, inter úbera mea commorábitur.

5. Fulcite me flóribus, stipáte me malis, quia amóre lángueo.

Capitulum. Isaïæ 53.

QUIS crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti.

Hymnus.

VIRGO víginum præclára, Mihi jam non sis amá-
ra,

Fac me tecum plángere.

Fac ut portem Christi mor-
tem,

Passiónis fac consórtem,

Et plagas recólere.

Fac me plagis vulnerári,
Fac me Cruce inebriári,
Et cruóre Filii.

Mammis ne urár succénsus,
Per te, Virgo, sim defénsus
In die iudicii.

Christe, cum sit hinc ex-
ire,

Da per Matrem me venire
Ad palmam victóriæ.

Quando corpus moriétur,
Fac ut animæ donétur
Paradisi glória. Amen.

Ÿ. Ora pro nobis, Virgo dolo-
rosíssima. R̃. Ut digni efficiá-
mur promissionibus Christi.

Ad Benedictus, Aña.

Cum vidisset Jesus Matrem
stantem juxta crucem, et
discipulum quem diligébat,
dicit Matri suæ: Mulier, ec-
ce filius tuus. Deinde dicit
discipulo: Ecce Mater tua.

Oratio.

DEUS, in ejus passióne,
secúndum Simeónis pro-
phetiam, dulcíssimam ani-
mam gloriósæ Virginis et
Matris Mariæ doloris gladius
pertransiuit: concéde pro-
pítius; ut qui Transfixiónem
ejus et passiónem venerán-
do recólimus, gloriósis mé-
ritis et préceibus ómnium
Sanctorum Cruci fidéliter
astántium intercedéntibus,
passiónis tuæ effectum fe-
licem consequámur. Qui
vivis.

Et tñ com. Feriæ.

Ad Primam, in R̃. br. Ÿ.
Qui passus es pro hómine.

Ad Tertiam, Aña.

Diléctus meus.

Capit. Quis crédidit. 460.

R̃. br. Pósuit me * Desolá-
tam. Pósuit. Ÿ. Tota die mœ-
róre conféctam. Desolátam.
Glória Patri. Pósuit. Ÿ. Fácies
mea intúmuit a fletu. R̃. Et
pálpebræ meæ caligavérunt.

Ad Sextam, Aña.

Quo ábiit.

Capit. Isaïæ 53. b

IPSE vulnerátus est propter
iniquitátes nostras: attri-
tus est propter scélera no-
stra: disciplina pacis no-
stræ super eum, et livóre
ejus sanáti sumus.

R̃. br. Fácies mea * In-
túmuit a fletu. Fácies. Ÿ.
Et pálpebræ meæ caligavé-
runt. Intúmuit. Glória Pa-
tri. Fácies. Ÿ. Deus vitam
meam annuntiávi tibi. R̃.
Posuisti lácrymas meas in
conspéctu tuo.

Ad Nonam, Aña.

Fulcite me flóribus.

Capit. Isaïæ 53. c

GENERATIONEM ejus quis
enarrábit? quia abscis-
sus est de terra vivéntium:
propter scelus pópuli mei
percússi eum.

R̃. br. Deus, vitam meam *
Annuntiávi tibi. Deus. Ÿ.
Posuisti lácrymas meas in
conspéctu tuo. Annuntiávi.
Glória Patri. Deus. Ÿ. Ora
pro nobis, Virgo dolorosis-
sima. R̃. Ut digni efficiámur
promissionibus Christi.

In ij. Vesperis omnia ut in primis. 455.

Ÿ Ora pro nobis, Virgo dolorosissima. R. Ut digni efficiamur promissionibus Christi.

Ad Magnificat. Añã.

Cum vidisset Jesus Matrem stantem juxta crucem, et discipulum quem diligebat, dicit Matri suæ: Mulier, ecce filius tuus. Deinde dicit discipulo: Ecce Mater tua.

Et fit com. Feriæ.

DIE II. APRILIS.

In Festo S. Francisci de Paula, Confessoris.

Duplex.

Omnia de Communi Conf. non Pont. lxxxiv. præter seq.

Oratio.

DEUS, humilium celsitudo, qui beatum Franciscum Confessorem Sanctorum tuorum gloria sublimasti: tribue, quæsumus; ut, ejus meritis et imitatione, promissa humilibus præmia feliciter consequamur. Per Dominum.

In Quadr. fit com. Feriæ.

In j. Noct. Lect. de Script. occurrit, si celebretur post Pascha. si vero in Quadr. Beatus vir, de Comm. ij. loco. xcvj.

In secundo Nocturno.

Lectio iv.

FRANCISCUS Paulæ, quod est Calabriæ oppidum, loco humili natus est: quem parentes, cum diu prole caruissent, voto facto, beati

Francisci precibus suscepérunt. Is adolescens divino ardore succensus, in eremum secéssit, ubi annis sex, victu asperam, sed meditationibus cœlestibus suavem vitam duxit. Sed cum virtutum ejus fama longius manaret, multique ad eum pietatis studio concurrerent, fraternæ charitatis causa e solitudine egressus, Ecclesiam prope Paulam ædificavit, ibique prima sui Ordinis fundamenta jecit.

R. Honestum fecit.

Lectio v.

ERAT in eo mirifica loquendi grátia: perpétuam virginitatem servavit: humilitatem sic coluit, ut se omnium minimum diceret, suosque alumnos Minimos appellari voluerit. Rudi amictu, nudis pedibus incédens, humi cubabat. Cibi abstinéntia fuit admirabilis: semel in die post solis occasum reficiebátur, et ad panem, et aquæ potum, vix aliquid ejusmodi obsónii adhibebat, quo vesci in Quadragésima licet: quam consuetudinem ut fratres sui toto anni tempore retinérent, quarto eos voto adstrinxit.

R. Amavit eum.

Lectio vj.

MULTIS miraculis servi sui sanctitatem Deus testari voluit: quorum illud

in primis célebre, quod a nautis rejéctus, Siciliæ fretum, strato super fluctibus pállio, cum sócio transmísit. Multa étiam futúra prophético spíritu prædixit. A Ludovíco Undécimo Francórum rege expetitus, magnóque in honóre est hábitus. Dénique annum primum et nonagésimum agens, Turónis migrávit ad Dóminum, anno salutis millésimo quingentésimo séptimo : cujus corpus dies undecim insepúltum ita incorruptum permánsit, ut suávem étiam odórem efflaret. Eum Leo Papa Décimus in Sanctórum númerum rétulit.

ii. Iste homo.

In iij. Noct. Homilia in Evang. Nolite timére, de Comm. ij. loco. xcix.

In Quadrag. Lectio ix. de Homilia Feriæ occurr. et de ea fit commem. in Laud.

DIE IV. APRILIS.

In Festo S. Isidori, Episc. Conf. et Ecclesiæ Doct.

Duplex.

Omnia de Comm. Conf. Pont. lxxiv. præter seq.

Ad Magnificat. Añā.

O Doctor óptime, Ecclesiæ sanctæ lumen, beáte Isidóre, divinæ legis amátor, deprecáre pro nobis Filium Dei.

Oratio.

DEUS, qui pópulo tuo ætérnæ salutis beátum

Isidórum mínistрум tribuísti : præsta, quæsumus ; ut, quem Doctórem vitæ habuimus in terris, intercessórem habére mereámur in cœlis. Per Dóminum.

In Quadrag. fit com. Fer.

In j. Noct. Lect., Sapiéntiam, de Comm. Doct. lxxviii.

In secundo Nocturno.

Lectio iv.

ISIDORUS natióne Hispánus, doctor egrégius, ex nova Carthágine Severiáno patre provinciæ duce natus, a sanctis Episcopis Leándro Hispalénsi, et Fulgéntio Carthaginiénsi fratribus suis, pie et liberáliter educátus, latinis, græcis, et hebráicis litteris, divinisque et humanis légibus instrúctus, omni scientiárum, atque christianárum virtútum génere præstantíssimus evásit. Adhuc adoléscentis hæresim Ariánam, quæ gentem Gothórum Hispániæ latíssime dominántem jam pridem inváserat, tanta constántia palam oppugnávit, ut parum abfúerit, quin ab hæréticis necarétur. Leándro vita functo, ad Hispalénsem cáthedram invitus quidem, sed urgénte in primis Recarrédo rege, magnóque étiam Cleri populique consénsu assúmitur; ejúsque electiónem sanctus Gregórius Magnus nedum auctoritáte Apostólica confirmásse, sed et eléctum

transmisso de more pállio decorásse, quin étiam suum et Apostolicæ Sedis in univérſa Hispánia Vicárium constituísse perhibétur.

℞. Invéni David.

Lectio v.

IN Episcopátu quantum fúerit constans, húmilis, pátiens, miséricors in christiána et ecclesiástica disciplína instauránda sollicitus, eaque verbo et scriptis stabiálienda indefessus, atque omni demum virtútum ornaménto insignítus, nullíus lingua enarráre sufficeret. Monástici quoque Institúti per Hispániam promótor et amplificátor exímíus, plura constrúxit monastéria, collégia ítidem ædificávit, ubi stúdiis sacris et lectionibus vacans, plúrimos discipulos, qui ad eum confluebant, erudívit, quos inter sancti Ildephónsus Toletánuſ, et Bráulio Cæsaraugustánuſ Epíscopi emicué-
runt. Coácto Hispali Concílio, Acephalórum hæresim, Hispániæ jam minitántem, acri et eloquénti disputatióne fregit atque contrívit. Tantam apud omnes sanctitátis, et doctrinæ famam adéptus est, ut elápsó vix ab ejus óbítu sextodécimo anno, univérſa Toletána Synodo duórum supra quinquaginta Episcopórum plaudénte, ipsóque étiam san-

cto Ildephónso suffragánte, doctor egrégíus, Catholicæ Ecclésiæ novíssimum deus, in sæculórum fine doctíssimus, et cum reveréntia nominándus appellári merúerit : eúmque sanctus Bráulio non modo Gregório Magno comparáverit, sed et erudiéndæ Hispániæ loco Jacóbi Apóstoli cœlitus datum esse censúerit.

℞. Pósuí adjutórium.

Lectio vj.

SCRIPSIT Isidórus libros Etymologiárum, et de Ecclesiásticos Offíciis, aliósque quamplúrimos christiánæ et ecclesiasticæ disciplínæ ádeo útiles, ut sanctus Leo Papa Quartus ad Epíscopos Británniæ scríbere non dubitáverit, sicut Hierónymi et Augustíni, ita Isidóri dicta retinénda esse, ubi contígerit inusitátum negótium, quod per Cánones mínime definíri pössit. Plures étiam ex ejúsdem scriptis senténtiæ inter canónicas Ecclésiæ leges relátæ conspiciúntur. Præfuit Concílio Toletáno quarto, ómnium Hispániæ celebérímo. Dénique cum ab Hispánia Ariánam hæresim eliminásset, morte sua, et regni vastatióne a Sarracénórum armis públice prænuntiáta, postquam quadraginta circíter annos suam rexisset Ecclésiám,

Hispali migrávit in cœlum, anno sexcentésimo trigésimo sexto. Ejus corpus inter Leándrum fratrem, et Florentínam sorórem, ut ipse mandáverat, primo cónditum, Ferdinándus Primus Castéllæ et Legiónis rex, ab Enéto Sarracéno Hispali dominante magno pretio redemptum, Legiónem tráns tulit, et in ejus honórem templum ædificátum est; ubi miráculis clarus, magna pópuli devotiône cólitur.

R. Iste est qui ante.

In tertio Nocturno.

Lectio sancti Evangélii secúndum Matthæum.

Lectio vij. Cap. 5. b

In illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur ? Ad nihilum valet ultra, nisi ut mittátur foras, et conculcétur ab homínibus. Et réliqua.

Homilia S. Isidóri Epíscopi.

Ex lib. 2. Offic. c 5.

Qui in erudiéndis atque instituéndis ad virtutem pópulis præerit, necesse est ut in ómnibus sanctus sit, et in nullo reprehensibilis habeatur. Qui enim álium de peccátis árguit, ipse a peccáto debet esse aliénus. Nam qua fronte subjéctos argúere póterit, cum illi statim possit cor-

rectus ingérere : Ante doce te, quæ recta sunt ? Primitus quippe semetípsum corrígere debet, qui álios ad bene vivéndum admonére studet, ita ut in ómnibus semetípsum formam vivéndi præbeat, cunctósque ad bonum opus, et doctrína et ópere próvocet. Cui étiam sciéntia Scripturarum necessária est. Quia si Epíscopi tantum sancta sit vita, sibi soli prodest, sic vivens. Porro si et doctrína, et sermóne fúerit eruditus, potest céteros quoque instrúere, et docére suos, et adversários repercutere, qui nisi refutati fúerint, atque convicti, fá-cile possunt simpliciū corda pervértere.

R. Amávit eum Dóminus, et ornávit eum, stolam glóriæ induit eum : Et ad portas paradísi coronávit eum. **Y.** Induit eum Dóminus lorícā fidei, et ornávit eum. Et.

Lectio vijj.

Hujus sermo debet esse purus, simplex, apértus, plenus gravitátis et honestátis, plenus suavitátis et grátiae, tractans de mystério legis, de doctrína fidei, de virtúte continétiæ, de disciplina justitiæ : unumquémque admonens diversa exhortatióne, juxta professionem morúmque

qualitatem, scilicet, ut prænoscat quid, cui, quando, vel quomodo proferat. Cujus præ ceteris speciale officium est Scripturas legere, percurrere Cánones, exempla Sanctorum imitari, vigiliis, jejuniis, orationibus incumbere, cum fratribus pacem habere, nec quemquam de membris suis discerpere, nullum damnare, nisi comprobatum, nullum excommunicare, nisi discussum. Quique ita humilitate pariter, et auctoritate præesse debet, ut neque per nimiam humilitatem suam subditorum vitia convallescere faciat, neque per immoderantiam severitatis potestatem exerceat, sed tanto cautius erga commissos sibi, quanto durius a Christo indagari formidat.

R. In medio Ecclesiæ aperuit os ejus, * Et implevit eum Dominus spiritu sapientiae et intellectus. **V.** Jucunditatem et exultationem thesaurizavit super eum. Et. Glória Patri. Et.

In Quadrag. Lectio ix. de Homilia Ferie et com. in Laud. Alias.

Lectio ix.

TENEBIT quoque illam supereminentem donis omnibus charitatem, sine qua omnis virtus nihil est. Custos enim castitatis chari-

tas : locus autem hujus custodis, humilitas. Habebit etiam inter hæc omnia castitatis eminentiam, ita ut mens Christo data, ab omni inquinamento carnis sit munda et libera. Inter hæc oportebit cum sollicita dispensatione curam pauperum gerere, esurientes pascere, vestire nudos, suscipere peregrinos, captivos redimere, viduas ac pupillos tueri, pervigilare in cunctis exhibere curam, providentiam habere distributione discreta. In quo etiam hospitalitas ita erit præcipua, ut omnes cum benignitate et charitate suscipiat. Si enim omnes fideles illud Evangelicum audire desiderant : Hospes fui, et suscepistis me ; quanto magis Episcopus, ejus diversorium cunctorum debet esse receptaculum ?

Te Deum laudamus. 17.

Vesperæ a Capit. de seq. cum com. præc. et Ferie.

DIE V. APRILIS.

In Festo S. Vincentii Ferrerii, Conf.

Duplex.

Omnia de Comm. Conf. non Pont. lxxxiv. præter seq.

Oratio.

DEUS, qui Ecclesiam tuam beati Vincentii Confessoris tui meritis et prædicatione illustrare dignatus es : concede nobis famulis

tuis; ut et ipsius instruamur exémplic, et ab ómnibus, ejus patrocínio, liberémur advérsis. Per Dñum.

Deinde fit com. S. Isidori.

Añã. O Doctor. Y. Justum.

Orat. Deus, qui pópulo. 463.

Postea Feriæ in Quadr.

In j. Noct. Lectiones post

Pascha de Script. occurr. In

Quadrag. Beátus vir, ij. loco.

xevj.

In secundo Nocturno.

Lectio iv.

VINCENTIUS honesta stirpe Valentiae in Hispania natus, ab incunte aetate cor gessit senile. Qui dum caliginosi hujus saeculi labilem cursum pro ingenii sui modulo consideraret, religionis habitum in Ordine Praedicatorum, decimo octavo aetatis suae anno, suscepit: et emissa solenni professione, sacris litteris sedulo incumbens, theologiae lauream summa cum laude consecutus est. Mox obtenta a superioribus licentia, verbum Dei praedicare, Judaeorum perfidiam arguere, Saracenorum errores confutare, tanta virtute et efficacia coepit, ut ingentem ipsorum infidelium multitudinem ad Christi fidem perduxerit, et multa Christianorum millia a peccatis ad poenitentiam, a vitiis ad virtutem revocarit. Electus enim a Deo, ut monita sa-

lutis in omnes gentes, tribus et linguas diffunderet, et extremi tremendique iudicii diem appropinquare ostenderet, omnium auditorum animos terrore concussos, atque a terrenis affectibus avulsos, ad Dei amorem excitabat.

R. Honestum fecit.

Lectio v.

IN hoc autem Apostolico munere hic vitae ejus tenor perpetuus fuit. Quotidie Missam summo mane cum cantu celebravit, quotidie ad populum concionem habuit; inviolabile semper jejunium, nisi urgens adesset necessitas, servavit: sancta et recta consilia nulli denegavit; carnes nunquam comedit, nec vestem lineam induit, populorum jurgia sedavit, dissidentia regna pace composuit: et cum vestis inconsutilis Ecclesiae diro schismate scinderetur, ut uniretur, et unita servaretur, plurimum laboravit. Virtutibus omnibus claruit, suosque detractores et persecutores, in simplicitate et humilitate ambulans, cum mansuetudine recepit, et amplexus est.

R. Amavit eum.

Lectio vj.

PER ipsum divina virtus, in confirmationem vitae et praedicationis ejus, multa

signa et miracula fecit. Nam frequentissime super ægros manus impósuit, et sanitatem adépti sunt: spíritus immúndos e corpóribus expulit; surdis auditum, mutis loquélam, cæcis visum restituit, leprósos mundávit, mórtuos suscitávit. Sénio tandem et morbo confectus infatigábilis Evangélii præco, plúrimis Európæ provinciis cum ingénti animárum fructu peragrátis, Venétiæ in Británnia minóri prædicationis et vitæ cursum feliciter consummávit, anno salutis millésimo quadringentésimo décimo nono: quem Callistus Tértius Sanctorum número adscripsit.

R. Iste homo.

In iij. Noct. Homilia in Evang. Sint lumbi. xcij.

In Quadrag. Lectio ix. de Homilia Feriæ, et de ea fit commem. in Laud.

DIE XI. APRILIS.

In Festo S. Leonis I. Papæ. Conf. et Eccl. Doct.

Duplex.

Omnia de Comm. Conf. Pont. lxiv. præter seq.

In utrisque Vesperis ad Magnificat. Añs. O Doctor óptime, Ecclésiæ sanctæ lumen, beáte Leo, divínæ legis amátor, deprecáre pro nobis Filium Dei.

Oratio.

EXAUDI, quæsumus Dómine, preces nostras, quas

in beáti Leonis, Confessoris tui atque Pontificis, solemnitate deférimus: et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

In Quadrag. lit com. Fer.

In j. Noct. Lectiones, Petrus Apóstolus, ut Dom. v. post Pascha. 341.

R. j. Euge, serve bone et fidélis, quia in pauca fulsti fidélis, supra multa te constituam: * Intra in gáudium Dómini tui. **V.** Dñe, quinque talénta tradidisti mihi, ecce ália quinque superlucrátus sum. Intra.

R. ij. Ecce sacérdos magnus, qui in diébus suis plácuít Deo: * Ideo jurejurádo fecit illum Dóminus créscere in plebem suam. **V.** Benedictionem ómnium géntium dedit illi, et testaméntum suum confirmávit super caput ejus. Ideo.

R. iij. Jurávit Dóminus, et non pœnitébit eum: * Tu es sacérdos in ætérnum secundum órđinem Melchisedech. **V.** Dixit Dóminus Dómino meo: Sede a dextris meis. Tu. **Glória Patri. Tu.**

In secundo Nocturno.

Lectio iv.

LEO Primus, Etrúseus, eo témpore præfuit Ecclésiæ, cum rex Hunnórum Attila, cognoménto Flagéllum Dei, in Itáliam invádens,

Aquiléiam, triénnii obsidióne captam, dirípuit et incéndit : unde cum Romam ardénti furóre raperétur, jamque cópias ubi Míncius in Padum ínfluit, trajicere paráret, occúrrit ei Leo, malórum Itáliæ impendéntium misericórdia permótus : cujus divína eloquéntia persuásus est Attilæ, ut regrederétur. Qui interrogátus a suis, quid esset quod præter consuetúdinem tam humíliter Románi Pontificis imperáta fáceret, respóndit, se astántem quemdam álium, illo loquente, sacerdotáli hábitu véritum esse, sibi stricto gládio minítantem mortem, nisi Leóni obtemperáret. Quare in Pannóniam revérsus est.

R. Invéni David.

Lectio v.

LEO autem Romæ singulá-
ri ómnium lætítia excéptus, paulo post invadénti Urbem Genseríco eádem eloquéntiæ vi, et sanctitátis opinióne persuásit, ut ab incéndio, ignomíniis, ac cædibus abstinéret. Sed cum Ecclésiám a multis hærésibus oppugnári, maximéque a Nestoriánis et Eutychiánis exagitári vidéret, ad eam purgándam, et in fide Cathólica confirmándam, Concílium Chalcedonénse indíxit. Ubi sexcéntis trigínta coáctis Episcopis, Eútyches et

Dióscorus, et íterum Nestórius, condemnáti sunt ; ejusdémque Concílii decréta sua auctoritáte confirmávit.

R. Pósuí adjutórium.

Lectio vj.

IIS actis, sanctus Póntifex se ad reficiéndas et ædificándas Ecclésiás convertit. Cujus suásu Demétria, pia fémína, sancti Stéphaní Ecclésiám constrúxit in suo fundo via Latína, tértio ab Urbe milliário : ipse via Appia sub nómine sancti Cornélii álteram cóndidit. Multas prætérea et sacras ædes, et sacra eárum vasa restituit. In tribus Basílicis, Petri, Pauli, et Constantiniána, cámaras extrúxit : ædificávit monastérium vicinum Basílicæ sancti Petri : sepúlchris Apostolórum custódes adhibuit, quos cubiculários appellávit. Státuit, ut in actióne mystérii dicerétur, Sanctum sacrificium, immaculátam hóstiam. Sanxit, ne mónacha benedíctum cápitis velámen recíperet, nisi quadragínta annórum virginitátem probáset. His et áliis præcláre gestis, cum multa sancte et luculénterscripsisset, tértio Idus Aprílis obdormívit in Dómino. Sedit in Pontificátu annos vigínti, menses decem, dies vigínti octo.

R. Iste est qui ante.

In tertio Nocturno.

Lectio sancti Evangelii
secundum Matthæum.

Lectio vij. Cap. 16. b

In illo tempore : Venit Jesus in partes Cæsariæ Philippi : et interrogabat discipulos suos, dicens : Quem dicunt homines esse Filium hominis ? Et reliqua.

Homilia S. Leonis Papæ.
Serm. 2. in Anniv. assumpt.
sue ante med.

CUM, sicut evangelica lectione reseratum est, interrogasset Dominus discipulos, quem ipsum (multis diversa opinantibus) crederent, respondissetque beatus Petrus dicens : Tu es Christus Filius Dei vivi ; Dominus ait : Beatus es, Simon Bar-Jona, quia caro et sanguis non revelavit tibi, sed Pater meus qui in cœlis est : et ego dico tibi, quia tu es Petrus, et super hanc petram ædificabo Ecclesiam meam, et portæ inferi non prævalébunt adversus eam ; et tibi dabo claves regni cœlorum : et quodcúmque ligáveris super terram, erit ligatum et in cœlis ; et quodcúmque solveris super terram ; erit solutum et in cœlis. Manet ergo dispositio veritatis, et beatus Petrus in accepta fortitudine petrae perseverans, suscepta Ecclesiæ gubernacula non reliquit.

℞. Amavit eum Dominus, et

ornavit eum, stolam gloriæ induit eum : * Et ad portas paradisi coronavit eum. ¶ Induit eum Dominus loriceam fidei, et ornavit eum. Et.

Lectio viij.

In universa namque Ecclesia, Tu es Christus Filius Dei vivi, quotidie Petrus dicit : et omnis lingua, quæ confitetur Dominum, magisterio hujus vocis imbuitur. Hæc fides diabolum vincit, et captivorum ejus vincula dissolvit. Hæc erutos mundo, inserit cœlo, et portæ inferi adversus eam prævalere non possunt. Tanta enim divinitus soliditate munita est, ut eam neque hæretica unquam corrumpere pravitas, nec pagana potuerit superare perfidia. His itaque modis, dilectissimi, rationabili obsequio celebratur hodierna festivitas : ut in persóna humilitatis meæ ille intelligatur, ille honoretur, in quo et omnium pastórum sollicitudo, cum commendatarum sibi óvium custodia perseverat, et cujus étiam dignitas in indigno herede non déficit.

℞. In médio Ecclesiæ aperuit os ejus, * Et implévit eum Dominus spiritu sapiéntiæ et intelléctus. ¶ Jucunditatem et exultationem thesaurizavit super eum. Et. Glória Patri. Et.

In Quad. Lect. ix. de Hom.
Fer. et com. in Laud. Alias

Lectio ix.

CUM ergo cohortatiōnes
 nostras áuribus vestræ
 sanctitátis adhibémus, ipsū
 vobis, cujus vice fungimur,
 loqui crédite : quia et illius
 vos afféctu monémus, et non
 aliud vobis, quam quod dó-
 cuit, prædicámus : obse-
 crántes, ut succíneti lumbos
 mentis vestræ, castam et
 sóbriam vitam in Dei timóre
 ducátis. Coróna mea, sicut
 Apóstolus ait, et gáudium
 vos estis, si fides vestra,
 quæ ab initio Evangélii in
 univérso mundo prædicáta
 est, in dilectiōne et sancti-
 tâte permánserit. Nam licet
 omnem Ecclesiám, quæ in
 toto est orbe terrarum, cun-
 ctis opórteat florére virtúti-
 bus, vos tamen præcípue
 inter céteros pópulos decet
 méritis pietátis excéllere,
 quos in ipsa apostólicæ pe-
 træ arce fundátos, et Dómi-
 nus noster Jesus Christus
 cum ómnibus redémit, et
 beátus Apóstolus Petrus
 præ ómnibus erudívit.

Te Deum laudámus. 47.

DIE XIII. APRILIS.

In Festo S. Hermenegildi.

Mart. Semiduplex.

Omnia de Communi unius
 Mart. xxiv. præter seq.

In utrisque Vesp. et Laud.

Hymnus.

REGALI sólio fortis Ibériæ
 Hermenegilde jubar,
 glória Mátyrum,

Christi quos amor almis
 Cœli cœtibus inserit.

Ut perstas pátiens pollici-
 tum Deo

Servans obséquium ! quo
 pótius tibi

Nil propónis, et arces

Cautus nóxia, quæ placent.

Ut motus cóhibes, pábula
 qui parant

Surgéntis vítii, non dúbios
 agens

Per vestigia gressus,

Quo veri via dirigit !

Sit rerum Dómino jugis
 honor Patri,

Et Natum célebrent ora pre-
 cántium,

Divinúmque suprémis

Flamen láudibus éfferant.

Amen.

Si prædictus Hymnus dici
 non potuerit in j. Vesp. tune
 pon. ad Matut. et Hymnus
 Matut. Nullis, dicitur in
 Laudibus.

Oratio.

DEUS, qui beátum Her-
 menegildum Mátyrem
 tuum cœlésti regno terré-
 num postpónere docuísti :
 da, quæsumus, nobis ejus
 exémplo cadúca despícere,
 atque æténa sectári. Per
 Dóminum.

In Quadrag. fit com. Fer.

Ad Matutinum. Hymnus.

NULLIS te génitor blandi-
 tiis trahit,

Non vitæ cáperis dívitis ótio,

Gemmarúmve nitóre,

Regnandíve cupídine.

Diris non ácies te gládii
minis ,
Nec terret périmens carni-
ficis furor :

Nam mansúra cadúcis
Præfers gáudia Cœlitum.

Nunc nos e Súperum próte-
ge sédibus

Clemens atque preces, dum
cānimus tua

Quæsítam nece palmam ,
Pronis áuribus éxcipe.

Sit rerum Dómino jugis
honor Patri ,

Et Natum célebrent ora pre-
cántium ,

Divinúmque suprémis
Flamen láudibus éfferant.

Amen.

In j. Noct. in Quadrag.
Lectiones, Fratres, Debitó-
res. Ij. Post Pascha, Lection-
es de Scriptura occurrente.

In secundo Nocturno.
Ex libro Dialogórum sancti
Gregórii Papæ.

Lectio iv. Lib. 3. c. 31.

HERMENEGILDUS rex, Leo-
vigildi regis Visigothó-
rum filius, ab Ariána hæresi
ad fidem catholicam, viro
reverendíssimo Leándro Hi-
spalénsi Episcopo, dudum
mihi in amicitiiis familiári-
ter juncto, prædicante, con-
vérsusest. Quem pater Ariá-
nus, ut ad eámdem hæresim
rediret, et præmiis suadére,
et minis terrére conátus
est. Cumque ille constantis-
sime respondéret, nunquam
se veram fidem posse relin-

quere, quam semel agnovís-
set; irátus pater eum privávit
regno, rebúsque expoliávit
ómnibus. Cumque nec sic vir-
tutem mentis illius emollíre
valuísset, in arcta illum cu-
stódia conclúdens, collum
manúsque illius ferro ligá-
vit. Cœpit itaque Hermene-
gildus rex júvenis terrénum
regnum despícere, et forti
desidério cœléste quærens,
in ciliciis vinculátus jacens,
omnipoténti Deo, ad confor-
tándum se preces effúndere,
tantóque sublímius glóriam
transeúntis mundi despíce-
re, quanto et religátus ag-
nóverat nihil fuisse, quod
potúerit auférri.

℞. Honéstum fecit.

T. P. ℞. Lux perpétua.

Lectio v.

SUPERVENIENTE autem Pa-
schális festivitátis die,
intempéstæ noctis siléntio,
ad eum pérfidus pater Ariá-
num Episcopum misit, ut
ex ejus manu sacrilegæ con-
secratiónis communióem
percíperet, atque per hoc ad
patris grátiam redire mere-
rétur. Sed vir Deo déditus,
Ariáno Episcopo veniénti
exprobrávit, ut débuit, ejús-
que a se perfidiam dignis
increpationibus répulit :
quia etsi extérius jacébat
ligátus, apud se tamen in
magno mentis cúlmine sta-
bat secúrus. Ad se itaque
revérso Episcopo, Ariánu

pater infrémuit, statimque suos apparitores misit, qui constantissimum Confessorem Dei illic, ubi jacébat, occiderent: quod et factum est. Nam mox ut ingressi sunt, securim cerebro ejus infigentes, vitam corporis abstulerunt: hocque in eo valuérunt perimere, quod ipsum quoque, qui peremptus est, in se constiterat despexisse. Sed pro ostendenda vera ejus glória, superna quoque non defuere miracula: nam cœpit in nocturno silentio psalmodiæ cantus ad corpus ejusdem regis et martyris audiri: atque ideo veraciter regis, quia et martyris.

R. Desiderium animæ.

T. P. R. In servis.

Lectio vj

QUIDAM étiam ferunt, quod illic nocturno tempore accensæ lampades apparébant. Unde et factum est, quatenus corpus illius, ut videlicet martyris, jure a cunctis fidelibus venerari debuisset. Pater vero perfidus et parricida, commotus pœnitentia, hoc fecisse se dóluit, nec tamen usque ad obtinendam salutem pœnituit. Nam quia vera esset catholica fides, agnovit: sed gentis suæ timóre perterritus, ad hanc pervenire non méruit. Qui, oborta ægritudine, ad extrémam perductus

est, et Leáandro Episcopo, quem prius veheménter afflixerat, Reccarédum regem filium suum, quem in sua hæresi relinquebat, commendare curávit, ut in ipso quoque talia faceret, qualia et in fratre suis exhortationibus fecisset. Quacommodatione expléta, defunctus est. Post cujus mortem Reccarédus rex non patrem perfidum, sed fratrem martyrem sequens, ab arianæ hæreseos pravitate conversus est, totámque Visigothorum gentem ita ad veram perduxit fidem, ut nullum in suo regno militare permitteret, qui regni Dei hostis existere per hæreticam pravitatem non timéret. Nec mirum quod veræ fidei prædicátor factus est, qui frater est martyris: cujus hunc quoque mérita adjuvant, ut ad omnipotentis Dei grémium tam multos reducat.

R. Stola jucunditátis.

T. P. R. Filia Jerúsalem.

In iij. Noct. Homilia in Evang. Si quis venit, de Comm. unius Mart. xxxij.

In Quadrag. Lectio ix. de Hom. Feriæ occur. et com. in Laudibus.

In ij. Vesp. fit com. seq. et Fer. in Quadrag.

COMMUNE

SS. Martyrum temp. Paschali habetur cum aliis Communibus. xlvij.

DIE XIV. APRILIS.

SS. Martyrum Tiburtii,
Valeriani et Maximi.

Oratio.

PRÆSTA, quæsumus omnipotens Deus : ut , qui sanctorum Martyrum tuorum Tiburtii, Valeriani, et Maximi solèmnia còlimus, eòrum étiam virtutes imitemur. Per Dòminum.

Lectio ij.

VALERIANUS . Romànus , nóbili genere ortus, Alexandro Sevéro Imperatòre , hortàtu beàtæ Cæciliæ virginis, quam sibi pari nobilitate uxorem despónderat , una cum Tibúrtio fratre a sancto Urbáno Papa baptizàtur. Quos ubi Præfèctus Urbis Almàchius Christiànos esse cognóvit, et patrimoniò paupèribus distribùto Christianòrum còrpora sepelire , accersitos gràviter reprehéndit : atque ubi Christum Deum constànter confitèntes, deos autem dæmoniòrum inània simulàcra prædicàntes videt , virgis cædi jubet.

Lectio iij.

SED cum verbèribus cogi non possent, ut Jovis simulàcrum venerarèntur, immo fortes in fidei veritate permanèrent, ad quartum ab Urbe lapidem secùri feriùntur. Quorum virtutè admiràtus Máximus, Præfècti cubiculàrius, qui eos ad sup-

plicium perdúxerat, Christiànum se esse profèssus est, cum multis prætèrea Præfècti ministris: qui paulo post plumbàtis contùsi, omnes exdiàboli ministris, Christi Dñi mάρtyres evasérunt. Te Deum laudàmus. 17.

DIE XVII. APRILIS.

S. Aniceti, Papæ et Mart.

Oratio.

DEUS, qui nos beàti Aniceti, Mάρtyris tui atque Pontificis, ànnua solemnitate lætificas : concède propitius ; ut ejusdem étiam protectione gaudeàmus. Per Dòminum.

Lectio iij.

ANICETUS Syrus, Imperatòre Marco Aurèlio Antonino, præfuit Ecclésiæ. Decrévit, ne clérici comā nutrìrent. Quinquies mense Decèmbri ordinàvit Presbyteros decem et septem, Diáconos quatuor, Episcopos per divèrsa loca novem. Vixit in Pontificàtu annos octo, menses octo, dies viginti quatuor. Propter Christi fidem martyrio coronàtus, sepúltus est via Appia in cœmetèrio, quod póstea Callisti appellàtum est, décimo quinto Kalèndas Majas. Te Deum laudàmus. 17.

DIE XXI. APRILIS.

In Festo S. Anselmi, Episc.
Conf. et Eccl. Doct.

Duplex.

Omnia de Communi Conf.
Pont. lxiv. præter seq.

Ad Magnificat in utrisque Vesp. Añā. O Doctor optime, Ecclesiæ sanctæ lumen, beâte Ansélme, divinæ legis amátor, deprecáre pro nobis Fílium Dei, allelúia.

Oratio.

DEUS, qui pópulo tuo ætérnæ salutis beátum Ansélmum místrum tribuísti : præsta, quæsumus; ut, quem Doctórem vitæ habuimus in terris, intercessórem habére mereámur in cœlis. Per Dóminum.

In j. Noct. Lect., Sapiéntiam, de Comm. Doct. lxxviiij.

In secundo Nocturno.

Lectio iv.

ANSELMUS Augústæ Prætoríæ in finibus Italiæ Gundúlpho, et Ermembérge, nobilibus et cathólicis paréntibus natus, a téneris annis assíduo litterárum stúdio, atque perfectióris vitæ desidério, non obscurum futúre sanctitátis et doctrínæ spécimen dedit. Et licet juvenili ardóre aliquándo ad sæculi illécebras traherétur, brevi tamen in pristinam viam revocatús, pátria et bonis ómnibus derelictis, ad monastérium Beccénse Ordinis sancti Benedicti se cónsulit : ubi emissa regulári professióne sub Herluíno Abbáte observantíssimo, et Lanfráncoviro doctíssimo, tanto animi fervóre, et jugi stúdio in

litteris et virtútibus assequéndis profécit, ut mirum in modum tamquam sanctitátis et doctrínæ exémpplar ab ómnibus haberétur.

ñ. Invéni David.

Lectio v.

ABSTINENTIÆ et continéntiæ tantæ fuit, ut assiduitáte jejúnii omnis pene cibórum sensus in eo viderétur exstíctus. Diúrno enim témpore in exercitiis monásticis docéndo, et respondéndo váriis de religióne quæsitis, eménso, quod réliquum erat noctis, somno subtrahébat, ut divínis meditatió nibus, quas perénni lacrymárum imbre fovébat, mentem recreáret. Eléctus in Priórem monastérii, invidos fratres ita charitáte, humilitáte, et prudéntia lenívit, ut, quos æmulos acceperat, sibi et Deo amícos, máximo cum reguláris observántiæ emoluménto réderet. Mórtuo Abbáte, et in ejus locum (licet invítus) sufféctus, tanta doctrínæ et sanctitátis fama ubique refúlsit, ut non modo régibus et Episcopis veneratióni esset, sed sancto Gregório Séptimo étiam accéptus, qui tunc magnis persecutió nibus agitátus, litteras amoris plenas ad eum dedit quibus se et Ecclesiám Cathólicam ejus oratió nibus commendábat. **ñ. Pósuí adjutórium.**

Lectio vj.

DEFUNCTO Lanfranco Archiepiscopo Cantuariensi, ejus olim præceptore, Anselmus, urgente Willélmo Angliæ rege, et instantibus clero ac pópulo, ipso tamen repugnante, ad ejusdem Ecclesiæ régimen vocatus, statim (ut corruptos pópuli mores reformáret) verbo et exémplo prius, dein scriptis et Conciliis celebrátis, pristinam pietátem et ecclesiásticâ disciplinam redúxit. Sed cum mox idem Willélmus rex vi et minis Ecclesiæ jura usurpáre tentasset, ipse sacerdotáli constantia réstitit: bonorúmque direptionem et exilium passus, Romam ad Urbánum Secundum se cóntulit: a quo honorífice excéptus, et summis láudibus ornátus est, cum in Barénsi Concílio Spíritum sanctum étiam a Filio procedentem contra Græcorum errórem innúmeris Scripturárum, et sanctorum Patrum testimoniis propugnasset. E vivis Willélmo sublato, ab Henrico rege ejus fratre in Angliam revocatus, obdormívit in Dómino, famam non solum miraculorum et sanctitátis (præcipue ob insígnem devotiónem erga Dómini nostri passiónem, et beátam Virginem ejus Matrem) assecutus, sed étiam doctrínæ,

quam ad defensiónem christiánæ religiónis, animarum profectum, et ómnium theologorum, qui sacras litteras scholástica méthodo tradiderunt, normam cœlitus hausisse ex ejus libris omnibus appáret.

R. Iste est qui ante.

In iij. Noct. Homilia in Evang. Vos estis sal terræ, de Comm. Doct. ij. loco. lxxxij.

In ij. Vesp. fit com. seq.

DIE XXII. APRILIS.

In Festo SS. Soteris et Caji, Pont. et Mart.

Semiduplex.

Añã. Lux perpétua. Ÿ. Sancti.

Oratio.

BEATORUM Mártyrum pariterque Pontificum Soteris et Caji, nos, quæsumus Dómine, festa tueántur: et eórum comméndet oratio veneránda. Per Dóminum.

In j. Nocturno Lectiones de Scriptura occurrente.

In secundo Nocturno.

Lectio iv.

SOTER, Fundis in Campánia natus, sancívit, ne sacræ vírgines vasa sacra et pallas attingerent, neve thuris ministério in Ecclesiá uteréntur. Idem státuit, ut Christi corpus in Cœna Dómini sumerétur ab ómnibus, iis excéptis, qui propter grave peccátum id fácere prohiberéntur. Sedit in Pontificátu annos tres, menses úndecim, dies decem et

octo : martyrio coronatur sub Marco Aurélio Imperatore, et in cœmetério, quod póstea Callisti dictum est, sepelitur, more majórum, mense Decémbri, creatis Presbyteris decem et octo, Diáconis novem; Episcopis per diversa loca undecim.

R. Lux perpétua.

Lectio v.

GAJUS Dálmata, ex genere Diocletiani Imperatóris, constituit, ut his Ordinum et honórum grádibus in Ecclesia ad Episcopátum ascenderétur: Ostiárii, Lectoris, Exoreistæ, Acólythi, Subdiáconi, Diáconi, Presbyteri. Hic Diocletiani crudelitatem in Christiános fugiens, aliquándiu in spelunca delituit: verum octo post annis una cum Gabino fratre martyrii corónam consecutus est, cum sedisset annos duódecim, menses quatuor, dies quinque, creatis mense Decémbri Presbyteris viginti quinque, Diáconis octo, Episcopis quinque. Sepúltus est in cœmetério Callisti décimo Kalédas Maji. Ejus memoriam Urbánus Octávus in Urbe renovávit, dírutam Ecclesiám restituit, Titulo, Statione, et ipsius reliquiis decorávit. **R.** In servis.

Sermo S. Ambrósii Episcopi.

Lectio vi. Serm. 22.

DIGNUM et congruum est, fratres, ut post lætítiam

Paschæ, quam in Ecclesia celebrávimus, gáudia nostra cum sanctis Martyribus conferámus; et iis annuntiémus Dominicæ resurrectionis glóriam, qui consórtes sunt Dominicæ passiónis. Qui enim sócii sunt contuméliæ, debent et participes esse lætítiæ. Ita enim dicit beátus Apóstolus: Sicut sócii passiónum estis, et resurrectionis éritis: si tolerábimus, inquit, et conregnábimus. Qui ergo toleravérunt mala propter Christum, debent et glóriam habere cum Christo.

R. Filiæ Jerúsalem.

In iij. Nocturno Homilia in Evang. Ego sum vitis, vos pálmities, ij. loco. xlvij.

In ij. Vesp. fit a Capit. de S. Georgio.

DIE XXIII. APRILIS.

In Festo S. Georgii, Mart. Semiduplex.

Omnia de Communi unius Mart. temp. Pasch.

Oratio.

DEUS, qui nos beáti Geórgii Mátyris tui méritis et intercessióne lætificas: concéde propítius; ut, qui tua per eum beneficia póscimus, dono tuæ gratiæ consequámur. Per Dñum.

Deinde fit com. SS. Soteris et Gaji, Ana. Sancti. ſ. Preliosa. Orat. Beatórum. 476.

In ij. Nocturno Lectione de Scriptura occurrente

In ij. Noct. Lect. Quibus ego vos, **ij. loco. xlvj.**

In iij. Noct. Homilia in Ev. Ego sum vitis vera. xliij. Vesp. de seq., com. præc.

DIE XXIV. APRILIS.

In Festo S. Fidelis a Sigmaringa, Martyris.

Duplex.

Omnia de Comm. Mart. temp. Pasch. xl. præter seq.

Oratio.

DEUS, qui beátum Fidélem, seráphico spíritus ardóre succénsum, in veræ fidei propagatióne martyrii palma, et gloriósis miráculis decoráre dignátus es: ejus, quæsumus, méritis et intercessióne, ita nos per grátiam tuam in fide et charitate confirma, ut in servítio tuo fidéles usque ad mortem inveníri mereámur. Per Dñm.

Pro com. S. Georgii, Añs. Sancti tui. y. Pretiósas.

Oratio. Deus, qui nos. 477.

In j. Nocturno Lectiones de Scriptura occurrente.

In secundo Nocturno.

Lectio iv.

FIDELIS in óppido Suéviæ Sigmaringa ex honésta Reyórum familia natus, ab incúnte ætáte singuláribus naturæ et grátiae donis ornátus præfúlsit. Egrégiam quippe sortítus indolem, morúmque óptima imbútus disciplina, dum Fribúrgi philosophiæ, et Juris utriúsque láuream emérui, in

schola étiam Christi ad perfectiónis ápicem sédulo virtútum exercitio conténdere cœpit. Nobílium exinde virórum, várias Európæ provinciás lustrántium, comes adscítus, eos ad Christiánam pietátem sectándam tam verbis quam opéribus excitáre non déstitit. Quinímo in eódem itínere crebris austeritátibus desidéria carnis mortificáre, ac ita seípsum régere stúduit, ut in tanta rerum vicissitúdine nullo unquam visus fúerit iræ motu perturbári. Juris prætér-ea, et justítiæ strénuus propugnátor, post réditum in Germániam, célebre sibi nomen acquisívit in advocáti múnere; in quo tamen cum fori perícula esset expértus, tutiorem ætérnæ salútis viam ingredi deliberávit, et supérna vocatióne illustrátus, paulo post Ordini seráphico inter fratres Minóres Capucínos adscribi pétiit.

ñ. Lux perpétua.

Lectio v.

PLÆ petitiónis compos réditus, mundi suíque contéptor insignis, in ipso statim tyrocínio, magisque cum solémnis professiósni vota in gáudio spíritus Dómino nuncupáset, in regulári observántia ómnibus admiratióni fuit, et exémplo. Oratióni máxime, et sacris lítteris vacans, in verbi

quoque ministério singulári grátia excéllens, nedum Cathólicos ad meliorem frugem, verum étiam heterodóxos ad veritátis cognitió- nem attráxit. Plúribus in locis cœnóbii Præfétus constitútus, prudéntia, ju- stitia, mansuetú-dine, discre- tió-ne et humilitátis laude, munus sibi demandátum exércuit. Arctíssimæ pauper- tátis zelátor egrégíus, quid- quid vel minus necessárium viderétur, e cœnóbio pénit- tus eliminávit. Inter austéra jejúnia, vigilias, et flagélla salutári seípsum prósequens ódio, in álios amórem, qua- si mater in filios, osténdit. Cum pestífera febris Au- striacas militáres cópias dire affligeret, ipse in extré- mis infirmórum indigéntiis ad assidua charitátis offi- cia toto spírítu incúbuit. In componéndis étiam animó- rum dissídiis, aliisque próxi- mi necessitatibus subleván- dis, consílio, et ópere ádeo præcláre se gessit, ut pater pátriæ merúerit appellári.

R. In servis suis.

Lectio vj.

DEIPARE Virginis, et Ro- sárii cultor exímíus, il- lius præcípuè, aliorúmque Sanctórum patrocínio a Deo postulávit, ut in cathólicæ fidei obséquium vitam sibi, et ságuinem fúndere licé- ret. Cumque ardens hoc de-

sidérium in quotidíana Sa- cri devóta celebratió-ne ma- gis accenderétur, mira Dei providéntia factum est, ut fortis Christi athléta præses eligerétur illárum Missi- ó-num, quas Congregátio de Propagánda Fide pro Rhætia tunc témporis institúerat. Quod árduum munus prom- pto hilaríque ánimo susci- piens, tanto fervóre execútus est, ut plúribus hæréticis ad orthodóxam fidem convér- sis, spes non mó-dica effulse- rit totíus illius gentis Ecclé- siæ, et Christo reconcilián- dæ. Prophetiæ dono præ- ditus, futúras Rhætiæ calamitátes, suíque necem ab hæréticis inferéndam sæpius prædixit. Postquam vero insidiárum probe cón- sci-us, impendénti agóni se præparásset, die vigésima quarta Aprilis anno millé- simo sexcentésimo vigésimo secúndo, ad Ecclésiám loci, Sevísium nuncupáti, se cóntulit: ubi ab hæréti- cis, qui pridie conversiónem simulántes, eum dolóse ad prædicándum invitáverant, conción-e tumultuárie inter- rúpta, per vérbera et vul- nera eidem crudéliter in- flícta, gloriósam mortem magno et álacri corde per- péssus, primitías Mártyrum memorátæ Congregatió-nis próprio ságuine consecrá- vit, plúribus signis, et

miráculis exinde clarus, præsertim Cúriæ, et Veld-kírchii, ubi summa pópuli veneratióne illíus reliquiæ asservántur.

R. Filíæ Jerúsalem.

In iij. Nocturno Homilia in
Ev. Ego sum vitis vera. xliij.

Vesp. de seq., com. præc.

DIE XXV. APRILIS.

In Festo sancti Marci.

Evangelistæ.

Duplex ij. classis.

Omnia de Comm. Apost.

I. P. xxj. præter seq.

Oratio.

DEUS, qui beátum Marcum Evangelístam tuum, evangélicæ prædicatiónis grátia sublimásti : tríbue, quæsumus ; ejus nos semper et eruditiónē proficere, et oratióne deféndi. Per Dñm.

Deinde fit com. S. Fidelis a Sigmaringa, Aña. Sancti tui. Y. Pretiósá. Oratio.
Deus, qui beátum, ut 478.

In j. Nocturno Lectiones,
Et factum est in, de eodem
Comm. pro Evang. xvij.

In secundo Nocturno.

Ex libro sancti Hierónymi
Presbyteri de Scriptóri-
bus ecclesiásticis.

Lectio iv.

MARCUS discipulus et in-
térpres Petri, juxta
quod Petrum referéntem
audierat, rogátus Romæ a
frátribus, breve scripsit
Evangélium. Quod cum Pe-
trus audísset, et probávit,

et Ecclésiæ legéndum sua
auctoritatē dedit. Assúpto
itaque Evangélio quod ipse
confécerat, perréxit in Ægy-
ptum, et primus Alexandriæ
Christum annúntians, con-
stituit Ecclésiám tanta do-
ctrina et vitæ continéntia,
ut omnes sectatóres Christi
ad exéplum sui cógeret

R. Lux perpétua lucébit
Sanctis tuis, Dómine, * Et
ætérnitas téporum, alle-
lúia, allelúia. Y. Lætítia
sempitérna erit super cápita
eórum : gáudium et exul-
tatióne obtinébunt. Et.

Lectio v.

DENIQUE Philo, disertissi-
mus Judæórum, videns
Alexandriæ primam Ecclé-
siam adhuc judaizántem,
quasi in laudem gentis suæ
librum super eórum con-
versatióne scripsit. Et quó-
modo Lucas narrat Jerosó-
lymæ credéntes, ómnia ha-
buisse commúnia, sic et ille,
quod Alexandriæ sub Marco
fieri doctóre cernébat, me-
móriæ trádidit. Mórtuus est
autem octávo Nerónis anno,
et sepúltus Alexandriæ,
succedénte sibi Aniáno.

R. Virtúte magna reddé-
bant Apóstoli * Testimó-
nium resurrectionis Jesu
Christi Dómini nostri, al-
lelúia, allelúia. V. Repléti
quidem Spiritu sancto lo-
quebántur cum fidúcia ver-
bum Dei. Testimónium.

De Expositione sancti Gregorii Papæ super Ezechiëlem Prophétam.

Lectio vj. Hom. 3. Lib. 4.

SANCTA quatuor animália, quæ prophetiæ spiritu futura prævidéntur, subtili narratione describúntur, cum dicitur : Quatuor fácies uni, et quatuor pennæ uni. Quid per fáciem, nisi notítia, et quid per pennas, nisi volátus exprimitur? Per fáciem quippe unusquisque cognóscitur : per pennas vero in altum ávium córpora sublevántur. Fácies itaque ad fidem pértinet, penna ad contemplationem. Per fidem namque ab omnipoténti Deo cognóscimur, sicut ipse de suis óvibus dicit : Ego sum pastor bonus, et cognóscó oves meas, et cognóscunt me meæ. Qui rursus ait : Ego scio quos elégerim. Per contemplationem vero, qua super nosmetipsos tollimur, quasi in áera levámur.

Isti sunt agni novélli, qui annuntiavérunt, allelúia : modo venérunt ad fontes, Repléti sunt claritate, allelúia, allelúia. v. In conspéctu Agni amicti sunt stolis albis, et palmæ in manibus eórum. Repléti. glória Patri. Repléti.

In iij. Noct. Homilia in Evang. Designávit, de eodem Comm. pró Evang. xix.

VERNA.

Hodie qui non intersunt Processioni Litaniarum, dicant illas privatim post Matutinum cum suis Precibus et Orationibus, sine Psalmis Pœnit., etiam si hoc Festum transferatur in aliam diem.

Si Litanie Majores occurrant in die Paschatis, transferantur in Feriam iij. seq.

In iij. Vesp. fit com seq.

DIE XXVI. APRILIS.

In Festo SS. Cleti et Marcellini, Pont. et Mart.

Semiduplex.

Añ. Lux perpétua. v. Sancti.

Oratio.

BEATORUM Mátyrum, patrítérque Pontíficem Cleti et Marcellini nos, Dómine, foveat pretiósa conféssio : et pia júgiter intercésio tueátur. Per Dóminum.

Si hoc Festum celebretur Feria ij. Rogat., Lect. j. Noct. sumuntur ex Comm. plur. Mart. extra temp. Pasch. infra Ij. et Lectio ix. legitur de Homilia Ferie.

Similiter si aliquod ex sequentibus Festis occurrat dicta Feria ij. aut in Vigilia Ascens., in j. Noct. legantur Lect. quæ habentur in Comm. illius Sancti extra tempus Pasch., nisi propriæ assignentur, vel ponendum sit initium alicujus Epist. præc. Dñicæ, quod omissum sit ob aliud Festum in ea celebratum, in quo propriæ Lectiones assignatæ sint.

In secundo Nocturno.

Lectio iv.

CLETUS Románus, patre Æmiliáno, de regione quinta, e vico Patricio, Imperatóribus Vespasiáno et Tito, Ecclésiám gubernávit. Is ex præcépto Principis Apostolorum in Urbe viginti quinque Presbyteros ordinávit. grimus in litteris verbis illis usus est : Salútem et Apostólicam benedictiónem. Qui Ecclésiá óptime constitúta, cum ei præfuisset annos duódecim, menses septem, dies duos, Domitiáno Imperátore, secúnda post Nerónem persecutióne, martyrio coronátus est, et in Vaticáno juxta corpus beáti Petri sepúltus.

ñ. Lux perpétua.

Lectio v.

MARCELLINUS Románus in immáni illa Diocletiani Imperatóris persecutióne terróre pertérritus, deórum simulácris thus adhíbuit : cujus peccáti mox illum tantópere pœnituit, ut Sinuésam ad Concílium plurimórum Episcopórū vénérit cilicio indútus, ubi lácrymis profúsis scelus suum palam conféssus est. Quem tamen damnare ausus est nemo, sed omnes una voce clamá-
runt : Tuo te ore, non nostro iudicio júdica : nam prima Sedes a némine judicátur. Petrum quoque propter eam-

dem ánimi infirmitátem deliquisse, et a Deo similibus lácrymis véniam impetrásse.
ñ. In servis suis.

Lectio vi.

MARCELLINUS Romam re-
vérsus, Imperátorem adit, gráviter eum accúsans, quod se ad tantam impietátem impulsisset. Quámobrem ille Marcellinū una cum tribus áliis Christiánis, Cláudio, Cyríno, et Antonino, cápite plecti jubet. Quorum projécta córpora cum triginta sex dies jussu Imperatóris sepultúra caruissent, beátus Marcéllus a sancto Petro in somnis admónitus, Presbyteris et Diáconis, hymnis ac lumínibus adhibitis, honorífice sepeliénda curávit in ecœmetério Priscillæ, via Salária. Rexit Ecclésiám annos septem, menses undecim, dies viginti tres : quo témpore fecit Ordinatiónes duas mense Decémbri, quibus creávit Presbyteros quatuor, Episcopos per diversa loca quinque. ñ. Filiæ.

In iij. Noct. Hom. in Ev.
Ego sum vitis, ij. loco. xlvij.
DIE XXVIII. APRILIS.

Sancti Vitalis Martyris.

Oratio.

PRÆSTA, quæsumus omnipotens Deus : ut, qui beáti Vitális Mátyris tui natalítia cólimus, intercessi-
sióne ejus in tui nóminis amóre roborémur. Per Dñm.

Lectio iij.

VITALIS miles, sanctorum Gervásii et Protásii pater, una cum Paulino iudice Ravennam ingressus; cum vidisset Ursicinum medicum, ob christiánæ fidei confessionem ductum ad supplicium, paululum, in tormentis titubare, exclamavit: Ursicine medice, qui alios curare solitus es, cave ne te mortis æternæ iaculo conficias. Qua voce confirmatus Ursicinus, martyrium fortiter subivit. Quare Paulinus incensus, Vitalem comprehendendi jubet, et equuleo tortum, atque in profundam foveam demersum, lapidibus obrui. Quo facto quidam Apóllinis sacerdos, qui Paulinum in Vitalem incitarat, oppressus a dæmone, clamare cœpit: Tu me nimium, Vitalis Christi martyr incendis: et illo æstu jactatus, se præcipitavit in flumen. Te Deum laudamus. 17.

DIE XXIX. APRILIS.

In Festo S. Petri, Mart.

Duplex.

Omnia de Comm. unius Mart. T. P. xl. præter seq.

Oratio.

PRÆSTA, quæsumus omnipotens Deus: ut beati Petri Martyris tui fidem congrua devotione sectemur, qui pro ejusdem fidei dilata-tione, martyrii palmam méruit obtinere. Per Dñum.

In j Nocturno Lectiones de Scriptura occurrente.

In secundo Nocturno.

Lectio iv.

PETRUS, Verónæ paréntibus Manichæorum hæresi infectis natus, ab ipsa pene infántia contra hæreses pugnávit. Puer annorum septem, cum scholas frequentáret, aliquándo a patrui hæretico interrogátus, quid tandem in iis didicisset: Christiánæ fidei Symbolum se didicisse respóndit; neque ullis unquam patris, patruive blanditiis, aut minis, a fidei constantia móvéri pótuit. Adoléscent Bonóniám studiórum causa venit: ubi a Spíritu sancto ad sublimiórís vitæ formam vocátus, Ordinis Prædicatórum Institútum suscepit. R. Lux perpétua.

Lectio v.

MAGNO virtútum splendore in religióne elúxit: corpus et ánimam ab omni impuritáte ita custodivit, ut nullius mortíferi peccáti labe se inquinátum unquam sénserit. Carnem jejúniis et vigiliis macerábat: mentem divinis contemplationibus exercébat. In salute animárum procuránda assidue versabátur: peculiáris grátiae dono hæreticos ácri-ter confutábat. Tantam in concionádo vim hábuit, ut innumerábilis

hóminum multitúdo ad eum audiéndum conflúeret, multítique ad pœniténtiam converteréntur. *R.* In servis.

Lectio vj.

TANTO fidei ardóre incénsus erat, ut pro ea mortem subire optáret, eámque a Deo grátiam enixe precaré-
tur. Itaque hærétici necem, quam is paulo ante concioná-
nando prædixerat, illi intulérunt. Nam cum sanctæ Inquisitionis munus géreret, illum Como Mediólánum redeúntem, impius sicárius semel atque iterum in cápite gládio vulnerávit : jamque pene mórtuus, Symbolum fidei, quam infans virili fortitúdine conféssus fúerat, in ipso suprémó spíritu pronuntiávit : iterúmquelátéra mucrone transverberátus, ad martyrii palmam migrávit in cœlum, anno salutis milésimo ducentésimo quinquagésimo secúndo : quem multis illústrem miráculis, Innocéntius Quartus anno sequénti sanctórum Mártyrum número adscripsit.
R. Filiæ Jerúsalem.

In iij. Noct. Homilia in Evang. Ego sum vitis. xliij.

Vesperæ a Capit. de seq. cum com. præc.

DIE XXX. APRILIS.

In Festo S. Catharinæ Senensis, Virginis.

Duplex.

Omnia de Comm. Virg. ej.

Oratio.

DA, quæsumus omnipotens Deus : ut, qui beatæ Catharinæ, Virginis tuæ, natalitia cólimus, et ánnua solemnitate lætémur, et tantæ virtútis proficiámus ex-
émplo. Per Dóminum.

Pro com. S. Petri. Ánu. Sancti tui. *Y.* Pretiósá. *Ora-*
tio. Præsta, quæsumus. 483.

In j. Nocturno Lectiones de Scriptura occurrente.

In secundo Nocturno.

Lectio iv.

CATHARINA, virgo Senén-
sis, piis orta paréntibus, beáti Domínici hábitum, quem Soróres de Pœniténtia gestant, impetrávit. Summa ejus fuit abstinéntia, et admirábilis vitæ austéritas. Invénta est aliquándo a die Cinerum usque ad Ascensionem Dómini jejúnium perduxisse, sola Eucharistiæ communioné conténta. Luctabátur quam frequentissime cum dæmónibus, multisque illórum moléstis vexabátur : æstuábat fébribus, nec aliórum morbórum cruciátu carébat. Magnum et sanctum erat Catharinæ nomen, et úndique ad eam ægróti, et malignis vexáti spíritibus, deducebántur. Languóribus et fébribus in Christi nómine imperábat, et dæmones cogébat ab obsessis abire corpóribus.

R. Propter veritátem.

Lectio v.

CUM Pisis immoraretur, die Dominica refecta cibo coelesti, et in extasim raptâ, vidit Dominum crucifixum magno cum lumine advenientem, et ex ejus vulnrum cicatricebus quinque radios ad quinque loca sui corporis descendentes: ideoque mysterium advertens, Dominum precata, ne cicatrices apparerent, continuo radii colorem sanguineum mutaverunt in splendidum, et in formam purae lucis pervenerunt ad manus, pedes, et cor ejus: ac tantus erat dolor quem sensibilibiter patiebatur, ut nisi Deus minuisset, brevi se crederet morituram. Hanc itaque gratiam amantissimus Dominus nova gratia cumulavit, ut sentiret dolorem illapsa vi vulnrum, et cruenta signa non apparerent. Quod ita contigisse cum Dei famula confessario suo Raymundo retulisset, ut oculis etiam repraesentaretur, radios in imaginibus beatæ Catharinæ ad dicta quinque loca pertingentes, pia fidelium cura pictis coloribus expressit.

R. Dilexisti justitiam.

Lectio vi.

DOCTRINA ejus infusa, non acquisita fuit: sacrarum litterarum professoribus difficillimas de Divini-

tate quaestiones proponentibus respondit. Nemo ad eam accessit, qui non melior abierit; multa extinxit odia, et mortales sedavit inimicitias. Pro pace Florentinorum, qui cum Ecclesia dissidebant, et interdicto ecclesiastico suppositi erant, Avenionem ad Gregorium Undecimum Pontificem Maximum profecta est: cui etiam votum ejus de petenda Urbe, soli Deo notum, sese divinitus cognovisse monstravit: deliberavitque Pontifex, ea etiam suadente, ad Sedem suam Romanam personaliter accedere; quod et fecit. Eidem Gregorio, et Urbano Sexto ejus successori, acceptissima fuit, adeo ut legationibus eorum fungeretur. Denique post innumera virtutum insignia, dono prophetiae, et pluribus clara miraculis; anno ætatis suæ tertio circiter et trigésimo, migravit ad Sponsam. Quam Pius Secundus Pontifex Maximus sanctarum Virginum numero adscripsit.

R. Afferentur Regi.

In iij. Noct. Homilia in Evang. S. simile erit regnum.. decem virginibus. cxv.

Vesp. de seq. com. præc.

DOM. III. POST PASCHA.

In Festo Patrocinii

S. Joseph.

Duplex. ij. Classis.

Ad Vesperas. Ant. d.

Laud. Psalmi de Dñica. 130.
et loco ult. Ps. Laudáte Dó-
minum, omnes gentes. 134.

Capitulum Gen. 49.

BENEDICTIONES patris tui
confortátæ sunt benedi-
ctiónibus patrum ejus, do-
nec veníret desidérium cól-
lium æternórum; fiant in
cápite Joseph, et in vértice
Nazaræi inter fratres suos.

Hymn. Te Joseph. 424.

¶. Constituit eum dómi-
num domus suæ, allelúia.

¶. Et principem omnis pos-
sessiónis suæ, allelúia.

Ad Magnificat. Añs.

Cum esset desponsáta Mater
Jesu María Joseph, ánte-
quam convenirent, invénta
est in útero habens de Spí-
ritu sancto, allelúia.

Oratio.

DEUS, qui ineffábili provi-
déntia beátum Joseph
sanctíssimæ Genitríceis tuæ
Sponsum elígere dignátus
es: præsta, quæsumus; ut
quem protectórem venerá-
mur in terris, intercessórem
habére mereámur in cœlis.
Qui vivis.

Et fit com. Dominicæ ter-
tiæ post Pascha, ut 317.

Ad Matutinum. Invitat.

Laudémus Deum nostrum*
In veneratióne beáti Joseph
Protectóris nostri, allelúia.

Ps. Veníte, exultémus. 2.

Hymn. Te Joseph. 442.

In primo Nocturno.

Añs. Angelus Dómini ap-

paruit in somnis Joseph,
dicens: Surge, et accipe
púerum et matrem ejus, et
fuge in Ægyptum, et esto
ibi usque dum dicam tibi,
allelúia. Psalmi de Comm.

Conf. non Pont. lxxxv.

¶. Confitébor nómini tuo,
allelúia. ¶. Quóniam adjutor
et protector factus es mihi,
allelúia.

De libro Génesis.

Lectio j. Cap. 39.

IGITUR Joseph ductus est
in Ægyptum, emitque
eum Pútiphar eunúchus
Pharaónis, princeps exer-
citus, vir Ægyptius, de
manu Ismaelitárum, a qui-
bus perductus erat. Fuitque
Dóminus cum eo, et erat
vir in cunctis prospere
agens, habitavitque in do-
mo dómini sui, qui óptime
nóverat Dóminum esse cum
eo, et ómnia, quæ géreret,
ab eo dirigi in manu illius.
Invenitque Joseph grátiam
coram dómino suo, et mi-
nistrábat ei, a quo præpó-
situs ómnibus gubernábat
créditam sibi domum, et
univérsa quæ ei tradita fue-
rant. Benedixitque Dóminus
dómui Ægyptii propter Jo-
seph, et multiplicávit tam in
ædibus quam in agris cun-
ctam ejus substántiam: nec
quidquam aliud nóverat,
nisi panem quo vescebátur.
Erat autem Joseph pulchra
facie, et decórus aspéctu.

¶ Clamávit pópulus ad regem, aliménta petens.* Quibus ille respóndit : Ite ad Joseph, alleluia. **¶** Salus nostra in manu tua est; réspice nos tantum, et læti serviémus regi. Quibus.

Lectio ij. Cap. 41.

PLACUIT Pharaóni consiliū et cunctis ministris ejus, locutúsque est ad eos: Num invenire poterimus talem virum, qui spíritu Dei plenus sit? Dixit ergo ad Joseph: Quia osténdit tibi Deus ómnia quæ locútus es: numquid sapientiorem et consimilem tui invenire poterō? Tu eris super domum meam, et ad tui oris impériū cunctus pópulus obédiet; uno tantum regni sōlio te præcedam. Dixitque rursus Phárao ad Joseph: Ecce constitui te super universam terram Ægypti. Tulitque annulum de manu sua, et dedit eum in manu ejus, vestivitque eum stola byssina, et collo torquem auream circumpósuit. Fecitque eum ascendere super currum suum secundum, clamante præcone, ut omnes coram eo genuflécterent, et præpositum esse scirent universæ terræ Ægypti.

¶ Fecit me Deus quasi patrem regis, et dñm universæ domus ejus.* Exaltávit me, ut salvos faceret multos pópulos, alleluia. **¶**

Venite ad me, et ego dabo vobis ómnia bona Ægypti, ut comedátis medúllam terræ. Exaltávit.

Lectio iij.

DIXIT quoque rex ad Joseph: Ego sum Phárao: absque tuo império non movébit quisquam manum aut pedem in omni terra Ægypti. Vertitque nomen ejus, et vocávit eum lingua Ægyptiaca Salvátorem mundi. Deditque illi uxórem Aseneth, filiam Putíphare sacerdotis Heliopóleos. Egréssus est itaque Joseph ad terram Ægypti (trigínta autē annórum erat, quando stetit in conspéctu regis Pharaónis) et circúvit omnes regiones Ægypti. Venitque fertilitas septem annórum, et in manipulos redácta ségetes congregatæ sunt in hórrea Ægypti. Omnis étiam frugum abundantia in singulis úrbibus cóndita est. Tántaque fuit abundantia tritici, ut arénæ maris coæquarétur, et cópia mensúram excéderet.

¶ Jam lætus móriar, quia vidi faciē tuam, et superstitem te relinquo. Non sum fraudátus aspéctu tuo: * Insuper osténdit mihi Dñus semen tuum, alleluia.

¶ Qui pascit me ab adolescētia mea, benedícat pueris istis, et invocétur super eos nomen meum. Insuper. **¶** lória Patri. Insuper.

In secundo Nocturno.

Vñ. Angelus Dómini apparuit in somnis Joseph , dicens : Surge , et accipe púerum et matrem ejus , et vade in terram Israel , defuncti sunt enim qui quærébant ánimam púeri, allel.

V. Réspice de cælo, et vide, et visita vineam istam, alleluia. **R.** Et pérfice eam, alleluia.

Sermo sancti Bernardini Senénsis.

Lectio iv.

Serm. 1. de S. Joseph.

OMNIUM singulárium gratiarum alicui rationábili creatúræ communicárum generális régula est , quod quandocúmque divína grátia éligit áliquem ad áliquam grátiam singulárem, seu ad áliquem sublimem statum , ómnia charismata donet , quæ illi persónæ sic eléctæ, et ejus officio necessária sunt , atque illam copiöse décorant. Quod máxime verificátum est in sancto Joseph putativo patre Dómini nostri Jesu Christi , et vero sponso Regínæ mundi , et Dóminæ Angelórum, qui ab ætérno Patre eléctus est fidélis nutritius , atque custos principálium thesaurórum suórum, scilicet Filii ejus, et Sponsæ suæ ; quod officium fidelissime prosecútus est. Cui proptérea Dóminus ait : Serve bone

et fidélis, intra in gáudium Dómini tui.

R. Dedisti mihi protectiõnem salutis tuæ, et dextera tua suscepit me. * Protéctor meus, et cornu salutis meæ , et susceptor meus , alleluia. **V.** Ego protéctor tuus sum, et merces tua magna nimis. Protéctor.

Lectio v.

SI cõmpares eum ad totam Ecclesiám Christi, nonne iste est homo eléctus et speciális, per quem et sub quo Christus est ordináte et honeste introductus in mundum ? Si ergo Virgini Matri tota Ecclesiá sancta débitor est , quia per eam Christum suscipere digna facta est ; sic profecto post eam huic debet grátiam et reveréntiam singulárem. Ipse enim est clavis véteris Testaménti, in qua patriarchális et prophetális dignitas promissum conséquitur fructum. Porro hic est solus, qui corporáliter possedit, quod eis divína dignatio repromisit. Mérito igitur figurátur per illum Patriarcham Joseph, qui pópulis fruménta servávit. Sed et hic illum præcéllit, quia non solum Ægyptiis panem corporális vitæ , sed ómnibus eléctis panem de cælo , qui cœlestem vitam tribuit, cum multa solértia enutrivit.

R. Státuet filios suos sub

tégmine illius, et sub ramis ejus morabitur; protegétur sub tégmine illius a fervore: * Et in glória ejus requiescet; allelúia. *Y.* Sperate in eo, omnis congregatio pópuli, effundite coram illo corda vestra. Et in.

Lectio vij.

PROFECTO dubitándum non est, quod Christus familiaritatem, reveréntiam, atque sublimissimam dignitatem, quam sibi exhibuit, dum ágeret in humanis, tamquam filius patri suo in cœlis útique non negávit, quin pótius complévit et consummávit. Unde non immérito in verbo propósito a Dño subinfértur: Intra in gáudium Dómini tui. Unde, licet gáudium æternæ beatitudinis in cor hóminis intret, máluit tamen Dóminus ei dicere: Intra in gáudium: ut mystice innuátur, quod gáudium illud non solum in eo sit intra, sed úndique illum circúmdans et absorbens, et ipsum velut abyssus infinita submérgens. Memento igitur nostri, beáte Joseph, et tuæ oratiónis suffragio apud tuum putatívum Filium intercède: sed et beatissimam Virginem Spónsam tuam nobis propítiam redde, quæ Mater est ejus, quicum Patre et Spíritu sancto vivit et regnat per infinita sæcula sæculórum. Am.

R. Si consistent advérsus me castra, non timébit cor meum: * Si exúrgat advérsus me prælium, in hoc ego sperábo, allelúia. *Y.* In te cantatio mea semper; quóniam tu adjutor fortis. Si. Glória Patri. Si.

In tertio Nocturno.

Añ. Consúrgens Joseph accépit púerum et matrem ejus, et venit in terram Israel, et habitávit in civitate, quæ vocátur Náza-reth, allelúia.

Y. Invocávi Dóminum Patrem Dómini mei, allelúia.

R. Ut non derelinquat me in die tribulatiónis, allelúia.

*Lectio sancti Evangélii
secúndum Lucam.*

Lectio vij. Cap. 3. d

IN illo témpore: Factum est autem, cum baptizaretur omnis pópulus, et Jesu baptizáto et oránte, apértum est cœlum. Et reliqua.

Homilia sancti Augustíni
Epíscopi.

Lib. 2. de consensu Evang.

MANIFESTUM est illud, quod ait: Ut putabátur, filius Joseph, propter illos dixisse, qui eum ex Joseph, sicut alii hómines nascúntur, natum arbitrántur. Quos autem movet, quod alios progenitóres Matthæus enúmerat, descéndens a David usque ad Joseph, alios autem Lucas, ascéndens a Joseph usque ad David: fáci-le est ut advértant, duos patres

habére potuísse Joseph : unum a quo génitus , áltérum a quo fúerit adoptátus. Antíqua est enim consuetúdo adoptándi étiam in illo pópulo Dei , ut sibi filios fácerent, quos non ipsi genuissent. Unde intelligitur Lucas patrem Joseph , non a quo génitus , sed a quo fúerat adoptátus , suscepísse in Evangélio suo , cujus progenitóres sursum versus commémorat, donec exíret ad David.

¶ Joseph , fili David , noli timére accíperé Mariám cónjugem tuam : quod enim in ea natum est, de Spíritusanto est; páriet autem filium, * Et vocábis nomen ejus Jesus, allelúia. ¶ Ipse enim salvum fáciét pópulum suũ a peccátis eórum. Et.

Lectio viij.

CUM enim necesse sit, utròque Evangelista vera narrante, et Matthæo scilicet , et Luca , ut unus eórum ejus patris originem tenéret, qui genúerat, alter ejus, qui adoptáverat Joseph : quem probabílius intelligimus adoptántis originem tenuísse, quam eum qui nóluit Joseph génitum dicere ab illo, cujus eum filium esse narrábat ? Matthæus autem dicens: Abraham genuit Isaac, Isaac genuit Jacob , atque ita in hoc verbo, quod est, genuit, perseverans, donec in

último diceret: Jacob autem genuit Joseph ; satis expréssit, ad eum patrem se perduxísse originem generántium, a quo Joseph non adoptátus, sed génitus erat. * Quamquam si étiam Lucas génitum diceret Joseph ab Heli, nec sic nos hoc verbum perturbáre debéret, ut áliud crederémus, quam ab uno Evangelista gignéntem, ab áltéro adoptántem patrem fuisse commemorátum. Neque enim absúrde quisque dicitur non carne , sed charitaté genuísse, quem filium sibi adoptáverit. At vero étiam nos , quibus dedit Deus potestátem filios ejus fieri , de natúra atque substantia sua non nos genuit, sicut únicum Filium , sed útique dilectióne adoptávit.

¶ Surge, et áccipe púerum, et matrem ejus , et fuge in Ægyptum : * Et esto ibi , usque dum dicam tibi, allel. ¶ Ut adimplerétur quod dictum est a Dómino per Prophétam dicéntem : Ex Ægypto vocávi Filium meũ. Et. 6 lória Patri. Et.

Nona Lectio legitur de Homilia Dñicæ, ut 321.

AD LAUDES ,

et per Horas. Añæ.

1. Jacob autē genuit Joseph, virum Mariæ, de qua natus est Jesus, qui vocátur Christus, allelúia. Ps. D óminus regnávít, cum reliq. 18.

2. Missus est Angelus Gá-
briel a Deo in civitatem
Galilææ, cui nomen Náza-
reth, ad Virginem despon-
satam viro, cui nomen erat
Joseph, allelúia.

3. Ascéndit autem Joseph
a Galilæa de civitate Náza-
reth, in Judæam in civita-
tem David, quæ vocatur
Béthlehem, allelúia.

4. Et venérunt festinantes,
et invenérunt Mariam, et
Joseph, et infántem pòsi-
tum in præsépío, allelúia.

5. Et ipse Jesus erat incí-
piens quasi annórum tri-
ginta, ut putabátur, filius
Joseph, allelúia.

Capitulum. Gen. 49.

BENEDICTIONES patris tui
confortatæ sunt benedi-
ctionibus patrum ejus, do-
nec veníret desidérium còl-
lium æternórum; fiant in
cápite Joseph, et in vértice
Nazaræi inter fratres suos.

Hymn. Cœlitum. 442.

1. Dedisti mihi protectionē
salútis tuæ, allelúia. 2. Et
dextera tua suscepit me, allel.

Ad Benedictus. Añs.

Joseph, fili David, noli ti-
mére accipere Mariam cón-
jugem tuam: quod enim in
ea natum est, de Spíritu
sancto est, allelúia.

Oratio.

DEUS, qui ineffabili pro-
vidéntia beátum Joseph
sanctíssimæ Genitrícis tuæ
Sponsum eligere dignátus

es: præsta, quæsumus;
ut quem protectórem vene-
rámur in terris, interces-
sórem habére mereámur in
cœlis. Qui vivis.

Et sit com. Dñicæ, ut 322.

Ad Tertiam. Añs.

Missus est.

Capit. Benedictiones. sup.

1. br. Constituit eum dó-
minum domus suæ. * Alle-
lúia, allelúia. Constituit.

2. Et príncipem omnis pos-
sessionis suæ. Allelúia, al-
lelúia. Glória Patri. Consti-
tuit. 3. Confitébor nómini
tuo, allelúia. 4. Quóniam
adjutor, et protéctor factus
es mihi, allelúia.

Ad Sextam. Añs.

Ascéndit autem.

Capitulum. Gen. 49.

DEUS patris tui erit adjú-
tor tuus, et Omnípotens
benedicet tibi benedictioni-
bus cœli désuper.

1. br. Confitébor nómini tuo.

* Allelúia, allelúia. Confité-
bor. 2. Quóniam adjutor,
et protéctor factus es mihi.
Allelúia, allelúia. Glória Pa-
tri. Confitébor. 3. Justus ger-
minábit sicut lílium, allel.

4. Et florébit in ætérnum
ante Dóminum, allelúia.

Ad Nonam. Añs.

Et ipse Jesus.

Capitulum. Gen. 49.

FILIUS accrésceus Joseph,
filius accrésceus et de-
córus aspéctu: filiæ discúr-
rérunt super murum.

R. br. Justus germinabit sicut lilium. * Allelúia, allelúia. Justus. **V.** Et florébit in ætérnum ante Dóminum. Allelúia, allelúia. Glória Patri. Justus. **V.** Plantátus in domo Dómini, allelúia. **R.** In átriis domus Dei nostri, allelúia.

In ij. Vesp. omnia ut in j. **V.** Sub umbra illius, quem desideráveram, sedi, allelúia. **R.** Et fructus ejus dulcis gútturi meo, allelúia.

Ad Magnificat. Añæ.

Fili, quid fecisti nobis sic? Ecce pater tuus et ego doléntes quærebámus te, allel.

Et fit com. Dñicæ. 322.

DIE I. MAJI.

In Festo SS. Philippi et Jacobi, Apostolorum.

Duplex ij. classis.

Ad Vesp. Añæ de Laud. Psalmi de Dñica. 430. et loco ult., Ps. Laudáte Dóminum, omnes gentes. 434.

Capitulum. Sap. 5.

STABUNT justí in magna constantia advérsus eos, qui se angustiavérunt, et qui abstulérunt labóres eórum.

Hymnus de Comm. Apost. temp. Pasch. xxj.

Si celebretur post Ascensionem, Hymnus terminetur. Jesu, tibi sit glória, Qui victor in cælum redis, Cum Patre, et almo Spíritu, In sempitérna sæcula. Am. **V.** Sancti et justí, in Dó-

mino gaudéte, allelúia. **R.** Vos elégit Deus in hereditátem sibi, allelúia.

Ad Magnificat. Añæ.

Non turbétur cor vestrum, neque formídet: créditis in Deum, et in me créдите: in domo Patris mei mansiónes multæ sunt, allelúia, allelúia.

Oratio.

DEUS, qui nos ánnua Apostolorum tuórum Philippi et Jacóbi solemnitáte lætíficas: præsta, quæsumus; ut, quorum gaudémus méritis, instruámur exémpis. Per Dóminum.

Et fit com. S. Catharinæ.

Añæ. Veni sponsa. **V.** Diffusa. Oratio. Da, quæsumus. 484.

Ad Matut., omnia de Comuni Apost. temp. Pasch. infra xxj. exceptis his quæ hic sunt propria.

In j. Noct., si tunc temporis non legitur de Epistola B. Jacobi, ponitur initium ejus Epistolæ, ut in Dñica iv. post Pascha. 331.

Si autem ea tunc legitur ponatur de ea, quod illo die contigerit.

In secundo Nocturno

Lectio iv.

PHILIPPUS Bethsáidæ natus, unus ex duódecim Apóstolis, qui primum a Christo Dómino vocáti sunt: a quo cum accepisset Nathánael, venísse Messíam in lege promíssum, ad Dó-

minum deductus est. Quam vero Christus eum familiãriter adhiberet, illud facile declarat, quod Gentiles Salvatorem videre cupientes, ad Philippum accesserunt, et Dominus, cum in solitudine hominũ multitudinem pascere vellet, sic Philippum affatus est: Unde ememus panes ut manducent hi? Is, accepto Spiritu sancto, cum ei Scythia ad prædicandum Evangelium obtigisset, omnem fere illam gentem ad christianam fidem convertit. Postrẽmo cum Hierápolim Phrygiæ venisset, pro Christi nomine cruci affixus, lapidibusque obrutus est, Kalendis Maji. Ejus corpus ibidem a Christianis sepultum, postea Romam delatum, in Basilica duodecim Apostolorum una cum corpore beati Jacobi Apostoli conditum est.

R. Lux perpétua lucébit Sanctis tuis, Domine, * Et æternitas tẽporum, allelúia, allelúia. **V.** Lætítia sempiterna erit super capita eorum: gáudium et exultationem obtinébunt. Et.

Lectio v.

JACOBUS frater Domini, cognomento Justus, ab ineunte ætate vinum et siceram non bibit, carne abstinuit, nunquam tonsus est, nec unguento; nec balneo usus. Huic uni licé-

bat ingredi in Sancta sanctorum. Idem lineis vestibus utebatur: cui etiam assiduitas orandi ita callum genibus obdlexerat, ut duritiæ, cameli pellem imitaretur. Eum post Christi ascensionem Apostoli Jerosolymorum Episcopum creaverunt: ad quem etiam Princeps Apostolorum misit, qui nuntiaret se e carcere ab Angelo eductum fuisse. Cum autem in Concilio Jerosolymis controversia esset orta de lege et circumcisiõne: Jacobus, Petri sententiam secutus, ad fratres habuit concionem, in qua vocationem Gentium probavit: fratribusque absentibus scribendum esse dixit, ne Gentibus jugum Moisaicæ legis imponerent. De quo et loquitur Apostolus ad Galatas: Alium autem Apostolorum vidi neminem nisi Jacobum fratrem Domini.

R. Virtute magna reddébant Apostoli. Testimónium resurrectionis Jesu Christi Domini nostri, allelúia, allelúia. **V.** Repléti quidem Spiritu sancto loquebantur cum fiducia verbum Dei. Testimónium.

Lectio vj.

TANTA autem erat Jacobi vitæ sanctitas, ut fimbriam vestimenti ejus certatim homines cuperent attingere. Nam is nonaginta sex

annos natus , cum triginta annis illi Ecclesiæ sanctissime præfuisset , Christum Dei Filium constantissime prædicans , lapidibus primum appetitur : mox in altissimum templi locum adductus , inde præcipitatus est. Qui, confractis cruribus, jacens semivivus, manus tendebat ad cælum , Deumque pro illorum salute deprecabatur his verbis : Ignosce eis, Domine , quia nesciunt quid faciunt. Qua in oratione , graviter ejus capite fullonis fuste percusso, animam Deo reddidit , septimo Nerónis anno , et juxta templum , ubi præcipitatus fuerat , sepultus est. Unam scripsit Epistolam , quæ de septem Catholicis est.

R. Isti sunt agni novelli, qui annuntiaverunt , allelúia , modo venerunt ad fontes : * Repléti sunt claritate, allel., allel. **V.** In conspectu Agni amicti sunt stolis albis, et palmæ in manibus eorum. Repléti. **Gloria Patri. Repléti.**

In tertio Nocturno.

Lectio sancti Evangelii secundum Joannem.

Lectio vij. Cap. 14.

In illo tempore : Dixit Jesus discipulis suis : Non turbetur cor vestrum. Creditis in Deum, et in me credite. In domo Patris mei mansiones multæ sunt. Et reliqua.

Homilia S. Augustini Episc.

Tr. 67. in Joannem.

ERIGENDA est nobis , fratres, ad Deum major intentio, ut verba sancti Evangelii , quæ modo in nostris auribus sonuerunt , etiam mente capere utcumque possimus. Ait enim Dominus Jesus : Non turbetur cor vestrum. Creditis in Deum, et in me credite. Ne mortem tamquam homines timerent, et ideo turbarentur , consolatur eos, etiam se Deum esse contestans. Creditis , inquit, in Deum, et in me credite. Consequens est enim, ut si in Deum creditis , et in me credere debeatis : quod non esset consequens , si Christus non esset Deus.

R. Ego sum vitis vera , et vos palmites : * Qui manet in me , et ego in eo, hic fert fructum multum , allelúia , allelúia. **V.** Sicut dilexit me Pater, et ego dilexi vos. Qui.

Lectio vij.

CREDITIS in Deum et in eum credite , cui natura est, non rapina , esse æqualem Deo : semetipsum enim exinanivit , non tamen formam Dei amittens, sed formam servi accipiens. Mortem metuitis huic formæ servi : non turbetur cor vestrum : suscitabit illam forma Dei. Sed quid est quod sequitur : In domo Patris mei mansiones multæ sunt :

nisi quia et sibi metuébant?
Unde audire debuérunt :
Non turbétur cor vestrum.
Quis enim eórum non me-
túeret, cum Petro dictum
esset, fidentióri atque prom-
ptióri : Non cantábit gal-
lus, donec ter me neges?

¶ Cándidi facti sunt Na-
zaræi ejus, allelúia : splen-
dórem Deo dedérunt, alle-
lúia. * Et sicut lac coagulati
sunt, allelúia, allelúia. **¶**
Candidiôres nive, nitidiôres
lacte, rubicundiôres ébore
antíquo, sapphíro pulchriô-
res. Et. Glória Patri. Et.

Lectio ix.

TAMQUAM ergo essent ab
illo peritúri, mérito tur-
babántur; sed cum áudiunt,
In domo Patris mei mansión-
es multæ sunt : si quo mi-
nus dixíssem vobis : Quia
vado paráre vobis locum : a
perturbatióne recreántur,
certi ac fidéntes, étiam post
perícula tentatiónum, se
apud Deum cum Christo es-
se mansúros : quia etsi álius
est álio fórtior, álius álio sa-
piéntior, álius álio jústior,
álius álio sánctior, In domo
Patris mei mansiónes mul-
tæ sunt. Nullus eórum alie-
nábatur ab illa domo, ubi
mansióne[m] pro suo quisque
acceptúrus est mérito.

Te Deum laudámus. 47.

AD LAUDES,

et per Horas. Añæ

Dómine, osténde nobis

Patrem, et súfficit nobis, al-
lelúia. Ps. Dóminus regná-
vit, cum reliq. 48.

2. Philippe, qui videt me, vi-
det et Patrem meum, allel.

3. Tanto témpore vobíscum
sum, et non cognovístis me?
Philippe, qui videt me, videt
et Patrem meum, allelúia.

4. Si cognovissétis me, et
Patrem meum útique cog-
novissétis, et ámodo cog-
noscétis eum, et vidístis
eum, allelúia, allelúia, allel.

5. Si dilígitis me, mandata
mea serváte, allelúia, al-
lelúia, allelúia.

Capitulum. Cap. 5.

STABUNT justí in magna
constántia, advérsus eos
qui se angustiavérunt, et
qui abstulérunt labóres eó-
rum.

Hym. Paschále. ¶ Pretiósá,
de Comm. Apost. T. lxxiiij.

Ad Benedictus. Añæ.

Ego sum via, véritas et vi-
ta : nemo venit ad Patrem,
nisi per me, allelúia.

Oratio.

DEUS, qui nos ánnua Apo-
stolorum tuórum Phi-
lippi et Jacóbi solemnitáte
lætificas : præsta, quæsu-
mus; ut quorum gaudémus
méritis, instruámur exem-
plis. Per Dóminum.

Ad Horas, Añæ de Laud.
Capitula et R̃R̃. br. de Comm.
Apost. temp. Pasch. xxiiij.

In ij. Vesp. Añæ de Laud.
Psalmi de Comm. Apost. xiiij.

Capit. Stabunt justi. Hymnus. Tristes erant. xxj.

Ÿ. Pretiösa in conspéctu Dómini, allelúia. R. Mors Sanctórum ejus, allelúia.

Ad Magnificat. Ana.

Si manséritis in me, et verba mea in vobis máuserint, quodcúmque petiéritis, fiet vobis, allelúia, allelúia, allelúia.

Denude fit commemoratio S. Athanasii, ut infra.

DIE II. MAJI.

In Festo S. Athanasii, Episc.

Conf. et Eccl. Doct.

Duplex.

Omnia de Comm. Cont. Pont. lxiv. præter seq.

Ana. O Doctor óptime, Ecclésiæ sanctæ lumen, beáte Athanási, divínæ legis amátor, deprecáre pro nobis Fílium Deí, allel. *Ÿ. Amávit.*

Oratio.

EXAUDI, quæsumus Dómine, preces nostras, quas in beáti Athanásii, Confessóris tui atque Pontificis, solemnitate deférimus : et, qui tibi digne mérui famulári, ejus intercedéntibus méritis, ab ómnibus nos absolvé peccátis. Per Dñum.

In j. Nocturno Lectiones de Scriptura occurrente.

In secundo Nocturno.

Lectio iv.

ATHANASIUS Alexandrinus cathólicæ religiónis propugnátor acérrimus, ab Alexandro Episcopo Alexandri-

no Diáconus factus est : in cujus locum succéssit, quem étiam ántea secútus fúerat ad Nicænum Concílium, ubi cum Arii impietátem represisset, tantum ódium Arianórum suscepit, ut ex eo témpore ei insídias molíri numquam destíterint. Nam coácto ad Tyrum Concílio magna ex parte Arianórum Episcopórum, subornárunť muliérculam, quæ accusáret Athanásium, quod hospítio accéptus sibi stuprum per vim intulisset. Introdúctus igitur est Athanásius, et una cum eo Timótheus Présbyter : qui símulans se esse Athanásium, Egone, inquit, mulier, apud te sum diversátus? ego te violávi? Cui illa petulánte: Tu mihi vim attulisti: idque jurejurádo affirmans, júdicum fidem obtestabátur, ut tantum flagítium vindicárent. Qua cóg-nita fraude, rejécta est mulieris impudentia.

R. Inveni David.

Lectio v.

ARSENIUM quoque Episcopum ab Athanásio interféctum Ariáni pervulgárunť: quem dum occúlte détinent, manum mórtui déferunt in júdicium, ab Athanásio ad usum mágicæ artis Arsénio amputátam criminánte. At Arsénius noctu aufúgiens, cum se in conspéctu totius Concílii statuisset, Athaná-

sii inimicorum impudentissimum scelus aperuit. Quod illi nihilominus magicis artibus Athanasii tribuentes, vitæ ejus insidiari non desistebant. Quamobrem in exilium actus, in Gallia apud Tréviros exulavit. Gravibus deinceps ac diuturnis sub Constantio Imperatore, Ariatorum fautore, tempestatibus jactatus, et incredibiles calamitates perpessus, magnam orbis terræ partem peragravit : ac sæpe e sua Ecclesia ejectus, sæpe etiam in eandem et Julii Romani Pontificis auctoritate, et Constantis Imperatoris, Constantii fratris, patrocínio, decretis quoque Concilii Sardicensis, ac Jerosolymitani, restitutus est, Arianis intérea illi semper infestis : quorum pertinacem iram, et summum vitæ discrimen fugiens, in sicca cisterna quinque annis se abdedit, ejus rei tantum conscio quodam Athanasii amico, qui cum clam sustentabat.

R. Pósuí adjutórium.

Lectio vij.

CONSTANTIO mórtuo, cum Juliánus apóstata, qui ei in Império succéssit, éxules Episcopos ad suas Ecclesias redire permisisset, Athanasius Alexandriam revérsus, summo honóre excéptus est. Sed non multo post, iisdem Arianis impelléntibus, a

Juliáno exagitátus, rursus discédere cógitur. Cumque ab ejus satellítibus ad necem conquirerétur, qua fugiébat navícula convérsa in contráriam flúminis partem, iis qui se insequébántur, ex indústria occúrrit; et quæréntibus quantum inde abéssét Athanasius, respóndit eum non longe abéssé : itaque illos contrárium tenéntes cursum effúgit, atque Alexandriam rédiens, ibídem usque ad Juliáni óbitum occúltus permánsit. Qui paulo post Alexandriæ ália exórta tempestáte, quátuor menses in patérno sepúlchro delítuit. Ac dénique ex tot tantisque perículis divínitus eréptus, Alexandriæ mórtuus est in suo léctulo, sub Valénte : cujus vita et mors magnis nobilitáta est miráculis. Multa pie et ad illustrándam Cathólicam fidem præcláre scripsit, sexque et quadragínta annos in summa témporum varietáte Alexandrínam Ecclesiám sanctíssime gubernávit.

R. Iste est qui ante.

In tertio Nocturno.

Léctio sancti Evangélíi secúndum Matthæum.

Lectio vij. Cap. 10. c

IN illo témpore : Dixit Jesus discíplis suis : Cum persequéntur vos in civitáte ista, fugite in áliam. Et reliqua.

Homilia sancti Athanasii
Episcopi.

*In Apol. de fuga sua,
ante med.*

In lege præceptum erat ut constituerentur civitates refugiorum, ut qui quomodocumque ad necem quærerentur, servari possent. In consummatione porro sæculorum, cum advenisset illud ipsum Verbum Patris, quod Moysi antea locutum fuerat, rursus hoc præceptum dedit: Cum vos, inquit, persecuti fuerint in civitate ista, fugite in aliam. Pauloque post subicit: Cum vidēritis illam abominationem desolationis, quæ dicta est per Daniēlem Prophētam, consistentem in loco sancto (qui legit, intēlligat), tunc qui in Judæa sunt, fugiant ad montes: et qui in tecto est, ne descendat tollere aliquid de domo sua: et qui in agro est, non revertatur tollere tunicam suam.

R. Amavit eum Dominus, et ornavit eum, stolam gloriæ induit eum: * Et ad portas paradisi coronavit eum, alleluia. **Y.** Induit eum Dominus lorica fidei, et ornavit eum. Et.

Lectio viij.

PEC cum scirent Sancti, ejusmodi tenuerunt suæ conversationis institutum. Quæ enim nunc præcepit Dominus, eadem quoque an-

te suum in carne adventum locutus est in Sanctis: et hoc institutum homines ad perfectionem ducit. Nam quod Deus jusserit, id omnino faciendum est. Ideoque et ipsum Verbum propter nos homo factum, non indignum putavit, cum quæreretur, quemadmodum et nos, abscondere se; et cum persecutionem pateretur, fugere, et insidias declinare: cum autem a se definitum tempus ipse adduxisset, in quo corporaliter pro omnibus pati volebat, ultro seipsum tradidit insidiantibus.

R. In medio Ecclesiæ aperuit os ejus, * Et implevit eum Dominus spiritu sapientiae et intellectus, alleluia. **Y.** Jucunditatem et exultationem thesaurizavit super eum. Et. Glória Patri. Et.

Lectio ix.

AT vero sancti homines cum hanc quoque formam a Salvatore didicissent (ab ipso enim et antea et semper omnes docebantur) adversus persecutores ut legitime certarent, fugiebant, et ab illis quæsiti se abscondebant. Cum enim præstituti sibi a divina providentia temporis finem ignorarent, nolabant insidiantibus se temere tradere: sed contra, cum scirent quod scriptum est, in manibus Dei esse hominum

sortes, et Dóminum mortificáre, et vivificáre : pótius in finem usque perseverábant, circumeúntes, ut ait Apóstolus, in melótis et péllibus caprínis, egéntes, angustiáti, in solitudínibus errántes, et in spelúncis et cavérnis terræ laténtes, quoad vel definitum mortis tempus veníret, vel qui tempus ipsum definierat Deus, cum eis loquerétur, et insidiántes cohibéret, aut certe persecutóribus eos tráderet, utcúmque illi placuisset.

Te Deum laudámus. 17.

DIE III. MAJI.

In Festo Invent. S. Crucis.

Duplex ij. Classis.

Ad Vesp. Añæ de Laud.

Psalmi de Dñica. 130 et loco ult., Ps. L audáte Dóminum, omnes gentes. 134.

Capitulum Philip. 2.

FRATRES, Hoc enim sentite in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo, sed semetípsum exinānivit, formam servi accípiens, in similitúdinem hóminum factus, et hábitu invéntus ut homo.

Hymnus. V exilla Regis. 223. Sed in penultima strophá dicitur :

O Crux, ave, spes única, Paschále quæ fers gáudium.

¶ Hoc signum Crucis erit

in cælo, allelúia. **R.** Cum Dóminus ad judicándum vénerit, allelúia.

Ad Magnificat. Añæ.

O Crux, splendídiior cunctis astris, mundo célebris, homínibus multum amábilis ; sánctior univérssis : quæ sola fuísti digna portáre taléntum mundi : dulce lignum, dulces clavos, dulcia ferens póndera : salva præsentem catérvam in tuis hódie láudibus congregátam, allelúia, allelúia.

Oratio.

DEUS, qui in præclára salutiferæ Crucis Inventioné, passiónis tuæ miracula suscitásti : concéde ; ut vitális ligni prætio, æternæ vitæ suffrágia consequámur. Qui vivis.

Deinde com. S. Athanasii.

Añæ. O Doctor. ¶. Justum.

Oratio. E xáudi. 496.

Ad Matutinum. Invitat.

Christum Regem crucifixum, * Veníte, adorémus, allelúia. **ps. Venite.**

Hymn. P ange lingua. 224.

In primo Nocturno.

Añæ. Invéntæ Crucis festa recólimus, cujus præcónium univérsum per orbem micánti lúmine fulget, allelúia.

Psalmi ut in j. Noct. de Comm. unius Mart. xxv.

¶. Hoc signum Crucis erit in cælo, allelúia. **R.** Cum Dóminus ad judicándum vénerit, allelúia.

De Epístola beáti Pauli
Apóstoli ad Gálatas.

Lectio j. Cap. 3. b

QUICUMQUE ex opéribus legis sunt, sub maledícto sunt. Scriptum est enim: Maledictus omnis, qui non permánserit in ómnibus, quæ scripta sunt in libro legis, ut fáciat ea. Quóniam autem in lege nemo justificátur apud Deum, manifestum est: quia justus ex fide vivit. Lex autem non est ex fide, sed, Qui fécerit ea, vivet in illis. Christus nos redémit de maledícto legis, factus pro nobis maledictum: quia scriptum est: Maledictus omnis qui pendet in ligno: ut in Géntibus benedíctio Abrahæ fieret in Christo Jesu, ut pollicitationem Spíritus accipiamus per fidem.

R. Gloriósum diem sacra venerátur Ecclésia; dum triumphále reserátur lignum: * In quo Redemptor noster mortis vincula rumpens, cállidum áspidem superávit, allelúia, allelúia, allelúia. **V.** In ligno pendens nostræ salútis sémitam Verbum Patris invénit. In quo. De Epístola ad Philippéenses.

Lectio ij. Cap. 2.

HOC enim sentíte in vobis, quod et in Christo Jesu: qui cum in forma Dei esset, non rapinam arbitrátus est esse se æquálem Deo: sed

semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen: ut in nómine Jesu omne genu flectátur, cœléstium, terréstrium et infernórum: et omnis lingua confiteátur, quia Dóminus Jesus Christus in glória est Dei Patris.

R. Crux fidélis, inter omnes arbor una nóbilis, nulla silva talem profert, fronde, flore, gérmine: * Dulce lignum, dulces clavos, dulce pondus sustinuit, allel. **V.** Super ómnia ligna cedrór-um tu sola excélsior. Dulce. De Epístola ad Colosséenses.

Lectio iij. Cap. 2. b

IN Christo inhábitat omnis plenitúdo divinitátis corporaliter: et estis in illo repléti, qui est caput omnis principátus et potestátis: in quo et circumcisi estis circumcisióne non manufácta in expoliatióne córporis carnis, sed in circumcisióne Christi: consepúlti ei in baptísimo, in quo et resurrexistis per fidem operatiónis Dei, qui suscitávit illum a mórtuis. Et vos cum mórtui essétis in delictis,

et præputio carnis vestrae, convivicavit cum illo, donans vobis omnia delicta: delens quod adversus nos erat chirógraphum decreti, quod erat contrarium nobis, et ipsum tulit de medio, affigens illud cruci: et expolians principatus et potestates, traduxit confidenter, palam triumphans illos in semetipso.

℟. Hæc est arbor dignissima, in paradisi medio situata, * In qua salutis Auctor propria morte, mortem omnium superavit, allelúia, allelúia. √. Crux præcellenti decore fulgida, quam Helena Constantini mater concupiscénti ánimo requisivit. In. Glória Patri. In.

In secundo Nocturno.

Ant. Felix ille triumphus fit salus ægris, vitæ lignum, mortis remedium, allel. Ps. de Comm. unius Mart. xxviij. √. Adoramus te, Christe, et benedicimus tibi, allelúia. ℟. Quia per Crucem tuam redemisti mundum, allelúia.

Lectio iv.

POST insignem victóriam, quam Constantinus Imperátor, divinitus accepto signo dominicæ Crucis, ex Maxéntio reportávit, Helena Constantini mater, in somnis admónita, conquirendæ Crucis stúdio Jerosólymam venit: ubi marmóream Véneris státuam in

Crucis loco a Géntibus collocatam ad tollendam Christi Dómini passiõnis memóriam, post centum circiter octoginta annos evertendam curávit. Quod item fecit ad Præsepe Salvatóris, et in loco Resurrectiõnis, inde Adónidis, hinc Jovis sublato simulacro.

℟. Nos autem gloriári oportet in Cruce Dómini nostri Jesu Christi, in quo est salus, vita, et resurrectio nostra: * Per quem salvati et liberati sumus, allelúia. √. Tuam Crucem adoramus, Dómine, et recolimus tuam gloriósam passiõnem. Per.

Lectio v.

ITAQUE loco Crucis purgato, alte defossæ tres cruces érutæ sunt, repertusque seorsum ab illis Crucis dominicæ titulus: qui cum ex tribus, cui affixus fuisset, non appareret, eam dubitationem sustulit miraculum. Nam Macárius Jerosolymórum Episcopus, factis Deo precibus, singulas cruces cuidam feminae gravi morbo laboranti admovit; cui cum reliquæ nihil profuissent, adhibita tertia Crux statim eam sanavit.

℟. Dum sacrum pignus cælitus revelatur, Christi fides roboratur: * Adsunt prodigia divina in virga Moysi primitus figurata, allelúia, allel. √. Ad Crucis contactum re-

surgunt mórtui, et Dei magnalia reserántur. Adsunt.

Lectio vj.

HELENA, salutári Cruce inventa, magnificentissimam ibi extrúxit Ecclésiám, in qua partem Crucis reliquit thecis argénteis inclúsam, partem Constantíno filio détulit : quæ Romæ repósita fuit in Ecclésia sanctæ Crucis in Jerúsalem, ædificáta in ædibus Sessorianis. Clavos étiam áttulit filio, quibus sanctissimum Jesu Christi corpus fixum fuerat. Quo ex témpore Constantínus legem sancívit, ne crux ad supplicium cuiquam adhiberétur : ita res, quæ ántea homínibus probro ac ludibrio fúerat, veneratióni et glóriæ esse cœpit.

R. Hoc signum Crucis erit in cœlo, cum Dóminus ad judicándum vénerit : * Tunc manifestáta erunt abscondita cordis nostri, allelúia, allelúia. *V.* Cum séderit Filius hóminis in sede majestátis suæ, et cœperit judicáre sæculum per ignem. Tunc. *Gloria Patri. Tunc.*

In tertio Nocturno.

Añsa. Adorámus te, Christe, et benedicimus tibi, quia per Crucem tuam redemísti mundum, allelúia.

Psalmi ut in iij. Noct. de Comm. Virg. cxij.

V. Omnis terra adóret te, et psallat tibi, allelúia. *R.*

Psalmum dicat nómini tuo, Dómine, allelúia.

Lectio sancti Evangélii secúndum Joánnem.

Lectio vij. Cap. 3.

In illo témpore : Erat homo ex Pharisæis, Nicodémus nómine, princeps Judæórum. Hic venit ad Jesum nocte, et dixit ei : Rabbi, scimus quia a Deo venísti magister. Et reliqua.

Homília S. Augustíni Episc.

Tract. 44. in Joann.

NICODEMUS ex his erat ; qui crediderant in nómine Jesu, vidéntes signa et prodigia quæ faciébat. Supérius enim hoc dixit : Cum autem esset Jerosólymis in Pascha in die festo, multi credidérunt in nómine ejus? Quare credidérunt in nómine ejus? Séquitur, et dicit : Vidéntes signa ejus, quæ faciébat. Et de Nicodémo quid dicit? Erat princeps Judæórum, nómine Nicodémus. Hic venit ad eum nocte, et ait illi : Rabbi, scimus quia a Deo venísti magister. Et iste ergo crediderat in nómine ejus. Et ipse unde crediderat? Séquitur : Nemo enim potest hæc signa fácere, quæ tu facis, nisi fúerit Deus cum eo.

R. Dulce lignum, dulces clavos, dulce pondus sustinuit : * Quæ sola digna fuit portáre prétium hujus sæculi, allelúia. *S.* Hoc signum

Crucis erit in cœlo, cum Dóminus ad judicandum venerit. Quæ. *Bened.* Divinum auxilium.

Lectio viij.

SI ergo Nicodémus de illis multis erat, qui crediderant in nómine ejus, jam in isto Nicodémo attendamus, quare Jesus non se credebát eis. Respóndit Jesus, et dixit ei: Amen, amen dico tibi, nisi quis renátus fuerit dénuo, non potest videre regnum Dei. Ipsi ergo se credit Jesus, qui nati fuerint dénuo. Ecce illi crediderant in eum, et Jesus non se credebát eis. Tales sunt omnes catechúmeni: ipsi jam credunt in nómine Christi, sed Jesus non se credit eis. ¶ Inténdat et intélligat cháritas vestra. Si dixerimus catechúmeno: Credis in Christum? Respóndet, Credo, et signat se cruce Christi: portat in fronte, et non erubéscit de cruce Dómini sui. Ecce credit in nómine ejus. Interrogémus eum: Mandúcas carnem Filii hóminis, et bibis sanguinem Filii hóminis? Nescit quid dicimus, quia Jesus non se crédidit ei.

¶ Sicut Moyses exaltávit serpéntem in desérto, ita exaltári opórtet Fílium hóminis: * Ut omnis qui credit in ipsum, non péreat, sed hábeat vitam ætérnam,

allelúia. *V.* Non misit Deus Fílium suum in mundum, ut júdicet mundum, sed ut salvétur mundus per ipsum. Ut. *Gloria Patri.* Ut.

Pro SS. Alexandro, etc. Mart. ac Juvenale Ep. Conf.

Lectio ix.

ALEXANDER Románus, Adriáno Imperatóre, regens Ecclesiám, magnam partem Románæ nobilitátis ad Christum convértit. Is constituit, ut tantúmmodo panis et vinum in mystério offerretur: vinum autem aqua miscéri jussit, propter sanguínem et aquam, quæ ex Jesu Christi látere profluxérunt: et in Cánone Missæ áddidit: Qui pridie quam pateretur. Idem decrevit, ut aqua benedicta sale admixto, perpétuo in Ecclesiá asservaretur, et in cubiculis adhiberetur ad fugandos dæmones. Sedit annos decem, menses quinque, et dies viginti, vitæ sanctitate, et salutáribus institútis illústris. Martyrio coronátus est una cum Evéntio et Theodúlo Presbyteris, sepultusque est via Nomentána, tértio ab Urbe lápide, eódem in loco ubi secúri percússus fuerat, creátis diverso témpore mense Decémbri Presbyteris sex, Diáconis duóbus, et Episcopis per diversa loca quinque. Eórum cör-

pora póstea in Urbem translata in Ecclesiá sanctæ Sabinae cóndita sunt. In eúdem diem incidit beáta mors sancti Juvenális Narniënsis Episcopi : qui cum plúrimos in ea urbe sanctitáte et doctrína Christo peperisset, clarus miráculis in pace quiévit, ibique honorífice sepúltus est.

Te Deum laudamus. 17.

Si hoc festum incidit in Fer. ij. vel iv. Rogat., omititur Lectio de SS. MM. Alexandro et Sociis, et legitur de Homilia Rogat., et de ea fit com. in Laud. ac SS. MM. Alexandri, etc. quod et in similibus observetur.

Si vero transferatur, viij. Lectio dividatur in duas, ut in signo ¶

AD LAUDES,

et per Horas. Añæ.

1. O magnum pietátis opus ! mors mórtua tunc est, in ligno quando mórtua vita fuit, allelúia. *Ps. Dóminus regnávít, cum reliquis. 18.*

2. Salva nos, Christe Salvátor, per virtútem Crucis, qui salvásti Petrum in mari, miserére nobis, allelúia.

3. Ecce Crucem Dómini, fúgite partes advérsæ, vicit leo de tribu Juda, radix David, allelúia.

4. Nos autem gloriári opórtet in Cruce Dómini nostri Jesu Christi, allelúia.

Per signum Crucis de

inimícis nostris libera nos, Deus noster, allelúia.

Capitulum. Philipp. 2.

PRATRES, Hoc enim sentite in vobis, quod et in Christo Jesu : qui cum in forma Deï esset, non rapinam arbitrátus est esse se æquálem Deo, sed semetipsum exinanívit, formam servi accípiens, in similitúdinem hóminum factus, et hábitu invéntus ut homo.

Hymn. Lustra sex. 229.

✠ Adorámus te, Christe, et benedicimus tibi, allelúia.

✠ Quia. Per Crucem tuam redemísti mundum, allelúia.

Ad Benedictus. Añæ.

Super ómnia ligna cedrórú tu sola excélsior, in qua vita mundi pepéndit, in qua Christus triumphávit, et mors mortem superávit in ætérnum, allelúia.

Oratio

DEUS, qui in præclára salutíferæ Crucis Inventioné, passiónis tuæ mirácula suscitásti : concéde ; ut vitális ligni prétio, ætérnæ vitæ suffrágia consequámur. Qui vivis.

Et fit com. SS. Alexandri etc. hoc loco tantum. Añæ Filiæ. ✠ Pretiósa.

Oratio.

PRÆSTA, quæsumus omnipotens Deus: ut qui sanctorum tuorum Alexandri, Evéntii, Theodúli, atque Juvenális natalítia cólimus,

a cunctis malis imminéntibus, eórum intercessiónibus liberémur. Per Dóminum.

Ad Tertiam. Añ.

Salva nos.

Capit. Fratres, Hoc. 504.

R. br. Hoc signum Crucis erit in cœlo. * Allelúia, allel. Hoc. *Y.* Cum Dóminus ad judicándum vénerit. Allelúia, allelúia. *Glória Patri.* Hoc. *Y.* Adorámus te, Christe, et benedicimus tibi, allel. *R.* Quia per Crucem tuam redemísti mundum, allelúia.

Ad Sextam. Añ.

Ecce Crucem Dómini.

Capit. Galat. 6. d

MIHI autem absit gloriári, nisi in cruce Dómini nostri Jesu Christi : per quem mihi mundus crucifixus est, et ego mundo.

R. br. Adorámus te, Christe, et benedicimus tibi. * Allelúia, allel. Adorámus.

Y. Quia per Crucem tuam redemísti mundum. Allelúia, allelúia. *Glória Patri.* Adorámus. *Y.* Omnis terra adóret te, et psallat tibi, allelúia. *R.* Psalmum dicat nómini tuo, Dómine, allelúia.

Ad Nonam. Añ.

Per signum Crucis.

Capit. Philip. 2.

HUMILIAVIT semetípsū factus obédiens usque ad mortem, mortē autem crucis. Propter quod et Deus exaltávit illum, et donávit illi nomen, quod est super omne nomen.

R. br. Omnis terra adóret te, et psallat tibi. * Allelúia, allelúia. Omnis. *Y.* Psalmum dicat nómini tuo, Dómine. Allelúia, allelúia. *Glória Patri.* Omnis. *Y.* Hoc signum Crucis erit in cœlo, allelúia. *R.* Cum Dóminus ad judicándū vénerit, allel.

In ij Vesp. omnia ut in j

Y. Hoc signum Crucis erit in cœlo, allelúia. *R.* Cum Dóminus ad judicándum vénerit, allelúia.

Ad Magnificat. Añ.

Crucem sanctam súbiit, qui inférnum confrégit, accinctus est poténtia, surréxit die tértia, allelúia.

Et sit com. S. Monica.

DIE IV. MAJI.

In Festo S. Monicae, Viduae

Duplex.

Añ. Símile. *Y.* Spécie.

Oratio

DEUS, mœréntium consolátor, et in te sperántium salus, qui beátæ Mónicae pias lácrymas in conversióne filii sui Agustíni misericórditer suscepísti : da nobis utriusque intervéntu, peccáta nostra deploráre, et grátiae tuæ indulgéntiam inveníre. Per Dóminum.

In j. Nocturno Lectiones de Scriptura occurrente.

In secundo Nocturno

Lectio ij.

MONICA sancti Agustíni duplicíter mater, quia

eum et mundo, et cœlo péperit, marito mórtuo, quem senectúte confectum Jesu Christo conciliávit, castam et opéribus misericórdiæ exercitáam viduitátem agébat : in assiduís vero ad Deum orationibus pro filio, qui in Manichæórum sectam inciderat, lácrymas effundébat : quem étiam Mediolánum secúta est, ubi ipsum frequénter hortabátur, ut ad Episcopum Ambrósium se conférret. Quod cum ille fecisset, ejus et públicis conciónibus, et privátis collóquiis cathólicæ fidei veritátem edóctus, ab eódem baptizátus est.

R. Propter veritátem.

Lectio v.

MOX in Africam redeúntes, cum ad Ostia Tiberína constitissent, incidit in febrem. Quo in morbo cum eam quodam die ánima defecisset, ut se collégit, Ubi, inquit, eram ? Et astántes intuens, Pónite hic matrem vestram : tantum vos rogo, ut ad altáre Dómini memínérítis mei. Nono autem die beáta múlíer ánima Deo réddidit. Ejus corpus ibi in Ecclésia sanctæ Aureæ sepúltum est : quod póstea, Martino Quinto Summo Pontífice, Romam translátū, in Ecclésia sancti Augustíni honorífice cónditum est.

R. Dilexísti justítiam.

Lectio vj.

Ex l. 9. Conf. cap. 12.

SUBDIT vero Augustinus, de matris morte disserens : Neque enim decére arbitrabámur funus illud quéstubus lacrymósis gemitibusque celebráre, quíá illa nec misere, nec omníno moriebátur ; hoc et documentis morum ejus, et fide non ficta, rationibusque certis tenebámus. Atque inde paulátim reducébam in prístinum sensum ancillam tuam, conversatióemque ejus píam in te, et sanctam, in nos blandam atque morigeram, qua súbito destitútus sum, et libuit flere de illa et pro illa : et si quis peccátum invénerit, flevisse me matrem meam exígua parte horæ, matrem óculis meis mórtuam, quæ me multos annos fléverat, ut óculis suis viverem, non irrídeat : sed pótius, si est grandi charitáte, pro peccátiis meis fleat ipse ad te Patrem ómnium fratrum Christi tui.

R. Fallax grátia.

In tertio Nocturno.

*Lectio sancti Evangélii
secúndum Lucam.*

Lectio vii. Cap. 7. b.

IN illo témpore : Ibat Jesus in civitátem, quæ vocátur Naim : et ibant cum eo discipuli ejus, et turba copiósa. Et réliqua.

Homilia sancti Augustini
Episcopi.

Serm. 44. de Verbis Dom.

DE juvene illo resuscitato
gavisa est mater vidua :
de hominibus in spiritu quo-
tidie suscitatis gaudet mater
Ecclesia. Ille quidem mor-
tuus erat corpore : illi autem
mente. Illius mors visibilis
visibiliter plangebatur : il-
lorum mors invisibilis nec
quaerebatur, nec videbatur.
Quaesivit ille ; qui noverat
mortuos. Ille solus noverat
mortuos, qui poterat facere
vivos. Nisi enim ad mortuos
suscitandos venisset, Apo-
stolus non diceret : Surge
qui dormis, et exurge a
mortuis, et illuminabit te
Christus.

R. Os suum aperuit sa-
pientiae, et lex clementiae in
lingua ejus : consideravit
semitas domus suae, * Et
panem otiosa non comedit,
alleluia. **V.** Gustavit et vidit
quia bona est negotiatio
ejus ; non extinguetur in
nocte lucerna ejus. Et.

Lectio viij.

TRES autem mortuos inve-
nimus a Domino resus-
citatos visibiliter, millia
invisibiliter. Quot autem
mortuos visibiliter suscita-
verit, quis novit? Non enim
omnia, quae fecit, scripta
sunt. Joannes hoc dixit :
Multa alia fecit Jesus, quae
si scripta essent, arbitror

totum mundum non posse
libros capere. Multi ergo
sunt alii sine dubio sus-
citati, sed non tres fru-
stra commemorati. Dominus
enim noster Jesus Christus,
ea quae faciebat corporaliter,
etiam spiritaliter volebat
intelligi. Neque enim tan-
tum miracula propter mira-
cula faciebat : sed ut illa,
quae faciebat, mira essent
videntibus, vera essent in-
telligentibus.

R. Regnum mundi, et
omnem ornatum saeculi con-
tempsi propter amorem Do-
mini mei Jesu Christi : *
Quem vidi, quem amavi, in
quem credidi, quem dilexi,
alleluia. **V.** Eructavit cor
meum verbum bonum, dico
ego opera mea Regi. Quem.
Gloria Patri. Quem.

Lectio ix.

QUEMADMODUM qui videt
litteras in codice optime
scripto, et non novit legere,
laudat quidem antiquarii
manum, admirans apicem
pulchritudinem : sed quid
sibi velint, quid indicent
illi apices, nescit ; et est
oculis laudator, mente non
cognitor. Alius autem et
laudat artificium, et capit
intelluctum : ille utique, qui
non solum videre, quod
commune est omnibus, po-
test, sed etiam legere ; quod,
qui non didicit, non potest.
Ita qui viderunt Christi mi-

râcula, et non intellexérunt quid sibi vellent, et quid intelligentibus quodâmmodo innúerent, mirâti sunt tantum quia facta sunt: âlii vero et facta mirâti, et intelligécta assecúti. Tales nos in schola Christi esse debémus.

Te Deum laudâmus. 17.

Vesperæ a Capit. de seq. com. præc.

DIE V. MAJI.

In Festo S. Pii V., Papæ et Confessoris.

Duplex.

Omnia de Comm. Conf. Pont. lxiv. præter seq.

In Hymno, Iste Confessor, mutatur tertius versus

Oratio.

DEUS, qui ad conteréndos Ecclésiæ tuæ hostes, et ad divinum cultum reparândum, beátum Pium Pontíficem máximum eligere dignátus es: fac nos ipsíus defendí præsídiis, et ita tuis inhærére obséquiiis; ut, ómnium hóstium superátis insídiis, perpétua pace lætémur. Per Dóminum.

Deinde com. S. Monicæ. Añs. Manum suam. V. Diffúsa. Oratio. Deus mœréntium, ut 505.

In j. Nocturno Lectiones de Scriptura occurrente.

In secundo Nocturno.

Lectio iv.

PIUS in óppido Insúbriæ, quod Boschum vocant,

natus, sed e Bonónia oriúndus, ex nóbili Ghisleriórum familia, cum quatuórdecim esset annórum, Ordinem Prædicatórum ingræssus est. Erat in eo admirábilis patiéntia, profúnda humilitas, summa vitæ austéritas, continuú oratiónis stúdiú, et reguláris observántiæ ac divíni honóris ardentíssimus zelus. Philosophiæ vero, ac theologiæ incúmbens, ádeo in iis excélluit, ut illas docéndi munus magna cum laude per multos annos exercúerit. Sacras conciónes plúribus in locis cum ingénti auditórum fructu hábuit. Inquisitóris officium inviolábili ánimi fortitúdone diu sustínuit: multásque civitátes, non sine vitæ discrimine, ab hæresi tunc grassánte immúnes servávit.

Q. Inveni David.

Lectio v.

A Paulo Quarto, cui ob exímias virtútes charíssimus erat, ad Nepesínú et Sutrinú Episcopátú promótus, et post biénnum inter Románæ Ecclésiæ Presbyteros Cardinales adscríptus fuit. Tum ad Ecclésiám Montis Regális in Subalpínis a Pio Quarto translátus, cum plures in eam abúsus irrepsísse cognovísset, totam diocésim lustrávit, rebúsque compósitis, Romam revérsus, gravíssimis

expediendis negotiis applicatus, quod justum erat, Apostolica libertate et constantia decernébat. Mòrtuo autem Pio, præter ómnium expectatióem eléctus Póntifex, nihil in vitæ ratióne, excépto exterióri hábitu, immutávit. Fuit in eo religiósionis propagandæ perpétuum stúdiu, in ecclesiástica disciplína restituenda indefessus labor, in extirpandis erroribus assídua vigilántia, in sublevándis egéntium necessitatibus indeficiens beneficéntia, in Sedis apostólicæ júribus vindicándis robur invictum.

R. Pósui adjutórium.

Lectio vj.

SELIMUM Turcárum tyránum, multis elátum victóriis, ingénte comparata classe, ad Echínadas insulas non tam armis, quam fusis ad Deum précibus devicit. Quam victóriam ea ipsa hora, qua obténta fuit, Deo revelánte, cognóvit, suisque familiáribus indicávit. Dum vero novam in ipsos Turcas expeditiõem molirétur, in gravem morbum incidit, et acerbissimis dolóribus patientissime tolerátis, ad extrémum devéniens, cum Sacraménta de more suscepisset, ánimam Deo placidissime réddidit, anno millésimo quingéntesimo septuagésimo secúndo,

ætátis suæ sexagésimo octávo, cum sedisset annos sex, menses tres, dies viginti quatuor. Corpus ejus in Basilica sanctæ Mariæ ad Præsepe summa fidélium veneratióne cólitur, multis a Deo ejus intercessiõe patrátis miráculis. Quibus rite probátis, a Cleménte Undécimo Pontífice Máximo Sanctórum número adscriptus est.

R. Iste est qui ante.

In iij. Noct. Homilia ad Evang., Homo pégre. lxxij. Vesp. de seq., com. præc.

DIE VI. MAJI.

In Festo S. Joannis ante portam Latinam.

Duplex majus.

Omnia de Comm. Apost. temp. Pasch. xxj præter seq.

Ad Magnificat in utrisque Vesp. Añá. In fervéntis óleí dólíum missus beátus Joánes Apóstolus, divína se protegénte grátia, illæsus exívit, alleluia.

Oratio.

DEUS, qui cóspicis, quia nos úndique mala nostra pertúrbant: præsta quæsumus; ut beáti Joánnis, Apóstoli tui et Evangelistæ intercessio gloriósa nos protégat. Per Dóminum.

Pro com. S. Phil. Añá.

Dum esset Summus Póntifex, terréna non méruit, sed ad cœléstia regna gloriósus migrávit, alleluia. **Justum.** *Oratio.* Deus, qui ad. 508.

In j. Noct. legitur initium Epistolæ j. B. Joannis ut in Dom. infra Oct. Ascens.

370. nisi eo tempore legatur de libro Apocalypsis, vel de ejus Epistola: tunc enim ponuntur Lect. eo die occurr.

In secundo Nocturno.

Ex libro S. Hierónymi Presbyteri contra Joviniánum.

Lectio iv. Lib. 1.

JOANNES Apóstolus, unus ex discipulis Dómini, qui mínimus natu tráditur fuisse inter Apóstolos, et quem fides Christi virginem repérrerat, virgo permánsit: et ideo plus amátur a Dómino, et recúmbit super pectus Jesu: et quod Petrus, qui uxórem habúerat, interrogáre non audet, illum rogat ut intéroget: et post resurrectionem nuntiánte María Magdaléne, quod Dóminus resurrexisset, utérque cucúrrit ad sepúlchrum, sed ille prævenit: cumque essent in navi, et piscaréntur in lacu Genésareth, Jesus stabat in littore, nec sciébant Apóstoli quem vidérent: solus virgo vírginem agnóscit, et dicit Petro: Dóminus est.

R. Lux perpétua lucébit Sanctis tuis, Dómine, * Et æternitas témporum, allelúia, allelúia. **V.** Lætitia sempitérna erit super cápita eórum, gáudium et exultationem obtinébunt. Et.

Lectio v.

FUIT autem Joánnes et Apóstolus, et Evangelista, et Prophéta. Apóstolus, quia scripsit ad Ecclésias ut magister: Evangelista, quia librum Evangélii cóndidit, quod, excépto Matthæo, álíi ex duódecim Apóstoli non fecérunt: Prophéta, vidit enim in Patmos insula, in qua fúerat a Domitiáno Príncipe ob Dómini martyrium relegátus, Apocalypsim infinita futurórum mystéria continéntem. Refert autem Tertullíanus quod Romæ missus in fervéntis ólei dólum, púrior et vegétior exíverit, quam intráverit.

R. Virtúte magna reddébant Apóstoli * Testimónium resurrectionis Jesu Christi Dómini nostri, allelúia, allel.

V. Repléti quidem Spíritu sancto loquebántur cum fidúcia verbum Dei. Testimóniū.

Lectio vj.

SED et ipsum ejus Evangélium multum distat a céteris. Matthæus quasi de hómine incipit scribere: Liber generatiónis Jesu Christi filii David, filii Abraham: Lucas a sacerdotio Zachariæ: Marcus a prophetia Malachíæ, et Isaíæ. Primus habet faciém hómínis, propter genealogiam: secúndus faciém vítuli, propter sacerdotium; tértius faciém leónis, propter vo-

cem clamantis in deserto, Parate viam Domini, rectas facite semitas ejus. Joannes vero noster quasi aquila ad superna volat, et ad ipsum Patrem pervenit, dicens : In principio erat Verbum, et Verbum erat apud Deum, et Deus erat Verbum.

¶ Isti sunt agnivolli, qui annuntiaverunt, alleluia : modo venerunt ad fontes : * Repleti sunt claritate, allel., allel. ¶ In conspectu Agni amieti sunt stolis albis, et palmæ in manibus eorum. Repleti. Gloria Patri. Repleti.

In tertio Nocturno.

Lectio sancti Evangelii secundum Matthæum.

Lectio vij. Cap. 20. c

In illo tempore : Accessit ad Jesum mater filiorum Zebedæi cum filiis suis, adorans et petens aliquid ab eo. Et reliqua.

Homilia S. Hieronymi Presb. Lib. 3. Com. in Matth. c. 20.

Unde opinionem regni habet mater filiorum Zebedæi, ut cum Dominus dixerit : Filius hominis tradetur principibus sacerdotum, et Scribis, et condemnabunt eum morte, et tradent Gentibus ad illudendum, et flagellandum, et crucifigendum : et ignominiam passionis timentibus discipulis nuntiaret, illa gloriam postulet triumphantis ? Hac, ut reor, ex causa, quia post

omnia dixerat Dominus : Et tertia die resurget : putavit eum mulier post resurrectionem illico regnaturum, et hoc, quod in secundo adventu promittitur, in primo esse complendum : et aviditate feminea presentia cupit, immemor futurorum.

¶ Ego sum vitis vera, et vos palmites : * Qui manet in me, et ego in eo, hic fert fructum multum, alleluia, allel. ¶ Sicut dilexit me Pater, et ego dilexi vos. Qui.

Lectio viij.

Mater postulat, et Dominus discipulis loquitur ; intelligens preces ejus ex filiorum descendere voluntate. Potestis bibere calicem quem ego bibiturus sum ? Calicem in Scripturis divinis passionem intelligimus, juxta illud : Pater, si possibile est, transeat a me calix iste. Et in Psalmo : Quid retribuam Domino pro omnibus quæ retribuit mihi ? Calicem salutaris accipiam, et nomen Domini invocabo. Statimque infert quis iste sit calix : Pretiosa in conspectu Domini mors Sanctorum ejus.

¶ Candidi facti sunt Nazaræi ejus, alleluia : splendore Deo dederunt, alleluia. * Et sicut lac coagulati sunt, alleluia, alleluia. ¶ Candidiores nive, nitidiores lacte, rubicundiores ebore anti-

quo, sapphiro pulchriores.
Et. Glória Patri. Et.

Lectio ix.

QUÆRITUR quomodo cālicem martyrii filii Zebedæi, Jacóbus videlicet et Joánnes, biberint : cum Scriptúra narret, Jacóbum tantum Apóstolum ab Heróde cápite truncátum, Joánnes autem própria morte vitam finierit. Sed si legámus ecclesiásticas histórias, in quibus fertur, quod et ipse propter martyrium sit missus in fervéntis ólei dólum, et inde ad suscipiéndam corónam Christi athléta procésserit, statimque relegátus in Patmos ínsulam sit : vidébimus martyrio ánimum non defuisse, et bibisse Joánnem cālicem confessiónis, quem et tres púeri in camíno ignis bibérunt, licet persecútor non fúderit sánguinem.

Le Deum laudámus. 17.

In ij. Vesp. sit com. seq.

DIE VII. MAJI.

In Festo S. Stanislai, Episc.

et Martyris.

Duplex.

Vna. Lux perpétua. †. Sancti.

Oratio.

DEUS, pro ejus honóre gloriósus Póntifex Stanisláus gládiis impiórum occúbuit : præsta, quæsumus; ut omnes, qui ejus implórant auxílium, petitiónis suæ salutárem consequántur efféctum. Per Dóminum.

In j. Nocturno Lectiones
de Scriptura occurrente.

In secundo Nocturno.

Lectio iv.

STANISLAUS Polónus apud Cracóviam nóbili génere natus, et piis paréntibus, qui ántea per annos trigínta stériles, illum a Deo préci-bus impetrárant, ab ineúnte ætáte futúræ sanctitátis spécimen dedit. Adolésceus bonis ártibus óperam navávit, multúmque in sacra Cánónum et theologiæ doctrína profécit. Paréntibus mórtuis, amplum patrimónium paupéribus distribuit, vitæ monásticæ desidério. Sed Dei providéntia Canónicus Cracoviénsis, et concionátor factus a Lampérto Episcopo, in ejus póstea locum, quamvis invítus, sufficitur. Quo in múnere, ómnium pastorálium virtútum laude, et præcípue misericórdia in páuperes enítuit.

ii. Lux perpétua.

Lectio v.

ERAT tum Polóniæ rex Bolesláus, quem gráviter offéndit, quod illius notam libidinem públice arguébat. Quare in solémni regni convéntu Stanisláum per calúmniam in judícium coram se vocári curat, tamquam pagum occupáret, quem Ecclesiæ suæ nómine coémerat. Quod cum neque tábulis probáre posset, et

testes veritatem dicere timent: spondet Episcopus, se Petrum pagi venditorem, qui triennio ante obierat, intra dies tres in iudicium adducturum. Conditione cum risu accepta, vir Dei toto triduo jejuniis et orationi incumbit: ipso sponsionis die, post oblatum Missae Sacrificium, Petrum e sepulchro surgere jubet: qui statim redivivus, Episcopum ad regium tribunal euntem sequitur, ibique, rege et ceteris stupore attonitis, de agro a se vendito, et pretio rite sibi ab Episcopo persoluto, testimonium dicit, atque iterum in Domino obdormivit.

R. In servis suis.

Lectio vj.

AT Boleslaus frustra saepe admonitum Stanislaus tandem a fidelium communiōe removet. Ille iracundia furens, milites in Ecclesiam immittit, ut sanctum Episcopum confodiant: qui ter conati, occulta vi, tertio divinitus sunt depulsi. Postrēmo impius rex Sacerdotem Dei, hostiam immaculatam ad altare offerentem, sua manu obruncat: corpus membratim concisum et per agros projectum, aquilae a feris mirabiliter defendunt. Mox Canonici Cracovienses sparsa membra, nocturni de caelo splendōris indicio, col-

ligunt, et suis locis apte disponunt: quae subito ita inter se copulata sunt, ut nulla vulnērum vestigia extarent. Multis praeterea miraculis servi sui sanctitatem Deus declaravit post ejus mortem: quibus permotus Innocentius Quartus Summus Pontifex, illum in Sanctorum numerum retulit. Clemens vero Octavus Pontifex Maximus, sancti Stanislai festo die in Romanum Breviarium relato, gloriosi Martyris memoriam duplici officio ubique celebrari jussit.

R. Filiae Jerusalem.

In iij. Noct. Hom. in Ev.

Ego sum vitis vera. xliij.

Vesp. de seq., cont. praec.

DIE VIII. MAJI.

In Apparitione S. Michaelis Archangeli.

Duplex majus.

Ad Vesp. Añae de Laud.

Psalmi de Dñica 130. et loco ult., Ps. Laudate Dominum, omnes gentes. 134.

Capitulum. Apoc. 1.

SIGNIFICAVIT Deus quae oportet fieri cito, loquens per Angelum suum servo suo Joanni, qui testimonium perhibuit verbo Dei, et testimonium Jesu Christi, quaecumque vidit.

Hymnus.

TE splendor, et virtus Patris,
Te vita, Jesu, cōrdium,

Ab ore qui pendent tuo,
Laudamus inter Angelos.
Tibi mille densa millium
Ducum coróna militat :
Sed explicat Victor Crucem
Michael salutis signifer.

Dracónis hic dirum caput
In ima pellit tartara,
Ducemque cum rebellibus
Cœlesti ab arce fulminat.
Contra ducem superbiam
Sequamur hunc nos Principem,

Ut detur ex Agni throno
Nobis coróna glóriæ.

Deo Patri sit glória,
Et Filio, qui a mortuis
Surrexit, ac Paráclito,
In sempiterna sæcula. Am.

¶ Stetit Angelus juxta aram
templi, allelúia. R. Habens
thuribulum aureum in manu
sua, allelúia.

Ad Magnificat, Añã.

Dum sacrum mystérium cerneret
Joáñnes, Archángelus
Michael tuba cecinit : Ignosce,
Dómine Deus noster,
qui aperis librum, et solvis
signacula ejus, allelúia.

Oratio.

DEUS, qui miro ordine, Angelorum ministéria hominumque dispensas : concede propitius ; ut a quibus tibi ministrantibus in cœlo semper assistitur, ab his in terra vita nostra muniatur. Per Dóminum.

Pro cœm. S. Stanislai, Añã.
Sancti et justí. ¶ Pretiosa.
Deus, pro cujus. 512.

Ad Matutinum. Invitas:
Regem Archangelorum Dñm,
*Veníte, adorémus, allelúia.
Ps. Veníte. 2.

Hymn. Te splendor. 513.

In primo Nocturno.

Añã. Concússum est mare, et contrémuit terra, ubi Archángelus Michael descendebat de cœlo, allelúia.

Psalmi. Dómine Dóminus noster. 6. In Dño confido. 8. Dómine, quis habitabit. 10. ¶ Stetit Angelus juxta aram templi, allelúia. R. Habens thuribulum aureum in manu sua, allelúia.

Ex Danièle Prophéta.

Lectio j. Cap. 7. c

ASPICIEBAM donec throni positi sunt, et antiquus diérum sedit : vestiméntum ejus candidum quasi nix, et capilli capitis ejus quasi lana munda : thronus ejus flammæ ignis : rotæ ejus ignis accensus. Flúvius igneus rapidusque egrediebatur a facie ejus. Millia millium ministrabant ei, et decies millies centena millia assistebant ei : judicium sedit et libri aperti sunt. Aspiciebam propter vocem sermonum grándium, quos cornu illud loquebatur : et vidi quóniam interfécta esset bestia, et periisset corpus ejus, et tráditum esset ad comburéndum igni.

¶ Factum est siléntium in

cœlo, dum committeret bellum draco cum Michaële Archángelo : * Audita est vox millia millium dicentium : Salus, honor et virtus omnipoténti Deo, allelúia. *Ÿ.* Millia millium ministrabant ei, et décies centéna millia assistébant ei. Audita.

Lectio ij. Cap. 10.

DIE autem vigésima et quarta mensis primi, eram juxta flúvium magnum, qui est Tigris. Et levávi oculos meos, et vidi : et ecce vir unus vestitus líneis, et renes ejus accincti auro obrízo : et corpus ejus quasi chrysólithus, et fácies ejus velut spécies fúlguris, et óculi ejus ut lampas ardens : et bráchia ejus, et quæ deórsum sunt usque ad pedes, quasi spécies æris candéntis : et vox sermónum ejus et vox multitudinis. Vidi autem ego Dániel solus visiónem : porro viri qui erant mecum, non vidérunt : sed terror nimius irrui super eos, et fugérunt in absconditum. Ego autem relictus solus vidi visiónem grandem hanc : et non remánsit in me fortitúdo, sed et spécies mea immutáta est in me, et emárcui, nec hábui quidquam vírium. *Ÿ.* Stetit Angelus juxta aram templi, habens thuríbulum áureum in manu sua : et data sunt ei incénsa multa : * Et

ascéndit fumus arómatum de manu Angeli in conspéctu Dómini, allelúia. *Ÿ.* In conspéctu Angelórum - psallam tibi : adorábo ad templum sanctum tuum, et confitébor nómini tuo, Dómine. Et.

Lectio iij.

ET audiui vocem sermónum ejus : et áudiens jacébam consternátus super faciém meam, et vultus meus hærébat terræ. Et ecce manus tétigit me, et eréxit me super génua mea, et super articulos mánuum meárum. Et dixit ad me : Dániel vir desideriórum, intéllige verba, quæ ego loquor ad te, et sta in gradu tuo : nunc enim sum missus ad te. Cumque dixisset mihi sermónem istum, steti tremens. Et ait ad me : Noli metúere Dániel : quia ex die primo, quo posuísti cor tuum ad intelligéndum ut te afflígeres in conspéctu Dei tui, exaudita sunt verba tua : et ego veni propter sermónes tuos. Princeps autem regni Persárum réstitit mihi viginti et uno diébus : et ecce Michael unus de princípibus primis venit in adjutórium meum, et ego remánsi ibi juxta regem Persárum. Veni autem ut docérem te quæ ventúra sunt pópulo tuo in novíssimis diébus, quóniam adhuc visio in dies.

R. In conspéctu Angelórum psallam tibi, et adorábo ad templum sanctum tuum, * Et confitébor nómini tuo, Dómine, allelúia. **V.** Super misericórdia tua et veritate tua; quóniam magnificásti super nos nomen sanctum tuum. Et. Glória Patri. Et.

In secundo Nocturno.

Añs. Michael Archángele, veni in adjutórium pópulo Dei, allelúia. **Psalmi.** Cœli enarrant. 15. Dómini est terra. 32. Benedicam Dóminum. 54.

V. Ascéndit fumus arómatum in conspéctu Dómini, allelúia. **R.** De manu Angeli, allelúia.

Lectio iv.

BEATUM Michaélem Archángelum sæpius hominibus apparuisse, et sacrórum librórum auctoritate, et veteri sanctórum traditióne comprobátur. Quámobrem multis in locis facti memória celebrátur. Eum ut olim Synagóga Judæórum, sic nunc custódem et patrónum Dei venerátur Ecclésia. Gelásio autem Primo Pontífice Máximo, in Apúlia in vértice Gargáni montis, ad cujus radices incolunt Sipontíni, Archángeli Michaélis fuit illústris apparitio.

R. Hic est Michael Archángelus, princeps militiæ Angelórum: * Cujus honor

præstat beneficia populórum, et orátio perducit ad regna cœlórum, allelúia. **V.** Archángelus Michael præpósitus paradisi, quem honorificant Angelórum cives. Cujus.

Lectio v.

FACTUM est enim, ut ex grégibus armentórum Gargáni cujúsdam taurus longe discéderet: quem diu conquistum in áditu speluncæ hæréntem invenérunt. Cum vero quidam ex illis, ut taurum configeret, sagittam emisisset, retórta sagitta in ipsum récidit sagittárium. Quæ res cum præses, ac deinceps céteros tanto timóre affecisset, ut ad eam speluncam própíus accédere nemo auderet, Sipontíni Episcopum cónsulant: qui indicto trium diérum jejúnio et oratióne, rem a Deo respóndit quæri oportere.

R. Venit Michael Archángelus cum multitudíne Angelórum, cui trádedit Deus ánimas sanctórum: * Ut perducát eas in paradísam exultatiónis, allelúia. **V.** Emitte, Dómine, Spíritum sanctum tuum de cœlis, spíritum sapiéntiæ et intelléctus. Ut.

Lectio vj.

POST triduū Michael Archángelus Episcopum monet, in sua tutelá esse eum

locum, eoque indicio demonstrasse, velle ibi cultum Deo in sui, et Angelorum memoriam adhiberi. Quare Episcopus una cum civibus ad eam speluncam ire pergit. Quam cum in templi cujusdam similitudinem conformatam vidissent, locum illum divinis officiis celebrare ceperunt: qui multis postea miraculis illustratus est. Nec ita multo post Bonifacius Papa Romæ in summo Circo sancti Michaelis Ecclesiam dedicavit tertio Kalendas Octobris, quo die etiam omnium Angelorum memoriam Ecclesia celebrat. Hodiernus autem dies Archangeli Michaelis apparitione consecratus est.

R. In tempore illo consurgit Michael, qui stat pro filiis vestris: * Et veniet tempus, quale non fuit, ex quo gentes esse ceperunt usque ad illud, alleluia. **V.** In tempore illo salvabitur populus tuus omnis, qui inventus fuerit scriptus in libro vitæ. Et gloria Patri. Et.

In tertio Nocturno

Ant. Angelus Archangelus Michael, Dei nuntius pro animabus justis, alleluia, alleluia. **Psalmi.** Cantate.... cantate. 109. Dominus regnavit. 109. Benedic, anima mea, Domino: * et. 116.

V. In conspectu Angelorum

psallam tibi, Deus meus, alleluia. **R.** Adorabo ad templum sanctum tuum, et confitebor nomini tuo, alleluia.

Lectio sancti Evangelii secundum Matthæum.

Lectio viij Cap. 18.

IN illo tempore: Accesserunt discipuli ad Jesum, dicentes: Quis, putas, major est in regno cælorum? Et reliqua.

Homilia S. Hilarii Episcopi.

Comm. in Matth. c. 18.

NONNISI reversos in naturam puerorum introire regnum cælorum Dominus docet: id est, per simplicitatem puerilem vitia corporum nostrorum animæque revocanda. Pueros autem, credentes omnes per audientiam fidem nuncupavit. Hi enim patrem sequuntur, matrem amant, proximo velle malum nesciunt, curam opum negligunt: non insolent, non odérunt, non mentiuntur, dictis credunt, et quod audiunt, verum habent. Revertendum igitur est ad simplicitatem infantium: quia in ea collocati, speciem humilitatis dominicæ circumferemus.

R. In conspectu Gentium nolite timere: vos enim in cordibus vestris adorare et timere Dominum: * Angelus enim ejus vobiscum est, alleluia. **V.** Stetit Angelus

juxta aram templi, habens thuribulum aureum in manu sua. Angelus. **Bened** Quorum festum.

Lectio viij.

VÆ huic mundo ab scāndalis. Humilitas passiōnis scāndalum mundo est. In hoc enim máxime ignorantia detinétur humana, quod sub deformitatē crucis, æternæ glóriæ Dóminum nóluit accipere. Et quid mundo tam periculósum, quam non recepisse Christum? Ideo vero necesse esse ait, venire scāndala : quia ad sacraméntum reddendæ nobis æternitátis, omnis in eo passiōnis humilitas esset explēda.

¶ Michael Archángelus venit in adiutórium pópulo Dei : • Stetit in auxilium pro animábus justis, allelúia. **¶** Stetit Angelus juxta aram templi, habens thuribulum aureum in manu sua. Stetit. Glória Patri. Stetit.

Lectio ix.

VIDETE ne contemnátis unum de pusillis istis, qui credunt in me. Aptíssimum vínculum mútui amoris impósuit, ad eos præcípuē, qui vere in Dómino credidissent. Pusillórum enim Angeli quotidie Deum vident : quia Fílius hóminis venit salváre quæ pérdita sunt. Ergo et Fílius hóminis

salvát, et Deum Angeli vident, et Angeli pusillórum præsumt fidélium oratióibus. Præesse Angelos absolúta auctóritas est. Salvatórum igitur per Christum oratióes Angeli quotidie Deo ófferunt. Ergo periculóse ille contémnitur, cujus desidéria ac postulatióes ad ætérnum et invisibilem Deum ambitióso Angelórum famulátu ac ministério pervehúntur.

Te Deum laudámus. 17.

AD LAUDES,

et per Horas. Ant.

1. Stetit Angelus juxta aram templi, habens thuribulum aureum in manu sua, allelúia. **Ps.** Dóminus regnávít, **cum rei** 18.

2 Dum præliarétur Michael Archángelus cum dracóne, audíta est vox dicéntium : Salus Deo nostro, allelúia.

3. Archángele Michael, constitui te principem super omnes ánimas suscipiēdas, allelúia.

4. Angeli Dómini, Dóminum benedicite in ætérnum, allelúia.

5. Angeli, Archángeli, Throni, et Dominatióes, Principátus, et Potestátes, Virtútes coelórum, laudáte Dóminum de cœlis, allelúia.

Capitulum Apoc. 4.

SIGNIFICAVIT Deus quæ opórtet fieri cito, loquens

per Angelum suum servo
suo Joánni, qui testimó-
nium perhibuit verbo Dei,
et testimónium Jesu Christi,
quæcúmque vidit.

Hymnus.

CHRISTE, sanctórum decus
Angelórum,
Gentis humanæ Sator et Re-
demptor,
Cœlitū nobis tribuas beátas
Scándere sedes.

Angelus pacis Michael in
ædes

Cœlitus nostras véniat : se-
rénae

Auctor ut pacis lacrymósa
in oreum

Bella reléget.

Angelus fortis Gábríel, ut
hostes

Pellat antiquos, et amica
cœlo,

Quæ Triumphátor státuit
per orbem,

Templa revisat.

Angelus nostræ médius
salútis

Adsit e cœlo Ráphael, ut
omnes

Sanet ægrótos, dubiósque
vitæ

Dírigat actus.

Virgo Dux pacis, Genitrixque
lucis,

Et sacer nobis chorus An-
gelórum

Semper assistat, simul et
micántis

Régia cœli.

ræstet hoc nobis Déitas
beáta

Patris, ac Nati, paritérque
sancti

Spiritus, cujus résonat per
omnem

Glória mundum. Am.

¶ Stetit Angelus juxta aram
templi, allelúia. ¶ Habens
thuribulum áureum in ma-
nu sua, allelúia.

Ad Benedictus. Aññ.

Factum est siléntium in cœ-
lo, dum draco committeret
bellum : et Míchael pugnávit
cum eo, et fecit victóriam,
allelúia.

Oratio.

DEUS, qui miro órđine,
Angelórum ministéria
hominúmque dispénsas :
concéde propítius ; ut, a
quibus tibi ministrántibus
in cœlo semper assistitur,
ab his in terra vita nostra
muniátur. Per Dóminum.

Ad tertiam. Aññ.

Dum præliarétur.

Capit. Significávit. 518.

¶. br Stetit Angelus juxta
aram templi. * Allelúia,
allelúia. Stetit. ¶ Habens
thuribulum áureum in ma-
nu sua. Allelúia, allelúia.

Glória Patri. Stetit. ¶ As-
céndit fumus arómatum in
conspéctu Dómini, allel. ¶
De manu Angeli, allelúia.

Ad sextam. Aññ.

Archángele Michael.

Capit. Apoc. 5. c

AUDIVI vocem Angelórum
multórum in circúitu
throni, et animálium, et se-

niórum : et erat númerus eórum millia millium, voce magna dicéntium : Salus Deo nostro.

R. br. Ascéndit fumus aró-matum in conspéctu Dómini.

* Allelúia, allelúia. Ascéndit.

V. De manu Angeli. Allelúia, allelúia. Glória Patri. Ascéndit. *V.* In conspéctu Angelórum psallam tibi, Deus meus, allelúia. *R.* Adorábo ad templum sanctum tuum, et confitébor nómini tuo, allelúia.

Ad Veniam. Añs.

Angeli, Archángeli.

Capit. Apoc. 12. b

FACTUM est praelium magnum in cœlo : Michael, et Angeli ejus praeliabántur cum dracóne, et draco pugnábat, et ángeli ejus : et non prævaluérunt, neque locus invéntus est eórum ámplius in cœlo.

R. br. In conspéctu Angelórum psallam tibi, Deus meus. * Allelúia, allelúia. In. *V.* Adorábo ad templum sanctum tuum, et confitébor nómini tuo. Allelúia, allelúia. Glória Patri. In. *V.* Adoráte Deum, allelúia. *R.* Omnes Angeli ejus, allelúia.

In ij. Vesp. Añæ et Capit. de Laud. Ps. de Dñica. 130. et locout. Ps. Confitébor... quóniam. 145.

Hymnus. Te splendor. et supra. 513.

V. In conspéctu Angelórum psallam tibi, Deus meus, allelúia. *R.* Adorábo ad templum sanctum tuum, et confitébor nómini tuo, allelúia.

Ad Magnificat. Añs.

Princeps gloriosissime, Michael Archángele, esto memor nostri : hic, et ubique semper precáre pro nobis Filium Dei, allelúia, allelúia.

Deinde fit com. seq.

DIE IX. MAJI.

In Festo S. Gregorii Nazianzeni, Episc., Conf. et Ecclesiæ Doctoris.

Duplex.

Añs. O Doctor óptime, Ecclesiæ sanctæ lumen, beáte Gregóri, divínæ legis amátor, deprecáre pro nobis Filium Dei, allelúia. *V.* Amávit eum.

Oratio.

DEUS, qui pópulo tuo æternæ salutis beátum Gregórium místrum tribuísti : præsta, quæsumus ; ut, quem Doctórem vitæ habuimus in terris, intercessórem habére mereámur in cœlis. Per Dóminum.

In j. Nocturno Lectiones de Scriptura occurrente.

In secundo Nocturno.

Lectio iv.

GREGORIUS, nóbilis Cápadox, ex singulári divínarum litterárum sciéntia Theólogi cognómen consecútus, Naziánzi in Cappadócia natus, Athénis in omni

disciplinârum gênere una cum sancto Basilio eruditus, ad stûdia sacrârum litterârûm se convêrtit : in quibus se in cœnôbio per âliquot annos exercuerunt, illârûm sententiâ non ex próprio ingénio, sed ex majôrum ratiône et auctoritatè interpretâtes. Qui cum doctrina et vitæ sanctitatè florèrent, vocâti ad munus prædicandæ evangêlicæ veritâtis, plûrimos Jesu Christo filios pepererunt.

Ŕ. Invéni David.

Lectio v.

GREGORIUS igitur aliquândo domum revêrsus, primum Sasimôrum Episcopus creâtus est, deinde Nazianzênâ Ecclesiâ administrâvit. Tum Constantinópolis ad eam regendam Ecclesiâ accersitus cum civitatè hæresum purgâtâ erroribus ad catholicam fidem reduxisset, quod ei summum ômnium amorem conciliâre debébat, multôrum parâvit invidiam. Itaque cum inter Episcopos magna propterea esset facta seditio, sponte cedens Episcopátu, illud Prophætæ dictum usurpâvit : Si propter me commôta est ista tempestas, dejicite me in mare, ut vos jactâri desinâtis. Quare Nazianzum revêrsus, cum illi Ecclesiæ Eulâlium præficiendum curâset, to-

tum se ad contemplatiônem et scriptiônem divinârûm rerûm cõtulit.

Ŕ. Pôsui adjutôrium.

Lectio vi.

SCRIPSIT autem multa et solûta oratiône, et vêrsibus, mirâbili pietâtè et eloquëntia: quibus doctôrum hómînûm sanctorûmque judicio id assecûsus est, ut nihil in illis, nisi ex veræ pietâtis et catholicæ religiônis régulareperiâtur: nemo quidquam jure vocâre possit in dúbium. Consubstantialitâti Filii fuit acérrimus propugnâtor. Ut autem vitæ laude nemo ei præpósitus est, sic et oratiônis gravitate omnes fácte superâvit. In iis scribèndi ac legèndi studiis, ruri vitam mônachi exércens, Imperâtore Theodosio, ad cœlestem vitam sênio confectus migrâvit.

Ŕ. Iste est qui.

In ij. Noct. Homilia in Evang., Vos estis sal terræ, de Communi Doctorum j. loco. lxxxj.

Vesperæ a Capit. de sequenti. com. præc. etc. ut infra.

DIE X. MAJI.

In Festo S. Antonini.

Episc. et Conf.

Duplex.

Omnia de Communi Cont. Pont. lxiv. præter seq.

In Hymn. Iste Confessor, mutatur tertius versus.

Oratio.

SANCTI Antonini, Dómine, S Confessoris tui atque Pontificis, méritis adjuvémur : ut, sicut te in illo miráblem prædicámus, ita in nos misericórdem fuisse gloriémur. Per Dóminum nostrum.

Pro com. S. Gregorii Nazianzeni. Añs. O Doctor.

Ÿ. Justum. Oratio. Deus, qui pópulo, ut supra. 520.

Et fit com. SS. Gordiani et Epimachi Mart. Añs. Lux perpétua. Ÿ. Sancti.

Oratio.

DA, quæsumus omnípotens Deus : ut, qui beatorum Mártyrum tuorum Gordiani et Epimachi solémnia cólimus, eórum apud te intercessiónibus adjuvémur. Per Dóminum.

In j. Nocturno Lectiones de Scriptura occurrente.

In secundo Nocturno.

Lectio iv.

ANTONINUS Floréntiæ honestis paréntibus natus, ab ipsa jam pueritia egrégium futúre sanctitátis spécimen exhibuit. Annū agens sextumdécimum, Religiónem Prædicatórum amplexus, cœpit exinde máximis clarére virtútibus. Otio perpétuum bellum indíxit : post noctúrnium brevem somnum primus matutinis précibus áderat : quibus persolutis, reliquum tempus noctis ora-

tiónibus, aut certe lectióni, et scriptióni librórum tribuébat : et si quando importúnior fessis membris somnus obréperet, ad parietem páululum declináto cápite, ac tantisper discusso somno, mox sacras vigílias avidius repetébat.

¶. Inveni David.

Lectio v.

DISCIPLINÆ reguláris sui ipsius severíssimus exáctor, carnes, nisi in gravi ægritudine, numquam edit. Humi, aut in nudo tabuláto cubábat : cilicio semper usus, et intérdum zona férrea ad vivam cutem incluctus, virginitátem integerrime semper cóluit. In explicándis consíliis tantæ dexteritátis fuit, ut commúni elógio Antoninus consiliórum dicerétur. Adeo autem in eo humilitas eníuit, ut étiam cœnóbiis, ac provinciis præfèctus, abjectíssima monastérii officia demissíssime obíret. Ab Eugénio Quarto Florentínus Archiepiscopus renuntiátus, ægérrime tandem, nec nisi apostólicis minis perterrefactus, ut Episcopátum accíperet, acquiévit.

¶. Pósui adjutórium.

Lectio vi.

IN eo múnere vix dici potest, quantum prudéntia, pietáte, charitáte, mansuetudine, et sacerdotáli zelo

excelluêrit. Illud mirandum, tantum ingénio valuisse, ut omnes ferme sciéntias per se, nullo adhibito præceptóre, absolutissime didicerit. Tandem post multos labóres, multis étiam éditis insignis doctrinæ libris, sacra Eucharistia, et Unctióne percépta, compléxus Crucifixi imáginem, mortem lætus aspéxit, sexto Nonas Maji, anno millésimo quadringentésimo quinquagésimo nono. Miráculis vivens, et post mortem conspicuus, Sanctorum número adscriptus est ab Adriáno Sexto, anno Dómini millésimo quingentésimo vigésimo tértio.

Q. Iste est qui.

In iij. Nocturno Homilia in Evang. Homo pégre, de Comm. lxxij.

Pro SS. Martyribus

Lectio ix.

GORDIANUS judex, cum ad eum Januárius présbyter, ut condemnarétur, sub Juliáno apóstata ductus esset, ab eódem in christiána fide instrúctus, cum uxóre, et quinquaginta tribus áliis ex eádem familia Romæ baptizátur. Quare Præfécus, relegáto Januário, Gordianum a Clementiáno vicário inclúdi jubet in cárcerem : qui póstea eúdem Gordianum vinctum caténis ad se accersítum, cum a fidei propósito deterrére non pos-

set, plumbátis diu cæsum, cápite plecti ímperat. Cujus corpus ante Apóllinis templum cánibus objéctum, noctu a Christiánis via Latina sepelítur in eádem crypta, in quam reliquiæ beáti Epimachi Mátyris translátæ fúerant ab Alexandría : ubi is diu propter Christi confessiónem constrictus in cárcere, postrémo combústus, martyrio coronátus est.

Te Deum laudámus. 17.

In Laud. fit com. SS. Gordiani et Epimachi. Mart. Ana. Filiæ Jerúsalem. V. Pretiósá. Orat. Da, quæsumus. 522.

DIE XII. MAJI.

In Festo SS. Nerei, Achillei et Domitillæ, Vírg. atque Pancratii, Mart.

Semiduplex.

Omnia de Comm. Mart. temp. Pasch. xl. præter sequentia.

Oratio.

SEMPER nos, Dómine, Mártyrum tuórum Nérei, Achillei, Domitillæ, atque Pancratii fóveat, quæsumus, beáta solémnitas : et tuo dignos reddat obséquio. Per Dóminum.

In j. Nocturno Lectiones de Scriptura occurrente

In secundo Nocturno

Lectio iv

NEREUS et Achilleus fratres, eunúchi Fláviæ Dó-

mitillæ, a beato Petro una cum ipsa, ejusque matre Plautilla, baptizati, cum Domitillæ persuasissent, ut virginitatem suam Deo consecraret, ab ejus sponso Aureliano tamquam Christiani accusati, ob præclaram fidei confessionem in Pontiam insulam relegantur: ubi ad questionem iterum vocati, et verbèribus cæsi, mox Tarracinam perducti, a Minucio Rufo, equuleo et flammis cruciati, cum constanter negarent, se a sancto Petro Apóstolo baptizatos, ullis tormentis cogi posse, ut idólis immolarent, securi percussi sunt: quorum corpora ab Auspicio eorum discipulo, et Domitillæ educatore, Romam delata, via Ardeatina sepulta sunt.

✠. Lux perpétua.

Lectio v.

FLAVIA Domitilla virgo Romana, Titi et Domitiani Imperatorum neptis, cum sacrum virginitatis velamen a beato Clemente Papa accepisset, ab Aureliano sponso, Titi Aurélii Consulis filio, delata quod Christiana esset, a Domitiano Imperatore in insulam Pontiam est deportata, ubi in carcere longum martyrium duxit. Demum Tarracinam deducta, iterum Christum confessa, cum semper constanter appareret, sub Trajano Impe-

ratore, júdicis jussu incenso ejus cubículo, una cum Theodora et Euphrósyna virginibus, et collactaneis suis, gloriósi martyrii cursum confecit, Nonis Maji: quarum corpora integra inventa, a Cæsario Diacono sepulta sunt. Hac vero die duorum fratrum ac Domitillæ corpora ex Diaconia sancti Adriani simul translata, in ipsorum Mátyrum Basilicam tituli Fasciolæ restituta sunt.

✠. In servis suis.

Lectio vj.

PANCRA TIUS, in Phrygia nobili genere natus, puer quatuordecim annorum Romam venit, Diocletiano et Maximiano Imperatoribus: ubi a Pontífice Romano baptizatus, et in fide christiana eruditus, ob eamdem paulo post comprehensus, cum diis sacrificare constanter renuisset, virili fortitudine datis cervicibus, illustrem martyrii coronam consecutus est: cujus corpus Octavilla matrona noctu sustulit, et unguentis delibutum via Aurélia sepelivit.

✠. Filiae Jerúsalem.

In tertio Nocturno

Lectio sancti Evangelii secundum Joannem.

Lectio vij. Cap. 4. f

IN illo tempore: Erat quidam régulus, cujus filius infirmabatur Capharnaum. Et reliqua.

Homilia sancti Gregorii

Papæ.

Ex Hom. 28. habita in Basilica horum SS. MM. in die natalis eorum.

QUID est quod régulus Dóminum rogat, ut ad ejus filium véniat, et tamen ire corporáliter recúsat : ad servum vero centuriónis non invitátur, et tamen se corporáliter ire pollicétur? Réguli filio per corporálem præsentiam non dignátur adesse, centuriónis servo non dedignátur occurrere. Quid est hoc, nisi quod supérbia nostra retúnditur, qui in homínibus non natúram, qua ad imáginem Dei facti sunt, sed honóres et divítias venerámur? Redémptor vero noster ut osténderet, quia quæ alta sunt hóminum, despiciénda sunt, et quæ despécta sunt hóminum, despiciénda non sunt : ad filium réguli ire nóluit, ad servum centuriónis ire parátus fuit.

R. Ego sum vitis vera, et vos pálmities : * Qui manet in me, et ego in eo, hic fert fructum multum, allelúia, allelúia. **Y.** Sicut diléxit me Pater, et ego diléxi vos. Qui.

Lectio viij.

INCREPATA est ergo supérbia nostra, quæ nescit pensáre hómines propter hómines. Sola, ut diximus,

quæ circúmant homínibus pensat, natúram non áspicit, honórem Dei in homínibus non agnóscit. Ecce ire non vult Filius Dei ad filium réguli, et tamen venire parátus est ad salutem servi. Certé si nos cujúspiam servus rogáret, ut ad eum ire deberémus, prótinus nobis nostra supérbia in cogitatione tácita respondéret, dicens : Non eas, quia temetipsum degéneras, honor tuus despícutus, locus viléscit. Ecce de cœlo venit, qui servo in terra occurrere non déspicit : et tamen humiliári in terra contémnimus, qui de terra sumus.

R. Cándidi facti sunt Nazaræi ejus, allelúia : splendórem Deo dedérunt, allelúia. * Et sicut lac coagulati sunt, allelúia, allelúia.

Y. Cándidióres nive, nitióres lacte, rubicundióres ébore antíquo, sapphíro pulchrióres. Et. Glória Patri. Et.

Lectio ix.

NOLITE ergo intra vosmetipsos pensáre quod habétis, sed quid estis. Ecce mundus, qui dilígitur, fugit. Sancti isti, ad quorum tumbam consistimus, floréntem mundum mentis despéctu calcavérunt. Erat tunc vita longa, salus continua, opuléntia in rebus, sœcúnditas in propágine,

tranquillitas in diuturna pace : et tamen cum in seipso floréret, jam in eorum córdibus mundus arúerat. Ecce jam mundus in seipso áruit, et adhuc in córdibus nostris floret. Ubique mors, ubique luctus, ubiquè desolatio, úndique percútimur, úndique amaritudinibus replémur : et tamen cæca mente carnális concupiscéntiæ ipsas ejus amaritúdes amamus, fugiéntem séquimur, labénti inhærémus.

Te Deum laudámus. 17.

DIE XIV. MAJI.

S. Bonifacii, Martyris.

Oratio.

DA, quæsumus omnipotens Deus : ut, qui beáti Bonifáccii Mártiris tui solémnia cólimus, ejus apud te intercessiónibus adjuvémur. Per Dóminum.

Lectio j. de Scriptura occurrente.

Lectio ij.

BONIFACIUS, civis Romá-nus, quod cum Aglae nóbili matróna impudíce versátus esset, tanto illius intemperántiæ dolóre captus est, ut pœniténtiæ causa se ad conquirénda et sepelién-da Mártirum cörpera contúlerit. Itaque, relictis peregrinatiónis sóciis, cum Tarsi multos propter cristiánæ fidei professiόνem váriis torméntis cruciátos

vidisset, illórum vincula osculátus, eos veheménter hortabátur, ut constánter supplicia perférrent, quod brevem labórem sempitérna réquies consecutúra sit. Comprehénsus igitur, férreis úngulis excarnificátus est : cui étiam inter mánuum ungues et carnem acúti cálami sunt infixi, plumbúmque liquefactum in os ejus infúsum. Quibus in cruciátibus ea vox tantum Bonifáccii audiebátur : Grátias tibi ago, Dómine Jesu Christe, Fili Dei.

Lectio iij.

Mox in ollam fervéntis picis demisso cápite con-jéctus est : unde cum inviolátus exisset, ira incénsus judex, eum secúri percúti jubet. Quo témpore magnus terrémótus factus est, ita ut multi infidéles ad Christi Dómini fidem converteréntur. Eum sequénti die quæréntes sócii, cum martyrio afféctum cognovissent, quingéntis sólidis ejus corpus redemérunt : et conditum unguéntis, linteisque involútum, Romam portándum eurárunt. Quod factum cum ab Angelo Aglae matróna, quæ et ipsa pœnitens se piis opéribus addixerat, cognovisset, pródiens óbviám sancto cörperi, Ecclésiám ejus nómine ædificávit : in qua corpus sepúltum est Nonis

Júnii, cum ejus ánima pridie Idus Maji apud Tarsum, Ciliciæ urbem, migrasset in cœlum, Diocletiano et Maximiano Imperatoribus.

Te Deum laudamus. 17.

DIE XVI. MAJI.

In Festo S. Ubaldi.

Episc. et Confess.

Semiduplex.

Omnia de Comm. Conf.

Pont. lxiiv. præter seq.

Oratio.

AUXILIUM tuum nobis, Domine quæsumus, placatus impende: et intercessionem beati Ubaldi, Confessoris tui atque Pontificis, contra omnes diaboli nequitias dexteram super nos tuæ propitiacionis extende. Per Dominum.

In j. Nocturno Lectiones de Scriptura occurrente.

In secundo Nocturno.

Lectio iv.

UBALDUS, Eugubii in Umbria nobili genere natus, a primis annis pietate, et litteris egrègie est institutus. Jamque adolescens, ut uxorem duceret sæpetentatus, numquam tamen a proposito servandæ virginitatis recëssit. Sacerdos effectus, patrimonium suum pauperibus, et Ecclesiis distribuit, et Canonicorum regularium Ordinis sancti Augustini Institutum suscipiens, illud in patriam transtulit, atque in eo aliquândiu sanctissi-

me vixit. Cujus sanctitatis opinione evulgata, ab Honorio Secundo Summo Pontifice Ecclesiæ Eugubinæ invitatus præficitur, et episcopalis consecrationis munere decoratur.

R. Inveni David.

Lectio v.

AD suam itaque revértens Ecclesiam, cum de consueta vivendi ratione nihil admodum immutasset, in omni tamen virtutum genere eo magis eminere cœpit, quo efficacius aliorum etiam salutem verbo et exemplo procuraret, factus forma gregis ex animo. Nam victu parco, vestitu moderato, lectulo áspero et pauperrimo, Crucis mortificationem jûgiter in suo corpore circumferébat, dum inexplébili orationis studio spiritum quotidie recrearet. Hinc admirabilem illam mansuetudinem est adéptus, qua gravissimas injurias, et contumelias non modo æquanimitertulit, verum etiam mirifico dilectionis affectu persecutores suos omni benignitatis testimonio complectebatur. R. Pôsui adjutorium.

Lectio vj.

BIENNIO antequam ex hac vita migraret, cum diutinis afflitarétur infirmitatibus, inter acerbissimos corporis cruciatus, velut aurum in fornace purgatum,

Deo grátias indesinénter agébat. Adveniéntem autem sacro Pentecóstes die , cum multis annis Ecclésiám sibi commissá summa cum laude gubernáset, sanctis opéribus, ac miráculis clarus, quiévit in pace : quem Cœlestínus Papa Tértius in Sanctórum númerum rétulit. Ejus virtus præcipue in effugándis spirítibus immúndis elúcet : corpus vero per tot sæcula incorrúptum, magna fidélium veneratióne in pátria cólitur, quam non semel a præsentí discrimine liberávit.

iy. Iste est qui.

In *ij.* Noct. *Homilia in Evang. Homo pégre, de Comm. lxxij.*

Vesperæ de sequenti, com. præc.

DIE XVII. MAJI.

In Festo S. Paschalis Baylon. Confessoris.

Duplex.

Omnia de Comm. Conf. non Pont. lxxxiv. præter sequentia.

Oratio.

DEUS, qui beátum Paschálem, Confessórem tuum, mirífica erga Córporis et Sánguini tui sacra Mystéria dilectiône decorásti : concède propítius; ut quam ille ex hoc divíno convívio spirítus percépit pinguédinem, eámdem et nos percípere mereámur. Qui vivis.

In j. Nocturno *Lectiones de Scriptura occurrente.*

In secundo Nocturno.

Lectio iv.

PASCHALIS Baylon, paupéribus piisque paréntibus in óppido Turris Formósæ Seguntínæ diocécis in Arragónia natus, a téneris annis plura dedit futúre sanctitátis indicia. Sortitus ánimam bonam, ac rerum coeléstium appríme studiósam, pueritiam atque adolescéntiam in gregis custódia transégit : quam ille vivéndi ratióne ideo præcipue diligébat, quod humilitáti fovéndæ ac innocéntiæ conservándæ in primis útilem atque opportúnam judicáret. Erat in victum módicus, in oratióne assiduus, tantáque apud coævos et sócios florébat auctoritáte et grátia, ut eórum lites compónens, erróres córrigens, ignorántiam erúdiens. ac desidiam éxcitans, velut ómnium parens et magister, máximo stúdio colerétur ac amarétur : Beátus étiam tum a plerisque appellátus.

iy. Honéstum fecit.

Lectio v.

QUI vero in sæculo, terra nempe desérta et inaquósa, ádeo feliciter adolérerat, flos convállium, plantátus in domo Dómini, mirum ubique sparsit sanctitátis odórem. Igitur Paschá-

lis, arrépto vitæ severiôris instituto, atque in Ordine Minôrum strictiôris Observantiæ Discalceatorum cooptatus, exultavit ut gigas ad curréndâ viam suam, totumque se Dômino excolendum tradens, dies noctesque cogitabat, qua se ratione magis ei magisque conformâret. Ita factum est brevi, ut eum, tamquam Seraphicæ perfectionis exemplar, ipsi quoque proVectiores imitandum sibi propônerent. Ipse autem in hûmili serviéntium gradu constitutus, se velut omnium peripséma reputans, árdua quæque et abjecta domus ministéria, véluti jure quodam peculiari sibi débita, summa cum hilaritate suscipiebat, et exercébat humilitate ac patientia pari. Carnem spiritui quandoque reluctari nitentem jugi maceratione afflictauit, atque in servitutem redégit: spiritum vero assidua sui abnegatione ferventiorem in dies ad austeriôra extendébat.

¶. Amavit eum.

Lectio vj.

DEIPARAM Virginem, cujus clientelæ se ab ineunte ætate dicaverat, tamquam matrem quotidianis colébat obsequiis, atque filiâli exorabat fiducia. Porro erga sanctissimum Eucharistiæ Sacramentum difficile dictu

est, quam ardenti teneretur devotiônis affectu: quem defunctus etiam in cadavere retinere visus est, dum jacens in féretro, ad sacræ Hôstiæ elevationem bis oculos reseravit, et clausit, magna omnium, qui áderant, admiratiône. Ejusdem veritatem inter hæreticos publice palamque professus, multa et grávia ob eam causam perpessus est: crebro etiam ad necem petitus, sed singulâri Dei providéntia impiôrum mânibus eréptus. Sæpe inter orandum omnibus destituebatur sensibus, dulcéque languébat amoris deliquio: quo tempore cœlestem illam sciéntiam hausisse créditos est, qua homo rudis et illiteratus de mystériis Fidei difficillimis respondere, atque aliquot etiam libros conscribere potuit. Dénique méritis plenus eadem, qua prædixerat hora, feliciter migravit ad Dôminum, anno salutis millésimo quingentésimo nonagésimo secundo, sextodécimo Kalendas Júnii, eodem quo natus fuerat, festo Pentecôstes recurrénte, annum agens secundum supra quinquagésimum. Quibus, aliisque virtutibus insignem, ac miraculis tam in vita, quam post mortem clarum, Paulus Quintus Pôntifex Máximus illum Beatum appellâ-

vit : Alexandr autem Octavus Sanctorum catalogo descripsit.

R. Iste homo.

In iij. Nocturno Homilia in Evang. S. int lumbi. xliij.

Vesp. a Capit. de sequenti, commem. præc.

DIE XVIII. MAJI.

In Festo S. Venantii, Mart.
Duplex.

Omnia de Communi unius Mart. tempore Paschali. xl. præter seq.

Si hoc Festum transferri contigerit, et in j. Vesp. non sit faciendum a Capit., tunc sequens Hymn. Martyr Dei Venantius, dicendus erit ad Matut. conjunctim cum alio Hymno. A thléta Christi nóbilis, sub una conclusione. Sit laus Patri. Alias dicatur prout infra positum est.

Ad Vesperas, Hymnus.

MARTYR Dei Venantius,
Lux et decus Camértium,
Tortóre victo et júdice,
Lætus triúmphum cóncinit.
Annis puer, post víncula,
Post cárceres, post vérbera,
Longa fame freméntibus
Cibus datur leónibus.

Sed ejus innocéntiæ
Parcit leónum immánitas,
Pedésque lambunt Mártyris,
Iræ famisque immémores.

Verso deórsum vértice,
Hauríre fumum cógitur,
Costas utrímque et víscera
Succénsa lampas ústulat.

Sit laus Patri, sit Filio,

Tibique, sancte Spíritus :
Da per preces Venántii
Beáta nobis gáudia.

Amen.

Sic semper terminandus
est Hymnus prædictus, si-
militer ad Matutinum et ad
Laudes, ut infra.

Oratio.

DEUS, qui hunc diem beáti
Venántii, Mártyris tui,
triúmpho consecrásti : exáu-
di preces pópuli tui, et præ-
sta ; ut qui ejus mérita ve-
nerámur, fidei constántiam
imitémur. Per Dóminum.

Pro com. S. Paschalis
Aña. Hic vir. **ŷ.** Justum.
Oratio. Deus, qui. 528.

Ad Matutinum, Hymnus.

ATHLETA Christi nóbilis
Idóla damnat Géntium,
Deique amóre saúcius
Vitæ perícла déspicit.

Loris revíctus áspéris,
E rupe præceps vólvitur :
Spinéta vultum láncinant,
Per saxa corpus scínditur.

Dum membra raptant Már-
tyris,

Languent siti satéllites :
Signo Crucis Venántius
E rupe fontes élicit.

Bellátor o fortíssime,
Qui pérfidis tortóribus
E caute præbes póculum,
Nos rore grátiae írriga.

Sit laus Patri, sit Filio,
Tibique, sancte Spíritus :
Da per preces Venántii
Beáta nobis gáudia.

Amen.

In j. Nocturno Lectiones
de Scriptura occurrente.

In secundo Nocturno.

Lectio iv.

VENANTIUS Camers quindécim annos natus, cum christiánæ religiõnis accusarétur apud Antiochum, qui sub Décio Imperatóre Camerino præerat, in porta civitatis Præsidi se obtulit: quem ille pollicitationibus ac terroribus diu tentatum, flagris cædi, et vinculis astringi jussit: sed iis mirabiliter ab Angelo solutus, lampadibus póstea adúritur, atque invérso ore fumo supposito suspénditur. Ejus constántiam in torméntis demirátus Anastásius Corniculárius, et quod eum ab Angelo iterum solutum, cándida veste supra fumum ambulántem vidísset, in Christum crédidit, et a beáto Porphyrio presbytero cum família baptizátus, paulo post martyrii palmam cum eódem promérui.

iv. Lux perpétua.

Lectio v.

AT Venántius Præsidi sistitur, et ab eo iterum frustra tentátus, ut Christi fidem deséreret, in cárcerem conjicitur: quo Attalus præco mittitur, qui ei dicat, se quoque Christiánum fuisse, et ei nómini proptérea renuntiásse, quod cognovisset, ináne esse fidei comméntum, quo Christiáni præsentibus

se ábdicant ob vanam futurórum spem. Verum nóbilis Christi athléta, cállidi hostis insidias non ignórans, diaboli místrum a se pénitus rejécit. Quare ad Præsidem iterum adducto omnes contúsi sunt dentes, maxillæque confráctæ, atque ita cæsus in sterquilínium dejéctus. Sed inde ab Angelo quoque eréptus, rursus stetit ante júdicem, qui, Venántio adhuc loquente, e tribunáli cécidit, et in ea voce, Verus est Venántii Deus, nostros deos destrúite, exclámans expirávit.

iv. In servis suis.

Lectio vi.

QUOD cum Præsidi nuntiátum esset, extémpló Venántium leónibus óbjici jussit: qui naturáli ferilitate omíssa, ad ejus se pedes abjecérunt. Interim ille pópulum Christi fidem edocébat. Quare inde amótus, iterum in cárcerem tráditur. Cumque postrídie Præsidi referret Porphyrius, se per visum noctu pópulos, quos Venántius aqua tingébat, claríssima luce fulgéntes, ipsum vero Præsidem obscuríssima caligine opértum vidísse, Præses ira incénsus, eum illico cápíte plecti ímperat: deínde Venántium per loca vépribus et cárduis cónsita trahi usque ad vésperam. Is cum semiánimis relictus

esset, mane se iterum Præsidi præsentavit, cujus jussu statim e rupe præcipitatur: sed inde etiam divinitus eréptus, dénuo per loca áspera ad mille passus tráhitur: ubi militibus siti æstuántibus, in próxima conválle, ex lápide, in quo et génuum formam reliquit, sicut etiam nunc in ejus Ecclesiá vidére licet, Crucis signo a Venántio facto, aquæ manárunt. Eo miraculo plures permóti, in Christum credidérunt: quos omnes Præses eo loci una cum Venántio cápite feriri jussit. Fúlgura et terrémótus eo témpore ita magni fuére, ut Præses affúgeret: qui paucis tamen post diébus, divinam haud valens effúgere justitiam, turpíssimam mortem oppétiit. Christiáni interim Venántii et aliórum córpora honorífico loco sèpeliérunt, quæ Cameríni in Ecclesiá Venántio dicáta, cóndita adhuc sunt.

R. Filiæ Jerúsalem.

In iij. Nocturno Homilia in Evang. Ego sum vitis vera, de Comm. xliij.

Ad Laudes. Hymnus.

IN nocte pulsa lúifer
Diem propínquam nún-
tíat,
Nobis refert Venántius
Lucis beátæ múnera.
Nam criminum caliginem,
Stygisque noctem dépulit,

Veróque cives lúmine
Divinitátis imbuit.

Aquis sacri Baptísmatis
Lustrávit ille pátriam:
Quos tinxit unda milites,
In astra misit mártýres.
Nunc Angelórum párticeps,
Adésto votis súpplicum:
Procul repélle erímína,
Tuúmque lumen íngere.
Sit laus Patri, sit Filio,
Tibique, sancte Spíritus:
Da per preces Venántii
Beáta nobis gáudia.

Amen.

In ij. Vesperis fit a Capitulo de seq. commem. præe et S. Pudencianæ, Virg.

DIE XIX. MAJ.

*In Festo S. Petri Cœlestini
Papæ et Conf.*

Duplex.

*Omnia de Comm. Cont.
Pont. lxiv. præter seq.*

Oratio.

DEUS, qui beátum Petrum Cœlestinum ad summi Pontificátus ápicem sublimásti, quique illum humilitáti postpónere docuisti: concéde propítius; ut, ejus exémplo, cuncta mundi despícere, et ad promíssa humilibus præmia pervenire feliciter mereámur. Per Dóminum.

*Deinde fit com. S. Venántii. Añá. Sancti. ŷ. Pretiôsa.
Oratio. Deus, qui hunc.*
530.

*Postea S. Pudencianæ
Virg. Añá. Veni, sponsa. ŷ.
Spécie.*

Oratio.

EXAUDI nos, Deus salutáris noster: ut, sicut de beátæ Pudentiánæ Virginis tuæ festivitáte gaudémus, ita piæ devotiónis erudiámur afféctu. Per Dóminum.

In j. Nocturno Lectiones

Scriptura occurrente.

In secundo Nocturno.

Lectio iv.

PETRUS a nómine, quo Póntifex est appellátus, Cœlestinus dictus, honéstis catholicisque paréntibus. Esérniæ in Samnítibus natus, adolescéntiam vix ingrèssus, ut ánimus a mundi illécebris custodíret, in solitúdinem secéssit. Ibi contemplatióibus mentem nútriens, corpus in servitútem redígens, férream caténam ad nudam carnem adhibébat. Congregatióinem, quæ póstea Cœlestinórum dicta est, sub Régula sancti Benedícti instituit. Hinc quasi lucérna supra candelábrum pósitá, cum abscondi nequíret (Romána Ecclésia diu viduáta Pastóre) in Petri Cáthedram ignórans et absens adscítus, magna novitátis admiratióne non minus quam repentinó gáudio cunctos affécit. Cum autem in Pontificátus sublimitáte collocátus, váriis disténtus curis, assuétis incumbere meditatióibus vix posse cognósceret, óneri páriter et honóri voluntárie

cessit. Indeqüe priscam vitæ ratióinem répétens, obdormívit in Dómino, ejúsque pretiósam mortem Crux præfúlgens in áere ante cubiculi óstium réddidit ámplius gloriósam. Miráculis multis tam vivens, quam post óbitum cláruit: quibus rite examinátis, Clemens Quintus, anno postquam decéssit undécimo, Sanctórum número adscripsit.

Ŕ. Invéni David.

Lectio v. Deridétur. Lectio vj. At contra, quæ sunt iv. et v. de Comm. Conf. non Pont. ij. loco. xviij. cum Ŕ. v. et vj. de Comm. Conf. Pont. lxx.

In iij. Nocturno Homilia in Evang. Ecce nos reliquimus ómnia, de Comuni Apostolorum ij. loco. xviij.

Ŕ. vij. Amávit eum Dóminus, et ornávit eum, stolam glóriæ induit eum, Et ad portas paradísi coronávit eum, allelúia. Ŕ. In-
duít eum Dóminus lorícá fidei, et ornávit eum. Et. Ŕ. viij. Sint lumbi vestri præcincti, et lucérnæ ardéntes in mánibus vestris: * Et vos símiles homínibus expectántibus dóminum suum quando revertátur a núptiis, allelúia. v. Vigiláte ergo, quia nescítis qua hora Dóminus vester ventúrus sit. Et. Glória Patri. Et.

Pro S. Pudentiana. Virg.

Lectio ix.

PUDENTIANA virgo Pudéntis Románi filia, paréntibus orbáta, cum admirábili pietáte christiánam religiónem cóleret, una cum soróre Praxéde pecúniám ex vëndito património redáctam paupéribus distribuit, seque jejúniis et oratióibus dedit. Cujus étiam ópera tota ejus família, in qua erant nonagínta sex hómínes, a Pio Pontífice baptizáta est. Quod autem ab Antoníno Imperatóre sancítum erat, ne Christiáni públice sacrificia fácerent : Pius Póntifex in ædibus Pudentiánæ cum Christiánis Sacra celebrábat. Quibus illa benigne accéptis, quæ ad vitam necessariá essent, suppeditábat. Itaque in his christiánæ pietátis officiis migrávit e vita, et in sepúlchro patris ad cœmetérium Priscillæ via Salária sepúlta est, décimo quarto Kaléndas Júnii.

Te Deum laudámus. 17.

Si hoc Festum, contingat transferri, Lectio ix. dicitur Et Paulus, de Comm. Apost. ij. loco. xvij.

In Laud. sit commém. S. Pudentianæ, Aña. Símile est. Ý. Diffúsa. Oratio. Exaudi nos. 533.

In ij. Vesp. ad Magnificat. Aña. Dum esset Summus Póntifex, terréna non mé-

tuit, sed ad cœléstia regna gloriósus migrávit, allelúia.

Com. S. Bernardini. ut infra.

DIE XX. MAJI.

In Festo S. Bernardini Senensis, Confessoris. Semiduplex.

Omnia de Communi Conf. non Pont. lxxxiv. præter sequentia.

Aña. Similábo. Ý. Amávit. Oratio.

DOMINE Jesu, qui beáto Bernardíno, Confessóri tuo, exímium sancti nóminis tui amórem tribuísti : ejus, quæsumus, méritis et intercessióne, spíritum nobis tuæ dilectiónis benígnus infúnde. Qui vivis.

In j. Nocturno Lectiões de Scriptura occurrente.

In secundo Nocturno.

Lectio iv.

BERNARDINUS Albizésca nobíli Senénsi familia ortus, ab ineúnte ætáte non obscura sanctitátis dedit indícia : nam a piis paréntibus honéste educátus, négléctis puerilibus ludis, inter primagrammáticæ stúdia, pietátis opéribus ánimam inténdit, jejúniis, oratióni, et beatissimæ Vírginis cúltoi præcipue addíctus. Misericórdia vero in páuperes fuit insignis : quæ quidem ómnia procedente témpore, quomélius posset excólere, eórum número adscríbi vóluit,

qui Senis in hospitáli domo beátæ Mariæ de Scala Deo inserviunt : unde complúres sanctitáte célebres viri prodierunt. Ibi córporis afflictatióne, et ægrotántium cura, dum atrox pestilentia grassarétur, incredibili charitate sese exércuit. Inter ceteras autem virtútes castitatē, egrégia forma repugnante, sanctissime custodivit; adeo ut, eo præsente, nemo umquam, ne impudentissimus quidem, verbum minus honestum proférre audéret.

R. Honestum fecit.

Lectio v.

GRAVI morbo tentátus, eoque ad quátuor menses patientissime toleráto, demum incólumis, de religiósæ vitæ institúto capesséndo deliberáre cœpit: quo ut sibi viam muníret, ædiculam in extréma urbe condúxit: in quam cum sese abdidisset, aspérrimam omni ex parte vitam trahébat, Deum assidue orans, ut quid sibi sequéndum esset, osténderet. Quare divinitus factum est, ut beáti Francisci Ordinem præ ceteris optáret, in quo humilitáte, patientia, aliisque religiósi hóminis virtútibus excélluit. Id cum cœnobii rector animadvérteret, jamque ántea Bernardini doctrinam, et sacrárum literárum perítiam perspé-

ctam habéret, prædicándi onus eidem impósuit: quo humillime suscepto, cum se minus idóneum agnósceret ob vocis exilitatem ac raucitatem, Dei ope imploráta, non sine miraculo ejúsmodi impediménto liberátus est.

R. Amávit eum.

Lectio vj.

CUMQUE ea témpora vítiis criminibúsq; redundarent, et cruéntis factiónibus in Itália, divína humanaque ómnia permíxta essent, Bernardinus urbes atque óppida concúrsans, in nómine Jesu, quem semper in ore et in pectore gerébat, collápsā pietatem morésque, verbo et exémplo, magna ex parte restituit: quo factum est, ut præcláræ civitates eum sibi Episcopum a Summo Pontífice postulárent: quod ille munus invicta humilitáte constantissime réjécit. Dénique vir Dei imménsis laboribus exhaustus, multis magnisque éditis miraculis, libris étiam pie doctéque conscriptis, cum vixisset annos sex ac sexaginta, in urbe Aquila in Vestinis beáto fine quiévit. Quem novis indies coruscántē signis, anno post óbitum sexto, Nicolás Quintus Póntifex Máximus in Sanctórum número rétulit.

R. Iste homo.

In iij. Noct. Homilia in
Evang. Ecce nos reliquimus,
de Comm. Abbat. j loco c.
DIE XXV. MAJI.

In Festo S. Gregorii VII.

Papæ et Conf.

Duplex.

Omnia de Comm. Conf.
Conf. lxiv. præter seq.

Oratio.

DEUS, in te sperantium fortitudo, qui beatum Gregorium, Confessorem tuum atque Pontificem, pro tuenda Ecclesiæ libertate virtute constantiæ roborasti: da nobis, ejus exemplo et intercessione, omnia adversantia fortiter superare. Per Dñm.

Deinde sit com. S. Urbani
Papæ et Mart. Añña Lux
perpétua. V. Sancti.

Oratio.

DA, quæsumus omnipotens Deus: ut, qui beati Urbani, Martyris tui atque Pontificis, solémnia cõlimus, ejus apud te intercessionibus adjuvémur. Per Dñm.

In j. Nocturno Lectiones
de Scriptura occurrente.

In secundo Nocturno.

Lectio i.

GREGORIUS Papa Séptimus, ántea Hildebrándus, Suânæ in Etrúria natus, doctrina, sanctitate, omni-que virtutum genere cumprimis nóbilis, mirífice univérsam Dei illustrávit Ecclesiám. Cum párvulus ad fabri ligna edolántis pe-

des, jam litterarum insecius, luderet, ex rejectis tamen segmentis illa Davidici elementa oraculi: Dominabitur a mari usque ad mare; casu formásse narratur, manum pueri ductante Numine; quo significarétur ejus fore amplissimam in mundo auctoritatem. Romam deinde profectus, sub protectione sancti Petri educatus est. Juvénis Ecclesiæ libertatem a laicis oppressam, ac depravatos Ecclesiasticorum mores vehementius dolens, in Cluniacénsi monasterio, ubi sub Régula sancti Benedicti austeriõris vitæ observantia eo tempore maxime vigebat, Mõnachi habitum induens, tanto pietatis ardore divinæ Majestati deserviebat, ut a sanctis ejusdem cœnobii Pátribus Prior sit electus. Sed divina providentia majorade eo disponente in salutem plurimorum, Cluniaco eductus Hildebrándus, Abbas primum monasterii sancti Pauli extra muros Urbis electus, ac postmodum Romænæ Ecclesiæ Cardinális creatus, sub Summis Pontificibus, Leóné Nono, Victóre Secúndo, Stéphanó Nono, Nicoláo Secúndo, et Alexándro Secúndo, præcipuis munéribus et legationibus perfunctus est, sanctissimi et purissimi consilii vir a beato Petro Damiáno nuncupatus.

A Victóre Papa Secúndo Legátus a látere in Gálliam missus, Lugdúni Episcopum simoniaca labe inféctum, ad sui criminis confessiónem miráculo adégit. Berengárium in Concílio Turonénsi ad iterátam hæresis abjuratióne compulit. Cadolái quoque schisma sua virtúte compréssit. *R.* Inveni David.

Lectio v.

MORTUO Alexándro Secúndo, invítus, et mœrens, unánimi ómnium consénsu, décimo Kaléndas Maji, anno Christi millésimo septuagésimo tértio, Summus Póntifex eléctus, sicut sol effúlsit in domo Dei; nam potens ópere et sermóne, ecclesiásticæ disciplínæ reparándæ, fidei propagándæ, libertáti Ecclésiæ restituéndæ, extirpándis erroribus, et corruptélis tanto stúdio incúbuit, ut ex Apostolorum ætáte nullus Pontíficum fuisse tradátur, qui majóres pro Ecclésia Dei labóres molestiasque pertúlerit, aut qui pro ejus libertáte ácrius pugnaverit. Aliquot Províncias a simoniaca labe expurgávit. Contra Henríci Imperatóris impios conátus fortis per ómnia athléta impávidus permansit, seque pro muro dómni Israel pónere non tímuit, ac eúndem Henricum, in profúndū malórum prolápsum,

fidélium communióne regnóque privávit, atque súbditos pópulos fide ei data liberávit. *R.* Pósui adjutórium.

Lectio xj.

DUM Missárum solémnia perágeret, visa est viris piis columba e cœlo delápsa, húmero ejus dextro insidens, alis exténsis caput ejus veláre, quo significátum est, Spíritus sancti afflátu, non humánæ prudentiæ ratióibus, ipsum ducí in Ecclésiæ regímine. Cum ab iniqui Henríci exercitu Romæ gravi obsidióne premerétur, excitátum ab hóstibus incéndium signo crucis exstínxit. De ejus manu tandem a Robérto Guiscárdo Duce Northmánno eréptus, Cassínium se cóntulit; atque inde Salérnum ad dedicándam Ecclésiá sancti Matthæi Apóstoli conténdit. Cum aliquándoin ea civitáte sermónem habuisset ad pópulum, ærúmnis conféctus, in morbum incidit, quo se interitúrum præscívit. Postréma moriéntis Gregórii verba fuére: Diléxi justítiam, et odívi iniquitátem, proptérea mórrior in exilio. Innumerábilia sunt, quæ vel fórtiter sustínuit, vel multis coáctis in Urbe Synodis sapiénter constituit, vir vere sanctus, criminum vindex, et acérrimus Ecclésiæ defénsor.

Exáctis itaque in Pontificátu annis duódecim, migrávit in cœlum, anno salutis millésimo octogésimo quinto, pluribus in vita, et post mortem miraculis clarus, ejusque sacrum corpus in Cathedrâli Basilica Salernitana est honorífice cõditum.

ŷ. Iste est qui.

In *iiij. Noct. Homilia in Evang.*, Vigilâte, quia nescitis, de *Comm. ij. loco. lxxvij. Pro S. Urbano, Papa Mart.*

Lectio ix.

URBANUS Românus, Alexândro Sevéro Imperátore, doctrîna et vitæ sanctitâte multos ad Christi fidem convertit: in illis Valeriânus, beatæ Cæciliæ sponsum, et Tibúrtius, Valeriâni fratrem, qui póstea martyrium forti ânimo subiérunt. Hic de bonis Ecclésiæ attribútis scripsit his verbis: Ipsæ res fidélium; quæ Dño offeruntur, non debent in álios usus, quam ecclesiásticos et christianórum fratrum, vel indigéntium, converti: quia vota sunt fidélium, et prætia peccatórum, ac patrimónia páuperum. Sedit annos sex, menses septem, dies quátuor, ac martyrio coronátus, sepúltus est in cœmetério Prætextâti, octâvo Kaléndas Júnii. Ordinatióibus quinque hábitis mense Decémbri, creávit Presbyteros novem, Diáconos quin-

que, Episcopos per diversa loca octo.

Te Deum laudamus. 17.

In *Laud. fit com. S. Urbani, Papæ et Mart. Aña. Filiæ Jerúsalem. ŷ. Pretiõsa. Orat. Da quæsumus. 536.*

Vesp. a Capit. de seq., com. præc. et S. Eleutherii, Papæ et Mart.

DIE XXVI. MAJI.

In Festo S. Philippi Neri, Confessoris.

Duplex.

Omnia de Comm. Cont. non Pont. lxxiv. præter seq., Oratio.

DEUS, qui beátum Philippum, Confessórem tuum, Sanctórum tuórum glória sublimásti: concéde propítius; ut cujus solempnitâte lætámur, ejus virtútum proficiámus exémplo. Per Dñm.

Deinde fit com. S. Gregorii, Papæ, Aña. Dum esset Summus Póntifex, terréna non méruit, sed ad cœlestia regna gloriósus migrávit, allelúia. ŷ. Justum. Oratio. Deus, in te sperántium. 536.

Et S. Eleutherii, Papæ et Mart. Aña. Lux perpétua. ŷ. Sancti.

Oratio.

INFIRMITATEM nostram respice, omnipotens Deus: et quia pondus propriæ actionis gravat, beáti Eleutherii, Mátyris tui atque Pontificis, intercæssio gloriósa nos protégat. Per Dóminum.

In j. Nocturno Lectiones
de Scriptura occurrente.

In secundo Nocturno.

Lectio iv.

PHILIPPUS Nérius, piis honestisque paréntibus Floréntiæ natus, ab ipsa ineunte ætate non obscura dedit futuræ sanctitátis indicia. Adolëscens, ampla patrui hereditate dimissa, Romam se contulit: ubi Philosophia, ac sacris litteris eruditus, totum se Christo dicavit. Ea fuit abstinentia, ut sæpe jejúnus triduum permanserit. Vigiliis et orationibus intentus, septem Urbis Ecclesiis frequenter visitans, apud cæmetérium Callisti in cœlestium rerum contemplatione pernoctare consuevit. Sacerdos ex obedientia factus, in animarum salute procuranda totus fuit: et in confessionibus audiendis ad extrémum usque diem perseverans, innúmeros pene filios Christo peperit: quos verbi Dei quotidiano pabulo, Sacramentorum frequentia, orationis assiduitate, aliisque piis exercitationibus enutrirí cupiens, Oratorii Congregationem instituit. **R.** Honéstum fecit.

Lectio v.

CHARITATE Dei vulnerátus languébat júgiter: tantoque cor ejus æstuábat ardore, ut cum intra fines suos

continéri non posset, illius sinum, confráctis atque elátis duábus cóstulis, mirabiliter Dóminus ampliáverit. Sacrum vero fáciens, aut fervéntius orans, in æra quandoque sublátus, mira úndique luce fulgére visus fuit. Egénos et páuperes omni charitátis officio prosequébatur: dignus, qui et Angelo in spécie páuperis eleemósynam erogáret; et dum egéntibus noctu panem deférret, in foveam lapsus, inde páriter ab Angelo incólumis eriperétur. Humilitáti addíctus, ab honóribus semper abhórruit: atque ecclesiásticas dignitátes, étiam primárias, non semel ultro delátas, constantissime recusávit.

R. Amávit eum.

Lectio vj.

PROPHETIÆ dono fuit illústris, et in animórum sensibus penetrándis mirífice enítuit. Virginitatem perpétuo illibátam servávit: idque assecútus est, ut eos, qui puritatem cólerent, ex odóre; qui vero secus, ex fœtóre dignósceret. Abséntibus intérdum appáruit, iisque periclitántibus opem tulit. Ægrótos plúrimos, et morti próximos, sanitáti restituit. Mórtuum quoque ad vitam revocávit. Cœlestium spirituum, et ipsius Deiparæ Virginis, frequenter fuit apparitione dignátus: ac pluri-

mórum ánimas splendóre circumfúsas in cœlum conscéndere vidit. Dénique anno salutis millésimo quíngentésimo nonagésimo quinto, octávo Kaléndas Júnias, in quem diem incíderat festum Córporis Christi, Sacro máxima spíritus exultatióne perácto, cæterisque functiõnibus explétis, post médiã noctem, qua prædixerat hora, octogenárius obdormívit in Dómino. Quem Gregórius Décimus quintus miráculis clarum in Sanctórum númerum rétulit.

R. Iste homo.

In ij. Noct. Homilia in Evang., Sint lumbi. xcij.

Pro S. Eleutherio

Lectio ix.

ELEUTHERIUS, Nicópoli in Græcia natus, Anicéti Pontificis Diáconus, Cómmodo Imperátore, præfuit Ecclésiæ. Huic initio Pontificátus súpplices litteræ venerunt a Lúcio Britannórum rege, ut se ac suos in Christianórum númerum reciperet. Quámobrem Fugátium et Damiánum, doctos et pios viros, misit in Británniam, per quos rex et réliqui fidem susciperent. Hoc Pontifice, Irenæus Polycárpi discipulus, Romam véniens, ab eo benigne accéptus est. Quo témpore summa pace et quiéte fruebátur Ecclésia Dei, ac per totum orbem

terrárum, máxime Romæ, fides propagabátur. Vixit Eleuthérius in Pontificátu annos quíndecim, dies viginti tres. Fecit Ordinatiónes tres mense Decémbri, quibus creávit Presbyteros duódecim, Diáconos octo, Episcopos per divérsa loca quíndecim, sepultúsque est in Vaticáno prope corpus sancti Petri.

Te Deum laudámus. 17.

In Laud. fit com. S. Eleutherii. Añã. Filiæ Jerúsalem. V. Pretiõsa. Oratio. infirmitátem. 338.

In ij. Vesp. fit com. seq. et S. Joannis, Papæ et Mart.

DIE XXVII. MAJI.

In Festo S. Mariæ Magdalene de Pazzis. Virg.

Semiduplex.

Añã. Veni sponsa. V. Spécie. Oratio.

DEUS, virginitátis amátor, qui beátam Mariam Magdalénam Virginem, tuo amóre succénsam, cœlestibus donis decorásti : da, ut quam festiva celebritáte venerámur, puritáte et charitáte imitémur. Per Dóminum.

Deinde S. Joannis Papæ et Mart. Añã Lux perpétua. Sancti.

Oratio.

DEUS, qui nos beáti Joannis, Mátyris tui atque Pontificis, ánnua solemnitáte lætíficas : concéde propi-

tius; ut cujus natalitia cõli-
mus, de ejusdem etiã pro-
tectione gaudeamus. Per
Dõminum.

In j. Nocturno Lectiones
de Scriptura occurrente.

In secundo Nocturno.

Lectio iv.

MARIA Magdalæna, illu-
striõri Pazziõrum gène-
re Floréntiæ nata, fere ab
incunãbulis iter perfectionis
arrípuit. Decénis perpé-
tuam virginitatem vovit, sus-
ceptoque hábitu in monasté-
rio sanctæ Mariæ Angelõrum
Ordinis Carmelitãrum, se
õmnium virtutum exémpLAR
exhibuit. Adeo casta fuit, ut
quidquid puritatem lædere
potest, pénitus ignoráverit.
Quinquénium, Deo jubén-
te, solo pane et aqua trans-
égit, excéptis diébus domi-
nicis, quibus cibis qua-
dragesimãlibus vescebatur.
corpus suum cilicio, flagél-
lis, frígore, inédia, vigiliis,
nuditate atque omni pœná-
rum gènere cruciábat.

ñ. Propter veritatem.

Lectio v.

TANTO igne divini amoris
tæstuábat, ut ei feréndo
impar, ingésta aqua pectus
refrigeráre cogerétur. Extra
sensus fréquenter raptã, diu-
turnas et admirábiles éxta-
ses passa est, in quibus et
arcána cœléstia penetrávit,
et eximilis a Deo grãtiis illu-
stráta fuit. His autem muni-

VERNA.

ta longum certãmen a prin-
cipibus tenebrãrum susti-
nuit, árida, desoláta, ab
õmnibus derelicta, variisque
tentatiõnibus vexáta: Deo sic
permittente, ut invictæ pa-
tiéntiæ, ac profundissimæ hu-
militátis exémpLAR præbéret.
ñ. Dilexisti justitiam.

Lectio vj.

CHARITATE erga próximum
singulãriter enituit: nam
sæpe noctes ducébat insõ-
mnes, vel obeúndis sorõrum
ministériis, vel inserviéndo
infirmis occupáta, quarum
aliquãdo úlcera lambens
sanávit. Infidélium et pecca-
tõrum perditionem amãre
deslens, se ad quælibet pro
illõrum salúte torménta pa-
rátam offerébat. Multis ante
óbitum annis, univérsis cœ-
li delíciis, quibus copiose
affluébat, heróica virtúte re-
núntians, illud fréquenter in
ore habébat: Pati, non mo-
ri. Tandem longa et gravís-
sima infirmitate exháusta,
transívit ad Sponsum, die
vigésima quinta Maji, anno
millésimo sexcentésimo sé-
ptimo, expléto anno quadra-
gésimo primo ætátis suæ.
Eam multis in vita et post
mortem miráculis claram,
Clemens Nonus sanctãrum
Virginum número adscri-
psit; cujus corpus in præ-
séntem diem incorruptum
conserváture.

ñ. Afferéntur Regi.

In iij. Noet. Homilia in
Evang., Simile erit regnum
cœlorum decem virginibus,
de Communi. cxv.

Pro S. Joanne, Papa et Mart.

Lectio ix.

JOANNES Etruscus Justino
seniøre Imperatøre, re-
xit Ecclesiã : ad quem pro-
fectus est Constantinopolim
auxilii causa, quod Theodo-
ricus rex hæreticus divexã-
bat Italiã : cujus etiã
iter Deus miraculis illustrã-
vit. Nam cum ei nobilis vir
ad Corinthum equum, quo
ejus uxor mansueto utebã-
tur, itineris causa commo-
dãset, factum est, ut dõmi-
no põstea remissus equus ita
ferox evãderet, ut frẽmitu
et totius cõrporis agitãtione
semper deinceps dõminam
expulerit, tamquam indi-
gnaretur mulierem recipere,
ex quo sedisset in eo Jesu
Christi Vicãrius. Quãmob-
rem illi equum Pontifici do-
naverunt. Sed illud majus
miraculum, quod Constan-
tinopoli, in aditu portæ Au-
reæ, inspectante frequentis-
simo põpulo, qui una cum
Imperatøre Pontifici honõris
causa occurrerat, cæco lu-
men restituit. Ad cujus pe-
des prostratus etiã Impe-
rator, eum veneratus est. Re-
bus cum Imperatøre compõ-
sitis, in Italiã rediit : sta-
timque epistolam scripsit ad
omnes Italiæ Episcopos, ju-

bens eos Arianõrum ecclẽ-
sias ad catholice ritum con-
secrare, illud subjungens :
Quia et nos, quando fuimus
Constantinopoli, tam pro re-
ligione catholica, quam pro
regis Theodorici causa, quas-
cũque illis in partibus
eõrum Ecclesias reperire po-
tuimus, catholicas eas con-
secravimus. Quod iniquis-
sime animo ferens Theodo-
ricus, dolo accersitum Ponti-
ficem Ravennam in carce-
rem conjecit : ubi squalore
inediãque afflictus, paucis
diebus cessit e vita, cum se-
disset annos duos, menses
novem, dies quatuordecim :
ordinatis eo tempore Episco-
pis quindecim. Paulo post
mõritur Theodoricus : quem
quidam eremita, ut scribit
sanctus Gregorius, vidit in-
ter Joannem Pontificem, et
Symmachum patriciũ, quem
idem occiderat, demergi
in ignem Liparitãnum : ut
videlicet illi, quibus mor-
tem attulerat, tamquam jũ-
dices essent ejus intẽritus.
Joannis corpus Ravenna
Romam portatum est, et in
Basilica sancti Petri se-
pultum.

Te Deum laudamus. 47.

In Laudibus fit commemo-
ratio S. Joannis, Pa-
pæ et Martyris. Añã. Filiæ
Jerusalem. Y. Pretiosa. Ora-
tio. Deus, qui nos beati.
540.

DIE XXX. MAJI.

S. Felicis . Papæ et Mart.
Oratio.

INFIRMITATEM nostram respice, omnipotens Deus et quia pondus propriæ actionis gravat, beāti Felicis, Mātyris tui atque Pontificis, intercēssio gloriōsa nos protégat. Per Dóminum.

Lectio ij.

FELIX Romānus, patre Constantio, Aureliano Imperatōre, præfuit Ecclēsiæ. Constituit ut Missa suprà memórias et sepúlchra Mātyrum celebrarétur. Qui cum mense Decémbri habuisset Ordinatiōnes duas, et creasset Presbyteros novem, Diáconos quinque, Episcopos per diversa loca quinque, martyrio coronātus, via Aurélia sepelitur in Basílica, quam a se ædificatam dedicarat. Vixit in Pontificātu annos duos, menses quatuor, dies viginti novem.

Te Deum laudāmus. 17.

DIE XXXI. MAJI.

In Festo S. Angelæ Merici.
Virginis.

Duplex.

Omnia de Communi Virg.
ciii. præter sequentia.

Oratio.

DEUS, qui novum per beatam Angelam sacrarum Virginum collégium in Ecclēsia tua florēscere voluisti: da nobis, ejus inter-

cessiōne, angélicis móribus vivere; ut terrénis ómnibus abdicatis, gaudiis pérfrui mereāmur ætérnis. Per Dñm.

Fit com. S. Petronillæ.
Virg. Aña. Simile. 7. Diffusa.

Oratio.

EXAUDI nos, Deus salutáris noster: ut, sicut de beatæ Petronillæ Virginis tuæ festivitáte gaudémus, ita piæ devotiōnis erudiāmur afféctu. Per Dóminum.

In j. Nocturno Lectiones
de Scriptura occurrente.

In secundo Nocturno.

Lectio iv.

ANGELA Merícia Decentiāni, Veronénsis Diocēsis oppido ad Lacum Benácum in ditiōne Véneta, piis orta paréntibus, a prima ætáte, virginitátis lilium, quod perpétuo serváre statuerat, sédula sepsit. Ab omni muliéribus ornátu abhórrens, egrégiam vultus formam, pulchrámque cæsariem studiōse fœdavit, ut cœlésti duntáxat animárum Sponso placéret. In ipso autem adulescētiæ flore paréntibus orbáta, austeriōris vitæ desiderio, in desértum locum aufugere tentávit; sed ab avúnculo prohibita, novit præstáre domi, quod in solitúdine non licuit. Cilicio ac flagéllis frequenter usa, carnem nonnisi infirma valetúdine, vinum in Nativitátis et Resurrectiōnis Do-

minicæ tantum celebritate, complures vero dies nihil omnino degustavit. Orationi dedita brevissimum humi carpébat somnum. Dæmonem vero, sub lucéntis Angeli forma sibi illudere conátem, agnóvit prótinus, et conjécit in fugam. Tandem patérnis bonis abdicátis, et hábitum ac régulam Tértii Ordinis sancti Francisci ampléxa, evangélicam paupertátem virginitátis laudi conjúnxit.

ii. Propter veritátem.

Lectio v.

NULLUM pietátis officium erga próximos omittens, paupéribus quidquid sibi ex mendicáto victu superésset, largiebátur : libénter ministrábat ægróti, plúraque cum magna sanctitátis fama peragrávit loca, ut vel solátio esset afflicti, vel reis véniam impetráret, vel infénsos invicem reconciliáret ánimos, vel evitiórum cœno sceléstos revocáret. Angelórum pane, quem únice esuriébat, frequentíssime refécit, tanta charitátis vi ferebátur in Deum, ut sæpius extra sensus raperétur. Sacra Palæstínæ loca summa cum religiône obívit : quo in itinere et visum, quem ad Cydónias appúlso oras amiserat, eódem regréssa recuperávit, et barbarórum captivitátem, ac naufrágium

imminens divínitus evásit. Romam dénique firmam Ecclésiæ petram venerátúra, et amplíssimæ Jubilæi vénia percúpida, sedénte Clemén-te Séptimo, accéssit : quam Summus Póntifex allocútus, ejúsdem sanctimóniam suspéxit, et commendávit sumópere : nec ab Urbe ipsam abíre ante permísit, quam álio cœlitus vocátam agnóvit.

iii. Dilexísti justitiam.

Lectio vj.

BRIXIAM itaque, ubi domum ad sanctæ Aphræ templum condúxit, revérsa, novam ibi vírginum Societátem, sicut cœlésti voce ac visione mandátum sibi fuerat, sub certa disciplína, sanctisque vivéndi régulis constituit, quam sanctæ Ursulæ, invictæ vírginum ducis, patrocínio ac nómine insignívit : eam vero perénnem futúram morti próxima prædixit. Tandem prope septuagenária dives méritis evolávit in cœlum, sexto Kaléndas Februárii anni millésimi quingentésimi et quadragésimi. Cujus cadáver per ipsos triginta dies inhumátum, flexibile, ac vivo simillimum perseverávit. Demum in sanctæ Aphræ templo inter céteras, quibus illud abúndat, Sanctórum Relíquias repósito, plúrima ad ejus sepúlchrum

agi statim cœpere miracula : quorum fama late diffusa, non Brixiae modo et Decentiani, sed alibi etiam vulgo cœpit nuncupari Beata, ejusque imago aris imponi : imo sanctus ipse Carolus Borromæus non multis post annis dignam, quæ ab Apostolica Sede in sanctarum Virginum album referrétur, Brixiae palam assérui. Cultum vero illi jamdiu a pòpulis exhibitum, et tum locorum Ordinariis probatum, tum plùribus etiam Summorum Pontificum Indùltis munitum, Clemens Papa Décimus tertius solènni Decréto ratum habuit, ac confirmávit. Eam tandem, novis miraculis rite probatis insignem, Pius Papa Séptimus, solènni Canonizatione in Vaticana Basilica perácta, die vigésima quarta Maji, anno millésimo octingentésimo séptimo, sanctarum Virginum catálogo adscripsit.

R. Afferéntur.

In iij. Noct. Homilia in Evang., S imile erit... decem virginibus, de Comm. j. loco. cxv.

In Laud. fit com. S. Petronillæ. Añã. Veni. *ŷ*. Spécie. FESTA JUNII.

Die ij. SS. Marcellini. Petri et Erasmi, Mart.

Oratio.

DEUS, qui nos annua beatòrum Mátyrum tuòrum,

Marcellini, Petri atque Erasmi, solemnitate lætificas : præsta, quæsumus ; ut quorum gaudemus méritis, accendámur exémpis. Per Dóminum nostrum Jesum Christum.

Lectio ij.

PETRUS exorcista, Diocletiano Imperátore, Romæ a Seréno júdice propter christiænæ fidei confessionem missus in cárcerem, Paulinã Artémii, qui cárceri præerat, filiam a dæmone agitatam liberávit. Quo facto et paréntes puellæ cum tota familia, et vicinos, qui ad rei novitatem concurrerant, Jesu Christo conciliátos addúxit, a quo omnes baptizati sunt. Quod ubi rescívit Serénus, Petrum et Marcellinum ad se vocátos aspérius objúrgat, et ad verbórũ acerbítatem minas ac terróres adjúngit, nisi Christo renúntient. Cui cum Marcellinus christiána libertáte responderet, pugnis contúsum, et a Petro sejúctum, nudum inclúdit in cárcerem stratum vitri fragméntis, sine cibo ac sine lúmine. Petrum item constringi ímpérat aretíssimis vínculis. Sed cum utrique ex torméntis fides et ánimus crésceret, constánti confessione, et abscisso cápite, illústre testimonium Jesu Christo dedérunt.

Lectio iij.

ERASMUS Episcopus, Imperatoribus Diocletiano et Maximiano, in Campania plumbatis et fustibus caesus, resina quoque, sulphure, plumbo liquefacto, et ferventi pice, cera, oleoque perfusus, inde tamen integer et inviolatus evasit. Quo miraculo multi se ad Christi fidem convertérunt. Verum is iterum detrusus in carcerem, constrictus ferreis gravissimisque vinculis, inde ab Angelo mirabiliter ereptus est. Deinde Formis a Maximiano variis affectus supplicis, tunicaque aerea candenti indutus, illa etiam tormenta divina virtute superavit. Denique plurimis et in fide confirmatis, et ad fidem conversis, insignem martyrii palmam adeptus est.

Te Deum laudamus. 17.

DIE IV. JUNII.

In Festo S. Francisci
Caracciolo, Conf.

Duplex.

Omnia de Comm. Conf.
non Pont. lxxxiv. præter
sequentia.

Oratio.

DEUS, qui beatum Franciscum, novi Ordinis Institutorem, orandi studio, et poenitentiae amore decorasti: da famulis tuis in ejus imitatione ita proficere; ut semper orantes, et corpus in servitutem redi-

gentes, ad coelestem gloriam pervenire mereantur. Per Dominum.

In j. Nocturno Lectiones
de Scriptura occurrente.

In secundo Nocturno.

Lectio iv.

FRANCISCUS, dictus antea Ascanius, ex nobili familia Caracciolo in oppido sanctae Mariae de Villa in Aprutio ortus, a primis annis eximio enituit pietatis cultu. Adolenscens graviter aegrotans statuit sese prorsus Dei, proximique mancipare servitio. Neapolim profectus, sacerdotio initiatus, sacroque adscriptus Sodalitio, contemplationi, lucrandisque animabus se totum devovit, ac extremo supplicio damnatis hortatorem se praebeuit assiduum. Contigit autem, ut epistolum alteri destinatum ei per errorem redderetur, quo a piissimis viris Joanne Augustino Adorno, et Fabricio Caracciolo ad novi religiosi Instituti fundacionem vocabatur. Rei novitate captus, et divinae voluntatis demiratus consilia, alacri animo sese illis adjunxit. Conditis autem in Camaldulensium eremo, quo secesserant, novi Ordinis legibus, inde Romam simul profecti, confirmationem a Sixto Quinto impetrarunt, qui eosdem Clé-

ricos Regulâres Minôres appellâri vóluit , áddito ad tria consuéta áltero de non ambiéndis dignitatibus voto.

R. Honéstum fecit.

Lectio v.

SOLEMNI emissâ professiô-
ne, obsingulârem ejus in
divum Franciscum Assisi-
natem cultum, Francisci no-
men assumpsit. Adórno bién-
nio post vita functo, ipse
toti Religiôni, quamquam
invítus, præficitur : quo in
múnere virtútum ómnium
præclára præbuit exéempla.
Institúti amplificândi stu-
diosissimus, id assíduis ora-
tiónibus, lácrymis et jugi
córporis maceratióne eníxe
a Deo postulábat. Quam ob
rem tértio in Hispániam se
côntulit peregríni hábitu
indútus, victúmque ostiátim
mendicans. In itinere aspér-
rima quæque perpéssus ,
Omnipoténtis auxilium mi-
rum in modum expértus,
navim quam conscénderat ,
ab imminéti naufrágio
oratiónis præsidio servávit
incólumem. Ut in regnis
illis voti compos fieret, plú-
rimum laborávit, sed ejus
sanctitátis fama prælucénte,
amplissimâque Catholicó-
rum regum Philippi Secún-
di et Philippi Tértii munifi-
céntia, adversariórum coná-
tibus singulâri ánimi forti-
túdine superátis, plura sui

Ordinis domicília fundávit ;
quod pari evéntu per Itá-
liam præstitit.

R. Amávit eum.

Lectio vj.

HUMILITATE ádeo excél-
luit, ut Romam véniens,
in páuperum hospítio recé-
ptus, se lepróso sociáverit,
et ecclesiásticas dignitates,
a Paulo Quinto sibi oblátas,
constantissime recusáverit.
Illibátam perpétuo servávit
virginitatem, effrontésque
mulieres ejus castimóniæ
insidiâtes Christo lucrifé-
cit. Erga diviníssimum Eu-
charistiæ mystérium ardén-
ti æstuans amóre, noctes
pene íntegras in ejus ado-
ratióne insómnēs ducébat :
quod pium exercítium ,
vélti sui Ordinis tésseram,
in eo perpétuo servándum
constituit. Deíparæ Virgínis
cultum impénse fovit. In
próximam exímia exársit
charitáte. Prophetiæ dono ,
et córdium scrutatióne di-
tátus fuit. Quadragésimum
quartum ætátis suæ annum
agens, dum in sacra Lau-
retána æde in oratióne per-
sisteret, sibi vitæ finem
imminére cognóvit. Aprú-
tium statim defléxit , et
Agnóni apud álúmnos san-
cti Philippi Nérii letháli
febre corréptus, Sacramén-
tis Ecclésiæ devotíssime
suscéptis, pridie Nonas Jú-
nii anni millésimi sexcen-

tésimi octávi, in pervigilio festi Córporis Christi, placidissime obdormívit in Dómino. Sacrum ejus corpus Neápolim delátum in Ecclésia sanctæ Mariæ Majóris, ubi prima sui Ordinis jecerat fundaménta, honorífice cónditum fuit. Eum póstea miráculis clarum, Clemens Décimus quartus Póntifex Máximus solémni ritu inter Beátos, Pius vero Séptimus Póntifex Máximus, novis fulgéntem signis, anno milésimo octingentésimo séptimo, Sanctórum albo adscripsit.

R. Iste homo.

In iij. Nocturno Homilia in Evang. Sint lumbi. xxiij.

DIE VI. JUNII.

In Festo S. Norberti, Episc. et Confessoris.

Duplex.

Omnia de Comm. Conf. Pont. lxiv. præter seq.

Oratio.

DEUS, qui beátum Norbértum, Confessórem tuum atque Pontíficem, verbi tui præcónem exímium effecísti, et per eum Ecclésiám tuam nova prole fœcundásti: præsta, quæsumus; ut, ejúsdem suffragántibus méritis, quod ore simul et ópere dócuit, te adjuvánte, exercére valeámus. Per Dóminum.

In j. Nocturno Lectiones de Scriptura occurrente.

In secundo Nocturno.

Lectio iv.

NORBERTUS nobilíssimis paréntibus natus, adolésceus liberálibus disciplinis eruditus, in ipsa póstea Imperatóris aula, spretis mundi illécebris, ecclesiásticæ militiæ adscribi vóluit. Sacris initiátus, re-jéctis móllibus ac spléndidis véstibus, pellicea melóte indútus, prædicatióni verbi Dei se totum dedit. Abdicáti ecclesiásticis provéntibus satis amplis, et patrimoniò in páuperes erogáto, semel in die sub vésperam solo cibo quadragesimáli utens, nudisque pédibus et lácera veste sub brumáli rigóre incédens, miræ austeritátis vitam est aggréssus. Potens igitur ópere et sermóne, innúmeros hæréticos ad fidem, peccatóres ad pœniténtiam, dissidéntes ad pacem et concórdiam revocávit.

R. Invéni David.

Lectio v.

CUM Laudúni esset, ab Epíscopo rogátus, ne a sua diœcési discéderet, désértum in ea locum, qui Præmonstrátus dicebátur, sibi delégit: ibique trédecim sóciis aggregátis, Præmonstraténsem Ordinem instituit, divínitus accépta per visum Régula a sancto Augústino. Cum vero ejus fama sanctitátis in dies magis au-

geretur, ac plúrimi ad eum quotidie discipuli convenirent, idem Ordo ab Honório Secúndo, aliisque Summis Pontificibus confirmátus, ac plúribus ab eo monastériis ædificátis, mirífice propagátus est.

R. Pósui adjutórium.

Leectio vj.

ANTVERPIAM accersítus, in ea urbe Tanchelini nefáriam hæresim profligávit. Prophético spírítu, et miráculis cláruit. Archiepiscopus tandem (licet relúctans) Magdeburgénsis creátus, ecclesiásticam disciplinam, prasértim cœlibátum, constánter propugnávit. Rhemis in Concilio Innocéntium Secúndum egrégie adjúvit; et Romam cum áliis Episcopis proféctus, schisma Petri Leónis compréssit. Postrémo vir Dei, méritis et Spírítu sancto plenus, Magdebúrgi obdormívit in Dómino, anno salutis milésimo centésimo trigésimo quarto, die sexta Júnii.

R. Iste est qui.

In nj. Noct. Homilia in Evang. Homo pégre. lxxij.

DIE IX. JUNII.

SS. Primi et Feliciani,

Martyrum.

Oratio.

PAC nos, quæsumus Dómine, sanctórum Mártyrum tuórum Primi, et Feliciani semper festa sectári :

quorum suffrágiis, protectionis tuæ dona sentiámus. Per Dóminum.

Leectio ij.

PRIMUS et Feliciánus fratres, in persecutióne Diocletiani et Maximiani accusáti christiánæ religiónis, in víncula conjiciúntur: quibus solúti, inde eripiúntur ab Angelo. Mox ad Prætórem addúcti, cum christiánam fidem acérrime tueréntur, alter ab áltero distrácti sunt: ac primum várie tentáta est constántia Feliciani. Sed cum suasóres impietátis se posse quidquam verbis proficere desperárent, affixis stípití manibus ejus et pédibus, ipsum sine cibo et potu inde trídium pendéntem reliquérunt. Postrídie ejus diéi Prætor vocátum ad se Primum sic affátur: Vides, quanto sit prudéntior, quam tu, frater tuus, qui obsecútus Imperatóribus, apud ipsos est honorátus? Quem si tu quoque imitári volueris, párticeps eris ejus honoris et grátiae.

Leectio iij.

CUI Primus: Quid factum sit fratri meo, cognóvi ex Angelo. Utinam quemádmodum sum cum eo voluntáte conjunctíssimus, sic ab eódem ne martyrio disjúngar? Quo dicto excánduit Prætor, et ad cæteros cru-

ciatus, quibus Primum affecit, præsentē jam Feliciāno, liquatum igne plumbum in os ejus jussit infundi. Mox utrūque perducī imperat in theātrum, in eosque immitti duos leones: qui prostrati ad eorum gēna, capite et cauda ipsis blandiebantur. Ad id spectaculum cum amplius duodecim millia hominum convenissent, quingenti cum suis familiis christiānam religionem suscepērunt. Quibus rebus permotus Prætor, eos securi percuti jussit.

Te Deum laudamus. 17.

DIE X. JUNII.

In Festo S. Margaritæ.

Reginæ Scotorum.

Semiduplex.

Omnia de Comm. nec Virg. nec Mart. cxxj. præter seq.

Oratio.

DEUS, qui beatam Margaritam reginam eximia in pauperes charitate mirabilem effecisti: da ut, ejus intercessione et exemplo, tua in cordibus nostris charitas jugiter augeatur. Per Dominum.

In j. Nocturno Lectiones de Scriptura occurrente.

In secundo Nocturno.

LECTIO IV.

MARGARITA, Scotorum regina, paterno Angliæ Regum, materno Cæsarum sanguine clarissima, illustrior adhuc fuit christiana

virtute. Hæc in Hungaria nata, ubi pater tunc temporis exulabat, post exactam summa cum pietate puerilem ætatem, una cum genitore, qui a sancto Eduardo patruo Anglorum rege ad paterni regni fastigium vocabatur, in Angliam venit: mox alternante parentum fortuna, ex Angliæ littore solvens, vi tempestatis expulsa, seu verius divinæ providentiæ consilio, deducta est in oram maritimam Scotiæ. Ibi cum ex matris imperio Malchólmo Tértio Scotorum regi, egrégiis ejus dōtib; capto, nupsisset, sanctimoniæ ac pietatis opērib; triginta, quibus regnavit, annis, toti regno mirifice profuit.

iv. Propter veritatem.

LECTIO V.

INTER regales delicias corpus afflictationibus, ac vigiliis macerans, magnam noctis partem piis precatiōnibus extrahēbat. Præter alia jejūnia, quæ identidem usurpabat, integros quadraginta dies ante natalitia festa tanta cum severitate jejunare consuevit, ut ne in gravissimis quidem doloribus intermiserit. Divino cultui addictissima, templa plurima, et cœnobia partim ex integro excitavit, partim resarcivit, et sacra supellectili, ac largo censu ditavit. Regem cōjugem ad

melioŕem frugem, et ad similia suis exercitatiõibus òpera saluberrimo exẽplo traduxit, liberòsque omnes tam sancte et feliciter educavit, ut eòrum plerique, quemadmodum et Agatha mater, et Christina soror, sanctissimum vitæ genus amplèxi sint. Univèrsi demum regni felicitati consules, a vitiis omnibus, quæ furtim irrepserant, pòpulos expurgavit, eisque mores christiána pietate dignos restituit.

R. Dilexisti justitiam.

Lectio vj.

NIHIL tamen æque in illa mirabile fuit, ac flagrantissima chãritas erga próximos, præsertim egénos, quorum numerosis grégibus non modo stipem áffatim suppeditare, verum étiam trecentis quotidie matrerna benignitate dapes præbere, flexis génibus in morem ancillæ ministrare, régiis manibus pedes ablúere, et pressis étiam ósculis úlcera fovere, solémne hábuit. His porro, aliisque piis sumptribus non régias tantum vestes, et pretiòsa monilia distráxit, sed ipsum non semel exháusit ærarium. Toleratis demum ad patiéntiæ miraculum acerbissimis doloribus, ánimam, semèstri còrporis ægrotatiõe purgá- tam, Auctóri suo, quarto

Idus Júnii, réddidit. Quo témporis moménto facies ejus, diutúrni morbi macie ac pallóre fœdãta, insólita quadam venustate reflóruit. Miris étiam post mortem prodigiis clara, et Cleméntis Décimi auctoritate in Scótiæ Patrónam accépta, ubique terrarum religiosissime còlitur.

R. Fallax grátia.

*In iij. Noct. Homilia in Evang., S*imile est regnum cœlòrum thesauro. cxxv.

Vesp. de seq., com. præc.

DIE XI. JUNII.

In Festo S. Barnabæ.

Apostoli.

Duplex majus.

Omnia de Comm. Apost. temp. Pasch. xxj. præter sequentia.

Oratio.

DEUS, qui nos beáti Bárnabæ Apóstoli tui méritis et intercessiõe lætíficas: concède propítius; ut, qui tua per eum beneficia pósci- mus, dono tuæ grátiae consequámur. Per Dóminum.

Et sit com. S. Margaritæ.

Ana. Manum suam. V. Dif- fusa. Oratio. Deus, qui. 550.

In primo Nocturno.

De Actibus Apostolòrum.

Lectio j. Cap. 13. f

CUM dimissa esset synagò- ga, secúti sunt multi Judæòrum, et coléntium adven- nàrum, Paulum et Bárnabam: qui loquéntes suadé-

bant eis ut permanerent in grátia Dei. Sequénti vero sábbato pene univérſa civitas convénit audire verbum Dei. Vidéntes autem turbas Judæi, repléti sunt zelo, et contradicébant his quæ a Paulo dicebantur, blasphemántes. Tunc constánter Paulus et Bárnabas dixerunt: Vobis oportébat primum loqui verbum Dei: sed quóniam repéllitis illud, et indignos vos judicátis æternæ vitæ, ecce convertimur ad Gentes. Sic enim præcepit nobis Dóminus: Pósui te in lucem Géntium, ut sis in salutem usque ad extrémum terræ.

R. Beátus vir, qui méruit Dóminum, allelúia. * In mandátis ejus cupit nimis, allelúia, allelúia, allelúia. *Ÿ.* Glória et divitiæ in domo ejus, et justitia ejus manet in sæculum sæculi. In.

Lectio ij.

AUDIENTES autem Gentes gavisæ sunt, et glorificábant verbum Dómini: et credidérunt quotquot erant præordináti ad vitam æternam. Disseminabátur autem verbum Dómini per univérſam regiónem. Judæi autem concitavérunt mulieres religiósas et honéstas, et primos civitátis, et excitavérunt persecutió nem in Paulum et Bárnabam: et ejecérunt eos de finibus suis. At illi, ex-

cúſso púlvere pedum in eos, venérunt Icónium. Discípuli quoque replebantur gáudio et Spíritu sancto.

R. Tristítia vestra, allelúia, * Convertétur in gáudium, allelúia, allelúia. *Ÿ.* Mundus autem gaudébit, vos vero contristabímmini, sed tristitia vestra. Convertétur.

Lectio iij. Cap. 14.

FACTUM est autem Icónii, ut simul introírent in synagógam Judæórum et loqueréntur, ita ut créderet Judæórum et Græcórum copiósa multitúdo. Qui vero increduli fuérunt Judæi, suscitavérunt, et ad iracúndiam concitavérunt ánimas Géntium advérsus fratres. Multo igitur témpore demoráti sunt, fiduciáliter ágéntes in Dómino, testimonium perhibénte verbo grátia suæ, dante signa et prodigia fieri per manus eórum.

R. Pretiós a in conspéctu Dómini, allelúia: * Mors Sanctórum ejus, allelúia. *Ÿ.* Custódit Dóminus ómnia ossa eórum, unum ex his non conterétur. Mors. Glória Patri. Mors.

In secundo Nocturno.

Lectio iv.

BARNABAS Levítes, Cyprius génere, qui et Joseph, cum Paulo Géntium Apóstolus ordinátus est ad prædicándum Jesu Christi Evangélium. Is agro véndito quem

habébat, redáctam ex eo pecúniám áttulit Apóstolis. Missus autem Antiochiam prædicatiónis causa, cum ibi multos ad Christi Dómini fidem convérsos esse comperisset, incredibiliter lætátus, eos hortabátur ut in Christi fide permanérent. Qua cohortatióné multum proficiébat, quod ab ómnibus vir bonus, et Spíritu sancto plenus habebátur.

R. Lux perpétua lucébit Sanctis tuis, Dómine, * Et ætérnitas téporum, allelúia, allelúia. **V.** Lætítia sempitérna erit super cápita eórum : gáudium et exultatiónem obtinébunt. Et.

Lectio v.

PROFECTUS inde Tarsum ut quæreret Paulum, cum eo Antiochiam venit. In ejus urbis Ecclésia annum comemoráti, christiánæ fidei et vitæ illis homínibus præcepta dedérunt : ubi étiam Jesu Christi cultóres primum Christiáni sunt appelláti. Discípuli autem Pauli et Bárnabæ suis facultátibus Christiános, qui in Judæa erant, sustentábant, eo mitténtes pecúniám per Paulum et Bárnabam. Qui perfúnti illo charitatís officio, adhibito Joánnē, cui cognómen erat Marcus, rediérunt Antiochiam.

R. Virtúte magna reddébant Apóstoli • Testimó-

nium resurrectiónis Jesu Christi Dómini nostri, allelúia, allelúia. **V.** Repléti quidem Spíritu sancto loquebántur cum fidúcia verbum Dei. Testimónium.

Lectio vj.

CUM autem Antiochiæ in Ecclésia cum céteris Prophétis et Doctóribus, Paulus et Bárnabas in jejúnio et oratiónē Dómino deservirent, dixit Spíritus sanctus : Segregáte mihi Saulum et Bárnabam in opus ad quod assúmpsi eos. Tunc jejunántes, et orántes, imponentésque eis manus, dimisérunt illos. Itaque Seleuciám venérunt, inde in Cyprum : ac multas prætèrea urbes regionésque, prædicántes Evangélium, summa cum audiéntium utilitatē, peragrárunt. Postrémo Bárnabas digréssus a Paulo, una cum Joánnē, qui cognominátus est Marcus, navigávit in Cyprum : ibique circiter séptimum Nerónis annum, tértio Idus Júnii, ad apostólici muneris laudem, martyrii corónam adjúnxit. Ejus corpus, Zenóne Imperatóre, repértum est in Insula Cypro ; ad cujus pectus erat Evangélium Matthæi, Bárnabæ manu conscriptum.

R. Isti sunt agni novélli, qui annuntiavérunt, allelúia ; modo venérunt ad

fontes, * Repléti sunt claritate, allelúia, allelúia. *Ÿ.* In conspéctu Agni amicti sunt stolis albis, et palmæ in mânibus eórum. Repléti. Glória Patri. Repléti.

In tertio Nocturno.

Lectio sancti Evangélii secundum Matthæum.

Lectio vij. Cap. 10. b

IN illo témpore : Dixit Jesus discipulis suis : Ecce ego mitto vos sicut oves in médio lupórum. Et reliqua.

Homilia sancti Joánnis

Chrysóstomi.

Hom. 34. in Matth. post init.

CUM Dóminus omnem solitudinem a discipulórum córdibus ejécerit, et ostensione signórum armáverit, atque ab ómnibus negótiis sæcularibus alienátos, et ab omni temporálium rerum cura liberátos, férreos quodámodo atque adamántinos fécerit, tum dénique eventúra illis advérse prædicít. Multa enim ex hac prædictióne futurárum rerum cómmoda consequébántur. Primum, ut ejus præsciéntiæ vim edicerent. Deínde, ut nemo suspicárétur, ex Magistri infirmitáte tam grávia mala descendere. Prætérea, ne qui ea passúri erant, súbito ac inopináto rerum événtu perturbanérunt. Dénique, ne cum ista sub ipsum passiónis suæ tempus audírent, nímium commoveréntur.

R. Ego sum vitis vera, et vos pálmities : * Qui manet in me, et ego in eo, hic fert fructum multum, allelúia, allelúia. *Ÿ.* Sicut diléxit me Pater, et ego diléxi vos. Qui.

Lectio viij.

JAM vero, ut intélligant novum hoc esse belli genus, et insólitum præliándi morem, cum illos nudos mitteret, una indútos túnica, sine calceis, absque virga, et absque zona et pera, et ab excipiéntibus ali jubéret : non fecit hic dicéendi finem, sed inexplicábilem virtutem suam próferens. Etiam sic eúntes, inquit, mansuetudinem tamen óvium osténdite, quamvis ad lupos itúri, nec simpliciter ad lupos, sed étiam in médio lupórum : (neque vero óvium tantum mansuetudinem habére jubet, sed étiam colúmbæ simplicitátem) sic enim virtutem meam máxime osténdam, cum ab óvibus lupi superabúntur : et quamvis illæ sint in médio lupórum et innúmeris mór-sibus laceréntur, non modo non consúptæ fúerint, verum étiam illos in sui náturam transmútáverint.

R. Cándidi facti sunt Nazaræi ejus, allelúia : splendórem Deo dedérunt, allelúia. * Et sicut lac coaguláti sunt, allelúia, allelúia. *Ÿ.* Cándidióres nive, niti-

dióres lacte, rubicundióres ébore antiquo, sapphiro pulchrióres. Et. Glória Patri. Et.

Lectio ix.

MAJUS certe atque admirabilius est, mentem adversariórum commutáre, et ánimum in diversum transférre, quam illos occidere : præsertim cum duódecim tantum essent, et lupis plenus esset orbis univérsum. Erubescámus igitur, qui longe diversa faciéntes, tamquam lupi in adversários rúimus. Nam quámduu oves fuérimus, vincimus : étiam si mille circúmsent lupi, superámus, et victóres sumus : quod si lupi fuérimus, vincimur. Tunc enim a nobis pastóris auxiliu recédit, qui non lupos, sed oves pascit.

Deum laudámus. 17.

In ij. Vesperis fit com. SS. Basilidis, Cyrini et Sociorum, Martyrum.

DIE XII. JUNII.

SS. Basilidis, Cyrini, Naboris, et Nazarii, Mart.

In Vesperis, Ana. Lux perpétua lucébit Sanctis tuis, Dómine, et ætéritas téporum, allel. *Sancti et justi, in Dómino gaudéte, alleluia, V. Vos elégit Deus, in hæreditátem sibi alleluia.*

Oratio.

SANCTORUM Mátyrum tuórum Basilidis, Cyrini,

Náboris, atque Nazárii, quæsumus, Dómine, natalítia nobis votíva respléndéant : et quod illis cónsulit excelléntia sempitérna, frúctibus nostræ devotiónis accréscat. Per Dóminum.

Lectio ix.

BASILIDES, Cyrínus, Nabor, et Nazárius, Rómáni milites, nóbiles genere et virtúte illústres, christiána religióne suscepta, cum Christum Dei Filium, Diocletiáno Imperatóre, prædicárent, ab Aurélio præfécto Urbis comprehénsi, et ut diis sacra fácerent admoníti, ejus jussa contemnéntes, missi sunt in cárcerem. Quibus orántibus, cum súbito claríssima lux obórta ómnium óculis, qui ibídem essent, cárcerem colustráset : illo cœlésti splendóre commótus Marcellus, custodiæ præpósitus, multique álíi, Christo Dómino credidérunt. Verum póstea e cárcere emissi, ab Imperatóre Maximiáno, cum ejus étiam negligéto império, unum Christum Deum et Dóminum in ore haberent, scorpíonibus cruciáti íterum conjiciúntur in vinctula : unde séptimo die edúcti, et ante pedes Imperatóris constitúti, perstitérunt in irrisione inánium deórum ; Jesum Christum Deum constantíssime confi-

téntes. Quámobrem damnáti, secúri feriúntur. Quorum córpora feris objécta, nec ab illis taeta, a Christiánis honorífice sepúlta sunt.

Te Deum laudámus. 47.

In Laudibus. Añā. Filiæ Jerúsalem, venite et vidéte Mártyres cum coronis, quibus coronávit eos Dóminus in die solemnitátis, et lætitiæ, allelúia, allelúia. V. Pretiósā in conspéctu Dómini, allelúia. R. Mors Sanctórum ejus, allelúia.

DIE XV. JUNII.

SS. Viti, Modesti, atque Crescentiæ, Mart.

Añā. Lux perpétua lucébit Sanctis tuis, Dómine, et ætérnitas témporum, allelúia.

V. Sancti et justi, in Dómino gaudéte, allelúia. R. Vos elégit Deus in hæreditátem sibi, allelúia.

Oratio.

DA Ecclésiæ tuæ, quæsumus Dómine, sanctis Martyribus tuis Vito, Modesto, atque Crescentia intercedéntibus, supérbe non sápere, sed tibi plácita humilitáte proficere : ut prava despiciens, quæcúmque re-cta sunt, libera exérceat charitáte. Per Dóminum.

In Laudibus. Añā. Filiæ Jerúsalem. V. Pretiósā, ut supra.

DIE XVIII. JUNII.

SS. Marci et Marcelliani.

Martyrum.

Añā. Lux perpétua. V. Sancti, ut supra.

Oratio.

PRÆSTA, quæsumus omnipotens Deus : ut, qui sanctórum Mártyrum tuórum Marci, et Marcelliáni natalitia cólimus, a cunctis malis imminéntibus, eórum intercessiónibus liberémur. Per Dóminum.

In Laudibus. Añā. Filiæ Jerúsalem. V. Pretiósā, ut supra.

DIE XIX. JUNII.

SS. Gervasii et Protasii.

Martyrum.

Añā. Lux perpétua. V. Sancti et justi, ut supra.

Oratio.

DEUS, qui nos ánnua sanctórum Mártyrum tuórum Gervásii et Protásii solemnitáte lætificas : concede propítius ; ut quorum gaudémus méritis, accendámur extrémis. Per Dóminum.

In Laudibus. Añā. Filiæ Jerúsalem, V. Pretiósā, ut supra.

COMMUNE

SANCTORUM.

¶ Cum de Vigil. Apost. temp. Quadrag. non fiat Offic. sed commem. in Missa tantum) sicut etiam nec temp. Paschali, ideo Lect. de Hom. dictæ Vigilæ hic non ponuntur, quia temporibus prædictis numquam legendæ sunt.

COMMUNE

APOSTOLORUM ET EVANG.

extra temp. Pasch.

Ad Vesp., Añā. Hoc est præceptum, cum reliq. de Laud. Ps. Dixit Dóminus, cum reliq. de Dñica. 130. et loco ult., Ps. Laudáte Dóminum, omnes gentes. 134.

Capitulum. Ephes. 2. d

FRATRES, Jam non estis hóspites, et ádvenæ: sed estis cives sanctórum, et doméstici Dei: superædificáti super fundaméntum Apostolórum et Prophetárum, ipso summo angulári lápide Christo Jesu. **R.** Deo grátias.

Hymnus.

EXULTET orbis gáudiis:
Cœlum resúltet láudibus:
Apostolórum glóriam
Tellus et astra cóncinunt.
Vos sæculórum Júdices,
Et vera mundi lúmina,

VERNA.

Votis precámur córdium,
Audíte voces súpplicum.
Qui templa cœli cláuditis,
Serásque verbo sólvitis,
Nos a reátu nóxios
Solvi jubéte, quæsumus.
Præcépta quorum prótinus
Languor salúsque séntiunt,
Sanáte mentes lánguidas;
Augéte nos virtútibus.
Ut, cum redibit Arbiter
In fine Christus sæculi,
Nos sempitérni gáudii
Concédat esse cómpotes.
Patri, simúlque Fílio,
Tibique, sancte Spiritus,
Sicut fuit, sit júgiter
Sæclum per omne glória. Am.
V. In omnem terram exívit
sonus eórum. **R.** Et in fines
orbis terræ verba eórum.

Ad Magnificat, Añā.

Tradent enim vos in conciliis, et in synagógis suis flagellábunt vos, et ante reges et præsides ducémini propter me, in testimónium illis, et géntibus.

Oratio propria.

Ad Matutinum. Invitat.
Regem Apostolórum Dóminum,* Veníte, adorémus.
Ps. Veníte, exultémus. 2.

Hymnus.

ETERNA Christi múnera
Apostolorum glóriam
Palmas et hymnos débítos
Lætis canámus méntibus.

Ecclésiárum Príncipes,
Belli triumpháles Duces,
Cœléstis aulæ milites,
Et vera mundi lúmina.

Fevóta Sanctórum Fides,
Invícta Spes credéntium,
Perfécta Christi Cháritas
Mundi tyránnum cónterit.

In his Patérna glória,
In his triúmphant Filius,
In his volúntas Spíritus,
Cœlum replétur gáudio.

Patri, simulque Filio,
Tibique, sancte Spíritus,
Sicut fuit, sit júgiter
Sæclum per omne glória.

Amen.

In primo Nocturno.

Añs. In omnem terram * ex-
ivit sonus eórum, et in fines
orbis terræ verba eórum.

Psalmus 48.

COELI enárrant glóriam
Dei, * et ópera mánuum
ejus annúntiat firmamén-
tum.

Dies diéi erúctat verbum,
* et nox nocti índicat scién-
tiam.

Non sunt loquélæ, neque
sermónes, * quorum non
audiántur voces eórum.

In omnem terram exívit so-
nus eórum: * et in fines
orbis terræ verba eórum.

In sole pósuit tabernácu-
lum suum: * et ipse tam-

quam sponsus procédens de
thálamo suo:

Exultávit ut gigas ad cur-
réndam viam, * a summo
cœlo egréssio ejus:

Et occúrsus ejus usque ad
summum ejus: * nec est qui
se abscondat a calóre ejus.

Lex Dómini immaculáta,
convértens ánimas: * te-
stimónium Dómini fidéle,
sapiéntiam præstans pár-
vulis.

Iustítiæ Dómini rectæ, læ-
tificántes corda: * præcé-
ptum Dómini lúcidum, illú-
minans óculos.

Imor Dómini sanctus, pér-
manens in sæculum sæcu-
li: * júdicia Dómini vera,
justificáta in semetipsa.

Desiderabilia super aurum
et lápidem pretiósum mul-
tum: * et dulcióra super
mel et favum.

Et enim servus tuus custódit
ea, * in custodiéndis illis
retribútio multa.

Delicta quis intélligit? ab
occúltis meis munda me: *
et ab aliénis parce servo tuo.

Si mei non fúerint domi-
náti, tunc immaculátus ero:
* et emundábor a delicto
máximo.

Et erunt ut compláceant
elóquia oris mei: * et me-
ditátio cordis mei in con-
spéctu tuo semper.

Dómine, adjútor meus, * et
redémptor meus.

Añs. In omnem terram ex-

ivit sonus eorum, et in fines orbis terræ verba eorum.

Añā. Clamaverunt * justi, et Dóminus exaudivit eos.

Psalmus 33.

BENEDICAM Dóminum in omni tēpore : * semper laus ejus in ore meo.

In Dómino laudābitur ánima mea : * áudiant manuséti, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestrae non confundéntur.

Iste pauper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu tíméntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia tíméntibus eum.

Divites eguérunt et esuriérunt : * inquiréntes autem Dóminum non minuéntur omni bono.

Veníte, filii, audíte me : * tímórem Dómini docébo vos.

Quis est homo qui vult vitā : * diligit dies vidére bonos ?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquiré pacem, et perséquare eam.

Oculi Dómini super justos : * et aures ejus in preces eorū.

Vultus autem Dómini super faciéntes mala : * ut perdat de terra memóriam eorum.

Clamaverunt justi, et Dóminus exaudivit eos : * et ex ómnibus tribulatióibus eorum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eorum : * unum ex his non conterétur.

Mors peccatórum péssima : * et qui odérunt justum, delinquent.

Rédimet Dóminus ánimas servórum suórum : * et non delinquent omnes, qui sperant in eo.

Añā. Clamaverunt justi, et Dóminus exaudivit eos.

Añā. Constitues eos príncipes * super omnem terram : mémores erunt nóminis tui, Dómine.

Psalmus 44.

FRUCTAVIT cor meum verbum bonum : * dico ego ópera mea Regi.

Lingua mea calamus scribæ, * velociter scribentis.

Speciosus forma præ filiis hominum, diffusa est gratia in labiis tuis : * propterea benedixit te Deus in æternū.

Accingere gladio tuo super femur tuum, * potentissime.

Spécie tua et pulchritudine tua * intende, prospere procéde, et regna.

Propter veritatem, et mansuetudinem, et iustitiam : * et deducet te mirabiliter dextera tua.

Sagittæ tuæ acutæ, * populi sub te cadent : * in corda inimicorum regis.

Sedes tua, Deus, in sæculum sæculi : * virga directionis virga regni tui.

Dilexisti iustitiam, et odisti iniquitatem : * propterea unxit te Deus, Deus tuus, oleo lætitiæ præ consortibus tuis.

Myrrha, et gutta, et casia a vestimentis tuis, a domibus eburneis : * ex quibus delectaverunt te filiae regum in honore tuo.

Astitit regina a dextris tuis in vestitu deaurato : * circumdata varietate.

Audi, filia, et vide, et inclina aurem tuam : * et obliviscere populum tuum, et domum patris tui.

Et concupiscet Rex decorem tuum : * quoniam ipse est Dominus Deus tuus, et adorabunt eum.

Et filiae Tyri in munéribus * vultum tuum deprecabuntur : omnes divites plebis.

Omnis glória ejus filiae Regis ab intus, * in fimbriis aureis circumamicta varietatibus.

Adducéntur Regi virgines post eam : * proximæ ejus afferéntur tibi.

Afferéntur in lætitia et exultatione : * adducéntur in templum Regis.

Pro patribus tuis nati sunt tibi filii : * constitues eos principes super omnem terram.

Mémores erunt nominis tui : * in omni generatione et generationem.

Propterea populi confitebuntur tibi in æternum : * et in sæculum sæculi.

Ana. Constitues eos principes super omnem terram : mémores erunt nominis tui, Domine. **V.** In omnem terram exivit sonus eorum. **R.** Et in fines orbis terræ verba eorum. **Pater noster.**

Absolutio. Exaudi, Domine. **V.** Jube, domne. **Bened.** Benedictione perpétua.

Lectiones de Scriptura positæ in Communi Sanctorum, leguntur quando annotantur in Proprio Sanctorum per annum, et quando contingit fieri Officium de aliquo Sancto illis diebus, in quibus in Officio Feriæ non ponuntur Lectiones de Scriptura.

sed tantum de Homilia, et quando aliquod Festum solemniter celebratur in propria Ecclesia.

De Epistola prima beati Pauli Apostoli ad Corinthios.

Lectio j. Cap. 4.

Sic nos existimet homo ut ministros Christi, et dispensatores mysteriorum Dei. Hic jam quaeritur inter dispensatores, ut fidelis quis inveniatur. Mihi autem pro minimo est ut a vobis iudicer, aut ab humano die: sed neque meipsum iudico. Nihil enim mihi conscius sum: sed non in hoc justificatus sum: qui autem iudicat me, Dominus est. Itaque nolite ante tempus iudicare, quoadusque veniat Dominus: qui et illuminabit abscondita tenebrarum, et manifestabit consilia cordium; et tunc laus erit unicuique a Deo.

ij. Ecce ego mitto vos sicut oves in medio luporum, dicit Dominus: * Estote ergo prudentes sicut serpentes, et simplices sicut columbae. **ij.** Dum lucem habetis, credite in lucem, ut filii lucis sitis. Estote. **Bened.** Unigenitus Dei Filius.

Lectio ij.

Haec autem, fratres, transfiguravi in me et Apollo, propter vos: ut in vobis discatis, ne supra quam scriptum est, unus adver-

sus alterum infletur pro alio. Quis enim te discernit? Quid autem habes; quod non accepisti? Si autem accepisti, quid gloriaris quasi non acceperis? Jam saturati estis; jam divites facti estis: sine nobis regnatis: et utinam regnetis; ut et nos vobiscum regnemus. Puto enim quod Deus nos Apostolos novissimos ostendit, tamquam morti destinatos: quia spectaculum facti sumus mundo, et Angelis, et hominibus.

ij. Tollite jugum meum super vos, dicit Dominus, et discite a me, quia mitis sum, et humilis corde: * Jugum enim meum suave est, et onus meum leve. **ij.** Et inveniatis requiem animabus vestris. Jugum. **Ben.** Spiritus sancti gratia.

Lectio iij.

Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam et esurimus, et sitimus, et nudi sumus, et colaphis caedimur, et instabiles sumus, et laboramus operantes manibus nostris: maledicimur, et benedicimus, persecutionem patimur, et sustinemus: blasphemamur, et obsecramus: tamquam purgamenta huius mundi facti sumus,

ómnium peripséma usque adhuc. Non ut confundam vos, hæc scribo; sed ut filios meos charíssimos móneo. Nam si decem millia pædagogórum habeátis in Christo, sed non multos patres. Nam in Christo Jesu per Evangélium ego vos genui.

ñ. Dum stetéritis ante reges et præsides, nolite cogitare quómodo, aut quid loquámini: * Dábitur enim vobis in illa hora, quid loquámini. **ñ.** Non enim vos estis qui loquámini: sed Spiritus Patris vestri, qui lóquitur in vobis. Dábitur.

Glória Patri. Dábitur.

In secundo Nocturno.

Añã. Príncipes * populórum congregáti sunt cum Deo Abraham.

Psalmus 46.

OMNES gentes pláudite má nibus: * jubiláte Deo in voce exultatiónis.

Quóniam Dóminus excélsus, terríbilis: * Rex magnus super omnem terram.

Subjécit pópulos nobis: * et Gentes sub pédibus nostris.

Elégit nobis hereditátem suam, * spéciem Jacob, quam diléxit.

Ascéndit Deus in júbilo: * et Dóminus in voce tubæ.

Psállite Deo nostro, psállite: * psállite Regi nostro, psállite.

Quóniam Rex omnis terræ Deus: * psállite sapiénter.

Regnabit Deus super Gentes: * Deus sedet super sedem sanctam suam.

Príncipes populórum congregáti sunt cum Deo Abraham: * quóniam dii fortes terræ, veheménter eleváti sunt.

Añã. Príncipes populórum congregáti sunt cum Deo Abraham.

Añã. Dedísti * hereditátem timéntibus nomen tuum, Dómine.

Psalmus 60.

EXAUDI, Deus, deprecatió nem meam: * inténde oratióni meæ.

A finibus terræ ad te clamávi: * dum anxiarétur cor meum, in petra exaltásti me.

Deduxísti me, quia factus es spes mea: * turris fortitudinis a fácie inimíci.

Inhabitábo in tabernáculo tuo in sæcula: * prótegar in velaménto alárum tuárum.

Quóniam tu, Deus meus, exaudísti oratió nem meam: * dedísti hereditátem timéntibus nomen tuum.

Dies super dies regis adjícies: * annos ejus usque in diem generatiónis et generatiónis.

Pérmanet in ætérnum in conspéctu Dei: * misericórdiam et veritátem ejus quis requíret?

Sic psalmum dicam nómini tuo in sæculum sæcu-

li : * ut reddam vota mea de die in diem.

Añs. Dedisti hereditatem timéntibus nomen tuum, Dómine.

Añs. Annuntiavérunt * ópera Dei, et facta ejus intellexérunt.

Psalmus 63.

EXAUDI, Deus, oratióem meam cum déprecor : * a timóre inimici éripe ánimam meam.

Protexisti me a convéntu inalignántium : * a multitudine operántium iniquitatem.

Quia exacuérunt sicut gládium linguas suas : * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitates : * defecerunt scrutantes scrutiny.

Accedet homo ad cor altum : * et exaltábitur Deus.

Sagittæ parvulórum factæ sunt plagæ eórum : * et infirmatæ sunt contra eos linguæ eórum.

Conturbáti sunt omnes qui vidébant eos : * et tímuit omnis homo.

Añs. annuntiavérunt ópera

Dei : * et facta ejus intellexérunt.

Añs. lætábitur justus in Dómino, et sperábit in eo, * et laudabúntur omnes recti corde.

Añs. Annuntiavérunt ópera Dei, et facta ejus intellexérunt.

ŷ. Constitues eos príncipes super omnem terram.

R. Mémoires erunt nóminis tui, Dómine. **Pater noster.**

Absolutio. Ipsíus píetas. **ŷ.** Jube, domne. **Bened.** Deus Pater omnípotens.

Sermo S. Gregórii Papæ.

Lectio iv.

Hom. 30. in Ev. post med.

SCRIPtum est : Spíritus Dómini ornávit cœlos. Ornamenta enim cœlórú sunt virtutes prædicántium. Quæ videlicet ornamenta Paulus enúmerat, dicens : Alii datur per Spíritum sermo sapiéntiæ, álii sermo sciéntiæ secúndum eúmdem Spíritum, álii fides in eódem Spíritu, álii grátia sanitátum in uno Spíritu, álii operatio virtútum, álii prophetia, álii discretio spírituum, álii génera linguárum, álii interpretatio sermónum. Hæc autem ómnia operátur unus atque idem Spíritus, dívidens singulis prout vult.

R. Vidi conjúctos viros habéntes spléndidas vestes, et Angelus Dómini locútus

est ad me, dicens : * Isti sunt viri sancti facti amici Dei. **V.** Vidi Angelum Dei fortem, volantem per medium cælum, voce magna clamantem, et dicentem. Isti. **Bened.** Christus perpetuæ.

Lectio v.

QUOT ergo sunt bona prædicantium, tot sunt ornamenta cælorum. Hinc rursus scriptum est : Verbo Domini cæli firmati sunt. Verbum enim Domini Filius est Patris. Sed eisdem cælos, videlicet sanctos Apostolos, ut tota simul sancta Trinitas ostendatur operata, repente de sancti Spiritus divinitate adiungitur : Et spiritu oris ejus omnis virtus eorum. Cælorum ergo virtus de Spiritu sumpta est : quia mundi hujus potestatibus contraire non præsumerent, nisi eos sancti Spiritus fortitudo solidasset. Quales namque doctores sanctæ Ecclesiæ ante adventum hujus Spiritus fuerint, scimus : et post adventum illius ejus fortitudinis facti sint, conspiciamus.

R. Beati estis cum maledixerint vobis homines, et persecuti vos fuerint, et dixerint omne malum adversum vos, mentientes, propter me :

* Gaudete et exultate, quoniam merces vestra copiosa est in cælis. **V.** Cum vos ode-

rint homines, et cum separaverint vos, et exprobraverint, et ejecerint nomen vestrum tamquam malum propter Filium hominis. Gaudete. **Bened.** Ignem sui amoris.

Lectio vj.

CERTE iste ipse pastor Ecclesiæ, ad cujus sacratissimum corpus sedemus, quantæ debilitatis, quantæque formidinis ante adventum Spiritus fuerit, ancilla ostiaria requisita dicat. Una enim mulieris voce percussus, dum mori timuit, vitam negavit. Et pensandum, quia eum comprehensum Petrus negavit in terra, quem suspensum latro confessus est in cruce. Sed vir iste tantæ formidinis, qualis post adventum Spiritus existat, audiâmus. Fit conventus magistratus atque seniorum, cæsis denuntiatur Apostolis, ne in nomine Jesu loqui debeant : Petrus magna auctoritate respondet : Obedire oportet Deo magis quam hominibus.

R. Isti sunt triumphatores, et amici Dei, qui contemnentes jussa principum, meruerunt præmia æterna :

* Modo coronantur, et accipiunt palmam. **V.** Isti sunt qui venerunt ex magna tribulatione, et laverunt stolas suas in sanguine Agni. Modo. **Gloria Patri. Modo.**

In tertio Nocturno.

Añā. Exaltabũntur * cõrnuā
justi, alleluia.

Psalmus 74.

CONFITEBIMUR tibi, Deus, *
confitẽbimur, et invocã-
bimus nomen tuum.

Narrãbimus mirabilia tua :
* cum accẽpero tempus,
ego justitias judicãbo.

Liquefacta est terra, et
omnes qui hãbitant in ea :
* ego confirmãvi columnas
ejus.

Dixi iniquis : Nolite inĩ-
que agere : * et delinquẽ-
tibus: Nolite exaltãre cornu.

Nolite extõllere in altum
cornu vestrum : * nolite
loqui advẽrsus Deum ini-
quitãtem.

Quia neque ab Oriẽte,
neque ab Occidẽte, neque
a desẽrtis mõntibus : *
quõniam Deus judex est.

**Hunc humiliat, et hunc exãl-
tat :** * quia calix in manu Dõ-
mini vini meri plenus misto.

Et inclinãvit ex hoc in
hoc : verũtamen fãx ejus
non est exinanita : * bibent
omnes peccãtores terrãe.

**Ego autem annuntiãbo in sæ-
culum :** * cantãbo Deo Jacob.

**Et õmnia cõrnuā pecca-
tõrum confringam :** * et
exaltabũntur cõrnuā justī.

Añā. Exaltabũntur cõrnuā
justi, alleluia.

Añā. Lux orta est justo, *
alleluia : rectis corde læti-
tia, alleluia.

Psalmus 96.

DOMINUS regnãvit, exũltet
terra : * lætẽntur insu-
lã multãe.

**Nubes, et caligo in circũi-
tu ejus :** * justitia, et judi-
cium corrẽctio sedis ejus.

Ignis ante ipsum præcẽdet,
* et inflammãbit in circũitu
inimicos ejus.

Illuxerunt fũlgura ejus orbi
terrãe : * vidit, et commõta
est terra.

Montes sicut cera fluxerunt
a fãcie Dõmini : * a fãcie
Dõmini omnis terra.

**Annuntiãverunt cõeli justī-
tiam ejus :** * et vidẽrunt
omnes põpuli glõriã ejus.

Confundãntur omnes qui
adõrant sculptilia : * et qui
gloriãntur in simulãcris
suis.

Adorãte eum, omnes Angeli
ejus : * audivit, et lætãta
est Sion.

Et exultãverunt filiãe Judãe,
* propter judicia tua, Dñe.

**Quõniam tu Dõminus altĩs-
simus super omnem terram :**
* nimis exaltãtus es super
omnes deos.

Qui diligitis Dõminum,
odite malum : * custõdit
Dõminus ãnimas sanctõrum
suõrum, de manu peccãtoris
liberãbit eos.

**Lux orta est justo, * et re-
ctis corde lætitia.**

Lætãmini justī in Dõmino :
* et confitẽmini memõriã
sanctificatiõnis ejus.

Añā. Lux orta est justo ,
allelúia : rectis corde lætí-
tia, allelúia.

Añā. Custodiébant * testi-
mónia ejus , et præcépta
ejus, allelúia.

Psalmus 98.

DOMINUS regnávít , : ira-
scántur pópuli : * qui
sedet super Chérubim , mo-
veátur terra.

Dóminus in Sion magnus :
* et excélsus super omnes
pópulos.

Confiteántur nómini tuo ma-
gno : quóniam terribile et
sanctum est : * et honor
regis judícium diligit.

Tu parásti directiões : *
judícium et justítiam in Ja-
cob tu fecísti.

Exaltáte Dóminum Deum
nostrum , et adoráte sca-
béllum pedum ejus : * quón-
iam sanctum est.

Moyses et Aaron in sacer-
dótibus ejus : * et Sámuel
inter eos , qui invocant no-
men ejus.

Invocábant Dóminum , et
ipse exaudiébat eos : * in
columna nubis loquebátur
ad eos.

Custodiébant testimónia e-
jus , * et præcéptum quod
dedit illis.

Dómine Deus noster , tu
exaudiébas eos : * Deus tu
propítius fuísti eis , et ulcí-
scens in omnes adinventiões
eórum.

Exaltáte Dóminum Deum no-

strum , et adoráte in monte
sancto ejus : * quóniam san-
ctus Dóminus Deus noster.

Añā. Custodiébant testimó-
nia ejus , et præcépta ejus ,
allelúia. **ŷ.** Nimis honoráti
sunt amici tui , Deus. **ŷ.**
Nimis confortátus est prin-
cipátus eórum. **Pater no-**
ster. **Absolutio.** A víncu-
lis. **ŷ.** Jube, domne. **Bened.**
Evangélica lécio.

Iécio sancti Evangélíi
secúndum Matthæum.

Lectio vij. Cap. 19. d

In illo témpore : Dixit Pe-
trus ad Jesum : Ecce nos
reliquimus ómnia , et se-
cúti sumus te : quid ergo
erit nobis ? Et réliqua.

Homílla S. Hierónymi
Presbyteri.

Lib. 3. in Matth. cap. 19.

GRANDIS fidúcia ! Petrus
piscátor erat , dives non
fúerat , cibos manu et arte
quærébat ; et tamen lóqui-
tur confidénter : Reliqui-
mus ómnia. Et quia non
súfficit tantum relínquere ,
jungit quod perféctum est :
Et secúti sumus te. Fécí-
mus quod jussísti : quid
ígitur nobis dabis præmii ?
Jesus autem dixit illis :
Amen dico vobis , quod vos
qui secúti estis me , in re-
generatióne , cum séderit
Fílius hóminis in sedé ma-
jestátis suæ , sedébitis et
vos super sedes duódecim ,
judicántes duódecim tribus

Israel. Non dixit, Qui reliquistis ómnia: hoc enim et Crates fecit philosophus: et multi álii divítias contempsérunt: sed, Qui secúti estis me: quod próprie Apostolorum est atque credéntium.

R. Isti sunt qui vivéntes in carne, plantavérunt Ecclesiam ságuine suo: * Cállicem Dómini bibérunt, et amici Dei facti sunt. **V.** In omnem terram exívit sonus eórum, et in fines orbis terræ verba eórum. Cállicem. **Bened.** Cujus, **vel** Quorum festum cólimus.

Lectio viij.

IN regeneratione, cum séderit Filius hóminis in sede majestátis suæ (quando et mórtui de corruptióne resúrgent incorrupti) sedébitis et vos in sóliis judicántium, condemnántes duódecim tribus Israel: quia vobis credéntibus, illi credere noluérunt. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accipiet, et vitam ætérnam possidébit. Locus iste cum illa senténtia cóngruit, in qua Salvátor lóquitur: Non veni pacem mittere, sed gládium. Veni enim separáre hóminem a patre suo, et matrem

a filia, et nurum a socru: et inimíci hóminis doméstici ejus. Qui ergo propter fidem Christi, et prædicationem Evangélii, omnes afféctus contémpserint, atque divítias et sæculi voluptates: isti céntuplum recipient, et vitam ætérnam possidébunt.

R. Isti sunt viri sancti, quos elégit Dóminus in charitáte non ficta, et dedit illis glóriam sempitérnam: * Quorum doctrina fulget Ecclésia, ut sole luna. **V.** Sancti per fidem vicérunt regna: operáti sunt justitiam. Quorum. **Glória Patri.** Quorum. **Bened.** Ad societátem.

Lectio ix.

EX occasióne hujus senténtiæ quidam introducunt mille annos post resurrectionem, dicéntes, tunc nobis céntuplum ómnium rerum, quas dimísimus, et vitam ætérnam esse reddéndam: non intelligéntes, quod, si in céteris digna sit repromissio, in uxóribus appáreat turpítudo: ut qui unam pro Dómino dimiserit, centum recípiat in futúro. Sensus ergo iste est: Qui carnália pro Salvátore dimiserit, spirituália recípiet: quæ comparatióne et mérito sui ita erunt, quasi si parvo número centenárius número comparétur.

Deinde dicitur Hymnus.

Te Deum laudamus. 17.

AD LAUDES,

et per Horas, Añæ.

1. Hoc est præceptum meum,
* ut diligatis invicem, sic-
ut diléxi vos. **Ps. Dóminus**
regnávit, **cum reliquis.** 18.

2. Majórem charitatem *
nemo habet; ut ánimam
suam ponat quis pro amicis
suis.

3. Vos amici mei estis, *
si feceritis quæ præcipio
vobis, dicit Dóminus.

4. Beáti pacífici, * beáti
mundo corde: quóniam ipsi
Deum vidébunt.

5. In patiéntia vestra *
possidébitis ánimas vestras.

Capitulum. Ephes. 2. d

FRATRES, Jam non estis
hóspites, et ádvenæ:
sed estis civēs sanctórum,
et doméstici Dei, * superæ-
dificáti super fundaméntum
Apostolórum, et Prophetá-
rum, ipso summo angulári
lápide Christo Jesu. **R. Deo**
grátias.

Hymnus.

EXULTET orbis gáudiis:
Cælum resúltet láudi-
bus:

Apostolórum glóriam
Tellus et astra cóncinunt.

Vos sæculórum Júdices,
Et vera mundi lúmina,
Votis precámur córdium,
Audite voces supplicum.

Qui templa cœli cláuditis,
Serásque verbo sólvitis,

Nos a reátu nóxios
Solvi jubéte, quæsumus.

Præcepta quorum prótinus
Languor salúsque séntiunt,
Sanáte mentes lánguidas;
Augéte nos virtútibus.

Ut, cum redibit Arbiter
In fine Christus sæculi,
Nos sempitérni gáudii
Concédat esse cómpotes.

Patri, simulque Filio,
Tibique, sancte Spíritus,
Sicut fuit, sit júgiter
Sæclum per omne glória.

Amen.

V. Annuntiavérunt ópera
Dei. **R. Et facta** ejus intel-
lexérunt.

Ad Benedictus. Añæ.

Vos qui reliquistis * ómnia,
et secúti estis me, céntu-
plum accipiétis, et vitam
aetérnam possidébitis.

Ad Tertiam. Añæ.

Majórem charitatem.

Capit. Fratres, Jam non
estis, **ut supra.**

R. br. In omnem terram *
Exívit sonus eórum. In
omnem. **V.** Et in fines orbis
terræ verba eórum. Exívit.
Glória Patri. In. **V.** Constí-
tues eos príncipes super
omnem terram. **R.** Mémo-
res erunt nóminis tui, Dó-
mine.

Ad Sextam. Añæ.

Vos amici mei estis.

Capitulum. Act. 5. b

PER manus autem Apo-
stolorum fiébant signa,
et prodigia multa in plebe.

R. br. Constitues eos principes * Super omnem terram. Constitues. **V.** Memores erunt nominis tui, Domine. Super. **Gloria Patri.** Constitues. **V.** Nimis honorati sunt amici tui, Deus. **R.** Nimis confortatus est principatus eorum.

Ad Nonam. Ana.

In patientia vestra.

Capitulum. Act. 5. g

IBANT Apostoli gaudentes a conspectu concilii, quoniam digni habitus sunt pro nomine Jesu contumeliam pati.

R. br. Nimis honorati sunt * Amici tui, Deus. Nimis. **V.** Nimis confortatus est principatus eorum. Amici. **Gloria Patri.** Nimis. **V.** Annuntiaverunt opera Dei. **R.** Et facta ejus intellexerunt.

In secundis Vesperis.

Aña. Juravit Dominus, * et non poenitebit eum : Tu es sacerdos in ætérnum

Psalmus 109.

DIXIT Dominus Domino meo : * Sede a dextris meis :

Donec ponam inimicos tuos, * scabellum pedum tuorum. Virgam virtutis tuæ emittet Dominus ex Sion : * dominare in medio inimicorum tuorum.

Iecum principium in die virtutis tuæ in splendoribus Sanctorum : * ex útero ante luciferum genui te.

Juravit Dominus, et non poenitebit eum : * Tu es sacerdos in ætérnum secundum ordinem Melchisedech. Dominus a dextris tuis, * confrégit in die iræ suæ reges.

Judicabit in nationibus, implebit ruinas : * conquassabit capita in terra multorum.

De torrente in via bibet : * propterea exaltabit caput.

Aña. Juravit Dominus, et non poenitebit eum : Tu es sacerdos in ætérnum.

Aña. Collocet eum * Dominus cum principibus populi sui.

Psalmus 112.

LAUDATE pueri Dominum : * laudate nomen Domini.

Sit nomen Domini benedictum, * ex hoc nunc, et usque in sæculum.

A solis ortu usque ad occasum, * laudabile nomen Domini.

Excelsus super omnes gentes Dominus, * et super coelos gloria ejus.

Quis sicut Dominus Deus noster, qui in altis habitat, * et humilia respicit in cælo et in terra?

Suscitans a terra inopem, * et de stercore erigens pauperem :

Et collocet eum cum principibus, * cum principibus populi sui

Qui habitare facit sterilem in domo, * matrem filiorum lætāntem.

Añā. Collocet eum Dominus cum principibus populi sui.

Añā. Dirupisti, Domine, vincula mea : * tibi sacrificabo hostiam laudis.

Psalmus 115.

CREDIDI propter quod locutus sum : * ego autem humiliatus sum nimis.

Ego dixi in excessu meo : * Omnis homo mendax.

Quid retribuam Domino, * pro omnibus, quæ retribuit mihi?

Calicem salutaris accipiam : * et nomen Domini invocabo.

Vota mea Domino reddam coram omni populo ejus : * pretiosa in conspectu Domini mors sanctorum ejus.

O Domine, quia ego servus tuus : * ego servus tuus, et filius ancillæ tuæ.

Dirupisti vincula mea : * tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus : * in atriis domus Dñi, in medio tui Jerúsalem.

Añā. Dirupisti, Domine, vincula mea : tibi sacrificabo hostiam laudis.

Añā. Eúntes ibant et flebant, * mitténtes sémina sua.

Psalmus 125.

IN converténdo Dominus captivitatem Sion : * facti sumus sicut consolati.

Tunc replétum est gaudio os nostrum : * et lingua nostra exultatione.

Tunc dicent inter gentes : * Magnificavit Dominus facere cum eis.

Magnificavit Dominus facere nobiscum : * facti sumus lætantes.

Convérte, Domine, captivitatem nostram, * sicut torrens in Austro.

Qui sémant in lacrymis, * in exultatione metent.

Eúntes ibant et flebant, * mitténtes sémina sua.

Veniéntes autem vénient cum exultatione, * portantes manipulos suos.

Añā. Eúntes ibant et flebant, mitténtes sémina sua.

Añā. Confortatus est * principatus eorum, et honorati sunt amici tui, Deus.

Psalmus 138.

DOMINE, probasti me, et cognovisti me : * tu cognovisti sessionem meam, et resurrectionem meam.

Intellexisti cogitationes meas de longe : * sémitam meam, et funiculum meum investigasti.

Et omnes vias meas prævidisti : * quia non est sermo in lingua mea.

Ecce Domine, tu cognovisti omnia, novissima et antiqua : * tu formasti me, et posuisti super me manum tuam.

Mirabilis facta est sciéntia

tua ex me : * confortata est, et non pótero ad eam.

Quo ibo a spíritu tuo ? * et quo a fácie tua fúgiam ?

Si ascéndero in coelum, tu illic es : * si descéndero in inférnum, ades.

Si sumpsero pennas meas dilúculo, * et habitávero in extrémis maris :

Et enim illuc manus tua dedúcet me : * et tenébit me dextera tua.

Et dixi : Fórsitan ténebræ conculcábunt me : * et nox illuminátio mea in deliciis meis.

Quia ténebræ non obscurabúntur a te, et nox sicut dies illuminábitur : * sicut ténebræ ejus, ita et lumen ejus.

Quia tu possedisti renes meos : * suscepisti me de útero matris meæ.

Confitébor tibi quia terribíliter magnificátus es : * mirabilia ópera tua, et ánima mea cognóscit nimis.

Non est occultátum os meum a te, quod fecisti in occulto : * et substántia mea in inferioribus terræ.

Imperféctum meum vidé-runt óculi tui, et in libro tuo omnes scribéntur : * dies formabúntur, et nemo in eis.

Mihi autem nimis honorificáti sunt amici tui, Deus : * nimis confortátus est principátus eórum.

Dinumerábo eos, et super arénam multiplicabúntur : * exurréxi, et adhuc sum tecum.

Si occíderis Deus peccatóres : * viri sánguinem declináte a me :

Quia dícitis in cogitatióne : * Accipient in vanitáte civitates tuas.

Nonne qui odérunt te, Dómine, óderam : * et super inimícos tuos tabescébam ?

Perfécito ódio óderam illos : * et inimíci facti sunt mihi.

Proba me, Deus, et scito cor meum : * intérroga me, et cognósce sémitas meas.

Et vide, si via iniquitátis in me est : * et deduc me in via æténa.

Añs. Confortátus est principátus eórum, et honoráti sunt amici tui, Deus.

Capitulum. *Ephes. 2. d*

FRATRES, Jam non estis hóspites, et ádvenæ : sed estis cives sanctórum, et doméstici Dei : superædificáti super fundaméntum Apostolórum, et Prophetárum, ipso summo angulári lápide Christo Jesu.

Hymn. *E*xúltet orbis. xij. **V.** Annuntiavérunt ópera Dei. **R.** Et facta ejus intellexérunt.

Ad Magnificat, Añs.

Estóte fortes in bello, * et pugnáte cum antiquo serpente : et accipiétis regnum ætérnum, allelúia.

2. ALIÆ LECTIONES

PRO APOSTOLIS.

In secundo Nocturno.

De Expositione S. Augustini
Episcopi super Psalmum
octogésimum sextum.

Lectio iv. Ante med.

FUNDAMENTA ejus in mōn-
tibus s̄anctis : diligit Dō-
minus portas Sion. Quare
sunt fundamēta Apóstoli,
et Prophētæ? Quia eōrum
auctōritas portat infirmitā-
tem nostram. Quare sunt
portæ? Quia per ipsos in-
trāmus ad regnum Dei.
Prædicant enim nobis : et
cum per ipsos intrāmus, per
Christum intrāmus. Ipse est
enim jānuā. Et cum dicū-
tur duódecim portæ Jerúsa-
lem, et una porta Christus,
et duódecim portæ Christus,
quia in duódecim portis
Christus : et ideo duodenā-
rius nūmerus Apostolōrum.
Sacramētum magnum hu-
jus duodenārii significatio
est nūmeri. Sedébitis, in-
quit, super duódecim se-
des, judicātes duódecim
tribus Israel.

R. Vidi conjūctos. vij.*Lectio v.*

SI duódecim sellæ ibi sunt,
non est ubi sédeat ter-
tiusdécimus Paulus Apóstolus,
et non erit quómodo
júdicet : et ipse se judica-
tūrum dixit, non hómīnes
tantum, sed et Angelos.
Quos Angelos, nisi apóstā-

tas ángeľos? Nescitis, in-
quit, quia Angelos judicā-
bimus? Respondéret ergo
turba : Quid te jactas ju-
dicatūrum? Ubi sedébis?
Duódecim sedes dixit Dó-
minus duódecim Apóstolos :
unus cécidit Judas, in ló-
cum ipsius sanctus Mathias
ordinátus est : implétus est
duodenārius nūmerus sé-
dium. Primo locum inveni
ubi sédeas, et sic te mināre
judicatūrum. Duódecim ergo
sedes quid sibi velint, vi-
deāmus. Sacramētum est
cujúsdam universitátis, quia
per totum orbem terrārum
futúra erat Ecclésia : unde
vocátur hoc ædificium ad
Christi compāgem.

R. Beāti estis. vij.*Lectio vj.*

ET ideo quia úndique ve-
nítur ad judicāndum,
duódecim sedes sunt : sicut
quia úndique intrátur in il-
lam civitātem, duódecim
portæ sunt. Non solum er-
go illi duódecim, et Após-
tolus Paulus, sed quotquot
judicatūri sunt, propter si-
gnificatióem universitátis
ad sedes duódecim pérti-
nent: quemádmōdū quotquot
intrábunt, ad duódecim por-
tas pértinent. Partes enim
mundiquātuor sunt, Oriens,
Occidens, Aquilo, et Merí-
dies. Istæ quātuor partes
assidue nominántur in Scri-
ptúris. Ab istis quātuor

ventis, sicut dicit Dóminus in Evangélio, a quátuor ventis se collectúrum electos suos : ab ómnibus ergo istis quátuor ventis vocátur Ecclesiá. Quómodo vocátur? Undique in Trinitáte vocátur. Non vocátur nisi per baptismum in nómine Patris, et Filii, et Spíritus sancti. Quátuor ergo ter ducta duódecim inveniúntur.

R. Isti sunt. viij.

In tertio Nocturno.

Lectio sancti Evangélii secúndum Matthæum.

Lectio vij. Cap. 19. d

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homília venerábilis Bedæ Presbyteri.

Hom. in natali S. Benedicti.

PERFECTUS ille est, qui ábiens vendit ómnia quæ habet, et dat paupéribus, ac véniens séquitur Christum : habébit enim thesáurum non deficientem in cœlis. Unde bene, interrogánte Petro, dixit talibus Jesus : Amen dico vobis, quod vos qui secúti estis me, in regeneratione, cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israel. In hac quippe vita pro ejus nómine laborántes, in ália præ-

mium speráre dócuit : id est, in regeneratione, cum videlicet in vitam immortálem fuérimus resurgéndo regeneráti, qui in vitam cadúcam mortáliter erámus géniti.

R. Isti sunt qui. xj.

Lectio viij.

ET justa prorsus retributio ut qui hic pro Christo humanæ glóriam celsitudinis neglexérunt, illic a Christo júdices glorificáti singuláriter cum eo assídeant, qui a sequéndis ejus vestigiis nulla ratióne póterant avélli. Nemo autem putet, duódecim tantum Apóstolos, quia pro Juda prævaricánte Mathías eléctus est, tunc esse judicatúros : sicut nec duódecim solæ sunt tribus Israel judicándæ : alióquin tribus Levi, quæ tertiadécima est, injudicáta recédet.

R. Isti sunt viri. xj.

Lectio ix.

ECCE Paulus, qui tertiusdecimus est Apóstolus, judicánde sorte privábitur, cum ipse dicat : Nescitis quóniam ángelos judicábimus, quanto magis sæculária? Sciéndum namque est, omnes, qui ad extrémum Apostolorum sua reliquérunt ómnia, et secúti sunt Christum, júdices cum eo ventúros, sicut étiam omne mortálum genus esse judicándum. Quia enim duodenário sæpe número solet in Scriptúris univérsitas

designári, per duódecim sedes Apostolorum ómnium numerositas iudicántium: et per duódecim tribus Israel univérsitas eórum, qui iudicándi sunt, osténditur.

Te Deum laudamus. 17.

PRO EVANGELISTIS

LECTIONES.

In primo Nocturno.

Incipit liber Ezechiélis
Prophétæ.

Lectio j. Cap. 1.

ET factum est in trigésimo anno, in quarto, in quinta mensis, cum essem in médio captivórum juxta flúvium Chobar, apérti sunt cœli, et vidi visiones Dei. In quinta mensis: ipse est annus quintus transmigratiónis regis Jóachin, factum est verbum Dómini ad Ezechiélem filium Buzi sacerdotem in terra Chaldæórum, secus flumen Chobar: et facta est super eum ibi manus Dómini. Et vidi, et ecce ventus túrbini veniébat ab Aquilóne, et nubes magna, et ignis invólvens, et splendor in circúitu ejus: et de médio ejus quasi spécies electri, id est, de médio ignis.

Ecce ego mitto. v.

Lectio ij.

ET in médio ejus similitúdo quatuor animálium: et hic aspéctus eórum, similitúdo hóminis in eis. Quatuor fácies uni, et quatuor pennæ uni. Pedes eó-

rum pedes recti, et planta pedis eórum quasi planta pedis vituli, et scintillæ quasi aspéctus æris candéntis. Et manus hóminis sub pennis eórum in quatuor pártibus: et fácies, et pennas per quatuor partes habébant, junctæque erant pennæ eórum altérius ad álterum. Non revertébantur cum incéderent: sed unumquódque ante fáciem suam gradiebátur.

ñ. Tóllite jugum. v.

Lectio iij.

SIMILITUDO autem vultus eórum: fácies hóminis et fácies leónis a dextris ipsórum quatuor: fácies autem bovis a sinístris ipsórum quatuor, et fácies áquilæ désuper ipsórum quatuor. Fácies eórum, et pennæ eórum exténtæ désuper: duæ pennæ singulórum jungebántur, et duæ tegébant cörpera eórum: et unumquódque eórum coram fácie sua ambulábat: ubi erat impetus spíritus, illuc gradiebántur, nec revertébantur cum ambulárent.

ñ. Dum steteritis. vj.

In secundo Nocturno.

De Expositione S. Gregórii
Papæ super Ezechiélem
Prophétam.

Lectio iv. Hom. 3. lib. 1.

SANCTA quatuor animália quæ prophetiæ spíritu futura prævidéntur, subtili narratióne describúntur:

eum dicitur : Quattuor fácies uni, et quattuor pennæ uni. Quid per fáciem, nisi notitia : et quid per pennas, nisi volátus exprimitur ? Per fáciē quippe unusquisque cognóscitur : per pennas vero in altum ávium córpora sublevántur. Fácies itaque ad fidem pértinet, penna ad contemplatióem. Per fidem namque ab omnipoténti Deo cognóscimur ; sicut ipse de suis óvibus dicit : Ego sum pastor bonus, et cognóscovo meas, et cognóscunt me meæ. Qui rursus ait : Ego scio quos elégerim. Per contemplatióem vero, qua super nosmetipsos tollimur, quasi in áera levámur.

R. Vidi conjúctos. vij.

Lectio v.

QUATUOR ergo fácies uni sunt : quia si requíras quid Matthæus de incarnatione Dómini séntiat : hoc nimirum sentit, quod Marcus, Lucas, et Joánnes. Si quæras quid Joánnes séntiat ; hoc procul dúbio, quod Lucas, Marcus, et Matthæus. Si quæras quid Marcus ; hoc quod Matthæus, Joánnes, et Lucas. Si quæras quid Lucas ; hoc quod Joánnes, Matthæus, et Marcus sentit. Quattuor ergo fácies uni sunt : quia notitia fidei, qua cognoscúntur a Deo, ipsa est in uno, quæ est simul in quattuor. Quid-

quid enim in uno invéneris, hoc in ómnibus simul quattuor cognóscēs.

R. Beáti estis. viij.

Lectio vj.

ET quattuor pennæ uni : quia Dei omnipoténtis Filium Dóminum nostrum Jesum Christum simul omnes concórditer prædicant ; et ad divinitatem ejus mentis óculos levántes, penna contemplatióis volant Evangelistarum ergo fácies ad humanitatem Dómini pértinet, penna ad divinitatem : quia in eum, quem corpóreum aspiciunt, quasi fácies inténdunt : sed dum hunc esse incircumscriptum atque incorpóreum ex divinitate annúntiant, per contemplatióis pennam quasi in áera levántur. Quia itaque una est fides incarnationis ejus in ómnibus, et par contemplatio divinitatis ejus in singulis, recte nunc dicitur : Quattuor fácies uni, et quattuor pennæ uni.

R. Isti sunt. viij.

In tertio Nocturno.

Léctio sancti Evangélii secundum Lucam.

Lectio vij. Cap. 10.

IN illo témpore : Designávit Dóminus et álios septuaginta duos : et misit illos binos ante fáciem suam, in omnem civitatem, et locum, quo erat ipse venturus. Et reliqua.

Homilia S. Gregórii Papæ.

Homilia 17. in Evang.

DOMINUS et Salvátor noster, fratres charíssimi, aliquándo nos sermónibus, aliquándo vero opéribus admonet. Ipsa étenim facta ejus, præcépta sunt: quia dum áliquid tácitus facit, quid ágere debeámus innotéscit. Ecce enim binos in prædicatióem discipulos mittit: quia duo sunt præcépta charitátis, Dei videlicet amor, et próximi: et minus, quam inter duos, cháritas habéri non potest. Nemo enim próprie ad semetípsum habére charitátem dicitur: sed diléctio in álterum tendit, ut cháritas esse possit.

¶ Isti sunt qui vivéntes in carne, plantavérunt Ecclésiám ságuine suo: * Cálicem Dómini bibérunt, et amici Dei facti sunt. **¶** In omnem terram exívit sonus eórum, et in fines orbis terræ verba eórum. Cálicem.

Lectio viij.

ECCE enim binos ad prædicándum discipulos Dóminus mittit: quátenus hoc nobis tácitus innuat, quia qui charitátem erga álterum non habet, prædicatiónis officium suscipere nullátenus debet. Bene autem dicitur, quia misit eos ante faciém suam in omnem civi-

tátem et locum, quo erat ipse ventúrus. Prædicátóres enim suos Dóminus séquitur: quia prædicatió prævenit, et tunc ad mentis nostræ habitáculum Dóminus venit, quando verba exhortatiónis præcúrrunt: atque per hoc véritas in mente suscipitur.

¶ Isti sunt viri sancti, quos elégit Dóminus in charitáte non ficta: et dedit illis glóriam sempitérnam: * Quorum doctrína fulget Ecclésia, ut sole luna. **¶** Sancti per fidem vicérunt regna, operáti sunt justitiam. Quorum. **Glória Patri. Quorum.**

Lectio ix.

HINC namque eisdem prædicatóribus Isaías dicit: Paráte viam Dómini, rectas facite sémitas Dei nostri. Hinc filius Psalmísta ait: Iter facite ei, qui ascéndit super occásum. Super occásum namque Dóminus ascéndit: quia unde in passióne occúbuit, inde majórem suam glóriam resurgéndo manifestávit. Super occásum videlicet ascéndit: quia mortem, quam pértulit, resurgéndo calcávit. Ei ergo, qui ascéndit super occásum, iter facimus, cum nos ejus glóriam vestris méntibus prædicámus, ut eas et ipse post véniens, per amóris sui præsentiam illústret.

Te Deum laudámus. 17.

COMMUNE

APOSTOLORUM ET EVANG.

tempore Paschali.

Ad Vesperas, Añā. Sancti tui, cum reliq. de Laud. Ps. Dixit Dóminus, cum reliq. de Dñica. 130. et loco ult., Ps. Laudáte Dóminum, omnes gentes. 134.

Capitulum. Sap. 5.

STABUNT justī in magna constantia, advērsus eos qui se angustiaverunt, et qui abstulerunt labores eorum.

Hymnus.

TRISTES erant Apóstoli De Christi acerbó funere, Quem morte crudelissima Servi necarant impij.

Sermóne verax Angelus Mulieribus prædixerat :

Mox ore Christus gáudium Gregi feret fidélium.

Ad anxios Apóstolos Currunt statim dum nuntiæ,

Illæ micantis óbvia Christi tenent vestigia.

Galilææ ad alta montium Se cónferunt Apóstoli, Jesúque, voti cónpotes, Almo beántur lumine.

Ut sis perénne méntibus Paschále, Jesu, gáudium, A morte dira criminum Vitæ renátos libera.

Deo Patri sit glória, Et Filio, qui a mórtuis Surréxit, ac Paráclito, In sempitérna sæcula. Amen.

Sic terminantur Hymni

ejusdem metri usque ad Ascensionem exclusive.

† Ab Ascensione autem usque ad Pent. loco supradicti Versus dicatur seq.

Jesu, tibi sit glória, Qui victor in cœlum redis, Cum Patre, et almo Spíritu, In sempitérna sæcula. Amen. V. Sancti et justī, in Dómino gaudéte, allelúia. R. Vos elégit Deus in hæreditatem sibi, allelúia.

Ad Magnificat, Añā.

Lux perpétua * lucébit Sanctis tuis, Dómine, et æternitas téporum, allelúia.

Oratio propria.

Ad Matutinum, Invitat.

Regem Apostolorum Dóminum, * Veníte adorémus, allelúia. Ps. Veníte. 2.

Hymn. Tristes erant, sup.

In primo Nocturno.

Añā. Stabunt justī * in magna constantia, advērsus eos qui se angustiaverunt, allel.

Psalmi. Cœli enarrant. Benedicam Dñum. Eructávit, ut supra in Comm. Apost. ij.

V. Sancti et justī, in Dómino gaudéte, allelúia. R. Vos elégit Deus in hereditatem sibi, allelúia. Pater noster. Absolutio. Exáudi, Dómine. V. Jube, domne. Bened. Benedicçãoe perpétua.

Lectiones in quolibet Nocturno ut in Proprio annotatur.

R. j. Beátus vir, qui méfuit Dóminum, allelúia. *

In mandátis ejus eupit nimis, allelúia, allelúia, allelúia. *Ÿ.* Glória et divítia in domo ejus, et justitia ejus manet in sæculum sæculi. In. *Bened.* Unigénitus Dei Filius.

R. ij. Tristitia vestra, allel. * Convertétur in gáudium, allelúia, allelúia. *Ÿ.* Mundus autem gaudébit; vos vero contristabimini, sed tristitia vestra. Convertétur. *Bened.* Spiritus sancti grátia.

R. iij. Pretiósá in conspéctu Dómini, allelúia. * Mors Sanctórum ejus, allelúia. *Ÿ.* Custódit Dóminus ómnia ossa eórum, unum ex his non conterétur. Mors. Glória Patri. Mors.

In secundo Nocturno.

Aña. Ecce quómodo computáti sunt * inter filios Dei, et inter Sanctos sors illórum est, allelúia. *Psalmi.* Omnes gentes. *Exáudi,* Deus, deprecationem. *Exáudi,* Deus, orationem, *ut supra.* vj.

Ÿ. Lux perpétua lucébit Sanctis tuis, Dómine, allelúia. *R.* Et ætérnitas témporum, allelúia. *P*ater noster. *Abolutio.* Ipsiús pietas. *Ÿ.* Jube, domne. *Bened.* Deus Pater omnipotens.

R. iv. Lux perpétua lucébit Sanctis tuis, Dómine, * Et ætérnitas témporum, allelúia, allelúia. *Ÿ.* Lætítia sempitérna erit super cápita eórum: gáudium et exulta-

tionem obtinébunt. Et. *Bened.* Christus perpétuæ.

R. v. Virtúte magna redébant Apóstoli * Testimónium resurrectionis Jesu Christi Dómini nostri, allelúia, allelúia. *Ÿ.* Repléti quidem Spíritu sancto loquebántur cum fidúcia verbum Dei. Testimónium. *Bened.* Ignem sui amóris.

R. vj. Isti sunt agni novélli, qui annuntiavérunt, allelúia: modo venérunt ad fontes: * Repléti sunt claritáte, allelúia, allelúia. *Ÿ.* In conspéctu Agni amícti sunt stolis albis, et palmæ in máni-bus eórum. Repléti. Glória Patri. Repléti.

In tertio Nocturno.

Aña. Lux perpétua * lucébit Sanctis tuis, Dómine, et ætérnitas témporum, allel. *Psalmi.* Confitébitur. *D*óminus regnávít, exúltet. *D*óminus regnávít, irascántur. ix. *Ÿ.* Lætítia sempitérna super cápita eórum, allelúia. *R.* Gáudium et exultationem obtinébunt, allelúia. *P*ater noster. *Absolut.* A vínculis peccatórum. *Ÿ.* Jube, domne. *Bened.* Evangélica lécitio.

R. vij. Ego sum vitis vera, et vos pálmities: * Qui manet in me, et ego in eo, hic fert fructum multum, allelúia, allelúia. *Ÿ.* Sicut diléxit me Pater, et ego diléxi vos. Qui. *Bened.* Cujus, vel Quorum festum cólimus.

R. viij. Cándidi facti sunt
Nazaræi ejus, allelúia :
splendórem Deo dedérunt,
allelúia : * Et sicut lac coagu-
lāti sunt, allelúia, allelúia.

V. Cándidióres nive, niti-
dióres lacte, rub icundióres
ébore antiquo, sapphiro
pulchrióres. Et. **G**lória Patri.
Et. **Bened.** Ad societátem.

AD LAUDES,

et per **Horac.** **Añæ.**

1. Sancti tui, * Dómine,
florébunt sicut lilium, alle-
lúia, et sicut odor bálsami
erunt ante te, allelúia. **Ps.**
Dóminus regnávít, *cum*
reliq. de Psalt. 18.

2. In cœléstibus regnis *
sanctórum habitatio est,
allelúia : et in ætérnum ré-
quies eórum, allelúia.

3. In velaménto * clamá-
bant Sancti tui, Dómine,
allelúia, allelúia, allelúia.

4. Spíritus et ánimæ *
justórum, hymnum dicite
Deo nostro, allelúia, allelúia.

5. Fulgébunt justí * sicut
sol in conspéctu Dei, allel.

Capitulum. **Sap.** 5.

STABUNT justí in magna
constántia, advérsus eos
qui se angustiavérunt, et qui
abstulérunt labóres eórum.

Hymnus.

PASCHALE mundo gáudium
Sol nūtiat formósior,
Cum luce fulgéntem nova
Jesum vident Apóstoli
In carne Christi vúlnera
Micare tamquam sídera

Mirántur, et quidquid vi-
dent

Testes fidéles prædicant.

Rex Chríste clementíssime,

Tu corda nostra pòsside;

Ut lingua grates débitas

Tuo repéndat nómini.

Ut sis perénne méntibus

Paschále, Jesu, gáudium,

A morte dira criminum

Vitæ renátos libera.

Deo Patri sit glória,

Et Filio, qui a mórtuis

Surréxit, ac Paráclito,

In sempitérna sæcula. **Am.**

V. Pretiósá in conspéctu

Dómini, allelúia. **R.** Mors

Sanctórum ejus, allelúia.

Ad Benedicms. **Añæ.**

Filiæ Jerúsalem, * veníte et

vidéte Mártyres cum corón-

nis, quibus coronávit eos

Dóminus in die solemnitétis

et lætitiæ, allelúia, allelúia.

Ad Tertiam. **Añæ.**

In cœléstibus regnis.

Capit. **S**tabunt, *supra.*

R. **br.** Sancti et justí in

Dómino gaudéte. * Allelúia,

allelúia. Sancti. **V.** Vos elé-

git Deus in hereditátem si-

bi. Allelúia, allelúia. **G**lória

Patri. Sancti. **V.** Lux perpé-

tua lucébit Sanctis tuis, Dó-

mine, allelúia. **R.** Et ætér-

nitas témporum, allelúia.

Ad Sextam. **Añæ.**

In velaménto.

Capitulum. **Sap.** 5.

ECCE quómodo computáti

sunt inter filios Dei : et in-

ter sanctos sors illórum est.

Ŕ. br. Lux perpétua lucébit
Sanctis tuis, Dómine. * Alle-
lúia, allelúia. Lux. **Ÿ.** Et
æternitas téporum. Alle-
lúia, allelúia. **Glória Patri.**
Lux. **Ÿ.** Lætítia sempitérna
super cápita eórum, allelúia.
Ŕ. Gáudium et exultatió-
nem obtinébunt, allelúia.

Ad Nonam, Aña.

Fulgébunt iusti.

Capitulum. Rom. 8. e

SCIMUS quóniam diligénti-
bus Deum ómnia coope-
rántur in bonum, iis, qui
secúndum propósitum vocáti
sunt sancti.

Ŕ. br. Lætítia sempitérna
super cápita eórum. * Alle-
lúia, allelúia. Lætítia. **Ÿ.**
Gáudium et exultatióem
obtinébunt. Allelúia, alle-
lúia. **Glória Patri.** Lætítia.
Ÿ. Pretiósá in conspéctu
Dómini, allelúia. **Ŕ.** Mors
Sanctorum ejus, allelúia.

Ad Vesperas, Aña. Sancti
tui, **ut supra, cum reliq. de**
Laud. Psalmi. Dixit Dómi-
nus: **Laudáte, púeri.** **C**redidi.
In converténdo. Dómine, pro-
básti, **ut supra.** xiiij.

Capitulum. Stabunt iusti.

Hymn. Tristes erant. xxj.

Ÿ. Pretiósá in conspéctu
Dómini, allelúia. **Ŕ.** Mors
Sanctorum ejus, allelúia.

Ad Magnificat, Ana.

Sancti et iusti, * in Dómino
gaudéte, allelúia; vos elé-
git Deus in hereditátem
sibi, allelúia.

COMMUNE

UNIUS MARTYRIS.

extra tempus Paschale.

Ad Vesperas, Aña. Qui
me conféssus, **cum reliquis**
de Laudibus. Ps. Dixit Dó-
minus, cum reliq. de Dñica.
130. **et loco ultimi, Ps. Lau-**
dáte Dóminum, omnes gen-
tes. 134.

Capitulum. Jac. 1. b

BEATUS vir, qui suffert ten-
tatióem: quóniam cum
probátus fúerit, accípiet
corónam vitæ quam repro-
mísit Deus diligéntibus se.

Hymnus.

DEUS, tuórum militum
Sors, et coróna, præmium,
Laudes canéntes Mártyris
Absólve nexu criminis.

Nic nempe mundi gáudia,
Et blanda fraudum pábula
Imbúta felle députans,
Pervénit ad cœlestia.

Poenas cucúrrit fórtiter,
Et sústulit viriliter,
Fundénsque pro te sângui-
nem,

ÆtéRNA dona pössidet.

Ob hoc precátu súpplici
Te póscimus, piíssime:
In hoc triúmpho Mártyris
Dimítte noxam sérvulis.

Laus, et perénis glória
Patri sit, atque Filio,
Sancto simul Paráclito,
In sempitérna sæcula. Am.

Ÿ. Glória et honóre coro-
násti eum, Dómine. **Ŕ.** Et
constituísti eum super ópe-
ra mánuum tuárum.

Ad Magnificat, Añã.

Iste Sanctus * pro lege Dei sui certavit usque ad mortem, et a verbis impiorum non tímuit : fundatus enim erat supra firmam petram.

Pro Martyre et Pont.

Oratio.

INFIRMITATEM nostram respice, omnipotens Deus : et quia pondus propriæ actionis gravat, beáti *N.* Mátyris tui atque Pontíficis, intercèssio gloriósa nos prótegat. Per Dóminum.

Alia Oratio.

DEUS, qui nos beáti *N.* Mátyris tui atque Pontíficis, ánnua solemnitáte lætíficas: concéde propítius; ut, ejus natalítia cólimus, de ejúsdem étiam protectióne gaudeámus. Per Dóminum.

Pro Martyre tantum.

Oratio.

PRÆSTA, quæsumus omnipotens Deus : ut, qui beáti *N.* Mátyris tui natalítia cólimus; intercessióne ejus in tui nóminis amóre roborémur. Per Dñum.

Alia Oratio.

PRÆSTA, quæsumus omnipotens Deus : ut intercedente beáto *N.* Mátyre tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Ad Matutinum. Invitat.

Regem Mátyrum Dóminum

* Veníte, adorémus. *Ps.* Veníte, exultémus. 2.

Hymm. Deus, tuórum. xxiv.

In primo Nocturno.

Añã. In lege Dómini * fuit volúntas ejus die ac nocte.

Psalmus 1.

BEATUS vir, qui non ábiit in consílio impiorum, et in via peccatórum non stetit, * et in cáthedra pestiléntiæ non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non defluet : * et ómnia quæcúmque faciet, prosperabúntur.

Non sic impii, non sic : * sed tamquam pulvis, quem prójicit ventus a fácie terræ. Ideo non resúrgent impii in judicio : * neque peccátóres in concílio justórum.

Quóniam novit Dóminus viam justórum : * et iter impiórum peribit.

Añã. In lege Dómini fuit volúntas ejus die ac nocte.

Añã. Prædicans * præceptum Dómini, constitútus est in monte sancto ejus.

Psalmus 2.

QUARE fremuérunt gentes : * et pópuli meditáti sunt inánia?

Astitérunt reges terræ, et

principes convenérunt in unum : * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cœlis, irridébit eos : * et Dóminus subsannábit eos.

Tunc loquétur ad eos in ira sua : * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi Gentes hereditátem tuam, * et possessioném tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudímini qui judicátis terram.

Servite Dómino in timóre : * et exultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Añā. Prædicans præcéptum Dómini, constitútus est in monte sancto ejus.

Añā. Voce mea * ad Dómi-

num clamávi : et exaudivit me de monte sancto suo.

Psalmus 3.

DOMINE, quid multiplicati sunt qui tribulant me ? * multi insúrgunt advérsus me.

Multi dicunt animæ meæ : * Non est salus ipsi in Deo ejus.

Tu autem, Dómine, susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exurréxi, quia Dóminus suscepit me.

Non timébo millia pópuli circumdántis me : * exúrge, Dómine, salvum me fac, Deus meus.

Quóniam tu percussísti omnes adversántes mihi sine causa : * dentes peccatórum contrivísti.

Dómini est salus : * et super pópulum tuum benedictio tua.

Añā. Voce mea ad Dóminum clamávi : et exaudivit me de monte sancto suo. V. Glória et honóre coronásti eum, Dómine. R. Et constituísti eum super ópera mánuum tuárum. Pater noster. Absolutio. E xáudi, Dómine. V. Jube, domne. Bened. Benedictióne perpétua.

Lectiones sequentes primi

Nocturni leguntur in Festo Mart. et Pont.

In Festo autem Mart. non Pontificis leguntur quæ inferius positæ sunt in Comuni plur. Mart. Ij.

De Actibus Apostolorum.

Lectio j. Cap. 20.

A Miléto Paulus mittens Ephesum, vocavit Majores natu Ecclesiæ. Qui cum venissent ad eum, et simul essent, dixit eis: Vos scitis? a prima die, qua ingressus sum in Asiam, qualiter vobiscum per omne tempus fuerim, serviens Domino cum omni humilitate, et lacrymis, et tentationibus, quæ mihi acciderunt ex insidiis Judæorum: quomodo nihil subtraxerim utilium, quo minus annuntiarem vobis, et docerem vos publice, et per domos, testificans Judæis atque Gentilibus in Deum poenitentiam, et fidem in Dominum nostrum Jesum Christum. Et nunc ecce alligatus ego spiritu, vado in Jerusalem; quæ in ea ventura sint mihi, ignorans: nisi quod Spiritus sanctus per omnes civitates mihi protestatur, dicens: Quoniam vincula, et tribulationes Jerosolymis me manent. Sed nihil horum vereor: nec facio animam meam pretiosiores quam me, dummodo consummem

cursum meum, et ministerium verbi, quod accepi a Domino Jesu, testificari Evangelium gratiæ Dei.

R. Iste Sanctus pro lege Dei sui certavit usque ad mortem, et a verbis impiorum non timuit: * Fundatus enim erat supra firmam petram. **V.** Iste est qui contempsit vitam mundi, et pervenit ad cœlestia regna. Fundatus. **Bened.** Unigenitus Dei Filius.

Lectio ij.

ET nunc ecce ego scio, quia amplius non videbitis faciem meam vos omnes, per quos transivi prædicans regnum Dei. Quapropter contestor vos hodierna die, quia mundus sum a sanguine omnium. Non enim subterfugi, quo minus annuntiarem omne consilium Dei vobis. Attendite vobis, et universo gregi, in quo vos Spiritus sanctus posuit episcopos, regere Ecclesiam Dei, quam acquisivit sanguine suo. Ego scio quoniam intrabunt post discessionem meam lupi rapaces in vos, non parcētes gregi. Et ex vobis ipsis exurgent viri loquētes perversa, ut abducant discipulos post se. Propter quod vigilate, memoria retinētes, quoniam per triennium nocte et die non cessavi, cum lacrymis

monens unumquemque vestrum.

R. Justus germinabit sicut lilium : * Et florebit in ætérnum ante Dóminum. **V.** Plantátus in domo Dómini , in átriis domus Dei nostri. Et. **Bened.** Spíritus sancti grátia.

Lectio iij.

ET nunc comméndo vos Deo , et verbo grátiae ipsíus , qui potens est ædificáre , et dare hereditátem in sanctificátis ómnibus. Argéntum et aurum , aut vestem nullíus concupívi , sicut ipsi scitis : quóniam ad ea , quæ mihi opus erant , et his , qui mecum sunt , ministravérunt manus istæ. Omnia osténdi vobis , quóniam sic laborántes , opórtet suscipere infirmos , ac meminisse verbi Dómini Jesu , quóniam ipse dixit : Beátius est magis dare , quam accipere. Et cum hæc dixisset , pósitis génibus suis ; orávit cum ómnibus illis. Magnus autem fletus factus est ómnium : et procumbéntes super collum Pauli , osculábantur eum , doléntes máxime in verbo , quod díxerat , quóniam ámplius faciém ejus non essent visúri. Et deducébant eum ad navem. **R.** Iste cognóvit justitiam , et vidit mirabília magna , et exorávit Altíssimum : * Et invéntus est in número

Sanctorum. **V.** Iste est qui contémpsit vitam mundi , et pervénit ad cœléstia regna. Et. Glória Patri. Et.

In secundo Nocturno.

Añs. Filii hóminum , * scitóte quia Dóminus sanctum suum mirificávit.

Psalmus 4.

CUM invocárem , exaudivit me Deus justitiæ meæ : * in tribulatióne dilatásti mihi.

Miserére mei , * et exáudi oratióem meam.

Filii hóminum úsquequo gravi corde ? * ut quid diligitis vanitátem , et quæritis mendácium ?

Et scitóte quóniam mirificávit Dóminus sanctum suum : * Dóminus exáudiet me , cum clamávero ad eum.

Trascimini , et nolite peccáre : * quæ dicitis in córdibus vestris , in cubilibus vestris compungimini.

Sacrificáte sacrificium justitiæ , et speráte in Dómino. * Multi dicunt : Quis osténdit nobis bona ?

Signátum est super nos lumen vultus tui , Dómine : * dedisti lætítiam in corde meo.

fructu fruménti , vini et ólei sui * multiplicáti sunt. In pace in idípsum * dormiam , et requiescam :

Quóniam tu ; Dómine , singulariter in spe * constituísti me.

Añs. Filii hóminum , sci-

tóte quia Dóminus sanctum suum mirificávit.

Añs. Scuto bonæ voluntátis * tuæ coronásti eum , Dñe.

Psalmus 8.

VERBA mea áuribus pèr-
cipe, Dómine, * intéllege
clamórem meum.

Inténde voci oratiónis meæ ,
* Rex meus et Deus meus.

Quóniam ad te orábo : *
Dómine, mane exáudies vo-
cem meam.

Mane astábo tibi et vidébo :
* quóniam non Deus volens
iniquitátem tu es.

Neque habitábit juxta te
malignus : * neque perma-
nébunt injústi ante óculos
tuos.

Odisti omnes, qui operán-
tur iniquitátem : * perdes
omnes, qui loquúntur men-
dácium.

Virum sánguinem et do-
lósum abominábitur Dómi-
nus : * ego autem in multi-
túdine misericórdiæ tuæ ,

Introibo in domum tuam :
* adorábo ad templum san-
ctum tuum in timóre tuo.

Dómine, deduc me in ju-
stitia tua : * propter inimi-
cos meos dirige in conspé-
ctu tuo viam meam.

Quóniam non est in ore
eórum véritas : * cor eórum
vanum est.

Sepúlchrum patens est gut-
tur eórum : linguis suis
dolose agébant , * júdica il-
los Deus.

Décidant a cogitatióibus
suis , secúndum multitudi-
nem impietátum eórum ex-
pélle eos , * quóniam irri-
tavérunt te , Dómine.

Et læténtur omnes, qui
sperant in te , * in ætérnum
exultábunt : et habitábis
in eis.

Et glóriabúntur in te om-
nes, qui diligunt nomen
tuum , * quóniam tu bene-
dices justo.

Dómine , ut scuto bonæ
voluntátis tuæ * coronásti
nos.

Añs. Scuto bonæ voluntátis
tuæ coronásti eum, Dómine.

Añs. In univérsta terra * gló-
ria et honóre coronásti eum.

Psalmus 8.

DOMINE Dóminus noster , *
quam admirábile est no-
men tuum in univérsta terra !

Quóniam eleváta est ma-
gnificéntia tua , * super cœ-
los.

Ex ore infántium, et lactén-
tium perfecísti laudem pro-
pter inimicos tuos , * ut dé-
struas inimicum et ultórem.

Quóniam vidébo cœlos tuos,
ópera digitórum tuórum :
* lunam et stellas , quæ tu
fundásti.

Quid est homo , quod me-
mor es ejus ? * aut filius
hóminis , quóniam visitas
eum ?

Minuísti eum paulo minus
ab Angelis , glória et honó-
re coronásti eum : * et con-

stituísti eum super ópera mánuum tuárum.

Omnia subjecísti sub pédibus ejus, * oves et boves univérsas : insuper et pécora campi.

Volucres cœli, et pisces maris, * qui perámbulant sémitas marís.

Dómine Dóminus noster, * quam admirábile est nomen tuum in univérsa terra !

Añs. In univérsa terra glória et honóre coronásti eum.

V. Posuísti, Dómine, super caput ejus. **R.** Coronam de lapide pretioso. **Pater noster.**

Absolutio. Ipsius pietas. **V.** Jube, domne. **Bened.** Deus Pater omnipotens.

Sermo sancti Augustini
Episcopi.

Lectio iv.

Serm. 44. de Sanctis.

TRIUMPHALIS beáti Mártýris **N.** dies hódie nobis anniversária celebritáte recúrrit : cujus glorificatióni sicut congáudet Ecclésia, sic ejus propónit sequénda vestigia. Si enim compátimur, et conglorificábimur. In cujus glorióso agóne duo nobis præcipue consideránda sunt : induráta videlicet tortóris sævitia, et Mártýris invicta patiéntia. Sævitia tortóris, ut eam detestémur : patiéntia Mártýris, ut eam imitémur. Audi Psalmístam advérsus malitiam increpánte : Noli æmulári

in malignántibus : quóniam tamquam fœnum velociter aréscent. Quod autem advérsus malignántes patiéntia exhibénda sit, audi Apóstolum suadéntem : Patiéntia vobis necessária est, ut reportétis promissiões.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. **V.** Descendítque cum illo in foveam : et in vinculis non dereliquit eum. Et.

Bened. Christus perpétuæ.

Lectio v.

CORONATA itaque est beáti Mártýris patiéntia, mancipáta est ætérnis cruciátibus tortóris incorrécta malitia. Hoc atténdens in agóne suo gloriósus Christi athléta, non exhórruit cárcerem. Ad imitationem capitis sui tolerávit probra, sustinuit irrisiones, flagélla non tímuit : et quot ante mortem pro Christo pértulit supplicia, tot ei de se obtulit sacrificia. Quod enim propinánte Apóstolo biberat, alteretinébat : Quia non sunt condígnæ passiões hujus témporis ad futúram glóriam, quæ revelábitur in nobis ; et quia : Momentáneum hoc et leve nostræ tribulationis, ætérnum glóriæ pondus operáture in cœlis. Hujus promissiões amóre a

terréniſ ſuſpénſus, et præguſtáta ſupérnæ ſuavitátis dulcédine ineffábiliter afféctus, dicébat cum Pſalmiſta: Quid mihi eſt in cœlo, et a te quid vólui ſuper terram? Dêfecit caro mea, et cor meum: Deus cordis mei, et pars mea Deus in ætérnum.

℞. Deſidérium ánimæ ejus tribuiſti ei, Dómine, * Et voluntáte labiórũ ejus non fraudáſti eum. ſ. Quóniam præveniſti eum in benedictiónibus dulcédinis: poſuiſti in cápite ejus corónam de lápide pretiôſo. Et. **Bened.** Ignem ſui amóris.

Lectio vj.

CONTEMPLABATUR enim quantum in ænigmate infirmitas humana óculum mentis in æternitate figere poſteſt, quanta ſint ſupérnæ civitátis gáudia: et ea enarráre non ſufficiens, admirádo clamábat: Quid mihi eſt in cœlo? Quasi diceret: Excédit vires meas, excédit facultátem eloquéntiæ meæ, tranſcéndit capacitátem intelligéntiæ meæ illud decus, illa glória, illa celſitúdo, qua nobis, a conturbatióne hóminum remótiſ, in abſcôndito faciêi ſuæ Jeſus Chriſtus Dóminus noster reformábit corpus humilitátis noſtræ, configurátum córpori claritátis ſuæ. Hujus perféctæ libertátis contemplatióne nullum

vitábat periculum, nullum horrébat ſupplicium: et ſi millies poſſet mori, non putábat ſe hanc digne poſſe áliqua ratióne promeréri.

℞. Stola jucunditátis induit eum Dóminus: * Et corónam pulchritúdinis pòſuit ſuper caput ejus. ſ. Cibávit illum Dóminus pane vitæ et intelléctus: et aqua ſapiéntiæ ſalutáris potávit illum. Et. Glória Patri. Et.

In tertio Nocturno.

Añſa. Juſtus Dóminus, * et juſtítiam diléxit: æquitátem vidit vultus ejus.

Psalmus 10.

IN Dómino confido; quómodo dicitis ánimæ meæ: * Tránsmigra in montem ſicut paſſer?

Quóniam ecce peccatóres intendérunt arcum, paravérunt ſagittas ſuas in pháretra, * ut ſagittent in obſcúro rectos corde.

Quóniam quæ perfecíſti, destruxérunt: * juſtus autem quid fecit?

Dóminus in templo ſancto ſuo, * Dóminus in cœlo ſedes ejus:

Oculi ejus in páuperem respiciunt: * pálpebræ ejus intérrugant filios hóminum.

Dóminus intérrugat juſtum et ímpium: * qui autem diligit iniquitátem, odit ánimam ſuam.

Pluet ſuper peccatóres láqueos: * ignis et ſulphur,

et spiritus procellarum pars
cálícis eórum.

Quóniam justus Dóminus,
et justítias diléxit : * æqui-
tátem vidit vultus ejus.

Añā. Justus Dóminus, et
justítiam diléxit: æquitátem
vidit vultus ejus.

Añā. Habitábit * in taber-
náculo tuo : requiescet in
monte sancto tuo.

Psalmus 14.

DOMINE, quis habitábit in
tabernáculo tuo : * aut
quis requiescet in monte
sancto tuo ?

Qui ingréditur sine mácu-
la, * et operátur justítiam :
Qui lóquitur veritátem in
corde suo, * qui non egit
dolum in lingua sua :

Nec fecit próximo suo ma-
lum, * et oppróbrium non
accépit advérsus próximos
suos.

Ad níhilum dedúctus est
in conspéctu ejus malignus:
* tímētes autem Dóminum
gloríficat :

Qui jurat próximo suo, et
non decipit, * qui pecú-
niam suam non dedit ad
usúram, et múnera super
innocéntem non accépit.

Qui facit hæc, * non mo-
vébitur in ætérnum.

Añā. Habitábit in taberná-
culo tuo : requiescet in
monte sancto tuo.

Añā. Posuísti, Dómine, *
super caput ejus corónam
de lápide pretióso.

Psalmus 20.

DOMINE, in virtúte tua læ-
tábitur rex : * et super
salutáre tuum exultábit ve-
heménter.

Desidérium cordis ejus tri-
buísti ei : * et voluntáte labi-
orum ejus non fraudásti eum.

Quóniam prævenísti eum
in benedictiónibus dulcedi-
nis : * posuísti in cápite ejus
corónam de lápide pre-
tioso.

Vitam pétiit a te : * et tri-
buísti ei longitúdinem dié-
rum in sæculum, et in sæ-
culum sæculi :

Magna est glória ejus in
salutári tuo : * glóriam et
magnum decórem impónes
super eum.

Quóniam dabis eum in
benedictiónem in sæculum
sæculi : * lætificábis eum in
gáudio cum vultu tuo.

Quóniam rex sperat in Dó-
mino : * et in misericórdia
Altíssimi non commovébitur.

Inveniátur manus tua óm-
nibus inimícis tuis : * dé-
xtera tua invéniat omnes,
qui te odérunt.

Pones eos ut clibanum
ignis in témpore vultus tui.
* Dóminus in ira sua con-
turbábit eos, et devorábit
eos ignis.

Fructum eórum de terra
perdes : * et semen eórum
a filiis hóminum.

Quóniam declinavérunt in
te mala : * cogitavérunt con-

silia, quæ non potuerunt stabilire.

Quoniam pones eos dorsum: * in reliquiis tuis præparabis vultum eorum.

Exaltare, Dómine, in virtute tua: * cantabimus et psallémus virtutes tuas.

Ana. Posuisti, Dómine, super caput ejus coronam de lapide pretioso. **Ÿ.** Magna est glória ejus in salutari tuo. **R.** Glóriam et magnum decorem impónes super eum. **Pater noster.** **Absol. A** vinculis. **V.** Jube, domne.

Bened. Evangélica lectio.

Lectio sancti Evangélii secundum Lucam.

Lectio vij. Cap. 14. f

In illo tempore: Dixit Jesus turbis: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia S. Gregórii Papæ.

Hom. 37. in Evangelia.

Si considerémus, fratres charíssimi, quæ et quanta sunt quæ nobis promittuntur in cœlis, viléscunt ánimo ómnia, quæ habéntur in terris. Terréna namque substantia supérnæ felicitati comparata, pondus est, non subsidium. Temporális vita æternæ vitæ comparata, mors est potius dicenda, quam vita. Ipse enim quo-

tidianus defectus corruptiōnis quid est aliud, quam quædam prolixitas mortis? Quæ autem lingua dicere, vel quis intelléctus capere sufficit, illa supérnæ civitatis quanta sint gaudia: Angelórum choris interésse, cum beatíssimis spirítibus glóriæ Conditóris assistere, præsentem Dei vultum cernere, incircumscriptum lumen vidére, nullo mortis metu affici, incorruptiōnis perpétuæ múuere lætári?

R. Coróna áurea super caput ejus, * Expressa signo sanctitatis, glória bonoris, et opus fortitudinis. **Ÿ.** Quoniam prævenisti eum in benedictiōnibus dulcedinis, posuisti in capite ejus coronam de lapide pretioso. **Expressa.** **Bened.** Cujus festum cólimus.

Lectio viij.

SED ad hæc audita inardescit ánimus, jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labóres. Unde et Paulus egregius prædicátor dicit: Non coronabitur, nisi qui legitime certáverit. Deléctet ergo mentem magnitúdo præmiórum, sed non detérreat certámen labórum. Unde ad se veniéntibus Véritas dicit: Si quis venit ad me, et non odit patrem suum, et ma-

trem, et uxórem, et filios, et fratres, et soróres, adhuc autem et ánimam suam, non potest meus esse discipulus.

R. Hic est vere Martyr, qui pro Christi nómine sanguinem suum fudit : * Qui minas júdicum non tímuit, nec terrénæ dignitátis glóriam quæsiuit, sed ad cœléstia regna pervénit. **V.** Justum deduxit. Dóminus per vias rectas, et osténdit illi regnum Dei. Qui. **Gloria Patri.** Qui. **Bened.** Ad societátem.

Sequens **R.** dicitur ultimo loco in Festis sex SS. Martyrum, Pontificum Eusebii, Marcelli, Joannis, Sylveri, Martini, et Pontiani.

R. Dómine, prævenisti eum in benedictionibus dulcedinis : * Posuisti in cápite ejus corónam de lápide pretiósó. **V.** Vitam pétiit a te, et tribuisti ei longitúdinem dierum in sæculum sæculi. Posuisti. **Gloria Patri.** Posuisti.

Lectio ix.

SED percontári libet, quómodo paréntes, et carnáliter propínquos præcipimur odisse, qui jubémur et inimicos diligere? Et certe Véritas de uxóre dicit : Quod Deus conjúnxit, homo non séparet. Et Paulus ait : Viri, diligite uxóres vestras, sicut et Christus Ecclésiám. Ecce discipulus uxórem

diligéndam prædicat, cum Magister dicat : Qui uxórem non odit, non potest meus esse discipulus. Numquid áliud júdex núntiat, áliud præco clamat? An simul et odisse póssumus, et diligere? Sed si vim præcepti perpéndimus, utrúmque ágere per discretiónem valémus : ut uxórem, et eos, qui nobis carnis cognatióne conjúneti sunt, et quos próximos nóvimus, diligámus ; et quos adversários in via Dei pátimur, odiéndo et fugiéndo nesciámus.

Ie Deum laudámus. 17.

AD LAUDES,

et per Horas. **Añæ.**

1. Qui me conféssus fúerit, * coram homínibus, confitebor et ego eum coram Patre meo. **Ps.** Dóminus regnávít, cum reliquis. 18.

2. Qui séquitur me, * non ámbulat in ténebris, sed habébit lumen vitæ, dicit Dóminus.

3. Qui mihi ministrat, * me sequátur : et ubi ego sum, illic sit et mínister meus.

4. Si quis mihi ministráverit, * honorificábit eum Pater meus, qui est in cœlis, dicit Dóminus.

5. Volo, Pater, ut ubi ego sum, illic sit et mínister meus.

Capítulum. Jac 4. b.

BEATUS vir, qui suffert tentatiónem, quóniam

cum probátus fúerit, accipiet coronam vitæ, quam repromísit Deus diligéntibus se.

Hymnus.

INVICTE Martyr, únicum Patris secútus Fílium, Victis triúmphas hóstibus, Victor fruens cœléstibus.

Tui precátus múnere Nostrum reátum díluë, Arcens mali contágium, Vitæ repéllens tædium.

Solúta sunt jam víncula

Tui sacráti córporis : Nos solve vinclis sæculi, Dono supérni Núminis.

Deo Patri sit glória, Ejúsque soli Fílio, Cum Spíritu Paráclito, Nunc, et per omne sæculum. Amen.

Justus ut palma florébit.

Sicut cedrus Libani multiplicábitur.

Ad Benedictus. Añã.

Qui odit * ánimam suam in hoc mundo, in vitam ætérnam custódit eam.

Pro Martyre et Pontifice.

Oratio.

INFIRMITATEM nostram respice, omnipotens Deus : et quia pondus propriæ actionis gravat, beáti N. Mártiris tui atque Pontificis, intercèssio gloriósa nos prótegat. Per Dóminum.

Alia Oratio.

DEUS, qui nos beáti N. Mártiris tui atque Pontificis, ánnua solemnitate læ-

tificas : concéde propítius ; ut ejus natalítia cólimus, de ejúsdem étiam protectióne gaudeámus. Per Dóminum.

Pro Martyre tantum.

Oratio.

PRÆSTA, quæsumus omnipotens Deus : ut qui beáti N. Mártiris tui natalítia cólimus, intercèssióne ejus in tui nóminis amore roborémur. Per Dóminum.

Alia Oratio.

PRÆSTA, quæsumus omnipotens Deus : ut, intercedente beáto N. Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Ad Tertiam. Añã.

Qui séquitur me.

Capitulum. Beátus vir, ut supra. xxxiv.

R. br. Glória et honóre * Coronásti eum, Dómine. Glória et. V. Et constituísti eum super ópera mánuum tuárum. Coronásti. Glória Patri. Glória et. V. Posuísti, Dómine, super caput ejus. R. Coronam de lápide pretióso.

Ad Sextam. Añã.

Qui mihi ministrat.

Capitulum. Eccli. 43.

CIBAVIT illum pane vitæ et intelléctus, et aqua sapiéntiæ salutáris potávit illum Dóminus Deus noster.

R. *br.* Posuisti, Dómine, *
Super caput ejus. Posuisti.
V. Corónam de lápide pre-
tíoso. Super. Glória Patri.
Posuisti. **V.** Magna est gló-
ria ejus in salutári tuo. **R.**
Glóriam et magnum decó-
rem impónes super eum.

Ad Nonam, Ana.

Volo, Pater.

Capitulum. Eccli. 39.

JUSTUS cor suum trádedit
ad vigilándum dilúculo
ad Dóminum, qui fecit illum,
et in conspéctu Altíssimi
deprecábitur.

R. *br.* Magna est glória
ejus * In salutári tuo. Ma-
gna est. **V.** Glóriam et ma-
gnum decórem impónes su-
per eum. In. Glória Patri.
Magna. **V.** Justus ut palma
florébit. **R.** Sicut cedrus
Libani multiplicábitur.

Ad Vesperas, Ana. Qui
me conféssus, ut *supra*,
cum reliq. de Laud. Ps. Dixit
Dóminus, cum reliquis de
Dñica. 130. et loco ult., Ps.
Crédidi. 134.

Capitulum. Beátus vir.
xxxiv.

Hymnus. Deus, tuórum
militum. xxiv.

V. Justus ut palma florébit.
R. Sicut cedrus Libani mul-
tiplicábitur.

Ad Magnificat, Aña.

Qui vult veníre post me, *
ábneget semetípsum, et tol-
lat crucem suam, et sequá-
tur me.

2. ALIÆ LECTIONES

PRO UNO MARTYRE.

In secundo Nocturno.

De Expositióne S. Ambrósii
Epíscopi in Psalmum centé-
simum décimum octávum.

Lectio iv. Serm. 21.

PRINCIPES persecúti sunt
me gratis : et a verbis
tuis trepidávit cor meum.
Bene hoc martyr dicit, quod
injúste persecutiónum tor-
ménta sustíneat, qui nihil
rapúerit, nullum violéntus
opprésserit, nullius sángu-
inem fúderit, nullius torum
putáverit esse violándum,
qui nihil légibus débeat, et
gravióra latrónum sustinére
cogátur supplicia : qui lo-
quátur juste, et non audiá-
tur : qui loquátur plena sa-
lútis, et impugnétur : ut pos-
sit dicere : Cum loquébar
illis, impugnábant me gratis.
Gratis ígitur persecutióne
pátitur, qui impugnátur sine
crímine : impugnátur ut
nóxius, cum sit in tali con-
fessióne laudábilis : impu-
gnátur quasi venéficus, qui
in nómine Dómini gloriátur,
cum pietas virtútum óm-
nium fundaméntum sit.

R. Honéstum fecit. xxx.

Lectio v.

VERE frustra impugnátur,
qui apud ímpios et ín-
fidos impietátis arcéssitur,
cum fidei sit magíster. Ve-
rum qui gratis impugnátur,
fortis debet esse et constans.

Quómodo ergo subtéxuit :
Et a verbis tuis trepidávit
cor meum ? Trepidáre in-
firmitátis est, timóris atque
formidinis. Sed est étiam
infirmetas ad salútem, est
étiam timor sanctórum. Ti-
méte Dóminum, omnes san-
cti ejus : et, Beátus vir,
qui timet Dóminum. Qua
ratione beátus ? Quia in
mandátis ejus cupit nimis.

¶ Desidérium. xxxj.

Lectio vj.

PONE ergo mártýrem in-
ter perícula constitútum,
cum inde immánitas bestiá-
rum ad incutiéndum terró-
rem infremat, aliúnde stri-
dor candéntium laminárum,
et flamma fornácis ardéntis
exæstuet, ex parte ália pér-
sonent tractus grávium cate-
nárum, hinc cárnifex cruén-
tus assístat : pone, inquam,
circumspectántem ómnia
plena suppliciis, deinde co-
gitántem mandáta divína,
illum ignem perpétuum, il-
lud sine fine incéndium
perfidórum, illam pœnæ re-
crudescéntis aerúmnam : tre-
pidáre corde, ne, dum præ-
séntibus cedat, perpétuis
se dedat exítiis : perturbári
ánimo, dum futúri judicii
rhomphæam illam terribilem
quadam conspéctus spécie
contuétur. Nonne ad hanc
trepidatiónem fidúciæ viri
constántis, æquális in eúm-
dem concúrrit efféctum con-

fidéntia cupiéntis ætérna, et
divína trepidántis ?

¶ Stola jucunditátis. xxxj.

In tertio Nocturno.

*Lectio sancti Evangélii
secúndum Matthæum.*

Lectio vij. Cap. 16. d

IN illo témpore : Dixit Je-
sus discípulis suis : Si
quis vult post me venire, áb-
neget semetípsum, et tollat
crucem suam, et sequátur
me. Et réliqua.

Homilia S. Gregórii Papæ.

Homilia 32. in Evang.

QUIA Dóminus ac Redém-
ptor noster novus homo
venit in mundum, nova
præcépta dedit mundo. Vitæ
étenim nostræ véteri in ví-
tiis enutritæ contrarietatem
oppósuit novitátis suæ. Quid
enim vetus, quid carnális
homo nóverat, nisi sua re-
tinére, aliéna rápere, si
posset, concupíscere, si non
posset ? Sed cœléstis médi-
cus singulis quibúsque ví-
tiis obviántia ádhibet me-
dicaménta. Nam sicut arte
medicinæ cálida frígidis,
frígida cálidis curántur : ita
Dóminus noster contrária
oppósuit medicaménta pec-
cátis, ut lúbricis continéntia,
tenácibus largitatem, ira-
cúndis mansuetúdinem, elá-
tis præcíperet humilitatem.

¶ Coróna áurea. xxxiiij.

Lectio viij.

CERTE cum se sequéntibus
nova mandáta propóne-

ret, dixit : Nisi quis renuntiáverit ómnibus quæ possidet, non potest meus esse discipulus. Ac si apérte dicat : Qui per vitam véterem aliena concupiscitis, per novæ conversatiónis stúdiu et vestra largimini. Quid vero in hac lectione dicat, audiámus : Qui vult post me venire, ábneget semetípsum. Ibi dicitur, ut abnegémus nostra : hic dicitur, ut abnegémus nos. Et fortásse laboriósu non est hómini relinquere sua : sed valde laboriósu est relinquere semetípsum. Minus quippe est, abnegare quod habet : valde autém multu est, abnegare quod est.

R. Hic est vere. xxxiv.

Lectio ix.

AD se autem nobis veniéntibus Dóminus præcépit, ut renuntiémus nostris : quia quicúmque ad fidei agónem venímus, luctámen contra malignos spíritus súmimus. Nihil autem maligni spíritus in hoc mundo próprium possident : nudi ergo cum nudis luctári debémus. Nam si vestítus quisque cum nudo luctátur, citius ad terram deiecitur, quia habet unde teneátur. Quid enim sunt terréna ómnia, nisi quædam córporis induménta ? Qui ergo contra diábolu ad certámen própérat, vestiménta abjiciat, ne succumbat.

Ie Deu laudámus. 17.

3 ALIA HOMILIA.

Lectio sancti Evangélii secúndum Matthæu.

Lectio vii Cap. 10. c

IN illo témpore : Dixit Jesus discipulis suis : Nihil est opértu, quod non revelábitur : et occúltu, quod non sciétur. Et réliqua.

Homilia S. Hilárii Episcopi. Com. in Matt. c. 10. post med.

DOMINUS diem iudicii osténdit, quæ abstrúsam voluntátis nostræ consciéntiam prodet : et ea, quæ nunc occúltá existimántur, luce cognitióis públicæ deteget. Igitur non minas, non consília, non potestátes insectántium monet esse metuéndas : quia dies iudicii nulla hæc fuisse, atque inánia revelábit. Et quod dico vobis in ténebris, dicite in lúmine : et quod in aure auditis, prædicáte super tecta. Non légimus Dóminu sólitu fuisse nóctibus sermocinári, et doctrínam in ténebris tradidisse : sed quia omnis sermo ejus carnálibus ténebræ sunt, et verbum ejus infidélibus nox est.

R. Coróna áurea. xxxiiij.

Lectio viij

ITAQUE id, quod a se dictu est, cum libertáte fidei et confessiόis vult esse loquéndu. Ideirco quæ in ténebris dicta sunt, prædicári jussit in lúmine : ut, quæ secréto áurium commissá

sunt, super tecta, id est, excélso loquéntium præcónio audiántur. Constánter enim Dei ingerénda cognitio est, et profúndum doctrinæ evangélicæ secrétum in lúmine prædicatiónis apostólicæ revelándum: non timéntes eos, quibus cum sit licéntia in cörpera, tamen in ánimam jus nullum est: sed timéntes pótius Deum, cui perdéndæ in gehénna et ánimæ et cörperis sit potéstas.

R. Hic est vere. xxxiv.

Lectio ix.

NOLITE timére eos qui occidunt corpus. Nullus igitur cörperum nostrórum casus est pertimescéndus, neque ullus interiméndæ carnis admitténdus est dolor: quando pro natúræ suæ, atque originis conditióne resoluta, in substantiam spirituális ánimæ refundatur. Et quia doctrínis tali-bus confirmátos opórtet liberam confiténdi Dei habére constántiam, étiam conditió-nem, qua tenerémur, adjécit: negatúrum se eum Patri in cœlis, qui se homínibus in terra negáset: eum porro, qui conféssus coram homínibus se fuisset, a se in cœlis confiténdum: qualésque nos nóminis sui testes homínibus fuissémus, tali nos apud Deum Patrem testimonio ejus usúros. Te Deum laudámus. 17.

4. ALIA HOMILIA.

IN FESTIS UNIUS MARTYRIS
NON PONTIFICIS.

*Lectio sancti Evangélii
secúndum Matthæum.*

Lectio vij. Cap. 10. d

IN illo témpore: Dixit Jesus discipulis suis: Nolite arbitrári, quia pacem vénerim mittere in terram: non veni pacem mittere, sed gládium. Et réliqua.

Homilia sancti Hierónymi
Presbyteri.

Lib. 1. in Matth. cap. 10.

SUPRA díxerat: Quod dico vobis in ténebris, dicite in lúmine; et quod in aure auditis, prædicáte super tecta: nunc infert quid post prædicatió-nem sequátur. Ad fidem Christi totus orbis contra se divisus est: una-quæque domus et infidéles et credéntes hábuit, et pro-ptérea bellum missum est bonum, ut rumperétur pax mala. Tale quid et in Génesi advérsus rebélles hómines, qui moti fúerant de Oriénte, et turrem extrúere festiná-bant, per quam cœli alta penetrárent, fecisse scribitur Deus, ut divideret linguas eórum.

R. Coróna áurea. xxxiiij.

Lectio viij.

VENI enim separáre hóminem advérsus patrem suum. Hic locus prope iisdem verbis in Michæa Prophéta scribitur. Et notándum, ubi-

cúmque de véteri Testaménto testimonium pónitur, utrum sensus tantum, an sermo conséntiat. Qui amat patrem aut matrem plus quam me, non est me dignus. Qui ante præmiserat : Non veni pacem mittere, sed gládium, et dividere hómines advérsus patrem et matrem, nurrum et socrum : ne quis pietatem religióni anteférret, subjécit, dicens : Qui amat patrem, aut matrem plus quam me. Et in Cántico légimus Canticórum : Ordinávit in me charitatem. Hic ordo in omni afféctu necessarius est : ama post Deum, patrem; ama matrem, ama filios.

It. Hic est vere. xxxiv.

Lectio ix.

ORDO pulchérissimus : ad prædicationem mittit, docet pericula non timénda, afféctum subjécit religióni. Aurum supra túlerat, æs de zona excússerat : dura Evangelistárum conditio. Unde ergo sumptus, unde victus necessaria? Austeritatem mandatórum spe témperat promissórum : Qui récipit, inquires, vos, me récipit : et qui me récipit, récipit eum qui me misit : ut in suscipiéndis Apóstolis unusquisque credéntium Christum se suscepisse arbitrétur.

*I*e Deum laudámus. 17.

COMMUNE

MARTYRUM

temp. Pasch.

Ad Vesperas, Añá. Sancti tui, cum reliq. de Laud. *Psal.* Dixit Dóminus, cum reliq. de Dñica. 130. et loco ult., *Ps.* Laudáte Dóminum, omnes gentes. 134.

Capitulum. Sap. 5.

STABUNT justi in magna constantia advérsus eos, qui se angustiavérunt, et qui abstulérunt labóres eórum.

Hymnus pro uno Mart.

DEUS, tuórum militum
Sors, et coróna, præmium,

Laudes canéntes Mártyris
Absólve nexu criminis.

Hic nempe mundi gáudia,
Et blanda fraudum pábula
Inbúta felle députans,
Pervénit ad coeléstia.

*P*œnas cucúrrit fórtiter,
Et sústulit viríliter :
Fundénsque pro te sánguinem,

Ætérna dona pössidet.

*O*b hoc precátu supplici
Te póscimus, piíssime :
In hoc triúmpho Mártyris
Dimítte noxam sérvulis.

Deo Patri sit glória,
Et Filio, qui a mórtuis
Surréxit, ac Paráclito,
In sempitérna sæcula. Am.

Sic terminantur Hymni ejusd. metri usque ad Ascens.

† *Ab Ascensione autem usque ad Pentec., loco supradicti Versus dicitur :*

Jesu, tibi sit glória,
Qui victor in cœlum redis,
Cum Patre, et almo Spíritu,
In sempiterna sæcula. Am.

Pro plur. Mart. dicitur
Hymnus.

REX gloriöse Mátyrum,
Coróna confiténtium,
Qui respuéntes térræ
Perducis ad cœlestia.

Aurem bénignam prótinus
Inténde nostris vócbus :
Trophæa sacra pángimus :
Ignósce quod deliquimus.

Tu vincis inter Mátyres,
Parcisque Confessóribus :
Tu vince nostra crimina,
Largitor indulgéntiæ.

Deo Patri sit glória,
Et Filio, qui a mórtuis
Surréxit, ac Paráclito,
In sempiterna sæcula. Am.

V. Sancti et justi, in Dó-
mino gaudéte, allelúia. **R.**
Vos elégit Deus in hereditá-
tem sibi, allelúia.

Ad Magnificat, Añá.

Lux perpétua * lucébit san-
ctis tuis, Dómine, et æterni-
tas témporum, allelúia.

Oratio, si non adsit pro-
pria, sumitur de Communi
unius vel plurimorum Mart.
extra tempus Paschale.

Ad Matutinum, Invitat.
Exúltent in Dómino Sancti.

* Allelúia. Ps. Veníte. 2.

Hymnus pro uno Mátyre.
Deus, tuórum, ut supra. xl.

Pro plur. Mart. Hymnus.

CHRIStO profusum sângui-
nem,

Et Mátyrum victórias,
Dignámque cœlo láuream
Lætis sequámur vócbus.

Terróre victo sæculi,
Pœnisque spretis córporis,
Mortis sacrae compéndio
Vitam beátam pössident.

Tradúntur igni Mátyres,
Et bestiárum déntibus :

Armáta sævit úngulis
Tortóris insáni manus.

Nudáta pendent viscera,
Sanguis sacrátus fúnditur :
Sed pérmanent immóbiles
Vitæ perénis grátiã.

Te nunc, Redémptor, quæ-
sumus,

Ut Mátyrum consórtio
Jungas precántes sérvulos
In sempiterna sæcula. Am.

Sic semper terminandus
est Hymnus prædictus.

In primo Nocturno.

Añá. Stabunt justi * in
magna constántia advérsus
eos, qui se angustiavérunt,
allelúia.

Sub una tantum Añá di-
cuntur Psalmi cujuslibet
Nocturni.

Psalmi pro uno. et plur.
Mart. Beátus vir. Quare
fremuérent. Dómine, quid
multiplicáti, ut infra. l.

V. Sancti et justi, in Dómi-
no gaudéte, allelúia. **R.** Vos
elégit Deus in hereditátem
sibi, allelúia. Pater noster.

Absol. E xáudi, Dómine.

V. Jube, domne. Bened.
Benedictióne perpétua.

Lectioesj Noct. de Script.

quæ occurrit temp. Pasch.
in Officio de Temp. : vel,
quando non adsunt, de Com-
muni unus vel plur. Mart.
extra temp. Paschale.

R. J. Beátus vir, qui méruit
Dóminum, allelúia. * In
mandátis ejus cupit nimis,
allelúia, allelúia, allelúia.

V. Glória et divitiæ in domo
ejus, et justítia ejus manet
in sæculum sæculi. In. **Re-**
néd. Unigénitus Dei Filius.

R. ij. Tristítia vestra, allel.,

* Convertétur in gáudium,
allelúia, allel. **V.** Mundus
autem gaudébit, vos vero
contristabimini, sed tristítia
vestra. Convertétur. **Bened.**
Spíritus sancti grátia.

R. iij. Pretiósá in con-
spéctu Dómini, allelúia, *
Mors Sanctórum ejus, alle-
lúia. **V.** Custódit Dóminus
ómnia ossa eórum, unum
ex his non conterétur. Mors.
Glória Patri. Mors.

In secundo Nocturno.

Añá. Ecce quómodo com-
putáti sunt * inter filios
Dei, et inter Sanctos sors
illórum est, allelúia.

Pro uno Mart. Psalmi.
Cum invocárem. Verba mea.
Dómine Dóminus noster,
ut supra. xxviiij.

Pro plur. Mart. Psalmi.
Dómine, quis. C onserva. D ó-
mini est terra, ut infra. ij.
V. Lux perpétua lucébit
Sanctis tuis, Dómine, al-
lelúia. **R.** Et ætérnitas tém-

porum, allelúia. Pater no-
ster. Absolutio. Ipsíus píetas.
V. Jube, domne. **Bened.** Deus
Pater omnipotens.

Sermo sancti Ambrósii
Episcopi.

Lectio iv. Serm. 22.

DIGNUM et cóngruum est,
fratres, ut post lætítiam
Paschæ, quam in Ecclesiá ce-
lebrávimus, gáudia nostra
cum sanctis Martyribus con-
ferámus : et iis annuntié-
mus Dominicæ resurrectió-
nis glóriam, qui consórtes
sunt Dominicæ passiónis.
Qui enim sócii sunt contu-
méliæ, debent et partíci-
pes esse lætítiæ. Ita enim
dicit beátus Apóstolus :
Sicut sócii passiónum estis,
et resurrectiónis éritis : si
tolerábimus, inquit, et con-
regnábimus. Qui ergo tole-
ravérunt mala propter Chri-
stum, debent et glóriam
habére cum Christo.

R. Lux perpétua lucébit
Sanctis tuis, Dómine, * Et
ætérnitas témporum, alle-
lúia, allelúia. **V.** Lætítia
sempitérna erit super cá-
pita eórum : gáudium et ex-
ultatióem obtinébunt. Et.
Bened. Christus perpétuæ.

Lectio v.

ANNUNTIEMUS, inquam,
sanctis Martyribus Do-
minicæ Paschæ grátiam :
ut, dum sepultúræ illius
prædicámus reseráta clau-
stra, et horum sepúlchra

reseréntur : dum corpus illius mórtuum dicimus tepéntibus venis súbito viguísse, horum quoque membra jam frígida immortalitátis calóre foveántur. Eadem enim râtio Mártýres súscitat, quæ et Dóminum súscitávit. Nam sicut viam passiónis ejus expérti sunt, ita experiéntur et vitæ. Scriptum est enim in Psalmo : Notas mihi fecisti vias vitæ. Hoc útique in resurrectione ex persóna dicitur Salvatóris : ut qui, dum post mortem ab inferis redit ad súperos, incípiat notam habére viam vitæ quæ ante habebátur ignóta.

R. In servis suis, allelúia, * Consolábitur Deus, allelúia. **V.** Judicábit Dóminus pópulum suum, et in servis suis. Consolábitur. **Bened.** Ignem sui amóris.

Lectio vij.

IGNOTA enim erat ante Christi advéntum via vitæ, quæ nullius adhuc resurgéntis fúerat temeráta vestígio. At ubi Dóminus resurréxit, nota facta, solo attríta est plurimórum. De quibus sanctus Evangelísta ait : Multórum córpora sanctórum surrexérunt cum eo, et introiérunt in sanctam civitátem. Unde cum Dóminus in resurrectione sua dixerit, Notas mihi fecisti vias vitæ : pòssumus et nos

jam dicere Dómino : Notas fecisti nobis vias vitæ. Ipse enim nobis notas fecit vias vitæ, qui nobis sémitam manifestávit ad vitam. Notas enim mihi fecit vias vitæ, cum me dócuit fidem, misericórdiam, justítiam, castitátem. His enim pervénitur itinéribus ad salutem.

R. Filíæ Jerúsalem, veníte et vidéte Mártýres cum coronis, quibus coronávit eos Dñus, * In die solemnitátis et lætitiæ, allel. **V.** Quóniam confortávit seras portárum tuárum, benedíxit filios tuos in te. In. Glória Patri. In.

In tertio Nocturno.

Añs. Lux perpétua * lucébit Sanctis tuis, Dómine, et ætérnitas témporum, allel.

Pro uno Mart., Psalm. In Dómino. Dómine, quis. Dómine, in virtúte. xxxj.

Pro plur. Mart., Psalm. Exultáte. **Benedicam** Dñum. Deus noster, *ut infra.* lv.

V. Lætitia sempitérna super cápita eórum, allelúia.

R. Gáudium et exultatió-nem obtinébunt, allelúia.

Pater noster. **Absoluto.** A vinculis. **V.** Jube, domne.

Bened. Evangélica lécio.

Lécio sancti Evangélii secúndum Joánnem.

Lectio vij. Cap. 13. c

IN illo témpore : Dixit Jesus discíplis suis : Ego sum vitis vera : et Pater meus agricóla est. Et réliqua.

Homilia sancti Augustini
Episcopi.

Tract. 80. in Joannem.

ISTE locus Evangelicus,
fratres, ubi se dicit Dô-
minus vitem, et discipulos
suos pâlmites, secûndum
hoc dicit, quod est caput
Ecclésiæ, nosque membra
ejus, mediátor Dei et hóm-
inum homo Christus Jesus.
Unus quippe natûræ sunt
vitis et pâlmites. Propter
quod cum esset Deus, cu-
jus natûræ non sumus, fa-
ctus est homo, ut in illo
esset vitis humána natûra,
cujus et nos hómînes pâl-
mites esse possémus.

R. Ego sum vitis vera,
et vos pâlmites : * Qui ma-
net in me, et ego in eo, hic
fert fructum multum, alle-
lûia, allelûia. **V.** Sicut di-
lèxit me Pater, et ego di-
lèxi vos. Qui. **Bened.** Cujus,
vel Quorum festum còlimus.

Lectio viij.

QUID ergo est, Ego sum
vitis vera? Numquid ut
adderet, vera, hoc ad eam
vitem rétulit, unde ista si-
militúdo translata est? Sic
enim dicitur vitis per simi-
litudinem, non per pro-
prietatem : quemadmodum
dicitur ovis, agnus, leo, pe-
tra, lapis angulâris, et cé-
tera hujusmodi, quæ magis
ipsa sunt vera, ex quibus
ducuntur istæ similitúdes,
non proprietates. Sed cum

dicit : Ego sum vitis vera, ab
illa se útique discérnit, cui
dicitur : Quómodo convér-
sa es in amaritudinem, vitis
aliéna? Nam quo pacto est
vitis vera, quæ expectata
est ut fáceret uvam, fecit
autem spinas?

R. Cándidi facti sunt Naza-
ræi ejus, allelûia : splendó-
rem Deo dedérunt, allelûia :
* Et sicut lac coagulati sunt,
allelûia, allelûia. **V.** Candi-
dióres nive, nitidióres lacte,
rubicundióres ébore anti-
quo, sapphíro pulchrióres.
Et. Glória Patri. Et. **Bened.**
Ad societátem.

Lectio ix.

EGO sum, inquit, vitis vera:
et Pater meus agricola
est. Numquid unum sunt
agricola et vitis? Secûndum
hoc ergo vitis Christus, se-
cûndum quod ait : Pater ma-
jor me est. Secûndum autem
id, quod ait : Ego et Pater
unum sumus, et ipse agricola
est : nec talis, quales sunt qui
extrinsecus operádo éxhi-
bent ministérium : sed talis,
ut det étiam intrínsecus in-
creméntum. Nam neque qui
plantat, est áliquid, neque
qui rigat : sed qui incremén-
tum dat, Deus. Sed útique
Deus est Christus, quia Deus
erat verbum : unde ipse et
Pater unum sunt : et, si Ver-
bum caro factum est, quod
non erat, manet quod erat.
Te Deum laudámus. 17.

AD LAUDES ,

et per Horas. Ana.

1. Sancti tui, * Dómine, florébunt sicut lílium , allel. : et sicut odor bálsami erunt ante te, allelúia. *Ps* Dóminus regnávít, *cum reliq.* 18.

2. In cœléstibus regnis * Sanctórum habitatio est , allelúia : et in ætérnum requies eórum, allelúia.

3. In velaménto * clamábant Sancti tui, Dómine, allelúia , allelúia , allelúia.

4. Spíritus et ánimæ * justórum , hymnum dicite Deo nostro, allelúia , allelúia.

5. Fulgébunt justí * sicut sol in conspéctu Dei, allel.

Capitulum. Sap. 5.

STABUNT justí in magna constantia advérsus eos, qui se angustiavérunt, et qui abstulérunt labóres eórum.

Pro uno Martyre. Hymnus.

INVICTE Martyr, únicum Patris secútus Filium , Victis triúmphas hóstibus , Victor fruens cœléstibus.

Tui precátus múnere

Nostrum reátum dílué ,

Arcens mali contágium ,

Vitæ repéllens tædium.

Solúta sunt jam víncula ,

Tui sacráti córporis :

Nos solve vinclis sæculi

Dono supérni Núminis.

Deo Patri sit glória ,

Et Filio, qui a mórtuis ,

Surréxit , ac Paráclito ,

In sempitérna sæcula.

Amen.

Pro plur. Mart. Hymnus.

Rex glorióse. xlvj.

Ÿ. Pretiósá in conspéctu Dómini, allelúia. *R.* Mors Sanctórum ejus, allelúia.

Ad Benedictus. Ana.

Filiæ Jerúsalem, veníte et vidéte Mártýres cum corónis , quibus coronávít eos Dóminus in die solemnitátis et lætitiæ, allelúia, allelúia.

Ad Tertiam. Ana.

In cœléstibus regnis.

Capit. Stabunt justí, sup.

R. br. Sancti et justí, in Dño gaudéte. * Allelúia, allel.

Sancti. Ÿ. Vos elégit Deus in hereditátem sibi. Allelúia, allel.

Glória Patri. Sancti. Ÿ.

Lux perpétua lucébit Sanctis

tuis, Dómine, allelúia. *R.* Et

ætérnitas témporum , allel.

Ad Sextam. Ana.

In velaménto.

Capitulum. Sap. 5.

ECCE quómodo computáti sunt inter filios Dei ; et inter Sanctos sors illórū est.

R. br. Lux perpétua lucébit Sanctis tuis , Dómine. *

Allelúia, allelúia. Lux. Ÿ.

Et ætérnitas témporum. Al-

lelúia, allelúia. *Glória Pa-*

tri. Lux. Ÿ. Lætítia sempi-

térna super cápita eórum ,

allel. *R.* Gáudium et exulta-

tiónem obtinébunt, allelúia.

Ad Nonam. Ana.

Fulgébunt justí.

Capitulum. Rom. 8. c

SCIMUS quóniam diligéntibus Deum ómnia coope-

rantur in bonum, iis, qui secundum propositum vocati sunt sancti.

R. br. Lætítia sempitérna super cápita eórum. * Allelúia, allelúia. Lætítia. *V.* Gáudium et exultatióem obtinébunt. Allelúia, allelúia. Glória Patri. Lætítia. *V.* Pretiósá in conspéctu Dómini, allelúia. *R.* Mors Sanctórum ejus, allelúia.

Ad Vesperas, Añá. Sancti tui, cum reliq. de Laud. Ps. Dixit Dóminus, cum reliq. de Dñica. 130. et loco ult. Ps. Crédidi. 134.

Capit. Stabunt justí. xlv.

Hymnus pro uno Mart. Deus, tuórum. xl.

Pro pluribus Martyribus. Rex glorióse. xlv.

V. Pretiósá in conspéctu Dómini, allelúia. *R.* Mors Sanctórum ejus, allelúia.

Ad Magnificat, Añá.

Sancti et justí, * in Dómino gaudéte, allelúia : vos elégit Deus in hereditátem sibi, allelúia.

2. ALIÆ LECTIONES

PRO MARTYRIBUS.

tempore Paschali.

In secundo Nocturno.

De Epístola sancti Cypriáni, Episcopi et Mártiris, ad Mártýres et Confessóres.

Lectio iv. Lib. 2. Epist. 6.

QUIBUS ego vos láudibus prædicem fortíssimi Mártýres? Robur péctoris vestri, et perseverántiam fidei, quo

præcónio vocis exórnem? Tolerástis usque ad consummationem glóriæ duríssimam quæstiónem : nec cessístis suppliciis, sed vobis pótius supplicia cessérunt. Finem dolóribus, quem tormenta non dabant, corónæ dedérunt. Laniéna grávior ad hoc diu perseverávit, non ut stantem fidem dejiceret, sed ut hómines Dei ad Deum velócius mitteret. *R.* Lux perpétua. xlv.

Lectio v.

VIDIT admirans præsentíũ multitúdo cœléste certámen, certámen Dei, certámen spiritále, prælium Christi : stetisse servos ejus voce libera, mente incorrúpta, virtúte divína, telis quidem sæculáribus nudos, sed armis fidei ardéntis armátos. Stetérunt torti torquéntibus fortióres : et pulsántes ac laniántes úngulas, pulsáta ac laniáta membra vicérunt. Inexpugnábilem fidem superáre non pótuit sæviens diu plaga repetíta, quamvis rupta compáge víscerum torqueántur in servis Dei jam non membra, sed vúlnera. Fluébat sanguis, qui incéndium persecutiónis extingueret, qui flammam et ignes gehénæ glorióso cruóre sopíret. *R.* In servis suis. xlv.

Lectio vi.

Quale illud fuit spectáculum Dómino, quam

sublime, quam magnum; quam Dei oculis sacraménto ac devotiône militis ejus accéptum! Sicut scriptum est in Psalmis, Spíritu sancto loquente ad nos pariter et monente: Pretiósá est in conspéctu Dómini mors Justórum ejus. Pretiósá mors hæc est, quæ emit immortalitatem pretio sui sanguinis, quæ accépit coronam de consummatione virtutis. Quam lætus illic Christus fuit, quam libens in talibus servis suis et pugnávit et vicit protéctor fidei, dans credéntibus tantum, quantum se credit capere qui sumit: certámini suo ádfuit, præliatóres atque assertóres sui nóminis eréxit, corroborávit, animávit. Et qui pro nobis mortem semel vicit, semper vincit in nobis.

R. Filíæ Jerúsalem. xliij.

In tertio Nocturno.

Lectio sancti Evangélii
secúndum Joánnem.

Lectio vij. Cap. 15.

In illo témpore: Dixit Jesus discíplulis suis: Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis facere. Et reliqua.

Homília sancti Augustíni
Episcopi.

Tr. 81. in Joan. sub med.

Ne quisquam putáret saltem parvum áliquem

fructum posse a semetípso pálmitem ferre, cum dixisset: Hic fert fructum multum; non ait: Quia sine me parum potéstis facere; sed: Nihil potéstis facere. Sive ergo parum, sive multum, sine illo fieri non potest, sine quo nihil fieri potest; quia etsi parum attúlerit palmes, eum purgat agricola ut plus áfferat. Tamen nisi in vite mánserit, et vixerit de radíce, quantúmlibet fructum a semetípso non potest ferre. Quamvis autem Christus vitis non esset, nisi homo esset: tamen istam grátiam pálmítibus non præbéret, nisi étiam Deus esset.

R. Ego sum vitis. xlv.

Lectio xliij.

VERUM quia ita sine ista grátia non potest vivi, ut et mors in potestate sit liberi arbitrii: Si quis in me, inquit, non mánserit, mittétur foras sicut palmes, et aréscant, et cólligent eum, et in ignem mittent, et ardet. Ligna itaque vitis tanto sunt contemptibilióra si in vite non mánserint, quanto gloriosióra si mánserint. Dénique sicut de his étiam per Ezechiélem Prophétam Dóminus dicit, præcisa nullis agricolárum úsibus prosunt, nullis fabrilibus opéribus deputántur. Unum de duóbus pálmíti cóngruit, aut vitis, aut ignis: si in

vite non est, in igne erit :
ut ergo in igne non sit, in
vite sit.

℞. Cándidi facti. xlv.

Lectio ix.

Si manséritis in me, in-
quit, et verba mea in
vobis mánserint : quodcúm-
que voluéritis, petétis, et
fiet vobis. Manéndo quippe
in Christo, quid velle pos-
sunt, nisi quod cónvenit
Christo? Quid velle possunt
manéndo in Salvatóre, nisi
quod non est aliénium a sa-
lúte? Aliud quippe vólumus
quia sumus in Christo : et
áliud vólumus quia sumus
adhuc in hoc sæculo. De
mansióne namque hujus sæ-
culi nobis aliquándo subrép-
pit, ut hoc petámus, quod
nobis non expédire nesci-
mus. Sed absit ut fiat nobis,
si manémus in Christo, qui
non facit quando pétimus,
nisi quod expedit nobis.

Te Deum laudámus. 47.

IN COMMUNI

Confessorum, Virginum.
et non Virginum, et Dedicat.
Ecclesiæ, et in Festis B. M.
temp. Pasch., Officium fit
ut inferius in aliis tempori-
bus : sed additur unum Alle-
lúia, in fine ad Invitat, Añas,
v. et ℞. similiter et in ℞℞.
post Lectiones Noct. ante
Versum (℞℞). brevia vero
Horarum dicuntur ea, quæ
in prædictis Communibus
ij. loco ponuntur. ut infe-

rius); et tres Psalmi dicun-
tur in quolibet Noct. sub
prima Aña illius Nocturni.

COMMUNE

PLURIMORUM MARTYRUM

extra temp. Pasch.

Ad Vesperas, Aña. Om-
nes Sancti, cum reliq. de
Laud. Ps. Dixit Dóminus,
cum reliq. de Dñica. 130. et
loco ultimi, Ps. Laudáte Dó-
minum, omnes gentes. 134.

Capitulum. Sap. 3.

JUSTORUM animæ in manu
Dei sunt, et non tan-
get illos torméntum mortis.
Visi sunt óculis insipiéntium
mori : illi autē sunt in pace.

Hymnus.

SANCTORUM méritis inclýta
gáudia

Pangámus, sócii, géstaque
fórtia :

Gliscens fert ánimus pró-
mere cántibus

Victórum genus ópti-
mum.

Hi sunt, quos fátue mundus
abhórruit :

Hunc fructu vácuum, flóri-
bus áridum

Contempsére tui nóminis
ásseclæ,

Jesu, Rex bone Coeli-
tum.

Hi pro te fúrias, atque mi-
nas truces

Calcárunť hómínũ, sæva-
que vérbera :

His cessit lácerans fórtiter
úngula,

Nec carpsit penetrália.

æduntur gládiis more bi-
déntium :

Non murmur résonat, non
querimónia :

Sed cõrde impávido mens
bene cõscia

Consérvat patiéntiam.

Quæ vox, quæ póterit lin-
gua retéxere

Quæ tu Martyribus múnera
præparas?

Rubri nam flúido sânguine
fúlgidis

Cingunt témpora láu-
reis.

Te, summa o Déitas úna-
que, póscimus,

Ut culpas ábigas, nóxia súb-
trahas,

Des pacem fámulis, ut tibi
glóriam

Annórum in sériem ca-
nant. Amen.

V Lætámini in Dómino, et
exultáte, justí. R. Et glo-
riamini, omnes recti cor-
de.

Ad Magnificat. Añs.

Istórum est enim regnum
cœlórum, * qui contempsé-
runt vitam mundi, et per-
venérunt ad præmia regni,
et lavérunt stolas suas in
sânguine Agni.

Pro pluribus Mart. Pont.

Oratio.

B EATORUM Mátyrum, pari-
térque Pontíficum N. et
N. nos, quæsumus Dómine,
festa tueántur : et eórum
comméndet orátio venerán-
da. Per Dóminum.

VERNA.

Si non fuerint Pontífices

Oratio.

D EUS, qui nos concédís
sanctórum Mátyrum
tuórum N. et N. natalítia
cólere : da nobis in ætérna
beatitúdine de eórum socie-
táte gaudére. Per Dóminum.

Alia Oratio.

D EUS, qui nos ánnua sau-
ctórum Mátyrum tuó-
rum N. et N. solemnitate
lætíficas : concéde propítius;
ut quorum gaudémus mé-
ritis, accendámur exémpis.
Per Dóminum.

Ad Matutinum. Invitat.

Regem Mátyrum Dñum, * Ve-
nite, adorémus. Ps. Veníte. 2.

Hymnus.

C HRISTO profúsum sângui-
nem,

Et Mátyrum victórias,
Dignámque cœlo láuream
Lætis sequámur vóicibus.

Terróre victo sæculi,
Pœnísque spretis córporis,
Mortis sacræ compéndio
Vitam beátam pössident.

Tradúntur igni Mátyres,
Et bestiárum déntibus :

Armáta sævit úngulis
Tortóris insáni manus.

Nudáta pendent víscera,
Sanguis sacrátus fúnditur :
Sed pérmanent immóbiles
Vitæ perénnis grátia.

Te nunc, Redémptor, quæ-
sumus,

Ut Mátyrum consórtio
Jungas precántes sérvulos
In sempitérna sæcula. Am.

In primo Nocturno.

Añā. Secus decursus aquarum * plantavit vineam justorum, et in lege Domini fuit voluntas eorum.

Psalms 1.

BEATUS vir, qui non abiit in consilio impiorum, et in via peccatorum non stetit, * et in cathedra pestilentiae non sedit.

Sed in lege Domini voluntas ejus, * et in lege ejus meditabitur die ac nocte.

Et erit tanquam lignum, quod plantatum est secus decursus aquarum, * quod fructum suum dabit in tempore suo:

Et folium ejus non defluet: * et omnia quaecumque faciet, prosperabuntur.

Non sic impii, non sic: * sed tamquam pulvis, quem projicit ventus a facie terrae.

Ideo non resurgent impii in iudicio: * neque peccatores in concilio justorum.

Quoniam novit Dominus viam justorum: * et iter impiorum peribit.

Añā. Secus decursus aquarum plantavit vineam justorum, et in lege Domini fuit voluntas eorum.

Añā. Tamquam aurum in fornace * probavit electos Dominus: et quasi holocausta accepit eos in aeternum.

Psalms 2.

QUARE fremuerunt gentes, * et populi meditati sunt inania?

Astitērunt reges terrae, et principes convenērunt in unum, * adversus Dominum, et adversus Christum ejus. **Dirumpāmus** vincula eorum: * et projiciāmus a nobis jugum ipsorum.

Qui habitat in caelis, irridebit eos: * et Dominus subsannabit eos.

Tunc loquetur ad eos in ira sua, * et in furore suo conturbabit eos.

Ego autem constitutus sum Rex ab eo super Sion montem sanctum ejus, * praedicans praecceptum ejus.

Dominus dixit ad me: * Filius meus es tu, ego hodie genui te.

Póstula a me, et dabo tibi gentes hereditatem tuam, * et possessionem tuam terminos terrae.

Reges eos in virga ferrea, * et tamquam vas figuli confringes eos.

Et nunc reges intelligite: * erudimini qui iudicatis terram.

Servite Domino in timore: * et exultate ei cum tremore.

Apprehēdite disciplinam, nequādo irascatur Dominus, * et pereatis de via justa.

Cum exarserit in brevi ira ejus, * beati omnes, qui confidunt in eo.

Añā. Tamquam aurum in fornace probavit electos Dominus: et quasi holocausta accepit eos in aeternum.

Ana. Si coram hominibus
* torménta passi sunt, spes
electórum est immortalis
in ætérnum.

Psalmus 3.

DOMINE, quid multiplicati
sunt qui tribulant me?
* multi insúrgunt advér-
sum me.

Multi dicunt animæ meæ :
* Non est salus ipsi in Deo
ejus.

Tu autem, Dómine, suscep-
tor meus es, * glória mea,
et exáltans caput meum.

Voce mea ad Dóminum cla-
mávi : * et exaudivit me de
monte sancto suo.

Ego dormívi, et soporátus
sum : * et exurréxi, quia
Dóminus suscepit me.

Non timébo millia pópuli
circumdántis me : * exúrge,
Dómine, salvum me fac
Deus meus.

Quóniam tu percussísti
omnes adversántes mihi sine
causa : * dentes peccatórum
contrivísti.

Dómini est salus : * et su-
per pópulum tuum benedi-
ctio tua.

Ana. Si coram hominibus
torménta passi sunt, spes
electórum est immortalis in
ætérnum. **v.** Lætámini in
Dómino, et exultáte, justí.

r. Et gloriámini, omnes
recti corde. **Pater noster.**

Absolutio. Exáudi, Dómine.

v. Jube, domne. **Bened**
Benedictióne perpétua.

De Epístola beáti Pauli
Apóstoli ad Romános.

Lectio j. Cap. 8. c

FRATRES, Debitóres sumus
non carni, ut secúndum
carnem vivámus. Si enim
secúndum carnem vixéritis,
moriémini : si autem spíri-
tu facta carnis mortificavé-
ritis, vivétis. Quicúmque
enim spíritu Dei agúntur,
ii sunt filii Dei. Non enim
accepístis spíritum servitú-
tis iterum in timóre, sed
accepístis spíritum adopti-
onis filiórum, in quo clamá-
mus : Abba (Pater). Ipse
enim Spíritus testimonium
reddit spiritui nostro, quod
sumus filii Dei. Si autem
filii, et herédes : herédes
quidem Dei, coherédes au-
tem Christi : si tamen com-
pátimur, ut et conglorificé-
mur. Existimo enim quod
non sunt condignæ passi-
ones hujus témporis ad fu-
túram glóriam, quæ reve-
lābitur in nobis. Nam ex-
pectatio creatúræ revelati-
onem filiórum Dei expéctat.
ñ. Abstérget Deus omnem
lácrymam ab óculis Sanctó-
rum : et jam non erit ám-
plius neque luctus, neque
clamor, sed nec ullus dolor :
* Quóniam prióra transié-
runt. **v.** Non esúrient, ne-
que sitient ámplius, neque
cadet super illos sol, neque
ullus æstus. Quóniam. **Be**
ned Unigénitus Dei Filius.

Lectio ij.

SCIMUS autem quóniam diligéntibus Deum ómnia cooperántur in bonum, iis, qui secúndum propósitum vocáti sunt sancti. Nam quos præscívit, et prædestinávit confórmes fieri imáginis Filii sui, ut sit ipse primogénitus in multis frátribus. Quos autem prædestinávit, hos et vocávit : et quos vocávit, hos et justificávit : quos autem justificávit, illos et glorificávit. Quid ergo dicémus ad hæc ? Si Deus pro nobis, quis contra nos ? Qui étiam próprio Filio suo non pepércit, sed pro nobis ómnibus trádedit illum : quómodo non étiam cum illo ómnia nobis donávit ? Quis accusábit advérsus eléctos Dei ? Deus qui justificat, quis est qui condémnet ? Christus Jesus, qui mórtuus est, immo qui et resurrexit, qui est ad dexteram Dei, qui étiam interpellat pro nobis.

R. Viri sancti gloriósum sánguinem fuderunt pro Dómino, amavérunt Christum in vita sua, imitáti sunt eum in morte sua : Et ideo corónas triumpháles meruerunt. **V.** Unus spíritus, et una fides erant in eis. Et. **Ben.** Spíritus sancti grátia.

Lectio iij.

Quis ergo nos separábit a charitaté Christi ? tri-

bulátio, an angústia, an fames, an núditas, an periculum, an persecútio, an gládus ? (Sicut scriptum est : Quia propter te mortificámur tota die : æstimáti sumus sicut oves occisiónis.) Sed in his ómnibus superáramus propter eum, qui diléxit nos. Certus sum enim, quia neque mors, neque vita, neque Angeli, neque Principátus, neque Virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a charitaté Dei, quæ est in Christo Jesu Dómino nostro.

R. Tradidérunt córpora sua propter Deum ad supplicia : * Et meruerunt habére corónas perpétuas. **V.** Isti sunt qui venérunt ex magna tribulatióne, et lavérunt stolas suas in ságuine Agni. Et. Glória Patri. Et.

In secundo Nocturno.

Ana. Dabo Sanctis meis * locum nominátum in regno Patris mei, dicit Dóminus.

Psalmus lli.

DOMINE, quis habitábit in tabernáculo tuo ? * aut quis requiescet in monte sancto tuo ?

Qui ingreditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et opprobrium non accepit adversus próximos suos.

Ad nihilum deductus est in conspectu ejus malignus : * timéntes autem Dóminum glorificat :

Qui jurat próximo suo, et non decipit : * qui pecuniam suam non dedit ad usúram, et múnera super innocentem non accepit :

Qui facit hæc, * non movébitur in ætérnum.

Ana. Dabo Sanctis meis locum nominátum in regno Patris mei, dicit Dóminus.

Ana. Sanctis, qui in terra sunt ejus, * mirificávit omnes voluntátes meas inter illos.

Psalmus 15.

CONSERVA me, Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea accelleravérunt.

Non congregábo conventicula eórum de sanguinibus : * nec memor ero nóminum eórum per lábia mea.

Dóminus pars hereditátis meæ, et cálicis mei ; * tu es qui restitues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedicam Dóminum, qui tribuit mihi intelléctum : * insuper et usque ad noctem increpuérunt me renes mei.

Providébam Dóminum in conspectu meo semper : * quóniam a dextris est mihi, ne commóvear.

Propter hoc lætátum est cor meum, et exultávit lingua mea : * insuper et caro mea requiescet in spe.

Quóniam non derelinques ánimam meam in inférno : * nec dabis sanctum tuum vidére corruptiónem.

Notas mihi fecisti vias vitæ, adimplébis me lætítia cum vultu tuo : * delectatiónes in dextera tua usque in finem.

Ana. Sanctis, qui in terra sunt ejus, mirificávit omnes voluntátes meas inter illos.

Ana. Sancti * qui sperant in Dómino, habébunt fortitudinem : assument pennas ut áquilæ, volábunt, et non deficient.

Psalmus 91.

DOMINI est terra, et plenitúdo ejus : * orbis terrárum, et univérsi, qui habitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini ? * aut quis stabit in loco sancto ejus ?

Innocens manibus et munda corde, * qui non accépit in vano animam suam, nec jurávit in dolo próximo suo.

Hic accipiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas, principes, vestras, et elevámini portæ æternáles : * et introíbit rex glóriæ.

Quis est iste rex glóriæ? * Dóminus fortis et potens : Dóminus potens in prælio.

Attóllite portas, principes, vestras, et elevámini, portæ æternáles : * et introíbit rex glóriæ.

Quis est iste rex glóriæ? * Dóminus virtútum ipse est rex glóriæ.

Añsa. Sancti qui sperant in Dómino, habébunt fortitudinem : assument pennas ut áquilæ, volábunt, et non deficient. **Ÿ.** Exúltent iusti in conspéctu Dei. **R̃.** Et delecténtur in lætitia. **Pater noster.** **Absolutio.** Ipsíus pietas. **Ÿ.** Jube, domne. **Bened.** Deus Pater omnipotens. Sermo S. Augustini Episc.

Lectio iv.

Serm. 47. de Sanctis.

QUOTIESCUMQUE, fratres charíssimi, sanctórum Mártyrum solémnia celebrámus, ita, ipsis intercedéntibus, expectémus a

Dómino cónsequi temporália beneficia, ut ipsos Mártyres imitádo, accipere mereámur æterna. Ab ipsis enim sanctórum Mártyrum in veritate festivitátum gáudia celebrántur, qui ipsórum Mártyrum exéempla sequúntur. Solemnitates enim Mártyrum exhortatiónes sunt martyriórum : ut imitari non pígeat, quod celebráre deléctat.

R̃. Sancti tui, Dómine, mirábile consecúti sunt iter, serviéntes præcéptis tuis, ut inveniréntur illæsi in aquis válidis : * Terra apparuit árida, et in mari Rubro via sine impediménto. **Ÿ.** Quóniam percússit petram, et fluxérunt aquæ, et torréntes inundavérunt. Terra. **Bened.** Christus perpétuæ.

Lectio v.

SED nos vólumus gaudére cum Sanctis, et tribulatiónem mundi nólumus sustinére cum ipsis. Qui enim sanctos Mártyres, in quantum potúerit, imitari nóluerit, ad eórum beatitudinem non póterit pervenire. Sed et Paulus Apóstolus prædicat, dicens : Si fuérimus sócii passiónum, érimus et consolatiónum. Et Dóminus in Evangélio : Si mundus vos odit, scitóte quia me priórem vobis ódio hábuit. Recúsat esse in cór-

pore, qui ódium non vult sustinére cum cápite.

R. Vérbera carnificum non timuérunt Sancti Dei, moriéntes pro Christi nómine : * Ut herédes fierent in domo Dómini. **V.** Tradiderunt córpora sua propter Deum ad supplicia. Ut. **Bened.** Ignem sui amóris.

Lectio vi.

SED dicet áliquis : Et quis est, qui possit beatórum Mátyrum vestigia sequi ? Huic ego respódeo, quia non solum Mátyres, sed étiam ipsum Dóminum cum ipsíus adjutório, si vólumus, póssumus imitári. Audi non me, sed ipsum Dóminum géneri humano clamántem : Dísceite a me, quia mitis sum, et húmilis corde. Audi et Petrum Apóstolum admonéntem : Christus passus est pro nobis, relínquens nobis exéplum, ut sequámur vestigia ejus.

R. Tamquam aurum in fornáce probávit eléctos Dóminus, et quasi holocáusti hóstiam accépit illos : et in témpore erit respéctus illórum : * Quóniam donum et pax est eléctis Dei. **V.** Qui confidunt in illum, intélligent veritátem : et fidéles in dilectione acquiescent illi. Quóniam. Glória Patri. Quóniam.

In tertio Nocturno.

Ánt. Justi autem * in per-

pétuum vivent, et apud Dóminum est merces eórum.

Psalmus 32.

EXULTATE, justí, in Dómino : * rectos decet colaudátio.

Confitémini Dómino in cíthara : * in psaltério decem chordárum psállite illi. Cantáte ei cánticum novum : * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et júdícium : * misericórdia Dómini plena est terra.

Verbo Dómini cœli firmáti sunt : * et spíritu oris ejus omnis virtus eórum.

Cóngregans sicut in utre aquas maris : * ponens in thesáuris abyssos.

Tímeat Dóminum omnis terra : * ab eo autem commoveántur omnes inhabitántes orbem.

Quóniam ipse dixit, et facta sunt : * ipse mandávit, et creáta sunt.

Dóminus dissipat consília géntium : * réprobat autem cogitatiónes populórum, et réprobat consília princípum. Consílium autem Dómini in ætérnum manet : * cogitatiónes cordis ejus in generatióne et generatióne.

Beáta gens, cujus est Dñus Deus ejus : * pópulus, quem elégit in hereditátem sibi.

De cœlo respexit Dóminus : *
vidit omnes filios hóminum.

De præparato habitáculo suo
* respexit super omnes, qui
hábitant terram.

Qui finxit sigillátim corda
eórum : * qui intélligit óm-
nia ópera eórum.

Non salvátur rex per mul-
tam virtútem : * et gigas
non salvábitur in multítu-
dine virtútis suæ.

Pallax equus ad salútem :
* in abundántia autem vir-
tútis suæ non salvábitur.

Ecce óculi Dómini super
metuéntes eum : * et in eis,
qui sperant super miseri-
córdia ejus.

Et éruat a morte ánimas eó-
rum : * et alat eos in fame.

Anima nostra sústinet Dó-
minum : * quóniam adjú-
tor et protéctor noster est.

Graia in eo lætábitur cor no-
strum : * et in nómine san-
cto ejus sperávimus.

Fiat misericórdia tua, Dó-
mine, super nos : * quem-
admodum sperávimus in te.

Abs. Justi autem in perpé-
tuum vivent, et apud Dó-
minum est merces eórum.

Ans. Tradidérunt * córpora
sua in mortem, ne servirent
idólis : ideo coronáti pós-
sident palmam.

Psalmus 23.

BENEDICAM Dóminum in
omni témpore : * sem-
per laus ejus in ore meo.
In Dómino laudábitur áni-

ma mea : * audiant man-
suéti, et læténtur.

Magnificáte Dóminum me-
cum : * et exaltémus nomen
ejus in idípsum.

Exquisivi Dóminum, et ex-
audivit me : * et ex ómni-
bus tribulatióibus meis
eripuit me.

Accédite ad eum, et illumi-
námini : * et fácies vestræ
non confundéntur.

Iste pauper clamávit, et Dó-
minus exaudivit eum : * et
de ómnibus tribulatióibus
ejus salvávit eum.

Immittet Angelus Dómini in
circúitu tíméntium eum : *
et eripiet eos.

Gustáte, et vidéte quóniam
suávis est Dóminus : * beá-
tus vir, qui sperat in eo.

Tíméte Dóminum, omnes
sancti ejus : * quóniam non
est inópia tíméntibus eum.

Rivites eguérunt et esurié-
runt : * inquirentes autem
Dóminum non minuéntur
omni bono.

Venite, filii, audíte me : * tí-
mórem Dómini docébo vos.

Quis est homo qui vult vitā :
* diligit dies vidére bonos?

Próhibe linguam tuam a
malo : * et lábia tua ne lo-
quántur dolum.

Rivérte a malo, et fac bo-
num : * inquire pacem, et
perséquare eam.

Oculi Dómini super justos :
* et aures ejus in preces
eórum.

Vultus autem Dómini super faciētes mala : * ut perdat de terra memóriam eórum.

Clamavérunt justī, et Dóminus exaudivit eos : * et ex ómnibus tribulatió nibus eórum liberávit eos.

Iuxta est Dóminus iis, qui tribuláto sunt corde : * et húmiles spíritu salvábit.

Multæ tribulatió nes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delinquent.

Rédimet Dóminus ánimas servórum suórum : * et non delinquent omnes qui sperant in eo.

Ans. Tradidérunt cōrpora sua in mortem, ne servírent idólis : ideo coronáti póssident palmam.

Añs. Ecce merces * Sanctórum copiósa est apud Deum : ipsi vero mórtui sunt pro Christo, et vivent in ætérnum.

Psalmus 43.

DEUS noster refúgium, et virtus : * adjútor in tribulatió nibus, quæ invénérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt et turbátæ sunt aquæ eórum : * conturbáti sunt montes in fortitúdine ejus.

Flúminis impetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscep tor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ. Arcum cōteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscep tor noster Deus Jacob.

Añs. Ecce merces Sanctórum copiósa est apud Deum : ipsi vero mórtui sunt pro Christo, et vivent in ætérnum. *v.* Justī autem in perpétuum vivent. *r.* Et apud Dóminum est merces eórum.

pater noster. *Absol.* *v.* Jube, domne. *Bened.* Evangélica lécio.

Lectio sancti Evangélíi
secúndum Lucam.

Lectio vij. Cap. 21. c

In illo témpore : Dixit Je-
sus discíplis suis : Cum
audiéritis praelia, et sedi-
tiones, nolite terréri : opór-
tet primum hæc fieri, sed
nondum statim finis. Et
réliqua.

Homilia S. Gregórii Papæ.

Hom. 35. in Evang.

Dominus ac Redemptor
noster perituri mundi
præcurréntia mala denún-
tiat, ut eo minus perturbent
veniéntia, quo fúerint præ-
scíta. Minus enim jácula
fériunt quæ prævidéntur :
et nos tolerabilius mundi
mala suscipimus, si contra
hæc per præsciéntiæ cly-
peum munimur. Ecce enim
dicit : Cum audiéritis præ-
lia, et seditiões, nolite
terréri : opórtet enim pri-
mum hæc fieri, sed nondum
statim finis. Pensánda sunt
verba Redemptóris nostri,
per quæ nos áliud intérius,
áliud extérius passúros esse
denúntiat. Bella quippe ad
hostes pértinent, seditiões
ad cives. Ut ergo nos índi-
cet intérius exteriúsque tur-
bári, áliud nos fatétur ab
hóstibus, áliud a fratribus
pérpeti.

ñ. Propter testaméntum
Dómini, et leges patérnas,
Sancti Dei perstitérunt in
amóre fraternitátis : * Quia

unus fuit semper spíritus
in eis, et una fides. *Ÿ.* Ecce
quam bonum et quam ju-
cúndum habitáre fratres in
unum! Quia. *Bened.* Quo-
rum festum cólimus.

Lectio viij.

Sed his malis prævenién-
tibus, quia non statim
finis sequátur, adjúngit :
Surget gens contra gentem,
et regnum advérsus regnum:
et terræmótus magni erunt
per loca, et pestiléntiæ, et
fames, terrorésque de cælo,
et signa magna erunt. Ulti-
ma tribulatio multis tribu-
laciónibus prævenítur : et
per crebra mala, quæ præ-
veniunt, indicántur mala
perpétua, quæ subsequéntur.
Et ideo post bella et sediti-
ones non statim finis : quia
multa debent mala præcúr-
rere, ut malum váleant sine
fine nuntiáre.

ñ. Sancti mei, qui in car-
ne pósito, certámen habuí-
stis : * Mercédem labóris
ego reddam vobis. *Ÿ.* Veníte,
benedícti Patris mei, per-
cípите regnum. Mercédem.
Glória Patri. Mercédem.
Bened. Ad societátem.

Sequens ñ. dicitur post
vij. vel ij. Lect. in Festo
plur. Mart. fratrum.

ñ. Hæc est vera frater-
nitas, quæ numquam pó-
tuit violári certámine : qui
effúso sânguine secúti sunt
Dóminum : * Contemnéntes

aulam régiam, pervenérunt ad regna coeléstia. *V.* Ecce quam bonum et quam jucúndum habitáre fratres in unum ! Contemnéntes. Gló-
ria Patri. Contemnéntes.

Lectio ix.

SED cum tot signa pertur-
batiónis dicta sint, opór-
tet ut eórum consideratió-
nem breviter per singula
perstringámus : quia necesse
est, ut ália e cœlo, ália e
terra, ália ab eleméntis,
ália ab homínibus patiámur.
Ait enim : Surget gens con-
tra gentem, ecce perturbatio
hómínium : erunt terræmó-
tus magni per loca, ecce re-
spéctus iræ désuper : erunt
pestiléntiæ, ecce inæquáli-
tas córporum : erit fames,
ecce sterilitas terræ : terro-
résque de cœlo et tempe-
státes, ecce inæquálitás æ-
ris. Quia ergo ómnia con-
summánda sunt, ante con-
summationem ómnia pertur-
bántur : et qui in cunctis
deliquimus, in cunctis ferí-
mur : ut impleátur quod dí-
citur : Et pugnábit pro eo
orbis terrárum contra in-
sensátos.

Te Deum laudámus. 17.

AD LAUDES,

et per Horas. Ant.

1. Omnes sancti * quanta
passi sunt torménta, ut
secúri pervenírent ad pal-
mam martyrii ! *Ps.* Dómi-
nus regnávít, *cum reliq. 18.*

2. Cum palma * ad regna
pervenérunt Sancti, corónas
decóris meruérunt de manu
Dei.

3. Córpóra Sanctórum * in
pace sepúlta sunt : et vivent
nómina córum in ætérnum.

4. Mártýres Dómini, * Dñum
benedícite in ætérnum.

5. Mártýrum chorus, * lau-
dáte Dóminum de cœlis,
allelúia.

Capitulum. Sap. 3.

JUSTORUM animæ in manu
Dei sunt, et non tanget
illos torméntum mortis. Visi
sunt óculis insipiéntium mor-
ri : illi autem sunt in pace.

Hymnus.

REX glorióse Mártýrum,
Coróna confiténtium,
Qui respuéntes térrea
Perducis ad coeléstia.

Aurem benígnam prótinus,
Inténde nostris vóci-
bus :
Trophæa sacra pångimus,
Ignósce quod deliquimus.

Tu vincis inter Mártýres,
Parcísque Confessóribus :
Tu vince nostra crimina,
Largítor indulgéntiæ.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sæcu-
lum. Amen.

V. Exultábunt Sancti in
glória. *R.* Lætabúntur in
cubilibus suis.

Ad Benedictus. Ant.

Vestri capilli cápitis * omnes
numerátí sunt : nolite timé-

re : multis passéribus meliores estis vos.

Pro plurib. Mart. Pont.

Oratio.

BEATORUM Mátyrum, pariterque Pontíficum *N.* et *N.* nos, quæsumus Dómine, festa tueántur : et eórum comméndet orátio veneránda. Per Dóminum.

Si non fuerint Pontífices

Oratio.

DEUS, qui nos concédis sanctórum Mátyrum tuórum *N.* et *N.* natalitia colere : da nobis in æténa beatitúdine de eórum societáte gaudére. Per Dóminum.

Alia Oratio

DEUS, qui nos ánnua sanctórum Mátyrum tuórum *N.* et *N.* solemnitate lætíficas : concéde propítius ; ut, quorum gaudémus méritis, accendámur exémplicis. Per Dóminum.

Ad Tertiam, Añs

Cum palma.

Capit. Justórum. supra.

R. br. Lætámini in Dómino, * Et exultáte, justí. Lætámini. *ŷ.* Et gloriámini, omnes recti corde. Et. Glória Patri. Lætámini. *ŷ.* Exúltent justí in conspéctu Dei. *R.* Et delecténtur in lætítia.

Ad Sextam, Añs

Córpóra Sanctórum.

Capitulum. Sap. 40. d

REDDIDIT Deus mercédem labórum Sanctórum suórum, et dedúxit illos in via

mirábili : et fuit illis in velaménto diéi, et in luce stellárum nocte.

R. br. Exúltent justí * In conspéctu Dei. Exúltent. *ŷ.* Et delecténtur in lætítia. In. Glória Patri. Exúltent. *ŷ.* Justí autem in perpétuum vivent. *R.* Et apud Dóminum est merces eórum.

Ad Nonam, Añs.

Mátyrum chorus.

Capitulum. Sap. 3.

FULGEBUNT justí, et tamquam scintillæ in arundinétó discúrrunt. Judicábunt nátiónes, et dominabúntur pópulis : et regnábit Dóminus illórum in perpétuum. *R.* br. Justí autem * In perpétuum vivent. Justí. *ŷ.* Et apud Dóminum est merces eórum. In. Glória Patri. Justí. *ŷ.* Exultábunt Sancti in glória. *R.* Lætábúntur in cubílibus suis.

Ad Vesperas, Añs

1. Isti sunt Sancti * qui pro testaménto Dei sua córpora tradidérunt, et in sáanguine Agni lavérunt stolas suas. *Ps.* Dixit Dóminus, cum reliquis de Dñica 130. et loco ult. *Ps.* Crédidi. 134. 2. Sancti per fidem * vícerunt regna, operáti sunt justítiam, adépti sunt re-promissiónes.

3. Sanctórum velut * áquilæ juvéntus renovábitur : florébunt sicut lílium in civitate Dómini.

1. Abstérget Deus * omnem lácrymam ab óculis Sanctórum, et jam non erit ámplius neque luctus, neque clamor, sed nec ullus dolor: quóniam prióra transiérunt.

2. In cœléstibus regnis * Sanctórum habitatio est, et in ætérnum réquies eórum.

Capitulum et Hymnus ut in primis Vesperis. xlviii.

3. Exultábunt Sancti in glória. 4. Lætabúntur in cubilibus suis.

Ad Magnificat. Aná.

Gaudent in cœlis * ánimæ Sanctórum, qui Christi vestígia sunt secúti: et quia pro ejus amóre sánguinem suum fuderunt, ideo cum Christo exúltant sine fine.

2. ALIÆ LECTIONES

PRO PLURIBUS MART.

In secundo Nocturno.

Sermo sancti Joánnis Chrysóstomi.

Lectio iv.

Serm. 1. de Martyr. 1. 3.

NEMO est qui nésciat, mártyrum glórias ad hoc divíno consilio a Dei pópulis frequentári, ut et illis débitus honor dicétur; et nobis virtútis exémpa, favénte Christo, monstréntur: ut, dum hæc ita celebrári perspicimus, cognoscámus quanta eos glória máneat in cœlis, quorum natalitia táliter celebrántur in terris: quo possimus étiam ipsi tálibus provocári exémpis,

virtúte pari, devotióne consímili ac fide; ut, Christo præstánte, dimicáre, et vincere hostem possimus: ut, parata victória, cum iisdem Sanctis in regnis cœléstibus triumphémus.

5. Sancti tui, Dómine. liv.

Lectio v.

QUIS est enim, qui eórum volens mérito copulári, nisi prius constántiam eórum téneat, sectétur fidem, imitétur virtútem passiónis, eórum glóriam páribus vitæ lineaméntis aut invéniai, aut exquirat? Qui etsi mártýrio par esse non possit, tamen múnere tanti dignitáte se quisque bonis áctibus dignum præbeat. Adest enim clementíssimus Deus, qui desiderántibus suis aut mártýrium præbeat, aut sine mártýrio cum Sanctis præmia divína retribuat.

6. Vérbera. lv.

Lectio vj.

UT enim infirmátur peccátor advérsis, ita justus tentatióibus roborátur. Sic dimicárunť advérsus peccátum Sancti: sic et laborándo fortióres, et moriéndo victóres effécti sunt. Nullus athlétes sine certámine fortior dici, nullus sine victória póterit coronári. Nemo miles sine prælio hostem subjécit: nemo sine bello imperatórem proméruiť. Habes, Christiáne, competéntia arma.

quibus hostem expúgnes : habes fortíssima tela, quibus inimicum debélles.

R. Tamquam. *lv.*

In tertio Nocturno.

Lectio sancti Evangelii secundum Lucam.

Lectio vij. Cap. 6. c

In illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis. Et réliqua.

Homília sancti Ambrósii
Epíscopi.

Lib. 5. in Lucæ cap. 6.

ADVERTE ómnia diligén-ter, quómo- et cum Apóstolis ascéndat, et descéndat ad turbas. Quómo- enim turba nisi in húmili Christum vidéret? Non séquitur ad excélsa, non ascéndit ad sublimia. Dénique ubi descéndit, invénit infirmos : in excélsis enim infirmi esse non possunt. Hinc étiam Matthæus docet, in inferióribus débiles esse sanátos. Prius enim unusquisque sanándus est, ut paulátim virtútibus procedéntibus ascéndere possit ad montem. Et ideo quem-que in inferióribus sanat, hoc est, a libidine révocat, injúriam cæcitátis avértit. Ad vúlnera nostra descéndit : ut usu quodam et cópia suæ

natúræ, participes nos fáciat esse regni cœléstis.

R. Propter testaméntum Dñi, et leges patrénas, Sancti Dei perstitérunt in amóre fraternitátis : * Quia unus fuit semper spíritus in eis, et una fides. *¶* Ecce quam bonum et quam jucúndum habitáre fratres in unum ! Quia.

Lectio vij.

BEATI páuperes, quia vestrum est regnum Dei. Quátuor tantum beatitúdines sanctus Lucas dominícas pósuit, octo vero sanctus Matthæus : sed in illis octo istæ quátuor sunt, et in quátuor istis illæ octo. Hic enim quátuor velut virtútes ampléxus est cardinales : ille in illis octo mysticum númerum reserávit. Pro octáva enim multi inscribúntur Psalmi : et mandátum áccipis octo illis partem dare, fortásse benedictiónibus. Sicut enim spei nostræ octáva perféctio est, ita octáva summa virtútum est.

R. Sancti mei, qui in carne pósiti, certámen habuístis : * Mercédem labóris ego reddam vobis. *¶* Veníte, benedicti Patris mei, percípite regnum. Mercédem. *G*loria Patri. Mercédem.

Lectio ix.

SED prius quæ sunt amplióra videámus. Beáti, inquit, páuperes, quóniam vestrum est regnum Dei.

Primam benedictionem hanc uterque Evangelista posuit. Ordine enim prima est, et parens quædam generatioque virtutum : quia qui contempserit sæcularia, ipse merebitur sempiterna : nec potest quisquam meritum regni cœlestis adipisci, qui mundi cupiditate pressus, emergendi non habet facultatem.

I e Deum laudamus. 17.

3. ALIA HOMILIA.

Lectio sancti Evangelii secundum Lucam.

Lectio vij. Cap. 12.

In illo tempore : Dixit Jesus discipulis suis : Attendite a fermento Phariseorum, quod est hypocrisis. Et reliqua. Homilia venerabilis Bedæ Presbyteri.

Lib. 4. in Lucam, cap. 52.

DE hoc fermento Apóstolus præcipit : Itaque epulémur, non in fermento veteri, neque in fermento malitiæ et nequitiae, sed in ázymis sinceritatis et veritatis. Nam sicut modicum fermentum totam farinae, cui injicitur, massam corrumpit, universamque mox conspersionem suo sapore commaculat : sic nimirum simulatio, cujus semel animum imbuerit, tota virtutum sinceritate et veritate fraudabit. Est ergo sensus : Attendite, ne æmulémini simulatores, quia veniet profecto tempus, in quo et ve-

stra virtus omnibus, et eorum reveletur hypocrisis.

℞. Propter. Ixij.

Lectio viij.

VERUM quod sequitur : Quoniam quæ in tenebris dixistis, in lumine dicentur : non solum in futuro, quando cuncta cordium abscondita proferentur ad lucem, sed et in præsentí tempore potest congruenter accipi : quoniam quæ inter tenebras quondam pressurarum, carcerumque umbras, vel locuti, vel passi sunt Apóstoli; nunc, clarificata per orbem Ecclesia, lectis eorum actibus, publice prædicantur. Ne terreámini ab his qui occidunt corpus. Si persecutores Sanctorum, occisis corporibus, non habent amplius quid contra illos agant; ergo supervacua furunt insania, qui mortua Mártyrum membra feris avibusque discerpenda projiciunt, cum nequáquam omnipotentiae Dei, quin ea resuscitando vivificet, obsistere possint.

℞. Sancti mei. liij.

Lectio ix.

DUO autem sunt genera persecutorum : unum palam sæviéntium, álium fide fraudulénterque blandiéntium. Contra utrúmque nos munire, atque instituire volens Salvátor, et supra ab hypocrisi Phariseorum attendere, et hic a carnificum

cæde præcipit non timere :
quia videlicet post mortem
nec horum crudelitas, nec
illorum valeat simulatio du-
rare. Nonne quinque pásse-
res véneunt dipondio ? Si
minutissima, inquit, animá-
lia, et quæ quolibet per æra
ferúntur volatília, Deus obli-
visci non potest ; vos, qui
ad imáginem facti estis
Creatóris, non debétis ter-
reri ab his qui occidunt cor-
pus : quia qui irrationabilia
animália gubérnat, rationa-
bília curare non désinit.

Te Deum laudamus. 17.

COMMUNE

CONFESSORIS PONTIFICIS.

¶ Notandum quod, si fue-
rit intra tempus Pasch., ser-
vanda est Rubrica posita
supra. lxviij.

Ad Vesperas, Añá. Ecce
sacérdos magnus, cum reliq.
de Laud. Ps. Dixit Dómi-
nus, cum reliq. de Dñica.
130. et loco ult. Ps. Laudáte
Dñum, omnes gentes. 134.

Capitulum. Eccli. 44. c

ECCE sacérdos magnus, qui
in diébus suis placuit
Deo, et invéntus est justus :
et in témpore iracúndiæ fa-
ctus est reconciliatio.

Hymnus.

ISTE Conféssor Dómini,
coléntes

Quem pie laudant pópuli
per orbem,

Hac die lætus méruit beátas
Scándere sedes.

Si non est dies obitus de-
Hac die lætus méruit su-
prémós

Laudis honóres.

Qui pius, prudens, húmilis,
pudicus,

Sóbriam duxit sine labe
vitam,

Donec humános animávit
auræ

Spiritus artus.

Cujus ob præstans méritum,
frequénter

Ægra, quæ passim jacuere,
membra,

Viribus morbi dómitis, sa-
lúti

Restituúntur.

Noster hinc illi chorus ob-
sequéntem

Cóncinit laudem, celebrés-
que palmas ;

Ut piis ejus précibus juvé-
mur

Omne per ævum.

Sit salus illi, decus, at-
que virtus ;

Qui super cœli sólio corú-
seans,

Tótius mundi sériem gu-
bérnat,

Trinus et unus. Amen.

¶ Amávit eum Dóminus,
et ornávit eum. ii. Stola
glóriæ induit eum.

Ad Magnificat. Añá.

Sacérdos et Póntifex, * et
virtútum ópifex, pastor
bone in pópulo, ora pro no-
bis Dóminum.

Pro Doctoribus Añá et
Oratio infra. lxxviij.

Pro Confessore Pontif.

Oratio.

DA, quæsumus omnipotens Deus : ut beāti **N.** Confessoris tui atque Pontificis, veneranda sollemnitas et devotionem nobis augeat et salutem. Per Dóminum.

Alia Oratio.

EXAUDI, quæsumus Dómine, preces nostras, quas in beāti **N.** Confessoris tui atque Pontificis, sollemnitate deferimus : et qui tibi digne méruit famulári, ejus intercedéntibus méritis ab ómnibus nos absolve peccátis. Per Dóminum.

Ad Matutinum, Invitat.

Regem Confessorum Dóminum, * Veníte, adorémus. **Ps.** Veníte. 2.

Hymnus. Iste Confessor, ut supra. lxiv.

In primo Nocturno.

Ana. Beátus vir, * qui in lege Dómini meditátur : volúntas ejus pérmanet die ac nocte, et ómnia quæcúmque faciet, semper prosperabúntur.

Psalmus 1.

BEATUS vir, qui non ábiit in consilio impiórum, et in via peccatórum non stetit, * et in cáthedra pestiléntiæ non sedit :

sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus

VERNA.

decúrsus aquárum, * quod fructum suum dabit in témpore suo :

Et fólium ejus non défluet : * et ómnia quæcúmque faciet, prosperabúntur.

Non sic impii, non sic : * sed tamquam pulvis, quem prójicit ventus a fácie terræ.

Ideo non resúrgent impii in judicio : * neque peccátóres in concilio justórum.

Quóniam novit Dóminus viam justórum : * et iter impiórum peribit.

Ana. Beátus vir, qui in lege Dómini meditátur : volúntas ejus pérmanet die ac nocte, et ómnia quæcúmque faciet, semper prosperabúntur.

Ana. Beátus * iste Sanctus, qui confisus est in Dómino, prædicávit præcéptum Dómini, constitútus est in monte sancto ejus.

Psalmus 2.

QUARE fremuérunt gentes, * et pópuli meditáti sunt inánia ?

Astitérunt reges terræ : et príncipes convenérunt in unum, * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cœlis irridébit eos : * et Dóminus subsannábit eos.

Tunc loquétur ad eos in

ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi Gentes hereditátem tuam, * et possessionem tuam terminos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudimini qui judicátis terram.

Servite Dómino in timóre : * et exultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Añá. Beátus iste Sanctus, qui confisus est in Dómino, prædicávit præcéptum Dómini, constitútus est in monte sancto ejus.

Añá. Tu es glória mea, * tu es suscéptor meus, Dómine ? tu exáltans caput meum, et exaudisti me de monte sancto tuo.

Psalmus 3.

DOMINE, quid multiplicáti sunt qui tribulant me ? * multi insúrgunt advérsum me.

Multi dicunt animæ meæ : * non est salus ipsi in Deo ejus.

Tu autem, Dómine, suscéptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exurréxi, quia Dóminus suscepit me.

Non timébo millia pópuli circumdántis me : * exúrge, Dómine, salvum me fac Deus meus.

Quóniam tu percussisti omnes adversántes mihi sine causa : * dentes peccatórum contrivisti.

Dómini est salus : * et super pópulum tuum benedictio tua.

Añá. Tu es glória mea, tu es suscéptor meus, Dómine : tu exáltans caput meum, et exaudisti me de monte sancto tuo. **Ÿ.** Amávit eum Dóminus, et ornávit eum. **R.** Stulam glóriæ induit eum.

Pater noster. **Absolutio.** Exáudi, Dómine. **Ÿ.** Jube, domne. **Bened.** Benedictiōne perpétua.

De Epístola prima B. Pauli Apóstoli ad Timótheum.

Lectio j. Cap. 3.

FIDELIS sermo : Si quis Episcopátum desiderat, bonum opus desiderat. Opórtet ergo Episcopum irreprehensibilem esse, unius uxó-

ris virum, sóbrium, prudéntem, ornátum, pudicum, hospitálem, doctórem, non vinoléntum, non percussórem, sed modéstum; non litigiósum, non cupidum, sed suæ dómui bene præpósitum, filios habéntem súbditos cum omni castitáte. Si quis autem dómui suæ præesse nescit, quómodo Ecclesiæ Dei diligéntiam habébit? Non neóphytum: ne in supérbiam elátus, in iudiciu[m] incidat diaboli. Opórtet autem illum et testimónium habére bonum ab iis qui foris sunt, ut non in oppróbriu[m] incidat, et in láqueu[m] diaboli.

R. Euge, serve bone et fidélis, quia in pauca fuísti fidélis, supra multa te constituam: * Intra in gáudiu[m] Dómini tui. **V.** Dómine, quinque talénta tradidisti mihi, ecce ália quinque superlucrátus sum. Intra. **Bened.** Unigénitus.

De Epístola ad Titum.

Lectio ij. Cap. 1. b

OPORTET enim Episcopum sine crimine esse, sicut Dei dispensatórem: non supérbu[m], non iracúndu[m], non vinoléntu[m], non percussórem, non turpis lucri cupidum: sed hospitálem, benignu[m], sóbriu[m], justu[m], sanctu[m], continéntem, amplecténtem eum, qui secúndu[m] doctrinam est, fidélem

sermónem: ut potens sit exhortári in doctrína sana, et eos, qui contradicunt, argúere. Sunt enim multi étiam inobediéntes, vaniloqui, et seductóres; máxime qui de circumcisióne sunt, quos opórtet redárgui: qui univérsas domos subvertunt, docéntes quæ non opórtet, turpis lucri grátia. **R.** Ecce sacérdos magnus, qui in diébus suis plácuit Deo: * Ideo jurejurádo fecit illum Dóminus créscere in plebem suam. **V.** Benedictiónem ómnium géntium dedit illi, et testaméntu[m] suu[m] confirmávit super caput ejus. Ideo. **Bened.** Spiritus sancti grátia.

Lectio iij. Cap. 2.

TU autem lóquere quæ decent sanam doctrínam: Senes ut sóbrii sint, pudíci, prudéntes, sani in fide, in dilectiône, in patiéntia: Anus similiter in hábitu sancto, non criminatríces, non multo vino serviéntes, bene docéntes: ut prudentiam dóceant adoléscentulas, ut viros suos ament, filios suos díligant, prudéntes, castas, sóbrias, domus curam habéntes, benignas, súbditas viris suis, ut non blasphemétur verbum Dei. Júvenes similiter hortáre ut sóbrii sint. In ómnibus teípsum præbe exéplum bonórum ópe-

rum, in doctrina, in integritate, in gravitate, verbum sanum, irreprehensibile : ut is, qui ex adverso est, vereatur, nihil habens malum dicere de nobis.

R. Juravit Dominus, et non poenitebit eum : * Tu es sacerdos in ætérnum secundum ordinem Melchisedech.

V. Dixit Dominus Domino meo : Sede a dextris meis. Tu. **Gloria Patri. Tu.**

In secundo Nocturno.

Añá. Invocántem exaudivit * Dominus Sanctum suum, Dominus exaudivit eum, et constituit eum in pace.

Psalmus 4.

CUM invocárem, exaudivit me Deus justitiæ meæ : * in tribulatione dilatásti mihi.

Miserere mei, et exáudi orationem meam.

Filii hóminum úsquequo gravi corde ? * utquid diligitis vanitátem, et quæritis mendácium ?

Et scitôte quóniam mirificávit Dominus sanctum suum : * Dominus exáudiet me, cum clamávero ad eum.

Iraseímini, et nolite peccare : * quæ dicitis in córdibus vestris, in cubilibus vestris compungímini.

Sacrificáte sacrificium justitiæ, et speráte in Dómino. * Multi dicunt : Quis osténdit nobis bona ?

Signátum est super nos lu-

men vultus tui, Dómine : * dedísti lætítiam in corde meo.

A fructu fruménti, vini, et ólei sui : * multiplicáti sunt.

In pace in idípsum * dormiam, et requiéscam :

Quóniam tu, Dómine, singularíter in spe * constituísti me.

Añá. Invocántem exaudivit Dominus sanctum suum, Dominus exaudivit eum, et constituit eum in pace.

Añá. Læténtur omnes, * qui sperant in te, Dómine : quóniam tu benedixisti justo, scuto bonæ voluntátis tuæ coronásti eum.

Psalmus 5.

VERBA mea áuribus péci-pe, Dómine, * intéllege clamórem meum.

Inténde voci oratiónis meæ : * Rex meus, et Deus meus.

Quóniam ad te orábo : * Dómine, mane exáudies vocem meam.

Mane astábo tibi, et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multítudine misericórdiæ tuæ,

Introibo in domum tuam : *
adorabo ad templum san-
ctum tuum in timóre tuo.

Dómine, deduc me in ju-
stitia tua : * propter inimi-
cos meos dirige in conspé-
ctu tuo viam meam.

Quóniam non est in ore
eórum véritas : * cor eórum
vanum est.

Sepúlchrum patens est gut-
tur eórum, linguis suis do-
lóse agébant : * júdica illos
Deus.

Décidant a cogitationibus
suis, secúndum multitudi-
nem impietátum eórum ex-
pélle eos : * quóniam irri-
taverunt te, Dómine.

Et læténtur omnes, qui spe-
rant in te, * in ætérnum exul-
tábunt : et habitábis in
eis.

Et gloriabúntur in te om-
nes, qui diligunt nomen
tuum, * quóniam tu bene-
díces justo.

Dómine, ut scuto bonæ vo-
luntátis tuæ * coronásti
nos.

Añs. Læténtur omnes, qui
sperant in te, Dómine,
quóniam tu benedixísti ju-
sto : scuto bonæ voluntátis
tuæ coronásti eum.

Añs. Dómine Dóminus no-
ster, * quam admirábile est
nomen tuum in univér-
sa terra ! quia glória et honóre
coronásti Sanctum tuum,
et constituísti eum super
ópera mánuum tuárum.

Psalmus 8.

DOMINE Dóminus noster,
* quam admirábile est
nomen tuum in univér-
sa terra !

Quóniam eleváta est ma-
gnificéntia tua * super cœ-
los.

Ex ore infántium et lactén-
tium perfecísti laudem pro-
pter inimicos tuos, * ut
déstruas inimicum et ultó-
rem.

Quóniam vidébo cœlos tuos,
ópera digitórum tuórum :
* lunam et stellas, quæ tu
fundásti.

Quid est homo, quod me-
mor es ejus ? * aut filius hó-
minis, quóniam vísitas eum ?

Minuísti eum paulo minus
ab Angelis, glória et honó-
re coronásti eum ; * et con-
stituísti eum super ópera
mánuum tuárum.

Omnia subjecísti sub pé-
dibus ejus, * oves et boves
univérsas : insuper et pé-
cora campi.

Vólucres cœli, et pisces
maris, * qui perámbulant
sémitas maris.

Dómine Dóminus noster,
* quam admirábile est
nomen tuum in univér-
sa terra !

Añs. Dómine Dóminus no-
ster, quam admirábile est
nomen tuum in univér-
sa terra ! quia glória et honóre
coronásti Sanctum tuum, et
constituísti eum super ópera

mánuum tuárum. **Ÿ.** Elég it eum Dóminus sacerdotem sibi. **R.** Ad sacrificándum ei hóstiam laudis. **Pater noster.** **Absolutio.** Ipsius pietas. **Ÿ.** Jube, domne **Bened.** Deus Pater omnípotens. Sermo S. Máximi Epíscopi.

Lectio iv.

Hom. 59., de S. Euseb. 2.

AD sancti ac beatíssimi Patris nostri **N.** cujus hódie festa celebrámus, laudes addidisse, áliquíd decerpísse est: síquidem virtútum ejus grátia non sermónibus exponénda est, sed opéribus comprobánda. Cum enim dicat Scriptúra: Glória patris est filius sapiens: quantæ hujus sunt glóriæ, qui tantórum filiórum sapiéntia, et devotióne lætátur? In Christo enim Jesu per Evangélium ipse nos génuít.

R. Invéni David servum meum, óleo sancto meo unxi eum: * Manus enim mea auxiliábitur ei. **Ÿ.** Nihil proficiet inimícus in eo, et filius iniquitátis non nocébit ei. Manus. **Bened.** Christus perpétuæ.

Lectio v.

QUIDQUID igitur in hac sancta plebe potest esse virtútis et grátiae, de hoc quasi quodam fonte lucidíssimo, ómnium rivulórum púritas emanávit. Etenim quia castitátis pollébat vi-

góre, quia abstinéntiæ gloriabátur angústis, quia blandiméntis erat præditus lenitátis, ómnium civium in Deum provocávit afféctum, quia Pontificis administratióne fulgébat, plures e discípulis relíquit sui sacerdotii successóres.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei. **Ÿ.** Invéni David servum meum, óleo sancto meo unxi eū. Manus. **Bened.** Ignem sui amóris.

Lectio vj.

BENE et cóngrue in hac die, quam nobis beáti Patris nostri **N.** ad paradísum tránsitus exultábilem reddit, præsentis Psalmi versículum decantávimus: In memória ætéRNA erit justus. Digne enim in memóriam vértitur hóminum, qui ad gáudium tránsiit Angelórum. Dicit sermo divínus: Ne laudes hóminem in vita sua: tamquam si díceret, Lauda post vitam, magnífica post consummationem. Dúplici enim ex causa utílius est hóminum magis memóriæ laudem dare, quam vitæ; ut illo potíssimum témpore mérita sanctitátis extóllas, quando nec laudántem adulatio móveat, nec laudátum tentet elátio.

R. Iste est qui ante Deum magnas virtutes operatus est, et omnis terra doctrina ejus repléta est : * Ipse intercedat pro peccatis omnium populorum. **V.** Iste est qui contempsit vitam mundi, et pervénit ad cœlestia regna. Ipse. **Gloria Patri.** Ipse.

In tertio Nocturno.

Añā. Dómine, iste Sanctus * habitabit in tabernáculo tuo, operatus est justitiam, requiescet in monte sancto tuo.

Psalmus 14.

DOMINE, quis habitabit in tabernáculo tuo? * aut quis requiescet in monte sancto tuo?

Qui ingreditur sine mácula, * et operatur justitiam?

Qui loquitur veritatem in corde suo, * qui non egit dolum in lingua sua :

Nec fecit próximo suo malum, * et opprobrium non accépit adversus próximos suos.

Ad nihilum deductus est in conspectu ejus malignus : * timéntes autem Dóminum glorificat :

Qui jurat próximo suo, et non decipit, * qui pecuniam suam non dedit ad usuram, et munera super innocentem non accépit.

Qui facit hæc, * non movébitur in ætérnum.

Añā. Dómine, iste San-

ctus habitavit in tabernáculo tuo, operatus est justitiam, requiescet in monte sancto tuo.

Añā. Vitam pétiit * a te, et tribuisti ei, Dómine : glóriam et magnum decórem imposuisti super eum : posuisti in cápite ejus corónam de lapide pretioso.

Psalmus 20.

DOMINE, in virtute tua lætábitur rex : * et super salutare tuum exultabit vehementer.

Desidérium cordis ejus tribuisti ei : * et voluntate labiów ejus non fraudasti eum.

Quóniam prævenisti eum in benedictionibus dulcedinis : * posuisti in cápite ejus corónam de lapide pretioso.

Vitam pétiit a te : * et tribuisti ei longitudinem diérum in sæculum, et in sæculum sæculi.

Magna est glória ejus in salutari tuo : * glóriam et magnum decórem impónes super eum.

Quóniam dabis eum in benedictionem in sæculum sæculi : * lætificabis eum in gáudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua ómnibus inimicis tuis : * de-

xtera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consilia, quæ non potuérunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre, Dómine, in virtúte tua : * cantábitus et psallémus virtútes tuas.

Añs. Vitam pétiiit a te, et tribuísti ei, Dómine : glóriam et magnum decórem imposuísti super eum : posuísti in cápite ejus corónam de lápide pretióso.

Añs. Hic accípiet * benedictiónem a Dómino, et misericórdiam a Deo salutári suo : quia hæc est generátio quæréntium Dóminum.

Psalmus 23.

DOMINI est terra, et plenitúdo ejus : * orbis terrárum, et univérsti, qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini ? * aut quis stabit in loco sancto ejus ?

Innocens mánibus, et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas, príncipes, vestras ; et elevámini portæ æternáles : * et introibit Rex glóriæ.

Quis est iste Rex glóriæ ? * Dóminus fortis et potens : Dóminus potens in prælio.

Attóllite portas, príncipes, vestras ; et elevámini portæ æternáles : * et introibit Rex glóriæ.

Quis est iste Rex glóriæ ? * Dóminus virtútum ipse est Rex glóriæ.

Añs. Hic accípiet benedictiónem a Dómino, et misericórdiam a Deo salutári suo : quia hæc est generátio quæréntium Dóminum. **V.** Tu es sacérdos in ætérnum. **R.** Secúndum órđinem Melchisedech. **P**ater noster.

Absolutio. A vñculis. **V.** Jube, domne. **Bened.** Evangélica lécitio.

Lécitio sancti Evangélii secúndum Matthæum.

Lectio vij. Cap. 23.

In illo témpore : Dixit Jesus discipulis suis parabolam hanc : Hómo péregre

proficiens, vocavit servos suos, et tradidit illis bona sua. Et reliqua.

Homilia S. Gregorii Papæ.

Homilia 9. in Evangelia.

LECTIO sancti Evangelii, fratres charissimi, sollicitate considerare nos admonet, ne nos, qui plus ceteris in hoc mundo accepisse aliquid cernimur, ab Auctore mundi gravius inde judicemur. Cum enim augentur dona, rationes etiam crescunt donorum. Tanto ergo esse humilior, atque ad serviendum Deo promptior quisque debet ex munere, quanto se obligatiorem esse conspiciat in reddenda ratione. Ecce homo, qui peregre proficitur, servos suos vocat, eisque ad negotium talenta partitur. Post multum vero temporis positurus rationem revertitur. Bene operantes pro apportato lucro remunerat, servum vero a bono opere torpentem damnat.

R. Amavit eum Dominus et ornavit eum, stolam gloriæ induit eum : * Et ad portas paradisi coronavit eum. **V.** Induit eum Dominus lorica fidei, et ornavit eum. Et. **Bened.** Cujus festum colimus.

Lectio viij.

QUIS itaque iste homo est, qui peregre proficitur, nisi Redemptor noster, qui in ea carne quam assumpse-

rat, abiit in cœlum ! Carnis enim locus proprius terra est; quæ quasi ad peregrina ducitur, dum per Redemptorem nostrum in cœlo collocatur. Sed homo iste peregre proficiens, servis suis bona sua tradidit, quia fidelibus suis spiritalia dona concessit. Et uni quidem quinque talenta, alii duo, alii vero commisit unum. Quinque etenim sunt corporis sensus, videlicet : visus, auditus, gustus, odoratus, et tactus. Quinque ergo talentis, donum quinque sensuum, id est, exteriorum scientia exprimitur. Duobus vero, intellectus et operatio designatur. Unius autem talenti nomine, intellectus tantummodo designatur.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis.

V. Vigilâte ergo, quia nescitis qua hora Dominus vester venturus sit. Et. **Bened.** Ad societatem.

Lectio ix.

SED is, qui quinque talenta accepit, alia quinque lucratus est : quia sunt nonnulli, qui etsi interna ac mystica penetrare nesciunt, pro intentione tamen supernæ patriæ docent recta quos possunt, de ipsis

exterióribus, quæ accepérunt, duplum taléntum portant: dumque se a carnis petulantia, et a terrenarum rerum ámbitu, atque a visibilium voluptate custódiunt, ab his étiam álios admonéndo compéscunt. Et sunt nonnulli, qui quasi duóbus taléntis ditáti, intelléctum atque operationē percipiunt, subtilia de intérnis intélligunt, mira in exterióribus operántur. Cumque et intelligéndo et operándo áliis prædicant, quasi duplicátum de négotio lucrum repórtant.

Te Deum laudámus. 17.

AD LAUDES,

et per Horas. Añæ.

1. Ecce sacérdos magnus, * qui in diébus suis plácuit Deo, et invéntus est justus.

Ps. Dóminus regnávít, cum reliquis. 48.

2. Non est invéntus * símilis illi, qui conserváret legem Excélsi.

3. Ideo jurejurándo * fecit illum Dóminus créscere in plebem suam.

4. Sacerdótes Dei, benedicite Dñum: servi Dómini, hymnum dicite Deo, allelúia.

5. Serve bone * et fidélis, intra in gáudium Dómini tui.

Capitulum. Eccli. 44. c

Ecce sacérdos magnus, qui in diébus suis plácuit Deo, et invéntus est justus: et in témpore iracundiæ factus est reconciliátió.

Hymnus.

JESU, Redémptor ómnium, Perpes coróna Præsulum, In hac die eleméntius Indúlgeas precántibus;

Tui sacri qua nóminis Conféssor almus cláruit: Hujus celébrat ánnua Devóta plebs solémnia.

Qui rite mundi gáudia Hujus cadúca réspuens, Æternitátis præmio Potítur inter Angelos.

Hujus benignus ánnue Nobis sequi vestigia: Hujus precátu sérvulis Dimítte noxam criminis.

Sit, Christe, Rex piíssime, Tibi, Patrique glória, Cum Spíritu Paráclito, Nunc, et per omne sæculum. Amen.

V. Justum dedúxit Dóminus per vias rectas. **R.** Et osténdit illi regnum Dei.

Ad Benedictus. Añæ.

Euge, serve bone * et fidélis, quí in pauca fuísti fidélis, supra multa te constitúam, dicit Dóminus.

Oratio.

DA, quæsumus, omnipotens Deus: ut beáti **N.** Confessóris tui atque Pontificis, veneránda solémnitas et devotiónem nobis áugeat, et salútem. Per Dóminum.

Alia Oratio.

EXAUDI, quæsumus Dómine, preces nostras, quas in beáti **N.** Confessóris tui atque Pontificis, sole-

mnitate desérimus; et qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

Ad Tertiam, Añs.

Non est invéntus.

Capit. Ecce sacerdos. lxxiv.

ñ. br. Amávit eum Dóminus,

* Et ornávit eum. Amávit.

ñ. Stola *G*lóriae induit eum. Et. Glória Patri. Amávit. *ñ.* Elégit eum Dóminus sacerdotem sibi. *ñ.* Ad sacrificándum ei hóstiam laudis.

ñ Temp. Pasch., ñ. br. Amávit eum Dóminus, et ornávit eum. * Allelúia, allel. Amávit. *ñ.* Stola glóriae induit eum. Allelúia, allel. Glória Patri. Amávit. *ñ.* Elégit eum Dóminus sacerdotem sibi, allel. *ñ.* Ad sacrificándum ei hóstiam laudis, allel.

Ad Sextam, Añs.

Ideo jurejurádo.

Capitulum. Eccli. 44. c

NON est invéntus similis illi, qui conserváret legem Excélsi: ideo jurejurádo fecit illum Dóminus créscere in plebem suam.

ñ. br. Elégit eum Dóminus * Sacerdotem sibi. Elégit. *ñ.* Ad sacrificándum ei hóstiam laudis. Sacerdotem. Glória Patri. Elégit. *ñ.* Tu es sacerdos in ætérnum. *ñ.* Secundum ordinem Melchisedech.

ñ Temp. Pasch., ñ. br. Elégit eum Dóminus sacer-

dotem sibi. * Allelúia, allel. Elégit. *ñ.* Ad sacrificándum ei hóstiam laudis. Allelúia, allel. Glória Patri. Elégit. *ñ.* Tu es sacerdos in ætérnum, allelúia. *ñ.* Secundum ordinem Melchisedech, allelúia.

Ad Nonam, Añs.

Serve bone.

Capitulum. Eccli. 45. c

FUNGI sacerdotio, et habére laudem in nómine ipsius, et offerre illi incénsus dignum in odórem suavitátis.

ñ. br. Tu es sacerdos * In ætérnum. Tu es. *ñ.* Secundum ordinem Melchisedech. In. Glória Patri. Tu. *ñ.* Justum deduxit Dóminus per vias rectas. *ñ.* Et osténdit illi regnum Dei.

ñ Temp. Pasch., ñ. br. Tu es sacerdos in ætérnum. * Allelúia, allelúia. Tu es. *ñ.* Secundum ordinem Melchisedech. Allelúia, allel. Glória Patri. Tu es. *ñ.* Justum deduxit Dóminus per vias rectas, allelúia. *ñ.* Et osténdit illi regnum Dei, allelúia.

Ad Vesperas, Añs. Ecce sacerdos, cum reliquis de Laud. Ps. Dixit Dóminus, cum reliq. de Dñica. 130. et loco ult., Ps. Meménto, Dómine, David. 144.

Capitulum et Hymnus, ut supra in j. Vesp. lxxiv.

ñ. Justum deduxit Dóminus per vias rectas. *ñ.* Et osténdit illi regnum Dei.

Ad Magnificat, Añā.

Amávit eum Dóminus, * et ornávit eum : stolam glóriæ induit eum, et ad portas paradísi coronávit eum.

Sequens Añā dicitur ad Magnificat, in ij. Vesp. pro solis Summis Pontificibus.

Añā. Dum esset Summus Póntifex, * terréna non méruit, sed ad cœléstia regna gloriósus migrávit.

Si occurrat celebrari Festum plur. Pont. et Conf. Officium fit ut supra : sed in Orat. et Sermone, quæ ponuntur in singulari, dicantur in plurali; et in j. Noct. legantur seq. Lect. de Script.

De libro Ecclesiástici.

Lectio j. Cap. 44.

LAUDEMUS viros gloriósos, et paréntes nostros in generatióne sua. Multam glóriam fecit Dóminus magnificéntia sua a sæculo. Dominántes in potestátibus suis, hómines magni virtúte, et prudéntia sua præditi, nuntiántes in Prophétis dignitátem Prophetárum, et imperántes in præsénti pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina scripturárum.

R. Euge, serve. lxvij.

Lectio ij.

HOMINES dívites in virtúte, pulchritúdinis stúdiu habéntes : pacificántes in

dómibus suis. Omnes isti in generatió nibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliqué runt nomen narrándi laudes eórum : et sunt quorum non est memó ria : per iérunt quasi qui non fúerint : et nati sunt, quasi non nati, et filii ipsórum cum ipsis.

R. Ecce sacérdos. lxvij.

Lectio iij.

SED illi viri misericórdiæ sunt, quorum pietátes non defué runt : cum sémine eórum pérmanent bona, heréditas sancta nepótes eórum, et in testaméntis stetit semen eórum : et filii eórum propter illos usque in ætérnum manent : semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatió nem et generatió nem. Sapiéntiam ipsórum narrent pópuli, et laudem eórum nuntiet Ecclésia.

R. Jurávit Dóminus. lxviij.

2. ALIÆ LECTIONES

PRO PONT. ET CONF.

In secundo Nocturno.

Sermo S. Máximi Epíscopi.

Lectio iv.

Ex Hom. 59. de S. Euseb. 2.

BEATI Patris N. mérita jam in tuto pósita secúri magnificémus : qui gubernáculum fidei viriliter tenens, áncoram spei tran-

quilla jam in statione composuit, et plenam cœlestibus divitiis et æternis mœrcibus navem optato in littore collocavit : qui contra omnes adversarios scutum timoris Dei tamdiu infatigabiliter tenuit, donec ad victoriam perveniret. Quid enim fuit totus vitæ illius cursus, nisi unus cum vigili hoste conflictus ? **R.** Inveni. lxx.

Lectio v.

QUANTIS hic cæcis a via veritatis errantibus, et de summa jam in profundum rupe pendentibus, amissum reddidit visum, et illum, quo Christus videretur, reparavit intuitum ? Quantorum auribus surdis, et infidelitatis obturatione damnatis, ad percipiendam vocem cœlestium mandatorum, pretiosum infudit auditum, ut vocanti Deo ad misericordiam responderent per obedientiam ? Quantos intrinsecus vulneratos, angelici oris arte et orationum ab infirmitate curavit ?

R. Posui adjutorium. lxx.

Lectio vj.

QUANTOS per longam incuriam peccati labe resolutos, et quadam lepræ contagione perfusos, castigationibus et exhortationibus expiando, Deo in se operante, mundavit ? Quantorum animas viventes in corpore jam defunctas, et

delictorum mole obrutas ac sepultas, ad emendationem tamquam ad lucem vocando, Deo resuscitavit : ut Domini sui admirandus imitator, jam mortuas Deo, e contrario mortificet vitali morte peccato ?

R. Iste est qui. lxxj.

In tertio Nocturno.

Lectio sancti Evangelii secundum Matthæum.

Lectio vij. Cap. 24. d

IN illo tempore : Dixit Jesus discipulis suis : Vigilate, quia nescitis qua hora Dominus vester venturus sit. Et reliqua.

Homilia S. Hilarii Episcopi.

Com. in Matth. c. 26.

UT ignorantiam illam diæi omnibus taciti, non sine utilis silentii ratione esse sciremus, vigilare nos Dominus propter adventum furis admonuit, et orationum assiduitate detentos, omnibus præceptorum suorum operibus inhærere. Furem enim esse ostendit zâbulum, ad detrahenda ex nobis spolia pervigilem, et corporum nostrorum domibus insidiantem ; ut ea incuriosis nobis, et somno deditis, consiliorum suorum atque illecebrarum jaculis perfodiat. Paratos igitur esse nos convenit : quia diæi ignoratio intentam sollicitudinem suspensæ expectationis exagitet.

R. Amavit eum. lxxij.

Lectio viij. Cap. 27.

QUISNAM est fidélis servus et prudens, quem constituit Dóminus super familiam suam? Quamquam in commúne nos ad inféssam vigilántiæ curam adhortétur, speciálem tamen pópuli princípibus, id est, Episcopis, in expectatióne adventúque suo sollicitúdinem mandat. Hunc enim servum fidélem atque prudentem, præpósitum familiæ significat, cómoda atque utilitatés commissi sibi pópuli curántem. Qui si dicto áudiens, et præcéptis obédiens erit, id est, si doctrinæ opportunitáte et veritaté infirma confirmet, disrúpta consólidet, depraváta convértat, et verbum vitæ in æternitátis cibum aléndæ familiæ dispéndat, atque hæc agens, hisque immorans deprehendátur, glóriam a Dómino tamquam dispensátor fidélis, et villicus útilis consequétur, et super ómnia bona constituétur; id est, in Dei glória collocábitur, quia nihil sit ultra, quod mélius sit.

ñ. Sint lumbi. lxxiiij.

Lectio ix.

QUOD si cóntuens longam Dei patiéntiam, quæ in proféctum humanæ salútis exténditur, advérsus consérvos insoléscet, et sæculi malis vitiisque se tradet,

præséntium tantum curam in cultu ventris exércens: desperáta die Dóminus advéniet, eúmque a bonis, quæ spopónderat, dividet, portionémque ejus cum hipócritis in pœnæ æternitáte constituet: quia advéntum desperáverit, quia mandátis non obtemperáverit, quia præséntibus studúerit, quia vita Géntium vixerit, quia desperatióne judicii commissam sibi familiam fame, siti, cæde vexáverit.

Te Deum laudámus. 17.

PRO DOCTORIBUS.

*Ad Magnificat in utrisque Vesp. Añ. O Doctor óptime, *Ecclesiæ sanctæ lumen, beáte N., divínæ legis amátor, deprecáre pro nobis Filiū Dei.*

Oratio.

DEUS, qui pópulo tuo æternæ salútis beátum N. minístrum tribuisti: præsta, quæsumus; ut, quem Doctórem vitæ habuimus in terris, intercessórem habére mereámur in cœlis. Per Dóminum.

Lectiones sequentes leguntur in Festis Doctorum. Officium autem in illis fit de Confessoribus Pont. vel non Pont., pro qualitate Festi.

In primo Nocturno.

De libro Ecclesiástici.

Lectio j. Cap. 39.

SAPIENTIAM ómnium anti-
quórum exquirét sápiens,
et in prophétis vacábit. Nar-

rationem virorum nominatorum conservabit, et in versutias parabolarum simul introibit. Occulta pro-
verbiorum exquiret, et in absconditis parolarum conversabitur. In medio magnatorum ministrabit, et in conspectu præsidis apparebit. In terram alienigenarum gentium pertransiet : bona enim et mala in hominibus tentabit.

R. Euge, serve bone et fidelis, quia in pauca fuisti fidelis, supra multa te constituam : * Intra in gaudium Domini tui. **V.** Domine, quinque talenta tradidisti mihi : ecce alia quinque superlucratus sum. Intra.

Lectio ij.

COR suum tradet ad vigilandum diluculo ad Dominum, qui fecit illum, et in conspectu Altissimi deprecabitur. Aperiet os suum in oratione, et pro delictis suis deprecabitur. Si enim Dominus magnus voluerit, spiritu intelligentiæ replébit illum : et ipse tamquam imbres mittet eloquia sapientiæ suæ, et in oratione confitebitur Domino : et ipse diriget consilium ejus, et disciplinam, et in absconditis suis consiliabitur.

Pro Doctore Pontifice.

R. Ecce sacerdos magnus, qui in diebus suis placuit Deo : * Ideo jurejurando fecit

illum Dominus crescere in plebem suam. **V.** Benedicti-
nem omnium gentium dedit illi, et testamentum suum confirmavit super caput ejus. Ideo.

Pro Doctore non Pont.

R. Justus germinabit sicut lilium : * Et florébit in ætérnum ante Dominum. **V.** Plantatus in domo Domini, in atriis domus Dei nostri. Et.

Lectio iij.

IPSE palam faciet disciplinam doctrinæ suæ, et in lege testamenti Domini gloriabitur. Collaudabunt multi sapientiam ejus, et usque in sæculum non delébitur. Non recedet memoria ejus, et nomen ejus requirétur a generatione in generationem. Sapientiam ejus enarrabunt gentes, et laudem ejus enuntiabit Ecclesia.

Pro Doctore Pontifice.

R. Juravit Dominus, et non pœnitébit eum : * Tu es sacerdos in ætérnum secundum ordinem Melchisedech. **V.** Dixit Dominus Domino meo : Sede a dextris meis. Tu es. Glória Patri. Tu es.

Pro Doctore non Pont.

R. Iste cognóvit justitiam, et vidit mirabilia magna, et exoravit Altissimum : * Et inventus est in número Sanctorum. **V.** Iste est qui contempsit vitam mundi, et pervénit ad cœlestia regna. Et. Glória Patri. Et.

In secundo Nocturno.

Ex libro Morálíum sancti
Gregórii Papæ.

Lectio iv. L. 9. c. 6.

Qui post Oríonas Hyadum
nómíne, nisi Doctóres
sanctæ Ecclésiæ designán-
tur? Qui subductis martyri-
bus, eo jam témpore ad mun-
di notítiam venérunt, quo
fides clárius elúcet : et re-
préssa infidelitátis hieme,
áltius per corda fidélium sol
veritátis calet. Qui remóta
tempestáte persecutiónis,
explétis longis nóctibus in-
fidelitátis, tunc sanctæ Ec-
clésiæ orti sunt, cum ei
jam per credulitátis vernum
lucidior annus aperitur.

Pro Doctore Pontifice,
R. Invéni David servum
meum, óleo sancto meo unxi
eum : * Manus enim mea
auxiliábitur ei. **V.** Nihil pro-
ficiet inimícus in eo, et fi-
lius iniquitátis non nocébit
ei. Manus.

Pro Doctore non Pont.,
R. Honéstum fecit illum
Dóminus, et custodívit eum
ab inimícis, et a seductóri-
bus tutávit illum : * Et dedit
illi claritátem ætérrnam. **V.**
Justum dedúxit Dóminus
per vias rectas, et osténdit
illi regnum Dei. Et.

Lectio v.

NEC immérito Doctóres
sancti Hyadum nuncu-
patione signántur. Græco
quippe elóquio hyetos plúvia

vocátur : et Hyades nomen
a plúviis accepérunt : quia
ortæ procul dúbio imbres
ferunt. Bene ergo Hyadum
appellatióne expréssi sunt,
qui ad statum universális
Ecclésiæ, quasi in cœli fá-
ciem dedúcti, super arén-
tem terram húmáni pectoris
sanctæ prædicatiónis im-
bres sudérunt. Si enim præ-
dicatiónis sermo plúvia non
esset, Moyses mínime di-
xísset : Expectétur sicut
plúvia elóquium meum : et
nequáquam per Isaíam Vé-
ritas diceret : Mandábo nú-
bibus meis, ne pluant su-
per eam imbrem : atque
hoc, quod paulo ante pro-
túlimus : Quámobrem pro-
hibitæ sunt stillæ pluvía-
rum.

Pro Doctore Pontifice,
R. Pósuí adjutórium super
poténtem, et exaltávi élé-
ctum de plebe mea : * Ma-
nus enim mea auxiliábitur
ei. **V.** Invéni David servum
meum, óleo sancto meo
unxi eum. Manus.

Pro Doctore non Pont.,
R. Amávit eum Dóminus,
et ornávit eum, stolam gló-
riæ induit eum : * Et ad
portas paradísi coronávit
eum. **V.** Induit eum Dómi-
nus lorícam fidei, et orná-
vit eum. Et.

Lectio vj.

DUM ergo Hyades cum
plúviis véniunt, ad cœli

spátia altióra sol dúcitur, quia apparénte Doctórum sciéntia, dum mens nostra imbre prædicationis infúnditur, fidei calor augétur. Et perfúsa terra ad fructum próficit, cum lumen ætheris ignéscit : quia ubérius frugem boni óperis réddimus, dum per sacræ eruditiónis flammam in corde clárius ardémus. Dumque per eos diébus singulis magis magisque sciéntia cœléstis osténditur, quasi intérni nobis lúminis vernum tempus aperitur : ut novus sol nostris méntibus rúilet, et eórum verbis nobis cóg-nitus, seípso quotidie clárior micet. Urgénte etenim mundi fine, supérna sciéntia próficit, et lárgius eam témpore exeréscit.

Pro Doctore Pontifice,
R. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. **Y.** Iste est qui contémpsit vitam mundi, et pervénit ad cœléstia regna. Ipse. **Gloria Patri. Ipse.**

Pro Doctore non Pont.
R. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. **Y.** Iste est qui contémpsit vitam

mundi, et pervénit ad cœléstia regna. Quia. **Gloria Patri. Quia.**

In tertio Nocturno.

Lectio sancti Evangélii
 secúndum Matthæum.

Lectio vij. Cap. 5. b

IN illo témpore : Dixit Jesus discípulis suis : Vos estis sal terræ. Quod si sal evanúerit, in quo saliétur? Et réliqua.

Homilia S. Augustíni Episc.
Lib. 1. de Sermone Domini in monte, c. 6. tom. 4.

OSTENDIT Dóminus, fá-tuos esse judicandos, qui temporálium bonórum vel cópiam sectántes, vel inópiam metuéntes, amittunt æténa, quæ nec dari possunt ab homínibus, nec auférri. Itaque si sal infatuátum fúerit, in quo saliétur? id est, si vos, per quos condiéndo sunt quodámmodo pópuli, metu persecutiónum temporálium amiséritis regna cœlórum; qui erunt homines, per quos a vobis error auferátur : cum vos elégerit Deus, per quos errórem áuferat ceterórum?

Pro Doctore Pontifice.
R. Amávit eum Dóminus, et ornávit eum, stolam glóriæ induit eum : * Et ad portas paradisi coronávit eum. **Y.** Induit eum Dóminus lorícam fidei, et ornávit eum. Et.

Pro Doctore non Pont.

R. Iste est qui ante Deum magnas virtutes operatus est, et de omni corde suo laudavit Dominum : * Ipse intercédât pro peccatis omnium populorum. †. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

ERGO ad nihilum valet sal infatuatum, nisi ut mittatur foras, et calcetur ab hominibus. Non itaque calcetur ab hominibus, qui patitur persecutíonem : sed qui persecutíonem timendo infatuatur. Calcari enim non potest, nisi inferior : sed inferior non est, qui quamvis corpore multa in terra sustíneat, corde tamen fixus in celo est.

R. In medio Ecclesiæ aperuit os ejus, * Et implevit eum Dominus spiritu sapientiæ et intellectus. †. Jucunditatem et exultationem thesaurizavit super eum. Et. Gloria Patri. Et.

Lectio ix. /

VOS estis lumen mundi. Quomodo dixit superius sal terræ, sic nunc dicit lumen mundi. Nam neque superius ista terra accipienda est, quam pedibus corporeis calcamus : sed homines, qui in terra

habitant, vel etiam peccatores, quorum condiendis et extinguendis putoribus apostolicum salem Dominus misit. Et hic mundum, non celum et terram, sed homines, qui sunt in mundo, vel diligunt mundum, oportet intelligi, quibus illuminandis Apostoli missi sunt. Non potest civitas abscondi super montem posita ; id est, fundata super insignem magnamque justitiam, quam significat etiam ipse mons in quo disputat Dominus.

Te Deum laudamus. 17.

2. ALIA HOMILIA.

Lectio sancti Evangelii secundum Matthæum.

Lectio viij. Cap. 5. b

IN illo tempore : Dixit Jesus discipulis suis : Vos estis sal terræ. Quod si sal evanuerit, in quo salietur ? Et reliqua.

Homilia sancti Hilarii
Episcopi.

Comment. in Matth. c. 4.

VOS estis sal terræ : quod si sal infatuatum fuerit, ad nihilum valet id quod salietur. Sal, ut arbitror, terræ nullum est. Quomodo ergo Apostolos sal terræ nuncupavit ? Sed proprietas est querenda dictorum, quam et Apostolorum officium, et ipsius salis natura monstrabit. Sal est in se uno continens aquæ et ignis

elementum, et hoc ex duobus est unum.

R. ut supra. lxxj.

Lectio viij.

HIC igitur in omnem usum humani generis effectus, incorruptionem corporibus, quibus fuerit aspersus, impertit, et ad omnem sensum conditi saporis aptissimus est. Apostoli autem sunt rerum celestium prædicatores, et æternitatis velut satores, immortalitatem omnibus corporibus, quibus eorum sermo aspersus fuerit, conferentes. ¶ Mérito igitur sal terræ nuncupati sunt, per doctrinæ virtutem saliendo modo æternitati corpora reservantes.

R. ut supra. lxxxij.

Lectio ix.

SED natura salis semper eadem est, nec immutari unquam potest. Verum quia conversioni homo subiacet, et solus beatus, qui usque ad finem in omnibus Dei operibus permanserit: ideo eos sal terræ nuncupatos monet in traditæ sibi potestatis virtute persistere, ne infatuati nihil saliant: et ipsi, sensu accepti saporis amisso, vivificare corrupta non possint; et projecti de Ecclesiæ promptuariis, cum his quos salierint pedibus incedentium proterantur.

Te Deum laudamus. 17.

3. ALIA HOMILIA.

Lectio sancti Evangelii secundum Matthæum.

Lectio vij. Cap. 5. b

IN illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Joannis

Chrysostomi.

Hom. 15. in Matth. sub med.

ATENDITE quid dixerit, Vos estis sal terræ: per quod ostendit, quam necessario ista præcipiat. Non enim de vestra, inquit, tantummodo vita, sed de universo orbe vobis ratio reddenda est. Non ad duas quippe urbes, aut decem, aut viginti, neque ad unam gentem vos mitto, sicut mittebam Prophetas: sed ad omnem terram prorsus ac mare, totumque mundum, et hunc variis criminibus oppressum.

R. ut supra. lxxxj.

Lectio viij.

DICENDO enim, Vos estis sal terræ: ostendit universam hominum infatuatam esse naturam, et peccatorum vi corruptam: et idcirco illas ab eis virtutes requirit, quæ maxime ad multorum salutem procurandam necessariae sunt atque utiles. Nam qui mansuetus est ac modestus. et misericors et justus.

non intra se tantúmmodo hæc recte facta conclúdit, verum in aliórum quoque utilitátem præcláros hos fáciat effluere fontes. Igitur qui corde mundo est atque pacíficus, et persecutióem pro veritáte pátitur, nihilóminus in commúne cómmodum vitam instituit

ñ. ut supra. lxxxij.

Lectio ix.

NE igitur putétis, inquit, ad lévia vos ducéndos esse certámina, neque exigúarum rerum vobis ineúndam esse ratióem. Vos estis sal terræ. Quid igitur? Ipsine putrefácta medicáti sunt? Nequáquam: neque enim fieri potest, ut ea, quæ jam corrúpta sunt, salis perfricatióne reparéntur. Non ergo hoc fecérunt, sed ante renováta, sibique trádicta, atque ab illa jam putrédine liberáta, aspergébant sale, et in ea novitáte conservábant, quam a Dómino suscepérant. Liberrare quippe a putrédine peccatórum, Christi virtútis est: ut autem ad illa iterum non revertántur, Apostolórum curæ est ac labóris.

Te Deum laudámus. 17.

COMMUNE

CONF. NON PONT.

¶ *Notandum quod, si fuerit intra tempus Paschale servanda est Rubr. posita supra. xlvij.*

Ad Vesperas, Añsa. Dómine, quinque talénta, *ut infra ad Laudes. Ps. Dixit Dñus, cum reliq. de Dñica. 130. et loco ult., Ps. Laudáte Dñum, omnes gentes. 134.*

Capitulum. Eccli. 31.

BEATUS vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua.

Hymnus.

ISTE Conféssor Dómini, coléntes

Quem pie laudant pópuli per orbem,

Hac die lætus méruit beátas Scándere sedes.

Si non est dies obitus dic.:
Hac die lætus méruit suprémos

Laudis honóres.

Qui pius, prudens, húmilis, pudícus,

Sóbriã duxit sine labe vitam,
Donec húmános animávit auræ

Spíritus artus.

Cujus ob præstans méritum frequénter

Ægra quæ passim jacuére membra,

Viribus morbi dómitis, salúti

Restituúntur.

Noster hinc illi chorus obsequéntem

Cóncinit laudem, celebrésque palmas;

Ut piis ejus précibus juvé-
mur

Omne per ævum.

Sit salus illi, decus atque
virtus,

Qui super cœli sólio corú-
scans,

Tótius mundi sériem gu-
bérnat,

Trinus et unus. Amen.

V. Amávit eum Dóminus,
et ornávit eum. **R.** Stola
glóriæ induit eum.

Ad Magnificat, Añã.

Similábo eum * viro sapién-
ti, qui ædificávit domum
suam supra petram.

Oratio.

DEUS, qui nos beáti **N.**
Confessóris tui ánnua
solemnitáte lætificas : con-
céde propítius; ut ejus na-
talítia cólimus, étiam acti-
ones imitémur. Per Dñum.

Alia Oratio.

ADESTO, Dómine, suppli-
cationibus nostris, quas
in beáti **N.** Confessóris tui
solemnitáte deférimus : ut,
qui nostræ justitiæ fidúciã
non habémus, ejus, qui
tibi plácuit, précibus adju-
vémur. Per Dóminum.

Si fuerit Abbas. Oratio.

INTERCESSIO nos, quæsu-
mus Dómine, beáti **N.**
Abbátis comméndet : ut,
quod nostris méritis non
valémus, ejus patrocínio as-
sequámur. Per Dóminum.

Ad Matutinum, Invitat.
Regem Confessórum Dómi-

num, * Veníte, adorémus.

Ps. Veníte, exultémus. 2.

Hym. Iste Confessor. lxxxiv.

In primo Nocturno.

Añã. Beátus vir, * qui in lege
Dómini meditátur : volúntas
ejus pérmanet die ac nocte,
et ómnia quæcúmque fáci-
et, semper prosperabúntur.

Psalmus 1.

BEATUS vir qui non ábiit
in consílio impiórum, et
in via peccatórum non ste-
tit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in tém-
pore suo :

Et fólium ejus non défluet :
* et ómnia quæcúmque fá-
ci-
et, prosperabúntur.

Non sic ímpii, non sic : *
sed tamquam pulvis, quem
próicit ventus a fácie terræ.

Ideo non resúrgent ímpii in
judicio : * neque peccató-
res in concílio justórum.

Quóniam novit Dóminus
viam justórum : * et iter
impiórum peribit.

Añã. Beátus vir, qui in lege
Dómini meditátur : volúntas
ejus pérmanet die ac nocte,
et ómnia quæcúmque fáci-
et, semper prosperabúntur.

Añã. Beátus * iste Sanctus,
qui confisus est in Dómino,

prædicavit præceptum Dómini, constitútus est in monte sancto ejus.

Psalmus 2.

QUARE fremuérunt Gentes, * et pópuli meditáti sunt inánia?

Astitérunt reges terræ, et principes convenérunt in unum, * advérsus Dñum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cœlis, irridébit eos : * et Dóminus subsannábit eos.

Tunc loquétur ad eos in ira sua : * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me : * Filius meus es tu, ego hódie genui te.

Póstula a me, et dabo tibi Gentes hereditatem tuam, * et possessionem tuam términos terræ.

Reges eos in virga férrea, * et tamquam vas figuli confrínges eos.

Et nunc reges intelligite : * erudimini qui judicátis terram.

Servíte Dómino in timóre : * et exultáte ei cum tremóre.

Apprehéndite disciplínam, nequándo irascátur Dñus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Añã. Beátus iste Sanctus, qui confisus est in Dómino, prædicavit præceptum Dómini, constitútus est in monte sancto ejus.

Añã. Tu es glória * mea, tu es suscéptor meus, Dómine : tu exáltans caput meum, et exaudisti me de monte sancto tuo.

Psalmus 3.

DOMINE, quid multiplicáti sunt qui tribulant me? * multi insúrgunt advérsus me.

Multi dicunt animæ meæ : * Non est salus ipsi in Deo ejus.

Tu autem, Dómine, suscéptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exurréxi, quia Dóminus suscepit me.

Non timébo míllia pópuli circumdántis me, * exúrge, Dómine, salvum me fac, Deus meus.

Quóniam tu percussisti omnes adversántes mihi sine causa : * dentes peccatórum contrivisti.

Dómini est salus : * et super pópulum tuum benedictio tua.

Añã. Tu es glória mea, tu

es suscēptor meus, Dómine : tu exáltans caput meum, et exaudísti me de monte sancto tuo. **V.** Amávit eum Dóminus, et ornávit eum. **R.** Stólam glóriæ induit eum. **Pater noster.**
Absolutio. Exáudi, Dómine. **V.** Jube, domne. **Bened.** Benedictionē perpétua.

De libro Sapiéntiæ.

Lectio j. Cap. 4. b et 5.

JUSTUS si morte præoccupátus fúerit, in refrigerio erit. Senéctus enim venerábilis est non diutúrna, neque annórum número computáta : cani autem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malítia mutáret intelléctum ejus, aut ne fictio decíperet ánimam illius. Fascinatio enim nugacitátis obscurat bona, et inconstántia concupiscéntiæ transvértit sensum sine malítia. Consummátus in brevi explévit témpora multa : plácita enim erat Deo ánimá illius : propter hoc properávit educere illum de médio iniquitátum.

R. Euge, serve bone et fidélis, quia in pauca fuísti fidélis, supra multa te constituam : * Intra in gáudium Dómini tui. **V.** Dómine, quinque talénta tradidí-

sti mihi, ecce ália quinque superlucrátus sum. Intra. **Bened.** Unigénitus Dei Filius.

Lectio ij.

POPULI autem vidéntes, et non intelligéntes, nec ponéntes in præcórdiis tália : quóniam grátia Dei et misericórdia est in sanctos ejus, et respéctus in eléctos illius. Condémnat autem justus mórtuus vivos impios, et juvéntus celérius consummáta longam vitam injústi. Vidébunt enim finem sapiéntis, et non intélligent quid cogitáverit de illo Deus, et quare munierit illum Dóminus. Vidébunt et contémnent eum : illos autem Dóminus irridébit. Et erunt post hæc decidéntes sine honóre, et in contumélia inter mórtuos in perpétuum : quóniam disrumpet illos inflátos sine voce, et commovébit illos a fundaméntis, et usque ad suprénum desolabúntur.

R. Justus germinábit sicut lílium, * Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et. **Bened.** Spíritus sancti grátia.

Lectio iij.

ET erunt geméntes, et memoria illórum peribit. Vénient in cogitatione peccatórum suórum tímidi, et tradúcent illos ex advérso

iniquitates ipsorum. Tunc stabunt iusti in magna constantia adversus eos qui se angustiaverunt, et qui absulerunt labores eorum. Videntes turbabuntur timore horribili, et mirabuntur in subitatione insperatae salutis, dicentes intra se, poenitentiam agentes, et praestigia spiritus gementes: Hi sunt quos habuimus aliquando in derisum, et in similitudinem improperii. Nos insensati vitam illorum aestimabamus insaniam, et finem illorum sine honore: ecce quomodo computati sunt inter filios Dei, et inter Sanctos sors illorum est.

R. Iste cognovit iustitiam, et vidit mirabilia magna, et exoravit Altissimum: * Et inventus est in numero Sanctorum. *R.* Iste est qui contempsit vitam mundi, et pervenit ad coelestia regna. Et. *Gloria Patri.* Et.

In secundo Nocturno.

Añ. Invocantem exaudivit * Dominus Sanctum suum, Dominus exaudivit eum, et constituit eum in pace.

Psalmus 4.

CUM invocarem exaudivit me Deus iustitiae meae: * in tribulatione dilatasti mihi.

Miserere mei, * et exaudi orationem meam.

Filii hominum usquequo gravi corde? * ut quid dili-

gitis vanitatem, et quaeritis mendacium?

*Et scitote quoniam mirificavit Dominus sanctum suum: * Dominus exaudiet me, cum clamavero ad eum. Irascimini et nolite peccare: * quae dicitis in cordibus vestris, in cubilibus vestris compungimini.*

*Sacrificate sacrificium iustitiae, et sperate in Domino. * Multi dicunt: Quis ostendit nobis bona?*

*Signatum est super nos lumen vultus tui, Domine: * dedisti laetitiam in corde meo.*

A fructu frumenti, vini, et olei sui, * multiplicati sunt.

*In pace in idipsum * dormiam, et requiescam;*

*Quoniam tu, Domine, singulariter in spe * constituisti me.*

Añ. Invocantem exaudivit Dominus Sanctum suum, Dominus exaudivit eum, et constituit eum in pace.

Añ. Laetentur omnes, * qui sperant in te, Domine: quoniam tu benedixisti iusto, scuto bonae voluntatis tuae coronasti eum.

Psalmus 5.

VERBA mea auribus percipe, Domine, * intellige clamorem meum.

*Intende voci orationis meae, * Rex meus et Deus meus. Quoniam ad te orabo: **

Dómine, mane exáudies vocem meam.

Mane astábo tibi, et vidébo : * quóniam non Deus volens iniquitatem tu es.

Neque habitábit juxta te malignus : * neque permánébunt injústi ante óculos tuos.

Odisti omnes, qui operántur iniquitatem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multitudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlchrum patens est guttur eórum, linguis suis dolóse agébant : * júdica illos Deus.

Décidant a cogitatióibus suis, secúndum multitudinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te : * in ætérnum exultábunt, et habitábis in eis.

Et gloriabúntur in te omnes, qui diligunt nomen

tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Añã. Læténtur omnes, qui sperant in te, Dómine : quóniam tu benedixisti justo, scuto bonæ voluntátis tuæ coronásti eum.

Añã. Dómine Dóminus noster, * quam admirábile est nomen tuum in univérsta terra ! quia glória et honóre coronásti Sanctum tuum, et constituísti eum super ópera mánuum tuárum.

Psalmus 8.

DOMINE Dóminus noster, * quam admirábile est nomen tuum in univérsta terra !

Quóniam eleváta est magnificéntia tua * super cælos.

Ex ore infántium et lacténtium perfecísti laudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus ? * aut filius hóminis, quóniam visitas eum ?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves

univérsas, insuper et pécora campi ;

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérſa terra!

Ant. Dómine Dóminus noster, quam admirábile est nomen tuum in univérſa terra! quia glória et honóre coronásti Sanctum tuum, et constituísti eum super ópera mánuum tuárum. *V.*

Os iusti meditábitur sapiéntiam. *R.* Et lingua ejus loquétur iudícium. *Pater noster.* *Absol.* Ipsíus píetas.

V. Jube, domne. *Ben.* Deus Pater omnipotens.

Sermo sancti Joánnis

Chrysóstomi.

Lectio iv.

In Orat. de S. Philog. T. 3.

BEATI *N.* dies, ejus festivitátem celebrámus, ad ipsíus recte factórum enarratióem linguam nostram evocávit : síquidem hódie Beátus iste ad tranquillam, omnisque perturbatióis expértem vitam tránsiit : eoque navígium appulit, ubi deinceps non póterit metúere naufrágium, nec ullam ánimí perturbatióem, aut dolórem. Et quid mirum est, si locus ille purus est ab omni moléstia ánimí, cum Paulus homínibus adhuc in

hac vita degéntibus loquens, dicat : Semper gaudéte, sine intermissiône oráte ?

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam.

V. Justum dedúxit Dóminus per vias rectas, et osténdit illi regnum Dei. *Et. Bened.* Christus perpétuæ.

Lectio v.

QUOD si hic, ubi morbi, ubi insectatióes, ubi præmatúræ mortes, ubi calúmniæ, ubi invidiæ, ubi perturbatióes, ubi iræ, ubi cupiditátes, ubi innumerábiles insidiæ, ubi quotidiánæ sollicitúdines, ubi perpétua sibíque succedéntia mala sunt, innúmeros ex omni parte dolóres afferéntia, Paulus dixit fieri posse ut semper gaudeámus, si quis páululum ex rerum mundanárum flúctibus eréxerit caput, vitámque suam recte composúerit : multo magis, postquam hinc demigravérimus, fáciie cómpotes érimus ejus boni, cum hæc ómnia sublata fúerint, advérſa valetúdo, morbi, peccándi matéria, ubi non est meum ac tuum, frígídum illud verbum, et quidquid est malórum in vitám nostram ínvehens, innúmeraue gígnens bella.

R. Amávit eum Dóminus,

et ornávit eum, stolam glóriæ induit eum : * Et ad portas paradisi coronávit eum. **Ÿ.** Induit eum Dóminus lorícam fidei, et ornávit eum. Et. **Bened.** Ignem sui amóris.

Lectio vj.

QUAMOBREM maximópere grátulor hujus Sancti felicitáti, quod quamquam translátus est, atque hanc, quæ apud nos est, civitátem relíquit, tamen in álteram adscriptus est civitátem, nempe Dei : et digrésus ab hac Ecclésia, ad illam pervénit, quæ est primogenitórum descriptórum in cœlis : ac, relíctis hisce festis, tránsiit ad celebrítatem Angelórum. Etenim quod et civitas sursum sit, et Ecclésia, et célébritas, audi Paulum dicéntem ? Accessistis ad civitátem Dei vivéntis, Jerúsalem cœléstem, et Ecclésiám primitivórum, qui conscripti sunt in cœlis, et ad multórum millium Angelórum frequentiam.

Ÿ. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. **Ÿ.** Iste est qui contempnit vitam mundi, et pervénit ad cœléstia regna Quia. Glória Patri. Quia.

In tertio Nocturno.

Añs. Dómine, iste Sanctus * habitábit in tabernáculo tuo, operátus est justítiam, requiescet in monte sancto tuo.

Psalmus 14.

DOMINE, quis habitábit in tabernáculo tuo ? * aut quis requiescet in monte sancto tuo ?

Qui ingréditur sine mácula, * et operátur justítiam : **Qui** lóquitur veritátem in corde suo, * qui non egit dolum in lingua sua.

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tíméntes autem Dóminum glórficat :

Qui jurat próximo suo, et non decipit, * qui pecúniám suam non dedit ad usúram, et múnera super innocéntem non accépit.

Qui facit hæc, * non móvêbitur in ætérnum.

Añs. Dómine, iste Sanctus habitábit in tabernáculo tuo, operátus est justítiam, requiescet in monte sancto tuo.

Añs. Vitam pétiit * a te, et tribuísti ei, Dómine : glóriam et magnum decórem imposuísti super eum : posuísti in cápite ejus corónam de lápide pretiósó.

Psalmus 20.

DOMINE, in virtute tua lætabitur rex : * et super salutare tuum exultabit vehementer.

Desiderium cordis ejus tribuisti ei : * et voluntate labiorum ejus non fraudasti eum.

Quoniam prævenisti eum in benedictionibus dulcedinis : * posuisti in capite ejus coronam de lapide pretioso.

Vitam petiit a te : * et tribuisti ei longitudinem dierum in sæculum, et in sæculum sæculi.

Magna est glória ejus in salutari tuo : * glóriam et magnum decorem impones super eum.

Quoniam dabis eum in benedictionem in sæculum sæculi : * lætificabis eum in gaudio cum vultu tuo.

Quoniam rex sperat in Domino : * et in misericordia Altissimi non commovebitur.

Inveniatur manus tua omnibus inimicis tuis : * dextera tua inveniat omnes, qui te odérunt.

Pones eos ut clibanum ignis in tempore vultus tui : * Dominus in ira sua conturbabit eos, et devorabit eos ignis.

Fructum eorum de terra perdes : * et semen eorum a filiis hominum.

Quoniam declinaverunt in te mala : * cogitaverunt

consilia, quæ non potuerunt stabilire.!

Quoniam pones eos dorsum : * in reliquiis tuis præparabis vultum eorum.

Exaltare, Domine, in virtute tua : * cantabimus et psallémus virtutes tuas.

Añs. Vitam petiit a te, et tribuisti ei, Domine : glóriam et magnum decorem imposuisti super eum : posuisti in capite ejus coronam de lapide pretioso.

Añs. Hic accipiet * benedictionem a Domino, et misericordiam a Deo salutari suo : quia hæc est generatio quærentium Dñum.

Psalmus 23.

DOMINI est terra, et plenitudo ejus : * orbis terrarum, et universi qui habitant in eo.

Quia ipse super maria fundavit eum : * et super flumina præparavit eum.

Quis ascendet in montem Domini ? * aut quis stabit in loco sancto ejus ?

Innocens manibus et mundo corde, * qui non accipit in vano animam suam, nec juravit in dolo proximo suo.

Hic accipiet benedictionem a Domino, * et misericordiam a Deo salutari suo.

Hæc est generatio quærentium eum, * quærentium faciem Dei Jacob.

Attollite portas, principes, vestras, et elevamini portæ

æternâles : * et introibit Rex glóriæ.

Quis est iste Rex glóriæ ? * Dóminus fortis et potens : Dóminus potens in prælio. **Attóllite portas, principes, vestras, et elevâmini portæ æternâles : *** et introibit Rex glóriæ.

Quis est iste Rex glóriæ ? * Dóminus virtutum ipse est Rex glóriæ.

Ana. Hic accipiet benedictiõnem a Dómino, et misericórdiam a Deo salutâri suo : quia hæc est generatio quæréntium Dóminum. **Ÿ.**

Ÿ. Lex Dei ejus in corde ipsius. **Ÿ.** Et non supplantabuntur gressus ejus. **Pater noster.**

Absolutio. A vinculis. **Ÿ.** Jube, domne. **Bened.** Evangelica lêctio.

Lêctio sancti Evangélii
secundum Lucam.

Lectio vii. Cap. 12. e

In illo tẽpore : Dixit Jesus discipulis suis : Sint lumbi vestri præcincti, et lucernæ ardentes in mânibus vestris. Et rêliqua.

Homilia S. Gregórii Papæ.

Homilia 13. in Evang.

SANCTI Evangélii, fratres charíssimi, apêrta vobis est lêctio recitâta. Sed ne aliquibus ipsa ejus planities alta fortâsse videâtur, eam sub brevitate transcûrrimus, quâtenus ejus expositio ita nesciéntibus fiat cõgnita, ut tamen sciéntibus non sit

onerósa, Dóminus dicit : Sint lumbi vestri præcincti. Lumbos enim præcingimus, cum carnis luxúriam per continéntiam coarctâmus. Sed quia minus est mala non ágere, nisi étiam quisque studeat et bonis opéribus insudâre; prótinus additur : Et lucernæ ardentes in mânibus vestris. Lucernas quippe ardentes in mânibus tenémus, cum per bona ópera próximis nostris lucis exémpla monstrâmus. De quibus profecto opéribus Dóminus dicit : Lúceat lux vestra coram homínibus, ut videant ópera vestra bona, et glorificent Patrem vestrum, qui in cœlis est.

Ÿ. Iste est qui ante Deum magnas virtutes operâtus est, et de omni corde suo laudâvit Dóminum : * Ipse intercédât pro peccâtis ómnium populórum. **Ÿ.** Ecce homo sine queréla, verus Dei cultor, ábstinens se ab omni ópere malo, et pèrmanens in innocéntia sua. Ipse. **Bened.** Cujus festum cõlinus.

Lectio viij.

DUO autem sunt, quæ jubentur, et lumbos restringere, et lucernas tenere, ut et munditia sit castitátis in corpore, et lumen veritátis in operatione. Redemptóri etenim nostro

unum sine áltero placére nequáquam potest : si aut is, qui bona agit, adhuc luxúriæ inquinaménta non déserit : aut is, qui castitáte præéminet, necdum se per bona ópera exércet. Nec cástitas ergo magna est sine bono ópere, nec opus bonum est áliquod sine castitáte. Sed et si utrúmque ágitur, restat, ut quisquis ille est, spe ad supérnam pátriam tendat, et nequáquam se a vítiis pro mundi hujus honestáte contíneat.

R. Sint lumbi vestri præcincti, et lucérnæ ardéntes in mánibus vestris : * Et vos símiles homínibus expectántibus dómimum suum quando revertátur a núptiis.

V. Vigiláte ergo, quia nescitis qua hora Dóminus vester ventúrus sit. Et.

Gloria Patri. Et. Bened.
Ad societátem.

Lectio ix.

ET vos símiles homínibus expectántibus dómimum suum, quando revertátur a núptiis : ut, cum vénerit, et pulsáverit, conféstim apériant ei. Venit quippe Dóminus, cum ad júdicium próperat : pulsat véro, cum jam per ægritúdinis moléstias esse mortem vicinam designat. Cui conféstim aperímus, si hunc cum amóre suscipimus. Aperíre enim júdici pulsánti non vult,

qui exíre de corpore trépídat : et vidére eum, quem contempsisse se méminit, júdicem formídat. Qui autem de sua spe et operatióne secúrus est, pulsánti conféstim áperit, quia lætus júdicem sústinet. Et cum tempus propínquæ mortis advénerit, de glória retributiónis hilaréscit.

Te Deum laudámus. 17.

AD LAUDES,

et per Horas. Anæ.

1. Dómine, * quinque talénta tradidisti mihi : ecce ália quinque superlucrátus sum.

Ps. Dóminus regnávit, cum reliquis. 18.

2. Euge, serve bone, * in módico fidélis, intra in gáudium Dómini tui.

3. Fidélis servus * et prudens, quem constituit Dóminus super familiam suam.

4. Beátus ille servus, * quem cum vénerit dóminus ejus, et pulsáverit jánuam, invénerit vigilántem.

5. Serve bone * et fidélis, intra in gáudium Dómini tui.

Capitulum. Eccli. 31.

BEATUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirábilia in vita sua.

Hymnus.

JESU, coróna célsior,
Et véritas sublimior.

Qui confitenti sérvulo
 Reddis perénne præmium :
Da supplicanti cœtui,
 Hujus rogātu, nōxii
 Remissionem criminis,
 Rumpendo nexum vinculi.
Anni reverso tempore,
 Dies refulsit lumine,
 Quo Sanctus hic de corpore
 Migravit inter sidera.
Hic vana terræ gaudia,
 Et luculenta prædia,
 Polluta sorde deputans,
 Ovans tenet cœlestia.
Te, Christe, Rex piissime,
 Hic confitendo jūgiter,
 Calcavit artes dæmonum,
 Sævumque avérni principi-

pem.
Virtute clarus et fide,
 Confessione sèdulus,
 Jejuna membra deferens
 Dapes supérnas obtinet.
Proinde te, piissime,
 Precamur omnes suppli-

ces,
 Nobis ut hujus grátia
 Pœnas remittas débitas.
Patri perénis glória,
 Natóque Patris único,
 Sanctóque sit Paráclito,
 Per omne semper sæculum.
 Amen.

Ÿ. Justum deduxit Dóminus
 per vias rectas. **R.** Et
 ostendit illi regnum Dei.

Ad Benedictus. Añs.
 Euge, serve bone, * et fidé-
 lis, quia in pauca fuisti
 adélis, supra multa te con-
 stituam, intra in gaudium
 Dómini tui.

Oratio.

DEUS, qui nos beáti **N.**
 Confessóris tui ánnua
 solemnitate lætificas : con-
 cède propítius ; ut ejus na-
 talitia cólimus, étiam actió-
 nes imitémur. Per Dñum.

Alia Oratio.

ADESTO, Dómine, suppli-
 cationibus nostris, quas
 in beáti **N.** Confessóris tui
 solemnitate deférimus : ut
 qui nostræ justitiæ fidúciā
 non habémus, ejus qui tibi
 placuit, précibus adjuvé-
 mur. Per Dóminum.

Si fuerit Abbas. Oratio.

INTERCESSIO nos, quæsu-
 mus Dómine, beáti **N.**
 Abbátis comméndet : ut
 quod nostris méritis non
 valémus, ejus patrocínio as-
 sequámur. Per Dóminum.

Ad Tertiam. Añs.

Euge, serve bone.

Capit. Beátus vir. xciv.

R. br. Amávit eum Dómi-
 nus, * Et ornávit eum. Amá-
 vit. **y.** Stolum glóriæ induit
 eum. Et. Glória Patri. Amá-
 vit. **Ÿ.** Os justi meditábitur
 sapiéntiam. **R.** Et lingua
 ejus loquétur judícium.

¶ Temp. Pasc. R. br.
 Amávit eum Dóminus, et or-
 návit eum. * Allelúia, allel.
 Amávit. **Ÿ.** Stolum glóriæ
 induit eum. Allelúia, allel.
 Glória Patri. Amávit. **y.** Os
 justimeditábitur sapiéntiam,
 allelúia. **R.** Et lingua ejus
 loquétur judícium, allelúia.

Ad Sextam, Aña.

Fidélis servus.

Capitulum. Eccli. 39.

JUSTUS cor suum trádedit ad vigilándum dilúculo ad Dóminum, qui fecit illum, et in conspéctu Altissimi deprecábitur.

Ŕ. br. Os justi * Meditábitur sapiéntiam. Os justi. **Ŷ.** Et lingua ejus loquétur judicium. Meditábitur. Glória Patri. Os. **Ŷ.** Lex Dei ejus in corde ipsíus. **Ŕ.** Et non supplantabúntur gressus ejus.

¶ Temp. Pasch., Ŕ. br. Os justi meditábitur sapiéntiam. * Allelúia, allelúia. Os. **Ŷ.** Et lingua ejus loquétur judicium. Allelúia, allelúia. Glória Patri. Os. **Ŷ.** Lex Dei ejus in corde ipsíus, allelúia. **Ŕ.** Et non supplantabúntur gressus ejus, allelúia.

Ad Nonam, Aña.

Serve bone.

Capitulum. Sap. 40. b

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illū in labóribus, et complévit labóres illius.

Ŕ. br. Lex Dei ejus * In corde ipsíus. Lex. **Ŷ.** Et non supplantabúntur gressus ejus. In. Glória Patri. Lex. **v.** Justum dedúxit Dóminus per vias rectas. **Ŕ.** Et osténdit illi regnum Dei.

¶ Temp. Pasch., Ŕ. br. Lex Dei ejus in corde ipsíus.

* Allelúia, allelúia. Lex. **Ŷ.** Et non supplantabúntur gressus ejus. Allelúia, allelúia. Glória Patri. Lex. **Ŷ.** Justum dedúxit Dóminus per vias rectas, allelúia. **Ŕ.** Et osténdit illi regnum Dei, allelúia.

Ad Vesp., Aña. Dómine, quinque talénta, **cum reliq. de Laud. Psalmi, Capit. et Hymn. ut in j. Vesp. lxxxiv.** **Ŷ.** Justum dedúxit Dóminus per vias rectas. **Ŕ.** Et osténdit illi regnum Dei.

Ad Magnificat, Aña.

Hic vir despiciens mundum, * et terréna triúmphans, divítias cœlo cóndidit ore, manu.

Si occurrat celebrari Festum plur. Conf. non Pont. Offic. fit ut supra : sed in Orat., et Serm., quæ habentur in singulari, dicantur in plurali.

2. ALIÆ LECTIONES

PRO CONF. NON PONT.

In primo Nocturno.

De libro Ecclesiástici.

Lectio j. Cap. 31.

BEATUS vir, qui invéntus est sine mácula : et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória æténa : qui pótuít transgredi, et non est transgressus : fácere mala, et non

fecit : ideo stabilita sunt bona illius in Dómino, et eleemósynas illius enarrábit omnis Ecllésia sanctorum.

R. Euge, serve bone et fidélis, quia in pauca fuisti fidélis, supra multa te constitúam : * Intra in gáudium Dómini tui. **V.** Dómine, quinque talénta tradidisti mihi, ecce ália quinque superlucrátus sum. Intra.

Lectio ij.

Cap. 32. c et 33.

QUI timet Dóminum, excipiet doctrínam ejus : et qui vigiláverint ad illum, invénient benedictiónem. Qui quærit legem, replébitur ab ea : et qui insidióse agit, scandalizábitur in ea. Qui timent Dóminum, invénient judícium justum, et justítias quasi lumen accéndent. Qui credit Deo, atténdit mandátis : et qui confidit in illo, non minorábitur. Timénti Dóminum non occurrént mala, sed in tentatióne Deus illum conservábit, et liberábit a malis. Sápíens non odit mandata et justítias, et non illidétur quasi in procélla navis. Homo sensátus credit legi Dei, et lex illi fidélis.

R. Justus germinábit sicut lílium : * Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et florébit.

Lectio iij. Cap. 34. b

SPIRITUS timéntium Deum quæritur, et in respéctu illius benedicétur. Spes enim illórum in salvántem illos, et óculi Dei in diligéntes se. Qui timet Dóminum, nihil trepidábit, et non pavébit : quóniam ipse est spes ejus. Timéntis Dóminum beáta est ánima ejus. Ad quem respicit, et quis est fortitúdo ejus? Oculi Dómini super timéntes eum, protéctor poténtiæ, firmaméntum virtútis, tégimen ardóris, et umbráculum meridiáni, deprecátio offénsionis, et adjutórium casus, exáltans ánima, et illúminans óculos, dans sanitátem, et vitam, et benedictiónem. **R.** Iste cognóvit justítiam, **et.** vidit mirabília magna, et exorávit Altíssimum : * Et invéntus est in número sanctorum. **V.** Iste est qui contémpsit vitam mundi, et pervénit ad cœléstia regna. Et. **Gloria Patri. Et.**

In secundo Nocturno.

Ex libro Morálíum sancti Gregórii Papæ.

Lectio iv.

Lib. 10. c. 16. in c. 12. Job.

DERIDETUR justí simplicitas. Hujus mundi sapiéntia est, cor machinatióibus tégere, sensum verbis veláre ; quæ falsa sunt, vera osténdere ; quæ vera sunt, falsa demonstráre.

Hæc nimirum prudentia usu a juvenibus scitur, hæc a pueris pretio discitur : hanc qui sciunt, ceteros despicendo superbiunt : hanc qui nesciunt, subiecti et timidi in aliis mirantur : quia ab eis hæc eadem duplicitatis iniquitas nomine palliata diligitur, dum mentis perversitas urbanitas vocatur. Hæc sibi obsequentibus præcipit honorum culmina quærere, adæpta temporalis gloriæ vanitate gaudere, irrogata ab aliis mala multiplicius reddere : cum vires suppetunt, nullis resistentibus cedere : cum virtutis possibilitas deest, quidquid explere per malitiam non valent, hoc in pacifica bonitate simulare.

ñ. Honestum fecit. xc.

Lectio v.

AT contra, sapientia justorum est, nil per ostensionem fingere, sensum verbis aperire, vera ut sunt diligere, falsa devitare, bona gratis exhibere, mala libentius tolerare, quam facere ; nullam injuriæ ultionem quærere, pro veritate contumeliam lucrum putare. Sed hæc justorum simplicitas deridetur : quia ab hujus mundi sapientibus, puritatis virtus fatuitas creditur. Omne enim quod innocentem agitur, ab eis procul

dubio stultum putatur : et quidquid in opere veritas approbat, carnali sapientiæ fatuum sonat. Quid namque stultius videtur mundo, quam mentem verbis ostendere, nil callida machinatione simulare, nullas injuriis contumelias reddere, pro maledicentibus orare, paupertatem quærere, possessa relinquere, rapienti non resistere, percutienti alteram maxillam præbere ?

ñ. Amavit eum. xc.

Lectio vi. Cap. 17. post init.

LAMPAS contempta apud cogitationes divitum. Sæpe contingit, ut electus quisque, qui ad æternam felicitatem ducitur, continua hic adversitate deprimatur : non hunc rerum abundantia fülciat, non dignitatum glória honorabilem ostendat, nulla ei obsequentium frequentia suppetat, nulla hunc humanis oculis vestium pompa componat : a cunctis vero despicibilis cernitur, et hujus mundi grátia indignus æstimatur : sed tamen ante occulti júdicis oculos virtutibus émicat, vitæ méritis corúscat : honorári méruit, despici non réfugit : corpus continéntia áfficit, sola in ánimo dilectione pinguéscit : mentem semper ad patientiam præparat : et eréctus

pro iustitia, de percéptis contuméliis exúltat : afflicti ex corde compátitur, de bonórum prosperitátibus quasi de própriis lætátur, sacri verbi pábula in mente sollicitus rúminat, et inquisitus quódlibet éloqui dupliciter ignórat.

¶ Iste homo. xcj.

In tertio Nocturno.

Lectio sancti Evangélii
secúndum Lucam.

Lectio vij. Cap. 12. d

IN illo témpore : Dixit Jesus discipulis suis : Nolíte timére pusillus grex, quia compláuit Patri vestro dare vobis regnum. Et réliqua. Homilia venerábilis Bedæ Presbyteri.

Lib. 4. c. 54. in Luc. 12.

PUSILLUM gregem electórum, vel ob comparatió-
nem majóris númeri repro-
bórum, vel pótius ob humili-
tátis devotiónem nóminat :
quia vidélicet Ecclésiam
suam quantálibet numerosi-
táte jam dilatátam, tamen
usque ad finem mundi hu-
militáte vult créscere, et ad
promissum regnum humili-
táte perveníre. Ideóque ejus
labóres blande consolátus,
quam regnum Dei tantum
quærere præcipit, eidem
regnum a Patre dandum
complácita benignitáte pro-
mittit.

¶ Iste est qui ante Deum
magnas virtútes operátus

est, et de omni corde suo
laudávit Dóminum : * Ipse
intercédat pro peccátis óm-
nium populórum. ¶ Ecce
homo sine queréla, verus
Dei cultor, ábstinens se ab
omni ópere malo, et pérma-
nens in innocéntia sua. Ipse.

Lectio viij.

VENDITE quæ possidéti-
s, et date eleemósynam.
Nolíte, inquit, timére, ne
propter regnum Dei militán-
tibus, hujus vitæ necessariá
desint : quin étiam posséssa
propter eleemósynam vén-
dite. Quod tunc digne fit,
quando quis semel pro Dó-
mino suis ómnibus spretis,
nihilóminus post hæc labóre
mánuum, unde et victum
transígere, et eleemósynam
dare queat, operátur. Unde
gloriátur Apóstolus, dicens :
Argéntum, et aurum, aut
vestem nullius concupívi :
ipsi scitis, quóniam ad ea
quæ mihi opus erant, et his
qui mecum sunt, ministra-
vérunt manus istæ. Omnia
osténdi vobis, quóniam sic
laborántes opórtet suscipere
infirmos.

¶ Sint lumbi vestri præ-
cincti, et lucérnæ ardéntes
in mánibus vestris : * Et vos
símites homínibus expectán-
tibus dóminum suum quan-
do revertátur a núptiis. ¶ Vi-
giláte ergo, quia nescitis
qua hora Dóminus vester ven-
turus sit. Et. Glória Patri. Et.

Lectio ix.

FACITE vobis sáculos, qui non veteráscunt : eleemosynas videlicet operádo, quarum merces in ætérnum máneat. Ubi non hoc præcéptum esse putándum est, ut nil pecúniæ reservétur a sanctis, vel suis scilicet, vel páuperum úsibus suggeréndæ : cum et ipse Dóminus, cui ministrábant Angeli, tamen ad informándam Ecclésiám suam, lóculos habuisse legátur, et a fidélibus oblata consérvans, et suórum necessitatibus aliisque indigéntibus tribuens; sed ne Deo propter ista serviátur, et ob inópiæ timórem iustitia deserátur.

Te Deum laudámus. 17.

PRO ABBATIBUS.

In tertio Nocturno.

Lectio sancti Evangélii
secúndum Matthæum.

Lectio vij. Cap. 19. d

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilia sancti Hierónymi
Presbyteri.

Lib. 3. in Matth. Cap. 19.

GRANDIS fidúcia ! Petrus piscátor erat, dives non fúerat, cibos manu et arte quærébat : et tamen lóquitur confidénter : Reliquimus ómnia. Et quia non súfficit tantum relínquere, jungit

quod perféctum est : Et secúti sumus te. Fécimus quod jussisti : quid igitur nobis dabis præmii ? Jesus autem dixit illis : Amen dico vobis : quod vos qui secúti estis me, in regeneratióne, cum séderit Filius hóminis in sede majestátis suæ : sedébitis et vos super sedes duódecim, judicántes duódecim tribus Israel. Non dixit : Qui reliquistis ómnia : hoc enim et Crates fecit philósophus, et multi álii divítias contempsérunt : sed, Qui secúti estis me : quod próprie Apostolórum est, atque credéntium.

H. Iste est qui ante. xcix.

Lectio viij.

IN regeneratióne, cum séderit Filius hóminis in sede majestátis suæ (quando et mórtui de corruptiône resúrgent incorrupti), sedébitis et vos in sóliis judicántium, condemnántes duódecim tribus Israel : quia vobis credéntibus, illi crédere noluerunt. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accipiet, et vitam ætérnam possidébit. Locus iste cum illa senténtia cóngruit, in qua Salvátor lóquitur : Non veni pacem mittere, sed gládium. Veni enim sepa-

rare hominem a patre suo , et matrem a filia, et nurum a socru : et inimici hominis domestici ejus. Qui ergo propter fidem Christi , et prædicationem Evangelii , omnes affectus contempserint, atque divitias et sæculi voluptates , isti centuplum recipient , et vitam æternam possidebunt.

℞. Sint lumbi. xcix.

Lectio ix.

EX occasione hujus sententiæ quidam introducunt mille annos post resurrectionem, dicentes, tunc nobis centuplum omnium rerum, quas dimisimus, et vitam æternam esse reddendam : non intelligentes quod, si in ceteris digna sit re promissio, in uxoribus appareat turpitudine : ut qui unam pro Dño dimiserit, centum recipiat in futuro. Sensus ergo iste est : Qui carnalia pro Salvatore dimiserit, spiritalia recipiet : quæ comparatione et merito sui ita erunt, quasi si parvo numero centenarius numerus comparatur.

Te Deum laudamus. 17.

2. ALIA HOMILIA.

Lectio sancti Evangelii secundum Matthæum.

Lectio viij.

Cap. 11. d

IN illo tempore : Respondens Jesus, dixit : Confiteor tibi, Pater, Domine

cœli et terræ, quia abscondisti hæc a sapientibus, et prudentibus, et revelasti ea parvulis. Et reliqua.

Homilia sancti Augustini
Episcopi.

Serm. 10. de Verb. Domini.

VENITE ad me omnes qui laboratis. Quare enim omnes laboramus, nisi quia sumus homines mortales, fragiles infirmi, lutea vasa portantes, quæ faciunt invicem angustias? Sed si angustiantur vasa carnis, dilatentur spatia charitatis. Quid ergo dicit : Venite ad me omnes, qui laboratis, nisi ut non laboretis? Denique promissio ejus in promptu est, quoniam laborantes vocavit. Quærent forte, quæ mercede vocati sunt. Et ego vos, inquit, reficiam. Tollite jugum meum super vos, et discite a me, non mundum fabricare, non cuncta visibilia et invisibilia creare, non in ipso mundo mirabilia facere, et mortuos suscitare; sed, Quoniam mitis sum, et humilis corde.

℞. Iste est qui ante. xcix.

Lectio viij.

MAGNUS esse vis? a minimo incipe. Cogitas magnam fabricam construere celsitudinis? de fundamento prius cogita humilitatis. Et quantam quisque vult, et disponit superimpönere mollem ædificii, quanto erit

majus ædificium , tanto altius fodit fundamentum. Et fabrica quidem cum construitur , in supérna consurgit : qui autem fodit fundamentum , ad ima deprimitur. Ergo et fabrica ante celsitudinem humiliatur , et fastigium post humiliatiónem erigitur.

R. Sint lumbi. xcix.

Lectio ix.

QUOD est fastigium construendæ fabricæ , quam molimur ? quo perventurum est cacumen ædificii ? Cito dico , Usque ad conspèctum Dei. Vidétis quam excélsus est , quanta res est conspècere Deum. Qui desiderat , et quod dico , et quod audit , intèlligit. Promittitur nobis conspèctus Dei , veri Dei , summi Dei. Hoc enim bonum est , Vidéntem vidére. Nam qui colunt falsos deos , fáciie illós vident : sed eos vident , qui óculos habent , et non vident. Nobis autem promittitur visio Dei vivéntis et vidéntis.

Te Deum laudámus. 47.

3. ALIA HOMILIA.

Léctio sancti Evangélii secúndum Matthæum.

Lectio vij.

Cyp. 49. d

IN illo témpore : Dixit Petrus ad Jesum : Ecce nos reliquimus ómnia , et secúti sumus te : quid ergo erit nobis ? Et réliqua.

De Homiliá venerábilis

Bedæ Presbyteri.

In Natili S. Bened.

DUO sunt órdines electórum in iudicio futúri : unus judicántium cum Dómino , de quibus hoc loco mémorat , qui reliquérent ómnia , et secúti sunt illum ; álius judicandórum a Dómino , qui non quidem ómnia sua páriter reliquérent , sed de his tamen , quæ habébant , quotidianas dare eleemósynas Christi paupéribus curábant : unde et audituri sunt in iudicio : Venite , benedicti Patris mei , possidéte præparátum vobis regnum a constitutióne mundi. Esurivi enim , et dedistis mihi manducáre : sitiivi , et dedistis mihi bibere. *R.* Iste est qui. xcix.

Lectio viij

SED et reprobórum duos ibi futúros órdines , Dómino narránte , comperimus : unum eórum , qui fidei christiánæ mystériis initiáti , ópera fidei exercére contémnunt , quibus in iudicio testátur : Discédite a me , maledicti , in ignem ætérnum , qui præparátus est diabolo , et ángelis ejus : esurivi enim , et non dedistis mihi manducáre. Alterum eórum , qui fidem et mystéria Christi vel numquam suscepére , vel suscepptam per apostásiam deseruére : de quibus dicit : Qui autem non credit , jam ju-

dicatus est : quia non credit
in nómine unigéniti Filii Dei.

R. Sint lumbi. xcix.

Lectio ix.

VERUM his cum timóre et
pavóre débito paulisper
commemorátis, ad lætissima
pótius Dómini et Salvatóris
nostri promissa convertámus
audítum. Videámus quæ tan-
tæ grátia pietátis, non ætér-
næ tantúmmodo vitæ præ-
mia suis sequácibus, sed et
præséntis múnera pollicétur
exímia. Et omnis, inquit,
qui reliquerit domum, vel
fratres, aut soróres, aut pa-
trem, aut matrem, aut uxó-
rem, aut filios, aut agros,
propter nomen meum, cén-
tuplum accipiet, et vitam
æternā possidébit. Qui enim
terrénis afféctibus sive pos-
sessionibus pro Christi di-
scipulátu renuntiáverit, quo
plus in ejus amórem profé-
cerit, eo plures invéniet,
qui se intérno suscipere af-
féctu, et suis gaudeant sus-
tentáre substántiis.

Te Deum laudámus. 47.

COMMUNE

VIRGINUM.

† **Notandum quod si fuerit
intra temp. Pasch. servanda
est Rubr. posita sup. xlvij.**

Ad Vesperas. Añá.

Hæc est virgo sápiens *
et una de número prudentū.

Psalmus 109.

DIXIT Dñus Dómino meo :
* Sede a dextris meis.

Donec ponam inimicos tuos,
* scabéllum pedum tuórum.
Virgam virtútis tuæ emit-
tet Dóminus ex Sion : *
domináre in médio inimicó-
rum tuórum.

Ecum princípium in die
virtútis tuæ in splendóri-
bus sanctórum : * ex útero
ante lucíferum génui te.

Jurávit Dóminus, et non pœ-
nitébit eum : * Tu es sacré-
dos in ætérnum secúndum
órdinem Melchisedech.

Dóminus a dextris tuis, *
confrégit in die iræ suæ
reges.

Judicábit in nationibus,
implébit ruinas : * con-
quassábit cápita in terra
multórum.

De torrénite in via bibet : *
proptérea exaltábit caput.

Añá. Hæc est virgo sápiens
et una de número prudentū.

Añá. Hæc est virgo sápiens,
* quam Dóminus vigilán-
tem invénit.

Psalmus 112.

LAUDATE, púeri, Dóminum :
* laudáte nomen Dñi.

Sit nomen Dómini benè-
dictum, * ex hoc nunc, et
usque in sæculum.

A solis ortu usque ad oc-
cásum, * laudábile nomen
Dómini.

Excélsus super omnes gen-
tes Dóminus, * et super
cœlos glória ejus.

Quis sicut Dóminus Deus
noster, qui in altis hábitat,

* et humília respicit in cœlo et in terra?

Suscitans a terra inopem ,
* et de stercore érigen
páuperem :

Et còllocet eum cum princi
pibus , * cum principibus
pópuli sui.

Qui habitáre facit stérilem
in domo , * matrem filiór
lætántem.

Añs. Hæc est virgo sápiens,
quam Dóminus vigilántem
invénit.

Añs. Hæc est quæ nescivit
* torum in delicto : habé
bit fructum in respectiõe
animárum sanctárum.

Psalmus 121.

LÆTATUS sum in his , quæ
dicta sunt mihi : * In
domum Dómini , ibimus.

Stantes erant pedes nostri ,
* in átriis tuis Jerúsalem.

Jerúsalem quæ ædificá
tur ut civitas : * ejus participá
tio ejus in idípsum.

Illuc enim ascendérunt tri
bus , tribus Dómini , * te
stimónium Israel ad confi
téndum nómini Dómini.

Quia illic sedérunt sedes in
judicio , * sedes super do
mum David.

Rogáte quæ ad pacem sunt
Jerúsalem : * et abundán
tia diligéntibus te.

Fiat pax in virtúte tua : * et
abundántia in túrribus tuis.

Propter fratres meos , et
próximos meos , * loquébar
pacem de te :

Propter domum Dómini Dei
nostri , * quæsivi bona tibi.

Añs. Hæc est quæ nesci
vit torum in delicto : ha
bébit fructum in respectiõe
animárum sanctárum.

Añs. Veni , elécta mea ,
* et ponam in te thronum
meum , allelúia.

Psalmus 126.

NISI Dóminus ædificáve
rit domum , * in vanum
laboravérunt qui ædificant
eam.

Nisi Dóminus custodierit
civitátem , * frustra vígilat
qui custódit eam.

Vanum est vobis ante lucem
súrgere : * súrgite postquam
sedéritis , qui manducátis
panem dolóris.

Cum déderit diléctis suis
somnum : * ecce heréditas
Dómini filii : merces fru
ctus ventris.

Sicut sagittæ in manu
poténtis : * ita filii excus
sórum.

Beatús vir qui implévit
desidérium suum ex ipsis :
* non confundétur cum lo
quétur inimícis suis in
porta.

Añs. Veni , elécta mea ,
et ponam in te thronum
meum , allelúia.

Añs. Ista est speciósá *
inter filias Jerúsalem.

Psalmus 147.

LAUDA , Jerúsalem , Dómi
num : * lauda Deum
tuum Sion.

Quóniam confortávit seras
portárum tuárum : * bene-
dixit filiis tuis in te.

Qui pósuit fines tuos pa-
cem : * et ádipe fruménti
sátiat te.

Qui emíttit elóquium suum
terræ : * velóci-ter currit
sermo ejus.

Qui dat nivem sicut lanam :
* nébulam sicut cínerem
spargit.

Míttit crystállum suam
sicut buccéllas : * ante fá-
ciem frígoris ejus quis susti-
nébit ?

Emíttet verbum suum , et
liquefáci-ét ea : * flabit spi-
ritus ejus , et fluent aquæ.

Qui annúntiat verbum suum
Jacob : * justítias et judícia
sua Israel.

Non fecit táliter omni na-
tióni : * et judícia sua non
manifestávit eis.

Ant. Ista est speciósa inter
filias Jerúsalem.

Capitulum. 2. Cor. 10. d

FRATRES , Qui gloriátur ,
in Dómino gloriétur. Non
enim qui seípsum commén-
dat , ille probátus est ; sed
quem Deus comméndat.

Hymnus.

JESU, coróna Vírginum ,
Quem Mater illa cóncipit,
Quæ sola Virgo párturit ,
Hæc vota clemens áccipe.

Qui pergis inter lília
Septus choréis Vírginum ,
Sponsus decórus glória ,
Sponsisque reddens præmia.

Quocúmque tendis, Virgines
Sequúntur, atque láudibus
Post te canéntes cúrsitant ,
Hymnósque dulces péro-
nant.

Te deprecámur súpplíces ,
Nostris ut addas sénsibus ,
Nescíre prorsus ómnia
Corruptiónis vúlnera.

Virtus, honor, laus, glória
Deo Patri, cum Fílio,
Sancto simul Paráclito ,
In sæculórum sæcula. Amen.
Spécie tua , et pulchri-
túdine tua. *Gl.* Inténde, pró-
spere procéde, et regna.

Ad Magnificat. Ant.

Veni, sponsa Christi, * áccipe
corónam , quam tibi Dómi-
nus præparávit in ætérnum.

Oratio.

DEUS , qui inter cétera po-
téntiæ tuæ mirácula
étiam in sexu frágili victó-
riam martyrii contulísti :
concéde propítius ; ut , qui
beátæ *N.* Vírginis et Mátyris
tuæ natalítia cólimus , per
ejus ad te exémpla gradiámur.
Per Dóminum.

Alia Oratio.

INDULGENTIAM nobis, quæ-
sumus Dómine , beáta *N.*
Virgo et Martyr implóret ;
quæ tibi grata semper éxti-
tit et mérito castitátis , et
tuæ professióne virtútis. Per
Dóminum.

Pro Virgine non Mart.

Oratio.

EXAUDI nos , Deus salutá-
ris noster ; ut sicut de

beátæ N. Virginis tuæ festi-
vitáte gaudémus, ita piæ
devotiõnis erudiámur affé-
ctu. Per Dóminum.

*Si fuerint plures, in utris-
que Vesp. ad Magnificat, et
in Laud. ad Benedictus.*

Añã. Prudentes Virgines, *
aptáte vestras lámpades :
ecce Sponsus venit, exíte
óbviám ei. **V.** Adducéntur
Regi virgines post eam. **R.**
Próximæ ejus afferéntur tibi.

Oratio.

DA nobis, quæsumus Dó-
mine Deus noster, san-
ctárum Virginum et Mártý-
rum tuárum N. et N. palmas
incessábili devotiõne vene-
rári : ut, quas digna mente
non póssumus celebráre, hu-
mílibus saltem frequenté-
mus obséquiiis. Per Dñum.

Ad Matutinum. Invitat.

Regem Virginum Dóminum.

* Veníte, adorémus. **Ps.**

Veníte, exultémus. 2.

Hymnus

VIRGINIS Proles, Opiféx-
que Matris,
Virgo quem gessit, peperit-
que Virgo ;
Virginis partos cánimus de-
córa

Morte triúmphos.

Hæc enim palmæ dúplicis
beáta

Sorte, dum gestit fráguilem
domáre

Córpõis sexum, dómuít
cruéntum

Cæde tyránnum.

Unde nec mortem, nec
amíca mortis

Mille pœnárum génera ex-
pavéscens,

Sánguine effúso méruiť se-
rénum

Scándere cœlum.

Hujus orátu, Deus alme,
nobis

Débitas pœnas scélerum re-
mitte,

Ut tibi puro resonémus al-
mum

Péctore carmen.

Sit decus Patri, genitæque
Proli,

Et tibi, compar utriúsqe
virtus

Spíritus semper, Deus unus
omni

Témporis ævo. Amen.

*Si Sancta fuerit Virgo
tantum, et non Martyr, di-
citur Hymnus ut sequitur.*

VIRGINIS Proles, Opiféx-
que Matris,

Virgo quem gessit, peperit-
que Virgo ;

Virginis festum cánimus
beátæ,

Accipe votum.

Hujus orátu, Deus alme,
nobis

Débitas pœnas scélerum re-
mitte,

Ut tibi puro resonémus al-
mum

Péctore carmen.

Sit decus Patri, genitæque
Proli,

Et tibi, compar utriúsqe
virtus

Spiritus semper, Deus unus
omni

Témporis ævo. Amen.

In primo Nocturno.

Añā. O quam pulchra * est
casta generatio cum clari-
ritate !

Psalmus 8.

DOMINE Dóminus noster,
* quam admirabile est
nomen tuum in univér-
sa terra !

Quóniam eleváta est ma-
gnificéntia tua * super cœlos.

Ex ore infántium et la-
cténtium perfecisti laudem
propter inimicos tuos, * ut
détruas inimicum et ultó-
rem.

Quóniam vidébo cœlos tuos,
ópera digitorum tuórum :
* lunam et stellas, quæ tu
fundásti.

Quid est homo, quod me-
mor es ejus ? * aut filius hó-
minis, quóniam vísitas eum ?

Minuisti eum paulo minus
ab Angelis, glória et honóre
coronásti eum : * et consti-
tuísti eum super ópera
mánuum tuárum.

Omnia subjecisti sub pé-
dibus ejus, * oves et boves
univérsas : insuper et péco-
ra campi ;

Volucres cœli, et pisces
maris, * qui perámbulant
sémitas maris.

Dómine Dóminus noster,
* quam admirabile est no-
men tuum in univér-
sa terra !

Añā. O quam pulchra est

casta generatio cum clari-
tate !

Pro Virgine. Añā. Ante
torum * hujus vírginis fre-
quentáte nobis dúlcia cán-
tica drámatis.

Pro non Virgine, Añā.

Læva ejus * sub cápite meo,
et délixtera illius amplexábi-
tur me.

Psalmus 148.

COELI enarrant glóriam
Dei, * et ópera mánuum
ejus annúntiat firmamén-
tum.

Dies diéi erúctat verbum,
* et nox nocti índicat scién-
tiam.

Non sunt loquélæ, neque
sermónes, * quorum non
audiántur voces eórum.

In omnem terram exívit so-
nus eórum : * et in fines
orbis terræ verba eórum.

In sole pósuit tabernáculum
suum : * et ipse tamquam
sponsus procédens de thá-
lamo suo.

Exultávit ut gigas ad cur-
réndam viam, * a summo
cœlo egréssio ejus :

Et occúrsus ejus usque ad
summum ejus : * nec est qui
se abscondat a calóre ejus.

Lex Dómini immaculáta
convértens ánimas : * testi-
mónium Dómini fidéle, sa-
piéntiam præstans párvulis.

Justitiæ Dómini rectæ, læ-
tificántes corda : * præcé-
ptum Dómini lúcidum, il-
luminans óculos.

Fimor Dómini sanctus pórmanens in sæculum sæculi : * iudicia Dómini vera, justificata in semetipsa.

Desiderabilia super aurum et lápidem pretiósus multum : * et dulcióra super mel et favum.

Etenim servus tuus custódit ea, * in custodiéndis illis retributio multa.

Delicta quis intélligit? ab occultis meis munda me : * et ab aliénis parce servo tuo.

Si mei non fuerint dominati, tunc immaculatus ero : * et emundabor a delicto máximo.

Et erunt ut compláceant eloquia oris mei : * et meditatio cordis mei in conspéctu tuo semper.

Dómine adjutor meus, * et redemptor meus.

Pro Virgine, Añs. Ante torum hujus vírginis frequentate nobis dulcia cántica drámatis.

Pro non Virg., Añs. Læva ejus sub capite meo, et dextera illius amplexabitur me.

Añs. Revértere, * revértere, Sulamítis : revértere, revértere, ut intueámur te.

Psalmus 23.

DOMINI est terra, et plentúdo ejus : * orbis terrarum, et univérsti qui habitant in eo.

Quia ipse super mária fundavit eum : * et super flumina præparavit eum.

Quis ascéndet in montem Dómini? * aut quis stabit in loco sancto ejus?

Innocens manibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generatio quærentium eum, * quærentium faciém Dei Jacob.

Attóllite portas, principes, vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas, principes, vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtutum ipse est Rex glóriæ.

Añs. Revértere, revértere, Sulamítis : revértere, revértere, ut intueámur te.

V. Spécie tua et pulchritúdine tua. **R.** Inténde, prospere procéde, et regna.

Pater noster. Absol. Exaudi. **V.** Jube, domne. **Bened.**

Benedictióne perpétua.

De Epístola prima B. Pauli Apóstoli ad Corinthios.

Lectio j. Cap. 7. e

DE virginibus præcéptum Dómini non hábeo : consilium autem do, tamquam

misericórdiam consecútus a Dómino, ut sim fidélis. Exístimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutiónem. Solútus es ab uxóre? Noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatiónem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes: et qui utúntur hoc mundo, tamquam non utántur: præterit enim figurá hujus mundi.

Pro Martyre, R. Veni, sponsa Christi. áccipe coronam, quam tibi Dóminus præparávit in ætérnum: pro cujus amóre sánguinem tuum fudísti: * Et cum Angelis in paradísium introísti. **V.** Veni, elécta mea, et ponam in te thronum meum, quia concupívit Rex spéciem tuam. Et.

Pro non Mart. R. Veni, elécta mea, et ponam in te thronum meum: * Quia concupívit Rex spéciem

tuam. **V.** Spécie tua et pulchritúdine tua inténde, prospere procéde, et regna. Quia. **Bened.** Unigénitus Dei Filius.

Lectio ij.

VOLO autem vos sine sollicitúdine esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divisus est. Et múlter in-núpta, et virgo cógitat quæ Dómini sunt; ut sit sancta corpore, et spíritu. Quæ autem nupta est, cógitat quæ sunt mundi, quómodo pláceat viro. Porro hoc ad utilitátem vestram dico: non ut láqueum vobis injiciam, sed ad id, quod honéstum est, et quod facultátem præbeat sine impediménto Dóminum obsecrándi.

R. Diffusa est grátia in lábiis tuis: * Proptérea benedíxit te Deus in ætérnum. **V.** Spécie tua et pulchritúdine tua inténde, prospere procéde, et regna. Proptérea. **Bened.** Spíritus sancti grátia.

Lectio iij.

SI quis autem turpem se vidéri existimat super virgine sua, quod sit superadúlta, et ita opórtet fieri: quod vult faciat: non pec-

cat, ſi nubat. Nam qui ſtá-
tuit in corde ſuo firmus,
non habens neceſſitátem,
potestátem autem habens
ſuæ voluntátis, et hoc ju-
dicávit in corde ſuo, ſer-
váre vírginem ſuam, bene
facit. Igitur et qui matrimó-
nio jungit vírginem ſuam,
bene facit : et qui non jun-
git, mélius facit. Múlier al-
ligáta eſt legi quanto tém-
pore vir ejus vivit. Quod ſi
dormierit vir ejus, liberáta
eſt : cui vult nubat : tantum
in Dómino. Beátior autem
erit ſi ſic permánſerit, ſe-
cúndum meum conſílium :
puto autem quod et ego
Spíritum Dei hábeam.

¶. Spécie tua et pulchri-
túdine tua, * Inténde, pró-
ſpere procéde, et regna. ¶.
Diffúſa eſt grátia in lábiis
tuis, proptérea benedixit te
Deus in ætérnum. Inténde.
Glória Patri. Inténde.

In ſécundo Nocturno.

Ant. Spécie tua * et pul-
chritúdine tua inténde, pró-
ſpere procéde, et regna.

Psalmus 44.

ERUCTAVIT cor meum ver-
bum bonum : * dico ego
ópera mea Regi.

Lingua mea cálamus ſcri-
bæ, * velóciſter ſcribéntis.

Speciósus forma præ filiis
hóminum, diffúſa eſt grá-
tia in lábiis tuis : * pro-
ptérea benedixit te Deus in
ætérnum.

Accíngere gládio tuo ſuper
femur tuum * potentíſſime.

Spécie tua et pulchritúdine
tua * inténde, próſpere pro-
céde, et regna.

Propter veritátem, et man-
ſuetúdinem, et juſtitiam :
* et dedúcet te mirabíliter
déktera tua.

Sagittæ tuæ acútæ, pópuli
ſub te cadent, * in corda
inimicórum regis.

Sedes tua Deus in ſæculum
ſæculi : * virga directiónis
virga regni tui.

Dilexíſti juſtitiam, et odíſti
iniquitátem : * proptérea
unxit te Deus, Deus tuus
óleo lætitiæ præ conſór-
tibus tuis.

Myrrha, et gutta, et cáſia
a veſtiméntis tuis a dó-
mibus ebúrneis : * ex qui-
bus delectavérunt te filiæ
regum in honóre tuo.

Aſtitit regína a dextris tuis
in veſtitu deauráto : * cir-
cúmdata varietáte.

Audi, fília, et vide, et in-
clína aurem tuam : * et ob-
livíſcere pópulum tuum, et
domum patris tui.

Et concupíſcet Rex decó-
rem tuum : * quóniam ipſe
eſt Dóminus Deus tuus, et
adorábunt eum.

Et filiæ Tyri in munéribus
* vultum tuum deprecá-
búntur : omnes dívites ple-
bis.

Omnis glória ejus filiæ
Regis ab intus, * in fim-

briis aureis circumamicta
varietatibus.

Adducéntur Regi vírgines
post eam : * próximæ ejus
afferéntur tibi.

Afferéntur in lætítia et
exultatióne : * adducéntur
in templum Regis.

Pro pátribus tuis nati sunt
tibi filii : * constitúes eos
príncipes super omnem ter-
ram.

Mémores erunt nóminis tui
* in omni generatióne et
generatióne.

Proptérea pópuli confite-
búntur tibi in ætérnum : *
et in sæculum sæculi.

Añs. Spécie tua et pulchri-
túdine tua inténde, próspe-
re procéde, et regna.

Añs. Adjuvábít eam *
Deus vultu suo : Deus in
medio ejus, non commové-
bitur.

Psalmus 46.

DEUS noster refúgium, et
virtus : * adjútor in tri-
bulatióibus, quæ invené-
runt nos nimis.

Proptérea non timébimus
dum turbábitur terra : * et
transferéntur montes in cor-
maris.

Sonuérunt, et turbátæ sunt
aquæ córum : * conturbáti
sunt montes in fortitúdine
ejus.

Flúminis ímpetus lætificat
civitátem Dei : * sanctifi-
cávit tabernáculum suum
Altissimus.

Deus in medio ejus non
commovébitur : * adjuvábít
eam Deus mane dilúculo.

Conturbátæ sunt gentes ,
et inclináta sunt regna : *
dedit vocem suam , mota
est terra.

Dóminus virtútum nobis-
cum : * suscéptor noster
Deus Jacob.

Venite , et vidéte ópera Dó-
mini , quæ pósuit prodigia
super terram : * áuferens
bella usque ad finem terræ.

Arcum cónteret, et confrín-
get arma : * et scuta com-
búret igni.

Vacáte , et vidéte quóniam
ego sum Deus : * exaltábor
in géntibus, et exaltábor in
terra.

Dóminus virtútum nobis-
cum : * suscéptor noster
Deus Jacob.

Añs. Adjuvábít eam Deus
vultu suo : Deus in medio
ejus, non commovébitur.

Añs. Aquæ multæ * non
potuérunt extingúere cha-
ritátem.

Psalmus 47.

MAGNUS Dóminus , et lau-
dábilis nimis : * in ci-
vitáte Dei nostri , in monte
sancto ejus.

Fundátur exultatióne uni-
vérsæ terræ mons Sion , *
látera Aquilónis , civitas
Regis magni.

Deus in dómibus ejus cog-
noscétur , * cum suscépiet
eam.

Quóniam ecce reges terræ congregati sunt : * convenerunt in unum.

Ipsi vidéntes sic admirati sunt , conturbati sunt , commoti sunt : * tremor apprehéndit eos.

Ibi dolóres ut parturiéntis , * in spíritu veheménti cónteres naves Tharsis.

Sicut audívimus , sic vídimus in civitaté Dómini virtutum , in civitaté Dei nostri : * Deus fundávit eam in ætérnum.

Suscévimus Deus misericórdiam tuam , * in médio templi tui.

Secúndum nomen tuum Deus , sic et laus tua in fines terræ : * justitia plena est dextera tua.

Lætétur mons Sion , et exúltent filiæ Judæ , * propter judicia tua , Dómine.

Circúmdate Sion , et complectimini eam : * narráte in túrribus ejus.

Pónite corda vestra in virtúte ejus : * et distribúite domos ejus , ut enarrétis in progénie áltera.

Quóniam hic est Deus , Deus noster in ætérnum , et in sæculum sæculi : * ipse reget nos in sæcula.

Añã. Aquæ multæ non potuérunt extingueré charitátem. *Ÿ.* Adjuvábít eam Deus vultu suo. *ñ.* Deus in médio ejus , non commovébitur. *Pater noster. Ab.*

solutio. Ipsius pietas. *Ÿ.* Jube , domne. *Bened.* Deus Pater omnipotens.

Sermo S. Ambrósii Episc.

Lectio iv.

L. 1. de Virg. circa initium.

QUONIAM hódie natális est Virginis , invitat nunc integritátis amor , ut áliquid de virginitáte dicámus : ne véluti tránsitu quodam præstricta videátur , quæ principális est virtus. Non enim ídeo laudábilis virginitas , quia in martyribus reperitur : sed quia ipsa mártýres fáciat. Quis autem humáno eam possit ingénio comprehéndere , quam nec natúra suis inclúsit légibus ? aut quis naturáli voce complécti , quod supra usum naturæ sit ? E cœlo accersivit quod imitarétur in terris. Nec immérito vivéndi sibi usum quæsivit e cœlo , quæ sponsum sibi invénit in cœlo.

ñ. Propter veritátem , et mansuetúdinem , et justitiam : * Et dedúcet te mirabiliter dextera tua. *Ÿ.* Spécie tua , et pulchritúdine tua , inténde , prospere procéde , et regna. Et. *Bened.* Christus perpétuæ.

Lectio v.

HÆC nubes , áera , Angelos , sideraque transgrediens , Verbum Dei in ipso sinu Patris invénit , et toto hausit pectore. Nam quis

tantum, cum invenerit, relinquat boni? Unguentum enim exinanitum est nomen tuum: propterea adolescentulæ dilexerunt te, et attraxerunt te. Postrémo, non meum est illud, quóniam quæ non nubunt, neque nubentur, erunt sicut Angeli Dei in cælo. Nemo ergo mirétur, si Angelis comparéntur, quæ Angelórum Dómino copulántur.

R. Dilexisti justitiam, et odisti iniquitatem: * Propterea unxit te Deus, Deus tuus óleo lætitiæ. **V.** Propter veritatem, et mansuetudinem, et justitiam. Propterea. **Ben.** Ignem sui amoris.

Lectio vj.

Quis igitur neget hanc vitam fluxisse de cælo, quam non facile invenimus in terris, nisi postquam Deus in hæc terréni corpóris membra descendit? Tunc in útero Virgo concépit, et Verbum caro factum est, ut caro fieret Deus. Dicet aliquis: Sed étiam Elías nullius corpórei cóitus fuisse permixtus cupiditatibus invenitur. Ideo ergo curru raptus ad cælum, ideo cum Dómino appáret in glória, ideo Dominici venturus est præcúrsor advéntus.

R. Afferéntur Regi virgines post eam, próximæ ejus * Afferéntur tibi in lætitia et exultatione. **V.** Spécie tua

et pulchritudine tua inténde, prospere procéde, et regna. Afferéntur. **Gloria Patri.** Afferéntur.

In lectulo Nocturno.

Añsa. Nigra sum, * sed formósa, filia Jerúsalem: ideo diléxit me Rex, et introduxit me in cubiculum suum.

Psalmus 95.

CANTATE Dómino canticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus, * in ómnibus populis mirabilia ejus.

Quóniam magnus Dóminus, et laudábilis nimis: * terribilis est super omnes deos.

Quóniam omnes dii Géntium dæmónia: * Dóminus autem cælos fecit.

Confessio et pulchritúdo in conspéctu ejus: * sanctimónia et magnificéntia in sanctificatióne ejus.

Afférte Dómino pátriæ Géntium, afférte Dño glóriam et honórem: * afférte Dómino glóriam nómini ejus.

Collite hóstias, et introíte in átria ejus: * adoráte Dóminum in átrio sancto ejus.

Commoveátur a fácie ejus univérsa terra: * dicite in géntibus quia Dóminus regnávít.

Etenim corréxit orbem ter-

ræ, qui non commovébatur : * iudicábit pópulos in æquitáte.

Læténtur cœli, et exúltet terra, commoveátur mare, et plenitúdo ejus : * gaudébunt campi, et ómnia quæ in eis sunt.

Tunc exultábunt ómnia ligna silvárum a fácie Dómini, quia venit : * quóniam venit iudicáre terram.

Judicábit orbem terræ in æquitáte, * et pópulos in veritáte sua.

Añs. Nigra sum, sed formósa, filiæ Jerúsalem : ideo diléxit me Rex, et introdúxit me in cubículum suum.

Añs. Trahe me post te, * in odórem currémus unguentórum tuórum : óleum effúsum nomen tuum.

Psalmus 96.

DOMINUS regnávít, exúltet terra : * læténtur insulæ multæ.

Nubes, et caligo in circúitu ejus : * justítia, et iudícium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes sicut cera fluxérunt a fácie Dómini : * a fácie Dómini omnis terra.

Annuntiavérunt cœli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audivit, et lætata est Sion.

Et exultavérunt filiæ Judæ, * propter iudícia tua, Dómine.

Quóniam tu Dóminus altissimus super omnem terram : * nimis exaltátus es super omnes deos.

Qui diligitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Añs. Trahe me post te, in odórem currémus unguentórum tuórum : óleum effúsum nomen tuum.

Añs. Veni, sponsa Christi, * áccipe corónam, quam tibi Dóminus præparávit in ætérnum.

Psalmus 97.

CANTATE Dómino cánticum novum : * quia mirabilia fecit.

Salvávít sibi délixtera ejus, * et bráchium sanctum ejus.

Notum fecit Dóminus salutare suum : * in conspéctu Géntium revelávit justítiam suam.

Recordatus est misericordiæ suæ, * et veritatis suæ domui Israel.

Viderunt omnes termini terræ : * salutare Dei nostri.

Jubilâte Deo, omnis terra : * cantâte, et exultâte, et psallite.

Psallite Dômino in cithara, in cithara et voce psalmi : * in tubis ductilibus, et voce tubæ cœneæ.

Jubilâte in conspectu Regis Dômini : * moveatur mare, et plenitudo ejus : orbis terrarum, et qui habitant in eo.

Flumina plaudent manu, simul montes exultabunt a conspectu Dômini : * quoniam venit judicare terram.

Judicabit orbem terrarum in justitia, * et populos in æquitate.

Añs. Veni, sponsa Christi, accipe coronam, quam tibi Dôminus præparavit in æternum. *ŷ.* Elégit eam Deus, et præelégit eam. *ñ.* In tabernaculo suo habitare facit eam. *pater noster.* *Absolutio.*

A vinculis. *ŷ.* Jube domne.

Bened. Evangélica lécio.

Lécio sancti Evangélii secundum Matthæum.

Lectio vij. Cap. 25.

In illo tempore : Dixit Jesus discipulis suis parabolam hanc : Simile erit regnum cœlorum decem virginibus : quæ accipientes

lampades suas, exierunt obviam sponso et sponsæ. Et reliqua.

Homilia S. Gregórii Papæ.

Hom. 12. in Evang.

SÆPE vos, fratres charissimi, admoneo prava opera fugere, mundi hujus inquinamenta devitare : sed hodierna sancti Evangélii lectione compellor dicere, ut et bona quæ agitis, cum magna cautela teneatis : ne per hoc, quod a vobis rectum geritur, favor aut gratia humana requiratur : ne appetitus laudis subrepat, et quod foris ostenditur, intus a mercéde vacuetur. Ecce enim Redemptoris voce decem virgines, et omnes dicuntur virgines, et tamen intra beatitudinis januam non omnes sunt receptæ : quia earum quædam, dum de virginitate sua glóriam foris expetunt, in vasis suis oleum habere noluérunt.

ñ. Hæc est virgo sapiens, quam Dôminus vigilantem invenit, quæ, acceptis lampadibus, sumpsit secum oleum : * Et veniente Dômino, introivit cum eo ad nuptias. *ŷ.* Média nocte clamor factus est : Ecce sponsus venit, exite obviam ei. Et. *Bened.* Cujus, *vel* Quarum festum colimus.

Lectio viij.

SED prius querendum nobis est, quid sit regnum

cœlôrum, aut cur decem virginibus comparétur, quæ étiam virgines prudéntes et fátuæ dicántur. Dum enim cœlôrum regnum constat, quia reprobôrum nullus ingréditur, étiam fátuis virginibus cur símile esse perhibétur? Sed sciéndum nobis est, quod sæpe in sacro elóquio regnum cœlôrum præsentis témporis Ecclesiá dicitur. De quo álio in loco Dóminus dicit: Mittet Filius hóminis Angelos suos, et colligent de regno ejus ómnia scándala. Neque enim in illo regno beatitúdinis, in quo pax summa est, inveniri scándala póterunt, quæ colligántur.

¶ Média nocte clamor factus est: * Ecce sponsus venit, exite óbviám ei. **¶** Prudéntes virgines, aptáte vestras lámpades. Ecce. Glória Patri. Ecce. **Bened.** Ad societátem.

Lectio ix.

In quinque autem cörperis sénsibus unusquisque subsistit. Geminátus autem quinquárius denárium pérficit. Et quia ex utrôque sexu fidélium multitúdo colligitur, sancta Ecclesiá decem virginibus similis esse denuntiátur. In qua, quia mali cum bonis, et réprobi cum eléctis admixti sunt, recte símilis virginibus prudentibus et fátuis esse perhibétur.

Sunt namque plerique continéntes, qui ab appetítu se exterióri custódiunt, et spe ad interióra rapiúntur, carnem mácerant, et toto desiderio ad supérnam pátriam anhelánt, æténa præmia expetunt, pro labóribus suis recípere laudes humánas nólunt. Hi nimirum glóriam suam non in ore hóminum ponunt, sed intra consciéntiam cóntegunt. Et sunt plerique, qui corpus per abstinéntiam affligunt, sed de ipsa sua abstinéntia humános favóres expetunt.

Te Deum laudámus. 17.

AD LAUDES,

et per Horas. Ant.

1. Hæc est virgo sápiens, * et una de número prudentum. **Ps.** Dóminus regnávít, cum reliq. 18.

2. Hæc est virgo sápiens, * quam Dóminus vigilántem invénit.

3. Hæc est quæ nescívit * torum in delicto: habébit fructum in respectióne animárum sanctárum.

4. Veni, elécta mea, et ponam in te thronum meum, alleluia.

5. Ista est speciósá * inter filias Jerúsalem.

Capitulum. 2. Cor. 10.

FRATRES, Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat.

Hymnus.

IESU, coróna Virginum,
 Quem Mater illa concipit,
 Quæ sola Virgo párturit,
 Hæc vota clemens áccipe.
 Qui pergis inter lilia,
 Septus choréis Virginum,
 Sponsus decórus glória,
 Sponsisque reddens præmia.

Quocúmque tendis, Virgines
 Sequúntur, atque láudibus
 Post te canéntes cúrsitant,
 Hymnósque dulces pèrsonant.

Te deprecámur súpplīces,
 Nostris ut addas sénsibus,
 Nescīre prorsus ómnia
 Corruptiónis vúlnera.

Virtus, honor, laus, glória
 Deo Patri cum Filio,
 Sancto simul Paráclito,
 In sæculórum sæcula. Amen.

R. Diffusa est grátia in lá-
 biis tuis. *R.* Proptérea bene-
 dixit te Deus in ætérnum.

Ad Benedictus. Ant.

Simile est regnum cœlórum
 * hómini negotiatóri quæ-
 rénti bonas margarítas : in-
 vénita una pretiósá, dedit
 ómnia sua, et comparávit
 eam.

Oratio.

DEUS, qui inter cætera po-
 téntiæ tuæ mirácula,
 étiam in sexu frágili victó-
 riam martyrii contulísti :
 concéde propítius; ut qui
 beátæ *N.* Virginis et Már-
 tyris tuæ natalítia cólimus,

per ejus ad te exémpla gra-
 diámur. Per Dóminum.

Ant. Oratio.

INDULGENTIAM nobis, quæ-
 sumus Dómine, beáta *N.*
 Virgo et Martyr implóret :
 quæ tibi grata semper éxti-
 tit et mérito castitátis, et
 tuæ professióne virtútis. Per
 Dóminum.

*Pro Virgine non Martyre.**Oratio.*

EXAUDI nos, Deus salutá-
 ris noster : ut sicut de
 beátæ *N.* Virginis tuæ festi-
 vitáte gaudémus, ita piæ
 devotiónis erudiámur affé-
 ctu. Per Dóminum.

*Si fuerint plures, ad be-
 nedictus dicitur Ant.* Pru-
 dentes Virgines, * aptáte
 vestras lámpades : Ecce
 Sponsus venit, exíte ób-
 viam ei. *ŷ.* Adducéntur Regi
 vírgines post eam. *R.* Pró-
 ximæ ejus afferéntur tibi.

Oratio.

DA nobis, quæsumus Dó-
 mine Deus noster, san-
 ctárum Virginum et Márty-
 rum tuárum *N.* et *N.* palmas
 incessábili devotióne vene-
 rári : ut quas digna mente
 non póssumus celebráre,
 humilibus saltem frequen-
 témus obséquiiis. Per Dñm.

Ad Tertiam. Ant.

Hæc est Virgo sápiens.

Capit. Fratres, Qui. cxvj.
R. Ant. Spécie tua, * Et
 pulchritúdine tua. Spécie
 tua. *ŷ.* Inténde, prospere

procéde, et regna. Et. Gló-
ria Patri. Spécie tua. *ŷ*.
Adjuvabit eam Deus vultu
suo. *R̃*. Deus in médio ejus,
non commovébitur.

¶ *Temp. Pasch. R̃. br.*
Spécie tua, et pulchritúdine
tua. * Allelúia, allelúia.
Spécie. *ŷ*. Inténde, prospere
procéde, et regna. Allelúia,
allelúia. Glória Patri. Spécie.
ŷ. Adjuvabit eam Deus vultu
suo, allelúia. *R̃*. Deus in
médio ejus, non commové-
bitur, allelúia.

Ad Sextam. Añæ.

Hæc est quæ nescivit.

Capit. 2. Cor. 11.

EMULOR enim vos Dei
æmulatione. Despón-
di enim vos uni viro virginem
castam exhibére Christo.

R̃. br. Adjuvabit eam *
Deus vultu suo. Adjuvabit.
ŷ. Deus in médio ejus, non
commovébitur. Deus. Glória
Patri. Adjuvabit. *ŷ*. Elégit
eam Deus, et præelégit eam.
R̃. In tabernáculo suo ha-
bitáre facit eam.

¶ *Temp. Pasch. R̃. br.*
Adjuvabit eam Deus vultu
suo. * Allelúia, allelúia. Ad-
juvabit. *ŷ*. Deus in médio
ejus, non commovébitur.
Allelúia, allelúia. Glória Pa-
tri. Adjuvabit. *ŷ*. Elégit eam
Deus, et præelégit eam, alle-
lúia. *R̃*. In tabernáculo suo
habitáre facit eam, allelúia.

Ad Nonam. Añæ.

Ista est speciósá.

Capit. Eccli. 51. b

DOMINE Deus meus, exal-
tásti super terram habi-
tationem meam, et pro
morte defluente deprecáta
sum. Invocávi Dóminum
Patrem Dómini mei, ut
non derelinquat me in die
tribulationis meæ, et in
tém-pore superbórum sine
adjutório.

R̃. br. Elégit eam Deus,
* Et præelégit eam. Elégit.
ŷ. In tabernáculo suo habi-
táre facit eam. Et. Glória
Patri. Elégit. *ŷ*. Diffúsa
est grátia in lábiis tuis. *R̃*.
Proptérea benedixit te Deus
in ætérnum.

¶ *Temp. Pasch. R̃. br.*
Elégit eam Deus, et præelé-
git eam. * Allelúia, allelúia.
Elégit. *ŷ*. In tabernáculo suo
habitáre facit eam. Allelúia,
allelúia. Glória Patri. Elégit.
ŷ. Diffúsa est grátia in lábiis
tuis, allelúia. *R̃*. Proptérea
benedixit te Deus in ætér-
num, allelúia.

*Si meritis Virgo, et non
Martyr, dicitur sequens*

Capitulum. Sap. 4.

O quam pulchra est ca-
sta generatio cum clari-
tate! Immortális est enim
memória illius: quóniam
apud Deum nota est, et
apud hómines.

R̃. br. Elégit, *ut supra.*

*Ad Vesp. Añæ, Psalmi,
Capit. et Hymnus ut in j.
Vesp. ciiij.*

P. Diffusa est grátia in lá-
biis tuis. **R.** Proptérea bene-
dixit te Deus in ætérnum.

Ad Magnificat. Añæ.

Veni, sponsa Christi, * ac-
cipe coronam, quam tibi
Dóminus præparávit in æ-
térnum.

2. ALIÆ LECTIONES

PRO VIRGINE.

*Pro Virg. et Mart., ac pro
Mart. tantum, Lect. j. Noct.
leguntur etiam ut infra.*

De libro Ecclesiástici.

Lectio j. Cap. 31.

CONFITEBOR tibi, Dómine
Rex, et collaudábo te
Deum salvatórem meum.
Confitébor nómini tuo : quó-
niam adjutor et protéctor
factus es mihi, et liberásti
corpus meum a perditíone,
a láqueo linguæ iniquæ, et
a lábiis operántium mendá-
cium, et in conspéctu
astántium factus es mihi
adjutor. Et liberásti me
secúndum multitudínem mi-
sericórdiæ nóminis tui a
rugiéntibus, præparátis ad
escam, de mánibus quæ-
réntium ánimam meam, et
de portis tribulatiónum
quæ circumdedérunt me : a
pressúra flammæ quæ cir-
cúmdedit me, et in médio
ignis non sum æstuáta : de
altitudine ventris inferi, et
a lingua coinquináta, et
a verbo mendácii, a rege
iniquo, et a lingua injústa.

R. Veni, sponsa. cix.

Lectio ij.

LAUDABIT usque ad mor-
tem ánima mea Dómi-
num, et vita mea appropín-
quans erat in inférno deór-
sum. Circumdedérunt me
úndique, et non erat qui
adjuvâret. Respiciens eram
ad adjutórium hóminum, et
non erat. Memoráta sum mi-
sericórdiæ tuæ, Dómine, et
operatiónis tuæ, quæ a sæ-
culo sunt: quóniam éruis sus-
tinéntes te, Dómine, et libe-
ras eos de mánibus géntium.
R. Diffusa est grátia. cix.

Lectio iij.

EXALTASTI super terram
habitatiónem meam, et
pro morte defluénte depre-
cáta sum. Invocávi Dómi-
num patrem Dómini mei,
ut non derelinquat me in
die tribulatiónis meæ, et in
témpace superbórum sine
adjutório. Laudábo nomen
tuum assidue, et collaudá-
bo illud in confessiône, et
exaudíta est orátio mea. Et
liberásti me de perditíone,
et eripuísti me de témpace
iniquo. Proptérea confitébor
et laudem dicam tibi, et be-
nedícam nómini Dómini.

R. Spécie tua. cx.

In secundo Nocturno.

Ex libro S. Cypriáni, Epí-
scopi et Mart., de disci-
plína et hábitu virginum.

Lectio ix. Cap. 2.

NUNC nobis ad vírgines
sermo est, quarum quo

sublimior glória est, major et cura est. Flos est ille ecclesiastici gérminis, decus atque ornámentum grátiae spiritalis, læta indoles, laudis et honóris opus integrum atque incorruptum, Dei imágo respóndens ad sanctimóniam Dómini, illústrior pórtio gregis Christi. Gaudet perillas, atque in illis largiter floret Ecclesiæ matris gloriósa fœcúnditas: quantóque plus copiósa virginitas número suo addit, tanto plus gáudium matris augéscit. Ad has lóquimur, has adhortámur affectióne pótius quam potestáte: non quod extrémis, et mínimis, et humilitátis nostræ ádmodum cónscii, áliquid ad censúram licéntiæ vindicémus: sed quod ad sollicitúdinem magis cauti, plus de diaboli infestatióne timeámus.

R. Propter veritatem. cxij.

Lectio v.

NEQVE inánis hæc cáutio est, et vana formído, quæ ad salutis viam cónsulit, quæ Domínica et vitália præcépta custódit, ut quæ se Christo dicáverint et a carnáli concupiscéntia recedéntes, tam carne, quam mente se Deo vóverint, consúmment opus suum magno præmio destinátum: nec ornári jam, aut placére cuíquam, nisi

Dómino suo, stúdeant, a quo et mercédem virginitatis expéctant, dicénte ipso: Non omnes cápiunt verbum, sed illi quibus datum est. Sunt enim spadónes, qui ex útero matris sic nati sunt: et sunt spadónes, qui coácti sunt ab homínibus: et sunt spadónes, qui seipsos castravérunt propter regnum cœlórum.

R. Dilexisti justitiam. cxij.

Lectio vi

DENUO quoque per hanc Angeli vocem continéntiæ munus osténditur, virginitas prædicátur. Hi sunt, qui cum muliéribus se non coinquinavérunt: vírgines enim permansérunt: hi sunt qui sequúntur Agnum quocúmque íerit. Neque enim tantum másculis continéntiæ grátiam Dóminus repromittit, et féminas præterit: sed quóniam fémina viri pórtio est, et ex eo sumpta atque formáta est, in Scriptúris fere ómnibus ad protoplástum Deus lóquitur, quia sunt duo in carne una, et in másculo simul significátur et fémina. Quod si Christum continéntia séquitur, et regno Dei virginitas destinátur: quid est illis cum terréno cultu, et cum ornámentis, quibus dum homínibus placére géstiunt, Deum offéndunt? **R.** Afferéntur. cxij.

Lectio Nocturno.

Lectio sancti Evangelii
secundum Matthæum.

Lectio in Cap. 19.

IN illo tempore : Accesserunt ad Jesum Pharisæi tentantes eum , et dicentes : Si licet homini dimittere uxorem suam , quacumque ex causa ? Et reliqua.

Homilia sancti Joannis
Chrysostomi.

Homilia 63. in Matth.

DOMINUS noster , quia ad virginitatem hortari grave esse videbatur , a necessitate legis de non solvendo matrimonio , eos ad cupiditatem illius trahere studet. Deinde ut eam esse possibilem ostendat , sic inquit : Sunt eunuchi qui ex ventre matris ita nati sunt , et sunt qui ab hominibus eunuchi facti sunt , et sunt qui seipsos castraverunt propter regnum cælorum. Quibus verbis latenter eos ad eligendam virginitatem inducit , dum eam virtutem esse possibilem astruit. **R.** Hæc est. cxv.

Lectio viij

ID autem hoc fere modo confirmat. Cõgita tecum , si aut a natura talis esses , aut ab hominibus eam injuriam passus , quid faceres , cum et ejusmodi voluptate careres , et nullam carendo mercedem sequereris ? Grátias igitur

nunc Deo agas , quod cum mercede atque coronis idem sustines , quod illi sine coronis ac præmio tolerant : immo vero non idem , sed multo levius , tum quia spereris , et conscientia recte facti : tum quia non ita ingentibus concupiscentiæ fluctibus jactaris.

R. Média nocte. cxvj.

Lectio ix.

CUM ergo de illis eunuchis dixerit , qui nisi etiam ipsi mente se contineant , frustra et inutiliter tales sunt , ac de illis , qui ut regnum cælorum consequantur , se continent , subjunxit rursus , dicens : Qui potest capere , capiat : ut alacriores efficiat eo ipso , quod grave esse opus ostendit , et ineffabili benignitate sua noluit eam rem intra necessitatem legis concludere , idque dicendo adhuc magis possibilem esse demonstrat , ut voluntatis studium plus augeatur.

Te Deum laudamus. 17.

COMMUNE

S. MARTYRIS TANTUM , ET
NEC VIRGINIS NEC MART.

¶ Notandum quod , si fuerit intra temp. Pasch. servanda est Rubr. posita supra. xlvijj.

Ad Vesperas. Añã. Dum esset , cum reliq. de Laud. Ps. Dixit Dominus , cum reliq. de Comm. Virg. ciij.

Pro Martyre tantum.

Capitulum. Eccli. 51.

CONFITEBOR tibi, Dómine
Rex, et collaudábo te
Deum salvatórem meum.
Confitébor nómini tuo: quóniam
adjútor et protéctor
factus es mihi, et liberásti
corpus meum a perditíone.

Pro nec Virg. nec Mart.

Capitulum. Prov. 31. b

MULIEREM fortem quis invéniet? procul, et de
últimis finibus prétium ejus.
Confidit in ea cor viri sui, et
spóliis non indigébit.

Hymnus.

FORTEM virili pectore
Laudémus omnes féminam,

Quæ sanctitátis glória
Ubique fulget inclyta.

Hæc sancto amóre sáucia,
Dum mundi amórem nóxium
Horréscit, ad cœlestia
Iter perégit árduum.

Carnem domans jejúniis,
Dulcique mentem pábulo
Oratiónis nútriens,
Cœli potitur gáudiis.

Rex Christe, virtus fórtium,
Qui magna solus éfficis,
Hujus precátu, quæsumus,
Audi benígnus súpplices.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sæculum. Amen.

Spécie tua et pulchritúdine tua. *ñ.* Inténde, prospere procéde, et regna.

Ad Magnificat, Ant.

Símile est regnum cœlórum
* hómini negotiátóri quærenti bonas margarítas: inventa una pretiósa, dedit omnia sua, et comparávit eam.

Pro una Mart. tantum.

Oratio.

DEUS, qui inter cétera potentíæ tuæ mirácula étiam in sexu frágili victóriam martyrii contulísti: concéde propítius; ut qui beátæ *N.* Mátyris tuæ natalítia cólimus, per ejus ad te exémpla gradiámur. Per Dñum.

Pro plur. Mart. tantum.

Oratio.

DA nobis, quæsumus Dómine Deus noster, sanctárum Mátyrum tuárum *N.* et *N.* palmas incessábili devotióne venerári. ut quas digna mente non pössumus celebráre, humilibus saltem frequentémus obséquiiis. Per Dóminum.

Pro nec Virg. nec Mart.

Oratio.

EXAUDI nos, Deus salutáris noster: ut sicut de beátæ *N.* festivitáte gaudémus, ita piæ devotiónis erudiámur afféctu. Per Dñum.

Ad Matutinum, Invitat.

Laudémus Deum nostrum,
* In confessiône beátæ *N.*
Ps. Venite, exultémus. 2.

Hymnus.

HUJUS orátu, Deus alme, nobis.

Débitas pœnas scélerum remitte :

Ut tibi puro resonemus album

Péctore carmen.

Sit decus Patri, genitæque Proli,

Et tibi, compar utriusque virtus

Spiritus semper, Deus unus, omni

Témporis ævo. Amen.

Añæ, Psalmi. et 77. Noct., nem. R. R. in j. et ij. Noct. dicuntur ut in Comm. Virg. cvij. excepta secunda Añæ. j. Noct. ut ibidem notatur et R. vj., ut infra.

Lectiones j. Nocturni pro Mart. tantum leguntur ut supra. Confitébor. cxix.

Pro nec Virg. nec Martyre, ut sequuntur :

De Parábolis Salomónis.

Lectio j. Cap. 31. b

MULIEREM fortem quis inveniet? procul, et de ultimis finibus prétium ejus. Confidit in ea cor viri sui, et spóliis non indigébit. Reddet ei bonum, et non malum, omnibus diébus vitæ suæ. Quæsivit lanam et linum, et operáta est consilio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suá-

rum plantávit vineã. Accinxit fortitúdine lumbos suos, et roborávit bráchium suum.

R. Veni, elécta mea, et ponam in te thronum meum :

** Quia concupívit Rex spéciem tuam. V. Spécie tua et pulchritúdine tua inténde, prospere procéde, et regna. Quia. Bened. Unigénitus Dei Fílius.*

Lectio ij.

GUSTAVIT, et vidit quia bona est negotiátio ejus: non extingúetur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apérui inopi, et palmas suas exténdit ad páuperem. Non timébit dómui suæ a frigóribus nivis: omnes enim doméstici ejus vestíti sunt duplicíbus. Stragulátam vestem fecit sibi: byssus et púrpura induméntum ejus. Nóbilis in portis vir ejus, quando séderit cum senatóribus terræ. Síndonem fecit, et véndidit, et cingulum trádidit Chananæo.

*R. Diffúsa est grátia in lábiis tuis: * Proptérea benedíxit te Deus in ætérnum. V. Spécie tua et pulchritúdine tua inténde, prospere procéde, et regna. Proptérea. Bened. Spiritus sancti grátia.*

Lectio iij.

FORTITUDO et decor indumentum ejus, et ridébit in die novíssimo. Os suum

aperuit sapientiæ, et lex clementiæ in lingua ejus. Consideravit semitas domus suæ, et panem otiosa non comedit. Surrexerunt filii ejus, et beatissimam prædicaverunt : vir ejus, et laudavit eam. Multæ filiæ congregaverunt divitias : tu supergressa es universas. Fallax gratia, et vana est pulchritudo : mulier timens Dominum, ipsa laudabitur. Date ei de fructu manuum suarum : et laudent eam in portis opera ejus.

R. Spécie tua et pulchritudine tua * Intende, prospere procéde, et regna. *V.* Diffusa est gratia in labiis tuis, propterea benedixit te Deus in ætérnum. Intende. Glória Patri. Intende.

In secundo Nocturno.

Ex libro sancti Ambrósii
Episcopi de Viduis.

Lectio IV. Prope fin.

AGRUM hunc Ecclesiæ fertilem cerno, nunc integritatis flore vernantem, nunc viduitatis gravitate pollentem, nunc etiam conjugii fructibus redundantem. Nam etsi diversi, unius tamen agri fructus sunt : nec tanta hortorum lilia, quantæ aristæ segetum, messium spicæ, compluriumque spatia camporum recipiendis aptantur seminibus, quam redditis novales fructibus feriantur. Bona ergo viduitas, quæ toties Apostólico

judicio prædicatur. Hæc enim magistra fidei, magistra est castitatis.

R. Propter veritatem, et mansuetudinem, et justitiam : * Et deducet te mirabiliter dextera tua. *V.* Spécie tua et pulchritudine tua intende, prospere procéde, et regna. Et. *Benedicte* Christus perpétuæ.

Lectio V.

UNDE et illi qui deorum suorum adultéria et probra venerantur, cœlibatus et viduitatis statuere pœnas, ut æmulicriminum muletarent studia virtutum, spécie quidem quæ fecunditatem quærerent, sed studio, quo propositum castitatis abolerent. Nam confectis et miles stipendiis arma depõnit, et relicto officio quod gerébat, ad propria veteranus rura dimittitur, ut et ipse exercitiæ laboribus vitæ requiem consequatur, et alios spes futuræ quietis subeundis faciat operibus promptiores. Agricola quoque maturior torquendam aliis stivam committit, et juvenili gravatus opere providentiam curæ senilis explorat : vitem facilius tondere, quam premere, ut juvenescentem luxuriam reprimat, et adolescentem lasciviam falcesuccidat : parcorum quamdam partuum castitatem docens etiam in vitibus expetendam.

A Dilexisti justitiam, et odisti iniquitatem : * Propterea unxit te Deus, Deus tuus oleo lætitiæ. † Propter veritatem et mansuetudinem, et justitiam. Propterea. **Ben.** Ignem sui amoris.

Lectio xj.

SIMILIS huic vidua velut eméritis veterána stipéndiis castitátis, etsi conjúgii arma depónat, domus tamen totíus pacem gubérnat : et si vehéndis onéribus otíosa, marítandis tamen junióribus próvida, ubi cultus utilior, ubi fructus ubérior sit, quarum cópulam aptiorem senili gravitáte dispónit. Itaque si maturióribus quam junióribus committitur ager, cur putes utiliórem nuptam esse quam víduam ? Quod si persecutóres fidei, persecutóres fuérunt étiam viduitátis ; útique fidem sequéntibus vidúitas non pro supplício fugiéndam est, sed tenéndam pro præmio.

n. Fallax grátia, et vana est pulchritúdo : * Múlier timens Deum, ipsa laudábitur. †. Date ei de fructu mánuum suárum, et laudent eam in portis ópera ejus. Múlier. Glória Patri. Múlier.

In tertia Nocturno

Lectio sancti Evangelii
secundum Matthæum.

Lectio vij. Cap. 13. f

In illo témpore : Dixit Jesus discipulis suis pará-

bolam hanc : Símile est regnum cœlórum thesauro abscondito in agro. Et reliqua. Homilia S. Gregórii Papæ.

Hom. 11. in Evang.

COELORUM regnum, fratres charíssimi, idcirco terrenis rebus símile dicitur, ut ex his quæ ánimus novit, surgat ad incógnita quæ non novit : quátenus exémplo visibílium se ad invisibília rápiat, et per ea, quæ usu didicit, quasi confricátus incaléscat : ut per hoc, quod scit notum diligere, discat et incógnita amáre. Ecce enim regnum cœlórum thesauro abscondito in agro comparátur : quem qui ínvenit homo, abscondit, et præ gáudio illius vadit, et vendit univér-sa quæ habet, et emit agrum illum.

n. Os suum apéruit sapiéntiæ, et lex cleméntiæ in lingua ejus : considerávit sémitas domus suæ, * Et panem otíosa non comédit. †. Gustávit, et vidit quia bona est negotiátio ejus : non extinguetur in nocte lucérna ejus. Et. **Bened.** Cujus festum cólimus.

Lectio viij.

QUA in re hoc quoque notándum est, quod invéntus thesaurus absconditur, ut servétur : quia stúdi-um cœléstis desidérii a malignis spirítibus custodire non súfficit, qui hoc ab

humánis láudibus non abs-
côndit. In præsénti etenim
vita, quasi in via sumus,
qua ad pátriam pèrgimus.
Maligni autem spíritus iter
nostrum quasi quidem la-
trúnculi óbsident. Depræ-
dári ergo desiderat, qui
thesáurum públicæ portat
in via. Hoc autem dico,
non ut próximi ópera nostra
bona non vídeant, cum scri-
ptum sit : Vídeant ópera
vestra bona, et gloríficent
Patrem vestrum, qui in cœ-
lis est : sed ut per hoc, quod
ágimus, laudes extérius non
quæramus. Sic autem sit
opus in público, quátenus
inténtio máneat in occúlto :
ut et de bono ópere próximis
præbeámus exéplum, et ta-
men per intentiónem, qua
Deo soli placére quærimus,
semper optémus secrétum.
¶ Regnum mundi, et om-
nem ornátum sæculi con-
témpsi propter amórem
Dómini mei Jesu Christi :
* Quem vidi, quem amávi,
in quem crédidi, quem dí-
léxi. **†** Eructávit cor meum
verbum bonum : dico ego
ópera mea Regi. Quem.
Glória Patri. Quem. **Bened.**
Ad societátem civium.

Lectio ix.

THESAURUS autem cœléste
est desidérium : ager
vero, in quo thesáurus abs-
cônditur, disciplina stúdi
cœléstis. Quem profecto

agrum, vénditis ómnibus,
cómparat, qui voluptátibus
carnis renúntians, cuncta
sua terréna desidéria per
disciplínæ cœléstis custó-
diam caleat : ut nihil jam
quod caro blanditur, líbeat;
nihil quod carnálem vitam
trucidat, spíritus perhorré-
scat.

Te Deum laudámus. 17.

AD LAUDES,

et per Horas. Anæ.

1. Dum esset Rex * in accú-
bitu suo, nardus mea dedit
odórem suavitátis. **Ps.** Dñs
regnávit, cum reliq. 18.

2. In odórem * unguen-
tórum tuórum cúrrimus,
adolescéntulæ dilexérunt te
nimis.

3. Jam hiems tránsiit, *
imber ábiit, et recéssit :
surge, amíca mea, et veni.

4. Veni, elécta mea, et po-
nam in te thronum meum,
allelúia.

5. Ista est speciósa * in-
ter filias Jerúsalem.

Pro Martyre tantum.

Capit. Eccli. 31.

CONFITEBOR tibi, Dómine
Rex, et collaudábo te
Deum salvatórem meum.
Confitébor nómini tuo : quón-
iam adjútor et protéctor fa-
ctus es mihi, et liberásti
corpus meum a perditiónē.

Pro nec Virg. nec Mari

Capit. Prov. 31. b

MULIEREM fortem quis in-
veniet ? procul et de úl-

timis finibus prætium ejus.
Confidit in ea cor viri sui,
et spóliis non indigébit.

Hymnus.

FORTEM virili pectore
Laudémus omnes fémi-
nam,
Quæ sanctitátis glória
Ubique fulget inclyta.
Hæc sancto amóre saucia,
Dum mundi amórem nó-
xium
Horréscit, ad cœléstia
Iter perégit árduum.
Carnem domans jejúniis,
Dulcéque mentem pábulo
Oratiónis nútriens,
Cœli potitur gaudiis.
Rex Christe, virtus fórtium,
Qui magna solus éfficis,
Hujus precátu, quæsumus,
Audi bénignus súpplices.
Deo Patri sit glória,
Ejusque soli Filio,
Cum Spíritu Paráclito,
Nunc, et per omne sæcu-
lum. Amen.

V. Diffúsa est grátia in lá-
biis tuis. **R.** Proptérea bene-
dixit te Deus in ætérnum.

Ad Benedictus. Añs.

Date ei * de fructu mánuum
suárum, et laudent eam in
portis ópera ejus.

Pro una Mart. tantum.

Oratio.

DEUS, qui inter cétera
poténtiæ tuæ mirácula
étiam in sexu frágili victó-
riam martyrii contulisti :
concéde propítius ; ut, qui
beátæ **M.** Mártiris tuæ na-

talítia cólimus, per ejus ad
te exémpla gradiámur. Per
Dóminum.

Pro plur. Mart. tantum.

Oratio.

DA nobis, quæsumus Dó-
mine Deus noster, san-
ctárum Mártýrum tuárum
N. et **N.** palmas incessábili
devotióne venerári : ut
quas digna mente non pós-
sumus celebráre, humilibus
saltem frequentémus obsé-
quiis. Per Dóminum.

Pro nec Virg. nec Mart.

Oratio.

EXAUDI nos, Deus salutá-
ris noster : ut, sicut de
beátæ **N.** festivitáte gaudé-
mus, ita piæ devotiónis eru-
diámur afféctu. Per Dñum.

Ad Tertiam, Añs.

In odórem.

Pro Mártýre tantum. Ca-
pit. Confitébor. cxxvj.

Pro nec Virg. nec Mart.
Capit. Mulierem, ut cxxij.

R. br. Spécie tua, * Et
pulchritúdine tua. Spécie
tua. **V.** Inténde, prospere
procéde, et regna. Et.
Glória Patri. Spécie tua. **V.**
Adjuvábít eam Deus vultu
suo. **R.** Deus in médio ejus,
non commovébitur.

¶ Temp. Pasch. **R.** br.
Spécie tua, et pulchritúdine
tua. * Allelúia, allelúia.
Spécie tua. **V.** Inténde,
prospere procéde, et re-
gna. Allelúia, allelúia. Gló-
ria Patri. Spécie tua. **V.** Ad-

juvabit eam Deus vultu suo,
allel. *R.* Deus in medio ejus,
non commovebitur, allelúia.

Ad Sextam. Ant.

Jam hiems transiit.

Pro Martyre tantum

Capit. Eccli. 51.

LIBERASTI me secundum
multitudinem miseri-
cordiæ nominis tui a ru-
giéntibus, præparatis ad
escam, de manibus quæ-
réntium animam meam, et
de multis tribulationibus
quæ circumdederunt me.

Pro nec Virg. nec Mart.

Capit. Prov. 31. c

MANUM suam aperuit in-
opi, et palmas suas
exténdit ad páuperem. Non
timébit domui suæ a frigó-
ribus nivis.

R. br. Adjuvabit eam *
Deus vultu suo. Adjuvabit.

V. Deus in medio ejus, non
commovebitur. Deus. Glória
Patri. Adjuvabit. *V.* Elégit
eam Deus, et præelégit
eam. *R.* In tabernáculo suo
habitare facit eam.

V. Temp. Pasch. R. br. Ad-
juvabit eam Deus vultu suo.
* Allelúia, allelúia. Adju-
vabit. *V.* Deus in medio ejus,
non commovebitur. Allelúia,
allelúia. Glória Patri. Adju-
vabit. *V.* Elégit eam Deus,
et præelégit eam, allelúia.
R. In tabernáculo suo habi-
tare facit eam.

Ad Nonam. Ant.

Ista est speciosa.

Pro Martyre tantum.

Capit. Eccli. 51.

LAUDABIT usque ad mor-
tem ánima mea Dómi-
num, quóniam éruis susti-
néntes te, et liberas eos de
manu angústiae, Dómine
Deus noster.

Pro nec Virg. nec Mart.

Capit. Prov. 31. d

MULTÆ filiæ congregavé-
runt divítias : tu su-
pergréssa es univérsas. Fal-
lax grátia, et vana est pul-
chritúdo : Múlier timens
Dóminum ipsa laudábitur.
R. br. Elégit eam Deus,
* Et præelégit eam. Elégit.
V. In tabernáculo suo ha-
bitare facit eam. Et. Glória
Patri. Elégit. *V.* Diffusa est
grátia in lábiis tuis. *R.*
Proptérea benedixit te Deus
in ætérnum.

V. Temp. Pasch., R. br.
Elégit eam Deus, et præ-
elégit eam. * Allelúia, alle-
lúia. Elégit. *V.* In taberná-
culo suo habitare facit eam.
Allelúia, allelúia. Glória
Patri. Elégit. *V.* Diffusa est
grátia in lábiis tuis, alle-
lúia. *R.* Proptérea benedí-
xit te Deus in ætérnum, al-
lelúia.

*Ad Vesperas, Antæ, Psal-
mi, Capit. et Hymn. ut in
primis Vesp. cxxj.*

V. Diffusa est grátia in lá-
biis tuis. *R.* Proptérea be-
nedixit te Deus in ætér-
num.

Ant. Magnificat, Añs.

Manum suam * apêruit inopi, et palmas suas extêndit ad páuperem, et panem otiosa non comêdit.

Si fuerint plures non Virgines, idem fit Offic. ut cxxj.

2. ALIÆ LECTIONES

PRO MARTYRE TANTUM.

In secundo Nocturno.

Sermo sancti Joannis Chrysostomi.

Lectio iv.

Serm. 67. de diversis novi Testamenti locis.

EGO máxime commemorationes diligo Mátyrum, diligo et amplêctor : atque omnes quidem, sed tum præcipue, cum mulierum certamina proponuntur. Quanto enim infirmius est vas, tanto major est grátia, tanto illústrius est trophæum, tanto insignior est victória, non ob imbecillitatem sexus athletarum, sed quod per ea, quibus vicerat inimicus, nunc etiam vincatur.

R. Propter. cxxiv.

Lectio v.

PER mulierem vicit, per mulierem superatus est. Hoc illius ántea telum erat; hoc illius nunc cædis factum est instruméntum, hoc vas apparuit insuperabile. Peccávit illa prior, et mórtua est : ista mórtua est, ne peccáret. Illa tum fútilis promissi spe infláta, Dei

leges violávit : hæc vitam præsentem contempsit, ne fidem in suum benefactorum ejuráret. Quam igitur deinceps sperare póterunt excusationem viri, si molles sint, et ignávi? quam vero véniam, cum fórtiter ac viríliter se gerant mulieres, cum ádeo se generose ad certamina pietatis accingant?

R. Dilexisti justitiam. cxxv.

Lectio vj.

FUIT illi corpus imbecillum, et obnoxius sexus injuriæ : verúmtamen omnium horum imbecillitatem adveniens grátia occultávit. Nihil enim est, nihil plane poténtius est eo, qui magno cum stúdio Dei timórem habeat in mente defixum, sed quamvis ignes, quamvis ferrum, quamvis bestias, quamvis aliud quidvis minentur hostes, omnia nullo negótio contémnit ; quod utique Beata ista etiam fecit.

R. Fallax grátia. cxxv.

COMMUNE

DEDICATIONIS ECCLESIAE.

¶ Notandum quod, si fuerit intra temp. Pasch., servanda est Rubr. posita sup. xlvij.

Ad Vesperas, Añs.

Domum tuam, cum reliq. de Laud. Ps. Dixit Dóminus, cum reliq. de Dñica. 130. et loco ult., Ps. Lauda Jerúsalem. 134.

Capit. Apoc. 21.

VIDI civitatem sanctam
Jerusalem novam de-
scendentem de cœlo a Deo,
paratam sicut sponsam or-
natam viro suo.

Hymnus.

COELESTIS Urbs Jerusalem,

Beata pacis visio,
Quæ celsa de vivéntibus
Saxis ad astra tólleris,
Sponsæque ritu cingeris
Mille Angelórum millibus.

O sorte nupta próspera,
Dotata Patris glória,
Respersa Sponsi grátia,
Regina formosíssima,
Christo jugata Principi,
Cœli corusca Civitas.

Hic margaritis émicant,
Paténtque cunctis óstia:
Virtute namque prævia
Mortalis illuc dúcitur,
Amóre Christi percitus
Torménta quisquis sústinet.

Scalpri salubris íctibus,
Et tunsione plúrima,
Fabri polita málleo
Hanc saxa molem cón-
struunt,

Aptisque juncta nexibus
Locántur in fastigio.

Decus Parénti debitum
Sit usquequaque altíssimo,
Natóque Patris único,
Et ínclyto Paráclito,
Cui laus, potéstas, glória
Ætérna sit per sæcula. Am.

Ÿ. Hæc est domus Dómini
firmiter ædificata. **ñ.** Bene
fundata est supra firmam
petram.

Ad Magnificat, Ana.

Sanetificávit Dóminus * ta-
bernáculum suum : quia
hæc est domus Dei, in qua
invocabitur nomen ejus, de
quo scriptum est : Et erit
nomen meum ibi, dicit Dó-
minus.

In ipso die Dedicat. Ec-
clesiæ, et per Octavam, et
quando varianda est Oratio
ob concursum Dedic. alte-
rius Ecclesiæ.

Oratio.

DEUS, qui invisibiliter
Dómnia cónlines, et ta-
men pro salute géneris hu-
máni signa tuæ poténtiæ
visibiliter osténdis : tem-
plum hoc poténtia tuæ in-
habitationis illústra, et
concède; ut omnes, qui
huc deprecáturi convéniunt,
ex quacúmque tribulatione
ad te clamáverint, conso-
lationis tuæ beneficia con-
sequántur. Per Dóminum.

In Anniversario Dedic-
tionis Ecclesiæ, et per Octa-
vam.

Oratio.

DEUS, qui nobis per sín-
gulos annos hujus sancti
templi tui consecrationis
réparas diem, et sacris
semper mystériis repræsen-
tas incólumes : exáudi pre-
ces pópuli tui, et præsta;
ut quisquis hoc templum
beneficia petiturus ingrédi-
tur, cuncta se impetrásse
lætétur. Per Dóminum.

An. Matutinum. Invitat.

Domum Dei decet sanctitudo : * Sponsum ejus Christum adorémus in ea. *Psal.*
Venite, exultémus. 2.

Hymnus. Cœlestis Urbs.
cxxx.

In primo Nocturno.

Añã. Tóllite * portas, principes, vestras, et elevámini portæ æternáles.

Psalmus 23.

DOMINI est terra, et plenitudo ejus : * orbis terrarum, et universi, qui habitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini ? * aut quis stabit in loco sancto ejus ?

Innocens manibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generatio quæréntium eum, * quæréntium faciém Dei Jacob.

Attóllite portas, principes, vestras, et elevámini portæ æternáles : * et introíbit Rex glóriæ.

Quis est iste Rex glóriæ ?

* Dóminus fortis et potens, Dóminus potens in prælio :

Attóllite portas, principes, vestras, et elevámini por-

tæ æternáles : * et introíbit Rex glóriæ.

Quis est iste Rex glóriæ ?
* Dóminus virtútum ipse est Rex glóriæ.

Añã. Tóllite portas, principes, vestras, et elevámini portæ æternáles.

Añã. Erit mihi * Dóminus in Deum, et lapis iste vocábitur domus Dei.

Psalmus 45.

DEUS noster refúgium et virtus : * adjutor in tribulationibus, quæ invenérunt nos nimis.

Propterea non timébimus dum turbábitur terra : * et transferéntur montes in cor maris.

Sonuérunt et turbatæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbatæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscepitor noster Deus Jacob.

Venite, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confrin-
get arma : * et scuta com-
búret igni.

Vacáte, et vidéte quóniam
ego sum Deus : * exaltábor
in géntibus, et exaltábor
in terra.

Dóminus virtútum nobís-
cum : * suscéptor noster
Deus Jacob.

Añã. Erit mihi Dóminus in
Deum, et lapis iste vocábi-
tur domus Dei.

Añã. Ædificávit * Moyses
altáre Dómino Deo.

Psalms 47.

MAGNUS Dóminus, et lau-
dábilis nimis * in civi-
táte Dei nostri, in monte
sancto ejus.

Fundátur exultatióne uni-
vérsæ terræ mons Sion, *
látera Aquilónis, civitas
Regis magni.

Deus in dómibus ejus cog-
noscétur : * cum suscépiet
eam.

Quóniam ecce reges terræ
congregáti sunt : * conve-
nérunt in unum.

Ipsi vidéntes sic admiráti
sunt, conturbáti sunt, com-
móti sunt : * tremor ap-
prehéndit eos.

Ibi dolóres ut parturiéntis,
* in spíritu veheménti cón-
teres naves Tharsis.

Sicut audívimus, sic vidi-
mus in civitáte Dómini
virtútum, in civitáte Dei
nostri : * Deus fundávit
eam in ætérnum.

Suscévimus Deus misericór-
diam tuam, * in médio
templi tui.

Secúndum nomen tuum
Deus, sic et laus tua in fines
terræ : * justitia plena est
déktera tua.

Lætétur mons Sion, et
exúltent filiæ Judæ, * pro-
pter judícia tua, Dómine.

Circúmdate Sion, et com-
plectimini eam : * narráte
in túrribus ejus.

Pónite corda vestra in vir-
túte ejus : * et distribúite
domos ejus, ut enarrétis
in progénie áltera.

Quóniam hic est Deus,
Deus noster in ætérnum,
et in sæculum sæculi : *
ipse reget nos in sæcula.

Añã. Ædificávit Moyses al-
táre Dómino Deo. **V.** Do-
mum tuam, Dómine, decet
sanctitúdo. **R.** In longitúdi-
nem diérum. **P**ater noster.

Absolutio. Exáudi, Dómine.

V. Jube, domne. **Bened.** Be-
nedictiône perpétua.

De libro ij. Paralipómenon.

Lectio j. Cap. 7.

CUM compléssset Sálomon
fundens preces, ignis
descéndit de cælo, et de-
vorávit holocáusta et vícti-
mas : et majéstas Dómini
implévit domum. Nec pó-
terant sacerdótes ingredi
templum Dómini, eo quod
impléssset majéstas Dómini
templum Dómini. Sed et
omnes filii Israel vidébant

descendentem ignem et gloriam Domini super domum : et corruentes proni in terram super pavimentum stratum lapide , adoraverunt , et laudaverunt Dominum : Quoniam bonus , quoniam in sæculum misericordia ejus. Rex autem , et omnis populus immolabant victimas coram Domino. Mactavit igitur rex Salomon hostias , boum viginti duo millia , arietum centum viginti millia : et dedicavit domum Dei Rex , et universus populus.

R. In dedicatione templi decantabat populus laudem:

*** Et in ore eorum dulcis resonabat sonus. †.** Funda-

ta est domus Domini supra verticem montium , et venient ad eam omnes gentes.

Et. Bened. Unigenitus Dei Filius.

Lectio ij.

SACERDOTES autem stabant in officiis suis : et Levitæ in organis carminum Domini , quæ fecit David rex ad laudandum Dominum : Quoniam in æternum misericordia ejus , hymnos David canentes per manus suas : porro sacerdotes canebant tubis ante eos , cunctusque Israel stabat. Sanctificavit quoque Salomon medium atrii ante templum Domini : obtulerat enim ibi holocausta et adipēs pacifi-

corum : quia altare æneum , quod fecerat , non poterat sustinere holocausta et sacrificia et adipēs. Fecit ergo Salomon solemnitatem in tempore illo septem diebus , et omnis Israel cum eo , ecclesia magna valde , ab introitu Emath usque ad Torrentem Ægypti. Fecitque die octavo collectam , eo quod dedicasset altare septem diebus , et solemnitatem celebrasset diebus septem.

R. Fundata est domus Domini supra verticem montium , et exaltata est super omnes colles : *** Et venient ad eam omnes gentes , et dicent : Glória tibi , Domine.**

†. Venientes autem venient cum exultatione , portantes manipulos suos. **Et. Bened.** Spiritus sancti grátia.

Lectio iij.

COMPLEVITQUE Salomon domum Domini , et domum regis , et omnia quæ disposuerat in corde suo , ut faceret in domo Domini , et in domo sua , et prosperatus est. Apparuit autem ei Dominus nocte , et ait : Audivi orationem tuam , et elegi locum istum mihi in domum sacrificii. Si clausero cælum , et pluvia non fluxerit , et mandavero et præcépero locustæ , ut devoret terram , et misero pestilentiam in populum meum : conversus autem

pópulus meus , super quos invocátum est nomen meum , deprecátus me fúerit , et exquisierit fáciem meam , et égerit pœniténtiam a viis suis péssimis : et ego exáudiam de cœlo , et propítius ero peccátis eórum , et sanábo terram eórum . Oculi quoque mei erunt apérti , et aures meæ eréctæ ad oratióem ejus , qui in loco isto oráverit . Elégi enim , et sanctificávi locum istum , ut sit nomen meum ibi in sempitérnum , et permáneant óculi mei , et cor meum ibi cunctis diébus .

R. Benedic , Dómine , domum istam , quam ædificávi nómini tuo . Veniéntium in loco isto * Exáudi preces in excélso sólio glóriæ tuæ . **V.** Dómine , si convérsus fúerit pópulus tuus , et oráverit ad sanctuárium tuum . Exáudi . **Gloria Patri . Exáudi .**

In secundo Nocturno.

Ant. Non est hic áliud , * nisi domus Dei , et porta cœli .

Psalmus 83.

QUAM dilécta tabernácula tua , Dómine virtútum ! * concupiscit , et déficit ánima mea in átria Dómini . Glor meum , et caro mea * exultavérunt in Deum vivum .

Et enim passer invénit sibi domum , * et turtur nidum sibi , ubi ponat pullos suos .

Altária tua , Dómine virtútum : * Rex meus , et Deus meus .

Beáti , qui hábitant in domo tua , Dómine : * in sæcula sæculórum laudábunt te .

Beátus vir , cujus est auxiliium abs te : * ascensióes in corde suo dispósuit , in valle lacrymárum , in loco , quem pósuit .

Et enim benedictiõem dabit legislátor , ibunt de virtúte in virtútem : * vidébitur Deus deórum in Sion .

Dómine Deus virtútum , exáudi oratióem meam : * áuribus pèrcipe , Deus Jacob .

Protéctor noster aspice Deus : * et réspice in fáciem Christi tui .

Quia mélior est dies una in átriis tuis : * super míllia .

Elégi abjéctus esse in domo Dei mei , * magis quam hábitare in tabernáculis peccatórum .

Quia misericórdiam , et veritátem diligit Deus : * grátiam et glóriam dabit Dóminus .

Non privábit bonis eos , qui ámbulant in innocéntia : * Dómine virtútum , beátus homo , qui sperat in te .

Ant. Non est hic áliud , nisi domus Dei , et porta cœli .

Ant. Vidit Jacob scalam , * súmmitas ejus cœlos tangébat , et descendéntes Angelos , et dixit : Vere locus iste sanctus est .

Psalmus 86.

FUNDAMENTA ejus in mōn-
tibus sanctis : * diligit
Dóminus portas Sion super
omnia tabernacula Jacob.

Gloriosa dicta sunt de te, *
civitas Dei.

Memor ero Rahab, et Baby-
lónis * sciéntium me.

Ecece alienigenæ, et Tyrus,
et pópulus Æthiopum, * hi
fuérunt illic.

Numquid Sion dicet : Homo,
et homo natus est in ea : * et
ipse fundávit eam Altíssimus ?

Dóminus narrábit in scri-
ptúris populórum, et prin-
cipum : * horum, qui fué-
runt in ea.

Sicut lætántium ómnium *
habitatio est in te.

Añs. Vidit Jacob scalam,
súmmitas ejus cœlos tangé-
bat, et descendéntes Ange-
los, et dixit : Vere locus
iste sanctus est.

Añs. Eréxit Jacob * lápidem
in titulum, fundens óleum
désuper.

Psalmus 87.

DOMINE Deus salútis meæ,
* in die clamávi, et no-
cte coram te.

Intret in conspéctu tuo orá-
tio mea : * inclina aurem
tuam ad precem meam :

Quia repléta est malis áni-
ma mea : * et vita mea
inférno appropinquávit.

Estimátus sum cum de-
scendéntibus in lacum : *
factus sum sicut homo sine

adjutório, inter mórtuos li-
ber.

Sicut vulneráti dormiéntes
in sepúlchris, quorum non
es memor ámplius : * et ipsi
de manu tua repúlsi sunt.

Posuérunt me in lacu in-
ferióri : * in tenebrósis, et
in umbra mortis.

Super me confirmátus est fu-
ror tuus : * et omnes fluctus
tuos induxísti super me.

Longe fecísti notos meos a
me * posuérunt me abo-
minatióem sibi.

Tráditus sum, et non egre-
diébar : * óculi mei lan-
guérunt præ inópia.

Clamávi ad te, Dñe, tota die :
* expándi ad te manus meas.

Numquid mórtuis fácies mi-
rabília : * aut médici suscitá-
bunt, et confitebúntur tibi ?

Numquid narrábit áliquis
in sepúlchro misericórdiam
tuam, * et veritatem tuam
in perditiónem ?

Numquid cognoscéntur in
ténébris mirabília tua, * et
justítia tua in terra obli-
viónis ?

Et ego ad te, Dómine, cla-
mávi : * et mane orátio mea
præveniet te.

Ut quid, Dómine, repéllis
oratióem meam : * avértis
fáciem tuam a me ?

Pauper sum ego, et in la-
bóribus a juventute mea :
* exaltátus autem, humi-
liátus sum et conturbátus.

In me transiérunt iræ tuæ :

* et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum, et próximum, * et notos meos a miséria.

Ant. Eréxit Jacob lápidem in titulum, fundens óleum désuper. **V.** Domus mea. **R.**

Domus oratiónis vocábitur.

Pater noster. **Absol.** ipsíus

pietas. **V.** Jube, domne. **Be-**

ned. Deus Pater omnipotens.

Sermo sancti Augustíni

Episcopi.

Lectio is.

Serm. 232. de Temp.

QUOTIESCUMQUE, fratres charíssimi, altáris vel templi festivitátem cólimus, si fidéliter ac diligénter at-téndimus et sancte ac juste vivimus, quidquid in tem-plis manufactis ágitur, to-tum in nobis spiritali ædi-ficatióne complétur. Non enim mentitus est ille qui dixit : Templum enim Dei sanctum est, quod estis vos : et iterum : Nescitis, quia cörpera vestra templum sunt Spíritus sancti, qui in vo-bis est ? Et ideo, fratres charíssimi, quia nullis præ-cedéntibus méritis per grá-tiam Dei meruimus fieri templum Dei, quantum pòs-sumus cum ipsíus adjutório laborémus, ne Dóminus no-ster in templo suo, hoc

est, in nobis ipsis, invé-niat, quod óculos suæ majestátis offéndat.

R. Orántibus in loco isto, * Dimítte peccáta pópuli tui, Deus, et osténde eis viam bonam per quam ámbulent, et da glóriam in loco isto.

V. Qui regis Israël, inténde, qui dedúcis velut ovem Jo-seph, qui sedes super Ché-rubim. Dimítte. **Benedictio.** Christus perpétuæ.

Lectio i.

SED habitáculum cordis nostri evacuétur vitiis, et virtútibus repleátur : claudátur diabolo, et ape-riátur Christo : et ita labo-rémus, ut nobis bonórum óperum clávis jánuam regni cœléstis aperíre pos-simus. Sicut enim malis opéribus quasi quibúsdam seris ac véctibus vitæ nobis jánua cláuditur, ita absque dúbio bonis opéribus ape-rítur. Et ideo, fratres cha-ríssimi, unusquisque consi-deret consciéntiam suam ; et quando se áliquo crimine vulnerátum esse cognóve-rit, prius oratióibus, je-júniis, vel eleemósynis stú-deat mundáre consciéntiam suam, et sic Eucharistíam præsumat accipere.

R. O quam metuéndus est locus iste ! * Vere non est hic áliud nisi domus Dei, et porta cœli. **V.** Hæc est do-mus Dómini firmiter ædifi-

câta, bene fundâta est supra firmam petram. Vere. *Bened.* Ignem sui amoris.

Lectio 9.

SI enim agnoscens reatum suum, ipse se a divîno altâri subtrâxerit, cito ad indulgéntiam divînæ misericórdiæ pervéniet. Quia sicut qui se exáltat, humiliabitur; ita e contrârio, qui se humiliat, exaltabitur. Qui enim, sicut dixi, agnoscens reatum suum, ipse se humiliter ab altâri Ecclesiæ pro emendatione vitæ removére volúerit, ab ætérno illo et cœlesti convivio excommunicâri pénitus non timébit.

R. Mane surgens Jacob erigebat lapidem in titulum, fundens oleum desuper, votum vovit Dómino : * Vere locus iste sanctus est, et ego nesciebam. *V.* Cumque evigilasset Jacob de somno, ait. Vere locus. *Gloria Patri.* Vere locus.

In tertio Nocturno.

Ana. Qui hábitat * in adjutório Altíssimi, in protectione Dei cœli commorabitur.

Quando hæc Ana dicitur integra, et illi non additur in fine Allelúia, tunc principium Psalmi est a secundo Versu. Dicit Dómino,

Psalmus 90.

QUI hábitat in adjutório Altíssimi, * in protectione Dei cœli commorabitur.

DICET Dómino : Suscéptor meus es tu, et refúgium meum : * Deus meus sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi : * et sub pennis ejus sperábis.

Scuto circúmdabit te véritas ejus : * non timébis a timóre noctúrno.

A sagitta volánte in die, a negótio perambulánte in ténebris, * ab incúrsu et dæmónio meridiáno.

Cadent a látere tuo mille, et decem millia a dextris tuis : * ad te autem non appropinquábit.

Verúmtamen óculis tuis considerábis : * et retributionem peccatórum vidébis.

Quóniam tu es, Dómine, spes mea : * altíssimum posuisti refúgium tuum.

Non accédet ad te malum : * et flagéllum non appropinquábit tabernáculo tuo.

Quóniam Angelis suis mandávit de te, * ut custódiant te in ómnibus viis tuis.

In mánibus portábunt te : * ne forte offéndas ad lapidem pedem tuum.

Super áspidem et basilíscum ambulábis : * et conculcábis leónem et dracónem.

Quóniam in me sperávit, liberábo eum : * prótegam

eum, quóniam cognóvit nomen meum.

Clamábit ad me, et ego exaudiam eum : * cum ipso sum in tribulatione : erípiam eum, et glorificábo eum.

Longitúdine diérum replébo eum : * et osténdam illi salutáre meum.

Añs. Qui hábitat in adjutorio Altíssimi, in protectióne Dei cœli commorábitur.

Añs. Templum Dómini * sanctum est, Dei structúra est, Dei ædificátio est.

Psalmus 95.

CANTATE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii Géntium dæmónia : * Dóminus autem cœlos fecit.

Conféssio et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino pátriæ géntium, afférte Dño glóriam et honórem : * afférte Dómino glóriam nómini ejus.

Tóllite hóstias, et introíte in

átria ejus : * adoráte Dóminum in átrio sancto ejus.

Commovéatur a fácie ejus univérſa terra : * dícite in Géntibus quia Dóminus regnávít.

Et enim corréxit orbē terræ, qui non commovébitur : * judicábit pópulos in æquitáte.

Stæténtur cœli, et exúltet terra, commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritate sua.

Añs. Templum Dómini sanctum est, Dei structúra est, Dei ædificátio est.

Añs. Benedicta * glória Dómini de loco sancto suo, allel.

Psalmus 98.

DOMINUS regnávít, irascántur pópuli : * qui sedet super Chérubim, moveáur terra.

Dóminus in Sion magnus : * et excélsus super omnes pópulos.

Confiteántur nómini tuo magno : quóniam terríbile et sanctum est : * et honor regis judícium diligit.

Tu parásti directiões : * judícium et justítiam in Jacob tu fecísti.

Exaltáte Dóminum Deum

nostrum, et adoráte scabélum pedum ejus : * quóniam sanctum est.

Moyses et Aaron in sacerdotibus ejus : * et Sámuel inter eos, qui invocant nomen ejus.

Invocabant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine Deus noster, tu exaudiébas eos : * Deus, tu propítius fuisti eis, et ulcéscens in omnes adinventiōnes eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus Deus noster.

Ant. Benedícta glória Dómini de loco sancto suo, allelúia. **V.** Hæc est domus Dómini firmiter ædificáta.

R. Bene fundáta est supra firmam petram. **P**ater noster. **A**bsolutio. **A** vinculis.

V. Jube, domne. **Benedictio.** **E**vangélica léctio.

Léctio sancti Evangélíi secúndum Lucam.

Lectio vij. Cap. 19.

In illo témpore : Ingréssus Iesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

Homílla sancti Ambrósii
Epíscopi.

L. 8. in Luc. prope fin.

ZACHÆUS statúra pusillus, hoc est, nulla nobilitátis ingénitæ dignitáte sublímis, exíguus méritis sicut pópulus natiónum, audíto Dómini Salvatóris advéntu, quem sui non recéperant, vidére cupiébat. Sed nemo fácte Jesum videt : nemo potest Jesum vidére constitútus in terra. Et quia non Prophétas, non legem habébat, tamquam formæ grátiam naturalis, ascéndit in sycomórum, vanitatem scilicet Judæórum vestígio suo próterens, erráta quoque córrigens superiórís ætátis : et ideo Jesum in interiórís domus recépít hospítio.

R. Domus mea, domus oratiónis vocábitur, dicit Dóminus : in ea omnis qui petit, áccipit : et qui quærit, invenit : * Et pulsánti aperiétur. **V.** Pétite, et accipiétis : quærite, et inveniétis. **Et. Bened.** Divínium auxiliū.

Lectio viij.

Et bene ascéndit in árbo-rem, ut arbor bona bonos fructus fáceret : ac naturalí excísus oleástro, et contra natúram insértus in bonam olivam, fructum posset legis afférre. Radix enim sancta, etsi rami inútiles : quorum infructuósam gló-

riam plebs gentium fide resurrectionis, quasi quadam corporis elevatione transcendit. Zachæus ergo in sycómoro, cæcus in via : quorum álterum Dóminus miseráturus expéctat, álterum mansionis suæ claritate nobilitat, álterum sanatúrus intérrogat, apud álterum se non invitátus invitat. Sciébat enim úberem hospítii sui esse mercédem. Sed tamen, etsi nondum vocem invitántis audierat, jam viderat afféctum.

¶ Lápides pretiósí omnes muri tui : * Et turres Jerúsalem gemmis ædificabúntur. **¶** Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. Et. Glória Patri. Et. **Bened.** Ad societátem.

Lectio ix

VERUM ne cæcum illum tamquam fastidiósí páuperum cito reliquisse videámur, et transísse ad divitem, expectémus eum, quia expectávit et Dóminus : interrogémus eum, quia interrogávit et Christus. Nos interrogémus, quia nescimus : ille, quia nóverat. Nos interrogémus, ut sciámus unde iste curátus sit : ille interrogávit, ut in uno plures discerémus, unde Dóminum vidére mereámur. Interrogávit enim, ut cre-

derémus, néminem nisi confiténtem posse salvári.

Te Deum laudámus. 17.

AD LAUDES,

et per *Horas*. **Ant.**

1. Domum tuam, Dómine, * decet sanctitúdo, in longitúdinem diérum. **Ps.** Dóminus regnávit, *cum reliquis. 18.*

2. Domus mea, * domus orationis vocábitur.

3. Hæc est domus Dómini * firmiter ædificáta, bene fundáta est supra firmā petram.

4. Bene fundáta est domus Dómini supra firmā petram.

5. Lápides pretiósí * omnes muri tui, et turres Jerúsalem gemmis ædificabúntur.

Capitulum. Apoc. 21.

VIDI civitátem sanctam Jerúsalem novam descendéntem de cœlo a Deo, parátam sicut sponsam ornátam viro suo.

Hymnus.

ALTO ex Olympi vértice Summi Paréntis Fílius, Ceu monte deséctus lapis Terras in imas décidens, Domus supérnæ, et ínfimæ, Utrúmque junxit ángulum. **Sed** illa sedes Cœlitum Semper resúltat láudibus, Deúmque Trinum, et Unicúm Jugi canóre prædicat : Illi canéntes júngimur Almæ Siónis æmuli. **Hæc** templa, Rex cœléstium, Imple benigno lúmine : Huc o-rogátus ádveni, Plebísque vota súscipe,

Et nostra corda júgiter
 Perfunde cœli grátia.
 Illic impetrent fidélium
 Voces precésque súpplicum
 Domus beátæ múnera,
 Partisque donis gaúdeant;
 Donec solúti corpore
 Sedes beátas impleant.

Pecus Parénti débitum
 Sit usquequáque Altíssimo,
 Natóque Patris único,
 Et inclyto Paráclito,
 Cui laus, potéstas, glória
 Ætérna sit per sæcula. Am.
V. Hæc est domus Dómini
 firmiter ædificáta. **R.** Bene
 fundáta est supra firmam
 petram.

Ad Benedictus. Añã.

Zachæe, * festínans descén-
 de, quia hódie in domo
 tua opórtet me manére: at
 ille festínans descéndit, et
 suscepit illum gaudens in
 domum suam. Hódie huic
 dómui salus a Deo facta est,
 allelúia.

*In ipso die Dedicat. Eccl.
 et per Oct. et quando ca-
 rianda est Oratio ob concurren-
 tiam Dedicat. alterius Eccl.*

Oratio.

DEUS, qui invisibíliter óm-
 nia cóntines, et tamen
 pro salute géneris humáni
 signa tuæ poténtiæ visibíli-
 ter osténdis: templum hoc
 poténtia tuæ inhabitatiónis
 illústra, et concéde; ut om-
 nes qui huc deprecáturi con-
 véniunt, ex quacúmque tri-
 bulatióne ad te clamáverint,

consolatiónis tuæ benefícia
 consequántur. Per Dñum.

*In Anniv. Dedicationis
 Ecclesiae, et per Octavam.*

Oratio.

DEUS, qui nobis per sín-
 gulos annos hujus san-
 cti templi tui consecratiónis
 réparas diem, et sacris sem-
 per mystériis repræséntas
 incólumes: exáudi preces
 pópuli tui, et præsta; ut
 quisquis hoc templum be-
 nefícia petitúrus ingréditur,
 cuncta se impetrásse læté-
 tur. Per Dóminum.

Ad Tertiam. Añã.

Domus mea.

Cap. Vidi civitatem. cxl.

R. *br.* Domum tuam, Dó-
 mine, * Decet sanctitúdo.
 Domum. **V.** In longitudínem
 diérum. Decet. **G**lória Patri.
 Domum. **V.** Locus iste san-
 ctus est, in quo orat sacrér-
 dos. **R.** Pro delictis et pee-
 cátis pópuli.

¶ *Tempore Pasch., R. br.*
 Domum tuam, Dómine, decet
 sanctitúdo. * Allelúia, al-
 lelúia. Domum. **V.** In lon-
 gitúdinem diérum. Allelúia,
 allelúia. **G**lória Patri. Do-
 mum. **V.** Locus iste sanctus
 est, in quo orat sacrérdos,
 allelúia. **R.** Pro delictis, et
 peccátis pópuli, allelúia.

Ad Sextam. Añã.

Hæc est domus Dómini.

Capitulum. Apoc. 21.

ET audiui vocem magnam
 de throno, dicéntem:

Ecce tabernaculum Dei cum hominibus, et habitabit cum eis. Et ipsi populus ejus erunt, et ipse Deus cum eis erit eorum Deus.

R. br. Locus iste sanctus est, * In quo orat sacerdos. Locus. *V.* Pro delictis et peccatis populi. In. Glória Patri. Locus. *V.* Hæc est domus Domini firmiter ædificata. *R.* Bene fundata est supra firmam petram.

¶ *Tempore Pasch., R. br.* Locus iste sanctus est, in quo orat sacerdos. * Alleluia, alleluia. Locus. *V.* Pro delictis, et peccatis populi. Alleluia, alleluia. Glória Patri. Locus. *V.* Hæc est domus Domini firmiter ædificata, alleluia. *R.* Bene fundata est supra firmam petram, allel.

Ad Nocturn., Añã.

Lápides pretiosi.

Capitulum. Apoc. 21. b

Et abstérget Deus omnem lacrymam ab oculis eorum: et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno: Ecce nova fácio ómnia.

R. br. Hæc est domus Domini * Firmiter ædificata. Hæc est. *V.* Bene fundata est supra firmam petram. Firmiter. Glória Patri. Hæc. *V.* Bene fundata est domus Domini. *R.* Supra firmam petram.

¶ *Tempore Pasch., R. br.*

Hæc est domus Domini firmiter ædificata. * Alleluia, alleluia. Hæc. *V.* Bene fundata est supra firmam petram. Alleluia, allel. Glória Patri. Hæc. *V.* Bene fundata est domus Domini, alleluia. *R.* Supra firmam petram, allel.

In ij. Vesp. Añæ, Psalm., Capitulum, et Hymnus ut in j. Vesperis. cxxix.

V. Domum tuam, Domine, decet sanctitudo. *R.* In longitúdinem diérum.

Ad Magnificat, Añã.

O quam metuendus est * locus iste! vere non est hic aliud, nisi domus Dei, et porta cœli.

SECUNDA DIE

INFRA OCTAVAM.

In j. Nocturno Lectiones de Scriptura occurrente.

In secundo Nocturno.

Ex Tractatu S. Augustini Episcopi super Psalmos.

Lectio in Ps. 121.

JERUSALEM, quæ ædificatur ut civitas: Fratres, quando dicébat ista David, perfécta erat illa civitas, non ædificabatur. Nescio quam ergo civitatem dicit quæ modo ædificatur, ad quam currunt in fide lápides vivi, de quibus dicit Petrus: Et vos tamquam lápides vivi coædificamini in domum spiritalem, id est, templum Dei sanctum. Quid est, Lápides vivi coædificamini?

Vivis, si credis : si autem credis, efficiéris templum Dei; quia dicit Apóstolus Paulus : Templum enim Dei sanctum est, quod estis vos.
R. Orántibus. cxxxvj.

Lectio vj.

IPSA ergo modo civitas ædificátur. Præcidúntur de móntibus lápidés per manus prædicántium veritátem, conquadrántur, ut intrent in structúram sempitérnam. Adhuc multi lápidés in mánibus artificis sunt : non cadant de mánibus artificis, ut possint perfécti co-ædificári in structúram templi. Est ergo ista Jerúsalem, quæ ædificátur ut civitas : fundaméntum ipsíus Christus est. Dicit Apóstolus Paulus : Fundaméntum áliud nemo potest pónere præter id, quod pósitum est, quod est Christus Jesus.

R. O quam. cxxxvj.

Lectio vj.

FUNDAMENTUM quando pónitur in terra, désuper ædificántur parietes, et pondus parietum ad ima tendit, quia in imo pósitum est fundaméntum. Si autem fundaméntum nostrum in cælo est, ad cælum ædificémur. Córpora ædificavérunt istam structúram, quam vidétis amplam surrexisse hujus Basilicæ : et quia córpora

ædificavérunt, fundaméntum in imo posuérunt. Quia vero spiritaliter ædificámur, fundaméntum nostrum in summo pósitum est. Illuc ergo currámus, ibi ædificémur; quia de ipsa Jerúsalem dictum est : Stantes erant pedes nostri in átriis tuis, Jerúsalem.

R. Mane surgens. cxxxvij.

In tertio Nocturno.

*Lectio sancti Evangelii
secúndum Lucam.*

Lectio vij. Cap. 19.

IN illo témpore : Ingréssus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

De Homilia sancti Ambrósii
Episcopi.

Ex lib. 8. in Luc. in fine.

ET conféstim, inquit, vidit, et sequebátur illum, magnificans Dóminum. Aliter enim non vidéret, nisi sequerétur Christum, nisi Dóminum prædicáret, nisi sæculum præteriret. Cum divitibus quoque in grátiam revertámur. Nólumus enim offéndere divites, qui vólumus, si fieri potest, sanáre omnes : ne in caméli comparatióne præstrikti, et in Zachæo citius quam opórtuit, derelicti, justæ hábeant comotiónis offénsam.

R. Domus mea. cxxxix.

Lectio viij.

DISCANT divites, non in facultatibus crimen hærere, sed in iis, qui uti nesciant facultatibus. Nam divitiæ ut impedimenta improbis, ita bonis sunt adjumenta virtutis. Dives certe Zachæus, et electus a Christo: sed dimidium bonorum suorum pauperibus largiendo, reddendo etiam in quadruplum, quæ fraude sustulerat, (alterum enim non sat est, nec habet gratiam liberalitas, si injuria perseverat, quia non spolia, sed dona queruntur) uberiores mercedem quam conferbat accipit.

R. Lápides pretiosi. cxl.

Lectio ix.

ET bene princeps inducitur publicanorum. Quis jam de se desperet, quando et iste, cui census ex fraude, ad salutem pervenit? Et ipse, inquit, dives. Ut scias non omnes divites aváros. Quia statúra pusillus erat. Quid sibi vult, quod nullius alterius statúram Scriptúra, nisi hujus expréssit? Vide ne forte malitia pusillus, aut adhuc pusillus fide. Nondum enim réddere promiserat: nondum viderat Christum: mérito adhuc pusillus. Joannes autem magnus, quia et Christum vidit, et Spí-

ritum sicut colúmbam super Christum manentem, sicut ipse ait: Vidi Spiritum descendentem sicut colúmbam, et manentem super eum.

Te Deum laudamus. 17.

TERTIA DIE

INFRA OCTAVAM.

In j. Nocturno Lectiones de Scriptura occurrente.

In secundo Nocturno.

Sermo S. Augustini Epísc.

Lectio iv.

Serm. 256. de Temp.

CELEBRITAS hujus congregationis, dedicatio est domus orationis. Domus ergo nostrarum orationum ista, domus autem Dei nos ipsi. Si domus Dei nos ipsi, nos in hoc sæculo ædificamur, ut in fine sæculi dedicémur. Ædificium, immo ædificatio habet laborem, dedicatio exultationem. Quod hic fiebat, quando ista surgébant, hoc fit modo, cum congregántur credentes in Christum. Credendo enim, quasi de silvis et montibus ligna et lápides præcidúntur: cum vero catechizántur, baptizántur, formántur, tamquam inter manus fabrórum et opíficum dolántur, collineántur, complanántur. Verumtamen domum Dómini non faciunt, nisi quando charitate compaginántur.

R. Orántibus. cxxxvj.

Lectio v.

LIGNA ista et lapides si non sibi certo ordine cohærèrent, si non se pacifice innècterent, si non se invicem, cohærèndo sibi, quodàmmodo amarent, nemo huc intrâret. Dénique quando vides in aliqua fabrica lapides et ligna bene sibi cohærere, secûrus intras, ruïnâ non times. Volens ergo Dóminus Christus intrâre, et in nobis habitâre, tanquam ædificândo dicébat: Mandátum novum do vobis: Ut vos invicem diligátis. Mandátum, inquit, novum do vobis. Véteres enim erátis, domum mihi nondum faciébátis, in vestra ruína jacebátis. Ergo ut eruámini a vestræ ruínæ vetustâte, vos invicem amáte.

ñ. O quam. cxxxvj.

Lectio vj.

CONSIDERET ergo cháritas vestra ædificári adhuc istam domum toto, sicut prædictum est, et promissum, orbe terrárum. Cum enim ædificátur domus post captivitátem, sicut habet álius Psalmus, dicitur: Cantáte Dómino cánticum novum: cantáte Dómino omnis terra. Quod ibi dixit, cánticum novum, hoc Dóminus dixit mandátum novum. Quid enim habet cánticum novum, nisi amórem novum? Can-

târe amántis est. Vox hujus cantóris, fervor est sancti amóris. Amémus, gratis amémus: Dóminum enim amámus, quo nihil mélius invenimus: ipsum amémus propter ipsum, et nos in ipso, tamen propter ipsum.

ñ. Mane surgens. cxxxvij.

In tertio Nocturno.

Lectio sancti Evangélii secúndum Lucam.

Lectio vij. Cap. 19.

IN illo témpore: Ingressus Jesus perambulábat Jéricho. Et ecce vir nómine Zachæus: et hic princeps erat publicanórum, et ipse dives. Et réliqua.

De Homilia S. Ambrósii Episcopi.

Ex l. 8. in Luc. prope fin.

QUÆ autem turba, nisi imperitæ confusio multitudinis, quæ vérticem nequit vidére sapiéntiæ? Ergo Zachæus quâmdiu in turba est, non videt Christum: supra turbam ascéndit, et vidit: hoc est, plebis jam transgréssus inscitiam, méruit quem desiderábat, aspícere. Pulchre autem addidit: Quia illa parte erat transitúrus Dóminus: vel ubi sycomórus, vel ubi creditúrus: ut et mystérium serváret, et grátiam semináret. Sic enim vénerat, ut per Judæos transiret ad Gentes.

ñ. Domus mea. cxxxix.

Lectio viij.

VIDIT itaque Zachæum sursum. Jam enim sublimitate fidei inter fructus novorum operum, velut fecundæ altitudine arboris eminēbat. Et quoniam de typo ad moralia defleximus, inter tot credentium voluptates Dominica die relaxare animum, festivitatem admiscere delēctat. Zachæus in sycomoro, novum videlicet novi temporis pomum, ut in hoc quoque compleretur illud: Arbor fici produxit grossos suos.

R. Lápides pretiōsi. cxl.

Lectio ix.

AD hoc enim Christus advenit, ut ex lignis non poma, sed homines nascerentur. Lēgimus alibi: Cum esses sub arbore fici, vidi te. Ergo Nathánael sub arbore, hoc est, supra radicem, quia justus. Radix enim sancta. Sub arbore tamen Nathánael, quia sub lege: Zachæus supra arborem, quia supra legem. Ille Dómini occúltus defensor, hic públicus prædicátor. Ille adhuc Christum ex lege quærebat: iste jam supra legem relinquēbat sua, et Dóminum sequebatur.

Ie Deum laudamus. 17.

QUARTA DIE

INFRA OCTAVAM.

In 1. Nocturno Lectiones
de Scriptura occurrente.

In secundo Nocturno.

De Serm. S. Augustini Episc.

Lectio iv.

Ex Serm. 256. de Temp.

ATTENDITE in Psalmo dedicationis, quem modo cantavimus ex ruina ædificiorum. Conscidisti saccum meum: hoc pertinet ad ruinam. Quid ergo ad ædificium? Et accinxisti me lætitia. Vox dedicationis: Ut cantet tibi glória mea, et non compungar. Quis est, qui loquitur? In verbis ejus agnoscite. Si expōno, obscurum est. Ergo verba ejus dicam, continuo agnoscētis loquentem, ut amētis alloquentem. Quis est, qui dicere pótuit: Eruisti, Dómine, ab inferis animam meam?

R. Orántibus. cxxxvj.

Lectio v.

CUJUS anima jam ab inferis éruta est, nisi de qua dictum est alio loco: Non derelinques animam meam in inférno? Propónitur dedicatio, et cantatur liberatio, canticum dedicationis domus, et dicitur: Exaltábo te, Dómine, quoniam suscepisti me: et non jucundasti inimicos meos super me. Attēdite Judæos inimicos, qui se putabant occidisse Christum, vicisse tamquam inimicum, perdidisse quasi hominem ceteris similem atque mortalem.

R. O quam. cxxxvj.

Lectio vj.

RESURREXIT tertia die ,
 et ejus vox est : Exal-
 tabo te , Domine , quoniam
 suscepisti me. Attendite
 Apostolum , dicentem : Pro-
 pter quod eum exaltavit.
 Et non jucundasti inimicos
 meos super me. Ipsi quidem
 in Christi morte jucunda-
 bantur , sed in ejus resur-
 rectione , ascensione , præ-
 dicatione aliqui compunge-
 bantur. In ejus ergo prædi-
 catione , et per Apostolorum
 constantiae diffamationem
 aliqui compungebantur , et
 convertebantur : aliqui ob-
 durabantur , et confunde-
 bantur , nulli tamen jucun-
 dabantur.

R. Mane surgens. cxxxvij.

In tertio Nocturno.

Lectio sancti Evangelii
 secundum Lucam.

Lectio vij. Cap. 19.

In illo tempore : Ingressus
 Jesus perambulabat Jéricho.
 Et ecce vir nomine
 Zachæus : et hic princeps
 erat publicanorum , et ipse
 dives. Et reliqua.

Homilia S. Gregorii Papæ.
 Lib. 27. *Moralium*, c. 27.
post medium.

SI veraciter sapientes es-
 se , atque ipsam sapien-
 tiam contemplari appeti-
 mus , stultos nos humiliter
 cognoscamus. Relinquamus
 noxiam sapientiam , discä-
 mus laudabilem fatuitatem.

Hinc quippe scriptum est :
 Stulta mundi elégit Deus ,
 ut confundat sapientes. Hinc
 rursum dicitur : Si quis
 videtur inter vos sapiens
 esse in hoc sæculo , stultus
 fiat , ut sit sapiens. Hinc
 Evangelicæ historiæ verba
 testantur : quia Zachæus
 cum videre præ turba nihil
 posset , sycomóri arborem
 ascendit , ut transeuntem
 Dominum cerneret. Syco-
 mórus quippe ficus fatua
 dicitur.

R. Domus mea. cxxxix.

Lectio vijj.

PUSILLUS itaque Zachæus
 sycomorum súbiit , et
 Dominum vidit : quia qui
 mundi stultitiam humiliter
 éligunt , ipsi Dei sapientiam
 subtiliter contemplantur.
 Pusillitatem namque no-
 stram ad videndum Dómi-
 num turba præpedit : quia
 infirmitatem humanæ men-
 tis , ne lucem veritatis in-
 téndat , curarum sæculá-
 rium tumultus premit. Sed
 prudenter sycomorum ascen-
 dimus , si próvide eam , quæ
 divinitus præcipitur , stul-
 titiam mente tenemus. Quid
 enim in hoc mundo stúl-
 tius , quam amissa non quæ-
 rere , possessa sapientibus
 relaxare , nullam pro accé-
 ptis injuriis injuriam réd-
 dere , immo adjunctis aliis
 patientiam præbere ?

R. Lápides pretiösi. cxl.

Lectio ix.

QUASI enim sycómorum nos ascéndere Dóminus præcipit, cum dicit : Qui aufert quæ tua sunt, ne répetas. Et rursum : Si quis te percússerit in dexteram maxillam, præbe illi et alteram. Per sycómorum Dóminus tránsiens cérnitur: quia per hanc sapiéntem stultitiam, etsi necdum, ut est sólide, jam tamen per contemplatiónis lumen Dei sapiéntia quasi in tránsitu vidétur, quam vidére néqueunt qui sibi sapiéntes esse vidéntur: quia ad conspiciéndum Dóminum, in eláta cogitatiónum suárum turba deprehénsi, adhuc sycómóri arborem non invenérunt.

Te Deum laudámus. 17.

QUINTA DIE

INFRA OCTAVAM.

In j. Nocturno Lectiones de Scriptura occurrente.

In secundo Nocturno.

De Sermóne S. Augustíni Epíscopi.

Lectio ix.

Ex Serm. 286. de Temp.

MODO, quando impléntur Ecclésiæ, putámus jucundári Judæos? Ecclésiæ ædificántur, dedicántur, impléntur, quómodo illi jucundántur? Non solum non jucundántur, sed étiam confundúntur, et implétur vox exultántis: Exaltábo te, Dómine, quóniam suscepisti

me : et non jucundásti inimícos meos super me. Non jucundásti super me : si mihi credant, jucundábis in me. Ne multa dicámus, ad illa, quæ cantávimus, aliquándo veniámus. Quómodo dicit Christus : Conscidísti saccum meum, et accinxísti me lætítia? Saccus ejus erat similitúdo carnis peccáti.

ii. Orántibus. cxxxvj.

Lectio x.

NON tibi viléscat, quod Nait, Saccum meum : ibi erat inclúsum prétium tuum. Conscidísti saccum meum. Evásimus ad saccum istum. Conscidísti saccum meum. In passióne conscíssus est. Quómodo ergo Deo Patri dicitur : Conscidísti saccum meum? Quómodo Patri dicátur, vis audíre : Conscidísti saccum meum? Quia próprio Filio non pepércit, sed pro nobis ómnibus trádidit illum. Fecit enim per Judæos nesciéntes, unde redimeréntur sciéntes, et confunderéntur negántes. Nésciunt enim quid boni nobis operáti sunt malo suo. Suspénsus est saccus, et quasi lætátus est impius. Consciditsaccum lancea persecútor, et fudit prétium nostrum Redémptor.

iii. O quam. cxxxvj.

Lectio xj.

CANTET Christus Redémptor, gemat Judas vén-

ditor, erubescat Judæus emptor. Ecce Judas vendidit, Judæus emit, malum negotium egerunt, ambo damnati sunt, seipsos perdidērunt venditor et emptor. Dicat ergo caput nostrum, dicat pro corpore occiso, pro corpore dedicato. Dicat, audiāmus: Conscidisti sacrum meum, et accinxisti me lætitia: id est, conscidisti mortalitatem meam, et accinxisti me immortalitate et incorruptione. Ut cantet tibi glória mea, et non compungar. Quid est, non compungar? Jam contra me non ferat lanceam persecutor, ut non compungar. Christus enim surgens a mortuis, jam non moritur, et mors illi ultra non dominabitur.

R. Mane surgens. cxxxvij.

In lectio Nocturnæ.

Lectio sancti Evangelii secundum Lucam.

Lectio vij. Cap. 19.

In illo tempore: Ingressus Jesus perambulabat Jéricho. Et ecce vir nomine Zachæus: et hic princeps erat publicanorum, et ipse dives. Et reliqua.

Homilia venerabilis Bedæ Presbyteri.

L. 5. c. 77. in Lucæ 19.

Quæ impossibilia sunt apud homines, possibilia sunt apud Deum. Ecce enim camélus, depósita gibli sarcina, per foramen

acus transit, hoc est, dives et publicanus, relicto ónere divitiarum, contempto censu fraudum, angustam portam, arctamque viam, quæ ad vitam ducit, ascendit. Qui mira devotione fidei ad videndum Salvatorem, quod natura minus habuerat, ascensu supplet arboris: atque ideo juste, quamvis ipse rogare non audeat, benedictionem Dominiçæ susceptionis, quam desiderabat, accepit.

R. Domus mea. cxxxix.

Lectio vij.

MYSTICE autem Zachæus, qui interpretatur justificatus, credentem ex gentibus populum significat. Qui quanto curis sæcularibus occupatior, tanto flagitiis deprimentibus erat factus humilior. Sed ablutus est, sed sanctificatus, sed justificatus in nomine Domini nostri Jesu Christi, et in Spiritu Dei nostri. Qui intrantem Jéricho Salvatorem videre quærebat, sed præ turba non poterat: quia gratiæ fidei, quam mundo Salvator attulit, participare cupiebat: sed inólita vitiarum consuetudo, ne ad votum perveniret, obstiterat.

R. Lápides pretiosi. cxl.

Lectio ix.

EADEM namque turba nóxiæ consuetudinis, quæ supra cæcum clamantem, ne lumen peteret, increpabat,

etiam suspicientem publicanum, ne Jesum videat, tardat. Sed sicut cæcus turbarum voces magis ac magis clamando devicit : ita pusillus necesse est turbæ nocentis obstaculum altiôra petendo transcendat, terræna relinquat, arborem crucis ascendant. Sycomôrus namque (quæ est arbor fôliis moro similis, sed altitudine præstans, unde et a Latinis celsa nuncupatur) ficus fâtua dicitur. Et eadem Dominica crux, quæ credentes alit ut ficus, ab incredulis irridetur ut fâtua. *T e Deum. 17.*

SEXTA DIE

INFRA OCTAVAM.

In j. Nocturno Lectiones de Scriptura occurrente.

In secundo Nocturno.

De Sermône S. Augustini
Episcopi.

Lectio iv.

Ex Serm. 256. de Temp.

ERGO, dum novam constructionem sanctæ hujus Ecclesiæ libenter attendimus, quam divîno nómîni hódie dedicamus, invenimus a nobis debéri et Deo nostro máximam laudem, et sanctitati vestræ congruum de divînæ domus ædificatione sermonem. Tunc autem sermo noster congruus erit, si in se aliquid ædificationis hábeat, quod utilitati animarum vestrarum, Deo vos intérius ædificante,

proficiat. Quod hic factum corporaliter videmus in parietibus, spiritaliter fiat in mentibus : et quod hic perfectum cernimus in lapidibus et lignis, hoc, ædificante grátia Dei, perficiatur in corporibus vestris.

Orantibus. cxxxvj.

Lectio v.

PRINCIPALITER ergo grátias agamus Dómino Deo nostro, a quo est omne datum optimum, et omne donum perfectum : et ejus bonitatem tota cordis alacritate laudemus, quóniam ad construendam istam domum orationis, fidélium suorum visitavit ánimum, excitavit afféctum, surrogavit auxilium, inspiravit necdum voléntibus ut vellent, adjúvit bonæ voluntátis conátus ut facerent : ac per hoc Deus, qui operatur in suis et velle et perficere pro bona voluntate, hæc ómnia ipse cœpit, ipse perfecit.

Or. O quam. cxxxvj.

Lectio vj.

ET quia ópera bona in conspéctu suo numquam esse permittit inánia, fidélibus suis, quibus operantibus præbuit virtutis suæ fayórem, tribuet condígnam pro tanta operatione mercédem. Adhuc ámplius agendæ sunt grátia Deo nostro. Hanc enim Ecclesiám, quam fecit nómîni suo construi,

fecit etiam sanctorum Martirum reliquiis amplius honorari. *R.* Mane. cxxxvij.

In tertio Nocturno.

Lectio sancti Evangelii secundum Lucam.

Lectio vij. Cap. 19.

In illo tempore : Ingressus Jesus perambulabat Jericho. Et ecce vir nomine Zachæus : et hic princeps erat publicanorum, et ipse dives. Et reliqua.

De Homilia venerabilis Bedæ Presbyteri.

Lib. 5. c. 77. in Lucæ 19.

Et cum venisset ad locum, suspiciens Jesus, vidit illum. Perambulans Jericho Salvator venit ad locum, ubi præcurrens Zachæus sycomorum conscenderat : quia missis per mundum sui verbi præconibus, in quibus ipse nimirum et loquebatur et ibat, venit ad populum nationum, qui passionis ejus fide jam sublimis existens, etiam divinitatis ejus ardebat agnita facie beari. Suspiciens vidit illum, quia per gratiam fidei a terrenis cupiditatibus elevatum, turbisque infidelibus præeminentem elegit. Videre enim Dei, eligere vel amare est. Unde est illud : Oculi Domini super justos. Nam et nos quæ amamus, videre ; ab his quæ execramur, intuitum festinamus avertere.

R. Domus mea. cxxxix.

Lectio viij.

Vidit ergo Jesus videntem se, quia elegit eligentem se, et amavit amantem. Hunc sane ordinem proficiendi, hoc est, per fidem dominicæ incarnationis ad cognitionem divinitatis perveniendi, quasi per sycomorum Jesu faciem speculandi Doctor egregius ostendit, cum ait : Non enim judicavi scire me aliquid inter vos, nisi Christum Jesum, et hunc crucifixum. Itemque aliis exprobrans : Facti estis, inquit, quibus lacte opus sit, non sólido cibo. Lac infirma temporariæ dispensationis, sólidum cibum ardua perpetuæ majestatis appellans.

R. Lápides pretiosi. cxl.

Lectio ix.

Et dixit ad eum : Zachæe, festinans descende, quia hodie in domo tua oportet me manere. Et festinans descendit, et excepit illum gaudens. Manebat aliquando Dominus in domo principis Phariseorum, hoc est, in Judæorum synagoga docebat : sed quia non baptizatum ante prandium, sabbato curantem, publicanos et peccatores recipientem, contra avaritiam disputantem, et cætera digna Deo gerentem, lingua venenata carpébant : pertæsus eorum facinorâ, discessit et aufugit, dicens : Relinquetur

vobis domus vestra desérta. Hódie autem in domo pusilli Zachæi opórtet illum manére: hoc est, novæ lucis grátia coruscante, in húmili credéntium natiónum corde quiescere. *Te Deum. 17.*

SEPTIMA DIE

INFRA OCTAVAM.

*In j. Nocturno Lectiones
de Scriptura occurrente.*

In secundo Nocturno.

Sermo S. Joánnis Chrysóst.

Lectio iv.

Ex Hom. 33. in c. 9. Matth.

COMMUNIS ómnium domus est Ecclesiá, in quam, vobis prius ingræssis, nos intrámus, discipulórum formam retinéntes: ideóque commúnter ómnibus statim atque ingræssu fuérimus, ut illis datam legem sequámur, pacem offérimus. Nemo igitur socórdia tórpeat: nemo sæculáribus rebus suspénsu ánimu hábeat, cum jam ad prædicándum sacerdótes intráverint. Non enim parva huic rei imminet pœna. Equidem míllies pótius malim in domum alicújus vestrum ingræssus destítui, quam hic prædicans non audíri. Hoc mihi moléstius esset, quam illud, quandóquidem magis própria hæc est, quam illa.

R. Orántibus. cxxxvj.

Lectio v.

NAM hic magnæ illæ nostræ opes pósitoæ sunt;

hic spes nostra omnis. Quid enim hoc loco non magnum est et admirándum? Nam hæc mensa longe pretiósior est atque jucúndior: et lucérna hæc quam illa, ut norunt qui cum fide óleo perúneti, a morbis liberáti sunt. Arca étiam hæc multo mélior, magisque necessária. Non enim vestes, sed misericórdiá inclúsam cón-tinet: quamvis pauci sint qui eam possideant. Hic et léctulus est valde illo præstántior: divinárum enim Scripturárum réquies quovis lecto suávior est.

R. O quam. cxxxvj.

Lectio vj.

ET quidem si concórdia perfécte servarétur a nobis, nullam áliam domum præter hanc haberémus. Hoc autem quod dixi, non esse durum, testántur illa tria míllia et quinque míllia hóminum, quibus et domus una, et mensa una, et ánima una erat. Multitúdinis enim credéntium, inquit, unum erat cor, et ánima una. Sed quia longe ab illórum virtúte ábsumus, et per domos disjúneti sumus, saltem quando huc convenímus, id omni stúdio faciámus. Nam etsi in áliis rebus páuperes, et inopes sumus, hoc loco saltem cum huc ad vos intrámus, cum charitaté nos suscipite: cumque

Pax vobis , dico : Et cum spiritu tuo , non voce solum , sed ánimo quoque respondéte.

℞. Mane surgens. cxxxvij.

In tertio Nocturno.

Lectio sancti Evangélii
secúndum Lucam.

Lectio vij. Cap. 19.

IN illo témpore : Ingréssus Jesus perambulábat Jéricho. Et ecce vir nómine Zachæus : et hic princeps erat publicanórum , et ipse dives. Et réliqua.

De Homilia venerábilis

Bedæ Presbyteri.

Paulo post prædicta.

ET cum vidérent omnes , murmurábant, dicétes, quod ad hóminem peccatórem divertisset. Maniféstum est Judæos semper Génitium odisse salútem. Scriptum est enim : Sequénti vero sábbato pene univér-sa civitas convénit audire verbum Dei. Vidéntes autem turbas Judæi , repléti sunt zelo, et contradicébant iis , quæ a Paulo dicebántur. Et álibi , fidéles étiam fratres advérsus Apostolórum principem disceptábant , dicétes : Quare introísti ad viros præpútium habéntes, et manducásti cum illis ?

℞. Domus mea. cxxxix.

Lectio viij.

STANS autem Zachæus, dixit ad Dóminum : Ecce

dimídiū bonórum meórum, Dómine, do paupéribus : et si quid áliquem defraudávi, reddo quádruplum. Aliis calumniántibus hóminem peccatórem , ipse Zachæus stans, id est , in ea quam cœperat , fidei veritáte persístens , non solum se ex peccatóre convérsū , sed étiam inter perféctos probat esse conversátum. Dicénte enim Dómino : Si vis perféctus esse, vade, vende ómnia quæ habes , et da paupéribus : quisquis ante convérsionem innocéter vixit, ómnia convérsus potest dare paupéribus.

℞. Lápides pretiósí. cxl.

Lectio ix.

AT qui áliqua fraude sústulit, primo hæc juxta legem réddere, deínde quod sibi remánsérit, debet dare paupéribus. Ac sic et ipse quia sibi nil rétinét, ómnia sua dispérgit, dat paupéribus , justítia ejus manet in sæculum sæculi. Et hæc est sápiens illa stultítia , quam de sycomóro publicánus quasi fructum vitæ légerat : rapta vidélicet réddere, própria relínquere, visibília contémnere , pro invisibílibus étiam mori desideráre , seípsum abnegáre, et ejus , qui necdum videátur , Dómini vestigia sequi concupíscere.

Ie Deum laudámus. 47.

IN OCTAVA

DEDICATIONIS ECCLESIAE.

Duplex.

Omnia ut in die, præter
Lectioes ij. Nocturni.Ex Epistola prima sancti
Felicis Papæ Quarti.

Lectio iv.

De Consec. dist. 4. c. 2.

TABERNACULUM Moysen, Domino præcipiente, fecisse et sacrasse, cum mensa et altari ejus, et ceteris vasis et utensilibus ad divinum cultum explendum legimus: et non solum divinis precibus ea sacrasse, sed etiam sancti olei unctione, Domino jubente, perlinisse novimus. Quáliter autem hæc facta sint, et quómodo ipsa sacra non alii quam sacerdotes sacra unctione delibuti, Dominoque cum vestibus sanctis sacrati, et Levitæ tractabant, ferébant, erigébant et deponébant; in ipsis institutionibus, quæ, jubente Domino, conscriptæ sunt per Moysen, in lege Domini reperitur.

R. Orantibus. cxxxvj.

Lectio v.

QUALITER ergo David regum piissimus amplificaverit cultum Dei, et templum Domino ædificare voluerit, sed propter multum sanguinem quem effuderat, prohibitus est, et ipse collegerat expensas: Sálomon

quoque filius ejus, idipsum quod ipse facere optaverat, jubente et auxiliante Deo, perfecit, et templum cum altari, et reliqua ad divinum cultum peragendum consecravit: in libro Regum legitur: Fecit ergo Sálomon in tempore illo festivitatem celebrem, et omnis Israel cum eo, multitudo magna ab introitu Emath usque ad rivum Ægypti, coram Domino Deo nostro septem diebus, et septem diebus, id est, quatuordecim diebus, et in die octáva dimisit populos.

R. O quam. cxxxvj.

Lectio vj.

De Consec. dist. 4. c. 47.

SOLEMNITATES dedicationis templi, per singulos annos solémniter sunt celebrandæ, ipso Domino exemplum dante, qui ad festum dedicationis templi, omnibus id faciendi dans formam, cum reliquis populis eandem festivitatem celebraturus venit, sicut scriptum est: Facta sunt encænia in Jerosólymis, et hiems erat, et ambulabat Jesus in templo in pórticu Salomónis. Quod autem octo diebus encænia sint celebranda, in libro Regum, peracta dedicatione templi, reperietis.

R. Mane surgens. cxxxvij.

B. Mariæ Virginis

PER ANNUM.

¶ Notandum quod, si fuerit intra tempus Paschale, servanda est Rubrica posita supra. xlvijj.

Ad Vesperas.

Ana. Dum esset Rex * in accubitu suo, nardus mea dedit odorem suavitatis.

Psalmus 409.

DIXIT Dóminus Dómino meo : * Sede a dextris meis :

*D*onec ponam inimicos tuos, * scabellum pedum tuorum.

*V*irgam virtutis tuæ emittet Dóminus ex Sion : * dominare in medio inimicorum tuorum.

*E*cum principium in die virtutis tuæ in splendóribus sanctorum : * ex útero ante luciferum genui te.

*I*uravit Dóminus, et non poenitébit eum : * Tu es sacerdos in ætérnum secundum ordinem Melchisedech. *D*óminus a dextris tuis, * confrégit in die iræ suæ reges.

*I*udicabit in nationibus, implébit ruínas : * conquassabit capita in terra multorum.

*D*e torrente in via bibet : * propterea exaltábit caput.

Ana. Dum esset Rex in accubitu suo, nardus mea dedit odorem suavitatis.

Ana. Læva ejus * sub capite meo, et dextera illius amplexábitur me.

Psalmus 112.

LAUDATE, púeri, Dóminum : * laudate nomen Dómini.

*S*it nomen Dómini benedictum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

*E*xcélsus super omnes gentes Dóminus, * et super cœlos glória ejus.

*Q*uis sicut Dóminus Deus noster, qui in altis hábitat : * et humília respicit in cœlo et in terra ?

*E*uscitans a terra inopem : * et de stercore érigens pauperem :

*U*t colloceat eum cum principibus, * cum principibus populi sui.

*Q*ui habitare facit stérilem in domo, * matrem filiorum lætántem.

Ans. Laeva ejus sub cápite meo : et dextera illius amplexábitur me.

Ans. Nigra sum , * sed formósa, filiæ Jerúsalem : ideo diléxit me Rex , et introduxit me in cubiculum suum.

Psalmus 121

IETATUS sum in his , quæ dicta sunt mihi : * In domum Dómini ibimus.

Stantes erant pedes nostri , * in átriis tuis Jerúsalem.

Jerúsalem , quæ ædificá-
tur ut civitas : * cujus participátio ejus in idípsum.

Illuc enim ascendérunt tribus , tribus Dómini : * testimonium Israel ad confiténdum nómini Dómini.

Quia illic sedérunt sedes in judicio , * sedes super domum David.

Rogáte quæ ad pacem sunt Jerúsalem : * et abundantia diligéntibus te.

Fiat pax in virtúte tua : * et abundantia in túrribus tuis.

Propter fratres meos , et próximos meos , * loquébar pacem de te.

Propter domum Dómini Dei nostri , * quæsi vi bona tibi.

Ans. Nigra sum , sed formósa, filiæ Jerúsalem : ideo diléxit me Rex , et introduxit me in cubiculum suum.

Ans. Jam hiems tránsiit , * imber ábiit , et recéssit : surge , amíca mea , et veni.

Psalmus 120

NISI Dóminus ædificáverit domum , * in vanum laboravérunt qui ædificant eam.

Nisi Dóminus custodierit civitatem , * frustra vigilat qui custódit eam.

Vanum est vobis ante lucem súrgere : * súrgite postquam sedéritis , qui manducátis panem dolóris.

Cum déderit diléctis suis somnum : * ecce heréditas Dómini , filii ; merces , fructus ventris.

Sicut sagittæ in manu poténtis : * ita filii excussórum.

Beátus vir qui implévit desiderium suum ex ipsis : * non confundétur cum loquétur inimicis suis in porta.

Ans. Jam hiems tránsiit , imber ábiit et recéssit : surge , amíca mea , et veni.

Ans. Speciósá facta es * et suávis in deliciis tuis , sancta Dei Génitrix.

Psalmus 147

LAUDA , Jerúsalem , Dóminus : * lauda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emittit elóquium suum terræ : * velociter currit sermo ejus.

Qui dat nivem sicut la-

nam : * nébulam sicut cínem spargit.

Mittit crystallum suam sicut buccéllas : * ante faciém frigoris ejus quis sustinébit ?

Mittet verbum suum , et liquefaciet ea : * flabit spíritus ejus , et fluent aquæ.

Qui annúntiat verbum suum Jacob : * justítias et judícia sua Israel.

Non fecit táliter omni nátióni : * et judícia sua non manifestávit eis.

Añs. Speciósá facta es et suávis in deliciis tuis , sancta Dei Génitrix.

Capitulum. Eccli. 24. b

AB initio , et ante sæcula creáta sum , et usque ad futurum sæculum non désinam , et in habitatióne sancta coram ipso ministrávi. *R.* Deo grátias.

Hymnus.

AVE maris stella ,
Dei Mater alma ,
Atque semper virgo ,
Felix cœli porta.

Sumens illud Ave
Gabriélis ore ,
Funda nos in pace ,
Mutans Hevæ nomen.

Solve vincla reis ,
Profer lumen cæcis ,
Mala nostra pelle ,
Bona cuncta posce.

Monstra te esse matrem ,
Sumat per te preces ,
Qui pro nobis natus
Tulit esse tuus.

Virgo singulâris ,

Inter omnes milis ,
Nos culpis solutos
Mites fac et castos.

Vitam præsta puram ,
Iter para tutum ,
Ut vidéntes Jesum ,
Semper collætémur.

Sit laus Deo Patri ,
Summo Christo decus ,
Spíritui sancto ,
Tribus honor unus. Amen.

R. Dignâre me laudâre te ,
Virgo sacrâta. *R.* Da mihi
virtutem contra hostes tuos.

Ad Magnificat. Añs.

Sancta María , succúrre miseris ,
juva pusillânes , résolve flébiles , ora pro pópulo ,
intérveni pro clero , intercéde pro devóto femíneo sexu : séntiant omnes tuum
juvâmen , quicúmque celebrant tuam sanctam festivitatem.

Oratio.

CONCEDE nos fámulos tuos ,
quæsumus Dómine Deus ,
perpétua mentis et cörperis sanitâte gaudére : et gloriósa beátæ Mariæ semper
Víriginis intercessiône , a
præsénti liberâri tristítia ,
et ætérna pérfrui lætítia.
Per Dóminum.

Ad Complet. et Horas. in fine Hymnorum dicitur :

Jesu , tibi sit glória ,
Qui natus es de VírGINE ,
Cum Patre , et almo Spíritu ,
In sempitérna sæcula. Am.

Ad Magnificat. Invitat.

Sancta Maria , Dei Génitrix

Virgo, * Intercéde pro nobis.

Ps. Venite. 2.

Hymnus.

QUEM terra, pontus, sí-
dera

Colunt, adórant, prædicant,
Trinam regentē máchinam
Claustum Mariæ báulat.

Qui luna, sol, et ómnia

Deserviunt per témpora,

Perfusa cœli grátia,

Gestant puellæ viscera.

Beáta Mater, múnere

Cujus supérnus Artifex

Mundum pugillo cóntinens,

Ventris sub arca clausus est.

Beáta cœli nūntio,

Fœcúnda sancto Spíritu,

Desiderátus géntibus

Cujus per alvum fusus est.

Jesu, tibi sit glória,

Qui natus es de Virgine,

Cum Patre, et almo Spíritu,

In sempitérna sæcula.

Amen.

In primo Necturno.

Ana. Benedicta tu * in mu-
liéribus, et benedictus fru-
ctus ventris tui.

Psalmus 8.

DOMINE Dóminus noster, *
quam admirábile est no-
men tuum in univérsta terra!
Quóniam eleváta est ma-
gnificéntia tua, * super cœ-
los.

Ex ore infántium et la-
cténtium perfecisti laudem
propter inimícos tuos, * ut
détruas inimicum et ultó-
rem.

Quóniam vidébo cœlos tuos,

ópera digitórum tuórum :
* lunam et stellas, quæ tu
fundásti.

Quid est homo, quod me-
mor es ejus? * aut filius hó-
minis, quóniam vísitas eum?
Mínuísti eum paulo minus
ab Angelis, glória et honóre
coronásti eum : * et con-
stituísti eum super ópera
mánuum tuárum.

Omnia subjecísti sub pé-
dibus ejus, * oves et boves
univérsas : insuper et pé-
cora campi.

Volucres cœli, et pisces
maris, * qui perámbulant
sémitas maris.

Dómine Dóminus noster,
* quam admirábile est no-
men tuum in univérsta terra!

Ana. Benedicta tu in mu-
liéribus, et benedictus fru-
ctus ventris tui.

Ana. Sicut myrrha * elé-
cta odórem dedísti suavi-
tátis, sancta Dei Génitrix.

Psalmus 18.

CŒLI enarrant glóriam
Dei, * et ópera mánuum
ejus annúntiat firmamén-
tum.

Dies diéi erúctat verbum,
* et nox nocti indicat scién-
tiam.

Non sunt loquélæ, neque
sermónes, * quorum non
audiántur voces eórum.

In omnem terram exivit
sonus eórum : * et in fines
orbis terræ verba eórum.

In sole pósuit tabernácu-

lum suum : * et ipse tamquam sponsus procedens de thalamo suo :

Exultavit ut gigas ad currendam viam , * a summo caelo egressio ejus :

Et occursus ejus usque ad summum ejus : * nec est qui se abscondat a calore ejus.

Lex Dómini immaculata , convertens animas : * testimonium Dómini fidele , sapientiam præstans parvulis.

Justitiæ Dómini rectæ , lætificantes corda : * præceptum Dómini lucidum , illuminans oculos.

Timor Dómini sanctus , permanens in sæculum sæculi : * judicia Dómini vera , justificata in semetipsa.

Desiderabilia super aurum et lapidem pretiosum multum : * et dulciora super mel et favum.

Enim servus tuus custodit ea , * in custodiendis illis retributio multa.

Delicta quis intelligit ? ab occultis meis munda me : * et ab aliénis parce servo tuo.

Si mei non fuerint dominati , tunc immaculatus ero : * et emundabor a delicto máximo.

Et erunt ut compláceant elóquia oris mei : * et meditatio cordis mei in conspectu tuo semper.

Dómine adjutor meus , * et redemptor meus.

Ant. Sicut myrrha elécta odorem dedisti suavitatis , sancta Dei Génitrix.

Ant. Ante torum * hujus Virginis frequentate nobis dulcia cántica drámatís.

Psalmus 23.

DOMINI est terra , et plenitudo ejus , * orbis terrarum , et universi qui habitant in eo.

Quia ipse super maria fundavit eum : * et super flumina præparavit eum.

Quis ascendet in montem Dómini ? * aut quis stabit in loco sancto ejus ?

Innocens manibus , et mundo corde , * qui non accepit in vano animam suam , nec juravit in dolo próximo suo.

Hic accipiet benedictionem a Dómino : * et misericordiam a Deo salutari suo.

Hæc est generatio quærentium eum , * quærentium faciem Dei Jacob.

Attollite portas , principes , vestras , et elevamini portæ æternales : * et introibit Rex glóriæ.

Quis est iste Rex glóriæ ? * Dóminus fortis et potens : Dóminus potens in prælio.

Attollite portas , principes , vestras , et elevamini portæ æternales : * et introibit Rex glóriæ.

Quis est iste Rex glóriæ ? * Dóminus virtutum ipse est Rex glóriæ.

Ant. Ante torum hujus Virginis frequentate nobis dulcia cantica dramatis.

V. Specie tua, et pulchritudine tua. **R.** Intende, prospere procede, et regna.

De Parabolis Salomonis.

Lectio j. Cap. 8. b et 9.

EGO sapientia habito in consilio, et eruditis intersum cogitationibus. Timor Domini odit malum; arrogantiam, et superbiam, et viam pravam, et os bilingue detestor. Meum est consilium et æquitas, mea est prudentia, mea est fortitudo. Per me reges regnant, et legum conditores justa decernunt. Per me principes imperant, et potentes decernunt justitiam. Ego diligentes me diligo, et qui mane vigilant ad me, invenient me.

R. Sancta et immaculata virginitas, quibus te laudibus efferam nescio: * Quia quem cœli capere non poterant, tuo gremio contulisti. **V.** Benedicta tu in mulieribus, et benedictus fructus ventris tui. Quia.

Lectio ij.

MECUM sunt divitiæ, et glória, opes superbæ et justitia. Melior est enim fructus meus auro, et lapide pretioso, et genimina mea argento electo. In viis justitiæ ambulo, in medio semitarum judicii, ut ditem

diligentes me, et thesauros eorum repleam. Dominus possedit me in initio viarum suarum, antequam quidquam faceret a principio. Ab æterno ordinata sum, et ex antiquis antequam terra fieret. Nondum erant abyssi, et ego jam concepta eram, necdum fontes aquarum eruperant; necdum montes gravi mole constiterant, ante colles ego parturiebar.

R. Congratulamini mihi omnes qui diligitis Dominum, quia cum essem parvula, placui Altissimo: * Et de meis visceribus genui Deum et hominem. **V.** Beata me dicent omnes generationes, quia ancillam humilem respexit Deus. Et.

Lectio iij.

BEATUS homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino: qui autem in me peccaverit, lædet animam suam. Omnes, qui me odierunt, diligunt mortem. Sapientia ædificavit sibi domum, excidit columnas septem. Immolavit victimas suas, miscuit vinum, et proposuit mensam suam. Misit ancillas suas ut vocarent ad arcem, et ad moenia civitatis. Si quis est parvulus, veniat ad me. Et

insipiéntibus locúta est :
Venite , comédite panem
meum , et bibite vinum
quod miseci vobis.

Beáta es , Virgo María ,
quæ Dóminum portásti
Creatórem mundi : * Ge-
nuísti qui te fecit , et in
aetérnum pérmanes virgo.

Ave María , grátia plena :
Dóminus tecum . Genuísti .

Glória Patri . Genuísti .

In secundo Nocturno.

Aña . Spécie tua , * et pul-
chritúdine tua inténde , pró-
spere procéde , et regna .

Psalmus 44.

ERUCTIONE cor meum ver-
bum bonum : * dico ego
ópera mea Regi .

Lingua mea cálamus scri-
bæ , * velóciter scribéntis .

Speciósus forma præ filiis
hóminum , diffúsa est grátia
in lábiis tuis : * proptérea
benedixit te Deus in aetérnū .

Accingere gládio tuo super
femur tuum , * potentissime .

Spécie tua et pulchritúdine
tua * inténde , prospere
procéde , et regna .

Propter veritátem , et man-
suetúdinem , et justítiam :
* et dedúcet te mirabiliter
déktera tua .

Sagittæ tuæ acútæ , pópuli
sub te cadent : * in corda
inimicórum regis .

Sedes tua Deus in sæculum
sæculi : * virga directiónis
virga regni tui .

Dilexísti justítiam , et odísti

iniquitátem : * proptérea un-
xit te Deus , Deus tuus óleo
lætitiæ præ consórtibus tuis .

Myrrrha , et gutta , et cá-
sia a vestiméntis tuis , a
dómibus ebúrneis : * ex
quibus delectavérunt te filii
regum in honóre tuo .

Astitit regína a dextris tuis
in vestitu deauráto : * cir-
cúmdata varietáte .

Audi , filia , et vide , et in-
clina aurem tuam : * et ob-
liviscere pópulum tuum , et
domum patris tui .

Et concupiscet Rex decórem
tuum : * quóniam ipse est
Dóminus Deus tuus , et ado-
rábunt eum .

Et filiæ Tyri in munéribus
* vultum tuum deprecabún-
tur : omnes dívites plebis .

Omnis glória ejus filiæ Re-
gis ab intus , * in fimbriis
áureis circumamícta varie-
tátibus .

Adducéntur Regi vírgines
post eam : * próximæ ejus
afferéntur tibi .

Afferéntur in lætitia et ex-
ultatióne : * adducéntur in
templum Regis .

Pro pátribus tuis nati sunt
tibi filii : * constitues eos
príncipes super omnē terrā .

Mémores erunt nóminis tui :
* in omni generatióne et
generatióne .

Proptérea pópuli confite-
búntur tibi in aetérnum : *
et in sæculum sæculi .

Aña . Spécie tua , et pulchri-

tudine tua intēde, próspe-
re procéde, et regna.

Añā. Adjuvabit eam * Deus
vultu suo : Deus in médio
ejus, non commovēbitur.

Psalmus 45.

DEUS noster refūgium, et
virtus : * adjutor in tri-
bulatiōnibus, quæ inve-
nērunt nos nimis.

Propterea non timēbimus
dum turbābitur terra : * et
transferentur montes in cor
maris.

Conuērunt, et turbatæ sunt
aquæ eorum : * conturbati
sunt montes in fortitudine
ejus.

Fluminis impetus lætificat
civitatem Dei : * sanctificā-
vit tabernaculum suum Al-
tissimus.

Deus in médio ejus non
commovēbitur, * adjuvabit
eam Deus mane diluculo.

Conturbatæ sunt gentes, et
inclinata sunt regna : * de-
dit vocem suam, mota est
terra.

Dominus virtutū nobiscum : *
susceptor noster Deus Jacob.

Venite, et videte opera Dó-
mini, quæ pósuit prodigia
super terram : * auferens
bella usque ad finem terræ.

Arcum cōteret, et confrin-
get arma : * et scuta com-
būret igni.

Vacate, et videte quoniam
ego sum Deus : * exaltabor
in gentibus, et exaltabor in
terra.

Dominus virtutū nobis-
cum : * susceptor noster
Deus Jacob.

Añā. Adjuvabit eam Deus
vultu suo : Deus in médio
ejus, non commovēbitur.

Añā. Sicut lætantium * om-
nium nostrum habitatio est
in te, sancta Dei Génitrix.

Psalmus 86.

FUNDAMENTA ejus in món-
tibus sanctis : * diligit
Dóminus portas Sion super
omnia tabernacula Jacob.

Gloriosa dicta sunt de te, *
civitas Dei.

Memor ero Rahab, et Baby-
lónis * sciētiū me.

Ecce alienigenæ, et Tyrus,
et pópulus Æthiopum, * hi
fuērunt illic.

Numquid Sion dicet : Homo,
et homo natus est in ea, * et
ipse fundavit eā Altissimus ?

Dominus narrabit in scri-
pturis populorum, et prin-
cipum : * horum, qui fuē-
runt in ea.

Sicut lætantium omnium *
habitatio est in te.

Añā. Sicut lætantium om-
nium nostrum habitatio est
in te, sancta Dei Génitrix.

Ÿ. Adjuvabit eam Deus vultu
suo. **R.** Deus in médio ejus,
non commovēbitur.

Sermo sancti Joānnis
Chrysóstomi.

Lectio iv.

Apud Metaphrasten.

DEI Filius non divitem
aut locupletem aliquam

fēminam sibi matrem elégit, sed beátam Virginem illam, cujus ánima virtútibus ornáta erat. Cum enim beáta María supra omnem humánam natúram castitatem serváret, propterea Christum Dóminum in ventre concépit. Ad hanc igitur sanctíssimam Virginem et Dei Matrem accurréntes, ejus patrocínii utilitatem assequámur. Itaque quaecúmque estis virgines, ad Matrem Dómini confúgite. Illa enim pulchérissimam, pretiosíssimam et incorruptibilem possessionem patrocínio suo vobis conservábit.

R. Sicut cedrus exaltáta sum in Líbano, et sicut cypréssus in monte Sion : quasi myrrha elécta, * Dedi suavitatem odóris. **Y.** Et sicut cinnamómum et balsamum aromatizans. Dedi.

Lectio v.

MAGNUM revéra miraculum, fratres dilectissimi, fuit beáta semper virgo María. Quid namque illa majus aut illústrius ullo umquam témpore invéntum est, seu aliquándo inveniri póterit? Hæc sola cœlum ac terram amplitúdine superávit. Quidnam illa sánctius? Non Prophétæ, non Apóstoli, non Mártýres, non Patriárchæ, non Angeli, non Throni, non Domina-

tiones, non Séraphim, non Chérubim : non dénique áliud quidpiam inter creatas res visibiles aut invisibiles, majus aut excellentius inveniri potest. Eadem ancilla Dei est et Mater : eadem virgo et génitrix.

R. Quæ est ista, quæ processit sicut sol, et formosa tamquam Jerúsalem?

* Vidérunt eam filiæ Sion, et beátam dixerunt, et Reginæ laudavérunt eam. **V.** Et sicut dies verni circúmdabant eam flores rosárum, et lilia convállium. Vidérunt.

Lectio vj.

HÆC ejus mater est, qui a Patre ante omne principium génitus fuit, quem Angeli et hómines agnóscunt Dóminum rerum ómnium. Visne cognóscere quanto Virgo hæc præstantior sit cœlestibus Poténtiis? Illæ cum timóre et tremóre assistunt, faciém velántes suam : hæc humánum genus illi offert, quem genuit. Per hanc et peccatórum véniam conséquimur. Ave igitur mater, cœlum, puélla, virgo, thronus, Ecclésiæ nostræ decus, glória et firmaméntum, assidue pro nobis precáre Jesum Fílium tuum, et Dóminum nostrum : ut per te misericórdiam inveníre in die judicii, et quæ repósita sunt iis, qui diligunt Deum, bona consequi

possimus, grátia et benignitate Dómini nostri Jesu Christi : cum quo Patri simul et sancto Spiritui glória, et honor, et impérium nunc et semper in sæcula sæculorum. Amen.

R. Ornátam monilibus filiam Jerúsalem Dóminus concupívit : * Et vidéntes eam filiæ Sion beatíssimam prædicavérunt, dicéntes : * Unguentum effúsū nomen tuum.

V. Astitit Regína a dextris tuis in vestitu deaurato, circumdata varietate. Et. Glória Patri. Unguentum.

In tertio Nocturno.

Añá. Gaude, María Virgo, * cunctas hæreses sola interemísti in univérso mundo.

Psalmus 95.

CANTATE Dómino canticum novum : * cantáte Dómino, omnis terra.

Cantáte Dómino, et benedicite nómini ejus : * annuntiáte de die in diem salutare ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii gentium dæmónia : * Dóminus autem cælos fecit.

Confessio, et pulchritudo in conspectu ejus : * sanctimónia et magnificéntia in sanctificatióne ejus.

Afférte Dómino patriæ gentium, afférte Dómino glóriam et honórem : * afférte Dño glóriam nómini ejus.

Iollite hóstias, et introíte in átria ejus : * adoráte Dóminum in átrio sancto ejus.

Commoveátur a fácie ejus univérsa terra ; * dicite in gentibus quia Dóminus regnávít.

Etenim corréxit orbē terræ, qui non commovébitur : * judicábit pópulos in æquitáte.

Læténtur cœli, et exúltet terra, commoveátur mare, et plenitúdo ejus : * gaudébunt campi, et ómnia, quæ in eis sunt.

Tunc exultábunt ómnia ligna silvârum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritate sua.

Añá. Gaude, María Virgo, cunctas hæreses sola interemísti in univérso mundo.

Añá. Dignáre me * laudáre te, Virgo sacrata : da mihi virtutem contra hostes tuos.

Psalmus 96.

DOMINUS regnávít, exúltet terra : * læténtur insulæ multæ.

Nubes, et caligo in circúitu ejus : * justítia et judícium corréctio sedis ejus.

Ignis ante ipsum præcédet, * et inflammábit in circúitu inimicos ejus.

fluxerunt fúlgura ejus orbi terræ : * vidit, et commóta est terra.

Montes sicut cera fluxerunt a fácie Dómini : * a fácie Dómini omnis terra.

Annuntiavérunt cœli justitiam ejus : * et vidérunt omnes pópuli glóriam ejus.

Confundántur omnes qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exultavérunt filiæ Judæ, * propter judícia tua, Dómine.

Quóniam tu Dóminus altissimus super omnem terram : * nimis exaltátus es super omnes deos.

Qui diligitis Dóminum ; odite malum : * custódit Dóminus ánimas sanctorum suorum, de manu peccatóris liberábit eos.

Lux orta est justo, * et re-etis corde lætítia.

Lætámini, justí, in Dómino : * et confitémini memóriæ sanctificatiónis ejus.

Añs. Dignáre me laudáre te, Virgo sacráta : da mihi virtútem contra hostes tuos.

Añs. Post partum * Virgo in-violáta permansisti : Dei Génitrix, intercède pro nobis.

¶ In Annunt. B. V. **Añs.** Angelus Dómini * nuntiávit Mariæ, et concépit de Spíritu sancto.

Psalmus 97.

CANTATE Dómino cánticum novum : * quia mirabilia fecit.

Salvávít sibi délixtera ejus, * et bráchium sanctum ejus.

Notum fecit Dóminus salutare suum : * in conspéctu géntium revelávit justitiam suam.

Recordátus est misericórdiæ suæ, * et veritátis suæ dómui Israel.

Vidérunt omnes términi terræ * salutare Dei nostri.

Jubiláte Deo, omnis terra : * cantáte, et exultáte, et psállite.

Psállite Dómino in cíthara, in cíthara et voce psalmi : * in tubis ductilibus, et voce tubæ córneæ.

Jubiláte in conspéctu Regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Añs. Post partum Virgo in-violáta permansisti : Dei Génitrix, intercède pro nobis.

¶ In Annunt. B. V. **Añs.** Angelus Dómini nuntiávit Mariæ, et concépit de Spíritu sancto.

V. Elégit eam Deus, et præ-
elégit eam. **R.** In taberná-
culo suo habitare facit eam.

**Lectio sancti Evangélii
secundum Lucam.**

Lectio vij. Cap. 11. d

IN illo tempore : Loquente
Jesu ad turbas , extollens
vocem quædam mulier de
turba, dixit illi : Beatus ven-
ter, qui te portavit. Et ré-
liqua.

Homilia venerabilis Bedæ
Presbyteri.

Lib. 4. cap. 49. in Luc. 11.

MAGNÆ devotiōnis et fidei
hæc mulier ostēditur,
quæ Scribis et Pharisæis Dó-
minum tentantibus, simul et
blasphemantibus, tanta ejus
incarnatiōnem præ omnibus
sinceritate cognóscit, tanta
fiducia confitetur, ut et
præsentium prócerum calú-
mnam, et futurorum con-
fundat hæreticorum perfí-
diam. Nam sicut tunc Judæi,
sancti Spíritus ópera bla-
sphemando, verum consub-
stantialémque Patri Dei Fi-
lium negabant; sic hæretici
póstea negando, Mariam
semper Virginem, Sancti Spí-
ritus operante virtute, na-
scituro cum humanis mem-
bris Unigénito Dei, carnis
suæ matériam ministrasse,
verum consubstantialémque
matri filium hóminis fatéri
non debere dixerunt.

II. Felix namque es, sacra
Virgo María, et omni laude

digníssima : * Quia ex te
ortus est sol justitiæ, Chri-
stus Deus noster. **V.** Ora pro
pópulo, intéveni pro clero,
intercede pro devoto femineo
sexu : sentiant omnes tuum
juvamen, quicumque cele-
brant tuam sanctam Festi-
vitatem. Quia. **Bened.** Cujus
festum colimus.

Lectio viij.

SED si caro Verbi Dei se-
cundum carnem nascētis
a carne Virginis Matris pro-
nuntiatur extranea, sine
causa venter qui eam por-
tasset, úbera quæ lactas-
sent, beatificāntur. Dicit
autem Apóstolus : Quia mi-
sit Deus Filium suum fa-
ctum ex muliere, factum
sub lege. Neque audiēdi
sunt qui legēdum putant :
Natum ex muliere, factum
sub lege : sed, Factum ex
muliere, quia concēptus ex
útero virgináli, carnem
non de nihilo, non aliunde,
sed matérna traxit ex carne:
alióquin nec vere Filius
hóminis diceretur, qui orí-
ginem non haberet ex hó-
mine. Et nos igitur his con-
tra Eutychem dictis, ex-
tollámus vocem cum Ecclé-
sia Cathólica, cujus hæc
mulier typum gessit, ex-
tollámus et mentem de mé-
dio turbárum, dicámusque
Salvatóri : Beatus venter
qui te portavit, et úbera,
quæ suxisti. Vere enim

beáta parens, quæ, sicut quidam ait: Enixa est puérpera Regem, qui cœlum terrámque tenet per sæcula.

R. Beátam me dicent omnes generationes: * Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies timéntibus eum. Quia. Glória Patri. Quia.

Lectio ix.

QUINIMMO beáti qui audiunt verbum Dei, et custódiunt. Pulchre Salvátor attestatióni mulieris annuit, non eam tantúmmodo quæ Verbum Dei corporáliter generáre merúerat, sed et omnes, qui idem Verbum spiritaliter audítu fidei concípere, et boni óperis custódia vel in suo vel in proximórum corde párere, et quasi álere studúerint, assevérans esse beátos: quia et éadem Dei Génitrix, et inde quidem beáta, quia Verbi incarnándi ministra facta est temporális: sed inde multo beátior, quia ejúsdem semper amándi custos manébat æténa.

Te Deum laudámus. 17.

AD LAUDES,

et per Roman. Ant.

V. Dum esset Rex * in acúbitu suo, nardus mea dedit odórem suavitátis.

Ps. Dóminus regnávít, cum reliq. de Danca. 18.

2. Laeva ejus * sub cápite meo, et dextera illius amplexábitur me.

V. Nigra sum, * sed formósa, filiæ Jerúsalem: ideo diléxit me Rex, et introduxit me in cubiculum suum.

R. Jam hiems tránsiit, imber ábiit et recéssit: surge, amíca mea, et veni.

V. Speciósá facta es * et suávis in delíciis tuis, sancta Dei Génitrix.

Capit. Eccli. 24. b

AB inítio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

Hymnus.

O gloriósá virginum, Sublímis inter sídera, Qui te creávit, párvulum Lacténte nutris úbere.

Quod Heva tristis ábstulit. Tu reddis almo gérmine: Intrent ut astra flébiles, Cœli reclúdis cárdines.

V. In Regis alti jánuá, Et aula lucis fúlgida: Vitam datam per Virgínem Gentes redéemptæ pláudite. Iesu, tibi sit glória, Qui natus es de Virgíne. Cum Patre, et almo Spíritu, In sempitérna sæcula. Am.

V. Diffúsa est grátia in lábiis tuis. **R.** Proptérea benedixit te Deus in ætérnum.

Ad Benedictus. Ana.

Beáta es, María, quæ credidisti: perficiéntur in te

quæ dicta sunt tibi a Dómino, allelúia.

Oratio.

CONCEDE nos fámulos tuos, quæsumus Dómine Deus, perpétua mentis et córporis sanitate gaudere : et gloriósa beátæ Mariæ semper Vírginis intercessióne, a præsentí liberári tristítia, et ætérna pérfrui lætítia. Per Dóminum.

Ad Primam, in R. br. V.

Qui natus es de María Vírgine, *etiam in Festis infra Octavas B. M. V.*

Ad Tertiam, Aña.

Læva ejus.

Capit. Ab initio. clxvij.

R. br. Spécie tua, * Et pulchritúdine tua. Spécie. *V.* Inténde, prospere procéde, et regna. Et. Glória Patri. Spécie. *V.* Adjuvabit eam Deus vultu suo. *R.* Deus in médio ejus, non commovébitur.

¶ Temp. Pasch., R. br.

Spécie tua, et pulchritúdine tua. * Allelúia, allelúia. Spécie. *V.* Inténde, prospere procéde, et regna. Allelúia, allelúia. Glória Patri. Spécie. *V.* Adjuvabit eam Deus vultu suo, allelúia. *R.* Deus in médio ejus, non commovébitur, allelúia.

Ad Sextam. Aña

Nigra sum.

Capit. Eccli. 24. b

ET sic in Sion firmáta sum, et in civitate sanctificáta similiter requiévi, et in Je-

rúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

R. br. Adjuvabit eam Deus vultu suo. Adjuvabit. *V.* Deus in médio ejus non commovébitur. Deus. Glória Patri. Adjuvabit. *V.* Elégit eam Deus, et præelégit eam. *R.* In tabernáculo suo habitare facit eam.

¶ Temp. Pasch., R. br.

Adjuvabit eam Deus vultu suo. * Allelúia, allelúia. Adjuvabit. *V.* Deus in médio ejus, non commovébitur. Allelúia, allelúia. Glória Patri. Adjuvabit. *V.* Elégit eam Deus, et præelégit eam, allelúia. *R.* In tabernáculo suo habitare facit eam, allelúia.

Ad Nonam, Aña.

Speciósá facta es.

Capit. Eccli. 24. b

IN platéis, sicut cinnamómun, et bálsamum aromatizans odórem dedi : quasi myrrha elécta dedi suavitatem odóris.

R. br. Elégit eam Deus, * Et præelégit eam. Elégit. *V.* In tabernáculo suo habitare facit eam. Et. Glória Patri. Elégit. *V.* Diffúsa est grátia in lábiis tuis. *R.* Propterea benedixit te Deus in ætérnum.

¶ Temp. Pasch., R. br.

Elégit eam Deus, et præelégit eam. * Allelúia, alle-

lúia. Elégit. *Ÿ*. In taberná-
culo suo habitare facit eam.
Allelúia, allelúia. *G*lória Pa-
tri. Elégit. *Ÿ*. Diffusa est grá-
tia in lábiis tuis, allelúia.

R. Propterea benedixit te
Deus in ætérnum, allelúia.

In ij. Vesp. omnia ut in j.

Ÿ. Dignare me laudare te,
Virgo sacrata. *R*. Da mihi
virtutem contra hostes tuos

Ad Magnificat. Aña.

Beátam me dicent omnes
generatiónes, quia ancillam
húmilem respéxit Deus.

OFFICIUM

B. MARIE IN SABBATO.

Omnibus Sabbatis a Domi-
nica in Albis, nisi Festum
ix. Lectionum occurrat, fit
Officium de S. Maria, modo
infrascripto.

In Vesp. Feriæ vj. di-
cuntur Psalmi feriales in
Psalt. positi, nisi fuerit Fē-
stum ix. Lect.; quia tunc
de S. Maria fit tantum com.
in dictis Vesp. cum Aña, *Ÿ*.
et Orat. ut infra: quæ com-
mem. omittitur, quando Fe-
ria sexta occurrit aliud
ejusdem B. M. Officium.

Capit. et Hymnus ut in
Festis B. M. clvij.

Ÿ. Diffusa est grátia in lá-
biis tuis, allelúia. *R*. Proptér-
ea benedixit te Deus in
ætérnum, allelúia.

Ad Magnificat. Aña.

Regína cœ li, * lætare, alle-
lúia: quia quem meruísti
portare, allelúia: resurrexit,

sicut dixit, allelúia: ora
pro nobis Deum, allelúia.
Ÿ. Dóminus vobiscum. *R*.
Et cum spíritu tuo.

Oratio.

*C*ONCEDE nos fámulos tuos,
quæsumus Dómine Deus,
perpétua mentis et córporis
sanitate gaudere, et glo-
riosa beátæ Mariæ semper
Virginis intercessióne, a
præsénti liberári tristitia,
et ætérna pérfrui lætítia.
Per Dóminum.

*Non fiunt commem. con-
suetæ, sed tantum de Cruce.
ut in Proprio de Temp. in
Feria ij. post Dom. in Albis.*

Si autem occurrat Festum
Simpl., de eo fit com. ante
Commem. de Cruce.

Completor. ut in Psalt.
Et in fine Hymni, Te lucis
ante términum, dicitur Jesu
tibi sit glória, Qui natus es
de Virgine, etiamsi in Vesp.
facta sit tantum com. de B.
Maria, nisi Hymni illius Fe-
sti, quod Feria vj. celebra-
tum est, aliter concludendi
sint, ut in Transfig. Dñi.

*Ad Matutinum, Invitat.
Ave, María, grátia plena, *
Dóminus tecum, allelúia.
Ps. Veníte, exultémus. 2.*

Hymn. Quem terra. clviij.

Nocturnum Sabbati ut in
Psalt. 413. Et in fine *Ÿ*.
Diffusa est grátia in lábiis
tuis, allelúia. *R*. Propterea
benedixit te Deus in ætér-
num, allelúia. Pater noster.

Absolutio.

PRECIBUS et méritis beátæ Mariæ semper Virginis, et ómnium Sanctórum, perducát nos Dóminus ad regna cœlórum. *R.* Amen. *V.* Jube, domne, benedícere.

Pro j. Lectione. Bened. Nos, cum prole pia benedícat Virgo María. *R.* Amen.

Primæ duæ Lectiones de Script. libri currentis : tertia, una ex inferius positis per ordinem ut infra.

R. j. Sancta et immaculáta virginitas, quibus te láudibus éfferam nésceo : * Quia quem cœli cápere non póterant, tuo grémio contulisti, allelúia. *V.* Benedícta tu in muliéribus, et benedíctus fructus ventris tui. Quia.

Pro ij. Lectione. Bened. Ipsa Virgo vírginum intercédat pro nobis ad Dóminum. *R.* Amen.

R. ij. Felix namque es, sacra Virgo María, et omni laude digníssima : * Quia ex te ortus est sol justitiæ, * Christus Deus noster, allelúia. *V.* Ora pro pópulo, intérvieni pro clero, intercède pro devóto femíneo sexu : sentiant omnes tuum juvámen, quicúmque célebrant tuam sanctam commemoratió-nem. Quia. Glória Patri. Christus.

Pro iij. Lectione. Bened. Per Virginem Matrem con-

cédát nobis Dóminus salutem et pacem. *R.* Amen

Post tertiam Lectionem. dicitur Te Deum. 17.

Ad Laudes, et per Horas. omnia ut in Festis B. M. clxviij. præter seq.

Ad Laudes. V. Benedícta tu in muliéribus, allelúia. *R.* Et benedíctus fructus ventris tui, allelúia.

Ad Benedictus. Añs. Regina cœli. clxix.

Ad Vesp., Añs et Psalmi feriales ; Capit. et reliqua omnia, si non occurrat Festum Duplex, de Dominica in fine Commemorationes consuetæ, ut in Psalt. 151.

Lectiones seq. dicuntur singulis mensibus in Officio B. M. in Sabbato. ordine subscripto.

MENSE APRILI.

De Expositione S. Hierónymi Presbyteri in Ezechiélem Prophétam.

Lectio iij. L. 13. in c. 44.

PORTA hæc clausa erit, et non aperiétur. Pulchre quidam portam clausam, per quam solus Dóminus Deus Israel ingréditur, et dux, cui porta clausa est, Mariám Virginem intélligunt : quæ et ante partum, et post partum virgopermánsit. Etenim témpore, quo Angelus loquebátur : Spíritus sanctus véniet super te, et virtus Altíssimi obumbrábit te : quod autem nascétur ex te Sanctum, vo-

cabitur Filius Dei: et quando natus est, virgo permansit æterna: ad confundendos eos, qui arbitrantur eam post natiuitatem Salvatoris habuisse de Joseph filios, ex occasione fratrum ejus, qui vocantur in Evangelio.

Te Deum laudamus. 17.

MENSE MAJO.

Ex Tractatu sancti Augustini Episcopi de Symbolo ad Catechúmenos.

Lectio iij.

Lib. 3. c. 4. in fine tom. 9.

PER féminam mors, per féminam vita: per Hevam intéritus, per Mariam salus. Illa corrúpta secúta esteductórem: hæc integra péperit Salvátorem. Illa póculum a serpente propínatum libenter accépit, et viro trádedit, ex quo simul mereréntur occídi: hæc, grátia cœlésti désuper infúsa, vitam prótulit, per quam caro mórtua possit resuscitári. Quis est, qui hæc operátus est, nisi Vírginis Fílius, et vírginum Sponsus: qui áttulit Matri fœcunditátem, sed non ábstulit integritátem?

Te Deum laudamus. 17.

OFFICIUM PARVUM.

B. Mariæ non dicitur quando fit Offic. ix. Lect., nec in Feriis Majoris Hebdom. nec infra Octav. Paschæ et Pent. nec in Sabbatis, quando fit Officium de Sancta Maria. Quibus diebus omittitur

a primis Vesp. Cum dicitur in Choro, in Matutinis, et in Vesperis præponitur Officio diei, in aliis Horis postponitur. Prima dicitur post Benedicamus Dómino, antequam legatur Martyrolog. Extra Chorum potest dici pro temporis opportunitate.

OFFICIUM B. MARIÆ.

Ad Vesp., Ave Maria, secreto, quæ dicitur semper in principio omnium Horarum B. M., quando non conjunguntur cum Officio diei, &c.

DEUS, in adiutorium meum Dinténde. *R.* Dómine, ad adiuvándum me festína. Glória Patri. Sicut erat. In fine Allelúia ad omnes horas per totum Annum, præterquam a Septuag. usque ad Sabbatum sanctum, cujus loco tunc dicitur Laus tibi Dómine &c.

Añæ, Psalmi, Cap. et Hymni in Festis B. M. clv.

V. Diffúsa est grátia in lábiis tuis. *R.* Proptérea benedíxit te Deus in ætérnum.

Ad Magnificat. Añæ.

Beáta Mater, * et intácta Virgo, gloriósa Regina mundi, intercède pro nobis ad Dóminum.

Temp. Pasch. Añæ. Regina cœli. clxix.

Kyrie, eléison. Christe, eléison. Kyrie, eléison. *V.* Dóminus vobiscum. *R.* Et cum spíritu tuo.

Oratio. Concède. clxix.

Sequens commemor. pro Sanctis fit tantum ad Vesp., et Laudes in Officio S. Mariæ.

Añs. Sancti Dei omnes, intercédere dignémini pro nostra, omniúmque salute. **V.** Lætámini in Dómino, et exultáte, iusti. **R.** Et gloriámini, omnes recti corde.

Oratio.

PROTEGE, Dómine, pópulum tuum, et Apostolórum tuórum Petri et Pauli, et aliórum Apostolórum patrocínio confidéntem, perpétua defensióne consérva.

OMNES Sancti tui, quæsumus Dómine, nos ubique adjuvent; ut dum eórum mérita recólimus, patrocínia sentiámus: et pacem tuam nostris concéde temporibus, et ab Ecclésia tua cunctam repélle nequitiam: iter, actus, et voluntátes nostras, et ómnium famulórum tuórum, in salutis tuæ prosperitaté dispóne: benefactoribus nostris sempitérna bona retribue: et ómnibus fidélibus defúctis réquiem ætérrnam concéde. Per Dóminum.

AD COMPLETORIUM.

Ave Maria, ut supra. V.

CONVERTE nos Deus salutaris noster. **R.** Et avérte iram tuam a nobis. **V.** Deus, in adiutórium. Glória Patri. Sicut erat. Allelúia, **et** Laus tibi, Dómine.

Psalmi. Sæpe expugnaverunt me. De profundis, Dómine, non est exaltátum, ut in Vesp. Ferie iv. 140.

Hymnus.

MEMENTO, rerum Cónditor,
Nostri quod olim córporis
Sacrata ab alvo Virginitatis
Nascéndo formam sumpseris.

Maria, Mater grátiae,
Dulcis Parens cleméntiae,
Tu nos ab hoste prótege,
Et mortis hora súscipe.
Jesu, tibi sit glória,
Qui natus es de Virgine,
Cum Patre, et almo Spíritu,
In sempitérna sæcula. Am.

Capit. Eccli. 24. c

EGO mater pulchræ dilectiónis, et timóris, et agnitiónis, et sanctæ spei. **R.** Deo grátias.

V. Ora pro nobis, sancta Dei Génitrix. **R.** Ut digni efficiámur promissionibus Christi.

Ad Nunc dimittis, Añs.

Sub tuum præsidium * confúgimus, sancta Dei Génitrix: nostras deprecationes ne despicias in necessitatibus, sed a periculis cunctis libera nos semper, Virgo gloriósa et benedícta.

Temp. Pasch. Añs. Regina cœli. clxix.

Kyrie, eléison. Christe, eléison. Kyrie, eléison. V. Dóminus vobiscum. **R.** Et cum spíritu tuo.

Oratio.

BEATÆ et gloriôsæ semper Virginis Mariæ, quæsumus Dómine, intercêssio gloriôsa nos protégat, et ad vitam perdúcat ætérnam. Per Dóminum.

AD MATUTINUM.

Ave María, *ut supra.* *Ÿ.*

DOMINE, lábia mea apéries. *R.* Et os meum annuntiábit laudem tuam. *Ÿ.* Deus, in adjutórium. Glória Patri. Sicut erat. Alleluia, *vel* Laus tibi, Dómine.

Invitat. Ave María, grátia plena : * Dóminus tecum. *Ps.* Veníte. 2.

Hymn. Quem terra. clviij.

In Noct. Anæ et Psalmi dicuntur ut in Festis B. M. scilicet :

Feria ij. et v. ut in j. Nocturno. clviij.

Feria iij. et vj. ut in ij. Nocturno. clxj.

Feria iv. et Sabbato ut in iij. Nocturno. clxiv.

Ÿ. Diffusa est grátia in lábiis tuis. *R.* Propterea benedixit te Deus in ætérnum. *Pater noster,* *secreto.* *Ÿ.* Et ne nos indúcas in tentatió-nem. *R.* Sed libera nos a malo.

Absolutio.

PRECIBUS et méritis beátæ Mariæ semper Virginis, et ómnium Sanctórum, perdúcat nos Dóminus ad regna cœlórum. *R.* Amen. *Ÿ.* Jube, domne, benedicere.

Bened. Nos cum prole pia benedicat Virgo María. *R.* Amen.

Lectio j. Eccli. 24.

IN ómnibus réquiem quæ-sívi, et in hereditáte Dómini morábor. Tunc præcépit, et dixit mihi Creátor ómnium ; et qui creávit me, requiévít in tabernáculo meo, et dixit mihi : In Jacob inhábita, et in Israel hereditare, et in eléctis meis mitte radíces. Tu autem, Dómine.

R. Sancta ei immaculáta virginitas, quibus te láudibus éfferam, nésceo : * Quia quem cœli cápere non póterant, tuo grémio contulísti. *Ÿ.* Benedícta tu in muliéribus, et benedictus fructus ventris tui. Quia. *Ÿ.* Jube, domne, benedicere. *Bened.* Ipsa Virgo vírginum intercédát pro nobis ad Dóminum. *R.* Amen.

Lectio ij.

ET sic in Sion firmáta sum, et in civitáte sanctificáta similiter requievi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine Sanctórum deténtio mea. Tu autem, Dómine.

R. Beáta es, Virgo María, quæ Dóminum portásti Creatórem mundi : * Genuísti qui te fecit, et in ætérnum

pérmanes virgo. *V.* Ave Maria, grátia plena, Dóminus tecum. Genuísti. *V.* Jube, domne, benedícere. *Bened.* Per Virginem Matrem concédât nobis Dóminus salutem et pacem. *R.* Amen.

Lectio iij.

QUASI cedrus exaltáta sum in Libano, et quasi cypréssus in monte Sion : quasi palma exaltáta sum in Cades, et quasi plantatio rosæ in Jéricho. Quasi oliva speciósá in campis, et quasi plátanus exaltáta sum juxta aquam in platéis. Sicut cinnamómum, et bálsamum aromatizans odórem dedi : quasi myrrha elécta dedi suavitátem odóris. Tu autem, Dómine. *R.* Felix namque es, sacra Virgo Maria, et omni laude digníssima : * Quia ex te ortus est sol justitiæ, * Christus Deus noster. *V.* Ora pro pópulo, intérvieni pro clero, intercède pro devóto femíneo sexu : sentiant omnes tuum juvamen, quicumque célebrant tuam sanctâ commemoratióem. Quia. Glória Patri. Christus.

AD LAUDES.

V. Deus, in adjutórium.
R. Dómine, ad adjuvándum.
Glória Patri. Sicut erat.
Allelúia, *vel* Laus tibi, Dñe.

Antiphonæ.

1. Assúpta est * María in cœlum, gaudent Angeli, lau-

dantes benedícunt Dóminum. *Ps.* Dóminus regnávít, cum reliq. de Dñica. 48.

2. María Virgo * assúpta est ad æthéreum thálamum, in quo Rex regum stelláto sedet sólio.

3. In odórem * unguentórum tuórum cúrrimus, adolescéntulæ dilexérunt te nimis.

4. Benedicta filia tua Dómino : quia per te fructum vitæ comunicávimus.

5. Pulehra es, * et decóra, filia Jerúsalem : terríbilis ut castrórum ácies ordináta.

Capit. Cant. 6. c

VIDERUNT eam filiæ Sion, et beatíssimam prædicavérunt : et reginæ laudavérunt eam. *R.* Deo grátias.

Hymn. O gloriósá. clxviij.
V. Benedicta tu in mulieribus. *R.* Et benedictus fructus ventris tui.

Ad Benedictus. Añá.

Beáta Dei Génitrix María, * Virgo perpétua, templum Dómini, sacrárium Spíritus sancti, sola sine exémplo placuísti Dómino nostro Jesu Christo : ora pro pópulo, intérvieni pro clero, intercède pro devóto femíneo sexu.

V. P. Añá. Regína. clxix.

Kyrie, eléison. Christe, eléison. *Kyrie, eléison. V.* Dóminus vobíscum. *R.* Et cum spíritu tuo.

Oratio.

DEUS, qui de beatæ Mariæ Virginis útero Verbum

tuum, Angelo nuntiante, carnem suscipere voluisti: præsta supplicibus tuis; ut, qui vere eam Genitricem Dei credimus, ejus apud te intercessionibus adjuvémur. Per eundem Christum Dóminum nostrum. *R.* Amen.

Pro Sanctis, Añā. Sancti Dei, ut supra. clxxij.

AD PRIMAM.

Ave María, etc. V. Deus, in adjutórium.

Hymnus. Meménto. clxxij.

Añā. Assúpta est.

Psalmi de Psalterio Deus in nómine. 24. *B*enedixisti, Dómine. 103. *L*audáte Dóminum, omnes gentes. 134.

Añā. Assúpta est María in cælum, gaudent Angeli, laudantes benedicunt Dóminum.

Capitulum. Cant. 6. c

QUÆ est ista, quæ progréditur quasi auróra consurgens, pulchra ut luna, elécta ut sol, terribilis ut castrórum ácies ordináta? *R.* Deo grátias.

V. Dignáre me laudáre te, Virgo sacráta. *R.* Da mihi virtútem contra hostes tuos.

Kyrie, eléison. Christe, eléison. Kyrie, eléison. V. Dóminus vobiscum. *R.* Et cum spiritu tuo.

Oratio.

DEUS, qui virginálem aulam beátæ Mariæ, in qua habitáres, eligere dignátus es: da, quæsumus;

ut sua nos defensióne munítos, jucúndos fácias suæ interésse commemoratióni. Qui vivis.

AD TERTIAM.

Ave María, etc. V. Deus, in adjutórium.

Hymnus. Meménto, rerum. clxxij.

Añā. María Virgo.

Psalm. Ad Dóminum cum tribulárer. 134. *L*evávi oculos. 135. *L*ætátus sum. 137.

Añā. María Virgo assúpta est ad æthéreum thálammum, in quo Rex regum stelláto sedet sólio.

Capit. Eccli. 24. v

ET sic in Sion firmáta sum, et in civitáte sanctificáta similiter requiévi, et in Jerúsalem potéstas mea. *R.* Deo grátias.

V. Diffúsa est grátia in lábiis tuis. *R.* Proptérea benedixit te Deus in ætérnum.

Kyrie, eléison. Christe, eléison. Kyrie, eléison. V. Dóminus vobiscum. *R.* Et cum spiritu tuo.

Oratio.

DEUS, qui salútis ætérnæ, beátæ Mariæ virginitate fœcúnda, humano géneri præmia præstitisti: tribue, quæsumus; ut ipsam pro nobis intercédere sentiámus, per quam merúimus auctórem vitæ suscipere, Dóminum nostrum Jesum Christum Fílium tuum: Qui tecum vivit.

AD SEXTAM.

Ave Mariâ, etc. *Ÿ.* Deus,
in adiutorium.

Hymnus. Meménto. clxxij.
Añã. In odórem.

Psalmi. Ad te levávi ócu-
los. 137. Nisi quia Dóminus.
138. Qui confidunt. 138.

Añã. In odóre unguentórum
tuórum cúrrimus, adole-
scéntulæ dilexérunt te nimis.

Capit. Eccli. 24. b

ET radicávi in pópulo ho-
norificáto, et in parte
Dei mei heréditas illius, et in
plenitúdine Sanctorum de-
téntio mea. *R.* Deo grátias.
V. Benedicta tu in mulié-
ribus. *R.* Et benedictus fru-
ctus ventris tui.

Kyrie, eléison. Christe,
eléison. Kyrie, eléison. Ÿ.
Dóminus vobíscum. R. Et
cum spíritu tuo.

Oratio.

CONCEDE, miséricors Deus,
fragilitáti nostræ præsi-
dium : ut, qui sanctæ Dei Ge-
nitricis memóriam ágimus,
intercessiónis ejus auxilio, a
nostris iniquitatibus resur-
gámus. Per eúmdem Dñum.

AD NONAM.

Ave Mariâ, etc. *Ÿ.* Deus,
in adiutorium.

Hymnus. Meménto. clxxij.

Añã. Pulchra es.

Psalmi. In converténdo.
138. Nisi Dóminus. 139.
Beáti omnes. 139.

Añã. Pulchra es et decóra,
fília Jerúsalem : terribilis
ut castrórum ácies ordi-
náta.

Capit. Eccli. 24. b

IN platéis, sicut cinnamó-
mum, et bálsamum aroma-
tizans odórem dedi : quasi
myrrha elécta dedi suavita-
tem odóris. *R.* Deo grátias.
Ÿ. Post partum, Virgo, invio-
láta permansisti. *R.* Dei Gé-
nitrix, intercède pro no-
bis.

Kyrie, eléison. Christe,
eléison. Kyrie, eléison. Ÿ.
Dóminus vobíscum. R. Et
cum spíritu tuo.

Oratio.

FAMULORUM tuórum, quæ-
sumus Dómine, delictis
ignósce : ut, qui tibi pla-
cére de áctibus nostris non
valémus, Genitricis Fílii tui,
Dómini nostri intercessióne
salvémur. Qui tecum vi-
vit.

Temp. Pasch. Anís, ver-
sibus et R. R. non additur in
fine Allelúia.

OFFICIUM

DEFUNCTORUM.

Dicitur extra tempus Paschale prima cujusque mensis die, non impedita Festo ix. Lect., alioquin alia sequenti die similiter non impedita. In Adventu autem et Quadragesima, FERIA ij. cujuslibet Hebdomadæ similiter non impedita, præterquam in Majori Hebdomada. In Choro dicitur post Officium diei, id est, Vesperæ post Vesperas, et Matutinum post Laudes diei, nisi alia sit consuetudo Ecclesiarum : extra Chorum vero pro opportunitate temporis.

Ad Vesperas absolute incipitur ab Añâ. Placébo Dómino, * in regione vivórum. Ps. Diléxi. 134.

In fine omnium Psalmorum dicitur :

Réquiem ætérnam * dona eis, Dómine.

Et lux perpétua * lúceat eis.

Añâ. Placébo Dómino in regione vivórum.

Añâ. Hei mihi, Dómine, * quia incolátus meus prolongátus est. Ps. Ad Dóminum cum tribulárer. 134.

Añâ. Dóminus custódit te *

ab omni malo : custódiat ánimam tuam Dóminus. Ps.

Levávi óculos meos. 135.

Añâ. Si iniquitátes * observáveris, Dómine, Dómine, quia sustinébit ? Ps. De profundis. 140.

Añâ. Opera * mánuũ tuárum, Dómine, ne despicias. Ps. Confitébor...quóniam. 145.

Ÿ. Audivi vocem de cælo dicentem mihi. R. Beáti mórtui, qui in Dño moriúntur.

Ad Magnificat, Añâ.

Omne, * quod dat mihi Pater ad me véniet : et eum qui venit ad me, non ejiciam foras.

Preces infrascriptæ dicuntur flexis genibus, similiter et ad Laudes. Pater noster, secreto. Ÿ. Et ne nos indúcas in tentatióem. R. Sed libera nos a malo.

Sequens Ps. Lauda ánimâ, in Vesp., similiter et Ps. de profundis, in fine Laudum, non dicuntur in die Commem. omnium Fidelium Defunct.

Psalmus 145.

LAUDA, ánimâ mea, Dóminum, laudábo Dóminum

in vita mea : * psallam Deo meo quâmdiu fûero.

Rolite confidere in principibus : * in filiis hominum, in quibus non est salus.

Rexibit spiritus ejus, et revertetur in terram suam : * in illa die peribunt omnes cogitationes eorum.

Pæatus, cujus Deus Jacob adjutor ejus, spes ejus in Domino Deo ipsius : * qui fecit cœlum et terram, mare, et omnia, quæ in eis sunt.

Qui custodit veritatem in sæculum, facit judicium injuriam patientibus : * dat escam esurientibus.

Dominus solvit compeditos : * Dominus illuminat cæcos.

Dominus erigit elisos, * Dominus diligit justos.

Dominus custodit advenas, pupillum, et ydumam suscipiet : * et vias peccatorum disperdet.

Regnabit Dñus, in sæcula, Deus tuus Sion, * in generationem et generationem.

In fine Psalmi, **R**equiem æternam * dona eis, Domine.

Et lux perpétua * luceat eis.

Deinde **ŷ**. A porta inferi.

R. Erue, Domine, animas eorum.

R. Requiescant in pace.

R. Amen. **ŷ**. Domine,

exaudi orationem meam.

R. Et clamor meus ad te veniat.

R. Dominus vobiscum.

R. Et cum spiritu tuo.

Oratio.

DEUS, qui inter Apostolicos, sacerdotes, famulos tuos pontificali, seu sacerdotali fecisti dignitate vigere : præsta, quæsumus ; ut eorum quoque perpetuo aggregentur consortio.

DEUS, vniæ largitor, et humanæ salutis amator, quæsumus clementiam tuam ; ut nostræ congregationis fratres, propinquos, et benefactores, qui ex hoc sæculo transierunt, beata Maria semper Virgine intercedente cum omnibus Sanctis tuis, ad perpétuæ beatitudinis consortium pervenire concedas.

FIDELIUM Deus omnium Conditor et Redemptor, animabus famulorum famularumque tuarum remissionem cunctorum tribue peccatorum : ut indulgentiam, quam semper optaverunt, piis supplicationibus consequantur. Qui vivis et regnas in sæcula sæculorum. **R**. Amen.

In die vero Commemorationis omnium Fidelium Defunctorum, quando dicitur hæc ultima tantum Oratio, dicitur : Qui vivis et regnas cum Deo Patre in unitate Spiritus sancti Deus, per omnia sæcula sæculorum.

In die depositionis Defuncti.

Oratio.

ABSOLVE, quæsumus, Dómine, ánimam fámuli tui *N.* ut defúctus sæculo tibi vivat : et quæ per fragilitátem carnis humana conversatióne commísit, tu vénia misericordíssimæ pietátis abstérge. Per Dóminum.

Si fuerit femina, dicatur ánimam fámulæ tuæ N. ut defúcta.

In Anniversario die.

Oratio.

DEUS, indulgentiarum Dómine : da animábus famulórum famularúmque tuárum, quorum anniversárium depositiόνis diem commemorámus, refrigerií sedem, quiétis beatitudinem, et lúminis claritátem. Per Dóminum.

Si pro uno tantum sit Anniversarium, dicatur in singulari numero.

Pro uno Episcopo defuncto.

Oratio.

DEUS, qui inter Apostólicos sacerdótes fámulum tuum *N.* pontificáli fecisti dignitáte vigére : præsta, quæsumus ; ut eórum quoque perpétuo aggregétur consórtio. Per Dóminum.

Si fuerit Sacerdos, dicatur, sacerdotáli fecisti, etc.

Pro fratribus vero, et familiaribus, vel benefactoribus, dicitur Oratio. Deus, vénia largitor, ut supra

Pro patre et matre.

Oratio.

DEUS, qui nos patrem et matrem honoráre præcepisti : miserére cleménter animábus patris ac matris meæ, eorúmque peccáta dimitte : meque eos in æternæ claritátis gáudio fac vidére. Per Dóminum.

Si sit pro pluribus, dicatur, animábus paréntum nostrórum, et ubi dicitur meque, dicatur nosque.

Si pro patre tantum, dicatur, ánimæ patris mei, vel nostri.

Si pro matre tantum, dicatur, ánimæ matris meæ, vel nostræ.

Pro uno Defuncto.

Oratio.

INCLINA, Dómine, aurem tuam ad preces nostras, quibus misericórdiam tuam súpplīces deprecámur : ut ánimam fámuli tui *N.* quam de hoc sæculo migráre jussisti, in pacis ac lucis regióne constituas, et Sanctorum tuórum júbeas esse consórtem. Per Dóminum.

Pro una Defuncta.

Oratio.

QUÆSUMUS, Dómine, pro tua pietáte miserére ánimæ fámulæ tuæ *N.* : et a contágiis mortalitátis exútam, in æternæ salvatiónis partem restitue. Per Dóminum. *Ÿ. Réquiem æternam dona eis, Dómine. R. Et lux per-*

pétua lúceat eis. *Ÿ.* Requié-
scent in pace. *Ŕ.* Amen.

Ad Matutinum, Invitat.
Regem, cui ómnia vivunt,
* Venite, adorémus. *Ps.* Ve-
níte. 2.

Et in fine. Réquiem æ-
térnam dona eis, Dómi-
ne : et lux perpétua lúceat
eis.

Hoc Invitat. dicitur tan-
tum in die Com. omnium Fi-
delium Defunct., et in die
depositionis Defuncti : qui-
bus diebus dicuntur tres in-
frascripti Nocturni et *Añæ*
duplicantur. Aliis temp. di-
citur tantum unum Noct.,
cum Laud., hoc ordine : Fe-
ria ij. et v. primum Noct. :
Feria iij. et vj. secundum
Noct. : Feria iv. et Sabbato,
tertium Noct.

IN I. NOCTURNO.

Pro Feria ij. et v.

Añæ. Dirige, * Dómine Deus
meus, in conspéctu tuo viam
meam. *Ps.* Verba mea. 61.

Añæ. Convértere * Dómine,
et éripe ánimam meam :
quóniam non est in morte
qui memor sit tui. *Ps.* Dó-
mine, ne in furóre tuo. 5.

Añæ. Nequándo * rápiat ut
leo ánimam meam, dum non
est qui rédimat, neque qui
salvum fáciat. *Ps.* Dómine,
Deus meus, in te sperávi. 6.

Ÿ. A porta inferi. *Ŕ.* Erue,
Dómine, ánimas eórum. Pa-
ter noster, totum secreto.

Lectiones leguntur sine

Absolutione, Benedictione
bus, et Titulo.

Lectio j. *Job* 7. d

PARCE mihi, Dómine, nihil
enim sunt dies mei. Quid
est homo, quia magnificas
eum ? aut quid appónis erga
eum cor tuam ? Visitas eum
dilúculo, et súbito probas
illum. Usquequo non parcis
mihi, nec dimíttis me, ut
glútiam salivam meam ?
Peccávi, quid fáciam tibi, o
custos hóminum ? quare po-
suisti me contrárium tibi,
et factus sum mihimetípsi
gravis ? Cur non tollis pec-
cátum meum, et quare non
aufers iniquitátem meam ?
ecce, nunc in púlvere dór-
miam : et si mane me quæ-
sieris, non subsistam.

Lectiones terminantur sine
Tu autem, *vel alia conclus.*

Ŕ. Credo quod Redémptor
meus vivit : et in novíssi-
mo die de terra surrectúrus
sum : * Et in carne mea vidé-
bo Deum Salvatórem meum.
Ÿ. Quem visúrus sum ego
ipse, et non álius, et óculi
mei conspéctúri sunt. Et.

Lectio ij. *Job* 10.

TÆDET ánimam meam vitæ
meæ, dimíttam advér-
sum me elóquium meum,
loquar in amaritúdine áni-
mæ meæ. Dicam Deo : Noli
me condemnare : índica mi-
hi cur me ita júdices. Num-
quid bonum tibi vidétur, si
calumniéris me, et ópprimas

me opus mánuum tuárum, et consílium impiórum ádjuves? Numquid óculi cárnei tibi sunt : aut sicut videt homo, et tu vidébis? Numquid sicut dies hóminis dies tui, et anni tui sicut humana sunt témpora, ut quæras iniquitátem meam, et peccátum meum scrutéris? Et scias quia nihil ímpium fécerim, cum sit nemo qui de manu tua possit eruere.

R. Qui Lázarum resuscitásti a monuménto foetidum :
*** Tu eis, Dómine, dona réquiem, et locum indulgéntiæ. V.** Qui ventúrus es judicáre vivos et mórtuos, et sæculum per ignem. Tu eis, Dómine.

Lectio iij. Job 10. b

MANUS tuæ fecérunt me, et plasmavérunt me totum in circúitu : et sic repente præcipitas me? Meménto, quæso, quod sicut lutum féceris me, et in pulverem redúces me. Nonne sicut lac mulsísti me, et sicut cásium me coagulásti? Pelle et cárnibus vestísti me: óssibus et nervis compegísti me. Vitam et misericórdiam tribuísti mihi, et visitatio tua custodivít spíritum meum.

R. Dómine, quando véneris judicáre terram: ubi me abscondam a vultu iræ tuæ?
*** Quia peccávi nimis in vita mea. V.** Commissa mea pavéscó, et ante te erubéscó :

dum véneris judicáre, noli me condemnáre. Quia. **V.** Réquiem ætérnam dona eis, Dómine : et lux perpétua lúceat eis. Quia.

Postea ad Laudes, ut clxxxiv. quando dicitur unum tantum Nocturnum.

IN II. NOCTURNO.

Pro Feria iij. et vj.

Añá. In loco pásceæ * ibi me collocávit. **Ps.** Dóminus, regit me. 34.

Añá. Delicta * juventútis meæ et ignorántias meas ne memíneris, Dómine. **Ps.** Ad te, Dómine, levávi. 32.

Añá. Credo vidére * bona Dómini in terra vivéntium.

Ps. Dóminus illuminátio. 49.

V. Cóllocet eos Dóminus cum princípibus. **R.** Cum princípibus pópuli sui. **Pater noster, totum secreto.**

Lectio iv. Job 13. d

RESPONDE mihi : Quantas hábeo iniquitátes et peccáta, scélera mea et delicta osténde mihi. Cur faciém tuam abscondis, et arbitráris me inimicum tuum? Contra fólíum, quod vento rápítur, osténdis poténtiam tuam, et stipulam siccam perséqueris : Scribis enim contra me amaritúdines, et consúmere me vis peccátis adolescéntiæ meæ. Posuísti in nervo pedem meum, et observásti omnes sémitas meas, et vestigia pedum meórum considerásti : Qui quasi

putrédo consuméndus sum,
et quasi vestiméntum, quod
coméditur a tinea.

R. Meménto mei, Deus,
quia ventus est vita mea,
Nec aspíciat me visus
hóminis. **V.** De profúndis
clamávi ad te, Dómine, Dó-
mine, exáudi vocem meam.
Nec.

Lectio v. Job 14.

HOMO natus de muliere,
brevis vivens témpore,
replétur multis misériis.
Qui quasi flos egréditur et
contéritur, et fugit velut um-
bra, et numquam in eódem
statu pérmanet. Et dignum
ducis super hujuscémodi
aperire óculos tuos, et ad-
ducere eum tecum in judí-
cium? Quis potest fácere
mundum de immúndo con-
céptum sémine! nonne tu
qui solus es? Breves dies
hóminis sunt, númerus mén-
sium ejus apud te est :
constituísti términos ejus,
qui præteriri non póterunt.
Recéde páululum ab eo, ut
quíescat, donec optáta vé-
niat, sicut mercenárii dies
ejus.

R. Hei mihi, Dómine, quia
peccávi nimis in vita mea!
Quid fáciam miser? ubi fú-
giam, nisi ad te, Deus
meus? * Miserére mei, dum
véneris in novíssimo die.

V. Anima mea turbáta est
valde, sed tu, Dómine,
succúrre ei. Miserére.

Lectio vj Job 14. c

QUIS mihi hoc tríbuat, ut
in inférno prótegas me,
et abscondas me, donec per-
tránseat furor tuus, et con-
stituas mihi témpus, in quo
recordéris mei? Putásne
mórtuus homo rursum vi-
vat? cunctis diébus quibus
nunc milito, expécto donec
véniat immutátio mea. Vocá-
bis me, et ego respondébo ti-
bi : óperi mánuum tuárum
pórriges dexteram. Tu qui-
dem gressus meos dinumerá-
sti, sed parce peccátis meis.
R. Ne recordéris peccáta
mea, Dómine, * Dum véne-
ris, judicáre sæculum per
ignem. **V.** Dirige, Dómine,
Deus meus, in conspéctu
tuo viam meam. Dum. **V.**
Réquiem ætérnam. Dum.

**Postea ad Laudes, ut
clxxxiv. quando dicitur
enim tantum Nocturnum.**

IN III. NOCTURNO.

Pro Feria iv. et Sabb.

Añá. Compláceat * tibi, Dó-
mine, ut erípias me : Dó-
mine, ad adjuvándum me
réspice. **Ps.** Expéctans. 64.

Añá. Sana, Dómine, * áni-
mam meam, quia peccávi
tibi. **Ps.** Beátus qui. 66.

Añá. Sitivit * ánima mea
ad Deum vivum : quando
véniat, et apparébo ante
fáciem Dómini? **Ps.** Quem-
admodum desíderat. 66.

V. Ne tradas béstiis ánimas
confiténtes tibi. **R.** Et áni-

mas páuperum tuórum ne obliviscáris in finem. **P**ater noster, *totum secrete.*

Lectio vij. Job 17.

SPIRITUS meus attenuábitur, dies mei breviabúntur, et solum mihi súperest sepúlchrum. Non peccávi, et in amaritudínibus morá-tur óculus meus. Libera me, Dómine, et pone me juxta te, et cujúsvis manus pugnet contra me. Dies mei transiérunt, cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi: Pater meus es; mater mea, et soror mea, vérmi-bus. Ubi est ergo nunc præstolátio mea, et patiéntiam meam quis considerat?

¶ Peccántem me quotidie, et non me poeniténtem, timor mortis contúrbat me:

¶ Quia in inférno nulla est redemptio, miserére mei, Deus, et salva me. **¶** Deus in nómine tuo salvum me fac, et in virtúte tua libera me. Quia.

Lectio viij. Job 19. c

PELLI meæ, consúptis cárnibus, adhæsit os meum, et derelicta sunt tantúmmodo lábia circa dentes meos. Miserémini mei, miserémini mei, sal-

tem vos amici mei, quia manus Dómini téligit me. Quare persequimini me sicut Deus, et cárnibus meis saturámini? Quis mihi tríbuat ut scribántur sermónes mei? quis mihi det ut exaréntur in libro stylo férreo, et plumbi lámina, vel celte sculpántur in sílice! Scio enim quod Redémptor meus vivit, et in novíssimo die de terra surrectúrus sum: Et rursum circúmdabor pelle mea, et in carne mea vidébo Deum meum. Quem visúrus sum ego ipse, et óculi mei conspectári sunt, et non álius: repósita est hæc spes mea in sinu meo.

¶ Dómine, secúndum actum meum noli me judicáre; nihil dignum in conspéctu tuo egi: ideo déprecór majestátem tuam, **¶** Ut tu, Deus, déleas iniquitátem meam.

¶ Amplius lava me, Dómine, ab injustítia mea, et a delicto meo munda me. Ut.

Lectio ix. Job 40. d

QUARE de vulva eduxísti me? qui útinam consúptus essem ne óculus me vidéret. Fuissem quasi non essem, de útero translátus ad tímulum: Numquid non páucitas diérum meórum finiétur brevi? dímítte ergo me, ut plangam páululum dolórem meum:

antequam vadam et non revertar, ad terram tenebrösam, et opertam mortis caligine : terram miseriæ, et tenebrarum, ubi umbra mortis, et nullus ordo, sed sempiternus horror inhabitat.

A. Libera me, Dómine, de viis inférni, qui portas æreas confregisti : et visitasti inférnum, et dedisti eis lumen, ut vidèrent te : **V.** Qui erant in pœnis tenebrarum. **Y.** Clamantes et dicentes : Advenisti ; Redemptor noster. Qui. **Y.** Réquiem ætérnam. Qui.

Sequens **R.** dicitur sollemmodo in die Commem. omnium Defunctorum, et quancumque pro Defunctis dicuntur novem Lectiões.

R. Libera me, Dómine, de morte ætérna, in die illa treménda : **A.** Quando cœli movéndi sunt et terra : **A.** Dum véneris judicare sæculum per ignem. **Y.** Tremens factus sum ego; et timeo, dum discussio vénerit, atque ventúra ira. Quando. **Y.** Dies illa, dies iræ, calamitátis et miseriæ, dies magna et amara valde. Dum. **Y.** Réquiem ætérnam. Libera, usque ad primam Versum.

AD LAUDES,

Absolute incipitur.

Añ. Exultábunt **A.** Dómino

ossa humiliáta. **Ps.** Miserére mei Deus. 60.

Añ. Exáudi, Dómine, **A.** oratióem meam : ad te omnis caro véniet. **Ps.** Te decet hymnus. 83.

Añ. Me suscepit **A.** dextera tua, Dómine. **Ps.** Deus Deus meus. 49.

Añ. A porta inferi **A.** érue, Dómine, ánimam meam. Canticum. Ego dixi. 73.

Añ. Omnis spíritus **A.** laudet Dóminum. **Ps.** Laudáte Dóminum de cœlis. 21.

Y. Audivi vocem de cœlo dicentem mihi : **R.** Beati mórtui, qui in Dómino moriúntur.

Ad Benedictus. **Añ.**

Ego sum **A.** resurréctio et víta : qui credit in me, etiámsi mórtuus fúerit, vivet : et omnis qui vivit, et credit in me, non moriétur in ætérnum.

Deinde **P**ater noster. **Ps.** De profúndis. 140. cum Precibus, et Orationibus, ut supra in Vesp. clxxvij.

PSALMI GRADUALES

Dicuntur in Quadrag. Feria iv. cujuslibet Hebdom. non impedita aliquo Festo ix. Lect. : in Choro ante Matut. diei, extra Chorum pro opportunitate temporis.

Primi quinque Psalmi dicuntur sine Glória Patri. Sed in fine ultimi dicitur Réquiem ætérnam.

Incipiuntur absolute sine

Ant. Psalmi. Ad Dóminum.
134. *Levavi oculos.* 135.
Latus sum. 137. *Ad te*
levavi. 137. *Nisi quia.* 138.
*Requiem æternam * dona*
eis, Dómine. Et lux perpé-
*tua * luceat eis.*

Deinde dicitur flexis ge-
nibus. Pater noster, secreto.

V. Et ne nos inducas in
tentationem. R. Sed libera
nos a malo. V. A porta in-
feri. R. Erue, Dómine, ani-
mas eorum. V. Requiéscant
in pace. R. Amen. V. Dómi-
ne, exáudi orationem meam.
R. Et clamor meus ad te
véniat. V. Dóminus vobis-
cum. R. Et cum spiritu tuo.

Orémus. Oratio.

ABSOLVE, quæsumus, Dó-
mine, animas famuló-
rum famularúmque tuarum,
et ómnium fidélium defun-
ctorum, ab omni vínculo
delictórum : ut in resurre-
ctionis glória inter sanctos
et eléctos tuos resuscitati
respirent. Per Christum Dó-
minum nostrum. *R. Amen.*

Post Orationem statim dic-
cuntur alii Psalmi Gradua-
les, qui sequuntur : et in
fine cujuslibet Psalmi dici-
tur Glória Patri.

Ps. Qui confidunt. 138.
In converténdo. 138. *Nisi*
Dñs. 139. *Beati omnes.* 139.
Sæpe expugnâverunt. 140.

Postea dicitur flexis ge-
nibus. Kyrie, eléison. Chri-
ste, eléison. k yrie, eléison.

Pater noster, secreto. V. Et
ne nos inducas in tentatió-
nem. R. Sed libera nos a
malo. V. Meménto congre-
gationis tuæ. R. Quam pos-
sedisti ab initio. V. Dómine,
exáudi orationem meam. R.
Et clamor meus ad te vé-
niat. V. Dóminus vobiscum.
R. Et cum spiritu tuo.

Orémus. Oratio.

DEUS, cui pròprium est
miseréri semper et pár-
cere : súscipe deprecatió-
nem nostram ; ut nos, et
omnes fámulos tuos, quos
delictórum caténa constrín-
git, miseratio tuæ pietátis
cleménter absólvat. Per
Christum Dóminum no-
strum. *R. Amen.*

Post Orat. statim dic. alii
Psalmi Grad., qui sequun-
tur, et in fine cujuslibet
Psalmi dicitur Glória Patri.

Psalmi. Dē profundis.
140. *Dómine, non est exal-*
tatum. 140. *Meménto, Dó-*
mine. 141. *Ecce quam bo-*
num. 142. *Ecce nunc.* 155.

Deinde dicitur flexis gen-
ibus. Kyrie, eléison. Christe, eléi-
son. k yrie, eléison. Pater no-
ster, secreto. V. Et ne nos
inducas in tentationem. R.
Sed libera nos a malo. V. Sal-
vos fac servos tuos. R. Deus
meus, sperántes in te. V.
Dómine, exáudi orationem
meam. R. Et clamor meus
ad te véniat. V. Dñs vobis-
cum. R. Et cum spiritu tuo.

crémus. *Oratio.*

PRÆTENDE, Dómine, famululis et famulábus tuis dexteram cœlestis auxilii : ut te toto corde perquirant, et quæ digne póstulant, cónsequi mereántur. Per Christum Dóminum nostrum.

R. Amen.

SEPTEM PSALMI

Penitenciales cum Litanis dicuntur flexis genibus in omnibus sextis Feriis Quadrag., quando Officium sit de Feria. Litanie autem, omissis septem Psalmis, dicuntur in Litanis majoribus in Festo S. Marci, et in tribus diebus Rogationum.

Dicuntur autem in Quadrag. in Choro post Matut. et Laudes diei, dicto Benedicamus Dómino, extra Chorum pro opportunitate temporis.

In fine cujuslibet Psalmi dicitur Glória Patri.

Añs. Ne reminiscáris.

Psalmi. Dómine, ne in furóre. 5. Beáti quorum. 53. Dómine, ne in furóre tuo. 59. Miserére mei Deus. 60. Dómine, exáudi. 110. De profundis. 140. Dómine, exáudi orationem meam. 145.

Añs. Ne reminiscáris, Dómine, delicta nostra, vel paréntum nostrórum ; neque vindictam sumas de peccátis nostris.

LITANIE.

KYRIE, eléison.
Christe, eléison.

Kyrie, eléison.

Christe, audi nos.

Christe, exáudi nos.

Pater de cœlis Deus, miserére nobis.

Fili, Redemptor mundi Deus, miserére nobis.

Spiritus sancte Deus, miserére nobis.

Sancta Trinitas, unus Deus, miserére nobis.

Sancta María, ora pro nobis.

Sancta Dei Génitrix, ora.

Sancta Virgo virginum, ora.

Sancte Michael, ora.

Sancte Gabríel, ora.

Sancte Ráphael, ora.

Omnes sancti Angeli et Archángeli, oráte.

Omnes sancti beatórum Spirituum órdenes, oráte.

Sancte Joánnes Baptista, ora.

Sancte Joseph, ora.

Omnes sancti Patriarchæ et Prophætæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Jacóbe, ora.

Sancte Joánnes, ora.

Sancte Thoma, ora.

Sancte Jacóbe, ora.

Sancte Philippe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora.

Sancte Mathía, ora.

Sancte Bárnaba, ora.

Sancte Luca, ora.

Sancte Marce, ora.

Omnes sancti Apóstoli et	Sancta Lúcia,	ora.
Evangelistæ , orâte.	Sancta Agnes ,	ora.
Omnes sancti Discípuli Dó-	Sancta Cæcília ,	ora.
mini , orâte.	Sancta Catharina ,	ora.
Omnes sancti Innocéntes ,	Sancta Anastásia ,	ora.
orâte.	Omnes sanctæ Virgines et	
Sancte Stéphane , ora.	Viduæ , orâte.	
Sancte Laurénti , ora.	Omnes Sancti , et Sanctæ	
Sancte Vincénti , ora.	Dei , Intercédite pro no-	
Sancti Fabiáne et Seba-	bis	
stiáne , orâte.	Propítius esto, Parce nobis,	
Sancti Joánnes et Paule ,	Dómine.	
orâte.	Propítius esto, Exáudi nos ,	
Sancti Cosma et Damiáne ,	Dómine.	
orâte.	Ab omni malo, Libera nos ,	
Sancti Gervási et Protási ,	Dómine.	
orâte.	Ab omni peccáto, libera.	
Omnes sancti Mártires ,	Ab ira tua, libera.	
orâte.	A subitánea et improvísá	
Sancte Silvéster , ora.	morte , libera.	
Sancte Gregóri , ora.	Ab insidiis diaboli, libera.	
Sancte Ambrósi , ora.	Ab ira , et ódio , et omni	
Sancte Augustíne , ora.	mala voluntáte, libera.	
Sancte Hierónyme , ora.	A spíritu fornicatiónis ,	
Sancte Martíne , ora.	libera.	
Sancte Nicolæ , ora.	A fulgure et tempestáte ,	
Omnes sancti Pontífices et	libera.	
Confessóres , orâte.	A flagélo terræmótus, libera.	
Omnes sancti Doctóres ,	A peste , fame et bello ,	
orâte.	libera.	
Sancte Antóni , ora.	A morte perpétua, libera.	
Sancte Benedícte , ora.	Per mystérium sanctæ in-	
Sancte Bernárde , ora.	carnatiónis tuæ, libera.	
Sancte Domínice , ora.	Per advéntum tuum, libera.	
Sancte Francíscæ , ora.	Per nativitátem tuam,	
Omnes sancti Sacerdótes et	libera.	
Levitæ , orâte.	Per baptísmum et sanctum	
Omnes sancti Mónachi et	jejúnium tuum, libera.	
Eremitæ , orâte.	Per crucem et passióem	
Sancta María Magdaléna ,	tuam, libera.	
ora.	Per mortem et sepultúram	
Sancta Agatha , ora.	tuam, libera.	

Per sanctam resurrectionem
 tuam, libera.
Per admirabilem ascensionem
 tuam, libera.
Per adventum Spiritus sancti
 Parácliti, libera.
In die iudicii, libera.
Peccatores, Te rogamus,
 audi nos.
Ut nobis parcas, te rogamus.
Ut nobis indulgeas, te rogamus.
Ut ad veram poenitentiam
 nos perducere digneris,
 te rogamus.
U Ecclesiam tuam sanctam
 regere et conservare digneris,
 te rogamus.
Ut domnum Apostolicum et
 omnes ecclesiasticos ordines
 in sancta religione
 conservare digneris, te
 rogamus.
Ut inimicos sanctæ Ecclesiæ
 humiliare digneris, te
 rogamus.
Ut regibus et principibus
 Christianis pacem et veram
 concordiam donare digneris,
 te rogamus.
Ut cuncto populo christiano
 pacem et unitatem largiri
 digneris, te rogamus.
Ut nosmetipsos in tuo sancto
 servitio confortare et
 conservare digneris, te
 rogamus.
Ut mentes nostras ad cœlestia
 desideria erigas, te
 rogamus.
Ut omnibus benefactoribus

nostris sempiterna bona
 retribuas, te rogamus.
Ut animas nostras, fratrum,
 propinquorum et benefactorum
 nostrorum ab æterna damnatione
 eripias, te rogamus.
Ut fructus terræ dare et
 conservare digneris, te
 rogamus.
Ut omnibus fidelibus defunctis
 requiem æternam donare
 digneris, te rogamus.
Ut nos exaudire digneris,
 te rogamus.
Fili Dei, te rogamus.
Agnus Dei, qui tollis peccata
 mundi, Parce nobis, Domine.
Agnus Dei, qui tollis peccata
 mundi, Exaudi nos, Dñe.
Agnus Dei, qui tollis peccata
 mundi, Miserere nobis.
 Christe, audi nos. Christe,
 exaudi nos. **K**yrie, eléison.
 Christe, eléison. **K**yrie, eléison.
 Pater noster, *secreto*.
V. Et ne nos inducas in
 tentationem. **R.** Sed libera nos
 a malo.
Psalmus 69.
DEUS, in adiutorium meum
 intende : * Domine, ad
 adjuvandum me festina.
 Confundantur, et reve-
 reantur, * qui quærunt ani-
 mam meam :
 Convertantur retrorsum, et
 erubescant, * qui volunt
 mihi mala :
 Convertantur statim erube-

scēntes, * qui dicunt mihi :
Euge, euge.

Læultent et lætēntur in te
omnes qui quærent te, * et
dicant semper : Magnificē-
tur Dóminus : qui diligunt
salutāre tuum.

Ego vero egēnus, et pau-
per sum : * Deus adjuva me.
Adjutor meus, et liberā-
tor meus es tu : * Dómine,
ne moréris.

Glória Patri. **S**icut erat.

V. Salvos fac servos tuos.
R. Deus meus sperāntes in
te. **V.** Estó nobis, Dómine,
turris fortitudinis. **R.** A fá-
cie inimici. **V.** Nihil proficiat
inimicus in nobis. **R.** Et
filius iniquitátis non appó-
nat nocére nobis. **V.** Dómine,
non secúndum peccáta no-
stra fácias nobis. **R.** Neque
secúndum iniquitátes no-
stras retribuas nobis. **V.**

Orémus pro Pontífice nostro
N. **R.** Dóminus consérvet
eum, et vivíficet eum, et
beátum fáciat eum in terra,
et non tradat eum in ánimam
inimicórum ejus. **V.** **O**ré-
mus pro benefactóribus
nostris. **R.** Retribúere di-
gnāre, Dómine, ómnibus
nobis bona faciéntibus pro-
pter nomen tuum vitam
ætérnam. Amen. **V.** **O**ré-
mus pro fidélibus defúctis.

R. Réquiem ætérnam dona
eis, Dómine : et lux per-
pétua lúceat eis. **V.** Requié-
scant in pace. **R.** Amen. **V.**

Pro frátribus nostris absén-
tibus. **R.** Salvos fac servos
tuos, Deus meus, sperāntes
in te. **V.** Mitte eis, Dómine,
auxílium de sancto. **R.** Et
de Sion tuére eos. **V.** Dómi-
ne, exáudi oratióem meam.
R. Et clamor meus ad te
véniat. **V.** Dóminus vobis-
cum. **R.** Et cum spiritu tuo.

Orémus. **O**ratio.

DEUS, cui próprium est
miseréri semper, et pár-
cere : súscipe deprecationem
nostram ; ut nos, et omnes
fámulos tuos, quos delictó-
rum caténa constringit, mi-
serátio tuæ pietátis clemén-
ter absólvat.

EXAUDI, quæsumus Dómi-
ne, súpplicum preces,
et confiténtium tibi parce
peccátis : ut páriter nobis
indulgéntiam tribuas bení-
gnus et pacem.

INEFFABILEM nobis, Dómi-
ne, misericórdiam tuam
cleménter osténde : ut simul
nos et a peccátis ómnibus
éxuas ; et a pœnis, quas pro
his merémur, erípias.

DEUS, qui culpa offénderis,
pœniténtia placáris :
preces pópuli tui supplicán-
tis propítius respice ; et fla-
gella tuæ iracúndiæ, quæ
pro peccátis nostris meré-
mur, avérte.

OMNIPOTENS sempitérne
Deus, miserére fámulo
tuo Pontífici nostro \ et
dirige eum secúndum tuam

cleméntiam in viam salutis æternæ : ut te donante tibi plácita cúpiat, et tota virtúte perficiat.

DEUS, a quo sancta desideria, recta consilia, et justa sunt ópera : da servis tuis illam, quam mundus dare non potest, pacem ; ut et corda nostra mandátis tuis dedita, et hóstium sublata formidine, témpora sint tua protectióne tranquilla.

TRE igne sancti Spíritus renes nostros, et cor nostrum, Dómine : ut tibi casto corpore serviámus, et mundo corde placeámus.

FIDELIUM Deus ómnium Cónditor et Redémptor, animábus famulórum famularúmque tuárum remissionem cunctórum tríbue peccatórum : ut indulgéntiam, quam semper optavérunt, piis supplicatióibus consequántur.

ACTIONES nostras, quæsumus Dómine, aspirádo præveni, et adjuvádo proséquere : ut cuncta nostra orátio et operátio a te semper incípiat, et per te cœpta finiátur.

OMNIPOTENS sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse prænúscis : te supplices exorámus ; ut pro quibus effúndere preces de-

crévimus, quosque vel præsens sæculum adhuc in carne rélinet, vel futúrum jam exútos corpore suscepit, intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur. Per Dóminum. *℣.* Dóminus vobiscum. *℟.* Et cum spíritu tuo. *℣.* Exáudiat nos omnípotens et miséricors Dóminus. *℟.* Amen. *℣.* Et fidélium animæ per misericórdiam Dei requiéscant in pace. *℟.* Am.

ORDO

COMMENDATIONIS ANIMÆ.

Primum dicuntur Litanie breves in hunc modum.

KYRIE, eléison.

Christe, eléison.

Kyrie, eléison.

Sancta María, ora pro eo.

Omnes sancti Angeli, et Archángeli, oráte.

Sancte Abel, ora.

Omnis Chorus justórum, ora.

Sancte Abraham, ora.

Sancte Joánnes Baptista, ora.

Sancte Joseph, ora.

Omnes sancti Patriárchæ et Prophétæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Joánnes, ora.

Omnes sancti Apóstoli, et Evangelistæ, oráte.

Omnes sancti Discípuli Dómini, oráte.

Omnes sancti Innocéntes,
 oráte.
 Sancte Stéphane, ora.
 Sancte Lauréti, ora.
 Omnes sancti Mártyres,
 oráte.
 Sancte Silvéster, ora.
 Sancte Gregóri, ora.
 Sancte Augustíne, ora.
 Omnes sancti Pontífices et
 Confessóres, oráte.
 Sancte Benedicte, ora.
 Sancte Francíscæ, ora.
 Omnes sancti Mónachi et
 Eremitæ, oráte.
 Sancta María Magdaléna,
 ora.
 Sancta Lúcia, ora.
 Omnes sanctæ Vírgines et
 Víduæ, oráte.
 Omnes Sancti et Sanctæ Dei,
 Intercédite pro eo.
 Propítius esto, Parce ei,
 Dómine.
 Propítius esto, libera eum,
 Dómine.
 Propítius esto, libera.
 Ab ira tua, libera.
 A periculo mortis, libera.
 A mala morte, libera.
 A pœnis inférni, libera.
 Ab omni malo, libera.
 A potestáte diaboli, libera.
 Per nativitátē tuam, libera.
 Per crucem et passiónem
 tuam, libera.
 Per mortem et sepultúram
 tuam, libera.
 Per gloriósam resurrecti-
 ónem tuam, libera.
 Per admirábilem ascensió-
 nem tuam, libera.

Per grátiam Spiritus sancti
 Parácliti, libera.
 In die iudicii, libera.
 Peccatóres, Te rogámus,
 audi nos.

Ut ei parcas, te rogámus,
 audi nos.

Kyrie, eléison. Christe,
 eléison. Kyrie, eléison.

Deinde cum in agone sui
 exitus anima anxietur, di-
 cantur sequentes Orationes:
 Oratio.

PROFICISCERE, ánima chri-
 stiána, de hoc mundo,
 in nómine Dei Patris omni-
 poténtis, qui te creávit : in
 nómine Jesu Christi Filii
 Dei vivi, qui pro te passus
 est : in nómine Spíritus
 sancti, qui in te effusus
 est : in nómine Angelórum
 et Archangelórum : in nó-
 mine Thronórum et Domi-
 nationum : in nómine Prin-
 cipátuum et Potestátum : in
 nómine Chérubim et Séra-
 phim : in nómine Patriar-
 chárum et Prophetárum :
 in nómine sanctórum Apo-
 stolórum et Evangelistá-
 rum : in nómine sanctórum
 Mártyrum et Confessórum :
 in nómine sanctórum Mo-
 nachórum et Eremitárum :
 in nómine sanctárum Vírgi-
 num, et ómnium Sanctórum
 et Sanetárum Dei : hódie sit
 in pace locus tuus, et habi-
 tatio tua in sancta Sion. Per
 eúndem Christum Dómi-
 num nostrum. R. Amen.

Oratio.

DEUS miséricors, Deus clemens, Deus, qui secundum multitudinem miserationum tuarum peccata pœnitentium deles, et præteritorum criminum culpas vènia remissionis evácuas : respice propitius super hunc fámulum tuum **N.** et remissionem ómnium peccatorum suorum tota cordis confessione poscèntem deprecátus exáudi. Rénova in eo, piissime Pater, quidquid terrèna fragilitate corrúptum, vel quidquid diabólica fraude violátum est : et unitati còrporis Ecclésiæ membrum redemptionis annécte. Miserére, Dómine, gemituum, miserére lacrymarum ejus : et non habéntem fidúciam, nisi in tua misericórdia, ad tuæ sacraméntum reconciliationis admítte. Per Christum Dóminum nostrum. **R.** Amen.

COMMENDO te omnipoténti Deo, charissime frater, et ei, cujus es creatúra, commítto : ut, cum humanitátis débitum morte interveniènte persólveris, ad auctórem tuum, qui te de limo terræ formáverat, revertáris. Egrediènti itaque animæ tuæ de corpore spléndidus Angelórum cœtus occúrrat : judex Apostolorum tibi senátus advéniat : candidatórum tibi

Mártýrum triumphátor exercitus óbviet : liliáta rutilántium te Confessorum turma circúmdet : jubilántium te Virgínium chorus excipiat : et beátæ quiétis in sinu Patriarchárum te compléxus astringat : mitis atque festívus Christi Jesu tibi aspéctus appáreat, qui te inter assisténtes sibi júgiter interésse decérnat. Ignóres ómne quod horret in ténebris, quod stridet in flammis, quod crúciat in torméntis. Cedat tibi tetérrimus sátanás cum satellitibus suis : in advéntu tuo te comitántibus Angelis contremíscat, atque in ætérnæ noctis chaos immáne diffúgiat. Exúrgat Deus, et dissipéntur inimíci ejus : et fúgiant, qui odérunt eum, a fácie ejus. Sicut déficit fumus, deficiant : sicut fluit cera a fácie ignis, sic péreant peccatóres a fácie Dei : et justí epuléntur, et exúltent in conspéctu Dei. Confundántur ígitur et erubéscant omnes tartáreæ legiões, et ministri sátanæ íter tuum impedíre non áudeant. Liberet te a cruciátu Christus, qui pro te crucifixus est. Liberet te ab ætérna morte Christus, qui pro te mori dignátus est. Constituat te Christus Filius Dei vivi intra paradísi sui semper amœna viréntia, et in-

ter oves suas te verus ille Pastor agnóscat. Ille ab ómnibus peccátis tuis te absolvat, atque ad dexteram suam in electórum suórum te sorte constituat. Redemptórem tuum fácie ad fáciem vídeas et præsens semper assistens, manifestíssimam beátis óculis aspicias veritátem. Constitútus igitur inter ágmina Beatórum, contemplationis divínæ dulcédine potiáris in sæcula sæculórum. *R.* Amen.

Oratio.

SUSCIPE, Dómine, servum tuum in locum sperandæ sibi salvatiónis a misericórdia tua. *R.* Amen.

Libera, Dómine, ánimam servi tui ex ómnibus periculis inférni, et de láqueis poenarum, et ex ómnibus tribulationibus. *R.* Amen.

Libera, Dómine, ánimam servi tui, sicut liberásti Henoch et Eliám de communi morte mundi. *R.* Amen.

Libera, Dómine, ánimam servi tui, sicut liberásti Noe de dilúvio. *R.* Amen.

Libera, Dómine, ánimam servi tui, sicut liberásti Abraham de Ur Chaldæórum. *R.* Amen.

Libera, Domine, ánimam servi tui, sicut liberásti Job de passionibus suis. *R.* Amen.

Libera, Dómine, ánimam ser-

vi tui, sicut liberásti Isaac de hóstia et de manu patris sui Abrahæ. *R.* Amen.

Libera, Dómine, ánimam servi tui, sicut liberásti Lot de Sódomis, et de flamma ignis. *R.* Amen.

Libera, Dómine, ánimam servi tui, sicut liberásti Moysen de manu Pharaónis regis Ægyptiórum. *R.* Amen.

Libera, Dómine, ánimam servi tui, sicut liberásti Daniélem de lacu leónū. *R.* Amen.

Libera, Dómine, ánimam servi tui, sicut liberásti tres púeros de camíno ignis ardentis, et de manu regis iniqui. *R.* Amen.

Libera, Dómine, ánimam servi tui, sicut liberásti Susánam de falso crimine. *R.* Am.

Libera, Dómine, ánimam servi tui, sicut liberásti David de manu regis Saul et de manu Goliæ. *R.* Amen.

Libera, Dómine, ánimam servi tui, sicut liberásti Petrum et Paulum de carcéribus. *R.* Amen.

Et sicut beatíssimam Theclam, Virginem et Mátyrem tuam, de tribus atrocissimis torméntis liberásti, sic liberáre dignéris ánimam hujus servi tui, et tecum fácias in bonis congau dere cœlestibus. *R.* Amen.

Oratio.

COMMENDAMUS tibi, Dómine, ánimam fámuli tui *N.* preeamúrque te, Dómine

Jesu Christe, Salvátor mundi, ut propter quam ad terram misericórditer descendisti, Patriarchárum tuórum sínibus insinuáre non rénuas. Agnósce, Dómine, creatúram tuam, non a diis aliénis creatam, sed a te solo Deo vivo et vero : quia non est álius Deus præter te, et non est secúndum ópera tua. Lætifica, Dómine, ánimam ejus in conspéctu tuo: et ne memíneris iniquitátum ejus antiquárum, et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Filium, et Spíritum sanctum non negávit, sed credidit, et zelum Dei in se hábuit, et Deum, qui fecit ómnia, fidéliter adorávit.

Oratio.

DELICTA juventútis, et ignorántias ejus, quæsumus, ne memíneris, Dómine : sed secúndum magnam misericórdiam tuam memor esto illius in glória claritátis tuæ. Aperíantur ei cœli : collæténtur illi Angeli. In regnum tuum, Dómine, servum tuum suscipe. Suscipiat eum sanctus Michael Archángelus Dei, qui militiæ cœlestis méruit principátum. Véniant illi óbviám sancti Angeli Dei, et perdúcant eum in civitátem cœlestem Jerúsalem.

Suscipiat eum beátus Petrus Apóstolus, cui a Deo claves regni cœlestis tráditæ sunt. Adjuvet eum sanctus Paulus Apóstolus, qui dignus fuit esse vas electiόνis. Intercédant pro eo sanctus Joánnes eléctus Dei Apóstolus, cui reveláta sunt secréta cœlestia. Orent pro eo omnes sancti Apóstoli, quibus a Dómino data est potéstas ligándi atque solvéndi. Intercédant pro eo omnes Sancti et elécti Dei, qui pro Christi nómine torménta in hoc sæculo sustinuérunt, ut vínculis carnis exútus, pervenire mereátur ad glóriam regni cœlestis : præstánte Dómino nostro Jesu Christo : Qui cum Patre et Spíritu sancto vivit et regnat in sæcula sæculórum. *R̃.* Amen.

Si anxietur adhuc anima, dicuntur hi Psalmi, videlicet, Confitémini Dómino. 24. et totus Ps B eáti immaculáti, per Horas distributus. 25.

Egressa autem anima, dicitur hoc R̃. Subveníte, Sancti Dei, occúrrite, Angeli Dómini ; Suscipiéntes ánimam ejus :* Offeréntes eam in conspéctu Altíssimi. V. Suscipiat te Christus, qui vocávit te, et in sinum Abrahæ Angeli dedúcant te. Suscipiéntes. V. Réquiem ætérnam dona ei, Dómine : et lux perpétua lúceat ei. Offeréntes.*

Deinde Kyrie, eléison. Christe, eléison. Kyrie, eléison.

Postea Pater noster; secreto. *ſ.* Et ne nos indúcas in tentatióem. *R.* Sed libera nos a malo. *ſ.* Réquiem ætérnam dona ei, Dómine. *R.* Et lux perpétua lúceat ei. *ſ.* A porta inferi. *R.* Erue, Dómine, ánimam ejus. *ſ.* Requíescat in pace. *R.* Amen. *ſ.* Dómine, exáudi oratióem meam. *R.* Et clamor meus ad te véniat. *ſ.* Dóminus vobíscum. *R.* Et cum spiritu tuo.

Orémus. Oratio.

TIBI, Dómine, commendamus ánimam fámuli tui *N.* ut defúnctus sæculo tibi vivat : et quæ per fragilitátem humanæ conversatiónis peccáta commisit, tu vénia misericordiíssimæ pietátis abstérge. Per Christum Dñum nostrum. *R.* Am.

BENEDICTIO MENSÆ.

Ante prandium Sacerdos benedicturus mensam, incipit: Benedícite et alii repetunt Benedícite. Deinde dicit *ſ.* Oculi ómnium, et alii prosequuntur : In te sperant, Dómine, et tu das escam illórum in témpore opportúno. Aperis tu manum tuam, et imples omne animal benedictióe. Glória Patri. Sicut erat. Kyrie, eléison. Christe, eléison. Kyrie, eléison. Pater noster, secreto. *ſ.* Et ne nos indú-

cas in tentatióem. *R.* Sed libera nos a malo.

Postea Sacerdos dicit :

Orémus.

BENEDIC, Dómine, nos, et hæc tua dona, quæ de tua largitáte sumus sumpturi. Per Christum Dóminum nostrum. *R.* Amen.

Deinde Lector, Jube, domne, benedicere. *Benedictio.* Mensæ cœlestis participes fáciat nos Rex ætérnæ glóriæ. *R.* Amen.

Post prandium aguntur gratiæ hoc modo. Dicto a Lectore, Tu autem, Dómine, miserére nobis. *R.* Deo grátias, omnes surgunt.

Sacerdos incipit *ſ.* Confiteántur tibi, Dómine, ómnia ópera tua. *R.* Et Sancti tui benedicant tibi. *ſ.* Glória Patri. *R.* Sicut erat.

Postea Sacerdos absolute dicit :

AGIMUS tibi grátias, omnipotens Deus, pro universis beneficiis tuis : qui vivis et regnas in sæcula sæculórum. *R.* Amen.

Deinde alternatim dicitur Ps. Miserére mei, Deus. 60. vel Psalmus 116.

LAUDATE Dóminum, omnes gentes : * laudáte eum, omnes pópuli :

Quóniam confirmáta est super nos misericórdia ejus : * et véritas Dómini manet in ætérnum.

Glória Patri. Sicut erat.

Kyrie, eléison. **C**hriste, eléison. **K**yrie, eléison. **Sa**cerdos dicit : **P**ater noster. **Ÿ**. Et ne nos inducas in tentationem. **Ŕ**. Sed libera nos a malo. **Ÿ**. Dispérsit, dedit paupéribus. **Ŕ**. Justitia ejus manet in sæculum sæculi. **Ÿ**. Benedicam Dóminum in omni témpore. **Ŕ**. Semper laus ejus in ore meo. **Ÿ**. In Dómino laudábitur ánima mea. **Ŕ**. Audiant mansuéti, et lætén-tur. **Ÿ**. Magnificáte Dómi-num mecum. **Ŕ**. Et exalté-mus nomen ejus in idípsum. **Ÿ**. Sit nomen Dómini bene-dictum. **Ŕ**. Ex hoc nunc et usque in sæculum.

Deinde sine Orémus.

RETRIBUERE dignáre, Dó-mine, ómnibus nobis bona faciéntibus propter no-men tuum vitam ætérnam. **Ŕ**. Amen. **Ÿ**. Benedicámus Dómino. **Ŕ**. Deo grátias. **Ÿ**. Fidélium ánimæ per misericórdiam Dei requiéscant in pace. **Ŕ**. Amen. **P**ater noster, **secreto**. Quo finito, dicit Sa-cerdos : Deus det nobis suam pacem. **Ŕ**. Amen.

Ante cœnam Sacerdos be-nedicturus mensam, incipit Benedicite, et alii repetunt Benedicite.

Deinde Sacerdos incipit Ÿ. et alii prosequuntur :

PEDENT páuperes, et satu-rabúntur, et laudábunt

Dóminum, qui requirunt eum : vivent corda eórum in sæculum sæculi. **G**lória Patri. **S**icut erat. **K**yrie, eléison. **C**hriste, eléison. **K**yrie, eléison. **P**ater noster, **secreto**. Et ne nos. **O**rémus. **B**enedic, Dómine, **ut supra in prandio**. cxv. Jube, do-mne. **Bened.** Ad cœnam vitæ ætérnæ perdúcat nos Rex ætérnæ glóriæ. **Ŕ**. Amen.

In fine cœnæ dicitur Ÿ. **M**emóriam fecit mirabílium suórum miséricors et mise-rátor Dóminus : escam dedit timéntibus se. **G**lória Patri. **S**icut erat.

Sacerdos dicit :

BENEDICTUS Deus in donis suis, et sanctus in ómni-bus opéribus suis : qui vivit et regnat in sæcula sæculó-rum. **Ŕ**. Amen.

Deinde alternatim dicitur Ps. Laudáte Dóminum, om-nes gentes, **et reliqua ut** cxv.

Quando semel comeditur, omnia dicuntur ut in cœna.

Prædictus modus bene-dicendi mensam et agendi gratias, servatur omni tem-pore hujus Partis Vernæ, præterquam diebus infra-scriptis, quibus ŸŸ. et Psal-mi tantum variantur.

Feria v. in Cœna Dñi di-citur absolute et sine nota : **Ÿ**. Christus factus est pro no-bis obédiens usque ad mor-tem. **Deinde P**ater noster,

totum secreto. Quo dicto, sine pronuntiatione aliqua Sacerdos signo Crucis benedicit mensam, nec dicitur Jube, domne, nec Tu autem.

In fine repetitur **ŷ**. Christus factus est, ut supra. Postea Psalm. Miserere mei Deus. 60. Quo finito, sine **ŷ**. Glória Patri, secreto dicitur pater noster.

Deinde Sacerdos dicit absolute Orationem.

Oratio.

RESPICE, quæsumus, Dómine, super hanc familiam tuam, pro qua Dóminus noster Jesus Christus, non dubitávit mánibus tradi nocéntium, et crucis subíre torméntum, et non pronuntiat^{ur} Qui tecum, nec Fidélium animæ, sed secreto dicitur Pater noster, nec additur, Deus det nobis suam pacem.

In Parasceve eodem modo fit sicut in Cœna Domini. sed additur ad **ŷ**. Christus factus est. Moriem autem crucis.

Sabbato sancto ad benedicendum mensam dicitur. Benedicite. **ŕ**. Benedicito. **ŷ**. Vespere autem sabbati, quæ lucéscit in prima sabbati, allelúia : venit María Magdaléne, et áltera María, vidére sepúlchrum, allelúia. Glória Patri. sicut erat.

In fine repetitur **ŷ**. Vespere autem, ut supra. cum

Glória Patri. Sicut erat. Ps. Laudáte Dóminum, omnes gentes. cxcv. cum Glória Patri. Kyrie, eléison. Christe, eléison. Kyrie, eléison, et alia ut supra in prima Benedictione. cxcvj.

In die Paschæ, et deinceps usque ad Cœnam sequentis Sabbati, ad benedicendum mensam dicitur **ŷ**. Hæc dies quam fecit Dóminus, allelúia : Exultémus et lætémur in ea, allelúia. Glória Patri. In fine repetitur : Hæc dies quam, cum Glória Patri. Ps. Confitémini. 24.

In Ascensione Domini usque ad Vigiliam Pentec. exclusive. **ŷ**. Ascéndit Deus in jubilatione, allelúia : Et Dóminus in voce tubæ, allelúia. Glória Patri.

In fine dicitur **ŷ**. Ascendens Christus in altum, allelúia : captivam duxit captivitatem, allelúia. Glória Patri. Psalm. Omnes gentes pláudite mánibus. 69. vel Laudáte Dóminum. cxcv.

In Pentec., a Vigilia ejusdem inclusive, usque ad cœnam seq. Sabbati exclusive. **ŷ**. Spíritus Dómini replévit orbem terrarum, allelúia : et hoc quod cóntinet ómnia, sciéntiam habet vocis, allelúia. Glória Patri.

In fine dicitur **ŷ**. Repléti sunt omnes Spíritu sancto, allelúia. Et cœpérunt loqui, allelúia. Glória Patri. Ps.

Magnus Dóminus, *vel L* audate Dóminum, *ut* cxev.

ITINERARIUM.

CLERICUS in ipso itineris ingressu, si solus fuerit, dicat quæ seq. in singulari, si cum sociis, in plurali:

Añã. In viam pacis.

Cant. Benedictus. 23.

In fine G lória Patri.

Añã. In viam pacis et prosperitatis dirigat nos omnipotens et miséricors Dóminus: et Angelus Ráphael comitétur nobiscum in via, ut cum pace, salute et gaudio revertámur ad própria.

Kyrie, eléison. *Christe*, eléison. *Kyrie*, eléison. *Pater noster*, *secreto*. *V.* Et ne nos indúcas in tentationem. *R.* Sed libera nos a malo. *V.* Salvos fac servos tuos. *R.* Deus meus sperantes in te. *V.* Mitte nobis, Dómine, auxilium de sancto. *R.* Et de Sion tuére nos. *V.* Esto nobis, Dómine, turris fortitudinis. *R.* A fácie inimíci. *V.* Nihil proficiat inimícus in nobis. *R.* Et filius iniquitatis non appónat nocére nobis. *V.* Benedictus Dóminus die quotidie. *R.* Prósperum iter fáciat nobis Deus salutárium nostrórum. *V.* Vias tuas, Dómine, démonstra nobis. *R.* Et sémitas tuas édoce nos. *V.* Utinam dirigántur viæ nostræ. *R.* Ad custodiéndas justificatiónes tuas. *V.* Erunt prava in dirécta. *R.* Et áspe-

ra in vias planas. *V.* Angelis suis Deus mandávit de te. *R.* Ut custódiant te in ómnibus viis tuis. *V.* Dómine, exáudi orationem meam. *R.* Et clamor meus ad te véniat. *V.* Dóminus vobiscum. *R.* Et cum spíritu tuo.

Orémus. Oratio.

DEUS, qui filios Israel per maris médium sicco vestigio ire fecisti, quique tribus Magis iter ad te, stella duce, pandisti: tribue nobis quæsumus iter prósperum, tempúsque tranquillum; ut Angelo tuo sancto cómite, ad eum, quo périgimus, locum, ac demum ad æternæ salutis portum pervenire feliciter valeámus.

DEUS, qui Abraham puerum tuum, de Ur Chaldæórum eductum, per omnes suæ peregrinationis vias illæsum custodisti: quæsumus, ut nos famulos tuos custodire dignéris: esto nobis, Dómine, in procinctu suffrágium, in via solátium, in æstu umbráculum, in plúvia et frigore teguméntum, in lassitudine vehículum, in adversitate præsidium, in lúbrico báculus, in naufrágio portus: ut, te duce, quo téndimus, prósperè perveniámus, et demum incólumes ad própria redeámus.

ADESTO, quæsumus Dómine, supplicationibus

nostris, et viam famulorum
tuorum in salutis tuæ pro-
speritate dispone : ut inter
omnes viæ et vitæ hujus va-
rietates tuo semper prote-
gámur auxilio.

PRÆSTA, quæsumus omni-
potens Deus : ut familia
tua per viam salutis incédât,
et beāti Joánnis Præcursóris
hortaménta sectándo, ad

eum, quem prædixit, secúra
pervéniat, Dóminum no-
strum Jesum Christum Fi-
lium tuum : Qui tecum vivit
et regnat in unitate Spíritus
sancti Deus, per ómnia
sæcula sæculórum. **R.**
Amen.

V. Procedámus in pace.
R. In nómine Dómini,
Amen.



TYPOGRAPHIUS

LECTORI.

CUM subsequētia Officia a Summis Pontificibus ordinata, Ecclesiam universalem non obligent, utpote in certis quibusdam Regnis et Provinciis, ex indulto eorundem, recitanda, hic in fine, extra aliorum ordinem, pro majori recitantium commoditate, eadem addenda putavi.

FERIA SEXTA

POST DOM. I. QUADRAGESIMÆ

De Lancea et Clavis

D. N. J. C.

Duplex majus.

*Ad Vesp., Anæ et Capit.
de Laud. Ps. Dixit Dómi-
nus, cum reliq. de Dñica,
130, et loco ult., Ps. Lau-
dâte Dóminum, omnes gen-
tes. 134.*

Hymnus.

QUENAM lingua tibi, o
Láncea, débitas
Grates pro mérito est apta
repéndere?

Christi vivíficum namque
áperis latus,

Unde Ecclésia náscitur.

Hæc est Heva viri de látere
éxiens,

Olli membra gravis dum so-
por óccupat;

Hanc quippe alter Adam,
corde scaténtibus

Unda et ságuine prócreat.

O clavi! æqua manet vos
quoque grátia,

Christi quando sacris ártu-
bus insiti,

Delétum Dómini ságuine
figitis

Mortis chirógraphum cru-
ci.

To, Jesu, Súperi láudibus
éfferant,

Qui Clavórum áditus, sí-
gnaque Lánceæ

In cœlo rétines, vivus ubi
imperas,

Cum Patre, atque Pará-
clito. Amen.

Y. Fodérunt manus meas
et pedes meos. **R.** Dinu-
ravérunt ómnia ossa mea.

Ad Magnificat, Añæ.

Delens quod advérsus nos
erat chirógraphum decreti,
quod erat contrárium nobis,
et ipsum tulit de médio,
affigens illud cruci.

Oratio ut ad Laudes.

Et fit commem. Feriæ.

In fine Hymnorum dicitur, Clavis forato et Lancea, ut infra ad Matut.

Ad Matutinum, Invitat. Christum Lancea et Clavis vulneratum, * Venite, adoremus. Ps. Venite. 2.

Hymnus.

SALVETE, Clavi et Lancea, Squalore nuper obsita, Quæ mersa Christi corpori, Almo rubetis sanguine.

Vos ad scelus judæica
Elégerat perfidia;
Sed in ministra gratiæ
Vos vertit e cœlo Deus.

Vam quot sacratis artibus
Sculpsistis olim vulnera,
E tot reclusis fontibus
Dona éffluunt cœlestia.
Clavis forato et Lancea,
Jesu, tibi sit glória,
Cum Patre, et almo Spiritu,
Nunc, et per omne sæculum. Amen.

Si omissus sit Hymnus ad Vesp., dicatur ad Matut. et Hymn. Matut. conjungatur cum Hymno ad Laudes.

In primo Nocturno.

Añs. Ad Jesum autem cum venissent, non fregérunt ejus crura, sed unus militum lancea latus ejus aperuit.

Psalmi in j. et ij. Noct. de Comm. Conf. non Pont. lxxxv.

Añs. Exivit sanguis et aqua. Et qui vidit, testimónium perhibuit, et verum est testimónium ejus.

Añs. Alia Scriptúra dicit: Vidébunt in quem transfixérunt.

¶ Quem tu percussisti, persecúti sunt. **R.** Et super dolorem vulnerum meórum addidérunt.

De Zacharia Prophéta.

Lectio j. Cap. 12.

HÆC dicit Dóminus: Efundam super domum David, et super habitatores Jerúsalem, spiritum gratiæ et precum: et aspicient ad me, quem confixérunt. Et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, sicut planctus Adadrémmon in campo Magéddon. Et planget terra: familiæ et familiæ seórsum: familiæ domus David seórsum, et mulieres eórum seórsum: familiæ domus Nathan seórsum, et mulieres eórum seórsum: familiæ domus Levi seórsum, et mulieres eórum seórsum: familiæ Semei seórsum, et mulieres eórum seórsum. Omnes familiæ reliquæ, familiæ et familiæ seórsum, et mulieres eórum seórsum.

R. Ad Jesum autem cum venissent, ut vidérunt eum jam mórtuum, non fregérunt ejus crura; * Sed unus militum lancea latus ejus

aperuit. *v.* Et qui vidit, testimonium perhibuit, et verum est testimonium ejus. Sed unus.

Lectio ij.

In die illa erit fons patens domui David, et habitantibus Jerusalem in ablutionem peccatoris et menstruatae. Et erit in die illa, dicit Dominus exercituum: Disperdam nomina idolorum de terra, et non memorabuntur ultra; et pseudoprophetas et spiritum immundum auferam de terra. Et erit, cum prophetaverit quispiam ultra, dicent ei pater ejus et mater ejus, qui genuerunt eum: Non vives, quia mendacium locutus es in nomine Domini; et configent eum pater ejus et mater ejus, genitores ejus, cum prophetaverit. Et erit: In die illa confundentur prophetae, unusquisque ex visione sua cum prophetaverit: nec operientur pallio sacco, ut mentiuntur; sed dicet: Non sum propheta, homo agricola ego sum; quoniam Adam exemplum meum ab adolescentia mea.

ii. Unus militum lancea latus ejus aperuit: * Et continuo exivit sanguis et aqua. *v.* In die illa erit fons patens domui David, et habitantibus Jerusalem, Et continuo.

Lectio iij.

Et dicetur ei: Quid sunt plagae istae in medio manuum tuarum? Et dicet: His plagatus sum in domo eorum qui diligebant me. Frasca suscitare super pastorem meum, et super virum coherentem mihi, dicit Dominus exercituum: percutere pastorem, et dispergentur oves: et convertam manum meam ad parvulos. Et erunt in omni terra, dicit Dominus: partes duae in ea dispergentur, et deficiet, et tertia pars relinquetur in ea. Et ducam tertiam partem per ignem, et uram eos sicut uritur argentum, et probabo eos, sicut probatur aurum. Ipse vocabit nomen meum, et ego exaudiam eum. Dicam: Populus meus es: et ipse dicet: Dominus Deus meus. *ii.* In die illa erit fons patens domui David, et habitantibus Jerusalem, * In ablutionem peccatoris et menstruatae. *v.* Hic est qui venit per aquam et sanguinem, Jesus Christus. In gloria Patri. In.

In secundo Nocturno.

Añs. Aspicient ad me quem confixerunt, et plangent eum planctu quasi super unigenitum.

Añs. Quid sunt plagae istae in medio manuum tuarum?

Añs. His plagatus sum in

domo eórum qui diligébant me.

†. Ipse vulnerátus est propter iniquitátes nostras. R. Attrítus est propter scélera nostra.

Sermo Innocéntii Papæ VI.

Lectio iv.

Dec. De Fest. Lanc. et Clav. Dom.

IN Redemptóris nostri Dómini Jesu Christi sacratíssima passióne sic nos gloriári opórtet, ut ipsius passiónis cuncta mystéria dinumerátes et mérita, singulis étiam ejus salutáribus instruméntis gloriémur. Inter quæ illud célebriter memorándum est, quod ipse Salvátor, emissó in cruce jam spíritu, sustinuit perforári lancea latus suum, ut, inde ságuinis et aquæ profluéntibus undis, formarétur única, et immaculáta, ac virgo, sancta mater Ecclésia, sponsa sua. O beatíssima ipsius sacri láteris apertúra, unde nobis tot et tanta divínæ pietátis dona fluxérunt! O felix Lancea, quæ tot bona nobis efficere, et ad tanti triúmphí glóriam méruit superáddi!

†. Hic est, qui venit per aquam et ságuinem, Jesus Christus: * Non in aqua solum, sed in aqua et ságuine. † Tres sunt qui testimónium dant in terra:

spíritus, aqua, et sanguis; et hi tres unum sunt. Non.

Lectio v.

HÆC latus ipsum aperiéndó, sacratíssimas jánuas nobis regni cœlestis apéruiť. Hæc, vulnerádo jam mórtuum, vúlnera nostra sanávit, vitámque nobis réddidit et salútem. Hæc, innóxium transfigéndó, illius ságuine culpas nostras abstérsit: et demum ejúsdem sacratíssimis undis irrigáta, cæcítatis nostræ ténebras sústulit, et nos ipsius divínæ pietátis flúviis mundávit. Illi étiam dulces Clavi, quibus ipse Salvátor eidem cruci fuit affixus, quique non solum immaculáto respérge ságuine, et molem ferre tanti pónderis meruérunt, sed et nos étiam per ipsórum salutíferas plagas dulcédinem tantam ipsius divínæ charitátis accépimus, ut manus nostræ a peccáti solútæ néxibus, pedésque nostri a mortis láqueis fúerint liberáti, sunt devotíssime recoléndi.

†. Quóniam circumdedérunt me canes multi, concilium malignántium obsédit me. * Fodérunt manus meas et pedes meos. † Dicétur ei: Quid sunt plagæ istæ in médio mánuum tuárum? Fodérunt.

Lectio vj.

QUID enim vultuere et plangis hujusmodi sanctius? Quid eis salubrius, ex quibus salus nostra processit, et in quibus assidue se possunt curare animæ devotorum? Licet igitur Lancea et Clavi prædicti; aliaque ipsius passionis salutaria instrumenta sint a cunctis fidelibus Christi ubilibet veneranda, et de ipsa etiam passione in eadem Ecclesia sollemnia annis singulis Officia celebrantur et fiant; dignum tamen et conveniens reputamus, si de ipsius passionis specialibus instrumentis, et præsertim in partibus in quibus instrumenta ipsa dicuntur haberi, sollemne ac speciale festum celebretur et fiat; nosque illos fideles Christi, qui aliqua ex instrumentis ipsius habere se gaudent, in eorum devotione divinis Officiis atque muneribus specialiter foveamus.

R. Dicetur ei: Quid sunt, plagæ istæ in medio manuum tuarum? Et dicet: * His plagatus sum in domo eorum qui diligebant me. **V.** Nisi videro in manibus ejus fixuram clavorum, non credam. **His. Gloria Patri. His.**

In tertio Nocturno.

Añs. Foderunt manus meas et pedes meos: dinumeraverunt omnia ossa mea.

Ps. Cantate Domino, cum reliq. de iij. Noct. Virg. cxlij.

Añs. Nisi videro in manibus ejus fixuram clavorum, et mittam digitum meum in locum clavorum, et mittam manum meam in latus ejus, non credam.

Añs. Infer digitum tuum huc, et vide manus meas, et affer manum tuam, et mitte in latus meum.

V. Disciplina pacis nostræ super eum. **R.** Et livore ejus sanati sumus.

Lectio sancti Evangelii secundum Joannem.

Lectio vij. Cap. 19.

IN illo tempore: Sciens Jesus, quia omnia consummata sunt, ut consummaretur Scriptura, dixit: Sitio. Et reliqua.

Homilia S. Augustini Episc.
Tract. 120. in Joann.

UNUS militum lancea latus ejus aperuit, et continuo exivit sanguis et aqua. Vigilanti verbo Evangelista usus est, ut non diceret: Latus ejus percussit, aut vulneravit, aut quid aliud; sed, aperuit: ut illic quodammodo vitæ ostium panderetur, unde sacramenta Ecclesiæ manaverunt, sine quibus ad vitam, quæ vera vita est, non intratur. Ille sanguis, qui fusus est, in remissionem fusus est peccatorum. Aqua illa salutare temperat poculum: hæc

et lavâcrum præstat, et potum. Hoc prænuntiabat, quod Noe in lâtere arcæ ôstium facere jussus est, qua intrarent animâlia, quæ non erant dilúvio peritúra, quibus præfigurabâtur Ecclesiâ.

R. Facta sunt hæc, ut Scriptúra implerétur : Os non comminuétis ex eo. Et iterum âlia Scriptúra dicit :
* Vidébunt in quem transfixérunt. **Y.** Effúdam super domum David, et super habitatóres Jerúsalem spíritum grátiae et precum. Vidébunt.

Lectio viij.

PROPTER hoc prima mûlier facta est de lâtere viri dormiéntis, et appellâta est vita, matérque vivórum; magnum quippe significávit bonum ante magnum prævaricatiónis malum. Hic secúndus Adam, inclinâto cápite, in cruce dormívit, ut inde formarétur ei conjux, quæ de lâtere dormiéntis efflúxit. O mors, unde mórtui reviviscunt! Quid isto sâguine mûndius? Quid vûlnere isto salúbrius? Facta sunt enim hæc, inquit, ut Scriptúra implerétur : Os non comminuétis ex eo. Et iterum âlia Scriptúra dicit : Vidébunt in quem transfixérunt.

R. Effúdam super domum David, et super habitatóres Jerúsalem spíritum grátiae

et precum. * Et aspiciant ad me, quem confixérunt. **Y.** Et plangent eum planctu quasi super unigénitum. Et. Glória Patri. Et.

Lect. ix., de Hom. Fer.

AD LAUDES,

et per Horas, Anæ.

1. Unus militum lancea latus ejus apérui, et continuo exívit sanguis et aqua.

Ps. Dóminus regnâvit, cum reliq. de Dñica. 48.

2. Fodérunt manus meas et pedes meos; dinumeravérunt ómnia ossa mea.

3. Tres sunt qui testimónium dant in terra: spíritus, aqua, et sanguis; et hi tres unum sunt.

4. Quid turbâti estis et cogitatiónes ascéndunt in corda vestra? Vidéte manus meas et pedes meos, quia ego ipse sum.

5. Infer digitum tuum huc, et vide manus meas, et affer manum tuam, et mitte in latus meum.

Capitulum. 4. Joan. 5.

CHARISSIMI: Quis est qui vincit mundum, nisi qui credit quóniam Jesus est Fílius Dei? Hic est qui venit per aquam et sâguinem, Jesus Christus, non in aqua solum, sed in aqua et sâguine.

Hymnus.

TINCTAM ergo Christi sâguine
Convérte in me cúspidem,

Ferite cor, pedes, manus,
Pœnam a nocente sùmite.
At, quæso, culpis débitas,
Quas jure plagas figitis,
Cruore divino illitæ
Fiant medéla spíritus.

Sit gressus ad malum im-
potens,

Manus nocere désinant,
Omnisque corde e saucio
Profanus ardor éxeat.

Glavis forato et Lancea,
Jesu, tibi sit glória,
Cum Patre, et almo Spíritu,
Nunc, et per omne sæcu-
lum. Amen.

Y. Foderunt manus meas
et pedes meos. **R.** Dinu-
meraverunt omnia ossa mea.

Ad Benedictus, Aña.

Inglorius erit inter viros
aspèctus ejus, et forma ejus
inter filios hóminum. Iste
aspérget gentes multas.

Oratio.

DEUS, qui in assumptæ
carnis infirmitate Clavis
affigi, et Lancea vulnerari
pro mundi salute voluisti:
concède propitius; ut qui
eorúmdem Clavorum et
Lanceæ solémnia venerá-
mur in terris, de glorióso
victóriæ tuæ triúmpho gra-
tulémur in cœlis. Qui vivis.

Et fit com. Feriæ.

Ad Primam, in R. br. Y.

Qui vulneratus es pro nobis.

Ad Tertiam, Aña.

Foderunt.

Capit. C haríssimí, supra.

n. br. Foderunt manus meas,

* Et pedes meos. Foderunt.
Y. Dinumeraverunt omnia
ossa mea. Et. **G**lória Patri.
Foderunt. **Y.** Quem tu per-
cussisti, persecuti sunt. **R.**
Et super dolorem vulne-
rum meorum addiderunt.

Ad Sextam, Aña.

Tres sunt.

Capitulum. 1. Petri 2.

FRATRES, Christus passus
est pro nobis, vobis re-
linquens exemplum, ut se-
quámini vestigia ejus. Qui
peccatum non fecit, nec
inventus est dolus in ore
ejus.

R. br. Quem tu percussisti,
* Persecuti sunt. Quem. **Y.** Et
super dolorem vulnerum me-
orum addiderunt. Persecuti.
Glória Patri. Quem. **Y.** Ipse
vulneratus est propter ini-
quitates nostras. **R.** Attritus
est propter scélera nostra.

Ad Nonam, Aña.

Infer digitum tuum.

Capitulum. 1. Petri 2.

Qui peccata nostra ipse
pertulit in corpore suo
super lignum, ut peccatis
mortui justitiæ vivamus:
cujus livore sanati estis.
R. br. Ipse vulneratus est
* Propter iniquitates no-
stras. Ipse. **Y.** Attritus est
propter scélera nostra. Pro-
pter. **G**lória Patri. Ipse. **Y.**
Disciplina pacis nostræ su-
per eum. **R.** Cujus livore
sanati sumus.

In ij. Vesp. omnia ut in

primis, præter ult. Ps. eujus loco, Ps. Crédidi. 434.

V. Foderunt manus meas et pedes meos. **R.** Dinumeraverunt omnia ossa mea.

Ad Magnificat, Añæ.

Vere languores nostros ipse tulit, et dolores nostros ipse portavit : et nos putavimus eum quasi leprosum, et percussum a Deo, et humiliatum.

Et sit commem. Ferie.

FERIA SEXTA

POST DOM. II. QUADRAG.

De SS. Sindone D. N. J. C.

Duplex majus.

Ad Vesp. Añæ et Capit. de Laud. Ps. Dixit Dominus, cum reliq. de Dñica. 430. et loco ult. Ps. Laudate Dominum, omnes gentes. 134.

Hymnus.

GLORIAM sacræ celebrémus omnes Sindonis : lætis recolamus hymnis,
Et piis votis, monuménta nostræ

Certa salutis ;

Quæ refert semper veneranda Sindon

Sanguine impressis decorata signis,

Dum cruce ex alta tulit involutum

Corpus Iésu.

Reddit hæc sævos ánimo dolores,

Quos tulit, casum miseratus Adæ,

Christus humáni géneris Redemptor,

Morte perempta.

Saucium ferro latus, atque palmas,

Et pedes clavis, lacerata flagris

Membra, et infixam capiti coronam

Monstrat imago.

Quis pius siccis oculis, et absque

Intimi cordis gémitu, notata,

Vivaque indignæ simulacra mortis

Cernere possit ?

Nostra cum solum tibi, Christe, culpa

Causa tantorum fuerit malorum,

Nostra debetur tibi vita : vitam

Dedimus ipsam.

Sit tibi, Fili, decus atque virtus,

Qui tuo mundum redimis cruore,

Quique cum summo Genitore, et almo

Flamine regnas.

Amen.

V. Tuam Sindonem veneramur, Domine. **R.** Tuam gloriosam recolimus passionem.

Ad Magnificat, Añæ.

Joseph, vir bonus et justus, accessit ad Pilatum, et petiit corpus Jesu : quo accepto involvit illud in sindone munda.

Oratio ut ad Laudes.

Et sit commem. Feriæ.

Ad Matutinum, Invitat.

Christum Dóminum qui passionis suæ memóriam in sacra Síndone rénovat, * Veníte, adorémus. **Ps. Veníte. 2.**
Hymnus.

MYSTERIUM mirábile
Hac luce nobis pánditur,

Verus Dei cum Filius
Mortem cruéntam sústinet.

Causam tuéndo sérvuli,
Reíque formam véstiens,
Pro servo herus suspénditur,
Pro sonte justus pléctitur.

Necis manent insígnia
Impréssa sacra in Síndone,
Quæ post triúmphum nóbi-
lem

Corpus cruéntum invólve-
rat.

Sunt mortis hæc, et tártari,
Mundique victi insígnia;
Trophæa sunt hæc ínclýta
Ductóris invictíssimi.

Pebémus ergo hanc grá-
tiam

Nostræ salútis víndici,
Ut dæmonis contra dolos
Hac militémus téssera.

Vitæ vetústæ mórtui,
Surgámus in vitam novam;
Christum secúti per cru-
cem

Christi fruémur glória.

Præsta, Pater piíssime,
Patrique compar Unice,
Cum Spíritu Paráclito

Regnans per omne sæcu-
lum. Amen.

In primo Nocturno.

Añá. Rubrum est indumén-
tum tuum, et vestiménta tua
sicut calcántiũ in torculári.

Ps. Cum invocárem. 154.

Añá. Aspérsus est sanguis
super vestiménta mea, óm-
nia induménta mea inqu-
návi. **Ps.** Consérva me. 11.

Añá. Divisérunt sibi vesti-
ménta mea, et super vestem
meam misérunt sortem. **Ps.**

Dómine, quis habitábit. 10.

Ÿ. Tuam Síndonem vene-
rámur, Dómine. **R.** Tuam
recólimus passionem.

**Lectiones ut in Proprio
Sanctorum, in Festo Septem
Dolorum B. M. V.** 456.

R. j. Ecce vidimus eum non
habéntem spéciem, neque
decórem; aspéctus in eo
non est. Hic peccáta nostra
portávit, et pro nobis dolet;
ipse autem vulnerátus est
propter iniquitátes nostras:

* Cujus livóre sanáti sumus.

Ÿ. Vere languóres nostros
ipse tulit, et dolóres nostros
ipse portávit. Cujus.

R. ij. Quid sunt plagæ istæ
in médio mánuum tuárum?

* Et dicet: His plagátus
sum in domo eórum qui di-
ligébant me. **Ÿ.** Frámea,
suscitáre super pastórem
meum, et super virum co-
hæréntem mihi. Et.

R. iij. Tuam Síndonem vene-
rámur, Dómine; tuam glorió-
sam recólimus passionem:
* miserére nobis, qui passus es

pro nobis. *V.* Salva præséntem catérvam in tuis hódie láudibus congregátam. Miserére. *Gloria Patri.* Miserére.

In secundo Nocturno.

Añs. Quasi absconditus vultus ejus, et despéctus, unde nec reputávimus eum. *Ps.* Dómini est terra. 32.

Añs. Omnes vidéntes me derisérunt me; locúti sunt lábiis et movérunt caput. *Ps.* Dóminus illuminatio. 49.

Añs. Trádidit in mortem ánimam suam, et ipse peccáta multórum tulit. *Ps.* Exaltábo. 51.

V. Adorámus te, Christe, et benedicimus tibi. *R.* Quia per crucem tuam redemísti mundum.

Sermo sancti Ambrósii
Epíscopi.

Lectio iv. In Luc. c. 23.

QUID sibi vult, quod non Apóstoli, sed Joseph et Nicodémus, ut Joánnes dicit, Christum sepéliunt? Unus justus et constans, alter qui erat magíster in Israel. Talis enim Christi est sepúltura, quæ justítiam magisteriúmque hábeat. Obstrúitur igitur tergiversándi locus, et doméstico Judæi testimonio revincúntur. Nam si Apóstoli sepelissent, dicerent útique non sepúltum, quem sepúltum raptum esse dixerunt. Justus autem Christi corpus óperit sín-

done, innocens ungit unguénto. Namque hæc non otiose distíneta reperímus: quia justítia vestit Ecclésiám, innocentia grátiam subministrat.

R. O admirábilis Sindon, *** In qua involútus est thesáurus noster, redemptio captivórum! *V.* Gaudet totus mundus, qui redemptus est ságuine Dómini sui. In.

Lectio v.

VESTI ergo et tu Dómini corpus glória sua, ut et ipse sis justus. Et si mórtuum credis, óperi tamen divinitátis próprie plenítudine; unge illud myrrha, et áloe, ut bonus odor Christi sis. Bonum línteum misit Joseph ille vir justus; et fortásse illud quod Petrus vidit e cœlo ad se esse demíssum, in quo erant génera quadrúpedum, et ferárum, et volúcrum, ad similitúdinem Gentilium figuráta. Mystico igitur unguénto illo pístico consepe-litur Ecclésia, quæ diversitátem populórum fidei suæ communióne sociávit.

R. Tulérunt túnica[m] Joseph fratres ejus, et in ságuine hædi, quem occiderant, tinxérunt, mitténtes qui ferrent ad patrem, et dicerent: *** Hanc invénimus; vide num túnica filii tui sit, an non? *V.* Quam cum agro-

vísset pater, ait: Túnica filii mei est; fera péssima devorávit eum. Hanc.

Lectio vj.

HUNC Joseph justum Lucas dixit, Matthæus divitem; et mérito dives hoc loco dicitur, ubi corpus suscipit Christi; suscipiéndō enim divitem, nescivit fidei paupertatem. Dives est ergo, qui justus est; justus igitur síndone invólvit; Israelita vero et diversos miscet virtutum odóres, et áloes mittit quasi libras centum, hoc est, perféctæ fidei quantitatem. Et ligavérunt corpus Jesu, juxta consuetudinem speciálem Judæórum, non útique nodis perfidiæ, sed fidei ligatúris; et posuérunt in horto, cui fréquénter Ecclésia comparátur, quæ diversórum habet poma meritórum, floresque virtutum.

R. Christus passus est pro nobis, vobis relinquens exemplum, ut sequámini vestigia ejus; * Qui peccatum non fecit, nec invéntus est dolus in ore ejus. **V.** Qui cum maledicerétur, non maledicébat: cum paterétur, non comminabátur. Qui. **Gloria Patri. Qui.**

In tertio Nocturno.

Añá. Caro mea requiescet in spe, quia non dabis sanctum tuum vidére corruptiónem.

Ps. Deus, in nómine. 24.

Añá. Convertisti planetum meum in gáudium mihi: conscidisti saccum meum, et circumdedisti me lætítia.

Ps. Notus in Judæa. 92.

Añá. Factus sum sicut homo sine adjutório, inter mórtuos liber. **Ps.** Dómine Deus. 105.

V. Omnis terra adóret te, et psallat tibi. **R.** Psalmum dicat nómini tuo, Dómine.

Lectio sancti Evangélíi
secúndum Marcum.

Lectio vij. Cap. 15.

IN illo témpore: Cum jam sero factum esset, quia erat Parascève, quod est ante sábbatum, venit Joseph ab Arimathæa nóbilis decúrrio, qui et ipse erat expéctans regnum Dei. Et reliqua.

Homília venerábilis Bedæ,
Presbyteri.

In Fer. 3. Palmarum.

PARASCEVE græce, latine præparátio dicitur, quo nómine Judæi qui inter Græcos morabántur, sextam sábbatí appellábant, eo quod in illa ea quæ requiési sábbatí necessariá essent, præparáre solérent; juxta hoc, quod de manna quondam præcéptum est: Sexta autem die colligétis duplum. Quia ergo sexta die factus est homo, et tota est mundi creatúra perfécta; séptima autem Cónditor ab ópere suo requiévít, unde et hanc

Sabbatum, hoc est, réquiem vóluit appellári : recte Salvátor eádem sexta die crucifixus humanæ restauratiónis implévit arcánium ; ideóque ; cum accepisset accésum , dixit , Consummátum est ; hoc est , sextæ diéi , quod pro mundi refectione suscepí , jam totum est opus explétum. Sabbato autem in sepúlchro requiescens , resurrectionis , quæ octáva die ventúra erat , exspectábat événtum.

ñ. Mercátus est Joseph sindonem mundam , ut invólveret in ea corpus Dómini. * Venit ergo et tulit corpus ejus. **ŕ.** Rogávit Pilátum Joseph ab Arimathæa , ut tólleret corpus Jesu. Venit.

Lectio viij.

VENIT, inquit , Joseph ab Arimathæa nóbilis decúrio , qui et ipse erat expéctans regnum Dei , et audácter introivit ad Pilátum , et pétiit corpus Jesu. Magnæ quidem Joseph iste dignitátis ad sæculum , sed majóris apud Deum mériti fuisse laudáatur. Talem namque existere decébat eum qui corpus Dómini sepelíret , qui et per justítiam meritórum tali ministério dignus esset , et per nobilitátem poténtiæ sæcularis facultátem posset obtinére ministrándi ; non enim quilibet ignótus aut mediócris ad

Præsidem accédere , et Crucifixi corpus póterat impetráre.

ñ. Hæc est Sindon dignissima,* In qua salutis Auctor de cruce depósitus invólvi dignátus est. **ŕ.** Ut nos consepúlti cum eo , vétëris hóminis exúviis depósitis , innocentíæ sindone tegerémur. In. **Glória Patri.** In.

Lectio ix. de Hom. Feriæ.

AD LAUDES ,

et per Horas, Añæ.

1. Joseph nóbilis decúrio , vir bonus , et justus , et ipse dives , erat expéctans regnum Dei. **Ps.** Dóminus regnávít , **cum reliquis de Dñica.** 48.

2. Hic audácter introivit ad Pilátum ; et pétiit corpus Jesu.

3. Cum cognovisset Pilátus a Centurióne , quod jam mórtuus esset , donávit corpus Jesu.

4. Joseph autem mercátus sindonem , et depónens eum invólvit sindone.

5. Pósuit eum in monuménto , in quo nondum quisquam pósitus fúerat.

Capitulum. Isaia 63.

QUIS est iste qui venit de Edom , tinctis véstibus de Bosra ? Iste formósus in stola sua , grádiens in multitúdine fortitúdinis suæ. Ego qui loquor justítiam , et propugnátor sum ad salvándum.

Hymnus.

JESU, dulcis amor meus,
Ac si præsens sis, accédo;
Te compléctor cum afféctu,
Tuórum memor vúlnerum.

O quam nudum hic tecerno,
Vulnerátum, et disténtum,
Inquinátum, involútum
In hoc sacro tégmine!

Salve, caput cruentátum
Spinis, cujus dulcis vultus
Immutávit suum florem,
Quem cœli tremit cúria.

Salve, latus Salvatóris,
Salve, mitis apertúra,
Super rosam rubicúnda,
Medéla salutífera.

Manus sanctæ, vos avéte,
Diris clavis perforátæ:
Ne repéllas me, Salvátor,
De tuis sanctis pédibus. Am.

V. Dóminus regnávit, decó-
rem induit. **R.** Induit Dó-
minus fortitúdinem, et præ-
einxit se virtúte.

Ad Benedictus: Añã.

Joseph nóbilis decúrio, ex-
péctans et ipse regnum Dei,
mercátus est síndonem, et
depónens corpus Jesu, in-
vólvit illud in sídone.

Oratio.

DEUS, qui nobis in sancta
Sídone, qua corpus
tuum sacratíssimum e cruce
depósitum a Joseph involú-
tum fuit, passióis tuæ ve-
stígia reliquisti: concéde
propítius; ut per mortem et
sepultúram tuam, ad resur-
rectiónis glóriam perducá-
mur. Qui vivis et regnas.

Et fit commem. Feriæ.

Ad Tertiam: Añã.

Hic audácter.

Capit. Quis est iste. ccxj.

R. br. Tuam Síndonem *

Venerámur, Dómine. Tuam.

V. Tuam recólimus passió-
nem. Venerámur. **G**lória Pa-
tri. Tuam. **V.** Adorámus te,
Christe, et benedicimus tibi.

R. Quia per mortem tuam
redemísti mundum,

Ad Sextam: Añã.

Cum cognovísset.

Capitulum. Isaie 63.

QUARE ergo rubrum est
induméntum tuum, et
vestiménta tua sicut cal-
cántium in torculári? Tor-
cular calcávi solus, et de
géntibus non est vir mecum.

R. br. Adorámus te, Christe,

* Et benedicimus tibi. Ado-
rámus. **V.** Quia per mortem

tuam redemísti mundum.

Et. Glória Patri. Adorámus.

V. Omnis terra adóret te,

et psallat tibi. **R.** Psalmum

dicat nómini tuo, Dómine.

Ad Nonam, Añã.

Pósuit eum.

Capitulum. Isaie 63.

CIRCUMSPEXI, et non erat
auxiliátor: quæsívi, et
non fuit qui adjuváret: et
salvavit mihi bráchium
meum, et indignatio mea
ipsa auxiliáta est mihi.

R. br. Omnis terra adóret te,

* Et psallat tibi. Omnis. **V.**

Psalmum dicat nómini tuo.

Dómine. **Et. G**lória Patri.

Omnis. **V.** Dóminus regnávít, decórem induit. **R.** Induit Dóminus fortitúdinem, et præcínxit se virtúte.

In j. Vesp. omnia ut in j. præter ult. ejus loco Ps. Voce mea. 147.

Y. Tuam Sindonem venerámur, Dñe. **R.** Tuam gloriósam recólimus passióem.

Ad Magnificat. Ana.

Homo quidam dives ab Arimathæa, nómine Joseph, accépto corpore Jesu, invólvit illud in sindone munda.

Et fit commem. Feriæ.

FERIA SEXTA

POST DOM. III. QUADRAG.

De SS. Quinque Plagis

D. N. J. C.

Duplex majus.

Ad Vesp. , Añæ et Capit. de Laud. Ps. Crédidi, eum reliq. ut in Vesp. Feriæ v. in Cena Domini. 260.

Hymn. Pange, lingua. 224.

V. Vidébunt in quem transfixérunt. **R.** Et dolébunt super eum, ut in morte primogéniti.

Ad Magnificat , Ana.

Dum in cruce pendéret unigénitus Dei Fílius, et ab ómnibus subsannaréture, Mater ejus Virgo María, ipsum verum Deum et hóminem cóndolens venerabátur.

Oratio ut ad Laudes.

Et fit commem. Feriæ.

Ad Matutinum , Invitat.

Christum in cruce confixum, quinque plagis vulne-

rátum, * Veníte, adorémus.

Ps. Veníte, exultémus. 2.

Hymn. Pange lingua. 224.

In primo Nocturno.

Añæ. Quis est iste qui venit de Edom, tinctis véslibus de Bosra? Ps. In Dómino confido. 8.

Añæ. Quare rubrum est indumentum tuum, et vestimenta tua sicut calcantium in torculári? Ps. Dómine, quis habitábit. 10.

Ana. Torcular calcávi solus, et de géntibus non fuit vir mecum. Psalm. Dómini est terra. 32.

Y. Fodérunt manus meas et pedes meos. **R.** Dinumeravérunt ómnia ossa mea.

De Isaia Prophéta.

Lectio j. Cap. 53.

QUIS crédidit auditui nostro, et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti. Non est species ei, neque decor: et vídimus eum, et non erat aspéctus, et desiderávimus eum: despéctum, et novíssimum virórum, virum dolórum, et sciéntem infirmitátem, et quasi absconditus vultus ejus, et despéctus, unde nec reputávimus eum. Vere languóres nostros ipse tulit, et dolóres nostros ipse portávit: et nos putávimus eum quasi leprósum, et percússum a Deo,

et humiliatum. Ipse autem vulneratus est propter iniquitates nostras, attritus est propter scelera nostra: disciplina pacis nostræ super eum, et livore ejus sanati sumus.

R. Gratificavit nos Deus in dilecto Filio suo: * In quo habemus redemptionem per sanguinem ejus, in remissionem peccatorum. *V.* Ecce venit plenitudo temporis, in quo misit Deus Filium suum in terras. In.

Lectio ij.

OMNES nos quasi oves erravimus, unusquisque in viam suam declinavit: et posuit Dominus in eo iniquitatem omnium nostrum. Oblatus est quia ipse voluit et non aperuit os suum. Sicut ovis ad occisionem ducetur, et quasi agnus coram tondente se obmutescet, et non aperiet os suum. De angustia et de iudicio sublatus est: generationem ejus quis enarrabit? quia abscissus est de terra viventium: propter scelus populi mei percussus eum. Et dabit impios pro sepultura, et divitem pro morte sua: eo quod iniquitatem non fecerit, neque dolus fuerit in ore ejus. Et Dominus voluit contedere eum in infirmitate.

R. Nos, qui aliquando eramus longe, facti sumus prope per sanguinem Jesu Christi:

* Ipse est pax nostra, qui fecit utraque unum. *V.* A Domino factum est istud, et est mirabile in oculis nostris. Ipse.

Lectio iij. Cap. 63.

QUIS est iste, qui venit de Edom, tinctis vestibus de Bosra? Iste formosus in stola sua, gradiens in multitudine fortitudinis suæ. Ego qui loquor justitiam, et propugnator sum ad salvandum. Quare ergo rubrum est indumentum tuum, et vestimenta tua sicut calcantium in torculari? Torcular calcavi solus, et de gentibus non est vir mecum; calcavi eos in furore meo, et conculcavi eos in ira mea et aspersus est sanguis eorum super vestimenta mea, et omnia indumenta mea inquinavi; dies enim ultionis in corde meo, annus redemptionis meæ venit. Circumspexi, et non erat auxiliator; quæsi vi, et non fuit qui adjuvaret.

R. In primogenito ex mortuis complacuit omnem plenitudinem divinitatis inhabitare, et per eum reconciliari omnia in ipsum: * Pacificans per sanguinem crucis ejus, sive quæ in cœlis, sive quæ in terris sunt.

V. Ipse est caput corporis Ecclesiæ, in omnibus primatum tenens. Pacificans.

Gloria Patri. Pacificans.

In secundo Nocturno.

Añã. Foderunt manus meas

et pedes meos; dinumeraverunt omnia ossa mea. **Ps.**

Deus, Deus meus, respice. 34.

Añã. A planta pedis usque ad verticem non est in eo sanitas. **Ps.** Jubilate Deo, omnis terra, psalmum. 81.

Añã. Vulnus, et livor, et plaga tumens non est circumligata, nec curata medicamine, neque fota oleo.

Ps. Notus in Judæa. 92.

Ÿ. Vere languores nostros ipse tulit. **R.** Et dolores nostros ipse portavit.

De Sermone sancti Bernardi Abbatis.

Lectio iv.

Lib. de Pass. Dñi, Cap. 41.

CAPTUS ergo Jesus, post plurimas illusiones tam Judæorum quam Gentium: post sanguinis plures effusiones, clavis immittibus manibus simul et pedibus perforatur, et configitur ligno Crucis Salvator noster mitissimus Jesus. Intuere, et respice rosam passionis sanguineæ, quomodo rubet in indicium ardentissimæ charitatis. Contendunt passio et charitas: ista, ut plus ardeat; illa, ut plus rubeat.

R. Per mortem destruxit Jesus eum qui mortis habebat imperium: * Ut liberaret eos qui timore mortis obnoxii erant servituti. **V.** Unde debuit per omnia fratribus assimilari, ut misericors fieret. Ut.

Lectio v.

VIDE quomodo hoc flore rosæ floruerit optima vitis nostra, rubicundus Jesus. Vide totum corpus, sicubi rosæ sanguineæ florem non invenias. Inspice manum unam, et alteram, si florem rosæ non invenias in utraque. Inspice pedem unum, et alterum; numquid non rosei? Inspice lateris aperturam, quia nec illa caret rosa, quamvis ipsa subrubea sit, propter mixturam aquæ; quia, sicut narrat Evangelista, cum unus militum lancea latus ejus perforasset, exiit sanguis et aqua.

R. Per hominem mors, et per hominem resurrectio mortuorum: * Et sicut in Adam omnes peccaverunt, ita in Christo omnes vivificantur. **V.** Novissime autem inimica destruetur mors. Et. Ex eodem divo Bernardo.

Lectio vj.

Serm. de Pass. Domini.

RESPICE, Domine, sancte Pater, de sanctuario tuo, et de excelsis cœlorum habitaculo, et intuere hanc sacrosanctam hostiam, quam tibi offert magnus Pontifex noster, sanctus puer tuus Dominus Jesus, pro peccatis fratrum suorum; et esto placabilis super multitudinem malitiæ nostræ. Cognosce, Pater, tunicam filii tui Jo-

seph. Heu! fera péssima devoravit eum, et conculcavit in furóre suo vestiméntum ejus: ecce quinque scissúras lamentábiles in eo reliquit.

R. Vidémus Jesum propter passióem mortis, glória et honóre coronátum : * Ut pro ómnibus gustáret mortem.

Y. Decébat eum, qui multos filios in glóriam addúxerat, auctórem salutis eórum per passióem consummári. Ut.

Glória Patri. Ut.

In tertio Nocturno.

Añá. Quid sunt plagæ istæ in médio mánuum tuárum?

Psalm. Cantáte Dómino, cum reliq. de Comm. cxij.

Añá. His plagátus sum in domo eórum qui me diligébant.

Añá. In amaritúdine sermo meus est, et manus plagæ meæ aggraváta est super gémitum meum.

Y. Ipse vulnerátus est propter iniquitátes nostras. **R.** Attritus est propter scélera nostra.

Lectio sancti Evangélii secundum Joánnem.

Lectio vij. Cap. 19.

In illo témpore : Sciens Jesus quia ómnia consummáta sunt, ut consummarétur Scriptúra, dixit : Sitio. Et réliqua.

Homilia sancti Cyrilli

Episcopi Alexandríni.

Lib. 12. Comm. in Joann.

Cum ab immánibus Judæis omnis in Christum

expléta esset impietas, nec quidquam jam ad summam crudelitátem réliquum esset, ad extrémū caro Christi sanctissima próprium quiddam ac naturále rursus patitur. Multis enim ac váriis dolóribus exsiccáta, siti torquétur. Graves síquidem dolóres magnam ad sitim commovéndam vim habent, naturáli quodam et inexplícabili calóre húmidum consuméntes, et ígneis ardóribus præcórdia uréntes.

R. Manifestáta est grátia Dei per illuminationem Salvatóris nostri Jesu Christi :

* Qui destrúxit mortem, illuminávit autem vitam in incorruptionem. **Y.** Liberávit, et vocávit nos vocatióne sua sancta per grátiam, quæ data est nobis in Christo. Qui.

Lectio viij.

CONSUMMATUM esse ait impietátis judáice modum, et impoténtem sæviéendi ánimum. Quid enim Judæi intentátum reliquérent, aut quid non extrémæ crudelitátis adhibuérunt? Quod supplicii aut contuméliæ genus prætermisérunt? Quámobrem jure, Consummátum est, ait; sed hora jam eum ad prædicándum spiritibus, qui apud inferos erant, invitánte (advénit enim ut mortuórum ac vivórū dominarétur), ipsam

pro nobis mortem suscepit, communem hanc naturæ nostræ passionem sustinuit in carne sua. Cum autem Jesum caput inclinasse comperissent, et jam cum expirasse putarent; frustra ejus crura confringi existimant; sed cum adhuc mortuum esse nonnihil diffiderent, lancea latus ejus perfodiunt, unde cruor aqua mixtus scatūriit, quod Eulogiæ mysticæ et sancti baptismatis imago quædam erat atque primitiæ. Christi enim est vere et a Christo sanctum baptisma, et mysticæ Eulogiæ vis ex sancta ejus nobis carne prædiit.

R. Dignus es, Dómine, accipere librum, et aperire signacula ejus, quóniam occisus es, et redemisti nos Deo. In ságuine tuo.

V. Fecisti enim nos Deo nostro regnum, et sacerdotes. In. Glória Patri. In.

Lectio ix. de Hom. Feriæ

AD LAUDES,

et per Horas, Anæ.

1. Vere languóres nostros ipse tulit, et dolóres nostros ipse portávit. *Ps.* Dóminus regnávit, *cum reliq.* 18.

2. Ipse autem vulnerátus est propter iniquitátes nostras, attritus est propter scélera nostra.

3. Alligávit Dóminus plagam pópli sui, et percussuram ejus sanávit.

4. Omnis qui transibit, stupébit super omnes plagas ejus.

5. O vos omnes, qui transitis per viam, atténdite, et vidéte si est dolor sicut dolor meus.

Capitulum. Isaïæ 53.

CHRISTUS vulnerátus est propter iniquitátes nostras, attritus est propter scélera nostra: cujus livóre sanáti sumus.

Hymn. Lustra sex. 229.

V. Vidébunt in quem transfixérunt. *R.* Et dolébunt super eum, ut in morte primogéniti.

Ad Benedictus. Anæ.

Unus militum lancea latus ejus apérui, et continuo exívit sanguis et aqua.

Oratio.

DEUS, qui unigéniti Fílii tui passióne, et per quinque Vúlnera ejus Sanguinis effusióne, humánam naturam peccáto pérditam reparásti: tribue nobis, quæsumus; ut qui ab eo suscepta Vúlnera venerámur in terris, ejúsdem pretiosíssimi Sanguinis fructum cónsequi mereámur in cœlis. Per eúndem Dóminum.

Et sit commemor. Feriæ.

Ad Tertiam. Anæ.

Ipse autem.

Capit. Christus. supra.

R. br. Fodérunt manus meas,

* Et pedes meos. Fodérunt.

V. Dinumeravérunt ómnia

ossa mea. Et. **G**loria Patri.
Foderunt. **Ÿ**. O vos omnes,
qui transitis per viam. **Ů**.
Attendite, et videte dolorem
meum.

Ad Sextam. Añæ.

Alligavit Dominus.

Capitulum. Isaie 59.

FACIEM meam non averti
ab increpantibus, et con-
spuentibus in me : Dominus
Deus auxiliator meus, et
ideo non sum confusus.

R. br. Vere languores no-
stros * Ipse tulit. Vere. **Ÿ**.
Et dolores nostros ipse por-
tauit. Ipse. **G**loria Patri.
Vere. **Ÿ**. Disciplina pacis
nostræ super eum. **Ů**. Et li-
vore ejus sanati sumus.

Ad Nonam. Añæ.

O vos omnes.

Capitulum. Isaie 53.

TRADIDIT Christus in mor-
tem animam suam, et
cum sceleratis reputatus
est : et ipse peccata mul-
torum tulit, et pro trans-
gressoribus rogavit.

R. br. Ipse vulneratus est
* Propter iniquitates no-
stras. Ipse. **Ÿ**. Attritus est
propter scelera nostra. Pro-
pter. **G**loria Patri. Ipse. **Ÿ**.
Oblatus est, quia ipse voluit.
Ů. Et non aperuit os suum.

**In ij. Vesperis omnia ut
in primis.**

Ÿ. Vidébunt in quem
transfixerunt. **Ů**. Et dolé-
bunt super eum, ut in mor-
te primogeniti.

Ad Magnificat. Añæ.

Ego sum vestra redemptio :
manus meæ, quæ vos fecé-
runt, clavis confixæ sunt ;
propter vos flagellis cæsus
sum, spinis coronatus
sum ; aquam petii pen-
dens, et acétum porrexé-
runt : in escam meam fel
dedérunt, et in latus lán-
ceam : mortuus, et sepultus
resurrexit : vobiscum sum,
et vivo in ætérnum.

Et fit commem. Ferie.

FERIA SEXTA

POST DOM. IV. QUADRAG.

De pretiosissimo Sanguine

D. N. J. C.

Duplex majus.

Ad Vesperas. Añæ.

1. Quis est iste qui venit
de Edom, tinctis véslibus
de Bosra ? Iste formósus in
stola sua. **Ps. Dixit Dómi-
nus. cum reliq. de Dñica.**
130. et loco ult. **Ps. Laudá-
te Dóminum, omnes gentes.**
134.

2. Ego qui loquor justí-
tiam, et propugnátor sum
ad salvándum.

3. Vestitus erat veste aspér-
sa ságuine, et vocátur
nomen ejus Verbum Dei.

4. Quare ergo rubrum est
indumentum tuum, et ve-
stiménta tua sicut calcán-
tium in torculári ?

5. Torcúlar calcávi solus,
et de géntibus non est vir
mecum.

Capitulum ut ad Laudes.

Hymnus.

FESTIVIS résonent cômputa
 vóci- bus ,
 Cives lætiti- am fróntibus ex-
 plicent ,
 Tædis flammíferis órdine
 pródeant
 Instrúcti púeri et senes.
Quem dura móriens Chri-
 stus in árbore
 Fudit multiplici vúl-
 nere
 Sanguinem ,
 Nos facti mémoires dum có-
 limus , decet
 Saltem fúndere lácrymas.
Humáno géneri pernícies
 gravis
 Adámi vétérís crimine cón-
 tigit :
 Adámi intégritas et pietas
 novi
 Vitam réddidit ómnibus.
Clamórem válidum sum-
 mus ab æthere
 Languéntis Géniti si Pater
 audiit ,
 Placári pótius ságuine dé-
 buit ,
 Et nobis véniam dare.
Hoc quicúmque stolam sán-
 guine próluit ,
 Abstérgit máculas , et ró-
 seum decus ,
 Quo fiat símilis prótinus
 Angelis ,
 Et Regi placeat , capit.
A recto instábilis trámite
 póstmodum
 Se nullus rétrahat , meta
 sed última
 Tangátur : tribuet nóbile
 præmium ,

Qui cursum Deus áduvat.
Nobis propítius sis , Géní-
 tor potens ,
 Ut quos unígenæ Sanguine
 Filii
 Emísti , et plácido Flámíne
 récreas ,
 Coeli ad cúlmina tránsfe-
 ras. Amen.
V. Redemísti nos , Dó-
 mine , in ságuine tuo. **R.**
 et fecísti nos Deo nostro
 regnum.

Ad Magnificat. Añña.

Accessístis ad Sion mon-
 tem , et civitátem Dei vi-
 véntis , Jerúsalem cœlé-
 stem , et testaménti novi
 mediatórem Jesum , et
 ságuinis aspersionem mé-
 lius loquéntem quam Abel.

Oratio ut ad Laudes.

Et fit commem. Feriæ.

Ad Matutinum, Invitat.

Christum Dei Filium , qui
 suo nos redémit Sanguine ,
 * Veníte , adorémus. **Psalm.**
 Venite , exultémus. 2.

Hymnus.

TRA justa Conditóris
 Imbre aquárum víndice
 Criminósum mersit orbem ,
 Noe in arca sóspite :
 Mira tandem vis amóris
 Lavit orbem Sanguine.
 Tam salúbri terra felix
 Irrigáta plúvia ,
 Ante spinis quæ scatébat ,
 Germinávit flósculos :
 Inque néctaris sapórem
 Transiére absínthia.
 Triste prótinus venénium

Dirus anguis p̄suit,
Et cruēta belluārum
Désiit ferōcia :
Mitis Agni vulnerāti
Hæc fuit victōria.

O sciētiæ sup̄ernæ
Altitudo imp̄rvia !
O suāvitas benigni
Prædicāda p̄ctoris !
Servus erat morte dignus ,
Rex luit p̄nam opt̄imus.

Quando culpis provocāmus
Ultiōnem iūdicis ,
Tunc loquētis protegāmur
Sanguinis præsētia ,
Ingruētiū malōrum
Tunc recēdant āgmina.

Te redēptus laudet orbis,
Grata servans mūnera ,
O salutis sempiternæ
Dux et auctor inclyte ,
Qui tenes beāta regna
Cum Parēnte , et Sp̄ritu.

Amen.

In primo Nocturno.

Añā. Postquam consum-
māti sunt dies octo, ut cir-
cumciderētur puer , vocā-
tum est nomen ejus Jesus.

Ps. Quare fremuerunt. 4.

Añā. Factus in agonia, pro-
lixius orabat, et factus
est sudor ejus sicut guttæ
sanguinis decurrētis in
terram. **Ps.** Dómine, quid
multiplicāti. 5.

Añā. Judas, qui eum trá-
didit, p̄nitētia ductus,
rétulit triginta argēteos,
dicens : Peccāvi, tradens
Sanguinem justum. **Psal.**
Consérva me. 11.

Y. Redemisti nos, Dómine.
R. In Sanguine tuo.

De Epístola beāti Pauli
Apóstoli ad Hebræos.

Lectio j. Cap. 9.

CHRISTUS assistens Pónti-
fex futurórum bonórum,
per ámplius et perféctius
tabernáculum non manufá-
ctum, id est, non hujus
creatiōnis : neque per san-
guinem hircórum aut vitu-
lórum, sed per próprium
Sanguinem introivit semel
in Sancta, ætérna redem-
ptiōne invēta. Si enim san-
guis hircórum et taurórum,
et cinis vítulæ asp̄sus
inquinátos sanctificat ad
emundatiōnem carnis :
quanto magis Sanguis Chri-
sti, qui per Sp̄ritum san-
ctum semetipsū obtulit
immaculátum Deo, emun-
dābit consciētiā nostrā
ab op̄eribus mórtuis, ad
serviēdum Deo vivēti? Et
ídeo novi testamēti mediā-
tor est, ut, morte interce-
dēte, in redemptiōnem
eārum prævaricatiōnum,
quæ erant sub prióri testa-
mēto, repromissiōnem ac-
cípiant, qui vocāti sunt
ætérnæ hæreditátis.

ij. Jesus, ut sanctificáret per
suum Sanguinem pópulum,
extra portam passus est,
* Exeāmus igitur ad eum
extra castra, impropériū
ejus portātes. **Y.** Nondum
enim usque ad sanguinem

restitistis adversus peccatum repugnantes. Exeamus.

Lectio ij.

UBI enim testamentum est, mors necesse est intercedat testatoris. Testamentum enim in mortuis confirmatum est: alioquin nondum valet, dum vivit qui testatus est. Unde nec primum quidem sine sanguine dedicatum est. Lecto enim omni mandato legis a Moyse universo populo; accipiens sanguinem Vitulorum et hircorum cum aqua, et lana coccinea, et hyssopo; ipsum quoque librum, et omnem populum aspersionem, dicens: Hic sanguis testamenti, quod mandavit ad vos Deus. Etiam tabernaculum et omnia vasa ministerii sanguine similiter aspersionem. Et omnia pene in sanguine secundum legem mundantur, et sine sanguinis effusione non fit remissio.

R. Moyses sumptum sanguinem respersionem in populum: * Et ait: Hic est sanguis fœderis, quod pepigit Dominus vobiscum. **V.** Fide celebravit Pascha et sanguinis effusionem, ne qui vastabat primitiva, tangeret eos. Et.

Lectio iij. Cap. 10.

HABENTES itaque, fratres, fiduciam in introitu sanctorum in Sanguine Christi, quam initiavit nobis viam novam, et viventem per ve-

lumen, id est carnem suam, et Sacerdotem magnum super domum Dei, accedamus cum vero corde in plenitudine fidei, aspersionem corda a conscientia mala, et abluti corpus aqua munda, teneamus spei nostrae confessionem indeclinabilem (fidelis enim est, qui repromisit): et consideremus invicem in provocationem charitatis et bonorum operum.

R. Vos, qui aliquando eratis longe, facti estis prope in Sanguine Christi: * Ipse enim est pax nostra, qui fecit utraque unum. **V.** Complacuit per eum reconciliare omnia in ipsum, pacificans per Sanguinem crucis ejus, sive quæ in terris, sive quæ in cælis sunt. Ipse. **Gloria Patri. Ipse.**

In secundo Nocturno.

Añ. Pilatus volens populo satisfacere, tradidit illis Jesum flagellis cæsum. **Ps.** Dominus regit me. 34.

Añ. Videns autem, quia nihil proficeret, accepta aqua, lavit manus coram populo, dicens: Innocens ego sum a sanguine justis hujus. **Ps.** Exaltabo. 31.

Añ. Et respondens universus populus, dixit: Sanguis ejus super nos, et super filios nostros. **Ps.** Exaudi Deus... cum deprecor. 80.

V. Sanguis Jesu Christi Filii Dei. **R.** Emundat nos ab omni peccato.

Sermo sancti Joannis

Chysostomi.

Lectio iv.

VULTIS Sanguinis Christi audire virtutem? Redeamus ad ejus exemplum, et priorem typum recordemur, et pristinam scripturam narremus. In Ægypto, nocte média, Ægyptiis Deus plagam decimam minabatur, ut eorum primogénita deperirent, quia primogénitum ejus populum detinebant. Sed ne amata plebs Judæorum una cum illis periclitaretur, quia unus locus continébat universos, remedium discretiónis inventum est. Proinde exemplum mirabile, ut discas in veritate virtutem. Ira divínæ indignationis sperabatur, et domos singulas mortifer circuibat. Quid igitur Moyses? Occidite, inquit, agnum anniculum, et sanguine ejus linite januas. Quid ais, Moyses? Sanguis ovis rationalem hominem liberare consuevit? Valde, inquit; non eo quod sanguis est, sed quia Domínici Sanguinis per eum demonstratur exemplum.

R. In timóre incolátus vestri conversámini: * Sciéntes quod non corruptíbilibus auro vel argénto redempti estis. **V.** Sed pretiósó Sanguine quasi agni immaculáti Christi. Sciéntes.

Lectio v.

NAM sicut regnantium statuae, quæ sine causa sunt et sermone, nonnumquam ad se confugiéntibus hominibus, ánima et ratione decorátis, subvenire consueverunt, non quia sunt ære confectæ, sed quia rétinent imáginem principalem; ita et sanguis ille, qui irrationalis fuit, ánimas habéntes homines liberávit, non quia sanguis fuit, sed quia hujus Sanguinis ostendébat adventum. Et tunc Angelus ille vastátor, cum linítos postes atque áditus pervidéret, transjécit gressus, et non est ausus intráre. Nunc ergo si viderit inimicus non póstibus impósitum sanguinem typi, sed fidélium ore lucéntem Sanguinem veritátis Christi templi póstibus dedicátum, multo magis se súbtrahet. Si enim Angelus cessit exémplo, quanto magis terrébitur inimicus, si ipsam perspéxerit veritátem? Vis et áliam hujus Sanguinis scrutári virtutem? Volo. Unde primum cucúrrit inspicias, et de quo fonte manávit. De ipsa primum cruce processit: latus illud Domínicum inítium fuit. Mórtuo enim, ait, Jesu, et adhuc in cruce pendente, appróximat miles, latus lancea percússit, et exínde aqua fluxit et sanguis, unum baptismatis syra-

bolum, aliud sacramenti. Ideo non ait: Exiit sanguis et aqua; sed, exiit aqua primum et sanguis: quia primum baptismo diluimur, et postea mysterio dedicamur.

R. Empti estis pretio magno: * **Glorificáte**, et portáte Deum in corpore vestro. **V.** Pretio empti estis: nolite fieri servi hominum. **Glorificáte**.

Lectio vij.

LATUS miles aperuit, et templi sancti parietem patefecit. Et ego thesaurum praeclarum inveni, et fulgentes divitias me gratulor reperire. Sic et de illo agnoscit factum est. Judaei ovem occiderunt, et ego fructum de sacramento cognovi. De latere sanguis et aqua. Nolo tam facile, auditor, transeas tanti secreta mysterii. Restat enim mihi mystica atque secretalis oratio. Dixi baptismatis symbolum et mysteriorum, aquam illam et sanguinem demonstrare. Ex his enim sancta fundata est Ecclesia per lavacri regenerationem, et renovationem Spiritus sancti. Per baptismam, inquam, et mysteria, quae ex latere videntur esse prolata. Ex latere igitur suo Christus aedificavit Ecclesiam, sicut de latere Adam ejus conjux Eva prolata est. Nam hac de causa Paulus quoque testatur, dicens: De corpore ejus et de ossibus

ejus sumus: latus videlicet illud significans. Nam sicut de illo latere Deus fecit foeminam procreari: sic et de suo latere Christus aquam nobis et sanguinem dedit, unde repararetur Ecclesia.

R. Commendat charitatem suam Deus in nobis: * Quoniam cum adhuc peccatores essemus, secundum tempus Christus pro nobis mortuus est. **V.** Multo igitur magis nunc justificati in Sanguine ipsius, salvi erimus ab ira per ipsum. Quoniam. **Gloria Patri. Quoniam.**

In tertio Nocturno.

Añs. Exiit ergo Jesus, portans coronam spineam et purpureum vestimentum, et dicit eis: Ecce homo. **Ps.** Ut quid Deus repulisti. 90.

Añs. Et bajulans sibi crucem, exiit in eum, qui dicitur Calvariae, locum, ubi crucifixerunt eum. **Ps.** Domine Deus salutis. 103.

Añs. Ut viderunt eum jam mortuum, non fregérunt ejus crura, sed unus militum lancea latus ejus aperuit, et continuo exiit sanguis et aqua. **Ps.** Deus ultionum. 108.

V. Christus dilexit nos. **R.** Et lavit nos a peccatis nostris in Sanguine suo.

Lectio sancti Evangelii secundum Joannem.

Lectio vij. Cap. 19.

In illo tempore: Cum accepisset Jesus acetum, di-

xit : Consummátum est. Et inclináto cápite, trádidit spiritum. Et reliqua.

Homilia S. Augustíni Episc.

Tract. 120. in Joannem.

VIGILANTI verbo Evangelista usus est, ut non diceret : Latus ejus percússit, aut vulnerávit, aut quid aliud, sed, apérui : ut illic quodámmodo vitæ óstium panderétur, unde Sacraménta Ecclesiæ manavérunt, sine quibus ad vitam, quæ vera vita est, non intrátur. Ille Sanguis qui fusus est, in remissionem fusus est peccatórum. Aqua illa salutáre témperat póculum, hæc et lavácrum præstat et potum. Hoc prænuntiábat quod Noe in látere arcæ óstium fácere jussus est, qua intrárent animália, quæ non erant dilúvio peritúra, quibus præfigurabátur Ecclesiá. Propter hoc prima múliefacta est de látere viri dormiéntis, et appelláta est vita, matérque vivórum. Magnum quippe significávit bonum, ante magnum prævaricatiónis malum. Hic secúndus Adam, inclináto cápite, in cruce dormívit, ut inde formarétur ei conjux, quæ de látere dormiéntis efflúxit. O mors, unde mórtui revivíscent ! Quid isto Sanguine múnus ? Quid vúlneris isto salúbrius ? **R.** Hic est, qui venit per aquam et ságuinem, Jesus

Christus : * Non in aqua solum, sed in aqua et ságuine. **Y.** In die illa erit fons patens dómui David, et habitántibus Jerúsalem in ablutióne peccatóris. Non.

Lectio viij.

TENEbantur hómines captívi sub diábolo, et dæmónibus serviébant, sed redempti sunt a captivitate. Véndere enim se potuérunt, sed redímere non potuérunt. Venit Redemptor, et dedit prétium : fudit Sanguinem suum, et emit orbem terrarum. Quæritis quid émerit ? Vidéte quid déderit, et inveniétis quid émerit, Sanguis Christi prétium est. Tanti quid valet ? Quid, nisi totus orbis ? Quid, nisi omnes gentes ? Valde ingrati sunt prétio suo, aut multum supérbi sunt, qui dicunt, aut illud tam parum esse, ut solos Afros émerit, aut se tam magnos esse, pro quibus solis illud sit datum. Non ergo exúltent, non supérbiant : pro toto dedit, quantum dedit.

R. Prædestinávit nos Deus in adoptiōnem filiōrum per Jesum Christum : * In quo habémus redemptionem per Sanguinem ejus. **Y.** Remissionem peccatórum secúndum divítias grátiae ejus, quæ suprabundávit in nobis. In Glória Patri. In.

Lectio ix. de Hom. Fer.

AD LAUDES,

et per Horas, Añæ.

1. Hi, qui amicti sunt stolis albis, qui sunt, et unde venérunt? Ps. Dóminus regnavit, cum reliq. 18.

2. Hi sunt qui venérunt de tribulatióne magna, et lavérunt stolas suas in Sanguine Agni.

3. Ideo sunt ante thronum Dei, et sérviant ei die ac nocte.

4. Et ipsi vicérunt dracónem propter Sanguinem Agni, et propter testaméntum Verbi sui.

5. Beáti qui lavant stolas suas in Sanguine Agni.

Capitulum. Hebr. 9.

FRATRES, Christus assistens Póntifex futurórum bonórum, per ámplius et perféctius tabernáculum non manufactum, id est, non hujus creatiόνis; neque per sanguinem hircórum aut vitulórum, sed per próprium Sanguinem introívit semel in Sancta, æténa redemptiόνem invénta.

Hymnus.

SALVETE, Christi vúlnera, Imménsi amoris pignora,

Quibus perénnes rívoli Manant rubéntis Sanguinis.

Nitóre stellas vinctis,

Rosas odóre et bálsama,

Prétio lapillos índicos,

Mellis favos dulcédine.

Per vos patet gratíssimum

VERNA.

Nostris asyllum méntibus,
Non huc furor minántium
Unquam penétrat hóstium.

Quot Jesus in Prætorio

Flagélla nudus éxcipit!

Quot scissa pellis úndique

Stillat cruóris gúttulas!

Frontē venústā, proh dolor!

Coróna pungit spínea,

Clavi retúsa cúspide

Pedes manúsque pérforant.

Postquam sed ille trádedit

Amans volénsque spíritum,

Pectus ferítur lancea,

Geminúsque liquor éxilit.

Ut plena sit redemptio,

Sub torculári stríngitur,

Suíque Jesus immemor

Sibi nil resérvat Sanguinis.

Veníte, quotquot criminum

Funésta labes inficit:

In hoc salútis báneo

Qui se lavat, mundábitur.

Summi ad Paréntis dexterā.

Sedénti habénda est grátia,

Qui nos redémit Sanguine,

Sanctóque firmat Spíritu.

Amen.

V. Justificáti in Sanguine

Christi. R. Salvi érimus ab

ira per ipsum.

Ad Benedictus. Añæ.

Erit sanguis agni vobis in

signum, dicit Dóminus: et

vidébo sanguinem, et trans-

ibo vos, nec erit in vobis

plaga dispérens.

Oratio.

OMNIPOTENS sempitérne

Deus, qui unigénitum

Filium tuum mundi Redem-

ptórem cónstituísti, ac ejus

Sánguine placári voluisti :
concéde, quæsumus, salutis
nostræprétium solémni cul-
tu ita venerári, atque a præ-
séntis vitæ malis ejus virtúte
deféndi in terris, ut fructu
perpétuo lætémur in cœlis.
Qui tecum vivit.

Et fit com. Feriæ.

Ad Primam, in R̃. br. Y.

Qui tuo nos Sanguine rede-
misti.

Ad Tertiam, Añã.

Hi sunt qui venérunt.

Capit. Fratres, Christus.

R̃. br. Redemisti nos, Dó-
mine, * In sânguine tuo.
Redemisti. *Y.* Ex omni tri-
bu, et lingua, et pópulo, et
natióne. In. Glória Patri.
Redemisti. *Y.* Sanguis Jesu
Christi Filii Dei. *R̃.* Emún-
dat nos ab omni peccáto.

Ad Sextam, Añã.

Ideo sunt.

Capit. Hebr. 9. d

SI sanguis hircórum et tau-
rórurum, et cinis vitulæ
aspérsus iniquinátos sancti-
ficat ad emundatióem car-
nis : quanto magis Sanguis
Christi, qui per Spíritum
sanctum semetípsum óbtulit
immaculátum Deo, emundá-
bit consciéntiam nostram ab
opéribus mórtuis, ad ser-
viéndum Deo vivénti?

R̃. br. Sanguis Jesu Christi,
Filii Dei * Emúndat nos.
Sanguis. *Y.* Ab omni peccáto.
Emúndat. Glória Patri. San-
guis. *V.* Christus diléxit

nos. *R̃.* Et lavit nos in Sán-
guine suo.

Ad Nonam, Añã.

Beáti.

Capit. Hebr. 9. d

ACCIPIENS Moyses sângui-
nem vitulórum et hircó-
rum, cum aqua et lana coc-
cínea, et hyssópo, ipsum
quoque librum et omnem
pópulum aspérsit, dicens :
Hic sanguis testaménti,
quod mandávit ad vos Deus.
R̃. br. Christus diléxit nos,
et lavit nos * In sânguine
suo. Christus. *Y.* Et fecit nos
regnum, et sacerdótes Deo
et Patri. In. Glória Patri.
Christus. *Y.* Justificáti in
Sánguine Christi. *R̃.* Salvi
érimus ab ira per ipsum.

In ij. Vesp. omnia ut in
j. præter ult. Ps. ejus loco.
Lauda Jerúsalem. 151.

Y. Te ergo quæsumus, tuis fá-
mulis súbveni. *R̃.* Quos pre-
tíoso Sânguine redemisti.

Ad Magnificat, Añã.

Habébitis autem hunc diem
in monuméntum, et cele-
brábitis eum solémnem Dó-
mino in generatióibus ve-
stris cultu sempitérno.

Et fit commem. Feriæ.

DIE XI. FEBRUARII.

In Festo BB. Septem Funda-
torum Ordinis Sêrvorum

B. M. V. Confessorum.

Duplex.

Omnia de Comm. Conf. non
Pont. lxxxiv. præter seq

In j. Vesp. Capit. Laud

Hymnus.

JAM nimis terris facinus
per omne
Noxa regnabat sine lege
aberrans,
Inque peccantes Súperi to-
nábant

Víndice dextra :

Quando lugéndis miseráta
fatis

Virgo septénos Próceres co-
rúscos

Sáanguine , et claros pietáte
multa

Cœlitus accit.

Accit afflētis pópulis pián-
dis

A tot ærúmnis , máculis ,
ruínis ;

Accit, et semper sibi servi-
túros

Strénuo amóre.

Veste lugúbri induit , ut
dolóres

Défleant ejus, mage dum fe-
ráli

In trabe infánda périit
cruénte.

Diva Propágo.

Fílios rursus vocitávit om-
nes,

Ut velut Matrem studiósè
amántem

Créderent ipsam , pária et
reférrent

Pignora amóris.

Hunc quis exússit chari-
tátis ignis

Pectus ipsórum ! Date ,
quæso , Patres ,

Fílios vestros páribus beátis
Ignibus uri.

Tu , Pater, præsta , tribue
et Redémptor,
Tuque da nobis , Paráclite
summe ,
Virginem Matrem cólere ,
ac amáre.

Flere et in ævum. Am.

Ÿ. Oráte pro nobis , septem
beáti Patres. R. Ut digni
efficiámur promissiônibus
Christi.

Ad Magnificat. Aññ.

Isti sunt viri misericórdiæ ,
quorum pietátes non defué-
runt. Semen eórum, et gló-
ria eórum non derelinqué-
tur.

Oratio ut ad Laudes.

Gem. Feriæ Quadrag.

Ad Matutinum. Invitat.

Mirábilem Dóminum in ser-
vis Deíparæ, * Veníte, ado-
rémus. Ps. Veníte. 2.

Hymnus.

PRÆCLARA septem lúmina
Tusci micántis ætheris ,
Vos Virgo Mater éxcitat ,
Ut luce mundus spléndeat.
Vos labra lacte pérлита
Servos Mariæ nóinant ;
Tum Virgo vos Senários
Adire colles imperat.
Vos ipsa Mater inclyta
Funébri pállio induit,
Ut defleátis vúlnera ,
Quæ pértulit, sævíssima.
Hoc ipsa cœli e cúlmine
Petro revélat mártýri ,
Jubétque cœtum pépetem
Hinc pósteris constitui ,
Qui famuléntur júgiter,
Ipsámque semper diligant,

Colant, propágent, prædicent

Ejus dolóres flébiles.

Quæso, duces fortíssimi,
Ah! vos sequámur strénue;
Ardor, dolórque férvidus
In Virginem nos óccupent.
Et tu, supérna Trínitas,
Perfúnde sancto róbores,
Vitámque fac non ímparem
Nostris Beátis dúcere. Am.

In primo Nocturno.

Añã. In vértice móntium
plantávit Regína Mártýrum
víneam justórum, qui dolóres
ejus meditabántur die,
ac nocte. *Psalmi de Comm.*
Conf. non Pont. lxxxv.

Añã. Dómina dixit ad eos:
Fílii mei estis vos; exultáte,
quia ego vos genui.

Añã. Voce sua ad Dóminam
clamavérunt, et exaudivit
eos de monte sancto suo.

Ÿ. Lætámini in Dómino,
et exultáte, justí. **Ŕ.** Et gloriámini,
omnes recti corde.

*Lect. Laudémus viros, de
Comm. Conf. Pont. ij. loco.*
lxxvj.

Ŕ. j. Lætábitur desérta,
et ínvia, et exultábit solitúdo:
* Et florébit quasi lílimum.
V. Gérminans germinábit,
et exultábit lætábúnda,
et laudans. Et.

Ŕ. ij. Sálíet sicut cervus
claudus, et apérta erit língua
mutórum: * Quia scissæ
sunt in desérto aquæ,
et torréntes in solitúdine.

V. In cubílibus in quibus,

prius dracones habitábant,
oriétur viror cáлами, et júnci.
Quia.

Ŕ. ij. Hæc est vera fratrénitas,
quæ regnum mundi, et omnem
ornátum sæculi contémpsit: *
Propter amórem Dómini Jesu Christi.
Ÿ. Ecce quam bonum et
quam jucúndum habitáre
fratres in unum! Propter.
Glória Patri. Propter.

In secundo Nocturno.

Añã. Non diligéntes vanitátem,
nec requiréntes mendácium,
ómnia sæculi bona abdicavérunt,
et a Dómino mirificáti sunt.

Añã. In multitúdine misericórdiæ
Dóminæ suæ sperántes,
introiérunt in domum ejus,
et adoravérunt ad templum
sanctum ejus.

Añã. Ex ore infántium et lacténtium
servos tuos illos dicéntium
perfecísti, Dómina, laudem
eórum. Quam admirábile est
nomen tuum!

Ÿ. Exúltent justí in conspéctu
Dei. **Ŕ.** Et delecténtur in lætítia.

Lectio iv.

DECIMO tértio Christiáni
nóminis sæculo inter
álíos Florentínos patrítios
septem erant avórum sánguine,
opibúsque illústres; at virtútibus
spectátis suis longe illustrióres,
nuncupáti, ut Religióni nomen
dedére: Bonfilius Monáldius,
Bonajúneta Manétti,

Manéttus Antellénsis, Amidéus de Amidéis, Ugúccio Ugucciónius, Sostenéus de Sostenéis, demum Aléxius de Falconériis. Cum hi trigésimo tértio supra millésimum ac bis centésimum annum, auspicatissimo assumptæ Virginis Festo, in sodalítio quodam, cui titulus Laudéntium erat, augustissimæ Dei Genitrici, prout par erat, laudes exsólverent, ab eadem dulcissime iis apparénte, inopíne monéri se sentiunt ad sublimiórís vitæ genus, posthábito mundo, amplecténdum; absolutisque idcirco, quibus dabant óperam, láudibus, conféstim perciti in unum, collatisque mútuo consiliis, supérnis Dei vocántis vocantisque Deiparæ oráculis parére mox decrevérunt: quod et sédulo factum est abiisdem: nam consúlto statim matúre urbis Epíscopo, post fortúnæ abdicátis bonis, erogátisque ample in egénos, ciliciis carni obstrictis, vilíoribus, detritisque véstibus cinérei colóris indúti, in rurálem parvam ædiculam secessérunt natalitio die amantíssimæ ipsórum Paréntis, ut vitæ sanctiórís primórdia óptime inírent, qua die mortálibus orta sacratíssimam vitam ipsa inchoáverat.

R. Omnes isti congregati sunt, venérunt, Dómina, tibi: ^{*} Et ómnibus his velut ornáménto vestiéris. **V.** Et circúmdabis tibi eos quasi Sponsa. Et.

Lectio v.

SIC septem beáti viri, charitátis fœdere devícti, eadem in domo semet unierant, cum ecce per urbem visos, statim Dómino sic disponénte, moventéque infantiles voces Deipara, ex infántium ore, ac lacténtium, inter quos tum puer erat sanctus Philippus Benítius, vix quintum mensem ingrèssus, se Mariæ clamári servos insperáto est audítum. Quanta tunc et exínde amóris flamma in Dóminam suam, cujus (ignáris ipsis) declaráti servi erant, excitátis stúdiis exárserint, non fáciie est explicátum. Illud solum scitur, quod sic ei se dedidérunt, ut véluti Matrem suam venerári, maximóque honóre habére, morem ei gérere in ómnibus, et obtemperáre propter eam cunctis summópere studérint. Hinc étiam ádeo júcúndi, gratique ei fuére, ut, cum vitatúri pópuli plausum in Senárium montem ab ipsa iis præosténsu habitatúri teténderint, ibique crucifixum Jesum, mœstíssimamque Matrem

doléntes assidue recólerent, apparuit illa eis, habituque lugúbri assignáto in memóriam dolórum suórum, ut compateréntur istis, eos consecrávit.

R. Vocábo servos meos et induam illos túnica mea, et cingulo meo confortábo eos; * Et potestátem meam dabo in mánibus eórum. **V.** Et erunt quasi patres habitántibus Jerúsalem. Et.

Lectio vj.

ITA cineríciis véstibus, indulgéntie étiam Epíscopo, in nigras mutátis, post nonnullos annos, fortunátis quidem auspíciis, claríssimum illud Prædicatórum Ordinis decus, sanctus Petrus Martyr, Floréntiam accéssit, et audita, inspectáque simul non fucáta sanctimónia ipsórum, ita Dei amici cœpérunt se mútuo diligere, ut familiaríssime versaréntur invicem secum, seséque altérne fovérunt. Inter cætera porro illud accidit, quod speránte Inelyto Mártire honórem Deo non módicum, magnum terris cómodum próditum iri, si, propítia Virgine, longe latéque propagaréntur, una cum ipsis impénse eam exoránte, ut arguménto áliquo voluntátem suam patefáceret, invocáta Virgo amans in visióne ei revelávit, se viros illos septem,

et qui ventúri erant post eos, inter mundi hómines omnes ad singuláre servítium suum selegisse, et commiserándis pœnis jam latis suis amaríssimis constituéndum Ordinem esse ad sui honórem et glóriam. Hoc prodigióso virgíneo decréto animáti humíllimi Patres, non quia suæ mentis fuísset successóres pósteros gígnere, sed ut jussa reseráta fácerent suprémae eórum Reginae, quæ nómine suo duratúram sibi familiam fundári volúerat, instituíre deinceps sacrum Servórum Ordinem decrevérunt, non tam ut primi ejus fundatóres, quam ut cœléstis suæ Fundatríceis ministri obsequéntes; quos proinde Dóminus, ut servos bonos, et fidéles suos, ac Matris, in vita multis virtútibus, in morte multis prodigiis, post tránsitum multis miráculis adornávit: novíssime vero Benedictus Décimus tértius, ejus institúti proféssor, cujus sanctus Petrus erat, ejus quoque in eos hæres amoris, Póntifex renuntiátus, eórum miram Institutióne, ut inclarésceret orbi, Lectiόνibus his recenséri peramánter consúluit, ac mandávit.

R. Vidi conjúctos viros habéntes lugúbres vestes,

et Angelus Dómini locútus est ad me , dicens : * Isti sunt viri sancti facti amici Dei. **V.** Vidi Angelum Dei fortem volántem per médium cœlum , voce magna clamántem , et dicéntem. Isti. **Glória Patri. Isti.**

In tertio Nocturno.

Añs. Ingrediéntes sine mácula , et operántes justítiam , habitavérunt in tabernáculo tuo , et requievérunt in monte sancto tuo.

Añs. Glóriam et magnum decórem imposuisti super eos , Regína Mártýrum , cum in memóriam dolórum tuórum lugúbrem vestem eos induisti.

Añs. Hæc fuit generátio quæréntium Dóminum , quæréntium Stellam ex Jacob. Te laudámus , Rex glóriæ.

V. Justi autem in perpétuum vivent. **R.** Et apud Dóminum est merces eórum.

Homilia in Evang. , Nolite timére , de Comm. ij. loco. xcix.

R. vij. Dábitur lugéntibus Sion coróna pro cinere , óleum gáudii pro luctu , pállium laudis pro spíritu mœroris : * Et vocabúntur fortes justítiæ , plantátio Dómini ad glorificándum. **V.** Sacerdótes Dómini vocabúntur ministri Dei nostri. Et. **Bened.** Quorum festum.

R. viij. Ego quasi vitis fructificávi suavitátem odó-

ris : * Et flores mei fructus honóris , et honestátis. **V.** Ego mater pulchræ dilectiónis , et timóris , et agnitiónis , et sanctæ spei. Et. **Glória Patri. Et.**

AD LAUDES ,

et per Horati. Amæ.

1. Sapiéntia ædificávit sibi domum , excidit colúmnas septem. **Psalmi de Unica 18.**

2. Isti sunt viri septem boni testimonii , pleni Spíritu sancto , et sapiéntia.

3. Appáruit eis Dómina Angelórum , et diléxit eos in visióne , et in agnitóne magnálium suórum.

4. Beáti viri tui , Regína ómnium , beáti servi tui , qui stant coram te semper.

5. Laudem dicite Deo nostro , omnes servi ejus , et qui timétis eum , pusilli , et magni.

Capitulum. Hebr. 13. b

FRATRES , Mementóte præpositórum vestrórum , qui vobis locúti sunt verbum Dei , quorum intuéntes éxitum conversatiónis , imitámini fidem.

Hymnus.

INCLYTI Patres , Dominæque mundi
Impigri servi ; famulátus iste
Dicite , oh quali rútila coróna

Vos redimívit !

Noscis ad cœlos súbito evocátus ,

Omnium Princeps, célebris
Monálde,

Quem sibi ut charum Génitrix
supréma

Duxit ad æthram.

Tuque dic nobis, Bonajúncta
felix,

Qui Deï funus mémorans
ad aram,

Dum recensébas obiisse Jesum,

Lætus obísti.

Indic et tu, Sostenée,
ac Ugúcci,

Ambo qui e terris simul
emigrástis

Angelos inter, revehén-te
secum

Virgine utrúmque.

Te modo cuncti résonent,
Manétte,

Qui velut cýcnus cíneri pro-pínquus

Occinens hymnos álacer
Mariæ,

Fata subísti.

Sic, Amidée, et tibi gra-tulámur,

Cujus ardórem moriéntis
ignis

Visus efférvens ápice in Se-nári

Belle aperívit.

Nunc tibi festis módulis,
Aléxi,

Pláudimus gnari prope vitæ
agónem

Virginis Natum tibi blan-diéntem

Serta dedisse.

Sit decus Patri, parilíque
Proli,

Flámini et sancto, tribuánt-que
nobis.

Æmulos horum fieri in co-lénda

Virgine diva. Amen.

Exultábunt Sancti in glória. R. Lætábúntur in cubilibus suis.

Ad Benedictus. Ana.

Fecit misericórdiam Dómi-nus cum Pátribus nostris : eréxit nobis cornu salutis in domo suæ Genitrícis. Serviámus illi.

Oratio.

DOMINE Jesu Christe, qui in jugem memóriam dolórum sanctíssimæ tuæ Genitrícis, per septem beátos Patres nova Servórum ejus familia: Ecclésiám tuam fœcundásti : concéde nobis fámulis tuis in hac lacry-márum valle degéntibus ; ita ejúsdem mœstíssimæ Matris sócios cum ipsis esse passiónum in terris, ut perpétuæ consolatiónis consórtes fieri mereámur in cœlis. Qui vivis.

Ad Tertiam. Ana.

Isti sunt viri.

Cap. Fratres, Mementóte.

R. br. Lætámini in Dómi-no, * Et exultáte, justí. Lætámini. V. Et gloriámini, omnes recti corde. Et. Glória Patri. Lætámini. V. Exúl-tent justí in conspéctu Dei. R. Et delecténtur in lætítia.

Ad Sextam. Ana.

Appáruit eis Dómina.

Capitulum. Eccli. 44.

OMNES isti in generatióibus gentis suæ glóriam adépti sunt, et in diébus suis habéntur in láudibus.

R. br. Exúltent justi * In conspéctu Dei Exúltent. **V.**

Et delecténtur in lætítia.

In. **G**lória Patri. Exúltent.

V. Justi autem in perpétuum vivent. **R.** Et apud Dóminum est merces eórum.

Ad Nonam. Ana.

Laudem dícite Deo.

Capitulum. Eccli. 44.

FILII eórum propter illos usque in ætérnum manent. Semen eórum, et glória eórum non derelinqué-tur.

R. br. Justi autem * In perpétuum vivent Justi. **V.** Et apud Dóminum est merces eórum.

In. **G**lória Patri. Justi. **V.** Exultábunt Sancti in glória. **R.** Lætabúntur in cubilibus suis.

In ij. Vesp. **Ana et Capit. de Laud. Psalmi de Comm.**

A Capit. fit de seq.

Pro com. BB. Septem.

Aña. O magnum charitátis opus ! Regína géneris hu-máni primis nostris Pátri-bus mire appárens, e mun-do eos evocáre, singuláriter sibi seligere, lugúbrem vestem indüere, unáque cum pósteris in peculiáres ser-vos, ac filios consecráre di-gnáta est. Te, Mater dul-císsima, et Dómina, laudá-

mus, benedicimus, glorifi-cámus. **V.** Exultábunt San-cti in glória. **R.** Lætabún-tur in cubilibus suis.

DIE XIII. FEBRUARII.

In Festo S. Catharinae de Ricciis, Virginis.

Duplex.

Omnia de Communi Virg. ciiij. præter seq.

Oratio.

DOMINE Jesu Christe, qui beátam Catharínam Vir-ginem, tui amóre succén-sam, passióis contempla-tióne claréscere voluísti; ejus intercessióne concéde; ut passióis mystéria devóte recoléntes, ejus fructum per-cípere mereámur. Qui vivis.

In j. Nocturno **Lectiones.**

De virginibus. cvij.

In secundo Nocturno.

Lectio iv.

CATHARINA nóbili familia de Ricciis Floréntiæ na-ta, vel ab ineúnte ætáte piam índolem præmatúre osténdit. In suburbáno mo-nastério sancti Petri de Mon-ticéllis, ubi morum disci-plína imbuerétur, collocáta, quotidie ad Christi crucifixi imáginem orans, non sine lácrymis, horis étiam ánimi relaxatióni addictis, ejus passiónem meditabátur. Ad monastérium póstea sancti Vincéntii Ordinis sancti Domínici in civitáte Prati transláta, patérnos lares ad tempus repétere, nisi certa

spe réditus hábita , con-
stánter recusávit. Tandem
anno décimo tértio, sæculi
deliciis contéptis, ibídem
religiósum institútum pro-
fessa est.

R. Propter veritatem.

Lectio v.

CHARITATE in Deum fer-
vens, oratióni, fere assí-
due vacábat, quidquid tém-
poris necessariis occupa-
tiónibus et módicæ quiéti
supérerat, in ea insúmens :
utque corpus in servitútem
redigeret, férrea caténa et
flagéllis illud macerábat.
Cibi parcíssima, octo supra
quadragínta annos cárnibus
abstínuit, legumínibus ple-
rúmque et herbis vescens,
intérdum vero solo pane et
aqua conténta. Proximórum
ætérnam salútem exóptans,
ardentíssimas ad Deum pro
peccatórū conversióne pre-
ces fundébat : tanto étiam
commiseratiónis sensu erga
purgántem ánimam commó-
ta est, ut acerbíssimos do-
lóres sibi divínitus inflíctos
in pœnárum illi debitárum
expiatiónem pertulísse visa
sit. Exímia prudéntia et re-
guláris observántiæ zelo
moniales diu rexit, eas non
minus exémplo, quam ad-
hortatió nibus ad omnem
sanctimóniam infórmans ;
quo in officio humilitátem
ádeo cóluit, ut abjectíssima
quæque ópera sponte obi-

ret, ac infirmis præcípua
charitáte et summo stúdio
inserviret.

R. Dilexísti justítiam.

Lectio vj.

SUPERNORUM charismatum
cópia singuláris in ea
enítuit, ánnulo desponsa-
tiónis, sacrisque stigmáti-
bus, quæ non semel spe-
ctánda se exhibuérunt, ac-
céptis. Plúrium annórum
spátio, quinta et sexta fé-
ria in altíssimam contem-
platió nem rapta, singulos
Redemptóris cruciátus in
passióne tolerátos ex órdine
in córpore mirabíliter sen-
tire consuévít. Prati degens,
sanctum Philíppum Nérium
Romæ commorántem vidére
proméruit, ejúsque colló-
quio frui. Extasū, ráptuum,
cœléstium visiónum, ac pro-
phétici luminis dono illú-
stris, futúra prædixit, ac
simul occulta revelávit. Grá-
vibus dénique morbis de-
cumbens, Ecclésiæ Sacra-
méntis múnita, anno a
Christo nato millésimo
quingentésimo nonagésimo,
ætátis sexagésimo, nono,
quarto Nonas Februárii, in
cœlum migrávit. Eam Bene-
dictus Décimus quartus
Póntifex Máximus solémni
ritu sanctárum Virgínium
fastis adscripsit, anno salú-
tis millésimo seplíngenté-
simo quadragésimo sexto.

R. Afferéntur Regi.

In iij. Nocturno Homilia
in Evang. Símile erit re-
gnum cœlórum decem vir-
ginibus. cxv.

DIE XIX. FEBRUARII.

In Festo S. Conradi Placen-
tini. Confessoris.

Semiduplex.

Omnia de Comm. Conf.
non Pont. lxxxiv. præterseq.

Oratio.

ADESTO, Dómine, suppli-
caciónibus nostris, quas
in beáti Conrãdi, Confessó-
ris tui, solemnitáte deféri-
mus; ut, qui nostræ justí-
tiæ fidúciã non habémus,
ejus, qui tibi plácuit, pré-
cibus adjuvémur. Per Dó-
minum.

In j. Nocturno Lectiones
in Quadrag. Beátus vir, de
Comm. ij. loco. xcvj.

In secundo Nocturno.

Lectio iv.

CONRADUS Placentiæ nobili
génere natus, ac vena-
tióni cumprimis deditus,
jussit aliquándó vepres, ubi
feræ latébant, succéñdi;
sed ultra quam vóluit, ven-
to perlátus ignis próxíma
fœdo vastávit incéndio. Quo
viso, Conrãdus in urbem
laténter est ingressus: sed
mox ad prætorem deláta re,
emissóque satellítio, ho-
múnculus infimæ plebis,
tamquam incéndii auctor
comprehénsus est, vique
tormentórum falsa confes-
sióne expréssa, damnátus

ad supplicium rapiebátur.
Tum Conrãdus consciéntia
excitátus, innocéntem ho-
múnculum e carníficis má-
nibus erípuit, seque reum
conféssus, divénditis bonis
illáta damna compensávit;
humanisque rebus una cum
uxóre núntium remisit.

R̃. Honéstum fecit.

Lectio v.

CUM itaque uxor sacrum
velum sumptúra Placen-
tiæ mansisset, ipse ábiit in
regiónem longínquam, et
Franciscáni Ordinis, qui
Tertiariórum dicitur, assúm-
pto hábitu, Romam pervénit,
sacras Ædes visitáturus.
Inde in Siciliam ad Netínos
ábiit, ubi aliquándú in san-
cti Martíni xenodóchio di-
versátus, in solitúdinem se-
céssit, in qua se inédia, et
précibus afflíctans, per an-
nos quadraginta humi cubá-
bat, nunc solo pane, nunc
herbis tantum conténtus, et
dono prophetiæ, miraculis-
que clarus. Crebras carnis
ac dæmonis tentatiónes, gu-
læque blandítias córporis
afflictatióne, atque assíduo
precándi stúdio tam egrégie
vicit, ut vel esculénta mu-
núscula, quæ ab amicis mit-
teréntur, non prius attinge-
ret, quam pútrida jam, et
vérmibus scaténtia sensus
ipse refúgeret. Quin étiam,
túnica pósita, tãndiu nudos
artus in vepreto volutábat,

quoad effluente sanguine
edendi ardor extingueretur.

R. Amavit eum.

Lectio vj.

CUM autem sexta quaque
fèria in urbem ad imagi-
nem Crucifixi, quæ summa
religione celebratur apud
Netinos, adorandam mira
pietate ventitaret, improbi
quidam irrisores per eam
occasionem religiosissimum
virum ludos facere volue-
runt; itaque per simulatio-
nem ad prandium piscium
invitato carnem suillam ap-
ponunt, nec aliud ipsi
manducant. Inde hominis
improbitatem exagitare, vel
simplicitatem cavillari. Ne-
gat ille se quidquam gustas-
se præter pisces; statimque
spinas, et squamas, amota
mappula, qua tegebantur,
ostendit, et eorum impu-
dentiam redarguit. Item ab
Antistite Syracusano fama
sanctitatis excito visitatus,
et ab eodem, ut secum cœ-
naret, invitatus, protinus e
célula placentas quatuor
calidas ex tempore divinitus
paratas protulit; qui postea
vicissim ad Antistitem Sy-
racusas profectus, juxta Epi-
scopium, plurimis aviculis
circum volitantibus, et ipsius
adventum quodammodo gra-
tulantibus, mirabiliter ex-
ceptus est. His aliisque mul-
tis spectatæ sanctimonie
indiciis, ejusque precibus

cœlesti auxilio laboranti-
bus, non solum indigenis,
verum etiam alienigenis, eo
præsertim anno quo migrá-
vit in cælum millésimo tre-
centésimo quinquagésimo
primo, sæpissime impe-
trato. Commoti Leo Décimus
Póntifex Máximus in Netina
urbe primum, deinde Pau-
lus eo nómine Tértius álibi
etiam beáti Conrádi festi-
vam diem undécimo Kalén-
das Mártii quotannis cele-
brári permisere. Ejus cor-
pus in argentea conditum
arca in Ecclesia sancti Ni-
colai apud Netinos variis
adhuc miraculis enitescit.

R. Iste homo.

*In iij. Noct. Homilia in
Evang. Ecce nos reliquimus,
de Comm. Abb. j. loco. c.*

DIE XXIII. FEBRUARII.

*In Festo S. Margaritæ de
Cortona.*

Semiduplex.

*Omnia de Comm. nec Virg.,
nec Mart. cxxj. præter seq.*

Oratio.

DEUS, qui famulam tuam
Margaritam de perditio-
nis via ad salutis trãmitem
misericórditer deduxisti :
eãdem nobis miseratiõne
concede ; ut, quam prius
errantem sectari non eru-
búimus, mox pœnitentem
impigre sequi gloriémur.
Per Dóminum.

*In j. Noct., in Quadrag.,
Lect. Mulierẽ fortem. cxxij.*

In secundo Nocturno.

Lectio iv.

MARGARITA, a loco dormitiõnis, Cortonensis appellata, Laviãni in Tùscia ortum hãbit. Primis adolescentiæ suæ annis mundi voluptatibus capta, in montis Politiãni civitate vanam, et lùbricam vitam duxit : sed cum amàsium ab hostibus fœde transfõssum indicio canis in fovea sub struelignorum tumultum fortuito reperisset, illico facta est manus Dòmini super eam, quæ magno culpàrum suarum mœrøre tacta, exiit foras, et flevit amare. Itaque Laviànum revèrsa, crine detõnso, negligèto capite, pullaque veste contecta, erroribus suis, mundique illécebris nùntium misit: inque ædibus Deo sacris, fune ad collum alligato, humi procumbens, ab omnibus, quos antea móribus suis palam offènderat, véniam exoravit. Mox Cortonam profecta in cinere et cilicio a se læsam Dei majestatem placare stúduit; donec post triennale virtutum experimentum a fratribus Minóribus spirituális vitæ dúcibus Tértii órdinis hãbitum impetrávit. Ubere exinde lacrymæ ei familiãres fuérunt, atque ima suspíria, tanta animi contritiõe ducta, ut diu elínguis consisteret. Lé-

etulus nuda humus, cervical lapis, aut lignum porréxit, atque ita noctes insómnes in cœlestium meditatiõe trãhere consuévit, nullum amplius pravum desidérium perpessa, dum bonus spíritus pròptior infirmam carnem ad subeundos labóres erigebat.

R. Propter veritatem.

Lectio v.

Adæmone insidiis, funestisque conatibus lacesita, mulier fortis hostem ex verbis detectum semel atque iterum invicta repulit. Ad eludendum vanæ glóriæ lenocinium, quo a malo spíritu petebatur, præteritos mores suos per vicos, et plateas alta voce accusare non destitit, omni supplicio se ream inclamans: nec nisi a confessario deterrita, in speciosam faciem, olim impuri amoris causam, sævire abstinuit, ægre ferens suam formam longa carnis maceratione non aboleri. Quibus aliisque magnæ poenitentiae argumentis suorum criminum labe expiata, atque ita de se triumphatrix, ut sensus plane omnes a mundi illécebris custodiret, digna facta est, quæ sæpe Dòmini consuetudine frueretur. Ejusdem quoque Christi, et Virginitatis Matris dolorum, quod ipsa ardenter expetierat, particeps facta, cunctis

sénsibus destitúta , et fere mórtua intérdum visa est. Ad eam proinde , véluti ad perfectiónis magístram , ex díssitis étiam regiónibus plúrimi conveniébant : ipsa vero cœlésti , quo erat perfúsa lúmine , córdium secréta , consciéntias hóminum , imo et peccáta in remótis licet pártibus Deum offendéntium cum dolóre , et lácrymis détegens , summáque in Deum , et próximum charitáte fervens , ingéntem animárum fructum operáta est. Ægris ad se veniéntibus salutem , obséssis a dæmone liberatióem impetrávit. Púerum defúctum , lugénte matre , ad vitam redúxit. Imminéntes bellórum tumúltus assiduís oratióibus sedávit. Dénique summæ pietáti opéribus vivos et mórtuos sibi deméruit.

R. Dilexisti justítiam.

Lectio vj.

TOT sanctis opéribus occupáta , de rigóre quo assidue corpus suum exercébat , nihil remisit , neque a stúdio cœléstia meditándi se avélli passa est , in utróque vitæ genere plane admiránda , utrámque sorórem Magdalénam et Martham référens. Tandem pro se Dóminum orans , ut ex hac valle lacrymárum sursum in cœléstem pátriam evocarétur , exaudita est orátio ejus , die

atque hora dormitiónis ei patefáctis. Méritis itaque et labóribus plena , ac cœléstibus donis cumuláta , cœpit córporis víribus destitui , perque dies decem et septem nullo cibo , sed divinis tantum collóquiis refécta est : tum sanctíssimis Ecclésiæ Sacraméntis rite susceptis , vultu hilari , atque óculis in cœlum convérsis , octávo Kalédas Mártias , anno ætátis quinquagésimo , suæ conversiόνis vigésimo tértio , humanæ vero salutis millésimo ducentésimo nonagésimo séptimo , felix migrávit ad Sponsum. Corpus in hanc usque diem végetum , incorruptum , illæsum , et suáriter olens , summa religióne cólitur in Ecclésiá Fratrum Minórum , quæ jam ab eádem , Margaríta appelláture. Miráculis continuo flóruit : Quibus permóti Románi Pontífices ad augéndum ejus cultum plúrima liberáliter indulserunt. Benedictus vero Décimus tértius , in festo Pentecóstes , die sextadécima Maji anni millésimi septingentésimi vigésimi octávi , solémnem ejus canonizatiónem religiosíssime celebrávit.

R. Fallax grátia.

In iij. Nocturno Hemilia Evang. Símile est regnum cœlórum thesauro. cxxv.

In anno non Bissextili

Lectio ix. legitur de Homilia
Feriæ Quadrag.

Ad Benedictus . Añā.

Ut cognóvit, resipuit Será-
phici Ordinis Magdaléna: di-
missa sunt ei peccáta mul-
ta, quia diléxit multum.

Vesperæ in anno com-
muni de S. Mathia Apost.
sine com. S. Margaritæ.

In anno vero Bissextili,
in Vesperis S. Margaritæ.

Ad Magnificat . Añā.

Ego dilécto meo, et ad me
convérsio ejus: invéniquem
diligít ánima mea: ténu-
eum, nec dimíttam.

DIE XVIII. MARTII.

In Festo S. Gabrielis Arch.

Duplex majus.

Pro Regnis Hispanicis.

Si celebretur in Quadrag.
fit com. et dicitur Lectio
ix. de Feria occurr.

Si vero celebretur post
Pascha, additur. Allelúia et
Ps. Noct. dicuntur sub prima
Añā ejuslibet Nocturni.

Ad Vesp. Añæ de Laud.
Psalm. Dixit Dóminus, cum
reliquis de Dñica. 130. et
loco ult. Ps. Laudáte Dó-
minum, omnes gentes. 134.

Capitulum ut ad Laudes.

Hymnus.

CHRISTE, sanctórum decus
Angelórum,
Gentis humánæ Sator et
Redémptor,
Cœlitum nobis tribuas beá-
tas

Scándere sedes.

Angelus pacis Míchael in
ædes

Cœlitus nostras véniat se-
rénæ

Auctor ut pacis lacrymósa
in orcum

Bella reléget.

Angelus fortis Gábriel, ut
hostes

Pellat antiquos, et amíca
cœlo,

Quæ Triumphátor státuit per
orbem,

Templa revísat.

Angelus nostræ médicus sa-
lútis

Adsit e cœlo Ráphael, ut
omnes

Sanet ægrótos, dubiósque
vitæ

Dírigat actus.

Virgo, Dux pacis, Geni-
tríxque lucis,

Et sacer nobis chorus An-
gelórum

Semper assístat, simul et
micántis

Régia cœli.

Præstet hoc nobis Déitas
beáta

Patris, ac Nati, paritérque
sancti

Spíritus, cujus résonat per
omnem

Glória mundum. Amen.

¶ Stetit Angelus juxta aram
templi. ¶ Habens thuríbu-
lum áureum in manu sua.

Ad Magnificat . Añā.

Ingréssus Gábriel Angelus
ad Mariám Virgínem, di-
xit: Ave, grátia plena, Dó-

minus tecum : benedicta tu in mulieribus.

Oratio ut ad Laudes.

Com. S. Patritii, ut in Brev. In Quadr. com. Feriæ.

Ad Matutinum, Invitat.
Regem Archangelorum Dominum, * Venite, adoramus. *Ps. Venite. 2.*

Hym. Christe, sanctorum.

In primo Nocturno.

Añã. Dixit Angelus Gabriel ad Daniëlem : Intellige, fili hominis, quoniam in tempore finis implébitur visio.

Ps. Domine Dñus noster. 6.

Añã. Ecce vir Gabriel, quem videram in visione, cito volans tetigit me in tempore sacrificii vespertini, et docuit me. *Ps. In Domino. 8.*

Añã. Cumque Gabriel loqueretur ad me, collapsus sum pronus in terram, et tetigit me, et statuit me in gradu meo. *Ps. Domine, quis habitabit. 10.*

Y. Stetit Angelus juxta aram templi. *R.* Habens thuribulum aureum in manu sua.

Ex Daniële Prophéta.

Lectio j. Cap. 9. e

EGO Daniël, cum adhuc loquerer, et orarem, et confiterer peccata mea, et peccata populi mei Israel, et prosternerem preces meas in conspectu Dei mei, pro monte sancto Dei mei : adhuc me loquente in oratione, ecce vir Gabriel, quem videram in visione a princí-

pio, cito volans tetigit me in tempore sacrificii vespertini. Et docuit me, et locutus est mihi, dixitque : Daniël, nunc egressus sum ut docerem te, et intelligeres. Ab exordio precum tuarum egressus est sermo : ego autem veni ut indicarem tibi, quia vir desideriorum es : tu ergo animadverte sermonem, et intellige visionem.

R. Cum oraret Daniël, et confiteretur peccata sua, et peccata populi sui, * Ecce Archangelus Gabriel cito volans tetigit eum in tempore sacrificii vespertini. *Y.* Cumque prosterneret preces suas in conspectu Dei sui. Ecce.

Lectio ij.

SEPTUAGINTA hebdomades abbreviatæ sunt super populum tuum, et super urbem sanctam tuam, ut consummetur prævaricatio, et finem accipiat peccatum, et deleatur iniquitas, et adducatur justitia sempiterna, et impleatur visio et prophetia, et ungatur Sanctus sanctorum. Scito ergo, et animadverte : Ab exitu sermonis, ut iterum ædificetur Jerúsalem, usque ad Christum ducem, hebdomades septem, et hebdomades sexaginta duæ erunt : et rursum ædificabitur platea, et muri in angustia temporum.

R. Locutus est Gabriel Da-

niéli, et dixit : Ab exórdio precum tuárum egréssus est sermo. * Ego autem veni ut indicárem tibi, quia vir desideriórum es. *ŷ.* Tu autem animadvérte sermónem, et intéllige visiónem. Ego.

Lectio iij.

ET post hebdómades sexaginta duas occidétur Christus : et non erit ejus pópulus, qui eum negáturus est. Et civitátem et sanctuárium dissipábit pópulus cum duce ventúro : et finis ejus vástitas, et post finem belli statúta desolátio. Confirmábit autem pactum multis hebdómada una : et in dimídio hebdómadis deficiet hóstia et sacrificium : et erit in templo abominátio desolatiónis : et usque ad consummationem et finem perseverábit desolátio.

R. Ecce vir Gábriel, quem videram, cito volans tétigit me in témpore sacrificii vespertíni, et dócuit me, et dixit : * Dániel, nunc egréssus sum ut docérem te, et intélligeres. *ŷ.* Gábriel, fac me intélligere istam visiónem : et venit, et stetit juxta ubi ego stabam, et ait ad me. Dániel. Glória Patri. Dániel.

In secundo Nocturno.

Ana. Gábriel Angelus apparuit Zachariæ, dicens : Uxor tua Elisabeth páriet tibi filiũ, et vocábis nomen ejus Joánnem. *Ps.* Cœli enarrant. 15.

Ana. Et dixit Zacharias ad Angelum : Unde hoc sciam? ego enim sum senex, et uxor mea procéssit in diébus suis. *Ps.* Dómini est terra. 32.

Ana. Respóndens autem Angelus, dixit ei : Ego sum Gábriel, qui asto ante Deum : et missus sum loqui ad te, et hæc tibi evangelizáre. *Ps.*

Benedícam Dóminum. 54.

ŷ. Ascéndit fumes arómatum in conspéctu Dómini.

R. De manu Angeli.

Sermo S. Bernárdi Abbátis.

Lectio iv.

Ex Hom. super Missus est.

MISSUS est Angelus Gábriel a Deo. Non árbitror hunc Angelum de minóribus esse, qui quálíbet ex causa crebra sóleant ad terras fungi legatióne. Quod ex ejus nómine palam intélligi datur, quod interpretátum, Fortitúdo Dei díctur : et quia non ab áliquo álio forte excellentióre se (ut ássolet) spiritu, sed ab ipso Deo mitti perhibétur. Propter hoc ergo pósitum est, a Deo. Vel ídeo dictum est, a Deo, ne qui vel beatórum Spirítuum, suum Deus ántequam Vírgini revelásse putétur consílium, excépto dantáxat Archángelo Gabriéle. Qui útique tantæ inter suos inveníri potúerit excellentiæ, ut tali et nómine dignus haberétur, et núnctio.

R. Factum est, cum sacer-

dótió fungerétur Zacharias in órdine vicis suæ ante Deum, * Appáruit ei Angelus Gábriel, stans a dextris altáris incénsi. **V.** Cumque ingréssus in templum Dómini incénsum póneret secúndum consuetúdinem sacerdotii sui. Appáruit.

Lectio v.

NEC discórdat nomen a nuntio : Dei quippe virtutem Christum, quem mélius nuntiáre decébat, quam hunc, quem simile nomen honórat? Numquid est áliud fortitúdo, quam virtus? Non autem dédecens, aut incóngruum videátur, Dóminum et nuntium commúni censéri vocábulo, cum similis in utróque appellatiónis, non sit tamen utriúsque similis causa. Aliter quippe Christus fortitúdo vel virtus Dei dicitur, áliter Angelus. Angelus enim tantum nuncupative, Christus autem étiam substantíve.

R. Descéndit Gábriel Angelus ad Zachariám, dicens : * Ne timeas, quóniam exaudita est deprecátio tua, et uxor tua Elisabeth páriettibi filium, et vocábis nomen ejus Joánnem. **V.** Zacharias turbátus est videns, et timor irruiť super eum : ait autem ad illum Angelus. Ne.

Lectio vj.

CHRISTUS Dei virtus et dicitur, et est ; qui forti

armáto, qui suum átrium in pace custodíre solébat, fórtior supervénies, ipsum suo bráchio debellávit, et sic ei vasa captivitátis poténter erípuit. Angelus vero fortitúdo Dei appellátus est : vel quod hujuscémodi merúerit prærogatívam officii, quo ejúsdem nuntiáret adventum virtútis : vel quia Vírginem, natúra pávidam, simplicem, verecúndam, ne miráculi novitáte expavésce-ret, confortáre debéret, quod et fecit, Ne timeas, inquires, María : invenísti enim grátiam apud Deum. Conveniénter itaque Gábriel ad hoc opus eligitur : imo quia tale illi negótium injúngitur, recte talinómine designátur. **R.** Ego sum Gábriel, qui asto ante Deum : et missus sum loqui ad te, et hæc evangelizáre. * Ecce eris tacens, et non póteris loqui usque in diem, quo hæc fiant. **V.** Pro eo quod non credidísti verbis meis, quæ implebúntur témpore suo. Ecce. **Glória Patri.** Ecce.

In tertio Nocturno.

Añá. Missus est Gábriel Angelus ad Mariám Vírginem desponsátam Joseph. **Ps.** Cantáte. 109.

Añá. Gábriel Angelus Mariæ dixit : Ecce Elisabeth cognáta tua, et ipsa concépit filium in senectúte sua. **Ps.** Dóminus regnávít. 109.

Ana. Súscipe verbum, Virgo María, quod tibi a Dómino per Angelum Gabriélem transmissum est. **Ps.** Béne-dic ánima.... et ómnia. 116.

V. In conspéctu Angelórum psallam tibi, Deus meus.

R. Adorábo ad templum sanctum tuum, et confitébor nómini tuo.

Lectio sancti Evangélíi secúndum Lucam.

Lectio vij. Cap. 1. b

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virgí-nem desponsátam viro, cui nomen erat Joseph, de domo David, et nomen Virgínis María. Et réliqua.

Homília sancti Juliáni Archiepíscopi Toletáni.

Lib. 2. contra Judæos, statim post princip.

SACRAMENTUM illud septuaginta hebdomadárum de Christi nativité Dániel per Angelum dídicit: simíliter et Zachariás, apparénte sibi Angelo, Joán-nem filium de se generán-dum audivit: et María, Ange-lo sibi præcedénti Christum ex se nascéndum, et cré-didit, et assénsit. Hæc tria per Angelum dicta, et compléta vidémus. Jam ergo sol-lícite intuéndum est, utrum Angelus iste, qui Zachariæ et Mariæ apparuit, ipsi quo-que Daniéli illa prædixerit.

R. Missus est Gábriel Angelus ad Mariam Virgí-nem desponsátam Joseph, et expavéscit Virgo de lúmine.

Ne tímeas, María: invenísti enim grátiam apud Dómi-num: ecce concípies, et pá-ries, et vocábitur Altíssimi Fílius. **V.** Quæ cum audisset, turbáta est in sermóne ejus, et cogitábat qualis es-set ista salutátio: et ait Angelus ei. Ne. **Bened.** Cujus festum cólimus.

Lectio viij.

EQUIDEM ipse Dániel in prophetiæ suæ volú-mine, quando illa sacraménta hebdomadárum de Christi nativité per Angelum futura cognóvit, sic ipsíus Angeli nomen evidénter expréssit. Dicit enim: Ecce vir Gábriel, quem víderam in princípíio, cito volans té-tigit me, et dixit: Dániel, animadvérte sermónem, et réliqua, quæ ibi commemo-rántur. Item his tempóribus secúndum Evangélium, Angeli ipsíus nomen miríficum sic invenítur expréssum. Dixit enim idem Angelus Zachariæ: Ego sum Gábriel, qui asto ante Deum, et missus sum loqui ad te, et hæc tibi evangelizáre.

R. Gaude, María Virgo, cunctas hæreses sola inter-emísti: Quæ Gabriélis Archángeli dictis credidisti, dum Virgo Deum et homi-

nem genuisti, et post partum Virgo inviolata permansisti. *V.* Benedicta tu in mulieribus, et benedictus fructus ventris tui. Quæ. Glória Patri. Quæ.

Lectio ix. de Feria occur.

Si transferatur post Pascha. dicitur sequens

Lecto ix.

QUOD etiam de beatæ Mariæ Virginis partu sic in eodem Evangelio legitur: Missus est, inquit, Angelus Gabriel a Deo in civitatem Galilææ, cui nomen Názareth, ad Virginem desponsatam viro, cui nomen erat Joseph, de domo David, et nomen Virginis Mariæ. Jam ergo manifestum est, quod unus idemque Angelus Gabriel fuerit, qui et præfixa illa tempora Daniéli de Christi nativitate aperuit, et partum Virginis præsentem esse monstravit. Ad tempus itaque præfinitum occurrit, et olim a se dicta, operis efficiëntia compléta esse convincit: et illic fidelis in prophetia hebdomadarum, et hic fidelis per mysterium revelatum.

Te Deum laudamus. 17.

AD LAUDES,

et per Horas. Antæ.

1. Ingresso Zacharia templum Domini, apparuit ei Gabriel Angelus stans a dextris altaris incénsi. *Psalm.* Dominus regnavit, *cum reliquis de Dominica. 18.*

2. Ait autem Angelus: Ne timeas, Zacharia, quoniam exaudita est deprecatio tua.

3. Ego sum Gabriel Angelus, qui asto ante Deum, et missus sum loqui ad te.

4. Gabriel Angelus locutus est Mariæ, dicens: Ecce concipies in útero, et paries filium, et vocabis nomen ejus Jesum.

5. Dixit autem Mariæ ad Angelum: Quomodo fiet istud, quoniam virum non cognosco? Et respondens Gabriel Angelus, dixit ei: Spiritus sanctus superveniet in te, et virtus Altissimi obumbrabit tibi.

Capitulum. Dan. 9. f

ECCE vir Gabriel, quem videram in visione a principio, cito volans tetigit me in tempore sacrificii vespertini. Et docuit me, et locutus est mihi, dixitque: Daniel, nunc egressus sum ut docerem te, et intelligeres.

Hymnus.

PLACARE, Christe, servulis,

Quibus Patris clementiam Tuæ ad tribunal gratiæ Patróna Virgo postulat.

Et vos beata, per novem Distincta gyros, agmina, Antiqua cum presentibus, Futura damna pellite.

Auferte gentem perfidam Credentium de finibus, Ut unus omnes unicum Ovile nos Pastor regat.

Deo Patri sit glória,
 Natóque Patris único,
 Sancto simul Paráclito,
 In sempitérna sæcula. Am.
 ¶ Stetit Angelus juxta aram
 templi. R. Habens thuribu-
 lum áureum in manu sua.

Ad Benedictus. Añã.

Gabriel Angelus descendit
 ad Zachariã, et ait illi :
 Uxor tua páriet tibi filium, et
 vocábis nomen ejus Joán-
 nem : et multi in nativitáte
 ejus gaudébunt : ipse enim
 præibit ante faciẽm Dómini
 paráre vias ejus.

Oratio.

DEUS, qui inter cæteros
 Angelos, ad annuntián-
 dum Incarnatiónis tuæ my-
 stérium, Gabriélem Arch-
 ángelum elegisti : concéde
 propítius ; ut, qui festum
 ejus celebrámus in terris,
 ipsius patrocínium sentiá-
 mus in cælis. Qui vivis.

In Quadrag. com. Fer.

Ad Tertiam. Añã.

Ait autem.

Capit. Ecce vir. cexliv.

R. br. Stetit Angelus * Juxta
 aram templi. Stetit. ¶ Ha-
 bens thuribulum áureum in
 manu sua. Juxta. Glória
 Patri. Stetit. ¶ Ascéndit fu-
 mus arómatum in conspéctu
 Dómini. R. De manu Angeli.

Ad Sextam. Añã.

Ego sum Gabriel.

Capitulum. Dan. 9. f

EGO autem veni ut indicá-
 rem tibi, quia vir desi-

deriórum es. Septuagínta
 hebdómades abbreviátæ
 sunt, ut finem accípiat pec-
 cátum, et impleátur visio
 et prophetía, et ungátur
 Sanctus sanctorum.

R. br. Ascéndit fumus aró-
 matum * In conspéctu Dó-
 mini. Ascéndit. ¶ De manu
 Angeli. In. Glória Patri. As-
 céndit. ¶ In conspéctu An-
 gelórum psallam tibi, Deus
 meus. R. Adorábo ad tem-
 plum sanctum tuum, et con-
 fitébor nómini tuo.

Ad Nonam. Añã.

Dixit autem María.

Capitulum. Dan. 9. g

SCITO ergo, et animadvér-
 te : Ab éxitu sermónis,
 ut iterum ædificétur Jerúsa-
 lem, usque ad Christum
 ducem, hebdómades se-
 ptem, et hebdómades sexa-
 gínta duæ erunt.

R. br. In conspéctu An-
 gelórum * Psallam tibi,
 Deus meus. In. ¶ Adorábo
 ad templum sanctum tuum,
 et confitébor nómini tuo.
 Psallam. Glória Patri. In.
 ¶ Adoráte Deum. R. Omnes
 Angeli ejus.

Vesp. de S. Joseph, cum
 com. S. Gabrielis et Feriæ,
 si celebretur in Quadrag.

Si ij, Vesp. dicendæ sint
 integræ, omnia ut in primis,
 et loco ult., Ps. Confitébor
 tibi....quóniam. 145.

¶ In conspéctu Angelórum
 psallam tibi, Deus meus.

R. Adorábo ad templum sanctum tuum, et confitébor nómini tuo.

Ad Magnificat. Ana.

Archángelus Gábriel ait ad Mariám : Non erit impossibile apud Deum omne verbum. Dixit autem Mariá : Ecce ancilla Dñi, fiat mihi secúndum verbum tuum. Et discéssit ab ea Angelus.

DIE XIX. MARTII.

In Festo S. Joseph, Conf.

Duplex j. Classis.

In Ditione Regis Hisp.

Omnia ut in Breviario.

FERIA SEXTA.

POST DOMINICAM IN ALBIS.

SS. Spinæ Coronæ

D. N. J. C.

Duplex ij. Classis.

Ad Vesp., Añæ et Capit. de Laud. Psalmi de Dñica. 130. et loco ult., Ps. Laudáte Dñum, omnes Gentes. 134.

Hymn. Vexilla Regis, ut in Dom. de Passione. 223. sed in penult. strophæ dic. :

O Crux, ave spes única, Paschále quæ fers gáudium.

Y. Tuam Corónam adorámus, Dómine, allelúia. **R.** Tuum gloriósum recólimus triúmphum, allelúia.

Ad Magnificat. Ana.

Apprehéndit Pilátus Jesum, et flagellávit. Et mílites plecténtes corónam de spinis, imposuérunt cápiti ejus, et veste purpúrea circumdedérunt eum, allelúia, allelúia.

Oratio ut ad Laudes.

Ad Matutinum. Invitat.

Christum Regem pro nobis spinis coronátum, * Veníte, adorémus, allelúia. **Ps. Veníte. 2.**

Hymnus. Pange lingua, ut in Dom. Passionis. 224.

In primo Nocturno.

Añæ. Maledicta terra in ópere tuo : spinas et tribulos germinábit tibi, allelúia.

Psalmi in j. et ij. Noct. de Comm. unius Mart. xxv.

Y. Tuam Corónam adorámus, Dómine, allelúia. **R.** Tuum gloriósum recólimus triúmphum, allelúia.

De Isaia Prophéta.

Lectio j. Cap. 53.

QUIS crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti : non est species ei, neque decor : et vídimus eum, et non erat aspéctus, et desiderávimus eum : despéctum, et novissimum virórum, virum dolórum, et sciéntem infirmitátem : et quasi absconditus vultus ejus et despéctus, unde nec reputávimus eum.

R. Ecce vídimus eum non habéntem spéciem, neque decórem : aspéctus ejus in eo non est ; hic peccáta nostra portávit, et pro nobis dolet : ipse autem vulnerátus est propter iniqui-

tates nostras: * Cujus livore sanati sumus, allelúia. *ŷ.* Vere languores nostros ipse tulit, et dolores nostros ipse portavit. Cujus.

Lectio ij.

VERE languores nostros ipse tulit, et dolores nostros ipse portavit: et nos putavimus eum quasi leprosum, et percussum a Deo et humiliatum. Ipse autem vulneratus est propter iniquitates nostras, attritus est propter scelera nostra: disciplina pacis nostræ super eum, et livore ejus sanati sumus. Omnes nos quasi oves erravimus, unusquisque in viam suam declinavit: et posuit Dominus in eo iniquitatem omnium nostrum.

ŕ. Quid sunt plagæ istæ in medio manuum tuarum?

* Et dicet: His plagatus sum in domo eorum, qui diligebant me, allelúia. *ŷ.* Fræmea suscitare super pastorem meum, et super virum coherentem mihi. Et.

De Zacharia Propheta.

Lectio iij. Cap. 42. et 43.

ET erit in die illa: quæram contèrere omnes gentes, quæ veniunt contra Jerúsalem. Et effundam super domum David, et super habitatores Jerúsalem, spiritum gratiæ et precum: et aspicient ad me, quem confixerunt; et plan-

gent cum planctu, quasi super unigenitum, et dolébunt super eum, ut doléri solet in morte primogeniti. In die illa magnus erit planctus in Jerúsalem. Et dicetur ei: Quid sunt plagæ istæ in medio manuum tuarum? Et dicet: His plagatus sum in domo eorum, qui diligebant me. Fræmea suscitare super pastorem meum, et super virum coherentem mihi, dicit Dominus exercituum: percutite pastorem, et dispergentur oves: et convertam manum meam ad parvulos.

ŕ. Tuam Coronam spineam veneramur, Domine, tuam gloriosam recolimus Passionem: * Miserere nobis, qui passus es pro nobis, allelúia. *ŷ.* Salva præsentem catervam in tuis hodie laudibus congregatam. Miserere. Glória Patri. Miserere.

In secundo Nocturno.

Añã. Pro frumento ortus est mihi tribulus, et pro hordeo spina, allelúia. *ŷ.* Glória et honore coronasti eum, Domine, allelúia. *ŕ.* Et constituisti eum super ópera manuum tuarum, allelúia.

Ex Tractatu S. Athanasii Episcopi in Passiõne Dñi.

Lectio iv. Paulo ante med.

DUM exueretur Dominus, de ipso invisibiliter erigebatur de diabolo tro-

phæum; et quo illud manifestum fieret, narratur a Joanne indutum fuisse purpura, a Matthæo vero et Marco chlamyde coccinea, coronamque illi ex spinis super caput esse positam, et calamus in manu datum, et ita cum eum produxissent, genibus flexis adorasse. Miraculum novum et incredibile, et magnæ sine dubio victoriæ insigne. Quem enim ut hominem condemnauerant, eum mortuum deinde ut Deum adoraverunt; et quem aspernabantur ut vilem, et contemptibilem, eum confitebantur Regem: cui tunnicam et vestem detraxerant, eum purpura circumdederunt: et quem ignorantes contumeliis afficiebant, eum Prophetam etiam nolentes appellaverunt: et quem per ludibrium subsannationemque pulsabant, ei triumphalia addiderunt ornamenta, coccineam chlamydem, et coronam spineam, et calamus. Nam tametsi ea quasi per contumeliam agebant, efficiebatur tamen inde, ut ab eo latenter spoliarentur.

¶ Coróna áurea super caput ejus, * Expréssa signo sanctitátis, glória honóris, et opus fortitúdinis, alleluia. v. Quóniam prævenisti eum in benedictionibus dulcedi-

nis, posuisti in capite ejus coronam de lapide pretioso. Expréssa.

Sermo S. Ambrósii Episcopi.

Lectio v.

Serm. 73. de S. Cypriano.

VIDEAMUS diligenter ne ex palmitibus operis nostri non nascatur dulcedinis uva, sed fellis; ne dicatur nobis, quod Judæis dictum est per Prophetam: Sustinui ut faceret uvam, fecit autem spinas, et non justitiam, sed clamorem. Quam dura conditio, ut possessio, quæ Domino suo suavitatis fructus afferre debuit, spinarum illum asperitate compunxerit: hoc est, quum Judæi Salvatorem debuerint tota fidei devotione suscipere, spinarum eum coronaverunt passione. Quæ corona quidem, quantum in Judæis est, erat injuriarum contumelia; quantum in Domino, erat corona virtutum. Compungunt ergo Judæi Dominum, dum coronant, compungunt dum crucifigunt. Unde ait Scriptura sancta: Videbunt in quem compunxerunt.

¶ Omnes amici mei dereliquerunt me, et prævaluerunt insidiantes mihi: tradidit me, quem diligebam: * Et terribilibus oculis plaga crudeli percutientes, subsannabant mihi,

allelúia. **V.** Inter iníquos projecérunt me, et non percérunt animæ meæ. Et.

Lectio vij.

IGITUR, fratres, vidéte ne et nobis dicátur : Sustinui ut fáceret uvam, fecit autem spinas : hoc est, ne spinas quas Dómino Judæi eruéntis imposuérunt má nibus, nos iníquis sénsibus apponámus, et compungámus eum non asperitáte séntium, sed óperum pravitáte. Sunt enim spinæ cordis, quæ verbum Dei étiam vulneráre consuevérunt, de quibus méminit in Evangélio Salvátor, dicens seminántis semen cecidisse inter spinas, et crevisse eas, ac suffocásse quod satum est. Ergo, fratres, vidéte ne vinea vestra non uvas, sed spinas fáciat; ne vindémia vestra non vinum áfferat, sed acétum. Quisquis enim vindémiam legit, et paupéribus non largitur, ille acétum cólligit, non vinum; quisquis messes recóndit, et indigéntibus non ministrat, iste non alimóniæ fructus repósuit, sed tribulos avaritiæ congregávit. Nam proptérea ait Scriptúra de terra nostra : Spinæ et tribulos germinábit tibi.

R. Vineæ mea elécta, ego, te plantávi : * Quómodo convérta es in amaritudi-

nem, ut me spinis coronáres? Allelúia. **V.** Sepívi te, et lápidés elégi ex te, et ædificávi turrim. Quómodo. Glória Patri. Quómodo.

In tertio Nocturno.

Añs. Graváta est super me manus tua : convérsus sum in ærúmna mea, dum configitur spina, allelúia. **Psalmi ut in iij. Noct. de Comm. Virg. cxlij.**

V. Eris coroná glóriæ in manu Dómini, allelúia. **R.** Et diadéma regni in manu Dei tui, allelúia.

I. lectio sancti Evangélii secúndum Joánnem.

Lectio vij. Cap. 19.

IN illo témpore : Apprehéndit Pilátus Jesum, et flagellávit. Et milites plecténtes coronam de spinis, imposuérunt cápiti ejus. Et réliqua.

Homília sancti Augustíni Epíscopi.

Tract. 116. in Joannem.

HOC Pilátus non ob aliud fecisse credéndus est, nisi ut ejus injúriis Judæi satiáti, sufficere sibi existimárent, et usque ad ejus mortem sævire desisterent. Ad hoc pértinet quod idem præses cohórtem suam étiam permisit fácere quæ sequuntur, aut fortássis et jussit, quamvis hoc Evangelista tacúerit : dixit enim quid deinde fécerint milites; Pilátum tamen id jussisse non dicit.

R. Christus passus est pro nobis, vobis relinquit sexemplum ut sequamini vestigia ejus : * Qui peccatum non fecit, nec inventus est dolus in ore ejus, allelúia. **V.** Qui quum malediceretur, non maledicebat : quum pateretur, non comminabatur. Qui.

Lectio viij.

ET milites, inquit, plectentes coronam de spinis, imposuerunt capiti ejus, et veste purpurea circumdederunt eum, et veniebant ad eum, et dicebant : Ave Rex Judæorum : et dabant ei alapas. Sic implebantur quæ de se prædixerat Christus : sic Mártires informabantur ad ómnia, quæ persecutori libuisset facere, perferenda : sic paulisper occultata tremenda potentia, commendabatur prius imitanda patientia : sic regnum quod de hoc mundo non erat, superbum mundum, non atrocitate pugnandi, sed patiendi humilitate vincebat : sic illud granum multiplicandum seminabatur horribili contumelia, ut mirabili pullularet in gloria.

R. Milites præsidis suscipientes Jesum in prætorium, congregaverunt ad eum universam cohortem, et exuentes eum, chlamydem coccineam circumdederunt ei : * Et plectentes coronam de spinis, posuerunt super ca-

put ejus, allelúia, allelúia. **V.** Genu flexo ante eum, ille ludébant ei, dicentes : Ave Rex Judæorum. Et. Glória Patri. Et.

Lectio ix.

EXIIT ergo Jesus portans coronam spineam, et purpureum vestimentum. Et dicit illis Pilátus : Ecce homo. Hic apparet, non ignorante Piláto hæc a militibus facta, sive jusserit ea, sive permiserit, ea scilicet causa, quam supra diximus, ut hæc ejus ludibria inimici libentissime biberent, et ultérior sanguinem non sitirent. Egréditur ad eos Jesus portans spineam coronam et purpureum vestimentum, non clarus império, sed plenus opprobrio; et dicitur eis : Ecce homo. Si regi invidétis, jam parcite, quia dejectum vidétis. Flagellatus est, spinis coronatus est, ludibriosa veste amictus est, amaris conviciis illusus est, alapis cæsus est; ferveret ignominia, frigescat invidia, sed non frigescit, inardescit potius et increscit.

Te Deum laudamus. 17.

AD LAUDES,

et per Horas. Ant.

1. Milites præsidis suscipientes Jesum in prætorium, congregaverunt ad eum universam cohortem, allelúia. **Psalm.** Dóminus regnavit, cum reliquis. 18.

2. Et exuētes eum, chlāmydem coccineam circum-dederunt ei, allelúia.

3. Et plectētes coronam de spinis, posuērunt super caput ejus, et arúndinem in dextera ejus, allelúia.

4. Et genu flexo ante eum, illudébant ei, dicētes: Ave Rex Judæórum, allelúia.

5. Et expuētes in eum, accepērunt arúndinem, et percutiébant caput ejus, allel.

Capitulum. Cant. 3.

EGREDDIMINI et vidēte, filiæ Sion, Regem Salomónem in diadémate, quo coronávit illum mater sua in die desponsatiónis illius, et in die lætitiæ cordis ejus.

Hymnus. L. ustra sex, ut in Dom. Passionis. 229.

Ÿ. Dóminus regnávít, decórem induit, allelúia. R̃. Induit Dóminus fortitúdinem, et præcínxit se virtúte, allel.

Ad Benedictus, Añā.

Mílites induunt Jesum púr-pura, et impónunt ei plectētes spineam coronam, et cœpērunt salutáre eum, dicētes: Ave Rex Judæórum, allelúia, allelúia.

Oratio.

PRÆSTA, quæsumus omnipotens Deus: ut qui in memóriam Passiōnis Dómini nostri Jesu Christi, Coronam ejus spineam venerámur in terris, ab ipso glória et honóre coronári mereámur in cœlis. Qui tecum.

Ad Tertiam, Añā.

Et exuētes.

Capit. Egredimini. supra.

R̃. br. Tuam Coronam adorámus, Dómine. * Allelúia, allelúia. Tuam. Ÿ. Tuum gloriósum recólimus triúmphum. Allelúia, allelúia. Glória Patri. Tuam. Ÿ. Glória et honóre coronásti eum, Dómine, allelúia. R̃. Et constituísti eum super ópera mánuum tuárum, allelúia.

Ad Sextam, Añā.

Et plectētes.

Capitulum. Apoc. 6.

VIDI, et ecce equus albus, et qui sedébat super illum habébat arcum, et data est ei coroná, et exívit vincens ut vínceret.

R̃. br. Glória et honóre coronásti eum, Dómine. * Allelúia, allelúia. Glória et. Ÿ. Et constituísti eum super ópera mánuum tuárum. Allelúia, allelúia. Glória Patri. Glória et. Ÿ. Eris coroná glóriæ in manu Dómini, allelúia. R̃. Et diadéma regni in manu Dei tui, allel.

Ad Nonam, Añā.

Et expuētes.

Capitulum. Isaie 28.

IN die illa erit Dóminus exercítuum coroná glóriæ, et sertum exultatiónis resíduo pópuli sui.

R̃. br. Eris coroná glóriæ in manu Dómini. * Allelúia, allelúia. Eris. Ÿ. Diadéma regni in manu Dei tui. Alle-

celij Die xxiij. Aprilis. B. Alexandri Sauli.

lúia, allel. Glória Patri. Eris.
v. Dóminus regnauit, decó-
rem induit, allel. r̄. Induit
Dóminus fortitúdinem, et
præcínxit se virtúte, allel.

In ij. Vesperis omnia ut
primis.

v. Tuam Corónam adorá-
mus, Dómine, allelúia: r̄.
Tuam gloriósum recólimus
triúmphum, allelúia.

Ad Magnificat. Añá.

O Corónæ miránda dignitas!
mortis débitas pœnas repél-
lis: tu spes lapsis, firmitas
infirmis, tu restáuras corón-
as pérditas, allelúia, allel.

DIE XXIII. APRILIS.

In Festo B. Alexandri Sauli
Episc. et Conf.

Duplex.

Omnia de Communi Conf.
Pont. lxiv. præter seq.

Oratio.

DEUS, qui in Ecclesiá tua,
per beátum Alexándrum,
Confessórem atque Pontifi-
cem, reguláris disciplinæ ac
pastoralis sollicitúdinis ex-
émpla instauráre dignátus
es: fac nos, quæsumus, ita
ejus inhærére vestigiis; ut
ad animæ salutem júgiter in-
ténti, gáudia cum ipso asse-
quámur æténa. Per Dómi-
num.

In j. Nocturno Lectiones
de Scriptura occurrente.

In secundo Nocturno.

Lectio iv.

ALEXANDER, Dominico
Sauli et Thomasína Spí-

nula, Genuénsibus patriciis,
Medioláni natus, ab incúnte
ætáte, orándi stúdio, jejú-
niis et singulári cultu in
Deíparam, cui étiam casti-
tátem devóerat, non ob-
scúra præbuit sanctitátis in-
dícia. Adoléscens, deláta in
forum eruce, circulátore
ejécto, de contéptu mundi
coram stupénte pópulo gra-
uissime dissérui. Quo expe-
riménto in Congregatióem
Clericórum regulárium san-
cti Pauli admissus, breui
virtútum ómnium splendóre
emicuit, devotióne præser-
tim erga Eucharistiam,
quam sumens ad deliquium
usque accendebátur. Sacer-
dótio insignítus, theológicis
stúdiis præficitur, quorum
subsídio ad animárum salú-
tem se totum convértens,
pia sodalítia instituit, Sa-
cramentórum frequéntiam
invéxit, verbíque divíni mi-
nistérium ita exércuit, ut
eximii Ecclesiæ præsules ab
eo pastorále dicéndi genus
hausísse palam asserúerint.
Univérsæ Congregatióni
præpósitus, eámdem rexit
prudéntia et religióne mirá-
bili: qua commóti plures
claríssimi viri, ab ipso ad
pietátem informári voluére.
Hos inter beátus Cárolus se,
illo duce, perfectiόνis sé-
mitam ingrèssum profite-
bátur, cum ejus consílio et
ópera in Ecclesiá Mediola-

nénsi regénda simul uteré-
tur. **R.** Inveni David.

Lectio v.

EPISCOPATU Aleriénsi ex
obediéntia suscep̃to, gre-
gis mores catéchesi, con-
ciónibus, synodis, locórum
ómnium difficillima visita-
tione ac labóre, pene solus
emendávit. Vetustíssimis re-
stinctis ódiis, pacis stúdio
se crebro dimicántium armis
injécit, sacerdotum licéntiæ
réstitit, inscítia consúluit,
et clérigos ipse pietáte ac
litteris imbuit. Céterum pri-
stini institúti custos religio-
sissimus, in victu parcus,
in ornátu vulgáris, eccle-
siasticórum provéntuum fi-
délis adminíster, cathedrâ-
lem ecclésiâ et episcópiûm
cum Seminário a fundamén-
tis excitávit. Præcípua ta-
men ejus cura fuit in páu-
peres; quæ tum máxime clâ-
ruit, cum octingéntos nau-
tas e mânibus piratârum
elápsos una die hospítio ex-
cépit et commeátu províditi.
Neque rédditus tantum, sed
vitam ipsam pro grege dare
parátus, grassánte peste, pú-
blicis supplicatióibus, nu-
dis et cruentátis pédibus in-
teresse, ægrótos invísere,
eisque spirituálem et corpo-
rálem alimóniam ministrâre
non est véritus: páuperum
inde pater et Córsiæ Apó-
stolus passim nuncupátus.

R. Pósui adjutórium.

Lectio vj.

DOCTRINA et dicéndi facul-
táte ita præstitit, ut,
extemporáli sermóne, plu-
res Hebræos ad Christum
convérterit. Altíssimæ con-
templatiónis donum assecú-
tus, radiánte vultu sæpe
rapiebátur in Deum, et An-
gelórum concéntu recreabá-
tur. Tanta fuit ejus fides,
ut precum, quibus viginti
quátuor intérdum continén-
tes horas dabat, præsidio,
tempestátes sedáverit, Tur-
cârum classem evérterit,
multósque sanitáti restitué-
rit. His præclâre gestis ma-
gnus, patiéntia major et
humilitáte, pública convi-
cia sustinuit, et, lápide
ictus in fáciem, apud ín-
sulæ præsidem véniam per-
cussóri impetrávit. Demum
a Gregório Décimo quarto,
motu próprio, ceu Angelus
Ticinénsibus datus, anno,
ut prædixerat, ab ingrèssu
illius urbis nondum explé-
to, dum diocécisis fines ví-
seret, vitæ asperitáte ac
labóribus fractus, cœlésti
visiône confortátus, Calótti
pie óbiit; unde corpus suá-
viter olens Papíam trans-
látum, in majóri ecclésiâ
honorífice cónditum fuit.
Illum vero virtútibus ac
signis illústrem Benedictus
Décimus quartus in Beató-
rum númerum rétulit.

R. Iste est, qui.

In iij. Noct. Homilia in
Evang. Homo peregri. lxxij.

DIE XXIV. APRILIS.

In Festo S. Boni Latronis.
Duplex.

Ad Vesp. Añæ et Capit.
de Laud. Psalmi de Dñica.
130. et loco ult. Ps. Laudáte
Dñum, omnes gentes. 134.

Hymnus.

JESU, coróna célsior,
Et véritas sublímiór,
Qui confiténti sérvulo
Reddis perénne præmium.
Da supplicánti cœtui,
Hujus rogátu, nóxii
Remissionem críminis,
Rumpéndo nexum vínculi.
Anni réverso témpore,
Dies refúlsit lúmine,
Quo Sanctus hic de córpore
Migrávit inter sídera.
Præsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Ÿ. Amávit eum Dóminus,
et ornávit eum, allelúia. **R.**
Stolam glóriæ induit eum,
allelúia.

Ad Magnificat, Añæ.

Ait latro ad latrónem : Nos
quidem digna factis recipi-
mus : hic autem quid fecit?
Meménto mei, Dómine, dum
véneris in regnum tuum,
allelúia, allelúia, allelúia.

Oratio ut ad Laudes.

Ad Matutinum, Invitat.
Christum Regem crucifi-
xum, qui Latróni in cruce

Paradísium donat, *Veníte,
adorémus, allelúia. Ps. Ve-
nite. 2.

Hym. Jesu, coróna. sup.
In primo Nocturno.

Añæ. Beátus iste Sanctus,
qui confisus est in Dómino.
et exauditus est de monte
sancto ejus, allelúia. Psalmi
de Comm. Conf. non Pont.
lxxxv.

Ÿ. Amávit eum Dñus et or-
návit eum, allel. **R.** Stolam
glóriæ induit eum, allelúia.

Lectiones dicuntur de
Scriptura occurrente.

R. j. Pósuí adjutórium su-
per poténtem : * Manus
enim mea auxiliábitur ei,
et bráchium meum confor-
tábit eum, allelúia. **Ÿ.** Nihil
proficiet inimícus in eo, et
fílius iniquitátis non nocé-
bit ei. Manus.

R. ij. Iste cognóvit justí-
tiam, et vidit mirabília, et
exorávit Altíssimum : * Ip-
se intercédat pro peccátis
ómnium populórum, alle-
lúia. **Ÿ.** Iste invéntus est
in número Sanctórum. Ipse.

R. iij. Amávit eum Dó-
minus, et ornávit eum,
stolam glóriæ induit eum :
* Et ad portas Paradísi co-
ronávit eum, allelúia. **Ÿ.**
Induit eum Dóminus lori-
cam fidei, et ornávit eum.
Et. Glória Patri. Et.

In secundo Nocturno.

Añæ. Invocántem exaudivit
Dóminus Sanctum suum: Dó-

minus exaudivit eum, et constituit eum in pace, allelúia.

Ÿ. Induit eum Dóminus lorícam fidei, et ornávit eum, allelúia. R. Et ad portas Paradísi coronávit eum, allel. Sermo S. Joánnis Chrysóst.

Lectio iv.

Hom. 2. de Cr. et Latr. 1. 3.

SCIO et ante me dixisse de Latróne, sed habet divérsas intelligéntias Dóei sermo. Iste Latro de ligno mercátur salútem; hic Latro furátur cœléste impérium. Vim facit majestáti, non virtúte própria, sed fide vincens. Ipsíus Dómini vox est regnum cœlórum vim pátitur, et violénti diripiunt illud. In cruce duo latrónes imágo Judæórum, et Gentílium. Latro, quem pœnitet, imáginem óbtinet pópuli ex Géntibus congregáti, qui prius in erróre ambuláverat, et post hoc veritátem agnóvit. Imáginem vero latro ille Judæórum, qui usque in finem perseverat latro. Et usque ad tempus quidem crucis viam malignitátis iérunt; crux autem divisit utrúmqe.

R. Velum templi scissum est: * Et omnis terra trémuit: Latro clamábat de cruce, dicens: Meménto mei, Dómine, dum véneris in regnum tuum, allelúia.

V. Petrá scissæ sunt, et monuménta apértæ sunt, et

multa cōrpora Sanctórum, qui dormierant, surrexérunt. Et omnis.

Lectio v.

VIAM namque cæcitátis, et perditiónis, qui non crédidit, ingræssus est; viam autem salútis, qui crédidit, ingræssus est; viam salútis, qui crédidit, adéptus est. In cruce dídicit Latro différentiam viárum, quóniam novit Dóminus viam justórum: via autem impiórum peribit. Et vide Dei justum iudícium, ut dicas et tu cum Prophéta: Justus es, Dómine, et rectum iudícium tuum. Propter unum peccátum damná-tur Adam, et propter unam fidei vocem Latro salvá-tur. Unum peccátum ejécit illum, et una justitia introdúxit istum; et Latro habitátor factus est Paradísi. O admiránda rerum matéries! Nec Abrahæ data est per vocem repromissio Paradísi. Hæreditá-tur quidem per fidem: repromissionem autem Paradísi nemo ante Latrónem accépit.

R. Nemo repromissionem Paradísi ante latrónem accépit, cui Dóminus in cruce dixit: * Hódie mecum eris in Paradiso, allel. Ÿ. Dómine, meménto mei, cum véneris in regnum tuum. Hódie.

Lectio vi.

ISTE ergo vidit Salvatórem non super throne regáli,

non adorári in templo, non loquéntem de cœlis, non per Angelos disponéntem; sed in pœna sociátum latróni; videt in torméntis, et tamquam in glória adórat; videt in cruce, et rogat quasi in cœlis sedéntem; videt condemnátum, et Regem invocát, dicens: Dómine, meménto mei, cum véneris in regnum tuum. Crucifixum vides, et Regem prædicas? In ligno pendére cernis, et cœlórum regna meditáris? O admiránda Latrónis convérsio!

R. O admiránda Latrónis convérsio! * Crucifixum videt, et Regem prædicat, allelúia. **V.** In ligno pendéntem cernit, et cœlórum regna meditátur. Crucifixum. Glória Patri. Crucifixum.

In tertio Nocturno.

Ant. Dómine, iste Sanctus habitábit in tabernáculo tuo; requiescet in monte sancto tuo, allelúia.

V. Hic accipiet benedictiónem a Dómino, allelúia.

R. Et misericórdiam a Deo salutári suo, allelúia.

Lectio sancti Evangelii secundum Lucam.

Lectio vij. Cap. 23.

In illo témpore: Unus de his, qui pendébant, latrónibus blasphemábat Jesum, dicens: Si tu es Christus, salvum fac temetípsum, et nos. Et réliqua.

Homilia sancti Ambrósii
Episcopi.

Serm. 49. de S. Latrone.

QUONIAM hódie Evangélii lectio de Latrone fecit mentiónem, videámus quis ille Latro sit, qui, in cruce Dómino constitúto, non solum peccatórum suórum véniam conséquitur, sed étiam Paradísi amœnitáte donátur; ut qui propter scélera damnátus fúerat ad pœnam, propter fidem transferrétur ad glóriam; fueritque illi crux, quam pértulit, non tam supplicii damnátio, quam salutis occásio. In cruce enim pósitus in Christum Dóminum nostrum crédidit crucifixum. Et ideo qui consórtio passiónis útitur, consórtio Paradísi condonátur. Beátus enim Latro, dum supplicium pátitur, regnum cœléste conséquitur. Ecce reus dicitur, sicut cui damnári illud tempus expetívit. Non enim perveniret ad glóriam, si non contráditus esset ad pœnam. Videámus, inquam, cur tantórum criminum reus tam cito a Salvatóre Paradísum promerétur, cum álii multórum témporum lácrymis, frequentibúsque jejúniis vix delictórum suórum véniam consequántur.

R. Iste est beátus Latro, qui in cruce pósitus Christum Dóminum nostrum

crédidit crucifixum : * Et dum supplicium pátitur, regnum coelésté conséquitur , allelúia. *Ÿ.* Quem Judas Iscariótes in hórtulo Paradísi distráxerat, iste in patíbulo confitétur. Et dum.

Lectio viij.

MAGNA, fratres, et múltiplex causa est. Primum, quod iste Latro devotióne fidei tam repénite mutátus est, ut præséntem pœnam despíceret, ac de futura véniam precarétur; et magis créderet útile sibi esse de ætérno judício pétere, quam de temporáli supplicio postuláre. Reminiscens enim scélerum suórum, et pœnitúdinem gerens, plus incipit dolére quod sperat, quam sentire quod pátitur. Pótuít enim, nisi de futúris ámplius cogitáset, qui in Christum semel credíderat, de præsénti magis supplicio deprecári. Deínde illud ad grátiam ejus majóris est mériti, quod in Christum in cruce pósitum crédidit, et pássio, quæ áliis scándalum fecit, illi ad fidem profécit. Crucis enim pássio multis scándalum fuit, sicut dicit Apóstolus : Nos autem prædicámus Christum crucifixum, Judæis quidem scándalum, Géntibus autem stultitiam. Recte ergo merétur Paradísium, qui crucem Christi non putávit esse scán-

dalum, sed virtútem. Dicit enim idem Apóstolus : Ipsis autem vocátis Judæis, atque Græcis, Christum Dei virtútem, et Dei sapiéntiam.

Ŕ. Iste est, qui crucem Christi non putávit esse scándalum, sed virtútem; ideóque Paradísium merétur:

* Ipse intercédât pro peccá-
tis ómnium populórum, allelúia. *Ÿ.* Iste est qui honorificat patiéntem, quem Judas pródidit osculántem. Ipse. *Gloria Patri. Ipse.*

Lectio ix.

RECTE plane et Dóminus huic donat Paradísium, quia quem Judas Iscariótes in hórtulo Paradísi distráxerat, hic in erucis patíbulo confitétur, Mira res! confitétur latro, quem discipulus abnegávit. Mira, inquam, res! Latro honorificat patiéntem, quem Judas pródidit osculántem. Ab hoc pacis blandiménta vendúntur, ab illo crucis vúlnera prædicántur. Ait enim : Meménto mei, Dómine, cum véneris in regnum tuum. Hæc est fidei plena devótio, ut, cum de vulnéribus Dómini prófluens sanguis cernitur, tunc de potestáte ejus vénia postulétur; cum vidétur ejus humilitas, tunc magis timeátur ejus divinitas; cum morti addictus putátur, tunc Regis illi honorificéntia deferátur. Iste enim fidélis

Latro non credidit moritūrum, quem annūtiat regnatūrum; non putat subdēndū inferis, quem dominatūrum confitētur in cœlo : non arbitrātur eum apud tārta- rum detineri, a quo se etiā pōstulat liberāri. Cernat licet ejus hiāntia vūlnera, spectet ipsius sāguinem profluētem, Deum tamen credit, quem reum nescit; justum fatētur, quem non mēminit peccatōrem.

Ie Deum laudāmus. 17.

AD LAUDES,

et per Horas. Añæ.

1. Latro Christum crucifixum vidēbat, et Regem invocābat, dicens : Dómine, meménto mei, cum véneris in regnum tuum, allelúia. **Ps. Dóminus regnāvit, cum reliq. 18.**

2. Qui me conféssus fúerit coram homínibus, confitébor et ego eum coram Patre meo, allelúia.

3. Cum conturbāta fúerit ánima mea, Dómine, misericórdiæ memór eris, allel.

4. Salvum me fecit Christus Redēptor, qui dixit : Hódie mecum eris in Paradiso, allelúia.

5. Ille, qui talis ad crucem venit ex culpa, ecce qualis a cruce recēdit ex grátia, allel.

Capitulum. Isaice 59.

ECCE non est abbreviāta manus Dómini, ut salvāre néqueat : neque aggra-

vāta est auris ejus, ut non exāudiat.

Hymnus.

JESU, Redēptor ómnium, Coróna confitēntium, In hac die cleméntius Indúlgeas precántibus.

Tui sacri qua nóminis Conféssor almus cláruit, Hujus celebrat ánnua Devóta plebs solémnia.

Hujus benígnus ánnue Confessiōnem nos sequi : Hujus precātu, sērvulis Dimitte noxam criminis.

Ut sis perénne mēntibus Paschāle, Jesu, gáudium, A morte dira criminum Vitæ renátos libera.

Deo Patri sit glória, Et Filio, qui a mórtuis Surréxit. ac Paráclito, In sempitérna sæcula. Am.

V. Vitam pétiit a te, et tribuisti ei, Dómine, allelúia. **R.** Glóriam, et magnum decórē imposuisti super eum, allel.

Ad Benedictus, Añæ.

Ait Latro ad latrónem : Nos quidem digna factis recípi-mus, hic autem quid fecit? Meménto mei, Dómine, dum véneris in regnum tuum, allelúia.

Oratio.

OMNIPOTENS, et miséricors Deus, qui justificas impios: te súplices exorāmus; ut nos benígnio intúitu, quo Unigénitus tuus beátum tra-xit Latrónem, ad dignam poeniténtiam próvoces, et

illam , quam ei promísit ,
tribuas nobis glóriam sem-
pitérnam. Qui tecum vivit.

Ad Tertiam . Añã.

Qui me conféssus.

Capit. Ecce non est.

R. br. Amávit eum Dóminus,
et ornávit eum. * Allelúia ,
allelúia. Amávit. *ŷ.* Stolam
glóriæ induit eum. Allelúia,
allelúia. Glória Patri. Amá-
vit. *ŷ.* Induit eum Dóminus
loricam fidei et ornávit eum,
allel. *R.* Et ad portas Para-
disi coronávit eum , allel.

Ad Sextam . Añã.

Cum conturbáta fúerit.

Capitulum. Isaíæ 58.

TUNC invocábis , et Dómi-
nus exáudiet : clamábis ,
et dicet : Ecce adsum.

R. br. Induit eum Dómi-
nus loricam fidei , et ornávit
eum. * Allelúia , allelúia.
Induit. *ŷ.* Et ad portas Pa-
radisi coronávit eum. Alle-
lúia , allelúia. Glória Patri.
Induit. *ŷ.* Hic accipiet bene-
dictiónem a Dómino , alle-
lúia. *R.* Et misericórdiam a
Deo salutári suo , allelúia.

Ad Nonam . Añã.

Ille , qui talis.

Capitulum. Isaíæ 38.

TU autem, Dñe, eruísti áni-
mam meam, ut non perí-
ret : projecísti post tergum
tuum ómnia peccáta mea.

R. br. Hic accipiet bene-
dictiónem a Dómino. * Al-
lelúia , allelúia. Hic. *ŷ.* Et
misericórdiam a Deo salu-

tári suo. Allelúia , allelúia.
Glória Patri. Hic. *ŷ.* Vitam
pétiit a te , et tribuísti ei ,
Dómine, allelúia. *R.* Glóriam
et magnum decórem impo-
suísti super eum , allelúia.

In ij. Vesp. omnia ut in j.

ŷ. Amávit eum Dóminus, et
ornávit eum, allel. *R.* Stolam
glóriæ induit eum, allelúia.

Ad Magnificat , Añã.

Impietas impíi non nocébit
ei , in quacúmque die con-
vérsus fúerit ab impietáte
sua , allelúia , allelúia.

DIE XXVI. APRILIS.

*In Festo B. Mariæ Virginis
de Bono Consilio.*

Duplex majus.

*Omnia ut in Festis B. M.
clv. præter seq.*

Ad Magnificat , Añã.

Sancta María, succúrre mi-
seris, juva pusillánimes, ré-
fove flébiles, ora pro pópulo,
intérveni pro clero, intercé-
de pro devóto femíneo sexu,
séntiant omnes tuum juvá-
men , quicúmque célebrant
tuæ sanctæ Imáginis appa-
ritiónem.

Oratio.

BONORUM ómnium largitor
Deus, qui Genitricis di-
lécti Filii tui speciósam Imá-
ginem mira apparitióné cla-
rificáre voluísti : concéde ,
quæsumus; ut ejúsdem beá-
tæ Mariæ Virginis interces-
sióne ad cœléstem pátriam
feliciter perducámur. Per
eúmdem Dóminum.

Ad Matutinum, Hymnus.

PLAUDE festivo, pia gens,
honóre,
Dum Genestáni veneráris
ædem,
Qua Dei magnæ Genitrícis
alma
Splendet imágo.

Hæc ubi mira spécie re-
pente
Obtulit sese pópulis vidén-
dam,
Multa mox secum bona ferre
nostras

Visa per oras.

Ipsa tunc ægris áderat, mo-
léstos
Córporis morbos animique
pellens,
Longe et ærúmnae Látio
imminéntes

Ipsa fugábat.

Virgo, quæ magnis decorá-
ta signis,
Nunc quoque effúlges, mí-
seris juvámén
Affer, et fuis pátiens clién-
tum

Annue votis.

Sit salus illi, decus, atque
virtus,
Qui super cœli sólio corú-
scans,
Tótius mundi sériem gu-
bérnat

Trinus et unus. Amen.

In primo Nocturno.

De libro Proverbíorum.

Lectio j. Cap. 2.

Si intráverit sapiéntia cor
tuum, et sciéntia animæ
tuæ placúerit, consílium cu-

stódiét te, et prudéntia ser-
vábít te, te eruáris a via
mala, et ab hómine, qui per-
vérsa lóquitur : qui relín-
quunt iter rectum, et ámbu-
lant per vias tenebrósas: qui
lætántur cum malefécerint,
et exúltant in rebus péssimis
quorum vitæ pervérsæ sunt,
et infámes gressus eórum.

R. Sancta et immaculáta.

Lectio ij. Cap. 3.

FILI mi, ne éffluent hæc ab
óculis tuis. Custódi legem
atque consílium ; et erit vita
animæ tuæ, et grátia fáucibus
tuis. Tunc ambulábis fiduciá-
liter in via tua, et pes tuus
non impinget. Si dormieris,
non timébis ; quiésces, et
suávis erit somnus tuus ; ne
páveas repentinó terróre, et
irruéntes tibi poténtias im-
piórum ; Dóminus enim erit
in látere tuo, et custódiét
pedem tuum, ne capiáris.

R. Congratulámini.

Lectio iij. Cap. 8.

EGO sapiéntia hábito in
consílio, et eruditis in-
térsum cogitátionibus. Ti-
mor Dómini odit malum, ar-
rogántiam et supérbiam,
et viam pravam, et os bilin-
gue detéstor. Meum est con-
sílíum, et æquitas, mea est
prudéntia, mea est fortitúdo.
Per me reges regnant, et legū
conditóres justa decérunt.
Per me Príncipes imperant,
et poténtes decérunt justí-
tiam. Ego diligéntes me

diligō : et qui mane vigilānt
ad me, invēnient me.

℞. Beāta es.

In secundo Nocturno.

De Sermōne S. Augustīni
Epīscopi.

Lectio iv.

In Natali S. Joann. Bapt.

HOMINEM concēpit Elisa-
beth, hōminem Mariā :
sed Elisabeth solum hōmi-
nem, Mariā Deum et hōmi-
nem. Mira res est, quōmodo
potūerit concipere creatūra
Creatōrem. Quid est ergo
intelligēdum, fratres mei,
nisi quia ipse sibi fecit car-
nem de sola matre, qui fecit
primum hōminem sine pa-
tre, et matre? Primus ille
noster casus fuit, quando
fēmina, per quam mōrtui
sumus, in corde concēpit
venēna serpēntis. Persuāsit
enim serpens peccātum, et
admissus est male suādens.
Si primus noster casus fuit,
cum fēmina concēpit corde
venēna serpēntis; non mi-
rāndum, quod salus nostra
facta est, cum fēmina con-
cēpit in ūtero carnem Omni-
potētis. Utērque ceciderat
sexus; utērque fūerat re-
parāndus. Per mulierem in
intēritum missi erāmus; per
mulierem nobis rēddita est
salus. ℞. Sicut cedrus.

De Sermōne S. Fulgēntii Ep.

Lectio v. De laud. B. M.

QUONIAM diabolus per ser-
pēntem Evæ locūtus,

per Evæ aures mundo intulit mortem, Deus per Angelum ad Mariam pertulit Verbum, et cunctis sæculis vitam effudit. Angelus sermōnem ejecit, et Christum Virgo concēpit. Hoc splendōre concipitur Dei Fīlius; hac munditia generatur. De cœlis mēdicus trānsiens pēr Virginem, post trānsitum suum illæsam fecit Virginem permanēre. Qui enim disrūpta cōrporum membra in aliis pōterat integrāre tangēdo, quanto magis in sua Matre, quod invēnit integrum, pōtuit non violāre nascēdo? Crevit enim ejus partu intēgritas cōrporis pōtius, quam decrevit; et virginitas ampliāta est pōtius, quam fugāta.

℞. Quæ est ista.

Lectio vj.

MARIA quam præclarissimis tribus bonis sublimetur, ausculta: Salutationis angelicæ, benedictionis divinæ, et plenitudinis gratiæ. Sic enim eam legitur salutasse: Ave Mariā grātia plena, benedicta inter mulieres. Et ut nihil non sublime esset in hac sanctissima Virgine, quam Angelus grātia plenam salutavit, non sine divino consilio factum est, ut ejus etiā imāgines summo essent in honore, et prodigiis, miraculisque clarescerent. Quas inter tribus

abhinc sæculis ea præcipuo honóre colitur, quæ, Paulo Secundo sedente, mirabiliter apparuisse in pariete Ecclesiæ Patrum Ordinis Eremitarum sancti Augustini in oppido Genestani Prænesti-næ diocesis, ex pontificiis diplomátibus, et suppáribus monuméntis comprobátur. Quibus permótus Pius Papa Sextus præfátis ejúsdem oppidi cœnobítis Officium proprium concéssit séptimo Kaléndas Majas, ipso scilicet Apparitiónis die recitándum; ac deínde illud die, quæ immediátesubséquitur, pro ejus recitatióne in pósterum assignáta, ad univérsum prædictum Ordinem sub ritu dúpliciis majóris exténdit.

R. Ornátam monilibus.

In tertio Nocturno.

Léctio sancti Evangélíi
secúndum Matthæum.

Lectio vij. Cap. 4.

LIBER generatiónis Jesu Christi, filii David, filii Abraham. Abraham génuit Isaac. Isaac autem génuit Jacob. Et reliqua.

Homília sancti Thomæ.

In Nativ. B. M. V.

COGITANTI mihi, ac diu hæsitánti, quid causæ sit, quod, cum Evangelistæ de Joánne Baptista, et aliis Apóstolis tam longum fecére tractátum, de Vírgine María, quæ vita et dignitate om-

nes antecédit, ita summátim percúrrant históriam: cur, inquam, non tráditum est memóriæ, quómodo concépta, quómodo nata, quómodo nutrita, quibus móribus decoráta, quibus virtútibus ornáta, quid cum Fílio in humánis égerit, quómodo cum illo conversáta sit, quómodo post ejus ascensiónem cum Apóstolis vixerit? Magna erant hæc, et memorátu digna, et quæ summa devotióne a fidélibus legeréntur, a pópulis amplecteréntur. Quis enim dúbitat, quin in ejus natiuitáte et puerítia mira multa contigerint; et puélla hæc in téneris annis stupéndum sæculis virtútum ómnium monuméntum exstíterit?

R. Felix namque es, sacra Virgo María, et omni laude digníssima: * Quia ex te ortus est Sol justítiæ, Christus Deus noster. **V.** Ora pro pópulo, intérvieni pro clero, intercède pro devóto femineo sexu: séntiant omnes tuum juvámén, quicúmque célebrant tuæ sanctæ Imáginis apparitiónem. Quia.

Lectio vij.

HÆC mihi hæsitánti, cur de áctibus Vírginis, sicut de áctibus Pauli, non est compósitus liber, nihil aliud occúrrit (accusáre enim Evangelístas negligéntiæ sicut impium, ita

et temerarium iudico) quam ita placuisse Spiritui sancto; ejusque providentia Evangelistas siluisse, propterea quia Virginis gloria, sicut in Psalmis legitur, omnis intus erat, et magis cogitari poterat quam describi; sufficitque ad ejus plenam historiam, quia de illa natus est Jesus. Quid amplius quaeris? Quid ultra requiris in Virgine? Sufficit tibi, quod Mater Dei est.

R. Beatum me dicent omnes generationes: * Quia fecit mihi Dominus magna, qui potens est, et sanctum nomen ejus. **V.** Et misericordia ejus a progénie in progénies timéntibus eum. Quia. Glória Patri. Quia.

Lectio ix.

NON eam Spiritus sanctus litteris descripsit, sed tibi eam animo depingendam reliquit, ut intelligas, nihil illi gratiae, aut perfectionis, aut gloriæ, quam animus in pura creatura concipere possit, defuisse; imo reipsa intellectum omnem superasse. Ubi ergo totum erat, pars scribenda non fuit; ne putares, quod scriptum non fuerat, eidem forsitan defuisse. Si ancillas suas et ministras domus suæ potentissimus Dominus ita mirifice decoravit, ita donis et grâtiis venustavit: qualem existimas, con-

didit Matrem suam, unicam Sponsam suam, quam sibi ex omnibus eligit, et præ omnibus adamavit? Omnibus eam Altissimus præposuit, non solum virgineis, sed etiam angelicis choris, quia Mater ejus est, et Matrem Dei decet omnis celsitudo. Quidquid igitur de Virgine scire, aut intelligere cupis, totum in hoc clauditur breviloquio: De qua natus est Jesus. Hæc longa et plenissima historia ejus est. Te Deum laudamus. 17.

DIE XI. MAJI.

In Festo S. Francisci de Hieronymo, Conf.

Duplex.

Omnia de Comm. Conf. non Pont. lxxxiv. præter seq.

Oratio.

DEUS qui beatum Franciscum, ad animarum salutem, eximium verbi tibi præconem effecisti: ejus nobis intercessione concede; ut legis tuæ mandata et jûgiter scrutémur in corde, et fideliter opéribus exequámur. Per Dominum.

In j. Nocturno Lectiones de Scriptura occurrente.

Ubi est dupl. maj. Lect. Justus, de Comm. lxxxvii.

In secundo Nocturno.

Lectio iv.

FRANCISCUS de Hieronymo in Tarentini agri oppido, cui Cryptækæ nomen, honesto loco natus, pia

paréntum cura institútus , ac cœli benedictiône præ-
 véntus, pueritiam egit, in-
 nocentíssimis móribus præ-
 stántem, et futúre sancti-
 tátis indíciis conspiciuam.
 Duodécimo ætátis anno in
 quorúmdam evangelicórum
 operariórum contubérnium
 admissus, in catechizándis
 rúdis adhuc adolésceus
 diligéntem óperam pósuit,
 et apostólico ministério, ad
 quod Deus illum destináve-
 rat, jam tum prolúdere vi-
 sus est. Theológica stúdia
 Neápoli agréssus , et Sa-
 cerdótio initiátus, ita vitæ
 suæ ratiónes ad evangélica
 consília accommodávit, ut
 Sacerdótis sancti nomen
 adéptus fúerit. Societátem
 Jesu ingrédessus, jactis in
 tyrocínio religiósæ perfe-
 ctiónis, ardentíssimæ in
 Deum, et próximos chari-
 tátis, insígnis paciéntiæ,
 aliarúmque virtútum funda-
 méntis, quæ majus in dies
 singulos increméntum acci-
 piébant, theologiæ curri-
 culum confécit, et solémni
 quátuor votórum profes-
 sióne sese obstringens, exi-
 mium reguláris observán-
 tiæ exémplar evásit. Pro
 sacra ad Japónes expedi-
 tióne, quam martyrii cúpi-
 dus in votis hábuit, Neápoli
 reténtus, præfectúram Mis-
 siónum jussu Præsulum ac-
 cépit; quod non sine Dei

númine factum evéntus com-
 probávit. *R.* Honéstum.

Lectio v.

ETSI enim córpore erat
 grácilis, neque satis firma
 valetúdine, ac prætérea car-
 nem assíduis jejúniis, vigi-
 liis, verberibúsq; macerá-
 bat, tamen tot ónera in se
 suscipiens, quot feréndis
 plures simul vix pares es-
 sent, incredibile dictu est,
 quanta pro glória Dei, quam
 únice quærébat, égerit non
 solum Neápoli, sed in áliis
 quoque ejúsdem regni pro-
 vínciis, quot labóres, et
 ærúmnas túlerit, quanto cum
 fructu in agro domínico
 excoléndo plus quam qua-
 dragínta annis desudáverit.
 Frequéntes, et sæpius plu-
 res eódem die habébat con-
 ciónes per vicos, cómpita,
 et platéas, ad carcéribus
 deténtos, ad régiis trirémi-
 bus mancipátos, ad mili-
 tes, contra circulátóres
 impudéntes, contra públi-
 cos quosvis peccatóres,
 contra famæ prostitutæ mu-
 liérculas. Accedébant mira-
 bília signa, treménda divi-
 næ ultiónis advérsus pervi-
 cáces documénta, scrutatio
 córdium, prædictio rerum
 futurárum, ejus córporis
 diversis in locis replicatio,
 grátia sanitátum, annóna
 divínitus multiplicáta, vox
 étiam ex ore meretricis sú-
 bita morte corréptæ extór-

ta, quæ se apud inferos esse palam denunciavit. Ex quo fiebat, vix ut unquam e superiori loco ad populum diceret, quin insignem aliquem peccatorem Christo lucrifaceret. Interdum etiam decem, nonnunquam quindecim meretriculæ simul sua crimina descentes in concione, ad poenitentiam confugerunt. *R.* Amavit.

Lectio vj.

ASSIDUA ejus opera fuit in ægrôtis invisendis, in moribundis ad mortem rite preparandis, in concórdia animorum dissidentium concilianda, in pauperibus ope, ac solatio sublevandis. Communionem, quam dicunt generalem, singulis cujuslibet mensis tertiis diebus Dominicis usque adeo promovit, ut sæpe quindecim millia fidelium, aliquando viginti millia, aut eo amplius, ad Eucharisticam mensam convenerint. Exercitiis spiritalibus, ex sancti Ignatii institutis præscripto, Sacerdotum cœtus, virorum religiosorum, et virginum Deo devotarum monasteria, puellarum cœnobîa, studentium juvenum collégia, et seminaria, atque omne hominum genus mirifice excôluit. Gravissimas difficultates, et moléstias, quas illi dæmon excitabat, invicta patientia superavit;

nec semel maxillam percussit submisso animo alteram præbuit : quin et acerbissimos dolores brachio captivi Mahometani, qui eum percusserat, a Deo ultore inflictos signo crucis repente cessare fecit, hominemque ad christianam religionem adduxit. Demum in cœlum a Deo evocatus, placide efflavit animam in Neapolitana Professorum domo, die undécima Maji, anno millésimo septingentésimo décimo sexto, ætatis vero suæ septuagésimo quarto. Quem méritis, ac miraculis clarum Pius Séptimus Póntifex Máximus in Beatórum númerum rétulit. Novis autem signis a Deo illustratum, præsertim in pátria, iisque rite probatis Gregórius Décimus sextus solémni ritu, in Festo sanctissimæ Trinitatis, anno millésimo octingentésimo trigésimo nono, in Sanctórum albo adnumeravit.

R. Iste homo.

In iij. Noct. Homilia in Evang. S. in lumbi. xcij.

DIE XV. MAJI.

In Festo S. Isidori Agricolaë Confessoris.

Duplex.

Omnia de Comm. Conf. non Pont. lxxxiv. præter seq.

Capitulum Jacobi 5.

ECCE agricola expéctat pretiosum fructum terræ,

patiënter ferens donec accípiat temporáneum, et serótinum. Patiéntes igitur estóte et vos, et confirmáte corda vestra : quóniam advéntus Dómini appropinquávit.

In Hymno, Iste Conféssor, mutatur tertius versus.

Ad Magnificat, Añã.

Labóres mánuum suárum quia manducávit, esuriéntem implévit bonis Dóminus Deus noster. Allelúia, allel.

Oratio.

DA nobis, quæsumus, miséricors Deus, beáto Isidóro Confessóre tuo intercedénte, superbe non sápere; sed ejus méritis et exémpis plácita tibi semper humilitáte deservíre. Per Dóminum.

In primo Nocturno.

De Epístola B. Jacóbi Apost.

Lectio j. Cap. 5.

PATIÉNTES igitur estóte, fratres, usque ad advéntum Dómini. Ecce agricola expéctat pretiósus fructum terræ, patiënter ferens donec accípiat temporáneum, et serótinum. Patiéntes igitur estóte et vos, et confirmáte corda vestra : quóniam advéntus Dómini appropinquávit. Nolite ingemiscere, fratres, in altérutrum, ut non judicémini. Ecce judex ante jánuam assístit. Exémpum accípíte, fratres, éxitus mali, labóris, et patiéntiæ,

prophétas, qui locúti sunt in nómine Dómini.

ij. Eugene serve.

Lectio ij.

ECCE beatificámuſ eos, qui sustinuérunt. Sufferéntiam Job audístis, et finem Dómini vidístis, quóniam miséricors Dóminus est, et miserátor. Ante ómnia autem, fratres mei, nolíte juráre, neque per cælum, neque per terram, neque áliud quodcúmque juraméntum. Sit autem sermo vester : Est, est : Non, non : ut non sub judicio decidátis. Tristátur áliquis vestrum? Oret. Æquo ánimo est? psallat. Infirmátur quis in vobis? inducat presbyteros Ecclesiæ, et orent super eum, ungéntes eum óleo in nómine Dómini; et orátio fidei salvábit infirmum, et alleviábit eum Dóminus : et si in peccátis sit, remitténtur ei.

ij. Justus germinábit.

Lectio iij.

CONFITEMINI ergo altérutrum peccáta vestra, et oráte pro invicem ut salvémini : multum enim valet deprecátio justí assídua. Elias homo erat símilis nobis passíbilis : et oratióne orávit, ut non plúeret super terram, et non pluit annos tres, et menses sex. Et rursum orávit : et cælum dedit plúviam, et terra dedit fructum suum.

ij. Iste cognóvit.

In secundo Nocturno.

Lectio iv.

ISIDORUS Agrícola prope Matritum Hispaniæ urbem, in qua natus fuerat, mercède colendis agris conductus, brevi magnarum sibi virtutum eo in exercitio uberrimam segetem paravit. Admirabilis enim Christi ac Sanctorum imitator, nunquam ad opus mane se conferbat, nisi prius Dei regnum studiose quæreret, ecclesiâsque in ipsius ac Deiparæ honorem dicatas visitaret. Quare cum illius moram agri dominus graviter ferret, atque ex editiore loco quadam die, ut eum libèrius increparet, Agricolam opperirètur, binos Angelos cándida veste dúplici boum iugo arantes, mediûmque inter illos Isidorum conspexit. Quo miraculo vulgato, magno deinceps honóri tam apud herum, quam apud cæteros homines haberi cœpit.

¶. Honéstum fecit.

Lectio v.

CHARITATE in pauperes adeo flagrávit, ut mercèdem, quam labóribus parabat, egéntibus erogaret. Quin etiam cum aliquando ad commúne cum reliquis confratribus prándium plúrimos pauperes adduxisset, nihilque aliud, prándio scilicet finito, quam pul-

ménti partem sibi reservatam reperisset, illam vir Dei fide singulári fretus, ita distribuit, ut admirabiliter aucta iis ómnibus alendis saturandisque sufficeret. Illud etiam inter cætera mirandum, quod per æstivos calóres ad exstinguendam in agro sitim, aquæ potum hero flagitante, cum nùllibi scatèret, Isidórus stimulo, quem gerèbat, humo percússa, úberem ex ea, et perénnem ad hæc usque témpora, fontem elicuit.

¶. Amávit eum.

Lectio vj.

IGITUR sanctitáte clarus, cum ad últimam senectutem pervenisset, obdormivit in Dómino, et in cœmeterio sancti Andréæsepúltus tamdiu ibi jácuit, quoad cives de ipsius corpore honestius in ecclésia collocando divinitus móniti, illud in lóculo integrum, atque ádeo incorruptum invenérunt, ut ex eo suavissimus odor, qui hac etiam tempestáte perdúrat, efflaret. Sacrum corpus in ecclésiâ translátum et in editiore loco situm máximis Deus miraculis illustrávit. Quorum beneficéntiam non semel tam ipsa Matriti civitas, quam etiam cætera Hispaniæ loca, ope ipsius implorata, persensérunt. Quem postrémo post annos fere

quadringentos fama sanctitatis ac miraculis illustrem, Gregorius Décimus quintus in Sanctorum numerum retulit. *It.* Iste homo.

In tertio Nocturno.

Lectio sancti Evangelii secundum Joannem.

Lectio vij. Cap. 15.

IN illo tempore : Dixit Jesus discipulis suis : Ego sum vitis vera , et Pater meus agricola est. Et reliqua. Homilia S. Gregorii Papæ. *Lib. 7. Reg. 2. Epist. 32.*

PER semetipsum Veritas dicit : Pater meus agricola est : et omnem palmitem , in me non ferentem fructum , tollet eum ; omnem vero , qui fert fructum , purgabit eum , ut fructum plus afferat. Palmes enim infructuosus tollitur , quia peccator funditus eradicatur. Palmes vero fructuosus purgari dicitur , quia per disciplinam reciditur , ut ad uberiores gratias perducat. Sic enim spicarum grana tribulis attrita , aristis et paleis mundantur : sic olivæ prelo pressæ , in olei pinguedinem defluunt : sic botri vinearum pressi calcibus , in vinum liquescunt. *It.* Iste est qui.

Lectio viij.

Ex eodem tract. in vij. Psalmos pœnitent. ad 6. Psalm.

QUI manet in Verbo , non fraudatur a regno. Ali-

ter namque fructum facere non possumus , nisi in eo maneamus. Ideoque ait : Manete in me , et ego in vobis. Ubi enim manendum nisi in ipso ? Deficient domus , palatia corruent , destruentur civitates , ab imis sedibus turres evellentur : Verbum autem Dñi manet in æternum. Maneamus ergo in eo , qui manet in æternum.

It. Sint lumbi.

Lectio ix.

NON sequamur vanitatem , deserentes veritatem , nec contristemur sicut cæteri , qui spem non habent , sed sustineamus eum. Et si moram fecerit , expectemus , ne contingat nobis quod per Prophetam dicitur : Væ his qui perdidērunt sustinentiam. Quicumque mundanæ adversitatis fractus molēstis , diabolicæ tentationis infestatione dejectus , a spe cœlestium promissionum deciderit , sustinentiæ , quam prius habuerat , mercedem amittet : qui vero sustinebit , magnam reportabit remunerationem.

Te Deum laudamus. 17.

Ad Laudes. Capit. Ecce agricola. cclxv.

Ad Benedictus. Aññ.

Exiit qui seminat seminare semen suum , et aliud cecidit in terram bonam , et ortum fecit fructum centuplum. Allelúia , allelúia.

Ad Tertiam, Capit. Ecce agricola. cclxv.

Ad Sextam, Capitulum.

ECCE beatificámus eos, qui sustinuérunt. Suffrentiam Job audistis, et finem Dómini vidístis, quóniam miséricors Dóminus est, et miserátor.

Ad Nonam, Capit. Jac. 5.

MULTUM enim valet deprecatio justí assídua. Elías homo erat símilis nobis passibilis: et oratione orávit ut non plúeret super terram, et non pluit annos tres, et menses sex. Et rursum orávit: et cœlum dedit plúviam, et terra dedit fructum suum.

In secundis Vesp. Capit.

Ecce agricola. cclxv.

Ad Magnificat, Aña.

Ecce homo agricola iste fuit, quóniam Adam exémplum ejus ab adolescéntia sua ad serviéndum Deo vivénti. Allelúia, allelúia.

DIE XVI. MAJI.

In Festo S. Joannis Nepomuceni, Martyris.

Duplex.

Omnia de Com. unius Mart. temp. Pasch. xl. præter seq.

Oratio.

DEUS, qui ab invictum beáti Joánnis sacramentale siléntium, nova Ecclésiám tuam martyrii coróná decorásti: da nobis, ejus intercessióne et exémplo, linguam caute custodire; ac

omnia pólius mala, quam animæ detriméntum, in hoc sæculo toleráre. Per Dóminum.

In j. Nocturno Lectiones de Scriptura occurrente.

In secundo Nocturno.

Lectio iv.

JOANNES Nepomúci Bohémiae óppido, unde Nepomuceni cognómen duxit, a paréntibus ætáte provéctis, non sine futúrae sanctitátis præságio, flammis supra nascéntis domum mirabiliter collucéntibus, ortus est. Cum infans in gravem morbum incidisset, beátæ Vírginis ope, cui natum paréntes referébant accéptum, e vitæ periculo evásit incólumis. Egrégia índole, piáque institutione cœlestibus indíciis obsequente, inter sanctas religiosasque exercitationes puerítiam egit; nam ecclésiám frequenter adíre, ac sacerdotibus ad aras operántibus ministráre in deliciis habébat. Zatécii politióribus lítteris ad humanitátem informatus, Pragæ vero gravióribus disciplínis excúltus, Philosophiæ, Theologiæ, sacrorúmque Cánorum magistérium et láuream eméruit. Sacerdotio initrátus, atque a sciéntia Sanctorum ad lucra animárum rite comparátus, ministério verbi Dei se pénitus addixit. Cum igitur in vítiis exstir-

pándis , et revocándis in viam salútis errántibus , eloquéntia et pietáte úberes éderet fructus , inter canónicos Metropolitánae ecclésiæ Pragénsis cooptátus , mox sibi demandátam Evangelii coram rege Wencesláo Quarto prædicándi provinciám suscepit , eo succéssu , ut , Joánnis suásu , multa rex fáceret , magnóque in honóre ejus virtútes habéret. Conspícuas tamen , quas ille obtulit dignitátes , Dei servus , ne a divini verbi præcónio avocarétur , constántissime recusávit.

R. Lux perpétua.

Lectio v.

REGIS illum eleemósynis in páuperes erogándis præfécum , Joáнна regína consciéntiæ sibi moderatórem adscívit. Cum autem Wencesláus ab officio institutóque decessisset , atque in vítia præceps abriperétur , piæ autem cónjugis obtestatiónes et mónita graváte ferret , conténdere ausus est , ut in sacramentáli judicio sacerdoti crédita regínæ arcána sibi a Joánnepanderéntur. At Dei mínister blanditiis primum , torméntis deinde , et cárceris squalóre tentátus , nefáriæ regis cupiditáti fórtiter óbstitit. Furéntem tamen Wenceslái ánimu cum ab exsecrándo propósito

nec humana nec divina jura deterrérent , suprému agónem , quem instáre sibi athléta Christi nóverat , póculo in conciónede impendéntibus étiam regni calamitátibus admónito , non obsécure prænuntiávit. Mox Bolesláviam profécus , ad beátæ Vírginis imáginem , antiquo cultu célebrem , cœléste præsidium ad certándum bonum certámen effúsis précibus implorávit. Inde vésperere reverténtem in pervigilio Dominicæ Ascensionis rex e fenéstra conspicátus arcéssit ; cumque vehementius urgéret , et próximam in aquis , si obluctári pérgeret , submersiónem intentáret. Joánnes invicta constántia terróres mínasque refutávit. Itaque regis império in Moldávam flumen Pragam intérfluens noctu dejectus , illústrem martyrii coronam est consecútus.

R. In servis suis.

Lectio vj.

SACRILEGUM fácinus clam patrátum , et Mátyris glóriam insigne prodígium divinitus patefécit. Ubi enim exánime corpus secúndo flúmine vehi cœpit , ardéntes faces aquis supernatántes et discurréntes apparuerunt. Quámobrem ex arénapostrídie mane corpus elátum , canónici deinde , regis iram nihil tíméntes , in

Metropolitánam ecclésiám solémni pompa intulérunt , et sepultúræ mandáruunt. Cum autem índies invícti sacerdotís memória miráculis et máxima fidélium , eórum præcípuè qui fama periclitántur , veneratióne crésceret , post annos decem amplius trecéntos , in jurídica recognitióne corpóris , quod sub humo támdiū jacuérat , lingua ejus incorrúpta et vívida repérta est : quæ sexto post anno judícibus a Sede Apostólica delegátis exhibita , novo prodigio repénite intúmuit , et subobscúrum rubórem in purpúream commutávit. His itaque aliisque signis rite probátis , Benedíctus Décimus tértius Póntifex Máximus , die décima nona mensis Mártii , anno salutis millésimo septingentésimo vigésimo nono , primum hunc sacramentalis sigilli assertórem , arcáni fidem ságuine obsignántem , sanctorum Mátyrum catálogo adscripsit.

R. Filiæ Jerúsalem.

In tertio Nocturno.

Lectio sancti Evangélii
secúndum Matthæum.

Lectio vij. Cap. 10.

In illo témpore : Dixit Jesus discipulis suis : Nihil est opértum , quod non revelábitur , et occúltum , quod non sciétur. Et réliqua.

Homília sancti Hilárii
Episcopi.

Com. in Matth. cap. 10.

Dominus diem judícii osténdit , quæ abstrúsam voluntátis nostræ consciéntiam prodet , et ea quæ nunc occúltá existimántur , luce cognitiónis públicæ déteget. Igitur non minas , non consília , non potestátes insectántium monet esse metuéndas : quia dies judícii nulla hæc fuisse , atque inánia revelábit. Et quod dico vobis in ténebris , dicite in lúmine : et quod in aure auditis , prædicáte super tecta. Non légimus , Dóminum sólitum fuisse nóctibus sermocinári , et doctrinam in ténebris tradidisse : sed quia omnis sermo ejus carnálibus ténebræ sunt , et verbum ejus infidélibus nox est.

R. Ego sum vitis.

Lectio viij.

Itaque id quod a se dictum est , cum libertáte fidei et confessiόnis vult esse loquéndum. Idcirco quæ in ténebris dicta sunt , prædicári jussit in lúmine : ut quæ secréto áurium commissa sunt , super tecta , id est , excélso loquéntium præcónio , audiántur. Constantér enim Dei ingerénda cognitio est , et profúndum doctrinæ evangélicæ secrétum in lúmine prædicatió.

nis apostolicæ revelandum: non timéntes eos quibus cum sit licéntia in córpora, tamen in ánimam jus nullo est: sed timéntes pótius Deum, cui perdéndæ in gehénna et ánimæ et córporis sit potéstas.

R. Cándidi.

Lectio ix.

NOLITE timére eos qui occidunt corpus. Nullus igitur córporum nostrórum casus est pertimescendus, neque ullus interiméndæ carnis admittendus est dolor: quando pro natúræ suæ atque oríginiis conditione resoluta, in substantiam spirituális ánimæ refundatur. Et quia doctrínis talibus confirmátos opórtet liberam confitendi Dei habere constantiam, étiam conditionem, qua tenerémur, adjéct; negáturum se eum Patri in cœlis, qui se hominibus in terra negasset; eum porro qui confessus coram hominibus se fuisset, a se in cœlis confitendum: qualésque nos nóminis sui testes hominibus fuissémus, tali nos apud Deum Patrem testimonio ejus usúros.

Ite Deum laudámus. 17.

ALIUD OFFICIUM

S. Joannis Nepom., Mart.

Duplex.

Ad Vesp., Añæ et Capit.

de Laudibus. Psalmi de

Dñica. 130. et loco ult., Ps. Laudáte Dóminum, omnes Gentes. 134.

Hymnus.

INVICTUS heros Núminis,
Mergendus unda flúminis,
Stat fortis in siléntio,
Dum fit sigilli méntio.

Hinc rex minátur fúnera,
Hinc tortor infert vúlnera,
Manus ligántur fúnibus,
Artus cremántur ignibus.

Sed hæc Joánnes déspicit,
Nec regis iram réspicit,
Secréta non vult pándere,
Horret sigillum frángere.

Sat mutus agnus innocens,
Nil de tegédis próferens;
Stat; dumque rex nil élicit,
E ponte justum déjicit.

Præceps ab alto stérniture,
Undis profúndis mérgitur;
Mersum sed applaudéntibus
Undæ salútant ignibus.

Stellæ natant in flúmine,
Illi paréntant lúmine,
Docétque cœli cláritas,
Quæ sit Joánnis cháritas.

Pa, sempitérna Trínitas,
Ut in bono sit firmitas;
Aut lacrymárum flúmina
Mergant cadéntum crimina.

Amen.

Sacraméntum Regis abscondere bonum est, allelúia.

R. Opera autem Dei revelare honorificum, allelúia.

Ad Magnificat, Añæ.

Dedit mihi Dóminus linguam
mercédem meam: et in ipsa
laudábo eum, allelúia,

Oratio ut ad Laudes.

Ad Matutinum, Invitat.

Exultent in Dómino Sancti,

* Allelúia. Ps. Veníte. 2.

Hymnus.

IN profúnda noctis umbra,

Et gravi calígine

Lustrat ædē flamma munda,

Sic jubénte Númine.

Nocte náscitur Joánnes,

Astra cœlo dévolant :

Nocte mérgitur Joánnes,

Astra funus ápparant.

Hinc cor ejus igne flagrans

Fortis urit cháritas :

Hinc ab ejus ore manans

Mira prodit suávitás.

Nunc amóre cor bonórum

Ad salútem pértrahit :

Nunc timóre cor malórum

A gehénna rétrahit

Páuperes solátur ære,

Derelictis súbvenit :

Non sinit justos jacére,

Damna famæ præpedit.

Pér Joánnis sanctitátem,

O beáta Trinitas,

Méntibus da puritátem ;

Corde regnet cháritas. Am.

In primo Nocturno.

Añs. Erit lumen Israel in

igne, et sanctus ejus in flam-

ma, allelúia. **Psalmi de**

Comm. unius Mart. xxv.

ŷ. Sacraméntum Regis abs-

cóndere bonum est, allelúia.

R. Opera autem Dei revelá-

re honoríficum, allelúia.

De libro Ecclesiástici.

Lectio j. Cap. 21.

STULTUS a fenestra respi-

ciat in domum : vir autem

cruditus foris stabit. Stulti-

tia hóminis auscultáre per-
óstium : et prudens gravábi-
tur contumélia. Lábía im-
prudéntium stulta narrá-
bunt : verba autem prudén-
tium statéra ponderabúntur.

In ore fatuórum cor illórum :
et in corde sapiéntium os
illórum. Dum maledicit im-
pius diábolum, maledicit
ipse ánimam suam. Susúrro
coinquinábit ánimam suam,
et in ómnibus odiétur : et
qui cum eo mánserit, odió-
sus erit : táctus, et sensá-
tus honorábitur.

R. Metuébat rex Joánnem :

* Sciens eum virum justum,
et sanctum, allelúia. **ŷ.** Et
custodiébat eum, et, audito
eo, multa faciébat, et libén-
ter eum audiébat. Sciens.

Lectio ij. Cap. 28.

FLAGELLI plaga livórem fa-
cit, plaga autem linguæ
commínuet ossa. Multi ceci-
derunt in ore gládi, sed non
sic quasi qui interiérunt per
linguam suam. Beátus qui
tectus est a lingua nequam,
qui in iracúndiam illíus non
transívit, et qui non attráxit
jugum illíus, et in vínculis
ejus non est ligátus : jugum
enim illíus, jugum férreum
est : et víaculum illíus, vín-
culum æream est. Mors il-
líus mors nequíssima : et
útilis pótius inférnus quam
illa.

R. Lex veritátis fuit in ore
ejus, et iniquitas non est

inventa in labiis ejus : in pace , et in æquitate ambulavit mecum : * Et multos avértit ab iniquitate , allelúia. *ŷ.* Lábia enim sacerdotis custódient sciéntiam , et legem requirént ex ore ejus. Et.

Lectio iij.

PERSEVERANTIA illius non permanébit , sed obtinébit vias injustórum : et in flamma sua non combúret justos. Qui relínquunt Deum , incident in illam , et exardébit in illis , et non extingúetur , et immittétur in illos quasi leo , et quasi pardus lædet illos. Sepi aures tuas spinis , linguam nequam noli audire , et ori tuo fácito óstia et seras , Aurum tuum et argéntum tuum confla , et verbis tuis fácito statéram , et frenos ori tuo rectos : et atténde , ne forte labáris in lingua , et cadas in conspéctu inimicórum insidiántium tibi , et sit casus tuus insanábilis in mortem.

Ŕ. Sepívi aures meas spinis , * Et ori meo feci óstia et seras , allel. *ŷ.* Beátus qui lingua sua non est lapsus , et qui non servívit indignis se. Et. *Gloria Patri.* Et.

In secundo Nocturno.

Añs. Non quæsit a Dómino ducátum , neque a rege cáthedram honóris , allelúia. *ŷ.* Pone , Dómine , custódiam ori meo , allelúia.

Ŕ. Et óstium circumstántiæ labiis meis , allelúia.

Lectiones ut in præcedenti Officio ejusdem Sancti. cclxvij.

Ŕ. iv. Instans oratióni , et ministério verbi , hortábatur omnes in propósito cordis permanére in Dómino. * Quia erat vir bonus , et plenus Spíritu sancto , allelúia. *ŷ.* Et apponebátur multa turba Dómino. Quia.

Ŕ. v. Dispérsit dedit pauperibus : * Justítia ejus manet in sæculum sæculi , allelúia. *ŷ.* Beátus qui intéligit super egénium , et páuperem. Justítia.

Ŕ. vj. Ego scio quóniam intrábunt post discessiónem meam lupi rapáces in vos , non parcéntes gregi : * Propter quod vigiláte , allelúia. *ŷ.* Et ex vobis ipsis exúrgent viri loquéntes perversa , ut abdúcant discipulos post se. Propter. *Gloria Patri.* Propter.

In tertio Nocturno.

Añs. Igne me examinásti , et non est inventa in me iniquitas , allelúia.

ŷ. Dixi : Custódiam vias meas , allel. *Ŕ.* Ut non delinquam in lingua mea , allel.

Lectio sancti Evangélii secundum Matthæum.

Lectio vij. Cap. 11.

IN illo témpore : Cum audisset Joánnes in vinculis ópera Christi , mittens duos

ex discipulis suis, ait illi : Tu es qui venturus es, an alium expectamus? Et reliqua.

Homilia sancti Gregorii
Papæ.

In Evang. Hom. 6.

DIMISSIS Joannis discipulis, quid de eodem Joanne turbis dicat, audiamus. Quid existis videre in deserto? Arundinem vento agitatam? Quod videlicet non asserendo, sed negando intulit. Arundinem quippe mox ut aura contigerit, in partem alteram inflectit. Et quid per arundinem nisi carnalis animus designatur? qui mox ut favore vel detractio tangitur, in partem quamlibet inclinatur. Si enim ab humano ore aura favoris flaverit, hilarescit et extollitur: sed si inde ventus detractio eruperit, unde aura laudis veniebat, mox hunc quasi in partem alteram ad vim furoris inclinat.

R. Cum corripere ab illo de omnibus malis quæ fecit rex, adjecit et hoc: * Et inclusit Joannem in carcere. **Y.** Laboro usque ad vincula, quasi male operans, sed verbum Dei non est alligatum. Et.

Lectio viij.

SED arundo agitata vento Joannes non erat: quia hunc nec blandum gratia,

nec cuiuslibet detractio ira asperum faciebat, nec prospera hunc erigere, nec adversa noverant inclinare. Arundo ergo vento agitata non erat, quam ab status sui rectitudine nulla rerum varietas inflectebat. Discamus ergo, fratres charissimi, arundinem vento agitatam non esse: solidemus animum inter auras linguarum positum: stet inflexibilis status mentis. Nulla nos detractio ad iram provocet, atque ad remissionem inutilis gratiæ nullus favor inclinet. Non nos prospera elevent, non adversa perturbent: ut qui in soliditate fidei figimur, nequaquam rerum transeuntium mobilitate moveamur.

R. Reddidit Deus justo mercedem laborum suorum, et deduxit illum in via mirabili: * Et fuit illi in velamento diei, et in luce stellarum per noctem. **Y.** Transvexit illum per aquam nimiam, inimicos autem illius demersit. Et. Gloria Patri. Et.

Lectio ix.

ADHUC autem de ejus expressione subjungitur: Sed quid existis videre in deserto? hominem mollibus vestitum? Ecce, qui mollibus vestiuntur, in domibus regum sunt. Camelorum enim pilis, ut scitis, vesti-

tus Joáñnes fuisse describitur. Et quid est dicere : Ecce qui móllibus vestiuntur, in dómibus regum sunt; nisi apérta senténtia demonstráre, quia non cœlésti, sed terréno regi militant ii, qui pro Deo perpéti áspera fúgiunt, et solis exterióribus déditi, præsentis vitæ mollitiem et delectatióem quærunt?

Te Deum laudámus. 17.

AD LAUDES,

et per Horas, Añæ.

1. Interrogábat eum rex multis sermónibus : at ipse nihil illi respondébat, allelúia. **Psalmi de Dñica. 18.**

2. Rex dixit : Ne abscondas a me verbum, quod te intérrigo. Dixi : Secrétum meum mihi, secrétum meum mihi, allelúia.

3. Affirmábat rex, se divitem et beátum factúrum. Non obédio præcépto regis, sed præcépto legis, quæ data est nobis, allelúia.

4. Tunc rex accénsus ira, in hunc super omnes crudélius desæviit, allelúia.

5. Beátus, qui lingua sua non est lapsus, et qui non servivit indignis se, allelúia.

Capitulum. Eccli. 21.

LABIA imprudentium stulta narrábunt, verba autem prudentium statéra ponderabúntur : in ore fatuorum cor illórum, et in corde sapiéntium os illórum.

Hymnus.

Vix in sepúlchro cónditur,

Signis Joáñnes próditur,
Per crátium repágula
Intérmicant mirácula.

Hic ejus hostes illico
Pudóre mœsti público,
Ultríce dextra Núminis,
Pœnas repéndunt criminis.

Hic damna rerum fléntibus,
Famæve conqueréntibus,
Abducta res revértitur,
Ablata fama rédditur.

Hic corpus ægritúdines,
Tempus vicissitúdines,
Perículum secúritas,
Mortem fugit mortálitas.

Hic viva lingua Mártiris,
Sed muta voce ságuinis
Clamans, ut Abel, improbat,
Regisque crimen éxprobat.

Iníus o da Trínitas,
Triúmque simplex Unitas,
Ut qui Joáñni súpplicant,
Id impetrent quod flágitant.
Amen.

V. Pósui ori meo custódiam,
allelúia. **ñ.** Cum consisteret
peccátor advérsus me, allel.

Ad Benedictus. Añæ.

Quicúmque glorificáverit
me, glorificábo eum : qui
autem contémnunt me, erunt
ignóbiles, allelúia.

Oratio.

DEUS, qui ob invictum
beáti Joáñnis sacramen-
tále siléntium nova Ecclé-
siam tuam martyrii coróna
decorásti : da, ut, ejus ex-
émplo et intercessióne, ori

nostro custódiam ponéntes, Beátis, qui lingua non sunt lapsi, annumerémur. Per Dóminum.

Ad Tertiam. Añã.

Rex dixit.

Capit. Lábia imprudéntium, ut supra. cclxxvj.

R. br. Sacraméntum Regis abscondere bonum est.

* Allelúia, allelúia. Sacraméntum. *Ÿ.* Opera autem Dei reveláre honoríficum. Allelúia, allelúia. Glória Patri. Sacraméntum. *Ÿ.* Pone, Dómine, custódiam ori meo, allelúia. *R.* Et óstium circumstántiæ lábiis meis, allelúia.

Ad Sextam, Añã.

Affirmábat rex.

Capitulum. Eccli. 28.

SEPI aures tuas spinis, linguam nequam noli audíre, et ori tuo fácito óstia et seras.

R. br. Pone, Dómine, custódiam ori meo. * Allelúia, allelúia. Pone. *Ÿ.* Et óstium circumstántiæ lábiis meis. Allelúia, allelúia. Glória Patri. Pone. *Ÿ.* Dixi: Custódiam vias meas, allelúia. *R.* Ut non delínquam in lingua mea, allelúia.

Ad Nonam, Añã.

Beátus.

Capitulum. Eccli. 28.

AURUM tuum et argéntum tuum conflagra, et verbis tuis fácito statéram, et frenos ori tuo rectos: et at-

ténde ne forte labáris in lingua.

R. br. Dixi: Custódiam vias meas. * Allelúia, allel. Dixi.

Ÿ. Ut non delínquam in lingua mea. Allelúia, allelúia. Glória Patri. Dixi. *Ÿ.* Pósuí ori meo custódiam, allel. *R.* Cum consisteret peccátor advérsus me, allelúia.

In ij. Vesp. Añæ et Capit. de Laud. Psalmi de Dñica. 130, et loco ult., Ps. Crédidi. 134. Cætera ut seq.

Hymnus.

JAM faces lictor ferat, et minántem

Jam ferox ensem, rabidúm-
que tortis

Vínculis ferrum, sacra ní
sacérdos

Abdita pandat.

Séntiet vires, animæque
magnæ

Pródigum pectus: violéntus
ira

Non quatit recti sólida te-
nácem

Mente satélles.

En ruit præceps tumulátus
unda

Martyr, et fluctu plácido
silénte

Náufragus linguam meliórís
ævi

Servat in usum.

At superjéctæ fácili natántes
Amne discúrrunt, rutilánt-
que circa

Mártirem flammæ: bene
gesta plaudens

Ornat Olympus.

ornat et linguam , rósei
instar ignis ,
Vividam servans , et adhuc
rubéntem ,

Indicat quænam fúerit ta-
céntis

Grátia linguæ.

Sit decus Patri, Genitóque,
sanctum

Spirítum laudent , ab utrò-
que puris

Qui calet flammis, sine fine
psallens

Orbis utérque. Amen.

V. Pôsui ori meo custó-
diam, allelúia. R. Cum con-
sisteret peccátor advérsus
me, allelúia.

Ad Magnificat. Ana.

In conspéctu poténtium ad-
mirábilis ero , fácies prin-
cipum mirabúntur me : ta-
céntem me sustinébunt , et
loquéntem me respicient ,
allelúia.

DIE XXI. MAJI.

In Festo S. Felicis a Canta-
licio, Confessoris.

Semiduplex vel Duplex
prout indultum est.

Omnia de Communi Conf.
non Pont. lxxxiv.

In Hymn. Iste Conféssor,
mutatur tertius versus.

Oratio.

FAC nos , Dómine Jesu ,
in simplicitáte et inno-
céntia cordis nostri ambu-
lâre : quarum amóre de sinu
Matris inter beáti Felicis
Confessóris tui bráchia de-
scendisti. Qui vivis.

In j. Nocturno Lectiones
de Scriptura occurrente.

In secundo Nocturno.

Lectio iv.

FELIX a Cantalicio in Sa-
binis, humilibus, sed piis
paréntibus natus , a púero
pascéndis grégibus , mox et
agro coléndo addíctus, mul-
to impénsius rerum cœlé-
stium meditatióne ánimum
nutríre, et corpus assíduis
vigíliis ac jejúniis domáre
cœpit, eremíticam agens vi-
tam pótius quam rústicam.
Ferventióre autem in Deum
pietáte incénsus , cum non
posset quotidie, ut optábat,
sacris mystériis interésse,
grege ad loca solitária com-
púlso, ipse ante crucem, ár-
borum cortícibus incísam ,
diu oráre, seque ácriter fla-
gelláre consuéverat : sed et
aliquándo glebas in agro
vérttere, simúlque Sacris in
templo adéssé visus est.
Alias inter arándum furén-
tibus, quos júnxerat , indó-
mitis juvéncis, humi stratus,
et arátro superdúcto plane
proscindéndus, laceráta dun-
taxat veste , surréxit illæ-
sus. Quo perículo, ut ad tu-
tiórem reguláris disciplínæ
palæstram vocánti jam pri-
dem Deo paréret , admóni-
tus , rústica supelléctili
paupéribus distribui jussa ,
ad Fratres Minóres, quos Ca-
puccínos vocant, própere se
cöntulit. R. Honéstum.

Lectio v.

ADHUC tyro, necdum vota solémnia proféssus, religiósæ perfectionis ápicem jam attigisse videbátur. Obediéntiæ sédulus cultor, ad præcipiéntis non modo verbum, sed étiam nutum, præsto erat : seque cœnóbii jumentum dictitans vilissima quæque ministéria semper arripuit, ac ludibria et contumélias hilari vultu excipiebat. Paupertátis quam esset studiósus, illústri documénto Deus ipse declarávit. Ostiátim enim per vicos et platéas aléndis Frátribus mendicans (quod ille munus per annos quadraginta nudis fere semper pédibus obivit) cum die quadam inusitáto póndere se opprímí sentiret, mánticam scrutátus, injéctum clam nummum deprehéndit : quo projécto, nec sine indignatióne proculcáto, álacer et levis inde ábiit. Castitátem, quem usque ad óbítum servávit illibátam, sanctus córpore et spírítu a Paulo Quinto proptérea appellátus, vigili oculórum custódia, et voluntário cóporis cruciátu communívit; aspérímo flagélló se quotidie cruéntans, ac férreo cilicio constrictus, septem étiam Urbis Basílicas idéntidem invísens. Jejúnia Ordinis inédia quándóque cumulévit. Lectus ejus dolóris

pótius quam quiétis erat : brevem quippe somnum, flexis nuda super tábula génibus, ac fasce sarmentórum cápiti suppósito, carpébat.

R. Amávit eum.

Lectio vj.

VITÆ austeritáte sibi asper, áliis charus acceptúsque, sanctis præsertim Cárolo et Philíppo Nério, simplicitáte atque innocéntia semper fuit. In oratióne pernóctans, dulcíssimam frequénter éxtasim est passus, et aliquándó in ulnis suis reclináto a Vírgine Matre Púerum Jesum suavíssime complécti méruit. Prophetiæ grátia et miraculórum clárus, demórtuum étiam filium matri vivum restituit. Méritis tandem in bona senectúte cumulátus, secúnda (ut prædixerat) Féria Pentecóstes, ad cœléstem pátriam, Deípara invitánte, lætus ábiit. Ejus corpus in Ecclésia sui Ordinis summa Urbis veneratióne cólitur, Dño crebris miraculis servi sui sanctitátem illustránte : quem proptérea Urbánus Papa Octávus Beatórum, Clemens vero Undécimus Sanctórum fastis adscrípsit. **R.** Iste homo.

In tertio Nocturno.

Léctio sancti Evangélii secúndum Matthæum.

Lectio vij. Cap. 11.

IN illo témpore : Respóndens Jesus, dixit : Confi-

teor tibi, Pater, Dómine
cœli et terræ, quia abscon-
disti hæc a sapientibus et
prudéntibus, et revelásti ea
párvulis. Et réliqua.

Homilia S. Augustini Episc.
Serm. 9. de verb. Dñi, n. 70.

OMNIA sæva et immánia,
prorsus facília et prope
nulla éfficiet amor. Quanto
ergo cértius ac facílius ad
veram beatitúdinem chári-
tas facit, quod ad misériam,
quantum pótuít, cupiditas
fecit? Quam facile tolerátur
quælibet advérsitas tempo-
rális, ut ætérna pœna vitétur,
et ætérna réquies comparétur?
Non immérito ille Vas electionis
cum ingénti lætítia dixit: Non sunt
condignæ passiónes hujus témporis
ad superventúram glóriam, quæ
revelábitur in nobis. Ecce unde
illud jugum suáve est, et sárcina
levis: et si angústa est paucis
eligéntibus, facilis tamen
ómnibus diligéntibus. Dixit
Psalmísta: Propter verba
labiórum tuórum ego custodi-
ví vias duras.

R. Iste est qui.

Lectio viij.

SED quæ dura sunt labo-
rántibus, eísdem ipsis
mitéscunt amántibus. Pro-
pter quod ita divínæ pietá-
tis dispensatióne dictum est,
ut intérior homo, qui re-
novátur de die in diem, non
adhuc sub lege pósitus, sed

jam sub grátia exonerátus
sárcinis innumerábili-
um observatiónum, quod erat re-
véra grave jugum, sed
duræ cervícei conveniénter
impósitum, facilitáte sím-
plicis fidei, et bonæ spei,
et sanctæ charitátis, quid-
quid molestiarum exterióri
hómíni forínsecus intulís-
set ille prínceps, qui mis-
sus est foras, interióri
gáudio fieret leve.

R. Sicut lumbi.

Lectio ix.

NIHIL enim tam fá-
cile bonæ voluntáti est,
quam ipsa sibi: et hæc sáfficit
Deo. Quantumlibet ergo sæ-
viat iste mundus, veríssime
Angeli, nato in carne Dómi-
no, clamavérunt: Glória in
excélsis Deo, et in terra pax
homínibus bonæ voluntátis:
quia ejus, qui natus erat,
suáve jugum est, et sárcina
levis. Et sicut dicit Apóstolus:
Fidélis Deus, qui nos
non sinit tentári supra id,
quod póssumus ferre, sed
facit cum tentatióne étiam
éxitum, ut possimus susti-
nere.

Te Deum laudámus. 47.

DIE XXIV. MAJI.

*In Festo B. Mariæ Virg. tit.
Auxilium Christian.*

Duplex majus.

*Pro Urbe et Statu Eccle-
siastico et aliquibus locis.*

*Omnia ut in Festis Beatæ
Mariæ. clv. præter seq.*

Ad Vesperas, Hymnus.

SÆPE dum Christi pópulus
 eruéntis
 Hostis infénsi premerétur
 armis,
 Venit adjútrix pia Virgo,
 cælo

Lapsa seréno.

Prisca sic patrum monu-
 ménta narrant,
 Templata testántur spóliis opi-
 mis

Clara, votívo repetita cultu
 Festa quotánnis.

En novi grates liceat Ma-
 riæ

Cántici lætis módulis re-
 férre,

Pro novis donis, resonánte
 plausu

Urbis et Orbis.

O dies felix, memoránda
 fastis,

Qua Petri Sedes fidei Magi-
 strum

Triste post lustrum réducem
 beáta

Sorte recépit!

Virgines castæ, pueríque
 puri,

Géstiens clerús, populúsque
 grato

Corde Regínæ celebráre
 cœli

Múnera certent.

Virginum Virgo, benedicta
 Jesu

Mater, hæc auge bona; fac,
 precámur,

Ut gregem Pastor pius ad
 salutis

Pâscua ducat.

Te per ætérnos venerémur
 annos,

Trínitas, summo celebrán-
 da plausu,

Te fide mentes, resonóque
 linguæ

Cármine laudent. Am.

Y. Dignáre me laudáre te,
 Virgo sacráta, allelúia. **R.**

Da mihi virtútem contra
 hostes tuos, allelúia.

Ad Magnificat, Ana.

Ecce María erat spes nostra,
 ad quam confúgimus in auxí-
 lium, ut liberáret nos; et
 venit in adjutórium nobis,
 allelúia.

Oratio ut ad Laudes.

Ad Matut., Hym. Sæpe
 dum Christi, ut sup. in Vesp.

In j. Noct. Lect. Ego sa-
 piéntia, clx.

In secundo Nocturno.

Sermo S. Bernárdi Abbátis.

Lectio iv.

Ex Serm. de 12. Stellis.

VEHEMENTER quidem no-
 bis dilectíssimi, vir unus,
 et múlter una nocuere: sed
 grátias Deo, per unum ni-
 hilóminus virum, et mu-
 lierem unam, ómnia restau-
 rántur, nec sine magno fœ-
 nore gratiárum. Et quidem
 sufficere poterat Christus:
 síquidem et nunc omnis suf-
 ficiéntia nostra ex eo est: sed
 nobis bonum non erat, esse
 hóminem solum. Cóngruum
 magis ut adéset nostræ re-
 paratióni sexus utérque.
 Jam itaque nec ipsa Múlter

benedicta in mulieribus videbitur otiosa : inveniatur equidem locus ejus in hac reconciliacione. Opus est enim mediatore ad mediatorem Christum : nec alter nobis utilior quam Maria. Crudelis nimium mediatrix Heva, per quam serpens antiquus pestiferum etiam ipsi viro virus infudit : sed fidelis Maria, quae salutis antidotum et viris et mulieribus propinavit. Illa enim ministra seductionis, haec propitiacionis; illa suggessit praevencionem, haec ingessit redemptionem. Quid ad Mariam accedere trepidet humana fragilitas? Nihil austereum in ea, nihil terribile; tota suavis est, omnibus offerens lac et lannam. Revolve diligentius evangelicae historiae seriem universam : et si quid forte increpatorium, si quid durum, si quod denique signum vel levis indignationis occurrerit in Maria, de caetero suspectam habeam, et accedere verearis.

R. Sicut cedrus exaltata sum in Libano, et sicut cyprissus in monte Sion : quasi myrrha electa, *Dedi suavitatem odoris, alleluia.

v. Et sicut cinnamomum et balsamum aromatizans. Dedi.

Lectio v.

QUOD si, ut vere sunt, plena magis omnia pietatis

et gratiae, plena mansuetudinis et misericordiae, quae ad eam pertinent, inveneris, age gratias ei qui talem mediatricem benignissima miseratione providit, in qua nihil possit esse suspectum. Denique omnibus omnia facta est; sapientibus et insipientibus copiosissima charitate debtricem se fecit. Omnibus misericordiae sinum aperit, ut de plenitudine ejus accipiant universi, captivus redemptionem, aeger curationem, tristis consolationem, peccator veniam, justus gratiam, Angelus laetitiam. Ipsa praeterita non discutit merita, sed omnibus sese exorabilem, omnibus elementissimam praebet, omnium denique necessitates amplissimo quodam miseratur affectu. Ipsa est quondam a Deo promissa mulier serpentis antiqui caput virtutis pede contritura, cujus plane calcaneo in multis versutiis insidiatus est, sed sine causa. Sola enim contrivit universam haereticam pravitatem. Contriti sunt insidiantes, conculcati supplantatores, confutati derogatores, et beatam eam dicunt omnes generationes. Jam si Ecclesia Lunae intelligenda videtur vocabulo, habes mediatricem evidenter expressam : mulier, inquit,

amicta sole, et luna sub pēdibus ejus. Amplectāmur Mariæ vestigia, et devotissima supplicatiōne beātis illius pēdibus provolvāmur. Teneāmus eam, nec dimittāmus, donec benedixerit nobis : potens est enim.

R. Quæ est ista, quæ processit sicut sol, et formosa tamquam Jerúsalem? * Vidērunt eam filiæ Sion, et beatam dixerunt, et Reginæ laudavērunt eam, allelúia.

V. Et sicut dies verni circumdabant eam flores rosarum, et lilia convallium. Vidērunt.

Lectio vj.

Ex publicis Monumentis.

PRÆSENTISSIMUM Deiparæ auxilium ad Religiōnis hostes profligādos sæpe pópulus christiānus mirum in modum expértus est : ex quo factum, ut sanctissimus Póntifex Pius Quintus post insignem victóriam, intercedente Beatissima Virgine, a Christiānis de Turcārum tyrānno, apud Echínadas insulas reportatam, in Litanis Lauretānis eāmdem Reginam cœlōrum inter alia præcōnia Auxilium Christiānōrum appellāri constituerit. Sed illud in primis memorābile est, atque explorāti mirāculi loco habendum, quod cum Romānus Póntifex Pius Séptimus impiōrum consiliis et armis ex

Apostólica Petri Sede exturbātus, et arcta custōdia, præsertim Savonæ, per annos quinque, eoque amplius fuisset detentus, viis omnibus pēnitus interclūsis, ne Dei Ecclēsiā régere posset, nullo similis persecutiōnis in priscis annalibus exemplo, inopināto, et præter omnium expectatiōnem contigit, ut ingēnti plausu, ac véluti univērsi orbis mánibus pontificio sōlio restitueretur. Quod et secūdo accidit, dum iterum commoto tūrbine, ab Urbe discēdens, sacro comitānte Cardinālium Collégio, Ligúriam contēndit. Verum præsentissimo Dei beneficio, cessante procēlla, quæ grave minabatur excidium, Romam, plaudētibz præ novo gaudio pópulis, revērsus est. Antea tamen, quod in votis habuerat, et captivitāte detentus éxequi nequiverat, áurea coróna insignem Savonæ imāginem Deiparæ Virginis sub título Matris Misericórdiæ, solémni ritu, propriisque mánibus decorāvit. Quam mirābilem rerum vicissitudinem idem Póntifex Máximus Pius Séptimus, totius évēntus íntime conscius, cum intercessiōni sanctissimæ Dei Genitrícis, cujus poténtem opem et ipse impénse implorāverat, et ab omnibus Christi fidé-

libus implorári curáverat ,
accéptam mérito reférret, in
ejúsdem Virgínis Matris ho-
nórem sub appellatióne Au-
xilii Christianórum solémne
festum indíxit perpétuo ce-
lebrándum die mensis Maji
vigésimo quarto, faustíssimi
sui in Urbem réditus anni-
versário, approbáto étiam
Officio próprio, ut tanti be-
neficii distincta, et perénis
exstet memória, et gratiá-
rum áctio.

R. Ornátam monilibus fi-
liam Jerúsalem Dóminus
concupívit : * Et vidéntes
eam filiæ Sion beatíssimam
prædicavérunt, dicéntes : *
Unguéntum effúsum nomen
tuum, allelúia. **V.** Astitit
Regína a dextris tuis in ve-
stitu deauráto, circúmdata
varietáte. Et. **Gloria Patri.**
Unguéntum.

In tertio Nocturno.

Lectio sancti Evangélii
secúndum Lucam.

Lectio vij. Cap. 11. d

In illo témpore: Loquente Je-
su ad turbas, extóllens vo-
cem quædam múlíer de tur-
ba dixit illi : Beátus venter,
qui te portávit. Et reliqua.
Homilia S. Bernárdi Abbat.

In Nativit. B. M. V.

INTUERE, o homo, consi-
lium Dei, agnósee consi-
lium sapiéntiæ, consilium
pietátis. Cœlésti rore áream
rigatúrus, totum vellus prius
infúdit; redemptúrus humá-

num genus, prétium univér-
sum cóntulit in Mariám.
Altius ergo intuémíni quan-
to devotiónis afféctu a nobis
eam volúerit honorári, qui
totius boni plenitúdinem pó-
suit in Maria : ut proinde
si quid spei in nobis est,
si quid grátiae, si quid sa-
lútis, ab ea novérímus re-
dundáre, quæ ascéndit de-
liciis áfluens. Totis ergo
medúllis córdium, totis præ-
cordiórum afféctibus, et vo-
tis ómnibus Mariám hanc
venerémur, quia sic est vo-
lúntas ejus, qui totum nos
habére voluit per Mariám.
Hæc, inquam, volúntas ejus
est, sed pro nobis.

R. Felix namque es, sacra
Virgo María, et omni laude
digníssima : * Quia ex te
ortus est sol justitiæ, Chri-
stus Deus noster, allel. **V.**
Ora pro pópulo, intérveni
pro clero, intercède pro
devóto femíneo sexu : sên-
tiant omnes tuum javámen,
quicúmque tuum sanctum
implórant auxiliium. Quia.

Lectio viij.

In ómnibus síquidem et per
ómnia próvidens míseris,
trepidatióem nostram so-
látur, fidem éxcitat, spem
róborat, diffidéntiam ábigit,
érigit pusillanimitátem. Ad
Patrem verebáris accédere,
solo auditu térritus, ad fólí-
a fugiébás : Jesum tibi dedit
mediatórem. Quid non apud

talem Patrem Filius talis obtineat? Exaudiétur útique pro reveréntia sua; Pater enim diligit Filium. Sed fórsitan et in ipso majestátem vereáre divínam, quod licet factus sit homo, mánserit tamen Deus. Advocátum habére vis et ad ipsum? Ad Mariám recúrre. Pura síquidem humánitas in Mariá, non modo pura ab omni contaminatióne, sed pura singularitáte natúræ. Nec dubius dixerim, exaudiétur et ipsa pro reveréntia sua. Exáudiet útique Matrem Filius, et exáudiet Filium Pater.

¶. Beátam me dicent omnes generatiónes : * Quia fecit mihi Dóminus magna qui potens est, et sanctum nomen ejus, allel. ¶. Et misericórdia ejus a progénie in progénies timéntibus eum. Quia. Glória Patri. Quia.

Lectio ix.

FILIOLI, hæc peccatórum scala, hæc mea máxima fidúcia est, hæc tota rátio spei meæ. Quid enim? Potéstne Filius aut repéllere, aut sustinére repúlsam? Non audíre, aut non audíri Filius potest? Neutrum plane. Invenisti, ait Angelus, grátiam apud Deum : feliciter. Semper hæc invéniet grátiam, et sola est grátia, qua egémus : nimirum sola est grátia, qua salvámur. Quid

nos ália concupíscimus, fratres? Quærámus grátiam, et per Mariám quærámus; quia quod quærit invenit, et frustrári non potest. Quærámus grátiam, sed grátiam apud Deum : nam apud hómines grátia fallax. Quærant álii méritum, nos inveníre grátiam studeámus. Quid enim? Non grátiae est quod hic sumus? Profécto misericórdiae Dómini est, quod non sumus cónsumpti nos.

Te Deum laudámus. 17.

Ad Laudes, Hymnus.

TE Redemptóris Domínique nostri

Dícimus Matrem, speciósa Virgo,
Christianórum decus, et levámen

Rebus in arctis.

Sæviant portæ licet inferrórum,
Hostis antíquus fremat, et mináces,

Ut Deo sacrum populétur agmen,

Súscitet iras :

Nil truces possunt fúriæ nocére

Méntibus castis, prece quas vocáta

Annuens Virgo fovet, et supérno

Róbore firmat.

Tanta si nobis faveat, Patróna,

Béllici cessat scéleris tumultus.

Mille sternúntur, fugiúntve
turmae,

Mille cohórtes.

Tollit ut sancta caput in
Síone

Turris, arx firmo fabricáta
muro,

Cívitas David, clypeis et
acri

Milite tuta :

Virgo sic fortis Dómini po-
ténti

Déxtera, coeli cumuláta do-
nis,

A piis longe fámulis repéllit
Dæmonis ictus.

Te per ætérnos venerémur
annos,

Trínitas, summo celebrán-
da plausu,

Te fide mentes resonóque
linguae

Cármine laudent. Am.

Ÿ. Diffúsa est grátia in
lábiis tuis, allelúia. R.

Proptérea benedixit te Deus
in ætérnum, allelúia.

Ad Benedictus, Añá.

Ad te, o sancta Dei Gén-
itrix, clamávimus, et per te
venit Dómini auxílium no-
bis, allelúia.

Oratio.

OMNIPOTENS et miséricors
Deus, qui ad defensió-
nem pópuli Christiáni in
beatíssima Virgine María
perpétuum auxílium mira-
biliter constituisti : concéde
propítius ; ut tali præsidio
muniti certántes in vita,
victóriam de hoste maligno

cónsequi valeámus in morte.
Per Dóminum.

In ij. Vesp. omnia ut in j.
Ÿ. Dignáre me laudáre te,
Virgo sacráta, allelúia. R.
Da mihi virtútem contra
hostes tuos, allelúia.

Ad Magnificat. Añá.

Sancta María, succúrre mi-
seris, juva pusillánimes,
réfove flébiles, ora pro pó-
pulo, intérvieni pro clero,
intercéde pro devóto femi-
neo sexu, séntiant omnes
tuum juvámén quicúmque
tuum sanctum implórant
auxílium, allelúia.

DIE XXX. MAJI.

In Festo S. Ferdinandi III.

Castellæ et Legionis Regis.

Duplex.

Pro omnibus Catholico Hi-
spaniarum Regi subjectis.

Omnia de Communi Conf.
non Pont. lxxxiv præter seq.

Oratio.

DEUS, qui beáto Confessóri
tuo Ferdinándó præliári
prælia tua, et fidei inimícos
superáre dedisti : concéde ;
ut ejus nos intercessióne
muniti, ab hóstibus mentis
et córporis liberémur. Per
Dóminum.

Commém. S. Felicis Papæ
et Martyris, ut in Brev.

In j. Nocturno. Lectiones
de Scriptura occurrente.

In secundo Nocturno.

Lectio iv.

FERDINANDUS Tértius, Ca-
stellæ et Legionis rex,

cui Sancti cognoméntum jam inde a quátuor sæculis Ecclesiasticórum et sæculárium consénsus dedére , tantum prudéntiæ adolésceus adhuc spécimen præbuit , ut Berengária mater, Castéllæ regína, a qua persáncte educátus fúerat, abdicátum a se regnum in filium transtúlerit. In eo, adjúctis regni curis , régiæ virtútes emicuére : magnanimitas , eleméntia , justitia, et præ céteris cathólicæ fidei zelus, ejúsque religiósi cultus tuéndo ac propagándi ardens stúdiu. Id præstitit in primis hæréticos insectándo , quos nùllibi regnórum suórum consistere passus própriis ipse mánibus ligna comburéndis damnátis ad rogum advehébat. Præstitit insuper in erigéndis, dotándis , et consecrándis. christiáno ritu Cordubénsi , Giennénsi , Hispalénsi , et aliárum úrbium Ecclésiis , Máurico ereptárum jugo , simulque in instaurándis primáriis templis Toletáno, Burgénsi , et áliis , pia et régia munificéntia.

R. Honéstum fecit.

Lectio v.

INTER hæc , per Castéllæ et Legiónis regnum, in quo patri Alfónso succésserat, colléctis magnis exercítibus , ánnuas expeditiões contra Sarracénos, christiáni

nóminis hostes, suscepit. In queis , ut semper vinceret , præcipui exércitus fuére preces piíssimi Regis ad Deum fusæ , et quod ante pugnam, ut sibi Deum propitiáret, flagris in se sæviébat , atque áspero cilicio muniébat corpus : sicque insignes contra ingéntes Maurórum ácies victóriás reportávit , et plures urbes christiáno cúltoi imperiío-que restituit : et conquistis Giénnii, Córdubæ et Múrciæ regnis, ac Granaténsi vectigáli facto , ad expugnándam Híspalim , primáriam Boeticæ urbem , hortánte in visiõe (ut tráditum est) beáto Isidóro , olim illius urbis Epíscopo, victricia signa transtulit. In ea obsidiõe (ut fertur) præsentem divínam opem hábuit : nam férream caténam, quæ super Boetim transvérsim exténsa, Mahometánis pro repágulo erat, coórto validióri vento, una ex návibus régiis Regis jussu eo deláta, tanto impetu fregit, ut lóngius prætervéccta pontem quoque ligneum, et simul spes Maurórum obrúperit, et ad deditiõe coégerit.

R. Amávit eum.

Lectio vj.

TOT victóriás beátæ Virginis Mariæ patrocínio ferébat accéptas , cujus imáginem secum in castris ha-

bens, peculiári cultu prosecuebátur. Capta Híspali, prima religiónis cura fuit; nam templum Maurórum expiátum, et Christianórum dedicátum sacris, insigni Archiepiscopátu et honestísimo Canonicórum et Dignitátum collégio, régia et religiósá liberalitáte exornávit. Alia deínde in urbe templa et cœnóbia eréxit: inter quæ pietátis officia, dum trajicere in Africam parat, Mahometánum in ea impérium eversúrus, ad cœléstem régiam vocátur. In extrémó vitæ agóne sacram Eucharistiam pro Viático allátam, fune ad collum alligáto, et humi stratus, cum lácrymis ubértim fusis adórans, eaque dignis reveréntiæ, humilitátis, et Cathólicæ fidei obtestatió-nibus accépta, obdormivit in Dómino. Jacet ejus corpus incorrúptum adhuc post quátuor sæcula, in templo máximo Hispalénsi, honorificentissimo inclúsum sepúlchro.

iv. Iste homo.

In iij. Nocturno Homilia in Evang. Nolite timére, de Comm. ij. loco. xcix.

Lectio ix. et com. in Laud. S. Felicis, ut in Breviario.

OFFICIUM

DE SS. SACRAMENTO.

Quod Feria v. cujusque Hebdomadæ, extra tempus

Adventus, Quadrages., et Vigiliarum, non impedita Officio ix. Lectionum, etiam translato, fieri potest sub ritu Semiduplici ab omnibus qui in Regnis Suae Majestatis, Dominiis, ac Statibus hereditariis Augustissimæ Domus Austriacæ ad Horas Canonicas tenentur, ex concessione Clementis XI.

Ad Vesperas, Añæ.

1. Sacerdos in ætérnum * Christus Dóminus secúndum órđinem Melchisedech, panem et vinum obtulit, allelúia. Ps. Dixit Dóminus. 130.

2. Miserátor Dóminus * escam dedit timéntibus se in memóriam suórum mirabilium, allelúia. Ps. Confitebor tibi. 130.

3. Cálicem * salutáris accipiam, et sacrificábo hostiam laudis, allelúia. Ps. Crédidi. 134.

4. Sicut novellæ olivárum, * Ecclésiæ filii sint in circuitu mensæ Dómini, allelúia. Ps. Beati omnes. 139.

5. Qui pacem * ponit fines Ecclésiæ, fruménti ádipe sátiat nos Dóminus, allel. Ps. Lauda Jerúsalem. 151.

Capit. 1. Cor. 11. e

F RATRES, Ego enim accépi a Dómino quod et trádidi vobis, quóniam Dóminus Jesus in qua nocte tradebátur, accépit panem, et grá-

tias agens fregit et dixit :
Accípite , et manducáte :
hoc est corpus meum, quod
pro vobis tradétur : hoc
facite in meam commemo-
rationem.

Hymnus.

PANGE , lingua, gloriósi
Córporis mystérium ,
Sanguinisque pretiósí ,
Quem in mundi prétium
Fructus ventris generósi
Rex effudit géntium.

Nobis datus, nobis natus
Ex intácta Virgine ,
Et in mundo conversátus ,
Sparso verbi sémíne ,
Sui moras incolátus
Miro clausit órđine.

In suprémæ nocte cœnæ
Recumbens cum frátribus,
Observáta lege plene
Cibis in legálibus ,
Cibum turbæ duodénæ
Se dat suis mánibus.

Verbum caro, panem verum
Verbo carnem éfficit :
Fitque sanguis Christi me-
rum :

Et si sensus déficit ,
Ad firmándum cor sincé-
rum

Sola fides súfficit.

Tantum ergo Sacraméntum
Venerémur cernui :
Et antiquum documéntum
Novo cedat ritui :
Præstet fides suppleméntum
Sensuum deféctui.

Genitóri , Genitóque

Laus et jubilatio ,
Salus, honor, virtus quoque

Sit et benedictio :
Procedénti ab utróque
Compar sit laudátio.
Amen.

V. Panem de cœlo præsti-
tisti eis , allelúia. **R.** Omne
delectaméntum in se habén-
tem , allelúia.

Ad Magnificat , Añs.

O quam * suávis est , Dó-
mine , spíritus tuus , qui ut
dulcedinem tuam in filios
demonstráres , pane sua-
víssimo de cœlo præstito ,
esuriéntes reple bonis, fa-
stidiósos dívites dimittens
inánes , allelúia.

Oratio.

DEUS, qui nobis sub Sa-
craménto mirábili pas-
sionis tuæ memóriam reli-
quisti : tribue quæsumus ;
ita nos Córporis et Sangu-
inis tui sacra mystéria ve-
nerári; ut redemptionis tuæ
fructum in nobis júgiter
sentiamus. Qui vivis et
regnas.

**Ad Complet. et per Horas
in fine Hymnorum dicitur .**

Jesu , tibi sit glória ,
Qui natus es de Virgine ,

Ad Matutinum . Invitat.

Christum Regem adorémus
dominántem Géntibus ,
Qui se manducántibus dat
spíritus pinguédinem , al-
lelúia. **Psal.** Veníte , exul-
témus. 2.

Hymnus.

SACRIS solémniis juncta
sint gáudia ,

Et ex præcórdiis sonent
præcónia ;

Recédant vétera , nova sint
omnia ,

Corda, voces, et ópera.

Noctis recólitur cœna no-
vissima ,

Qua Christus créditur ag-
num et ázyma

Dedisse frátribus , juxta le-
gitima

Priscis indúlta pátribus.

Post agnum typicum , ex-
plétis épulis ,

Corpus Domínicum datum
discípulis ,

Sic totum ómnibus , quod
totum singulis ,

Ejus fatémur mánibus.

Dedit fragílibus córporis
féreulum ,

Dedit et trístibus sánguinis
póculum ,

Dicens : Accípite quod tra-
do vâsculum ,

Omnes ex eo bíbite.

Sic sacrificium istud in-
stituit ,

Cujus officium committi vó-
luit

Solis Presbyteris , quibus
sic cóngruit ,

Ut sumant, et dent cé-
teris.

Panis angélicus fit panis
hóminum,

Dat panis cœlicus figúris
términum :

O res mirábilis ! mandúcat
Dóminum

Pauper, servus, et hú-
milis.

Te , trina Déitas únaque ,
póscimus ,

Sic nos tu visita , sicut te
cólimus :

Per tuas sémitas duc nos
quo téndimus ,

Ad lucem quam inhá-
bitas. Amen.

In primo Nocturno.

Añs. Fructum salutíferum

* gustándum dedit Dómi-
nus mortis suæ témpore ,

allelúia. Ps. Beátus vir. 4.

Ps. Cum invocárem. 134.

Ps. Consérva me. 11.

Ÿ. Panem cœli dedit eis ,
allelúia. R. Panem Angeló-
rum manducávit homo , al-
lelúia.

Lect. de Script. occur.

R. j. Immolábit hædum
multitúdo filiórum Israel ad
vésperam Paschæ : * Et
edent carnes, et ázymos pa-
nes, allelúia. Ÿ. Pascha no-
strum immolátus est Chri-
stus : itaque epulémur in
ázymis sinceritátis : et veri-
tátis. Et.

R. ij. Comedétis carnes ,
et saturabimini pánibus : *
Iste est panis , quem dedit
vobis Dóminus ad vescén-
dum, allelúia. Ÿ. Non Moy-
ses dedit vobis panem de
cœlo , sed Pater meus dat
vobis panem de cœlo ve-
rum. Iste.

R. iij. Respéxit Elías ad
caput suum subcinericium
panem : qui surgens comé-
dit et bibit : * Et ambulávit

in fortitudine cibi illius usque ad montem Dei, allelúia. **Ÿ.** Si quis manducaverit ex hoc pane, vivet in ætérnum. Et. **Glória Patri.** Et.

In secundo Nocturno.

Añá. Memor sit Dóminus * sacrificii nostri, et holocaustum nostrum pingue fiat, allelúia. **Ps. Exáudiat.**
16. Ps. Dóminus regit me.
34. Ps. Quemádmódum 66.
Ÿ. Cibávit illos ex ádipe fruménti, allelúia. **R.** Et de petra, melle saturávit eos, allelúia.

MENSE APRILI.

Sermo sancti Joánnis
 Chrysóstomi.

Lectio iv

Ex Hom. 60. ad pop. Antioch.

QUONIAM Verbum dicit : Hoc est corpus meum ; et assentiámur, et credámus, et intellectuálibus ipsum óculis intueámur. Nihil enim sensibile nobis Christus trádidit, sed sensibilibus quidem rebus, ut ómnia intelligibília. Itidem et in Baptísmate, per rem nempe sensibilem aquam, donum confértur : intelligibile vero quod perfícitur, generatio et renovátio. Si enim incorpóreus esses, nuda et incorpórea tibi dedisset ipse dona : sed quóniam ánima córpori consérta est, in sensibilibus intelligibília tibi præbet. Quot nunc dicunt :

Vellem ipsius formam aspícere, figúram, vestiménta, calceaménta ? Ecce eum vides, ipsum tangis, ipsum mandúcas. Et tu quidem vestiménta cupis vidére : ipse vero tibi concédit non tantum vidére, verum et manducáre, et tângere, et intra te súmer.

R. Cœnantibus illis, accépit Jesus panem, et benedixit, ac fregit, deditque discipulis suis, et ait : * Accipite, et comédite : hoc est corpus meum, allel. **Ÿ.** Dixerunt viri tabernáculi mei : Quis det de cárnibus ejus, ut saturémur ? Accípite.

Lectio v.

IGITUR accédát nemo cum náusea, nemo resolutus, omnes accénsi, omnes fervéntes et excitáti. Nam si Judæi stantes, et calceaménta in pédibus habéntes, et báculos mánibus gestántes, agnum cum festinatione comedébant, te multo magis opórtet esse solértem. Nam illi quidem in Palæstinam erant profectúri, et proptérea viatórum figúram habébant : tu vero debes in cœlum migráre. Quaprópter in ómnibus opórtet te vigiláre : nec enim parva pœna propónitur indigne suméntibus. Cógita quantum advérsus proditórem indignáris, et contra eos qui illum cruci-

fixerunt. Itaque considera ne tu quoque sis reus corporis et sanguinis Christi. Illi sanctissimam corpus occiderunt : tu vero polluta suscipis anima, post tot beneficia. Neque enim illi satis fuit hominem fieri, colaphis cædi, et crucifigi : verum et semetipsum nobis commiscet : et non fide tantum, verum et ipsa re nos suum efficit corpus.

R. Accépit Jesus calicem, postquam cœnavit, dicens : Hic calix novum testamentum est in meo sanguine : * Hoc facite in meam commemorationem, allelúia. **Y.** Memoria memor erò, et tabescet in me anima mea. Hoc.

Lectio vj.

Quo non opórtet igitur esse puriorem, tali fruentem sacrificio? quo solari radio non splendidiorem manum carnem hanc dividéntem? os quod igne spiritali replétur, linguam quæ treméndo nimis sanguine rubescit? Cógita quali sis insignitus honóre, quali mensa fruáris. Quod Angeli vidéntes horréscunt, neque libere audent intuéri propter emicántem inde splendórem, hoc nos páscimur, huic nos unimur, et facti sumus unum Christi corpus, et una caro. Quis loquétur poténtias Dómini, audítas faciet omnes laudes

ejus? Quis pastor oves próprio pascit cruóre? Et quid dico, pastor? Matres multæ sunt quæ post partus dolóres, filios áliis tradunt nutrícibus. Hoc autem ipse non est passus : sed ipse nos próprio sanguine pascit, et per ómnia nos sibi coagméntat.

R. Ego sum panis vitæ : patres vestri manducaverunt manna in deserto, et mórtui sunt : * Hic est panis de cœlo descéndens, ut si quis ex ipso mandúcet, non moriátur, allelúia. **Y.** Ego sum panis vivus, qui de cœlo descénderé : si quis manducáverit ex hoc pane, vivet in ætérnum. Hic. Glória Patri. Hic.

MENS. MAIO ET JUNIO.

Sermo sancti Joánnis Chrysóstomi.

Lectio iv.

Ex eadem Hom. 60.

UNICUIQUE fidélium Christus semetipsum per mystéria commiscet : et quos génuit, per semetipsum enútrit, nec álii tradit : per hoc tibi rursum persuádens, quod carnem tuam assúmpsit. Ne torpeamus igitur tanta digni charitáte et honóre putáti. Nonne vidétis quanta promptitudine párvuli papillas cápiunt, et quanto impetu lábia ubéribus infigunt? Accedámus cum tanta nos

quoque alacritate ad hanc mensam et ad úbera póculi spiritalis : quinímo , cum longe majóri trahámus , tamquam infántes lacténtes , Spíritus grátiam , et unus sit nobis dolor , hæc esca privári. Non sunt humanæ virtútis ópera , hæc quæ proponúntur : qui tunc ipsa fecit in illa cœna, idem ea nunc quoque facit. Nos ministrórum tenémus locum : qui vero sanctificat ea , et immútat , ipse est. Nullus itaque Judas assístat , nullus avárus : nam tales mensa non súscepit. Si quis est discipulus , adsit ; ait enim : Cum discipulis meis fácio Pascha. Hæc est illa mensa , et minus nihil habet. Non enim illam quidem Christus, hanc autem homo pérficit : verum et hanc ipse quoque.

R. Cœnantibus illis.

Lectio v.

INHUMANUS accédât nemo , nemo crudélis et immiserícors , nemo prorsus immúndus. Hæc ad comunicántes dico, et ad vos ministrántes. Nam et ad vos sermónem convértere necessárium est , ut multo cum stúdio hæc dona distribuátis. Non parva vobis ímmínet últio , si quemquam , illius culpæ cónscii , hujus mensæ participem esse concedátis : sanguis ejus de má-

nibus vestris exquirétur , sive quis dux militiæ sit , sive præfécus , sive princeps diadémate coronátus : indigne autem accédât , próhibe ; majórem illo potestatem habes. Proptérea vos Deus hoc insignívit honóre , ut tália discernátis. Hoc vestra dignitas est , hoc securitas , hoc omnis coróna : non ut albam et splendéntem tunicam circumeátis indúti. Verum et tu , láice , cum sacerdotem videris offeréntem , ne ut sacerdotem esse putes hoc faciéntem , sed Christi manum invisibiliter exténsam.

R. Accépit Jesus.

Lectio vj.

AUDIAMUS igitur , et sacerdotes et súbditi , quali esca facti sumus digni : audiámus , et horreámus. Sanctis cárnibus suis nos dedit impléri , semetípsum appósuit immolátum. Quænam igitur erit nobis excusátio , cum talibus pasti tália pecémus , cum lupi fíamus Agnum comedéntes , cum tamquam oves pasti , more leónum diripiámus ? Hoc enim mystérium non a rapína tantum , verum et ab omni vel ténui inimicitia purum esse pénitus jubet : est fénim pacis mystérium. Judæis quidem annuátim propriórum monuménto beneficiórum solemnitate Deus

alligávit : tibi vero singulis diébus per hæc mystéria. Nullus itaque Judas hanc mensam petat , nullus Simon. Illi namque duo propter avarítiam periérunt : hoc igitur bárathrum fugiámus.

R. Ego sum panis.

In tertio Nocturno.

Añs. Introibo * ad altáre Dei : sumam Christum, qui rénovat juventútem meam , allelúia. **Ps.** Júdica me. 73. **Ps.** Exultáte Deo. 101. **Ps.** Quam dilécta. 102.

Ÿ. Edúcas panem de terra , allelúia. **R.** Et vinum lætíficet cor hóminis, allelúia.

MENSE APRILI.

Léctio sancti Evangélíi
secúndum Joánnem.

Lectio vij. Cap. 6. f

IN illo témpore : Dixit Jesus turbis Judæórum : Caro mea vere est cibus, et sanguis meus vere est potus. Et réliqua.

Homília sancti Augustíni
Episcopi.

Tr. 27. in Joann. circa med.

DIXIMUS , fratres, hoc Dóminum commendásse in manducatióne carnis suæ, et potatióne ságuinis sui, ut in illo maneámus, et ipse in nobis. Manémus autem in illo, cum sumus membra ejus; manet autem ipse in nobis, cum sumus templum ejus. Ut autem simus membra ejus, únitás nos compáginat : ut compáginet

únitás, quæ facit, nisi cháritas? Et cháritas Dei unde? Apóstolum intérroga. Cháritas, inquit, Dei diffúsa est in córdibus nostris per Spíritum sanctum, qui datus est nobis.

R. Qui mandúcat meam carnem; et bibit meum ságuinem, * In me manet, et ego in eo, allelúia. **Ÿ.** Non est ália nátio tam grandis, quæ hábeat deos appropinquántes sibi, sicut Deus noster adest nobis. **In. Bened.** Divinum auxilium.

Lectio viij.

ERGO spíritus est, qui vivíficat : spíritus enim facit viva membra : nec viva membra spíritus facit, nisi quæ in córpore, quod végetat ipse spíritus, invénerit. Nam spíritus qui est in te, o homo, quo constas ut homo sis, numquid vivíficat membrum quod separátum invénerit a carne tua? Spíritum tuum dico ánimam tuam. Anima tua non vivíficat, nisi membra quæ sunt in carne tua : unum si tollas, jam non vivíficátur ex ánimá tua, quia unitáti córporis tui non copulátur. **R.** Misit me vivens Pater, et ego vivo propter Patrem: * Et qui mandúcat me, vivet propter me, allelúia. **Ÿ.** Cibávit illum Dóminus pane vitæ et intelléctus. Et. **Glória Patri.** Et.

Lectio ix.

HÆC dicuntur, ut amemus unitatem, et timeamus separationem. Nihil enim sic debet formidare Christianus quam separari a corpore Christi. Si enim separatur a corpore Christi, non est membrum ejus: si non est membrum ejus, non vegetatur spiritu ejus. Quisquis autem, inquit Apostolus, spiritum Christi non habet, hic non est ejus. Spiritus ergo est, qui vivificat, caro autem non prodest quidquam. Verba quæ ego locutus sum vobis, spiritus et vita sunt. Quid est, spiritus et vita sunt! Spiritualem intelligenda sunt. Intellexisti spiritualiter? Spiritus et vita sunt. Intellexisti carnaliter? Etiam sic illa spiritus et vita sunt, sed tibi non sunt.

Ie Deum laudamus. 17.

MENS. MAJO ET JUNIO.

Lectio sancti Evangelii secundum Joannem.

Lectio vii. Cap. 7. f

In illo tempore: Dixit Jesus turbis Judæorum: Caro mea vere est cibus, et sanguis meus vere est potus. Et reliqua.

Homilia sancti Augustini
Episcopi.

Tr. 26. in Joann. post med.

Hic est panis qui de cælo descendit. Hunc panem

significavit manna, hunc panem significavit altare Dei. Sacramenta illa fuerunt: in signis diversa sunt, sed in re quæ significatur, paria sunt. Apostolum audi: Noli enim vos, inquit, ignorare, fratres, quia patres nostri omnes sub nube fuerunt, et omnes mare transierunt, et omnes per Moysen baptizati sunt in nube et in mari, et omnes eandem escam spiritalem manducaverunt. Spiritalem utique eandem: nam corporalem alteram; quia illi manna, nos aliud: spiritalem vero, quam nos; sed patres nostri, non patres illorum, quibus nos similes sumus, non quibus illi similes fuerunt. Et adjungit: Et omnes eundem potum spiritalem biberunt. Aliud illi, aliud nos, sed specie visibili quidem, tamen hoc idem significante virtute spirituali. Quomodo enim eundem potum? Bibebant, inquit, de spirituali, sequente petra: petra autem erat Christus. Inde panis, inde potus. Petra Christus in signo, verus Christus in verbo et in carne. Et quomodo biberunt? Percussa est petra de virga bis. Gemina percussio duo ligna crucis significat.

I Qui manducat.

Lectio viij.

NORUNT fideles corpus Christi, si corpus Christi non negligant esse. Fiant corpus Christi, si volunt vivere de Spiritu Christi. De Spiritu Christi non vivit, nisi corpus Christi. Intellegite, fratres mei, quid dixerim. Homo es, et spiritum habes, et corpus habes. Spiritum dico, qui anima vocatur, qua constas quod homo es: constas enim ex anima et corpore. Habes enim spiritum invisibilem, corpus visibile. Dic mihi, quid ex quo vivat? Spiritus tuus vivit ex corpore tuo, an corpus tuum ex spiritu tuo? Respondet omnis qui vivit; qui autem hoc non potest respondere, nescio si vivit. Quid respondet omnis qui vivit? Corpus utique meum vivit de spiritu meo. Vis ergo et tu vivere de Spiritu Christi? In corpore esto Christi.

R. Misit me.

Lectio ix.

NUMQUID enim corpus meum vivit de spiritu tuo? Meum vivit de spiritu meo, et tuum de spiritu tuo. Non potest vivere corpus Christi, nisi de Spiritu Christi. Inde est quod exponens nobis Apostolus Paulus hunc panem: Unus panis, inquit, unum corpus multi sumus. O Sacra-

mentum pietatis, o signum unitatis, o vinculum charitatis? Qui vult vivere, habet ubi vivat, habet unde vivat. Accedat, credat, incorporetur, ut vivificetur. Non abhorreat a compage membrorum, non sit putre membrum, quod resecari mereatur: non sit distortum, de quo erubescatur. Sit pulchrum, sit aptum, sit sanum: hæreat corpori, vivat Deo de Deo. Nunc laboret in terra, ut postea regnet in cælo.

Te Deum laudamus. 17.

AD LAUDES,

et per Horas. *Anæ.*

1. Sapientia * ædificavit sibi domum, miscuit vinum, et posuit mensam, *allel.* **Ps.** Dominus regnavit, *cum rel.* 18.
2. Angelorum esca * nutriti populum tuum, et panem de cælo præstitisti eis, *alleluia.*
3. Pinguis est panis * Christi, et præbebit delicias regibus, *alleluia.*
4. Sacerdotes sancti * incensum et panes offerunt Deo, *alleluia.*
5. Vincenti dabo manna * abseonditum, et nomen novum, *alleluia.*

Capitulum. 1. Cor. 11. e

F RATRES, Ego enim accépi a Domino quod et tradidi vobis, quoniam Dominus Jesus in qua nocte tradebatur, accépit panem, et

grátias agens fregit, et dixit:
Accípite, et manducáte :
hoc est corpus meum, quod
pro vobis tradétur : hoc
facite in meam commemo-
ratióem.

Hymnus.

VERBUM supérnum pró-
diens,
Nec Patris linquens dexte-
ram,
Ad opus suum éxiens,
Venit ad vitæ vésperam.
In mortem a discípulo
Suis tradéndus æmulis,
Prius in vitæ férculo
Se trádidit discípulis.
Quibus sub bina spéeie
Carnem dedit et Sanguinem;
Ut dúpliciis substantiæ
Totum cibáret hóminem.
Se nascens dedit sócium,
Convéscens in edúlium,
Se móriens in prétium,
Se regnans dat in præ-
mium.

O salutáris hóstia,
Quæ cœli pandis óstium :
Bella premunt hostilia,
Da robur, fer auxilium.
Uni trinóque Dómino
Sit sempitérna glória :
Qui vitam sine término
Nobis donet in pátria. Am.
V. Pésuit fines tuos pacem,
allelúia. R. Et ádipe fru-
menti sátiat te, allelúia.

Ad Benedictus. Añá.

Ego sum * panis vivus, qui
de cœlo descéendi : si quis
manducáverit ex hoc pane,
vivet in ætérnum, allelúia.

Oratio.

DEUS, qui nobis sub Sa-
craménto mirábili pas-
siónis tuæ memóriam reli-
quisti : tribue, quæsumus ;
ita nos Córporis et Sangui-
nis tui sacra mystéria ve-
nerári ; ut redemptiόnis tuæ
fructum in nobis júgiter
sentiamus. Qui vivis.

Ad Primam. R. br. Chri-
ste Fili. V. Qui natus es de
María Virgine.

Ad Tertiam. Añá.
Angelórum esca.

Capit. Fratres, Ego.
R. br. Panem cœli dedit
eis. * Allelúia, allelúia. Pa-
nem cœli. V. Panem Ange-
lórum manducávit homo.
Allelúia, allelúia. Glória
Patri. Panem. V. Cibávit
illos ex ádipe fruménti,
allelúia. R. Et de petra,
melle saturávit eos, allel.

Ad Sextam. Añá.
Pinguis est panis.

Capitulum. 1. Cor. 11. f
Q UOTIESCUMQUE enim man-
ducábitis panem hunc,
et cálicem bibétis : mortem
Dómini annuntiábitis donec
véniat.

R. br. Cibávit illos ex ádipe
fruménti. * Allelúia, alle-
lúia. Cibávit. V. Et de petra,
melle saturávit eos. Alle-
lúia, allelúia. Glória Patri.
Cibávit. V. Edúcas panem
de terra, allelúia. R. Et
vinum lætíficet cor hóminis.
allelúia.

Ad Nonam, Añã.
Vincénti dabo manna.

Capitulum. 1. Cor 11. f

QUICUMQUE manducáverit panem hunc, vel biberit cálicem Dómini indígne : reus erit Córporis et Sanguinis Dómini.

R. br. Edúcas panem de terra. * Allelúia, allelúia. Edúcas. *V.* Et vinum lætíficet cor hóminis. Allelúia, allelúia. Glória Patri. Edúcas. *Y.* Pósuit fines tuos pacem, allelúia. *R.* Et ádipe fruménti sátiat te, allelúia.

In ij. Vesp. omnia dicuntur sicut in primis.

Y. Panem de cælo præstítisti eis, allelúia. *R.* Omne delectaméntum in se habéntem, allelúia.

Ad Magnificat, Añã.

O sacrum * convívium, in quo Christus súmitur, recólitur memória passiónis ejus : mens implétur grátia, et futúrx glóriæ nobis pignus datur, allelúia.

OFFICIUM

IMMAC. CONCEPT. B. M. V.

PER ANNUM.

Ex Decreto SS. D. Pii PP.

IX. 25. Septembris 1863.

AD VESPERAS,

Añæ et Capit. de Laud. Ps. ut in Festis B. M. V. per annum. clv.

Hymn. Ave maris. clvij.

V. Immaculáta Concéptio tua Dei Génitrix Virgo, allelúia. *R.* Gáudium annun-

tiávit univérso mundo, allelúia.

Ad Magnificat, Añã.

Beátam me dicent omnes generatiónes quia fecit mihi magna qui potens est. Allelúia.

Oratio ut ad Laudes.

Ad Matutinum. Invitat

Immaculátam Conceptionem Vírginis Mariæ celebrémus : * Christum ejus Fílium adorémus Dóminum, allelúia.

Ps. Veníte, exultémus.

Hymnus.

PRÆCLARA custos Vírginum,

Intácta Mater Núminis, Cœléstis aulæ jánuã, Spes nostra, cœli gáudium.

Inter rubéta lílimum, Colúmba formosíssima, Virga e radíce gérminans Nostro medélam vulneri.

Turris draconí impérvia, Amíca Stella náufragis, Tuére nos a fráudibus, Tuáque luce dirige.

Erróris umbras díscute, Syrtes dolósas ámove, Fluctus tot inter, déviis Tutam reclúde sémitam.

Jesu, tibi sit glória, Qui natus es de Vírgine, Cum Patre et almo Spíritu, In sempitérna sæcula.

Amen.

In primo Nocturno.

Añã. Admirábile est nomen tuum, Dómine, in univérsa terra quia in Vírgine Maria dignum tibi habitáculum

præparasti, allelúia. *Psalmi ut in Festis B. M. V. per annum. clv.*

Ÿ. Deus omnipotens præcinxit me virtúte, allelúia.

Ŕ. Et pòsuit immaculatam viam meam, allelúia.

Lect. de Script. occur.

Ŕ. j. Per unum hóminem peccátum in hunc mundum intrávit in quo omnes peccáverunt. * Ne timeas, María, invenisti grátiam apud Deum, allelúia. Ÿ. Erípuít Dóminus ánimam tuam de morte, et contra inimicum factus est protéctor tuus. Ne timeas.

Ŕ. ij. Transíte ad me omnes, qui concupiscitis me; * Et narrábo vobis quanta fecit Deus ánimæ meæ, allelúia. Ÿ. Vivit Dóminus quóniam adimplévit in me misericórdiam suam. Et.

Ŕ. iij. Elécta mea cándida sicut nix in Líbano; sicut favus distíllans lábia ejus, * Mel et lac sub lingua illius, allelúia. Ÿ. Veni de Líbano, Sponsa mea, veni coronáberis coróna gratiárum. Mel. Glória Patri. Mel.

In secundo Nocturno.

Añá. Diffúsa est grátia in Conceptione ejus, et speciosa appáruit inter filias hóminum, allelúia.

Ÿ. In hoc cognóvi quóniam voluisti me, allelúia. Ŕ. Quóniam non gaudébit inimicus meus super me, allelúia.

Ex Bulla Dogmática Pii Papæ IX.

Lectio iv.

IPSISSIMA verba, quibus divinæ Scripturæ de increata Sapiéntia loquúntur, ejúsque sempitérnas origines repræsentant, consuevit (Ecclésia) tum in ecclesiásticis officiis, tum in sacrosáncta Litúrgia adhibére et ad illius Vírginis primórdia transférre, quæ uno eodémque decréto cum divinæ Sapiéntiæ incarnatione fuerant præstituta. Quamvis autem hæc ómnia penes fideles ubique prope recépta osténdant, quo stúdio ejúsmodi de Immaculata Virgini Conceptione doctrinam ipsa quoque Romána Ecclésia ómnium Ecclesiárum mater et magistra fuerit prosecúta, tamen illústria hujus Ecclésiæ facta digna plane sunt, quæ nominatim recenseántur, cum tanta sit ejúsdem Ecclésiæ dignitas atque auctóritas, quanta illi omnino debétur, quæ est cathólicæ veritátis et unitátis centrum, in qua solum inviolabiliter fuit custodita Religio, et ex qua tráducem fidei réliquæ omnes Ecclésiæ mutuéntur opórtet.

Ŕ. Ego ex ore Altissimi prodivi, primogénita ante omnem creatúram: ego feci in cœlis ut orirétur lumen indeficiens. Nondum erant

abyssi, et ego jam concépta eram, allelúia. *ŕ.* Deus enim creávit me in justitia, et apprehéndit manum meam, et servávit me. Nondum.

Lectio v.

ITAQUE eádem Romána Ecclésia nihil pótius hábuit, quam eloquentissimis quibúsque modis Immaculátam Vírginis Conceptionem, ejúsque cultum et doctrinam assérere, tuéri, promovére et vindicáre. Enim vero Prædecessóres nostri vehementer gloriáti sunt Apostólica sua auctoritáte Festum Conceptionis in Romána Ecclésia institúere, ac próprio Officio, propriáque Missa, quibus prærogativa immunitátis ab hæreditária labe manifestissime asserebátur, augére, honestáre et cultum jam institútum omni ope promovére, amplificáre, sive erogátis indulgéntiis, sive facultáte tribúta civitatibus, provinciis regnisque, ut Deíparam sub título Immaculátæ Conceptionis Patrónam sibi deligerent, sive comprobátis Sodalitatibus, Congregationibus, Religiosisque Familiis ad Immaculátæ Conceptionis honórem institútis sive láudibus eórum pietáti delátis, qui monastéria, xenodóchia, altária, templa

sub Immaculáti Concéptus título eréxerint, aut sacraménti religióne interpósita Immaculátam Deíparæ Conceptionem strénue propugnáre spopónderint. *R.* Nihil inquinátum in eam incúrrit: * Candor est lucis æternæ et spéculum sine mácula, allelúia. *ŕ.* Est enim hæc speciósior sole, et luci comparáta invenitur púrior. Candor est.

Lectio vj.

INSUPER summópere lætáti sunt decérnere Conceptionis Festum ab omni Ecclésia esse habéndum eódem censu ac número quo Festum Nativitátis, idémque Conceptionis Festum cum octáva ab universa Ecclésia celebrándum, et ab ómnibus inter ea quæ præcépta sunt, sancte coléndum, ac Pontificiam Capéllam in Patriarcháli Nostra Liberiána Basilica die Vírginis Conceptionis sacro quotánnis esse peragéndam. Atque exoptántes in fidélium ánimis quotidie magis fovére hanc de Immaculáta Deíparæ Conceptione doctrinam, eorúmque pietátem excitáre ad ipsam Vírginem sine labe origináli concéptam, coléndam et venerándam, gavisi sunt quam libentissime facultátem tribúere, ut in Lau-

retánis Litanis , et in ipsa Missæ Præfatione Immaculatus ejusdem Virginis proclamaretur Conceptus , atque adeo lex credendi ipsa supplicandilege statueretur.

R. Signum magnum apparuit in cœlo : Mulier amicta sole , et luna sub pedibus ejus * Et in capite ejus corona stellarum duodecim , alleluia. **V.** Induit eam Dominus vestimentis salutis , indumento justitiæ , et quasi sponsam ornavit eam monilibus suis. Et Glória Patri. Et.

In tertio Nocturno.

Añ. Sanctimonia et magnificentia in Conceptione ejus ; annuntiata in omnibus populis gloriam ejus , alleluia.

V. Exaltabo te , Domine , quoniam suscepisti me , allel. **R.** Nec delectasti inimicos meos super me , allel.

Lectio sancti Evangelii secundum Lucam.

Lectio vij. Cap. 1.

In illo tempore : Missus est Angelus Gabriel a Deo in civitatem Galilææ , cui nomen Nazareth , ad virginem desponsatam viro , cui nomen erat Joseph , de domo David , et nomen virginis Maria. Et reliqua.

Homilia sancti Bernardi Abbatis.

Ex Homil. 2. super Missus.

LETARE, pater Adam , sed magis tu , o Eva mater ,

exulta qui sicut omnium parentes , ita omnium fuistis peremptores ; et quod infelicius est ; prius peremptores quam parentes. Ambo , inquam , consolamini super filia , et tali filia ; sed illa amplius de qua malum ortum est prius , cujus opprobrium in omnes pertransiit mulieres. Instat namque tempus , quo jam tollatur opprobrium , nec habeat vir quid causetur adversus feminam ; qui utique , dum se imprudenter excusare conaretur , crudeliter illam accusare non cunctatus est , dicens : Mulier quam dedisti mihi , dedit mihi de ligno , et comedi. Propterea curre , Eva , ad Mariam ; curre mater ad filiam ; filia pro matre respondeat : ipsa matris opprobrium auferat , ipsa patri pro matre satisfaciat : quia ecce si vir cecidit per feminam , jam non erigitur nisi per feminam.

R. Hortus conclusus soror mea sponsa , hortus conclusus , fons signatus : * Emissiones tuæ Paradisus , o Maria , alleluia. **V.** Aperi mihi soror mea , amica mea , columba mea , immaculata mea. Emissiones tuæ.

Lectio viij.

QUID dicébas , o Adam ? Mulier , quam dedisti mihi , dedit mihi de ligno , et comedi. Verba malitiæ

sunt hæc quibus magis augeas quam deleas culpam. Verúmtamen Sapiéntia vicit malítiam, cum occasiõnem véniæ, quam a te Deus interrogádo elicere tentávit, sed non pótuit, in thesauro indeficiéntis suæ pietátis invénit. Rédditur nempe fœmina pro fœmina, prudens pro fátua, hūmilis pro supérba, quæ pro ligno mortis gustum tibi pórrigat vitæ, et pro venenóso cibo illo amaritúdinis, dulcedinem páriat fructus ætérni. Muta ergo iniquæ excusatiónis verbum in vocem gratiárum actiõnis, et dic: Dómine, múlter, quam dedísti mihi, dedit mihi de ligno vitæ, et comédi; et dulce factum est super mel ori meo, quia in ipso vivificásti me. Ecce enim ad hoc missus est Angelus ad Virginem. O fœminam singularíter venerándam, super omnes fœminas admirábilē, paréntum reparatricem, posterórum vivificatricem.

• Magnificat ánima mea Dóminum; * Quia fecit mihi magna qui potens est, et sanctum nomen ejus, allelúia. *V.* Ecce enim ex hoc beátam me dicent omnes generatióes. Quia. Glória Patri. Quia.

Lectio. ix.

QUAM tibi áliam prædixisse Deus vidétur, quando

ad serpéntem ait: Inimicitias ponam inter te et mulierem? Et si adhuc dúbitas, quod de Maria dixerit, audi quod séquitur: Ipsa cónteret caput tuum. Cui hæc serváta victória est, nisi Mariæ? Ipsa procul dubio caput contrivit venenátum, quæ omnímodam suggestiõnem tam de carnis illécebra, quam de mentis supérbia dedúxit ad níhilum. Quam vero áliam Sálomon requirébat, cum dicebat: Mulierem fortem quis invéniet? Nóverat quippe vir sápiens hujus sexus infirmitátem, frágle corpus, lúbricam mentem. Quia tamen et Deum légerat promisisse, et ita vidébat congruere, ut qui vicebat per fœminam, vinceretur per ipsam, veheménter admirans, aíebat: Mulierem fortem quis invéniet? Quod est dicere: Si ita de manu fœminæ pendet et nostra ómnium salus, et innocéntiæ restitútio, et de hoste victória: fortis omnino necesse est ut provideátur, quæ ad tantum opus possit esse idónea.

Te Deum laudámus. 17.

AD LAUDES,

et per Horas, Añæ.

1. Tota pulchra es, María, et mácula originális non est in te, *allel. Ps. Dóminus regnávít, cum rel. de Dñica. 18.*

2. Vestiméntum tuum candidum quasi nix, et fácies tua sicut sol, allelúia.

3. Tu glória Jerúsalem, tu lætítia Israel, tu honorificéntia pópuli nostri, allelúia.

4. Benedícta es tu, Virgo María, a Dómino Deo excélso præ ómnibus mulieribus super terram, allelúia.

5. Trahe nos, Virgo immaculáta, post te currémus in odórem unguentórum tuórum, allelúia.

Capitulum. Prov. 8.

DOMINUS possédit me in initio viárum suárum, ántequam quidquam fáceret, a principio. Ab ætérno ordináta sum, et ex antiquis ántequam terra fieret. Nondum erant abyssi et ego jam concépta eram.

Hymn. O gloriósa. clxvij.

ŷ. Immaculáta Concéptio tua Dei Génitrix Virgo, allelúia. **R.** Gáudium annuntiávit univérso mundo, allelúia.

Ad Benedictus, Añá.

Ait Dóminus Deus ad serpéntem: Inimicitias ponam inter te et mulierem, et semen tuum et semen illius; ipsa cónteret caput tuum. Allelúia.

Oratio.

DEUS, qui per Immaculátam Virginis Conceptionem dignum Filio tuo

habitáculum præparásti: quæsumus; ut qui ex morte ejúsdem Filii tui prævísa, eam ab omni labe præservásti, nos quoque mundos ejus intercessióne ad te pervenire concédas. Per eúndem Dóminum.

Ad Primam, in R. br. dicitur ŷ. Qui natus es de María Virgine.

Ad Tertiam, Añá.

Vestiméntum tuum.

Capitulum ut ad Laudes.

R. br. Deus omnípotens præcínxit me virtúte. * Allelúia, allelúia. Deus. ŷ. Et pósuit immaculátam viam meam. Allelúia, allelúia. **Glória Patri.** Deus. ŷ. In hoc cognóvi quóniam voluisti me, allelúia. **R.** Quóniam non gaudébit inimicus meus super me, allelúia.

Ad Sextam, Añá.

Tu glória Jerúsalem.

Capitulum. Ezech. 44.

PORTA hæc clausa erit, non aperiétur, et vir non intrábit per eam; quóniam Dóminus Deus Israel ingressus est per eam: eritque clausa Principi. Princeps ipse sedébit in ea.

R. br. In hoc cognóvi, quóniam voluisti me. * Allelúia, allelúia. In. ŷ. Quóniam non gaudébit inimicus meus super me. Allelúia, allelúia. **Glória Patri.** In. **R.** Exaltábo te, Dómine,

quóniam suscepisti me , al-
lelúia. *R.* Nec delectásti ini-
micos meos super me ,
allelúia.

Ad Nonam. Aña.

Trahe nos.

Capitulum. Apoc. 12.

SIGNUM magnum appáruit
in cœlo : Múlier amicta
sole , et luna sub pédibus
ejus , et in cápite ejus coró-
na stellárum duódecim.

R. br. Exaltábo te , Dómi-
ne , quóniam suscepisti me.

* Allelúia , allelúia. Exal-
tábo. *Ÿ.* Nec delectásti ini-
micos meos super me. Al-
elúia , allelúia. *Glória Patri.*

Exaltábo. *Ÿ.* Immaculáta
Concéptio tua Dei Génitrix
Virgo , allelúia. *R.* Gáudium
annuntiávit univérso mun-
do , allelúia.

*In ij. Vesp. omnia ut in
primis.*

Ad Magnificat , Aña.

Sancta María , succúrre mi-
seris , juva pusillánimes ,
réfove flébiles , ora pro pó-
pulo , intérvieni pro clero ,
intercéde pro devóto fæmí-
neo sexu : séntiant omnes
tuum juvámén , quicúmque
célebrant tuam sanctam Im-
maculátam Conceptionem ,
allelúia.

PRÆPARATIO AD MISSAM,

PRO OPPORTUNITATE SACERDOTIS FACIENDA

*Ana. Ne reminiscâris, In
Duplicitibus duplicatur*

Psalmi. Quam dilēcta. 102.

Benedixisti. 103. Inclīna. 104.

Crēdidi. 134. De profundis. 140.

Oratio repetitur tria. Ne

reminiscâris, Dōmine, delicta nostra, vel parēntum nostrorum, neque vindictam sumas de peccâtis nostris.

*Patet Sacerdos dicit. Kyrie
elēison. Christe elēison. Kyrie
elēison. Pater noster. V. Et ne
nos inducas in tentatiōnem.*

Sed libera nos a malo. V.

Ego dixi, Dōmine, miserere mei. *R. Sana animam meam, quia peccâvi tibi. V. Convētere, Dōmine, aliquāntulum.*

*R. Et deprecâre super servos
tuos. V. Fiat misericōrdia tua,
Dōmine, super nos. R. Quem
admodum sperâvimus in te. V.*

Sacerdōtes tui induantur iustitiam. *R. Et sancti tui exultent.*

*V. Ab occultis meis munda me,
Dōmine. R. Et ab aliēnis parce
servo tuo. V. Dōmine, exaudi
oratiōnem meam. R. Et clamor
meus ad te veniat. V. Dōminus
vobiscum. R. Et cum spiritu
tuo.*

Orémus.

AURES tuæ pietâtis, mitissime Deus, inclīna præcibus nostris, et grâtia sancti Spíritus illūmina cor nostrum: ut tuis mystériis digne ministrâre, teque ætérna charitâte diligere mereâmur.

DEUS, cui omne cor patet, et omnis volūntas lóquitur, et quem nullum latet secretum: purifica per infusiōnem

sancti Spíritus cogitatiōnes Cordis nostri; ut te perfectō diligere, et digne laudâre mereâmur.

UNE igne sancti Spíritus renes nostros et cor nostrum, Dōmine; ut tibi casto corpore serviâmus, et mundo corde placeâmus.

MENTES nostras, quæsumus Dōmine, Paráclitus, qui a te procedit, illūminet: et inducat in omnem sicut tuus promísit Fílius, veritatem.

ADSIR nobis, quæsumus Dōmine, virtus Spíritus sancti: quæ et corda nostra clemēter expūrget, et ab ómnibus tueatur advérsis.

DEUS, qui corda fidélium sancti Spíritus illustratiōe docuisti: da nobis in eodē Spíritu recta sâpere, et de ejus semper consolatiōne gaudere.

CONSICIENTIAS nostras, quæsumus Dōmine, visitâdo purifica: ut veniens Dōminus noster Jesus Christus Fílius tuus, paratam sibi in nobis invēniat mansiōnem. Qui tecum vivit.

ORATIONES

*Oratio cum Sacerdos induit
sacerdotia, paramētis
Cum lavat manus.*

DA, Dōmine, virtutem mánibus meis ad abstergēdam omnem máculam: ut sine pollutiōne mentis et corporis váleam tibi servíre.

*Alia oratio. Domine Deus
qui lavas manus.*

IMPONE, Dōmine, capiti meo galeam salutis ad expugnandos diabólicos incúrsus.

Ad Albam, cum ea induitur.

DEALBA me, Dómine, et munda cor meum : ut in sanguine Agni dealbátus, gáudiis pèrfruar sempitérnis.

Ad Cingulum, dum se cingit.

PRÆCINGE me, Dómine, cingulo puritátis, et exstingue in lumbis meis humórem libidinis, ut máneat in me virtus continéntiæ et castitátis.

Ad Manipulum, dum imponitur brachio sinistro.

MEREAR, Dómine, portáre manípulum fletus et dolóris : ut cum exultatióne recipiam mercédem labóris.

Ad Stolum, dum imponitur collo.

REDDE mihi, Dómine, stolam immortalitátis, quam pèdidi in prævicatione primi paréntis : et quamvis indignus accédo ad tuum sacrum mystérium, mérear tamen gáudium sempitérnum.

Ad Casulam, cum assumitur.

DOMINE, qui dixisti : Jugum meum suáve est, et onus meum leve : fac, ut istud portare sic váleam, quod conséquar tuam grátiam. Amen.

ORATIONES

Pro opportunitate sacerdotis ante celebrationem et communionem dicendæ.

Oratio S. Ambrosii Episcopi.
DIE DOMINICA. Summe sacerdos, et vere Póntifex Jesu Christe, qui te obtulisti Deo Patri hóstiam puram et immaculatam in ara crucis pro nobis miseris et peccatóribus, et qui dedisti nobis Carnem tuam ad manducándum, et Sanguinem tuum ad bibéndum, et posuisti mystérium istud in virtúte Spíritus sancti tui, dicens : Hæc quotiescúmque fecéritis, in mei memóriam faciétis. Rogo per eúmdem Sanguinem tuum, magnum salútis nostræ prætium : rogo per hanc miram et ineffabilem charitatem, qua nos miseros et indignos sic

amáre dignátus es, ut laváres nos a peccátis nostris in Sanguine tuo. Doce me servum tuum indignum, quem inter cetera dona tua étiam ad Officium sacerdotále vocáre dignátus es nullis meis méritis, sed sola dignatióne misericórdiæ tuæ : doce me, quæso, per Spíritum sanctum tuum, tantum tractáre mystérium ea reveréntia et honóre, ea devotióne et timóre, quibus opórtet et decet. Fac me per grátiam tuam semper illud de tanto mystério crédere et intelligere, sentire et firmiter tenére, dicere et cogitáre quod tibi placet, et expedit animæ meæ. Intret spíritus tuus bonus in cor meum, qui sonet ibi sine sono, et sine strépitu verbum loquátur omnem veritatem. Profúnda quippe sunt nimis, et sacro tecta velámine. Propter magnam cleméntiam tuam concéde mihi Missárum solémnia mundo corde et pure mente celebráre. Líbera cor meum ab immúndis et nefandis, vanis et nóxiis cogitationibus. Muni me beatórum Angelórum pia et fida custódia, ac tútela fortíssima, ut hostes ómnium bonórum confúsi discedant. Per virtútem tanti mystérii, et per manum sancti Angeli tui, repélle a me, et a cunctis servis tuis, duríssimum spíritum supérbiæ et cœnodóxiæ, invidiæ et blasphemiæ, fornicatiónis et immunditiæ, dubietátis et diffidéntiæ. Confundántur qui nos persequéuntur, péreant illi qui nos pèdere festinant.

TERCIA II. Rex vírginum et amátor castitátis et integritátis, cœlésti rore benedictiόνis tuæ extingue in corpore meo fómitem ardéntis libidinis : ut máneat in me tenor castitátis corporis et animæ. Mortífica in membris meis carnis estímulo, omnesque libidinósas commo-

tiones; et da mihi veram et perpétuam castitatem, cum ceteris donis tuis, quæ tibi placent in veritate; ut sacrificium laudis casto corpore et mundo corde valeam tibi offerre. Quanta enim cordis contritione, et lacrymarum fonte, quanta reverentia et tremore, quanta corporis castitate et animæ puritate istud divinum et cœlestē sacrificium est celebrandum, ubi caro tua in veritate sumitur, ubi sanguis tuus in veritate bibitur, ubi ima summis, terrēna divinis junguntur, ubi adest sanctorum Angelorum præsētia, ubi tu es sacrificium et sacerdos mirabiliter et ineffabiliter constitutus!

FERIA III. Quis digne hoc celebrare poterit, nisi tu, Deus omnipotens, offerentem feceris dignum? Scio, Dōmine, et vere scio, et idipsum pietati tuæ confiteor, quia non sum dignus accedere ad tantum mysterium propter nimia peccata mea, et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo, Deus meus, ut concedas mihi peccatori hoc sacrificium celebrare cum timore et tremore, cum cordis puritate, et lacrymarum fonte, cum lætitia spiritali, et cœlesti gaudio. Sentiat mens mea dulcedinem beatissimæ præsētiæ tuæ, et excubias sanctorum Angelorum tuorum in circuitu meo.

FERIA IV. Ego enim, Dōmine, memor venerandæ Passionis tuæ, accedo ad altare tuum, licet peccator, ut offeram tibi sacrificium, quod tu instituisti, et offerri præcepisti in commemorationem tui, pro

salute nostra. Sūscipe illud, quæso, summe Deus, pro Ecclesia sancta tua, et pro populo quem acquisivisti Sanguine tuo. Et quoniam me peccatorem inter te et eundem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditæ non recuses; nec per me indignum eorum salutis pereat pretium, pro quibus victima salutaris dignatus es esse et redemptio. Prófero etiam, Dōmine, (si digneris propitius intueri), tribulationes plebium, pericula populorum, captivorum gemitus, misérias orphanorum, necessitates peregrinorum, inopiam debilium, desperationes languentium, defectus senum, suspiria juvenum, vota virginum, lamenta viduarum.

FERIA V. Tu enim misereris omnium, Dōmine, et nihil odisti eorum quæ fecisti. Memorare quæ sit nostra substantia: quia tu Pater noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras: et ignem sancti Spiritus in nobis clementer accende. Aufer cor lapideum de carne nostra: et da nobis cor carneum, quod te amet, te diligat, te delectetur, te sequatur, te perfruatur. Oramus, Dōmine, clementiam tuam, ut sereno vultu familiam tuam, sacri tui nominis officia præstolantem, aspiciere digneris: et, ut nullius sit irritum votum, nullius vacua postulatio, tu nobis preces suggere, quas ipse propitius audire, et exaudire delecteris.

FERIA VI. Rogamus etiam

te, Dómine sancte Pater, et pro spirítibus fidélium defunctorum : ut sit illis salus, sánitas, gáudium, et refrigerium, hoc magnum pietátis Sacraméntum. Dómine Deus meus, sit illis hódie magnum et plenum convívium de te pane vivo, qui de cœlo descendisti et das vitam mundo, de tua carne sancta et benedicta, Agni videlicet immaculáti, qui tollis peccáta mundi, quæ de sancto et glorióso beátæ Virginis Mariæ útero est assumpta, et de Spíritu sancto concepta, ac de illo pietátis fonte, qui per lanceam militis ex tuo sacratíssimo látere emanávit: ut exínde refecti et satiáti, refrigeráti et consoláti, exúltent in laude et glória tua. Peto cleméntiam tuam, Dómine, ut descendat super panem tibi sacrificándum plenitúdo tuæ benedictiónis, et sanctificatio tuæ divinitátis. Descendat étiam, Dómine, illa sancti Spíritus tui invisibilis incomprehensibilisque majestas, sicut quondam in patrum hóstias descendebat, qui et oblatiónes nostras Corpus et Sanguinem tuum efficiat, et me indígnum sacerdotem dóceat tantum tractáre mystérium cum cordis puritáte et lacrymarum devotíone, cum reveréntia et tremóre, ita ut plácide, ac benígne suscépias sacrificium de mánibus meis, ad salutem ómnium tam vivórum quam defunctorum.

SABBATO. Rogo étiam te, Dómine, per ipsum sacrosáctum mystérium Córporis et Sanguinis tui, quo quotidie in Ecclesiá tua páscimur, et potámur, ablúimur et sanctificámur, atque unius summæ divinitátis partícipes efficiámur: da mihi virtútes tuas sanctas, quibus replétus bona consciéntia ad altáre tuum accédam, ita ut hæc cœlestia Sacraménta efficiántur mihi salus et vita.

Tu enim dixisti ore tuo sancto et benedicto: Panis, quem ego dabo, caro mea est pro mundi vita. Ego sum panis vivus, qui de cœlo descendi. Si quis manducáverit ex hoc pane, vivet in ætérnum. Panis dulcíssime, sana palátum cordis mei, ut sentíam suavitatem amoris tui. Sana illud ab omni languóre, ut nullam præter te sentíam dulcedinem. Panis candidíssime, habens omne delectaméntum et omnem sapórem, qui nos semper réficis, et nunquam in te defícis, cómedat te cor meum, et dulcedine sapóris tui repleántur viscera animæ meæ. Manducat te Angelus ore pleno, manducet te peregrínus homo pro módulo suo, ne defícere possit in via, tali recreátus viático. Panis sancte, panis vive, panis munde, qui descendisti de cœlo, et das vitam mundo, veni in cor meum, et munda me ab omni inquinaménto carnis et spíritus. Intra in ánimam meam, sana et munda me intérius et extérius. Esto tutámen, et continúa salus animæ et cörperis mei. Repelle a me insidiántes mihi hostes, recédant procul a præsentia poténtiæ tuæ, ut foris et intus per te munitus, recto trámite ad tuum regnum pervéniam: ubi non in mystériis, sicut in hoc témpore ágitur, sed fácie ad fáciem te vidébimus, cum tradíderis regnum Deo et Patri, et eris Deus ómnia in ómnibus. Tunc enim me de te satiábis satietáte mirífica: ita ut nec esúriam nec sitiám in ætérnum. Qui cum eódem Deo Patre, et Spíritu sancto vivis et regnas per ómnia sæcula sæculórum. Amen.

Alia Oratio ante Missam

Ad mensam dulcíssimi convivii tui, pie Dómine Jesu Christe, ego peccátor de propriis méritis nihil præsumens, sed de tua confidens miseri-

córdia et bonitate, accédere véreor et contremisco. Nam cor et corpus hábeo multis criminibus maculátum, mentem et linguam non caute custodítam. Ergo, o pia Déitas, o treménda majéstas, ego miser inter angústias deprehénsus, ad te fontem misericórdiæ recúrro, ad te festíno sanándus, sub tuam protectionem fúgio, et quem júdicem sustinére néqueo, salvatórem habére suspiro. Tibi, Dómine, plagas meas osténdo, tibi verecúndiam meam détego. Scio peccáta mea multa et magna pro quibus timeo. Spero in misericórdias tuas, quarum non est número. Respice ergo in me óculis misericórdiæ tuæ, Dómine Jesu Christe, Rex ætérne, Deus et homo, crucifixus propter hóminem. Exáudi me sperántem in te: miserére mei pleni misériis et peccátis, tu qui fontem miserationis nunquam manáre cessábis. Salve, salutáris víctima, pro me et omni humáno gènere in patíbulo crucis obláta. Salve, nóbilis et pretióse Sanguis, de vulneribus crucifixi Dómini mei Jesu Christi prófluens, et peccáta totíus mundi ábluens. Recordáre, Dómine, creatúræ tuæ, quam tuo Sanguine redemísti. Pœnitet me peccásse, cúpio emendáre quod feci. Aufer ergo a me, elementíssime Pater, omnes iniquitátes et peccáta mea: ut purificátus mente et corpore, digne degustáre mérear Sancta Sanctorum: et concéde, ut hæc sancta prælibátio Corporis et Sanguinis tui, quam ego indignus súmerem intendo, sit peccatórum meórum remissio, sit delictórum perfécta purgátio, sit túrpium cogitationum effugátio, ac bonórum sensuum regenerátio, operúmque tibi placéntium salúbris effi cácia, animæ quoque et corporis contra inimicórum

meórum insídias firmíssima tuitio. Amen.

Oratio S. Thomæ Aquinatis.

OMNIPOTENS sempitérne Deus, ecce accédo ad sacraméntum unigéniti Fílii tui Dómini nostri Jesu Christi: accédo tamquam infirmus ad medicum vitæ, immúndus ad fontem misericórdiæ, cæcus ad lumen claritátis ætérnæ, pauper et egénus ad Dóminum cœli et terræ. Rogo ergo imménsæ largitátis tuæ abundántiam, quátenus meam curáre dignéris infirmitátem, laváre fœditátem, illumináre cæcítátem, ditáre paupertátem, vestíre nuditátem ut panem Angelórum, Regem regum, et Dóminum dominántium, tanta suscipiam reveréntia et humilitáte, tanta contritióne et devotióne, tanta puritáte et fide, tali propósito et intentiόne, sicut expedit salúti animæ meæ. Da mihi, quæso, Domínici Corporis et Sanguinis non solum suscipere sacraméntum, sed étiam rem et virtútem sacraménti. O mitíssime Deus! Da mihi Corpus unigéniti Fílii tui Dómini nostri Jesu Christi, quod traxit de Vírgine María, sic suscipere, ut corpore suo mystico mérear incorporári, et inter ejus membra connumerári. O amantíssime Pater! concéde mihi diléctum Fílium tuum, quem nunc velátum in via suscipere propóno, reveláta tandem fácie perpétuo contemplári. Qui tecum vivit et regnat in unitáte Spíritus sancti Deus, per ómnia sæcula sæculórum. Amen.

GRATIARUM ACTIO

POST MISSAM.

Añs. Trium puerórum. In duplicibus duplicatur.

Cantic. Benedícite. 20. In fine non dicitur Glória Patri.

Psalm. Laudáte Dóminum in sanctis ejus. 21. In fine Glória Patri.

Ana. Trium puerorum cantemus hymnum, quem cantabant sancti in camino ignis, benedicentes Dóminum.

Postea Sacerdos dicit: **K**yrie, eléison. **C**hriste, eléison **K**yrie, eléison. **P**ater noster. **V.** Et ne nos inducas in tentationem. **R.** Sed libera nos a malo. **V.** Confiteantur tibi, Dómine, ómnia ópera tua. **R.** Et sancti tui benedicant tibi. **V.** Exultabunt sancti in glória. **R.** Lætabuntur in cubilibus suis. **V.** Non nobis, Dómine, non nobis. **R.** Sed nómini tuo da glóriam. **V.** Dómine, exáudi orationem meam. **R.** Et clamor meus ad te véniat. **V.** Dñus vobiscum. **R.** Et eum spíritu tuo.

Oremus.

DEUS, qui tribus púeris mití-gasti flammam ignium : concéde propítius ; ut nos fámulos tuos non exúrat flamma vitiorum.

ACTIONES nostras, quæsumus Dómine, aspirádo præveni, et adjuvádo proséquere : ut cuncta nostra oratio et operatio a te semper incípiat, et per te cœpta finiátur.

DA nobis, quæsumus Dómine, vitiorum nostrórum flammam extingui, qui beáto Lauréntio tribuísti tormentórum suórum incéndia superáre. Per Christum Dóminum nostrum. **R.** Amen.

ORATIONES

Post Celebrationem et Communionem dicendæ.

Oratio S. Thomæ Aquinatis.

GRATIAS tibi ago, Dómine sancte, Pater omnipotens, ætérne Deus, qui me peccatórem, indígnum fámulum tuum, nullis meis méritis, sed sola dignatióne misericórdiæ tuæ satiáre dignátus es prelióso Córpoze et Sanguine Filii tui Dómini nostri Jesu Christi. Et precor, ut hæc sancta Commúnio non sit mihi reátus ad poenam, sed intercessio salutaris

ad véniam. Sit mihi armatúra fidei, et scutum bonæ voluntatis. Sit vitiorum meórum evacuatio, concupiscéntiæ et libidinis exterminatio, charitatis et paciéntiæ, humilitatis et obediéntiæ, omniúmque virtutum augmentatio : contra insídias inimicórum ómnium, tam visibílium, quam invisibílium, firma defénsio : mótuum meórum, tam carnálium, quam spirituálium, perfécta quietatio : in te uno ac vero Deo firma adhæsió : atque finis mei felix consummatio. Et precor te, ut ad illud ineffabile convívium me peccatórem perducere dignéris, ubi tu cum Filio tuo et Spíritu sancto, Sanctis tuis es lux vera, satietas plena, gáudium sempitérnum, jucúnditas consummata, et felicitas perfécta. Per eúndem Christum Dóminum nostrum. Amen.

Alia Oratio S. Bonaventuræ.

TRANSFIGE, dulcíssime Dómine Jesu, medúllas et víscera animæ meæ suavíssimo, ac salubérrimo amoris tui vulnere, vera serenâque et Apostólica sanctíssima charitate, ut lángueat et liquefiat anima mea solo semper amore et desiderio tui : te concupiscat, et deficiat in átria tua, cúpiat dissólvi, et esse tecum. Da ut anima mea te esúriat panem Angelórum, refectiõem animarum sanctarum, panem nostrum quotidínum, supersubstantialém, habéntem omnem dulcedinem et sapórem, et omne delectaméntum suavítatis, te in quem desíderant Angeli prospícere, semper esúriat, et cómedat cor meum, et dulcedine sapóris tui repleántur víscera animæ meæ : te semper sítiat fontem vitæ, fontem sapiéntiæ et sciéntiæ, fontem ætérni lúminis, torrénstem voluptátis, ubertátem domus Dei, te semper ámbiat, te

quærat, te invéniat, ad te tendat, ad te pervéniat, te meditetur, te loquatur, et ómnia operetur in laudem et glóriam nóminis tui, cum humilitate et discretione, cum dilectione et delectatione, cum facilitate et affectu, cum perseverantia usque in finem : ut tu sis solus semper spes mea, tota fiducia mea, divitiæ meæ, delectatio

mea, jucúnditas mea, gáudium meum, quies et tranquillitas mea, pax mea, suávitás mea, odor meus, dulcédo mea, cibus meus, refectio mea, refúgium meum, auxílium meum, sapiéntia mea, pórtio mea, possessio mea, thesáurus meus, in quo fixa et firma et immobíliter semper sit radicáta mens mea, et cor meum. Amen.



PSALMORUM INDEX.

119. Ad Dominum.	134	81. Deus stetit in synagoga.	101
27. Ad te Domine clamabo.	50	78. Deus venerunt gentes.	96
24. Ad te Domine levavi.	52	93. Deus ultionum.	108
122. Ad te levavi oculos.	137	114. Dilexi quoniam.	134
28. Afferte Domino.	51	17. Diligam te, Domine.	12
77. Attendite popule.	93	38. Dixi: Custodiam.	64
48. Audite hæc omnes.	70	109. Dixit Dominus.	130
118. BEATI immaculati.	23	53. Dixit injustus.	57
127. Beati omnes, qui.	139	13. Dixit insipiens.	10
51. Beati, quorum.	53	52. Dixit insipiens.	73
40. Beatus, qui intelligit.	66	140. Domine clamavi.	147
1. Beatus vir.	4	7. Domine Deus meus.	6
111. Beatus vir, qui timet.	151	87. Domine Deus salutis.	103
55. Benedicam Dominum.	54	8. Domine Dñs noster.	6
102. Benedic anima mea.	116	101. Domine exaudi... et	113
103. Benedic anima mea.	117	142. Domine exaudi.	110
145. Benedictus Dominus.	148	20. Domine in virtute.	16
84. Benedixisti Domine.	103	6. Domine, ne in furore.	5
91. Bonum est confiteri.	114	37. Domine, ne in furore.	59
48. Cœli enarrant.	15	150. Dñe, non est exaltatum.	140
149. Cantate Domino... laus.	21	138. Domine probasti.	143
93. Cantate Dño...cantate.	109	3. Dñe quid multiplicati.	5
97. Cantate Domino...quia.	113	14. Dñe quis habitabit.	10
74. Confitebimur tibi.	91	89. Domine refugium.	98
9. Confitebor tibi...narrabo.	7	23. Domini est terra.	32
110. Confitebor tibi... in.	150	26. Dominus illuminatio.	49
137. Confitebor tibi.	143	22. Dominus regit me.	54
104. Confitemini... et.	119	92. Dñs regnavit, decorem.	18
103. Confitemini... Quis.	120	96. Dñs regnavit, exultet.	109
106. Confitemini... Dicant.	122	98. Dñs regnavit.	113
117. Confitemini... Dicat.	24	155. Ecce nunc.	153
133. Confitemini... in.	143	152. Ecce quam bonum.	142
43. Conserva me Domine.	11	58. Eripe me.	78
115. Credidi propter.	154	159. Eripe me Domine.	146
4. Cum invocarem.	154	44. Eructavit cor meum.	68
129. De profundis.	140	144. Exaltabo te Deus.	149
43. Deus auribus.	67	29. Exaltabo te Domine.	51
49. Deus deorum Dominus.	71	49. Exaudiat te Dominus.	16
62. Deus Deus meus, ad te.	19	60. Exaudi Deus.	79
21. Deus Deus meus.	54	54. Exaudi Deus..., et ne.	75
69. Deus in adjutorium.	87	63. Exaudi Deus... cum.	80
53. Deus in nomine.	24	16. Exaudi Dñe justitiam.	12
71. Deus iudicium.	88	39. Expectans expectavi.	64
108. Deus laudem meam.	124	80. Exultate Deo.	101
66. Deus misereatur.	49	32. Exultate iusti.	53
43. Deus noster refugium.	69	67. Exurgat Deus.	81
82. Deus quis similis.	102	86. FUNDAMENTA ejus.	101
59. Deus repulisti nos.	79	83. INCLINA Domine.	104

123. In convertendo.	458	126. Nisi Dominus.	459
10. In Domino confido,	8	125. Nisi quia Dominus.	458
113. In exitu Israel.	451	36. Noli æmulari.	57
50. In te Domine speravi.	52	61. Nonne Deo subjecta.	80
70. In te Domine speravi.	87	75. Notus in Judæa.	92
65. Jubilate Deo..., psalmũ.	81	46. OMNES gentes.	69
99. Jubilate Deo..., servite.	49	107. PARATUM cor.	124
54. Judica Domine.	53	72. QUAM bonus Israel.	89
42. Judica me Deus.	75	85. Quam dilecta.	102
25. Judica me Domine.	55	2. Quare fremuerunt.	4
121. LETATUS sum.	157	41. Quemadmodum.	66
145. Lauda anima mea.	150	124. Qui confidunt in.	458
147. Lauda Jerusalem.	151	51. Quid gloriaris.	72
148. Laudate Dñum de cœlis.	21	90. Qui habitat.	453
150. Laudate Dñum in.	21	79. Qui regis Israel.	97
116. Laudate Dñum omnes.	154	128. SÆPE expugnaverunt.	140
146. Laudate Dñum quoniã.	150	68. Salvum me fac.	85
154. Laudate nomen Dñi.	142	41. Salvum me fac.	9
112. Laudate pueri.	151	57. Si vere utique.	77
120. Levavi oculos meos.	155	156. Super flumina.	144
47. MAGNUS Dominus, et.	70	64. TE decet hymnus.	85
151. Memento Domine.	141	94. VENITE, exultemus.	2
56. Miserere..., miserere.	77	5. Verba mea auribus.	61
55. Miserere ..., quoniam.	76	76. Voce mea... ad Deum.	92
50. Miserere..., secundum.	60	141. Voce mea... ad Dñum.	147
100. Misericordiam.	145	42. Usquequo Domine.	9
88. Misericordias Domini.	406	75. Ut quid Deus repulisti.	90

CANTICORUM INDEX.

AUDITE cœli.	427	Ego dixi, in dimidio.	75
BENEDICITE omnia.	20	Exultavit cor meum.	84
Benedictus Dominus.	25	MAGNIFICAT.	455
CANTEMUS Domino.	99	NUNC dimittis.	456
Confitebor tibi Domine.	62	QUICUMQUE vult.	26
DOMINE audiui.	411	TE Deum laudamus.	47

HYMNORUM INDEX.

Ad regias Agni dapes.	453	Christo profusum.	xlj
AEterna Christi munera.	ij	DEUS, tuorum militum.	xxiv
AEterne Rex altissime.	351	Dum nocte pulsa lucifer.	532
Alto ex Olympi vertice.	cxl	Ex more docti mystico.	5
Athleta Christi nobilis.	530	Exultet orbis gaudiis.	j
Audi benigne.	152	FESTIVIS resonent.	ccxix
Ave maris stella.	clvij	Fortem virili pectore.	ccxij
Aurora cœlum purpurat.	22	GLORIAM sacræ.	ccvij
BEATA nobis gaudia.	400	Hujus oratu, Deus alme.	ccxij
Beate Pastor Petre.	422	JAM Christus astra.	595
COELESTIS Urbs Jerusalem.	cxix	Jam faces hictor ferat.	ccxxvij
Cœlitum Joseph decus.	442	Jam lucis orto sidere.	25
Christe, sanctorum decus.	519	Jam nimis terris.	ccxxvij

Jesu corona celsior.	xciv	Quem terra pontus.	clviiij
Jesu corona Virginum.	cy	Quodcumque in orbe.	419
Jesu dulcis amor.	ccxij	Rector potens, verax Deus.	43
Jesu Redemptor omnium.	lxxiv	Regali solio fortis.	471
Inclyti Patres.	ccxxxij	Rerum Deus tenax vigor.	46
In profunda noctis.	ccclxxiiij	Rex gloriose Martyrum.	xlj
Invicte Martyr.	xxxv	Rex sempiternæ Cœlitum.	3
Invictus heros.	ccclxxij	Sacris solemnii.	ccclxxxix
Ira justa Conditoris.	ccxix	Sæpe dum Christi.	ccclxxxj
Iste Confessor Domini colen-	colen-	Salutis humanæ Sator.	351
tes.	lxiv	Salvete Christi.	ccxxv
Iste, quem læti.	447	Salvete, Clavi.	ccj
LUSTRA sex qui jam peregit.	229	Sanctorum meritis.	xlviij
MARTYR Dei Venantius.	530	Sancta Mater, istud agas.	456
Memento rerum Conditor.	clxxij	Stabat Mater dolorosa.	455
Mysterium mirabile.	ccviiij	Tæ Joseph, celebrent.	442
NULLIS te genitor.	471	Te lucis ante terminum.	453
Nunc sancte nobis.	40.	Te Redemptoris.	ccclxxxv
O gloriosa virginum.	clxviij	Te, splendor et virtus.	513
O sol salutis, intimis.	22	Tinctam ergo.	ccv
PANGE lingua... Lauream.	224	Tristes erant Apostoli.	xxj
Pangelingua..Corporis.	ccclxxxix	VENI, Creator Spiritus.	394
Paschale mundo gaudium.	xxiiij	Verbum supernum.	ccxcviiij
Placare, Christe.	ccxliv	Vexilla Regis prodeunt.	223
Plaude festivo.	cclx	Virgines Proles.	cvj
Præclara septem lumina.	ccxxviiij	Virgo virginum.	460
QUAENAM lingua.	cc	Vix in sepulchro.	ccclxx

INDEX ALPHABETICUS

OMNIUM FESTORUM ET NOMINUM SANCTORUM

HUJUS PARTIS VERNALIS BREVIARIUM.

*Hoc signum * denotat Festum ex Indulto.*

ACHILLEI et soc. mart.	523	Benedicti abbatis.	448
Alexandri et soc. mart.	503	Barnardini Senensis conf.	534
*Alexandri Sauli ep. conf.	cclij	Bonifacii mart.	526
Angelæ Merici virg.	543	* Boni Latronis.	ccliij
Aniceti papæ et mart.	474	CARI et Soteris pont. mart.	476
Annuntiationis B. M. V.	449	Casimiri conf.	427
Anselmi ep., conf. et E. D.	474	* Catharinæ de Ric. V.	ccxxxiiij
Antonini episc. et conf.	521	Catharinæ Senensis virg.	481
Apolloniæ virg. et mart.	416	Cathedræ S. Petri Antioch.	419
Apparit. S. Michaelis Arch.	513	Cleti et Marcellini P. M.	481
Ascensionis Domini.	351	*Concept. B.M. per ann.	ccxcviiij
Athanasii ep. conf. et E. D.	496	*Conradi Placentini conf.	ccxxxv
BARNABÆ apostoli.	451		
Basilidis et soc. mart.	555	Crescentiæ et soc. mart.	556

Crucis Inventio.	499	*Mariæ B. M. titulo Auxil.	
Cyrini et soc. mart.	555	Christ.	ccclxxx
DOLORUM septem B. M. V.	455	Mariæ Magdal. de Pazzis.	540
Domitillæ virg. et soc. M.	525	Mathiæ apostoli.	425
ELEUTHERII papæ mart.	538	Maximi et soc. mart.	474
Epimachi et Gordiani M.	522	Michaelis Arch. Apparit.	513
Erasmi et soc. mart.	543	Modesti et soc. mart.	556
Eventii et soc. mart.	503	Monicæ viduæ.	505
FAUSTINI et Jovitæ mart.	418	NABORIS et soc. mart.	555
Feliciani et Primi mart.	549	Nazarii et soc. mart.	555
Felicis papæ et mart.	545	Nerei et soc. mart.	523
*Felicis a Cantal. C. cclxxvij		Norberti episc. conf.	548
Felicitatis et Perpetuæ M.	428	PANCRAII et soc. mart.	525
Fidelis a Sigmaringa mart.	478	Paschalis Baylon conf.	528
*Ferdinandus III regis C. cclxxxvj		Patritii episc. et conf.	459
Franciscæ viduæ rom.	455	Patrocinium S. Joseph.	485
Francisci Caracciolo conf.	546	Pauli apost.	419
Francisci de Paula conf.	462	Pentecostes.	594
*Francisci de Hieron. C. cclxxij		Perpetuæ et Felicitatis M.	428
*GABRIELIS Archang. ccxxxix		Petri Apost. Cath. Antioch.	419
Georgii mart.	477	Petri Cœlestini pap. conf.	552
Gervasii et Protasii mart.	556	Petri Damiani ep. C. et E. D.	425
Gordiani et Epimachi mart.	522	Petri et soc. mart.	545
Gregorii Nazianz. ep. conf.	520	Petri mart.	485
Gregorii papæ, conf. et E. D.	456	Petronillæ virg.	545
Gregorii VII papæ et conf.	536	Philippi et Jacobi apost.	492
HERMENEGILDI mart.	471	Philippi Nerii conf.	558
INVENTIONIS S. Crucis.	499	Pii V. papæ et conf.	508
Isidori ep., conf. et E. D.	465	*Plagarum D. N. J. C. ccxiiij	
* Isidori Agricolæ conf. cclxv		Primi et Feliciani mart.	549
JACOBI et Philippi apost.	492	Protasii et Gervasii mart.	556
Joannis ante Port. Lat.	509	Pudentianæ virg.	552
Joannis de Deo conf.	430	QUADRAGINTA Mart.	435
Joannis de Matha conf.	414	RESURRECTIONIS Domini.	275
*Joannis Nepomuc. M. cclxix		*SACRAMENTI SS. Offic. cclxxxviii	
* Idem. Aliud Offic. cclxxij		*Sanguinispret. D. N. J. C. ccxviiij	
Joannis papæ mart.	540	Scholasticæ virg.	416
*Joseph conf. ccxlvj		*Septem Fundat. ccxxvj	
Joseph Sponsi B. M. conf.	441	Simeonis episc. et mart.	418
Joseph Patrocinium.	485	*Sindonis D. N. J. C. ccvij	
Jovitæ et Faustini mart.	418	Soteris et Caji pont. mart.	476
Juvenalis episc. conf.	505	*Spin. Coronæ D. N. J. C. ccxlvj	
*LANCEÆ et Clav. D. N. J. C. cc		Stanislai episc. mart.	512
Leonis I papæ conf. et E. D.	468	THEODULI et soc. mart.	505
Lucii papæ et mart.	427	Titi episc. et conf.	415
MARCELLIANI et Marci mart.	556	Thomæ de Aquino C. et E. D.	428
Marcellini et Cleti P. et M.	481	Tiburtii et soc. mart.	474
Marcellini et soc. mart.	545	UBALDI episc. et conf.	527
Marci et Marcelliani mart.	556	Urbani papæ mart.	556
Marci evangelistæ.	480	VALENTINI presb. et mart.	418
*Margaritæ de Cortona. ccxxxvj		Valeriani et soc. mart.	474
Margaritæ reg. Scot. vid.	550	Venantii mart.	550
Mariæ B. V. Annuntiatio.	449	Vincentii Ferrerii conf.	466
VII Dolorum.	455	Vitalis mart.	482
* de bono Consilio. cclix		Viti et soc. mart.	556

FORMULA

Ad impetrandam Indulgentiam plenariam in articulo mortis.

V Adjutórium nostrum **✠** in nómine Dómini. **R** Qui fecit cœlum et terram. **Añs.** Ne reminiscáris, Dómine, delicta fámuli tui **vel** ancillæ tuæ, neque vindictam sumas de peccátis ejus. **Kyrie eléison. Christe eléison. Kyrie eléison.** Pater noster, **etc. X.** Et ne nos inducas in tentatiónem. **R** Sed libera nos a malo. **V** Salvum fac seryum tuum, **vel** ancillam tuam. **R** Deus meus, sperántem in te. **X.** Dómine exáudi oratiómem meam. **R** Et clamor meus ad te véniat. **X.** Dóminus vobíscum. **R.** Et cum spíritu tuo.

Oremus.

CLEMENTISSIME Deus, pater misericordiárum, et Deus totíus consolatiónis, qui néminem vis perire in te credéntem, atque sperántem, secúndum multitudínem miseratiónum tuárum respice propítius fámulum tuum **N.** **vel** fámulam tuam, quem **vel** quam tibi vera fides, et spes christiána coméndant. Vísita eum, **vel** eam, in salutári tuo, et per Unigéniti tui passiómem, et mortem, ómnium ei delictórum suórum remissiómem, et véniam cleménter indúlge: ut ejus ánima in hora éxitus sui te júdicem propitiátum invéniat, et in sânguine ejusdem Fílii tui ab omni mácula ablúta transíre ad vitam mereátur perpétuam. Per eúdem Christum Dóminum nostrum.

Tum dicto ab uno e clericis astantibus: Confiteor, **etc.** Sacerdos dicat: Misereátur, **etc.** Deinde:

DOMINUS noster Jesus Christus Fílius Dei vivi, qui beáto Petro Apóstolo suo dedit potestátem ligándi, atque solvéndi, per suam piíssimam misericórdiam recipiat confessiódiam tuam, et restituat tibi stolam primam, quam in baptísmate recepisti: et ego facultáte mihi ab apostólica Sede tribúta, indulgéntiam plenáriam, et remissiómem ómnium peccatórum tibi concédo. In nómine Patris, **✠** et Fílii, et Spíritus sancti.

PER sacrosáncta humanæ reparatiónis mystéria remíttat tibi ómnípotens Deus omnes præsentis, et futúre vitæ pœnas, Paradísi portas apériat, et ad gáudia sempitérna perducát. Amen.

Benedícat te ómnípotens Deus, Pater, **✠** et Fílius, et Spíritus sanctus. Amen.

Si vero infirmus sit atque mortuus proximus, ut neque confessionis generalis, neque precum tempus suppetat, statim ei benedictionem impertiatur dicens: Dóminus noster, **etc.**

Et si mors proximo urgeat, dicat: D.

Indulgéntiam plenáriam et remissiómem ómnium peccatórum tibi concédo in nómine Patris **✠**, et Fílii, et Spíritus sancti. Amen.

OFFICIA PROPRIA

SANCTORUM S. R. E.

SUMMORUM PONTIFICUM

ET ALIORUM QUÆ CLERO ROMANÒ INDULTA SUNT.

PARS VERNA.

¶ Officia de Passione Dñi
ponuntur in fine Brev.

DIE VI. FEBRUARII.

In Festo S. Hyacinthæ de
Mariscottis, Virg.

Duplex.

Omnia ut in fine Brev.

DIE IX. FEBRUARII.

In Festo S. Zosimi, Papæ
Confessoris.

Duplex.

In Hymno, Iste Confés-
sor, mutatur tertius versus.

Oratio. Da quæsumus.

In j. Nocturno Lectiones

In Quadrag. Fidélis sermo.

In secundo Nocturno.

Lectio iv.

ZOSIMUS Græcus, Abrahá-
mi filius, post sanctum
Innocéntium Románæ Ec-
clésiæ Episcopátum suscep-

pit. Is Africanórum Conci-
liórum decretis advérsus
Pelagiánam hæresim sen-
tentiæ suæ robur adnéxuit,
et ad impiórum excídium
gládio Petri dexteris óm-
nium armávit Antístitum;
iis namque ab ipso probá-
tis, per totum mundum hæ-
resis Pelagiána damnáta
est. Damnávit et Pelágium
ipsum una cum Coeléstio,
datis hac de re literis ad
universam Ecclésiam.

¶. Invéni David.

Lectio v.

ECCLESIASTICÆ disciplinæ
tenacíssimus fuit, com-
plúribus ad eam ubique sive
servándam, sive restituén-
dam destinátis grávis
epístolis. Definiit, juxta pro-

bátum Ecclesiæ morem, ut si quis ab infántia ecclesiasticis ministériis nomen dedisset, inter lectóres usque ad vigésimum ætátis annum, continuáta observatióne duráret. Si vero major jam, et grandævus post baptismum, sive inter lectóres, sive inter exorcístas, quinquénio tenerétur, et inde acólythus, vel subdiáconus, quátuor annis, et sic ad diaconátum (si mererétur) accéderet, in quo órdine quinque annis hærere debéret, et inde, suffragántibus votis, sacerdotium promeréri posset.

R. Pósuí adjutórium.

Lectio vj.

SANCIVIT, ut diáconi lævas linóstimis pallis tégerent: potestatemque fecit, ut per paróchias paschális céreus benedicerétur. Cavít prætérca, ne cléríco póculum propinarétur in público, prætérquam in fidélium cellis, et máxime clericórum. Qui cum sanctíssimè rexisset Ecclesiám annum unum, menses quátuor, dies septem, quíévit in pace; sepultúsque est juxta corpus sancti Lauréntii mártiris via Tiburtína, séptimo Kaléndas Januárii, Honório, et Theodósio, junióre imperántibus. Una ordinatióne mense Decémbri, creávit Presbyteros decem, diáco-

nos tres, Episcopos per díversa loca octo.

R. Iste est.

In iij. Noct. Homilia in Evang. Homo péregre, de Comuni, cum Lectione ix. S. Apolloniæ, Virg. Mart. ut in Brev.

DIE XI. FEBRUARII.

In Festo S. Antheri, Papa Mart. Duplex.

Oratio. Infirmitátem.

In j. Nocturno Lectiones in Quadrag. A Miléto.

In secundo Nocturno.

Lectio iv.

ANTHERUS, nátióne Græcus, patre Rómulo, post sanctum Pontíanum Romæ ordinátus est Episcopus. Is gesta mártýrum diligénter a notáriis conquisívit ac in Ecclesiá recóndidit. Propter eam causam a Máximo Præfécito martyrio coronátus est tertio Nonas Januárii, sepultúsque in cœmetério Callisti, via Appia, Maximíno príncipe. Unica ordinatióne mense Decémbri ordinávit Episcopum Fundánæ civitátis in Campánia. Sedit in Pontificátu mensem unum, dies duódecim.

R. Honéstum fecit.

Sermo sancti Augustíni Episcopi.

Lectio v.

De verbis Dom. 50.

PASTOR bonus Christus. Quid Petrus? Nonne bonus pastor? Nonne et ipse

ánimam suam pro óvibus pòsuit? Quid Paulus? Quid céteri Apóstoli? Quid eórum témpora consequéntes beáti Episcopi mártires? Quid étiam iste sanctus Anthérus?

(vel N.) Nonne omnes pastóres boni, non mercenárii, de quibus dicitur: Amen dico vobis, percepérunt mercédem suam? Omnes ergo illi pastóres boni, non solum quia sánguinem fudérunt, sed quia pro óvibus fuderunt. Non enim fuderunt elatióne, sed charitaté.

¶ Desidérium.

Lectio vj.

NAM et apud hæréticos, qui propter iniquitátes, et erróres suos áliquid molestiúrnum perpéssi fuérunt, nómine martyrii se jactant: ut hoc pállio dealbáti facílius furéntur, quia lupi sunt. Si autem vultis scire, in quo número habéndi sunt, pastórem bonum Paulum Apóstolum audíte: quóniam non omnes, qui córpora sua in passióne étiam ignibus tradunt, æstimándi sunt sánguinem fudisse pro óvibus, sed pótius contra oves. Si distribúero, inquit, ómnia mea paupéribus, et tradídero corpus meum, ut árdeam: jam ipsi sunt; sed vide quid séquitur: charitaté autem non hábeam, nihil mihi prodest. Ecce venítur ad

passiónem, ecce venítur et ad ságuinis effusióem, venítur et ad córporum incensióem: et tamen nihil prodest, quia cháritas deest. Adde charitaté, prosunt ómnia: détrahé charitaté, nihil prosunt cétera.

¶ Stola jucunditátis.

In iij. Noct. Homilia ii. Evang. Si quis venit, de Communi.

DIE XII. FEBRUARII.

In Festo S. Telesphori,

Papæ Mart.

Duplex.

Oratio. Deus qui nos.

In j. Nocturno Lectiones in Quadrag. A Miléto.

In secundo Nocturno

Lectio iv.

TELESPHORUS, natióne Græcus, pátria Thuriénsis in magna Græcia, ex Presbytero Románæ Ecclesiæ (cujus dignum mínistrum égerat) Póntifex máximus creátus est. Hoc supré mum ita óbiit, ut exímius Petri succéssor lectus esse viderétur. In ejus cáthedra sedit sub Imperatóre Antónino Pio, fervénte persecutiónis æstu. Qui tamen non óbstitit, ne sédulam óperam regéndæ Christi Ecclesiæ solícitus navárit.

¶ Honéstum fecit.

Lectio v.

HINC novis decrétiis multa illum egrégie sancivisse légimus, quæ ad fidélium

mores, ecclesiasticorum libertatem, et sacros ritus attinent; scilicet quadragesimale jejunium, jam olim ab Apóstolis traditum, novo edicto restaurasse, ac mandasse, ut in natali Domini sanctum Missæ Sacrificium ter celebraretur média nocte, illucescente auróra, hora demum tertia post solis ortum, et constituisse, ut sacræ Liturgiæ hymnus angelicus, Glória in excelsis Deo, adderetur. *R.* Desiderium.

Lectio vj.

EDIXISSE quoque, ne sacerdotes a populo arguerentur, ut sublimis ordinis dignitati consuleret. Ordinatione quadruplici, mense Decembri creavit Presbyteros duodecim, Diaconos octo, Episcopos tredecim per diversa loca. Cum autem in propaganda fide ardentissimus esset, ac proinde idolorum sacerdotibus invisus, captus tandem, capitis abscissione martyrium consummavit Nonis Januarii, et ejus corpus in Vaticano sepultum est.

R. Stola jucunditatis.

In iij. Noct. Homilia in Evang. Si quis vult post me venire, de Comm. ij. loco.

DIE XIII. FEBRUARII.

In Festo S. Gregorii II.

Papæ Conf.

Duplex.

Oratio Da quesumus.

In j. Nocturno Lectiones in Quadrag. fidelis sermo.

In secundo Nocturno.

Lectio iv.

GREGORIUS, hujus nominis secundus, natione Romanus, patre Mareello, anno Christi septingentesimo decimo quarto mirabili totius cleri, et populi concordia, ad supremum Ecclesiæ Catholicæ Pontificatum electus est. Hic a pueritia divino cultui addictus in Lateranensi Patriarchio sub beati Sergii oculis, et disciplina vixerat, subdiaconi primum, tum sacellarii munere functus. Mox bibliothecæ cura illi credita, ad diaconatus tandem ordinem promotus, in regiam urbem, una cum sanctissimo Papa Constantino profectus est. Ibi ab Imperatore de nonnullis capitibus interrogatus, cum sacrarum litterarum peritissimus esset, et constantissimus rerum ecclesiasticarum defensor, optima, et catholica responsione principi satisfecit.

R. Inveni David.

Lectio v.

URBIS mœnia contra Longobardorum excursiones, aliqua ex parte reparavit. Aliquot Basilicas, temporum injuria collapsas, restituit. Urbana monasteria fere deserta, et monachos in

pristinam formam, et disciplinam redégit. Imo post mortem Honéstæ matris, paternam domum in Ecclésiâ, et monastérium commutávit, quod multis prædiis instructum reliquit. Corbiniânum, et Bonifácium viros apostólico spíritu plenos, in Germániam misit, ad prædicandum gentilibus Christi Evangélium, eosque sacris Episcopátus infulis decorávit, postquam innumeram paganórum multitudinem, ab iis ad Christi fidem conversam fuisse, accepisset. Ut omnes óptimi pastóris partes impléret, óptimis légibus ecclesiásticam disciplinam, et Christianórum mores instrúxit. Géminam Synodum Romæ hábuit, álteram advérsus illicita conjúgia, álteram advérsus Iconoclástas.

¶ Pósuí adjutórium.

LECTIO vj.

Leonem Isáurum sacrárum imáginum destructórem váriis epístolis, ab illa hæresi removére, omnique illum officiórum genere sibi demeréri stúduit; cum tamen hic ad scéleris cúmulum, óptimum Pontíficem necí trádere ferro séxies, semel auro, et munéribus corrumpere, quamvis frustra tentáset. Luitprándo, cum Exárcho ad excídium Urbis properánti, sanctíssimis

Póntifex, Dei fretus præsidio, ad prætá Nerónis occúrrit, et piis mónitis regis ánimum ita mollívit, ut non jam hostis, sed pius adorátor ensem, et corónam Príncipi Apostolórum obtúlerit. Cum autem Imperátor destructiónem machinárétur, eúmdem diro anathémate pérculit, et ínitocum Francis fœdere, ab ímpio molimine detérruit. Rebus demum præcláre gestis, quibus máximis quibusque prædecessórum suórum æquiparátur, pie óbiit in Dómino, sexto Pontificátus anno, et in Basilica Vaticána cónditus est.

¶ Iste est.

In iij. Noct. Homilia in Evangelium, Homo peregrefproficiscens, de Comuni.

In ij. Vesperis, Oratio. Exaudi.

EADEM DIE XIII.

In Festo S. Catharinæ de Ricciis, Virg.

Duplex.

Omnia ut in fine Brevarií.

DIE XIV. FEBRUARII.

In Festo S. Agathonis,

Papæ Conf.

Duplex.

In Hymno, Iste Confessor, mutatur tertius versus. Oratio. Da, quæsumus.

In j. Nocturne Lectiones in Quadrag. Fidélis sermo, de Comuni.

In secundo Nocturno.

Lectio iv.

AGATHO, natione Siculus, ex doctissimo, ac sanctissimo monacho Romanus Pontifex creatus est, anno Christi sexcentésimo septuagésimo octavo. Vir summa humanitate, eximio animi candore, singulâri morum suavitate, et comitate præditus, cunctorum amans, cunctis amabilissimus; ita denua a natura et gratia comparatus, ut ad supremam illam dignitatem gerendam natus, seu factus esse videretur.

R. Inveni David.

Lectio v.

ACCEPTIS a Constantino Pogonato litteris ad Donum prædecessorem scriptis, pro convocando Concilio OEcuménico, ad diuturnum schisma tollendum, quo laborabat Ecclesia, et definiendas fidei controversias, quæ toto fere Oriente maximas tempestates, atque ruinas excitarent, provinciales Synodos in Occidente haberi curavit, in quibus Monothelitarum causa discuteretur, et damnarentur errores.

R. Põsui adiutorium.

Lectio vj.

Iis præmissis, legatos suos et Concilii Romani, misit Constantinopolim cum binis litteris ad Imperatorem, in quibus præ-

dicta hæresi docte, fuse, ac sólide refutata, damnatisque primariis illius sectatoribus, Sérgio scilicet, Cyro, Paulo, Pyrrho, Petro, et aliis, antecessores suos ab omni erroris labe immunes hucusque fuisse, expressis verbis declaravit. Agathonis igitur auctoritate, sexta Synodus universalis congregata est, in qua iidem errores, iidemque errantes damnati fuerunt. Demum cum tres annos, et quinque circiter menses sedisset, pie obiit in Domino, et in Basilica Principis Apostolorum sepulturæ mandatus est.

R. Iste est.

In iij. Nocturno Homilia in Evangelium, Homo peregre proficiscens, de Communi.

DIE XVI. FEBRUARII.

In Festo B. Gregorii X.

Papæ Confessoris.

Duplex.

Oratio.

DEUS, qui Ecclesiam tuam beati Gregorii, Confessoris atque Pontificis, religionis zelo, et apostolicis curis amplificasti: ejus meritis, et intercessione concede; ut fidei et sanctitatis nova semper incrementa suscipiat. Per Dominum nostrum.

In j. Nocturno Lectiones in Quadrag. laudemus viros, de Comm. ij. loco.

In secundo Nocturno.

Lectio iv.

GREGORIUS Décimus Thebaldus, seu Theobaldus antea nuncupatus, Placentiæ ad Æmiliæ fines nobili Vicecomitum genere natus est. Adollescens ecclesiasticæ militiæ adscriptus singulari nituit honestate morum, vitæque munditia, nulla unquam, ut creditur, criminis contagione polluta. In Galliam cum Jacobo Cardinali Pecorario Gregorii Noni legato profectus, Archidiaconus Leodiensis renunciatus est. Eo in Italiam redeunte, theologiæ Parisiis operam dedit, ac magistri munus adeptus, verbo et exemplo fideles, ac Principes ad terræ sanctæ recuperationem vehementer accendit. In Syriam deinde peregrinatus, dum ibi sacram expeditionem urgéret, a Cardinalibus Vitærbii Pontificis electionem in annum fere tertium protrahéntibus, in Petri Sedem evectus est anno millésimo ducentésimo septuagésimo primo.

R. Inveni David.

Lectio v.

ACCEPTO Ptolemæide electionis decreto, in Italiam navigavit, ac Vitærbium se contulit, deinde Romam, ubi anno insequente sollemniter inauguratus est. Ab ipso Pontificatus exordio ad

generális Concilii celebrationem curas et cogitationes omnes adjecit. Eo Lugdunum Galliæ indico, Michaëlem Palæologum Græcorum Imperatorem, tum alios Christianos Principes, et Græcæ, Latinæque Ecclesiæ Præsules litteris amantissimis invitavit, accersitis etiam eximiis doctрина, et sanctitate viris, uti sancto Thoma Aquinate in ipso itinere vita functo, sancto Bonaventura, sancto Philippo Benitio, beato Alberto Magno, Petro de Tarrantasia Ordinis Prædicatorum, qui eidem in Pontificatu successit. Igitur OEcumenicam Synodum Patrum numero omnium frequentissimam, cui præfuit Pontifex ipse, Græcis, ejurato schismate, ad Ecclesiæ unitatem receptis, decretis pro sacra expeditione subsidiis, editisque pluribus sanctissimis legibus, trimestri spatio feliciter celebravit.

R. Pósi adjutorium.

Lectio vj.

DE pace in Ecclesia firmanda cum primis sollicitus, Prælatorum dissidia, Regum inimicitias, provinciarum odia, populorum factiones composuit, dirimit, exstinxit. Ecclesiæ jura etiam adversus Reges, et Principes, severe, ac fortiter vindicavit, nullam esse præ-

dicans solidiorem regnorum basim, quam tutelam ecclesiasticæ libertatis. Páuperum amantissimus, primus omnium in apostólico palatio piarum in illos largitionum præsidem constituit, iisque propriis manibus pedes quotidie abluébat. In Italiám a Concílio redux, dum profectionem in Palæstinam meditatur, plúraque alia Christiánæ reipublicæ bono molirétur, Arétii in Etrúria morte intercéptus est quarto ab electione sua anno, mense quarto, die decima. Fuit vir ánimi plane invicti, et apostólici, terrenorum contéptu, cultus divini stúdio, fidei zelo, disciplinæ et morum restauratione, rerum gerendarum prudéntia, fortitúdine, magnanimitate, aliisque virtútibus prorsus eximius. Miráculis post mortem claruisse Ecclesiæ Aretinæ monuménta testántur.

¶ Iste est.

In iij. Nocturno Homilia in Evang. Homo pègre, de Communi.

DIE XVII. FEBRUARII.

In Festo S. Hygini, Papæ Martyris.

Duplex.

Oratio. Infirmitatem.

In j. Nocturno Lectiones in Quadragesima, A Miléto, de Communi.

In secundo Nocturno.

Lectio iv.

HYGINUS Atheniénsis, philosopho patre, cum jam Románæ Ecclesiæ Præsbyter esset, cleri suffrágiis, Telsphoro sufféctus est. Sedit in sancta Petri Sede, Imperatóre Antonino Pio Augústo, annos tres, menses undecim, dies viginti octo. Ubi primum Póntifex renunciátus est, clericórum órdenes in suos gradus distínxit, ac fecit, ut in iis Ecclesiis quas Títulos vocant, tum primárii ministri, tum alii eisdem subjécti adéssent, qui fidélibus, cum res postuláret, sacra ministrárent.

¶ Honéstum fecit.

Lectio v.

INSTITUIT étiam, ne absque celebratione missæ, templa, vel oratória sacro ritu consecraréntur: ne inconsulto Episcopo, vel nova construeréntur, vel jam constructa destrueréntur, et ne matéries ad sacrum illum usum congésta, et destináta, in profános usus converterétur. Edíxit prætérea, ut patrini baptismo adéssent, qui de sacro fonte infántes levárent: ne quis Episcopus reus criminis damnarétur, nisi a comprovinciálibus Episcopis ejus causa probe discússa fuisset. Cuncta hæc ejus título, ac nómine sancta exstant. Tres ordina-

tiones habuit mense Decembri, in quibus creavit Episcopos sex, Presbyteros quindecim, Diaconos quinque.

ii. Desiderium animæ.

Lectio vi.

CUM autem paulo ante Justinus, clarissimus philosophus et Christi martyr, scripsisset Apologiam pro religione christiana ad Imperatorem Antoninum Pium Augustum, obtinuit, ut persecutio desæviret. Hinc a Christianorum cæde, non quidem omnino, plurimum tamen, publico principis edicto, temperatum est. Sanctissimo tamen pastori, cujus cura dominico gregi consultum fuerat, parcitum non fuit; nempe hic glorioso martyrio, ne antecessoribus dissimilis esset, innocentissimam vitam terminavit, die undecima Januarii, et sepultus est in Vaticano.

ii. Stola jucunditatis.

In iij. Nocturno Homilia in Evang. Si quis venit, de Communi.

In Vesp. tantum pro com. S. Simeonis Episc. Mart. Oratio. Deus, qui nos beati.

DIE XXV. FEBRUARII.

In Festo S. Felicis III,

Papæ Conf.

Duplex.

In j. Nocturno Lectiones

in Quadrag. Fidelis sermo, de Communi.

In secundo Nocturno.

Lectio iv.

FELIX Tértius, patria Romanus, natus ex nobilissima domo Anicia, et divi Gregorii Magni avus, post Simplicium Papam ad summi Pontificatus apicem est exéctus. Hic mira animi constantia, tametsi Roma sub Hérulis Arianis prope modum captiva videretur, alique Patriarchæ conciliationem Zenonis Imperatoris approbassent, solus illi non communicavit. Ejusdem de fide edictum promulgantis audaciam fortiter représsit. Petrum Fullonem Patriarchatu Antiochæno dejecit. Acacium Constantinopolitanum Episcopum Romam venire coégit, ut contra eum objectis, in Apostolicæ Sedis judicio responderet, ac in eundem sententia excommunicationis animadvertit.

ii. Inveni David.

Lectio v.

CONSTITUIT, ut Ecclesiæ nonnisi ab Episcopis consecrarentur: semel baptizatos iterum rebaptizari sub gravibus poenis prohibuit. Basilicam sancti Agapiti construxit. Anno ejus Pontificatus tertio, sanctus Barnabas Apostolus, cum sancti Matthæi Evangélio, in Cypro Anthémio Episco-

po Salaminæ apparuit; sicque prævia trina revelatiōe corpus sancti Bārnabæ cum Evangēlio supradicto est inventum. Duas fecit ordinationes mense Decēmbri, quibus creavit Romæ Presbyteros viginti novem, Diáconos quinque, Episcopos per diversa loca triginta. Quinto Kalēdas Mártii, e terris excēdens ad súperos evolavit. *R.* Pósui adjutoriū. Sermo S. Gregórii Papæ.

Lectio vi.

Ex Hom. 38. in Evang.

QUIA nonnunquam mentes Audiētiū plus exēpla fidēliū, quam docētiū verba convértunt, volo vobis aliquid de próximo dicere, quod corda vestra tanto formidolósius audiant, quanto eis hoc de propínquo sonat. Neque enim res longe ante gestas dicimus, sed eas, de quibus testes existunt, eisque interfuisse se réferunt, memorámus. Tres pater meus soróres hábuit, quæ cunctæ tres sacræ vírgines fuérunt; quarum una Tarsilla, ália Gordiána, ália Æmiliána dicebátur. Quadam vero nocte huic Tarsillæ (quæ inter soróres suas, virtute continuæ orationis, afflictiónis stúdio, abstinētiæ singuláris, gravitate vitæ venerábilis, in honóre, et cúlmine sanctitátis excréverat) sicut ipsa

narrávit, per visiōem álavus meus Felix hujus Románæ Ecclésiæ Antístes apparuit, eique mansiónem perpétuæ claritátis ostēdit, dicens: Veni, quia in hac te lucis mansiōe suscipio. Quæ subsequēti mox febre corrēpta, ad diem pervénit extrémum: et sicut nobilibus féminis, virisque moriētibz multi convéniunt, qui eórum próximos consoléntur, eádem hora ejus éxitus multi viri ac féminæ ejus léctulum circumsteterunt, inter quas mater mea quoque ádfuit; cum sursum illa respiciens Jesum veniētem vidit, et cum magna animadversiōe cœpit circumstantibus clamáre, dicens: Recédite, recédite, Jesus venit. Cumque in eum intēderet, quem vidébat, sancta illa ánima a carne solúta est, tántaque súbito fragrántia miri odóris aspérsa est, ut ipsa quoque suá vitas cunctis ostēderet, illuc auctórem suavitátis venísse. *R.* Iste est.

In iij. Noct. Homilia in Evang. Homo peregri proficiscens, de Comm.

DIE XXVI. FEBRUARII.
In Festo S. Margaritæ de Cortona, nec Virginis nec Martyris.

Semiduplex.

Omnia ut in fine Brev. sub die xxij. Februarii.

DIE II. MARTII.

In Festo S. Simplicii.

Papæ Conf.

Duplex.

Oratio. Da quæsumus.

In 'j. Nocturno Lectiones

in Quadrag. Fidélis sermo.

In secundo Nocturno.

Lectio iv.

SIMPLICIUS Tiburtinus, patre Castório, proxime post sanctum Hilarum Romanæ Ecclesiæ principatum suscepit, ac difficillimis temporibus (cum magna ex parte Christiani orbis catholica fides, ob cunctos fere principes hæresi infectos, nutaret) summa vigilantia gubernavit. Leoni Imperatori petenti, ut rata haberentur concessa ab Episcopis Synodi Chalcedonensis Ecclesiæ Constantinopolitanæ privilegia, vehementius restitit, misso etiam eam ob causam Constantinopolim suo legato. Eadem pastorali sollicitudine plurimum laboravit, ut Timotheus Ælurus, Alexandrinæ Ecclesiæ invasor, qui Constantinopoli libere degens, adnitebatur quam maxime propagare hæresim novumque, Zenonis Imperatoris opera, cogi Concilium; pelleretur in exilium, sicque integritati suæ Alexandria redderetur Ecclesia. Reliquorum item perduellium pro nova Synodo indicenda conatibus fortiter obstitit,

asserens, nova Concilia non facile convocanda, nisi cum aliquid in pravis sensibus novum, aut in assertionē dogmatum emersisset ambiguum.

ñ. Inveni David.

Lectio v.

DAMNAVIT iterum Petrum Moggum, alterum Alexandrinæ sedis invasorem, curavitque, ut ex urbe pelleretur, ne aliquos modicæ fidei inficeret, et ad perversitatis suæ factionem pertraheret. Timotheo Solofaciolo, legitimo ejusdem Ecclesiæ Antistiti, juxta pristinum institutum, per suos legatos erroris sui condonationem expetenti, idcirco quod timore perterritus Dioscorum ad altare nominasset, veniam impertiit. Antiocheni Episcopi electionem, ad seditiones vitandas Constantinopoli in Concilii Nicæni præjudicium peractam, ea lege ratam habuit, ut deinceps, secundum Patrum definitiones, Orientali comprovincialium Episcoporum Synodo, creatio Antiocheni Pontificis reservaretur. Oblationes Ecclesiæ ita partiendas esse præcepit, ut una dumtaxat portio Episcopo, una itidem clero, duæ vero in Ecclesiæ fabricam, et peregrinos, ac pauperes erogarentur. Zenonem Episcopum Hispalensem vi-

cária Sedis Apostólicæ auctoritáte fulcivit, ne apostólicæ institutionis decreta, et sanctórum téminos Patrum in Hispániis transcénderi permitteret.

R. Pósuí adjutórium.

Lectio vj.

STATUIT in Urbe hebdomadas, ut propter baptismum, et pœniténtiam peténtes, presbyteri quidem de regione prima apud sanctum Paulum, de tertia apud sanctum Lauréntium, et de séptima apud sanctum Petrum manérrent. Dedicávit Basilicas sancti Stéphaní in Cœlio monte, sancti Andréæ Apóstoli juxta sanctam Mariám, item áliam sancti Stéphaní juxta sanctum Lauréntium, ac postrémo sanctæ Bibiánæ mártiris áliam intra Urbem juxta palatium Liciniánū : itémque vasa complúra tum argentea, tum áurea Románæ cóntulit Ecclésiæ. Demum Zenóne Imperátore, et Odoacre Italiæ Rege, migrávit ad Dóminum. Hábuít ordinationés tres mense Decémbri, quibus creávit Presbyteros quinquaginta octo, Diaconos undecim, Episcopos per diversa loca triginta sex. Sacerdotium administrávit annos quíndecim, menses quinque, et dies decem.

ñ Iste est.

In iij. Noct. Homilia in Evang. Homo pègre, de Comuni.

DIE IV. MARTII.

In Festo S. Lucii I, Papa Martyris.

Duplex.

Oratio. Deus, qui nos.

In j. Nocturno Lectiones in Quadrag. A Miléto.

In secundo Nocturno.

Lectio iv.

LUCIUS Románus patre Porphyrio, post sancti Cornélii consummationem, Románæ Ecclésiæ Episcopátum ténuit. Sanxit, ut duo presbyteri, ac tres diaconi, ecclesiástici causa testimonii, quovis loco Episcopum non desérerent. Pacem lapsis dandam, et, pœniténtia acta, communicationis fructum negandum non esse, Spíritu Dei plenus (ut sanctus Cypriánus scripsit) litteris suis significávit. Ob Christi fidem exílio relegátus, et póstrmodum ad Ecclésiám suam incólumis redíre permissus, tandem omni Ecclésiæ facultáte Archidiacono suo Stéphano prius trádita, cápite truncátus est quarto Nonas Mártii, Gallo, et Volusiáno princípibus. Duas hábuít ordinationés mense Decémbri, quibus Presbyteros quatuor, Episcopos per diversa loca septem creávit. Ejus corpus primo via Ap-

pia ad sanctum Xystum, in cœmetério Callisti sepúltum, inde a Pascháli Papa in sanctæ Cæciliæ Titulum, una cum ejusdem virginis, et sociórum corpóribus translátum, ibi sub sancto altári collocátum fuit.

℞. Honéstum fecit.

De Epístola S. Cypriáni Episc. et Mart., et collegárum ejus ad S. Lúcium Papam, et Mártirem.

Lectio v.

NUPER quidem tibi, frater charíssime, gratuláti sumus, cum te honóre gemináto in Ecclesiæ suæ administratione confessórem páriter, et Sacerdótem constituit divina dignatio. Sed et nunc non minus tibi, et comítibus tuis, atque universæ fraternitati gratulamur, quod cum eádem glória, et láudibus vestris, réduces vos dénuo ad suos fécerit benigna Dómini et larga protéctio; ut pascéndo gregi pastor, et gubernándæ navi gubernátor, et plebi regéndæ rector redderétur: et apparéret relegationem vestram sic divinitus esse dispósitam, non ut Episcopus relegátus, et pulsus Ecclesiæ deéssset, sed ut ad Ecclesiam major redíret. Neque enim in tribus púeris minor fuit martyrii dignitas, quia, morte frustráta, de camíno ignis incólumes exiérunt;

aut non consummátus Dániel éxstitit in suis láudibus, quia, qui leónibus missus fúerat ad prædam, protéctus a Dómino vixit ad glóriam. In confessóribus Christi diláta martyria non mérita confessiónis minuunt, sed magnália divinæ protectionis osténdunt.

℞. Desidérium.

Lectio vj.

REPRÆSENTATUM vidémus in vobis, quod apud regem fortes atque illústres púeri prædicavérunt: ipsos quidem parátos esse ardere flammis, ne diis ejus servírent, aut imáginem, quam fécerat, adorárent; Deum tamen, quem colébant, quemque et nos cólimus, poténtem esse, ut eos de camíno ignis exímeret, et de regis mánibus, ac de pœnis præsentibus liberáret; quod invenimus in confessiónis vestræ fide, et in Dómini circa vos protectione nunc gestum: ut cum vos paráti fuéritis, et prompti omne subíre supplicium, Dóminus tamen vos pœnæ subtráheret et Ecclesiæ reserváret. Regrediéntibus vobis, breviáta non est in Episcopo confessiónis suæ dignitas, sed magis crevit sacerdotális auctóritas, ut altári Dei assístat Antístes, qui ad confessio-

nis arma sumenda, et facienda martyria, non verbis plebem, sed factis cohortetur, et imminente antichristo, paret ad prælium milites, non solum sermonis et vocis incitamento, sed fidei et virtutis exemplo.

R. Stola jucunditatis.

In ij. Noct. Homilia in Evang. Si quis vult post me venire, de Comm. ij. loco.

DIE XV. MARTII.

In Festo S. Zachariæ,

Papæ Conf.

Duplex.

Oratio. Da quæsumus.

In j. Nocturno Lectiones.

Fidélis sermo. Post Pascha de Scriptura occurrente.

In secundo Nocturno.

Lectio is.

ZACHARIAS natione Græcus, patre Polychronio, Gregorio Tertio ex hac luce subtrácto, ad beáti Petri cathedram est evectus. Vir fuit mitissimi ingenii, miræ suavitatis et gratiæ; cleri, ac populi Románi amátor, ad iram tardus, ad misericórdiam, et cleméntiam promptissimus: nulli malum pro malo reddens, sed vincens in bono malum: ádeo ut, quos habuerat æmulos, et inimicos, eisdem initio Pontificátus honoribus, et præmiis affecerit. Póntifex creátus, ut Italiám armis Longobardorum vexátum, suæ tranquil-

litati restitueret, ad Luitprándum regem Interámnæ degéntem, et legátos misit, et ipse profectus est: ubi, et orationis elegántia, et vitæ sanctitate sic regem demulsit, ut quas civitates, oppida, et patrimónia ab Ecclesiá abstulerat, eidem restituerit.

R. Inveni David.

Lectio v.

SED et Ticinum usque profectus eúmdem inflexit, ut a Ravennátum oppresione cessáret. Rachim adiit, Perúsiam acri obsidióne preméntem, quem tanta orationis majestáte permóvit, ut et ab omni oppugnatione desisteret, et religionis amore succensus, régiam dignitatem, et paludamentum monacháli instituto, et hábitu permutáret. Consultus a Francis, regnum illud a Childérico viro stúpido, et ignávo, ad Pipinum pietate, et fortitudine præstantem, auctoritate apostólica tránstulit. Multas Synodos, et concilia celebrávit, pro ecclesiasticæ disciplinæ restauratióne.

R. Pósum adjutórium.

Lectio vj.

ROMÆ ómnia loca sacra, aut reparávit, aut ditiora effécit. Sanctórum imágines vetustate exolétas renovávit, et Lateranénse

Patriarchium, quod magna in penuria invenerat, pene a novo restauravit, ac multas reliquias ibi inventas diversis Ecclesiis distribuit. Pauperibus aliendis redditus assignavit. Bibliothecam sancti Petri construxit, Basilicam sancti Georgii in Velabro condidit: ædificavit et oratorium divæ Cæciliæ via Tiburtina. Clerum valde dilexit, et donativum singulis presbyteris, et diaconis erogavit. Sancti Gregorii Dialogorum libros in græcum transtulit, rebusque variis pro Ecclesiæ utilitate, non minus pie, quam prospere gestis, sanctitatis læurea est coronatus.

R. Iste est.

In inf. Noet. Homilia in Evang. Homo peregre. de Communi.

DIE XVIII. MARTII.

In Festo S. Gabrielis Archangeli.

Duplex majus.

Omnia ut in fine Brev.

DIE XXII. MARTII.

In Festo S. Catharinæ Fliscæ Adurnæ, Viduæ.

Duplex.

Ad Vesp. Capit. Laud.

Hymnus.

SUMMIS ad astra laudibus
Tollamus omnes Femi-
nam,
Quæ sanctitatis gloria
Augeat decus Liguriæ.
Beata, ejus intimo

Latere nesciens sinu,
Eoris inundat charitas,
Totisque membris æstuat.
Menses per anni circulum
Jeiuna plures transigit:
Solo Angelorum pabulo
Vitam labantem sustinens.
Deo Patri sit gloria,
Ejusque soli Filio,
Cum Spiritu Paraclito,
Nunc, et per omne sæcu-
lum. Amen.
V. Spécie tua.

Ad Magnificat. Ant.

Pone me ut signaculum super cor tuum; quia fortis est ut mors dilectio; dura sicut infernus æmulatio; lampades ejus, lampades ignis, atque flammarum.

Oratio ut ad Laudes.

Ad Matutinum.

Hymnus.

DUM mente Christum cón-
cipit
Membris fluentem sanguine,
Ardore pectus intimo
Sentit repente corripit.
Hinc sancto amore saucia
Terræna cuncta despicit,
Adversa fert alacriter,
Patique quærit unice.
Mox, et flagellis cõterens
Artus rebelles jûgiter,
Christi dolorum particeps;
Crebro meretur effici.
Deo Patri sit gloria,
Ejusque soli Filio,
Cum Spiritu Paraclito,
Nunc et per omne sæcu-
lum. Amen.

In j. Noct. Lectiones M-
herem fortem, Post Pascha.
ie Scriptura occurrente.

In secundo Nocturno.

Lectio iv.

CATHARINA Genuénsis, pa-
réntibus Jacóbo de Flis-
co, et Francísca de Nigro,
antiqua nobilitáte conspi-
cuis, in lucem édita, téne-
ram ætátem inter adúltæ
pietátis exercitatiónes exé-
git. Nam castigádo cörperi
inténta, vix octénnis in
straménto, lignis cápiti pro
pulvinári suppositis, som-
num carpébat. Pueriles
nugas aversáta, et ab ómni-
bus mundi deliciis abhór-
rens, in Christi cruciáti-
bus, jugi meditatióne re-
coléndis tota fuit. Eo stú-
dio incénsa in monastérium
ingredi expetébát; sed im-
matúra ætas pium puéllæ
desidérium interpellávit.
Intérea paréntes invítam
Juliáno Adúrno nóbili viro
despóndent, a quo tam áspe-
re, ac dúriter hábita est,
ut per quinquénnum domi
luctu, tristitiáque tabésce-
ret; donec tædio, ac mœró-
re confécta, a pristina seve-
ritáte defléxit. Frigescénte
autem charitáte, ne ad ul-
teriórem vitæ licéntiam pro-
rúeret, insígni miseréntis
Dei beneficio factum est.
Cum enim aliquándo ad pii
sacerdotis pedes provolúta
ejus se précibus commen-

dáret, repentiná mutatióne
déteræ Excélsi, ac súbito
sancti Spiritus igne corré-
pta, amóris in se divíni
cleméntiam, potentiámque
admirans, et exclámans,
fatéri, ac prædicáre cœpit.
ii. Propter veritátem.

Lectio v.

INDE domum revérsa, Chri-
stum conspícere sibi visa
est ságuine toto cörpero
diffluentem, qua spécie sibi
divínitus obláta, in con-
témptum, atque ódium, sui
veheménter exársit, mem-
bra cilicio domábat, jejú-
nium ita cóluit, ut per an-
nos tres et viginti fériás
Advéntus, et Quadragési-
mæ transégerit solo Eucha-
ristiæ pábulo refécta; ama-
rissimo tantum usa potu
ad sitim restinguéndam.
Producébat oratióne ad
plures horas, tantóque di-
vini amóris incéndio confla-
grábat, ut in corpus quoque
ardor erúmpet. Máxima
erga próximum ferebátur
charitáte. Infirmis enim in
magno Nosocómio incredí-
bili sedulitáte ministrábat,
súptibus liberaliter ero-
gátis. Abjectíssima quæque
officia libénter obíbat,
távida étiam ægrotántium
úlcers aliquándo exosculáta.
Injúrias, contumélias mu-
lier vere fortis álaeri ánimo
excépit: assiduisque cór-
poris animique doloribus

pene confecta, cruciatuum Christi particeps fuit.

R. Dilexisti justitiam.

Lectio vj.

TOT, tantisque heróicæ fortitudinis, et patientiæ probatam experimentis, atque in agone Christiænæ perfectionis egrégie meritam, uberi beneficiorum cōpia Dóminus cumulávit. In diuturnas, et fréquentes éxtases rapta, et cœlestibus illustrationibus, superúmque apparitiōibus, et colloquiis dignata, arcána Dei intelligere méruit, et Fidei mystéria scriptis præclarissimis confirmare. Propheciæ dono cláruit, ábditos animórum sensus perspéxit. Pérditi hóminis conversiōnem, et tranquillam cōjugis mortem, et ætérnam utriusque beatitudinem obsecratiōibus a Dómino impetrávit. Anno igitur ætátis suæ tértio, et sexagésimo, extrémō morbo opprèssam, et Christi confixam Cruci, atque ad fontem ætérnæ felicitátis anhelántem, sacra die Exaltatiōis sanctæ Crucis, ex vitæ hujus angóribus Dóminus evocávit. Præclára vero fuérunt de Catharinæ virtútibus Doctórum, Sanctórumque præcónia, Summórum quoque Pontíficum oráculis comprobata. Cultum illius immemorábilem asséruit Clemens No-

nus : Clemens vero Undécimus ejus memóriam Missa, et Officio beatárum mulierum celebrándam concéssit.

R. Fallax grátia.

In iij. Noct. Homilia in Evang. Símile est regnum cœlórum thesáuro, **de Comuni.**

AD LAUDES.

Capit. Cant. 8.

AQUÆ multæ non potuerunt extingueré charitatem, nec flúmina óbruent illam : si déderit homo omnem substántiam domus suæ pro dilectiōe, quasi nihil despiciet eam.

Hymnus.

TURBAM jacéntem páuperum,
Quam dirus angor ópprimet,
Ceum membra Christi lánguida,
Matróna clemens cónfovet.
Opes, opémque cónferens,
Vilique fungens múnere,
Perstérnit illis léctulos,
Sordésque purgat sédula.
Quo quisque plagis fœdior
Huic illa servit prómptior,
Tabem nec horret úlcerum :

Horrére nescit cháritas.

Deo Patri sit glória,
Ejusque soli Fílio,
Cum Spíritu Paráclito,
Nunc, et per omne sæculum. Amen.

r Diffusa.

Ad Benedictus, Añā.

Pone me ut signaculum super cor tuum; quia fortis est ut mors dilectio, dura sicut infērnus æmulatio. Lâmpades ejus lâmpades ignis, atque flammârum.

Oratio.

DEUS, qui beátam Catharinam, in contemplânda Filii tui Passiōe; divini amoris igne flagrâre fecisti: quæsumus; ut ipsa intercedente tuæ in nobis flammam charitâtis accēdas, et ejusdem Passiōnis participes dignanter efficias. Per eūdem Dōminum nostrum.

In ij. Vesperis, Capit. Hymn. et Añā ad Magnificat ut in primis.

DIE XXVIII. MARTII.

In Festo S. Xysti III.

Papæ Conf.

Duplex.

Oratio. Da quæsumus.

*In j. Noct. Lectiones Fide-
lis sermo. Post Pascha de
Scriptura occurrente.*

In secundo Nocturno.

Lectio iv.

XYSTUS, hujus nōminis terti-
tius, pātria Romānus,
filius Xysti, defūcto san-
cto Cœlestino Romānæ Ec-
clésiæ Episcopus præficitur,
totius Urbis pace et con-
sensióne mirābili. Eum ad-
huc presbyterum sanctus
Augustinus eximie commen-
davit, tum quod prior ana-

thēma Pelagiānis in pópulo
frequentissimo pronuntiá-
rit, tum quod suis quoque
scriptis advērsus eórum er-
rōrem vehemēter pugná-
rit. Ut autem Romāni Sacer-
dōtii gubernacula suscepit,
decréta Ephesinæ Synodi
advērsus Nestórium édita,
volūmine describens, ad
Oriētis, et Occidētis Ec-
clésiās dedit, confirmans
duābus in Christo manēti-
bus perfēcte natūris, unam
Filii Dei credēdam esse
persónam. Qua de re, et
ad Nestórium ipsum, et ad
Oriētis Episcopos, ad ejus
errōrem succidēdum sen-
tēntias dirēxit, hæc inter
cētera scribens Antiochéno
Episcopo: Nihil ultra liceat
novitāti, quia nihil addi
cōvenit vetustāti: perspi-
cua majórum fides, et cre-
dūlitas, nulla cœni permi-
xtióne turbétur.

ñ. Inveni David.

Lectio v.

ISA beáto Petro Apóstolo
sibi per visum apparén-
te, una cum sancto Apolli-
nare ejus discipulo; primo
Ecclésiæ Ravennātis Epí-
scopo, quem ejusdem Ec-
clésiæ Pontificem ordinare
debéret, admónitus; Petrum
Ecclésiæ Forocorneliēnsis
diáconum, præter Ravenná-
tum sentēntiam, illis præ-
fécit Antistitem, quem cog-
noménto Chrysólogum ad-

miranda morum sanctitudo, et doctrina insignis mirifice commendarunt. Cum autem Xystus Ecclesiæ prædium abnuerit alienari, studerétque sublevare gravatos, ódium in se convertit Anicii Bassi exconsulis, et Mariniáni patricii, a quibus turpi calúmnia exagitatus, sponte voluit suam in Synodo causam judicari. Itaque in Basilica Heleniána, quæ dicitur Sesscriánum Atrium, quinquaginta sex Episcopórum Concilio coácto, præsenté Valentiniáno Imperátore, cum universó clero, atque senátu, Xystus declarátus est innocens, Bassus vero, et Mariniánuſ calumniatóres damnáti, atque proscripti, bonis prætérea Bassi Ecclesiæ adjudicátis: quem intra tres menses divína ultióne defunctum, Xystus reddens bona pro malis, cum linteaminibus, et aromátibus manibus ipse contréctans, recóndidit, sepelivitque apud beátum Petrum Apóstolum, in sepúlchro majórum suórum.

R. Pósuí adjutórium.

Lectio vij.

VENERANDUS hic Póntifex complúra in Urbe magnífica præstitit; nam argénteá, et áurea vasa, possessionésque complúres Ecclesiis cóntulit. Refécit

Basilicam sanctæ Mariæ Majóris ad Præsépe, quam et metállis áureis, sacrísque imaginibus decorávit. Fecit et in Constantiniána Basilica ornáméntum supra fontem, quod ántea non erat: nam marmórea epistylia, et porphyrétiás colúmñas, quas Constantínus Augústus congregátas dimiserat, érigi curávit, ac vérsibus exornávit. Ejus item rogátu, Valentiniánuſ Augústus argénteum fastígium a bárbaris sublátum, in eádem Constantiniána Basilica restituit: cujus Imperatóris, et Theodósii principátu Xystus viam univérsæ carnis ingressus quíévit in Dómino, sepultúsque est via Tiburtína in crypta juxta corpus sancti Lauréntii Mártiris. Una ordinatione mense Decémbri creávit Presbyteros viginti octo, Diáconos duódecim, Episcopos per diversa loca quinquaginta duos, et rexit Ecclesiám annos septem, menses undecim.

R. Iste est.

In tertio Nocturno Homilia in Evangelium. Homo peregre proficiéscens, de Comuni.

DOM. III. POST PASCHA. In Festo Patrocinii S. Josephi, Conf.

Duplex ij. classis. Omnia ut in Brev.

DIE VI. APRILIS.

In Festo S. Xysti I.

Papæ Martyris.

Duplex.

Oratio. Infirmiâtem.

In j. Nocturno, Lectiones

A Milêto, Post Pascha de
Scriptura occurrente.

In secundo Nocturno.

Lectio iv.

XYSTUS, hujus nómînis pri-
mus, Românus natióne,
de regiône Urbis séptima,
quæ Via lata dicta est, pa-
tre Pastóre génitus, in lo-
cum Alexándri primi Ro-
mâni Pontificis nobilissimo
martyrio coronâti, totius
cleri suffrâgiis suffectus,
supremo illo mûnere egré-
gie, et summa cum laude
perfunctus est, annis no-
vem, ménsibus decem, dié-
bus octo, sub Imperatôri-
bus Hadriâno, et Antonino
Pio Augústis.

ââ. de Communi pro tem-
pore.

Lectio v.

NONNULLA ad disciplinam
Ecclesiâsticam pertinén-
tia prudentissime státuit,
scilicet, ne sacra vasa, et
ministéria ab aliis, qui sa-
cri ministri non essent,
contrectaréntur : ne sacrum
corporále, ut vocant, ex alia,
quam línea matéria fieret :
ut sacrum Trisâgium in
Missa pópulus decantâret :
et ne ullus Episcopus Ro-
mam evocâtus ad suam de-

inde diocésim rédiens sus-
ciperétur, nisi litteris apo-
stólicis quas Formâtas, et
Canónicas antiqui vocábant,
munitus esset.

Lectio vj.

TRES ordinationes mense
Decémbri pro more fe-
cit, in quibus creávit Epi-
scopos quátuor pro diversis
locis, Presbyteros undecim,
Diaconos tres. Vir revéra
singulâri vitæ sanctimónia,
incredibili morum facilitá-
te, exímia in páuperes libe-
ralitâte, fréquentibus étiam
insígnis miráculis ; illústri
tandem martyrio coronâtus,
octâvo Idus Aprilis, et se-
púltus in Vaticanô.

In iij. Noct. Hom. de
Comm. j. loco. pro Temp.

DIE VII. APRILIS.

In Festo S. Cœlestini I,

Papæ Conf.

Duplex.

Oratio. Da, quæsumus.

In j. Nocturno Lectiones,
Fidelis sermo. Post Pascha
de Scriptura occurrente.

In secundo Nocturno.

Lectio iv.

COELESTINUS Românus Pri-
sci filius, sancto Bonifá-
cio sine ulla plebis discis-
sióne subrogâtus, Românæ
Ecclesiæ præsédit Episcopus.
Hic venerâbilis Póntifex
(cui ad Ecclesiæ Cathólicæ
præsidium, multa Dóminus
grátie suæ dona largitus
est) sciens, damnâtis non

exâmen judicii, sed solum pœnitentiæ remédiûm esse præstândum. Cœlestium primârium Pelâgii discipulum, suam, quasi non discusso negótio, audiéntiam postulântem, totius Italiæ finibus jussit extrûdi. Nec segnióre cura ab hoc eódem morbo Britânnias liberâvit, quando quosdam inimicos grâtiæ, solum suæ originis occupântes, étiam ab illo secréto exclûsit océani. Quâmobrem sancto Gêrmano Antissiodorénsi Episcopo illuc vice sua misso, ordinatôque Scotis Episcopo Palládio, qui Românæ Ecclesiæ Diâconus erat, dum românam insulam stúduit servâre catholicam, fecit étiam bârbaram christiânam.

R. Inveni David.

Lectio v.

CUM autem Nestórius Constantinopolitânus Episcopus novum Ecclesiæ molirétur errórem inducere, prædicans Christum ex Mariâ hóminem tantum, non étiam Deum natum, eique divinitatem collâtam esse pro méritis; ejus impietâti sua Cœlestinus auctoritâte âcriter repugnâvit. Quare sancto Cyrillo Episcopo Alexandrino suas vices delegâvit, ut nisi decem diêrum intervâlo Nestórius resipisceret, in illum sentén-

tiam ferret. Verum, cum Nestórius id pertinâcius recusâset, magisque crevis-sent dissensiões, ac tumultus, apud Ephesum tertia œcuménica Synodus est congregâta, in qua Cœlestinus per suos legâtos præ-sédit: quibus suo commo-nitório eos limites præscripsit, ut de Episcopórum sententiis judicarent, certâmen non subirent. Itaque in ea Synodo Nestórius cum hæresi nóminis sui, et cum multis Pelagiânis, qui cognâtum erróri suo dogma juvâbant, damnâ-tus est.

R. Pósui adjutórium.

Lectio vj.

PER suas litteras eórum sacerdotum superstitió-nem Cœlestinus redârguit, qui, véteri dimisso hábitu, amicti pállio, lumbósque præcincti, in Ecclesiâ ministrábant. Cavit prætér-ea, ne ulli in morte última negarétur pœniténtia: neve ex laicis, vel criminó-sis ad Episcopátum âliqui promoveréntur: itémque ne Metropolitânus in aliéna provincia âliquid præsume-ret, et ne in créandis Episcopis, extrânei eméritis in sua Ecclesiâ cléricis præ-poneréntur. Instituit, ut ex ómnibus centum quinquaginta psalmis, ante Sacrificium antiphonatim psalle-

rétur. Dedicávit Basilicam Juliam, propriúmque suum cœmetérium pictúris decorávit, variæque ad Ecclesiæ ornátum donâ obtulit. Qui cum tribus ordinationibus mense Decémbri creáset Presbyteros triginta duos, Diáconos duodecim, Episcopos per diversa loca quadraginta sex, obdormívit in Dómino octávo Idus Aprilis, sepultúsque est in cœmetério Priscillæ via Salária, Theodósio, et Valentiniáno imperántibus. Sedit annos octo, menses quinque, et dies tres.

R. Iste est.

In iij. Nocturno Homilia in Evang. Homo pègre, de Comm.

DIE XII. APRILIS.

In Festo S. Julii I. Papæ Confessoris.

Duplex.

Oratio. Da quæsumus.

In j. Nocturno Lectiones Fidéls sermo. Post Pascha de Script. occur.

In secundo Nocturno.

Lectio iv.

JULIUS Románus Rústici filius, post beátum Marcum ad summum Pontificátum evéctus, vitæ sanctitáte, et stúdio asseréndæ fidei christiánæ insigniter elúxit. Grassabátur per Oriéntem Ariánæ hæresis impietas, multique sanctissimi Episcopi e suis sédi-

bus exuláre cogebántur; quos ille, præsertim sanctum Athanásium, humaníssime excépit, et constántissime contra adversários deféndit. Tyriam et Antiochénam Synodum, ut Nicænam abolérent fidem, ab Ariánis coáctam, condemnávit, et Romæ duo Concilia convocávit, in quibus exulum Episcopórum querélas excépit, et innocéntiam declarávit.

R. Invéni David.

Lectio v.

CONSTANTI Augústo religiosíssimo príncipi, per Occidéntem imperánti, auctor fuit, ut Constántium fratrem Arianórum fautórem, in Oriénte regnántem, præcibus et minis ad revocándum ab exílio Athanásium permovéret. Dolósam fidei fórmulam ab Eusebiánis Arii sectatóribus, in secúnda Synodo Antiochéna concéptam rejécit, et magnum Sardicénse Concilium ex Occidéntis, et Oriéntis Episcopis indíxit, missisque Legátis, multa ibidem pro fide cathólica, et disciplina ecclesiástica restituénda utiliter constituit.

R. Pósuí adjutórium.

Lectio vj.

PRÆTER hæc, Basilicas duas in Urbe exstrúxit, sacrisque pictúris exornávit, unam juxta forum Ro-

mānum, alteram in via Flaminia. Tria aedificavit cœmetéria, unum in eādē via Flaminia, alterum in via Aurélia, tertium in Portuēsi. Constituit, ne sacerdos alibi quam apud iudicem ecclesiasticum, causam diceret; jussitque, ut omnia ad rem ecclesiasticam spectantia, per protonotarium conficerentur instrumenta. Tribus ordinationibus mense Decēmbri creavit Diaconos tres, Presbyteros decem et octo, Episcopos novem. Postquam Dei Ecclesiam sanctissime rexisset annis quindecim, mēsisbus quinque, diēbus septēdecim, pridie Idus Aprilis feliciter migravit ad Dōminum, sepultus in cœmetério Calepōdii. Inde translātæ reliquię ad Ecclesiam sanctæ Mariæ Transyberim ab ipso amplificatam, sub altari majōri honorifice recōnditæ sunt.

¶. Iste est.

In iij. Noct. Homilia in Evang. Homo pēgre, de Communi.

DIE XVII. APRILIS.

In Festo S. Aniceti.

Papæ Mart.

Duplex.

Tempore Paschali.

Oratio. Deus, qui nos.

In j. Nocturno Lectioes de Scriptura occurrente.

In ij. Nocturno Lectio iv.

Anicētus, ut in Breviario. Lectio v. et vj. Sermo S. Augustini, ut infra die xxx. Maji.

In tertio Nocturno.

Lectio sancti Evangelii secundum Joānnem.

Lectio vij. Cap. 16.

IN illo tēpore : Dixit Jesus discipulis suis. Amen, amen dico vobis : quia plorabitis, et flēbitis vos, mundus autem gaudēbit. Et reliqua.

Homilia S. Joānnis Chrysostomi.

Homil. 78. in Joann.

UT ostēderet post tristitiam gaudium secutūrum, naturāle addūcit exemplum. Mulier, cum parit, tristitiam habet : qua parābola in calamitatibus Prophētæ usi sunt ; quasi dicat : dolōres capiētis, sed quales partus, qui lætitiæ causa sunt. Simul et resurrectionem confirmat, indicans ōbitum suum perinde esse, ac si ex ūtero matris in lucem prōdeat, quasi dicat : nolite admirari, si per hanc tristitiam ad ōptima vos ducam : nam et mater in pariēdo : sic per tristitiam transit.

¶. Ego sum.

Lectio viij.

SIGNIFICAT autem hic et mystērium quoddam, quod mortis dolōres solverit, et novum hōminem re-

generari fecerit. Neque dixit tantum tristitiam transituram, sed magnitudine lætitiæ succedente, nihil ejus penitus remansurum. Ita erit sanctis. Atqui non propterea gaudet mulier, quia venit homo in mundum, sed quod filium peperit. Nam si id esset, nihil prohiberet, quin, quæ non pariunt, aliis parientibus gauderent.

R. Cándidi.

Lectio ix.

QUA ergo grátia sic inquit? quia ad hoc solum adduxit exéplum ut post brevem tristitiam perpetuum gáudium secuturum, et se ad vitam transférri, et magnum malórum lucrum osténderet. Et non dixit, peperit filium: sed quia venit homo in mundum, ubi suam significat resurrectionem, et non morti illi, sed regno parturiendum. Ideo non dixit, quia natus est filius, sed homo. Et vos nunc quidem tristitiam habétis: iterum autem vidébo vos, et gaudebit cor vestrum: inde quod non amplius morietur, inquit, et gáudium vestrum nemo tollet a vobis.

Te Deum laudamus.

*Extra Tempus Paschale
Homilia de Comuni ij.
loco.*

DIE XIX. APRILIS.
In Festo S. Leonis IX.
Papæ Conf.
Duplex.

Oratio. Da quæsumus.
In j. Nocturno Lectiones
de Scriptura occurrente.
In secundo Nocturno.

Lectio iv.

LEO, hujus nóminis nonus, ex nobili Francórum prosápia oriúndus, Dagsburgénsis Comes, ac Tulénsis Episcopus, Bruno antea dictus, ómnium Cardinálium suffrágiis, ac comúní fidélium gratulatione ad sanctíssimain Petri Sedem evéctus est, et in ea sedit annis quinque, duóbus ménsibus, diébus octo. Vir omni virtútum génere, et sacra doctrína exímíus: ut apostólicum hoc munus impléret, nullis labóribus, nullis sumptribus, nullis incommódis pepéruit.

R. Invéni David.

Lectio v.

GERMANIAM, et Itáliam sæpius, Gálliam semel visitávit. Hábit novem Concília, Rhemis, Mogúntiæ, Vercéllis, Papíæ, Romæ, ad restaurandos Christianórum mores. Multas litteras ad Imperatóres, Reges, Patriárchas, Episcopos, zelo, ac pietáte flagrantes scripsit. Legátos ad Imperátorem Constantinopolitánum, pro reductione Græ-

córum semel , atque iterum misit. Berengárium hæréticum semel , iterúmque damnávit , et Michaélem Cerulárium Patriárcham insignem schismáticum , anathémate pérculit.

℞. Pósui adjutórium.

Lectio vj.

DUM Romæ ágeret , ter in hebdomada a sacrosáncta Ecclesiæ Lateranénsi ad Vaticanam , nudis pédibus , noctu , orans , et psallens pergébat. Principi Apostólorum décimam oblatiónum partem sibi de more competéntem , pontificio diplomate cessit. Patrimónium suum próprium in erectiónem monastérii impéndit : unde étiam quotánnis pecúnia submitterétur in sumptus rosæ áureæ , quam Románi Pontífices , antiquo , et solémni ritu benedicunt. In páuperes , et peregrinos effusam liberalitatem exércuit. Sub leprosi forma , et hábitu , Christum aliquándo próprio lecto excépit. Dénique multis pro Ecclesiá labóribus exantlátis , obiit die décima nona Aprilis , anno millésimo quinquagésimo quarto , ante , et post mortem multis miraculis clarus , ac sepúltus est in Vaticanó. ℞. Iste est.

In ij. Noct. Homilia in Evang. Homo peregre , de Comuni

DIE XXIII. APRILIS.

In Festo B. Alexandri
Sauli Ep. et Conf.

Duplex.

Omnia ut in fine Brev.

DIE XXVII. APRILIS.

In Festo S. Anastasii I.

Papæ Conf.

Duplex.

Oratio. Da, quæsumus.

In j. Nocturno Lectiones
de Scriptura occurrente.

In Feria ij. et iv. Rogat.

Fidélis sermo.

In secundo Nocturno.

Lectio iv.

ANASTASIUS Románus filius Máximi , Siricio vita functo , Románæ Ecclesiæ est ordinátus Episcopus ; quo eam præcláre regénte , de Oriéntis pártibus hæreticórum Orogenistárum sæva tempéstas simplicitatem fidei quæ Apóstoli voce laudáta est , pollüere , et labeffectáre conáta est. Sed vir ditíssimæ paupertátis , et apostólicæ sollicitudinis Anastásius , statim nóxium pérculit caput , et sibilántia hydræ ora compéscuit , latitantésque in sóveis suis hæreticos persecútus , suis in Occidén-te litteris damnávit , quod erat in Oriénte damnátum. Nec illi unquam cura defuit Evangélii fidem circa suos custodire pópulos , partésque pópuli sui , per quæque spátia diversa terrarum diffusas , quantum

póterat, litteris conventire, ne qua profánæ interpreta-
tiónis origo subréperet, quæ
devótas ánimas immíssa sui
caligine, labefactáret.

ñ. Invéni David.

Lectio v.

Ad eum, atque Venérium
Mediolanénsis Ecclesiæ
Sacerdótem, Africána Sy-
nodus Episcopum legátum
destinávit, ut eidem Africá-
næ Ecclesiæ sacris ministris
máxime indigénti subveníre-
tur, ne in diversis pene emór-
tuis plébibus, (in quibus nec
unus quidem diáconus, vel
literátus reperiebátur) innu-
merábiles animæ perirent.
Ad eósdem Africános Episco-
pos epístolam misit Anastá-
sius, patrénæ et fratérnæ
charitátis sollicitúdine et
sinceritáte eos adhórtans :
ut hæreticórum, et schisma-
ticórum Donatistárum insí-
diis, et improbitátibus (qui-
bus Africánam Ecclesiám
Cathólicam vexábant) nullo
modo dissimulárent. Hujus
item sancti Pontificis aucto-
ritáte factum est, ut Dona-
tistæ Episcopi, seu quilibet
clérici, quantum ad eccle-
siástica officia pertinéret,
sic in cathólicam suscipe-
réntur unitátem, quemád-
modum expedíre viderétur
iis, quorum salúti per eó-
rum consulebátur officium,
vel exercéntem, vel omittén-
dum. ñ. Pósui adjutórium.

Lectio vi.

CONSTITUIT nullátenu-
s transmarínium hóminem
in clericátus honórem sine
quinque Episcopórum chi-
rógrapho suscipiéndum.
Idémque sancívit, ut quo-
tiescúmque sancta recita-
réntur Evangélia, Sacerdó-
tes nón sedérent, sed curvi
starent. Fecit in Urbe Ba-
silicam Crescentíanam in
regióne secúnda, via Ma-
mertína. Duábus ordinatió-
nibus, mense Decémbri,
creátis Presbyteris octo,
Diáconis quinque, Episco-
pis per diversa loca decem,
quíevit in pace, sepultúsque
est in cœmetério suo ad
Ursum Pileátum, sub Ar-
cádio, et Honório, quem
(ut sanctus Hierónymus
scribit) diu Roma habére
non méruit, ne orbis caput
sub tali Episcopo trunca-
rétur : imo ideiréo raptus
est, atque translátus, ne
semel latam senténtiam pré-
cibus suis fléctere conaré-
tur : nam haud paulo post
ejus óbitum, Roma a Gothis
capta, atque diruta fuit.

ñ. Iste est.

In iij. Noet. Homilia in
Evang. Homo pégre, de
Communi.

DIE VII. MAJI.

In Festo S. Benedicti II.

Papæ Conf.

Duplex.

Oratio. Da, quæsumus.

In primo Nocturno Lectiones de Scriptura occurrente.

In secundo Nocturno.

Lectio iv.

BENEDICTUS, hujus nómínis secúndus, Románuſ génere, patre Joáñne ortus, post Leónis Secúndi óbitum, ad munus apostólicum assúptus est, anno Christi sexcentésimo octogésimo quarto, et suprémuſ christiánæ reipúblicæ clavum novem circiter menses tenuit, digníſſimus certe, qui diútius tenéret; cum a primis pueritiæ annis se totum ecclesiásticis ministériis addixisset, ac sédulam divínis litteris, et sacrae psalmédiæ óperam naváſſet.

R. Inveni David.

Lectio v.

HIC non uno dumtáxat nómíne verum étiam cœléstis benedictiónis grátia, et sanctæ conversatiónis exémplo Benedictus, mansuétus, mitis, et húmilis, insignis étiam paciéntiæ, et páuperum amantíſſimus, in quos lárga manu réditus Ecclésiæ profúdit. Ad restaurándam quoque ac exornándam Príncipis Apostólorum Basilicam, aliásque Urbis Ecclésiás, ánimuſ, et manuſ applicuit, in quo multa aureórum míllia pie consumpsit.

R. Póſui adjutóriuſ.

Lectio vj.

MIRIFICO étiam conservándæ, et propagándæ religiónis zelo flagrávit. Macáriuſ Patriárcham Antióchénuſ a sexta Synodo propter hæresim depóſituſ, ad saniórem mentem redúcere, summo stúdio laborávit. Scriptis étiam ad Epíscopos Hispaniæ litteris, eóſdem mónuit, ut declararent apértius, et sanius, quæ de voluntáte Dei, et tribus Christi substantiis ante scripserant. Constantinus vero Imperátor tanto illum amóre, et honóre prosecútuſ est, ut et capillos suórum filiórum, in signuſ observántiæ, illi obtúlerit. Sancto tandem fine quíévit, et sepúltus est in Vaticanó. R. Iste est.

In iij. Noct. Homilia in Evang. Homo pérégre. de Comuni.

DIE XI. MAJI.

In Festo S. Alexandri I.

Papæ Martyris.

Duplex.

Oratio. Infirmi-tatem.

In j. Nocturno Lectiones de Scriptura occurrente.

In secundo Nocturno.

Lectio iv.

ALEXANDER Románuſ ex patre Alexandro de vico Caput Tauri, júvenis quidem ætáte, sed sanctitate incomparábilis, et fide claríſſimus, post Evaristuſ.

Sedem apostolicam obtinuit. In memoriam passionis Christi, primus in Sacrificio Missæ addidit: Qui pridie quam pateretur, usque ad ea verba: Hoc est Corpus meum. Instituit, ut tantummodo panis, et vinum in mysterio offerretur, atque in consecratione corporis, et sanguinis Domini vinum aqua misceretur; propter sanguinem, et aquam, quæ ex Jesu Christi latere profluxerunt. Idem decrevit, ut aqua benedicta sale admixta, sacris precibus interpositis, tam in templis, quam in cubiculis ad fugandos daemones perpetuo asservaretur. Cum autem esset christianæ religionis ferventissimus prædicator, dum vixit, mirum in modum in hoc diligens fuit, ut doctrina, vitæque exemplo, quoscumque posset, ad veram Christi religionem perduceret.

¶ Lux perpétua.

Lectio v.

CUM igitur multis Romæ, ut, abjurata falsa religione, veram fidem susciperent, persuasisset, senatores aliquot, et Hermetem Urbis Præfectum cum uxore, filiis, sorore, ac tota domo Jesu Christo peperit. Quam ob rem accusatus, quod Christianus esset; ex principis edicto captus, et

in carcerem conjectus, ibidem diu, quod a christianæ fidei professione recedere nollet, detentus est. Cum autem vinctus teneretur, pueri ministerio, qui facem ardentem præferabat, prodigiöse intempestæ noctis silentio, e carcere ad domum Quirini Tribuni, ubi beatus Hermes Urbis Præfectus paulo ante captus in custodia servabatur, eductus, primum filiam ejus Balbinam ægram sanavit; deinde patrem Quirinum miraculo attonitum, et ad Christum traductum cum filia baptismi lavacro abluit. Hinc vero factum est, ut Quirinus iis omnibus, quotquot pro fide Christi victos habebat, libertatem abeundi concesserit. Erant inter illos Evéntius, et Theodulus, qui sancto Alexandro adjuncti, exire de carcere noluérunt, sed Deo laudes persolvéntes, martyrii palmam constanter expectarunt. ¶ In servis.

Lectio vj.

EX his sanctus Alexander primum ab Aureliano júdice interrogatus de christianæ religionis mysteriis, ea revelare noluit, asserens sanctum esse, quod Aurelianus manifestari cupiebat, et non permitti a Christo, sanctum dari canibus. Ob quæ verba, beatus Pón-

tifex in equuleum impó-
situs est, úngulis dila-
niátus; atque sampádibus
admólis gravíssime ustus;
cumque nullam ámplius vo-
cem emitteret, interrogátus
ab Aureliáno, cur tacéret,
hoc dignum mártyre respón-
sum dedit: quia témpore
oratiónis homo Christiánus
cum Deo loquitur. Depósito
Alexándro, exhibiti sunt
Evéntius, et Theodúlus;
quos cum Aureliánus in
fide constántes invenisset,
jussit Alexándrum, et Evén-
tium dorsum ad dorsum li-
gátos in ignem præcipitari,
Theodúlum vero ibídem ad-
stáre, ut quasi eórum per-
térritus passióne, ad sacri-
ficándum idólis consenti-
ret. Cum autem Theodúlus
sponte in flammis prosi-
liisset, et cum ipsis hymnos
decantáret, ac Deo grátias
ágeret, fecit impius Judex
Alexándram punctis cre-
berrimis per ómnia mem-
bra perforári; quo fine vir
sanctus martyrium suum
glorióse complévit. Hujus
corpus beáta Sevéra reli-
giósa fémina sústulit, et
cum corpore beáti Evéntii
gládio consummáti, in uno
eodémque sepúlchro pósuit
via Nomentána in prædio
suo; unde póstea ad Ur-
bem translátum, in Ecclé-
sia sanctæ Sabínæ recón-
ditum fuit. *R.* Filiae.

*In iij. Noet. Homilia in
Evang. Ego sum vitis vera,
de Communi.*

EADDEM DIE XI.

*In Festo S. Francisci de
Hieronymo, Conf.*

Duplex.

*Omnia ut in fine Bre-
viarii.*

DIE XIV. MAJI.

In Festo S. Paschalis I.

Papæ Conf.

Duplex.

Oratio. Da, quæsumus.

*In j. Nocturno Lectiones
de Scriptura occurrente.*

In secundo Nocturno.

Lectio iv.

PASCHALIS, hujus nóminis
primus, biduo post Sté-
phani Quinti óbitum vix
exácto, commúnibus cleri
suffrágiis, ad supréum
Sedis apostólicæ ápicem,
invítus licet, et valde relú-
ctans, anno Dómini nostri
Jesu Christi octingentésimo
décimo séptimo promótus
est. Vir sane omnigena do-
ctrína, sacra præsertim in-
structíssimus, vitæ san-
ctimónia insígnis, dicéndi
facultáte claríssimus sin-
gulári dénique pietáte in
Deum, et charitáte in pro-
ximum, ut exterióra bona,
hilariter semper ánimò, pau-
péribus erogábat, ita inte-
rióris ánimi opes, vigiliis,
oratióibus, et jejúniis va-
cans, accumulábat.

R. Invéni David.

Lectio v.

Apueritia in Lateranénsis Ecclésiæ Patriarchio sub oculis Pontificum educátus, ita in omni virtutum genere, litteris, et disciplina ecclesiástica profécit, ut primum sacris ordinibus initiátus, mox ejus virtutē perspécta, a Leone Tértio monastério sancti Stéphanī præfécus fúerit; in quo, et súbditis sibi mónachis exémplo fuit, et peregrínos ad límina Apostolorum turmátim accedéntes ita excépit, ut ómnibus necessariá suppeditáret, iisque Christum imitátus, abjécta étiam exhibéret ministéria: quibus pietátis, et charitátis officiis digníssimus ómnium hábitus est, qui domínico gregi, et toti Ecclésiæ præesset. **R.** Pósui adjutórium.

Lectio vj.

NIHIL porro in eo desiderátum est quod ad perfectam regíminis apostólici sollicitúdinem pertinéret; Ecclésiæ Occidentális disciplinám, quæ sub eo máxime flóruit, intáctam servávit; Orientálem vero ab Imperátore, et Patriárcha Iconómachis agitatam, litteris, et legatióne recreávit; et Græcis Romam coniúgentibus, monastérium sanctæ Praxédis, amplissimis redditibus a se instrúctum benigne conceéssit.

Multa étiam cōrpora Sanctórum ex cōmetériis, Pauli primi exémplo, ac præsertim sanctæ Cæciliæ, ipsa monstránte, et revelánte, in Urbem intulit. Nova templa excitávit, restaurávit, et mirífice ornávit antiqua. Xenodóchia, et sacrárum virginum cōenóbia, novo censu recreávit. Exstincti demum incéndii miráculo claríssimus, migrávit ad Dóminum, octávo sui Pontificátus anno, et in Vaticána Basilica cōditus est.

R. Iste est.

In iij. Nocturno Homilia in Evang. Homo pégre, de Comm., cum Lect. ix. S. Bonifacii, Martyris ut in Brev.

DIE XV. MAJI.

In Festo S. Isidori Agricolæ, Conf.

Duplex. Oratio.

DA nobis, quæsumus, miserícors Deus, beáto Isidoro Agricola, Confessóre tuo, intercedénte, supérbe non sápere: sed ejus méritis et exémplis plácita tibi semper humilitáte deservire. Per Dóminum.

In j. Nocturno Lectiones de Scriptura occurrente.

In ij. Noct. Lectiones ut in fine Brev.

In iij. Nocturno Homilia in Evang. Ego sum vitis, de Comm. Mart. temp. Pasch. cum RR. de Comm. Conf. non Font.

DIE XVI. MAJI.

In Festo S. Joannis Nepomuceni, Martyris.

Duplex.

Omnia ut in fine Breviarii, j. loco.

DIE XXI. MAJI.

In Festo S. Felicis a Cantalicio, Conf.

Semiduplex.

Omnia ut in fine Brev.

DIE XXIV. MAJI.

In Festo B. M. V. titulo Auxilium Christianorum.

Duplex majus.

Omnia ut in fine Brev.

DIE XXVII. MAJI.

In Festo S. Joannis I. Papæ Martyris.

Duplex.

Oratio. Deus, qui nos.

In j. Nocturno Lectiones de Scriptura occurrente.

In ij. Nocturno legitur Lectio ix. Breviarii divisa in tres partes, scilicet :

Lectio iv. Joannes Etruscus.

Lectio v. Sed illud majus miraculum.

Lectio vj. Quod iniquissimo ánimo.

In iij. Nocturno Homilia in Evang. Ego sum vitis vera. de Comm. ij. loco.

DIE XXVIII. MAJI.

In Festo S. Urbani I, P. M.

Duplex. Oratio.

DA, quæsumus, omnipotens Deus : ut qui beati Urbani, Martyris tui atque Pontificis, solémnia cólimus,

ejus apud te intercessionibus adjuvémur. Per Dñm.

In j. Nocturno Lectiones de Scriptura occurrente.

In secundo Nocturno.

Lectio iv.

URBANUS Románus, Alexandro Severo Imperatore, doctrina et vitæ sanctitate multos ad Christi fidem convertit : in illis Valerianum, beátæ Cæciliæ sponsum, et Tiburtium Valeriani fratrem, qui póstea martyrium forti ánimo subiérunt. Hic de bonis Ecclesiæ attribútis scripsit his verbis : Ipsæ res fidélium, quæ Dómino offerúntur, non debent in álios usus, quam ecclesiásticos, et Christianórum fratrum vel indigéntium converti; quia vota sunt fidélium, et prætia peccatórum, ac patrimonía pauperum. Sedit annos sex, menses septem, dies quátuor : ac martyrio coronátus sepúltus est in cœmetério Prætextáti, octávo Kaléndas Júnii. Ordinationibus quinque hábitis mense Decémbri creávit Presbyteros novem, Diáconos quinque, Episcopos per diversa loca octo. **R.** Lux perpétua.

Sermo sancti Augustini Episcopi.

Lectio v.

De S. Cypriano, Serm. 12.

SERMONEM éxigit tam grata, et religiósá solémni-

tas, qua passionem beati Mártyris Urbáni (vel N.) celebrámus. Tristis proculdubio tunc Ecclésia fuit, non damno cadéntis, sed desidério recedéntis; semper cúpiens vidére præsentem tam bonum rectórem, atque doctórem. Sed quos afflixerat sollicitúdo certáminis, consoláta est coróna victóris. Et nunc non solum sine ulla tristítia, verum étiam cum ingénti lætítia, cuncta quæ tunc gesta sunt, legéndo recólinus; diéque isto gaudére nobis concéssum est, non timére. Neque enim formidámus terribíliter veniéntem, sed expectámus hiláriter redeúntem.

¶ In servis suis.

Lectio vj.

VICINA córporis morte, non moriebátur in ánimó pastóris vigilántia pastorális, et cura tuéndi domínici gregis; usque ad extrémum vitæ hujus diem, mente sóbria tenebátur. Nec executiébat ab ánimó diligéntiam fidelíssimi dispensatóris manus jam próxima cruénti carníficis. Ita se mártýrem cogitábat futurum, ut esse non obliviscerétur Episcopum: magis curans, quam ratióne pastorum principi de commissis sibi óvibus rédderet, quam quid infidéli procónsuli de fide própria respon-

déret. Amábat quippe eum, qui Petro díxerat: Amas me? pasce oves meas. Et pascébat oves ejus, pro quibus sánguinem fúnderé, illum imitans præparábat?

¶ Fíliæ Jerúsalem.

In iij. Noct. Homilia in Evang. **E**go sum vitis vera, de Comuni.

DIE XXIX. MAJI.

In Festo S. Bonifacii IV. Papæ Conf.

Duplex.

In Hymn. Iste Confessor, mutatur tertius versus.

Oratio. Da, quæsumus.

In primo Nocturno Lectiones de Scriptura occurrente.

In secundo Nocturno.

Lectio iv.

BONIFACIUS, hujus nóminis quartus, Joánnis filius, Valériæ Marsórum natus, ex mónacho sancti Sebastiani extra Urbem, et Presbytero Cardináli, sub Imperatóre Phoca, ad Pontificátum assumptus est, et consecrátus die dominico, quinto Kaléndas Septémbris, anno Dómini sexcentésimo séptimo, seditque annos sex, menses octo, dies trédecim, quibus ordinationibus peráctis, mense Decémbri, in quibus Episcopos viginti quinque, Diaconos octo creávit.

¶ Invéni David.

Lectio v.

STATIM patrēnam domum in monastērium erēxit, et fundos suos in monachōrum usum eidem monastērio adscripsit : sed ut longē majōri beneficio hujus institūti hōmines sibi obstringeret, convocātis ad Synodum Itāliæ Episcopis, sanctis lēgibus labentem monachōrum disciplinam restituit. Mellitus Londinēsis Episcopus, qui Romam vēnerat, de rebus Anglicis Christi Vicārium consultūrus, Synodo interfuit, illiūsque decrēta, cum litteris Bonifācii in Britāniam tulit.

R. Pōsui adjutōrium.

Lectio vj.

AB Imperatōre Phoca sanctissimus Pōntifex nōbile Romæ delūbrum, Pātheon scilicet; obtinuit; Christiāno ritu consecratum in Ecclesiā Deiparæ Virgini, et sanctis Martyribus dicatam mutāvit; ad majōrem sanctitatem conciliādam, incredibilem sacrarum Reliquiārum vim, ex diversis arenāriis eductam, inferri, et juxta principem aram condi curāvit. Dēnique sub Herāclio virtute, ac mēritis clarus, obdormivit in Dōmino octāvo Kalēndas Jūni, sepultusque est in Vaticanō. **R.** Iste est.

In liij. Nocturno Homilia

VERNA ROM.

In Evang. Homo pēgre, de Comuni.

DIE XXX. MAJI.

In Festo S. Felicis I.,

Papæ Mart.

Duplex.

Oratio. Infirmitatem.

In j. Nocturno Lectiones de Scriptura occurrente.

In secundo Nocturno.

Lectio iv. Felix Romānus, ut in Breviario.

Sermo S. Augustīni, Episc.

Lectio v.

De verbis Dom. 50.

PASTOR bonus Christus. Quid Petrus? Nonne bonus pastor? Nonne et ipse animam suam pro ovibus pōsuit? Quid Paulus? Quid ceteri Apōstoli? Quid eōrum tēpora consequētes beāti Episcopi mārtyres? Quid etiā iste sanctus Felix? (vel N.) Nonne omnes pastōres boni, non mercenarii, de quibus dicitur: Amen dico vobis, percepērunt mercēdem suam? Omnes ergo illi pastōres boni, non solum, quia sāguinem fuderunt, sed quia pro ovibus fuderunt. Non enim fuderunt elatione, sed charitate. **R.** In servis suis.

Lectio vj.

NAM et apud hæréticos, qui propter iniquitates, et errōres suos āliquid molestiārum perpēssi fuērunt, nōmine martyrii se jactant: ut hoc pāllio dealbāti faci-

lius furéntur , quia lupi sunt. Si autem vultis scire , in quo número habéndi sunt, pastórem bonum Paulum Apóstolum audíte : quóniam non omnes, qui cörpera sua in passióne étiam ignibus tradunt , æstimándi sunt ságuinem fudisse pro óvibus , sed pótius contra oves. Si distribúero, inquit, ómnia mea paupéribus, et tradidero corpus meum, ut árdeam : jam ipsi sunt : sed vide quid séquitur : charitátem autem non hábeam, nihil mihi prodest. Ecce venítur ad passiónem , ecce venítur et ad ságuinis effusióem , venítur et ad cörperum incensióem : et tamen nihil prodest , quia charitas deest. Adde charitátem , prosunt ómnia ; détrahe charitátem , nihil prosunt cétera.

R. Filiae Jerúsalem.

In iij. Nocturno Hom. in Evang. Ego sum vitis vera, de Comm. Mart. temp. Pasch.

DIE XXXI. MAJI.

In Festo S. Angelæ Mericiæ, Virg.

Duplex.

Omnia ut in fine Brev.

DIE I. JUNII.

In Festo S. Eleutherii,

Papæ Mart.

Duplex.

Oratio. Infirmitátem.

In j. Nocturno Lectiones de Scriptura occurrente.

In secundo Nocturno.

Lectio iv.

ELEUTHERIUS, natióne Græcus , Abúndio patre natus Nicópolis, Epiri óppido, ex Presbytero sanctæ Románæ Ecclesiæ , post Sotéris mortem, totíus cleri suffrágiis , Románus Póntifex renuntiátus est , Marco Aurélio Imperatóre Augústo , anno Dómini centésimo septuagésimo nono. Quo mánere egrégie et summa cum laude functus est annos quíndecim, dies vigíntitres : tribus ordinatióibus mense Decémbri factis, creatisque Presbyteris duódecim , Diáconis octo, Episcopis per diversa loca quíndecim.

R. Lux perpétua.

Lectio v.

AB Ecclesiá Lugdunénsi per líttas, de nonnúl-
lis quæstiónibus consúltus , Irenæum virum doctíssimum litterárum latórem humaníter excepít , eíque apostólicas traditióes , quas Romána Ecclesiá illibátas serváverat , apérnit. Superstitiósas Montanistárum xerophágias damnávit : óptimas leges pro recta judiciórum ecclesiasticórum forma præscripsit; Marciónem, et Valentínus sæpius relápsos, ab Ecclesiá pénitus ejécit.

R. In servis suis.

Lectio vj.

CUM summa pace Ecclesiā frueretur, multos etiam ex optimatibus ad Christi fidem Romæ convertit. A Lúcio Britannorum rege litteras per legatos accepit, divini verbi ministros postulante; ad quem Fugatium, et Damiānum Romānæ Ecclesiæ Presbyteros misit, a quibus rex ipse cum tota familia, et subditi fere omnes sacro lavacro regenerati fuere. His demum, aliisque pro divino cultu peractis, sancto fine quievit, sub Imperatore Commodo, quinto Kalendas Junii, sepultus in Vaticanō. *ij. Filiæ Jerúsalem.*

In iij. Nocturno Homilia in Evang. Ego sum vitis vera, de Communi.

DIE II. JUNII.

In Festo S. Eugeni I.

Papæ Conf.

Duplex.

In Hymn. Iste Confessor, mutatur tertius versus.

Oratio. Da, quæsumus.

In j. Nocturno Lectiones de Scriptura occurrente.

In secundo Nocturno.

Lectio iv.

BEATO Martino, hujus nominis primo, tyrannica hæretici Imperatoris sententia Chersonam relegato, Theodoro Exarcho instante, Eugénius patria Romanus, qui fere a cunabulis sacro

clericorum ordini se addixerat, absentis Pontificis vices gessit, ne Romānæ Ecclesiæ administratio cessasse omnino videretur; sed hac revēra potestate modeste uti visus est, cum probe sciret, Martino vivente, se legitimum Pontificem non esse, sed illius dumtaxat quasi vices gerentem.

R. Inveni David.

Lectio v.

UBI vero prædictus Christi martyr, ærūmnis, et inedia confectus, ad beatam vitam migravisset, in cāthedra Petri, clero consentiente, ut legitimus Petri successor sedit, et in illo apostolici ministerii culmine talem se gessit, qualem supremi muneris ei crediti dignitas, et omnium Christi fidelium, ejus curæ commissorum salus, et utilitas postulabant; mitis enim fuit, benignus, et mansuetus; et quod caput est, vitæ sanctimonia illustris.

R. Pōsui adjutorium.

Lectio vj.

SINGULAREM cleri curam habuit, quem paterno semper amore, et multis beneficiis prosecutus est. In egēnos tamen mirabilis ejus beneficentia enituit, quibus redditus Ecclesiæ vivens, et moriens liberāli manu ero-

gavit, apprime ratus, Ecclesiæ opes ad nobilióres usus applicari non posse, et ex manibus indigéntium ad æternitátis ærarium, cum incredibili spirituális usuræ lucro, recta traduci. Transáctis demum duóbus annis, et novem fere ménsibus, sancto fine quíévit, anno Christi sexcentésimo quinquagésimo quinto, et ejus corpus in Basilica sancti Petri recónditum fuit.

R. Iste est.

In iij. Nocturno, Homi-

lia in Evang. Homo pérégre, de Comm., cum Lect. ix. SS. MM. ut in Brev.

DIE V. JUNII.

In Festo S. Ferdinandi Tertii, Castellæ et Legionis Regis, Conf.

Semiduplex.

Omnia ut in fine Breviarii ad diem xxx. Maji.

In Hymno, Iste Confessor, mutatur tertius versus

¶ Officium SS. Sacramenti et Officium Immac. Concept. B. M. V. per annum habentur in fine Breviarii.

KALENDARIIUM.

FEBRUARIUS.

Fer. vj. post Dñicam j. Quadrag. Lanceæ et Clavorum
D. N. J. C. Duplex majus.

Feria vj. post Dñicam ij. Quadrag. SS. Sindonis D.
N. J. C. Duplex majus.

Feria vj post Dñicam iij. Quadrag. SS. V. Plagarum
D. N. J. C. Duplex majus.

Feria vj. post Dom. iv. Quadrag. Pretiosissimi Sanguinis
D. N. J. C. Duplex majus.

vj. S. Hyacinthæ de Mariscottis, virg. Duplex.

ix. S. Zosimi, papæ conf. Duplex.

xj. S. Antheri, papæ martyr. Duplex.

xij. S. Telesphori, papæ martyr. Duplex.

xij. S. Gregorii II., papæ conf. Duplex.

xij. S. Catharinæ de Ricciis, virginis. Duplex.

xiv. S. Agathonis, papæ conf. Duplex.

xvj. S. Gregorii X., papæ conf. Duplex.

xvij. S. Hygini, papæ martyr. Duplex.

xxv. S. Felicis III., papæ conf. Duplex.

xxvj. S. Margaritæ de Cortona. Semiduplex.

MARTIUS.

ij. S. Simplicii, papæ conf. Duplex.

iv. S. Lucii I., papæ martyr. Duplex.

xv. S. Zachariæ papæ conf. Duplex.

xvij. S. Gabrielis archangeli. Duplex majus.

xvij. S. Catharinæ Fliscæ Adurnæ viduæ. Duplex.

xxvij. S. Xysti III. papæ conf. Duplex.

APRILIS.

Dom. iij. post Pascha. Patrocinii S. Joseph conf. Duplex
ij. classis.

- vj. S. Xysti I. papæ martyris. *Duplex.*
- vij. S. Cœlestini papæ conf. *Duplex.*
- xij. S. Julii I. papæ conf. *Duplex.*
- xvij. S. Aniceti papæ martyris. *Duplex.*
- xix. S. Leonis IX. papæ conf. *Duplex.*
- xxij. S. Alexandri Sauli episc. conf. *Duplex.*
- xxvij. S. Anastasii I. papæ conf. *Duplex.*

MAJUS.

- vij. S. Benedicti II. papæ conf. *Duplex.*
- xj. S. Alexandri I. papæ mart. *Duplex.*
- xj. S. Francisci de Hieronymo conf. *Duplex.*
- xiv. S. Paschalis I. papæ conf. *Duplex.*
- xv. S. Isidori Agricolæ conf. *Duplex.*
- xvj. S. Joannis Nepomuceni mart. *Duplex.*
- xxj. S. Felicis a Cantalicio, conf. *Semid.*
- xxiv. B. M. V. titulo Auxilium Christianorum. *Dup. maj.*
- xxvij. S. Joannis I. papæ mart. *Duplex.*
- xxvij. S. Urbani I. papæ mart. *Duplex.*
- xxix. S. Bonifacii IV., papæ conf. *Duplex.*
- xxx. S. Felicis I. papæ mart. *Duplex.*
- xxxj. S. Angelæ Mericiæ virg. *Duplex.*

JUNIUS.

- j. S. Eleutherii, papæ mart. *Duplex.*
- ij. S. Eugenii I. papæ conf. *Duplex.*
- v. S. Ferdinandi regis conf. *Semiduplex.*

DOMINICA III. POST PASCHA.

IN FESTO

SS. FAMILIÆ, JESU, MARIÆ,
JOSEPH.

Duplex ij. Classis.

Ad Vesperas, Añæ de
Laud. Psalmi et reliq.
hic non propria, ut in
Festis B. M. V. per
annum.

Capitulum. Gal. 4.

FRATRES, Quanto tém-
pore hæres párvulus
est, nihil differt a ser-
vo, cum sit dóminus
ómnium : sed sub tutó-
ribus et actóribus est,
usque ad præfínitum
tempus a patre.

Hymnus.

O par ingénito, Chri-
ste, Deus Patri,
Infans! quem téneris,
cónjuge cum sacro,
Muleet Virgo Parens et
colit ósculis,

Da cunas prope sí-
stere.

VERNA CAN.

Hic diræ méditans sup-
plicium crucis,
Fletu nostra tuo crí-
mina díluís,
Vagitu misero flectis et
æthera :

Pœnas éxcipis ín-
nocens.

Libas purpúreum, cór-
pore, Sanguinem
Excíso, Sólymæ fata
præóccupas ;
Natalíque sólo non pu-
tet éjici ;

Sic ægros, médicus,
pias.

Tu, Mater, pénetrans
grande sacrárium,
Quid vindex scéle-
rum, quid Deus éxi-
gat,

Alta mente vides, jam-
que tuum ferox

Pectus lancea vul-
nerat.

Quo te cumque, senex,
jussa ferant Dei,
Sponsam cum púero,
nec mora, dirigis;
Alto tuque mones,
Christe, siléntio,
Quid natos decet in
patres.

Insúdas óperi, pauper
et indigus,

Templo qui próceres,
Sermo Patris, doces;

Tot secréta tegis fronte
modéstia,

Quæsitó, licet ár-
biter.

Per Christum Púerum,
máxima laus Patri:

Per Matrem, próprio
máxima Fílio:

Per Sponsum, tibi laus
máxima, Spíritus:

Per Tres, glória sit
Tribus. Amen.

✱. Verbum caro factum
est, allelúia. *R.* Et ha-
bitávit in nobis, alle-
lúia.

ad Magnificat, Añd.

Joseph, Fili David,
noli timére accípere
Mariám cónjugem tuam:
quod enim in ea natum
est, de Spíritu sancto
est; páriet autem filium,
et vocábis nomen ejus
Jesum, allelúia.

Oratio.

DEUS, qui salútis æté-
næ, per sanctíssi-
mam Familiam, Jesu,
Mariæ, Joseph, humáno
géneri præmia præsti-
tisti: tribue quæsumus:
ut in qua vitæ Auctórem
nobis símilem foris
agnóvimus, per eam in-
tus reformári mereá-
mur. Per eúmdem.

Comm. Dom.

*Ad Complet. et Ho-
ras.* Glória tibi, Dómine,
qui natus es de Virgine.

*Ad Matutinum, Iovi-
tat.* Allelúia, Jesum

Angelórum Dóminum,
paréntibus súbditum,
Veníte, adorémus, al-
lelúia. *Ps.* Veníte.

Hymnus.

NATUM piándo crímini
Missúrus in terras,
Deus,

Natóque Matrem Virgi-
nem,

Sponsúmque Matri pró-
videt.

Hæc illa mortális Trías
Adúbrat ætérrnam, piis
Et æmulans honóribus,
Sancta refert concórdia.

Edícta Regis éxeunt:
Tunc, summe rerum
Cónditor,
Migras, paréntum nó-
mine,

Censendus instar sú-
diti.

Sub noctis incleméntia,
Rigénte, Natum, frí-
gore,

Stringit puélla fáscii;
Joseph adórat Prínci-
pem.

Præsépe, quem tu cón-
tines!

Lux fulget : ales gáudia
Labens Olympo núntiat:
Et pastor, et currit
Magus.

Illíc paréntes éxcubant:
Quid non, tacéndo, fér-
vidis

Intus sonant afféctibus!
Quali minístrant órdi-
ne!

Legále dum cultrum fe-
rens,

Ultro profúndis Sángui-
nem,

Jesum vocant, mox ví-
ctimam

In templa rite déferunt.

Agypte, servas hóspi-
tes,

Reddísque, dum Cælum
monet :

Quos, Christe, præsens
róboras,

Non sors acérba cón-
cutit.

Sit laus Patri, laus
Filio,

Sit par tibi laus, Spí-
ritus,

Quem Christus afflábant
Puer

Simul Deus, paréntibus.
Amen.

In primo Nocturno.

Añā. María péperit Fí-
lium suum primogéni-
tum, et pannis eum in-
vólvit, et reclinávit in
præsépío, allelúia.

V. Puer natus est nobis,
allelúia. **R.** Et fílius da-
tus est nobis, allelúia.

De Isaía Prophéta.

Lectio j. Cap. 7.

Et adjécit Dóminus lo-
qui ad Achaz, dicens:
Pete tibi signum a Dó-
mino Deo tuo in pro-
fúndum inférni, sive in
excélsum supra. Et dixit
Achaz : Non petam, et
non tentábo Dóminum.
Et dixit : Audíte ergo
domus David : Numquid
parum vobis est molé-
stos esse homínibus, quia
molésti estis et Deo
meo? Propter hoc dabit
Dóminus ipse vobis si-
gnum. Ecce virgo concí-
piet, et páriet Fílium,
et vocábitur nomen ejus
Emmánuel. Butyrum et
mel cómedet, ut sciat
reprobáre malum, et
eligere bonum.

R. Verbum caro factum
est, et habitávit in no-

bis. ^c Et vidimus glóriam ejus, glóriam quasi Unigéniti a Patre, plenum grátiae et veritátis, allelúia, allelúia. [★] Quotquot autem receperunt eum, dedit eis potestátem filios Dei fieri. Et vidimus.

Lectio ij. Cap. 11.

Egrediétur virga de radíce Jesse, et flos de radíce ejus ascéndet. Et requiescetsuper eum spíritus Dómini, spíritus sapiéntiae et intellectus, spíritus consilii et fortitúdinis, spíritus sciéntiae et pietátis, et replébit eum spíritus timóris Dómini. Non secúndum visiónem oculórum judicábit, neque secúndum auditum aurium árguet: sed judicábit in justítia pauperes, et árguet in æquitáte pro mansuétis terræ, et percútiet terram virga oris sui, et spírítu labiórumsuórum interficiet ímpium. Et erit justítia cingulum lumbórum ejus, et fides cinctórium renum ejus.

^R. Missus est Gábriel Angelus ad Mariám Virginem desponsátam Jo-

seph Ave Mariá, grátia plena: Dóminus tecum: ecce concípies, et páries Deum páriter et hóminem. ^c Ut benedícta dicáris inter omnes mulieres, allelúia. [★] Páries quidem filium, et virginitátis non patiéris detriméntum: efficiéris grávida, et eris mater semper intácta. Ut benedícta dicáris inter omnes.

Lectio iij. Cap. 62.

PROPTER Sion non ta-
cébo, et propter Jerúsalem non quiescam, donec egrediátur ut splendor justus ejus, et salvátor ejus ut lampas accendátur. Et videbunt Gentes justum tuum, et cuncti reges inclytum tuum: et vocábitur tibi nomen novum, quod os Dómini nominábit. Et eris corona glóriæ in manu Dómini, et diadéma regni in manu Dei tui. Non vocáberis ultra Derelicta: et terra tua non vocábitur ámplius Desoláta: sed vocáberis Volúntas mea in ea, et terra tua Inhabitáta, quia complácuít Dómino in te: et terra tua in-

habitabitur. Habitabit enim júvenis cum virgine, et habitabunt in te filii tui. Et gaudébit sponsus super sponsam, et gaudébit super te Deus tuus. Super muros tuos Jerúsalem constitui custódes, tota die et tota nocte in perpetuum non tacébunt.

R. Cum esset desponsata Mater Jesu, María, Joseph, ántequam convenírent, inventa est in útero habens de Spíritu sancto. * Joseph, fili David, noli timére accípere Mariam cónjugem tuam : Quod enim in ea natum est, de Spíritu sancto est, allelúia, allelúia. **✱.** Páriet autem filium, et vocábis nomen ejus Jesum. Joseph. **G**loria Patri. Quod enim in ea natum.

In secundo Nocturno.

Añá. Postquam compléti sunt dies purgatiónis Mariæ, tulérunt Jesum in Jerúsalem paréntes ejus, ut sisterent eum Dómino, allelúia.

✱. Ave María, grátia plena, allelúia. **R.** Dóminus tecum, allelúia.

Sermo sancti Bernárdi, Abbátis.

Lectio iv.

Homil. 1. in Laud. Virg. Matris.

QUÆ est hæc virgo tam venerábilis, ut salutétur ab Angelo, tam húmilis, ut desponsata sit fabro? Pulchra permixtio virginitátis et humilitátis: nec mediócri ter placet Deo illa ánima, in qua et humilitas coméndat virginitátem, et virginitas exórnat humilitátem. Sed quanta putas veneratione digna est, in qua humilitátem exáltat fœcúnditas, et partus cónsecrat virginitátem? Audis virginem, audis húmilem. Si igitur virginitátem in María non potes nisi mirári, stude humilitátem imitári, et súfficit tibi. Quod si et virgo et húmilis es: quisquis es, magnus es. Est tamen majus áliquid quod miréris in María, scilicet, cum virginitáte fœcúnditas.

R. Quem vidistis pastóres? dicite, annuntiáte nobis in terris quis apparuit. Natum vidimus, et choros Angelórum

collaudántes Dóminum, allelúia, allelúia, allelúia. ✠. Dícite quidnam vidistis, et annuntiáte Christi nativitátem. Natum vidimus.

Lectio v.

A sæculo enim non est audítum, ut áliqua simul mater esset et virgo. Quod si et cujus mater atténdas, quo te tua super ejus mirábili celsitúdine ducet admirátio? Nonne ad hoc ut te vídeas nec satis posse mirári? Nonne tuo, imo veritátis judicio, illa quæ Deum hábuit Fílium, super omnes étiam choros exaltábitur Angelórum? Annon Deum et Dóminum Angelórum María suum audácter appellat Fílium, dicens: Fili, quid fecisti nobis sic? Quis hoc áudeat Angelórum? Súfficit eis, et pro magno habent, quod cum sint spíritus ex conditíone, ex grátia facti sunt, et vocáti Angeli, testánte David: Qui facit, inquit, Angelos suos spíritus. María vero matrem seagnóscens, majestátem illam, cui illi cum reveréntia sér-

viunt, cum fidúcia suum nuncupat Fílium. Nec dedignátur nuncupári Deus, quod esse dignátus est. Nam paulo post subdit Evangelista: Et erat, ínquiens, súbditus illis. Quis? quibus? Deus, homínibus: Deus, inquam, cui Angeli súbditi sunt, cui principátus et potestátes obédiunt, súbditus erat Mariæ, nec tantum Mariæ, sed étiam Joseph propter Mariam.

✠. Congratulámini mihi, omnes qui dilígitis Dóminum: ✠. Quia cum essem párvula, pláculi Altíssimo, et de meis viscéribus génui Deum et hóminem, allelúia. ✠. Beátam me dicent omnes generatiónes, quia ancíllam húmílem respéxit Deus. Quia cum.

Lectio vj.

Homil. 2. unde supra.

Et ipse Jesus erat incipiens quasi annórum trigínta, ut putabátur, fílius Joseph. Nec vir ergo matris, nec filii pater éxitit, quamvis certa (ut dictum est) et necessária dispensatióne utrúmque ad tempus et

appellátus sit et putátus. Cónjice tamen ex hac appellatióne, qua (licet dispensatória) méruit honorári a Deo, ut pater Dei et dictus et créditus sit : cónjice et ex próprio vocábulo, quod augméntum non dúbites interpretári, quis et qualis homo fúerit iste Joseph. Simul et meménto magni illius quondam Patriárchæ vénditi in Ægypto, et scito, ipsíus istum non solum vocábulum fuisse sortitum, sed et castimóniam adéptum, innocentiam assecútum et grátiam. Non est dubium, quin bonus et fidélis homo fúerit iste Joseph, Mater cui desponsáta est Salvatóris. Fidélis, inquam, servus et prudens, quem constituit Dóminus suæ Matris solátium, suæ carnis nutritium, solum dénique in terris magni consílii coadjutórem fidelissimum.

R. Fidélis servus et prudens, Quem constituit Dóminus suæ Matris solátium, suæ carnis nutritium, et solum in terris magni consílii

coadjutórem fidelissimum, allelúia, allelúia. **V.** Benedictiónem ómnium Géntium dedit illi Dóminus, et testaméntum suum confirmávit super caput ejus. Quem constituit Dóminus suæ Matris solátium. Gló-
ria Patri. Quem constituit Dóminus suæ Matris solátium.

In tertio Nocturno.

Añs. Ecce Angelus Dómini appáruit in somnis Joseph, dicens : Surge, et áccipe Puerum et Matrem ejus, et fuge in Ægyptum, allelúia.

V. Constituit eum Dóminus domus suæ, allelúia. **R.** Et principem omnis possessiόνis suæ, allelúia.

Lectio sancti Evangélíi secúndum Lucam.

Leccc vii. Cap. 2.

In illo témpore: Ut perfecérunt (paréntes Jesu) ómnia secúndum legem Dómini, revérsi sunt in Galilæam, in civitátem suam Náza-reth. Puer autem crescébat, et confortabá-tur, plenus sapiéntia : et grátia Dei erat in illo. Et réli-qua.

Homilia sancti Ambrósii

Episcopi.

Cap. 2. in Luc.

Lectio viij.

DUÆ sunt in Christo generationes : una est patérna , matérna áltera : patérna illa divínior , matérna vero quæ in nostrum labórem usúmque descéndit. Et ideo quæ supra ætátem , supra consuetúdinem fiunt , non humanis assignánda virtútibus , sed divínis referénda sunt potestátibus. Alibi eum ad ministérium Mater impéllit , hic Mater argúitur , quia adhuc quæ humana sunt , éxigat. Sed cum hic duódecim describátur annórum , illic discipulos habére dicátur ; vides Matrem didicisse a Filio , ne exígeret a validióre ministérium , quæ stupébat in junióre miraculum.

R. Benedictus qui venit in nómine Dómini : Deus Dóminus et illúxit nobis. Allelúia , allelúia.

V. Hæc dies quam fecit Dóminus : exultémus , et lætémur in ea. Allelúia , allelúia. **Benedictio.** Divinum auxilium.

Et venit Náza-reth , et erat súbditus illis.

Quid enim magister virtutis , nisi officium pietatis impléret ? Et mirámur si Patri defert , qui súbditur Matri ? Non utique infirmitatis , sed pietatis ista subjéctio est : attóllat licet sævis emissus látebris cóluber perfidiæ caput , et serpentinis évomat venéna pectoribus. Cum dicit se Filius missum , majórem hæréticus appéllat Patrem , ut imperfectum Fílium dicat , qui potest habére majórem , ut aliénis auxiliis ásseratur eum qui míttitur , indigére , numquid et humano egébat auxilio , ut matérno servíret império ?

R. Ascéndit Joseph a Galilæa , de civitaté Náza-reth , in Judæam , in civitatém David , quæ vocátur Bétlehem : Eo quod esset de domo et familia David , allelúia. **V.** Ut profiterétur cum María desponsáta sibi uxóre. Eo quod Glória Patri. Eo quod esset.

Lect. ix. legitur de

Hom. Dom. iij. post
Pascha.

AD LAUDES,

et per Horas. Añæ.

1. O admirabile com-
mércium! * Creátor gé-
neris humáni, animátum
corpus sumens, de Vir-
gine nasci dignátus est,
et procedens homo sine
sémine, largítus est no-
bis suam Deitátem, al-
lelúia. *Psalm. Dóminus*
regnávit, cum reliquis
de Dñica.

2. Ante lucíferum * gé-
nitus et ante secula,
Dóminus Salvátor noster
in forma servi appáruit,
allelúia.

3. Ecce María * génuit
nobis Salvátorem, quem
Joáñnes videns, excla-
rávit dicens : Ecce
Agnus Dei, ecce qui
tollit peccáta mundi,
allelúia.

4. Benedicite Dóminum,
omnes Angeli ejus, mi-
nistri ejus, qui fácitis
voluntátem ejus, alle-
lúia, allelúia.

5. Joseph * fidélis et
prudens, quem consti-
tuit Dóminus super fa-
míliam suam, allelúia.

Capitulum. Gal. 4.

FRATRES, Quanto tém-
pore hæres párvulus

est, nihil differt a ser-
vo, cum sit dóminus
ómniū : sed sub tutó-
ribus, et actóribus est,
usque ad præfínitum
tempus a patre.

Hymnus.

VERBUM, virgíneo te
génitum sinu,
Te, Christi, cánimus,
Virgo puérpera,
Te, Jósephe, sacram
progéniem regens,
Cujus diceris et pa-
ter.

Regnátor, rútilo lapsus
ab æthere,
Tranquíllus súperis quæ
penetrálibus,
Pacis regna tenet, cón-
dere tum venit,
Imis, quas hábitat,
plagis.

Fortunáta domus, quam
Deus incolit,
Ac cœléstis amor, fons
quoque lúminis,
Quam nullis ágitat cæ-
cus amor malis,
Nec discórdia divi-
dit!

Simplex paupéries hanc
décorat domum;
His et deliciæ finibus
éxulant :
Illic tota Deo glória
pérfrui,
Mundum spérnere,
déspici.

Vos, castra Dei, quo
celer advolat
Cohors aligerum, láu-
dibus æmulis,
Circum tecta sonans
nútibus óbsequens!

O cælo domus áltior!

Non te servitio, légifer,
éximis,

Non divína negas mem-
bra labóribus,

Astrorúmque faber sis
licet, Artifex

Lignis vílibus incu-
bas.

Sacris verba Dei Váti-
bus édita

Exércent ánimos, cán-
dida véritas,

Imples, Christe; jubar
nube, paréntibus,

Excússa, patet ób-
vium.

Quæ virtus rádiat! quæ
sapiéntia!

Qualis mellífluis grátia
vócibus!

Quæ morum grávitás!
quam venerábiles

Progréssus hóminis
Dei!

Per Christum Púerum
máxima laus Patri:

Per Matrem, próprio
máxima Fílio:

Per Sponsum, tibi laus
máxima, Spíritus:

Per Tres, glória sit
Tribus. Amen.

V. Vidérunt omnes fines
terræ, allelúia. **R.** Sa-
lutáre Dei nostri, alle-
lúia.

Ad Benedictus. Añá.
Puer Jesus crescébat et
confortabátur, plenus
sapiéntia, et grátia Dei
erat in illo, et erat súb-
ditus illis, allelúia.

Oratio.

Deus, qui salútis ætér-
næ, per sanctíssi-
mam Famíliam, Jesu,
Maríæ, Joseph, humano
géneri præmia præsti-
tisti: tribue quæsumus;
ut in qua vitæ Auctórem
nobis símilem foris
agnóvimus, per eam in-
tus reformári mereá-
mur. Per eúmdem.

**Et fit Commemoratio
Dominicæ iij. post Pa-
scha.**

Ad Primam in R. br.
V. Quí natus es de María
Virgine.

Ad Tertiam.
Añá. Ante lucíferum.

**Capit. Fratres, Quan-
to, ut supra in Laudi-
bus.**

R. br. Speciósus forma
præ filiis hóminum.
Allelúia, allelúia. Spe-
ciósus. **V.** Diffúsa est
grátia in lábiis tuis.
Allelúia, allelúia. **Glo-**

ria Patri. Speciósus. ✠. jam non est servus, sed Notum fecit Dóminus, filius. Quod si filius: et allelúia. R. Salutare hæres per Deum. suum, allelúia.

Ad Sextam.

Añā. Ecce María.

Capitulum. Gal. 4.

At ubi venit plenitúdo témporis, misit Deus Fílium suum factum ex muliere, factum sub lege, ut eos, qui sub lege erant, redimeret, ut adoptiónem filiórum reciperémus.

R. br. Benedicta tu in muliéribus. Allelúia, allelúia. Benedicta. ✠. Et benedictus fructus ventris tui. Allelúia, allelúia. Glória Patri. Benedicta. ✠. Post partum Virgo invioláta permansísti, allelúia. R. Dei Génitrix, intercéde pro nobis, allelúia.

Ad Nonam.

Añā. Joseph.

Capitulum. Gal. 4.

QUONIAM autem estis filii, misit Deus Spíritum Fílii sui in corda vestra, clamántem: Abba, Pater. Itaque

R. br. Constituit eum Dóminum domus suæ. Allelúia, allelúia. Constituit. ✠. Et príncipem omnis possessiónis suæ. Allelúia, allelúia. Glória Patri. Constituit. ✠. Glória et divítiae in domo ejus, allelúia. R. Et justítia ejus manet in sæculum sæculi, allelúia.


In iij. Vesperis omnia ut in primis, præter sequentia.


✠. Adorábunt in conspéctu ejus, allelúia. R. Univérsæ familiæ Géntium, allelúia.

Ad Magnificat, Añā.

Propter nímiā charitátem suam, qua diléxit nos Deus, Fílium suum misit factum ex muliere: ut in ipso benediceréntur omnes familiæ terræ, et adoptiónem filiórum reciperémus, allelúia, allelúia.

Et sit Commemoratio Dominicæ iij. post Pascha.





296048

RLiturg

Brev

1853

Author Breviary

Title Breviarum Romanum. Verna.

University of Toronto
Library

DO NOT
REMOVE
THE
CARD
FROM
THIS
POCKET

Acme Library Card Pocket
Under Pat. "Ref. Index File"
Made by LIBRARY BUREAU

UTL AT DOWNSVIEW



D RANGE BAY SHLF POS ITEM C
39 15 14 01 05 001 4